

Digitized by the Internet Archive in 2010 with funding from University of Ottawa

OS!




MEMOIRES

LANGEY.

BELLAY SEIGNEUR DE

Contenans le discours de plusieurs choses avenuës au Royaume de France, depuis l'an M. D. XIII. jusques au trespas du Roy François premier, ausquels l'autheur a inseré trois livres & quelques fragmens des Ogdoades de Mess. Guillaume du Bellay seigneur de Langey son frere.

Oeuvre mis nouvellement en lumiere, & presenté au ROY par Meß. Rene du Bellay Chevalier de l'ordre de sa Majesté, Baron de la Lande, heritier d'iceluy Meß. Martin du Bellay.



PARIS,

A l'Olivier de P. l'Huillier, rue S. Iacques.

Criaviens

I 5 7 1.

AVEC PRIVILEGE DV ROY.

mim (tre doe mathurins

428627

LE LIBRAIRE AV LECTEVR.



en mon epistre liminaire de la premiere edition de ceste histoire, d'autant que ne la vous pouvoy livrer si nette & correcte come j'eusse bien desiré, dure encores à present: car (à mon grad regret) les guerres n'ot cessé depuis, ce qui m'a osté tout moyen de communiquer aux anciens gen-

tilshommes guerriers touchant les noms propres des perfonnes & des lieux dont j'avoy doubté en la premiere edition, & quelque semoce qu'aye faicte aux lecteurs par mon epistre liminaire de m'envoyer les corrections des nos propres qui seroyent de leur cognoissance, si peu m'en ont esté apportées, que suis en plusieurs endroits de ceste seconde edition demeuré aussi incertein comme au paravant. C'est pourquoy avec vostre bonne grace j'oseray vous reiterer la mesme semonce: afin que je puisse (comme j'espere) bientost vous sournir la troissesme edition si parsaicte & accomplie, que le Dieu de reprehension n'y trouve que redire.

CSP DC 113 A3D19 1571



AV ROY.



IRE, en visitant la librairie que deffunct monsseur de Langey mon beau-pere m'a laissée, je su emerveil lé, come un tel personnage occupé au service des Rois voz ayeul et pere; et de son naturel addonné aux armes, contre la coustume de ceux qui sont de pareille inclination, s'estoit garny d'un si grand nobre de liures, come il les avoit ainsi disposez par

ordre & cottez de marques Et additions pour le secours de sa memoire. Toutes fois me souvenat de ce que j'avoy ouy dire de la nour riture, qu'il eut avec deffunts mesire Guillaume du Bellay, Et mo sieur le Cardinal du Bellay ses freres (desquels la memoire durera à jamais, pour avoir esté au rang des plus excellens de leur temps aux armes et aux lettres)ie pensay que ceste nourriture pouvoit estre la cause qui l'avoit ainsi redu amateur des livres, & soigneux d'en fournir si bien ceste sienne librairie:en laquelle recherchat par apres plus curieusement ce qui y estoit de rare Et singulier, j'arrivay sur quelques volumes escrits la plus part de la main d'iceluy, lesquels ayat leuz à loisir, trouuay estre une belle histoire des choses avenues de son teps en vostre Royaume et pais circomvoisins, laquelle toutes fois par modestie, il voulut seulement appeller Memoires, estimant (comme je croy) que le titre de l'histoire emportast quelques ornemens d'eloquence, plus grands qu'il ne pensoit y estre employez :où bien qu'il eut proposé ne la faire imprimer, mais la laisser en ceste librairie comme annales privées & particulieres pour nostre maison du Bellay. Et de faict le doute que telle sust sa volonté, m'a retardé depuis dix ans qu'il est decedé, de faire imprimer ceste histoire jusques à maintenant qu'estant avec le desir que j'en avoy invité par les honneurs qu'il pleut nagueres à V.M. me departir, à chercher les moyens de luy faire service, j'ay estimé qu'outre ce que m'y suis tous jours efforcé depuis que je commence à à porter les armes, et mesmes aux guerres dernieres sous la charge

de MONSIEUR, encores feroy chose à elle agreable, si je tiroy ces livres du tresor de nostre maiso, pour les mettre en lumiere, sous la protection de V.M. par ce qu'estat icelle curieuse de toutes choses louables, mesmemet de la lecture des hauts faits d'armes, stratagemes, & actes des vertueux Princes, ce luy seroit un singulier plaisir, de cognoistre come son ayeul le grand Roy Françoys, s'est maintenu en son estat, s'est dextrement tiré des dangers où il estoit tobé, s'est magnanimement porté en adversité, & modestement en felicité: j'ay pensé aussi que les ancies capitaines qui vous restent de son temps, recevroyent quelque soulagement en leur vieillesse, se voyas nomez, aux discours des guerres où ils ont esté, & s'y recognoissans quasi comme feit Enée en la peinture qu'il trouva dans le temple de Iunon à Cartage. Pareillement que ce seroit un vehement aiguillo pour emouvoir à vertu les jeunes seigneurs de vostre cour d'y rencontrer souvent le nom de leurs peres: d'autant que les exemples domestiques ont trop plus de force, pour encourager la jeunesse à bien faire que ceux qui sont recueillis des estragers. Bien est vray qu'il se treuve plusieurs histoires escrites du mesme temps mais outre que ceste cy cotient plusieurs discours qui n'estoiet encores divulguez, elle a cest avantage, de n'avoir aucune crainte que les ges de guerre en la lisant diet un mot qui leur est familier, c'est que l'autheur en parle come un cler d'armes. Ala verité il siet bien à chacun de traitter de l'affaire auquel il est versé; c'est pourquoy les histoires de Thucydide ont esté entre les Grecs en plus grand prix, que celles de Theopompe Et d'Ephore, par ce que ceux cy estoyet Philosophes ou orateurs, mais luy avoit eu plusieurs char ges en la republique d'Athenes, en paix et en guerre, dot le jugemet qu'on apperçoit par ses discours, porte suffisant tesmoignage. On dit à ce propos la proprieté Et nayfreté des commentaires que Iules Cesar a faicts avoir esté trouvée telle par Ciceron, qu'il estima impossible d'y adjouster ny diminuer: consideré que Cesar avoit escrit des affaires de guerre en home qui l'entendoit fort bien.Il y a eu en nostre nation peu de capitaines qui ayent daigné mettre la main à la plume, pour escrire ce qu'ils avoient faict ou veu faire, mais quand il s'en est trouvé, leurs escrits ont esté preferez, à toutes autres chroniques du mesme temps:tesmoins en sont les histoires du seigneur de Ionville, l'un des Barons qui accopagna le Roy S. Loys aux guerres d'outre-mer :celles de Meßire Olivier de la Marchk, & sur toutes celles de Mcsire Philippes de Commines, lesquelles depuis leur venue en lumiere n'ont manqué sous le cheret, ou pour le moins das le cabinet des seigneurs Et capitaines de ce Royaume qui ont en le bie de leur patrie, et leur advacement en quelque re-

commendation. Ie ne feray comparaison de ceste histoire à celle de Messire Philippes de Commines, par ce qu'apartenant de si pres à l'autheur seroy estimé juge recusable: bie diray ce que chacu m'accordera, que mosseur de Lagey n'a eu moins de charges et honeurs en vostre Royaume, et que son stile, son discours, ses termes le mostrent bien versé aux affaires dont il escrit : outre ce qu'en luy on peult remarquer autat de scavoir et d'eloquence: aussi estoit il nay en un siecle bien fort lettré, et ne se trouverra au par sus moins diligent d'escrire la pure verité de ce qu'il a veu et cognu. Il me souviet luy avoir ouy dire maintes fois (lors qu'il detestoit les mensonges & adulations d'aucuns Historiographes de son teps) que ceux qui escrivoient faux en histoire, devoient estre punis au double des faux tesmoins: Et avoit raison d'ainsi le dire: car bie que l'histoire ne soit autre chose qu'un tesmoignage de ce qui s'est passé en chacun siecle la consequece de la fauceté d'icelle est d'autant plus grande, qu'elle ne circo vient un juge au dommage de quelques particuliers, come le faux tesmoignage, mais abuse ceux du teps present, et la posterité qui recevrot par ce moye le faux pour le vray, estat en ce faisant l'honneur desrobé à qui il appartiet, Et donné à qui ne le merite. Feu mosseur de Langey s'est bie gardé de tober en ce peché, car come il ne cele les actes louables d'auguns soyent des nostres ou des estragers: außi il ne s'espargne à remarquer leurs fautes, parlat neatmoins reverement des Princes & seigneurs qu'il a deu respe-Eter: Et descrivat leur desseins & executios, ne le fait selo le bruit qui couroit à l'heure, bie souvent faux et variable, mais come il les avoit apris, ou pour s'y estre trouvé, ou par les plus certains advertissemes qu'è recevoit le Roy vostre ayeul, duquel il estoit aimé & favorisé come il seroit encores de V.M. (Sire)s'il vivoit selo la cou stume d'icelle d'estre bie affectionée en l'édroit des homes vertueux qui se sont de bo cœur et heureusement employez à faire service à ses predecesseurs. Mais puis que Dieu n'a permis qu'il ait vescu jusques au temps qu'il peust estre cogneu à V.M. elle le cognoistra parses escrits, et ceste faveur que pour celuy voudroit faire s'il vivoit, la cotinuera V. M.s' il luy plaist en l'édroit de ceux qui portet le no & les armes du desfunct, et qui luy sont heritiers non tat de ce qu'il a laisé, que de la volonté qu'il avoit d'exposer ses biens & sa vie pour le service de V.M.que Dieu vueille maintenir en pro-Sperité et felicite.

Vostre treshumble serviteur & subject, voué à vous obeir & reverer à jamais Rene du Bellay, Baron de

la Lande.

ADVERTISSLMENT AV Letteur.



N c o R E s que la table qui est à la sin de cest œuvre, peust aucunement relever de peine ceux qui voudroient sans le sueilleter, trouver facilement les discours qu'ils cherchent : toutessois pour leur mettre plus promptement en veue & quasi comme à descouvert tout le contenu de l'histoire selon l'ordre qu'y a mis l'autheur, nous avons dressé

par l'advertissement de Monsseur de Mesme maîstre des Requestes ordinaire de l'hostel du Roy Conseiller en son privé conseil, & seigneur de Mal-assis (lequel de sa grace a favorizé & avancé ceste edition en toutes choses, singulicrement de plusieurs escrits Latins & François, de Messire Guillaume du Bellay Seigneur de Langey) le sommaire de ces livres en la façon que voyez, qui n'eust à nostre jugement pen estre acourcy sans obscurité: & eussions d'avantage à l'ayde d'iceluy Seigneur de Mal-assis enrichy l'œuvre de notes dignes d'estre leues, recueillies d'un grand nombre de livres rares & exquis, dont est garnie sa fameuse librairie, si ceste seconde impression n'eust autant esté precipitée que la premiere, par l'importunité assidue de plusieurs qui desirent veoir l'histoire en l'umière.



E Roy Loys douziesme s'efforcant recouvrer son Duché de Milan qu'il avoit n'agueres perdu, y envoye monsieur de la Tri mouille avecques armée qui est defaicte à Novare par les Suisses: lesquels poursuivans leur victoire passent les monts &

viennent assieger Dijon, pendant que d'au tre costé Maximilian & le Roy Henry d'Angleterre gaingnent la bataille surnommée des Esperons, prennent Terouenne & Tournay: puis le Roy se pacifie avecques les Suisses & Anglois, espouse la sœur du Roy d'Angleterre, marie sa fille au Duc d'Angoulesme François, & meurt preparant une forte armée pour le recouvrement de Milan. Ce Duc François luy succede, poursuit ceste entreprinse & en vient à chef, ayant vaincu les Suisses à Marignan. Par apres les guerres se commencent entre luy & l'Empereur Charles le quint, à loccasion de Henry d'Albret & de Robert de la Marchk pretendans l'un le Royaume de Navarre, l'autré la souveraineré du Duché de Bouïllo. Le sieur d'Asperrault pour Henry d'Albret gaingne & pert en peu de temps le Royaume de Navarre, pareille fortune advient à Robert de la Marchk au Duché de Bouillon, l'Empereur envahit ce Royaume par le païs de Champagne, prent Mouzon & assiege Mesieres en vain. Le Roy pour revanche l'assault en Artois & Haynault, luy presente la bataille pres Vallanciennes & prent Hedin: l'Anglois moyenne la paix entre eux qui ne se peult conclurre pour les nouvelles de la prinse de Fontarabie que feit pour le Roy, le sieur de Bonnivet: peu apres les Flamens prennent Tournay par un long siege, l'estat de Milan dont le Roy estoit paisible, se trouble à la suscitation du Pape Leon.

ã iiij

Es armées du Pape & de l'Empereur conduictes par Prospere Colonne, chassent soubs le nom de Francisque Sforce, les François de la plus part du pais Milannois, en estant gouverneur monsieur de Lautrec, auquel le Roy envoye secours, qui fut inutil par faulte de solde, dont s'ensuivit la roupte de la Bicoque, la perdition du Duché de Milan & de Genes: ce pendant Adrian est creé Pape par la mort de Leon. Charles de Bourbon prent le party de l'Empereur, ce qui rompit la deliberation qu'avoit faicte le Roy de passer les monts pour recouvrer Milan: toutes fois en son lieu y envoye monsieur de Bonniver, avecques forte armée, qui y fut aussi ruinée par faute d'argent & de refreschissement, aussi mal se portent les affaires en Picardie ou les Anglois & Bourguignons entrent bien avant, y bruslent Mont didier & Roye, & de mesmes en Biscaye où les Espagnols reprennent Fontarabie. Pareille incommodité eust receuë la Bourgoilgne de l'armée du Comte Guillaume si monsieur de Guise ne l'en eust repoussé: aurant estoit affligée la Provence de l'armée de Charles de Bourbon & du Marquis de Pesquaire qui estoit devant Marseille, lesquels neantmoins sont contraincts se retirer pour crainte d'une grande armée que le Roy dressoit, avec laquelle il passe les monts, reprent Milan, & plusieurs villes: puis assiege Pavie où se donna la bataille, en laquelle il fut pris.

Sommaire du cinquie sme.

Estant le Roy François prisonnier en Espagne, la Duchesse d'Angoulesme sa mere prent le gouvernement du Royaume, pourvoit sagement à la dessence d'iceluy, & appaise l'Anglois qui vouloit faire la guerre en Picardie. Les freres du Duc de Lorraine dessont pres Saverne un populasse d'Allemagne mutiné contre la noblesse. Le Roy devient malade à Madril, qui sut cause que l'Empereur entendit à sa delivrance, moyennant l'hostage de ses ensans, & autres conditions qui ne surent entretenues, comme iniques. Rome est saccagée par les Imperiaux, où sut tué Charles de Bourbon. Il se faich une grande ligue pour chasser les Espagnols d'Italie: Lautrec y est envoyé avec armée lequel prent au prosit de Francisque Sforce, plusieurs

villes du Duché de Milan: estoit sur le poinct de gaingner le reste, s'il ne sust contrainct d'aller au secours du Pape Clement, oppressé par les Espagnols, lesquels en sont destournez par l'entreprise qu'il faict sur le Royaume de Naples: poursuyvant laquelle devient maistre de toutes les villes du Royaume, sors de Mansredone, Gayette, & Naples la cité, où il met le siege, mais la peste ruine son camp, dont il meurt avecques la plus patt de ses gens. André d'Orie se revolte, aussi faict la ville de Genes. La paix se traitte à Cambray entre le Roy & l'Empereur, par ce moyen sont delivrez les ensans de France, & le Roy espouse la sœur de l'Empereur, lequel peu apres passe en Italie, se faict couronner à Rome, & contrainct les Florentins par un long siege de changer le gouvernement de leur Republique.

Sommaire du quatriesme.

E Roy François ne se pouvant contenter des conditios tigoureuses du traitté de Cambray, se fortisse d'alliances en Allemagne, Angleterre, & Italie, toutesfois la Royne Aleonor s'efforce de l'entretenir en amitié avecques l'Empereur, & les faire entrevoir. Le Roy Iean de Hongrie demande secours d'argent au Roy qui luy est accordé. L'Empereur d'autre part presse le Roy de luy ayder à faire la guerre aux Turcs, dot il est refusé, sinon que ce fust pour la deffence d'Italie. Le Duché de Bretagne par le consentement des estats du païs s'unit à la couronne de France. concile universel est mis en termes entre les Princes Chretiens. Merveille gentilhomme Milanois est faict inhumainement mourir par le Duc de Milan, combien qu'il fust par devers luy ambassadeur pour le Roy, lequel s'en ressenit, de sorte qu'il estoit prest luy faire la guerre, si la vengence ne fust prevenuë par la mort de ce Duc. Monsieur l'Orleans espouse Catherine de Medicis à present Royne nere du Roy. Les Ducs de Wittemberg sont restituez en eurs estats (qu'occupoit le Roy Ferdinand) à l'aide des Princes d'Allemagne practicquée par le seigneur de Langey, à laquelle le Roy contribuoit d'argent. Les Legionnaires sont instituez en France, & commence à se descouvrir a haine que le Roy portoit au Duc de Savoye.

Sommaire du cinquicsme.

La mort du Duc Francisque dernier de la race des Sforces, donna juste occasion au Roy de demander à l'Empereur le Duché de Milan: ce pendant pour s'y apprester le
chemin se saisse de Savoye & Piemont, prenant occasion sur
le droit qu'il y avoit à cause de sa mere. L'Empereur retournant du voyage de Tunis, entretient les ambassadeurs du
Roy en esperance qu'il luy restitueroit le Duché de Milan,
asin d'avoir loisit d'apprester ses forces pour oster le Piemot
au Roy, & venir en Provence, mais premier que sy acheminer, il faict plusieurs harangues & protestations publiques
contre le Roy, en presence du Pape & des Cardinaux à Rome, ausquelles le Roy envoye sa response par escrit.

Sommaire du sixiesme.

EMPEREUR dresse une grande & forté armée de plu sieurs nations pour assaillir ce Roys ume par la Proven ce, les François l'arrestent quelque temps en Piemont devant Fossan, qu'ils sont en sin contraincts rendre par composition les ayant trahiz le Marquis François de Salusses, que le Roy avoit ordonné son Lieutenant en Piemont ce faict l'Empereur tient conseil, harangue ses gens, se promet avoir grandes intelligences en France, & tourne la teste de

son armée vers Nice pour entrer en Provence.

Sommaire du septiesme. омм в l'Empereur facheminoit en Provéce, il haste Jon chemin de deux journées pour arriver sur les confins de France à la feste de S. Iacques, par-ce que au mesme jour de l'an precedant il avoit prins en Affrique, & conquis en peu de téps le Royaume de Tunis, aussi q les Fspagnols tiennet ce Sainct pour leur patron, affectant par-ce moyen un presage du succes de son entreprinse : de là prent occasion de harangner ses soldats: ce pendant les François sont le guaît en Provence pour affamer son armée : d'un costé le seigneur d'Humieres pourvoit à la desfence du Dauphiné, d'autre on met fortes garnisons à Marseille & à Arles, mon sieur le Grand-maistre de Montmorency dresse un camp à Avignon, & le retranche de fossez. Le Roy en assemble un autre à Valence. Les sieurs de Montejan & Boisy sont defaicts à Brignolles. Les Bourguignons affiegent Peronne, le Dauphin François decede au grand regret de tous. Le Comte Rangon & les autres pensionnaires du Roy en Italie assemblent une armée de laquelle ils guerroyent les Genevois & Imperiaux en Piemont. L'Empereur sejourne à la ville d'Aix, qui estoit abandonnée, & faict mine de vouloir assieger Marseille & Arles, les païsans de Provence detroussent les biscuits qui venoyent de Piemont en son camp.

Sommaire du huictiesme. E camp de l'Empereur en Provence, est affligé de famine & de peste, à ceste cause se retire vers la marine, où il reçoit quelque refraischissement par les galleres d'André d'Orie, de là il s'escoule par où il estoit venu. Les Bourguignons apres avoir faict grand effort de prendre Perone, au mesme temps se retirerent, le Roy visite & recoforte son peuple de Provence & sentent plus au long le discours de ce qu'avoit fait l'armée de Rangon en Italie. Estant le Roy à Lyon, se donne jugement contre l'empoisonneur du Dau phin François. Le Roy d'Escosse y arrive & est fiancé avec madame Magdelene fille du Roy. Les seigneurs de Burie & de Tais sont deffaicts en prenat Cazal de Montserat. Le Roy poursuit l'Empereur en la cour de Parlement en qualité de Côte de Flandres d'Artois & de Charolois, & l'an ensuivat il entre au païs d'Attois & prét Hedin, S. Pol, Liliers & S. Venant, peu apres les Bourguignos reprénent S. Pol 2vec grad meurtre de Fraçois gaignet Motreul sur mer, assiegent Terouënne, deffont Mosseur d'Annebault en la secourant,& come monsieur le Dauphin Henry entreprenoit de lever le siege, se faict trefve pour peu de temps, par le moyé de la Royne de Hogrie, les affaires de Piemont se portent diversemet, à l'occasion des querelles de Rangon & Caguin de Gonzague, le sieur de Humieres y est envoyé Lieutenant pour le Roy avec des Lansquenets, & assiege pour neat Ast, prent Albe, fortifie Queras, puis son armée se mutine, à faulte de payement, parquoy est contrainct se retirer. Le Marquis du Guast demeure par ce moyen maistre de la capagne, reprent plusieurs villes sur les François, & les tient en serre, de sorte que le Roy est persuadé d'aller au secours les ennemis luy veulent empescher le pas de Suze, monsieur de Montmorency le force. Monsieur le Dauphin Hery presente la bataille au Marquis duGuast & recouvre partie de ce qui estoit perdu. Il se faict trefve de trois mois entre le Roy & L'Empereur, laquelle est par apres prorogée pour dix ans, en leur entreveuë à Nice. Monsieur de Montmorency est faict Concstable. L'Empereur passe par France en amy, pour aller chastier les Gantoys. Le Duc de Cleves espouse la fille du Roy de Navarre, le mariage toutes fois n'est consommé. La famine survient en Piemont, contre laquelle est sagement pourveu par le seigneur de Langey, qui y estoit Lieutenant pour le Roy.

Sommaire du neuficsme. E bon traittemét qui fut faict à l'Empereur passant par France, aliena la volonté de ceux qui en estoyent contederez en haine de luy, & si ne peult de rien servir pour le faire accomplir les promesses qu'il avoit faictes de restituer Milan: encores se descouvrit mieux la haine qu'il portoit au Roy, par l'assassinat des seigneurs Rincon & Fregoze ambassadeurs pour le Roy, pour la végence duquel se ropt la trefve de Nice. Monsieur le Dauphin Henry assiege Parpignan, monsieur d'Orleans conqueste le Duché de Luxébourg, qui ne fut longuemeut gardé, le seigneur de Langey soustient les effors du Marquis du Guast en Piemont, luy suborne six mille Italiens, & parce moyen le faict quitter la campagne, noz gens y gaignent quelques villes par les intelligences qu'y avoit le seigneur de Lagey: puis mosieur d'Annebault vient Lieutenant du Roy en Piemont, assiege pour neant Cony, ayant par mauvais conseil rompu les desseins du seigneur de Langey, lequel retournant en France, meurt à Tarare au grand regret des gens de letres & d'experience. Martin du Bellay son frere estant demeuré gouverneur de Turin, essargit son ressort par la prise des lieux de Bony, Catillon, & S. Raphael. Monsieur d'Annebault repassant les monts est surpris de la tourméte sur le mont Cenys, & y pert plusieurs de sa suitte, entre autres le sieur de Carrouges, & luy mesme à peine en eschape. Les Rochelois s'estans revoltez obtiennent pardon au Roy. Martin du Bellay descouvre plusieurs intelligences des Imperiaux en Turin, & en faict punir les trahistres : estant apres luy mosseur de Boutieres gouverneur de la ville de Turin Cesar de Naples fault à la surprendre, une fois par escalade, & l'autre avec des chartées de foing. Monsieur de Vendosme dresse en Picardie plusieurs courses & entreprises sur l'ennemy, avitaille Terouenne, prent Liliers & le ruine.

'Anns e ensuyvant, le Roy faict la guerre en Hai-nault, guaste le terrouër d'Auguste ques forts & chasteaux. Monsieur de Vendosme prent Bapaulme sans le chasteau. Landrecy que les Bourguignons abandonnerent, fut trouvé commode pour estre fortifié: à ceste cause le Roy pour en favoriser la fortification tient longuement un camp à Marolles: ce-pendant Maubeuge & Emery sont prises par monsieur le Dauphin Henry, mais il fault à prendre Bains pour n'avoir moyé d'y camper plus de deux jours. Monsieur d'Anguien pert quatre galleres, cuidat predre le chasteau de Nice, abusé de ce que le sieur de Grignan gouverneur de Marseille y pensoit avoir intelligence. Monsieur d'Orleans prent pour la seconde fois Arlon & Luxembourg. Peu de temps apres estant à peine fortifié Landrecy, l'Empereur l'assiege le deffendans la Lande & d'Hessé: ce pendant le Prince de Melphe avitaille Luxembourg à grande difficulté. Aussi est Landrecy refreschy de ges & de vivres à la faveur de l'armée du Roy y estant en personne, parquoy l'Empereur leve le siege & bastist une citadelle à Cambray pour l'opposer à Landrecy. Barberousse prent la ville de Nice: assiege pourneant le chasteau, le Marquis du Guast venant au secours prent Mondevis, & Carignan qu'il fortifie. Le sieur de Boutieres lieutenant pour le Roy en Piemont prent S. Germain, mais il est blasmé d'avoir laissé fortifier Carignan sans l'empescher, pour l'importance dont il estoit à la campagne du Piemont. Le Roy envoye en son lieu monsieur d'Anguien, qui prent Cressentin Palezol & Desane & assiege Carignan le Marquis du Guast le veult secourir, dont vint l'occasion de la bataille de Serizolles, apres laquelle Carignan & plusieurs villes en Piemont & Moniferat furent prises par noz gens. L'Empereur & le Roy d'Angleterre courroucez de ceste victoire assaillent la France de deux pars. Le Roy d'Angleterre assiege Boulongne, & la prent par la faute du gouverneur. L'Empereur prent Luxembourg, Ligny & Sadizier, vient jusques à Espernay, puis toutne vers Picardie, & accorde la paix au Roy, le laissant en guerre avecques l'Anglois: contre lequel le Roy tourne ses forces de mer, & de terre. Monsieur le Dauphin prent & pert en un moment la basse Boulongne, le fort d'Outreau se dresse pour arrester les courses des Anglois, qui sont dessaits par les nostres en plusieurs rencontres. L'Amiral d'Annebault avecques grand nombre de galeres & navires ne pouvant attirer sur mer les Anglois au combat pigle leur coste. La paix se faict avecques le Roy d'Angleterre, lequel peu apres va de vie à trespas, le Roy François n'arreste gueres à le suyvre, & decede à Rambouillet mille cinq cens quarante & sept.

EXTRAICT DU PRIVILEGE.



A R grace & privilege du Roy il est permis à Pierre l'Huillier, Libraire en ceste université de Paris d'imprimer ou faire imprimer vendere & distribuer un livre intitulé, L E S M E-MOIRES DE MESSIRES MARTIN &

Guillaume du Bellay. &c. & deffenses à tous autres de quelque estat & qualité qu'ils soient d'imprimer ou faire imprimer, vendre ny distribuer ledict livre sur peine de consiscation desdicts livres & d'amènde arbitraire, comme appert plus amplement és lettres de privilege, données à Boulongne lez Paris, le seiziesme de Iuillet, l'an de grace, M. D. L'XVIII. de nostre regne le huistiesme.

Signé.

CAMVS.

Et scellé du grand seel sur simple queue de cire jaune.

PREFACE DE L'AVTHEVR.

NTRE ceux qui ont mis la main à la plume pour consacrer à l'immortalité, les choses di-

gnes de memoire, il sen trouve peu qui n'ayét ou trop adjousté à l'exaltatio & magnificece de leurs Princes, ou trop diminué de la gloire des estrangers: & y en a beaucoup qui se sont permis telle licence, d'escrire à lavolée tout ce qui leur toboit en l'esprit, qu'en maints endroits ils nous ont depeint des fables plus q pueriles en lieu d'histoire. Et encores au jourd'huy no voyons quelle foy on doit adjoufter à ceux qui n'ont honte de exposer en lumiere leurs œuvres, ou les choses dont nous avons vraye & entiere cognoissance, sont autrement par eux descrites, qu'elles n'ont esté faictes. Vray est que nous avons assez d'histoirens, qui no moins doctement que diligemmét nous ont descrit en general les hazardeuses entreprinses des guerres, les traittez de paix & d'alliances, les gouvernemens des republiques, les mutatios des Royaumes & Empires, la nature & les mœurs des hommes, les fituations des lieux,& coustumes des villes. Et singulierement Paul Emile & Paul Iove, ont rapporté grande louange en l'histoire qu'ils nous ont laissée, de ce qui est advenu de nostre temps par tout le mode universel (bien que Paul Iove en plusieurs endroits de son histoire, s'est mostré plus partial qu'il ne me semble q deveroit faire un bon historien qui doit escrire la verité sans l'affectionner à l'une ou à l'autre part)mais quant aux particularitez de ce Royaume, & ce qui cocerne les guerres q le feu Roy de tressouable memoire François premier de ce nom a esté contraint soustenir & entreprédre, je n'ay veu home qui se soit employé à les descrire tant amplement & & par le menu, q feu mon frere Messire Guillaume du Bellay seigneur de Lagey, Chevalier de l'Ordre du Roy, & son Lieutenant general en Italie, home de telle vertu & erudition q chacu a cogneu. Lequel avoit coposé sept Ogdoades Latines, par luy mesines traduictes du comandemet du Roy en nostre lague vulgaire, ou lon pouvoit veoir come en un clair miroir non seulemet le pourtraict des occuréces de ce fiecle, mais une dexterité d'escrire merveilleuse & à luy peculiere selo le jugemet des plus sçavas. Toutesfois so labeur nous est demeuré inutil par la malice de ceux qui ont desrobé ses œuvres, voulas ensevelir l'honeur de leur Prince & de leur natio, ou faisas leur copte (peult eltre) qu'à successio

de temps ils en pourtot faire leur prousit, en chageant l'ordre & deguifat un peu le lagage. En quoy la substace pourroit grandemet estre alterée, & la reputatio d'autruy prejudiciée. A raison dequoy il m'a semblé estat quelquesfois en repos des armes, employat mo teps, afin de n'estre reputé oisif(car oissveté est mere & origine de tous vices) ne devoir espargner ma peine & diligence, pour faire publier trois livres q nous restét de sa cinquielme Ogdoade, & les accopagner d'autres sept cotenans plusieurs briefs memoires tat de la paix q de la guerre, dot je puis parler en partie come tesmoing oculaire: car en plusieurs endroits, & deça & delà les mots me suis trouvé en personne, & des autres, ay peu avoir certein advis par ceux q ont esté presens, gens de foy & de fincere jugement, conformant le dire des uns aux autres, & mesines de plusieurs estágers q en parlét sans affectio: ayát esté tousjours soigneux d'entédre en quelle sorte les choses sont passées depuis quarate & deux ans que j'ay comencé à moter à cheval, jusques au trespas dudict feu Roy. Protestat que je ne me suis beaucoup arresté à farder mo ouvrage de couleurs de Rhetorique, aussi n'est-ce pas ma vacatio. Parquoy j'ay dressé mon but à representer & deduire les choses au plus pres de la verité qu'il m'a esté possible, & ne pense avoir aucunemet enrichy la besongne pour vouloir flatter ou taxer autruy. Mais si j'ay d'adventure quelque chose obmise(ainsi qu'il est fort dificile d'avoir l'œil par tout) il me semble q je suis d'autant plus excusable, que moins j'ay esté nourry aux lettres, & q j'ay eu assez peu de loisir & de moyé d'employer le temps à escrire, pour avoir toute ma vie ordinairemet suivy les armes au service de mo Prince. Ce que je prie les lecteurs vouloir mettre en consideration, & recevas pour aggreable ce qu'ils pourrot trouver digne de leur estre presenté, estimerot (fil leur plaist) q je ne seray jamais de l'o pinion de Lucilius home Romain, lequel ne vouloit ses escrits tober és mains des personnes tresdoctes, & moins estre leuz des ignorans, pour autant (disoit il) que les uns avoient plus de cognoissance que luy, & les autres n'y entendoient rien:car j'ay seulement voulu en cecy preparer le chemin à ceux q lont plus sçavás q moy, lesquels pourrot doler cy apres ce q j'ay grossemet elbauché, pour le rediger en stile & lagage plus beau & plus orné, y adjoustat ou diminuant ce qu'ils cognoistrot venir mieux à ppos, afin de coserver à la posterité les faicts vertueux & memorables de nostre téps.



PREMIER LIVRE

DE MESSIRE MARTIN MEMOIRES

BELLAY, S'EIGNEVR DE LANGEY, chevalier de l'ordre du Roy, capitaine de cinquante hommes d'armes de ses ordonnances, & son lieutenant general en ses pais & Duché de Normandie, en l'absence de monseigneur le Dauphin: des choses avenues depuis l'an mille cinq cens & tre Zo qu'il vint à la cour jusques au trespas du Roy de tres-louable memoire FR ANCOIS premier de ce nom.



YANT LE Roy Loys douzielme, apres l'heureuse journée de Ravenne, esprouvé l'inconstance des choses du mode en la perte qu'il feit de son Duché de Milá, il se delibera de chercher tous moyens pour le recouvrer & remettre en ses mains. Et comme Prince non moins prudent que magnanime, y voulut user de la

diligence requise & necessaire en toutes entreprises haultes & de grande consequence. Afin mesmement d'y pouvoir donner ordre, avant que l'ennemy se peust impatroniser des chasteaux de Milan, & de Cremone, qui estoient encores demourez en la puissance des François, estant ca-par le Roy pitaine dedans le chasteau de Milan le Chevalier de Louvain, & dedans le chasteau de Cremone Ianot de Herbouville seigneur du Bunou. A ceste occasion pour secourir lesdictes places, & reconquerir son Duché de Milan, il voulut pourvoir d'un bon chefà la conduicte de son armée, & entre autres choisit messire Loys de la Trimouille comme digne de tenir ce lieu en l'armee qu'il dressa l'an

Ordre donné Loys pour le recouvremět du Duche de Milan.

mille cinq cens & treze apres Pasques, environ le temps que je vin jeune à la cour. Et pour l'accompagner de chefs de guerre bien experimentez & vertueux, depescha avecques luy le seigneur Ican Iacques Trivulce Mareschal de France, & messire Robert de la Marchk seigneur de Sedan, avecques sept ou huict cens hommes d'armes, huict mille avanturiers François, & six mille Lansquenets, soubs la conduite du seigneur de Fleurenges sils aisné dudit messire Robert. Et avoit le seigneur de Sedan inventé un camp de charpenterie qui se trainoit par chariots pour clorre l'armée, si la necessité d'avanture seur survenoit de soustenir une bataille en endroit peu avantageux: toutesfois son invention Mariage de (ainsi qu'entendrez cy apres) fut de grande despense, & apporta peu de prouffit. Surquoy, pour une parenthese, je ne Vedosme arce vueil oublier que les feriez de l'entecouste l'année mesme fut espouzé à Chasteaudun monseigneur Charles Comte de Vendosmois & de Marle avecques madame Françoise d'Alençon vefve du Duc François de Longueville qui deceda au retour du voyage de Guienne, duquel voyage je doy faire mention avant que passer plus outre, car la cognoissance des choses passées donne grande lumiere à l'histoire du present.

Charles de Françoise d'Alengon.

Expedition des Fraçois pour recouvarre.

O R est-il, que peu apres la victoire de Ravenne soubs couleur de l'interdit jetté par le Pape Iules deuxiesme sur tous les Rois qui avoient assisté par leurs ambassadeurs au rer le Roy- concile de Pise, donnant en proye toutes leurs terres & seiaume de Na- gneuries, le Roy Ferrand d'Arragon feignant d'assaillir la France, entra au Royaume de Navarre: & avant que le Roy Iean cust loisir de penser à se deffendre & fortifier, il se trouva dessais des principalles villes qu'il eust en son obeissance, & mesmes de Pampelune, & fut quasi du tout spolié. A raison dequoy le Roy Loys desirant d'entretenir l'alliance & confederation qu'il avoit avec luy, envoya promptement le Duc François de Longueville gouverneur & son Lieutenant general en Guienne, avec une armée pour le secourir & restablir en ce qui avoit esté perdu, & avec luy le Duc Charles de Bourbon: mais estant adverty que lesdits de Bourbon & de Longueville ne s'accordoient gueres bien ensemble, cognoissant que telles divisions peuvent estre cause de grand desordre & confusion en un camp, & bien souvent de faire perdré les batail-

les, depescha monseigneur François Duc de Valois & Cote d'Angoulesme, qui estoit le plus proche heritier de la cou ronne, & lequel depuis a esté Roy, afin de les accorder, & assopir la jalousie qu'ils pouvoient avoir l'un de l'autre. Et lors estant arrivé avec eux, encores que tousjours la principalle authorité demourast au Duc de Longueville, à raison qu'il estoit, comme dit est, gouverneur du pais, il marcha neantmoins jusques au Montjaloux, où la bataille fut presentée aux Espagnols qui estoient à sainct Iean de pied de porc: laquelle ils refuserent, disans leur estre deffendu du Roy de Ferrand de rie hasarder par une seule bataille. Puis apres avoir faict passer Roncevaulx au Duc d'Alve lieutenant general dudit Roy Ferrand, le Duc d'Angoulesme & ladite armée furent contremandez du Roy pour retourner tout court, à l'occasion que le Roy d'Angleterre Henry huictiesme de ce nom, & l'eleu Empereur Maxinxilian, à l'instigation & par la pratique du Pape Iules susdit faisoient grands preparatifs pour assaillir la Picardie, & de faict ils y firent un merveilleux effort. Car iceluy Roy Henry descendit avec une armée de vingt-cinq ou Passage du trente mille hommes de pied & bon nombre de cavalerie, Roy Henry & le plus grand nombre d'artillerie qui avoit passé cent ans huictiesme en au precedat d'Angleterre deça la mer, pour entrer en Fran- France. ce:avecques lequel Roy d'Angleterre se vint joindre ledit eleu Empereur Maximilian & son armée, de sorte que les deux ensemble estoient nombrez à sept ou huict mille chevaux, & quarante cinq mille homes de pied, tant Anglois, Allemans, que Hennuyers, car de Flamens & autres subjets du Prince d'Espagne Charles d'Autrichen'y en avoit aucuns:par-ce que ledit Prince & ses païs estoient en amitié avecques le Roy, à cause que le Roy Dom Philippe son pere en sa mort voyant qu'il laissoit son fils Charles, dont nous ferons cy après mention en ces memoires; aagé seulement de vnze ans, & que le Roy devant qu'il fust en aage, (veu la legereté des Flamens) se pourroit investir des païs bas:pour obuier à ce, il ordonna par testament le Roy Loys xij. son curateur, & le Roy par le consentement des païs, y ordonna le sieur de Chievres de la maison de Croy.

D'ARME E mise ensemble passant pres d'Ardre & de S. Omer vintassieger Terouënne, mais en chemin quelque Siege de Terownne par les Anglois H Imperiaux.

duire l'artillerie furent rencontrez aupres de Tournehan de trois ou quatre cens hommes d'armes des nostres, qui estoient partis de Montreul & Boulongne, où fut gaingné sur eux une double grande coulevrine nommée S. Jean, & en avoit l'Anglois douze portans le boulet de ce calibre nommées du nom des douze Apostres: & y furent dessaits quelques gens de pied qui estoient en ladite conduite. A l'heure de ceste desfaicte estoit le Roy d'Angleterre sur son passage à venir de Calaiz trouver son camp devant Terouënne, lequel faillit d'estre rencontré, mais il se retira dedans S.Omer, auquel lieu le vint trouver l'Empereur Maximilian, & allerent de compagnie au camp. Peu de temps apres les garnisons de Montreul & autres voisines, & entre autres la compagnie de monseigneur de Vendosme conduite, par le seigneur de Mouy, celle du Duc d'Alençon par François de Silly, le seigneur d'Imbercourt, celle du seigneur du Plessis d'Asse, & autres jusques à quatre cens hommes d'armes advertis qu'il devoit partir un grand envitaillement de la ville de Guines pour mener au camp devant Terouënne, l'allerent attendre pres d'Ardres, & ayans rencontré les coureurs des Anglois les chargerent & defeirent : mais la trouppe ne se sentant assez forte se ferma du charroy, ayant farcy toutes les advenues d'archers : de forte que nostre gendarmerie les ayant chargez par plusieurs fois ne les sceut enfoncer à cause dudit charroy, tellement qu'apres avoir long temps combatu ils se retirerent tousjours fermez de leurdir charroy jusques dedans Ardres, qui estoit par nous abandonée, & nous retirasmes à Boulongne ayas perdu beaucoup de gens de bien, & entre autres le sieur du Plessis qui fut frappé d'une sleche par le gousset en levant le bras pour combattre, & y eut grand perte de chevaux de coups de fleches.

Rencotre de François & Anglois pres d'Ardres.

DEDANS Terouënne le Roy avoit ordonné pour ses lieutenans generaux de mesme puissance & authorité deux gentils capitaines, sçavoir est le seigneur de Teligny Sèneschast de Rouergue avecques cent hommes d'armes de la compagnie de Charles Duc de Gueldres dont il estoit lieutenant, & messire Antoine de Crequy seigneur du Pontdormy frere puissé du seigneur de Crequy avec autres cent hommes d'armes de monsseur de la Gruture nou-

vellement decedé, estant lors de son trespas gouverneur de Picardie: & avoit ledit du Pontdormy ladite compagnie en garde: aussi y estoit le seigneur de Sercu ayant charge de cinq cens hommes de pied, le seigneur de Heilly cinq cens, le seigneur de Bournonville cinq cens, le Capitaine Brandhec Aleman cing cens Lanfquenets.

En ce temps environ la feste Dieu fut espouzé à Paris (estant le Roy logé aux Tournelles) Claude de Lorraine Cote de Guise & d'Aumalle avecques Antoinette de Bourbon sœur de Charles Comte de Vendosme, & se feit le ban quet en la maison d'Estapes devant les Tournelles. L'apresdinée desdites nopces furent apportées nouvelles au Roy comme le seigneur de la Trimouille avoit esté rompu de-

vant Novare, & son armée mise à vau de roupte.

I. L. ne sera(ce me semble) impertinent si ie dy un mot en passant des occasions & comment l'armée du Roy avoit esté mise hors d'Italie, pour le recouvrement de laquelle s'estoit faicte ceste entreprise. L'an mille cinq cens huict, le Roy, le Pape Iules, & l'Empereur Maximilian feirent trouver à Cambray leurs deputez, auquel lieu se feit une lique entre eux, & fut concluqu'à frais communs ils devoient chasser les Venitiens hors de la terre ferme d'Italie, les disans usurpateurs de ce qu'ils y tenoient tant sur & de ce que l'Empire que sur le patrimoine de l'Eglise, & sur le Duché en aduint. de Milan. Et pour executer ladite entreprise, fut conclu que le Royavecques son armée, & l'Empereur avecques la sienne, & l'armée du Pape se joindroient ensemble à un jour dit , l'an mille cinq cens neuf, sur les limites des terres des Venitiens. Le Roy sy trouva en personne au jour prefix avecques son armée accompagné des Princes de son sang, mais le Pape & l'Empereur faillirent de leur promesse, car nul ne s'y trouva pour eux, ains au contraire se trouva l'armée de la seigneurie en tel equipage, qu'entre Cassan & Pandin le Roy seul n'ayant nouvelles de ceux de la ligue, leur donna la bataille : laquelle ayant gangnée & pris tous leurs chefs, & vingtmille des leurs ayans esté tuez en ladite bataille, & le chasteau de Pesquaire pris d'assaut, se rendirent entre ses mains toutes les places des Venitiens, sçavoir est Verone, Vincence, Cremone, Creme, Padouë, Bresse, Bergame, & toutes les villes de la Ghiara d'Adde, & aussi les

Mariage de Claude de Lorraine Co te de Guise, avec la sœur de monsteur de Vendosme.

Lique fai-Ele à Cambray entre le Roy, le Pape El l'Empereur Maximılian contre les Venitiens

autres places que tenoient lesdits Venitiens en la terre fer-

me, hots mis deux ou trois.

O R pour-ce que par ledit traitté de Cambray estoit dit qu'il seroit rendu à l'Empereur ce qui estoit de l'Empire, & pareillement au Pape ce qui estoit de l'Eglise: le Roy remit entre les mains de l'Empereur Verone, Vincence, Padoue & les autres places, & entre les mains du Pape Rimini, Faence, Cervie, Ravenne, & les autres terres du patrimoine de l'Eglise. Mais l'année mesme l'Empereur laissa perdre Padoile que les Venitiens reprindrent sur luy par faute d'y avoir bien pourveu, à la reconqueste de laquelle le Roy feit assister à l'Empereur le seigneur de la Palisse avecques quatre cens hommes d'armes François: mais il n'y feit pas bien son prousit ou pour sa negligence, ou autrement. Le Pape & ledit seigneur Empereur se banderent contre le Roy, & dressans leurs armées à frais comus feirent assaillir le Duché de Milan, où ils ne prouffiterent gueres. Car Gaston de Foix Duc de Nemours lieutenant general en Italie l'an mille cinq cens & douze leur donna la bataille à Ravenne le jour de Pasques: en laquelle ils furet rompus & deffaicts, & Ravenne prise d'assault. Mais le Duc de Nemours poursuivant sa victoire, & n'estant suivy pour n'estre apperceu des siens sut tué: parquoy demoura le seigneur de la Palisse Iacques de Chabanes, qui estoit Grand-maistre de France depuis n'agueres par le trespas de messire Charles d'Amboi se decedé l'an precedant, gouverneur & lieutenant general pour le Roy audit Duché de Milan & d'Italie.

LEDIT an mille cinq cens & douze le Pape & l'Empereur encores animez contre le Roy qui estoit leur bienfacteur voyans ledit seigneur Roy avoir separé son armée, susciterent les Suisses soubs le tiltre du seigneur Maximilian Sforce sils du seigneur Ludovic Sforce (qui avoit esté usurpateur du Duché de Milan, mais depuis pris prisonnier par le Roy Loys à qui ledit Duché appartenoit à cause de madame Valentine sa grand-mere, & iceluy Ludovic Sforce estoit mort captif dedans le chasteau de Loches lesquels à l'improviste descédiret audit Duché de Mila:où devar que noz gens cussent le moyé de pourveoir à leurs affaires les spolierent dudit Duché, & en meirent en possessió Maximilia Sforce sils dudit Ludovic: les les Suisses pridrés

en leur protectió, qui estoir cause q le Roy avoit depesché le seigneur de la Trimouille pour récoquerir ledit Duché.

Estant le seigneur de la Trimouille party, & les sournée de Suisses advertis de l'armée laquelle en toute diligence marchoit, envoyerent à messieurs des ligues querir dix mille hommes de secours, attendans lequel & sçachans bien que nostre armée desja estoit entrée en Dauphine, partirent de Milan environ de sept à huict mille hommes pour nous empescher de passer le passedu Suze: mais advertis que desja avions faict telle diligence que nostre armée estoit en la plaine, se fermerent à Novare pour là attendre leur secours, lequel par leval d'Aouste venoit descendre à Ivrée. Le seigneur de la Trimouille de ce adverty les vint assieger dedans ladite ville de Novare sans attendre le rette de son armée qui estoit encores dedans les montaignes, ayant seulement en sa compagnie six mille Lansquenets,& quatre mille hommes de pied François: de gendarmerie, sa compagnie de cent hommes d'armes, celle de monsieur de Bourbon de pareil nombre conduite par le Bastard de la Cliette son lieutenant, messire Robert de la Marchk cent hommes d'armes, le Duc d'Albanie cinquante, le seigneur de S. André cinquante, monfieur de Bussy de Bourgongne cinquante, Iacques le Ieune dit Malherbe cinquante, de la compagnie du Marquis de Montferrat dont il auoit esté nouvellement lieutenant par le trespas du seigneur de la Crotte frere du seigneur du Lude. Avecques ladite armée le seigneur de la Trimouille vint loger pres la ville, où ayant fait furieuse batterie feit bresche raisonnable pour atlaillir, mais il ne fut conseillé d'y donner l'assault pour deux occasions, l'une pour le grand nombre de Suisses qui estoient dedans, lesquels il ne pouvoit forcer sans grande perte d'hommes, l'autre qu'il avoit advertissement que le secours qui venoit de Suisse par le val d'Aouste approchoit d'Ivrée, lequel arrivant apres un sanglant combat & estans frais, eussent peu deffaire nostre armée ruinée audit combat encores qu'elle sust victorieuse. A ces causes leva son camp & marcha pour aller combattre ledit secours avant qu'ils fussent joincts ensemble: & pour cest effectalla loger à deux mille de Novare sur le chemin de Trecas. Dequoy le secours des Suisses adverty, laissant nostre armée à main gauche, la nuict subsequente sans ren-

contre entrerent dedans ledit Novare. Auquel lieu estans assemblez delibererent de sortir pour aller combattre le seigneur de la Trimouille lequel estoit logé mal à propos, d'autant que la gendarmerie ne pouvoit secourir ses gens de pied à cause des canaulx & grans fossez qu'il y avoit entre deux. Aussi le lieu ordonné où la gendarmerie devoit combattre, estoit en un maraiz où les chevaux estoient enfangez jusques au genoil. Et si ne fut faict diligence de fermer le camp qui avoit tant cousté à charier (chose qui eust bien servy pour arrester la fureur des Suisses, attendant le reste de l'armée qui estoit à venir) & disoit on que ceste faute advint pour sauver une cassine estant au seigneur Iean Iacques Trivulce. Qui eust temporisé, le sieur de Tavanes qui estoit ja arrivé à S. Ambroise au val de Suze avec six mille Lansqueners qu'il amenoit que le Duc Charles de Gueldres avoit envoyez au Roy pour son secours, y fust

arrivé à temps.

LES Suisses donques ayans beu chacun un coup sans autre sejour sortirent en campagne: une partie print le chemin à la teste de nostre camp: l'autre partie prenant le chemin à la main gauche, & laissans nostre armée à droitte, vindrent assaillir noz Lansquenets par le costé qui tire vers Trecas, lesquels ne pouvans estre secourus de nostre gendarmerie, & estans en lieu où eux mesmes n'avoient moyen de combattre, furent rompus, & une partie taillée en pieces: & mesmes entre autres le seigneur de Fleuranges leur General, & le seigneur de Iamets son second frere demouterent parmy les morts : dequoy messire Robert de la Marchk leur pere adverty avec cent hommes d'armes dont il avoit la charge tourna la teste droict à l'ennemy, & feit une si furieuse charge qu'en bien combatant vint jusques aux lieux où estoient couchez ses enfans parmy les morts, & chargea l'aisné sur son cheval, & l'autre sur celuy d'un sien homme d'armes: & en despit des ennemis les tira hors du danger, non sans qu'ils eussent des coups infinis tant au visage à la gorge qu'autres lieux. Mais à l'ayde de Dieu & des bons chirurgiens la vie leur fut sauvée. Le seigneur de la Trimouille voyant le desastre tourné sur luy, & estant hors d'esperance, par ce qu'il avoit perdu la force de ses gés de pied, & estoit blesse en une jambe, se retira le chemin de Verceil, & de là à Suze: (chose qu'il feit aisement par-ce

que les Suisses n'avoient aucune cavalerie,) autres des no-

stres se recirerent par le val d'Aouste.

A v mesme temps ayant le Roy faict passer par le de- Armée de stroict de Gibeltar quatre galeres soubs la chatge du ca-mer contre les pitaine Pregent pour resister aux incursions que faisoient Anglois & les Anglois sur la mer de Ponent le long des costes de Nor combat. mandie & Bretaigne: l'Admiral d'Augleterre lequel avoit donné la chasse aux galeres dudit Pregent jusques pres de Brest, fut combatu par lesdites galeres, & fut blessé ledit A. miral qui mourut peu de jours apres. De rechef devant S. Mahé en Bretaigne, le jour de S. Laurens fut combatu par quatre vingts n'avires Angloises contre vingt Bretonnes & Normandes, & estant le vent pour nous & contraire aux Anglois, fut combatu en pareille force: & entre autres le capitaine Primauguet Breton capitaine de la Cordeliere navire surpassant les autres en grandeur, que la Royne Anne avoit fait construire & equipper, se voyant investy de dix ou douze navires d'Angleterre, & ne voyant moyen de se developper, voulut vendre sa mort : car ayant attaché la Regente d'Angleterre, qui estoit la principale nef des Anglois, jetta feu de sorte que la Cordeliere & la Regente furent brussées, & tous les hommes perdus tant d'une part que d'autre.

QVELQVE temps apres le Roy ayant entendu la ne- Refreschissecessité de vivres en laquelle se commençoient à trouver ment de Teceux de Terouënne, pour desja avoir esté assiegez six ou rouënne assiesept sepmaines, delibera de leur faire bailler quelque refres- gée par l'Anchissement, attendant que son armée fust allemblée pour gloss. du tour les aller secoutir. Et desja avoit eu nouvelles que le Duc de Northfolc de la blanche roze, lequel de log temps avoir esté fugirif d'Angleterre, luy amenoir six mille Lansquenets. A ceste cause le Roy avoir mandé au seigneur de Piennes gouverneur de Picardie & son lieutenant general en l'armée qu'il assembloir à Blangy en Ternois pres de He din, de trouver le moyen de faire ledit refreschissement. Le seigneur de Piennes avecques l'opinion des capitaines estans avec luy tels que le Duc Loys de Longueville capitaine de cent gentils-hommes de la maison du Roy, le seigneur de la Palisse Grand-maistre de France, le seigneur d'Imbercourt, le capitaine Bayar, le Baron Beard, messire Emar de Prye, le seigneur de Bonnivet, le seigneur de Bon-

neval, le seigneur de la Fayette lieutenant de la compagnie de l'Amiral de Graville, la compagnie du seigneur Iules de S. Seuerin, le seigneur de Malcbert lieutenant du Comte de Guise de Lorraine, le seigneur de Clermot d'Anjou lieutenant du Duc d'Angoulesme, Nicolas seigneur de Mouy lieutenat de monseigneur de Vendosme, François de Silly Baillif de Caen lieutenant du Duc d'Alençon, & autres capitaines de gens d'armes, avecques le seigneur de Foutrailles capitaine general des Albanois, conclud d'envoyer ledit Foutrailles avecques ses Albanois portant chacun Albanois sur le col de son cheval un costé de lard, & de la poudre à canon, lesquels devoient donner jusques au bord des fossez de la ville, & jetter ledit lard & pouldre en lieu où noz gens à la garde de leur arquebuzerie & artillerie le peussent seurement retirer dedans la ville, & que ce temps pendant ledit seigneur de Piennes & de la Palisse avecques quatorze cens hommes d'armes les suivroient jusques sur le hault de Gui gueguatte pour les soustenir : chose qui fut executée par lesdits Albanois bien & d'extrement. Et estoient allez plusieurs jeunes hommes pour leur plaisir quand & eux qui entrerent dedans pour visiter leurs amis en esperance de res sortir, mais ils n'eurent le moyen. Entre autres y estoient le seigneur d'Anton seul fils de monseigneur de Bouschage, le seigneur de la Rochedumaine, Jean de Mouy seigneur de la Mailleraye, l'escuyer Boucar, la Roche Hesmon, la Roche Sendry & plusieurs autres.

La journée des esperons. A y ans executé ce qu'ils avoiét entreprins, le seigneur de Piennes sut d'advis de se retirer, mais quelques jeunes hommes eurent en vie d'aller recognoistre le camp de l'ennemy, autres pour la grande chaleur qu'il faisoit, (car c'estoit la my Aoust) se voulurent refreschir, ostans leurs habillemens de teste, montans sur leurs haquenées, & buvans à la bouteille, n'ayans esgard à ce que pouvoit faire l'ennemy, & monstrans peu d'obesssance à leur ches : mais ce pendant qu'ils s'amusoient à leur plaisir, l'ennemy ue dormit pas, car il seit partir de son camp quatre ou cinq mille chevaux, & le nombre de dix à douze mille hommes de pied tant Lansquenets qu'Anglois, & sept ou huist pieces d'artillerie de campagne, lesquels passans la riviere du Lis pres de Dellette vindrent attendre noz gens au passage de la riviere qui passe à Huchin, auquel lieu trouvans nostre

cavalerie en desordre, devant qu'ils eussent loisir de monter sur leurs grans chevaux, & prendre leurs habillemens de teste, furent mis en tel desordre qu'il se trouva peu des nostres qui eussent le moyen de combatre, & par-ce que les esperons servirent plus que l'espée, fut nommée la journée des esperons. En ladité roupte furent pris le Duc Loys de Longueville, & le seigneur de la Palisse, (mais il fut recours) le capitaine Bayard, le seigneur de Clermont d'Anjou lieutenant de monsieur d'Angoulesine, les seigneur de Bussy d'Amboyse, & plusieurs autres tant capitaines que soldats.

LE Roy estant à Paris, eut nouvelles de ladite roupte, & par-ce qu'il estoit fort tourmenté des gouttes, se feit porter en une littiere jusques à Amiens, & envoya monsieur d'Angoulesme, qui depuis a esté Roy, son lieutenant general en Picardie trouver le camp à Blangy, par-ce qu'il fut bien adverty que ladite deffaitte estoit advenue pour les partialitez qui estoient entre les chefs de son armée, luy commandant expressément de ne rié faire sans l'advis des vieils capitaines. Lequel prenant l'armée en main delogeant de Blangy alla loger à Ancre delà la riviere de Somme qui est lieu propre pour faire teste à l'ennemy quelque part qu'il vueille marcher, car c'est au milieu de la frontiere: puis le Roy se voyant hors d'esperance de pouvoir assembler son armée à temps pour secourir Terouënne, (car desja vivres deffailloient) feit entendre aux assiegez qu'ils trouvassent moyen de faire composition honnorable, ce qu'ils seirent: car apres avoir tenu neuf sepmaines, & estans en extremité Prise Et ruide vivres, sortirent leurs bagues sauves, enseignes des- ne de Terouployées, armet en teste, & la lance sur la cuisse, & les gens eme par les de pied marchans en bataille enseignes desployées & ta- ennemis. bouriu sonnant, & les habitans de la ville leurs bagues sauves. Ayant ledit Roy d'Angleterre la ville de Terouënne entre ses mains, à la suscitation des Flamens la seit demolir, remplir les fossez, & brusser toutes les maisons, hormis l'Eglise & les maisons des chanoines.

A u mesme temps que ces choses se faisoient à Terouënne, estant (comme l'ay predit) le seigneur de la Trimouille Dijon par retiré d'Italie, il fut suivy par quatorze ou quinze mille les Suisses. Suisses incitez par le Pape Iules & l'Empereur Maximilian accompagnez de la gendarmerie de la franche Comré, &

Siege de

dequelques chevaux Allemans conduits par Vlrich Duc de witemberg, lesquels le vindrent assieger dedans Dijon principalle ville de Bourgongne, qui n'estoit remparée ny fortifiée en sorte du monde, mais la vertu des hommes servit de murailles. Lesdits Suisses ayant esté cinq ou six sepmaines audit siege, & le seigneur de la Trimouille se voyat hors d'esperance de secours, pour estre l'Empereur & le Roy d'Angleterre en Picardie, estataussi la guerre en Guiéne du costé de Fontarabie & de Navarre, chercha moyen de les pouvoir renvoyer, & en fin tant pratiqua envers eux, qu'en leur promettant quatre cens mille escus, qu'ils disoiet leur estre deus pour les services qu'ils avoient faicts au Roy aux guerres precedentes en Italie, les renvoya en leur païs, leur fournissant vingt mille escus comptant, & pour le reste de ladite somme leur bailla pour hostage le seigneur de Mezieres son nepveu, Baillif de Dijon nommé de Rochefort, & quatre bourgeois de ladite ville, & par ce moyen furent apaisez lesdits Suisses, & se retirerent en leur païs, & ceux de Bourgongne demourerent en leur liberté. Vray est qu'il y avoit des conditions audit traitté qui n'estoient honorables pour un tel Prince que le Roy: mais la necessité n'a point de loy pour sauver une province: aussi le Roy les ayant entendues ne voulut ratifier lesdites conditions, mais les reprouva comme indignes de sa maiesté.

LE Roy d'Angleterre ayant faict raser Terouënne (com me cy devant est dit) & voyant l'armée du Roy se preparer, & desja la saison estre tardifve, delibera de laisser la Picardie: & à l'instigatio de Maximilia, prit le chemin de Tournay ville de toute ancienneté de l'obeissance du Roy: mais pour l'heure estoit sans garnison, & n'y avoit autres gens pour la garde, sinon les Citadins, par-ce que jamais le Roy n'eust presumé que l'Anglois eust laissé son entreprise de Picardie pour aller attaquer une place laquelle ayant prise luy estoit de peu de commodité, pour estre enclavée dedas tous les pais bas, ayant d'un costé Henault, & d'autre le Comté de Flandres, & loing de la mer: toutesfois à la persuasion dudit Eleu Empereur, il y alla: & faut entendre que l'armée dudit Maximilian estoit souldoyée aux despens du Roy d'Angletere, & mesmes ledit eleu Empereur avoit cent escus par jour pour son plat, & pour ledit voyage print

Prinse de

son chemin par l'Isle en Flandres, qui est à cinq lieuës dudit Tournay. Arri vé que fut ceste grosse armée devant Tour-Tournay par nav. & les habitans se voyans sans chef & hors d'espe rance les Angloys de secours, par-ce que le Roy n'y pouvoit aller sans passer le Comté de Henault, & deux ou trois grosses rivieres, & entre autres celle de l'Escauld & celle de Carpes, apres avoir enduré quelque batterie se rendirent au Roy d'Angleterre: lequel apres y avoir fait faire une citadelle, & laiflébonne provision de munitions & d'hommes pour la garde d'icelle, & se voyant l'hyver à doz se retira en An gleterre, ayant aussi eu une tresgrande victoire contre lacques le quart Roy d'Escosse lequel estoit mort en la bataille, estant le Duc de Northfolk de la maison de Hawart, lieutenant general de l'armée d'Angleterre.

ENVIRON Nouël subsequent audit an mil cinq cens & treze mourut à Bloys la Royne Anne de Bretaigne fem- Royne Anme du Roy Loys, laissant du Roy & d'elle deux filles, l'ais-ne. née nőmée Madame Claude, la puisnée madame Renée. Estant doncques le Roy en viduité, le Duc Loys de Longueville qui estoit prisonnier en Angleterre meit en avant le mariage dudit Roy Loys & de madame Marie sœur du Roy Henry d'Angleterre huictiesme de ce nom, à fin que par ce moyen on feit une bone paix entr'eux & leurs Royaumes: chose qui se paracheva ainsi qu'il sera dit cy apres, & desiroit le Roy ledit appoinctement afin qu'il peust dres fer son armée pour la reconqueste du Duché de Milan, sans estre empesché du Roy d'Angleterre.

A v mois de May ensuivant, mil cinq cens cens quatorze, François Duc de Valois & Comte d'Angoulesme apparant heritier de la couronne de France, espouza à S.Germain en Laye madame Claude fille aisnée du Roy, Duchesse de Bre taigne par la succession de la Royne Anne sa mere, legl ma riage ne s'estoit sceu faire du viuat de ladite Royne Anne, par ce qu'elle aspiroit plustost au mariage de Charles d'Au triche pour ceste heure Empereur dot avoit esté pourparlé log teps avat, qu'à celuy dudit Duc d'Angoulesme: & disoit on que l'occasion qui à ce la mouvoit estoit pour la haine qu'elle portoit à madame Loyse de Savoye mere dudit duc d'Angoulesme: & aussi qlque téps devant estant le Roy fort malade à Bloys ladite Royne craignat son decez avoit fait charger sur la riviere de Loyre ses meubles plus precieux

Mort de la

Mariage du Duc Fraços d'Angospour porter à son chasteau de Nates, lesquels tuiet arrestez pres de Saumur par le Mareschal de Gyé, dot elle prit telle haine contre luy qu'elle le fist chasser hors de la cour.

Mariage du Roy Loys douzsesme.

EN VIRON le commencement d'Octobre ensuivat fut le traitté de mariage ja commencé par le Duc de Longue-ville conclu entre le Roy & madame Marie d'Angleterre, par lequel entre autres articles le Roy d'Angleterre insista fort à ce que le Duc de Sow thfolk qui estoit au service du Roy luy sust mis entre les mass, ainsi que le Roy Dom Philippe avoit rendu son frere aisné, chose que jamais le Roy ne voulut accorder: bien sut content de ne le tenir en son Royaume, & le feit rerirer à Mets, auquel lieu pour son estat luy donna six mille livres de pension par an.

Tresbelle histoire de la
succession du
Royaume
d'Ingleterre El du
duc de So-

withfolk.

ENCORES que ce ne soit la matiere que i'ay deliberé de traitter, des affaires d'Angleterre, ayant ent repris seulement de deduire en ces memoires ce qui est advenu en nostre Royaume, ou aux guerres qu'avons eues dehors, si est-ce qu'il m'a semblé bon de dire incidentement & en brief, qui estoit ledit Duc de Sowlthfolk, & la cause pour laquelle il estoit fugitif d'Angleterre, & venu au service de noître Roy. Le Roy d'Angleterre Edouard le quart (duquel messire Philippe de Commines fait mention en ses Memoires, qui descendit en Picardie du temps du Roy Loys unziesme de ce nom: & qui traitta avec ledict Roy Loys à Piquigny)avoit deux freres, l'un nomé Georges Duc de Clarence, l'autre Richard Duc de Glocestre. Or est-il qu'il eur opinion de veoir les propheties de Merlin, pour îçavoir ce qui devoit advenir à sa posterité, qui est une superstition laquelle regne en Angleterre dez le temps du Roy Arthur. Voyant lesdites propheties par l'interpretation qui luy en sut faicte (car sesont comme les oracles d'Apollo où il y a tousjours double intelligence) fut trouvé que l'un de ses freres, duquel le nom se commenceroit par un G. osteroit la couronne hors des mains de ses enfans, or est-il qu'il avoit deux fils & deux filles. Le Duc de Clarence (come j'ay dit) se nommoit Georges, parquoy il eut opinion que de luy parloit la prophetie, à ceste occasion le seit prendre, & sans forme de justice le feit mourir en une pippe de malvoisie, se persuadant que par sa mort la prophetie ne sortiroit son effect: n'ayant esgard que son autre frere estoit Duc de Glocestre, duquel la premiere lettre du

nom de son Duché commençoit par G.

Du Dir Duc de Clarence demeura une fille laquelle fut marice à un gentilhomme du pais nommé Pole en fon furnom, dont descendit le Millord Montagu, lequel le feu Roy Henry huictiesme feit decapiter : aussi en sortit Regnauld Pole, lequel estant fugitif à Romme pour eviter la fureur du Roy a esté faict Cardinal, & de ceste heure vit encores: & un autre frere nommé Geoffroy Pole. Le Roy Edouard cy dessus nommé pensant par la mort de son frere le Duc de Clarence avoir expié la prophetie de Merlin, venant à la fin de ses jours laissa ses enfans mineurs en la garde de son frere le Duc de Glocestre, lequel par ambition de regner apres le decez du Roy son frere, feit mourir les deux fils dedans la tour de Londres, donnant à entendre au peuple qu'ils estoient morts par accident s'estans precipitez du hault du pont lequel entre dedans la tour, les filles meit en religion, les declarant bastardes, disant que la Royne leur mere estoit mariée à un gentilhomme du païs, & par ce moyen ayant les forces en main se feit couronner Roy d'Angleterre: estant couronné, tous ceux qu'il sentit qui en avoient murmuré, les seit mourir de diverses morts. Le Comte de Richemond nommé Henry, qui avoit grand credit au païs, craignant la fureur du Roy s'embarqua pour se sauver en France, mais la tourmente & le vent contraire le jetta dedans les havres de Bretaigne, où le Duc de Bretaigne François l'arresta prisonnier, pour complaire au Roy d'Angleterre duquel il estoit allié: auquel lieu il fut detenu jusques au trespas dudit Duc François, lors que le Roy Charles huictiesme de ce no espousa madame Anne Duchesse de Bretaigne sa fille, legl le meit en liberté, luy donnant pension pour son entretenement.

LE Roy Richard continuant tousjours sa tyrannie, les seigneurs du païs d'Angleterre, & mesmes le frereaisné du Duc de Sowthfolk (duquel est métion cy dessus, qui estoit de la maison de la Pole, descendu de la maison de Lanclastre, lesquels portoient la Roze blanche au contraire de ceux de la maison d'Yorc, dont estoit descendu le Roy Richard, qui portoient la rouge) pour mettre le Royaume en repos, manderent secrettement audit Comte de Richemond que s'il pouvoit trouver moyen que le Roy de France luy armast quelques navires, & le voulust secourir de

cét hommes d'armes & deux mille hommes de pied pour descendre en Angleterre, la pluspart du païs se tourneroit de sa part, pour expulser ce Roy Richard à cause de sa tyrannie. Sa requeste luy sut accordée par le Roy, & par madame Anne de France sa sœur, Duchesse de Bourbon, Regente en France à cause de la minorité du Roy son streres l'equippage sut dress' à Dieppe, & sut ches de l'armée pour le Roy, le seigneur de Chandec de Daulphiné lieutenant du Comte François de Vendosme, & maistre d'un navire Dieppois nommé le Poullain de Dieppe. La fortune leur sui boune, car s'ils eussent faict descente au lieu où ils avoient deliberé, ils eussent trouvé en teste le Roy Richard accompagné de quarante mille hommes: mais le vent leur sut si à propos qu'il les jetta à l'opposite au païs de Gualles, où tout à leur aise ils feirent leur descente.

D E V X jours apres estant publié par le pais que le Cote de Richemod avoit pris terre en Gualles, ceux qui l'avoiét mandé & plusieurs autres se vindrent joindre avec luy: estans assemblez fut conclu de marcher droit à Londres, car qui est maistre de Londres commande à tout le Royaume. Le Roy Richard lequel (comme j'ay dit) estoit en cam pagne avec quarante ou cinquante mille hommes marcha droit à son ennemy, qu'il rencontra sur le chemin de Londres, où estans leurs batailles rengées l'une devant l'autre, la plus part de ceux qui estoient avec le Roy l'abandonerent, & se retirerent du costé du Comte de Richemond. Cenonobstant le Roy qui estoit courageux, ne laissa de marcher la teste droite à son ennemy : mais le petit nombre d'hommes qu'il avoit ne peut soustenir l'effort du grad nombre qu'avoit le Comte de Richemond, si est-ce qu'il combatit avecques telle vertu, qu'il fut tué sans jamais avoir reculé un seul pas. La bataille gangnée ledit Henry Comte de Richemond marcha à Londres, auquel lieu estant arrivé assembla un parlement, & feit retirer de religion les deux filles du Roy Edouard le quart, dont il espou sa l'aisnée par le consentement du Parlement, & à cause d'elle se feir couronner Roy, la puisnée donna en mariage au Comte de Devonshere depuis Marquis d'Excestre nommé de Courtenay.

Estant paisible du Royaume & de la Couronne, encores que le Duc de Sowthfolk eust esté un des principaux

autheurs

9

autheurs de le faire passer en Angleterre, si est-ce qu'il l'eut en soupçon, par-ce qu'il estoit descédu de la maison de Laclastre, & delibera d'en faire exterminer la race. Ledit Duc de Sowthfolk avoit deux freres, l'un dot cy dessus est faicte mention, qui estoit lieutenant du Roy en Irlande, l'autre estoit jeune de sept ou huict ans, l'aisné ayant quelque advertissement de, la mauvaise volonté que le Roy luy portoit, l'embarqua, & s'en vint à refuge en Flandres, devers le Roy Dom Philippe fils de l'Empereur Maximilian, & de madame Marie fille du Duc Charles de Bourgogne: & son frere qui estoit en Irlade adverty de la fuitte de sondit frere se sauva par mer au païs des Ostrelins, & de là en Allemagne: le jeune fut mis prisonnier en la tour de Londres: où je l'ay encores veu en l'an mille cinq ces dixhuict, mais depuis il est decedé. Quelque temps apres le Roy Doin Philippe allant par mer de Flandres en Espagne, la tourmente le contraignit de déscendre en Angleterre, où il y fut recueilly du Roy Henry septiesme honorablement: & mesmes luy presta cinquante mille escus sur une seur de lis, laquelle a esté depuis réduc par le traitté de Cambray à l'Empereur Charles le quint, pour la rançon de messieurs les enfans de France: si est-ce que ledit Roy d'Angleterre ne voulut permettre audit Roy Dom Philippe de sortir hors de son royaume, que premieremet il n'eust remis en ses mains le Duc de Sowthfolk cy dessus mentionné, qui estoit en sa puissance dedans ses païs bas: vray est qu'il promist audit Roy Dom Philippe de ne le faire mourir, ce qu'il ne feit: mais à son trespas & derniere volonté ordonna à son fils le Roy Henry huictiesme, qu'incontinat luy decedé il luy fist trencher la teste, chose qui fut executée.

O R est-il que ledit Roy Henry apres avoir obtenu le royaume d'Angleterre par le moyé du Roy de France, ainsi qu'avez entendu, descendit auccques une armée en France, & vint assieger Boulógne: le Duc de Sowthfolk qui estoit (comme dit est) sugitif en Allemagne, sçachant la guerre declarée entre le Roy & le Roy d'Angleterre, vint au service du Roy avec bon nombre de Lansquenets: mais ce pendant sut faict un traitté entre le Roy & le Roy d'Angleterre devant Boulongne: auquel traitté le Roy d'Angleterre persista fort à ce que le Roy luy remist entre ses mains lestit Duc de Sowthfolk, chose qu'il ne luy voulut accorder,

voulant garder sa foy & sa parolle: bien consentit qu'il iroit habiter hors de ce Royaume, & depuis ce temps là, par tous les traittez de paix qui ont esté entre les Rois de France & d'Angleterre, cest article y a tousjours esté couché, de sorte que dez que la paix estoit entre les deux royaumes, il s'absentoit, & dez que la guerre commençoit il revenoit au service du Roy, où il a tousjours continué jusques à la batail-le de Pavie, qui sur l'an mille cinq cens vingt quatre, où il

mourut ainsi qu'il sera dit cy apres:

Reception de la Royne Marie,

MAINTENANT fault retourner au traitté de mariage d'entre le Roy Loys & madame Marie d'Angleterre. Apres que les choses furent ainsi accordées, le Roy s'approcha de la Picardie, pour recevoir sa femme future, & arrivé qu'il fut à Abbeville, qui estoit environ le dixiesme jour d'Octobre, mille cinq cens quatorze, envoya mossicur d'Angoulesme à Boulongne pour recueillir ladicte dame Marie, & avecques luy le Duc d'Alençon, le Duc de Bourbon, le Comte de Védosme, le Comte de sainct Pol, & le Comte de Guise, & la plus part des Princes & noblesses qui estoiet pres de luy: auquel lieu de Boulongne estant arriuée madite dame Marie, fut par lesdits seigneurs recuillies magnifiquement, & conduite en grand triomphe jusques à Abbeville, où le Roy alla au devant d'elle. Puis le lendemain l'espousa en grande solennité en une Eglise qui est sur la place où lon vent les denrées. Ce faict ce retira vers Paris pour faire couronner ladite Royne à sain& Denis, & faire son entrée à Paris: & estoient venuz pour accompagner madite dame Marie plusieurs Princes & grands seigneurs d'Angleterre: & entre autres le Marquis d'Orset, & le Duc de Sowthfolk, qui n'estoit pas homme de grande maison, mais favory & avancé du Roy Henry d'Angleterre pour les vertus, de sorte qu'il luy avoit donné le Duché de Sowthfolk, l'ayant ofté à ceux de la maison de Pole, ainsi que j'ay cy devant declaré.

LE Roy se voyant en patience avec l'Anglois, delibera de dresser une armée pour au printemps reconquerir son Duché de Milan, dont il donna la charge au Duc de Bourbon, laquelle il avoit refusée quand le seigneur de la Trimouille y alla, par-ce que l'armée luy sembloit trop soible pour une telle conqueste, ainsi qu'il apparut à la roupte dudit seigneur de la Trimouille. Et pour executer ladite

entreprise seit tirer d'Allemagne quinze ou seize mille Lasquenets soubs la charge de plusieurs capitaines, & entre autres du Comte wolf, & du capitaine Brandhec, puis envoya mondit seigneur de Bourbon devant à Moulins, pour tousjours faire acheminer la gendarmerie mais le temps ne luy donna loisir de parachever sadite entreprise, car le pre- Mort du mier jour de Ianvier environ minuich, mille eing cens qua- Roy Loys. torze, il rendit l'ame à Dieu en sa maison des Tournelles à Paris, dont le corps fut porté en l'Eglise nostre Dame, & de là à sainct Denis: auquel lieu accompagné de tous les Princes de son sang, fut en grandes pompes funcbres inhumé, ainsi qu'avoiét accoustumé ses predecesseurs. Apres sa mort on eut quelque soupçon que la Royne Marie fust grosse, mais soudain on fut asseuré du contraire par le rapport d'elle mesme.

I L eut de grandes adversitez en ses jeunes ans: estant Meurs Duc d'Orleas il perdit la bataille en Bretaigne à S. Aulbin, fortune du & fut emprisonné en la grosse tour de Bourges long téps, Roy Logs. puis(le Roy Charles huictiesme estant allé à Naples) il fut assiegé devant Novare en telle extremité qu'il fut contraint de manger chiens & rats, & moururent beaucoup de ses sol dats de faim & pauvreté, jusques à ce que ledit Roy Charles retournant de Naples le mist en liberté. Quand il vint à la couronne, ceux qui l'avoient suivy en son adversité suy voulurent persuader de se venger de ceux qui du vivant dudit Roy Charles luy avoient faict la guerre au nom du Roy, mesines de messire Loys de la Trimouille, qui le deffeit & print prisonnier à saince Aulbin estant lieutenant du Roy: il feit response que ce n'estoit à un Roy de France de venger les injures faictes à un Duc d'Orleans, & que fils avoient servy le Roy contre luy, ils seroient le semblable pour luy estant Roy.

bij

Advenement du Roy François à la Couronne.

Ce bon Roy, lequel fut appellé Pere du peu-

ple, succeda François Duc de Valois, & Com-te d'Angoulesme: lequel ayant receu telle suc-cession, voulut user du conseil des Princes de fon fang, & autres serviteurs du feu Roy, & n'en desapointa un seul, mais les maintint en leurs estats: & pour cest effect les manda venir devers luy, & par leur opinion fut conclu qu'il partiroit pour aller à Reims se faire facrer, ce qu'il feit: & fut facré enviro le vingt cinquiesme dudit mois de Ianvier, mille cinq cens quatorze. Puis estant de retour à Paris, ayant faict son entrée & le tournoy en la rue de sainct Antoine, ainsi qu'ont accoustumé faire les autres Rois, auquel tournoy menoient les tenans le Duc d'Alançon, le Duc de Bourbon, & le Comte de Vendosine, il voulut mettre ordre aux estats & affaires de son royaume. Premierement feit Antoine du Prat, pour lors premier Presidant en la cour de parlemet de Paris son Chancelier: parce que au decez du Roy Loys il n'y auoit qu'un garde de seaulx nommé messire Estienne Poncher Evesque de Paris, & depuis Archevesque de Sens. Puis apres feit le Duc de Bourbon son Connestable, & le Comte de Vendosme gouverneur de l'Isle de France, monsieur de Lautrec gouverneur de Guienne, le seigneur de la Palisse, qui estoit Grandmaistre, le feit Mareschal de France, & monsieur de Boisy qui avoit esté son gouverneur en sa jeunesse, le feir Grandmaistre, luy baillant la principalle superintendance de ses affaires, avecques luy Fleurimond Robertet, principal Secretaire: & avoit ledit seigneur Roy deux jeunes hommes fort ses favoris, à sçavoir Anne seigneur de Montmorency, & Philippe Chabot seigneur de Brion, qui depuis ont eu grand credit en ce royaume.

des principaux offices de Frāce que feit le Roy François à fon advenement à la cou ronne.

Departemet

PENDANT ces choics, le Roy desirant faire le voyage qu'avoit entrepris le seu Roy de la conqueste du Duché de Milan, delibera de renouveler les alliances qu'il avoit aux Princes & potétats ses voisins: & premierement renouvella la paix faite entre le seu Roy & le Roy d'Angleterre, moyé nant laquelle luy renvoya madame Marie veufve du seu

Roy Loys avecques un douaire de soixate mille escus tous Traitté ausc les ans: laquelle Marie le Roy d'Angleterre donna en ma-les Ventiss. riage au Duc de Sowthfolk, pour l'amitié qu'il luy portoit. Or avoit ledit Roy Loys, par accord fait avec les Venitiens, révoyé messire Barthelemy d'Alviane leur general, pris à la bataille de Padin, & messire André Gritty leur providadour pris à Bresse, avec certaines conditios lesquelles le Roy co-sirma, & furent les conditions telles. Les Venitiens estoient tenus de secourir le Roy à la conqueste & conservation de son Duché de Milan: & aussi le Roy les devoit secourir, & assister à conquerir les terres que l'Empereur Maximilian leur usurpoit, comme Bresse, Veronne, & autres places.

Durant que ces choses se traittoient, vint à Paris de-Traitté aues vers le Roy le Comte de Nansau, ambassadeur de la part de le Prince Charles d'Autriche, pour luy faire les foy & hommages des Charles.

comtez de Flandres & Artois, & autres terres tenues de la couronne de France, ce qu'il feit, & quand & quand pour plus grade seureté d'amitie entre les deux Princes, fut pourparlé du mariage dudit Charles d'Autriche, avecques madame Renée fille du feu Roy Loys,& sœur de la Royne: & pour la conclusion de cest accord, fut envoyé moseigneur de Vendosme ambassadeur devers ledit Prince Charles d'Autriche, accompagné de messire Estienne de Poncher Evesque de Paris, & depuis Archevesque de Sens, du seigneur de Genliz & du seigneur d'Escheney. Lequel Comte de Vendosme prenat son chemin par le païs de Henault, traversant le pais de Brabant, arriva environ la sainct Iean, qui estoit l'an mille cinq cens & quinze, à la Haye en Hollande, où il trouva ledit Prince, auquel lieu fut conclu le mariage: & outre pource que le Prince tenoit le Comte de Nansau fort son familier, fut aussi conclu le mariage dudit Comte de Nansau avecques la sœur du Prince d'Aurenge, laquelle estoit à la cour de France: & vint le Comte de Nasau accompagner monsieur de Vendosme depuis la Haye en Hollade jusques à la Fere sur Oize, auquel lieu sut amenée ladite princesse d'Aurenge par le seigneur de Givaury, & madame de Mailly de Picardie, & là fut consommé le mariage.

Dela nouvi

Pour vous dire ce que l'apris en ce voyage que seit ture du Prin monseigneur de Vendosme, & de la façon dont estoit in- ce Charles struit le dit Prince d'Espagne. Le seigneur de Chievres, que d'Auriche.

je vous ay dit cy devant, avoit esté par le Roy Loys ordonné gouverneur dudit-Prince, approuvé par les bonnes villes de Flandres, le nourrissoit alors encores qu'il n'eust attaint le quinziesine an de son aage, en telle sorte que tous les pacquets qui venoient de toutes provinces luy estoient presentez, encores qu'il fust la nuict, lesquels apres avoir veus, les rapportoit luy mesmes en son conseil, où toutes choses estoient deliberées en sa presence. Et un jour estant le seigneur de Genly demouré ambassadeur pres la personne dudit Prince de par le Roy, & moy demouré par le com mandement de mondit sieur de Vendosme avec ledit sieur de Genly, le seigneur de Chievres donnoit à soupper audit de Genly: où, estans entrez en propos, monsieur de Genly dist audict de Chievres qu'il estoit estonné dequoy il donnoit tant de travail à l'esprit de ce jeune Prince, veu qu'il avoit le moyen de l'en foulager. Le seigneur de Chievres luy respondit, mon cousin, je suis tuteur & curateur de sa jeunesse, je vueil quand je mourray qu'il demeure en liberté: car s'il n'entendoit ses affaires, il faudroir apres mon decez qu'il eust un autre curateur pour n'avoir entendu ses affaires & n'avoir esté nourry au travail, se reposant tousjours fur autruy.

A L O R s que ces choses se faisoient le Roy estoit à Amboile, qui faisoir marcher en toute diligence son armée à Lion, auquel lieu de Lion il se trouva enviro la fin de Iuil-· let, que mondit seigneur de Vendosme le vint trouver pour luy faire rapport de sa negotiation. Aussi le Roy Ferrand d'Arragon traita avec le Roy, craignant que les forces que le Roy preparoit pour Italie ne tournassent sur luy, pour re conquerir le Royaume de Navarre par luy nouvellement usurpé. Estant le Roy à Lion ordonna de la forme que mar cheroit son armée: à monseigneur de Bourbon bailla son avantgarde à mener, & avecques luy François monfieur de Bourbon son frere nouvellement Duc de Chastellerault, le Mareschal de Chabanes, le Prince de Talemond fils de messire Loys de la Trimouille, le seigneur sean Jacques Triwlee Mareschal de France, le seigneur de Bonniver, le seigneur d'Imbercourt, le seigneur de Teligny Seneschal de Rouergue, le Baron de Beard, le Comte de Sanxerre, & plusieurs autres capitaines des gensdarmes. Quant aux gens de pied y estoit le seigneur Petre de Navarre

que le Roy avoit mis en liberté, ayant esté pris prisonnier à la bataille de Ravenne, estant general de l'infanterie Espagnole, & le delivra le Roy sans rançon, luy baillant char ge de six mille Gascons: outre le Roy y ordonna quatre mille François soubs la charge de huict capitaines, ayant chacun cinq cens hommes, c'est à sçauoir, le seigneur de Lorges, Pirault de Maugeron, Richebourg, Lorreil, le petit Lainet, Onatilleu, Hercules de Dauphiné, & le capitaine Commarque, avec le nombre de huict à neuf mille Lansquenets. Le Rc y menoit la bataille accompagné du Duc de Lorraine, du Duc de Vendosme, du Compte de S. Pol, du seigneur d'Orval, de messire Loys seigneur de la Trimouille, du Duc d'Albanie, du Bastard de Savoye, de messire Odet de Foix seigneur de Lautrec, du capitaine Bayart (auquel le Roy fift cest honneur de vouloir recevoir de sa main l'ordre de chevalerie le jour de la bataille) & de plusieurs autres capitaines de gendarmeries & de Charles Duc de Gueldres capitaine General de tous les Lansqueners & du Compte de Guise son neueu, & frere de monseigneur de Lorraine, lesquels devoient estre à pied avecques ledit Duc de Gueldres son oncle. L'arrieregarde fur baillée à monseigneur d'Alençon, avecques bon nombre de gendarmerie & gens de pied.

ALHEURE que le Roy arriva à Grenoble, estoit desja monseigneur de Bourbon entré dedans les estappes tirant le chemin d'Ambrun, parquoy apres qu'il eut laissé l'administration & gouvernement de son royaume à madame Loyse de Savoye sa mere, il suivit mondit seigneur de Bourbon iusques à Ambrun: où arrivé qu'il fut, eut advertissement comme Prospere Colonne grand capitains Romain, qui estoit venu avecques quinze cens cheuaux envoyez par le Pape Leon au secours des Suisses, estoit loge au pied des montagnes dedans le Piedmont ne se doubtant de rien, par-ce que les Suisses tenoient tous les destroits & passages des montagnes. Mais il fut rapporté par quelques bonnes guides qui estoient à messire Charles de Soliers seigneur de Morette, que il y avoit un passage pres de Rocque-Esperriere auquel ses Suisses nesaisoient point de garde, par-ce qu'on n'y avoit jamais veu passer gens de cheval: & que par là on pourroit surprendre ledit Prospere Colone. Ledit rapport faict, le Roy despecha le Mareschal

b 1111

de Chabanes, le seigneur d'Imbercourt, le seigneur d'Aubigny, le seigneur Bayar, le seigneur de Busly d'Amboise, & le seigneur de Montmorency pour lors lieutenant de la compaignie du Grand-maistre de Boisy pour executer ladite entreprise, soubs la conduicte dudit seigneur de Morette, & de ses guides : ledit seigneur de Morette mettoit en avant qu'au cas qu'ils faillissent à leur entreprise, ils avoient moyen d'eux retirer à Fossan ou à Savillan at-

tendans que nostre armée passeroit. ESTANS noz gens descenduz à la plaine sans allarme furent advertis que ledit Prospere & sa cavalerie estoient à Ville-neufve de Soliers, parquoy prindrent ledit chemin, auquel lieu arrivez trouverent qu'ils estoient deslogez & estoient allez à Ville-franche, qui est une petite ville assis fur le Pau à deux mille de là: mais il estoit jour, & failloit passer la riviere du Pau, & n'y avoit pont pres de ià qu'audit lieu de Ville-frache. Sur ses difficultez un guide se feit fort de les faire passer à gué un mille au dessoubs de Ville-franche, ce qu'il feit. Le seigneur d'Imbercourt qui avoit charge de coureurs arriva à la porte de Ville-franche sur l'heure du disner : quelques uns estans dedans la ville voyans approcher lesdits gens de cheval coururent pour fermer les portes, mais deux hommes d'armes dudit d'Imbercourt, l'un nommé Beauvais le Brave, Normand, & Dessitte de l'autre Hallancour, Picard, donnerent contre la porte à Prospere Co- bride abbatue de cul & de teste, de sorte que iceluy Hallonne à Ville- lancour du choc de son cheval tomba dedans les fossez, si est-ce qu'il esbranla ceux qui vouloient fermer la porte,

> tellement que Beauvais eut loisir de jetter sa lance dedaus la porte, & empescha qu'elle ne peust soudain estre fermée: car incontinant arriva le seigneur d'Imbercourt le quel mettant pied à terre força la porte. Pendant ce temps arriva le Mareschal de Chabanes, & tout le reste qui entrerent tous à cheval dedans la ville où fut surpris ledit Prospere Colonne estant à table, lequel pour sauver sa vie bail la sa foy audit seigneur d'Aubigny. Finablement ils furent tous pris en disnant, & se trouverent des chevaulx du royaume de Naples gaignez de mille à douze cens. Ce fait noz gens craignans les Suisses qui estoient à Cony avec leurs prisonniers & chevaulx se retirerent à Fossan attendans le

le passage de nostre armés.

franche.

L Es Suisses advertis que les François estoient passez en la plaine & leur cavalerie deffaicte, & que le Roy avoit Passage predesja gaigné le hault de la montaigne au dessus de S. Pol, mier du Roy par un lieu où jamais armée n'avoit passé, abandonnerent François de-Cony & tous les passages pour se retirer vers Milan, se ve- là les mons nant joindre avec eux le Cardinal de Sion qui estoit à Pi- pour recongnerol avec une partie des forces, estant en ladite armée vrir Milan. Legat du Pape, & deputé de Maximilian eleu Empereur. Parquoy le Roy sans empeschement paracheva son passage, & vint loger audit lieu de Cony, dont les Suisses estoiét deslogez le jour precedant. Pendant ce temps messire Emar de Prye envoyé du Roy par autre costé avec l'ayde des Genevois, prit la ville d'Alexandrie, & la mist en l'obeissance du Roy par le moyen d'aucuns de la part de Guelfe qui estoient dedans. Le Roy voyant toutes choses prosperer en son entreprinse, marcha de Cony droit à Carmagnolles, de Carmagnolles à Moncallier, auquel lieu il passa le Pau: où vint au devant de luy le Duc de Savoye son oncle, frere de madame Loyse de Savoye sa mere, qui estoit demeurée Regente en France: lequel le conduisit à Turin, où il fut receu en grande magnificence, puis sans faire sejour marcha droit à Chivas, dont les Suisses ne faisoient que de dessoger, ayans saccagé la ville & brussé le chasteau, & de là à Verceil, qui estoit le chemin que prenoient les Suisses pour leur retraitte, ne leur donnant le loisit de reprendre leurs esprits, jusques à ce qu'il les eust remis dedans la ville de Milan. Le Roy partant de Verceil s'en alla à Novare, dont luy furent presentées les cless & l'obeissance, & d'icelle fut fait gouverneur le Mareschal de Chabanes: auquel lieu arriverent les Bandes-noires qui estoient six mille Allemans, nourris & agguerris ensemble depuis vingt ans, que le Duc de Gueldres avoir amenez au service du Roy, dequoy avoit la charge soubs ledit Duc le seigneur de Tavennes son Lieutenant; ayant donques le Roy requeilly toutes ses forces ensemble print le chemin de Mari-

Durant ce temps par le moyen du Duc de Savoye & du bastard de Savoye se brassoit un appointement entre le Roy & lesdits Suisses, lequel fut tellement demené qu'il fur conclu & estoit tel : que le Roy leur fournissoit comptant une grosse somme de deniers qu'ils disoient leur

gnan.

estre deils tant par le seu Roy que ses predecesseurs pour les services qu'ils leur avoient faicts, & mesmes par le trait té de Dijon faict par le seigneur de la Trimouille, moyennant lesquels deniers ils remeteroient entre les mains du Roy le Duché de Milan: & le Roy donnoit soixante mille ducats de pension à Maximilian Sforce pour lors usurpateur dudit Duché, & pour trouver lesdits deniers sut prise toute la vaisselle tant des Princes, que des gentilshommes parriculiers avec tout l'argent qu'ils pouvoient avoir leur laissant seulemet dequoy faire leur despense de huict jours. Le Duc de Gueldres voyant la paix conclue, & ayant nouvelles que les Brabançons estoient entrez en ses pais, prenant congé du Roy laissa sa charge au Comte de Guise son nepveu, & print la poste pour aller seçourir ses subjets: mais arriué à Lion estant adverty que la bataille se donnoit, en print tel ennuy qu'il en tomba en sievre continue dont il fut en danger de mort. Estant ledit traitté conclu & les deniers mis ensemble, furent ordonnez le seigneur de Lautrec & le Bastard de Savoye avec quatre cens hommes d'armes pour porter lesdits deniers à Bufalore, auquel lieu se devoient trouver les deputez de par les Ligues pour recevoir lesdits deniers: & le Roy pensant que suivant le traitté luy deust estre livrée la ville & le chasteau de Milan, marcha jusques aupres de Saincte Brigide sur la grand'estrade Milanoise, auquel lieu il se logea, esperant le lendemain aller loger à deux mille pres de Milan. Or estoit l'armée du Pape conduite par le Magnifique Laurens de Medicis nepveu dudit Pape, à Plaisance, & l'armée du Roy d'espagne conduitte par Dom Raimod de Cardone, celuy qui estoit chef de l'armée Espagnole à la journée de Ravenne, pres dudit lieu de Plaisance sur la riviere du Pau, lesquels encores qu'ils fussent fort sollicitez tant du Duc Maximilian que du Cardinal de Sion de se venir joindre auec les Suisses, n'y voulurent jamais consentir pour deux occasions: l'une que l'un ne se fioit de l'autre, car le seigneur Laurens craignoit que Dom Raimond, attédu les dissimulations dont il usoit eust commandement du Roy son maistre d'ainsi le faire ayant quelque traitté secret avecques le Roy: aussi Dom Raimond avoit doubte dudit Laurens de Medicis, à cause que plusieurs ambassadeurs estoient allez devers le Roy de la part du Pave, & tous deux aussi en general craignoient

d'entrer entre l'armée du Roy tant gaillarde, & celle des Venitiens qu'amenoit le seigneur Barthelemy d'Alviane

qui nous donna grand avantage.

L E S Suisses estans prests à depescher leurs deputez pour aller à Bufalore furent par le Cardinal de Sion dissuadez de ce faire, & persuadez de rompre & faulser leur foy, leur remonstrant qu'estant le Roy asseuré du fraitté de la paix, auroit laissé son armée en nonchalloir, & mesmes que le Roy sur ladite asseurance avoit contremandé Barthelemy d'Alviane, qui estoit à Laude avec l'armée Venitienne, de ne passer outre. Parquoy partans à l'improviste seroient deux effects: l'vn passandir Bufalore pourroient ravir l'argent que monsieur de Lautrec y avoit porté, & quand & quand venir donner la bataille au Roy, luy ne se doubtant d'aucun ennemy, ayant separé d'avecques luy ses forces comme l'armée Venitienne, & les quatre cens hommes d'armes qu'avoit mené mondit seigneur de Lautrec: mais ledit seigneur de Lautrec adverty par ses espies de la deliberation faicte par les Suisses, se meit hors du chemin avec les deniers & se retira à Galleras: parquoy les Suisses ne trouvans ce qu'ils cherchoient passerent outre pour executer leur entreprise sur le Roy.

Le jeudy treziesnie de Septembre jour de S. Croix Suisses à mille cinq cens quinze environ deux heures apres midy, vindrent lesdits Suisses donner sur nostre avantgarde, de laquelle avoit la conduite le Duc de Bourbon Connestable de France: mais ils trouverent ledit Connestable en armes, lequel à ceste premiere abordee les recueillit vigoureusement, mais non sans perte: car il entra un effroy en un des bataillons de noz Lansquenets, tel qu'ils s'esbranlerent pour se mettre à vau de roupte, ayans mis en leur opinion que le traitté que le Roy avoit faich avecques les Suisses estoit demeuré en son entier, & que ce qui se faisoit estoit une fainte pour les vouloir livrer entre les mains des Suisses leurs anciens ennemis. Mais voyans la gendarmerie qui soustint l'effort des ennemis, reprindrent asseurance telle, qu'ils retournerent au côbat, voyas aussi le Roy qui marchoit avec les bandes noires, coste à coste de son artillerie. A ladite charge fut tué Fraçois monsieur de

Marignan.

Bourbon, le scigneur d'Imbercourt, le Compte de Sanxerre, & plusieurs autres gens de bien: & dura le combat jusques à la nuict qui fut si obscure, mesmes à cause de la grá de poulciere que faisoyent les deux armées, que nul ne cognoilloit l'autre: & mesmes que les Suisses portoient pour leur signal la croix blanche aussi bien que les François, ne portans pour difference sinon une clef de drap blanc chacun en l'espaule ou en l'estomac; & pour mieux surprendre nostre armée, n'avoient porté aucuns tabourins, mais seulement des cornets pour se rallier: & fut la chose en tel desordre pour l'obscurité de la nuict, qu'en plusieurs lieux se trouverent les François & les Suisses couchez aupres les uns des autres, des nostres dedans leur camp, & des leurs dedans le nostre: & coucha le Roy toute la nuict armé de toutes pieces (hors mis son habillement de teste) sur l'affust d'un canon.

L E jour venu qu'on se recognut, chacun se retira soubs son enseigne, & commença le combat plus furieux que le soir, de sorte queie vey un des principaux baraillons de noz Lansqueners estre reculé plus de cent pas, & un Suisse passant toutes les batailles vint toucher de la main sur l'artillerie du Roy, où il fut tué, & sans la gendarmerie qui soustint le faix, on estoit en hazard. A ladite bataille fut tué messire François de la Trimouille Prince de Talemod, seul fils du seigneur de la Trimouille, le seigneur de Bussy d'Amboise, & le sieur de Roye, & plusieurs autres: aussi fut blessé en deux ou trois endroits de coups de picque le cheval de monseigneur de Vendosme: le Comte de Guise, qui estoit demeuré general de tous les Allemans, estant au premier rang fut porté par terre, mais un sien Escuyer de service nommé l'Escuyer Adam, natif d'Allemagne, voyat son maistre de tous costez battu à coups de picques & de hallebardes, se jetta sur sondit maistre, portant les coups que son maistre eut portez. Pendant lequel temps les Suisses furent reboutez & ledit Comte de Guise secourn; & par un gentilhomme de la maison du Roy, nommé le capitaine Iame Escossois, fut porté hors de la presse, dequoy il avoit grand besoing, tant pour les coups qu'il avoit receus, que pour le nombre d'hommes qui avoient passé par dessus luy, tellement que à grande peine avoit-il la puissance de respirer. Environ les neuf heures du matin les Suisses, pour diuertir nostre armée, jetterent vne trouppe d'hommes à leur main gauche, pour par une vallée venir donner par derriere sur nostre bagage, esperans nous faire tourner la teste, & par ce moyen nous dessaire, mais ils surent rencontrez par monsieur le Duc d'Alençon; avecques nostre arrieregarde, lequel les dessit desquels une partie s'estant retirée dedans un bois sut toute tuée par les Gascons, dont auoit la charge le seigneur Petre de Navarre, & les arbalestiers à cheual, desquels avoit le petir Cossé cent soubs sa charge, & le legat Maugeron cent.

L E Seigneur Barthelemy d'Alviane le jour precedant estant adverty de l'entreprise des Suisses qui avoient rompu leur foy, partit de Laude avecques son armée venant toute nuict, en esperance d'arriver d'heure à la bataille, lequel fit telle diligence, qu'enuiron les dix heures du matin arriva au combat avecques la cavalerie, estant suivy de loing de ses gens de pied": mais le fils du Compte de Petillane, jeune homme desirant de long temps se trouver au combat pour le service du Roy, fit une charge sur les Suisses qui estoient sur leur retraitte, où il fut tué, & plusieurs avec luy. Les Suisses qui pouvoient estre au commencement en nombre trente cinq mille hommes, ne pouvans plus soustenir le faix du combat, ayans perdu la pluspart de leurs capitaines, & le combat ayant duré deux iours, perdirent le cueur, & se mirent en roupte : un bon nombre d'iceux se retira dedans le logis de monsseur de Bourbon, où ne se voulans mettre à la mercy du Roy le feu fut mis, & furent tous brussez, & de noz gens parmy qui estoient entrez pesle-mesle pour les desfaire, & entre autres Iean de Mouy seigneur de la Mailleraye, qui portoit la cornette du Roy, y mourur, autres se retirerent au chasteau de Milan, autres droit en Suisse: par-ce que le Roy se voyant avoir eu la victoire se contenta de les laisser aller: & y mourut des Suisses de quatorze à quinze mille, & des meilleurs capitaines & hommes qu'ils eussient, & plus aguerris. Vous avez entendu comme le Cardinal de Sion avoit amené les Suisses au combat: or les avoit-il accompagnez avecques cinq ou six cens chevaux jusques à la premiere charge, mais ayant trouvé nostre armée en estat, chose qu'il n'avoit esperé, s'enfuit dez le soir avecques toute sa cavalerie, prenant le chemin de Milan, où arrivé qu'il fut, voyant la ville mutinée, & les Suisses pareillement, tant pour la perte qu'ils avoient faicte, que pour le payement de trois mois qui leur estoit deu, s'enfuit en Allemagne devers l'Empezeur Maximilian.

Prife de Mi-Im parle Roy Fran.

AYANT le Roy obtenu une si glorieuse victoire en son aage de vingt & un an, apres avoir remercié Dieu, delibera d'aller loger le lendemain à deux mille de Milan, auquel lieu luy furent apportées les clefs de la ville, mais il ne fut d'advis de si tost y entrer, par-ce que Maximilian Sforce avec quatre mille Suisses eltoit dedans le chasteau: parquoy fur conclu que le Roy n'entreroit dedans la ville que, le chasteau ne fust en son obeïssance: & fut envoyé monsieur de Bourbon avecques l'avantgatde de loger dedans Milan & asheger ledit chasteau: puis ayant mis ordre au siege, y fut laissé le sieur d'Aubigny, & se retira ledit Bourbon devers le Roy, & le Roy auecques le reste de son armée s'en Petre de Na- alla à Pavie, où luy fut faicte toute obeissance. Pendant varre mine le qu'il fut audit lieu de Pavie, le Comte Petre de Nauarre, auquel le Roy & Monsieur de Bourbon avoient donné la principale charge de l'affiegement, en peu de jours tira l'eau hors des fossez & les meit à sec, entreprenant de le miner, car il en estoit fort expert, & en peu de temps fit voller une casematte, qui estoit à main droicte en entrant à la porte dudit chasteau devers la place de la ville vers la porte Comoise. Ayant doncques sevé le flanc que faisoit ladite casematte, commença auecques taudis à miner soubs la muraile, faisant lesdictes mines, & estant dedans le fossé ledit Petre de Navarre, sortit de dessoubs les taudis qui estoient le long du mur pour recognoistre quelque chose: lors ceux qui estoient à nostre artillerie voyas un peu de l'avantmur encores debout, tirerent une vollée d'artilerie : ledit avantmur de cas fortuit tomba sur ledit Petre de Navarre, & accabla ledit Petre soubs les ruines, dont il sur rapporté en son logis, estant en danger de mort.

Le Duc Maximilian & les Suisses qui dedans estoient assiegez se voyans hors d'esperance de secours, & mesmes que le Roy estoit sur traitté d'appointement avec Messeurs des ligues, se desespererent de pouvoir tenir ladite

chasteau de Milan.

place, encores que l'Empereur Maximilian leur promist les secourir: mais en fin apres plusieurs parlemens entre Reddition du eux & monsieur de Bourbon, par le commandement du Chasteau de Roy les traittez se porterent de sorte, que les Suisses s'en Milan au iroient en leur pais leurs bagues sauves, & le Duc Maxi- Roy Frais, milian remettroit entre les mains du Roy ledit chasteau avecques celuy de Cremone, & toutes les autres places qu'il tenoit, luy cedant le droict par luy pretendu audit Duché, & qu'il s'en iroit en France: & le Roy luy feroit sa vie durant loixante mille ducats de pension: & feroit sa demeure au Royaume de France, au lieu qui luy seroit le plus aggreable. Toutes les choses susdites surent parachevées, & fut envoyé ledit Maximilian en France, & pour l'accompagner luy furent baillez le seigneur de Mauleon frere du seigneur de la Trimouille, l'Escuyer Francisque Comte de Pontreme, & plusieurs autres gentils-hommes.

C E fait le Roy feit son entrée en armes à Milan, ayant en sa compagnie les Princes de son sang, tels que monseigneur le Duc d'Alençon, le Duc Charles de Bourbon Connestable de France, Charles de Bourbon Comte de Vendosme, François de Bourbon Comte de S. Pol, & le Due de Lorraine, & Claude de Lorraine Comte de Guise, & toute la noblesse qu'il avoit amenée de France (hormis ceux qui estoient demourez à la baraille) & dixhuict cens hommes d'armes, & sa maison, l'armet en teste: & les pensionnaires, dont avoit la charge Loys de Bourbon Prince de la Roche sur Ion oncle de monseigneur de Vendosme, avecques vingt-quatre mille hommes de pied tant François qu'Allemans, marchans en bataille tous en armes jufques au Dome, où le Roy descendir pour faire son oraison: & de là fut conduit par ladite compagnie jusques en son logis. Ayant le Roy en son obeillance tout l'estat de Milan, se retira à Vigeve, où luy vint faire la reverence le Marquis de Montferrat, & Madame la Marquise sa femme, sœur du Duc d'Alençon. Et audit lieu envoyerent devers luy tous les Princes & potentats d'Italie: & mesmes le Pape Leon qui luy avoir esté ennemy, pour faire alliance: & furent traittees les choses entre le Pape & le Roy, en sorte qu'il fut pris jour de se trouver à Boulongne la grasse, pour là vuider tous leurs disferends, & faire une bonne

I. LIVRE DES MEMOIRES

paix: car tous les potentats & Princes d'Italie s'estoient liguez avecques le Roy, fors ledit Pape.

Durant que ces choses advindrent, le seigneur Barthelemy d'Alviane general de l'armée Venitienne marcha avec son armée pensant surprendre Bresse, ville que les Venitiens avoient perdue les années precedentes: mais ceux de la garde cstans advertis de leur venue, envoyerent à Veronne devers Marc Antoine Colonne pour avoir secours, qui leur envoya cinq ou six enseignes, tant Espagnols que Afort de Bar Lansquenets, dequoy ledit Barthelemy d'Alviane aduerty changea son dessein, voulant tenter Veronne: mais par les chemins fut surpris d'un flux de ventre, duquel, pour l'aage qu'il avoit & les grands labeurs qu'il avoit portez, ne peut longuement supporter le mal, qu'il ne rendist l'ame à Dieu, qui fut un grand dommage, d'autant qu'il fut en son temps un grand homme de guerre, & bon capitaine.

thelemy d'Air. ane.

> Au commencement de Decembre se trouverent à Boulogne le Pape, & le Roy, où en fin furent d'accord, & demeurerent au Roy Parme, & Plaisance, que desja il avoit entre ses mains: aussi le Roy devoit donner secours au Pape pour conquerir le Duché d'urbin usurpé (à ce qu'il disoit) par Francisque Marie sur l'Eglise de Romme, lequel Duché le Pape avoit donné à son nepveu Laurens de Medicis: aussi s'y trouva le magnifique Iulian, frere du Pape qui avoit espousé madame de Nemours, sœur de madame la Regente, & du Duc de Savoye: & se firent plusieurs autres traittez, & mesines de l'abolition de la Pragmatique sanction, & y fut faict Cardinal le frere du grand maistre de Boisy, qui essoit Evesque de Constances.

- Abouchement du Pape Leon et du Roy Frãgois à Boulongne.

PARTANT le Roy de Boulongne vint à Milan, auquel lieu apres avoir mis ordre aux affaires du païs, comme d'avoir rendu aux Milanois leur senat, leur baillant Iean de Selva, homme de bonnes lettres,& de bonnes meurs, pour premier prefidant & Vichancelier: & avoir ordonné le Duc de Bourbon Connestable de France son lieutenant general en tout l'estat de Milan, s'en retourna en France à grandes journées trouver madame sa mere & la Royne à Lion, où il arriva environ la Chandeleur. Pendant que le Roy revint de Boulongne à Milan, & qu'il meit ordre aux affaires dudit Duche, le Comte de Vendolme, le Comte de Guile. Guile, & l'Evesque de Laon, depuis Cardinal de Bourbon, & plusieurs autres grands seigneurs en leur compagnie allerent à Venise, où ils furent receus autant magnifiquement qu'on sçauroit escrire, & comme si c'eust esté la propre personne du Roy:puis revindrét trouver le Roy à Mila sur son' partement pour retourner en France.

APRES le partement du Roy, fut faict un tournoy en la place du chasteau, où fut blesse monsieur de S. Pol d'un

coup de lance dedans la veuë.

VN E des occasions qui hasta le Roy de retourner en France, estoit que le Roy d'Angleterre estant mal content que le Roy avoit pris en protection le jeune Roy d'Escossc, & pour cest essect le Roy avoit envoyé en Escosse Iean Stuard Duc d'Albanie, pour gouverner ledit jeune Roy & le royaume, lequel avoit faict mourir, ou avoit banny tous ceux qu'il avoit cogneu porter faveur au Roy d'Angleterre, & mesines la Royne mere du Roy, sœur dudit Roy. A ceste occasion le Roy craignant qu'en son absence ne se remuast quelque chose à son prejudice de ce costé là, sut conseillé de se retirer en son royaume: austi il ne l'asseuroit gue res de la foy du Roy Ferrand lequel legerement changcoit

d'opinion, quand il cognoissoit son advantage.

Sejournant le Roy au Duché de Milan, apres le trespas Exploicts du seigneur Barthelemy d'Alviane, fut envoyé le seigneur de guerre an Iean Iacques Trivulce avec l'armée du Roy, & celle de la Duché de seigneurie assieger Bresse, puis apres quelque venue qu'eu-Milan. rent les Venitiens à leur desavantage par une saillie que sirent ceux de la ville, le Roy leur renvoya de renfort le Ba-Itard de Savoye son oncle maternel, avec trois cens hommes d'armes, & le seigneur Petre de Navarre avec six mille Gascons. En fin les assiegez conclurent, que si dedans xx: jours ils n'estoient secourus, ils s'en iroient leurs bagues sau ves, & enseignes desployées. Estant le Bastard de Savoye adverty que le Comte Guillaume de Roquendolf approchoit avec une grosse armée, ayant passé les destroits des Grisons, sut conseillé de se retirer n'ayant armée suffisante pour le soustenir: parquoy entrerent dedans la ville six mil le Allemans de secours. Puis avant Pasques M.D.XV.mósieur de Bourbon envoya messire Odet de Foix, seigneur de Lautrec devant Bresse, avec nostre armée & celle des Vepitiens, où apres avoir esté long temps logé aux environs,

esperat affamer la ville, l'Empereur Maximilia passa à Trête, avec xvj. mille hauls Allemans, & xiiij. mille Suisses & quelque cavallerie: qui fut cause que ledit seigneur de Lautrec se retira par Cremone avecques l'armee Venitienne & celle du Roy. Puis cuidant garder le passage de la riviere de Adde, le jour de Pasques sur cotraint de se retirer à Milan, où estoit mosseur de Bourbo. Lequel voyat la diligéce que faisoit l'Empereur de suivre mondit seigneur de Lautrec & son armée, se ferma à Milan avecque l'armée Venitienne, at tendant secours de Suisse: & craignat n'avoir loisir de fortifier les faulx-bourgs, pour la soudaine arrivée de l'Empereur & de son armée, fut resolu de ne garder que la ville,& de mettre le feu aux faulx-bourgs, à ce que l'armée imperia le ne l'é peust prevaloir. Mais l'Empereur téporisant en che min quelque peu de téps, fut chagé d'opinion, & fut baillé à chascun son quartier pour remparer: de sorte que tous lesdits faulx-bourgs furent incontinant en estat pour attendre les forces de l'Empereur. Ce pendant arriva à Milan Albert de la Pierre avec treze mille Suisses, lesquels apres avoir tou ché le paye sen allerent : en maniere que ledit Albert demoura accopagné seulemet de deux ou trois cens hommes.

O R avoit ledit Empereur suivy mossieur de Lautrec, pensant qu'à son arrivée nostre armée se retireroit en France, ainsi que par cy devat estoit advenu, n'ayant les forces pour tenir la campagne: & que des deniers qu'il pourroit lever à Mila il payeroit son armée. Mais apres avoir sejourné quelques jours, & se voyant frustré de son intention, par-ce que ceux avec lesquels il avoit intelligence n'avoient moyen (pour l'ordre qu'y avoit doné moseigneur de Bourbo) d'executer leur mauvaise volonté: une nuiet au desceu de son ar mée avecques deux cens chevaux, abandonna ses gens, de sorte que devant que son camp en eust la cognoissance, il estoit à vingt-mille de là. Son armée se voyant sans chef & lans argent, se retira en grande diligence apres ledit Empereur: à la suitte de laquelle sortirent le Comte de saince Pol, le sieur de Montmorency, & le sieur de l'Escur, lesquels en deffiret quelque nobre. Ce faict, partit ledit Duc de Bourbo pour s'en retourner en France devers le Roy, laissant messire Oder de Foix sieur de Lautrec, gouverneur du Duché de Milan, & lieutenant general dudit seigneur en Italie. Le seigneur de Lautrec ayat pris l'armée en main, delibera

de parachever les choses promises aux Venitiens: & se joignans avec leur armée, alla assieger Bresse, où il sut faict deux bateries, l'une par les Fraçois, l'autre par les Venities: Bresse par lesquelles furent si bien cotinuées, que ceux de la ville par- Monseignem lementeret, à la charge que s'ils n'estoiet secouxus dedas six de Lautres, jours, ils devoient bailler la place, sen allans leurs bagues sauves avecques leurs armes & enseignes: & furent baillez pour hostages de la part des assiegez, Maldonado, & Dom Iohan de Servillon. Le jour venu, fur quelque peu téporisé par ceux de la ville, tellemet que mondict seigneur de Lautrec menaça lesdits hostages de les faire pendre: mais en fin la ville fut réduë au Roy, suivat la capitulatió laquelle ledit seigneur de Lautrec meit entre les mains des Venities selon le traitté. Ce faict nostre armée s'en alla hyverner au Mantouan, & l'Esté subsequét alla devat Verone: mais apres que nous cusmes faict bateries, l'une par nous, du costé du Man touan, l'autre par les Venities, du costé de Vincéee: celle du costé du séigneur de Lautrec fut fort cobatue, mesmes par deux assaulx, l'un du costé de la porte; l'autre à un pan de mur que mondit seigneur de Lautrec avoit sait sapper, où fut blesse d'une arcbouzade le seigneur Marc Antoine Colonne, qui estoit chef dedas la ville pour l'Empereur: ce noobstar, & qu'il y eust faulte de toutes choses, jamais ne voulut parler. Aussi sur le mois d'Octobre y entra secours amené par le Cote de Roquendolfe, de huict mille!homes qui vindrent du costé de Trente. A ceste cause retirasmes nostre armée à Ville-franche, qui est sur le bord de la muraille qui separe le Mătouan du Veronois, pour les astamer: & là nous faisoient les Venitiens fournir de vivres par comissaires durant tout l'hyver, de sorte qu'environ Noel les Espagnols, par necessité de vivres, nous rendirent la ville, laquelle sut parcillement mise entre les mains des Venitiens. Ce faict, & due aux Veledit seigneur de Lautrec de retgur à Milan, sut solicité par nitiens. l'ambassadeur du Pape Leon d'envoyer (suyvant le traitté faict à Bolongne) secours pour jetter hors du Duché d'urbin Francisque Marie usurpateur dudit Duché: à quoy ledit Roy à Vra seigneur de Lautrec ne voulut faillir, & y envoya le sei- bins gneur de Chissey avec quelque nombre de gens. Puis apres y envoya pour lieutenant general du Roy messire Thomas de Foix seigneur de l'Escut, son frere, & bon nombre de gendarmerie, & de gens de pied François, & ceux qui

Verone reis

L'armée du

avoient la conduitte desdits gens de pied, entre autres le che valier d'Ambres, le seigneur d'Auslun, le seigneur de S. Blimond, Picard, & plusieurs autres capitaines. Arrivé que sut ledit seigneur de l'Escut au Duché d'urbin, seit telle diligen ce qu'en peu de jours il meit ledit Duché en son obeissance: puis en mist en possession le seigneur Laurens de Medi-

cis nepveu du Pape. En ce temps estant le Roy à Tours, vint devers luy Philippe de Cleves, seigneur de Ravasthein, ambassadeur de la part de Charles d'Austriche Prince d'Espagne & Comte de Flandres: pour adviser un lieu commode où les deputez de leurs deux majestez pourroiet covenir ensemble, pour faire une fin à tous leurs differens, & ceux de leurs alliez. Le lieu fut ordoné à Noyon, où de la part du Roy se trouva le seigneur de Boily Arthus Gouffier Grand-maistre de Frace:& de la part du Prince d'Espaigne Antoine de Croy seigneur de Chievres, lesquels avoient gouverné leurs maistres en leurs jeunes aages:& tous deux,accompagnez du conseil de leursdits maistres, & de plusieurs notables personnages. Au

Noyou.

Traitte de dit lieu de Noyon, furet faictes plusieurs coclusions entreeux, tant pour le differéd du royaume de Navarre, nouvellement usurpé par le Roy d'Arragon, que du differend du royaume de Naples. En fin il fut traitté que dedas six mois le Roy Catholique devoit rendre le royaume de Navarre à moseigneur Hery d'Albret, lequel avoit esté usurpé sur son pere par le Roy d'Arragon, grand pere maternel dudit Roy Catholique, ou bien recopenser sedit Roy de Navarre dedans ledit téps à son contentemét. Quat au royaume de Na ples, ledit Charles d'Autriche en devoit faire une pension, (ce me semble) de cent cinquate mille ducats, mais il ne s'est rien faict ny de l'un ny de l'autre: & là fut conclu le mariage entre ledit Charles d'Autriche, & Loyse fille aisnée du Roy, encores que par cy de ar eust esté traitté le mariage de luy & de madame Renée de France sœur de la Royne. Et pour jurer lesdits traittez faits à Noyon, fut envoyé de la part dudit Charles d'Autriche le Comte du Rœux, Grand-Maistre d'Espagne, lequel trouva le Roy à Paris, qui envoya son ordre audit Prince Charles d'Autriche, & ledit Prince le sien au Roy pour signe d'amitié: & fut conclu une veuë entre les deux Princes à Cambray.

1 5 1 7. Au mesme téps, mourut Ferdinand noy d'Arragon, qu'on

appelloit Iean gippon, ayeul maternel de Charles d'Autriche, parquoy ledit Charles pour recueillir la successió sem- Roy Ferdibarqua pour aller en Espagne, qui fur cause de ropre l'etre- nand d' Arveue des deux Princes. A ceste occasion le Roy qui se prepa-ragon. roit pour aller à Cabray changea son dessein, & reprint son Naissance chemin à Blois, & de Blois à Amboise: auquel lieu peu de de monseitemps apres accoucha la Royne Claude de son fils aisné au gneur le mois de Fevrier 1 5 1 7. léquel le seigneur Laurens de Medi- Dauphin cis, nepveu du Pape Leo, au no dudit Pape, tint sur les fons, François & fut nomé François. Audit baptesme furet faicles les plus-fils du Roy grades magnificences tant en joustes, escarmouches, batail- François. les faintes, qu'assiegemens de places, qu'on eust veu du vivant des homes. Le roy pour confirmer l'amitié entre ledit Pape & luy, dona à Laurens de Medicis Duc d'urbin en ma du seigneur riage une sienne cousine, fille & heritiere du feu Comte de Laurens de Boulongne, & de la sœur de seu Fráçois de Bourbon, Cote Medicis avec de Vendosine, qui estoit mort à Verceil au retour du Roy madame Charles, de Naples. Audit baptesine vint presenter son ser- Magdeleine vice au Roy le Prince d'Aurege en grand equippage, lequel de Boulogne sen alla mal cotent, & se retira au service de Charles d'Au-pere & mere triche roy d'Espagne: Peu de temps devant le roy fit reedi- de la Royne fier la ville de Terouenne, & en fit gouverneur le Bastard Catherine. de Moreul, seigneur du Fresnoy.

En ce mesme réps ou peu apres, le Roy depescha messi- Secours enre Gaston de Brezé, Prince de Fouquarmont, frere du grand royé en Seneschal de Normandie, avecques deux mille hommes de Danemarc. pied François, desquels avoient la charge soubs luy le capitaine Piefou, & le Baron de Gondrin Gasco, & le capitaine S. Blimot Picard, & le capitaine la Lade, au secours du Roy. de Dannemarc contre le Roy de Suede: lesquels apres avoir gaigné une bataille au prouffit dudit Roy, estans en fin abandonnez des Dannois, en un combat faict sur la glace, furent deffaicts. Et y en demeura la plus grande part, à l'occasion des arbres abatus en une forest, qui empeschoient noz gens de s'aider de leurs picques, apres s'estre retirez de deslus les glaces aux forests. Et entre autres y mourut le capitaine S. Blimont, qui estoit vaillant homme, & n'é revint en Frace la moitié, qui estoient tous nuds, ayas perdu leurs armes & ruiné leurs habillemens: encores estans abandonnez du roy de Danemarc, pour lequel ils avoiét combatu, trouverent moyen d'auoir quelques navires passageres, avec

I. LIVRE DES MEMOIRES

lesquelles ils prindrent terre en Escosse,& de là en France.

1518. L'AN mille cinq cens dixhuict fut nay à S. Germain en Naissance Laye Hery second fils du Roy, duquel sut parrain par prode Henry cureur Henry huictiesme Roy d'Angleterre, & le nomma fils du Roy de son nom Henry.

fils du Roy de son nom Henry.

Françon. Peu de temps apres mourut l'Empereur Maximilian, à

Mort de l'Empereur Maximiliă. l'occasió dequoy y cut de grades menées & pratiques pour faire election d'un Empereur: aucuns desiroient le Roy de France, autres Charles d'Autriche, fils du Roy Dom Philippe, qui avoir esté fils de l'Empereur Maximilia decedé. Pour ceste occasion alla l'Amiral de Bonnivet en habit dissimulé en Allemagne, ayant promesse de plusieurs des electeurs qu'ils seroient à la devotion du Roy son maistre: mais par la conduitte de Federic Comre Palatin, & du Cardinal du Liege, frere de messire Robert de la Marchk, fut ledit Char les d'Autriche Roy d'Espagne eleu Empereur à Francfort, & couronné à Aix la chappelle, Ceste mesme année messire Arthus Gouffier, seigneur de Boisy, Grand maistre de Fran ce, & monsieur de Chievres, s'assemblerent à Montpellier: l'un pour la part de l'esseu Empereur, l'autre pour la part du Roy, pour par-ensemble adviser une paix finale entre leurs deux majestez, & vuider tous les differes d'étre-eux & leurs alliez. Mais apres avoir convenu ensemble quelques jours, & avoir si bien acheminé les affaires que l'on esperoit en avoir bonne issue, ledit Grand-maistre de Boily tomba en une fievre continue, de laquelle il mourut : qui fut cause que les choses encommencées ne prindrent point de fin, & sen retourna le seigneur de Chievres en Espagne. Ladite

Mort de mofieur de Boify Grand-Maistre,

Chievres & le Grand-maistre.

Ladiste année mourut le Scigneur de Piennes surnommé de Halluin, qui estoit gouverneur & lieutenant general du Roy en Picardie, & en son lieu le Roy bailla le gouvernemen. à Charles Duc de Védosmois, & le gouvernement de l'Isle de France qu'avoit ledit Duc, à François de Bourbon Comte de S. Pol son frere.

mort fut cause de grandes guerres, ainsi qu'entendrez cy apres: car s'ils cussent achevé leur parlement, il est tout certain que la chrestiété sust demourée en repos pour l'heure: mais ceux qui par apres manierent les affaires, n'aimerent pas le repos de la chrestienté, comme saisoient les dis

Le Dic ran au mois de Septébre ensuivat, le Roy estat à Angiers, delibera de saire plus estroittes allianem avec le

Roy d'Angleserre, voyat avoir failly de coclure avec l'esleu Empereur: & pour cest effect depescha messire Guillaume Ambassade Gouffier seigneur de Bonnivet, Admiral de France, accom- l'Admiral pagné de grand nobre de seigneurs & gens de conseil, pour Bonnivet en aller devers ledit Roy d'Angleterre, lequel il trouva à Gre- Angleter. nüich maison de plaisir, qu'il a sur la Tamise trois mille au re. dessous de Londres: auquel lieu fut pour parlé du mariage de François Dauphin de France, & de madame Marie fille unique dudit Roy d'Angleterre, encores q la fille eust quatre ans plus que ledit Dauphin: & apres avoir sejourné audit lieu six sepmaines, & avoir esté grandement festoyé dudit seigneur Roy, tant en chasses; festins, tournois, qu'autres deduits, l'en retourna en France, ayant arresté une estroitte alliance entre leurs deux majestez: pour la confirmation de laquelle & dudit mariage futur, peu de temps apres le Millor Chaberlan, & le Prieur de S. Jean de Hierusale de Londres vindrent trouver le Roy à Paris, où ils firent honorablement recueillis & festoyez, tant du Roy que des Princes de son sang: & là fut conclu la restitutió de la ville de Tour nay entre les mains du Roy, laquelle avoit esté coquise par l'Anglois sur le feu Roy Loys xij. dequoy desja les propos avoient esté mis en avat par l'Amiral de Bonnivet, luy estat en Angleterre. Pour le rachapt de ladicte ville le Roy luy devoit fournir quatre ces mille escus, sçavoir est deux cens mille tat pour la despence faite à la construction de la ciradelle, que pour l'artillerie, poudres, & autres munitions que ledit Roy d'Angleterre devoit laisser en la place: les autres deux cens mille pour les frais par ledit Roy faits à la coque Ite de ladite ville, & pour le reste des péssons qui luy estoiét deues. Et par ce que l'argent n'estoit baillé coptant, sut baillé audit Roy d'Angleterre huict Gentils-homes pour tenir hostages, jusques au payement de ladite somme, à sçavoir quatre Gentils-homes de la Chabre du Roy, & quatre enfans d'honeur: les quatre Gérils-homes estoient, Fraçois de

Montmorency seigueur de la Rochepot, Charles de Mouy Restitution seigneur de la Mailleraye, Antoine des Prez seignr de Mot de la ville de pesar, & Charles de Soliers seigneur de Morette en Piemot Tourney au les quatre enfans d'honneur estoiet le fils aisné du seigneur Roy Friçois de Hugueville, le puisné de Mortemat, Melű, & Grimault. par le Roy Aussi fut accordé que jusques à ce que lesdits hostagers se-d'Angleter

roiet reduz à Calaiz en la puissace du Roy d'Angleterre, ne re.

seroit faite delivrance de ladite ville de Tournay:mais qu'e stans audit lieu de Calaiz, seroit depesché messire Gaspart de Colligny seigneur de Chastillon Mareschal de France, accompagné de deux cens hommes d'armes, pour aller prédre possession de ladite ville, chose qui sut executée: car arri vant ledit Mareschal de Chastillon à Tournay luy surent livrées par les deputez du Roy d'Angleterre la ville & Citadelle, avec toutes les choses contenues audit traitté, & sur receu ledit Mareschal par les habitas en la plus grande joye que lon eust sceu recevoir la propre personne du Roy. Et messines les citadins pour monstrer l'affection qu'ils portoient au Roy, sirent les seux de joye par les cantons de la ville des bancs & escabelles sur lesquelles s'estoient assis les Anglois, donnans par là à entendre qu'ils ne desiroient jamais retomber soubs leur authorité.

1519.

Entre veuë à Ardres des Roys de Fra ce & Angleterre,

L'AN subsequent mille cinq cens dixneuf, par le moyen de l'Amiral de Bonniuet, lequel avoit le maniement des asfaires du Roy, depuis le trespas du Grand-maistre de Boisy son frere, & du Cardinal d'Iorc, qui avoit la superintendance des affaires du Roy d'Angleterre, fut accordée une entre veuë entre leurs deux majestez, à celle sin qu'en personne ils peussent confirmer l'amitié faicte entre eux par leurs deputez: & fut pris jour auquel le Roy se trouveroit à Ardres, & le Roy d'Angletterre à Guines. Puis par leurs deputez fut ordonné un lieu à my chemin d'Ardres & Guines, où les deux Princes se devoient rencontrer. Ledit jour de la feste Dieu au lieu ordonné, le Roy & le Roy d'Angleterre montez sur chacun un cheval d'Espagne s'entre-aborderent, accompagnez chacun de sa part de la plus grande noblesse que l'on eust veu cent ans auparavant ensemble estans en la fleur de leurs aages, & estimez les deux plus beaux Princes du monde, & autant adroit en toutes armes, tant à pied qu'à cheval. Ie n'ay que faire de dire la magnificence de leurs accoustremens, puis que leurs serviteurs en avoient en si grande superfluité, qu'on nomma ladite assemblée le camp de drap d'or. Ayans faict leurs accollades à cheval, descendirent en un pavillon ordonné pour cest esset; ayant le Roy seulemét avecques luy l'Amiral de Bonnivet, & le Chancelier du Prat, & quelque autre de son conseil: & le Roy d'Angleserre, le Cardinal d'Yorc, le Duc de Northfolk, & le Duc de Sowthfolk. Où, apres

avoir devisé de leurs affaires particulieres, conclurent que audit lieu se feroient lisses & eschauffaulx, où se feroit un tournoy, estans deliberez de passer leur remps en deduit & choses de plaisir, laissans negocier leurs affaires à ceux de leur conseil, lesquels de jour en autre leur faisoient rapport de ce qui avoit esté accordé. Par douze ou quinze jours cou rurent les deux Princes l'un contre l'autre, & se trouva audit tournoy grand nombre de bons hommes d'armes ainsi que vous pouvez estimer, car il est à presumer qu'ils n'ame-

nerent pas des pires,

C E faict le Roy d'Angleterre festoya le Roy pres de Guines en un logis de bois, où y avoit quatre corps de maison qu'il avoit faict charpéter en Angleterre, & amener par mer toute faicte: & estoit couverte de toile peinte en forme de pierre de taille, puis tendue par dedans des plus riches tapisseries qui se peurent trouver, en sorte qu'on ne l'eust peu juger autre sinon un des beaux bastimens du monde: & estoit le dessein pris sur la maison des marchands à Calaiz. La maison estat apres desassemblée fut renvoyée en Angleterre sans y perdre que la voiture. Le lendemain le Roy de voit festoyet le Roy d'Angleterre pres Ardrés, où il avoit faict dresser un pavillon ayant soixante pieds en quarré, le deslus de drap d'or frizé, & le dedans doublé de veloux bleu, tout semé de fleurs de lis de broderie d'or de Cypre, & quatre autres pavillons aux quatre coings de pareille defpence. Et estoit le cordage de fil d'or de Cypre & de soye bleue turquine, chose fort riche. Mais le vent & la tourmen te vint telle, que tous les cables & cordages rompirent: & furent lesdictes tentes & pavillons portez par terre, de sorte que le Roy fut contrainct de changer d'opinion, & feit faire en grande diligence un lieu pour le festin, où de present y a un boullevert nommé le boullevert du festin. Ie ne m'at resteray à dire les grands triomphes & festins qui se firent là, ny la grande despece superflue, car il ne se peult estimer, tellement que plusieurs y porterent leurs moulins, leur forests & leurs prez sur leurs espaules.

APRES lesquels festins & tournois, le Roy se retira l'Empereur à Boulongne, & le Roy d'Angleterre à Calaiz, Toutes gens en Anglede bon jugement ne pouvoient penser de veoir jamais inimitié entre ces deux Princes: mais estant le Roy d'Angleterre de retour à Calaiz, adverty comme l'esseu Empereur

Passage de

estoit arrivé en Angleterre venant d'Espagne, s'embarqua, & le sut trouver à Cantorbery, puis s'en vint à Calaiz & à Gravelines, en telle fraternité comme il avoit saict avec le Roy, où sut accordé entre-eux que là où le Roy & l'Empe reur tomberoient en quelque differend, il seroit arbitre: & celuy qui ne voudroit tenir son arbitrage, il se pourroit de-clarer contre luy, chose contraire aux accords qu'il avoit saict avec nostre Roy. Puis s'en retourna l'Empereur en Flandres, & le Roy d'Angleterre en Angleterre.

DURANT ce temps le Roy print son chemin à Amboi se, puis d'Amboise sur la fin de Decembre, s'en alla à Remorentin, auquel lieu estant, vint la feste des Roys. Le Roy sça chant que monsieur de S. Pol avoit faict un Roy de la feve en son logis, delibera avecques ses supposts d'envoyer deffier ledit Roy de mondit-seigneur de S. Pol, ce qui fut fair: & par-ce qu'il faisoit grandes neiges, mondit-sieur de S.Pol feit grande munition de pelottes de neige, de pommes, & d'œufs pour soustenir l'effort. Estans en fin toutes armes faillies pour la desfence de ceux de dedans, ceux de dehors forçans la porte, quelque mal-advisé jetta vn tison de bois > par la fenestre, & tomba ledit tison sur la teste du Roy, dequoy il fut fort blessé, de maniere qu'il fut quelques jours que les Chirugiens ne pouvoient asseurer de sa sante: mais le gétil Prince ne voulut jamais qu'on informast qui estoit celuy qui avoit jetté ledict tison, disant que s'il avoit faict la folie, il falloit qu'il en beust sa part. Soudain les choses ainsi advenues sur publié par tout le pais de Flandres, Artois, & Espagne, que le Roy estoit mort dudit coup : autres qui vouloient moins métir, disoient qu'ils n'estoit pas mort mais aveuglé: parquoy le Roy(comme bien advisé) advertit tous ses Ambassadeurs qui estoient au païs estranges qu'ils eussent à publier la verité du faict, & mesmes manda querir tous les ambassadeurs estrangers qui estoiét suivans sa cour à ce qu'ils cogneussent l'estat auquel il estoir.

L'An mille cinquens vingt & un an commencement de printemps Henry Roy de Navarre, duquel le pere avoit depuis peu de temps esté spolié de son royaume par le Roy d'Arragon grand-pere maternel de l'Empereur, adverty qu'en Espagne y avoit grande diussion entre la noblesse de peuple, & qu'ils estoient en armes les uns contre les autres, chercha moyen par intelligences de rentrer en

1521.

Prinse El reprinse du Royaume de Naværre.

sondit Royaume. Et pour cest effect le seigneur d'Asperraut, frere du seigneur de Lautrec (pour la jeunesse dudit Henry qui ne pouvoit faire ladite entreprise) ayat levé jusques au nombre de cinq ou six mille Gascons, tant de ses païs qu'autres circonvoisins, & deux ou trois cens hommes d'armes des ordonnances du Roy entra dedans ledit royaume de Navarre, lequel en moins de quinze jours fut remis en son obeissance. Mais ledit seigneur d'Asperraut, par le conseil du seigneur de S. Colombe lieurenant de la compagnie du seigneur de Lautrec; ne se voulut contenter de ladite conqueste, ains voulut entrer en Espagne, soubs esperance de conquerir les Espagnes aussi aisément que le royaume de Navarre, où pour esperance de butin, donna jusques à la Grongne; auquel lieu arrivé qu'il fut, ne trouvant aucune resistance, ledit de S. Colombe pour son avarice (à ce qu'on disoit) luy persuada de renvoyer une parrie de ses gens de pied, ce qui fut faict, & eur iceluy de S. Colombe la charge de ce faire. Et par-ce que les gens de pied avoient receu leur mois depuis peu de iours, feit que tous ceux qui s'en voudroient aller, luy rédans demie paye, auroient congé de se retirer, & meit cest arget en ses bouges, je ne sçay au prouffit de qui il revint. Les Espagnols, lesquels (comme dit est) estoient en armes les uns contre les autres, voyans les François ne s'estre contentez de ravoir ce qui estoit de leur appartenance, mais vouloient venir conquerir leurs païs, l'accorderent la noblesse & la com mune, & trouuans ledit seigneur d'Asperraut (son armée desja separée) le defirent & toute sa trouppe, & y sur pris prisonnier ledit seigneur d'Asperraut, & tant battu qu'il y perdit la veuë, aussi fut pris le seigneur de Tournon, & autres plusieurs gens de bien, le reste se sauva par les montagnes. Les Espagnols suivirent leur victoire, lesquels trouvans le royaume de Navarre entierement despourveu de gens de guerre, reprindrent Pampelune, & tout le reste du royaume, aussi aisément qu'il avoir esté perdu.

O R messieurs, pour vo° faire entêdre la source & origine de la guerre d'entre deux si grands Princes que l'Empereur Discours sur & le Roy, par laquelle sont advenues tât d'eversions de vil- les causses des les, oppressios de peuples, ruines de Provinces, & la mott guerres du de tant de gés de bien & de vertu, je le vous diray sommai- Roy El de rement, & jugerez par adventure que le commencement l'Empereur.

fut pour peu d'occasion: mais Dieu qui est la hault l'avoir (comme j'estime) ainsi deliberé, soit pour punir les pechez des subjets & les attirer à le recongnoistre, ou se venger des grands de la terre, qui peu souvent le recognoissent comme ils doivent Et lon a maintesfois veu tant de nostre temps que du passé, d'une petite estincelle s'allumer un grand seu, d'autant qu'il n'est rien plus facile que de provoquer les Princes les uns contre les autres : puis quand ils sont une fois esbranlez, il est merveilleusement difficile de les arrester. Et en cest endroiet, veu que de messire Robert de la Marchk est sorty le commencement de leurs differends, il ne sera p as impertinent de laisser couler un mot en passant, des caules, qui alienerent son cœur de la part Imperiale, veu que depuis peu de temps il l'avoit suyvie si affectionnéemét que rié plus: par ainsi il sera aisé à juger lequel desdits deux Princes premier a rompu les conditions de la paix.

Les faicts & differens de messire Robert de la Marche.

MAIS avant qu'entrer plus avant en ce repos, fault noter qu'iceluy messire Robert de la Marchk seigneur de Sedan, estoit Duc de Bouillon, par la vendition faicte de long temps à messire Guillaume de la Marchk par l'Evesque du Liege, à condition toutesfois de rachapt, ayant d'ancienneté iceluy Duché esté vendu à un Evesque du Liege nommé Eussiprand, & à ses successeurs par Geoffroy, fils d'Eustache Compte de Bolongne sur mer, pour faire son voyage en la terre saincte: & estoient des dependences dudit Duché la ville de Loignes & le chasteau de Musancourt. Et fault entendre que ledit messire Robert de la Marchk, quelques an nées au precedant, par un malcontentement qu'il avoit eu du Roy, d'autat qu'on luy avoit cassé sa compagnie de cent hommes d'armes, pour les pilleries qu'ils faisoient sur le peuple tant en Italie qu'ailleurs, s'estoit retiré de son service: & aussi par la suasion (à ce qu'on disoir) de son frere l'Evesque du Licge, lequel Evesque avoit receu du seu Roy Loys douziesme de ce nom rous les biens qu'il avoir, mesmes l'Evesché du Liege, & l'Evesché de Chartres.

O R n'est rien plus certain, que de la controverse & differend meu entre le seigneur d'Emery & le Prince de Simay, qui estoit de la maison de Croy pour la ville de Hierge es Ardennes, sentence avoit esté long temps a donnée contre le dit seigneur d'Emery, par les Pairs du Duché de Bouillon, qui juget en souveraineté, de sorte qu'il n'y a nul

appel de leurs jugemens. Toutesfois pour l'authorité & cre dir qu'avoir vers Charles d'Autriche & les plus grands de sa cour iceluy seigneur d'Emery, se persuada que facilement il seroit relevé de n'auoir appellé en temps, si appeller pouvoit, fondant les causes de son relievement sur les empeschemens qu'il avoit eus durant les guerres, pour y avoir tousjours esté en personne (comme il disoit) combien que ce fust une couleur palliée, plustost que vive raison. Encores se voulut il aider d'une finesse pour parvenir à son intention: car lors qu'iceluy Charles d'Autriche pratiquoit les Allemans pour monter à ceste dignité Imperiale, cherchant de tous costez deniers', il emprunta grosse somme dudit d'Emery, à la caution du Marquis d'Ascot, auquel d'Ascot s'adressa iceluy d'Emery pour attaindre au but où il pretendoit. Luy remonstrant qu'il estoit en grande necessité d'argent, & que le terme de payer estoit expiré, parquoy estoit contraint de s'adresser à luy, qui estoit plege: en luy faisant toutesfois sonner à l'oreille par personnes interposées, qu'il auroit patience tant qu'il luy plairoit de son payement, pourveu que suivant le droit qu'il y pretendoit il luy aidast à estre relevé de la sentence donnée contre luy pour la ville d'Hierge:chose qui fut facile à impetrer, pour la gra de authorité & credit que ledit seigneur d'Ascot auoit autour de son Prince, duquel l'oncle, qui estoit le seigneur de Chievres, estoit gouverneur de la jeunesse dudit Empereur: tellement qu'à sa persuasion & instance, commission sut decernée par devant le grad Chancelier de Brabant. & iour assigné aux heritiers dudit Prince de Simay pour venir ouir les raisons dudit d'Emery, & veoir casser s si besoing estoit) l'arrest donné à leur proufsit pour la ville d'Hierge, ceste commission sembla ausdits heritiers si inique & deraisonnable (veu que leur pere & eux estoient en logue & paisible possession de ladite ville, & que ledit arrest doné à leur profit n'estoit subiect à appel, par-ce qu'il estoit emané des Pairs du Duché de Bouillon qui de tout temps ne re cognoissent Roy ne seigneur que leur Duc) qu'ils furét con traints de s'adresser audit messire Robert leur Duc come à leur seigneur & protecteur, à fin qu'il deffendist les libertez & priuileges de son Duché, à quoy il n'estoit pour defaillir, estant de bon cœur & bon entendement. Et y avoit d'avantage une autre occasion fort suffisante pour l'induire à

y mettre la main, c'est qu'il estoit tuteur des enfans de Simay, ayant espousé leur tante, fille du Prince de Simay. A ces causes, il n'obmist un seul poinct de diligence ny de solicitation, tans envers Charles d'Autriche, & ceux qui le gouvernoiét, qu'envers iceluy d'Emery, pour obtenir d'eux, par prieres & requestes, ce que d'eux-messimes par raison ils devoient consentir & accorder (tant pour le droiét particulier des ensans mineurs dudit de Simay, que pour le bien commun des Franchises & facultez du Duché de Bouillon) sans empescher comme ils faisoient que les choses decidées & jugées par juges irrefragables & souverains ne sussent permanentes & stables, comme procedées de volonté de Dieu qui a estably & ordonné les magistats: les sentences desquels ne doivent estre enfrainctes ne violées par les saveurs des hommes.

FINABLEMENT, quelque poursuitte que seeust faire ledit messire Robert de la Marchek, il n'en peut jamais avoir fin: tellement que voyat que justice luy estoit deniée & qu'il estoit bien loing d'estre recompensé & favorisé, il se retira devers le Roy: estant mesmement à cela sollicité par sa femme, fille de Simay, & par celle de monseigneur de Florenges son fils, laquelle estoit fille du Côte de Brenne, de la maison de Sallebruche: lesquelles par une gentille invention avoient au paravant trouvé moyen de venir en Frace, & preparer les choses envers Madame mere du Roy, de sorte que toutes vieilles querelles furent assopies, & mises soubs le pied. Et iceluy seigneur de Sedan bien recueilly, lors qu'il vint trouver le Roy à Remorantin, où il estoit blessé(comme r'ay dit) d'un coup de tison sur la teste: auquel il meit entre les mains & sa personne & ses places, luy suppliané de luy donner ayde faveur & secours pour avoir justice du grand tort & injure qu'on luy faisoit. Nonobstant que Charles d'Autriche le voyant en ces termes eut fort essayé de le regaigner, & induire par les moyens & coditions de son frere l'Evesque du Liege, luy faisant entédre que ce qui avoit esté faict ne procedoit de luy: & luy promettant que s'il y avoit en rie de gasté, il le feroit rabiller, de sorte qu'il en demoureroit satisfaict & content, mais il estoit trop tard: car il avoit desja le cueur trop ulceré, & fe delibera ('quoy qu'il en deust advenir) d'avoir par force ce qu'il n'avoit sceu obtenir par raison.

MESSIRE Robert de la Marchek ayant asseuré ses affaires avecques le Roy, & sçachant l'Empereur à Vuorme ville Imperiale, auquel lieu auoit assemblé une diette des Princes, & villes franches de la Germanie, pour remedier aux tumultes nouvellemet excitez par Martin Luther, l'envoya ledit messire Robert dessier en plaine diette: chose qui fut trouvée & prise tant par l'Empereur qu'autres Princes guerres de en grand dedaing, qu'un simple seigneur (comme messire messire Ro-Robert) envoyast deffier un Empereur, seigneur de tant de bert de la païs,& d'hommes belliqueux. Apres ladite deffiance le sei-Marchek gneur de Florenges, fils aisné dudit messire Robert, leva contre l'Emtant en France qu'autres lieux circonuoisins jusques au no-pereur. bre de trois mille hommes de pied & quatre ou cinq cens chevaux, contre la volonté du Roy, & ses deffences expresses:toutes fois ayant assemblé sesdites forces, sen alla assieger Vireton, petite ville de Luxemboug, aux confins de Lorraine: & des terres communes entre le Duc de Luxem-

bourg & de Lorraine.

A u mesme temps estant le Roy à Sanxerre, vint devers luy un gentilhomme de la part du Roy d'Angleterre pour Occasion sur le persuader de ne point entrer en guerre avecques l'Empe-le faitt du reur disant que s'il avoit quelque differend, ledit Roy d'An Royaume de gleterre en seroit mediateur pour le vuider, comme 'neu- Navarre. tre. Le differend duquel lors estoit question estoit tel, que le Roy de Navarre avoit esté par le Roy Catholique spolié de son royaume, pour la querelle de France: & pourtant ledit noy avoit esté long temps à la cour de France poursuivant & demandant secours, à sin de reconquerir sondit royaume. Or s'estoit-il faict un parlemét à Noyon. par les deputez de la part de l'eleu Empereur & du Roy, ainsi qu'avez ouy: & depuis un autre à Montpellier, lequel n'eut point de resolution, obstant l'entrevenue de la mort de messire Arthus Gouffier seigneur de Boisy Grand-maistre de France: mais par celuy de Noyon, entre autres choses, avoir esté dit, que dedans six mois le Roy Catholique rendroit le royaume de Navarre, ou bien contenteroit le roy d'iceluy, à son gré & commodité, d'autant vallant que ledit royaume. Aussi l'eleu Empereur devoit satisfaire au Roy d'une pension tous les ans, pour le droit par luy pretendu au royaume de Naples: à toutes lesquelles choses ledit Empereur ne satisfeit en

Deffy El

I. LIVRE DES MEMOIRES

façon du monde. Le Roy de France estoit tenu par chapitres des traittez faits avecques ledit Roy de Navarre, de le secourir à recouvrer sondit royaume, au cas que l'eleu Empereur faillist de sa dessudite promesse. Le Roy apres avoir plusieurs fois intimé ledit eleu Empereur, sans en sortir effet, avoit donné secours (ainsi que pouvez auoir entendu cy devant) audit Roy de Navarre, pour le remettre en ses pais: voila sommairement, quant à ce poinct, ce qui amenoit ledit gétilhomme du Roy d'Angleterre devers le Roy pour y pourvoir.

gentilhomme Roy du

L'AUTRE occasion estoit pour le dessiement qu'avoit Responce au faict messire Robert da la Marck, apres lequel il estoit entré en pais, & avoit assiegé Vireton petite ville de Luxembourg, sife (comme dit-est) entre les terres communes dud'Angleter- dit Luxembourg & Lorraine, appartenant à l'Empereur. A toutes lesquelles choses cy dessus dites, le Roy feit respoce par le seigneur de Monspesat', lequel il envoya devers ledit Roy d'Angleterre, que quant à messire Robert de la Marck, il luy commanderoit que s'il avoit querelle avec le seigneur d'Emery, qu'il eust à la vuider contre luy, & qu'il n'eust à faire la guerre à l'Empereur: & mesmes envoyeroit faire desfences à tous ses subjets, qu'ils n'eussent en ce cas à porter faveur ny aide audit messire Robert: ce qu'il fit, qui fut cause que le vingt-deuxiesine du mois de Mars, l'an mil cinq cens vingt & un, ledit messire Robert de la Marck retira son armée & la licentia, pensant estre à la fin de la guerre: & quant à ce que ledit gentilhomme demandoit que le Roy eust à faire nouveaux traittez avec l'Empereur, cela ne se pouvoit faire sans en advertir le Pape, par-ce que par alliances d'entre sa saincteté & luy il ne pouvoit rien conclure de nouveau sans l'en advertir: & quil luy en escriroit, puis sa responce ouye, volontiers entendroit à toutes bonnes raisons.

Differend sur le royaume de Napies.

I L est certain que le Roy avoit un traitté avecques la saincteté du Pape pour le recouvrement du Royaume de Naples au cas que l'Empereur fauldroit à ce qui estoit promis par le traitté de Noyon duquel peu devant est faicte mention: qui estoit de faire une pension au Roy tous les ans pour ledit Royaume. Mais l'Empereur avoit failly, tant pour Naples que Navarre, dequoy le Roy ne pouvoit avoir la raiso, lans entrer en guerre avec ledit Empercur: & main-

tenant

tenant s'accorder avec luy, c'estoit contrevenir à leur alliance. Aussi que le Pape & le Roy estoiet alliez pour la dessence d'Italie, & estoient les Venitiens sur le poinct d'entrer en ladite ligue: Parquoy le Roy envoya devers sa saincte-té pour sçavoir squand il luy plairoit mettre l'entreprinse de Naples à executio. Au gentilhome envoyé de la part du Roy, le Pape seit grad recueil, & luy bailla la liste des gens de cheval & de pied, & artillerie qui estoit besoing d'avoir pour ladite execution, & luy devoit le Roy saire response dedans vingt-deux jours.

Le terme se passa, & mesmes un mois d'avantage: chose qui meit le Pape en soupeçon, qu'oncques depuis on ne Nonchaloir luy sceut lever du cerveau, que desia le Roy, n'eust faict du Roy Fr.

luy sceut lever du cerveau, que desja le Roy n'eust faict du Roy Fr. quelques traittez sans son sceu & à son desavatage, & mesmes disoit que le Roy ne s'estoit aquitté de faire conclure ladite ligue de la deffence d'Italie aux Venitiens. Aussi se plaignoit le Pape, que peu de temps devant estoit entré dedans les terres de l'Église un nombre d'Espagnols, contre lesquels il avoit esté cotrainct de faire levée de Suisses, dequoy le Roy devoit payer les frais par moitié, ce qu'il avoit faict pour le premier mois, mais les autres non. Toutes ces occasions mirent le Pape en telle perplexité, qu'il retira dedans Rege les bannis du Duché de Milan, tels que Monseigneurin Viconte, Hieronyme Moron & autres, quoy que par le traitté qu'il avoit avec le Roy, il ne pouvoit retirer lesdits bannis dedans ses païs, ny le Roy ceux des terres de l'Eglise dedans les siens. Et aussi avoit le Pape promis au Roy par ledit traitté, de n'investir Charles d'Autriche eleu Empereur du Royaume de Naples, à luy escheu par la mort de son grand-pere maternel, cotre le droict par le Roy pretendu audit Royaume: mais peu de temps apres il accepta la haquenée blanche, qui luy est deuë pour l'investiture dudit Royaume de Naples, & tost apres capitula avec ledit eleu Empereur, dequoy le Roy ne pouvoit ne s'en resentir, & se plaignoit:attendu mesmes que ledit Pape luy avoit promis le favoriser à l'election de l'Empire, ce nonobstant secretement l'avoit empesché en ce qu'il avoit peu.

L'EMPEREUR ce-pendant feit dresser une armée sort grosse, tant de gens de cheval que de pied, par le Comte de Nansau, le Comte Felix, Francisque de Scalenghe, & le seigneur d'Emery: & faisant ledit Comte de Nansau chet,

LIVRE DES MEMOIRES

leur commanda de marcher sur les terres de messire Rober de la Marchk: & mesmes l'Evesque du Liege son frere, lequel avoit obtenu ledit Evesché & plusieurs autres biens, par le moyen de sondit srere messire Robert de la Marchk, se declara son ennemy, se faisant compagnon dudit Comte de Nansau, & seit noyer en la riviere de Meuze quelques habitans du Liege, qu'il cognoissoit estre partiaux pour fondit frere.

Cause d'alievesque du Lieze.

OR l'occasion pour laquelle on disoit que sedit Evesnatio de l'E- que du Liege avoit abandoné le service du Roy, estoit que ledit Evesque desiroit estre Cardinal, & le Roy luy avoit promis de le favoriser pour cest effect : mesmes en avoit escrit à la saincteté du Pape, lequel luy avoit promis un chapeau pour un de ses serviteurs:mais quand ce vint à l'effect, l'Archevesque de Bourges frere du general Boyer fut preferé audit Evesque, & disoit on que ses serviteurs estans a Rome avoient veu entre les mains des ministres du Pape lettres escrites de madame la Regente à sa saincteté, par lesquelles elle supplioit que quoy que le Roy escrivist il cust à preferer ledit Boyer Archevelque de Bourges. Aussi disoit on que ledit Boyer avoit donné au Pape quarante mille escus pour avoir sedit chapeau, je ne sçay s'il est vray: mais ledit Evesque du Liege print l'occasion de son mal-contentement là dessus, & s'en alla au service de l'Empereur, lequel quand & quand le feit faire Cardinal, dont sa majesté par apres a tiré de grands services, & mesmes en son ele-Ction à l'Empire. L'ay veu de mon temps que plus de gens estans partis du service du Roy par mal contentement, ont plus faict de dommage au Roy que nuls autres. Comme ledit Evesque, le Prince d'Aurenge, le Marquis de Mantoue, le Duc de Bourbon, le seigneur André d'Orie & plu-

Pour revenir à nostre propos, ayant le Comte de Nansau mis ses forces ensemble, alla assieger Longnes, ville dependente du Duché de Bouillon, à huict lieues du Liege: & quand & quand envoyale Comre Felix assieger Musancourt, le tout appartenant audit messire Robert. Estant arrivé ledit de Nansau devant Longnes, apres avoir faict furiense batterie, le seigneur de Niselles, lequel en estoit capitaine, voyant ses hommes estonnez, par-ce que ils avoient esté surpris, de sorte qu'ils n'estoient que soixate foldats dedans, & n'ayant aucune esperance de secours, rendit luy & la place à la discretion dudit Comte de Nansau, dont mal luy print: car il le feit pendre & estrangler avecques douze des principaux de sa trouppe. Puis ayant rasé ladite place marcha devant Musancourt, où le Comte Felix avoit desja tenu le siege sans y avoir rien prouffité: mais arrivé que sui ledit Comte de Nansau avec son armée, le capitaine vendu par aucuns de ses soldats, fut livré avec la pla ce entre les mains dudit Comte, lequel feit pendre vingt desdits soldats: & voulant faire le semblable audit capitaine, fut flechy par les prieres de la pluspart des principaux de

son armée, & luy donna la vie.

A Y'ANT ledit Comte de Nansau faict raser la place de Prise de Flen Musancourt, print son chemin pour aller assieger Iamets, ranges, parle dont ledit seigneur de Fleuranges fils aisné de messire Ro- Comte Nana bert, & le seigneur de Sansy son frere puisné advertis, si- sau. rent telle diligence, que la nuict ils entrerent dedans ladite place de Jamets, deliberez d'y mourir, ou de la garder, remonstrans à leurs soldats les cruautez faictes par les Imperiaux à ceux de Longnes,& de Musancourt, & qu'il leur estoit plus honorable de mourir en combatant, que d'attendre une mort si honteuse, pour cuider sauver leur vie par une composition honteuse, comme avoient faict les autres. Ledit seigneur de Fleuranges apres avoir entendu la bonne volonté de ses soldats, commença en toute diligence de remparer le chasteau, & le pourvoir des choses necessaires. Le Comte de Nansau apres avoir esté quatre jours à recognoistre ledit Chasteau de Iamers, cognoissant la contenance de ceux de dedans, leva son camp: prenant le chemin de Fleuranges, qui est une place appartenante audit de la Marchk, à quatre lieues pres de Mets, dedans laquelle s'estoit mis le seigneur de Iamets, second fils dudit messire Robert, desibere d'y mourir, ou de garder la place: mais au bout de trois jours fut trahy par les Allemans qui estoient à sa soulde, & sur livré entre les mains dudit de Nansau, lequel le seit mener prisonnier à Namur en seure garde, & les Allemans prindrent la soulde de l'Em pereur. Apres avoir rasé ladite place de Fleuranges s'en alla à Sansy autre place estant à ceux de la Marchk, où il feit le semblable. Ce faict, à grandes journées s'en alla à Bouillo, chef principal du Duché, dedans laquelle place il

avoit intelligéces, par le moyé desquelles luy fut rendue. Apres cela messire Robert de la Marchk voyant toutes les for ces d'Allemagne sur ses bras, trouva moyen d'obtenir une trefve de l'Empereur pour six sepmaines, par le moyen de Francisque de Serkingen son amy & frere juré.

l'armée du Roy.

BEAUCOUP de raisons mouvoiet le Roy à penser que l'Empereur avoit bien en son esprit une autre guerre que Discours sur celle qu'il avoit menée jusques à ce jour, car si c'estoit seulement contre ceux de la Marchk, pourquoy les ayant presque ruinez ail demandé trefve? luy estant vainqueur, ayant une armée suffisante pour deffaire ledit messire Robert, pourquoy tous les jours la renforçoit-il? Doncques le Roy entendant bien les desseins de l'Empereur, & par iceux cognoissant luy estre la guerre declarée, commença à lever une armée: & toutesfois ne voulut rien innover, sans premierement en advertir le Roy d'Angleterre son amy & allié. Et pour ce faict luy envoya embassadeurs, pour luy remonstrer le trouble que luy faisoit l'Empereur & l'armée qu'il avoit mise sus, le priant vouloir tenir le party de luy, qui estoit assailly, suivant les traittez faits entre-eux à leur abouchement faict à Ardres. Le Roy d'Angleterre ayat aussi cu lettres de l'Empereur, escriuit à tous deux qu'ils ne commençassent legerement une si grosse guerre: aussi ledit Roy d'Angleterre s'efforça de faire croire au Roy nostre maistre, que si la guerre ne luy estoit autrement denoncée, qu'il la divertist en obeissant aux conditions demandées par l'Empereur : lesquelles toutes sois estoient hors des termes de raison. Ce pendant que ces choses se traittoient, le Roy estoit allé de Sanxerre à Dijon, & l'armée de l'Empereur croissoit de jour en jour : doncques ayant mis ordre aux frontieres de Bourgongne, tita à grandes journées à Troye en Champagne, où il n'y avoit nulle armée tant petite fust elle: bien avoit envoyé le Roy messire André de Foix seigneur d'Asperraur, faire la guerre au Royaume de Navarre contre les Espagnols, dont en advint ainsi que l'ay descrit par cy devant. Car par fautte de bon conseil apres avoir conquis ledit royaume entierement, en un instant le reperdit : à l'occasion dequoy ordonna messire Guillaume Goussier seigneur de Bonnivet & Amiral de France pour mener une armée en Navarre, & venger l'injure receuë par ledit seigneur d'Asparraut: & seulement commença à dresser une armée pour soustenir l'esfort de l'Empereur, & pour cest esse nomma six gentils hommes estans pres de sa personne, pour lever cha cun mille hommes de pied, desquels il seit General François de Bourbon Comte de sainet Pol, & des gentilshommes, l'un estoit François de Montgomery seigneur de Lorges, Charles de Mouy seigneur de la Mailleraye, Charles du Ressuge appellé l'Escuyer Bourcar, Pirault de Maugeron, le seigneur Hercules de Dauphiné, le Baron de Montmoreau, mais Maugeron sut tué à Dijon: parquoy les mille hommes desquels il avoit la charge, sur rent baillez au seigneur d'Anieres, porte-enseigne de l'une des bandes des deux cens gentilshommes de la mai-

son du Roy.

MANDA pareillement à monseigneur de Bourbon, Connestable de France, de faire levée de huict cens chevaulx, & fix mille hommes de pied: au Duc Charles de Ven dosme pareille charge: des gens de Cheval du Duc de Bour bon eurent la commission de les conduire, le Visconte de Lavedan, Phillippe de Bolinvilier Comte de Dampmartin, le seigneur d'Escars, seigneur de la Vauguyon, le Visconte de Thurenne, le seigneur de Rochebaron d'Auvergne, le seigneur de Listenay, & le seigneur de Lalieres. De ceux de monsieur de Vendosme eurent la charge, le Comte de Brienne de la maison de Luxembourg, le Comte de Brenne de la maison de Sallebruchk, le seigneur de Humieres, le Vidame d'Amiens, le seigneur de Haplincourt, le seigneur de la Bergerie, le seigneur de Renty. Des gens de pied dudit Duc Vendosme, eurent la charge de chacun quatre cens: le seigneur de Sercu, le seigneur de l'Estrée, se seigneur de Roumesnil, le seigneur de Bournonville, le seigneur de Heilly, le seigneur de Laleu, le seigneur de Bours, le seigneur de Béllegarde, le seigneur de Preteval & autres. Pour aller avec monsseur l'Amiral furent six mille Lansquenets, desquels avoient faict la levée le capitaine Bradhec, le Côte Vvolfgang Allemans, le seigneur de Villiers, & François de Tavennes François: desdits Allemans sut general Claude de Lorraine Comte de Guise. De gens de cheval pour ladite entreprise, y avoit la compagnie dudit Admiral de cent hommes d'armes, celle du Duc, d'Albanie

de pareil nombre, lequel Duc estoit Regent en Escosse, à l'occasió de la minorité du Roy, la compagnie du seigneur de S. André, & luy en personne, le seigneur de S. Mesme & sa compagnie, & une partie de celle du Seneschal d'Armignac, Grand-maistre de l'artillerie, & fut donné charge audit Amiral de lever tel nombre de gens de pied des Gascons

& Basques, qu'il verroit estre raisonnable. L E Roy ayant mis l'ordre cy dessus, alla à Mostiers Ramé abbaye pres de là, dont il depescha Olivier de la Vernade seigneur de la Bastie, vers le Roy Henry d'Angleterre, pour le prier qu'il ne trouvast mauvais si estat provoqué & contrainct, il faisoit la guerre à l'Empereur mais ledit Roy d'Angleterre l'offrit à estre arbitre entre-eux deux, & que fils vouloient envoyer leurs deputez à Callaiz, de sa part, il y feroit trouver Thomas Cardinal d'Yorc, pour aduiser à moyenner une bone paix. Le Roy fy accorda, moyennant que le Pape Leon, duquel il estoit alié, y fust coprins & cosentant: & pour ce faict l'assignation fut donée au quatriesme jour d'Aoust eusuivant, & le Roy envoya par devers le Pape Leon. Pendant les allées & venues de l'un à l'autre, le Comte de S. Pol'ayoit desja levé ses gens, le Duc d'Aléçon estoit à Attigny, & la gendarmerie pareillemet, mais peu de jours apres il se approcha de Reims. Le Roy ce pédat estoit à Argilly le Duc, duquel lieu il depescha nouvelle armée tant de François que de Suisses pour l'Italie, au secours de messire Thomas de Foix seigneur de l'Escut, qui estoit demeuré Lieutenant du Roy audit Duché de Milan en l'absence du seigneur de Lautrec son frere, & avoit esté adverty de quelques pratiques qu'avoit sur le Duché de Milan Hector Viscomte, & Hieronyme Moron, & autres, ainsi que je vous feray entendre par cy apres.

Ordre donné

An mesme temps le Roy pour departir les charges par le Roy en meist son estat en quatre gouvernemens: au Duc'd'Alençon son royaume. donna la charge de la Champagne au Duc de Vendosime de la Picardie, à messire Odet de Foix seigneur de Lautrec du Duché de Milá, d'où il estoit gouverneur, à messire Guillame Gouffier seigneur de Bonnivet la Guienne : & ordonna le nombre d'hommes que devoient avoir lesdits seigneurs de Bonnivet & de Lautrec, & le reste il retint pour faire teste à l'Empereur. Ayant saict toutes ces depesches, le seigneur de Lautrec partit pour le Duché de Milan, & l'Admiral print son chemin en Guascongne: en Picardie & Champagne se faisoient tous preparatifs de munitions d'artillerie & d'argent pour subvenir aux frais. Ce pendant le Duc d'Alençon avecques les bandes du Comte de S. Pol & la gendarmerie marcha pres de Mouzon, pensant bien que là les Imperiaux, ayans paracheué leur guerre contre ceux de la Marchk, se voudroient premieremet attaquer, auquel lieu il seit sejour dix-neuf jours,

puis se retira vers Reims.

L B Duc de Vendosme estoit aussi en Picardie, & avecques luy le Mareschal de Chabanes, le seigneur de la Palisse,& le Seigneur de Teligny Seneschal de Rouergue. Durant ce temps, on eut nouvelles que le seigneut de Liques gentilhomme Hennuyer estoit campé avec quelque nombre de gens ramassez sur la riviere de l'Escau, au dessous de Valenciennes, duquel vint la premiere declaration de la guerre. Or est-il que de long temps il y avoit de grosses querelles & inimitiez entre Loys Cardinal de Bourbon, & ledit seigneur de Liques, à cause de l'abbaye de S. Amand, dont estoit pourveu ledit Cardinal Le Seigneur de Liques print ceste occasion d'assaillir ceste abbaye, où estoient pour l'heure le seigneur de Champeroulx lieutenant du Roy en Tournaisis, & le seigneur des Loges gouverneur de Tournay: mais n'estant l'abbaye dessensable, & estans furpris dedans ne pensans estre à la guerre, la rendirent à condition qu'ils sortiroiet avec leur bagage. Il y avoit plus d'apparence que le chasteau & villette de Mortaigne, ne devoient estre assaillis pour estre du domaine du Roy, & de laquelle le Roy d'Angleterre luy en avoit faict telle cession, que de la ville de Tournay & de Tournaisis: mais ledit seigneur de Liques mettoit en avant en avoir autresfois esté possesseur, parquoy l'alla assieger: mais en fin le seigneur de Pranzy, Baillif de Tournaisis & capitaine de ladite place, ne voyant apparence de secours, la rendit par composition au seigneur de Portien, & non au seigneur de Liques, à la charge qu'il sortiroit avecques les siens les armes & bagues sauves: mais sur leur retraitte, contre toute l'honnosteté de la guerre, furent suivis & desvalizez, & à peine eurent ils moyen de sauver leur vie. Ce pendant le seigneur de Fiennes de la maison de Luxembourg, gouverneur des villes de Flandres, ayant assemblé jusques à

mille chevaulx, & huict mille hommes de pied, & fix pieces d'artillerie, s'estoit campé à une lieue de Tournay, faisant cognoistre qu'il vouloit assieger la ville : ce qu'il feit, y

tint le siege cinq mois.

PENDANT ce temps, le Comte de Nansau avoit faict trefves avecques ceux de la Marchek, & n'estoit encores la guerre denoncée entre le Roy & l'Empereur: mais apres la prinse de S. Amand & de Montaigne : combien que l'Empereur niast que ce fust par son commandement & adveu, mais que c'estojent querelles particulieres, entre monditseigneur le Cardinal de Bourbon, & le seigneur de Liques: le Roy ne se voulant laisser abuser, ne voulut faillir à diligenter de se preparer à la dessence, tenant la guerre pour declarée. Le temps s'approchoit que les Ambassadeurs se devoient assembler à Callaiz, où furent ordonnez pour la part du Roy Antoine du Prat Chancelier de France, & Iean de Selva, pour gens de robbe longue, & Iacques de Chabannes Mareschal de France pour robbe courte. Durant ce temps, les Bourguignons vindrent assieger Ardres, laquelle pour n'estre deffensable leur fut rendue: puis estant par eux ruinée à fleur de terre, delibererent en faire le semblable à Terouenne, ayans esperance sur une intelligence qu'ils y avoiét, mais la trahison sut descouverte par les lettres que lon trouva qu'une vieille semme portoit aux ennemis, & furent les traistres punis selon leur merite. On ne laissa à faire des rencontres, tant d'une part que d'autre, & entre autres en fut faicte une par le seigneur de Teligny, contre six cens Bourguignons, qui estoient entrez en ce royaume pour faire butin, dont la plus part furent tuez, & les autres pris prisonniers. Pendant le Roy manda venir devers luy les Princes de son sang, avecques les autres capitaines, en sa ville de Reims, pour sur les affaires de la guerre avoir advis.

de Callai?.

L E Mareschal de Chabannes, & ses compagnons se ren-Parlement dirent à Callaiz, pour traitter des differens des deux majestez: mais les deputez de la part de l'Empereur demeurerent tousjours sur leurs haulteur, demadans des choses delraisonnables, comme la restitution du Duché de Bourgongne, & d'abolir l'hommage que devoit l'Empereur pour ses pais bas à la couronne de France, disans n'estre raisonnable qu'un Empereur portast la foy à un Roy de France, A ceste occasion le parlement sut delaissé sans nulle con-

clusion, & chacun se retira en son lieu.

Durant ceste assemblée, l'armée Imperiale Sapprochoit de Mouzon: parquoy le Roy coclut de la pourveoir, & pour cest effect y envoya le seigneur Anne de Montino- prise de Mon rency, lequel y mena de renfort (outre la compagnie du zon par les seigneur de Montmort de cinquante hommes d'armes, y estant gouverneur pour le Roy) le seigneur de Lassigny, pour compaignon dudit seigneur de Montmort, ayant charge de mille hommes de pied, le capitaine Piedfou ayec ques pareille charge, & au capitaine la Grange commission de lever au plus tost qu'il pourroit cinq cens hommes. Et pour renforcer la gendarmerie y mena pareillement dix hommes d'armes de la compagnie du Duc d'Alençon, dix de celle du Mareschal de Chastillon, dix de la compagnie dudit seigneur de Montmorency: le capitaine Montclou ayant charge d'une des enseignes du seigneur de Piedfou, fut mis à la garde de la porte de Reims avecques trente homes d'armes, & le capitaine Razemont avecques l'autre enseigne dudit Piedfou, au costé d'Ivoy, tirant vers Luxembourg,& avec luy la copagnie du seigneur de Motmort : la Grange eut la charge du boulevert, du costé de la Meuze.

Estant l'estat de Mouzon tel que dit est, le Comte de Nansau s'estoit campé à Douzy gros bourg, au dessous duquel la riviere du Cher, venant d'Ivoy se descharge dedas la Meuze, & est la moitié de la seigneurie au Roy, à cause de la seigneurie de Mouzon, & l'autre moitié du Duché de Bouillon, duquel lieu les Imperiaux passans la riviere venoient piller & desrobber sur les terres de l'obeissance du Roy, pres de Mouzon: parquoy le seigneur de Montmort envoya devers le Comte de Nansau, pour en faire plaincte, ledit Comte feist responce que c'estoit sans son seu ny ordonnance, & que si ses gens y estoient rencontrez il en feit luy mesmes la punition, & qu'il n'entendoit faire la guerre contre le Roy: seulement vouloit sejourner son camp, attendant que la trefve faicte avec ceux de la Marchk fut expirée. Le Seigneur de Montmort, & la compaignie estant avecques luy, trouva la response raisonnable, mais incontinent il eut autres nouvelles, car il fut adverty, comme les Imperiaux avoient passé la riviere de Meuze, enseignes desployées, pour entrer & faire la guerre és pais du Roy : pour

Siege [ennemis.

ausquels faire teste au passage de la riviere, depescha le capitaine Philippe lieutenant de sa compagnie, avecques tren te hommes d'armes, & trois cens hommes de pied:mais l'en nemy estoit desja passé la riviere, estimant surprendre la ville, dequoy il sut empesché par le seigneur de Lassigny, lequel arrivant à la porte la dessendit si longuement & vail lament, que la porte luy sut sermée au doz, & le pont levé: puis repassa le sossé par dessus un chevron qui luy sut jetté, & se retira sans avoir dommage, nonobstant qu'il luy sust tiré plusieurs coups, tant d'attillerie que d'arcbouze, le capitaine Philippe qui estoit sorty, comme i'ay dit, oyant l'alarme vers Mouzon, se retira par autre chemin, sans domma-

ge de luy ne de ses gens.

LE lendemain le Comte de Nansau, avecques son armée, se vint presenter en bataille en une plaine, à demie lieue de la ville, auquel lieu sejournant, le seigneur Francisque envoya lettres au seigneur de Montmort, luy persuadant de rendre la ville, devant que l'artillerie eust joné son jeu, auquel fut respondu par ledit de Montmort, qu'il estoit ordonné par le Roy son souverain seigneur, de luy garder ladite place, ce qu'il avoit deliberé de faire. La response ouye, le Comte de Nansau commanda d'approcher son camp de la ville: puis ayant planté son artillerie aux lieux qu'il veit les plus commodes pour offenser les assiegez, tout à un coup seit deux bateries: l'une de la prairie qui tire vers la porte de Reims, l'autre de la montagne qui regarde vers Ivoy. Des pieces qui estoient à la prairie on battoit par derriere, & par la plante des pieds ceux qui estoient à la deffence de la batterie qui se faisoit vers la montaigne, par dessus toute la ville, estant la riviere entre deux. Noz gens de pied qui estoient nouvellement. levez & sans estre aguerris s'estonnerent, de sorte que voyans ce qu'ils n'avoient jamais experimenté, contraignirent le seigneur de Montmort de demander composition: & pour cest essect y sut envoyé un trompette, pour obtenir du Comte qu'il eust à superseder la batterie, ce pendant qu'ils pourroient venir à quelque bon accord : chose qui ne fur accordée audit trompette. Parquoy le seigneur de Montmort, & celuy de Lassigny y allerent en personne, & y feirent composition telle que chaque homme d'armes s'en iron sur un courtault & sans armes, & les

archers & gens de pied sans armes & à pied un baston en la main: ce qui fut trouvé mauvais par le Roy, attendu qu'ils s'estoient fait fort de bien garder la place: & aussi que les deux lieutenans du Roy estoient ensemble sortis au camp de l'ennemy pour parlementer : chose non usitée parmy les hommes qui sont profession des armes.

TELLE fut la composition de Mouzon, qui donna un merveilleux cueur aux ennemys, estimans faire le semblable aux autres places, mais ils furent deceus de leur folle opinion. Car ayans laissé le Bastard de Nansau, à la garde Messeres par dudit Mouzon, prist son chemin pour aller assieger Mesie-les Bourguires, où il trouva le seigneur de Bayar, homme experimenté gnons. & sans peur, lequel le Roy y avoit envoyé son lieutenant general. Aussi peu de jours apres y entra messire Anne seigneur de Montmorency, jeune homme de grand cueur desirant donner à cognoistre à son maistre l'envie qu'il avoit de luy faire service; lequel amena avecques luy beaucoup de jeunesse de la cour, gens de bonne volonté: & entre autres Claude seigneur d'Annebault, le seigneur de Lucé, le seigneur de Villeclair, & plusieurs autres : ce qui donna grande asseurance aux soldats qui estoient dedans. Avec ledit Bayar, y avoit la compagnie de cent hommes d'armes du Duc Antoine de Lorraine, de laquelle compagnic estoit ledit Bayar lieutenant, & la compagnie du seigneur d'Orval gouverneur de Champagne de pareil nombre. De gens de pied, l'escuyer Boucar surnommé du Ressuge, avec mille hommes de pied, & le Baron de Montmoreau pareille charge. Mais estans les pieces en baterie, le gens non experimentez, entrerent en tel effroy que malgré leurs capitaines l'enfuirent les uns par la porte, les autres se jetterent pas dessus les murailles: mais ledit seigneur de Bayar feit entendre aux autres soldats qu'il estoit bien aise de ladite fuitte, par-ce qu'estans tant de gens à la garde de ladite ville, ils n'eussent point eu d'honneur ny de reputation de soustenir l'efforr de l'ennemy: & que la ville estoit d'aultant vuidée de gens de lasche cueur. Arrivé que sut le Conte de Nansau pres Mesieres, envoya devers les chess & capitaines un trompette pour les sommer de rendre la ville à l'Empereur: auquel trompette fut respondu par le seigneur de Bayar, que devant que l'ouir parler de sortir hors de la

Siege de

ville de laquelle il avoit la charge, il esperoit faire un pont des corps morts de ses ennemis, par dessus lequel il pourroit sortir: l'asseurance dudit seigneur de Bayar donnoit

grand cueur aux foldars.

I L me semble n'estre mal à propos de descrire l'assiette de la ville de Messeres. La riuiere de Meuze venat de Mouzon & de Sedan vient passer le log des murailles de la ville, puis faisant un arc & circuit d'environ une lieuë de longueur, retournant tout court revient passer à Ouarq petite villete, puis revient passer par l'autre costé de ladite ville le log des murailles: de sorte que c'est une isse fermée de la riviere, où n'y a qu'une entrée par terre comme le Peloponcle, & est l'entrée où est la porte qui se nôme de Bourgongne du costé des Ardennes: laquelle entrée est fermée de la ville, & n'y a qu'environ deux cens toiles de mur pour clorre ladite ville. Puis la riviere ayant fermé la ville, s'en va contrebas à Chasteauregnault, Dinan, Namur & Liege, puis se và descharger dedans le Rin. Le Comte de Nansau ayant eu rapport de son trompette, assist son camp du costé devers la porte qui tire aux Ardennes, car aux autres lieux il eust eu la riviere entre-deux: ce faict, asseit son artillerie pour faire deux batteries tout en un temps, lesquelles trois jours durant n'eurent cesse: puis par apres seit sa batterie plus lentement, cognoissant qu'il avoit affaire à lautres geus que ceux qu'il avoit trouvez à Mouzon, & qu'ils n'estoiet aisez à estonner: mesmes de jour à autre les assiegez saisoient des saillies sur le camp de l'ennemy, d'où le plus souvent ils raportoient l'honneur & le prouffit, & durerent en cest estat l'espace d'un mois. Le Roy ce pendant estoit à Dijon attendant le renfort de son armée, lequel estant adverty par les Ducs de Bourbon & de Vendosme, que le renfort qu'ils avoient charge de luy amener estoit prest à parrir pour prendre le chemin de Troye en Champagne, & manda ausdits seigneurs le lieu où ils se devoient assembler: car il ne faisoit doute qu'encores que Messeres fust bien munie de bons capitaines & de bons soldats, toutesfois les vivres qui au premier bruit de la guerre y avoient esté mis, n'estoient pour suffire long temps au nombre d'hommes qui estoient dedans. A ceste occasion manda haster d'assembler son armée, & ce pendant envoya quelque nombre d'hommes d'armes: dedans les villes qui sont au

long de la riviere d'Aisne pour faire teste à l'ennemy, & fa yeur aux assiegez, & aussi pour épescher le plat pais d'estre couru. En ce lieu se feirent de belles entreprises, & entre autres une laquelle je vous descriray, qui est la premiere rencontre que les nostres ont euë contre l'ennemy, depuis le commencement des guerres de l'Empereur & du Roy. En un village qui est entre Attigny & Messeres le Comte Rifourket Alleman partit de Melieres avec quatre vingts Deffaicle du ou cent chevaulx esseus en tout le camp Imperial, & deux Cemte Ricens hommes de pied, pour venir piller ledit village, esti- sour ket, par mant la puissance des Fraçois estre abolie: & ayant pillé le- François de dit village, ne trouvant nulle resistance, courut cout le Co-Silly Bailly té de Retelois & ce qui est ent re la riuiere de Meuze & la de Caen. riviere d'Aisne, & assembla tout le butin du païs. Mais estat sur sa retraitte, François de Silly Baillif de Caen, lieutenat du Duc d'Alenço & autres, estoiét de fortune arrivez en la ville de Reteil, lesquels oyans l'alarme par les païsans qui fuyoient les ennemis, feirent remonter soudain leurs compagnies à cheval, & soubs la côduite des paisans qui avoiét esté pillez, prindrent leur chemin par les bois de Retelois, pour coupper chemin aux ennemis chargez de butin, ayans ietté devant eux quelques avant-coureurs pour amuser l'en nemy, ce pendant ils les suivirent au petit trot. Le Comte Rifourket, lequel n'esperoit trouver l'ennemy en campagne oyant l'alarme, feit soudain au son de la trompette rassembler ses gens escartez çà & là:puis voyans noz coureurs en petit nombre, n'estimans qu'ils fussent suivis, se miret à marcher lentement pour attirer lesdits coureurs & les defaire. Mais apres avoir descouvert la trouppe qui estoit environ de quatre vingts hommes d'armes, feirent un bataillon de ce qu'ils avoient, tant de gens de cheval que de pied, & soultindrent vigoureusement la charge qui leur fut faicte par les François, de sorte que la victoire fut douteuse: mais en fin la gendarmerie Françoise(qui ne se laisse comparer à autre nation) leur feit une dernière charge de telle furie, qu'ils rompirent tous leurs rangs. Le Comte voyant le desastre tourner sur luy, se meit à la fuite à travers des bois, lequel estant apperceu de quelques uns des nostres fut suivy & pris dedans la forest où il estoit caché. Le reste s'estant sauvé dedans les bois, sut suivy par les païsans qui avoient esté pillez, qui les saccagerent tous où la

plus part, de sorte qu'il ne s'en sauva que cinq ou six, aus quels les gendarmes sauuerent la vie, qui surent menez à

Reims prisonniers avec ledit Comte.

CE pendant ceux qui estoient dedans Messeres ayans tenu un mois, commencerent à avoit faute de toutes choses, & mesmes d'hommes, à cause des maladies de flux de ventre qui s'estoient mises dedans la ville: de sorte qu'il leur estoit malaisé qu'ils fournissent aux gardes qu'il seur convenoit faire : pour la grande batterie que les ennemis avoient faicte depuis la tour qui faict le coing devers le costé d'Artigny jusques à la tour jolie, & depuis la tour jolie jusques à la porte de Bourgongne. Toutes fois depuis que le Duc d'Alençon vint loger à Reims, & les gens de pied du Comte de S.Pol au Pont-favergy, & la gendarmerie à Reteil, & chasteau en Portien, ils ne furent si travaillez: à l'occasion que le seigneur Francisque qui estoit logé deça l'eaue, duquel ils estoient fort tourmentez à coups d'ar tillerie, craignant d'avoir une camisade, estoit repassé l'eau, & s'estoit logé au camp du Comte de Nansau. Quoy voyat les seigneurs de Bayar, & Montmorency, assemblerent les capitaines, pour avoir advis de ce qu'ils avoient à faire: où apres toutes choses debatues fut conclu, que puis que le passage estoit ouvert du costé où estoit le camp dudit Fran cisque, il estoit raisonnable d'advertir le Roy de l'estat de la place, & des choses qui y estoient necessaires, & le moyen qu'il y avoit de les en secourir. Pour cest effect, sut eleu le seigneur de Maubuisson, gentilhomme de la maison du seigneur de Montmorency, & Brignac homme d'atmes de la compagnie du seigneur Bayar: lesquels ayans de nuict passé par la garde des ennemis, seirent telle diligence, qu'ils vindrent trouver le Roy à Troye en Champagne: auquel ils feirent entendre bien par le menu l'estat de sa place de Mesieres, & le besoing qu'avoient les assiegez mesmement d'hommes. Le Roy l'ayant entédu, les redepescha pour leur faire entendre que de brief il leur donneroit secours: & quand & quand pour executer sa promesse, partit à grandes journées pour se retirer à Reims, où le vindrent trouver la plus part de ses capitaines, pour là deliberer du faict de sa guerre: & entre autres le Duc d'Alençon, le seigneur d'Orval, le Mareschal de Chabanes lequel revenoit de Callaiz, où il s'estoit trouvé avec le Chancelier du Prat, & les

deputez de l'Empereur, & du Roy d'Angleterre, pensant (comme i'ay dit cy dessus) esteindre le feu allumé entre ces deux grands Princes. Aussi sy trouva le Mareschal de Cha- Renuitaillestillon, par le conseil duquel la plus grande part des choses se conduisoiet, le seigneur de Teligny Seneschal de Rouer sieres. gue, le seigneur Galiot seigneur d'Assié Seneschal d'Armignac & Grand-maistre de l'artillerie de France. Le lendemain sy trouva le Comte de S. Pol, capitaine general de six mille hommes de pied, qui estoient au Pont-Favergy, quatre lieuës pres de Reims, auquel le Roy commanda de faire trouver le lendemain ses bandes mi-chemin dudit Pont-Favergy & Reims, chose qui fut executée. Ce faict ledit Comte se retira en son logis, auquel ayant refreschy ses gens quatre ou cinq heures, partit pour aller à Attigny avec ses bandes , qui est sur la riviere d'Aisne à huict lieuës pres de Mesieres, où estant arrivé au poinct du jour, feit sejourner ses gens jusques à la nuiet, qu'il feit partir le seigneur de Lorges avec les mille hommes desquels il avoit la charge, & quelque charroy de vins & autres amonitions. Et leur bailla pour escorte quatre cens hommes d'armes conduicts par le seigneur de Teligny, que le Roy avoit ordonné Mareschal de son camp, & par le Baillif de Caen lieutenant de Monsieur d'Alençon: & luy avec le reste, tant de gens de pied que des gens de cheval, marcha pour les soustenir jusques à deux lieuës pres de Messeres. La gendarmerie laquelle avoit conduict ledit seigneur de Lorges en seureté dedans Messeres avecques toutes les munitions, estant de retour, se retira ledir Comte avec toute sa trouppe à Reteil, ville sur la riviere d'Aisne. Ce pendant arriverent les Suisses où estoit le Roy, au devant desquels alla le seigneur de la Trimouille, & le seigneur de Sedan, & plusieurs autres: il fault retourner au siege de Mesieres.

L E premier jour d'Octobre ceux de Messeres d'alegresse du secours qui leur estoit venu, commencerent à tirer plus souvent qu'au precedant: les Imperiaux au contraire commencerent à faire toutes choses plus negligemment qu'ils n'avoient accoustumé, & à perdre l'esperance de prédre la ville: toutesfois craignat que l'on pensast qu'ils fussent refroidis: ils envoyeret un trompette auz assiegez leur demander fil y avoit homme qui vousist entreprendre de. donner un coup de lauce, & que de leur costé le Com-

ment de Me-

te d'Aiguemont se trouveroit prest en l'isse de Messeres. Le seigneur de Montmorency se presenta pour estre champio qui deliureroit le Comte d'Aiguemont, asseurant de se trou ver au lieu & heure dite. Le seigneur de Lorges pensant estre chose honteuse qu'un homme d'Armes François fut provocqué par un Alleman, & qu'on laissast l'homme de pied François, comme n'estant pareil à l'Alleman, demanda aussi s'il y avoit homme qui vousist combattre de la picque, & qu'il seroit le champion pour l'attendre : le seigueur de Vaudray, surnommé le Beau, du camp Imperial, soudain sy presenta. Le seigneur de Montmorency à cheval, la lance au poing; se trouva sur les rangs au lieu ordon né, & le seigneur de Lorges, la picque au poing, lesquels trouverent leurs deux champions: le seigneur de Montmorency & le Comte d'Aiguemont coururent, le seigneur de Montmorency attaignit au corps de cuirasse du Comte d'Aiguemont, & le fauça, & rompit sa lance sans luy faire autre dommage: le Comte d'Aiguemont par la faute de son cheval ou autrement, ne toucha point ou bien peu. Les seigneurs de Lorges & de Vaudray donnerét les coups de picques ordonnez, sans gaigner advantage l'un sur l'autre: ce faict chacun se retira en son lieu. Le jour subsequent Grand-Iean le Picarr, vieil soldat nourry de tout tempsau service du Roy aux guerres d'Italie, soubs la charge de Molart, mais natif de la Franche Comté, lequel s'estoit retiré au service de l'Empereur depuis peu de temps, pour entendre quels vivres estoient dedans la ville, envoya par un tabourin demander au seigneur de Lorges une bouteillée de vin, en signe de leur ancienne cognoissance. Le seigneur de Lorges luy en envoya deux, l'une pleine de vin vieil, l'autre pleine de vin nouveau: & feit mener ledit tabourin en une cave où il y avoit grand nombre de vaisseaux, mais la plus part remplis d'eau: pour luy faire entendre qu'ils en avoient abondance. Mais pour la verité il n'y en estoit entré que trois chariots pour leur secours, qu'avoit amené ledit seigneur de Lorges.

Retraitte du Sau , de deuat Mesicres .

LE Comte de Nansau se voyant hors d'esperance de Cote de Nã- pouvoir affamer la ville, & encores plus de la forcer, attendu le renfort qui estoit entré dedans, & l'armée du Roy si preste qu'elle estoit pour secourir les assiegez, & son armée laquelle desja commençoit à se ruiner, par le long temps

qu'il y avoit qu'elle tenoit la campagne, delibera de faire sa retraitte: & pour cest effect feit mettre la plus grande part de sa grosse artillerie sur la Meuze pour la conduire à Namur ville de l'obeissance Imperiale, afin que plus aiséemét il peust faire sa retraitte. Ayant mis cest ordre, leva son cap, & afin de n'estre suivy ny empesché, print son chemin le long des bois, tirant le chemin de Montcornet en Ardennes,& de Maubertfontaine,& d'Aubenton pour aller droit à Vervin & à Guise: & par tout faisoit mettre le seu. Le Roy adverty dudit deslogement & du chemin que tenoit l'ennemy, delibera de luy coupper chemin au tour de Guise, & là le combattre: & pour cest esfect mada à toute son armée de prendre ledit chemin, & envoya bon nóbre de gendarmerie pour costoyer l'ennemy, & le garder de s'escarter au dommage du pais. L'ennemy qui avoit deliberé de prendre le chemin de Guise, estant adverty que monsieur de Vendosme, qui estoit campé à Fervacques, abbaye où sourd la riviere de Somme, avoit envoyé Nicolas seigneur de Mouy son lieutenant de cent hommes d'armes, & avec luy le seigneur d'Estrée, ayant charge de cinq cens hommes de pied: le seigneur de Logueval, & le seigneur de Roumesnil avec pareille charge, deliberez de garder ladite place de Guise, & le Mareschal de Chabanes avec deux cens hommes d'armes à Vervin, pour luy donner empeschement, changea d'opinion: & apres avoir mis à sac la villette d'Aubenton, il meit au fil de l'espée toutes gens indisferemmet, de tous sexes & de tous aages, avec une cruauté insigne: & de là sont venues depuis les grandes cruautez, qui ont esté faictes aux guerres trente aus apres. Aussi apres avoir brussé & demoly ladite ville, prindrent le chemin d'Estrée-au-pont sur la riviere d'Oise, laissant Vervin à main gauche.

LE Roy estant arrivé à Guise avecques les Suisses, seit assembler son armée à Fervacques: partant de là alla loger au Môt-Sainct-Martin en une abbaye au dessous de Beau-revoir, ou croist la riviere de l'Escaut. Audit lieu de Fervacques le Roy, pour remuneration de la vertu du sieur Bayar, luy donna cent hommes d'armes en chef, & l'honnora de son ordre de sainct Michel. Ce pendant que ceste retraitte des ennemis se faisoit, & avant que nostre camp sust assemblé, le Comte de S. Pol marcha avecques ses bandes, & quelque gendarmerie, pour remettre Mouzon entre les

Reprinse de

Monzon.

de Nansau, qui estoit demeuré chef dedans ledit Mouzon, ne sentant la ville assez forte contre un siege, se retira par la porte de Bourgongne à Ivoy, qui n'est qu'à une lieuë de là, mettant le feu en la ville: mais le capitaine la Grage, qui estoit un des capitaines qui estoient dedans quand elle fut rendue aux ennemis, feit si bon guet & diligence, que sorrat l'ennemy par une porte entra par l'autre, & sauva la ville du feu, & massacra quelques boute-feux qui estoient demeurez derriere: dequoy le Comte de S. Pol adverty, y envoya bon-

ne garnison pour la garde, & se retira au camp qu'il vint trouver à Fervacques.

Du voyage? soubs mosteur l'Amiral Bonnivet.

C E pendant que les affaires de Picardie & Champagne de Navarre estoiét en l'estat qu'avez entédu, l'Amiral de Bonnivet ayat prins cogé du Roy pour son voyage de Navarre, avec quatre cens hommes d'armes, & le nombre de gés de pied que j'ay nomé cy devant: sur la fin de Septembre arriva à S. Iean de Luz, duquel lieu depescha le seigneur de S. André, avec deux mille cinq cens Lansquenets, dont avoit la charge le capitaine Brandhec, & l'Escuier Villiers, toutesfois soubs l'authorité de monsieur de Guise, avec mille Guascons Navarrois & Basques, pour aller assaillir la ville de Maye: puis ayant sejourné quatre jours audit lieu de S. Iean, envoya sommer le chasteau de Poignan, assis sur la montagne de Roncevaux, lequel estant refusant de se rendre, mondit seigneur l'Amiral y seit mener quelques bastardes, lesquelles estant montées mi-chemin de la montagne, les feit tirer au chasteau, faisant entendre à ceux de dedans que s'il les faisoit monter jusques au hault, il n'en prendroit un à mercy. Dequoy estans estonnez, se rendirent bagues sauves: dedans estoient environ cinquante Espagnols: desquels estoit capitaine un Espagnol nommé Montdragon.

Estant le chasteau entre ses mains, faignant monditseigneur l'Amiral de prédre le chemin de Pampelune:mais deux jours apres tourna bride avecques son armée, marchant à travers les montagnes, où il fallut un jour entier que les ges de cheval allassent à pied. Et environ le soir arriva un quart de lieuë pres de Maye, où toute nuiét feit asseoir son artillerie, & seit tirer quelques coups de cano, afin de doner opinion aux ennemis qu'il se vouloit arrester là.

Mais ce pendant les Lansquenets prindrent autre chemin, de sorte que luy suivant les lieus Lansquenets, au soir arriva en un village pres S. Iean de Luz, un quart de lieuë deça l'eau nommé Estaigne, auquel lieu sejourna son camp deux jours. Le mardy devat le jour chacun se trouva en bataille, auquel ordre on marcha au travers les montagnes iusques à un village nommé Biriatte: mais estimas en ce lieu passer l'eau, trouverent bon nombre d'Espagnols, lesquels pour la

difficulté des lieux on ne pouvoit nombrer. L A cause pour laquelle mondit-seigneur l'Amiral faisoit faire toutes ces ruzes, estoit pour tenir l'ennemy en incertitude, afin de surprendre Fontarabie. Or estoiét les ennemis delà la riviere de Behaubie, & nostre camp deça, qui estoit bien cause(comme j'ay dit) qu'on ne les pouvoit recognoistre au vray. Ladite riviere passe au pied des montagnes qui viennent de Navarre, & tombe en la mer devant Fontarabie. Toute la nuict nostre armée fut en bataille, par ce qu'il estoit la pleine lune: & la mer qui restotte estoit si haulte, qu'il estoit à nous & à eux impossible de passer la riviere. Mais le lendemain environ huict heuresidu matin, estant la mer retirée, monsieur de Guise, apres avoir ordonnéses Lansquenets, & avec luy le reste des gens de pied, & la gendarmerie, se meiret en bataille sur le bord de l'eau: puis les Lansquenets ayans baisé la terre (ainsi qu'ils ont de coustume quand ils marchent au combat) ledit seigneur de Guise la picque au poing, tout le premier se meit en l'eau, accompagné de sa trouppe, pour aller combatre son ennemy. Lequel fut si bien suivy, que les Espagnols, qui pouvoiét estre nombre egal (avec l'avarage que pouvez estimer que ceux qui attendeut en terre seche ont sur ceux qui les viennent combattre, mouillez au travers d'une riviere) estonnez de la furie & hardiesse de noz gens, se meirent en fuitte au travers des montagnes, & estoit le chef de ceste armée Espagnolle Dom Diegue de Vére, une partie de laquelle se retira dedans Fontarabie.

Le soir monsieur l'Amiral vint avec son armée loger à S.Marie, gros village auquel on ne trouva personne, car hommes & semmes s'estoient retirez aux montagnes: auquel lieu nostre armée sejoutna deux ou trois jours en grande necessité de vivres, par-ce que les Espagnols tenoient un chasteau nommé Behaubie, qui est sur le droit

chemin par où il falloit que vinsent les vivres en nostre camp. Et pourtant mondit-seigneur l'Amiral commanda qu'on trouvast façon de faire passer quelque artillerie, & qu'on fist la nuict les approches de ladite place: ce qui fur faict, & furent passez quatre canons & quelques bastardes. Mais arrivant ledit seigneur Amiral, & voyant à son opinion qu'on avoit faict les approches trop loing, luy-mefmes les feit en plain jour, à soixante toises pres de la place: de la premiere volée qu'on tira, un canon emboucha une canonniere basse, & rompit une de leurs meilleures pieces, & dudit coup furent tuez le canonnier & deux ou trois autres qui luy aidoient à remuer ladite piece. Dequoy il entra tel effroy parmy tous les foldats, qu'ils contraingnirent leur capitaine de se rendre à la volonté de mondit-seigneur l'Amiral: desquels les uns plus apparens furent envoyez prisonniers à Bayone, & les autres envoyez sans ar-

Prinse de Fontarabie.

A Y ANT monsieur l'Amiral ceste place entre les mains, qui estoit celle qui plus luy empeschoit d'aller assieger Főtarabie, pour raison des vivres : apres avoir laisse des homes pour la garde d'icelle, & pour l'escorte des vivres, marcha droict à Főtarabie, place qu'on estimoit imprenable, & unc des clefs d'Espagne, & l'assiegea de toutes parts: car la place est petite, sise sur la poincte où la riviere se descharge en la mer ayant d'un costé la mer, d'autre la riviere & d'autre la montagne. Estant arrivé audit lieu, luy-mesmes feit les approches, baillat au Duc de Guise son quartier & à chaque capitaine d'hômes d'armes son canon à gouverner, & luymesmes en print un : & sut faicte telle diligence qu'en peu de jours on feit breche: laquelle encore qu'elle ne fust raifonnable d'assaillir, si est-ce que noz ges de pied, Guascons, Basques & Navarrois demaderent à donner l'assaut, lequel leur fut octroyé. Toutesfois si leur impetuosité fut grande à assaillir, la constance de ceux de dedans ne fut moindre? les soustenir: de sorte qu'on sonna la retraitte jusques à autre temps, ce-neantmoins ceux de dedans ayans la cognois. sance de quelques pieces que mosseur l'Amiral faisoit met tre sur un hault, pour les battre le lendemain par les sancs quand noz gens iroient à l'assault: cognoissans aussi la har diesse des nostres laquelle ils avoient le jour precedant es prouvée, se rendirent bagues sauves, qui sut environ le tép

que le Roy marchoit à Valencienes. Estant ladite ville entre ses mains, la bailla en garde à Iaques Daillon, seigneur du Lude, qui en feit son devoir, ainsi que pourrez entendre

cy apres.

O revenons au Roy que nous avons laissé à Fervaques, Du camp du & au mot S. Martin: auquel lieu il ordona la forme que de- Roy en Pivoit marcher son armée. Au Duc d'Alégon bailla l'avargar-cardie. de, & auec luy le Mareschal de Chastillon, ayat sous luy la principalle superintendéce. Le Duc de Bourbo eut quelque malcontentemét, plus qu'il n'en feit de demonstration, dequoy on luy avoir levé la coduitte de l'avantgarde, attendu que c'estoit sa charge, comme Connestable de France : toutesfois il le supporta patiemment, & fut ordoné à la bataille avec le Roy. Au Duc de Védosme fut ordoné l'arrieregar de:puis le Roy estant adverty que ceux de Bapaume, qui est une ville en la plaine d'Artois, assise sur un hault, faisoient beaucoup d'énuy à la frotiere vers Perone, Corbie, & Dour lés, y envoya le Côte de S. Pol avec ses bandes, & le Mareschal de Chabanes,& le seigneur de Fleurages, & leurs copa gnies de gensd'armes avec un equipage d'artillerie pour la mettre en son obeissance: ce qu'ils feiret, & la ville & le cha steau, & ne la trouvans gardable, ruineret les portes & meirét le feu dedas: puis sur la retraitte raserent plusieurs petits forts où noz ennemis se retiroiet pour piller nostre fronticre. Et vindrent trouver le Roy au premier logis, partant du mốt S. Martin: aussi adverty d'une petite ville nomée Landrecy, estat assise sur la riviere de Sabre, entre le vivier d'Oizy où ladite riviere prét sa naissance, & l'abbaye de Marolles, ayat la forest de Mormaulx à la portée d'un canó devers Henault: & de deçà est à la sortie des bois de Tierasse, depes cha le Duc de Vendosme avec l'arriegarde, pour la mettre en son obeissance. Le Duc de Vendosme estat arrivé un peu devant soleil couché, quatre ou cinq enseignes des bandes de Picardie se desbaderent sans commandement, lesquelles sans baterie ne eschelles donnerent à la muraille, & à la por te, de telle furie que deux enseignes monterent sur le hault du pont-levis:mais aussi tost furent renversez dedás les fos fez, desquels l'un desdits porte-enseignes y demoura mort. Ils furet repoutlez par sept ou huich cens Lasquenets, qui e-Itoient dedans pour la garde de ladicte ville: mais la nuict (ayans cognu la hardielle de laquelle avoyent vse les Fran-

çois, & craignans qu'au matin l'on feist batterie, & que puis apres ils ne peussent supporter l'assault) se retirerent dedans la forest: par-ce que nous ne pouvions passer delà, à l'occasion de la rivierre qui passoit par le millieu de la ville. Au matin monsieur de Vendosme la trouvat vuide d'hommes, la feit razer & brusser, puis se retira au camp qu'il trouva pres de Chasteau-cambrezis.

Roy estant logé au dessus de Happre, qui est un village & gros prieuré mi-chemin de Cambray, & de Valenciennes, sur adverty que l'Empereur avec son armée s'estoit retiré dedans Valenciennes: parquoy delibera de faire un pont sur l'Escau, au dessous de Bouchain, esperant combattre l'Empereur, ou luy faire ceste honte de le faire retirer. Et pour visiter lieu propre pour cest eessect, avec bonne escorte de cavallerie, y alla luy mesmes: & trouva là Neufville sur l'Escau, lieu fort à propos, encores qu'il y ait maraiz deça & delà. Puis ordonna le Comte de S. Pol avecques les six mille hommes, desquels il avoit la charge, pour toute la nuice executer son commandement, & quand & quand passer delà l'eau, & se fortisser ce pendant que le reste de l'armée

passeroit.

L'empereur estant à Valenciennes adverty du pont qui le faisoit, depescha douze mille Lansquenets & quatre mille chevaux pour nous empescher le passage:mais estans partis un petir tard, & arrivans sur la riviere, trouverent desja le Comte de S. Pol en bataille dedans les marais delà l'eau de leur costé, vers Valenciennes, & le Roy avecques toutes ses forces, qui desja en grande diligence passoit, n'osans attaquer monsieur de S.Pol, pour estre en lieu fort & avantageux, delibererent leur retraitte: mais avant qu'ils eussent loisir de ce faire, trouverent l'avantgarde & la bataille du Roy passées, où il pouvoit avoir le nobre de quinze à seize cens hommes d'armes & vingt-six mille hommes de pied, avec les chevaux legers. Toutesfois à cause d'un prouillar qui se leva, on ne pouvoit bien aisement recognoi stre le nombre des gens de l'ennemy. Aucuns de l'avantgarde ne furent d'opinion de les charger, autres cognoissans qu'il y avoit sept ou huict cens chevauz des ennemis qui couvroient la retraitte des gens de pied, furent d'advis avec quatre cens hommes d'armes de charger lesdits gens de

cheval: car les rompant ou rembarrant dedans leursdits gens de pied, on pourroit sçavoir la contenance qu'ils feroient. Et mesmes le seigneur de la Trimouille seit offre de faire ladite charge avec la compagnie de cent hommes d'ar mes, & les guidons de l'avantgarde: aussi fist le Mareschal de Chabanes, & qui l'eust faict, l'Empereur de ce jour là eust perdu honneur & chevance: mais par aucuns autres il ne fut trouvé bon. Parquoy l'ennemy qui avoit trois lieuës de retraitte & toute plaine compagne, à peu de perte se retira, & ne perdit à ladite retraitte homme de nom que le Bastard d'Emery, & quelque peu de gens de cheval qui furent pris prisonniers. Leur retraitte fut à Valenciennes, auquel lieu estoit l'Empereur en tel desespoir, que la nuict il se retira en Flandres avec cent chevaux, laissant tout le reste de son armée: & ce jour là Dieu nous avoit baillé noz ennemis entre les mains, que nous ne voulumes accepter, chose qui depuis nous a cousté cher: car qui refuse ce que Dieu presente de bonne fortune, par apres ne revient quand on le demande.

PENDANT ce temps, l'arriere garde estoit passée, & estoit le Roy armet en teste devant le bataillon de ses Suisses, lesquels sans cesse luy demadoient de donnet la bataille pour luy faire cognoistre le desir qu'ils avoient de luy faire service, d'autat que depuis la journée de Marignan, & qu'ils avoient faict alliance avec luy, ils ne l'estoient trouvez en armée à sa soulde, sinő quand l'Empereur Maximilian vint devant Milan: mais encores n'estoit alors leur aliance bien confirmée. La nuict venue, sans autre chose faire (hors mis quelques coureurs qui donnerent devers Valenciennes) le Roy se logea avecques son armée le long de la riviere, pres du lieu où il avoit passé: puis le lendemain envoya mosseur de Bourbon devant Bouchain, laquelle ville se rendit à luy Aussi envoya monsieur de Vendoline avecques l'arrieregar de à Sommain pres de la riviere des Carpes, laquelle vient de Douzy, & va tomber dedans l'Escau à l'abbaye de la Vicongne, entre Valenciennes & S. Amand: laquelle riviere des Carpes avions deliberé de passer à l'abbaye de Marchiannes pour aller secourir Tournay. Pendant ce temps arriverent les ambassadeurs du Roy d'Angleterre, qui estoient le Millor Chamberlan, & le grad Prieur de S, Ican, pour traitter la paix des deux Princes: lesquels tant

e iiij

travailleret qu'il fut accordé que l'Empereur retireroit son armée de devant Tournay, là laissant en liberté: aussi retireroit l'armée qu'il avoit au Duché de Milan & autres païs & le Roy feroit le semblable, & s'il y avoit quelque place en differend, le jugemet en seroit mis sur le Roy d'Angleterre.

L es choses estant ainsi accordées, furent cause que le Roy rompit son entreprise de poursuivre fa fortune, & que tout chacun pensoit la paix estre faicte: mais sur ces entrefaictes vindrent nouvelles que l'Admiral de Bonnivet avoit pris Fontarabie, ville de Biscaye appartenante à l'Empereur Au moyen dequoy ledit Empereur ne voulut jurer lesdits traittez, que Fontarabie ne fust rendue: parquoy tout ce qui avoit este traitté, attendu que le Roy ne la voulut rendre, fut declaré nul, & la guerre comme devant. Ot est-il que pendant que nous sejournasines cinq ou six jours en ce païs d'Austrevant entre la riviere de l'Escau, & celles des Carpes, les pluies vindrent si grandes qu'il n'y avoit ordre de passer les rivieres, à ceste cause sut ordonné de faire visiter ledit passagé de Marchiannes, où le Roy avoit deliberé de passer: & pour cest effect y fut envoyé le seigneur de Montmorency, lequel ayant rapporté estre impossible pour les crues des rivieres, fut conclu de se retirer au hault païs d'Artois, & aller passer la riviere qui vient de Vy en Artois, & des estangs d'Oify, & vient tomber dedans l'Escau pres de Bouchain, à un passage nommé l'Escluse, deux lieuës pres de Douay: & estoit la veille de la Tousfain ts audit an M. D. XXI.

LAVANT GARDE & bataille passerent dez le soir, & une partie de l'arrieregarde: mais vers le soleil couché les ponts qui estoient sur la chaussée se rompirent, & y tomba quelque charroy, que mal aisément on pouvoit relever à cause du marais: de sorte que le reste de l'arrieregarde sut contraint de loger de là l'eau devers Douay & Valencienes, en lieu que l'avantgarde & la bataille ne l'eussent peu secourir. Au poinct du jour qui sut le jour de Tous saincts, il sortit de Douay bon nombre de gens de cheval & de pied, tant des ordonnances des bas païs de l'Empereur que Clevois, pour nous venir recognoistre: mais nostre cavallerie que menoit le Comte de Brienne, & le seigneur de Mouy, avecques les autres capitaines, ayas deux mille hommes de pied sur leurs aisses, tindrent si bonne coutenance,

qu'il ne fut jamais en la puissance des ennemis de recognoistre le desordre qu'il y avoit sur ladite chaussée à passer le bagage, Car s'ils en eussent eu la cognoissance, & que léurs forces qui estoient tant à Douay qu'à Valenciennes fusient sorties, ils eussent taillé en pieces tout ce qui estoit demeuré de là l'eau.

A PRES que tout le bagage fut passé (qui estoit sur le Prise de Hemidy) l'arrieregarde passa pour suivre la bataille, laissant din. au bout de la chaussée bon nombre d'archouziers & de picquiers, pour soustenir l'effort de l'ennemy, s'il eust voulu donner sur la queuë, ce qu'il ne feir. Estant donc nostre armée remise ensemble en la plaine d'Artois, arriverent nouvelles que dedans Hedin il n'y avoit aucuns gens de guerre, & en eut l'advertissement monsseur de Vendosme, & que le lendemain il se devoit faire une grande assemblée audit lieu de Hedin, pour faire les nopces de la fille du receveur general d'Artois, soubs opinion que nostre armée fust encores de là l'eau, parquoy le Roy conclud d'y envoyer en extreme diligence monsieur de Bourbon, avecques la troup pe qu'il avoit amenée, & monfieur de Vendosme avecques son arrieregarde, & le Comte de S. Pol avecques les six mille hommes, desquels il avoit la charge. Lesquels partans d'Andinfer, qui est à trois lieuës d'Arras, encores que les pluyes fussent continuelles, feirent telle diligence, que ceux de Hedin devant qu'ils sceussent le partement de nostre armée la veirent devant leurs portes. La ville soudain sut assaillie, laquelle apres avoir enduré quarante ou cinquante coups de canon, fut emportée d'assault: & y fut trouvé un merveilleux butin, car la ville estoit fort marchande, par-ce que de toute ancienneté les Ducs de Bourgnone y avoient faict leur demeure principalle.

MADAME du Reux & le seigneur de Bellain, qui se nommoit Succré estans en ladite ville se retirerent dedans le chasteau: où apres avoir veu l'artillerie en batterie, capitulerent en sorte que ladite dame, & ceux qui estoient de la garnison ordinaire dudit chasteau, sortiroient avecques leurs bagues sauves, mais ceux de la ville qui l'estoient retirez audit chasteau, demourerent prisonniers: & fut conduitte ladite dame en seureté où bon luy sembla. Pendant que monsieur de Bourbon & monsieur de Vendosme faisoient les approches dudit chasteau, le

seu sut mis à la ville par quelques sacmens, qui sut un grand dommage: car devant qu'on eust pourveu à l'esteindre, il fut brussé une partie de la ville, & beaucoup de richeiles. Tantost apres ladite prise de Hedin, tous les petits chasteaux des environs, comme Renty Bailleuil-leMont, & autres petites places se meirent en l'obeissance du Roy. Au partir que seit mondit-seigneur de Bourbon d'Andinfer, le Roy avecques le reste de l'armée s'estoit retiré par Dourlens à Amiens. Parquoy se retirerent audit lieu monsieur de Bourbon, & monsieur de Vendosme, pres avoir pourveu audit chasteau de Hedin de monsieur du Biez pour Gouverneur : qui pour lors estoit lieutenant du seigneur de Pontdormy, lequel Pontdormy estoit en Italie. Et luy furent baillez trente hommes d'armes, & deux cens morte-payes pour la garde dudit chasteau : & pour la ville furent laissez mille hommes de pied, desquels avoit la charge le seigneur de Lorges, duquel Hutin de Mailly estoit lieutenant de cinq cens, & la Barre aussi lieutenant de cinq cens.

ARRIVE que fut monsseur de Bourbon à Amiens, le Roy ordonna de separer son armée, & à la plus grande part des gentils hommes qui avoient mené la cavallerie de monsieur de Bourbon, donna charge à chacun de vingt-cinq hommes d'armes: & à quelques uns de monsieur de Vendosme, pareille charge. De ceux de monsieur de Bourbon au Comte de Dampmartin, qui avoit non de Bolinvillier, au Vicomte de Turene, au Vicomte de Lavedan, à d'Escars seigneur de la Vauguyon, au seigneur de Listenay, au seigneur de Rochebaron d'Auvergne. De ceux qu'avoir amené monsieur de Vendosme, le Roy donna au Comte de Brienne & au seigneur de Humieres pareille charge de vingt-cinq hommes d'armes : puis licentia son armée, laissant tant seulement deux mille Suisses à Abbeville, donnant congé au demeurant & fournissant ses places ainsi qu'il s'ensuit. A Boulongne le seigneur de la Fayette, gouverneur ayant charge de cinquante hommes d'atmes & le seigneur de Rochebaron, avecques vingt-cinq hommes d'armes. A Terouenne le Bastard de Moreul seigneur du Fresnoy, gouverneur dudit lieu avec cinquante siommes d'armes, le Comte de Dampmartin, le seigneur de

Listenay, & le seigneur de la Vauguyon, avecques charge de vingt-cinq hommes d'armes chacun. A Bray sur Somme fut mis se Vicomte de Lavedan ayant vingt-cinq hommes d'armes : à Montreul le seigneur de Teligny, Seneschal de Rouergue avecques sa compagnie, à Dourlens la compagnie de monseigneur de Vendosme, à Corbie, celle de monsieur de S. Pol, à Peronne celle de monsieur d'Humieres, à Sainct Quentin celle de monsieur le Mareschal de Chabanes, à Guyse celle de moseigneur de Guise, & de monsieur de Brienne, & à Vervin la compagnie de monseigneur de Brenne. Apres avoir mis les provisions dessussites, le Roy se retira à Compiegne, pour pourvoir au reste de son armée, auquel lieu estant environ Noël, ayant nouvelles de la necessité où estoient les assiegez de Tournay, & ne voyant y avoir ordre de les secourir pour l'incommodité de l'hyver, manda au seigneur de Champeroux qui estoit dedans son lieutenant general de trouver Tournay. moyen de capituler avecques la plus honorable composition qu'il pourroit faire ce qu'il sit, & sortit en armes, ses bagues sauves, enseignes desployées & tabourins sonnans, & fut conduit en seureté jusques à Doutlens. Les citadins qui voulurent demourer en ladite ville, furent tenus en leurs libertez: pareillement ceux qui voulurent suivre la part Françoise, faire le peurent.

A u temps que se faisoient par deçà les choses que Affaires vous avez entendu, l'Italie n'estoit en repos: l'Empereur d'Italie. dez l'an precedant mille cinq cens vingt, voulant par tous moyens ruiner le Roy, encores qu'il y eust paix entre eux, secrettemet chercha de rompre la ligue faicte entre le Roy les Venitiens, & les Suisses, & d'enfaire une nouvelle avecques eux, contraire à la dessusdite. Mais n'en pouvant venir à son intention, recherchale Pape Leon, lequel nonobstant les grandes alliances & les traittez qu'il avoit cus par cy devant avecques le Roy (ainsi que j'ay dit) comme leger commença à traitter une ligue avecques l'Empereur : par laquelle lesdits Pape & Empereur promettoient ensemblement chasser les François d'Italie à frais communs: & pour sa part le Pape devoit avoir Parme & Plaisance, qui seroient patrimoine de l'Eglise, à laquelle ligue estoit compris Francisque Sforce, sugitif en Allemagne, & frere puisné de Maximilian, n'agueres Duc

Prise de

de Milan, qui avoit remis son droit entre les mains du Roy: lequel Sforce devoient les les Pape & Empereur faire à frais communs Duc Milan, & luy maintenir le dit Duché avecques les armes. Or en ce temps un senateur de Milan nommé Hieronyme Moron (home auquel le Roy avoit faict beaucoup de biens, mais puisnagueres s'estoit mal contenté, pour avoir esté refusé du Roy, d'une maistrife des requestes de son hostel) se retira devers le Pape & devers Francisque Sforce, leur promettant de troubler l'estat de Milan, & faire de grandes revoltes: ce qu'il seit, & sans point de faute il servit d'un grand instrument à nous chasser du Duché de Milan.

Couleur de la deffiance du Pape Leon avec le Roy.

Pour suivre ce que i'ay cy devant commencé, je vous reciteray l'occasion pour laquelle le Pape estoit entré en deffiance avecques le Roy, encores qu'il n'en eust donné aucune chose à cognoistre, jusques à ce qu'il en veit le moyen, mais voyant le feu allumé du costé de deçà tel que j'ay predict, comença à dresser ses pratiques. Le seigneur de l'Escut, frere du seigneur de Lautrec, lequel (pendant que mondit sieur de Lautrec estoit venu en France pour espouser la fille du seigneur d'Orval, qui estoit de la maison d'Albret) estoit demouré lieutenaut du Roy, adverty que quelques bannis du Duché de Milan s'estoient retirez à Busset, place appartenante au seigneur Chrestosle Palvoisin: envoya devers ledit Palvoisin luy faire desfence de par le Roy de ne retirer lesdits bannis, ennemis du Roy. Ce pendant celuy qui estoit envoyé de par mondit-seigneur de l'Escut, nommé Cardin de Cremone, alla en une sienne maison pres de là, pour mettre ordre à ses affaires: mais incotinant fut rapporté audit Palvoisin que ledit Cardin estoit venu pour l'espier, parquoy il le seit prendre, & luy donner tant de traits de corde qu'il confessa estre venu pour cest effect. Apres laquelle confession, le voulut faire condamner par son potestat à estre pendu & estranglé : ce que ledit potestat refusant de faire, ledit Palvoisin luy mesmes le condamna, & le feit executer.

CESTUY Palvoisin estoit riche au Plaisantin & Parmesan de vingt-cinq mille ducats d'intrade, & estoit aagé de lxx.ans, bien allié, tenant grande despence: en la maison duquel un chascun estoit bien venu. Lequel voyant le man dement à luy saict, ne voulut soustenir lesdits bannis en sa

maison, & se retirerent à Rege, terre de l'Eglise: encores que par traicté le Pape & le Roy ne les deussent respectivement soustenir en leurs terres : & avec iceux bannis se retira un grand nombre d'autres, tellement qu'on estimoit le nombre de ceux que le seigneur de Lautrec avoit bannis de l'estat de Milan, aussi grad que celuy qui estoit demouré. Et disoit on que la plus grande part avoient esté bannis pour bien peu d'occasion, ou pour avoir leurs biens: qui estoit cause de nous donner beaucoup d'ennemis, qui depuis ont esté moyé de nous chasser de l'estat de Milan, à fin de rentrer en leurs biens. Au paravant que ledit Mareschal de Foix fust venu lieutenant du Roy au Duché de Milan, estant(comme dit est) le seigneur de Lautrec venu en France, le seigneur de Teligny Seneschal de Rouergue demoura en son lieu audit Duché lieutenant du Roy, lequel avoit par sa sagesse & gratieuseté gaigné les cueurs des Milannois si que lé pais estoit en grande patience: mais le seignt de l'Escut arrivé, & ledit Seneschal de retour, les choses

changerent, aussi feirent les hommes d'opinion.

ET pour retourner à mon propos, monsseur le Mares- Emente à chal de Foix seigneur de l'Escut, adverty que les bannis Rege. s'estoient retirez à Rege, desquels estoient les principaux Hieronyme Moron, duquel i'ay n'agueres parlé, & Mőseigneurin Visconte, frere du seigneur Bernabo Visconte.Lequel Bernabo avoit l'ordre du Roy, & cinquante hommes d'armes de ses ordonnances, partant de Milan s'en vint à Parme, duquel lieu la veille de S. Iean mille cinq ces vingt-& un, accompagné de quatre cens hommes d'armes, partit pour aller audit lieu de Rege, demander au Comte Guy de Rangon, alors gouverneur dudit lieu pour le Pape, qu'il luy livrast entre les mains lesdits bannis, suivant le traitté. Puis estant à deux mille pres dudit Rege, laissa la plusgrande part de sa gendarmerie, & s'en alla à Regel, accompagné du seigneur Alexandre Trivulce, chevalier de l'ordre du Roy: & capitaine de cinquante hommes d'armes des ordonnances dudit seigneur. Ét envoya le chevalier d'Ambres qui portoit le guidon de sa compagnie, & le Seigneur d'Estay, guidon de la compagnie du Marquis de Salusses MiquelAntoine, avec les archers desdites deux compagnies, se jetter à la porte qui tire à Modéne, craignant que pendant qu'il parlamenteroit avecques ledit de Rangon, les

bannis ne se sauvassent par ladite porte.

Est ant donc arrivé audit lieu de Rege ledit seigneur de l'Escut, demanda de parler au gouverneur, lequel sortit hors la porte plus avant que la barriere, & ledit seigneur de l'Escut descendit à pied. l'endant leur parlement l'alarme se donna dedans la ville, & sur crié de dessus la muraille audit gouverneur, que l'assault se donnoit à la porte de Modene: laquelle chose entendue, le Comte Guy dit à mo dit-seigneur se Mareschal, Monseigneur, entrez dedans pour donner ordre à voz gens, qu'ils ne facent quelque effort: mais entrant dedans, quelqu'un de la ville estant sur la muraille, tira un coup d'arcbouze, duquel fut frappé à travers du corps le seigneur Alexandre Trivulce, & cinq ou six jours apres il mourut dedans Parme. Soudain le bruit vint à la gendarmerie demeurée à deux mille pres de Rege, comme ledit Mareschal de Foix estoit arresté prisonnier dedans ladite ville, parquoy y cut de diverses opinions: les uns estoient d'opinion qu'on marchast à toutes brides droit à la ville, pour veoir s'il y auroit moyen de recourre leur chef: autres au contraire qu'on devoit retourner à Parme pour fauver la ville, pensans que ce fust vne chose apostée, & que pendant qu'ils seroient dehors la ville ne fuit surprise.

Estans en ces disputes, arriva le Mareschal de Foix, relaché par le Comte Guy, lequel alla loger à dix mille de Rege, dedans les terres de l'Eglise: auquel lieu se vint joindre avecques luy le seigneur Federic de Bozzolo, accompagné de quatorze à quinzé cens hommes de pied. Le Mareschal de Foix cognoissant bien que les choses ainsi arrivées pourroient tourner à consequence, & que le Pape qui estoit desja en quelques traittez avecques l'Empereur, là dessus pourroit prendre couleur d'entrer en ligue, & la rompre avec le Roy, depescha le seigneur de la Motte au Grouin, porte-enseigne de la compagnie du seigneur Loys d'Ast lequel il envoya en poste devers le Pape, pour luy remostrer que ce qu'il avoit faict, n'estoit pour entreprendre ny fur luy ny fur l'estat de l'Eglise. Le Pape luy seit response en grande colere, que mondit-seigneur le Mareschal avoit logé sur ses terres en armes comme ennemy: & qu'il feroit cognoistre le grand desservice que ledit Mareschal avoit saict au Rov: puis excommunia & interdit le-

dit Mareschal de la communion de l'Eglise. Le Mareschal de Foix demoura audit lieu où il estoit, enviro dix ou douze jours, toutesfois sans faire guerre, puis retourna à Parme : auquel lieu le vint trouver le seigneur de Pontdormy, gouverneur dudit lieu, ayant esté depesché du Roy lors e-Stant à Dijon, pour faire entendre son intention audit de Foix: laquelle estoit entre autres, de ne rompre avecques le Pape, ne voulant avoir deux ennemis tout à un coup sur les bras. Parquoy laissant dedas Parme le seigneur de Pontdormy pour chef, seretira ledit Mareschal à Milan, par-ce qu'il fut adverty qu'on y disoit qu'il estoit tenu prisonnier à Rege:ce qui avoit fort estonné les serviteurs du Roy.

O R avoit ledit seigneur de l'Escut (voyant l'assemblée des bannis) mandé à Milan pour luy estre envoyée une bade d'artillerie: & par ce qu'il n'y avoit chevaux pour la méner, furent empruntez les chevaux des chariots des dames de Milan, lesquelles les presterent liberalement. La veille de sainct Pierre, les commissaire & contrerolleur de l'artillerie vindrent au chasteau devers le capitaine Richebourg capitaine dudit chasteau, pour avoir ladite artillerie & munitions, le quel feit quelque difficulté de la livrer: à ceste cause, se retira ledit commissaire devers l'Evesque de Conscrens, qui estoit demouré lieutenant du Roy à Milan. Pédant lequel temps la fouldre du ciel, environ les six heures du soir, tomba sur la grosse tour du portail, dedans laquelle y avoit deux cens cinquante milliers de pouldre, douze cens pots à feu, six cens lances à seu, & pour cinq ans de sel La fouldre pour la provision de la place. Et sut ladite tour emportée emporta la jusques aux fodemés, avec environ six toises de courtine de grosse tour chascu costé, soubs les ruines de laquelle tour demoura le du chasteau capitaine Richebourg, & plusieurs autres, tat gétils-homes de Milan. q foldats se promenas là au log, estimez à trois ces homes: autres qui se promenoiet hors du chasteau en la place, euret pareille fin. Il y eut des quartiers de muraille pouilez par la force de ladite pouldre, jusques à un quart de mille de là, q mal aiseement avecques cent bœufs on eust seu remuer, & fut la place en telle desolation, qu'elle demoura sans garde: en maniere que les senateurs François & leur famille furent contraincts de se mettre dedans pour la garde d'icelle, attédans cet homes d'armes qui vindrent de Novare. Le Pape Leon ayant eu ceste nouvelle, print cela à bon au-

gure pour luy, & mal pour les François disant que l'ire de Dieu estoit tombée sur eux: & resolut de se declarer contre le Roy, esperant qu'en cela il luy seroit propice.

Emeute à

I L y avoit le long du lac de Come, un seigneur Milannois nommé Mainfroy Palvoisin, home de grande authorité, lequel estant accompagné d'un bon nombre de gés de guerre, & mesmes de Lansqueners, marcha droict à Come, dont estoit capitaine de par le Roy le capitaine Garrou Basque, homme bien experimenté aux armes. Or estoit-il la veille de, S. Iean, & le jour mesmes que le Mareschal de Foix fut à Rege, auquel jour (ainsi qu'estoit la coustume) se faisoit la feste hors la ville, pendant laquelle le capitaine Garrou oyant l'alarme se retira soudain dedans la ville: & ainsi qu'homme de guerre qu'il estoit, departit les gardes à la muraille, selon le nombre d'hommes qu'il avoit, & selon la necessité, messant les citadins parmy ses soldats, à ce que s'ils avoient quelque intelligence, ils ne la peussent executer. Le Palvoisin estant arrivé devant la porte, ayant cognoissance de la provision que noz gens y avoient mise, n'osa entreprendre plus avant: encores que Benedict de Lorme, citadin dudit lieu, conducteur de ladite pratique l'asseurast que Antoine Rusque, autre citadin dudit lieu estant dedans la ville, luy eust promis que la nuict il feroit un passage à la muraille, derriere sa maison, de sorte qu'un homme armé sans ayde y pourroit entrer, & que les François estans en petit nombre n'auroient pouvoir de resister: mais iceluy Benedict fut abusé, car le Capitaine Garrou avoit observé l'ordre que je vous ay dit, de messer les citadis avecques les soldats: tellement que ledit Rusque n'autres quelconques h'oserent entreprendre de se declarer.

L E Palvoisin se voyant estre deceu de sa folle entreprise, ayant assis ses gardes au tour de la ville, aux lieux qu'il veit les plus commodes, sen alla dormir: mais son somme ne sut long, par-ce que le Capitaine Garrou le voyant faire mauvais guet, seit vne saillie si brusque, qu'il surprit quatre cens Lansquenets, & quatre cens Italies endormis, lesquels il meit en tel estroy, qu'ils sen allerent à vau de roupte, & luy, qui n'avoit que deux cens hommes, en tua plus de quatre ces: & entra le Palvoisin en tel estroy luy-mesmes, qu'il sut en deux opinions, ou de sembarquer sur le lac pour s'ensuir, ou de prendre le chemin par terre. Finablement à

la perfuation

la persuasió des capitaines desdits Lansquenets, laissa le lac, & print la terre: mais ainsi que souvent advient à gens effraiez, aucuns s'embarquerent, autres prindrent la monta-

gne pour se sauver.

L E capitaine Garrou voyant l'effroy de ses ennemis, & sçachant un destroit par lequel ils estoient contrains de pas ser, s'embarqua sur se lac avec ce qu'il peut mener d'hommes: & feit telle diligence, qu'il arriva le premier au passage du destroit, Le Palvoisin arrivant audit lieu, n'estant en doubte de rien, tomba en nostre ambuscade, où il sut deffaict sans combatre, pensant avoir le diable tousjours à ses talons: & fut pris prisonnier, ensemble les attres capitaines Italiens, & le reste mis au fil de l'espée, hors mis aucuns qui se sauverent en la montagne. Quant aux Lansquenets, Garrou leut donna seureté pour retourner en leur païs, & soudain envoya ledit Palvoisin à Milan avecques bonne escorte: lequel apres avoir confessé toutes les pratiques & revoltes qui estoient dressées au Duché de Milan contre le Roy, & mesmes que Hieronyme Moron avoit esté cause de luy faire entreprendre ce qu'il avoit faict: apres son proces achevé fut faict mourir à Milan de mort cruelle, & non usitée: aussi eut la teste tranchée Barthelemy Ferrier citadin de Milan, & le capitaine Soto. Tous les autres accusez par ledit Palvoisin, se sauverent dedans les montagnes, qui furent ceux qui depuis nous feiret la guer-

LE Mareschal de Foix au retour de Rege à Milan, voyant toutes choses tendre à revolte, depescha en Suisse pour faire levée de huist mille hommes: puis ayant saist quelques enseignes de gés de pied les envoya à Parme, auquel lieu estoit dessa arrivé le seigneur Federic de Bozzolo, qui y trouva le seigneur de Pontdormy, gouverneur dudit lieu avec cinquante hommes d'armes estans soubs sa charge: lequel avoit faist grande diligence de remparer, cognoissant bien que c'estoit le lieu où premierement l'ennemy sattaqueroit, & qu'il seroit le premier saulvé.

PENDANT que ces choses se demenoient en Italie, les nouvelles vindrent au Roy du parlement qu'avoit faict mondit-seigneur le Mareschal de Foix avec le gouverneur de Rege, & de la surprise que le Pape avoit opinion que ledit de Foix y avoit pensé faire: dequoy ledit seigneur sur malcontent, craignant que cela amenast plustost le Papeà la guerre, ne le voulant avoir pour ennemy, & luy suffisoit assez d'avoir l'Empereur pour tel. Parquoy le Roy depescha (comme j'ay dit) le Seigneur de Lautrec, frere dudit Marcschal de Foix, pour se retirer à Milan: auquel lieu arrivé, feit cruellement mourir le seigneur Palvoisin, duquel j'ay cy devant faict recit, homme de grande authorité, ayat xxv.mille ducats de rente au Plaisantin & Parmesan, pour l'occasion seule que j'ay preditte, sans y avoir (à ce qu'on disoit)autre chose averée contre luy, & donna sa confiscatio audit Marcschal de Foix son frere: ce qui fut mal digeré, & qui malcontenta plusicurs personnes, qui pour ceste occasion se revolterent : par-ce qu'il estoit allié de tous les plus grands du pais, & mesmes du Pape Leon. Plusieurs des juges ne furent d'advis de le faire mourir, veu que c'estoit sa premiere faulte: mais bien l'envoyer en France, qui eust

esté un hostage pour divertir plusieurs de se revolter, & leur donner envie de faire service au Roy, esperans par ce moyen d'obtenir sa grace: & peu de Senateurs voulurent signer la sentence de mort.

Fin du premier livre.





DEVXIESME LIVRE DES

MEMOIRES DE MESSIRE MARTIN

DV BELLAY, CHEVALLIER DE L'ORdre du Roy, des choses avenucs en France de son temps, jusques au trespas de tres-louable memoire FRANCOIS pre mier de ce nom.

avez entendu par le precedant livre, en l'an mille cinq cens quinze, dedans Villefranche. Lédit de Gonzague Mar-



N c e téps, la ligue d'entre le Pa Année pe Leon & l'Empereur estoit du 1 5 2 14 tout jurée & côssimée, en laquelle entrerêt le seigneur Federic de Gonzague Marquis de Matoue, & les Florentins: & par commun consentement avoient eleu pour chef de ladite ligue le seigneur Prospère Colone Baro Romain, lequel avoit esté surpris comme

quis de Mantoue avoit esté nourry en sa jeunesse en la cour du Roy Loys douziesme de ce nom, & le Roy François venant à la couronne luy donna cent hommes d'armes, desquels il seit lieutenant l'Escuyer Boucar, nommés du Ressugerledit Boucar voulur commander à ladite compagnie, disant que le Marquis n'avoit que le tiltre & honneur, mais qu'à luy appartenoit d'y commader, & mesmes pourveut à l'enseigne & au guidon. Le Marquis trouva cela de mauvaise digestion, toutessois le dissimula, puis quand il veit le temps que le Pape & le Roy estoient en amitié, demanda congé au Roy d'accepter du Pape l'honneur qu'il Armée de luy offroit, de le faire Gonsanonnier de l'Eglise, chose que l'Empereur le Roy luy accorda. Puis voyant l'occassion qui se presenta, en Jembar-d'autât que le Pape se declara ennemy du Roy, renvoya au die centre le Roy son ordre, & sut faict general de l'Eglise. L'Empereur Roy.

ordona le seigneur Ferrad d'Avalos, Marquis de Pesquaire, pour se venir joindre aux dessusdits, avec les quatre cens hommes d'armes du Royaume de Naples. Et en ce mesme temps, arriva le seigneur Hieronyme Adorne, lequel amena trois mille Espagnols nouvellement descendus: tous lesquels, avecques leurs forces s'assemblerent à Boulongne la grasse, où ils conclurent de marcher à Parme, laissans le Marquis de Pesquaire avecques trois cens homes d'armes, & quelque nombre de gens de pied sur les confins du Man touan, pour favoriser quatre mille Lansquenets & deux mille Grisons qui venoient à leur service, craignans que les Venitiés ne leur empeschassentle passage par leurs destroits.

Armée dis deffence du Milanoys.

L E seigneur de Lautrec adverty que l'armée de l'Empereur prenoit le chemin de Parme, y en voya le Mareschal de Foix son frere, avecques sa compagnie de cet hommes d'ar-Roy pour la mes, & si peu d'hommes qu'il peut trouver promptement: auquel lieu il trouva le scigneur Federic de Bozzolo, avec deux mille hommes de pied Italiens, & le seigneur de Potdormy, avec sa compagnie de cinquante lances, & les cent hommes d'armes Escossois, estans soubs la charge du seigneur d'Aubigny, coduitte par le capitaine Lucas, son lieutenant: & la compagnie de Philippe Chabot seigneur de Brion, de quarante hommes d'armes, conduitte par le capitaine Páris, gentilhomme de Dauphiné, son lieutenant, home de bonne reputation: celle du capitaine Loys d'Ast, de soixante hommes d'armes: celle du Comte de S. Pol de tréte hommes d'armes, & le seigneur Iean Hieronyme de Chastillon, & le Comte Ludovic de Bellejoyeuse, ayans charge de gens de pied Italiens.

L E s ennemis partans de Rege, où ils avoient fait sejour de fix sepmaines, murcherent tous ensemble jusques à un torrent, à six mille de Parme, lequel separe le Duché de Milan d'avecques le territoire de Rege, qui est terre d'Eglise, sans courir les uns sur les autres. Les ennemis sejournerent sur ledit torrent, environ quinze jours, au bout desdits quinze jours, ils passerent le torrent, & entrerent à main armée dedans les terres du Duché de Milan, qui fut la declaration de la guerre : puis vint loger l'armée de la ligue à mille & demy pres de Parme, en un village appelé S. Martin, entre lequel S. Martin & Parme y a une plaine nomée la Ghiara, en laquelle les innundations sont grandes

en temps pluvieux, mais en temps sec n'y a que beau sablo, & est ladite Ghiara du costé de la citadelle, auquel se faisoient ordinairement des plus belles escarmouches qu'il est possible, tant à pied qu'à cheval: de ceste heure là furent inventées les arcbouzes qu'on tiroit sur une fourchette. Ayant esté le camp de l'énemy quelque téps à ladite Ghiara, le mercredy, jour de la decolation sainct Iean, firent leurs approches à la porte Saincte Croix, du costé de Milan, qui n'estoit pour l'heure que le fauxbourg. Le jeudy, jour en-Siege de Par suivant, ils battirent ladite porte & autres dessenses: le ven-me par les dredy matin, mirent en batterie un grad nombre, tant de ca-Imperiaux. nons que doubles canons, dequoy ils firent telle diligence, qu'à midy il y eut breche de cinquante pas: à laquelle ils do nerent trois assaux, desquels ils furent repoussez, tant par la gendarmerie que par les gens de pied.

I L fault entendre que du costé de la breche, il n'y avoit point de fossé, & ne valoit rien la muraille : de sorte que la nuict ceux de dedans estás à leurs deffences, & ceux de dehors à la leur, les picques de ceux de dehors estoient veuës par ceux de dedans, & celles de dedans aussi par leurs ennemis, au droict de ladite breche. Parquoy advint qu'il entra tel effroy parmy noz gens de pied Italiens, que la plus part passa par la breche, & sen alla rendre au camp des ennemis, tellement que de cinq ou six mille Italiens, n'en demoura pas deux mille, mais les capitaines y firent bien leur

devoir.

Monseigneur le Mareschal, apres avoir gardé environ l'espace de quinze jours la basse ville, ayat eu l'advis des capitaines, fut conclu que la nuict elle seroit abandonnée, pour ne pouvoir plus endurer la fatigue du jour & de la nuict. A ces causes, la nuict du samedy, apres avoir retiré dedans la ville toute l'artillerie, & autres choses qui seur pouvoient servir, une heure avant le jour, se retirerent dedans la ville, laissans à la breche un capitaine de arcbouziers qui estoit au seigneur Federic, jusques à ce qu'un chacun fust retiré: lequel capitaine voyat qu'il estoit temps de faire sa retrairte, usa d'une grande ruse pour n'estre suivy: car à tous ses arcbouziers feit coupper un bout de leur corde allumée, & leur feit coucher ladite corde sur le rempar, aux lieux où ils avoient accoustumé de faire leur garde, & par intervalles: de sorte que noz ennemis pensans encores

noz gens estre à leurs gardes accoustumées, n'en eurent cognoissance qu'il ne fust une heure de jour: par ce moyen ceux qui estoient dedans, eurent tout loisir de pourveoir à leurs affaires.

L es ennemis apres avoir la cognoissance de la retraitte de noz gens dedans la ville, passerent leur artillerie par la breche mesmes où ils avoient esté repoussez, & feiret leurs approches de la ville en plain midy: car les maisons du faux bourg leur servoient de gabions, & assirent leur artillerie du costé du pont, où ils ne feirent grande breche pour ce jour; mais le capitaine Lucas y fut tué d'un coup de canon. Finablement les ennemis voyans l'obstination de ceux de la ville, & estans advertis que monsseur de Lautrec approchoit avecques son armée, en laquelle estoient vingt mille payes de Suisses, le lundy matin apres avoir tiré encores quelques coups de canon, retirerent leur artillerie, & sen allerent à deux mille loing de Parme, tirat le chemin du Pau. Le seigneur de Lautrec, lequel (comme dit est) marchoit avecques les Suisses, & sept ou huict ces hommes d'armes, & quelques bandes de gens de pied François' qu'il avoit levez par cy par là, & l'armée des Venitiens, qui estoient cinq cés hommes d'armes à leur mode, & sept ou huist mille hommes de pied, se mist à suivre l'ennemy. Mais il s'arresta à bat tre un chasteau nommé Roquebianque, où il sut deux ou trois jours avant que le prendre: qui donna loisir aux ennemis de reprendre leurs esprits, tant qu'ils passerent le Pau:ce qu'ils n'eussent pas faict, si ledit seigneur de Lautrec les eust fuivis chaudement.

Au reste, le seigneur de Lautrec manda la Mareschal de Foix pour se venir joindre avecques luy, à tout ce qu'il az voit d'hommes: lequel ayant abandonné Parme sans garde, peu de jours apres les habitans se meirent entre les mains du Pape. Le Mareschal de Foix vint passer le Pau, vis à vis de Cremone, où il trouva nostre armée: estans les deux freres unis ensemble, vindrent loger à Bourdelene, à deux mille pres du camp des ennemis, qui estoient logez à Rebec, pres un chasteau appellé Pont-Ivy, appartenant aux Venities, à sept mille de Cremone: & est ledit Rebec sur un russeau qui separe le Duché de Milan du païs des Venities, Ledit chasteau de Pont-Ivi est delà le russeau, sur un hault, duquel on voyoit tout le camp de nostre ennemy: &

qui le fust allé combattre audit lieu de Pont-Ivy, où il sejonrna deux jours, & nostre camp autant audit Bourdelene, il estoit impossible à nostre ennemy de se jetter en bataille, qu'à coups d'artillerie on ne l'eust mis en desordre du chasteau. On pensoit le troissesme jour les aller combattre, mais la tardifyeté de noz chefs fut cause de les nous faire perdre: car le jour que mondit-seigneur de Lautrec les esperoit aller combattre, ils deslogerent, parquoy ledit sieur de Lautrec alla loger cedit jour à Rebec, duquel lieu l'ennemy estoit deslogé. Le lendemain il suivit ledit ennemy, & alla loger à un mille pres de son camp, qui estoit logé en un fort nommé Ostienne, au Marquisat de Mantouc. Le jour ensuivant, le seigneur de Lautrec esperant attiter les ennemis hors de leurs fortifications, leur presenta la bataille: laquelle ne voulans accepter, pour n'estre le jeu party, ne bougerent de leur fort, pour quelque escarmouche qu'on leur eust sceu dresser: quoy voyant ledit seigneur de Lautrec, rerourna loger à Rebec, je ne sçay quelle occasion le meut, sinon qu'on disoit qu'il luy devoit suffire d'avoir jet-

té l'ennemy hors du Duché de Milan.

Audit Rebec sejourna nostre camp sept ou huict jours, ce pendant la Toussaincts approchoit, les nuicts devenoient longues, pluvieuses, & froides: de sorte que noz Suisses s'ennuyerent, & s'en allerent sans congé, s'excusans sur la faulte de la paye: & de vingt mille payes que nous avions, n'en demeura qu'environ quatre mille, vray est qu'ils estoient pratiquez par le Cardinal de Medicis cousin du Pape. De Rebec fut envoyé le seigneur du Pontdormy avec sa compagnie, & celle du Duc de Genes. dont estoit l'ieutenant le Comte Hugues de Pepolo: & environ mille ou douze cens hommes de pied,& deux fauconneaux pour garder le passage à quelque nombre de Suisses qu'amenoit le Cardinal de Medicis, qui depuis a esté Pape Clement, & le Cardinal de Sion. Le pas qu'ils alloient garder, est une riviere au païs des Venitiens, tirant vers le Lac d'Iste: lequel passage fur gardé par deux ou trois jours, & puis forcé par le quartier que gardoient les gens dudit Comte Hugues de Pepolo. Cela forcé, se retira ledit seigneur du Pontdormy en une petite ville appartenant aux Venitiens, où il sejourna deux jours, puis se vint rendre au camp de monsieur de Lautrec, lequel il trouva encores audie lieu

de Rebec. Les Suisses qui nous avoient abandonnez, s'en allerent joindre avec le seigneur Prospere Colonne, lequel estoit (comme j'ay dit) chef de la ligue. Le seigneur de Lautree voyant son armée diminuée, & celle de noz ennemis renforcée de noz gens mesmes, delibéra de faire fortisser les passages de la rivière d'Adde, & envoya à Milan pour faire relever les bastions & rempars autrefois faits par le Duc de Bourbon, comme devant a esté dit. Estans les Imperiaux arrivez sur ladite riviere d'Adde, chercherent moyen de trouver passage: mais en fin Francisque Moron Milannois, nepveu de Hieronyme Moron, & quelques autres capitaines cognoissans les pais allerent trouver la riviere de Bembre, qui est une petite riviere descendente du Bergamasque, & tombe à Vaure dedans la riviere d'Adde: auquel lieu de Vaure ils trouverent quelques batteaux cachez dedans les rozeaux, avec lesquels ils passerent deça l'eau le nombre de trois ou quatre cens hommes: lesquels trouvans le Comte Hugues de Pepolo Boulonois, qui avoit la garde de par ledit seigneur de Lautrec de ce patlage, le forcerent & mirent à vau de roupre: & y furent tuez le capitaine Chardon ayat charge de cinq cens hommes, & Gratian de Lucé ayant pareille charge.

Retraitte de monfeigneur de Lautrec à M.d.an.

1521.

L E seigneur de Lautrec adverty de ladite roupte, craignant qu'ils ne gaignassent Milan, se retira audit lieu de Milan en toute diligence, laissant bonne garnison dedans Cremone. Estant arrivé, departit les gardes, en esperance d'y attendre le secours qui devoit venir de France, & desja estoit le mois de Novembre mille cinq cens vingt & un. Le seigneur Prospere ayant passe l'Adde, & adverty que le seigneur de Lautrec l'estoit retiré dedans Milan, & qu'ils failoir relever les bastions en grande diligence, delibera de le suivre, & vint loger en une abbaye à quatre mille pres de Milan nommée Cheraval, sur le chemin de Laude audit Milan: auquel lieu estant logé, estoit incertain de ce qu'il avoit à faire, sentant un si grand nombre d'hommes dedans la ville. Sur ladite incertitude, luy fut amené un villain qui fortoit hors de Milan, pris au guet du Marquis de Mantouc, lequel estant devant ledit Prospere & les autres capitaines, declara avoir esté envoyé de la part de quelques partifans Imperiaux, qui estoient dedans la ville, devers Hieronyme Moron, pour leur faire entendre que fils vouloient marcher droit, ils estoient asseurez qu'ils entreroient dedans Milan: mais où ils voudroient temporiser, & que les François eussent loisir de se recognoistre, il n'estoit en leur puissance de les sçavoir chasser. Lesquelles choses entendues par les chefs, le vendredy vingt-troisiesme de Novembre fut conclu que le Marquis de Pesquaire avecques les bandes Espagnolles, desquelles alors il avoit la charge, marcheroit droit à la porte Romaine, pour y arriver à soleil couché. Or avoit l'armée Venitienne, dont estoit capiraine general le seigneur Theodore Triwlce, la garde de ladite porte & du fauxbourg, auquel lieu estant arrivé ledit Marquis de Pesquaire, prenant douze cens homes pour faire la poincte, donna de teste droit à un bastion commen cé par lesdits Venitiens qui n'estoit encores en deffence, dot ils entrerent en tel effroy qu'ils s'en allerent sans combattre à vau de roupte, abandonans leurs gardes & fortifications. Le seigneur Theodore Triwlce, chef de l'armée de la seigneurie, qui estoit au list malade, se leva & marcha droit aux ennemis, avecques si peu d'hommes qu'il peut recouyrer, pour soustenir l'effort, pésant estre suivy, mais la nuict n'eut point de honre, parquoy estant trop foible fut renversé & pris prisonnier, dont il fut depuis rachepté par dix mille escus: pareillement y furent pris le seigneur Iules de S. Severin & le Marquis de Vigeve.

L E seigneur de Lautrec voyant l'armée Venitienne avoit abadonné le fauxbourg sans combattre, se retira avecques le reste de son armée en la place devant le chasteau : puis voyant n'y avoir ordre de garder la ville estant perdu ledit fauxbourg, delibera de se retirer, prenant le chemin de Cosme pour approcher pres des Suisses, attendat le secours qui devoit venir de France: mais avant que partir, laissa dedans le chasteau pour capitaine le seigneur de Mascaron Guascon: l'Evesque de Conserans qui n'eut moyen de suivre les autres, y demeura & cinquante hommes d'armes, & six cens hommes de pied François. Le Cardinal de Medicis fuivant le Marquis de Pesquaire avec l'armée du Pape, en-tra dedans Milan environ le poinct du jour, où il se feit un Sac F prise butin inestimable: car dix jours entiers n'y eut ordre pour de Mila par commandemens qui se fist de faire cesser le sac.

les Imperi-

Estans les Imperiaux & Papistes seigneurs de la ville aux.

de Milan, adviserent le moyen de pouvoir achever leur guerre: apres toutes choses debatues, conclurent qu'il falloit divertir les Suisses de l'alliance de France, & pour cest effect, depescherent devers eux l'Evesque de Veronne, de la part du Pape, & autres ambassadeurs de la part des Milanois. Lesquels arrivans aux confins des païs des ligues, les Milanois ne voulurent passer outre sans saufconduict, mais l'Evesque de Verone, sans aucune seureté, y alla, dont mal luy print: car les Suilles le meirent en prison fermée, pour estre venu dedans leur pais, allié des François, sans avoir saufconduict. Ce pendant le seigneur de Lautrec print le chemin de Come: & pouvoit avoir en sa compagnie cinq cens hommes d'armes, & quatre mille Suisses, & peu d'autres gens de pied: & les Venitiens quatre cens hommes d'armes à leur coustume, & six mille hommes de pied, & sans grand bagage. Environ le poinct du jour arriva à Come, où tout le camp logea, le lendemain les quatre mille Suisses qui nous estoient demourez se retirerent en leur pais. Mondit-seigneur de Lautrec, avec toute la gendarmerie, print le chemin de Leuque où il passa la riviere, pour aller mettre ladite gendarmerie en garnison, au païs des Venitiens : laissant le seigneur Vandenesse, frere du Mareschal de Chabanes capitaine de cinquante hommes d'armes, chef dedans Come: & avec luy le capitaine Bouvet, qui avoit cinq cens hommes de pied François.

Prife F f.w. de Come par les Imperiaux.

Les ennemis suivans nostre armée assiegerent Come, où apres avoir saict batterie de dix ou douze jours; & le seigneur de Vandenesse voyant la place n'estre tenable, seit composition avecques le Marquis de Pesquaire, lieutenant audit siege pour l'Empereur, par laquelle les soldats sen devoient aller bagues sauves, chevauz, & harnois, la lance sur la cuisse, & estre conduits à seureté jusques au païs des Venitiens. La composition faicte & signée, leur sut dit de la part dudit Marquis, que les soldats se retirassent en leurs logis, pour trousser leurs bagages, & qu'il mettroit des capitaines Espagnols à la breche, à ce qu'ils ne sussent en rien offensez. Vne heure apres estans les dits soldats en leurs logis, entrerent les ennemis dedans, & saccagerent tant les gens de guerre que les citadins, lesquels estoient compris en ladite capitulation. Apres le sac executé y entra ledict

Marquis de Pesquaire, seignant estre marry de ce qui estoit advenu, & feit rendre aux soldats quelque partie de leurs biens: mais la plus part s'en allerent à pied, & sans bagage. Partant de la se seigneur de Vandenesse, & estant arriue au lieu où estoit mon-seigneur de Lautrec, par sa permission envoya un cartel audit Marquis de Pesquaire, par lequel luy faisoit entendre que faucemet il luy auoit failly de foy: & qu'au cas qu'il voulust dire le contraire, il luy maintiendroit les armes au poing. Le Marquis feit respose, que si ledit seigneur de Vandenesse vouloit maintenir que par son sceu ou comandement ledit sac fust advenu, il avoit mety. Ils entrerent en plusieurs cartels les uns cotre les autres, & estoit parrain dudit seigneur de Vandenesse le seigneur du Pont-dormy: mais avant que la querelle fust vuidée, monseigneur de Vädenesse fut zué à la retraitte de moseigneur

l'Amiral de Bonnivez, pres de Romagnen.

P E u de jours apres, les Venitiens s'ennuyerent de si log temps soustenir nostre armée en leurs terres, vivant à discretion: parquoy fut deliberé que toute la gendarmerie Reprise de deslogeroit, pour se trouver en un jour dit, en deux bourgs Cremone par enviro dix mille de Cremone, ce qui fut faict. Or est-il que monsieur de ceux de Cremone, ayans opinion que nostre armée eust e- Lautrec. sté toute desfaitte à Milan, l'estoient revoltez, & avoiét mis les armes Imperiales sur leurs portes : le seigneur de Lautrec de ce adverty, delibera de faire diligence de la reprendre, par le moyen du chasteau lequel tenoir encores pour nous. Et estoit dedans pour capitaine Ianot d'Herbouville, seigneur de Bunou: dedans la ville n'avoit que gens rassemblez, & peu de gens de guerre, toutesfois ils avoient faict quelques rempars & trenchées devers la ville, pour brider le chasteau: où il fut mis environ cent cinquante hommes d'armes à pied, avecques trois cens archers, lesquels entrerent par le chasteau, qui furent par ceux de la ville vigoureusement repoussez. Depuis se preparans pour donner nouvel assault, les ennemis s'estonnerent & demanderent composition de leur en aller bagues sauves : ce qui leur sut accordé, à condition qu'ils partiroient deux heures apres, comme ils firent. Et entra ledit seigneur de Lautrec en la ville, accompagné environ de cinq cens hommes d'armes, armet en teste, avec laquelle compagnie il se logea dedans ladite ville. La diligence que feit monscigneur de Lautree

fut prouffitable, car fil eust attendu vingt-quatreheures, les

ennemys y fullent venus les plus forts.

Apres avoir sejourné trois ou quatre jours audit lieu de Cremone, le seigneur de Lautrec depescha monseigneur le Mareschal de Foix son frere, pour venir en France devers le Roy, luy faire entendre les affaires de par delà, lequel Mareschal trouva le Roy à Compiegne: ce faict ledit seigneur de Lautrec en voya gens à Pisqueton, qui tenoit encores pour nous. Vous pouvez entendre que dez que nous culines perdu Milan, ceax lesquels au paravant nous faisoient bon visage, tournerent tous leurs robbes: parquoy ledit seigneur de Lautrec advisa à departir sa gendarmerie, pour la soulager attendant le secours de France. Dedans Cremone laissa le Marquis de Salusses Miquel Antoine chef avecques sa compagnie de cinquante hommes d'armes, & la compagnie du Mareschal de Foix de cent hommes d'armes & quelques gens de pied Italiens, de ceux du seigneur Federic de Bozzolo: envoya pareillement quelques compagnies de gens d'armes dedans les terres dudit seigneur Federic. Puis depescha ledit Federic de Bozzolo, pour estayer à prendre Parme, qui l'estoit revoltée ainsi qu'avez ouy: mais ce luy fut chose impossible à faire, par-ce que les Papistes y avoient desja pourveu.

Prife d'Alexandrie & Pavie par les Imperiaux.

S v R ces entrefaictes, le seigneur Prospere Colonne, qui s'estoit retiré dedans Milan avecques toutes ses forces, adverty qu'Alexandrie estoit demourée en garde aux citadins, y alla, luy ayant la saveur des Gibelins: arrivé audit lieu, les habitans sortans à l'escarmouche par la menée desdits Gibelins, surent repoussez, de sorte que les Espagnols y entrerent pesse-messe. Semblablement ceux de Pavie ayans pour garnison en leur ville la compagnie de monsieur de S. Pol, leur sirent entendre qu'ils euslent à se retirer, autrement qu'ils n'auroient moyen de les sauver qu'ils ne sussent la force pour eux, & se retirerent en Ast.

Mort du vape Leon. EN ce temps le Pape Leon ayant nouvelles de la perte que les François avoient faicte de ladite ville de Milan, en print telle joye, qu'un caterre & une fievre continue en trois jours le firent mourir: il fut bien aife de mourir de joye. Incontinant le Roy depescha le Cardinal de Bourbo x le Cardinal de Lorraine, pour aller à Rome en poste l'election d'un autre Pape: mais par les chemins furent idvertis que l'election estoit faicte du Pape, qui se nomma Adrian, natif de Louvain, qui avoit esté maistre d'escole de l'Empereur, lequel alors de sa promotió au Papat, estoit absent de Rome, & estoit en Espagne: parquoy lesdits Cardinaux revindrent de mi-chemin: aussi le Cardinal de Medicis qui estoit Legat en l'armée de l'Eglise, ayant eu les nouvelles de la mort du Pape son cousin, apres avoir licen-

tié son armée, se retira à Rome.

L E seigneur de Lautrec ayant pourveu à Cremone avecques deux cens hommes d'armes, se retira au païs des Pape Adria Venitiens, auquel lieu il fut bien receu, pour la bonne fortune 'qu'il avoit eu d'avoir recouvert Cremone: mais au bout de dix iours, ayans nouvelles de ce qui estoit advenu tant en Alexandrie que Pavie, s'ennuyerent comme amis de fortune, de soustenir modit seigneur de Lautrec en leurs terres: & luy firent dire qu'il eust a se retirer, & que leur pais ne le pouvoit plus soustenir: ce qu'il fut contrainct de faire, & se retira à Cremone. Apres la mort du Pape Lcon, Francisque Marie, lequel pour lors estoit bien pietre, pour avoir esté par les François (comme j'ay predit au precedant livre) spolié du Duché d'Vrbin à la faveur du Pape Leon, assembla, tant pour la bonne amitié que luy portoient les gens de guerre, pour estre bon capitaine, que pour la haine qu'on portoit audit Pape Leon (lequel apres tant de biens faits qu'il avoit receu des François, s'estoit declaré contre le Roy) jusques au nombre de cinq ou six cens hom mes de guerre sans soulde, & marcha audit Duché d'Vrbin: lequel en peu de iours il conquist, & l'a gardé jusques à maintenant.

LE seigneur Prospere, capitaine general de la ligue, & Hieronyme Moron ambassadeur pour Francisque Sforce, pour la querelle duquel se faisoit ladite guerre: se voyas abandonez de l'armée de l'Eglise qui estoit leur bras droit, tant pour homes de cheval que pour l'argét, adviseret qu'il falloit trouver moyen de conserver ce que desja ils avoiét conquis: pour à quoy satisfaire, convenoir avoir deniers. Et pourtant que l'hyver estoit venu pendant lequel ils n'avoient besoing de si grosse armée, pour eux soulager de despence, donnerent une paye aux Suisses & les licétierent:

Election du

aux gens de pied Grisons & Italiens, firent le semblable: quant à la cavallerie laquelle au paravant avoit esté entretenue des deniers du Pape, ils l'envoyerent avecques le Marquis de Mantoue vivre sur le Plaisantin & le Parmesan à discretion. Aussi firent ils leurs gens de pied, tant Espagnols que Lansquenets, parmy les chasteaux & autres places estans en leur obeissance retenant seulement dedans Milan peu de gens, pour garder les saillies de ceux du chasteau. Ledit Moron pour trouver le moyen d'avoir deniers, avoit introduict un Augustin, nommé frere André de Ferrare, lequel estant excellent en eloquence, persuada tant par ses preschemens & sermons, qu'il meit en l'opinion du peuple de Milan que l'ire de Dieu estoit tom bée sur les François: de sorte que qui n'avoit que deux escuz en portoit un liberalemét pour contribuer à la guerre. Et avoit promis ledit Moron, audit frere André, de le fai re Archevesque de Milã, toutesfois il ne luy tint promesse.

I's vous ay desja dit comme le Mareschal de Foix estoit allé devers le Roy, lequel il trouva à Compiegne: & apres luy avoir faict entendre par le menu l'estat de ses affaires d'Italie, le Roy ordonna le Bastard de Savoye Grand-maistre de France, le Mareschal de Chabanes, le seigneur Galeas de S. Severin son Grand-escuyer, & le seigneur de Motmorency pous aller en Suisse, faire levée de seze mille hom mes de pied, pour conduire au Duché de Milanzau secours

du seigneur de Lautrec.

Des affaires

PENDANT que ces choses se faisoyent en Italie, la Picardie n'estoit en repos. Vous avez ouy par cy devant de Ficardie. l'ordre que le Roy avoit mis en sa frontiere de Picardie, à son retour de Valenciennes: aussi ne devez ignorer que tout l'hyver se faisoit la guerre guerroyable par toutes les garnisons dudit païs, aujourd'huy, au prouffit des François, autre jour au proussit des Bourguignos. Et entre autres en treprises, le jour de nostre dame en Mars mille cinq cens vingt & un auant Pasques, douze cens Lansqueners partas de la garnison d'Arras, passerent la riviere d'Othie, pres Dourlens & vindrent piller Bernaville & autres villages circonvoifins. Ceux de la compagnie de monseigneur de Vendosme; qui estoient en garnison audit Doursens dont citoit chef le seigneur d'Estrée, advertis du passage desdits Lansqueners environ minuich monterent a cheval pour

les attendre au passage de la riviere à leur retraitte, ayans avecques eux trois cens hommes de pied sans soulde: encores qu'en ladite compagnie ils ne fussent que trente hommes d'ar mes & environ cinquante archers, se consias à leursdits ges de pied, qui promettoient cobattre: & ayans trouvé les ennemis desja repassez l'eau, delibererent les charger: ce qu'ils firent si furieusement qu'ils les rompiret. A ceste charge furent tuez des nostres se seigneur de Ricamé, & le Bastard de Dampont, & le cheval du seigneur d'Estrée chef de l'entreprise: ceux du seigneur Martin du Bellay, du seigneur de Coquelet, & du seigneur de Leal y furent aussi tuez: apres laquelle charge noz gens pensoient estre suiviz de leursdits gens de pied, mais ce sut au cotraire, car ils s'en estoient suis sans cobatre: parquoy au lieu de recharger furent contraints de tenir bride. Si est-ce qu'ils leur firent abandonner le butin, & des Lansquenets y moururent cet cinquate, tatà ladite charge que sur leur retraitte, & entre autres un de leurs principaux capitaines. Mais les ennemis apres s'estre retirez à Arras, malcontens de leur mauvaise fortune, coclurent de se venger, & venir surprendre ladite ville de Dourlés, estát despourveue d'hômes, car il n'y avoit un seul home de pied: & pour cest effect le Cote de Bures, lieutenant general pour l'Empereur en ses pais bas, assembla toutes les garnisons de la frontiere, tant de cheval que de pied, avecques six pieces d'attillerie, & arriva devant Dourlens le Samedy xix. de Mars, enuiro demie heure devant le jour: & vint camper au dessus de la ville, où de present est le chasteau, du costé devers Amiens: esperant que ceux de la garnison estans en si petit nombre ne se vouldroiet opiniastrer d'attendre le canon. Mais ayas desja faict une folie, de charger douze cens Lansqueners, en voulurent encores esprouver une autre avecques vingtcinq hommes d'armes qui restoient : laquelle opiniastreté voyant iceluy de Bures, planta son artillerie, & seit batterie pres la tour Cornière, qui regarde devers Auchy le chasteau, puis apres feit donner un assault de tous costez, tant par eschelles qu'autrement. Mais Dieu fut si favorable aux assiegez, que les ennemis furent repoussez, à l'aide des habitans: & demoura bon nobre desdits ennemis morts dedans le fossé. Pendar cela, mosfeigneur de Vendosme qui estoit à Amiens envoya le Comte de S. Pol son frere à Ab-

beville, pour faire marcher deux mille Suisses qui estoient là en garnison, lesquels Suisses refuseret de marcher, quelque persuasion que ledit Comte leur sceust faire, parquoy par apres furent cassez & renvoyez en leur pais: aussi pour faire marcher mille hommes qui estoient à Hedin, soubs la charge de Hutin de Mailly, & de la Barre. Quand & quad manda la gendarmerie qui estoit à Montreul, à Corbie, à Peronne, & autres lieux, deliberant de lever le siege des Bourguignons, ou de combatre : dequoy les Bourguignons advertis, & la nuict qui approchoit : voyans n'avoit riens prouffité, se retirerent droit à Arras avec leur courte honte : laissans les eschelles dedans les fossez de Dourlens. Ceux de Paris voyans le hazard où Dourlens avoit esté par faulte d'hommes, souldoyerent mille hommes pour mettre dedans, desquels enrent la charge le seigneur de Bourbarré, & le capitaine Sauseuse, soubs le seigneur de Lorges. Or pour vous faire entédre l'occasion principalle qui meut les Bourguignons de ne donner l'assault, fut que l'entreprise l'estoit faicte pour venger l'outrage faict aux Lasquenets le Mardy precedant, où ils avoient perdu des gens de bien:parquoy les Vvallons vouloient que lesdits Lansquenets donnassent l'assault, dont sourdit une mutinerie entre eux. Les assiegez se voyans hors d'esperance de secours, sino des Suisses, àfin de temporiser, & ce pendant remparer leurs portes & une saillie d'eau, envoyerent par saufcoduit le capitaine Montbrun dehors pour parlementer, nó pour rien conclure, mais les amuser & veoir ce qu'il pourroit cognoistre de leur deliberation,& sentir s'ils avoiét vivres pour sejourner, pour suivant cela, se gouverner. Mais estant ledit Motbrun sur son retour, sans rien avoir coclu la mutinerie survint, parquoy en se retirans emmenerent ledit de Montbrun & autres ses compagnons à Arras: où estans arrivez; ceux de la ville & les Vvallons entrerent en opinion qu'avions capitulé Dourlens, & que ledit Montbrun & autres avoient esté baillez par nous en austage, & forcerent/le logis où ils estoient pour les avoir entre leurs mains, de sorte que les Lansquenets qui estoient logez en la cité, furent contrains de se mettre en armes pour les mettre en liberté.

ENVIRON la fin d'Avril ensuivant, mille cinq cens vingt-deux, monseigneur de Vendosme adverty de pluficuts

sieurs chasteaux qui estoient entre Aire & Betune, lesquels faisoient beaucoup d'ennuy à nostre frontiere, assembla ses garnisons & ses forces pour les aller raser: & fist son assemblée à Mouchy le Cayen, pres S. Pol. Le seigneur de Teligny Seneschal de Rouergue venant de Montreul avecques la compagnie, où il estoit en garnison, pour se trouver audit Mouchy le Cayeu, passant pres de Hedin, rencontra de cas fortuit deux ou trois cens hommes de pied Bourguignons qui venoient de courir en Frace avec butin, lesquels il chargea de sorte qu'ils furét tous pris ou tuez. Mais à ladite charge, ledit seigneur de Teligny fut blesse en l'espaule, d'un coup d'arcbouze, duquel il mourut peu de jours apres à Hedin: & n'y eut home des siens ny blesse ny tué que luy, qui fut un grand dommage, par-ce qu'il estoit gentil chevalier & homme fort experimenté. Monseigneur de Vendosme executant sadite entreprise, print les chasteaux de Dienal, de Divion, de Brueil, & plusieurs autres petites places aux environs de Betune, tirant à Arras: puis apres les

avoir rasées, se retira à Dourlens.

Audit lieu de Dourlens, ledit seigneur de Vendosme eut nouvelle comme le Roy d'Angleterre dressoit son armée à Douvres, pour faire descente à Callaiz: & mesmes qu'il y avoit un heraut par les chemins pour deffier le Roy. Parquoy mondit-seigneur de Vendosme incontinant depescha en poste le seigneur Martin du Bellay, afin d'en advertir le Roy qui estoit à Lion, pour favoriser l'armée qu'il avoit envoyée en Italie, soubs la charge (comme j'ay dit) du Bastard de Savoye, Grand-maistre de France, du Mareschal de Chabanes, & du seigneur de Montmorency. Et fondoit ledit Roy d'Angleterre ses deffiances, sur-ce qu'il se disoit estre juge arbitraire des querelles qui pourroient survenir entre le Roy & l'Empereur Charles d'Autriche, & qu'il estoit tenu de courir sus à celuy qui refuseroit les traittez par luy mis en avant, comme arbitre de leur differend. Si disoit-il que l'an precedant, par le deffault du Roy lors qu'il estoit devant Valenciennes, les ambassadeurs d'Angleterre estans là envoyez de sa part pour moyenner la paix, elle n'avoir esté accordée: pour n'avoir voulu le Roy rendre Fontarabie, prise(à ce que disoit l'Empereur) depuis le traitté de paix mis en avant. En ce temps, Soliman Roy des Turcs voyant tous les Princes Chrestiens en guerre, en-

treprist de mettre en son obeissance l'Isle de Rhodes, ce qu'il sit apres l'avoir assiegée huice mois, par faulte d'estre secourue des Princes Chrestiens.

Prife 'de Rhode par les Turcs.

d'Italie.

TANDIS que ces choses se faisoient en Picardie, le seigneur de Lautrec estant adverty que le secours venant de France approchoit en toute diligence, sit assembler son armée qui cstoit separée en plusieurs lieux, pour leur donner moyen de vivre. Quand & quand fit diligence de solliciter les Venitiens, à ce qu'ils eussent à preparer le secours auquel ils estoient tenus par la ligue, afin qu'arrivans les Affaires Suisses, ils fussent prests de se jetter en campagne sans perdre temps: & mesmes manda ausdits Venitiens, qu'ils cussent à prendre garde sur leurs limites, à ce que Hieronyme Adorne, qui amenoit six mille Lansquenets pour le secours des Imperiaux, n'eust passage par leurs destroicts. Mais ils firent si mal leur devoir d'y pourvoir, que ledit Hieronyme avecques lesdits Lansquenets passa à Bergame, devant qu'ils eussent mis gens ensemble pour l'empescher. Le seigneur Prospere se voyant venir sur les bras de si grandes forces, & n'ayant le moyen de tenir la campagne, delibera de fortifier Milan, & mesmes de brider se chasteau, à ce qu'il ne peut estre secouru par les nostres: & pour cest effect, fist du costé du parc de grandes tranchées doubles, avec plusieurs plateformes par les endroits qui estoient necessaires. Et estoient les dites tranchées dessensables, contre les saillies que pouvoient faire ceux du chasteau, & du costé dont pouvoit nostre armée les venir assaillir, dedans lesquelles il meist une partie de ses forces: puis apres avoir pourveu aux choses dessudites, alla loger avec se reste de fou armée entre la riviere d'Adde & le Tesin : & envoya le Comte Philippe Tourniel dedans Novare. Envoya pareillement le seigneur Hector Viscomte dedans Alexandrie, avecques mille cinq cens hommes de pied, sans argent:mais ordonna que ceux d'Alexandrie les nourriroient à discretion. Puis envoya le seigneur Antoine de Léve Espagnol, capitaine du premier esquadro des gensd'armes Imperiaux, homme bien experimenté, avecques mille Italiens & deux mille Lansqueners, pour donner empeschemet au seigneu de Lauriec à repasser la riviere d'Adde, se voulant joindre au secours qui venoit de France. Ce faict, sen retourna ledit seigneur Prospere à Milan avec le reste de son aimée, qu

estoit de douze milles hommes de pied, & de six à sept cens hommes d'armes, & de six ou sept cens chevaux legers: en deliberation de là attendre la furie de la descente des François: Puis estant ledit seigneur Prospere adverty comme Francisque Ssorce, se disant Duc de Milan, & Hieronyme Adorne estoient passez les destroits des Venitiens avec les six mille Lansquenets, dont cy dessus a esté parlé, leur man da qu'en toute diligence ils prinssent leur chemin par le Verronois & le Mantouan, chose qu'ils pouvoient saire ais sément: par-ce que l'armée Venitienne estoit des-ja joincte avecques monseigneur de Lautrec au Duché de Milan.

Environ Quaresme-prenant, monsseur de Lautrec adverty que monsieur le Mareschal de Chabanes, & monsieur le Bastard de Savoye avec les Suisses, estpient arrivez à Vimerquart, partit, & s'en vint joindre à eux à Mon ze: & de là avecques toutes lesdites forces, marcha droit à Milan, auquel lieu estant arrivé, se logea dedans le parc, pensant par le chasteau entrer dedans la ville: mais comme vous avez entendu cy dessus, le seigneur Prospere y avoit pourveu par les tranchées qu'il y avoit faictes. Le seigneur de Lautrec estant arrivé dedans le parc, entra dedans une maison, auquel lieu il assembla les capitaines pour tenir conseil, & adviser ce qui estoit à faire pour secourir le chasteau: mais les ennemis mirent le feu en une longue coulevrine, estant plantée sur un cavalier au bout des tranchées, vers la porte Vercellaise, laquelle donna dedans ladite maison, & du boulet le seigneur Marc Antoine Colonne, nepveu du seigneur Prospere eut une cuisse emportée, dont il mourut peu apres & le seigneur Camille Trivulce, fils du feu seigneur Iean Iacques Trivulce y mou rut pareillement dudit coup : qui fut une perte insigne, pour la grande experience qu'avoit ledit Marc Antoine au faict des armes, & la jeunesse dudit Camille, à la quelle on avoit grand' esperance. Le seigneur de Lautrec le Gradmaistre & le Mareschal de Chabanes considerans n'y avoir moyen de secourir le chasteau, conclurent de sé retirer à Cassan, à cinq mille de Milan, entre Pavie & Milan, en intention de rencontrer Francisque Sforce: par-ce qu'ils furent advertis qu'il venoit par ce costé là, pour se joindse

avec ceux de Milan. Auquel lieu estant nostre camp logé, vint au service du Roy le seigneur Jean de Medicis, parent du seu Pape Leon, qui amena trois mille hommes de pied & deux cens chevaux, desquels les enseignes estoient noires, par-ce qu'ils portoient le dueil dudit seu Pape Leon, du vivant duquel il avoit tousjours esté au service de la ligue

contre le Roy. Au lieu de Cassan sejourna nostre armée environ six sepmaines durant, auquel temps le seigneur de Lautrec, adverty que de l'autre costé de la ville de Milan venoit grand refrechissement de vivres aux Imperiaux, depescha le seigneur de Montmorency, & l'Escuyer Boucar qui avoit esté lieutenant du Marquis de Mantoue, & depuis que ledit Marquis cut abandonné le service du Roy, avoit sa compagnie en garde avecques cent d'hommes d'armes, & deux ces arcbouziers, pour rebourser le chemin, & rencotrer les four *rageurs, & rompre les moulins, s'ils en avoient le moyen, l'Escuyer Boucar, auquel le seigneur de Montmoréey avoit baillé les coureurs à mener, estant à sept ou huict mille de nostre camp, trouvant les ennemis, sans advertir ledit seigneur de Montmorency qui menoit la trouppe, les chargea, mais ce fut à son desavantage: car les ennemis l'ayans rompu, le renverserent sur les bras dudit seigneur de Montmorency, lequel de loing le voyant venir à vau de roupte le long du grand chemin de Milan, jetta ses arcbouziers sur les deux aisles puis souvrit, craignant que les suyans ne le rompissent. Estans passez, se referma, de sorte que ·les ennemis chassans à la file, à l'ayde des arcbouziers furent deffaits: & furent amenez le lieutenant, l'enseigne, & le guidon, avec bon nombre d'hommes d'armes prisonniers en nostre camp, qui estoient des cent hommes d'armes de Dom Raimond de Cardone demouré à Naples Vice-Roy.

PENDANT ce temps, le seigneur de Lautrec ayant nouvelles que le Mareschal de Foix son frere venoit par le chemin de Genes, avecques quelque gendarmerie, & quelques gens de pied qu'il amenoit de France: & qu'il n'estoit assez fort pour passer, pour se joindre avecques nostre armée, d'autant que les ennemis tenoiet s'Omeline de pescha le seigneur de Montmorency avecques trois mille Suisses, mille hommes de pied Italiens, deux cens hom-

mes d'armes, & quatre pieces d'artillerie de campagne, pour aller ouvrir le pallage, & avecques luy l'Escuyer Boucar: lesquels partans du camp, prindrent le chemin du port de Falcon, pour là passer le Tesin. Eux arrivez audit lieu, ne trouverent le moyen de passer la riviere, que par de bac passager accoustumé: dedans lequel le seigneur de Montmorency se meit devant avecques les Suisses, les Italiens, & l'artillerie, & passa la riviere, laissant Boucar derriere avecques la gendarmerie: mais voulans les hommes d'armes patter à la foul le, s'en noya d'arrivée cinq ou six. Quoy voyant le passager, qui estoit Imperial, & que nostre armée estoit separée: à sçavoir la gendarmerie d'un costé de l'eau, & les gens de pied de l'autre, de sorte qu'ils ne se pouvoient secourir, s'en alla avecques le bac aval l'eau droit à Pavie aduertir le Duc Francisque Sforce du desastre advenu au François. Lequel incontinant depescha quatre mille Lansquenets, deux mille Italiens, & quelque nombre de cavallerie, pour surprendre noz gens ainsi separez: le seigneur de Montmorency voyant cest inconvenient, & que le battelier estoit allé aval l'eau, manda à l'Escuyer Boucar qu'il eust à tenir le chemin de Gambolat, où il estoit contrainct d'aller pour avoir vivres. Le lendemain matin, ledit seigneur de Montmorency descouvrit les ennemis qui estoiet sortis de Pavie, marchas droit à luy:mais craignant d'estre enveloppé dedans Gambolat, qui estoit lieu fort desavantageux pour luy, se jetta en la campagne.

Les ennemis estans approchez à la portée d'une moyenne, noz gens se fermerent, se couvrans de la douve d'un fossé: ce péndant le capitaine Boucar avoit faict telle diligence, qu'il avoit passé la riviere, & venoit au secours de noz gens, ayant faict trois esquadrons de la gendarmerie, lequel noz ennemis ayans descouvert, jugerent sa trouppe beaucoup plus grosse qu'elle n'estoit, pour la separation qu'il en avoit faicte. Car la poulciere estoit si grande, que les trois trouppes de loing ne monstroient qu'une: qui fut cause que les Imperiaux, qui de tous temps ont redouté la gendarmerie de France se meirent à faire leur retraitte droit à Pavie. Parquoy noz gens voy ans n'y avoir ordre de combatre, pour le fort païs que tenoient les superiaux à leur retraitte, le seigneur de Montmorency delibera de parachever l'entreprise qui luy estoir

commandée. Et à ceste fin, marcha droict à Novare, dedans laquelle ville estoit le Comte Philippe Tourniel, qui faisoit grand empeschement au passage de ceux qui venoient de France en nostre camp, avec inestimables cruaurez aux François qui tomboient entre ses mains : qui fut cause de l'entreprise dudit seigneur de Montmotency, pour ouvrir ce chemin, joinet qu'il avoit esperance d'estre favorisé du chasteau qui tenoit pour le Roy. Arrivé qu'il fut devant Novare, tira hors dudit Chasteau deux canons par la porte qui regarde aux champs, pour avecques les autres quatre menues pieces qu'il avoit menées, faire batterie à la ville: & Montmorecy. print l'Escuyer Boucar la charge de ladite artillerie, enquoy il fit grande diligence. Mais une moyenne coulevrine estat par avanture trop chargée, ou bien ayant quelque fistule, creva, dont l'un des esclats rompit la jambe audit Boucar, 'qui en mourut peu de jours apres, dequoy fut grand domage, par-ce qu'il estoit homme de service: toutesfois on ne laissa à poursuyere la batterie de si peu d'artillerie qu'il y avoit, de sorte qu'il fut faict breche assez raisonnable. Les Suisses admonnestez par le seigneur de Montmorency d'al ler à l'assault, luy firent responce qu'ils estoient pres de com battre en campagne, & que ce n'estoit leur estat d'assaillir

> les places. L E seigneur de Montmorency voyant la volonté desdits Suisses, les pria de se mettre en bataille sur un hault prochain de la ville, pour faire escorte aux assaillans, ce qu'ils accorderent: puis fist mettre pied à terre à la gendarmerie, laquelle ostant ses grandes pieces & gréves, se meit en equipage de donner assault. Ceux du chasteau ne pouvoient sortir sur la ville, pour les grandes tranchées que les ennemis avoient faictes entre la ville & ledit chasteau: mais quand nostre gédarmerie vint au combat sur le hault de la breche, ceux du chasteau à coups d'artillerie empeschoient les Imperiaux de venir à leurs desfences. Tellemet que lesdits hommes d'armes leur ayans faict abandonner la breche, penserent ville gaignée: mais il trouverent une trenchée par le dedans bien flanquée, ou s'estoient rețirez ceux de la ville, qui d'arrivée tuerent & blesserét beaucoup desdits gens d'archouze. Finablement ayans coulé le long de ladite tranchée, trouverent des

Prife de Norare par nioscigneur de

maisons, par lesquelles ils passerét apres les avoir rompues, & gaignerent le derriere des ennemis: lesquels se trouvant saiss par derriere, se mirent en fuitte. Les Suisses voyans la ville forcée entrerent dedans, & mirent toute au sil de l'espéc. Le Comte Philippe Tourniel, & peu d'autres avec luy eurent la vie sauve, & presque tous (hors mis ledit Comte) surent pendus & estranglez, apres avoir confessé les cruautez qu'ils avoient commisses aux François: comme de leur avoir mangé le cueur, leur ouvrir le ventre tous vifs, & dedans faire manger l'avoine à leurs chevaux, avecques plusieurs autres inhumanitez.

APRES icelle execution, arriverent le Mareschal de Foix, le capitaine Bayar, & le Comte Petre de Navarre, lesquels (comme j'ay dit) venoient de France. Eux assemblez, delibererent de lever tout le pais de l'Omeline de la main des ennemis:parquoy prindrent le chemin de Vigeve, auquel lieu estans arrivez, ceux de la ville se meiret entre leurs mains: le chasteau se sit battre, mais ce sur peu, car le lendemain il se rendit bagues sauves. Le seigneur de Lautrec adverty que noz ennemis se vouloiet assembler, sçauoir est l'armée qui estoit à Milan, soubs le seigneur Prospere, avec celle qui estoit à Pavic, soubs le Duc Francisque Sforce, delibera aussi d'assembler ses forces pour empescher (s'il estoit possible) les deux armées Imperiales de se joindre. Et pour ceste cause manda le Mareschal de Foix, & le seigneur de Montmorency, se venir joindre avecques luy à Cassantoutesfois on ne sceut faire si bonne diligence, que le Duc Sfor ce ne se joignist au seigneur Prospere pres Landriane, dequoy nostre logis de Cassan demoura inutil. Or n'estant de mouré dedans Pavie que le Marquis de Mantoue, avecques petit nombre d'hommes, fut deliberé de tourner la teste de nostre armée audit lieu, où arrivez que fusines, sut faict bat terie si furieuse, tant de nostre part que de la part des Venitiens, qu'on trouva raisonnable d'assaillir. Et ce pendant que les Imperiaux estoient amusez à la breche, fut ordonné le Capitaine S. Colombe, lieutenant de la compagnie de monsseur de Lautrec, avecques deux mille hommes de pied,& les archers de la compagnie dudit feignent de Lautrec, conduits par le feigneur de Riberac, guidon de ladire compagnie, & ceux de la copagnie du Bastard de Savoye, Grand-maistre de France, conduits par le seigneur de la

Rocheposay, guidon de ladite compagnie, qui estoient qua tre cens chevaux, pour donner par un autre endroit. Il y avoit une poterne en la ville qui respondoit sur le Tesin, par laquelle on abrevoit les chevaux, & à cause de la riviere, on n'y faisoir grande garde: ledit de Saincte Colombe avoit des guides, lesquels le devoient faire passer à gué la riviere: puis le long de la muraille, où n'y avoit aucun flanc, les gens de cheval devoient à toutes brides gaigner ladite poterne, attendans les gens de pied pour les soustenir. Saincte Colombe les mena jusques sur le bord de la riviere avecques ses gens de pied : le seigneur de la Rocheposay & Riberac firent ce qui leur avoit esté ordonné, & entrerent dedans la ville: mais le seigneur de Saincte Colombe les laissa sans les suivre ny passer l'eau:parquoy ceux de la ville eurent loisit de venir au secours, où, en combatant, fut tué le seigneur de Riberac, & le seigneur de la Rochepolay eut la jambe rompue d'un coup de mousquet, dont il sut guery, mais boiteux toute sa vic. S'ils eussent esté suivis, la ville estoit gaignée, veu le peu d'hommes qui estoient dedans: mais le seigneur Prospere adverty de la necessité de ceux de Pavie, depescha deux mille Espagnols choisis, qu'il envoya pour entrer dedans la ville, lesquels passerent de nuict rasibuz de nostre camp, & ne furent apperceus qu'ils ne fussent passez : sinon que nostre guet qui estoit encores à cheval les chargea sur la queue,& en defit quelque peu, mais non grand nombre, d'autant qu'ils furent trop tard descouverts, L'arrivée du secours retarda l'assault, aussi le seigneur Prospere Colonne se voyant renforcé des six mille Lansquenets, & autres qu'avoit amenez le Seigneur Frácisque Sforce, se trouva assez fort pour se jetter en campagne, parquoy deslogeant de Milan, se vint camper à la Chartrouse, à trois mille de nostre camp, pour empescher de donner l'assault: sçachant bien qu'il n'estoit raisonnable de le donner estant si pres de nous une telle puissance que la fienne.

No us fusmes en cest estat six ou sept jours, ayant tous les jours escarmouches & lances ropues: mais il survint une pluye si extreme, que noz vivres qui venoient de l'Omeline en nostre camp ne peurent plus passer, pour estre le Tesin debordé, & tous les ruisseaux devenus rivieres: tellemet que le jeudy absolu susmes contraints de nous retirer à Mari-

gnã,& de là à Monze pour estre secourus de vivres, tant du Laudesan, du Cremonois, que du païs des Venitiens. Au defloger l'escarmouche fut grosse de ceux de leur camp sur la queue de nostre armée, mais jamais leur rrouppe n'osa sortir hors de leur fort, craignas qu'on leur donnast la bataille.

LES ennemis voyans nostre armée prendre le chemin de Monze, le jeudy des feriez de Pasques, craignans que de là ne vousissions gaigner Milan, s'en allerent loger à la Bicocque sur le chemin de Laude à Milan, & estoit ladite Bi- Iournée de la cocque la maison d'un gentilhomme, circuie de grands fos- Bicocque. sez, & le circuit si grand qu'il estoit suffisant pour mettre vingt mille hommes en bataille: estans arrivez, releverent les fossez & les flanquerent de grandes plateformes, bien pourveues d'artillerie. Quelques jours apres estant le seigneur de Lautrec à Monze, vindrent devers luy les capitaines des Suisses, qui luy firent entendre que les compagnons estoient ennuyez de campeger, & qu'ils demandoient de trois choses l'une, argent, où congé d'eux retirer, ou bien qu'il eust à les mener au combat promptement, sans plus temporiser. Le seigneur de Lautrec, le Bastard de Savoye, & le Mareschal de Chabanes les prierent d'avoir patiéce pour quelques jours, par-ce qu'ils esperoient vaincre leurs ennemis sans combattre, ou pour le moins les combattre à leur advantage, estans leurs ennemis contrains d'abandonner leur fort par famine: & que de les aller assaillir dedans leur fort, c'estoit faict contre toutes les raisons de la guerre: mais quelques remonstrances qu'ils leur peussent faire, jamais n'y eut ordre de les divertir de leur opinion: & tousiours per fisterent d'aller au combat, autrement le lendemain ils estoient deliberez de leur en aller.

Les chefs de nostre armée voyans ceste obstination,& que nostre principale force estoit de leur nation, desquels fils estoient abandonnez, ils demoureroient en proye aux ennemis: cognoissans aussi que là où force regne droict n'a lieu, conclurent de combatre plustost que s'enfuir. Voyez donc l'inconvenient qu'il y a d'avoir la force d'vne armée de nation estrangere, qui est pour vous bailler la loy. Les Suisses accorderent qu'on allast re cognoistre le camp de l'ennemy, le Seigneur du Pontdormy fut ordoné avecques quatre cens hommes d'armes, & six mille Suisses pour cest effect, & voir le lieu plus à propos pour assaillir les enne-

mis: leur camp sut recognu, & sut jugé y avoir peu d'apparence de les y assaillir, ce neantmoins cela ne les sit changer

d'opinion, & suivirent leur opiniastreté.

L s seigneur de Lautrec se voyant commandé par ceux qui luy devoient obeir, ordonna que le lendemain, qui estoit jour de Quasimodo, l'armée fust preste à marcher. Estant donc le poinct du jour venu, chascun se mist en estat pour marcher droict à la Bicocque, & au partir sut ordonné le Mareschal de Foix pour mener la gendarmerie de l'avantgarde, pour aflaillir le lieu le plus commode, & lequel avoit esté recogneu le jour precedant, & le seigneur de Montmorency avec huict mille Suisses pour assaillir par l'autre costé. Le seigneur de Lautrec, le Mareschal de Chabanes, le Bastard de Savoye, & le Seigneur Galeas de S. Severin menoient la bataille, où estoit le reste de l'armée, tant de gendarmerie de Suisses que d'autres gens de pied : le seigneur Francisque Marie Duc d'urbin avecques l'armée de la seigneurie faisoit l'arrieregarde: le seigneur Petre de Navarre marchoit devant pour faire faire les esplanades. Le seigneur du Pontdormy avoit charge avec sa compagnie de cinquante hommes d'armes, & les chevaliers nouveaux de marcher devant le Mareschal de Foix, pour avoir l'œil à ce que l'ennemy ne fist quelque saillie par quelque lieu, pour par derriere mettre un desordre en nostre armée, & aussi pour secourir au lieu où il verroit que seroit le besoing: les choses ainsi ordonnées, chacun print peine de faire son devoir.

LE seigneur de Montmorency avecques les huich mille Suisses desquels il avoit la charge, estant à pied au premier rang, ayant en sa compagnie plusieurs gentilshommes, pour leur plaisir & pour acquerir honneur: & entre autres le Comte de Montsort, sils aisné du Comte de Laval, le seigneur de Miolans de Savoye, le seigneur de Graville frere du Vidasme de Chartres, le seigneur d'Auchy surnommé de Mailly de Picardie, le seigneur de Launay gentilhomme de la chambre du Roy, & plusieurs autres qui seroient longs à nommer, marcha droict aux rempars des ennemis: & estans arrivez à un vallon pres dudit rempart au couvert de leur artillerie, ledit de Montmorency pria les Suisses de temporiser, attendans que le Mareschal de Foix sut prest à les assailaillir par l'autre part, asin qu'estans assaillis par deux

costez, leurs forces fussent separées: & aussi que l'artillerie de France leur feroit grand secours, comme de verité elle cust faict sils eussent differé un petit, chose qu'il ne sceut obtenir d'eux. Parquoy il donna de la teste droict à leur fort, mais avant qu'y arriver furent tuez à coups d'artillerie plus de mille Suisses: & arrivans là, trouverent un fosse avec un rempart si hault que bien à peine pouvoient ils toucher de la picque au hault dudit rempart, qui fut cause de les arrester sur le cul. Ce temps pendant l'artillerie & arcbouzerie des ennemis, dont ledit rempart estoit farcy, les servirent de sorte que la plus part des capitaines & des principaux soldats y moururent: & entre autres, le Comte de Montfort, le seigneur de Miolans, le seigneur de Graville, le seigneur de Launay, & plusieurs autres: & le seigneur de Montmorency porté par terre, & relevé hors du fossé par les gentils-hommes estant pres de luy. Aussi y mourut le capitaine Albert de la Pierre, ayant la plus grande authorité envers les Suisses, & qui avoit esté cause de les precipiter à venir au combat.

C E pendant le Mareschal de Foix, le seigneur de Vandenesse, le capitaine Pâris, avecques la compagnie du seigneur de Brion, dont il avoit la charge, & autres capitaines de gensd'armes chercherent tant qu'ils trouverent un pont de pierre, par lequel ils entrerent dedans le fort, & donnerent dedans les ennemis, dont ils les mirent en tel defordre, qu'ils pensoient avoit gaigné la bataille: aussi eussent ils, si les Suisses eussent aussi bien faict en la fin qu'au commencement, mais autrement en advint : car ayans esté repoussez à leur premiere arrivée, ainsi qu'en grande furie & inconsiderement estoient venus assaillir le fort, aussi pour quelque enhortement ou priere qu'on leur sceust faire, ne voulurent retourner, ains sen allerent comme gens desconsits. S'ils eussent voulu faire teste sur le lieu, les ennemis n'eussent osé desemparer leurs dessences: & si nostre gendarmerie estant entrée dedans leur fort eust esté secouruë par autres qui l'eussent suivie, il est apparant que nous eussions cu la victoire. Les Imperiaux estans delivrez desdits Suisses, tournerent toutes leurs forces sur le Marelchal de Foix & le sieur de Vandenesse, qui ne pouvoient estre plus de quatre cens hommes d'armes : tellement qu'ils les contraiguirent de repasser le pont en bien combattent, consideré que noz gens ne pouvoient passer plus de deux ou trois de front: pour soustenir lequel effert, le Mareschal de Foix demoura sur la queue, pendant que le reste passa. Cela ne sut sans y perdre des hommes, non pas grand nombre: & sut audit combat tué le cheval du Mareschal de Foix entre ses jambes, si sut il si bien secouru qu'il sut remis à cheval, & se retira (ainsi qu'est dit) sans grade perte. Estant ledit Mareschal empetché comme avez entendu, les Espagnols sirent une saillie sur les Suisses par l'autre costé: mais le seigneur du Pont-dormy, qui avoir la charge avecques sa compagnie & les chevaliers nouveaux d'avoir l'œil par tout, leur sit une charge si surieuse, qu'il les rembarra dedans leur fort: & certes sans ladite charge, les Suisses qui se retiroient, eussent changé le pas au trot, & se

fussent mis à vau de roupte.

A L ORS dudit combat, l'armée Venitienne estoit en bataille pres du fort, hors toutesfois la cognoissance de l'artillerie des ennemis, lesquels Venitiens gardoient les gages : car s'ils eussent voulu assaillir de leur costé, comme firent la gendarmerie & les Suisses, les ennemis eussent esté contraincts de separer leurs forces en divers lieux, dont il est apparat que la journée cust esté pour nous. Le seigneur de Lautrec, & autres chefs de l'armée voyans les choses en tel desordre, penserent persuader les Suisses de se loger sur le lieu, leur offrans le lendemain mettre la plus part de la gendarmerie à pied, pour faire la premiere poincte: mais jamais il n'y eur ordre de les asseurer, de sorte qu'au plus grand desordre du monde se meirent à eux retirer à Moze: lesquels n'eust esté la gendarmerie qui demoura sur la queue, sans point de faute eussent esté taillez en pieces. Puis les ayat le seigneur de Lautrec avec le reste de son armée accompagnez jusques à Monze, nous deslogeasmes dudit Monze le Lundy d'apres Quasimodo, & feismes cinq ou fix mille: & le Mardy les Suisses nous laisserent, & se retirerent en leur pais, & avec eux le Grand-maistre Bastard de Savoye, le Marcschal de Chabanes, & le seigneur Galeas de S. Severin.

Retour des Suisses.

> L E seigneur de Lautrec se voyant ainsi abandonné, depescha le lendemain bon nombre de cavallerie, & de gens de pied, & entre autres le seigneur Iean de Medicis, & le seigneur Federic de Bozzolo, avecques leurs Colonnels de

gens de pied, pour garder Laude, & par ce moyen conserver le Cremonois. Lesdicts seigneurs Iean & Federic arrivansà Laude y trouverent le capitaine Bonneval, gouuerneur du lieu,& sa compagnie de cinquante hommes d'armes, auquel lieu il avoit faict quelques fortifications esperant la garder. Estans donques arrivez ceux que monditseigneur de Lautrée y avoit envoyez, se trouverent (compris ce qu'avoit ledit Bonneval) le nombre de trois ou quatre cens hommes d'armes, & trois mille hommes de pied: & par-ce qu'ils avoient cheminé toute la nuict, & qu'il estoit matin, se logerent pour refreschir eux & leurs chevaux, pensans que ledit Bonneval, qui estoit de sejour, eust pourueu au guet, pendant qu'eux qui estoient travaillez se pourroient refreschir. Les ennemis qui estoiet à Marignan deslogerent la mesme nuict, & marcherent pour venir loger à trois mille dudit Laude : leur avantgarde ayant marché jusques pres de la ville, se dressa une escarmouche entr'eux & ceux de la ville, laquelle fut menée si chaudemet, Prise de que les nostres furent repoussez un peu rudement, de sorte Laude. que les ennemis entrerent pesse-messe dedans la ville, où ils trouerent la plus part des soldats au lict, & si estoit environ midy. Encores advint il un grand inconvenient, car un pont de batteaux que noz gés avoiét sur la riviere d'Adde tirant à Cremone fut rompu, à cause dequoy y eut plus grand nombre de prisonniers: qui fut un grand desastre, de trois cens hommes d'armes, & trois mille hommes de pied estre pris en une ville sans batterie, ny breche, ny eschelle. Les seigneurs Iean de Medicis & Federic de Bozzolo se sau verent à Cremone.

C E mesme jour estoit monsseur de Lautrec venu loger à Rivalte avecques le reste de l'armée. Sur le soir luy vindrent nouvelles de ceste perte, chose qui estonna fort la compagnie: car c'estoit l'une des principalles esperances qu'eussions que la dite ville de Laude, pour le passage de la riviere: & ne pouvoit monsseur de Lautrec avoir de reste que quatre cens hommes d'armes, & peu de gens de pied. Sur ce trouble le seigneur du Pont-dormy feit offre, si mõsieur de Lautrec la trouvoit bonne, de s'en aller jetter dedans Cremone, avant qu'elle fust saisse de l'ennemy avec sa compagnie,& ceux lesquels de bon courage le voudroient suivre: & s'il rencontroit l'ennemy fort ou foible, le combatre, aymant micux mourir des armes de l'ennemy, que de tomber en la misericorde des villains, ou de s'en retourner en France sans armes. Son opinion sut trouvée bonne: parquoy sans sejour feit mettre son enseigne aux champs, laquelle fut incontinant accompagnée d'autres enseignes, & aussi de plusieurs qui par congé de leurs capitaines le suivirent. Ayant tout assemblé, leur feit entendre la deliberation qu'il avoit de combatre tout ce qu'il trouveroit en son chemin, & fust-ce toute l'armée de l'ennemy, à fin que chacua fust preparé pour cest essect : ayant trouvé toute la trouppe de bonne devotion, se mist en chemin, prenant son armet, aussi firent tous ceux de la compagnie. Et ayant cheminé environ quatre mille, monsieur le Mareschal luy mada qu'il eust à l'attendre, dequoy il fur bien cstonné, voyant une si soudaine mutation : parquoy ledit seigneur du Pont-dormy manda audit Mareschal, que son retardement pourroit amener perte de tant de gens de bien qu'il avoit avecques luy, & pareillement de la ville de Cremone: mais qu'ayant gangné la porte de la ville, là il l'attenderoit.

Retour en France de monsseur de Lautrec. LE seigneur de Lautrec apres avoir veu son entreprise de Laude rompue, son armée ruinée, & les Venitiens qui desja s'ennuyoient de soustenir le reste de son armée en leur païs: par-ce qu'il n'y avoit point de payement, se retira en France. Le seigneur de Montmorency voyant lesdicts Venitiens de mauvaise volonté, s'en alla à Venise, pour trouver moyen de maintenir la seigneurie à la devo-

tion du Roy.

Le seigneur de Lautrec de retour en France, si le Roy luy seit mauvais recueil il ne s'en saut estonner, comme à celuy qu'il estimoit avoir par sa faulte perdu son Duché de Milan, & ne voulut parler à luy: mais le seigneur de Lautrec se voulant instisser, trouva moyen d'aborder le Roy, se plaignant du mauvais visage que sa majesté luy portoit. Le Roy luy seit response qu'il en avoit grande occasion, pour luy avoir perdu un tel heritage que le Duché de Milan: le seigneur de Lautrec luy seit reponse que c'estoit sa maiesté qui l'avoit perdu, non luy, & que par plusieurs sois il l'avoit adverty que s'il n'estoit secouru d'argent, il cognoissoit qu'il n'y avoit plus ordre d'arrester la gendarmerie, laquelle avoit servy dix-huict mois sans

toucher deniers, & jusques à l'extremité: & pareillement les Suisses, qui mesmes l'avoient contrain de combatre à son desavantage, ce qu'ils n'eussent faict s'ils eussent eu païemet. Sa majesté luy repliqua qu'il avoit envoyé quatre cens mille escus alors qu'il ses demanda, le seigneur de Lautrec luy feit response n'avoir jamais eu ladicle somme: bien avoit il eu lettres de sa maiesté par lesquelles il luy escrivoit qu'il luy envoiroit ladicte somme. Sur ces propos, le seigneur de Semblançay superintendant des sinances de France fut mandé, lequel advoua en avoir eu le comandement du Roy, mais qu'estant ladicte somme preste à envoyer, madame la Regente, mere de sa maiesté, auroit pris ladicte somme de quatre cens mille escus, & qu'il en feroit foy sur le champ. Le Roy alla en la chambre de ladicte Dame avecques visage courroucé, se pleignant du tort qu'elle luy avoit faict, d'estre cause de la perte dudict Duché, chose qu'il n'eust jamais estimé d'elle, que d'avoir retenu ses deniers qui avoient esté ordonnez pour le secours de son armée, Elle s'excusant dudict faict, sut mandé le seigneur de Semblaçay qui maintint son dire estre vray: mais elle dist que c'estoient deniers que ledit seigneur de Semblançay luy avoit de long temps gardez, procedans de l'espargne qu'elle avoit faite de so revenu, & luy soustenoit le contraire. Sur ce differend, furent ordonez commissaires pour decider ceste dispute: mais le Chancelier du Prat (de long temps mal meu contre ledit seigneur de Semblançay, jaloux de sa faveur & de l'autorité qu'il avoit sur les finances) voyant que madame estoit redevable audit seigneur de Semblançay & non luy à elle, avant que souffrir ce differend estre terminé, meit le Roy en jeu contre ledit seigneur de Semblançay & luy bailla juges & commissaires choisis pour luy faire son procez.

Estant le seigneur de Pont-dormy arrivé à la porte de Cremone (comme je vien de dire) y trouva le seigneur Federic de Bozzolo, & le seigneur Iean que j'ay n'agueres dit sy estre retirez apres la perte de Laude: puis envoya loger la gendarmerie dedans la ville, & luy tout à cheval attendit mondit-seigneur le Mareschal, qui arriva deux heures apres. Le lendemain surent distribué les quartiers, & sur ordonné à un chacun ce qu'il avoit à garder: car ils estoient bien asseurez qu'ils ne seroient long sejour sans estre assiegez. Le seigneur Iean seit telle diligence qu'en

quatre jours il eut une trouppe de quinze ou seize cens homes: le leigneur Federic l'en alla en les païs, pour aussi faire levée de gens, & cinq ou fix jours apres les ennemis se vindrent camper pres la ville. A leur arrivée le seigneur Iean se mutina, demandant estre payé, & gaigna l'une des portes de deuers le camp de l'ennemy, menassant de la luy bailler fil n'avoit paiement:parquoy on fut cotraint d'emprunter de tous costez pour luy fournir son payement. Pendant ce temps, le Marquis de Pesquaire sut envoyé à Pisqueton, qui est l'une des plus fortes places d'Italie, sur la riviere d'Adde, ·laquelle pour l'estonnement de ceux qui la gardoient pour le Roy, luy fut rendue.

Noz gens ayans gardé Cremone quelque temps. & voyans le mauvais vouloir du seigneur Iean, considerans aussi le peu d'esperance de secours, capitulerent : & par la Capitulation capitulation fut dit, si dedans trois mois le Roy envoyoit sur Cremone. armée si forte qu'elle passast la riviere du Thesin, en ce cas ils seroient en leur entier: & là où dedans ledit temps l'armée du Roy ne passeroit ladite riviere, ils s'en iroient leurs bagues sauves, armet en teste avec l'artillerie qui seroit trouvée, tant grosse que menue, marquée à la marque de France: & leur seroient baillez par le seigneur Prosperebœufs pour la charier, joinct qu'ils seroient conduicts en seureté jusques dedens Suze. Aussi mondit-seigneur le Mareschal devoit remettre entre les mains dudit seigneur Prospere Leuque & Domodoscelle. L'occasion qui feit codescendre le seigneur Prospere à si honorable composition (car il estoit bien asseuré que n'estans secourus il les avoit la corde au col) fut par-ce que Genes estoit encores entre noz mains, & assez mal pourveue d'hommes: & sil donnoit loisir au Roy d'y pourveoir, il ne l'auroit jamais. Et estant devant Cremone, il ne pouvoit aller à Genes, mais ayant capitulé ladite ville, il y avoit moyen durant lesdicts trois mois que les François avoient d'induces, d'aller faire son entreprise sur Genes, ainsi qu'il feit: & par ladite composition estoit permis à tout homme de porter viures idedans Cremone. Ce faict le Mareschal de Foix, par sausconduit, envoya un gentilhomme en poste devers le Roy, pour luy faire entendre ladite capitulation & pour luy doner secours. Les choses ainsi passées & hostages baillez tat d'une part que d'autre, partit ledit seigneur Prospere avec son armée

armée pour aller à Genes, sur la persuasion de Hieronyme & Antoine Adornes Genevois, & freres, lesquels luy avoiét promis de mettre la ville entre ses mains. Or estoir gouverneur pour le Roy en ladite ville Octave Fregoze, homme prudent & aymé du peuple, mais mal sain & non trop homme de guerre: lequel adverty du partement de l'armée Imperiale pour venir audit lieu en toute diligence, meit deux mille hommes en la ville: & n'estans en nombre suffisant, advertit le Roy de luy envoyer secours, par-ce que la part Adorne s'estoit joincte avec les ennemis. Il fut trouvé un peu mauvais que le Mareschal de Foix eust si promptement capitulé pour la reddition de Cremone: par-ce que le seigneur de Montmorency qui estoit à Venise, estoit sur le train de recommencer la ligue avec les Venitiens: mais estans advertis de ladicte capitulation de Cremone, qui estoit l'un de leurs principaux fondemens, d'autant qu'elle conserve leurs pais, changerent leur opinion, & tournerent leur robbe.

L E Roy estant adverty de ce qui estoit advenu en Italie, Prise de Getant de la roupte de la Bicocque, de la perte de Laude, de nes par les la capitulation de Cremone, que de l'armée Imperiale qui Imperiaux. marchoit à Genes, enuoya en toute diligence faire levée de quatorze mille Guascons, pour en voyer en Italie avec cinq cens homes d'armes: mais voyant que ses forces ne seroient prestes à temps pour secourir Genes, manda au Comte Petre de Navarre estant à Marseille, qu'il advisast se trouver moyen de mettre quelques gens dedans Genes, pour soustenir l'effort de l'ennemy, attendant le secours de France. Lequel Petre de Navarre ne trouva audit lieu de Marseille que deux galleres prestes, sur lesquelles il s'embarqua avec environ deux cens hommes, & feit telle diligence qu'il entra dedans le porc de Genes, alors que le Marquis de Pesquaire, qui menoit l'infanterie Espagnolle & Italienne, arrivoit à l'autre costé de la ville : lequel Marquis envoya un trompette dedans la ville, pour sommer ceux de dedans de se mettre en l'obeissance de l'Empereur, les asseurat de la part de sa majesté de les maintenir en toutes leurs anciennes franchises & libertez. Les citadins, lesquels naturellement ne sont fermes en leur foy, mais desirent nouvellerez, promptement vouloiet ouvrir les portes aux Imperiaux, n'eust esté le seigneur Petre de Navarre & si peu

de soldats Fraçois qui estoient avecques luy qui les empescherent de ce faire: mais en sin surent cotrainets de permettre ausdicts citadins d'envoyer le seigneur Vital devers ledict Marquis, pour parlementer & entendre son intention.

Estant ledit Vital en la tente du Marquis, les citadins

sasseurans sur le parlement, & à la promesse dudit Marquis qui estoit de ne riens innover durant ledit parlement, faitoient mauvais guet : les Espagnols ayant la cognoissance d'une ruine qui estoit à un pan de mur sans aucune deffence, entrerent dedans la ville, & mirent au fil de l'espée tout ce qu'ils trouverent devant eux. Les citadins se voyans surprins & trahis sans se mettre en deffence, chacun meit peine de se sauver. L'Evesque de Salerne, frere d'Octave Fregoze, & quelques autres gentils-hommes fembarquerent sur une fuste, & prenans la routte de Marseille, se sauverent. Le seigneur Octave son frere estant au lict malade, se rendit prisonnier entre les mains du Marquis de Pesquaire. Le Comte Petre de Navarre avecques si peu d'hommes qu'il peut mettre ensemble, gaigna la place de la ville, auquel lieu apres avoir long temps combatu, autant que homme peult faire, en fin fut deffaict & pris prisonnier. Vne partie de la compagnie du Comte de S. Pol se retira dedas le chasteau, lequel ils garder ent tant qu'ils eurent à manger. La ville fut entierement mise à sac sans riens espargner, dont le seigneur Prospere sut mal content: car il esperoit que si elle n'eust esté saccagée, il en pouvoit tirer argent contant pour le payement de son armée. Toutes sois je pense que ledict Marquis de faict deliberé le permist pour avoir la faveur de ses soldats, & leur donner curée. Ie n'ay que faire de dire la grande abondance des richesses qui furent trouvées dedans, car chacun cognoist bien la grande opulence de la ville de Genes.

Sac de Genes.

Passage de monsieur de Longueville en Italie, GENES prise & saccagée, le seigneur Prospere adverty d'une nouvelle armée de France qui passoit les monts, seit diligence de se retirer à Ast pour empescher les François de passer le Tesin, & secourir Cremone, de laquelle armée avoir la coduite le Duc Claude de Longue-ville: sçauoir est de quatre cens hommes d'armes, & six mille hommes de pied. Lequel arrivé qu'il sut à Ville-neus ve d'Ast, estant adverty de la perte de Genes, pour le secours de laquelle en

partie il estoit venu, ne passa outre tant qu'il eust eu nouvelles du Roy:car son armée n'estoit suffisante pour combatre celle des Imperiaux. Le Roy se voyant hors d'esperace de pouvoir secourir ny Genes, ny Cremone; manda au Duc de Longueville qu'il se retirast en France. Or furet les trois mois passez que Cremone devoit estre secourue, parquoy à faute de secours le Mareschal de Foix, suivat sa promesse, remeit entre les mains du seigneur Prospere ladicte ville de Cremone, laissant au chasteau le seigneur de Bunou, pourveu de ce qui luy estoit necessaire: & le seigneur Prospere feit conduire ledit Mareschal de Foix avec son artillerie en seureté, jusques au deça de Suze, & ne luy maqua de chose qu'il luy eust promise.

Vous avez entendu par cy devant come l'an precedant Armés pour l'Amiral de Bonivet avoit pris Fotarabie, ville de Bisquaye, secourir Fonquatre lieues par-de la Bayonne, laissant dedans gouver- tarabie. neur Iacques d'Aillon seigneur du Lude. Or est-il qu'incotinant que l'armée dudict Amiral fut retirée en France, les Espagnols de toutes parts la vindrent assieger: & apres l'avoir tenue assiegée dix ou douze mois, l'avoiet mise en telle necessité de vivres, que plusieurs y moururent de faim, & sans estre secourue estoit impossible de plus y demourer. Parquoy le Roy avoit depesché le Mareschal de Chastil- Mort du lon avec une armée, pour aller secourir la ville & ledict Mareschal seigneur du Lude: mais estant arrivé ledict Mareschal de de Chastille. Chastillon à Dax, six lieues au deça de Bayonne, le print une maladie qui tant le persecuta qu'il en mourut : qui fut grande perte, pour estre homme experimenté & de credit. Sa Mareschaussée fut donnée au seigneur de Montmorency, qui pour lors estoit à Venise: & le Mareschal de Chabanes estant nouvellement de retour de la Bicocque, fut par le Roy envoyé pour tenir le lieu que tenoit feu mondit-seigneur le Mareschal de Chastillon: lequel apres avoir receu l'armée, marcha droict à Bayonne, puis à S. Iean de Luz, auquel lieu ledict Mareschal de Chabanes assembla toutes ses forces. Icelles assemblées, marcha à Endaye: y estat arrivé, par-ce qu'il y avoit une riviere entre le camp Espagnol & le sien, se logea audit lieu d'Endaye, attendant l'armée de mer qui devoit venir de Bretagne pour le renvitaillement, laquelle estoit conduitte par le capitaine Lartigue, Vice-Amiral de Bretagne: mais par la

Cremone rendues

paresse ou malheureté dudit Lartigue qui demoura trop long temps à venir, nostre armée sut contraincte de temporiser. Toutesfois voyant mondit-seigneur le Mareschal la faute que faisoit ladite armée de mer, delibera de passer l'eau: estant passé, deslogea les ennemis à coups de canon, ne l'osans attendre: & apres plusieurs escarmouches, se retirerent par les montagnes, encores qu'ils fussent les plus forts en nombre. Entre autres y estoit pour l'Empereur le Comte Guillaume de Fustemberg, ayat charge de six mille Lansquenets:parquoy monsseur le Mareschal ayant levé le siege, renvitailla la ville, & icelle bien pourveue se retira, laissant dedans pour lieutenant du Roy, au lieu du seigneur du Lude, le capitaine Frauget, lequel estoit lieutenant du Mareschal de Chastillon quand il rendit l'ame à Dieu. Ledict seigneur du Lude seit si bien son devoir en ce siege, & supporta telle extremité, qu'il ne s'en estoit veu de pareille de nostre temps: parquoy il acquist tel honneur qu'il peust estre parangonné à tous ceux qui auoyent soustenu des sieges, tant du vivant de nous que de noz peres.

Armée du Roy d'Angleterre à Callaiz pour entrer en Picardie.

PENDANT que ces choses se faisoient tant en Italie qu'à Fontarabie, le Roy d'Angleterre, comme j'ay dict cy dellus, apres avoir deffié le Roy, ne sejourna point qu'en toute diligence il ne fist embarquer son armée pour venir descendre à Callaiz : de laquelle il seit ches le Duc de Sowthfolk qui avoit espousé la Royne Marie, veufve du feu Roy Loys douziesme de ce no. L'Empereur aussi dressa son armée pour la faire joindre avecques ledict de Sow thfolk, dont le Comte de Bure, lieutenant general pour ledit Empereur en tous ses païs bas, estoit chef. Le Duc de Vendosme, qui estoit lieutenant general pour le Roy en Picardie, advertit le Roy des preparatifs que faisoit l'ennemy, tat l'Anglois que le Bourguignő, à ce qu'il luy pleust le secou rir d'hommes & d'argent. Le Roy luy envoya le seigneur Loys de la Trimouille, gouverneur de Bourgongne avec bon nombre de gendarmerie: eux assemblez adviscrent de pourveoir à ce qui leur estoit necessaire, & mesmes aux places où l'ennemy se pourroit attaquer, car monsieur de Vendolme n'estoit assez fort pour tenir la campagne. Parquoy ledit seigneur ordonna dedans Boulongne (le cas avenant que l'ennemy y vint) le seigneur de la Fayette, qui en estoit gouverneur, ayant charge de cinquante hommes

d'armes: la compagnie de cent hommes d'armes du Duc d'Alençon, dont avoit la charge le Baillif de Caen Iacques de Silly, le seigneur de Rochebaron d'Auvergne avecques vingt-cinq hommes d'armes, & mille hommes de pied estans soubs la charge du seigneur de Bourbarré & autres. Dedans Terouënne meit le seigneur de Brion (depuis Amiral)lieutenant general pour le Roy, avecques une partie de sa compagnie (car le reste n'estoit encores de retour d'Italie) le seigneur du Fresnoy bastard de Moreul gouverneur dudit Terouënne, ayant charge de cinquante hommes d'armes, le Comte de Dapmartin, le seigneur de Listenay, le Vi comte de Turene, le seigneur de la Vauguyon, ayant charge chacu de vingt-cinq homes d'armes, le capitaine Saulseuze Normat, avec mille homes de pied, le capitaine Motbrun avec mille autres. Dedans Hedin le seigneur du Biez, qui en estoit gouverneur, avec trente hommes d'armes & deux cens mortes-payes, dont il avoit la charge, le seigneur de Sercu, avec mille hommes de pied, & le capitaine la Lan de avec cinq cens estans soubs la charge du seigneur de Logueval, qui estoit demouré malade à Abbeville. Dedans Montreul ordonna le Côte de S. Pol son frere avec quatre cens homes d'armes, & monsieur le Duc de Guise son beau frere avec six mille homes de pied, estás soubs la charge du seigneur de Lorges: & estoiét les dits seigneurs compagnons en pouvoir. Moseigneur de Vendosme, & le seigneur de la Trimouille avec deux mille Suisses, & quelque nombre de gendarmerie, & d'autres gens de pied François allerét à Ab beville pour secourir où besoing seroit.

Les choses ainsi ordonnées, estat adverty ledit seigneur de Vendosme que l'ennemy n'estoit encores pour faire son passage de xv. jours, vou lut bien employer ses forces, sans si long temps les laisser inutiles: parquoy manda au seigneur de Lorges (lequel estoit party pour le secours de Genes avec six mille hommes de pied, mais estoit sur son retour, ayant eu nouvelles de la reddition du chasteau de Genes, par fautes de vivres) qu'il eust à venir trouver le Comte de S. Pol son frere, & môseigneur de Guise à Peronne, auquel lieu leur avoit ordoné faire leur amas, pour entrer en païs d'ennemy, ce qu'il sit. Puis les dicts seigneurs de S. Pol & de Guise ayans assemblé leurs forces audit lieu de Peronne, allerent avecques quatre canons assaillir Bapaulme, &

h iij

prindrent ville & chasteau: laquelle apres avoir rasée, bruslée,& ruinée, ensemble ledit chasteau, prindrent leur chemin au passage de l'Ecluse, pour aller dedans le pais d'Austrevat entre la riviere de l'Escau, & celle des Carpes. Mais audit passage trouverent les ennemis assemblez pour gatder le pas, lesquels ennemis ils assaillirent de telle vigueur, qu'ils furet forcez & mis à vau de routte, & chassez jusques dedans les portes de Douay, auquel combat François monsieur de Lorraine, frere de monseigneur de Lorraine, & de monseigneur de Guise, n'estant aagé que de seize à dixsept ans porta ses premieres armes : lequel estant à la chasse des ennemis, voyant sept ou huict hommes de pied Bourguignons s'estre retirez dedans un bois, & n'estant aucunemet apperceu de ses gens, luy seul alla pour chasser lesdits Bourguignos. Auquel lieu arriva de fortune le seigneur Martin du Bellay, accompagné de dix ou douze chevaux, qui vint bien à propos pour ledit Prince: car il estoit descédu à pied pour luy seul en combatre sept ou huict, lesquels en fin furent taillez en pieces. Estant donc toute la compagnie courue jusques aux portes de Valenciennes & de Douay, & apres avoir fait un merveilleux butin, l'armée se logea pour la nuict audict passage de l'Ecluse, qui est sur une riviere partant de Vy en Artois, qui vient tomber en l'Escau pres de Bouchain. Le lédemain l'armée Françoise voyat n'avoir les forces pour assaillir ny Valenciennes ny Douay, apres avoir couru toute la plaine d'Artois jusques aux portes d'Arras, se rerira à Encre, auquel lieu chacun se separa où il estoit ordonné.

Dur an te ce temps les Anglois faisoient leur descente à Callaiz, & par-ce que leurs vivres & bagages n'estoient encores arrivez, ils se logerent en la terre d'Oye: dequoy moseigneur de Vendosme adverty, depescha messeigneurs le Comte de S.Pol, & le Comte de Guise avec quatre cens homnes d'armes pour aller en la Fosse-Boulonnoise, & empescher l'ennemy de courir le païs, car lors estoit Ardres ruinée & abandonnée. Mais avant leur partement, sçachant comme le capitaine qui avoit la charge pour le Roy du chasteau de Comtes, situé entre Montreul & Hedin, avoit perdu ledict chasteau, ledict seigneur de Vendosme y alla en personne, où apres avoir faict batterie, monsieur de Lorges l'emporta d'assault: & suret tous ceux de dedans raillez

en pieces, hors mis le capitaine. Apres cela partirent lesdits Comte de S. Pol & de Guise, & se logerent un jour à Deure, autre jour à Saulmer au bos, autre jour à Bourdes & autres villages circonvoisins: de sorte que douze ou quatorze jours durans que les ennemis sejournerent en la terre d'Oye, lesdits seigneurs en desirent plusieurs qui l'estoient hazardez d'entrer en ladite Fosse: toutesfois estans toutes les forces des ennemis reunies, ils furent contraints d'eux retirer dedans Montreul, dont ils avoient la garde. Estant doncques l'armée des Anglois & Bourguignons assemblée entre S. Omer & Ardres pour deliberer le chemin qu'ils devoient prendre, en fin les Anglois, persuadez par le seigneur de Beaurain fils de monsieur du Reux, entreprindrent d'aller assaillir Hedin, estant la place la plus debile de toute la frontiere, voyans aussi Boulongne, Terouenne & Montreul ainsi bien pourveues que dit est, Et arrivez que furent audit lieu de Hedin, les ennemis se logerent du costé de devers S. Pol, & firent leurs approches pour faire leur batterie entre la tour Robin & la tour saince François: où apres avoir faice batterie de quinze jours, & faict breche de trente ou quarante toises, encores que ladite bresche fust raisonnable, n'oserent entreprendre de donner l'assault: aussi battirent la tour S. Chrestosse du costé du parc, mais n'en osterent que les deffences d'amont. Pendant ledit siege les ennemis ne furent long temps de sejour, que de jour en autre ils neussent l'alarme en leur camp: & entre autres monseigneur de Guise & le seigneur du Pont-dormy advertis de quatre cens Anglois qui estoient venus courir vers le Biez & la commanderie de l'Oyson, partirent de Montreul avecques leurs compagnies, & une partie de celle de monseigneur de Vendosme: lesquels ayans r'atains, encores qu'ils ne fussent qu'à demie lieue de leur camp, ils chargerent de telle vigueur, qu'ils furent tous pris ou tuez, hors mis trente ou quarante qui se retirerent dedans un jardin fermé de grandes hayes, où ils combatirent si obstinément, que monseigneur de Guise, contre l'opinion de plusieurs, par-ce qu'il estoit trop pres du camp de l'ennemy, se meit à pied pour les assaillir dedans ledit jardin, où en fin ils furent tous tuez sans que jamais Anglois se vousist rendre à mercy: un autre jour le seigneur du Pontdormy estat adverty qu'ils estoiet

venus brusser Fressin, la maison de son frere aisné, les vint rencontrer, & les assaillir si furieusement qu'ils furent tous desaicts: & ainsi journellement se faisoient entre-prises sur leurs logis, tant par ceux de Terouenne, de Montreul, que de Dourlens, que nul fosoit s'escarter hors leur camp. Semblablement vindrent les pluyes si grandes, que le slux de ventre se meit entre les Anglois, en sorte qu'apres avoit tenu le siege six sepmaines où deux mois, ils furent contraints de le sever avecques leur courte honte.

MONSIEUR de Vendosme adverty que les ennemis estoient sur leur deslogement, depescha le Comte de S. Pol avec trois cens hommes d'armes & six mille hommes de pied, qui estoit soubs la charge du seigneur de Lorges, pour se mettre dedans Dourlens: & luy avec le reste de son armée, accompagné de monsseur de Guise & de monsseur de la Trimouille, suivit la riviere de Somme, pour tousjours costoyer le camp des ennemis: lesquels ayans levé le camp de devant Hedin, vindrent loger à Auchy le chasteau sur la riviere d'Othie, mi-chemin de Hedin & de Dourlens. Le Comte de S. Pol voyant la ville de Dourlens n'estre tenable, pont n'y avoir point alors de chasteau, & que là où est mainrenant situé le chasteau, est une montagne dont on voit de tous costez ladite ville, de sorte qu'il n'y avoit moyen audit Dourlens de se mettre à couvert : à ceste occasion ledit Comte de S. Pol ayant gasté les vivres qui estoient dedans, à ce que l'ennemy ne s'en peust prevaloir, & fait abbatre les portes de la ville, se retira à Corbie pour là faire teste à l'armée de l'ennemy. Auguel lieu arriva aussi le Mareschal de Montmorency: qui estoit nouvellement retourné d'Italie, ayant avecques luy les deux cens gentilfhommes de la maison du Roy, avec pouvoir dudit seigueur de demourer chef à Corbie, avenant que l'ennemy y vint, dont sourdit quelque different entre ledit Comte de S. Pol & le Mareschal de Montmorency, par-ce que ledit Comte de S. Pol, y estoit arrivé avec pouvoir de monseigneur de Vendosme d'y demourer Lieutenant general, mais les choses passerent par gratieuseté. Le Duc de Sowth folk & le Comte de Buré ayans passe jusques à Beauquelne en esperance d'assaillir Corbie, considerans la provision de ladite ville, & voyans le temps si pluvieux, & tant de ma

ades en leur armée, & l'hyver qui les pressoit (car c'estoit inviron la Toussaincts mille cinq cens vingt-deux) apres woir brussé Dourlens, & tous les villages cinconvoisins, le retirerent en Artois, puis donnerent congé à un chasun: les Anglois retournereut en Angleterre, & les Bourguignons en leurs garnisons. Sur leur retraitte les Comte de S. Pol & de Guise advertis que à Pas en Artois y avoit bon nombre d'Anglois pour eux refreschir, les y allerent surprendre, de sorte qu'il en demoura de morts cinq ou six

cens sur la place.

PEU de temps apres Pasques, mille cinq cens vingttrois, le seigneur de Longueval Nicolas de Bussu avoit Traitté pour faict une entreprise d'une marchandise, par laquelle un de l'arprindre ses gens vendoit Guise aux Imperiaux par le sceu dudit Guise. de Longueval: le Roy en estant adverty, la trouva bonne. Or estoit ledit marchant un soldat de la garnison du chasteau dudit Guise, nommé Livet, serrurier : lequel disoit, & estoit vray, que ledit seigneur de Longueval lors estant en garnison audit lieu avec cinq cens hommes de pied, estoit de la partie, & feit venir quelques uns des caporaux & familiers dudit Longueval parler au Duc d'Ascot à Aven nes en Henault. Il n'est rien plus certain que ledit seigneur de Longueval estoit de la marchandise, mais non ainsi que l'entendoit ledit seigneur d'Ascot. Le jour venu de livrer la marchandise, le seigneur de Fleuranges devoit venir du costé des Ardennes avec quatre ou cinq mille hommes de pied, & trois cens hommes d'armes se jetter entre Avennes & Guise pour empescher la retraitte des ennemis: & le Duc de Vendosme avecques quatre mille Allemans qui avoit le Duc de Sowthfolk Blancherose, & trois mille François, & cinq cens hommes d'armes devoient venir de devers Peronne, & leur coupper chemin entre l'abbaye de Bonhourie & Guise, pour les deffaire tellement qu'il n'y avoit aucune doubte en nostre entreprise : car l'ennemy se voulant retirer avoit ledit seigneur de Fleuranges en teste, & monseigneur de Vendosme en queuë: s'il vouloit combattre avoit monseigneur de Vendosme en teste & monseigneur de Fleuranges en queuë. A ceste entreprise se devoiét trouver tous les grands seigneurs de par-delà, voulant chacun avoir part à l'honneur & au butin : & pour nous amuser & mettre hors de tout soupçon, ou divertir noz

forces, s'estoit faict levée de quinze mille Flamens, soubs la charge de monsieur de Fiennes, gouverneur de Flandres, avec cinq ou fix cens Anglois, & bon nombre de cavallerie, lesquels estoient venus assieger Terouenne d'un siege volant. Le Roy estant à Chambort, se voulut trouver à ladite entreprise, parquoy partant en poste sut en viron minuict à Genly pres de Chaunis, le jour dont la nuist ensuivante se devoit faire ceste entreprise. Vous sçavez qu'il est mal-aisé qu'un tel seigneur que le Roy puisse venir de si loing que de Blois à la Fére, où sont quatre vingts lieues, sans donner soupçon, & qu'il en soit nouvelle, car tout le monde le veult suivre. Les ennemis estoient desja en chemin pour executer leur entreprinse, quand nouvelles leur vindrent par leurs espions que le Roy estoit arrivé à Genly:parquoy prenans leur marchant, luy donnerent plusieurs astrapades, mais jamais ne voulut rien confesser. Le seigneur de Longueval, qui avoit ostages des ennemis, n'en feit moins à leursdits hostagiers: en sin estans acertenez par autres plusieurs adverrissemens certains de l'arrivée du Roy, se retirerent en leurs païs sans avoir la marchandise.

Armée du Roy en Picardie,

LE Roy cognoissant avoir failly à son attente, delibera de ne perdre l'occasion de se prevaloir avec l'armée qu'il avoit assemblée: à ceste cause manda au seigneur de Fleuranges de se retirer en sa frontiere de Sedan: suy marcha à Peronne, où il feit assembler toutes les forces qu'avoit monseigneur de Vendosme en Picardie : puis apres luy avoir ordonné d'aller lever le siege de Terouenne, & envitailler la place, se retira vers Paris. Monditseigneur de Vendosme ayant pris en main l'armée qui estoit de quatre mille Allemans (comme j'ay dit) soubs la charge du Duc de Sowthfolk Blancherose, & environ quatre mille Picards soubs la charge du seigneur de Sercu; du seigneur de Bournonville, du seigneur de la Hergerie, du seignent de Fontaines, fils du seigneur de Heilly & autres: & de cinq cens hommes d'armes & du seigneur de Brion; que le Roy envoya avecques quatre cens archers de la garde, & le seigneur de la Fayette, Maistre de l'artillerie en ce voyage: delibera, pour aller droit à Terouenne, de marcher par le pais des ennemis, afin de le fouller & soulager le nostre: & aussi en passant raser quelques chasteaux

qui estoient sur son chemin, & faisoient beaucoup d'ennuy à nostre frontiere. A ces causes print le chemin de Bailleul le Mont, qui estoit une place à mi-chemln d'Arras & Dourlens assez forte, & dedans y avoit trois cens Espagnols naturels, lesquels avoient promis la garder ou y mou rir: mais ils ne firent ny l'un ny l'autre, car apres avoir recognu la fureur de la batterie, & quelques uns des leurs tuez, Bailleul le le cueur leur devint foye, & se rendirent leurs vies sauves. Mont. Il fault entendre que la plus-part des capitaines n'estoit d'a vis de l'assaillir estant pourveue de gens de guerre comme elle estoit: mais monseigneur de Vendosme demoura en son opinion de la forcer, disant qu'il ne luy seroit reproché qu'une telle place feit la brave devant luy: & que mal-aisement oseroit il donner la bataille à l'ennemy devant Terouenne, qui avoit le double d'hommes plus que luy, fil passoit devant une telle place sans l'attaquer. Aussi luymesmes feit les approches en plain midy, où fut blessé pres de luy le seigneur de Piennes d'une arcbouzade au travers du bras, & trois canonniers tuez à ses pieds, qui aida bien à estonner les ennemis, de se veoir approcher en plain jour & sans tranchées: monseigneur de Vendosme apres avoir rasé le dit chasteau & faict bondir les tours, print chemin à Rouchauville & à Gincourt. Or l'ennemy estoit logé à Adincton & à Dellete, à demie lieuë de Terouennne, & par-ce qu'il n'estoit raisonnable de l'assaillir dedans Andincton, qui est fort logis à cause de la riviere du Lis, ordonna au leigneur du Lude, qui estoit Mareschal de camp, aller faire l'assette de son camp à Fouquemberghe: à fin qu'aisément il peust avoir vivres de Montreul, & & l'ennemy à grande difficulté, par ce qu'on luy couppoit le chemin de S. Omer. Et ceux de la garnison de Terouenne, dedans l'a quelle estoit le capitaine Pierre-pont avecques la compagnie de monsseur de Lorraine, & le seigneur d'Esquilly luy couppoient le chemin d'Aire.

Les ennemisse voyans approchez de si pres, dessogerent la nuict d'Andincton, & allerent loger à Hupen, maison du Tresorier de Boullenois, sur un hault, tirant le chemin de S. Omer, laissans Terouenne à leur main droi-Ac: lesquels de loing nous voyans marcher en baraille droict à eux, abadonerent ce logis, & alleret caper à Elfault auquel lieu monseigneur de Vendosme les suivit pour

Prise de

les combattre: ce pendant monsieur de Brion marcha droict à Terouënne avecques le charroy de l'envitaillement, qui estoir ceste nuict venu de Montreul. Les ennemis voyans ledit seigneur de Vendosine marcher droit à Elfault, & que desja le Comte de Dampmartin & le seigneur d'Esquilly leur avoient dressé l'escarmouche, entra parmy les Gantois & autres Flamens tel effroy, que saus attendre enseigne ny capitaine, ny tabourin, se meirent à vau de routte, droit à la riviere des Cordes, crians Gau, qui vault autant à dire que allons, fuyons, où se noyerent plusieurs, encores que personne ne les suivist, & n'y eut jamais ordre de les arrester: & sans le seigneur de Dine, lieutenant de monsieur de Fiennes, lequel avecques quatre ou cinq cens chevaux couvrit leur fuitte, la plus part eust esté taillé en pieces. Ie vous afseure que ledit seigneur de Dine seit pour ce jour la grand service à l'Empereur, car qui eust deffaict ceste trouppe, le pais de Flandres eust esté fort esbranlé: mais on dit en com mun proverbe, que si l'host sçavoit ce que faict l'host, l'host defferoit l'host. Aussi arriva le seigneur de Brion, qui avoit conduir le charroy à Terouënne, lequel declara à monseigneur de Vendosme, qu'il avoit charge expresse du Roy de luy dire qu'il n'eust à hazader la bataille: & sans cela je pen se que mondit-seigneur de Vendosme les eust combatus, mais il ne voulut desobeir aux commandemens du Roy. Mondit-seigneur de Vendosme ayant saict retirer l'ennemy, vint loger à Andincton, pour estre lieu propre pour conduire les vivres venans de Montreul: auquel lieu d'Andincton il feit sejour de huict ou dix jours, jusques à ce qu'il eust mis vivres dedans Terouenne.

1523.

EN VIRON le mois d'Avril ensuivant 1523, le Roy voyant qu'il avoit desja depesché en Italie deux ou trois armées pour le recouvrement de son Duché de Milan, dons il ne luy estoit venu aucun proussit, mais ruine pour luy & pour son Royaume, delibera d'y aller en personne: mais craignant qu'en son absence on assaillist les frontieres, y voulut pour veoir avant que partir: mesmes à Terouenne que l'an precedant il avoit faict renvitailler (comme je vier de dire) voulant bien de nouveau la pour voir, asin qu'il se pour voir au la pour voir an Pisare.

Renvitaille- peust ayder en son voyage des sorces qu'il avoit en Picarment de Te- die. Pour cest effect, ordonna à monsieur de Vendosme rouenne. mettre ensemble ses sorces, & seit lever chevaux & chaiots par toutes les elections voisines, & envoya le Mareshal de Montmorency pour assister à mondit-seigneur de l'endosme, & mener l'avantgarde: l'armée mise ensemble k les vivres & charroy, partirent de Montreul, & allerent amper à Andincton, qui est un village à deux lieues de l'erouenne sur la riviere du Lis qui y est encores petite, car elle commence sa source à l'Islebourg deux lieues de là, ur le chemin dudit lieu de Hedin,& est ledit village d'Anlincton au bout de la forest de Fou quemberghe tirant à Fruges & à Hedin.

Estans arrivez audit lieu, logerent le camp: l'avantgarde que conduisoit le Mareschal de Montmorency, d'un des costez de la riviere, la bataille de l'autre. Les ennemis quelques jours après estans advertis de ce logis ainsi sepa- Entreprinfe ré, firent entrepise d'assaillir la nuict les deux logis en un des enmemis mesme temps: du costé de la bataille le seigneur de Ville-sur nostre cap bon, capitaine de chevaux legers estoit logé un peu au de-descouverte. vất du camp, à la venue des ennemis. La trouppe des Bourguignons ordonnée pour donner sur la bataille, dona dedans le guer des chevaux legers, lequel elle força de sorte qu'elle donna aussi tost dedans leur logis, que les nouvelles de l'alarme: & ne leur donant loisir de se recognoistre,

renversa lesdits chevaux legers dedans le guet de la bataille, qui fut renversé dedans le logis de la gendarmerie, dont elle en trouva une partie à cheval qui soustint le faix. Les ennemis s'amuseret à piller le bagage des chevaux legers: je pense que s'ils ne s'y fussent amusez, ils eussent mis nostre camp en grad desordre: mais cela les retarda, qui nous donna loisir de pourvoir à noz affaires.

PENDANT le temps que ceste trouppe donna dessus le logis de la bataille, l'autre donna sur le logis de l'avantgarde, conduite(come j'ay dit)par le Mareschal de Montmorency, lequel avoit assis son guet bon & fortidont avoit faict chef un sien homme d'armes nommé la Tiguerette, lequel oyat quelque rumeur à ses sentinelles, alla luy seul pour recognoistre que c'estoit: mais il ne fut jamais un peu outre ses sentinelles pour mieux entendre, qu'il fut chargé de leur trouppe & enveloppé & pris prisonnier. Se voyant pris, craignat que le camp fust surpris, soudain cria alarme, dont les ennemis le voulurent tuer, mais il voulut plustost hazarder sa vie que de laisser en danger toute l'armée: sou-

dain toute l'avantgarde fut en armes, parquoy les ennemis se voyans descouvers, se retirerent: l'armée demeura en armes jusques à soleil levant, que le païs sut bien descouvert, puis l'avantgarde & bataille se logeret ensemble, où estoit logé le Mareschal de Montmorency, & ne feismes plus les sols de nous separer: depuis ne surent nouvelles que l'ennemy nous donnast empeschement en nostre envitaillement, lequel se faisoit en la sorme que je vous diray. L'escorte qui estoit à Montreul amenoit les vivres jusques à la forest de Fouquemberghe, & la gendarmerie du camp l'ac-

compagnoit jusques à Terouenne. LE Roy estant adverty que sa ville de Terouenne estoit pourveue de toutes choses necessaires, manda le Mareschal de Montmorency de le venir trouver: & à monseigneur de Védosme qu'il cust à luy renvoyer le Duc de Sowthfolk, avecques les Lansqueners estans soubs sa charge, & deux ou trois mille hommes de pied Picards, avecques une partie de la gendarmerie. Aussi manda le reste de son armée à se trouver au commencement d'Aoust à Lion, puis depescha l'Amiral de Bonnivet pour tousjours gaigner le pas de Suze, attendant que luy marcheroit avecques le reste de ses forces: envoya pareillemeet en Suisse le Mareschal de Montmorency pour faire levée de douze mille Suisses,& donnna charge au seigneur de Lorges de six mille François pour marcher quand & ledit Amiral de Bonivet. Ce faict, le seigneur de Mont morency seit telle diligence, qu'estant arrivé l'Amiral à Suze, il arriva à I vrée avecques les douze mille Suilles qu'il avoit levez, & se joignirent ensemble pres Turin attendans le Roy.

Traitté & praticques contre le Roy

LE seigneur Prospere Colonne; & le Vice-Roy de Naples advertis du grand effort qui venoit au Duché de Milan, seirent ligue avecques les Venitiens, qui abandonneré la ligue de France, & avecques tous les Potentats d'Italie comme le Pape, les Florentins, Genevois, Senois, Luquois les quels se liguerent ensemble contre les François, au ca qu'ils vinssent pour troubler le repos d'Italie. Et y devoi chascun d'eux cotribuer pour sa quotteportion, de laquel le ligue sut faict ches le seigneut Prospere Colonne: le quel ayant pris sur ses bras la charge de ladite armée, com mença en toute diligéee de pourveoir aux affaires du Duché de Mila, & mesmes à fortister les passages du Thesin, e

ntétion de nous empcscher le passage. L'Empereur pareilement, & le Roy d'Angleterre avoient faict lique ensemole, q si l'armée du Roy passoit les môts, celle du Roy d'An leterre devoit passer en Picardie, de laquelle auroit la harge le Duc de Northfolk. Semblablement le Comte de Bure dresseroit autre atmée de Lansquenets avec la force les bas pais. & se devoit venir joindre avec l'aimée d'Anloise. Alors se demenoit cotre le Roy autre praticque de rande importance, que je declareray ainsi que je l'enten.

Vovs avez ouy par cy devant comme l'an 1521. que le- Occasion du lit sieur Roy avec son armée alla devant Valenciennes, il partement de voit baillé son avantgarde à mener au Duc d'Alençon, & monsteur u Mareschal de Chastillon: parquoy monsieur de Bour- Charles de oon, auquel appartenoit la conduitte de ladite avantgar- Bourbon le, par-ce qu'il estoit Connestable de France, eut plus de hors du sernalcontentement qu'il n'en feit de demonstration. Au re-vice du Roy. our duquel voyage, & peu de temps apres, mourut madane Suzanne de Bourbon, fille du feu Duc Pierre de Bouroon,& de madame Anne de France, fille du Roy Loys unciesme, & sœur du Roy Charles huictiesme: laquelle Suzăne avoit espousé ledit Connestable Charles de Bourbon, Comte de Montpensier. Or apres le decez du duc Pierre de Bourbon, ledit Charles Comte de Montpensier descendu d'un puisné de Bourbon, & d'une fille de Mantoue, voulut maintenir que toutes les terres estans de la succession dudit deffunct de Bourbon, tenues en apennage luy apparenoient, comme estant hoir masse,& non à ladite Suzanne. Pour assopir lequel differend, encores que Charles de Valois Duc d'Alençon eust fiancé ladite Suzanne de Bourbon, ce-nonobostant fut faict le mariage dudit Comte de Montpensier & de ladite Suzanne, dont il se nomma Duc de Bourbon: & du duc d'Alençon fut faict le mariage de Marguerite, sœur de François, Comte d'Angoulesme, & depuis Roy. Puis estant ladite Suzanne morte, madame la Regente, à l'instigation(comme on disoit) du Chancelier Antoine du Prat, meit en avant qu'au Roy appartenoient les terres tenues en apénage, venues de la succession dudit Pierre de Bourbon: & à madame la Regente, comme plus proche, estant fille de l'une des sœurs dudit Pierre, mariée avec le Duc de Savoye, dont elle estoit fille, appartenoiene les terres n'estans en apénage, plustost qu'audit Charles de

Bourbon qui estoit essongné de trois lignes: à raison dequoy procez fut meu en la cour de Parlemét à Paris. Charles de Bourbon se deffiant ou de son droict, ou de la justice, & ayant peur que perdant son procez on l'envoyast à l'hospital, chercha par le moyen d'Adrian le Croy, Comte du Reux, de praticquer avecques l'Empereur, aimat mieux abandonner sa partie que d'y vivre en necessité: & par les traittez qu'il feit avec ledit Empereur, devoit espouzer madame Aleonor sa sœur, vefue de Portugal, & depuis Royne de France. Ce pendant le Roy estant party de Paris pour prendre le chemin de Lion & parachever son voyage d'Italie, arrivé qu'il fut à S. Pierre le Monttier, fut adverty par deux gentils-hommes Normans, qui estoient de la maison dudit Duc de Bourbon, l'un seigneur d'Argouges, l'autre de Matignon, de la praticque qu'avoit ledit Charles de Bourbon avec l'Empereur: apres lequel advertissement le Roy feit sejour audit lieu de S. Pierre le Monstier, attendant les bades des Lansquenets que le Duc de Sowthfolk amenoir de Picardie, lesquelles arriverent deux jours apres : car le Roy ne vouloit entrer à Moulins sans estre bien accompagné, auquel lieu estant arrivé logea toutes ses enseignes d'Allemans aux portes.

LENTREPRISE dudit de Bourbon estoit de contrefaire le malade, pour n'aller en Italie avecques le Roy: car le Roy estant passé les montagnes, & estant le Roy d'Angleterre descendu en Picardie, il devoit faire descendre le Comte Guillaume de Fustemberg, & le Comte Felix avecques dix ou douze mille Allemans, lesquels passans par Coiffy & Chaumont en Bassigny, se devoient venir joindre avec luy dedans ses païs: où il esperoit, par le moyen de ses serviteurs & subjects, mettre ensemble trois cens hommes d'armes, & cinq ou six mille hommes de pied: & desja avoit depesché la Motte-des-Noyers, gentil-homme Bourbonnois pour tenir preste ladite levée d'Allemans, & par-ce moyen faire la guerre dedans les entrailles de France: aussi devoient les Espagnols dresser une grosse armée pour afsieger Fontarabie, comme ils firent. Ces choses considerées, mesmes le Roy estant hors de son Royaume avecques toutes ses forces, sans point de faulte il est apparant que la France eust esté esbranlée devant que de la pouvoir secousir: car si le Roy eust voulu retourner la teste en çà; il eust cu l'aimée

eu l'armée d'Italie à sa queuë. Mais Dieu qui a tousjours conservé ce Royaume y pourveut, car desja (comme dit est) avoit eu le Roy advertissement de la pratique dudit de Bourbon, non pas toutesfois des conclusions au vray que je vien de dire, mais tant seulement qu'il traffiquoit avec l'Em pereur pour se retirer devers luy: parquoy en toute diligence le Roy donna ordre aux affaires de sondir royaume, & par ce qu'il sçavoit monseigneur de Vendosme estre de la maison de Bourbon (chose qui luy pouvoit engendrer souspeçon) le voulut bien mener quand & luy en Italie. A ceste occasion le tirant de Picardie, qui estoit son gouvernement, y envoya le seigneur de la Trimouille pour son lieutenant general, laissant en Champagne le seigneur d'Orval, puissé d'Albret, dot il estoit gouverneur: & au lieu du seigneur de la Trimouille, qui estoit gouverneur de Bourgongne, laissa le Duc de Guise: en Guienne & Languedoc, le seigneur de Lautrec Odet de Foix, & madame Loyse sa

mere Regente en France.

L E Roy arrivé audit Moulins, trouva le Duc de Bourbo contrefaisant le malade, mais le gentil Prince, qui tousjours estoit plus enclin à misericorde qu'à vengence, esperant reduire ledit de Bourbon, & le divertir de son opinio, alla le visiter en sa chambre: auquel lieu apres l'avoir reconforté de sa maladie, qui toutesfois estoit simulée, luy declara les advertissemens qu'il avoit des praticques que faisoit faire ledit Empereur par le seigneur du Reux pour l'attirer à son service & le divertir de la bonne affection qu'il estoit asseuré qu'il portoit à la Couronne de France: & qu'il pensoit bien qu'il n'avoit escouté lesdits propos pour mauvaise volonté qu'il portast à luy ny au Royaume, estant sorty de sa maison, dont il estoit si proche. Mais que desespoir & crainte de perdre son estat luy pouvoient avoir troublé la bonne amitié & affection qu'il avoit tousjours portée envers son Prince & seigneur, & qu'il eust à mettre hors de sa fantasse telles choses qui le troubloient: l'asseurat qu'au cas qu'il perdist son proces cotre luy & contre madame sa mere, de luy restituer tous ses biens, & qu'il se tint preparé pour l'accompagner en son voyage d'Italie.

LEDICT seigneur de Bourbon, comme sage & pruder, secut bien dissimuler sa deliberation: bien confessa u Roy que ledit Adrian de Croy seigneur du Reux l'avoir recher-

ché de la part de l'Empereur, mais que luy n'y avoit jamais voulu prester l'oreille, & qu'il avoit bien cu en pensée d'en advertir le Roy au premier lieu qu'il parleroit à luy. Toutessois qu'il ne l'avoit voulu mettre en la bouche d'autruy, asseurant quand & quad le Roy, que les medecins luy promettoient que dedans peu de jours il pourroit aller en littiere, & qu'incontinant ne faudroit se trouver à Lion apres sa maiesté. Ce neantmoins le Roy sut de plusieurs conseil-lé de se saissir de sa personne, mais estant Prince humain, ne voulut saire executer ladite opinio, veu mesmes que les choses n'estoient bien averées, & qu'il n'estoit raisonnable de faire injure à un tel Prince qu'estoit monsseur de Bourbon,

sans premierement estre les choses bien justifiées.

L E Roy se pensant tenir asseuré de la promesse de monsieur de Bourbon, estimant l'avoir bien reconcilié partit de Moulins, & print son chemin à Lion, pour tousjours faire acheminer son armée: & laissa pour accompagner ledit seigneur Perot de la Bretonniere seigneur de Vuarty. Peu de jours apres le Duc de Bourbon partit de Moulins, & print le chemin de Lion, mais estant arrivé à la Palisse seignit sa maladie estre rengregée, & dudit lieu partit ledit de Vuarty, avec lettres de mondit-seigneur de Bourbon, pour acertener le Roy de son partement. Apres le partement dudit de Vuarty, monsieur de Bourbon considerant que par arrest de la Cour de Parlement, tous ses biens estoient sequestrez, & que mal aisément en pourroit-il jamais jouir, ayant une si sorte partie qu'estoit madame mere du Roy, voulut avant que passer outre, entendre la volonté dudit seigneur:attendant laquelle se retira à Chantelles, place sienne assez forte, où estoiet tous ses meubles, duquel lieu à son arrivée depescha devers le Roy l'Evesque d'Autun, de la maison des Huraults, avecques lettres & instructions signées de sa main, lesquelles j'ay bien voulu icy inserer de mot à mot.

Lettres de monfieur de Bourbon au Roy.

> Monseigneur, jevous ay escrit bien amplement par Perot de Vuarty, depuis je vous ay depesché l'Evesque d'Autun present porteur, pour de tant plus par luy vous faire entendre la volonté que j'ay de vous faire service: je vous supplie, monseigneur, le vousoir croire de ce qu'il vous dira de par moy, & vous asseurer sur mon honneur que je ne vous seray jamais faute. De vostre maison de

Chantelles, le vij. de Septembre.

Mais qu'il plaise au Roy faire rendre les biens de seu mosieur de Bourbon, il promet de le bien & loyaument servir, & de bon cueur, sans luy faire faute, en tous endroits où il plaira audit seigneur, toutes & quantesfois qu'il luy plaira,& de cela il l'en asseurera jusques au bout de sa vie: aussi qu'il plaise audit seigneur pardoner à ceux ausquels il veult mal pour celuy affaire. Et avoit signé lesdites instructions de sa main.

DEPUIS l'arrivée de Perot de Vuarty à Lió, le Roy fut. adverty comme monsieur de Bourbon avoit delaissé le grand chemin, & s'estoit retiré à Chantelles: parquoy soudain depescha le Bastard de Savoye, Grand-maistre de Frãce,& le Mareschal de Chabanes, avecques chacun cent homes d'armes; pour trouver moyen d'arrester ledit Duc de Bourbon, ou bien l'affieger dedans Chantelles. Auffi depefcha la compagnie du Duc d'Alençon de cent hommes d'armes,& celle de monsieur de Védosme de pareil nombre, & d'autre part les capitaines des gardes & Prevost de l'hostel. Monsieur le Grand-maistre ayant pris le droit chemin de Moulins, arrivé qu'il fut à la Pacaudière trouva les mulets de l'Euesque d'Autun qui prenoient le chemin de Lió, pour executer le commandement qu'ils avoient du Duc de Bour bon, lesquels il feit arrester & chercher dedans, sil sy trouveroit quelque chose contre le, service du Roy. Peu d'heures apres arriva ledit Evesque, lequel fut pareillement arresté comme avoient esté ses mullets: aussi fut le seigneur de S. Vallier, qui estoit à Lion, messire Emard de Prie, le seigneur de la Vauguyon, qui estoit à Terouenne, & plusieurs autres.

Monsieve de Bourbo adverty de l'arrest faict sur la Revolte de personne de l'Evesque d'Autii, se desespera de trouver gra- monsseur de ce envers le Roy, parquoy delibera de sauver sa vie: aucuns Bourbon. de ses priuez estoient d'advis qu'il se devoit laisser assieger dedans Chantelles, mais luy qui estoit homme cognoislant, jugca bien n'estre raisonnable de s'enfermer en une place, au millieu du Royaume de France, hors d'esperance de tous secours. Parquoy delibera de se sauver hors du Royaume, & pour cest effect partant de Chantelles, n'ayant de compagnie que le seigneur de Poperant sans page & sans valler, se meit à chemin en habit dissimulé.

La premiere nuict vindrent au gifte en la maison du Selgneur de Lalieres, vieil gentilhomme, nourry en la maison de Bourbon, duquel le nepveu estoit de la partie: mais estant là , changea d'opinion de son chemin qu'il avoit à prendre, & tourna tout court à main droicte, & vint le lendemain coucher en la maison dudit Pomperant, & de là au Puis en Auvergne. Puis prenant le chemin, laissant Lion à la main gauche vint loger à S. Bonnet le froid, en une hostellerie separée hors du village: & par-ce que mondit-seigneur de Bourbon n'avoit repeu, furent contraints d'y arre-Iter, esperans y repaistre sans estre apperceus ny cogneus, par-ce qu'il n'y avoit qu'une vieille hostesse audit logis. Mais le soir bié tard y arriva celuy qui tenoit la poste pour le Roy à Tournon, venant de Lion pour faire repaistre son cheval: qui fut cause que les dits seigneurs de Bourbon & Pomperant deslogerent sur l'heure, & toute nuict allerent repailtre à un village à deux lieuës de là; nommé Vauquelles, dont l'hostesse dudit lieu recogneut Pomperant, & luy dist nouvelles comme ses grands chevaux avoient passé le jour precedant par là: & pour laquelle cognoissance, l'hostesse luy presta une jumet de relaiz, par-ce que son cheval estoit recreu, & luy bailla son fils pour guide.

Du Di T Vauquelles partit mondit-seigneur de Bourbon, feignant estre serviteur de Pomperant, environ minuict: & au poinct du jour arriva à Dauce pres de Vienne, estant la riviere du Rhosne entre deux. Le seigneur de Bourbon demoura caché derriere une maison, craignant qu'il y eust garde de par le Roy sur ladite riviere, ce-pendant que Pomperant alla pour entendre des nouvelles: lequel estant arrivé pres du pont de Vienne, trouva un boucher, auquel il sit entendre qu'il estoit archer de la garde du Roy, luy demandant si ses compagnons n'estoient pas venus à Vienne pour garder le passage, à ce que monsieur de Bourbon ne passast la riviere, & que ses compagnons luy avoient mandé que leur enseigne s'y devoit trouver. Le boucher luy feit responce qu'il n'y en avoit aucus, mais bien avoit il entendu qu'il y avoit force gens de cheval du costé de Daulphiné. Pomperant ayant entendu le passage n'estre gardé, retourna devers monsieur de Bourbon, & conclurent de ne passer point le pont, craignans d'estre cogneus, mais aller passer à un bac à demie lieuë de là: au

quel lieu estans embarquez, dix ou douze soldats de pied s'embarquerent avec eux, chose qui estonna ledit de Bourbon: mesmes qu'estans au milieu de la riviere, Pomperant sur recogneu par aucuns desdits soldats, qui donna plus grande terreur à mondit-seigneur de Bourbon, toutessois il sut rasseuré par ledit Pomperant, disant que s'ils cognoissient quelque hazard ils couperoient la corde pour saire tourner le bac vers le pass de Vivarez, où ils pourroiet gaigner les montagnes, & se mettre hors de danger: mais ils ne tomberent en cest inconvenient.

A y a N s mesdits-seigneurs de Bourbon & Pomperant passé la riviere, tant qu'ils furent à la veuë des hommes, suivirent le grand chemin de Grenoble: puis tournerent à travers les bois droict à S. Antoine de Viennois, & allerent loger à Nanty, en la maison d'une ancienne dame vefve, laquelle durant le soupper recogneut Pomperant, & luy demanda s'il estoit du nombre de ceux qui avoient faict les fols avecques monsieur de Bourbon: Pomperant respondit que non, mais que bien il voudroit avoir perdu tout son bien & estre en sa compagnie. Sur la fin de table, vindrent nouvelles que le Prevost de l'hostet estoit ou a voit esté à une lieuë de là, bien accompagné, à la poursuitte de monsieur de Bourbon, dont il fut estonné, de sorte qu'il se voulut lever de table pour se sauver : mais il en fut empesché par ledit Pomperant, pour crainte de donner souspeçon à la compagnie. Au fortir de table monterent à cheval, & allerent loger à six lieuës de là, auquel lieu sejournerent un jour pour reposer leurs chevaux:par-ce que c'estoit un lieu incognu dedans les montagnes.

Le mardy eusuyant, dés le poinct du jour prindrent le chemin du Pont-de-Beauvoisin, pour tirer droich à Chambery, où par le chemins trouverent grand nombre de cavallerie, allant à la suitte de l'armée que conduisoit monseigneur l'Amiral de Bonnivet en Italie, dont ils curent grande peur d'estre cogneus. En sin le mecredy sur le tard arriverent à Chambery, où ils conclurent de prendre la poste jusques à Suze: & de là prendre le chemin par les païs de monsieur de Savoye pour arriver à Savonne ou à Genes, & là sembarquer pour aller en Espagne trouver l'Empereur: mais le matin qu'ils devoiét partir, le Comte de

S. Paul passa en poste, prenat ledit chemin de Suze pour aller trouver monsieur l'Amiral en Italie, parquoy ils changerent leur dessein, prenans le chemin du mont du Chat, & à huict lieuës au deslus de Lion repasserent le Rhosne, prenans le chemin de S. Claude. Et y estans arrivez, ne trouvans le Cardinal de la Baulme, n'y firent sejour que d'une nuich: & allerent trouver ledit Cardinal à la tour de May, maison dependante de l'abbaye de S. Claude, où il faisoit sa demeure: auquel, par-ce qu'il estoit serviteur de l'Empereur, il se feir cognoistre. Le lendemain avec bonne escorte de ca vallerie que luy bailla ledit Abbé, sen alla coucher à Colligny, & de là à Passeran, & y seit sejour de huict ou dix jours, Partant dudit Passeran, alla monsieur de Bourbon à Bezançon, & de Bezançon à Liere en Ferrette, auquel lieu se trouverent la plus grande part des gentils-hommes qui avoient abandonné le Roy & leurs maisons pour le suivre: desquels estoit le seigneur de Lurcy, Lalliere, Montbardon, le Peloux, le seigneur d'Espinars, le Peschin, Tensane & plu sieurs autres. Et pareillement le vindrent trouver le capitaine Imbault, & l'Eleu Petitdey, luy pensans persuader de retourner en France, se faisans forts que le Roy mettroit en oubly les choses passées avec bon traittement, tel que le Roy luy avoit offert, passant à Moulins, à quoy il ne voulut condescendre: tellement qu'il s'en retournerent en France sans avoir rien exploité. Partant de Liere, ledit de Bourbon accompagné de soixante ou quatre vingts chevaux, tra versa les Allemagnes, puis au bout de six sepmaines arriva à Trente, auquel lieu apres y avoir faict sejour de deux ou trois jours, alla à Mantoue, où il fur receu du Marquis en grande amirié, d'autant qu'ils estoient cousins germains, par-ce que la mere dudit Duc de Bourbon estoit sœur du feu Marquis de Mantoue perc d'iceluy: lequel meit iceluy seigneur de Bourbon en tel equipage qu'il appartenoit à un tel Prince, de chevaux, d'armes, mullets, & autres choses necessaires tant pour luy que pour les siens. Le quatriesme jour de son arrivée, partant de Mantoue, alla à Cremone, auquel lieu il fut bien recueilly par le gouverneur. Le lédemain avecques bonne escorte de chevaux sut coduit à Plaisance, où le vint trouver Dom Charles de Lannoy, Vice-Roy de Naples: lequel venoit pour estre lieutenat general pour l'Empereur au Duché de Milan, pour l'extreme mala-

die en laquelle estoit tombé le seigneur Prospere Colone. APRES avoir communiqué ensemble des affaires de la guerre, ledict seigneur de Bourbon partit pour aller à Genes pour s'embarquer & faire son voyage en Espagne, auquel lieu attendant le vent, il sejourna cinq sepmaines: & aussi attendant le retour du seigneur de Lurcy, lequel dés qu'il estoit en Allemagne il avoit depesché devers l'Empereur pour entendre sa volonté. Finablement n'ayant plus d'attente au retour dudit de Lurcy, delibera de passer outre: mais alors qu'il pensoit s'embarquer, descendit au port de Genes messire Adrian de Croy, seigneur du Reux, & avecques luy le seigneur de Lurcy, lesquels apporterent response de l'Empereur : c'est, qu'il bailloit en option audict seigneur de Bourbon, ou d'aller en Espagne, ou bien de demourer en Italie avecques l'armée. Sur lesquelles offres il conclut de demourer au Duché de Milan, pour veoir à quelle fin tourneroient ces deux grosses armées du Roy & de l'Empereur: attendu mesmes que desja nostre armée tout l'hyver s'estoit ruinée devant Milan, & sur la dite reso-

lution alla trouver le Vice-Roy de Naples & l'armée Im-

periale à Binasc.

LE Mareschal de Chabanes, & monsieur le Grandmaistre ayans failly à rencontrer monsseur de Bourbon, lequel s'estoit sauvé en la maniere que je vien de declarer, allerent à Chantelles, laquelle place leur fut rendue par le capitaine, apres avoir esté sommé de la part du Roy son souverain seigneut: en Jaquelle placeils trouverent tous les meubles de la maison de Bourbon, qui estoient les plus beaux qui fussent en maison de Prince de la Chrestienté, qu'ils meirent entre les mains du Roy. Semblablement meirent en l'obeissance dudict seigneur le chasteau de Carlat, & generallement toutes les autres places de la maison de Bourbon. Aussi peu apres le Roy feit prendre prisonniers par soupçon messire Emar de Prie, capitaine de cinquante hommes d'armes, le seigneur de S. Vallier, capitaine de cent gentils-hommes de la maison du Roy, le seigneur de la Vauguyon capitaine d'hommes d'armes qui pour lors estoit en garnison à Terouenne, & plusieurs autres gentils-hommes serviteurs de ladicte maison: desquels encores qu'aucuns fussent trouvez avoir eu la cognoissance de ladite conjuration, laquelle ils n'avoiét revelée come ils

estoient tenus, ce-nonobstant à tous leur pardonna. L'Eves que d'Autun, sils du seu General Hurault, jaçoit que tous les biens tant de luy que des siens sussent venus du Roy & de ses predecesseurs, sut sous peçonné d'avoir esté du conseil de ladicte suitte. parquoy sut mis prisonnier, puis apres de-livré: mais estant en liberté se retira pres mondict-seigneur de Bourbon, & apres le trespas de Hieronyme Moron, monsieur de Bourbon le seit Chancelier de Milan: toutes-sois depuis le Roy luy pardonna, & le remist en tous ses biens. Par les choses predites on peult facilement recognoistre la grande humanité du Roy, lequel estant offensé de ceux qui avoient receu les biens & honneurs de luy, ne print vengeance d'un seul, ains pardonna à tous ceux qui

retournerent vers luy, cherchans misericorde.

L E Roy voyant la fuitte de monseigneur de Bourbon, & craignant que autres fussent de la partie, ne fut conseillé de passer les monts en personne: parquoy manda à monseigneur l'Amiral de Bonnivet, messire Guillaume Gouffier, lequel estoit ja pres de Verceil avecques l'armée, qu'il eust à executer l'entreprise du Duché de Milan, suivant ce que eux deux en avoient conclu. Et retint pres de sa person ne le Duc d'Alencon, le Duc de Vendosmois, le Grand-mai stre Bastard de Savoye, le Marcschal de Chabanes, seigneur de la Palisse avecques leurs compagnies chacune de cent hommes d'armes. Et par-ce qu'il fut adverty que la Mottedes-Noyers, lequel j'ay dict cy dessus avoir esté par monsieur de Bourbon depesché en Allemagne, marchoit avecques le Comte Guillaume de Fustenberg, & le Comte Felix, & leurs regimens de dix ou douze mille Lansquenets, prenans leur chemin entre la Bourgongne & la Champagne,manda au Duc de Guife, qui estoit en Bourgongne & à monsieur d'Orval, qui estoit en Champagne, qu'ils enfsent à pour voir à leurs frontieres: & du costé où l'ennemy tourneroit la teste, ils eussent à assembler leurs forces enfemble, leur envoyant la compagnie de cent hommes d'armes de monsieur d'Alençon, & celle de monsieur de Vendosme de pareil nombre pour les renforcer: retenant pres de luy les personnes dudit Duc d'Alençon & de Vendosme. Aussi retenoit le Mareschal de Chabanes, & le Grand maithre, pour les emploier où verroit estre besoing, & que les occasions s'offriroient.

ENVIRON le commancement de Septembre, mille cinq cens vingt-trois, monsieur l'Amiral ayant eu les nouvelles de la fuitte de monsseur de Bourbon, ensemble le mandement que luy faisoit le Roy d'executer l'entreprise de Milan:par-ce que si le Roy eust marché en personne, luy mesmes eust conduict l'avantgarde, la bailla pour conduire à monsieur le Mareschal de Montmorency, & luy, print charge de la bataille: ce faict, marcha avecques l'armée droict à Milan. Vous avez ouy cy devant comme Prospere Colonne avoit fortifié les passages du Tesin, se persuadant d'empescher nostre armée de passer, & sur ladicte esperan-Armée du ce avoit delaissé la fortification de Milan qu'il avoit com-Roy en Itamencée. Peu devant ce temps le Duc Sforce, lequel faisoit lie. sa demeure à Monze, un jour partit pour venir à Milan: mais un gentil-homme Milanois de sa famille nommé Benedict Viscomte, malcontent dudict Sforce son maistre, par-ce qu'il luy avoit cassé une compagnie de gens de pied, de laquelle auparavant il avoit eu la charge, estimant en cela avoir esté injurié, delibera lors de se venger. Or estant ledict Sforce sur le chemin de Monze à Milan, monté sur un petit cheval ayant peu de gens aupres de luy, à cause de la poussiere : ledict Viscomte estant sur une jument turque l'accosta, feignant vouloir parler à luy, puis l'ayant accosté tira une courte dague dont il en pensa donner audict Duc dedans la gorge : toutesfois le Duc baissant la teste & le corps, detourna le coup, tellement qu'il ne luy donna qu'au travers du bras: & fil luy eust aussi bien donné dedans le corps, il estoit mort: ce-neantmoins ledit Viscomte quelque suitte qu'il eust, se sauva par la vitesse de ladicte jument. Le Duc Sforce estant eschappé de ce peril, se retira à Monze, doubtant qu'il y eut autre ambuscade sur le chemin de Milan: incontinant le bruit courut que le Duc Sforce estoit mort du coup qu'il auoit receu, ce que ayant entendu un capitaine Milanois nommé Galeas de Birague, qui lors estoit à Turin, attendant le passage de nostre armée pour se joindre avec elle, pour le service du Roy, pensant la mort du Duc estre veritable, & sçachant que nostre armée estoit desja dedans les montagnes, par le moyen de quelque intelligence, se meit dedans Valence, ville dessus le Pau au dessous de Cazal S. Vas, soubs umbre de la pouvoir garder jusques à l'arrivée de

nostre armée: mais autrement en advint, car le seigneur Antoine de Leve par ordonnance de Prospere Colonne partit d'Ast avecques l'infanterie Espagnolle & les chevaux legers: & alla expulser ledict de Birague hors de Valence, ne luy donnant loisir de se remparer ne fortisser, & le print prisonnier. Ce temps pendant l'Amiral de Bonnivet (estans avecques luy les capitaines qui s'ensuivent, à sçavoir le Mareschal de Montmorency, le seigneur Bayar, le seigneur de Vandenesse, le seigneur de Mezieres, le seigneur de Vallery, & le Vidasme de Chartres, & environ quatorze ou quinze cens hommes d'armes: le seigneur de Lorges general de six mille François, le Duc de Sowthfolk general de six mille Allemans, & douze ou quinze mille Suisses, & y estoient pour leur plaisir le Comte de S.Pol, & le Comte de Vaudemont n'ayant aucune charge) print son chemin pour marcher droict où estoit le seigneur Prospere avecques son armé, & luy donner la bataille: comme je diray apres que j'auray parlé de ce qui se faisoit à Bayonne & à Fontarabie.

Siege de B.tyonne El prife de Fontarabie.

Vous avez bien entendu cy dessus comme l'an mille cinq cens vingt deux le Mareschal de Chabanes avoit secouru Fontarabie & avoit tiré dehors le seigneur du Lude, qui si bien y avoit saict son devoir & tant enduré de necessité & de famine: & en son lieu avoit par le commandement du Roy mis pour gouverneur le capitaine Frauget, lequel estoit lieutenant du Mareschal de Chastillon alors de son deces, vieil gentil-homme, & qui toute sa vie avoit eu reputation d'estre homme de guerre, auquel le Roy avoit donné la charge de cinquante hommes d'armes pour la garde de ladicte place de Fontarabie: & avecques luy Dom Petre fils du Mareschal de Navarre, lequel les Espagnols depuis peu de temps avoient faict mourir en prison, ayant iceluy Dom Petre charge de mille hommes de pied. Suivant ce que j'ay dict cy devant, que l'entreprise de l'ennemy estoit de tout en un temps assaillir la Champagne, soubs esperance de la faveur de monsieur de Bourbon, aussi l'Anglois & le Bourguignon entrer en Picardie, & les Espagnols assieger Fontarabie: toutes ces choses furent par cux executées, & melines le sixiesme jour de Septembre audict an mille cinq cens vingt-trois, les Espagnols meirent leur armée enséble: dequoy le seigneur de Lautrec gouverneur de Guienne adverty, alla à Bayonne pour pourveoir tant audict lieu qu'à Fontarabie. Premierement bailla audict capitaine Frauget pour la garde de sa place, tout ce qui luy estoit necessaire tant d'hommes, de vivres que de munitions, pour attendre un long siege, & soustenir un grand effort: puis seit retirer dedans Bayonne tous les vivres & bestail qui se trouverent au païs de labour, tant pour pourveoir ladicte ville, qu'à ce que l'ennemy ne s'en peust prevalloir. Et par-ce qu'il estoit depourueu d'hommes, d'autant que les forces du Roy estoient tant en Italie, Picardie, que Champagne: & qu'il n'avoit moyen de pourveoir ladicte ville du nombre de gens de guerre dont estoit besoing: & craignant que seignat ledict ennemy d'aller assaillir Fontarabie vint assaillir ladicte ville de Bayonne, resolut luymesmes de demourer dedans.

L E S Espagnols ayans mis leurs forces ensemble, le seziesme jout dudict moys de Septembre vindrent loger à S.Iean de Luz, mi-chemin de Fontarabie & de Bayonne: & le lendemain assaillirent Bayonne par eau & par terre, avec telle imperuosité, que sans la presence dudict seigneur de Lautrec il est apparant qu'ils l'eussent forcée, veu le peu de gens de guerre qui estoient dedans : mais la vertu dudict seigneur fut telle que trois jours & trois nuicts il ne bougea de dessus les murailles, faisant pourveoir à toutes choses, & mesmement aux entrées des rivieres. Il fault entendre qu'il y a deux grosses rivieres, toutes deux portans navires, dont l'une venant de devers Dax, vient border la ville du costé de France, l'autre vient de devers S. Iean de Piedeporc & des montagnes de Navarre, laquelle passe à travers de la ville: & sortant de la ville, les deux rivieres s'assemblent, où la mer flue & reflue deux fois en vingt-quatre heures, de sorte que les grands navires y entrent à pleine voile: chose qui donnoit moult de crainte aux Bayonnois, attendu le grand nombre de navires qu'avoient les Espagnols & Bisquains, toutesfois la presence du seigneur de Lautrec donna telle asseurance aux habitans, que tous, hom mes, femmes, & enfans meirent la main à l'œuure, tellemet que qui estoit couart se faisoit hardy. Le quatriesme jour les Espagnols se voyans perdre temps, se retirerent & allerent assieger Fontarabie, où ils ne trouverent telle resistan ce, encore qu'elle fust pourveuc de bon nombre d'hommes

& d'autres choses necessaires : car le capitaine Frauget apres avoir tenu peu de jours (neantmoins lesdites forces qu'il avoit, & veu la grandeur de la place) rendit la ville qui n'estoit forçable, & en sortit ses bagues sauves: vray est qu'il disoit avoir esté contraint de ce faire, par-ce que Do l'etre, fils du feu Mareschal de Navarre avoit intelligence aux ennemis. Toutesfois ledit Frauget fut à Lion sur un echaffault degradé de noblesse, & declaté roturier, luy & ses descendents, pour avoir esté negligent & failly de cueur à pourveoir à la conspiration dudit Dom Petre, si ainsi e-Itoit qu'elle fult vraye.

RETOURNANS àl'Amiral de Bonnivet, lequel

618.

Succez de print son chemin pour marcher droict où estoit ledit seimosseur l'A gneur Prospere avecques son armée, deliberé de luy donmiral en Ita- per la bataille. Le seigneur Antoine de Leve estant à Ast, adverty du passage de nostre armée, en toute diligence se retira de-là le Tesin: à l'occasion dequoy monditseigneur Amiral print Novare & toutes les autres villes de l'Omeline. Le seigneur Prospere estant tombé en extreme maladie, l'estoit faict porter sur le bord du Tesin, faisant contenance de vouloir combatre: mais estant adverty que noz coureurs estoiet arrivez sur le bord de la riviere se voyas hors d'espoir de garder le passage, pour estre gayable en plusieurs lieux, renvoya sa grosse attillerie à Milan: le lendemain estant adverty que le reste de nostre armée estoit à Vigeve, & que desja à coups d'artillerie elle avoit faict abandonner la garde dudit passage aux Lansquenets Imperiaux, & que noz gens de cheval & de pied comméçoient à passer, cogneut (mais trop tard) son cueur d'avoir voulu entreprendre de garder le pas d'une riviere contre une armée Françoise venant en sa premiere furie; parquoy se retira de Milan, auquel lieu estant arrivé, trouva un tel effroy tant parmy les gens de guerre que citadins, qu'il resolut d'abandonner la ville, & se retira à Laude, Mais la fortune fut si mauvaile pour mosseur l'Amiral qu'il fenclina aux persuasions de plusieurs Milannois, & specialement de Galeas Viscomte: qui luy faisoient entendre que s'il marchoit droict à la ville, elle seroit mise à sac, de sorte que le Royne s'en pourroit prevalloir. Et que laissant aller ledit Galeas parler ausdits citadins, ils trouveroiet moyen qu'ils metteroient les Imperiaux hors de la ville, & fourniroient au Roy une bonne somme de deniers pour soustenir les frais de la guerre, lesquelles remonstrances furét cau le que le seigneur Amiral sejouina deux ou trois jours sans suivre sa fortuné, & y fut envoyé ledit Galeas, & pour l'accompagner le general de Normandie Boyer & quelques au res. Les parlemens furent longs, mais en fin ce fut toute romperie, & la ruine qui deduis advint de nostre armée: car ce temps durant le seigneur Prospere rasseura ses gens, & les bagages qui estoient chargez pour se retirer furent dechargez, & avecques extreme diligence, & un nombre incroyable de vastadours, releva les rempars des lieux les plus ruinez. Puis voyant les forces n'estre suffisantes pour garder plusieurs places, abandonna tout le Duché, gardant seulement Milan, Cremone, & Pavie, attendant que nostre armée eust passé sa fureur, & que l'hyver qui estoit proche, l'eust manée. Et pour cest effect depescha le seigneur Antoine de Leue pour se mettre dedans Pavie, y faisant venir mille hommes qui estoient dedans Alexandrie, avecques autres deux mille que ledit de Leve mera quand & luy: & envoya autres trois mille hommes de pied dedans Cremone. L'Amiral voyant Alexandrie abandonnée, y envoya monsieur de Bussy d'Amboise avec deux mille Francs archers.

Monsieur l'Amiral voyant l'erreur qu'il avoit fait d'avoir temporisé sur une vaine esperance; marcha droict à Milan, mais ce fut trop tard: car desja le seigneur Prospere y avoit assemblé le nombre de dix mille hommes de guerre, sans les citadins qui tous avoient prins les armes: ce nonobstant il planta son camp devant, entre le chemin de Laude & de Pavie. Ce faict, envoya saisir la ville de Monze, dedans laquelle il meit bonne garnison pour empescher les vivres d'aller à Milan: puis ayant eu advertissement que le Duc de Mantoue estoit arrivé à Laude avecques cinq cens chevaux & deux cens hommes de pied, que le Pape envoyoit pour le secours de la ligue, depescha le capitaine Bayar accompagné de huict mille hommes de pied, quatre cens hommes d'armes, & huict ou dix pieces Prise de d'artillerie pour marcher droict audit lieu de Laude, y pen- Laude. sant surprendre le Duc: lequel estant adverty & se deffiant de ses forces, se retira abandonnant ladite ville. Parquoy le capitaine Bayar entra dedans, puis y ayant laissé bonne

garnison print le chemin de Cremone, pour tenter s'il pour roit prendre la ville, par le moyen du chasteau qui tenoit pour le Roy: auquel lieu arrivé se vint joindre avecques luy le seigneur Rence de Cere Baron Romain, accompagné de quatre mille hommes de pied Italiens, qu'il avoit levez pour le service du Roy au Ferrarois, & aux environs. Le capitaine Bayar & ledit seigneur Rence assemblez, & cognoissans que par le chasteau n'y avoit ordre de sorcer la ville, à l'occasion des grandes tranchées que les ennemis avoient faictes entre la ville & le chasteau, delibererent de l'assaillir par ailleurs, & tenter la fortune de la pouvoir forcer, encores que l'armée Venitienne qui estoit de la part de la ligue, sust à Pontivy pres de là: mais elle avoit commandement de la seigueurie de ne sortir hors de leurs confins

fans leur expresse justion.

L E seigneur Prospere adverty q l'armée du Roy prenoit le Chemin de Cremone, ne tarda gueres qu'il mada à Pavie qu'o eut à envoyer trois mille cinq ces homes à Cremone, pour la deffence d'icelle:mada pareillemet au Duc d'urbin General de la seigneurie, & au Marquis de Mantoue, Gene ral de l'Eglise avecques grandes instances, qu'ils eussent à approcher leur armée pres la nostre, pour l'empescher de donner l'assault: toutes sois cela ne retarda que le capitaine Bayar, le seigneur Rence, & le seigneur de Lorges, General de l'infanterie Françoise, ne feissent leurs approches, & en telle diligence firent la batterie, qu'en trois jours la breche estoit raisonnable pour assaillir. Mais soudain vint une pluye si abondante, que noz gens voulans marcher en avant pour l'assault, reculoient en arriere, tant il faison glissant: & dura ladite pluye quatre jours & quatre nuicts sans cesser, ainsi qu'estoit advenu au seigneur de Lautres l'an precedant devant Pavie: à cause dequoy le capitaine Bayar fut contraint de remettre l'assault à un autre jour, pendant lequel les ennemis eurent loysir de remparer la breche. Et pour les continuelles pluyes, les chemins devindrent si mauvais que de quesque part que ce fuss ne pouvoient venir vivres en nostre camp: qui fut l'occasion de la famine qui s'y meir: joinct que l'armée Venitienne rompit les vivres d'un costé, & l'armée de l'Eglise d'autre. Ce que voyant le capitaine Bayar, apres avoir refrechy le chasteau tant d'hommes que de vivres,

fut contraint se retirer vers Milan, ayant trouvé audit chasteau le seigneur de Bunou, qui en estoit capitaine, mort, & tous les foldats que le Mareschal de Foix y avoit laissez, hors mis huict, lesquels avoient deliberé de mourir commo les autres, plustost que de rendre la place, encores qu'ils euf sent esté enfermez deux ans en extreme necessité, ce que n'avoient faict ceux du chasteau de Milan: car si tost apres que monsseur de Lautrec eut failly à les secourirs ou Marc Antoine Colonne fut tué) ils rendirent la place, encores qu'ils eussent des vivres suffisamment pour attendre le secours, qu'amenoit l'Amiral de Bonnivet. Aussi le seigneur Prospere quand il se retira de devant nous, apres qu'eumes passé le Tesin, n'eust jamais entrepris de s'arrester dedans la ville, si le chasteau eust tenu nostre party: dequoy le capitaine Mascaron, qui en avoit eu la charge sut fort blasmé, & en hazard d'en recevoir une honte.

LAISSONS monsieur l'Amiral de Bonnivet devant Milan, jusques à ce qu'il soit temps d'en parler, & venons à ce qui se faisoit au mesme temps tant en Champagne qu'en Picardie. Incontinant apres que monsieur de Bourbo se fut retiré hors de France, la Motte-des-Noyers, que i'ay dit cy devant avoir esté par ledit de Bourbon envoyé en Armée de Allemagne pour faire levée de Lansquenets, seit telle di- Lansquenets ligence qu'en peu de temps il descendit en Champagne a- en Bourgonvec le Comte Guillaume de Fustamberg, & le Comte Felix gne & Cha-& vint assieger Coiffy, qui est une place aux confins de ce pagne. Royaume à l'entrée de la Franche-comté, à six lieues par de là Langres. Auquel lieu estans arrivez, le capitaine qui en avoit la charge s'estonna, de sorte qu'il seur rendit la place sans coup ferir, dés la premiere sommation qui luy fut faicte : ce faict, laissans Montigny le Roy à la main gauche, passans la Meuze, au dessus du Neuf-chastel, prindrent le chemin de Montclaire, qui est un chasteau assis sur une montagne pres la riviere de Marne, environ michemin de Chaumont en Bassigny,& de Ianville, lequel chasteau se rendit pareillement. Le Duc de Guise, lequel estoit demouré Lieutenant du Roy en Bourgongne pour l'absence du Seigneur de la Trimouille, qui essoit lieutenant de Roy en Picardie, adverty de la perte desdites places avecques la gédarmerie qu'il avoit: sçavoir est sa co-

pagnie de cent hommes d'armes, celle du Duc d'Alençon & du Duc de Vendosme de pareil nombre, avecques quelques autres compagnies, vint à Chaumont pour se joindre aux forces de monsieur d'Orval Gouverneur de Champagne: lesquelles forces assemblées se trouverent de cinq à fix cens hommes d'armes, sans les arrierebans qu'ils meirent dedans ledit Chaumont & autres places, à fin de n'enfermer la gendarmerie, ains s'en servir à la campagne. Les ennemis se confians à la cavallerie que monsseur de Bourbon leur devoit fournir, n'en avoient amené, de sorte que nostre gendarmerie qui estoit ordinairement à cheval, & les ennemis n'ayant aucune cavallerie pour faire escorte à leurs fourrageurs, en peu de jours y furent affamez. de sorte qu'ils furent contrains de faire leur retraitte, prenans le chemin du Neuf-chastel en Lorraine, pour audit lieu passer le riviere de Meuze.

LE Duc de Guise estant adverty de leur retraitte, & du chemin qu'ils prenoient, depescha deux ou trois cen homes d'armes pour passer ladite riviere de Meuze, & gai gner le devant pour les prendre en teste: & luy avecques le reste de la gendarmerie les charger sur la queuë, a dem pallez, car ils menoient un grand butin, qui estoit le moyer de plus aisément les mettre en desordre. Mais il advint qu' le soir que devoit partir la compagnie de monsieur de Gui se, que conduisoit le seigneur de Courville, soubs la con duite duquel pareillement devoient marcher tous les au tres, sourdit querelle entre le seigneur de Courville & 1 seigneur de Chastelet de Lorraine, porte-enseigne dudi seigneur de Guise, telle qu'ils mirent la main aux armes de maniere que Chastelet donna un coup d'estoc aud Courville dedans la bouche qui perça de part en autre dont se retarda leur partement. Mondit-seigneur de Guil pensant que ceux qu'il avoit ordonnez de passer la Meuze fussent desja, se meit à la queuë des ennemis avecques le re ste de l'armée, lesquels arrivans devant le Neuf-chastel print à demy passez, & ce qui estoit demouré sur la quer fut taillé en pieces, & le butin recoux. Si ceux qui estoier ordonnez pour estre de-là l'eau eussent executé ce qui les estoit commandé, peu des ennemis se fussent sauvez, pot l'effroy au-quel ils estoient entrez. Les dames de Lorrair & de Guile estoiét aux senestres du chasteau qui en eurer le passe-temps. ALOR

À LORS que ces choses se faisoient tant en Italie que Champagne, la Picardie n'estoit en patience : car le Duc de Northfolk estant descédu à Callaiz avecques quatorze ou quinze mille Anglois, & sestant join & avecques luy le Co- Armée te de Bure, lieutenant pour l'Empereur, leurs forces unies d'Angleis ensemble se retrouverent le nombre de cinq à six mille che- en Picardie. vaux,& de xxv.à xxx.mille hommes de pied, avecques bon ne quantité d'artillerie: & prindrent le chemin entre Montreul & Terouenne, pour assaillir ou Hedin ou Dourlens. Le seigneur de la Trimouille cognoissant les grandes forces qu'il avoit sur les bras, avoit desja pourveu aux places où il estoit apparant que l'ennemy l'attaqueroit : premierement dedans Terouenne avoit laissé le seigneur du Fresnoy Bastard de Moreul, qui éstoit gouverneur dudit lieu; ayant charge de cinquante hommes d'armes,& le capitaine Pierre-pont avec cent hommes d'armes, de la compagnie du Duc de Lorraine, duquel il estoit lieutenant, & deux mille hommes de pied. Les ennemis la voyans si bien pour veue, passerent outre, sans l'assaillir: puis prenans le chemin de Dourlens, passerent devant Hedin, où ils feirent le semblable. Estans arrivez audit Dourlens deliberez de l'assieger, trouverent un chasseau de terre que le seigneur du Pontdormy, par le commandement du Duc de Vendosme l'an precedant avoit faict edifier sur la montagne, tirat vers Amiens, bien pourveu d'hommes & de munitions: auquel, apres l'avoir bien recogneu, ne furent d'advis de l'attaquer, & y ayans lejourné quatre jours pour refreschir leur camp, prindrent le chemin de Corbie, où ils trouverent le seigneur de la Trimouille en personne, qui sut cause qu'ils passerent outre sans s'y amuser.

I L fault entendre que le seigneur de la Trimouille avoit si petit nombre d'hommes qu'il estoit contraint, quad l'ennemy avoit abandonné une place, de retirer les forces qui estoient dedans, pour les mettre en une autre au devant dudit ennemy. Le seigneur du Pontdormy voyant les ennemis passer outre Corbie, & prendre le chemin contremont la riviere de Somme, se meit dedans Bray, où est un

passage de ladite riviere entre Corbie & Peronne, pour em-Vaillaces du pescher le passage à l'ennemy : ayant en sa compagnie en-seigneur du viron cent cinquante hommes d'armes, & douze ou quin- Pentdormy.

ze cens hommes de pied, encores que la ville ne fust garda-

ble, d'autant que la muraille ne vault riés, & ne se peust fortifier, à l'occasion de trois montagnes qui la commandent de si pres, qu'à coups de pierre on peust dessoger ceux qui sont à la garde. Il avoit esperance qu'au cas que l'ennemy le forçast qu'il auroit moyen de se retirer le long de la chaussée, rompant les ponts apres luy, mais autrement en advint: car il fut tellement pressé qu'il n'eut moyen de se retirer qu'en desordre, en sorte que les ennemis passerent ladite chaussée pesse-messe avecques luy, il y perdit environ quatre xx.ou cent hommes. Et entre autres y mourut le capitaine Adrian qui avoit charge de mille hommes de pied, & cust esté le reste taillé en pieces sans ledit seigneur du Potdormy qui retourna la teste, & soustint l'effort avec la gendarmerie, pendant que les gens de pied se retirerent à Corbie où estoit le seigneur de la Trimouille. Lequel estant averty que l'ennemy ayant passé la riviere prenoit le chemin de Roye & Montdidier, delibera d'envoyer secours audit Montdidier: mais ne trouvant homme qui le vousist entreprendre, par-ce que le camp de l'ennemy estoit sur le che min, le seigneur du Potdormy (lequel ne trouva jamais entreprise trop hazardeuse) entreprint d'y mettre le dit secours. Parquoy estant la nuict venue se meit en chemin avecques bons guides, & sans rencontre, meit dedans ladite ville de Motdidier le seigneur de Rochebaron d'Auvergne, ayant charge de cinquante hommes d'armes, & le seigneur de Fleurac avec pareille charge, estant lieutenant de la com pagnie du Comte de Dampmartin, & le capitaine René de la Palleterie, avecques mille Franc-archers, dont il avoit la charge. Le seigneur du Pontdormy apres avoir executé ce

Le seigneur du Pontdormy apres avoir executé ce qu'il avoit entrepris, delibera sa retraitte, & sçachant bien que les ennemis estans advertis de son partement de Corbie & de son arrivée à Montdidier mettroient peine de le rencontrer par les chemins à son retour: toutessois ne voulut attendre la nuich, craignant que mosseur de la Trimouille eust affaire de luy. A ceste occasion il se meit à faire sa retraitte en plain jour, deliberé de charger tout ce qu'il trouveroit sur son chemin, encores qu'il n'eust que sa compagnie qui estoit de quatre vingts dix hômes d'armes, & celle du Vicomte de Lavedan. Estant sur sa retraitte, rencontra cinq cens chevaux, sur lesquels il chargea de telle

furie qu'il les mist à vau de roupte: mais trouvant deux mille chevaux qui venoient pour soustenir les autres, fut contrainct de faire sa retraitte, pour laquelle luy-mesmes demoura sur la queue avecques trente chevaux, faisant retirer le reste sur le chemin d'Amiens, mais les ennemis luy feirent une charge telle qu'il fut porté par terre & son cheval tué, toutes fois il fut secouru du seigneur de Barnieulles son frere, lieutenant de sa compagnie, & du seigneur de Canaples son nepveu & son Guidon, qui le remeirent à cheval, & demourerent lesdits de Barnieulles & de Canaples sur la queue, pendant que ledit seigneur du Pontdormy se retira à Amiens avec sa trouppe, par- ce que le chemin de Corbie luy estoit fermé de toute l'armée des ennemis. Mais lesdits de Barnieulles & de Canaples avecques vingt hommes d'ar mes qui estoient en leur compagnie, furent tant & si souvent chargez qu'ils furent portez par terre; & pris prisonniers avec sept hommes d'armes. Les ennemis apres avoir pris & brussé la ville de Roye, marcherent droit à Montdidier, où apres avoir faict breche, ceux de dedans se deffians de leurs forces, se rendirent leurs bagues sauves, & se retirerent devers monseigneur de la Trimouille. Toutesfois ce ne fut sans estre blamez de s'estre rendus si legerement : car les ennemis ne pouvoient faire log sejour par faulte de vivres. Il fut dit que le capitaine René de la Palletiere ne voulut jamais confentir à ladite composition.

LE Roy pour lors estant à Lion, adverty comme les choses se passoient en Picardie, & que ses ennemis estoient venus jusques sur la riviere d'Oyse, à unze lieues pres de Paris, depescha le Duc de Vendosme en toute diligence pour y venir: luy donnant pouvoir de commander & pourveoir à toutes choses de deça, & quand & quand manda quatre cens hommes d'armes, tant de Bourgongne que de la Champagne pour suivre ledit seigneur de Vendosme, & faire ce qu'il leur commanderoit. Mais devant envoya le seigneur de Brion pour asseurer les habitans de Paris, auquel apres avoir declaré ce qu'il avoit de charge en plaine assemblée de ville, sans faire mention de la depesche du Duc de Vendosme ny de la compagnie que'il amenoit, fut respondu pour toute l'assemblée par monsieur Baillet second Presidant de la Cour de Parlement, qu'il fust le bienvenu comme mandé de la

k ij

part de leur Roy & souverain seigneur, toutessois que quad le Roy Loys xj. envoya reconsorter ceux de sa bonne ville de Paris, pour la descente du Duc Charles de Bourgongne devant Beauvais, il n'y envoya en poste, mais y envoya le Mareschal Ioachin Rouault accompagné de quatre cens hommes d'armes, & que cela les reconsorta: & encores que ledit seigneur de Brion sust homme de bien, savorisé du Roy, si n'estoit-il sussissant luy seul pour asseure une telle ville que Paris. Ce-neantmoins ils avoient nouvelles que le Duc de Vendosme venoit en telle compagnie que ledit Rouault estoit venu, chose qui leur donnoit grande asseurance, tant pour les vertus & qualitez dudit personnage, que

de sa compagnie.

L es Anglois apres avoir pris & brussé lesdites villes de Roye & Montdidier, estans advertis de la venue de mon sieur de Vendosme, craignans que monsieur de la Trimouille vint d'une part, & monseigneur de Vendosme d'autre, & que par-ce moyen leur armée fust affamée, delibererent de faire leur retraitte par Fervacques, à l'endroit que la riviere de Somme prend la source, quatre lieuës au dessus de S. Quentin: & en passant leur chemin brusserent Neelle qu'ils trouverent abandonnée pour sa debilité. Le jour ensuivant prindrent le chemin de Ham, pensans trouuer la ville depourveue, mais la nuict precedente le Comte de Brene surnommé de Sallebruchk estoit entré dedans avecques sa compagnie de cinquante hommes d'armes, & environ sept ou huict cens hommes de pied, ayans delibe ré de garder la ville, car le chasteau n'estoit prenable à uni armée qui se retiroit: les ennenis voyans sa place si bier pourveue, passerent outre sans l'assaillir. Le deuxiesme iou apres laissans S. Quentin à leur main gauche allerent lo ger à Fervacques, & le lendemain à Premont, faisant conte nance de vouloir affieger le chasteau de Bohain, distan d'une lieue dudit Premont : toutesfois ce logis de Premon ne monstroit point que les ennemis vousissent assaillir Bo hain, car il est sur le chemin de Bohain à Cambray, où avoit plus d'apparence qu'ils se vouloient retirer qu'assail lir la place. Mais le capitaine dudit Bohain sentant l'enne my fi pres,n'avant ceste consideration, ne luy donna la pei ne de l'envoyer sommer, ains alla jusques audit Premon & rendit le chasteau entre les mains du Duc de Sowthfoll

& du Comte de Bures, moyennant que luy & ses soldats sortiroient leurs bagues sauves. L'Anglois ayant laissé bon ne garnison en ladite place, se retira en Artois, & licentia son armée: & fut cela peu apres la Toussaincts, mille cinq cens vingt-trois, & environ dix ou douze jours apres la sainct Martin que les bleds gelerent presque universellement par tout le Royaume de France, le seigneur de la Trimouille sçachant l'ennemy estre retiré avant que monseigneur de Vendosme fust arrivé, marcha droict audit lieu de Bohain avecques six canons, dont il feit si furieuse batterie, que ceux de dedans se voyans sans esperace de secours, pour estre leur armée separée, se rendirent. Ce faict, le seigneur d'Estrée fust ordoné capitaine de ladite place, & partist ledit seigneur de la Trimouille de Picardie, ayant eu une armée sipuissante sur ses bras, & si peu de gens pour la garde du pais, sans que l'ennemy au partir tint un pied de terre de sa conqueste.

C E temps pendant, monsieur l'Amiral de Bonnivet Milan, par estoit tousjours devant la ville de Milan, en laquelle vint le scigneur de telle necessité de vivres, pour les moulins que les François Bonnivet. avoient rompus és environs, & aussi pour le canal qu'ils avoient diverty d'entrer en ladite ville, que sans le grand nombre de moulins à bras qu'avoit faict faire le seigneur Prospere, sans point de doubte les soldats & citadins sussent morts de faim. Aussi rengregea la maladie dudict seigneur Prospere, de sorte qu'il fut contrainct de bailler la charge de la guerre au seigneur Alarçon Espagnol, lequel depuis peu de temps par le commandement de l'Empereur, estoit venu de Calabre pour commander à l'infanterie Espagnolle, pour l'absence du Marquis de Pesquaire, qui n'agueres s'estoit retiré, pour un differant survenu, entre ledit seigneur Prospere Colonne & luy. Ledit seigneur Alarcon ayant envie à son arrivée de faire quelque chose de reputation, feit dresser dedans la ville un cavalier fort hault, pour tirer dedans nostre camp, & sur iceluy feit loger sept ou huict grosses pieces d'artillerie: le seigneur Prospere cognoissant que l'effect dudit cavalier estoit inutil & perte d'amonition, feit cesser l'ouvrage, & manda au Marquis de Mantoue qu'avecques les cinq cens chevaux de l'Eglise desquels il avoit la charge, ils eust à se retirer dedans Pavie pour rompre les vivres à nostre camp qui venoient

Siege devant

du costé de Laude. Les Florétins, Luquois, Senois, & autres de la ligue commencerent à se retirer de la depense, par-ce que deja ils avoient fourny les trois mois qu'ils avoient pro mis: parquoy le seigneur Prospere ne pouvant plus trouver moyen de recouvrer deniers, conclut de rendre Modéne au Duc de Ferrare pour de l'argent, laquelle ville le Comte Guy de Rangon tenoit au nom de l'Eglise. Et pour ce faire, depescha ambassadeurs vers iceluy Duc de Ferrare: mais apres les choses conclues, fut envoyé de la part de Dom Charles de Lannoy Vice-Roy de Naples, lequel rompit ledir traitté, asseurant qu'il fourniroit deniers pour les frais de la guerre, & luy-mesmes partit de Naples pour venir à Milan, depesché par l'Empereur pour prendre charge de l'armée durant la maladie du seigneur Prospere, amenant avec ques luy quatre cens hommes d'armes du Royaume de Naples: & en sa compagnie le Marquis de Pesquaire, lequel avoit abandonné l'armée (comme il est ja predit) pour quelque division survenue entre ledit Prospere & luy. Mon sieur l'Amiral ayant crainte que le Marquis de Mantoue & Antoine de Leve, qui estoient à Pavie, ne vinssent se saisir du pont qu'il avoit faict faire à Vigeve, par lequel venoient les vivres en son camp, & par-ce moyen l'affamassent, manda querir le seigneur Bayar, & le seigneur Rence, qui estoient à Monze, pour se venir loger à Vigeve, mais le deslogement dudit lieu de Monze fut cause de nostre ruine, car estant ce passage ouvert, les vivres arriverent à Milan en toute abondance.

Retraitte du siege de Milan.

Monsieur l'Amiral voyant son esperance perdue d'affamer Milan, & mesmes quelques intelligences qu'on disoit qu'il avoit dedans sa ville descouvertes, resolut de lever son siege: par-ce qu'il n'avoit plus moyen de tenir ses gens en campagne: pour les grandes neiges & rigoureux hy ver qu'ils avoient enduré six mois devant. A ceste occasion pour mettre son armée à couvert, se retira à Biagras, & autres lieux circonvoisins, où arrivé qu'il sut depess le seigneur Rence, & le Comte de S. Pol, & le seigneur de Lorges General des gens de pied François pour aller assieger Arone, qui est une ville sur le lac Majour Mais ledit Prospere Colonne voyant le dessogement de nostre camp de devant Milan, avoit des ja envoyé pour rensort dedans ladite ville d'Arone le nombre de douze cens hommes, chose qui vint

mal à propos pour noz gens. Le seigneur Rence estant arrivé devant ladite ville d'Arone, feit soudainement faire les approches, & apres avoir mis ses pieces en batterie, & avoir battu vingt ou vingt-cinq jours, & faict donner deux ou trois assaux ausquels noz gens furent repoussez, delibera tenter autre fortune, ce fut de miner la place: mais apres avoir miné un grand pan de mur, faisant mettre le seu dedans les mines, la muraille estant enlevée en l'air, en lieu de se renverser dedans les fossez, recomba dedans ses fondemens, & demoura debout: à raison dequoy se voyant frustré de son intention, & avoir perdu tant de temps feit sa retraitte en nostre camp. Et furent tuez audit siege plusieurs gens de bien des nostres, aussi fut il des ennemis, & entre autres de nostre part y moururent le seigneur de Pommereul maistre de nostre artillerie en Italie & un jeune gentil-homme de Normandie surnommé de Roncerolles, fils du seigneur de Hugueville, qui fut grande perte, pour estre ledit Pommereul un des plus experimentez en l'artillerie de ce Royaume. Et le jeune homme promettoit beaucoup de soy, plusieurs autres y moururent qui ne sont icy nommez à cause de breveté.

Durant ce temps l'armée Imperiale n'avoit bouge de Milan, attendant la venue de Dom Charles de Lannoy, Vice-Roy de Naples, lequel venoit pour estre Lieutenant general de l'Empereur: mais ledit Vice-Roy temporisoit, attendant quelle fin prendroit la maladie du seigneur Prospere, laquelle desja avoit duré sept ou huict mois, ne voulant venir où il estoit pour de luy estre commandé:aussi luy saisoir mal de destituer de son pouvoir un si gétil che valier qu'estoit le seigneur Prospere: mais ayant entendu que desja il avoit perdu sou entendement, partant de Pavie l'en vint à Milan, & pense que le jout de son arrivée mourut ledit seigneur Prospere. Arrivé que sut à Milan le Vice-Roy apres avoir veu son armée, arresta avecques l'am bassadeur de Venise, que les six mille Lansquenets qu'il faisoit venir d'Allemagne estans joincts avecques l'armée Venitienne, les deux ensemble passeroient la riviere d'Adde pour le venir joindre avecques luy, soubs deliberation que leur armée unie ensemble, viendroir chercher l'armée du Roy pour la combatre, ruinée (comme elle estoit)

d'un si long hyver qu'elle avoit enduré, & des grandes fatigues qu'icelle avoit porte durant six mois, ne voulans atten

dre qu'elle eut refreschissement de France.

I' estoit le mois de Mars quand l'armée Venitienne, & le secours des six mille Lansquenets, & l'armée du Pape Clement passerent la riviere d'Adde, & se vindrent joindre à Milan avec le Vice-Roy. Estans assemblez se jetterent en campagne, & vindrent loger sur le chemin qui vient de Milan à Pavic: auquel lieu estans arrivez, le Vice-Roy eut advertissement comme le capitaine Bayar avecques sa compagnie de cent hommes d'armes, le seigneur de Mezieres,& le seigneur de Saincte Mesme, ayant chacun cinquante homes d'armes, & le seigneur de Lorges avecques ses gens de pied François, dont il estoit colonnel, estoient logez à Rebec, assez loing de nostre camp, & en lieu mal-aisé pour y estre secourus, delibera leur donner une camisade, & de les faire surprendre en leurs logis. Pour lequel effect depescha le Marquis de Pesquaire avec l'infanterie Espagnolle, & le seigneur Ican de Medicis, nepveu du Pape Clement, avec bon nombre de gens de cheval: & par-ce que la nuict se devoit faire l'execution, il feit prendre à chacun une chemise blanche par deslus ses armes pour mieux se recognoistre. Ils firent si bonne diligence qu'ils arriverent deux heures devant le jour sur nostre guet, lequel ne trouvans suffisant pour soustenir leur effort, le ren verserent dedans nostre logis: de forte que le capitaine Bayar, & les autres capitaines veirent leur guet ren versé sur leurs bras, aussi tost qu'ils eurent l'alarme. Ledit seigneur Bayar encores qu'il fust malade, ayant pris medecine, monta soudain à cheval, aussi se trouva pres de luy le seigneur de Lorges avec ce qu'il peu promptement assembler de ses soldats, lesquels soustindren l'effort des ennemis, pendant que le reste se meit ensemble pour se retirer en nostre camp: & en chemin rencontreren monsieur l'Amiral qui marchoit avecques l'armée au de vant d'eux pour les secourir, nous y perdisines peu d'hom mes, mais tout le bagage y demoura. Le lendemain matin mondit-seigneur l'Amiral voyat de jour en jour nostre ar mée diminuer, depelcha en Suisse pour faire levée de si: mille hommes pour refreschir so armée: si est-ce que luy & le Mareschal de Montmorecy qui menoit l'avantgarde, et cores que leur armée fust ruinée, cherchoient tous les jour

Camifade Rebec. le moyen de donner la bataille: mais l'ennemy la fuyoit, esperant sans combatre nous chasser hors d'Italie sans rien mettre en hazard, sçachant tresbien que le secours de Fran-

ce est tousjours long à venir.

L E S Împeriaux voyans le logis de Biagras que tenoit monsieur l'Amiral estre fort avantageux pour luy, ayans seu Prise de Gar lement laissé deux mille hommes pour la garde de la ville las. de Milan, passerent deçà le Tesin, & se vindrent camper à Gambolat, pour nous coupper les vivres venans de l'Omeline: & par-ce aussi que la garnison de Garlas ordinairement couppoit les vivres venas de Pavie au camp Imperial, le Duc d'urbin avec l'armée Venitienne avisa de lever ledit Garlas d'entre noz mains, auquel lieu estant arrivé, & ayant faict breche, feit donner deux aslaulx, dont il fut repoulsé, & y perdit beaucoup de gens, & des meilleurs: mais au troisiesme assault, estans noz gens travaillez d'estre tant souvent assaillis, n'eurent la puissance de soustenir l'effort de l'ennemy, & furent forcez, puis y ayant laissé bonne garnison, ledit Duc d'urbin se retira au camp Imperial. Ceste prise fut fort commode à l'ennemy, par-ce qu'apres icelle les vivres venoient de Pavie à leur camp en toute liberté. Mon sieur l'Amiral voyant les ennemis avoir passé le Tesin & avoir pris Garlas, ayant peur que le chemin de l'Omeline luy fust clos, & consequemment d'estre affamé, d'autant que de ce costé là luy venoient tous les vivres, laissant à Bia gras mille hommes de pied, & cent chevaux legiers, vint loger à Vigeve.

Estant logé le camp Imperial audit Garlas, & à Binasc, le seigneur Iean de Medicis estant en champagne, ren contra deux cens Suisses des nostres qui estoient allez aufourrage, lesquels ne se sentans nombre suffisant pour le combatre, se retirerent en lieu fort: mais apres s'estre rendus audit seigneur Iean la vie sauve, nonobstant la foy à eux baillée, les feit passer au fil de l'espée. Les Suisses irritez de cest outrage, demanderent à monsseur l'Amiral qu'il leur permist de faire la mauvaise guerre, laquelle pour les contenter leur accorda: de sorte que durant trois sepmaines aucun des ennemis ne tomba entre les mains desdits Suisses qu'il ne fust massacré, & s'il s'amenoit quelques prisonniers en nostre camp, il leur estoit permis de les tuer. Si nous cusfions continué ce train, il est apparant que la fin de la guer-



re cust esté à nostre prouffit : car naturellement l'Espagnol craint plus la mort qu'autre nation, & va plus à la guerre, par avarice que pour autre occasion: & où il cognoist qu'il y a plus de perte que de gain, peu ou point, il ne se hazardera: je parlede la plus grande part & non de tous. Et qu'il soit vray, durant ledit temps de la mauvaise guerre, peu d'Es pagnols se hazardoient de se jetter en campagne, tellement que nous commencions d'estre en plus grand repos que par devant. Mais les Espagnols ne cesserent de praticquer jus-

ques à ce que la bonne guerre fust accordée. L'ARME' B Imperiale estant à Gambolat, & la nostre à Vigeve pour estre si proches, trois jours subsequemment monsieur l'Amiral meit son armée en bataille devant l'ennemy, pensant le provoquer de venir au combat, encores que les Imperiaux fussent deux hommes pour un : toutesfois le Vice-Roy de Naples & le Duc d'urbin ne voulurent hazarder ce qu'ils esperoient estre à eux sans combat. Et pour trouver moyen de nous tirer de Vigeve, marcherent droit à Sartirane, dedans laquelle ville estoient le Comte Hugues de Pepolo, Boulonnois, & le seigneur Iean de Birague en garnison de nostre part. Arrivez que furent les Im periaux devant Sartirane, sirent extreme diligence de mettre leurs pieces en baterie. Monsieur l'Amiral adverty du chemin qu'avoit pris l'ennemy, & sçachant la debilité de la ville, soubs esperance de sauver les hommes qui estoient dedans, partit pour leur donner secours: mais à son arrivée pres Morterre, fut adverty que ladicte place estoit forcée, & la pluspart des soldats tuez, & le Comte Hugues de Popolo, & Iean de Birague prisonniers: parquoy ne passa outre, & se logea audit lieu de Morterre.

le moyen d'un Vercelois nommé Hieronyme Petit, de le-Prife de ver Vercel hors de la devotion des François, ce qu'ils firent aisément: par-ce que la part Gibeline est plus forte dedans la ville, que la part Guelfe. De ladite revolte vint grad prejudice à nostre armée, d'autant que la plus part de noz

vivres venoient du Vercelois, & des environs de Turin: & ladite ville de Vercel leur couppoit chemin, chose qui dona grande esperance aux ennemis de nous avoir à leur mercy par faulte de vivres, & mesmes d'empescher (si bon leur sembloit) nostre rettaitte en France, & pour cest essect

L E S Imperiaux ayans pris Sartirane, chercherent par

Vercel par les Imperiaux.

vindrét loger à Camarlian. En ces entrefaictes nous advint un grand desastre, car le seigneur de Montejan & le seigneur de Boutieres, lieutenant de la compagnie du capitaine Bayar firent une entreprise assez mal digerée: par-ce qu'ayans levé cent ou six vingts homes d'armes les mieux Deffaitte de à cheval & choisis sur toute nostre gédarmerie (join et qu'il monsseur de fault entendre que la pluspart de ce qui demoura n'estoit Montejan monté que sur courtaulx, car leurs grans chevaux estoient en Milanoys. mors de pauvret é) estans mal-guidez furent rencontrez des ennemis, jaçoit qu'ils fissent leur devoir de bien combatre, en fin furent deffaits, & furent pris prisonniers lesdits seigneurs de Montejan & de Boutieres, & toute la trouppe qui estoit avecques eux: qui fut un grand affoiblissement pour nostre armée sur une arriere saison.

MONSIEUR l'Amiral esperant tousjours temporiser, attendant le secours de Suisse qu'il avoit envoyé querir, & quatre cens hommes d'armes de renfort que le Roy luy devoit envoyer, & six mille Grisons, lesquels par le Bergamasque se devoiet venir joindre à Laude avec le seigneur Federic de Bozzolo, pour de ceste part assaillir le Duché de Milan, & les terres des Venitiens, & par ce moyen divertir les forces de l'ennemy, s'en alla loger à Novare. Mais le seigneur Ican de Medicis avecques quatre mille hommes de pied & trois cens chevaux, fut depesché par le Vice-Roy, pour empescher le passage desdits Grisons: lequel estant arrivé sur la frontiere dudit Bergamasque, estant secouru des Venitiens, tourmenta lesdits Grisons: de sorte (par-ce qu'ils n'avoient point de cavallerie) qu'ils furent contraints de se retirer en leurs païs. Estans les Imperiaulx hors de la crainte des Grisons, chercherent le moyen de lever hors de noz mains la ville de Biagras, d'aut ant que de ce costé là venoient les vivres à nostre camp: à ceste fin depescherent le seigneur Iean, lequel d'arrivée força le pont qui estoit gardé par noz gens, puis estant arrivé devant la ville, ayant mis son artillerie en batterie, sortirent de Milan cinq ou six mille citadins en bonne equipage pour Lapeste à renforcer l'armée dudit seigneur Iean. Apres avoir sait batterie de quatre ou cinq jours, ils doncrent un assault, auquel ils furent repoulsez : mais au second la place fut forcée, & y fut trouvé fort grand butin qui cousta bien cher aux Milanois, par-ce que toutes les maisons de Milan où fut porté

dudit butin furent pestiferées, de sorte que la ville sur tant insectée, qu'on tenoit pour certain qu'il y mourut quaran-

te ou cinquante mille personnes.

L E Vice-Roy, pour achever de fermer tous les passages à nostre armée, & aussi pour empeschet les Suisses qui estoient descendus à Ivrée de se joindre à monsieur l'Amiral, alla loger à Marignan. Ce-pédant la mortalité se meit en nostre camp, & mesmes parmy les Suisses, & autres indifferemment: & entre autres le Mareschal de Montmorency, qui avoit la conduitte de l'avantgarde, tomba en si grosse maladie qu'il y avoit plus d'apparence de mort que de vie. Monsieur l'Amiral considerant qu'il estoit plus honeste de hazarder le reste de son armée que la laisser mourir de peste, partit de Novare, prenant le chemin de Romagnan, en esperance de se venir joindre avecques les Suisses, puis apres retoutner la teste pour donner la bataille à son ennemy: au partir duquel lieu le Mareschal de Montmorency fut contrainct de se faire porter dedans une littiere, n'ayant la puissance de monter à cheval.

LE Vice-Roy de Naples & le Duc d'urbin estans advertis du deslogement de nostre armée, en toute diligence la s suivirent, & après avoir marché six mille, delibererent de se loger: mais le Duc de Bourbon nouvellement arriué à

leur camp (comme i'ay dit) les persuada de passer outre, pour au poinct du jour arriver sur nostre logis, & nous con traindre de cobatre avant que le secours sust joinct à nous. Durant leurs disputes environ mi-nuict l'Amiral deslogea, prenant le chemin de la riviere de Serie, auquel lieu estant arrivé sur le poinct du jour, les Suisses du secours arriverent sus l'autre bord de ladicte riviere, lesquels estans mandez & priez par mondit-seigneur l'Amiral de passer vers luy, esperant qu'estans ioincts ensemble ils seroient sustifians pour combattre les Imperiaux. Aux messagers ils sirent response qu'il leur suffiroit de retirer leurs compagnons pour les reconduire en Suisse, attendu mesmement que le Roy ne leur avoit tenu promesse: car ils devoient trouver à leur descente à Ivrée le Duc Claude de Longueville avecques quatre cens hommes d'armes pour les ac-

compagner, ce qu'ils n'avoient trouvé & (ce qui plus porta de defaveur à nostre armée) les Suisses, qui de tout temps avoient esté à nostre camp, sçachans bien leurs compagnos

Arrivée des Suisses El deffaite de monsieur l'Amiral. arrivez sur le bord de l'eau, la plus part d'iceux se meit à vau de routte pour se joindre avecques leursdicts compagnős nouveaux venus. Mősieur l'Amiral voyát ce desordre & voulant ofter la cognoissance de ce desastre aux ennemis, avecques ce qu'il peut assembler de gendarmerie, demoura sur la queue pour soustenir le faix, où à la premiere charge il fut blessé d'une arcbouzade au travers du bras, duquel coup pour la grande douleur qu'il portoit, fut contrainct de se retirer, laissant la charge du reste de l'armée & de la retraitte au Comte de S. Pol, & au capitaine Bayar. Ce pendant le Vice-Roy desbanda mille ou douze cens chevaux legers, & sept ou huict cens archouziers Espagnols pour attaquer l'escarmouche, & amuser nostre armée pendant qu'il y arriveroit avecques la grosse trouppe. Le capitaine Bayar, & le seigneur de Vandenesse estans demourez sur la queue, soustindrent l'effort de ceste charge, mais tous deux y demourerent : le seigneur de Vandenelle mourut sur le champ, & le capitaine Bayar fut blessé d'une arcbouzade au travers du corps, lequel persuadé de ses gens de se retirer ne le voulut consentir, disant n'avoir jamais tourné le derriere à l'ennemy. Et apres les avoir repoussez, se feit descendre par un sien maistre d'hostel, lequel jamais ne l'abandona, & se feit coucher au pied d'un arbre le visage devers l'ennemy : où le Duc de Bourbon, lequel estoit à la poursuitte de nostre camp le vint trouver, & dist audit Bayar qu'il avoit grade pitié de luy le Dernieres voyant en cest estat, pour avoir esté si vertueux chevalier. parolles du Le capitaine Bayar luy feit response, monsieur, il n'y a post de pitié en moy, car je meurs en homme de bien : mais i'ay pitié de vous, de vous veoir servir contre vostre Prince, voltre patrie, & voltre serment: & peu apres ledict Bayar rendit l'esprit, & fut baillé sausconduict à son mailte d'hostel pour porter son corps en Dauphiné, dont il estoit natif.

Le seigneur Bayar estant mort, le Comte de S. Pol seul print la charge de la retraitte, en laquelle se feit autant de bonnes choses qu'il est possible pour si peu de gendarmerie qu'il y avoit, dont la plus part n'estoient que sur courtaulx, comme il est predit. Et entre autres, se feit une charge en laquelle fut tué le Lieutenant de monsseur de S.Mes-

me, nommé Beauvois le Brave, qui avoit esté l'un des deux lesquels à la prise de Prospere Colonne, à Ville-franche sur le Pau, l'an mille cinq cens quinze, avoient empesché de fermer la porte de la ville. Aussi fut tué le cheval du Vidasme de Chartres,& celuy du seigneur d'Annebault son lieutenant: où le seigneur de Lorges, avecques si peu de gens de pied François qui luy estoient restez, arriva si à propos que les ennemis furent contraints d'eux retirer à la trouppe. Ce faict, le Comte de S. Paul apres avoir passé la riviere avecques peu de perte, bailla l'artillerie entre les mains des Suisses, lesquels firent leur retraitte avecques icelle par le val d'Aouste, & luy se retira par Turin jusques à Suze: entre Suze & Briançon il trouva le Duc Claude de Longue-ville avecques quatre cens hommes d'armes qui venoient à son secours, mais ce fut trop tard: car s'ils fusient arrivez quinze jours plustost, ils se fussent joincts avec les Suisses nouvellement venus, & lesdits Suisses eussent combatu: consideré qu'ils ne firent excuse de combatre, sinon sur ce qu'on leur avoit promis qu'ils trouveroient les dits quatre cens homes d'armes à leur descente à Ivrée. Autant en advint-il l'an mille cinq cens vingt-deux, quand on envoya le secours de. Genes. Finablement nous envoyons du secours, mais mal à propos, quand l'occasion est faillie, & ne laissons à y faire despence inutile: au moins je l'ay veu souvent advenir de mon temps.

Reddition de Laude &

L E Vice-Roy de Naples voyant le Duché de Milan de-Alexadrie. livré de l'armée de France, fut d'advis que le Duc d'urbin avecques l'armée Venitienne se retireroit: & en passant mettroit la ville de Laude, encores tenue par le seigneur Federic de Bozzolo au nom du Roy, entre les mains du Duc Sforce: & le Marquis de Pesquaire iroit avecques une partie de l'armée pour reduire Alexandrie entre les mains dudict Duc, pour lors encores gardée par le seigneur de Bussy d'Amboise au nom du Roy. Lesdicts seigneurs Federic & d'Amboise voyans entierement nostre armée retirée, & nulle esperance de secours, apres avoir faict leur devoir, capitulerent qu'il leur seroit permis d'envoyer devers le Roy, & que si dedans quinze, jours ils n'avoient responce dudict seigneur, ils remettroient lesdictes places entre les mains de l'Empereur. Ayans dedans ledict temps eu respose du Roy qu'il n'avoit le moyen de les secourir, & qu'ils cussent à faire la plus honnorable composition qu'il leur seroit possible, s'en revindrent en France par composition faicte, bagues sauves & enseignes desployées, conduits à seureté jusques à Suze, remettans lesdictes places és mains des deputez de l'Empereur.

En ce temps arriva mandement au Vice-Roy, de la part 1524. de l'Empereur & du Roy d'Angleterre, par lequel luy estoit commandé qu'ayant mis nostre armée hors d'Italie, suivat Armée Imla victoire, il euit à faire faire l'entreprise sur le Royaume perialle dede France : cai ils se promettoient de grandes choses, par vant Marla faveur & intelligence que le seigneur de Bourbon disoit seille. avoir en France. Et pour cest esfect, auoient esté envoyez de la part de l'Empereur deux cens mille escus à Genes, avecques autre grosse somme de deniers que devoit le Roy

d'Angleterre contribuer tous les mois pour ladicte execution. Pour conduire l'armée fut ordoné monsieur de Bourbon chef; le Marquis de Pesquaire en sa compagnie avec quinze mille hommes de pied, deux mille chevaux, & dixhuict pieces d'artillerie. Le Duc de Bourbo, suivant son desscing, se persuadoit qu'estant arrivé en ce Royaume, la plus part de la noblesse se retireroit à luy: de laquelle esperance il fut frustré, car le naturel du François est de n'abandonner jamais son Prince. Ayant receu son armée en main, entreprint d'aller assaillir Marseille, esperant, par ce qu'elle n'estoit remparée, & aussi peu slanquée, aisément la pouvoir conquerir: aussi qu'il l'a ttouveroit despourveue d'hommes & de munitions.

LE Roy adverty du chemin que prenoit ledict de Bourbon, depescha le seigneur Rence de Cere, homme fort expert au faict des armes: & avecques luy le seigneur de Brion,& environ deux cens hommes d'armes & trois mille nommes de pied, pour se mettre dedans Marseille. Auquel ieu estans arrivez, feirent telle diligence de remparer & aire plates-formes, qu'en peu de jours avecques l'ayde tant les foldats que des citadins de ladicte ville, la meitent en el estar que pour faire recevoir honte à leurs ennemis, omme ils feirent:car estans le Duc de Bourbon & le Marjuis de Pesquaire arrivez devant la ville, furent si bien reueillis tant par escarmouches qu'à coups de canon, qu'ils ogneuret bien qu'elle n'estoit despourveuc de ges debien;

Armée du vence.

Le Roy pareillemet adverty de l'armée de l'ennemy devat Marseille, feit en toute diligence remettre son armée sus, laquelle en l'année mesmes avoit esté ruinée: & desja avoit Roy en Pro- envoyé en Suisse faire levée de quatorze mille hommes & six mille Lansquenets, sçavoir est trois mille soubs la charge de François monfieur de Lorraine, & trois mille soubs la charge du Duc de Sowthfolk Roze-Blache, duquel j'ay parlé en plusieurs endroits de ces memoires, & x.mille tant François qu'Italiens: lesquels mis ensemble avec quatorze ou quinze cens hommes d'armes, delibera d'aller combatre son ennemy devant Marseille, lequel y avoit desjatenu le siege six sepmaines. Pour proceder à laquelle entreprise, le Roy envoya devant le Mareschal de Chabanes, auquel il avoit baillé son avatgarde à mener, pour se saisir de la ville d'Avignon, craignant que l'ennemy ne s'en investift, ce que ledit Mareschal executa: puis sentant le Roy approcher, marcha à Salon de Craux à huict lieues d'Avigno, & huict de Marseille. Mais le seigneur de Bourbon se sentant approché de si pres avecques telle puissance que celle du Roy, diligenta sa retraitte, & pour ce faire seit embarquer sa grosse artillerie pour la mener à Genes, & feit mettre par pieces la menue pour la porter à doz de muler : par-ce que les chemins de sa retraitte estoient presque impossibles pour y conduire charroy. Le Mareschal de Chabanes se mettant à la suitte, envoya quatre ou cinq cens chevaux; lesquels arrivans sur la queuë de l'ennemy, defirent bon, nombre d'hommes & gaignerent un fort grand butin, car chacun pour se sauver laissoit son bagage derriere, & les soldats n'ayans puissance de porter leurs armes, les laissoient par les chemins. Aussi le Mareschal de Montmorency auecques bonne trouppe les suivit jusques par de-là Tolon, ne leur donnant loisir de reprendre leur alaine.

LE Roy ayat advertissement de leur retraitte, delibera l'entreprise de Milan, encores que de plusieurs fust diverty, pour estre l'hyver desja prochain, car il estoit la my-Octobre mille cinq cens vingt-quatre, neantmoins voyant ion armée preste, & la retraitte dudit de Bourbon, entreprint de luy coupper chemin ou d'arriver en Italie le premier. Et pour ce faire incontinant sans autre sejour dressa la teste de son armée en Italie : ayant en sa compagnie le Roy de Navarre, le Duc d'Alégon, le Comre de S. Pol, le Duc d'Al-

banie, le Duc Claude de Longue-ville, le Mareschal de Chabanes, le Mareschal de Montmorécy, le Mareschal de Foix, le Grad-maistre Bastard de Savoye, l'Amiral Bönivet, du cosseil duquel il usoit plus que de nul autre: messire Loys seigneur de la Trimouille, Michel Antoine Marquis de Sa lusses, le Comte de Vaudemont François, mosseur de Lorraine son frere, qui estoit Colonnel de trois mille Lansquenets, le Duc de Sowthfolk Anglois avec pareille charge, le seigneur Rence de Cere Romain, Philippe Chabot; seigneur de Brion, Galeas de S. Severin, grand escuyer de France, le capitaine Loys d'Ast, & plusieurs autres gros personnages qui seroient de trop longue deduction à nommer: laissant Madame Loyse de Savoye sa mere Regente en France. En Picardie & l'Isle de France, laissa le Duc de Vendosme son Lieutenant general, en Champagne & Bour gongne le Duc de Guise, en Normandie messire Loys de Brezé grand Seneschal de Normandie, en Guienne & Languedoc le seigneur de Lautrec, en Bretagne le Comte de Laval.

En ce temps, vindrent nouvelles au Roy que la Royne Mort de la Claude sa compagne & espouse estoit trespassée au cha-Royne Clausteau de Bloys, laissant du Roy & d'elle trois fils & deux fil de. les: le fils aisné nommé François, fillueil du Pape Leon, le second Henry, Duc d'Orleans à present Roy fillueil de Henry huictiesme de ce nom, Roy d'Angleterre, le tiers nommé Charles Duc d'Angoulesme, fillueil de messieurs des Ligues. Des filles madame Magdalene, depuis mariée au Roy d'Escosse, la seconde nommée madame Marguerite encores vivante, & de ceste heure encores à marier. Le Roy ayant mis ordre aux choses dessusdictes, feit grade diligence de marcher & passer les montagnes pour arriver au Duché de Milan, avant l'arrivée de l'armée Imperialle: aussi le Duc de Bourbon & le Marquis de Pesquaire fai- Passage du soient pareille diligéce pour ce mesme effect. Le Vice-Roy Roy en Itade Naples qui ce pendant que l'armée de l'Empereur estoit lie. en Provence avoit faict son sejour en Ast, sentant nostre avantgarde que menoit le Mareschal de Chabanes approcher, se retira en Alexandrie, auquel lieu ayant laissé deux mille homes de pied, pensant que le Roy sy deust amuser, le retira à Pavie: mais le Roy laissant toutes choses derriere, marcha droict à Milã, sans nulle part farrester. Dequoy

le Vice-Roy adverty; manda au Duc de Bourbon & Marquis de Pesquaire qu'ils eussient avecques toute diligence à se venir joindre avecques suy à Pavie: ce qu'ils firent, & arri va quad & eux la cavalerie & l'infanterie Espagnolle, mais leurs Lansquenets ne sceurent faire si grande diligéce. Parquoy après avoir ordoné le seigneur de Léve pour demeuter à Pavie, & quand & luy mille ou douze cens Espagnols, & six mille Lansquenets de ceux qui estoient retournez de Marseille, en toute & extreme diligence avec le reste de l'ar mée s'en alla à Milan, craignat que le Roy y arrivast le premier. Auquel lieu trouva les rempars & bastios tous ruinez: à raison dequoy il assembla tous les citadins, pour leur persuader de prendre les armes, dont ils sirent resus, voyas l'armée d'un si grand Roy pres de leurs portes.

Prise de Milan par le Roy.

L E Roy ce-pendant estoit arrivé à Vigeve, duquel lieu il depescha le Marquis de Salusses Michel Antôine, accom pagné de deux cens hommes d'armes & quatre mille hommes de pied, en esperance qu'il arriveroit à Milan premie que l'armée Imperiale. Estant le Marquis par les chemins fut adverty que le Vice-Roy estoit arrivé à Milan: mais pour cela ne laissa son entreprise, & donna droict à la port Verceleze:& trouvant les Espagnols dedans le fauxbourg de vive force les remit dedans la ville, lequel apres l'avoi conquis il garda, encores que par plusieurs fois les Espa gnols fissent des saillies pour le luy faire abandonner. L Roy apres avoir depesché ledit Marquis, envoya le sei gneur de la Trimouille avecques bon nombre de gens d cheval & de pied pour le soustenir: dequoy le Vice-Roy a verty, dourant d'estre la dedans enfermé, sentant la volont des citadins n'estre à sa devotion, avant l'arrivée dudit sei gneur, de la Trimouille sortit par la porte Romaine, & a vecques luy le Duc de Bourbon; & le Marquiside Pesquai re, & le reste de leur armée, prenans le chemin de Laudi Les Milannois se voyas hors du danger des Imperiaux; ou vrirent la porte au Marquis de Salusses, lequel fut receu grande joye: & pareillement le seigneur de la Trimouil qui y argiva peu apres.

L E Roy estant adverty de la prise de Milan, meit en de liberation ce qui estoit à faire. Plusieurs furent d'avis qu' devoit suivre son ennemy droict à Laude, laissant dedat Milan quelque nombre d'hommes pour la garde d'icell

sesmes qu'on devoit mander aux seigneurs de la Trinouille & Marquis de Salusses, de gangner les devans penant que le Roy les suivroit, & de ne laisser prendre pied l'ennemy. Autres furent d'advis d'aller assieger Pavie, reionstrans qu'ayans deslogé de Pavie les forces qui y eoient demourées aisément le Roy pourroit conquerir le ste du Duché de Milan. En fin, ceste opinion sut suivie, fut mandé au seigneur de la Trimouilse de demourer de ans Milan, & au Marquis de Salusses de se venir joindre vecques le Roy: lequel partant de Vigeve, alla à Biagras, de là devant Pavie. Plusieurs ont estimé, & y a eu grande pparence par les choses qui depuis sont advenues, que qui ist suivy la premiere opinion, qui estoit de pousser vive ient apres l'armée Imperiale, la victoire & la conqueste u Duché de Milan estoit nostre : car leur armée sen alpit en tel desordre, que les soldats Imperiaux, pour le avail des chemins qu'ils avoient passé venans de Provenejettoient leurs armes dedans les fossez, n'ayans puisnce de les porter. Parquoy l'ennemy n'eust eu le moyen e garder Laude, & estoit en hazard d'abandonner Creione: car au passage de la riviere d'Adde, le seigneur, de la rimquille, & le Marquis de Salusses usans de diligence s cussont peu arrester, attendans le reste de nostre armée: par-ce moyen ceux de Pavie & d'Alexandrie, qui deouroient derriere; eussent esté contraincts de parler, parqu'il n'y avoit apparence qu'ils peussent estre secouis:mais Dieu ne voulut permettre de prendre le meilleur onfeil.

Le Roy estant arrivé devant Pavic, le vingt-septiesme ou Siege de ngt-huicțiesme d'Octobre, l'an mille cinq ces vingt-qua-Pavie. e, ordonna du logis de son armée: logea le Mareschal de habanes avec son avant-garde vers le Chasteau, du costé 1 Tesin: luy se logea avecques la bataille à l'abbaye de S. assranc, assez pres de la ville, puis envoya le Mareschal de lontmorency auec trois mille Lansquenets, deux mille aliens, mille Corses, & deux cens hommes d'armes pour user le Tesin, & se loger au fauxbourg S. Antoine, dedans ne Isle. Pour gaigner ledict fauxbourg, ledict seigneur: Montmorency sut contrainct de battre une tour qui e-oit sur le pont: l'ayant gaignée, la seit remparer & garder: isant pendre ceux qu'il trouva dedans, pour avoir esté

si outrageux d'avoir voulu garder un tel poullier à l'encontre d'une armée Françoise . Le Roy ayant logé son armée en la maniere dessussible, delibera de forcer la ville, à cau se dequoy feit faire les approches, & mettre son artillerie en baiteric: de laquelle ayant batu quelques journées, su faict breche, mais non railonnable. Toutesfois fut ordonn de donner un assault pour tenter l'opinion de ceux de de dans, auquel assault nos gens ayans donné jusques au haul de la breche, penserent la ville gaingnée, mais autremet e advint: car ils trouverent par dedans de larges & profon des tranchées bien flanquées, & les maisons estans pres de dictes tranchées persées bien à propos & pour veues d'an bouzeries. Qui fut cause que noz gens apres avoir lon temps combatu sur le hault de la breche, furent contrain d'eux retirer: par-ce qu'il n'y avoit ordre de passer plus oi Audict combat moururent plusieurs gens de bien, entre autres le capitaine Hutin de Mailly, & le frere puiss du seigneur d'Auchy, tous deux de Picardie: & le capitair S. Iulian, jeune homme Basque, & beaucoup d'autres de quels je n'ay memoire. Ce faict, le Roy ordonna que la g darmerie se mettroit à pied, pour par deux endroicts do ner l'assault,& devoit le Mareschal de Foix mener l'une d trouppes: lesquels estans en bataille, & tous à pied, aya choisi de toute la gendarmerie les plus dispos, le Re ayant entendu ceux qui avoient recogneu la breche, c donna de faire differer l'assault, & feit retirer la gende meric.

Que tou e temps au-paravant le Duc Claude Longue-ville, jeune Prince de grande volonté, estant c dans les tráchées en sortit pour recognoistre quelque ch se le long de la ville: mais si tost qu'il sut descouvert, frappé d'un coup de mousquet dedans l'espaulle, venant dessus la muraille, duquel coup il mourut sur le champ. I sieurs qui cherchoient de faire service au Roy meirent avant un moyen de sorcer la ville, qui estoit tel: le Te coule le long de la ville, duquel cossé les ennemis se si à la sorce de la riviere, par-ce qu'elle n'est gayable, r voient saict aucun rampar: parquoy ils entreprindrent divertir ladicte riviere auecques des toiles, mettans en vant qu'estant divertie, & le cours asseché, & faisans en se endroict une soudaine & surieuse batterie, la ville ser isée à forcer, premier que l'ennemy eust loisir d'y poureoir, chose qui avoit apparence de raison: & estoit chef d'i elle entreprite Iacques de Silly Baillif de Caen, Lieutenat e la compagnie du Duc d'Alençon. Il y meit gens en beongne: mais apres avoir beaucoup despendu d'argent & e temps, tomba une pluye foudaine, dont la riviere augienta, de sorte qu'en une heure elle emporta ce qui avoit sté faict en plusieurs jours, & par-ce moyen leur labeur ir inutil.

ESTANTle Roy deuant Pavie comme vous oyez, le Pa e Clement voulat mettre en repos l'Italie, envoya devers Vice-Roy de Naples qui estoit à Laude, pour trouver loyen d'accord: lequel n'estant asseuré du secours qu'avoit romis le Duc de Bourbon amener d'Allemagne, des de- par le Pape iers qu'il avoit recouvers sur les bagues que monsseur de avoye luy avoit presté, accorda une trefve de cinq ans, péit lequel temps devoit demourer entre les mains du Roy jut ce qui estoit deça la riviere d'Adde, hors mis Laude. esquelles conditions furent refusées par le Roy, à la perasson(à ce qu'on disoit) de monsseur l'Amiral Bonnivet, ni avoit la superintendence des affaires du Roy, & à l'ingation du seigneur de S. Marsault, qui estoit fort pres de personne du Roy, & bien ouy dudict seigneur, encores l'il ne fust en estime d'homme de guerre, mais bien enté-Int les praticques de la cour.

LEDICT Pape Clement septiesme de ce nom, apres a- Separement sir failly à la trefve cy dessus mentionnée, persuadé par le del'armée du omte de Carpy ambassadeur pour le Roy devers sa sain- Roy pour encté, laissa les ancienes haines qu'avoit porté le Pape Leon voyer à Nain cousin contre le Roy, & feit alliance avecques suy. Puis ples. pescha le seigneur Mathée son dataire, pour consirmer Hicte alliance: & persuader le Roy de faire faire l'entrepri de Naples, l'estimat aisée, pédant que l'armée Imperialle oit empeschée audict Duché de Milan, & estaut l'armée lançoise favorisée de sa saincteté. Le Roy faccorda à icell'entreprise: pour l'execution de laquelle il ordonna le lic d'Albanie son Lieutenant general, en sa compagnie le Igneur Réce de Cere, & fix cens hommes d'armes, du no-🗠 desquels estoit le Bastard de la Claiette, le seigneur d'Es gilly avec sa compagnie de gensd'armes, & trois cens che-

vix legers, cent de monsieur d'Albanie, la compagnie du

Traittez d'accord entre le Roy Et l'Empereur Clement.

Duc de Longue-ville conduitte par le seigneur des Loges son Lieutenant, dix mille hommes de pied, & quelque nobre de chevaux legers, avecques dix ou douze pieces d'artillerie, ce qui sembla à plusieurs n'estre raisonnable, que le Roy separast son armée. Le Vice-Roy de Naples & le Marquis de Pesquaire, qui estoiet à Laude (car monsieur de Bourbon n'y estoit pour lors, par-ce qu'il estoit allé en Allemagne faire levée de douze mille Lasquenets des deniers (comme j'ay n'agueres dit) que le Duc de Savoye luy avoi prestez) avertis du partement de mondit-seigneur d'Alba nie, estimans seulemet qu'il fust allé pour recevoir du Du de Ferrare un nombre de pouldres, de boullets, oustils: pionniers, & autres munitions de guerre qu'il prestoit ai Roy:partirent de Laude avecques leurs forces, & passeren le Pau, pour coupper chemin au seigneur d'Albanie. Mai estans arrivez à Monticel cinq mille pres de Cremone, d costé de Plaisance, deliberez de marcher à Fleurensolles leur furent amenez de l'armée de monfieur d'Albanie deu chevaux legers qui avoient esté surpris au fourrage, pa lesquels ils furent asseurez que l'entreprise dudict seignet d'Albanie estoit pour le Royaume de Naples. Lesque les choses entendues, se fermerent à Monticel, ne se sentat assez forts pour combatre nostre armée, & la laissere pasier.

LE Vice-Roy de Naples ayant entendu l'entreprise e Duc d'Albanie qui marchoit avecques la faveur du Pap sentit le Royaume de Naples en hazard, parquoy resol d'y tourner la teste pour y pourveoir, mais il en sut dissu dé par le Marquis de Pesquaire: luy remonstrant que s abandonnoit l'estat de Milan, le Roy viédroit aiséement fin de son entreprise, & se mettroit à sa queuë. A raison d quoy ayant monsieur d'Albanie en teste, & le Roy derri re, son entiere ruine estoit manifeste: à ceste cause il cha gea d'opinion. Peu apres estans les forces Imperiales au mentées pour le secours qui leur estoit survenu, & ayant Vice-Roy la cognoissance de la ruine de l'armée du Ro pour le long hyver qu'elle avoit enduré en campagr & aussi que le Roy avoit separé son armée (sçavoir ce qu'avoit mené monfieur d'Albanie, & quatre ou cil mille hommes qu'avoit avecques luy le Marquis de Sali ses, qui estoit lieutenant du Roy à Sayonne, & aux envire

sans autre grand nombre qu'avoit le Roy tant à Milan qu'aux autres places, pour la seureté des vivres) delibererent qu'attendans l'arrivée des Lansquenets qu'amencit monsieur de Bourbon, ils se jetteroient en campagne, Apres laquelle resolution, le Marquis de Pesquaire avec une partie de l'armée marcha droict à Cassan, qui est sur la riviere d'Adde', ville tenue par les François, mais mal fortifiée. Auguel lieu estant arrivé, apres avoir mis son artillerie en batterie, les soldats se rendirent leurs bagues fauves.

L'E l'éndemain vindrent nouvellés au Vice-Roy, de la part d'Antoine de Léve, comme les Allemans estans dedans Pavie, menassoient qu'au cas qu'il ne fussent payez, ils rendroient la ville entre les mains du Roy. Ces choses entendues chercha les moyens d'y pourveoir : car il n'estoit en leur puissance de recouvrer argent, & encores qu'ils en eussent, ils n'avoient le moyen de le mettre dedans la ville en seureté. Sur la fin ils s'aviserent d'un straageme, qui fut que deux hommes, ausquels ils avoient faire entrer sidelité, porterent en nostre camp sur deux chevaux qua-arget en Pare barils de vin à vendre, dedans lesquels estoient trois mille escus, & allerent loger pour vendre leur vin le plus pres de la ville qu'ils peurent, faisans entendre par un espion au seigneur Antoine de Léve l'estat de leur affaire: dequoy estant averty, feit faire une saillie de l'autre costé, & lurant que l'escarmouche estoit bien attaquée, un des vilains rompit ses barils,& print les trois mille escus avecques lesquels il se sauva dedans la ville. Antoine de Léve pour nonstrer aux Lansqueners que ce n'estoit faulte d'argent, ry de bonne volonté qu'ils ne fussent payez, mais par faulte l'avoir moyen de mettre l'argent dans la ville en seureté, cit assembler le Ban, & leur remostra le hazard où s'estoit nis le vilain pour apporter cest argent, & que tout le reste le leur payement estoit au camp Imperial. Les Lansquenct; bensans que ce qu'il leur disoit fust veritable, leverent tous es mains en signe de bonne volonté, declarans tous en general, que tant que le siege dureroit ils serviroient sans argent la majesté Imperiale: moyennant qu'apres le siege ils fussent satisfaicts, ce qui leur fut promis.

Esmeute à Saronne, Fr

Au commencement du mois de Mars audit an mille desfaitte de inq ces vingtquatre, Michel Antoine Marquis de Salusses, Espagnols. lequel (comme j'ay dit) avoit esté envoyé Lieutenant du Roy à Savonne: apres avoir faict faire la monstre de ses gés de pied, en envoya deux mille en garnison dedans Varas, pe tite ville mal fermée sur le bord de la mer, mi-chemin de Savonne à Genes. Dom Hugues de Moncade, Vice-Roy. de Sicile, qui pour lors estoit gouverneur de Genes pour l'Empereur, estans adverty que lesdits gens de pied estoient dedans Varas, delibera de les aller deffaire: & pour cest effect, feit faire force à toutes les galleres de l'Empereur, pour du costé de la mer donner des canonnades dedans la porte dudit Varas, esperant que les soldats, pour la debilité de la place ne pouvans endurer la batterie, prendroient leur retraitte droict à Savonne, tout le long de la marine: & fur ceste esperance luy mesmes s'en alla mettre en embuscade avec quatre mille hommes de pied, entre Varas, & Savonne pour deffaire noz gens sur seur-dite retraitte. Mais estans ses galleres arrivées devant Varas, & ayans commencé leur battterie à la porte, ainsi qu'il leur estoit commandé, le Marquis de Salusses qui estoit à Savonne oyant la batterie, soud ain trouvant deux galleres prestes se meit dedans avecques si peu d'hommes qui se trouverent aupres de luy:commandant au reste des galleres dont avoit la charge le seigneur André d'Orie, & aux autres gros vaisseaux, & mesmes au seigneur de la Fayette.qui pour lors estoit Amiral sur l'armée de mer, qu'ils eussent à le suivre. Approchant le Marquis pres de Varas avec ses deux galleres, & les assiegez l'ayant descouvert prindrent cœur, de sorte qu'en toute diligence se meirent à remparer leur porte ja toute ruinée. Le reste de nostre armée de mer approchant celle des Genevois, commença à les saluer de canonnades: les Genevois ne se sentans suffisants pout soustenir le combat, prindrent le largue, & nostre armée se meit à leur suitre. Dom Hugues de Montcade se voyant abandonné de son armée de mer, & par consequent hors d'esperance d'executer son entreprise, commença à faire sa retraitte droict à Genes, le long de la marine : dequoy le Marquis de Salusses adverty, feit mettre à terre le seigneur de la Mailleraye gentil-homme de la chambre du Roy, nouvellement venu devers luy de la part du Roy, & luy commanda de faire sortir les soldats qui estoient dedans Varas, & les conduire à la fuitte dudit Dom Hugues: & que luy avec les galleres, iroit terre à terre à coups de canon pour les mettre en desordre, car ils estoient contrains de suivre le long de la marine, à cause des

montagnes.

L B seigneur de la Maillera ye suivant ce qui luy estoit commandé, feit telle diligence qu'il meit à vau de routte les quatre mille hommes Imperiaux avec l'ayde des galleres (comme j'ay dit) voyant ledit Montcade ses gens en routte, print avecques luy les principaux de ses capitaines, desquels il avoit fiance, & demeura sur la queuë pour soustenir l'effort: mais il fut chargé de telle furie qu'il fut prins, & tous ceux qui estoient avecques luy. Puis apres les auoir envoyez à Savonne en seure garde, noz gens suivirent leur victoire jusques à trois mille de Genes, mettans au fil de l'espée tout ce qui s'en trouva devant

LE Marquis de Salusses avecques l'armée de mer suivit les galleres jusques à Genes auquel lieu estant arrivé trouva l'Amiralle de Genes à la Rade, laquelle il assaillit à coups de canon: où, apres long combat, ladite Amiralle se rendit, dedans laquelle fut trouvé grand nombre d'artillerie, & munitions & d'autres richesses. Aussi noz galleres poursuivirent celles des ennemis, dont en prindrent deux. Ce faict, le Marquis avecques les prisonniers & butin se retira à Savonne: s'il eust eu armée pour assieger Genes aussi bien par terre que par mer, veu l'estonnement qui s'estoit mis dedans la ville, pour avoir perdu leur chef avecques plusieurs capitaines & soldars, elle estoit en grand hazard d'estre perdue pour l'Empereur, & remise entre les mains du Roy.

DURANT ce temps que le Roy estoit devant Pavic, Guerre en Pi & que monseigneur de Vendosme estoit demouré Lieute-cardie. nant du Roy en Picardie, se faisoit ordinairement la guerre guerroyable, un jour à l'avantage de l'un, autrefois de l'autre: & entre autres choses un jour messire Antoine de Crequy, seigneur du Pontdormy, Lieutenant du Roy audit pais en l'absence de mondit-seigneur de Vendosme, partant de Montreul feit une entreprise pour mettre vivres dedans Terouenne, & en ce faisant, tenter la fortune s'il pourroit forcer le Neuf-fossé. Qui est une grande tranchée pleine d'eau qui ferme le val de Cassel, depuis S.Omer jusques à Aire: & à chaque entrée qu'on arrive audit val le long de

ladite tranchée, y a des blocus de terre, que nous appellons boullevers, dedans lesqueis se retirent en seureté les soldatts de la guerre d'iceux, estans bien pourveus de grosse & menue artillerie pour garder lesdits passages & entrées dudit val, dedans lequel tous les biens & bestial du pais sont retirez. Ledit seigneur du Pontdormy pour exe cuter son entreprise manda au Baillif de Saumer au Bos, gentilhomme Boulenois ayant credit parmy les soldats, qu'il eust à faire levée dedans ledit pais de mille ou douze cens hommes de pied, & de se trouver le lendemain au village de Foucamberghe sur le soir : auquel jour le seigneur du Pontdormy partant de Montreul, arriva environ deux heures devant soleil couché, ayant avecques luy la compagnie de Monsieur de Vendosme de ceut hommes d'armes, conduitte par le seigneur de Torsy son Lieutenant,& la sienne de pareil nombre: & le Comre Dampmartin ayat cinquante hommes d'armes soubs sa charge. Et ce pendant que la gendarmerie faisoit repaistre les chevaux, il feit entrer dedans Terouenne les vivres qu'il avoit amené de Motreul pour faire entendre à l'ennemy qu'il n'estoit venu pour autre occasion que pour ledit ravitaillement: puis environ une heure de nuict, partit dudit Foucamberghe, pour l'execution de sadite entreprise: où par les chemins le vindrent rencontrer les cinquante hommes d'armes de la compagnie du seigneur du Fresnoy, gouverneur de Terouenne, & environ deux cens hommes de pied de ladite garnison, qui amenerent deux longues coulevrines pour forcer lesdits passages. Estant ledit seigneur du Pontdormy arrivé au Neuf fossé avant le jour encores que les dits blocus fussent pour veus tant d'hommes que d'autres choses necessaires pour la garde d'iceux, si est-ce que le passage fur forcé: & le feit au val un butin inestimable de bestial & d'autres biens. On avoit deliberé de faire la retraitte à Foucamberghe, toutesfois par ce que ceux d'Aire, de Betune, & de Lilliers, estant le seigneur du Pontdormy retiré avecques les grosses forces, pouvoient coupper chemin à ceux de Terouenne, fut conclu de les accompagner jusques au lieu de seureté, avecques la gendarmerie, afin que l'artillerie amenée de Terouenne ne se perdist. Et furent renvoyez les gens de pied & le butin le droict chemin de Foucaberghe. Passat aupres d'Arques, qui est à demie lieue de S. Omer, la cavallerie dudit S. Omer fortit, ayant mis les gens de pied dedans les carrieres qui sont assez pres de l'Eglise, pour soustenir leurdite cavallerie: de laquelle une partie se jetta à l'escarmouche en esperance de nous amuser, pendant que ceux d'Aire & de Betune se pourroient venir joindre avec eux. L'escarmouche seschaussa de sont guignons surent renversez sur leurs gens de pied. A ladite charge le seigneur de Licques, lieutenant du Duc d'Ascot, lequel ce jour là avoit espousé la sœur du seigneur de Fouquerolles (de laquelle le seigneur d'Estrée, guidon de moseigneur de Vendosme, avoit esté serviteur) estant demouré sur la queue pour soustenir ses hommes, sut chargé par ledit seigneur d'Estrée & par le seigneur de Rum, & sur pris prisonnier: tellement que ce jour là il ne coucha point

avecques son espousée.

L E seigneur du Pontdormy craignant ce que les ennemis attendoient, qui estoit que ceux d'Aire, & de Betune, & Liliers se vinssent joindre avecques eux, pour empescher sa retraitte & celle de ceux de Terouenne, vint luymesmes retirer l'escarmouche; estant arrivé pres de Terouenne, au lieu où se devoit separer ladite garnison d'avecques luy, l'alarme vint du costé d'Aire, où il fut envoyé quelque cavallerie pour entendre que c'estoit : la jeunesse sans commandement y alla à la file, en espoir un chacun de rompre sa lance, ainsi qu'est la coustume le plus souvent des jeunes gétils-hommes de France, de porter peu d'obeissance à ceux qui leur commandent. Toute ceste trouppe sans chef estant arrivée pres un village nomma Roud, environ mi-chemin de Terouenne à Aire, rencontrerent la garnison dudit Aire & Betune, laquelle venoit en esperance avec l'ayde de ceux de la garnison de S. Omer, de pouvoir empescher nostre retraitte:ceux desdites garnisons d'Aire & Berune pouvoient estre le nóbre de huict à neuf ces Espagnols naturels, & de cinq à six cens hommes de pied wallons, & trois ces chevaux de leurs ordonnances. L'escarmouche se dressa par nostre jeunelle contre leur cavallerie de sorte que les plus vieils & les plus sages des nostres furent contrains de suivre la jeunesse pour la conduire: le seigneur du Pont-dormy adverty de ladite escarmouche, cognoissant que d'estre là arresté il n'auroit moyen de se rezirer à Fouquemberghe, ains seroit

contraint de loger à Terouënne, qui ne se pouvoit faire sans muger les vivres qui estoient dedans, envoya le Comte de Dampinartin pour faire rerirer l'escarmouche. Mais y estant arrivé la trouva si messée, qu'il estoit impossible de la retirer sans mettre en hazard tous ceux qui y estoient, car le seigneur du Pontdormy avecques la grosse trouppe estoit lieuë & demic en arriere: parquoy se retirans sans avoir personne pour les soustenir, sans aucune difficulté ils cussent esté desfaicts. Le Comte de Dampmartin ayant bien consideré tant la contenance de noz ennemis que de ceux de nostre part, s'arresta sur un hault lieu: & de tous ceux qui venoient à la file des nostres, en feit une masse pour soustenir l'escarmouche, si d'advanture noz gens estoient renversez. Et quand & quand manda au seigneur du Pont-dormy qu'il estoit d'advis qu'il marchast en diligence, autrement il ne voyoit apparence que tout ce qu'il y avoit d'hommes ne fust perdu: car les gens de pied des ennemis approchoient fort, marchans en bon ordre pour soustenir la cavallerie.

L E seigneur du Pontdormy ayant eu cest advertissement ne voulut perdre ce qui estoit là : parquoy feit marcher les enseignes droict au lieu où estoit sedit Côte de Dampmartin, pour diligemment le secourir, ayant en sa compagnie le nombre de deux cens hommes d'armes. Ce-pendant le Comte de Dampmartin avoit amasse de toutes bandes environ deux ceus chevaux, & ne bougea d'où il estoit : mais voyant le seigneur du Pontdormy approché si pres de luy qu'il en pouvoit estre soustenu, chargea les ennemis à toutes brides, & renversa leurs gens de cheval sur leurs gens de pied Espagnols: & y entrant pesse-messe, les rompit, à la faveur de la grosse trouppe qui arriva au poinct de la charge. Et fut tué à ladite desfaitte le nombre de douze vingts Éspagnols, & pris de cinq à six cens. Leur cavalerie durant le combat des gens de pied se sauva de vitesse: vray est que quelques uns des nostres les pourchasserent de si pres, que aucuns entrerent pesse-messe dedans les barrieres d'Aire, qu'on leur ferma au doz, & entre autres y fut pris des nostres le seigneur d'Estanaie, qui depuis fut guidon de monsieur de Vendosme. Le seigneur du Pontdormy apres ceste deffaicte se retira à Terouenne avecques les prisonniers, qui pouvoient estre le nombre de huict ou neuf cens : &

par-ce qu'il y avoit trop grande subjection de les garder, furent tous renvoyez le lendemain pour leur soulde de cet sols pour mois, retenant seulement leurs capitaines pour respondans: le seigneur d'Estrée requis par la dame dont il avoit esté serviteur, luy renvoya le seigneur de Licques

ion mary.

Que L Que temps apres, & enviró quinze jours devant la bataille de Pavie, les soldats de la garnison de Hedin e-stans allez à la guerre, l'un d'eux appellé le Bastard, sut pris prisonnier des ennemis & mené à Betune: lequel sut par le seigneur de Fiénes, gouverneur de Flandres, pratiqué pour luy livrer le chasteau de Hedin, lequel Bastaid luy dit en avoir bien le moyen: mais qu'il estoit besoing de le révoyer sur sa foy, faignant d'aller pourchasser sa rançon, à fin de pratiquer un sien compagnon & fidelle amy qui avoit les clefs du chasteau, chose qui luy fut accordée. Lequel estant arrivé à Hedin, feit entendre au seigneur du Pontdormy les pratiques que faisoit le seigneur de Fiennes par son moyen, & que son intention estoit de luy livrer entre les mains le seigneur de Fienes, le Duc d'Ascot, & la plus part des grands seigneurs de par de-là, avec la garnison d'Aire & de Betune. Le moyen qu'il meit en avant, estoit que ledit seigneur du Pontdormy suy adressaft un komme sidele qui eust la garde des clefs du chasteau dudit Hedin, & qu'il feroit entendre à l'ennemy qu'il avoit pratiqué cest homme: & mesmes ameneroit un des leurs dedans le parc, avec lequel le portier & luy pourroient communiquer, pour donner à l'ennemy plus grande seureté de son faict. Et qu'au jour assigné qu'il ameneroit la trouppe, il viendroit avec celuy lequel premierement il auroit amené pour communiquer de rechef avecques ledit portier : avec lequel il auroit un signal, auquel iceluy portier respondroit à leur arrivée, bref les choses furent arrestées tant d'une part que d'autre, Le jour prefix le seigneur du Pontdormy se ttouva dedans ledit chasteau, accompagné de deux cens hommes d'armes environ jour couché: & à ce que le bagage ne fust cause de descouvrir l'entreprise, chacun homme d'armes y arriva l'armet en teste, & la lace au poing sans page & sans varlet. Ledit seigneur du Pontdormy avoit ordonné au sci gneur de Sercu, gouverneur de Hedin, de faire faire à la porte du parc, soubs une grande youlte qui estoit à l'entrée

où l'ennemy devoit arriver, deux ou trois herses coulisses à sin que si de fortune l'ennemy entroit en si grand nombre dedans, qu'il sust pour forcer le chasteau, on laissast tomber les dittes herses pour la seureté de ladite place: mais à l'arrivée dudit seigneur du Pontdormy les herses n'estoient achevées, dont il advint grad inconvenient, ainsi qu'il sera dit cy apres. Au devant de ladite porte y avoit un petit ravelin de pierre, par dedans lequel devoient passer les ennemis, qui sut tout pavé de fricassées & seux artisseiels couverts de paille, où ceux de dessus la porte devoient jetter seu lors qu'il leur seroit commandé: & devoit le seigneur du Pontdormy, quand il verroit l'ennemy en desordre, monter à cheval pour luy coupper le chemin de sa retraitte.

L Es choses ainsi ordonnées, l'ennemy conduit par le Bastard environ minuict atriva à une lieue pres de Hedin: auquel lieu vindrent deux espies devers mousieur de Fiennes, l'avertir comme le seigneur du Pont-dormy à jour cou ché estoit arrivé dedans le chasteau de Hedin, avec grand nombre de gendarmerie. Le seigneur de Fiennes pensant estre trahy, voulut faire mettre en pieces le Bastard: mais de grande asseurance il luy dit, que ses espies estoient faulses, & à ce qu'il cogneust la verité, qu'ils le sissent lier de cordes, & qu'ils luy baillassent deux ou trois hommes auec la dague au poing, qui le menassent sur le bord du fosse, & avec eux celuy-mesmes qui par cy devant avoit esté en sa compagnie parler au portier, lequel entendroit bien le signal qu'il avoit avecques luy. Ainsi fut il ordonné & fut le dit Bastard lié, luy baillant trois on quatre des plus dispos soldats qu'ils eussent à le tenir, chacun la courte dague au poing pour le tuer s'il faisoit faulte, lequel les mena sur le bord dudit fossé,& y estant arrivé sissa :celuy qui estoit sur la porte luy respondit, alors ledit Bastard luy demanda s'il estoit temps, l'autre dit, Ouy, & que toutes choses estoient preparées, parquoy ils le remenerent à la trouppe; apres lequel rapport les Bourguignons entrerent en plus grande alleurance que jamais, suivant laquelle ils marcherent à la conduitte dudit Bastrd tousjours lié comme dessus, Entrans dedans le parc, trouverent autres cspies qui,les, asseurerent qu'ils estoiet trahis: mais le Bastard les persuada de forte qu'à nul d'eux ils ne voulurét adjouster foy, & coclurent de parachever leur entreprise. Estans arrivez dedans le ravelin, & entrez un nombre d'hommes dedans la porte, le seigneur du Pontdormy qui estoit dessus icelle pour comander, voyant que les herses pour estre mal achevées ne pouvoient tomber, commença à crier à ceux qui estoient au dessoubs de luy, qu'ils eussent à jetter le feu, craignant qu'il entrast si grand nombre qu'il fust forcé là dedas: mais la fortune fut telle que celuy de dessoubs luy jettant le seu mal à propos, iceluy du Pontdormy ayant la bouche ouverte pour parler, luy entra le feu par la bouche qui luy brussa les entrailles. Si est-ce que soudain il comanda que le seigneur de Canaples son nepveu montast à cheval pour executer leur entreprise, mais il se trouva qu'il avoit le visage tout brussé sans apparence ne forme de visage, n'ayant moyen de monter à cheval:parquoy l'execution demoura. Telle sut l'issue de ladite entreprise : le seigneur du Pontdormy mourut deux jours apres, à la mort duquel le Roy perdit un bon & affectionné serviteur, & grand homme de guerrer il mourut des Bourguignos environ quatre vingts ou cent de ceux qui estoient entrez au ravelin, lesquels fu- Mort du seirent bruslez. Le Bastard entra le premier dedans le chasteau gneur du qui sauva la vie à ceux qui le tenoient lié & les feit ses pri- Pontdormy. fonniers. Les Bourguignons s'en allerent en effroy, pensans tousjours estre suivis, ne sçachans rien de l'inconvenient ayenu au seigneur du Pontdormy: tellement qu'une grande part se perdit parmy les bois sur leur retraitte. Il y a grande apparence que sans l'inconvenient dudit sei gneur du Potdormy ils estoient tous dessaicts (car la nuict n'a point de honte) & en hazard qu'il eust entré pesse-messe ou dedans Betune ou dedans Aire, estans les ennemis en tel effroy: eux mesmes depuis me l'ont confessé. En ce temps mourut dedans Pavie le capitaine general des Lansquenets, soupeçonné d'avoir esté empoisonné : ayant doubte Antoine de Léve qu'il eust intelligence avec-

des Lansquenets, soupeçonné d'avoir esté empoisonné: ayant doubte Antoine de Léve qu'il eust intelligence avecques le Roy, dot jamais ne sut cogneu autre chose. Au mesme téps, estant l'armée Imperiale rensorcée & joincte enséble, le Vice-Roy de Naples delibera d'aller secourir Pavie:
mais par-ce que le payement luy estoit failly, & qu'il avoit
grand doubte que les soldats ne sissent difficulté de mar-Siege devant
cher, sut conclu entre tous les chess que le Marquis de Pavie.
Pesquaire appelleroit en cocion les Espagnols, desquels il

estoit General, pour trouver moyen de leur persuader de marcher au combat, ce qu'il feit : leur remonstrant les victoires que par cy devant ils avoient obtenues soubs sa coduitte, & que ceste seule victoire seroit la remuneration de tous leurs labeurs: car prenans un Roy de France avecques les Princes de son sang, & la principale noblesse de son Royaume, ce seroit tout à un coup aquerir honneur & chevance. Leur remonstrant pareillement que la victoire estoit apparente pour eux, estant l'armée du Roy ruinée pour le long temps qu'elle avoit campegé, & separée en divers lieux, comme à Naples, Savonne, & Milan : concluant par là qu'il ne restoit qu'à l'entreprendre, que la victoire ne fust seure. Les Espagnols tant pour la creance qu'ils avoiét audit Marquis, q pour le grand butin qu'il leur promettoit, luy offrirent de vivre ou de mourir avec luy, & de le suivre en tous lieux & dangers qu'il les voudroit conduire, & sans argent, moyennant qu'ils eussent vivres dont ils se peussent substanter. Les Allemans estans avertis de la responce des Espagnols, la feirent séblable, disans qu'ils n'estoient moins gens de guerre que la nation Espagnolle: lesquelles choses entendues, le Vice-Roy, le Duc de Bourbon, & le Marquis de Pesquaire conclurent d'executer leur entreprise chaudement, ce pendant que leurs hommes estoient en bonne volonté.

chant que sur le chemin de Laude à Pavie, y avoit un chasteau nommé Castel sainct Ange, duquel dom Petre de Gonzague, frere du seigneur Federic de Bozzolo avoit la charge de par le Roy: & craignat que l'ennemy ne surprint ladite place, qui estoit d'importance pour rompre les vivres de l'ennemy, s'il venoit devant Pavie, y envoya le Mareschal de Chabanes, & ledit Federic de Bozzolo pour la visiter, & la pourveoir de ce qu'elle avoit besoing. Ce qu'ils firent, & s'en retournans au camp laisserent audit :chasteau huict cens hommes de pied Italiens, & deux cens chevaux foubs la charge dudit Dom Petre. Noz ennemis ayans (cóme j'ay dit) uny toutes leurs forces, partirent de Laude & l'en vindrét loger à Marignan, pour tenter si noz gens qui estoient à Milan la voudroient abandonner, pour se venir joindre à nostre armée: mais cognoissans que le seignem de la Trimouille n'en avoit aucune volonté, changerent

de deflein.

LE Roy adverty de la deliberation de son ennemy, sça-

Prife de Caftel S. Ange pres Pavie.

e dessein, & tournerent la teste droict à Castel S. Ange, our mettre en liberté le grand chemin de Laude à Pavie, our plus aisément faire suivre les vivres. Estas arrivez auit lieu de S. Ange, firent en diligence leurs approches, & irent leurs pieces en batterie, puis ayans faict breche, donerent un assault, auquel ils furent repoussez: mais en fin oz gens voyans la diligence que faisoient leurs ennemis, Monnerent & se rendirent à la discretion du Vice-Roy, quel retint les capitaines prisonniers, & licentia les solits sans armes, leur faisant faire serment de ne porter d'un

ois les armes contre l'Empereur. L E Roy estant averty de la prise du Castel S. Ange, se nt pour asseuré d'avoir la bataille: à raison dequoy il maquerir le seigneur de la Trimouille qui estoit à Milan recques les forces qu'il avoit, laissant dedans la ville le seineur Theodore Trivulce, & le seigneur de Chandiou cataine de la justice, avecques quelque nombre d'hommes bur la garde des tranchées du chasteau: & de toutes parts ssembla ses forces, hors mis le Marquis de Salusses (que ly dit cy devant estre du costé de Genes) & quelques gens di estoient dedans les chasteaux pour tenir les chemins urs. Peu de temps au paravant, le Roy avoit retiré à son tvice le seigneur Iean de Medicis, ayant soubs sa charge pis mille hommes de pied & trois cens chevaux legers: quel seigneur Iean venant au service du Roy, avoit prati- Iean de Mece pour le service dudit seigneur plusieurs capitaines Ita- dicis au ser-Ins,& entre autres le Comte Guy de Rangon, homme de vice du Roy. unde reputation parmy les gens de guerre, & son frere le omte Francisque de Rangon. Vous avez bien entendu r cy devant comme un seigneur Palvoisin avoit eu la tecouppée à Milan dés l'an mille cinq ces vingt & un: tou fois ledit seigneur Iean reconcilia avecques se Roy, Iean Idovic Palvoisin son frere, homme qui avoit le moyen de faire service. Le Roy pour empescher ses ennemis de attte vivres dedans Pavie, vint loger en une valée sur un it ruisseau nomé la Vermicule, par lequel estoit besoing l'ennemy passast pour secourir les assiegez. Et oûtre cenanda querir mille Italiés nouvellement venus de Marle à Savonne, lesquels passans par Alexandrie las & tra-Ilez du long chemin, furent surpris de la garnison dudit h d'Alexandrie, & furent deffaicts.

Prise de Chia

ENVIRON ce temps, Iean lacques de Medicis, autrement dit le Medequin Milanois Castelan de Muz, qui est un chasteau sur le lac de Come, sur les confins des Grisons, estant au service du seigneur Sforce sçachant qu'il y avoit six mille Grisons nouvellement venus au service du Roy devant Pavie, voulut chercher moyen de divertir lesdits Grisons, & les faire retourner en leurs pais. Estant adverty qu'il y avoit un chasteau de l'obeissance desdits Grisons nommé Chiavenne, sur l'autre costé du lac (dont le capitaine ne se doutant de rien, pour estre en paix, s'en alloit rous les jours proumener sans compagnie assez loing de sa place) trouva moyen de se jetter en embuscade au sieu où il avoit accoustumé de se proumener, & y arriva si à propos, que le Castellan sorty à l'accoustumée, tomba en sadite embuscade: parquoy il fut pris & mené soudain devant ladite place, auquel lieu estant arrivé ledit Medequin, tenant l'espée nue, appella la femme dudit Castellan, l'asseurant qu'où elle faudroit de luy ouvrir la porte du chasteau, il coupperoit la teste à son mary: la semme craignant de le perdre, ouvrit la porte audit Medequin, & soudain trois mille hommes qu'il avoit embusquez pres de là se vindrent joindre avecques luy, de sorte qu'ils se saissrent de la place, puis l'ayant pourveue comme elle meritoit, se retira à Muz. Les Grisons avertis de ceste perte, entrerent en telle crainte, pensans qu'il y eust autres praticques sur leurs places, qu'ils manderent aux six mille Grisons de leur nation qui estoient au service du Roy devant Pavie, qu'ils cussent à se retirer pour la conservation de leur patrie: lesquels a pres ledit mandement, quelques remonstrances qu'on leur sceust faire, & mesmes la honte qui leur estoit mise en a vant, d'abandonner un Prince prest à combatre, ayans pris sa soulde & faict le serment, ce-nonobstant ils s'en alle rent cinq jours devant la bataille. Qui fut telle defaveu pour le Roy que vous pouvez estimer, veu mesmemét qu le camp de l'ennemy n'estoit logé qu'à demy mille d nous: neantmoins pour lesdicts defaveurs jamais le Roy n voulut changer d'opinion. Quelques uns luy persuadoien de se retirer à Milan, attendant que l'armée Imperialles consommeroit par faulte de payenient, car faillant la pay les vivres faillent mais estant Prince magnanime, ou Die l'ayant ainsi ordonné, ne voulut oncques tourner la tell

ailleurs que devers l'ennemy.

LE Roy avoit aussi depesché le Palvoisin, duquel n'ague res avons parlé, avecques argent pour lever bon nombre de gens de cheval & de pied, & aller surprendre Cremone qui n'estoit gardée que de cinq jou six cens homes de pied; & par apres lever les vivres au camp Imperial qui approchoit de Pavie. Ledit Iean Ludovic Palvoisin ayant mis en semble deux mille homes de pied, & quatre cens chevaux; attendant autres trois ou quatre mille hommes de pied, qui luy venoient de renfort, alla loger sur le Pau à Cazal Majour. Le Duc Sforce qui estoit dedans Cremone, craignant que le Comte Guy de Rangon se vint joindre avecques le Palvoisin, delibera avant que leurs forces fusient unies de le surprendre: & pour cest effect leva un taillon dedans Cremone, dont il assembla jusques au nombre de deux mille homes de pied & quelque cavallerie, desquels il donna la charge au seigneur Alexandre Bentivolle, lequel incontinant print son chemin droit à Cazal Majour. Ledit seigneur Palvoisin sestimant suffisant pour le combatre en campagne, comme mal-avisé, abandona son fort, dont mal luy print: car s'il y fust demouré, le lendemain le Comte Francisque de Rangon, frere du Comte Guy le venoit secourir. Le Palvoisin estant sorty en campagne, marcha droict à ses ennemis, & d'abordée mist à vau de route toute la cavallerie du Duc de Milan: mais arrivant le Comte Alexandre Bentivolle avecques les gens de pied, fut tellement combatu tant d'une part que d'autre, que ledict Palvoisin fut porté par terre, & pris prisonnier, & tous ses gens mis à vau de routte, chose qui donna grande defaveur aux affaires du Roy.

CEUX de Pauie voyans le logis du seigneur Iean de Me Iean de Medicis mal gardé, firent une faillie fur luy, lesquels trouvans, dies blesses. son guet un peu foible, le forcerent, & taillerent en pieces grand nombre de ses soldats, devant qu'ils eussent le loisir de prendre les armes. Ledit seigneur Jean malcontant d'avoir eu ceste bastonnade, se voulut venger, parquoy dressa une amorse à ceux de la ville, lesquels sortirent pensans faire comme l'autre coup, mais ils furent deceus: car le seigneur Ican ayant mis double embuscade, l'une dedans des tossez pres de la ville, l'autre assez loig les Espagnols suivas ceux qui premiers les avoiét attaquez, ayás la cognoissance

de l'embuscade qui estoit un petit loing, se mirent à faire leur retraitte, mais celle qui estoit pres la ville leur couppa chemin: tellement que lesdits Espagnols se trouverent entre deux trouppes, si bien fermez que tout ce qui estoit sorty fut mis au fil de l'espée. Et à ladite faction fut blessé ledit seigneur Iean d'une arcbouzade au tallon, dont il fut contrainct de se faire porter hors du camp, qui fut une grande perte pour nous: car c'estoit un grand homme de guerre. Ses soldats estans sans chef s'esbanderent de sorte qu'is revindrét à rien, finablement tat les Grisons, que ceste trouppe affloibliret nostre armée de huict mille homes. Au mesme temps le seigneur Albert Comte de Carpy, ambassadeur pour le Roy à Rome luy mada par plusieurs fois de la part du Pape, que sur tout il eust à se donner de garde de hazarder la bataille: car il estoit asseuré que temporisant quinze jours les Imperiaux seroient en telle necessité, par faulte de payement, que leur armée s'en iroit en fumée: ayans perdu tout le moyen d'avoir deniers, ne tenans plus la ville de Mi lan,& estant l'armée de monsseur d'Albanie la plus forte au Royaume de Naples. Qui estoient les deux moyens desquels l'Empereur l'estoit aydé par cy devant, pour avoir deniers: mais le Roy comme predestiné en la volonté de Dieu d'avoir mauvaise fortune, demoura tousjours en sa premiere opinion, de ne se vouloir retirer de devant son en-

Occasions de la bataille de Pavie.

O R est-il que ce n'estoit la deliberation du Vice-Roy de Naples, ny du Duc de Bourbon de donner la bataille au Roy, si l'occasion ne sy presentoit à leur advantage: mais seulement essaier de gaigner le logis de Mirabel pour retirer leurs hommes qui estoient dedans la ville; & le refreschir de nouvelles gens, toutessois cela ne se pouvoit saire saus passer à la teste de nostre camp. Et par-ce que le Roy estoit campé en lieu fort, se preparerent à deux esfects, sçavoir est si on les vouloit empescher de passer, & le Roy sortoit de son fort à ceste sin, le combatre: sinon, passeroient outre. Or estoient venus les Imperiaux loger hors du parc, du costé de devers la Chartrouse, à le portée du canon de nostre camp: auquel lieu peu de jour apres ils commencerent la nuict à sapper la muraille du parc, de sorte que deux heures devant le iour, seste de S

Matthias mille cinq cens vingt-quatre, feirent renverser quarante ou cinquante toises de ladite muraille: laquelle estant tombée, sirent passer par devers nostre camp par ladite breche deux ou trois mille arcbouziers Espagnols, accompagnez de quelques chevaux legers, ayant chacun une chemise blanche sur leurs armes pour se recognoistre, parce que le jour encores n'estoit clair. Puis suivit les dits arcbouziers un bataillon de quatre mille, tant Lansquenets qu'Espagnols des vieilles bandes messez ensemble, apres lequel marchoient trois bataillons, l'un d'Espagnols & deux de Lansquenets, avecques deux grosses trouppes de gendarmerie sur les esses estes les quels prindrent le chemin de Mirabel, laissans l'armée du Roy à leur main gauche, ne voulans (comme j'ay dit) l'assaillir, par-ce qu'il estoit logé

en lieu trop avantageux.

I E vous ay dit cy dessus qu'il falloit que noz ennemis passassent à la teste de nostre armée: parquoy le seigneur Iacques Galliot seigneur d'Assié, Seneschal d'Armignac, Grand-maistre de l'artillerie de France, avoit logé son artillerie en lieu si avantageux pour nous, qu'au passage deleur armée ils estoient contraints de courir à la fille pour gaigner un vallon, afin de si mettre à couvert de ladite artillerie: car coup à coup il faisoit des breches dedans leurs bataillons, de sorte que n'eussiez veu que bras & testes voler. Qui fut cause que le Roy les voyant à la file, se persuada que l'ennemy estoit en effroy: avecques un rapport qui luy fut faict, que la compagnie du Duc d'Alençon, & du seigneur de Brion avoient deffaict quelque nombre d'Espagnols qui vouloient passer à nostre main droicte, & qu'ils avoient gaigné quatre ou cinq pieces de menue artillerie: lesquelles choses mises ensemble, furent cause que le Roy abandonna fon avantage pour aller chercher fes ennemis, tellement qu'il couvrit son artillerie, & luy osta le moyen de jouer son jeu.

Le s Imperiaux se voyans hors du danger de nostre artillerie, & le Roy qui les venoit chercher: la teste qu'ils avoient dressée vers Mirabel, la retournerent vers le Roy, ayans esbandé deux ou trois mille arcbouziers parmy leur gendarmerie. Le Roy ayant en sa main dextre le bataillon de ses Suisses qui estoit sa principale sorce, marcha droict au Marquis de S. Ange, qui menoit la premiere trouppe de

leur gendarmerie: laquelle il rompir, & y fut tué ledit Marquis de S. Ange: mais les Suisses qui quand & quand devoient attaquer un bataillon de Lansquenets Imperiaux. qui faisoir espaule à leurdite gendarmerie, en lieu de venir au cobat, se retirerent le chemin de Milan pour se sauver. Noz Lasquenets qui ne pouvoient estre plus de quatre ou cinq mille, desquels avoit la charge François monsieur de Lorraine, frere du Duc de Lorraine, & le Duc de Sowthfolk Rose-Bläche, marcheret la teste baissée droict au gros bataillő Imperial, qui venoit charger le Roy: mais estát peu de nombre (comme j'ay dit) furet enveloppez de deux gros bataillons d'Allemans, & en bien combatant furent deffaicts. Si les Suisses eussent faict le semblable, la victoire estoit douteuse, & moururet audict cobat ledit François mo sieur de Lorraine, & le Duc de Sowthfolk, & leurs soldats n'é euret pas moins. Le Roy (ainsi que j'ay predit) ayat deffaict la premiere trouppe qu'il auoit trouvée, estans ses Lasquenets deffaicts, & ses Suisses retirez, tout le fais de la bataille toba sur luy: de sorte qu'é sin so cheval luy fut tué enrre les jabes, & luy blessé en une jabe, & de ceux qui estoient pres de luy furent tuez l'Amiral de Bonnivet le seigneur, Loys de la Trimouille, aagé de lxxv. ans, le seigneur Galeas de S. Severin grad Escuier de Frace, le seigneur de S. Se verin premier Maistre d'hostel du Roy, le seigneur de Maraphin aussi son premier Escuier d'escuyerie: & furent pris le Mareschal de Foix, & le Bastard de Savoye Grand-maistre de Frace, lesquels depuis moururet des blessures qu'ils y receuret. Le Cote de S. Pol y fut pris pres du Roy, estat blesse tat au visaige qu'ailleurs, si qu'o en estimoir plustostlamore q la vie: toutesfois il fut guery dedans Pavie, où il fut mené. Le Mareschal de Chabanes avecques l'advantgarde dont il avoit la charge, combatoit de l'autre, lequel n'eut meilleure fortune q les autres: car estant nostre armée tant ruinée que plus ne pouvoit, n'y eut ordre qu'il peuft sovstenir le faiz de son costé: parquoy toba soubsiceluy & sut tué sur le lieu, & la plus part de ceux qui estoient avecques luy eurent pareille sin. Le Mareschal de Montmorency, qui le jour precedant avoit esté envoyé avecques cent hommes d'armes & mille hommes de pied François, qui estoient (ce me semble) foubs, la charge du seigneur de Bussy d'Amboise, & deux mille Suisses à S. Lazare pour garder un

passage: auquel lieu estant arrivé il estoit demouré en armes jusques au poinct du jour, qu'il ouyt l'artillerie tirer, se retira pour se venir joiudre avecques le Roy, mais ce sut trop tard: mesmes il sut empessade de ce saire; car il sut enveloppé, dessaict & pris avant qu'il s'y peust joindre, aussi

desja la ruine tomboit sur nous.

REVENONS où j'ay laissé le Roy à pied, estant par terre fut de tous costez assailly & presse de plusieurs de bail ler sa foy:ce qu'il ne vouloit faire, & tous jours rant qu'alaine luy dura se desfendit, encores qu'il cogneust qu'il ne pou voit resister à la volonté de Dieu: mais il craignoit pour les querelles que desja il voioit entre les Imperiaux pour le butin, qu'estant rendu par despit l'un de l'autre ils le tuassent. A l'instant y arriva le seigneur de Pomperant, duquel j'ay parlé, qui s'en estoit allé avecques monsieur de Bourbon, pour avoir tué le seigneur de Chissé à Amboise, lequel soudain se meit à pied aupres du Roy, l'espée au poing, & feit retirer chacun d'aupres de sa personne, jusques à ce que le Vice-Roy de Naples arriva, auquel le Roy bailla fa foy. Le Duc d'Alençon, lequel avoit la conduitte de l'arrieregarde, voyant l'armée desfaicte, le Roy pris, & n'y avoir esperance de reslource, par le conseil de ceux qui estoient pres de luy, avecques si peu qu'il avoit de reste, se retira par dessus le pont qu'avions faict sur le Tesin. Le seigneur Theodore Triwlce, & le seigneur de Chandiou, qui estoient dedans Milan, avertis de la ruine de nostre armée, se retirerent en France ayecques leurs gens.

gens de bien, & entre les morts le Mareschal de Chabanes, Aforts & pri messire Loys seigneur de la Trimouille, Guillaume Gouf-sonniers en la sier, le seigneur de Bonnivet Amiral de France: le Bastard bataille de de Savoye Grand-maistre de France mourut prisonnier, le pavic.

Mareschal de Foix, Galeas de S. Severin grand Escuyer, François monsieur de Lorraine, le Duc de Sowthfolk, le Comte de Tonnerre, le seigneur de Chaumont, sils du seu Grand-maistre Charles d'Amboise, le seigneur de Bussy d'Amboise, le Baron de Buzacez, le seigneur de Beaupreau, & un si grand nombre d'autres que j'ennuiroye le lesteur de les nommer. Des prisonniers se Roy Henry de Navarre, le Comte de S. Pol, Loys monsieur de Nevers, le seigneur

m iiij

de Fleuranges, fils de messire Robert de la Marchk, le Mareschal de Montmorency, le seigneur de Brion, le seigneur de Lorges, le seigneur de la Rochepot, le seigneur de Montejan, le seigneur d'Annebault, le seigneur de la Rochedumaine, le seigneur de la Mailleraye, le seigneur de Montpesat, le seigneur de Boisy, le seigneur de Curton, & le seigneur de Langey, avecques si grand nombre d'autres

que les nommer suffiroit pour emplir mon livre.

Des ennemis estans victorieux je ne m'amuseray à les nommer, car qui a la
victoire n'estime avoir riens
perdu, je le laisse à la
discretion des
lecteurs.

.

FIN DV SECOND LIVRE.





TROISIES ME LIVRE DES MEMOIRES DE MESSIRE MAR-DV BELLAY.



A D A M E Loyse de Savoye Duchesse d'Anjou & d'Angoulesme, mere du Roy, que je vous ay dict estre demourée Regente en France, ayant eu ces nouvelles, on peult estimer le desplaisir pres la prise qu'elle en porta, voyant son fils captif, & l'armée de France ruinée: toutesfois comme femme de vertu, delibera remedier à ce

Ordre donné de Frace par madame la Regente, a-

qui luy seroit possible. Et pour cest effect, manda querir les Princes & seigneurs qui estoient demourez en France, & entre autres le Duc de Vendosmois, qui estoit demeuré Gouverneur & Lieutenant du Roy en Picardie & l'Isle de France, le Duc de Guise qui estoit demouré Lieutenant du Roy en Champagne & Bourgongne, & le seigneur de Lauteur e-Lautrec Gouverneur de Guienne, & Lieutenant du Roy stoit pour lors en Languedoc: lesquels apres avoir pourveu à leurs frontieres, se retirerent à Lion devers elle. Le Duc de Vendosmois partant de Picardie pour venir à Lion devers madicte dame, arrivé à Paris, luy fut remonstré par quelques uns de ladicte ville & mesmes par de gros personnages Conscillers de la Cour de Parlement, que luy estant la premierepersonne & plus proche du sang, pour estre le Roy prisonnier, messieurs ses enfans en bas aage, le Duc de Bourbon revolté de l'obeissance du Roy, le Duc d'Alençon n'estant encores de retour à Lion, à luy seul appartenoit le gouvernement du Royaume: & que s'il le vouloit entreprendre, la ville de Paris avecques toutes les autres bonnes ville d'iceluy luy assisteroient à ceste sin. Ie pense

que l'occasion qui les mouvoir, estoit pour la haine qu'ils portoient au Chancelier Antoine du Prat, par le conseil duquel ils ne vouloient estre gouvernez. Charles Duc de Vendolmois confiderant que ceste novaliré ne seroit seulement la ruine du Roy, mais aussi du Royaume, & que ma dame la Regente ayant pris le maniement des affaires depuis le partement du Roy, cust trouvé estrange de s'en desilter, & que sinablement il en sourdroit une partialité en ce Royaume qui causeroir la ruine entiere de ceste Monarchie Françoise, leur feit response qu'il se retireroit à Lion où tous les Princes se devoient assembler, & que là seroit avisé au faict du Roy & du bien public, enquoy il feit grand service à la couronne & au Royanme : çar plusieurs demandoient novalitez, & ne leur estoit besoing que d'vn chef pour ce faire, & leur servir de couverture: estant mondit-seigneur de Vendosme arrivé à Lion, sut ordonné chef du conseil de France.

MADAME la Regente (comme j'ay predit) en toute diligence regarda de pourveoir aux choses concernantes la tuition de ce Royaume: premierement elle manda au seigneur André d'Orie, general des galleres du Roy, & au seigneur de la Fayette, qui estoit Vice-Amiral des navires tous à Marseille, qu'ils eusseme à faire voile & s'en aller au Royaume de Naples, pour rapporter en France le Duc d'Albanie avecques l'armée qu'il avoit menée: car par terreil n'y avoit ordre de le retirer, pour estre noz affaires en Italie trop defavorisées. Ce qui fut faict, & se retira ledict Duc d'Albanie sans riens perdre, horsmis quelques uns qui estoient devant avecques le seigneur d'Esquilly à Velittre, qui curent la chasse par les Colonnois jusques dedans Rome, où ils furent recueillis par la part Vrsine. En apres ordonna que tous les capitaines & soldats revenans de la bataille fussent payez de ce qui leur estoit deu, & à la pluspart seit donner argent pour payer leurs rançons: puis estant le Marquis de Salusses Michel Antoine retourné de Savonne, où il estoit demeuré Lieutenant du Roy, & le Comte Ludovic de Belle-joyeuse avecques luy, ayant la charge de deux cens hommes de pied Italiens, iceluy Ludovic avec sadicte charge fut envoyé en Bourgongne pour faire teste aux ennemis, si par la Frache-Comté ils vouloiet descendre. Puis sçachant que le Roy d'Angleterre suivant

le traitté qu'il avoit faict avecques l'Empereur, devoit estre à Douvres avecques son armée, prest à sembasquer pour descendre à Callaiz, envoya ses ambassadeurs qui estoit Iean Iouachin Genevois, pour luy faire entendre la fortune advenue au Roy son fils: le priant ne vouloir assaillir un Prince prisonnier, mais vouloir entendre à quelque traitté gracieux avecques le conseil de France. Le Roy d'Angleterre craignant que l'Empereur ne se voulsist faire si grand, qu'apres il luy courust sus, tourna sa malveillance envers le Roy en amitié: de sorte qu'il traitta avecques madame & le conseil de France: prometeant tout le secours qui luy seroit possible, tant d'hommes que d'argent pour mettre le Roy en liberté: & encores que son armée luy eust beaucoup cou sté à mettre ensemble, n'en demanda toutes sois aucune re-

compense, & la licentia.

En ce temps se leva en Allemagne un populaire, qui vouloient maintenir tous les biens estre communs, soubs lequel pretexte se meirent ensemble quatorze ou quinze mille villains pour marcher droict en Lorraine, & de la en France, estimans pouvoir tout subjuguer: par-ce qu'ils avoient opinion que la noblesse de France estoit morte à la bataille. Lesquels paisans assemblez, par-tout où ils passoient pilloient les maisons des gentils-hommes, tuoiet, femmes & enfans avecques cruauté inusitée. Pour à quoy obvier, monsieur le Duc de Guise, & le Comte de Vaudemont son frere, apres avoir assemblé toutes les garnisons de la Bourgongne & Champagne, tant de cheval que de pied: & entre autres le Comte Ludovic de Belle-joyeuse, (duquel j'ay parlé cy devant, qui avoit deux mille hommes de pied Italiens) marcherent au devant de la furie de ce peuple: lequel ils rencontrerent à Saverne au pied de la montagné, tirant le chemin de Strasbourg. Et encores qu'ils fussent quinze mille contre six mille, se sians lesdicts seigneurs à leur gendarmerie, les chargerent & les desfirent, & taillerent tous en pieces, horfmis ceux qui se sauverent à la montagne: & y moururent de ce populaire de huict à dix mille hommes, & des nostre peu, & entre autres de nostre part y furent tuez le capitaine S. Malo, & le seigneur de Betune, capitaine de la garde dudit Dnc de Guise. Onc depuis ceste deffaicte ne fut nouvelles que ceste canaille se deust rassembler.

MADAME la Regente ny le conseil de France ne

Ce que feit le Vice-Roy de Naples apres la bataille.

trouverentibonne l'entreprise dudit Duc de Guise, d'avoir hazardé les forces que nous avions ensemble, pour soustenir un effort, au cas que l'armée victorieuse d'Italie eust marché en ce Royaume, mais bien en prist. Dom Charles de Lannoy Vice-Roy de Naples, Lieutenant general de l'Empereur en Italie apres la bataille gaignée fut en grande pensee du moyen qu'il pourroit, tenir pour contenter son armée: n'ayant argent pour la payet de trois ou quatre mois qui luy estoient deuz, & craignoit q les soldats se mutinans ne cherchassent le moyen par force d'avoir le Roy entre leurs mains pour seureté dudit payemet. Pour à quoy obvier, il mena le Roy au desceu de sadite armée à Pisqueton, place forte sur la riviere d'Adde, le baillant en garde au seigneur Alarçon Espagnol, auquel l'Empereur avoit grande fiance. Puis chercha les moyens de trouver deniers pour contenter lesdits soldats: il eut du Pape Clement cent cinquante mille francs, du Duc de Ferrare quarante mille, les Venitiens offrirent luy en bailler bonne somme, mais par-ce que le Vice-Roy les vouloit contraindre à plus grãde quotisation, ils temporiserent de sorte qu'ils ne baillerent rien. Estant le Roy à Pisqueton, y sejourna jusques apres Pasques, que l'on comptoit mille cinq ces vingt-cinq, que l'Empereur estant en Espagne en voya devers luy le seigneur du Reux son Grand-maistre, avecques articles par lesquels il demandoit que le Roy investist monsseur de Bourbon de la Comté de Provence, & du Dauphiné, pour joindre avecques les terres desquelles ledit seigneur de Bourbon avoit au paravant jouy, & le tout estre erigé en Royaume, duquel il ne recognoistroit superieur. Par mesme moyen que le Roy luy remist entre ses mains le Duché de Bourgongne, & autres plusieurs articles que je laisse, come non raisonnables à demander. Auquel seigneur du Reux fut respondu par le Roy: je suis marry dequoy l'Empereur vostre maittre vous a donné la peine de venir en poste de si loing, pour m'apporter articles si desraisonnables:

vous luy di rez de ma part que j'aymeroy mieux mourir prifonnier que d'accorder ses demandes, luy faisant entendre que mon Royaume est encores en son entier, lequel pour ma delivrance je ne vueil endommager: & sil veult venir à

traittez, il fault qu'il parle autre langage.

Articles envoyez par l'Empereur pour la delivrance du Roy.

PENDANT ce temps le comte de S.Pol, qui estoit sorty de prison ayant praticqué ses gardes, le Comte de Vaudemont, & le Marquis de Salusses Michel Antoine faisoiet dresser quelque praticque avecques aucuns Princes & capitaines d'Italie, de laquelle estoit conducteur le Comte Francisque de Pontresme: esperans trouver moyen d'empescher que le Roy ne fust transporté hors du Duché de Milan, & que le temps ameneroit, que les Potentats d'Italie craingnans que l'Empereur ne se vousist faire Monarque, puis a pres les suppediter, dresseroient armée pour mettre le Roy en liberté, dequoy le Vice-Roy de Naples ayant eu quelque vent, feit entendre au Roy qu'il avoit seureté de l'Empereur, & luy en mostroit lettres que là où il se passeroit en Espagne, leurs deux majestez apres avoir parlé ensemble feroient une paix finale, par laquelle il seroit mis en liberté. Le Roy ayant cognoissance que monsseur de Bourbon estoit passé en Espagne, & que les propos du mariage dudit seigneur de Bourbon & de Madame Aleonor seur de l'Empereur se continuoient, & qu'on en esperoit la conclusió, resolut & accorda de son passage, encores que plusieurs de ses serviteurs ne fussent de ceste opinion: & l'occasion à ce le mouvant, estoit qu'il esperoit qu'estant arrivé en Espagne, ladite dame Aleonor aimeroit mieux espouser un grand Roy comme le nostre, qu'un Prince desherité. Parce moyen elle pourroit divertir l'Empereur son frere de ceste opinion, car advenant le mariage dudit Bourbon & d'elle, c'estoit mettre la guerre dedans le cueur de son Royaume, veu les demandes que desja luy avoit faictes le seigneur du Reux au nom de l'Empereur. Il estoit apparant que ledit Empereur favorisoit de ses forces ledit feigneur de Bourbon espousant sa sœur : mais il falloit que le Roy fournist pour sa conduicte six de ses Galleres qui estoient à Marseille, lesquelles seroient armées d'Espagnols, & qu'il feit desarmer les autres pour la seureté dudict passage: chose que le Roy trouva bonne,& depescha le seigneur de Montmorency, Mareschal de France pour cest effect devers madame la Regente sa mere.

LEDIT de Montmorency estant arrivé à Lion devers ladicte dame, luy sit entendre l'intention du Roy, chose qu'elle & son conseil trouverent bonne: esperant par ce

que l'occasion qui les mouvoit, estoit pour la haine qu'ils portoient au Chancelier Antoine du Prat, par le conseil duquel ils ne vouloient estre gouvernez. Charles Duc de Vendolmois considerant que ceste novalité ne seroit seulement la ruine du Roy, mais aussi du Royaume, & que ma. dame la Regente ayant pris le maniement des affaires depuis le partement du Roy, eust trouvé estrange de s'en desister, & que sinablement il en sourdroit une partialité en ce Royaume qui causeroit la ruine entiere de ceste Monarchie Françoise, leur feit response qu'il se retireroit à Lion o i tous les Princes se devoient assembler, & que là seroit avisé au faict du Roy & du bien public, enquoy il feit grand service à la couronne & au Royaume : car plusieurs demandoient novalitez, & ne leur estoit besoing que d'vn chef pour ce faire, & leur servir de couverture: citant mondit-seigneur de Vendosme arrivé à Lion, sut ordonné chef du conseil de France.

MADAME la Regente (comme j'ay predit) en toute diligence regarda de pourveoir aux choses concernantes la tuition de ce Royaume: premierement elle manda au seigneur André d'Orie, general des galleres du Roy, & au seigneur de la Fayette, qui estoit Vice-Amiral des navires zous à Marseille, qu'ils eussent à faire voile & s'en aller au Royaume de Naples, pour rapporter en France le Duc d'Albanie avecques l'armée qu'il avoit menée: car par terreil n'y avoit ordre de le retirer, pour estre noz assaires en Italie trop defavorisées. Ce qui fut faict, & se retira ledict Duc d'Albanie sans riens perdre, horsmis queiques uns qui estoient devant avecques le seigneur d'Esquilly à Velittre, qui eurent la chasse par les Colonnois jusques dedans Rome, où ils furent recueillis par la part Vrsine. En apres ordonna que tous les capitaines & soldats revenans de la bataille fullent payez de ce qui leur estoit deu, & à la pluspart feit donner argent pour payer leurs rançons : puis estant le Marquis de Salusses Michel Antoine retourné de Savonne, ou il estoit demeuré Lieutenaut du Roy, & le. Comte Ludovic de Belle-joyeuse avecques luy, ayant la charge de deux cens hommes de pied Italiens, iceluy Ludovic avec sadicte charge fur envoyé en Bourgongne pour faire teste aux ennemis, si par la Frache-Comté ils vouloiet descendre. Puis sçachant que le Roy d'Angleterre suivant

le traitté qu'il avoit faict avecques l'Empereur, devoit estre à Douvres avecques son armée, prest à sembasquer pour descendre à Callaiz, envoya ses ambassadeurs qui estoit Iean Iouachin Genevois, pour luy faire entendre la fortune advenue au Roy son sils le priant ne vouloir assaillir un Prince prisonnier, mais vouloir entendre à quelque traitté gracieux avecques le conseil de France. Le Roy d'Angleterre craignant que l'Empereur ne se voulsist faire si grand, qu'apres il luy courust sus, tourna sa malveillance envers le Roy en amitié; de sorte qu'il traitta avecques madame & le conseil de France: prometrant tout le secours qui luy seroit possible, tant d'hommes que d'argent pour mettre le Roy en liberté: & encores que son armée luy eust beaucoup cou sté à mettre ensemble, n'en demanda toutes sois aucune re-

compense, & la licentia.

En ce temps se leva en Allemagne un populaire, qui vouloient maintenir tous les biens estre communs, soubs lequel pretexte se meirent ensemble quatorze ou quinze mille villains pour marcher droict en Lorraine, & de la en France, estimans pouvoir tout subjuguer: par-ce qu'ils avoient opinion que la noblesse de France estoit morte à la bataille. Lesquels païsans assemblez, par-tout où ils passoient pilloient les maisons des gentils-hommes, tuoiet; femmes & enfans avecques cruauté inusitée. Pour à quoy obvier, monsseur le Duc de Guise, & le Comte de Vaudemont son frere, apres avoir assemblé toutes les garnisons de la Bourgongne & Champagne, tant de cheval que de pied: & entre autres le Comte Ludovic de Belle-joyeuse, (duquel j'ay parlé cy devant, qui avoit deux mille hommes de pied Italiens) marcherent au devant de la furie de ce peuple: lequel ils rencontrerent à Saverne au pied de la montagne, tirant le chemin de Strafbourg. Et encores qu'ils fussent quinze mille contre six mille, se fians lesdicts seigneurs à leur gendarmerie, les chargerent & les dessirent, & taillerent tous en pieces, horsmis ceux qui se sauverent à la montagne: & y moururent de ce populaire de huict à dix mille hommes, & des nostre peu, & entre autres de no-Itre part y furent tuez le capitaine S.Malo,& le seigneur de Betune, capitaine de la garde dudit Dnc de Guise. Onc depuis ceste desfaicte ne sur nouvelles que ceste canaille se deust rassembler.

Ce que feit le Vire-Roy de Naples apres la bataille.

I 5 2 5.

Articles envoyez par l'Empereur pour la delivrance du Roy.

MADAME la Regente ny le conseil de France ne trouverent bonne l'entreprise dudit Duc de Guise, d'avoir hazardé les forces que nous avions ensemble, pour soustenir un effort, au cas que l'armée victorieuse d'Italie eust marché en ce Royaume, mais bien en prist. Dom Charles de Lannoy Vice-Roy de Naples, Lieutenant general de l'Empereur en Italie apres la bataille gaignée fut en grande pensee du moyen qu'il pourroit, tenir pour contenter son armée: n'ayant argent pour la payet de trois ou quatre mois qui luy estoient deuz, & craignoit q les soldats se mutinans ne cherchassent le moyen par force d'avoir le Roy entre leurs mains pour seureté dudit payemet. Pour à quoy obvier, il mena le Roy au desceu de sadite armée à Pisqueton, place forte sur la riviere d'Adde, le baillant en garde au seigneur Alarçon Espagnol, auquel l'Empereur avoit grande fiance. Puis chercha les moyens de trouver deniers pour contenter lesdits soldats: il eut du Pape Clement cent cinquante mille francs, du Duc de Ferrare quarante mille, les Venitiens offrirent luy en bailler bonne somme, mais par-ce que le Vice-Roy les vouloit contraindre à plus grade quotisation, ils temporiserent de sorte qu'ils ne baillerent rien. Estant le Roy à Pisqueton, y sejourna jusques apres Pasques, que l'on comptoit mille cinq ces vingt-cinq, que l'Empereur estant en Espagne en voya devers luy le seigneur du Reux son Grand-maistre, avecques articles par sesquels il demandoit que se Roy investist monsieur de Bourbon de la Comté de Provence, & du Dauphiné, pour joindre avecques les terres desquelles ledit seigneur de Bourbon avoit au paravant jouy, & le tout estre crigé en Royaume, duquel il ne recognoistroit superieur. Par mesme moyen que le Roy luy remist entre ses mains le Duché de Bourgongne, & autres plusieurs articles que je laisse, come non raisonnables à demander. Auquel seigneur du Reux fut respondu par le Roy: je suis marry dequoy l'Empereur vostre maistre vous a donné la peine de venir en poste de si loing, pour m'apporter articles si desraisonnables: vous luy di rez de ma part que j'aymeroy mieux mourir prisonnier que d'accorder ses demandes, luy faisant entendre que mon Royaume est encores en son entier, lequel pour ma delivrance je ne vueil endommager: & fil veult venir à traittez, il fault qu'il parle autre langage.

PENDANT ce temps le comte de S.Pol, qui estoit sorty de prison ayant praticqué ses gardes, le Comte de Vaudemont, & le Marquis de Salusses Michel Antoine faisoiet dresser quelque praticque avecques aucuns Princes & capitaines d'Italie, de laquelle estoit conducteur le Comte Francisque de Pontresme: esperans trouver moyen d'empescher que le Roy ne fust transporté hors du Duché de Milan,& que le temps ameneroit, que les Potentats d'Italie craingnans que l'Empereur ne se vousist faire Monarque, puis a pres les suppediter, dresseroient armée pour mettre le Roy en liberté, dequoy le Vice-Roy de Naples ayant eu quelque vent, feit entendre au Roy qu'il avoit leureté de l'Empereur, & luy en mostroit lettres que là où il se passeroit en Espagne, leurs deux majestez apres avoir parlé ensemble feroient une paix finale, par laquelle il seroit mis en liberté. Le Roy ayant cognoissance que monsieur de Bourbon estoit passé en Espagne, & que les propos du mariage dudit seigneur de Bourbon & de Madame Aleonor seur de l'Empereur se continuoient, & qu'on en esperoit la conclusió, resolut & accorda de son passage, encores que plusieurs de ses serviteurs ne fussent de ceste opinion: & l'occasion à ce le mouvant, estoit qu'il esperoit qu'estant arrivé en Espagne, ladite dame Aleonor aimeroit mieux espouser un grand Roy comme le nostre, qu'un Prince desherité. Parce moyen elle pourroit divertir l'Empereur son frere de ceste opinion, car advenant le mariage dudit Bourbon & d'elle, c'estoit mettre la guerre dedans le cueur de son Royaume, veu les demandes que desja luy avoit faictes le seigneur du Reux au nom de l'Empereur. Il estoit apparant que ledit Empereur favorisoit de ses forces ledit seigneur de Bourbon espousant sa sœur : mais il falloit que le Roy fournist pour sa conduicte six de ses Galleres qui estoient à Marseille, lesquelles seroient armées d'Espagnols, & qu'il feit desarmer les autres pour la seureté dudict passage: chose que le Roy trouva bonne,& depescha le seigneur de Montmorency, Mareschal de France pour cest effect devers madame la Regente sa mere.

LEDIT de Montmorency estant arrivé à Lion devers ladicte dame, luy sit entendre l'intention du Roy, chose qu'elle & son conseil trouverent bonne: esperant par ce moyen avoir plustost la delivrance du Roy son fils. Incontinant que ledit de Montmorency sut depesché de Pisqueron, le Roy partit accompagné dudict Vice-Roy de Naples pour prendre le chemin de Genes, auquel lieu de Genes estant le Roy attendant ses galleres, arriva ledit Mareschal de Montmorency: mais par-ce qu'il ne trouva bon, sans reiteratif commandement du Roy, de mettre les galleres entre les mains des Imperiaux, les avoit laissées à Toulon, en intention de les avoir assez à temps quand il en seroit besoing. Toutesfois le Vice-Roy de Naples sentant l'armée de mer du Roy plus forte que la sienne, & crai gnant que se mettant au passage il seroit en danger de perdte son prisonnier & son armée, ou pour crainte de quelque novalité en terre, ne vouloit plus temporiser: à ceste occasion print la routte de Naples, partant de Genes pour mettre son prisonnier en seureté, qui fut un grand enmy. au Roy, de se veoir mener en pais si loingtain de ceux desquels il pouvoit avoir faveur. Mais estant arrivé à Porto-Venere, où il feir sejour d'un jour ou deux, les vint joindre le Mareschal de Montmorency avec les six galleres que le Roy avoit promises. A ceste cause ils changerent incontinant la routte de Naples, & prindrent celle d'Espague passaux Isles Hieres, & par le goulfe de Leon arrive rent à Barcelonne. Peu de jours apres estans à Taraconne en Espagne, les Espagnols qui estoient de la garde du Roy se mutinerent contre le Vice-Roy, par faulte de payement, de sorte qu'il sur contrainct de se sauver par dessus les goutieres, de maison en maison, où le Roy ne sut sans grand danger, pour les arcbouzades qui passoient pres de sa personne. De là allerent à Vallence, duquel lieu le Roy depeicha de rechef ledict de Montmorency devers madame la Regente, pour sçavoir d'elle & du conseil quel appoincrement il devoit offrir à l'Empereur : aussi pour entendre comment on auroit traicté auec le Roy d'Angleterre. Lequel seigneur de Montmorency rapporta au Roy, comme le Roy d'Angleterre estoir entré en ligue ave eques madame, & le conseil de France pour le mettre en liberté: luy rapporta aussi comme madame avoit deliberé de luy envoyer la Duchesse d'Alençon sa sœur nouuellement veufve par la mort de mousseur d'Alençon qui citoit mort à Lion, & que pour cest effect il cust à obtenir

faufconduit, à fin de pouvoir traitter de sa delivrance: & que ledit Anglois avoit quelque malcontentement de ce que l'Empereur apres ceste grande victoire l'avoit dedaingné, attendu qu'il avoit fourny d'argent pour la soulde de l'armée Imperialle. Peu devant estoit arrivé devers le Roy le seigneur de Brion qui luy portoit argent & des fourreures: & avoit commission de madite dame pour estre associé avec l'Archevesque d'Ambrun depuis Cardinal de Tournon; & Iean de Selva premier Presidant de Paris, qui de long temps estoient envoyez pour traicter de la delivrance du Roy pres de l'Empereur.

En ce temps tomba le Roy en une fievre fort vehemen- Maladie de te au chasteau de Madril, dont peu de gens avoyent espe- Roy à Ma-

rance de convalescence: & desja les passages d'Espagne e- dril. stoient sermez, de sorte qu'on n'en pouvoit avoir nouvel-

les: parquoy madame la Regente entra en grand ennuy, ne pouvant sçavoir la verité de la vie ou de la mort de sondict fils. Mais le seigneur de Langey entreprint de passer, cequ'il feit, cherchant les passages qui n'estoient gardez, & revint

devers elle luy apporter certaines nouvelles.

MADAME Marguerite, sœur du Roy, veufue du Duc d'Alençon estoit par les chemins pour aller visiter le Roy son frere, quand un saufconduict de l'Empereur luy sut apporté pour passer seurement : parquoy au mois de Seprembre elle s'embarqua à Aigues-mortes, & vint descendre à Barcelonne, de là à Sarragosse & de Sarragosse à Madril, en intétion de traitter de la delivrance du Roy son frere. Son arrivée vint bien à propos, car ayant trouvé le Roy en si extreme maladie que dit est, elle servit plus à sa convalescence que n'avoient faict tous les Medecins. A son arrivée à Madril, elle trouva l'Empereur qui l'estoit venu visiter: non(à mon avis)par charité qu'il eust vers luy,mais craignant qu'il mourust, & par ce moyen il perdist son pri sonnier, qui estoit le fruict de sa victoire: car depuis son arrivée en Espagne jamais ne l'avoit veu, quelque promesse que luy eust faicte le Vice-Roy de Naples. Ladite Duchesse d'Alencon apres avoir veu le Roy hors de dager, & trouvant l'Empereur tousjours obstiné en ses demandes desraisonnables (hors mis qu'il ne parloit plus de faire monfieur de Bourbon Roy) delibera s'en retourner en France : laif-

sant pres de l'Empereur l'Archevesque d'Ambrun, depuis Cardinal de Tournon & le premier Presidant de Paris de Selva, & messieurs de Montmorency & de Brion, rapportat quand & elle pouvoir du Roy tel qu'il le pouvoit donner au lieu qu'il estoit: par lequel il remettoit le gouvernemet du Royaume à monsseur le Daulphin son fils aisné, avec permission de le faire couronner: se deliberant plustost mourir prisonnier, que de faire chose qui portast prejudice à son Royaume. Et depescha le Mareschal de Montmorency & le seigneur de Brion pour aller servir mon-dit seigneur le Daulphin en France, lesquels toutesfois ne partirent si soudain: car l'Empereur voyant la sœur du Roy retirée & malcontente, & ledit seigneur resolu de tenir prison plustost que d'endommager son Royaume en la sorte que vouloit l'Empereur, donna esperance de plus gracieux traitté. Le voyage de madame la Duchesse d'Alençon dura trois mois, sur son retour elle fut avertie que l'Empereur avoit donné charge de l'arrester, estant son sausconduit expiré, car il ne l'avoit voulu prolonger, parquoy elle feit telle diligence que le chemin qu'elle avoit deliberé de faire en quatre jours, elle le feit en un: & avertit le seigneur de Clermont de Lodesve, qui estoit lieutenant de Roy dedans Narbonne, de la venir recueillir à Sausses, par-ce que c'estoit le dernier jour du saufconduit. Ce qu'il feit en si bonne compagnie, que ceux qui avoient la charge de l'arrester n'oserent entreprendre d'executer leur charge, & là elle eut nouvelle comment le Roy Henry de Navarre estoit par subtils moyens sorty& eschappé des prisons des Espagnols, où il estoit demouré depuis la bataille de Pavie.

O R à la fin il fut accordé, par les deputez ce qui s'enfuit: sçavoir est, que le Roy arrivé en France mettroit en tre les mains de l'Empereur le Duché de Bourgongne, promettant d'employer son pouvoir à le faire accorder aux estats du païs: quitteroit la souveraineté de Flandres & Artois, & son droit du Duché de Milan, & du Royaume de Naples, & espouseroit madame Alconor, sœur de l'Empereur & douairiere de Portugal, avec plusieurs autres conditions. Pour seureté desquelles promesses, le Roy partaut de Fontarabie, mettroit entre les mains des deputez de l'Empereur, en entrant en son Royaume, monsieur

François

François, Daulphin de Viennois son fils aisné, & monsieur Henry, Duc d'Orleans le secod. Ce que le Roy volontiers accorda: entendant bien que quelque promesse qu'il fist estant prisonnier, gardé & non sur sa foy estoit de nulle valleur: & que par cy apres il pourroit par argent ravoir messicurs ses enfans.

Les choses ainsi conclues & accordées, partit monsieur le Mareschal de Monrmorency pour venir devers ma dame, à ce qu'elle eust à prendre le chemin au plustost que possible luy seroit, à Bayonne, & y mener Messieurs les hostagers, Pareillement l'Empereur vint à Madril veoir le Roy, auquel lieu ils eurent long propos ensemble: puis allerent en une mesme littiere veoir la Royne Alconor sœur de l'Empereur, & veufve du Roy de Portugal, laquelle par ledit traitté avant que partir d'Espagne le Roy devoit fiancer, ce qu'il feit: puis le Roy marcha droict à Fontarabie, où Delivrance fut faict l'eschange de luy & de messieurs ses enfans. L'Em- du Roy. pereur feit conduire le Roy jusques à Bayonne par ses ambassadeurs, pour luy faire ratifier ledit traitté incontinant qu'il seroit en son Royaume: ausquels le Roy (estant arrivé) feit response qu'il estoit besoing qu'il sceust premierement l'intention de ses subjects de Bourgogne, par ce qu'il ne les pouvoit aliener sans leur consentement : & que de brief il feroit assembler les estats du païs pour sçauoir leur volonté.

ESTANT le Roy de retour en son Royaume ordon- Distribution na des estats vacans par le decez de ceux qui estoient morts des estats & à la bataille: au lieu du Grand-maistre Bastard de Savoye, compagnies ordonna le Mareschal de Montmorency Grand-maistre d'homes d'ar-& Mareschal: au lieu de l'Amiral Bonnivet, ordonna le sei- mes racates. gneur de Brion Amiral: au lieu du Marcschal de Chabanes, le seigneur Theodore Trivulce fut Mareschal: & la copagnie dudit de Chabanes fut separée, sçavoir est cinquante hommes d'armes au seigneur de la Mailleraye Charles de Mouy, & les autres cinquante à Antoine des Prez seigneur de Montpesat: au seigneur de Fleuranges fils aisné de messire Robert de la Marchk seigneur de Sedan, la Mareschaucée du Mareschal de Foix : lequel seigneur de Fleuranges avoit esté pris à la bataille, & avoit esté prisonnier à l'Ecluse en Flandres fort estroitement, pour la haine que portoit l'Empereur à sa maison. Et parce que le jour de la

bataille, ayant le Roy son cheval tué entre ses jambes, ledit seigneur de Pomperant qui s'en estoit allé avecques mo sieur de Bourbon, descendit à pied pour le secourir : de sorte qu'il estimoit que sans ledit Pomperant avant l'arrivée du Vice-Roy de Naples, il eust esté en dager de sa personne: le Roy retira ledit Pomperant à son service, & luy donna la compagnie de cinquante hommes d'aimes, vacante par la mort du seigneur de saincte Mesme qui estoit mort prisonnier. Vray est que luy estant prisonnier à Pisqueton, avoit ja donné audit Pomperant les cinquante hommes d'armes susdits, & l'avoit en voyé devers madame: & au seigneur de la Rochedumaine donna la moitié de la compagnie de monsieur d'Alençon de cent hommes d'armes, dont il estoit lieutenant, sequel estoit mort à Lion au retour de la bataille. De la compagnie du seigneur Loys de la Trimouille donna cinquante à son petit fils & cinquante à messire Iean d'Estempes seigneur de la Ferté Nabert. A l'Amiral de Brion le gouvernement de Bourgongne, vacant par la mort du seigneur de la Trimouille : celuy de Dauphiné au Comte de S. Pol, vacant par la mort de l'Amiral de Bonnivet: & au seigneur de Montmorency donna le gouvernement en chef de Languedoc, dont au paravant il estoit lieutenant sous monsseur le Dauphin: auquel le Roy l'avoit baillé apres le partement de monsieur de Bourbon. Et au grand Seneschal de Normandie, messire Loys de Brezé, donna le gouvernement de Normandie, vacat par la mort de monsieur le Duc d'Alençon, dont pardevant il estoit lieutenant du Roy.

Pour revenir à l'Empereur, ayant entendu la response faicte par le Roy à ses ambassadeurs à Bayone, depescha le Vice-Roy de Naples Charles de Lannoy seigneur de Mingoval, le Duc de Trajette, le seigneur Alarçon, pour venir devers le Roy, esperant que la response des estats de Bourgongne seroit suivant son intentio, ce que non: lequel ils vindrent trouver à Cognac, auquel lieu ils surent receus & sesson agnissquement. Mais peu de jours apres ils virent chose qui ne leur pleut gueres, car ils virent & ouirent publier en leurs presences une lique faicte entre le Pape Clement, le Roy de France, le Roy d'Angleterre, les Veniriens, les Suisses, & les Florentins, qui s'appella la faince ligue, pour mettre l'Italie en liberté, & en chasser tous estra-

gerà & remettre le Duché de Mila entre les mais de Fracisque Sforce avec quelques conditios: laissant place à l'Empe reur pour y entrer si bo luy sembloit, chose qu'ils trouveret Asiegemes estrage, dequoy je ne m'esbahy: car au lieu qu'ils pensoient du Duc Fra prendre possessió du Duché de Bourgogne (estat ja party le cisque Sforce Prince d'Aurenge pour aller prendre ladite possessio, com- dans le chame gouverneur)on leur presenta un traitté entierement co-steau de Mitraire à l'Empereur leur maistre. Parquoy apres avoir pris lan. congé du Roy retournerent en Espagne rapportans qu'où l'Empereur voudroit prendre argent pour la ranço du Roy & rendre messieurs les enfans de France, ledit seigneur le luy fourniroit, autrement non. Et pour l'execution desdits traittez, chacun pour sa quotte portion devoit mettre ses forces ensemble: & pour coduire l'armée que le Roy devoit fournir pour son respect, en sut donnée la charge à Michel Antoine, Marquis de Salusses, lequel fut depesché avec iiij. cens homes d'armes, & x.mille Suisses que le Roy avoit envoyé lever, dont estoit colonnel le Côte de Tende, & quelque nombre de gens de pied François.

C E-pendant que ces traittez se faisoient, le Duc Francisque Sforce qui estoit assegé dedans le chasteau de Milan, tomba en telle necessité de vivres qu'il n'y avoit plus que manger. Or estoit à l'heure mort le Marquis de Pes-

quaire: parquoy le seigneur Antoine de Léve & le Marquis du Guast cousin germain dudit Marquis avoient pris l'administration de l'armée & de tout l'estat du Duché de Milan, ensemble de l'assiegement du chasteau: lesquels sirent grande diligence de pourveoir à ce que secours de vivres n'entrast dedans. Et par-ce que le payement estoit failly à leurs foldats, mirent une imposition sur la ville de Milan intolerable. L'Empereur estant averty de la mort du Marquis de Pesquaire, depescha soudain le Duc de Bour-

bon pour estré son lieutenant general en Italie, lequel vint descendre à Genes: puis arrivé qu'il fut à Milan, trouvant la ville en desespoir, pour les grandes cruautez qui leur estoient faictes, tant par impositions insuportables que pour la tyrannie que leur faisoient les soldats, assembla les habi-

tans de la ville, & leur remonstra l'énuy qu'il portoit pour les injures qui leur avoient esté faictes par cy deuant : mais qu'il estoit deliberé du tout les soulager. Si est-ce que il estoit besoin de trouver trente mille escus pour con-

 n_{-1}

tenter ses soldats, & cela fourny si jamais leur estoit faict tort, il prioit Dieu qu'au premier lieu qu'il se trouveroit, fust en bataille ou assault, il fust tué d'un coup d'arcbouze, ce que depuis luy advint devant Rome. Pendant que ces choses, se faisoient à Milan, le Pape & les Venitiens faisoient toute diligence d'assembler leur armée pour venir à Milan secourir le chasteau, se sentans en grande extremité, & firent marcher leurdite armée droict à Laude. Le Marquis du Guast & Antoine de Léve de ce advertis, craignans que leurs ennemis ne se missent dedans Laude, qui leur eust esté grand empeschement pour les vivres de la ville de Milan, en toute diligence depescherent trois enseignes d'Espa gnols pour se mettre dedans. Mais arrivez qu'ils furent audit lieu, vint un bruict parmy eux, que ladite ville de Milan devoit estre livrée à sac: lesquels à ceste cause pour ne perdre leur part du butin, sans aucun commandement sen retournerent à Milan, laissans dedans Laude Fabrice Maramao avec sept cens hommes de pied Italiens : lequel permist à ses soldats de faire aux citadins toutes cruautez, taut usitées que non usitées.

Quo y voyant le seigneur Ludovic Vistarin citadin de Laude homme noble, se delibera de secourir sa patrie: & pour cest effect envoya devers Francisque Marie Duc d'urbin, capitaine general de la seigneurie de Venise, à ce qu'il eust à marcher, & qu'il le mettroit dedans la ville, moyennant qu'il luy promist sa foy de ne souffrir faire extortion aux citadins, ce qui fut executé: & se sauva ledit Fabrice avecques lesdits soldats dedans le chasteau. Le Marquis du Guast averty de la perte de Laude, partit de Milan en toute diligence pour trouver moyen de la recouvrer, devant que l'armée du Pape & des Venitiens y fust arrivée, pensant par le moyen de ceux du chasteau pouvoir entrer dedans: mais le Duc d'urbin qui estoit homme de guerre y avoit si bien pour veu par tranchées, que ledit Marquis laboura en vain: & ce qu'il peut faire fut de retirer les soldats qui estoient dedans le chasteau, avecques lesquels il fen retourna à Milan. Ce temps pendant le ieste de l'aimée des Venitiens & celle du Pape marchoient en toute diligence par le Plaisantin, aussi faisoit Michel Antoine Marquis de Salusses, avecques l'armée des François, & desja avoit passé le pas de Suze & estoit descendu en Piedmont: aussi

les dix mille Suisses que le Roy avoit faict lever marchoiét par le païs des Grisons, sans lesquels les Fraçois ne vouloiét combattre. Mais lesdits Suisses furent lents à marcher, si que ce temps pendant la famine pressa de sorte le Duc de Milan, qu'il fut contraint de remettre le chasteau de Milan entre les mains de monsseur de Bourbon: soubs condition que ceux de dedans ledit chasteau s'en iroient avecques Reddition du leurs armes & bagues sauves, & que la ville de Come te- chasteau de nue par les Imperiaux seroit semise entre les mains dudit Milan entre Duc de Milan pour faire sa demeure jusques à ce que l'Em- les mains de percur eust cogneu sa justification, disant qu'à tort & sans monsieur de cause le Marquis de Pesquaire l'avoit spolié dudit Duché. Bourbon. Estans doncques ces traittez, signez & accordez, & apres avoir mis le chasteau entre les mains de monsseur de Bourbon, lequel en feit capitaine le seigneur de Tensane vieil gentil-homme de Bourbonnois, partit ledit seigneur Sforce pour s'en aller à Come, mais par les chemins luy fut raporté que les Imperiaux en lieu de luy livrer la ville de Come avoient deliberé de le mettre prisonnier: & mesmes que ses meubles qu'il avoit laissez à Milan en garde par faulte de charoy pour les emporter, avoient esté baillez à sac aux foldats. Cela entendu par ledir Sforce, il se retira au camp de la ligue, se joignant avecques elle, pour les injustices qui luy avoient esté faictes: ce pendant, le Marquis de Salusses avec l'armée du Roy qui estoit de quatre cens hom mes d'armes, & quatre mille hommes de pied Guascons, & cinq cens chevaux legers, arriva au camp de la ligue: luy arrivé, fut conclu d'envoyer Malatelte Baglion avecques huict mille hommes de pied, & quelque nombre de cavallerie pour prendre la ville de Cremone, par le moyen du chasteau qui tenoit pour le Duc: dedans laquelle estoient mille Lansquenets, cinq cens hommes Espagnols & deux cens chevaux legers pour la part Imperiale. Apres avoir esté ledit Malateste plusieurs jours devant Cremone sans riens prouffiter, fut advisé que le Duc d'urbin General de la seigneurie de Venise, iroit en personne avecques l'armée Venitienne à l'expugnation de ladite ville de Cre- Prise de Cremone: auquel lieu arrivé qu'il fut, en peu de jours con-mone par le traignit les Imperiaux de sorte qu'ils firent capitulatio tel- capitaine de le que si dedans dix jours ils n'estoient secourus, ils reme-la ligue.

croient la ville entre les mains de la ligue, ce qu'ils feirent par-ce qu'il ne leur vint point de secours.

mois envahiffent Rome.

PENDANT que ces chosés se demenoient au Duché de Milan, le Pape Clement estant à Rome, voyant la gran-Les Colon- de despense en laquelle il estoit de tenir une armée au Duché de Milan, autre en la Romagne: pour le foupçon qu'il avoit de la part Colonnoise, feit un traitté avecques Vaspasian Colonne fils du feu seigneur Prospère Colonne, au nom de toute la maison Colonnoise: par lequel furent remises toutes les injures precedentes tant d'un rosté que d'au tre, faisant une paix generale. Les choses ainsi accordées & jurées, le Pape rompit son armée qu'il avoit en la Romagne, dont mal luy print: car peu de jours apres le Cardinal Colonne, & le seigneur Ascagne Colonne leverent à l'improviste dedans leurs terres qui sont vers le royaume de Na ples, grand nombre de soldats, & marcherent droict à Rome: de sorte que devant que le Pape en fust averty, ils furent à S. Iean de Latran. De chose si soudaine & inopinée le Pape sut si estonné, que le principal remede que il sceut faire fut de se retirer au chasteau S. Ange: & avec luy se retirerent tous les Cardinaux, & si grand nombre de citadins pour sauver leurs personnes, que les vivres qui estoient dans ledit chasteau, n'estoient pour les nourrir trois jours. Qui fut cause que le Pape craignant la famine, sut contraint de capituler: par laquelle capitulation il promit faire retirer son armée du Duché de Milan, & de quatre mois ne donner secours à la ligue. Les Imperiaux estant dedans Milan, ayans eu ceste nouvelle, leur augmenta grandement le cueur: semblablement le seigneur Georges de Fronsperg sçachat que son fils Gaspard de Fronsperg general des Lansqueners qui estoient dedans Milan, estoient en extreme necessité, tant pour le service de l'Empereur, que pour la salvation de sondit fils, avoit levé de ses propres deniers xiiij.mille Lans quenets: & avec bon nombre de cavallerie & d'artillerie qui luy fut baillée par Ferdinant Roy de Hongrie frere de l'Ém pereur, marchoit en toute diligence pour secourir ceux de Milan: & desja avoit passé le pas de Trente, & le pais des Venitiens, qu'il avoit passe de force par la faveur du Duc de Mantoue.

LE Marquis de Salusses chef de l'armée du Roy, & le Duc d'urbin de celle des Venitiés (car des ja l'armée du Pape

sessoit retirée) advertis dudit secours, abandonnerent le sie-Retraitte & 3 ge dudit Milan, pour aller trouver leurs ennemis & les com Marquis de batre au passage: mais ils vindrent trop tard, car desja ledit Salusses de de Georges de Fronsperg avoit gaigné la pleine, parquoy ne vant Milan. Ly feit que quelques legeres escarmouches. A l'une desquelles, au passage d'une petite riviere, le seigneur Jean de Medicis fut frappé d'un coup d'arcbouze par la jambe, dont il fut contraint de se faire porter à Mantoue, auquel lieu peu de jours apres il mourut dudit coup: qui fut une grande per Mort de Ie. te pour la ligue, car il estoit tenu un des plus homes de guer de Medicis. re d'Italie. Estant le siege le yé de de vat Milan (comme j'ay dit) les Espagnols vouluret contraindre mosseur de Bourbo de les payer de vj.mois qui leur estoiet deuz : autrement ils estoient deliberez de saccager la ville & se retirer. Pour à quoy obvier & contenter les soldats, ledit de Bourbon feit prendre la nuict les principaux & plus riches de la ville:lesquels avec astrapades & autres inventions de tourmens il contraignit de bailler atgent, de sorte qu'il paya ses gens de guerre pour deux mois. Peu apres voyant n'y avoir plus de moyen que le Duché de Milan peust soustenir son armée, mesmes estans Cremone & Laude entre les mains de la ligue, delibera d'aller chercher pasture ailleurs: parquoy lais-

fant Antoine de Léve à Milan avec la superintendence de l'estat du Duché, se resolut d'entrer dedans les terres de l'Eglise, desquelles aisément il pouvoit user à son plaisir, estat

pour se venir joindre avec luy à Plaisance. Le Marquis de Salusses avec l'armée Françoise adverty de l'entreprise dudit Duc de Bourbon, laissant le Duc d'urbin à la compagne avec l'armée Venitienne, feit telle diligéce qu'il arriva avec son armée le premier à Plaisance. Monsieur de Bourbo voy ant la ville si bien pour veue & de si gens de bien. & l'armée

Venitienne en campagne, n'osa entreprendre de l'assaillir. I' A y laissé à vous dire comment le Pape cognoissant l'injure qu'il avoit receue des Colonnois ses subjets, & que le vassal ne peult capituler avec son souverain chose qui luy puisse servir ayant pris les armes contre luy, rompit lesdits traittez, & appella à luy le Comte de Vaudemont frere du Duc de Lorraine descedu de la maison d'Anjou, maison fort desirée par les Napolitains: lequel estant party de Mar-

le Pape desarmé pour la paix qu'il avoit faicte avec les Co-Monsieur de le Pape delarmé pour la paix qu'il avoit faicte avec les Collabor far-lonnois: & pour cest effect, manda Georges de Fronsperg, Bourbon sur-lonnois: La Marquis de les terres de seille avecques les galleres du Roy, ayant en sa compagnie le seigneur Rence de Cere Baron Romain, arriva à Rome: puis y ayant dresse une armée de huict ou dix mille hommes & de quelque cavallerie, marcha droict au Royaume de Naples, lequel d'arrivée print la pluspart des places Colonnoises, & la ville de Salerne, s'estant presenté jusques de vant les portes de Naples, & chasse Dom Hugues de Mont cade Vice-Roy de Naples, & levé le siege de devant la ville de Frezelon que les Imperiaux tenoient assiegée. A ceste occasion le Vice-Roy de Naples Dom Charles de Lannoy voyant les choses malbaster pour luy, feit une trefve avec le Pape au nom de l'Empereur pour quatre mois, au moyen dequoy fut nostre armée licentiée, chose qui vint mal à pro pos: car il estoit apparant qu'on eust mis l'Empereur hors de l'estat de Naples, par-ce que tout le Royaume estoit mu tiné ayant pris les armes contre les Espagnols pour les tribus que le Vice-Roy leur demadoir: join et que l'Empereur n'avoit armée à Naples, & que toutes ses forces estoient avec monsieur de Bourbon. Ce faict, mondit seigneur de Vaudemont sur ses galleres se retira à Marseille fort mal content dudit accord: car les Napolitains le demandoient pour estre comme dit est de la maison d'Anjou.

L E seigneur de Bourbon voyant son entreprise de Plaisance faillie, se delibera tenter autre fortune, car la faim & la faulte de payement le chassoit : & conclud en toute diligence de surprendre Florence (sentant qu'elle estoit revoltée de lobeissance du Pape & de la maison de Medicis, & qu'il n'est que pescher en eau trouble) pour la bailler à sac à ses soldats. Mais le seigneur de Langey qui pour lors estoit audit lieu de par le Roy pour la conservation de la sain de ligue, adverty de ladite entreprise, donna avis au Marquis de Salusses du chemin que devoient prendre les Imperiaux: & que venant par autre chemin qu'il luy manda, il pourroit prevenir ledit de Bourbon & arriver le premier à Florence, & par-ce moyen sauver la ville du sac. Le Marquis qui n'estoit paresseux, feit telle diligence avec son armée, & le Duc d'vrbin General de la seigneurie de Venise, qu'ils arriverent le soir à Florence: dequoy monsseur de Bourbon adverty changea de chemin pour tirer à Rome, Le seigneur de Langey voyant Florence en seureté, ayant advis que l'entreprise dudit de Bourbon estoit, au cas qu'il

faudroit son entreprise de Florence, qu'il voudroit executer celle de Rome, nonobstant la trefve faicte par le Vice-Roy de Naples avec le Pape, estant en tel desespoir qu'il n'avoit esgard à aucune foy promise: ledit seigneur de Langey prenant la poste, en vint avertir le Pape d'heure, tellement qu'il avoit moyen d'y pourveoir : car les bendes noi- Monsieur de res qui estoient celles du feu seignent Iean, n'estoient qu'à Bourbon deune journée ou deux de Rome, lesquelles le seigneur Ho-vant Rome. race Baglion avoit en charge: mais le Pape se fiant aux accords par luy faicts avec le Vice-Roy, n'y voulut pourveoir aussi se seigneur Rence de Cere luy offroit dedans trois jours mettre ensemble cinq ou six mille hommes de la part Vrsine. Toutesfois le Pape estant ou abuse ou estonné, ne voulut pourveoir à chose du monde, qu'il ne veist les ennemis devant sa porte: de sorte que son principal combat sut de se retirer dedans le chasteau S. Ange avec une partie des Cardinaulx & ambassadeurs, laissant la ville sans garde: ce que voyans le seigneur Rence, & le seigneur de Langey, trouverent moyen de promptement lever deux mille hommes pour faire ce qui seur seroit possible, attendans le Marquis de Sallusses, mais il advint une chose estrange: car un port-enseigne ayant la garde d'une ruine qui estoit à la muraille au bourg S. Pierre voyant monsieur de Bourbon venir avecques quelques soldats à travers les vignes pour recognoistre la place, entra en tel effroy que cuidant fuir devers la ville, passa (l'enseigne au poing) par ladite ruine, & s'en alla droict aux ennemis. Monsieur de Bourbon voyant ceste enseigne venir droict à luy, estima qu'elle fust suivie d'autres gens, & que ce fust une saillie faicte sur luy: parquoy farresta pour recueillir les hommes qui venoient à son secours, & faire teste attendant son armée, laquelle incontinant se mist en armes. Ledit enseigne ayant marché en viron trois cens pas hors la ville, & oyant l'alarme au camp dudir seigneur de Bourbo se recogneur: & ainsi qu'un homme qui vient de dormir reprist ses esprits, & tout le pas sen retourna devers la ville, & par la mesme ruine dont il eltoit sorty rentra dedans. Monsieur de Bourbon ayant veu la contenance de cest homme, & ayant cognu ladite ruine. commanda de donner le signe de l'assault, & luy mesme marcha le premier l'eschelle au poing. Mais arrivé qu'il fut pres des murailles, fut tiré par ceux dedans un coup d'arc-

bouze qui luy donna au travers de la cuisse, dont il mourur soudain: plusieurs estimerent que ce fut punition divine, pour le serment qu'il avoit faict aux Milanois, lequel apres il avoit faulsé. Le Prince d'Autenge estant plus prochain de luy quand il tomba, le feit tost couvrir d'un manteau, à ce que les soldats voyans mort leut chef ne s'estonnassent, puis suivit chaudement l'entreprise, de sorte qu'ils entrerent pesse-messe dedans la ville.Le seigneur Rence & le seigneur de Langey avecques ce qu'ils peurent ramasser de leurs hommes, en combatant se retirerent au chasteau de S. An-Prife de Ro- ge, apres avoir long temps gardé le pont d'iceluy, & qu'ils y furent forcez: lesquelles choses arriverent le vi.jour de May

Me.

mille cinq cens vingt-fept. I E n'ay que faire de vous dire les cruautez lesquelles fu rent commises à ladite expugnation: car il est assez manifeste ce qu'on a accoustumé de faire en tels actes, & aussi que la plus part de l'armée estoient Allemans, qui outrepassent les autres en ferocité: & mesmes estoient presque tous Protestans, parquoy grands ennemis du Pape, & dura le pillage environ deux mois. Aucuns ont estimé que si monficur de Bourbon ne fust encores mort, il se fut faict Roy de Rome & Roy de Naples, pour le malcontentement qu'il avoit contre l'Empereur qui l'avoit trompé: car luy ayant promis sa sœur la Roine Aleonor douairiere de Portugal, il ne l'avoit faict: puis l'en voyant au Duché de Milan, l'avoit laissé sans le secourir d'argent, comme le laissant en proye, mais Dieu voulut les choses autrement.

ESTANT mort monsieur de Bourbon, Philebert de Chalon Prince d'Aurenge, par le consentement de tous print la charge de l'armée: lequel assiegea le chasteau S.Ange, dedans lequel le Pape, & presque tous les Cardinaux sestoient retirez, mesmes les Ambassadeurs des Princes Chrestiens. Ledit Prince d'Aurenge faisant les approches pour battre le chasteau, fut frappé d'un coup d'arcbouze par la teste, dont il fut en danger de mort, mais pour cela ne laissa le siege d'estre continué: à cause dequoy le Pape Clement desésperé de secours, & craignant tomber entre les mains des Allemans ses ennemis, joinct qu'il avoit faulte de vivres, capitula avecques le Prince d'Aurenge, par laquelle capitulation luy & tous les Cardinaulx demoureret prisonniers entre les mains dudit Prince: mais le seigneur

Rence de Cere, le seigneur de Langey, & autres tenans le party du Roy ne voulurent accepter ladite capitulation, ains avoient deliberé d'attendre le secours du Marquis de Salusses: parquoy firent capitulation particuliere, & par icelle leur fur permis d'eux en aller armes & bagues sauves: & le Pape avecques ceux de son parry fur retenu prisonnier au chasteau en seure garde.

LE Roy, & le Roy d'Angleterre son bon frere voyans l'inhumanité de laquelle avoit esté usé envers sa saincteté, & le scandale advenu à l'Eglise Chrestiene, de retenir pri- Lique noissonnier le chef d'icelle, delibererent d'y pourvoir. Et pour relle entre cest effect le Roy d'Angleterre envoya devers le Roy le le Roy de Cardinal d'Yorc, lequel avoit la principalle superinten- France & dence de ses affaires, & vint trouver le Roy à Amiens, où d'Angleapres plusieurs collocutions & conseils tenus, fut accordé terre. entre-eux d'envoyer une armée à comuns frais en Italie, pour remettre le Pape en liberté, & les terres de l'Eglise entre les mains de sadite saincteté. Et pour la conduite de ladite armée fut ordonné messire Odet de Foix, seigneur de Lautrec, avecques le nombre d'hommes tel qu'ilsera dit par y apres. Puis estant le Cardinal d'Yorc de retour en Angleterre, & le seigneur de Lautrec ayant pris congé du Roy bour dresser son armée, à laquelle cotribuoit le Roy d'Angleterre pour sa quotte portion soixante mille Angelots ous les mois: fut ordonné messire Anne seigneur de Mot- Ambassade norency, Grand-maistre & Mareschal de France, pour de en Anglea part du Roy aller en Angleterre confirmer les traittez, terre. nd & porter l'ordre dudit seigneur Roy au Roy d'Angleteire on bon frere & perpetuel allié: lequel de Montmorency print congé du Roy environ le dixiesme d'Octobre, mil ing cens xxvij. ayant en sa compagnie Iean du Bellay Evelque de Bayonne, & depuis Cardinal du Bellay, le scigneur de Humieres chevalier de l'Ordre du Roy, monsieur Brinon premier Presidant de Rouen,& Chancelier d'Alenon, avecques douze ou quatorze tant gentils-hommes de a chambre du Roy que capitaines de gens d'armes, tels que e seigneur de Rochebaron, le seigneur de Boutieres, le eigneur de la Rochedumaine, le seigneur de la Guiche, le eigneur d'Allegre, messire Ioachin de la Chastre capitaine , P21 k es gardes du Roy, avecques plusieurs autres jusques à inq ou fix cens chevaux.

seigneur le Grand-maimorency.

Estant ledict Grand-maistre arrivé à Douvres, trou-Recueil fait va grand nombre d'Evesques, gentils-hommes, & autres en Angle- envoyez de la part du Roy d'Angleterre, desquels il fut reterre à Mon- cueilly fort honorablement, & accompagné jusques à Lodres: au devant de luy sortiret de ladite ville mille ou douze cens chevaux avec nombre infiny de peuple pour le restre de Mot- cueillir: lesquels l'accompagnerent jusques au logis qui estoit ordonné pour sa personne, qui estoit à S. Pol au Palais Episcopal de Londres. Deux jours apres fut conduid par barques sur la riviere de la Tamise à Grenvich, trois mille au dessoubs de Londres sur ladicte riviere: auquel lieu le Roy faisoit sa demeure, où il fut recueilly par le Roy &! le Cardinal d'Yorc en grande magnificence. Or fault-il entendre qu'en toutes choses ledict Cardinal estoit honoré comme la propre personne du Roy, & seoit tousjours às dextre, & en tous lieux où estoient les armes du Roy, celles du Cardinal estoient au mesme rang: si qu'en tous honneurs ils estoient esgaulx. Apres que ledit Grand-maistre cut exposé au Roy sa legation, & apres avoir esté festoyi par plusieurs jours tant audict Grenvich qu'à Londres, fui conduict par ledict Cardinal en une sienne maison qu'il avoit bastie nouvellement à neuf mille au dessus de Lo dres sur la riviere de la Tamise, nommée Hamtocourt: au quel lieu luy & toute sa compagnie fut par quatre ou cinc jours festo yé de tous les festimens qui se pourroiet souhai ter, avec riches tapisseries & vaisselle d'or & d'argent es nombre presque innumerable. Estant de retour à Londres luy fut par le Roy d'Angleterre le jour de la feste S. Martin faict un festin en sa maison de Grenvich, autant magnifi que que j'en vey onques, tant de service de table, que d mommeries, masques & comedies: ausquelles comedies e stoit madame Marie sa fille, jouant elle mesme lesdicte comedies. Puis apres avoir faict presens à un chacun, don na congé ledict Roy d'Angleterre à mondict-seigneur l Grand-maistre, lequel laissa ledict seigneur du Bellay E vesque de Bayonne, ambassadeur pour le Roy devers ledi Roy d'Angleterre, pour entretenir les traittez. Estant mon dict seigneur le Grand-maistre de retour, feit rapport a Roy des choses par luy negotiées, qui furent fort à son con

Vous avez ouy par cy devant comme le seigneur d

2

Lautrec avoit pris congé du Roy pour marcher en Italie, Emprisonnequi avoit esté environ la S. Iean. L'Empereur pour lors ment des amitant en Espagne, averty de ladicte entreprise & dudict bassadeurs partement, feit arrester prisonnier l'Evesque de Tarbe de- du Roy. ouis Cardinal de Granmont: lequel estoit ambassadeur de a part du Roy devers sa majesté, avecques les autres ampassadeurs des alliez & confederez en la saincte ligue. Dejuoy le Roy & le Roy d'Angleterre son bon frere avertis, irent arrester pareillement les ambassadeurs dudict seineur Empereur: & depeicherent Guienne Roy d'armes du koy,& Clarence Roy d'armes du Roy d'Angleterre , de la art de leurs deux majestez, pour de leur part aller deffier Empereur: mandans piemierement à leurs ambassadeurs, jui depuis avoient esté mis en liberté, de prendre congé du lict seigneur Empereur, & de se retirer devers leursdictes

najestez.

L'ADICTE depesche faicte, & le Roy ayant eu noveles comme ses ambassadeurs estoient en liberté, & sur leur etour: manda querir l'ambassadeur de l'Empereur pour uy faire entendre les occasions qu'il avoit eu de sa retenion, se pleignant de plusieurs autres tors qui luy avoient sté faicts par l'Empereur son maistre. Et pour cest effect e vingthuictiesme jour de Mars l'an mille cinq cens vingtept avant Pasques, le Roy estant en sa bonne ville de Paris, ccompagné des Princes de son sang & autres Princes, Preats & Seigneurs tant de son Royaume qu'estrangers, estás our lors en sa cour: & semblablement les ambassadeurs Congé de moes Princes & Potentats estans autour de luy, seit venir sieur de Gra-evers sa majesté l'ambassadeur de l'Empereur, nommé velle pris du naistre Nicolas Perrenot seigneur de Granvelle. Iceluy Franvelle apres avoir faict la reverence au Roy en la preence des dessussaits. luy remonstra que depuis treze jours ar l'addresse de monsieur le Grand-maistre de France, il voit receu lettres de l'Empereur son naturel & souverain eigneur, du septiesme du mois de Fevrier, contenans que ressieurs les ambassadeurs du Roy avoient le vingt & vnsime jour de lanvier pris congé de sondict maistre, & le indemain vingt-deuxiesme un Herault luy avoit de paredict seigneur intimé la guerre & dessié: & qu'à ceste cau-: luy mandoit sondict maistre de prendre congé du Roy plustost qu'il pourroit, & s'en retourner devers luy. Et

desplaisoit audict ambassadeur que les choses fusient passées en ces termes, ainsi essognées & mises hors du chemin & moyen d'establissemet de paix & amitié: laquelle son-dit maistre avoit tousjours desirée & esperée, attendu ledict traitté de Madril, dont sestoit ensuiue la delivrance du Roy, & avoit tenu ledict ambassadeur la main de tout son pouvoir & devoir au bien de ladicte paix: mais puis que l'on estoit venu à ceste rigueur, que obeissant au bon plaisir de sondict-maistre, il supplioit au Roy luy donner congé: luy requerant qu'il le luy vousist octroyer avecques bon & suffisant saufconduict, pour en liberté & seurcté retourner vers sondit maistre, comme la raison & l'honesteté le vouloiet, & avoit tous jours esté faict & observé par les Princes magna nimes & vertueux: & qu'il ne pensoit avoir faict durant sadicte legation chose pour bailler occasion d'en faire autremet, & neantmoins si de son particulier & privé endroict il avoir esté envieux ou s'y fust incivilement conduict, il supplioit au Roy l'excuser, & le luy pardonner: en le merciant de l'honneur que luy, messieurs de sa cour, & autres de son royaume luy avoient faict durant sa legation. Ces propos finis, le Roy de sa propre bouche luy parla en celte maniere.

Responce du Roy à l'ambassadeur de l'Empereur.

Monsieur l'ambassadeur, il m'a despleu & desplaiss tres-fort, que j'aye esté contrainct de ne vous traitter jusques icy si gracieusement & humainement, que par le bon & honneste office que vous avez faict, estant par deça ar tour de moy, vous avez tresbien merité: où je vueil bier dire que vous estes tousjours aquitté tant à l'honneur de vostre maistre, & contentement d'un chascun, que je sui tout asseuré qu'il n'a tenu à vous que les choses n'ayent pris autre fin & issue qu'elles n'ont peu faire, pour le bon zele & affection que je vous ay tousjours cogneu avoir au bier de la paix, conduitte, & addressement des choses: enquoj je ne fay doubte que vous n'ayez tous jours fait vostre bor & loyal devoir. Mais ayant entendu ce que l'Empereur vostre maistre avoit commandé contre tout droict tant divis que humain estre faict à mes ambassadeurs, & à tous ceu de la ligue estans par devers luy, pour le bien de la paix; & contre toutes bonnes coustumes qui jusques icy ont elle gardées & observées entre les Princes, non seulement chre stions, mais aussi insideles: il m'a semblé que je ne pouvoj

rien moins faire pour le devoir que j'avoy à mesdicts ambassadeurs prins contre raison & detenus, que de saire de vous le semblable: encores que je n'eusse aucune envie de vous maltraitter pour les raisons dessussibles. Pour lesquelles & pour le devoir auquel en ce saict vous estes mis, je vous avise (monsieur l'ambassadeur) qu'outre ce que je pense que vostre maistre ne saudra à vous en recompéser, vous estes asseuré que là où je vous pourray particulierement en aucune chose faire plaisir, je le feray d'aussi bon cueur que

vous voudriez m'en vouloir faire requerir.

Er pour satisfaire & respondre à ce que vostre maistre a dict de bouche à Guienne & Clarence Roys d'armes du Roy mon bon frere perpetuel & meilleur allié & de moy, sur l'intimatió de la guerre qui luy a esté faicte de par nous qui consiste en huict poincts, je vueil bien que chacun l'en tende.Premierement quant à ce qu'il dit qu'il s'esbahit que m'ayant prisonnier de juste guerre, & ayant ma foy je le deffie, & que par raison je ne le puis ny do y faire. Te vous respon pour luy dire, que si j'estoy son prisonnier icy, & qu'il eust ma foy, il eust dict verité: mais je ne sçache que ledict Empereur ait jamais eu ma foy qui luy sceust de rien valloir: car premierement en quelque guerre que j'aye esté, je ne sçay que luy aye jamais ny veu ny rencontré. Quand j'ay esté prisonnier gardé de quatre ou cinq cens arcbouziers malade dedans le lict à la mort, il n'eust pas esté malaisé à m'y contraindre, mais peu honnorable à celuy qui l'eust faich: & depuis que j'ay esté retourné en France, je ne cognoy ne luy ny autre qui ait eu puissance de la me pouvoir faire bailler: & de ma liberale volonté, c'est chose que j'estime trop pour si legerement m'y obliger.

ET pour-ce que je ne vueil que mon honneur demeure en dispute, encores que je sçache bien que tout homme le guerre sceust assez que prisonnier gardé n'est tenu à nulle soy, ny ne se peult obliger à riens: si envoye-je à vostre naistre cest escrit signé de ma propre main, lequel (monieur l'ambassadeur) je vous prie vouloir lire, & apres me promettre le luy bailler, & non à autre. Et ce faict, le luy cit ledict seigneur Roy presenter par Jean Robertet l'un le ses secretaires d'estat & de sa chambre: lequel escrit

III. LIVRE DES MEMOIRES

Excuse de l'ambassadeur. print iceluy ambassadeur en ses mains saisant son excuse de le lire, disant audict seigneur Roy comme par les lettres de son maistre apportées ouvertes, & qui supposoit le Roy & son conseil avoir veues: par lesquelles lettres il n'avoit plus de pouvoir, ains estoit revoqué de sa legation, & ne pouvoit ny entendoit plus negocier ny prendre de charge: requerant au Roy (combien qu'il fust en sa main, & puis sance) qu'il voulsist en honnesteté avoir regard à ce qui estoit de la faculté & puissance dudict ambassadeur: & encores aux choses convenables & qui pouvoient concerner & estre de la charge & qualité d'un ambassadeur, & non le presser plus outre.

Replique du Roy à l'ambassadeur.

A quo y respondit le Roy, mosseur l'ambassadeur, puis que vous ne voulez prendre ceste charge de lire cest escrit, je le feray lire en ceste compagnie, à fin que chacun entende & cognoisse comme je me suis justifié de ce que contre la verité vostre maistre m'a voulu accuser. Et si apres vous ne voulez le luy porter & presenter, je depescheray l'un de mes heraux pour aller en vostre compagnie, & pour lequel vous obtiendrez saufconduict bon & valable pour pouvoir aller vers vostre maistre porter ledict escrit: protestant & demandant acte devant ceste compagnie, que là où il ne voudroit qu'il vint en sa cognoissance, je me suis aquitté de luy faire entendre tout ainsi que je le devoy: de sorte qu'il ne sçauroit pretendre cause d'ignorance. Apres avoir achevé lesdicts propos le Roy appella Robertet, & tout haut luy commanda lire ledit escrit: ce qui fut faict par luy de mot à autre en la maniere qui ensuit.

Cartel du Roy à l'Empereur. Nous Françoys par la grace De Dieu Roy de France, feigneur de Genes, &c. A vous Charles par la mesime grace eleu Empereur de Rome, & roy des Espagnes: faisons sçavoir, que nous estans avertis qu'en toutes les responces qu'avez faistes à noz ambassadeurs & heraulx envoyez devers vous pour le bien de la paix, vous voulant sans raison excuser: nous avez accusé en disant qu'avez nostre soy, & que sur icelle outre nostre promesse nous en estions allez & partis de vos mains & de vostre puissance. Pour dessendre nostre honneur, lequel en ce cas seroit trop chargé contre verité, vous avons bien voulu envoyer ce cartel: par lequel (encores que tout homme gardé ne puisse avoir obligation de soy, & que cela

nous

Di

110

nous fust excuse assez suffisante: ce-nonobstant voulant satisfaire à un chacun & à nostredict honneur, lequel nous avons voulu garder & garderons si Dieu plaist, jusques à la mort) vous faisons entendre que si vous nous avez voulu ou voulez charger non pas de nostre-dicte foy & delivrance seulement, mais que jamais nous ayos faict chose qu'un gentil-homme aymant son honneur ne doive faire, nous disons que vous avez menty par la gorge: & qu'autant de fois que vous le direz, vous mentirez: estant deliberé de def fendre nostre honneur jusques au dernier bout de nostre vie. Parquoy puis que contre verité vous nous avez voulu charger, desormais ne nous escrivez aucune chose, mais nous asseurez le camp, & nous vous porterons les armes: protestans que si apres ceste declaration en autres lieux vous escrivez ou dictes paroles qui soient contre nostre honeur, que la honte du delay du combat en sera vostre, veu que venant audict combat, c'est la fin de toutes escritures.

Faict en nostre bonne ville & cité de Paris le vingt-huictiesme jour de Mars l'an mille cinq cens vingt-sept avant

Pasques, ainsi signé François.

L'escrit achevé de lire, le Roy continuant son pro- Propos du pos dit audict ambassadeur. Monsieur l'ambassadeur, il me Roy à l'amsemble que l'Empereur cognoistra par ce que vous venez bassadeur sur d'ouir lire, que je satisfay assez à ce qu'il m'a chargé, & à son cartel à mon honneur, qui me gardera vous en dire autre chose: l'Empereur: mais quant à ce que vostre maistre dict que ce luy est chose nouvelle d'estre deffié, veu qu'il y a six ou sept ans que je luy fay la guerre fans l'avoir deffié, je voudroy qu'il fouvint mieux à vostre maistre des choses qu'il faict, ou à son conseil pour l'en avertir apres qu'elles sont faictes : car s'il sen veult bien enquerir, il trouvera que Dom Prevost du Trecq lors son ambassadeur devers moy, me deffia estant à Dijon, contre le contenu du traitté d'entre luy & moy. Parquoy puis qu'il me deffioit, il me semble qu'il se devoit tenir pour adverty que je me vouloy deffendre. Et entant que vostre maistre dict qu'il ne pense avoir en riens demerité envers Dieu, iceluy Dieu sera juge de noz consciences, & non pas nous: & telmoing quant à moy, que je ne defire tycannie, ny usurpation, ny chose qui ne soit raisonnablement mienne: ny pretendant ny aspirant à l'Empire, ny à la monarchie.

Er au regard de l'excuse que vosstredics maistre a fai-Re de la prise & detention (contre tout droict) de nos re sainct Pere vicaire & lieutenant de Dieu en terre, personne sacrée & inviolable, je m'esbaliy comme propos où il y a si peu d'apparence de verité s'osent mettre en avant pain y les gens: car comme il est vray semblable que vostredict maistre n'ayt esté consentant de ce qui a esté faics en la per sonne de nostredict sainct Pere, veu que sa prison a esté longue, & qu'au lieu de chastier ceux qui sans son cemmandement avoient (comme il diel) faiel acte si excerable & si peu Chrestien comme cestuy la, il leur a permis prendre & traitter avecques sa saincieté de sa rançon, luy en faisant payer & debourcer deniers: iusques à vendre & prendre argent des benefices & choses divines dans ses Flovaumes & païs? Chose qui n'est seulement contre Dicu & la saincte Eglise, mais tresdangercuse à prononcer & à dire, veu les heresies qui ont cours pour le temps qui est à pie-

Et quant à ce que vostre maistre diel que je seav bien que mes enfans sont entre ses mains hostageis, & que mes ambassadeurs sçavent bien qu'il ne tient à luy qu'il l'en sont delivres: vous luy direz que je sçay tresbien que mes enfans sont entre les mains, dequoy il me desplaist tressort: & à ce qu'il dict qu'il ne tient point à luy qu'il ne les delivre, je ne vueil autre advocat en cela pour me desseudre que le devoir enquoy je me suis mis de les ravoir, & ce que chacun sçait que je suis leur pere : & quand ils ne seroient mes enfans, mais seulement gentils-hommes, estans au lieu où ils sont pour ma rançon, si devroy-je pour chasser leur liberté de toute ma puissance. Laquelle chose j'ay faicte par si grades & excessives offres, que jamais les Roys mes predecesseurs qui ont esté prisonniers des infideles ne furent requis de telles & si desraisonnables sommes, là la quarte partie pres, que toutes fois je ne refuse de vouloir bailler, pour parvenir au bien de la paix: & pour entre tant de grandes offres vous en reciter une scule, vostredict maistre sçait tresbien que je luy ay faich offrir à la delivrance de mesdicts enfans, suy bailler & faire delivrer la somme de deux millions d'escus, tant en argent comptant que autrement, du deu d'Angleierre, que revenu de terres & rentes en ses propres païs. Qui est somme telle & si

grande qu'elle me rend innocent envers tout homme qui sera de bon jugement, que je ne me feusse voulu destituer de telle sorce, pour apres saire la guerre à celuy à qui je l'eus se baillée.

Tour Esfors, si pour la detention de mes enfans il ne vouloit venir à nulle raison de traitté, vouloit me faire abandonner mes amis avant la restitution de mesdits enfans, ayant pris un Pape lieutenant de Dieu en terre, ruiné toutes les choses sacrées & sainctes, ne vouloit entendre & remedier à la venue du Turc, ny aux heresies & sectes nouvelles qui pullulent par la chrestienté, qui est office d'Empereur, moy estant pere, & portant le nom de Tres-chrestien, je ne sçay si toutes ces choses ne me pouvoiet esmouvoir à la guerre, quelles autres injures ou raisons seroient fusfissantes à m'y provoquer & faire venir. Neatmoins pour tout cela je n'ay laissé à luy faire les offres que je vous ay di ctes (comme vous sçavez assez) & par ceste raison se peult clairement cognoistre & juger qu'à mon grand regret & desplaisir je suis venu à faire la guerre, veu que j'achetoy la paix si chere: sans les autres quittances, renonciations de droicts & restitutions de villes & païs, qui excedent assez la somme que je vous ay cy devant dicte.

QVANT au Roy d'Angleterre mon bon frere & perpetuel allié, je le tien pour si sage, si vertueux, & si bon, qu'il n'a faict & ne fera chose là où son honneur n'ayt esté & n'y-soit entierement gardé: & aussi qu'il scaura si bien & si vertueusement respondre des choses qui luy touchent, qu'on luy feroit tort d'en vousoir respondre pour luy. Bien vous di-je (monsieur l'ambassadeur) que la bonne, ferme, & perpetuelle amitié, qui est entre mon bon frere perpetuel allié & moy, est telle que là où il feroit estat pour l'indispo sition de sa personne (dont Dieu le gard) de n'en pouvoir respondre, je vous avise que je ne voudroy en rien moins saire que je voudroy faire pour moy-mesmes: y employant non seulemet mes Royaume, païs & seigneuries, & subjets, mais ma propre personne: laquelle n'y sera jamais espargnée, là où il en aura besoing, & cela veux-je que tout le

monde entende.

Auss r(mösieur l'ambassadeur) pour-ce que mö herault Guienne m'a dit que vostredit maistre luy dona charge de me dire, qu'il croit que je n'ay esté adverty de quelques propos qu'il tint à mon ambassadeur le Presidant, suy estant en Grenade, pour me faire sçavoir, lesquels me touchoiet tresfort: & qu'il m'estimoit si gentil Prince que si ie les eusse sous dire, que mondict-ambassadeur m'a adverty de beaucoup de propos, mais non point de chose qui rien sceust toucher mon honneur: & s'il l'eust faict, vous estes asseuré que je n'eusse failly, ne si longuement demeus é à y respondre: car dés que j'ay entendu les choses que je vous ay dictes, j'y ay faict la response que je vous ay baillée à lire, signée de ma propre main: laquelle je tien si sussissaict non seulement à ce que vostredit maistre sçauroit avoir dit par cy devant, mais entierement à tout ce qu'il pourra dire contre

mon honneur par cy apres.

ET au regard de ce qu'il dict que par lesdicts propos je cognoistray qu'il m'a mieux tenu ce qu'il me promist à Ma dril, que je ne luy ay tenu ce que ie luy promis il ne me sou vient point de luy avoir faict quelque promesse: car quant au traitté qui est par escrit, je m'en tien assez justifié du peu d'obligation que j'y ay, veu que je ne fut en liberté ny devan: ny depuis ledict traitté, jusques à ce que j'ay esté en mon Royaume:ny mis sur ma foy pour pouvoir la garder & observer. Et du demeurant quand j'y ay bien pensé, je ne trouve point avoir eu a vecques luy autre propos d'obligation, si ce n'est quant à l'entreprise du Turc, que toutesfois & quantes qu'il l'entreprendroit & que sa personne y seroit, que je m'y trouveroy pour l'accompagner avecques mes forces: laquelle chose j'avoue & trouve tresbonne, & pleust à Dieu de vouloir convertir les passions particulieres d'un chacun tant au bien general de toute la Chrestien té, que toutes noz forces fussent employées en un si sain& & bon esfect: luy promettant quant à moy, qu'il peult estre tout asseuré qu'il n'aura jamais pour ceste occasion si tost le pied à l'estrier, que je n'ave plustost le cul sur la selle pour ce faire: encores que je n'aye les Turcs si pres mes voisins, comme de nouveau il les a en Hongrie, & par consequent en Allemagne. Ces propos paracheuez, le Roy licentia ledict seigneur Granvelle avec bonnes & gracieuses paroles quant à sa personne, le priant ne vouloir faillir de saire donner saufconduit au herault qui l'accompagneroit pour presenter l'escrit cy dessus dict à l'Empereur son maistre: & ce faict la compagnie se separa.

Lors que ces eholes se faisoient en France & en An- 1528. gleterre (comme j'ay dict cy dessus) le seigneur de Lautrec avoit passé la montagne avecques une partie de son armée, Armée de mais encores n'estoient arrivez dix mille Suisses, desquels monsieur de le Roy avoit envoyé faire levée: aussi n'estoit arrivé qu'une Lautrec en partie des Lansquenets qui devoient estre soubs la charge Italie. du Comte de Vaudemont: parquoy pour les attendre s'en alla sejourner en l'Astisane. Or pour vous faire entendre une partie des forces que ledict seigneur menoit:de la gendarmerie y estoit la compagnie de mondit-seigneur de Lau trec de cent hommes d'armes, conduitte par le Baron de Grantmont son lieutenant: celle de monsieur de Vaudemont autre cent, conduitte par le seigneur de Gruffy son lieutenant: celle de monsseur de Lorraine cent, conduitte par le capitaine Pierrepont son lieutenant; la compagnie de monsseur d'Albanie cent, conduitte par le seigneur de Moriac son lieutenat: le seigneur de Lignac cinquante homes d'armes: la compagnie de monsseur de la Fayette cinquante, coduitte pa son fils: le seigneur de Montpesar cinquante: le seigneur de Pomperant cinquante : cinquante du seigneur de la Trimouille, petit fils de feu messire Loys de la Trimouille, conduitte par Loys de Beauvillier seigneur de la Ferté-aux-ougnons son lieutenat: le Comte Hugues de Pepolo Boulonnois cinquante: le seigneur de Tournon cinquante,& son frere son lieutenant, messire Claude d'Estampes seigneur de la Ferté Nabert cinquante : le seigneur de Negre Pelisse cinquante: le seigneur de Laval de Dauphiné cinquante, & maistre Ierminghen Anglois gentilho me de la chambre du Roy, & du Roy d'Angleterre, ayant charge de deux ces chevaux legers, homme bien estimé, & son lieutenant maistre Care: lesquels moururet audit voyage comme les autres François de l'infection de l'air devant Naples. De gens de pied, le Comte de Vaudemont six mille Lasquenets, le Comte Petre de Navarre six mille Guascos: le seigneur de Burie quatre mille François, & dix mille Suisses avecques bon nombre d'artillerie, desquels avoit la charge le seigneur de Montdragon Guascon. Ayant le seigneur de Lautrec sejourné quelques jours en l'Astisane, sur averty que le Comte Ludovic de Lodron, lequel estoit dedans Alexandrie avecques six mille Lansquenets, en avoit

envoy é deux mille à Bose, petite ville pour contraindre se peuple des environs de fournir deniers pour la solde des-

dicts Lansquenets estans en Alexandrie.

L E seigneur de Lautrec considerant que s'il pouvoit des faire lesdicts Lansquenets, ce luy seroit grande faveur, & affoiblissement pour son ennemy: depescha bon nombre de gendarmerie avec une partie des Suisses qui ja estoient arrivez pour aller clorre ledict lieu du Bosc, & empescher que les Lansquenets ne se peussent retirer en Alexandrie, ce pédant qu'il marcheroit avecques le reste de son armée & l'artillerie. Estant partie ceste trouppe, ledict seigneur de Lautrec marcha apres en toute diligence: puis estant arrivé devant Bosc, soudain feit faire les approches, & planta son artillerie au lieu qu'il cognent le plus avantageux pour luy, & dommageable à l'ennemy: dont il feit telle & si furieuse barterie, que n'ayant les ennemis loisir de remparer, voyans l'assault prestà donner, capitulerent de sorte qu'ils s'en allerent la vie sauve & sans armes : mais depuis vindrent au service du Roy soubs les enseignes du Comte de Vaudemont. Aussi le seigneur de Lautrec encores que par la composition ils deussent laisser les armes, par l'honnesteré de la guerre les leur rendit, qui sur cause à mon avis qu'estans mal receus & soldoyez d'Antoine de Leve, estans quittes de leurs sermens ils prindrent la solde du Roy.

Prise de Genes au nom du Roy.

PENDANT ce temps le seigneur André d'Orie qui avoit la charge des galleres du Roy estant party de Marseille avecques quatorze galleres, feit telle guerre aux Genevois, que nul sosoit trouver en mer le long de la riviere de Genes: en sorte que vivres & marchandises y defaillirent, & faisoit sa retraitte à Savonne. Ce pendant le sei gne it Cesar Fregoze, lequel depuis peu de temps estoit venu du service des Venitiens à celuy du Roy, averty par les amis qu'il avoit à Genes de la necessité de vivres en laquelle circient les habitas, fut depesché par le seigneur de Lautrec avecques bon nombre d'hommes, tant de pied que de cheval, pour leur aller faire la guerre par terre: & leur feit telle, qu'en peu de jours n'y demoura ny grains ny bestail, ny autres vivres, desquels les habitans de ladicte ville peussent estre substantez à six lieues à la ronde. Les Genevois estans en telle extremité, ne veirent autre

moyen de leur salvation, sinon par mer: Parquoy armerent fix galleres, lesquelles il meirent à l'aventure pour avoir vivres. Or li fo tune leur fut si bonne qu'estans en mer se leva une tourmente telle que André d'Orie fut contraint de se retirer à Savonne, sur laquelle retraitte le Comte Philippin nepveu dudit André d'Orie fut pris & mené à Genes dont lesdits Genevois furent si enorgueillis, n'estimant plus les François, qu'ils feirent une saillie sur Cesar Fregoze, telle qu'ayans mis en chasse les premiers qu'ils trouverent, comme mil advisez chasserent si avant que les François leur coupperent chemin entre la ville & eux: de sorte que tout çe qui estoit sorty fut desfaict, & le Comte Gabriel de Martinengue leur capitaine general pris prisonnier, pour lequel infortune ils l'estonnerent tellement qu'ils mirent la ville entre les mains dudit Cefar Fregoze au nom du Roy: où peu de jours apres arrivant ledit sergneur de Lautrec y ordonna pour gouverneur & lieutenant de Roy le seigneur Theodore Trivulce Mareschal de France: puis, peu de jours apres les Imperiaux & ceux de la part Adorne qui s'estoient retirez dans le chasteau, le remirét entre les mains du Roy.

Au temps que le seigneur de Lautrec pourvoioit à l'essente Genes, il manda aux Lasquenets qui estoient à Bosc qu'ils eussent à mucher à Alexandrie, pour empescher le secours d'entrer dedans: puis ayant pourveu comme dit est à l'estat de Genes, les suivit avecques son armée, auquel lieu d'Alexandrie estant arrivé, en toute diligence seit mettre son artislerie en batterie: & n'eust esté le seigneur Albert Barberan qui la nuist entra dedans avec mille hommes de guerre, dés ce jour essoit en hazard d'estre prise d'assault: pour-ce que les habitans estoient si estonnez pour la perte de leurs Lansquenets qu'ils avoient perdus à Bosc que peu

de gens mettoient la main aux armes.

Le lendemain les Venitiens envoyerent renfort de bon nombre d'artillerie, de pouldre, & de boullets: dequoy ledit seigneur de Lautrec seit telle batterie, que le Comte Ludovic de Lodron, qui estoit ches en ladite ville, la rendit par composition relle: que les Lansqueners & autres ges de guetre estans dedans la ville sen iroient leurs bagues sauves, saisans serment de ne porter armes de six mois contre les François, ny leur alliez. Estant la ville entre les mains du seigneur de Lautrec, la remeit entre les mains des deDeffaitte du Marquis de Marignan.

putez du seigneur Francisque Sforce, suivant la ligue faicte & jureé entre les alliez de la saincte ligue. Au mesme temps Iean Iacques Medequin Castelan de Muz, & depuis Marquis de Marignan, avoit faict levée de quelque nombre d'hommes pour amener au service du Duc Sforce, & se venir joindre avecques l'armée Françoise: dequoy le seigneur Antoine de Leve averty, & sçachant que ledit Medequin estoit logé à quatorze mille de Milan en lieu ouvert & non fortissé, partit de Milan à l'improviste avecques toutes ses forces, & seit telle diligence, qu'arrivant au poince du jour sur le logis dudit Medequin depuis nommé Jean Jacques de Medecis le surprint : de sorte que ses forces furent deffaictes, & luy se sauva à Muz. Ce faict, craignant que monsseur de Lautrec vint à Milan qu'il avoit laissée despour veue, s'en revint en toute diligence loger aux fauxbourgs de la ville : auquel lieu estant arrivé, ayant les nouvelles de la prise de la ville de Genes & d'Alexandrie, & se voyant peu de gens sans payement, desesperé de pouvoir garder la ville de Milan, delibera de l'abandonner & de se retirer à Pavie: mais estant averty du peu de vivres qui estoient dedans', changea d'opinion, & y envoya le Comte Ludovic de Bellejoyeuse (lequel depuis peu de temps avoit abandonné le service du Roy. pour une querelle qu'il avoit contre le seigneur Federic de Bozzolo) accompagné de deux mille einq cens hommes de pied.

L E seigneur de Lautrec ayant remis Alexandrie entre les mains du Duc Sforce s'en alla à Vigeve, laquelle se remit en son obeissance, aussi feit tout le pais de l'Omeline: auquel lieu de Vigeve il passa le Tesin pour aller à Biagras, laquelle pareillement il print & remist entre les mains dudit Sforce. Ce faict, faignant de prendre le chemin de Mila, tourna tout court à Pavie, laquelle il assiegea du costé du chasteau, & l'armée Venitienne par l'autre part, lesquels commencerent une furieuse batterie, chacun de son coste. Le seigneur de Lautrec ayans faict breche, mais non raison sieur de Lau- nable, quelques François se presenterent à donner l'assault sans commandement:mais ainsi que follement ils estoient allez, follement furent repoussez. Le lendemain de la part de monsieur de Lautrec fut faicte telle batterie, que la breche fut si raisonnable, que la ville fut émportée d'assault, & n'y mourur tant de ceux de dedans que de dehors qu'envi-

Prise de Pavie par montrec pour le Duc Sforce.

ron trois cens hommes:par-ce que ceux de la ville se voyas forcez, se sauverent par dessus le pont, le rompant apres eux afin de n'estre suivis. Le feu fut mis en quelques maisons au milieu de la ville, laquelle fut saccagée: & n'eust esté la diligence dont usa ledit seigneur de Lautrec, ladite ville eust esté mise en cendre, pour la memoire qu'avoient les soldats de la bataille qui avoit esté perdue quatre ans au-paravant. Ayans ledit seigneur de Lautrec sauvé la ville du feu & l'ayant remise és mains du Duc de Milan, vint devers luy le Cardinal Cibo Legat de la part du Pape pour le sommer: à ce que suivant les traittez d'entre le Pape, le Roy, & le Roy entreprise de d'Angleterre il eust à marcher pour mettre l'armée Imperiale hors des terres de l'Eglise, & mettre Rome en libetté. Lautrec. Le Duc Sforce de ce averty, accompagné de grand nombre de gentils-hommes Milannois, vint devers ledit seigneur de Lautrec, le suppliant ne passer outre, que premierement il n'eust mis le reste du Duché hors des mains des Imperiaux, chose (à ce qu'il disoit) aisée à faire : par-ce que desja Antoine de Leve estoit denué d'hommes & d'argent, & la ville de Milan en necessité de vivres : parquoy il seroit contrainct de l'abandonner, ne trouvant lieu seur pour sa retraitte.

monsieur de

Nouvellz

L E seigneur de Lautrec avoit bien la congnoissance que ces remonstrances estoient raisonnables, & mesmes estoit son opinion & intention de ce faire, mais le Legat au contraire le pressoit de passer outre, disant que c'estoit chose aisée à l'armée Venitienne & celle du Duc de parachever ladite conqueste: veu que Antoine de Leve pour toutes cho ses ne tenoit plus que Milan desja demy affamée & l'armée Imperiale ruinée. Parquoy ledit seigneur de Lauttec condescendit aux remonstrances dudit Legat, toutesfois il fut contrainct de faire sejour à Pavie plus qu'il n'esperoit : car encores n'estoient arrivez tous les Lansquenets qui estoient soubs la charge dn Comte de Vaudemont & les Suisses sirent refus d'entreprendre le voyage de Rome. Estans lesdits Lansquenets arrivez, marcha ledit seigneur de Lautrec à Plaisance (auquel lieu Alfonce Duc de Ferrare se joignit en ligue avecques le Roy) laissant la part Imperiale: & là se traitta le mariage d'Hercules, fils dudit Duc Alfonce de Ferrare, & de madame Renée fille du Roy Loys douziesine, & sœur de la feu Royne de France: lequel mariage sut con-

Alliance arec le Due de Ferrare,

M.D. XXVII

III. LIVRE DES MEMOIRES

sommé au Palais à Paris, peu de temps apres en grande magnificence, & en la salle de sain & Loys se feit le festin. Plusieurs ont citimé, & c'elt mon opinion que si le seigneur de Lautrec eust employé le temps qu'il sejourna à Plaisance & à Boulongne, aisement il euit remis en l'obeissance du Duc Sforce tout le Duché de M. lan, & n'euit laisse à executer son entreprise de Naples: car ayant chaisé de la Lombardic les Imperiaux, il eust esté plus formidable à toute l'Italie, mus je pense qu'il estoit si bien avisé que ce qu'il faisoit estoit à bonne intention, ou par commandement qu'il avoit de son Prince.

mon leur Lawirec.

ANTOINE de Leve voyant les forces de France par-Discours sur zir du Duché de Milan, & n'ayant en grande reputation ny le conseil de l'armée des Venitiens, ny l'armée du Duc qui estoient dede mourées entre le Pau & le Tesin, entreprint d'elargir ses limites, pour plus aisément avoir vivres. Et pour cest esfect, purtant de Milan vint assaillir Biagras, squelle ville il punt sur les ges du Duc Sforce: puis mettat en ordre les batteaux, delibera de faire un pont sur le Tesin pour faire le semblable à Vigeve, Morterre, Novare, & toute l'Omeline: dequoy monsieur de Lautrec qui esto t à Plaisance averty, depescha le Conte Petre de Navarre avecques einq ou six mille hommes de pied François, & quelque gendarmerie, lequel à son arrivée reprint ladite ville de Biagras, taillant en pieces ce qu'il trouva dedans: puis la remist entre les mains du Dac de Milan, lequel y meit meilleure garde qu'il n'avoit faict au precedant. L E seigneur de Lautrec ayant executé ladite entrepri-

se, partit de Parme & Plaisance environ le commencemeat de l'hyver mille cinq cens vingt-hui&, & marcha à Bolongne la grasse, passant à Rege: audit lieu de Bolongne du Pape & il trouva le Cardinal Cibo Legat & gouverneur de ladite de sa rançon. ville, auquel lieu il hyverna son armée jusques environ le commencement de Fevrier. Ce-pendant qu'il sejourna à Bologne, les Imperiaux voyans la bonne fortune dudit seigneur de Lautrec, craignans perdre leur butin, meirent le Pape à rançon pour faire le payement de leur

armée, faisans entendre qu'ils avoient commandement de l'Empereur de le mettre en pure liberté:mais que pour contenter leur armée, ils estoient contraincts encores que ce ne

Deliverance

fust le vouloir dudit Empereur, d'avoir argent de luy, craignans que les soldats estans mutinez ne feissent offence à sa personne. Mais à vray dire ils avoient doubte qu'arrivant le seigneur de Lautrec, ils fussent contraincts de le mettre en liberté, car ils l'avoient mis à une somme si deraisonnable qu'il n'avoit le moyen de la payer: parquoy ils le meirent en une rigoureuse garde, encores qu'il eust baillé hostages. En fin il trouva moyen de tromper ses gardes, & montat fur un genet d'Espagne se sauva au chasteau d'Orviere, mais les hostages depuis payerent sa rançon. Partant de Bolongne le seigneur de Lautrec prit le chemin de Rimin, & de là à Ançone & à Recanate, auquel Jieu (par-ce que c'estoit du patrimoine de l'Eglise) il sut tresbien receu: car les Imperiaux le sentans approcher avoient abandonné toute la Romagne & s'estoient retirez au Royaume de Naples. Audit lieu de Recanate sejourna le seigneur de Lautrec quelques jours, pour refreschir son armée, partant de ce lieu, dressa so chemin par Pezaro & autres villes du Duché d'urbin: de là entra en l'Abrusse païs de petite montagnes fort fertille & plantureux de vins, bleds, & huilles & alla loger à Lenzane, Puis suivant le bord de la mer Adriatique, s'en alla loger au Marquisat du Guast: au partir du Guast, l'armée entra au pais de l'Aquille, auquel lieu feit telle tempeste de temps, que (encores que les soldats fussent frais & reposez) si en mourut il plus de trois cens tant de pied que de cheval, pour la tourmente & les froidures qui feirent. Partant dudit lieu, l'armée tira le chemin de l'Apouille, par-ce que le seigneur de Lautrec vouloit lever la douane des foires qui sont cent mille Ducats, pour luy servi rau payement de son armée, ce qu'il feit:oudit pais de l'Apouille estoit le haras de l'Empereur, duquel les chevaux furent distribuez par les compagnies.

A u mesme temps estant encores en l'Apouille, fut averty que Philebert de Challon Prince d'Aurenge, lequel des deux ardepuis la mort de feu monsieur de Bourbon estoit de-mées. mouré lieutenant de l'Empereur en son armée, marchoit avec ladite armée pour luy empescher le chemin, apres lequel avertissement, il s'en alla loger à Luceria avecques l'infanterie Françoise, & seulement les gentils-hommes, lesquels estoient venus pour leur plaisir pour

veoir la guerre, & le reste de l'armée les envoya loger à Fogge, distant dudit lieu de Luceria de quatre ou cinq mille, Estant l'armée ainsi divisée, l'ennemy se vint caper à Troye sur le chemin de nostre armée. Le seigneur de Lautrec voyant l'ennemy si pres, manda à la gendarmerie qui estoit logée à Fogge de se venir joindre avec luy, dequoy l'ennemy adverty, sortit de son camp avecques toute sa cavallerie, pensant empescher ladite gendarmerie de se joindre avec le reste de nostredite armée: mais voyant nostre gendarmerie marcher en bonne ordonnance l'armet en teste, & la lance sur la cuisse deliberez de combatre, se retira en son sort, sans mesmes oser leur dresser l'escarmouche: parquoy nostre gendarmerie sans empeschement vint à Luceria trouver mondarmerie sans empeschement vint à Luceria trouver mondares de la capetal de

dit-seigneur de Lautrec.

L E seigneur de Lautrec ayant assemblé son armée, & sçachant l'ennemy estre campé audit lieu de Troye, partit de Luceria avec toutes ses forces pour l'aller combattre: l'ennemy de sa part sortit de son camp pour venir au devant de luy, mais il n'approcha de trop pres, si est-ce qu'il s'y feit de belles escarmouches deux jours durant. Le seigneur de Lautrec ne feit que deux lieues pour jour, dont le deuxiesme jour passa un canal pour lors estans sans eau, mais fort profond, & vint loger son camp pres du pied de la motagne là où estoit l'ennemy, & pres de la ville de Troye: lequel logis ne se feit sans y avoir de belles & braves escarmouches, où un chascun feit son devoir tant d'un costé que d'autre. Le lendemain qui estoit le premier samedy de Quaresme, l'armée de France marcha en ordre de bataille toute preste à combatre, & monta la montagne, laissant l'ennemy à main gauche, pour trouver moyen de le tirer hors de son fort, mais jamais il n'en voulut desloger: parquoy nostre armée tourna la teste vers l'ennemy, marchant nostre artillerie la bouche devant, sçavoir est douze canons, fix bastardes, & fix movennes. Les enseignes d'Allemans desquels estoit general le Comte de Vaudemont, qui pouvoient estre jusques au nombre de huict mille hommes, & le nombre de trois mille Suisses desquels estoit colonnel monsieur le Comte de Tende (qui estoient les vieilles bandes qui depuis deux ans estoient en campagne avecques le Marquis de Sallusses) les enseignes de trois mille hommes de pied François, desquels estoit colonnel le

seigneur de Burie: quatre mille Gascons de squels essoit colonnel le Comte Petre de Navarre, & le seigneur de Candalle a vecques luy, & les enseignes de dix mille Italiens. Et marcherent les colonnels desdites trouppes chacun à la teste de leur bataillon.

OR est-il que l'avantgarde, bataille & arrieregarde marchoient tout d'un front, seulement y avoit distance entre deux bataillons de deux cens pas, & marcherent avec la plus grande volonté de combatre que gens qu'on eust veu de nostre vivant: de sorte qu'il y a grande apparence que si ce jour on eust combattu (veu la volonté des hommes) la victoire eust esté pour les François. Sur les aisles de chacun bataillon y avoit une trouppe de gendarmerie pour les soustenir: à l'aisse droicte des Suisses estoit ordonnée la copagnie de cent hommes d'armes du Duc d'Albanie, conduitte par le seigneur de Moriac son lieutenant, & le seigneur de Pomperant avec cinquante hommes d'armes dont il estoit capitaine. L'escarmouche se dressa sur lesdites compagnies, pendant laquelle apres que noz Suisses eurent (comme ils ont accoustumé) baisé la terre esperans combatre, & que tous ceux de l'armée d'une voix crioient bataille, mondit-seigneur de Lautrec feit tourner son attillerie sur le costau d'une montagne, & la feit tirer sur l'ennemy. Les escarmouches estoient fort meslées, mais chacun fut contrainct de se retirer de son costé, pensans jouer le gros jeu, & y perdirent les Imperiaux de leurs hommes, mais peu: sur les bataillons qui marchoient apres l'artillerie, descendit jusques au nombre de trois cens chevaux des ennemis: quoy voyant mondit-seigneur de Lautrec, luy en personne, l'armet en teste l'espée au poing, vint commander aux seigneurs de Moriac & de Pomperant d'aller charger ceste trouppe d'ennemis, ce que soudain sut executé. A ladite charge se trouverent les seigneurs de Tournon avecques leurs hommes d'armes, aussi feit la jeunesse Fraçoise qui y estoit venue pour son plaisir, tels que le seigneur de Bonniver, de Iarnac, le Baron de Conty, Chasteigneraye, Cornillon, & autres jusques au nombre de trente ou quarante: la charge fut si vigoureusement faicte, que tous les ennemis qui estoient sortis furent deffaicts, & les enseignes & les guidons gaignez.

C E-pendant que ladite charge se feit, monsieur de Lau-

trec logea son armée vis à vis de l'ennemy, sur une platte montagne; où y avoit une vallée entre luy & l'armée de l'ennemy allez ample: auquel lieu estant campé; se feirent ordinairement de belles elcarmousches, charges, prinses, & recourses. Le lendemain que le camp de France sut logé; fut dit audit seigneur de Lautrec que si le jour precedant il eust combatu, il estoit apparant qu'il cust gaigné la bataille: à quoy il feit response, je ne pouvoy donner la bataille sans y perdre beaucoup de gés de bien, mais je les auray la corde au col. L'armée fut audit lieu huict jours, durant lequel temps se leva une tempeste de vents telle & si impetueuse, qu'il ne demoura pavillon ny tente debout, & y feit une telle froidure, & le temps si contraire, qu'il y mourut grand nobre d'hommes devant que partir de là. Aussi une des occasions qui meur monsseur de Lautrec de ne donner la bataille le jour qu'il la presenta, sut qu'il attendoit le seigneur Horace Baglion qui amenoit treze enscignes de gés de pied des plus agguerris d'Italie, qui estoient les bandes noires qui avoient esté de longue main soubs la charge du seigneur Jean de Medicis.

Mauvais confeil de monfieur de Lautrec.

V N vendredy au foir arriva ledit Horace Baglion avecques ses bandes, dequoy l'ennemy estant adverty, la nuict d'entre ledit vendredy & le samedy, meit toutes les campanes des mullers dans les coffres, & sans sonner trompettes ny tabourin deslogea, prenant le chemin des bois droict à Naples : dequoy le seigneur de Lautrec adverty, envoya quelque compagnie de gendarmerie, & quelque trouppe de chevaux legers à leur suitte, qui en deffirent quelques uns demeurez sur la queue, mais bien peu. Plusieurs capitaines François furent d'advis que mondir-seigneur de Lautrec devoit suivre le Prince d'Aurenge, & s'il l'eust faict, il estoit apparant qu'il l'eust deffaict : car arrivant ledit Prince à Naples, Dom Hugues de Montcade, lequel pour lors estoit Vice-Roy de Naples, & autres principaux serviteurs de l'Empereur avoient ledit Prince d'Aurenge en telle haine, que les portes de Naples luy eusent esté fermées. Et arrivant nostre armée sur ces disputes, elle cust separé la querelle:mais Dieu le voulut autrement,& ne voulut que mondit-seigneur de Lautrec print le meilleur avis. Beaucoup de gens eurent opinion que le Comte Petre de Navarre luy donna ce conseil, qui estoit homme

qui avoit esté nourry au païs, disant qu'ayant pris le reste du Royaume, il auroit la ville la corde au col: mais il avint le contraire de son dessein, car il leur donna loisir de se

pourveoir & de mettre ordre à leurs affaires.

LE lendemain que le Prince d'Aurenge sut deslogé de Troye, le seigneur de Lautrec depescha le seigneur Petre de Navarre avec bon nombre de gens de pied François, & les bandes noires, & bon nombre de gendarmerie avec une bande d'artillerie bien pourveue de munitions pour aller devant Melphe, & la mettre en l'obeissance du Roy, à ce que noître camp estant devant Naples, le Prince de Melphe, qui avoit jusques au nombre de trois mille hommes de pied, & une bonne trouppe de cavallerie, ne répist les vivres à nostre armée, faisant souvent des saillies. Arrivé qu'il fut devant Melphe, meit son artillerie en batterie, où apres avoir battu deux jours, fut doné un assault auquel furent repoussez les soldats de la Toscane, encores qu'ils feissent fort bien leur devoir: mais le second donné par les Guascons, la ville sut forcée, non sans grand perre, pour la resistance que feirent ceux de dedans. Les François animez de la pette de leurs compagnons, l'ayant forcée, y feirent un grand carnage: car de compte faict il y mourut tant de gens de guerre que des habitans de la ville, jusques au nombre de six à sept mille personnes, dont de gens de guerre y avoit environ trois mille, & fur pris ledit Prince de Melphe prisonnier en combatant les armes au Melphe & poing: aussi fut prise sa semme & ses enfans qui s'estoient du Frince. retirez dans le chasteau. Estant le siege devant Melphe, le seigneur de Lautrec envoya une trouppe de gendarmerie & de gens de pied pour prendre Venouze, lesquels estans arrivez audit lieu, apres avoir dresse quelques eschelles contre les murailles, ceux de la ville estans surpris, l'abandonnerent, & se retirerent dedans le chasteau, qui estoit une tresforte place: mais quelques jours apres n'ayans esperance de secours se rendirent eux & le chasteau par composition. Ladite place de Venouze estoit celle que le capitaine Loys d'Ast, du temps du Roy Loys douziesme, garda un an apres que tous les François furent hors de Royaume de Naples, contre toute l'armée du Roy d'Arragon: & au bout d'un an s'en revint en France par compositionarmer en te-Ite & enseignes desployées.

Prise de

LE sac de Melphe parachevé, le seigneur de Lautrec passant son armée par le pais de Labour, arrivat devat Naples le premier jour de May, mille cinq cens vingt-neuf: auquel lieu estant arrivé se logea à Pohge-Real, & la pluspart de toutes les villes & places du Royaume se meirent en son obeissance, au nom du Roy, hors mis le chasteau de Manfredoine, assis sur la mer Adriatique, tirant à S. Nicolas de Barri, & Gajette. D'aucuns cognoissans la nature du pais, ne furet d'advis qu'il logeast son armée à Pogge-Real d'autant que venans les chaleurs l'air y est incontinant infecté, pour les eaues qui n'y sont salubres: mais le seigneur Petre de Navarre l'asseuroit que devant que lesdictes chaleurs vinssent la ville seroit affamée, d'où vint la principalle ruine de nostre armée. Estant logé le camp devant Naples, se feit une entreprise de quarante hommes d'armes estans de la compagnie du Duc d'Albanie & du Comte de Vaudemont, conduits par le seigneur de Gruffy sur la ville & chasteau de Vic, laquelle pour la diligence qu'ils feirent ils surprindrent, de sorte qu'ils prindrent & ville & chasteau: où fut trouvé du butin inestimable, tant de vaisselle d'or & d'argent, que d'autres riches meubles : de sorte qu'il y eur environ douze cens escus pour homme d'armes, de ce qui vint au burin. Vous poutrez estimer quels autres Siege de Na- biens il y pouvoit avoir qui ne vindrent à cognoissance, mesmes y fut pris le séel de l'Empereur. Estant nostre camp logé & assis devant Naples, sur faict un fort dedans les marais de la Magdalene, pres de Naples, qui fut nomé le fort des Basquest par-ce qu'il fut commis à la garde de deux capitaines Basques, sçavoir est du capitaine Martin le Basque, & du capitaine Raymonnet, qui estoient deux vaillans capitaines avans des soldats de mesmes, comme ils monstrerent ainsi qu'entendrez par cy apres. Aussi sut entrepris pres S. Marrin un autre fort par le seigneur Petre de Navarre plus grad que le precedant pour y loger bon nobre d'hommes & garder que les assiegez n'y feissent saillies sur les che vaux d'u camp, pour les surprendre à l'abrevoir, où il y eut grand combat, pour une sortie que seirent les Imperiaux pour empelcher ladicte fortification: mais en fin eltans re-

> poussez jusques dedans les barrieres, fut ledit fort parachevé, & y fut mis pour la garde le seigneur de Burie avec la charge de gens de Pied François aufquels il commandoit,

Sac de Vic.

ples.

& le Baron de Grandmont avec des Guascons: aucuns le nommerent le fort de Guascongne, autres le fort de France. Lequel fort seit beaucoup d'ennuy à ceux de la ville, pour les entreprises qu'ordinairement saisoient lesdits seigneurs de Burie & de Grandmont sur eux: & entre autres sen feit une pres Nostre-Dame de Pié-de-Grotte, où le seigneur de Bonnivet jeune gentilhomme & vaillant, apres avoir fort bien saict son devoir, sut blessé de sorte que les entrailles luy sortirent du corps: toutes sois sut porte à Venouze, & sut guerie sa playe, mais depuis il mourut par máladie.

L A veille de la Penthecouste subsequéte, les ennemis pe- Entreprise sans surpredre le fort des Basques, lequel les tenoit de pres, sur nostre partirent de la ville sept ou huict cens hommes pour leur fort. donner une camisade: environ minuict le guet du fort qui estoit vigilant entre-vit quelque blancheur, parquoy la mo strans l'un à l'autre sans faire bruit estimoiet que ce fussent moutons couchez là aupres: tant que l'un ayat la veue plus certaine que les autres, jugea que c'estoient gens de guerre couchez sur le ventre avecques des chemises blanches pour les surprendre. À cause dequoy ils avertirent leurs capitaines, lesquels sans faire alarme de main en main le feirent entendre à leurs soldats, & les feirent mettre chacun en deffence, preparez de recevoir leur ennemy: puis estans les capitaines sur une platte forme, apres avoir mis quelques fauconneaux aux lieux dont ils se pouvoient ayder, deman derent, Qui va là? &, Qui vive? mais l'ennemy sans faire response, donna de la teste de furie droict aux rempars, lesquels n'estoient gueres haults, de telle hardiesse que lesdits ennemis monte rent jusques sur le hault du fort: mais ainsi que furieusement ils monterent, ils furent recueillis de ceux de dedans en telle asseurance, que tout ce qui monta fut tué,& ceux aussi qui s'efforcerent de ce faire. Et y mourus des assaillans de compte faict deux cens cinquante, & y furent blessez de la part de dedans les deux capitaines, sçavoir est le capitaine Martin dequoy il mourut peu de jours apres; & le capitaine Raymonnet d'une arcbouzade à travers du genoil, dont il fut contrainct pour ne se pouvoir tenir debout, long temps combatre fur un genoil: & telle fut l'issue de ladite entreprise. Peu de jours apres le seigneur Horace Baglion, chef des enseignes noires, ayant faict entreprise d'aller chercher les ennemis entre ledit fort & la Magdalene, les ayant trouvez les chargea de telle vigueur, qu'il les remit dedans la ville: mais mal suivy de ses hommes, sut tué à coups d'hallebarde sur sa retraitte sans estre cogneu, qui sut grand dommage. Sa charge sut donnée au Comte Hugues de Pepolo Bolonois duquel a esté parlé en plusieurs endroits de ces Memoires.

Combat sur mer devant Naples.

Durant ledit temps, le Comte Philippin d'Orie, nepveu du seigneur André d'Orie, estoit avec huich galleres pres de Naples : le seigneur Dom Hugues de Monteade Vice-Roy de Naples estant dedans la ville adverty que les soldats desdites galleres ordinairement sen alloient au camp, de sorte que lesdites galleres le 'plus souvent demouroient sans grande garde, feit armer six galleres qui estoiet. au port de Naples pour aller surprendre les huict galleres de Philippin. Le seigneur de Lautrec par ses espies estant adverty de l'entreprise, envoya le faire entendre audit Philippin, & quand & quand secrettement & sans bruit luy envoya iiij.cens arcbouziers eleus, conduits par le seigneur du Croq Gascon, pour recueillir la furie de l'ennemy. Dom Hugues de Montcade n'estant adverty du renfort venu dans lesdites galleres, partit du port de Naples avecques les six galleres qu'il avoit equippées de tous gens eleus, & entre autres du Marquis du Guast, du seigneur de Ris Bourguignon, pour ceste heure sommelier du corps de l'Empereur, & plusieurs autres gros personnages, & feit voi le droict à noz galleres sans les marchander: mais ainsi que gaillardement les avoient assaillies, ils furent receus. de premiere abordée les galleres Françoises en mirent deux des leur en fond à coups de canon, les autres furent investies, & furent combattues main à main, & pied à pied: tellement que ce combat tant furieux dura l'espace d'heure & demie, avecques grande perte d'homnies tant d'un costé que d'autre: de sorte que des Imperiaux n'en reschap-Et entre autres y mourut Dom Hugues pa que bien peu. de Montcade Vice-roy de Naples, & fut prisonnier le Marquis du Guast, le seigneur de Ris, Ascagne Colone, le beau Vauldré, & plusieurs autres gros personnages: des quatre cens arcbouziers François n'en rechappa que soixante, qu'ils ne fussent morts ou grandemet blessez. Ceste victoire obtenue, deux de leurs galleres qui n'avoient point esté mises en fond, à l'arrivée furent prises, les deux autres s'estans sauvées à la fuitte se rendirent à Naples: de l'une desquelles galleres le Prince d'Aurenge feit pendre le patron dequoy l'autre ayant la cognoissance, s'en alla rendre au Côte Phi-

lippin d'Orie.

LE seigneur de Lautrec adverty de ladicte victoire, ma- Cause du ren da que lon envoyast en France les prisonniers, ce qui fut voltement faict, & furent baillez à Philippin d'Orie avec ij . galleres d' André pour les conduire : mais passant à Genes le seigneur André d'Orie. d'Orie les retint, mettant en avant que le Roy ne luy avoit satisfaict de la rançon du Prince d'Aurenge qu'il avoit pris prisonnier à Porte-fin, durant que le Roy estoit au siege de vant Pavic: dont depuis advint la ruine de nostre armée de-Naples ; par-ce que ce fut le motif de la revolte d'André d'Orie, & le Marquis du Guast estant son prisonnier, le pra tiqua pour l'attirer au service de l'Empereur.

OR ay-ie laissé à vous dire que peu apres la depesche de Armée de monsieur de Lautrec pour aller à Naples, le Roy pareille- mer pour alment avoit depesché une armée de mer pour aller en Sici-ler en Sicile

le, soubs esperance des pratiques & intelligences que di- pour le Roy.

soit avoir un Sicilien nommé Cesar Imperador, & autres Siciliens de sa faction: cuidant par ce moyen divertir les forces Imperiales du royaume de Naples, ou bien s'investir de l'Îste de Sicile. De ladicte armée le Roy avoit faict son lieutenant general le seigneur Rence de Cere, & le seigneur André d'Orie Amiral de l'armée de mer, esperant qu'au temps que monsseur de Lautrec arriveroit devant Na ples, ladite armée de mer arriveroit en Sicile: chose qui fut tresbien pourveue, si Dieu eust permis qu'elle fust venue à execution. Mais l'armée estant partie des havres de la Tuscane, fut surprise d'une tourmente telle, qu'elle fut contrain cte de prendre la volte de Corsegue, & pour avoir vivres prindrent le train de Sardaigne, où ils prindrent terre. Auquel lieu ayans mis leurs hômes en terre, le Vice-roy de Sar daigne pour l'Empereur vint rencontrer nostre armée qui n'estoit que de deux à trois mille homes, & luy estoit accopagné de iiij. à v. mille hommes de pied, & de trois à quatre cens chevaux, ce nonobstant noz gens les rompirent: & de la mesme surie emporteret la ville de Sassari d'assault au quel cobat fut tué des nostres le seigneur Jacques du Bellay colonel de ij.mille homes de pied. Apres laquelle executio

la peste se meist dans seur armée, pour les vivres qu'ils y trouverent en abondance, attendu la grande necessité que les soldats avoient enduré, & venus à en avoir largesse, tôberent en sievres qui se tournerent en peste. Aussi se meit quelque division entre le seigneur Rence & le seigneur An dré d'Orie, pour lesquelles deux occasions ils surent contraincts de se rembarquer & se retirer à Genes, ayans consu mé les vivres qu'ils avoient pour leur voyage de Sicile. Et eux arrivez à Genes sut envoyé le Comte Philippin avec les huict galleres qui combaturent devant Genes, ainsi que dessus a esté dict.

Plus ample discours sur le revoltemét d'André d'Orie.

Pour vous faire entendre les occasions de la revolte d'André d'Orie, avecques les praticques que je vous ay dit du Marquis du Guast, dequoy depuis arriva l'entiere ruine de nostre armée de Naples: car sans le secours d'André d'O rie la ville de Naples n'eust eu le moyen d'estre secourue de vivres, ayans (comme j'ay dit) perdu leur armée de mer, chose qui les amenoit la corde au col. Apres que ledit seigneur de Lautrec eut remis en l'obeissance du Roy la ville de Genes, le Roy par le conseil d'aucuns delibera de fortifier Savonne, & y faire le port, qui eust esté l'entiere ruine de Genes: & dés l'heure transporta à Savonne le commerce de la marchandise, & principallement la gabelle du sel qui estoit à Genes, esperant que par ce moyen il tiendroit les Genevois en plus grande obcissance, mais ce fut bien le cótraire: car eux desesperez de ladite novalité, laquelle à la logue seroit la ruine de leur ville, les principaux citadins vindrent devers André d'Orie, & luy remonstrerent qu'il estoit en son pouvoir de remettre sa patrie en sa premiere liberté, chose qu'il ne devoit differer estant amateur du pais: ausquels ledit André d'Orie feit response, Que ce qu'il pourroit faire pour son païs avec son honneur, il le feroit. Or sus ces malcontentements, advint l'occasion cy dessu! ditte des prisonniers qu'il retint : parquoy les ayant entre ses mains, delibera d'envoyer un gentilhomme devers le Roy pour luy supplier de luy faire raison de la rançoi du Prince d'Aurenge, & autres prisonniers prins quand & luy, & pareillement de l'estat de ses galleres qui luy c stoit deu: & que là où le Roy luy en feroit refus, il promit aux Genevois de tenir la main à ce qu'ils fussent remis et liberté.

LE seigneur de Lautrec adverty de ceste pratique par le moyen du seigneur de Langey, depescha ledit Langey devers le Roy, pour luy supplier d'y pourveoir : lequel seigneur de Langey passant à Genes, pour la grande familiarité & habitude qu'il avoit audit André d'Orie, logea en son palais, où il trouva moyen d'entendre la volonté dudit André d'Orie, & y feit telle diligence que ledit d'Orie l'asseura que là où il plairoit au Roy luy faire raison de ses prisonniers, & remettre le trafic de la gabelle du sel à Genes, & autres libertez qu'ils avoient accoustumé d'avoir tant de son temps que des Roys ses predecesseurs, il feroit avecques le peuple que pour seureté de sa foy il livreroit au Roy dou ze galleres entretenues. sur lesquelles le Roy pourroit mettre tels capitaines & soldats que bon luy sembleroit, retenant seulement deux galleres pour la garde du port. Le seigneur de Langey vint en poste à Paris trouver le Roy logé en la maison de Ville-roy: auquel il exposa ce qu'il avoit de charge de la part de monsieur de Lautrec, aussi ce qu'il avoir entendu de l'intention d'André d'Orie, chose qui fut remise au conseil, où les demandes dudit André d'Orie ne furent trouvées raisonnables, & mesmement par le Chancelier du Prat qui avoit grande authorité: & quelques remonstrances que feit ledit seigneur de Langey de l'apparence qu'il y avoit que mal contentant André d'Orie, le hazard estoit tant de la perte de Genes que de la ruine de nostre armée qui estoit devant Naples, au cas que ledit André d'Orie se revoltast : estant le plus fort sur la mer & le plus riche en argent comptant, lequel s'il se voyoit dedaigné, exposeroit tout son bien & sa vie pour s'en ressentir. Mais toutes choses debatues fut conclu de depescher le seigneur de Barbezieux pour aller à Genes se saisir tant des galleres du Roy, que de celles d'André d'Orie le faisant Amiral sur la mer de levant, & destituant André d'Orie, & fil veoit l'occasion, qu'il se saissit de la personne dudit d'Orie.

LES choses n'en furent si secrettement ordonnées que ledit André d'Orie n'en fut adverty, parquoy pour sa seurete se retira sur ses galleres. Le seigneur de Barbezieux arrivé à Genes, alla parler à luy suivant le commandement que le Roy luy en avoit saict: lequel d'Orie seit response qu'il sçavoit bien qu'il avoit charge de se saissir de sa personne &

de ses galleres: mais que quant aux galleres du Roy, il les luy remettroit entre les mains, suivant le commandement que le Roy luy en faisoit, & quant aux siennes, il en feroit à sa volonté. Le Marquis du Guast & autres prisonniers qui estoient entre ses mains, voyans ces troubles, secrettement acheverent leur pratique: de sorte qu'ils eurent promesse de luy d'aller au service de l'Empereur, jouxte le concordat de ce faict & passe entre-eux, promettans le faire ratifier à l'Empereur. Vray est qu'il declara au seigneur de Bar bezieux qu'il n'avoit intention autre, sinon de servir sa patrie mais peu de temps apres s'estant declaré, donna tel refreschissement à ceux qui estoient dedans Naples, que fans son secours on les eust eus la corde au col par famine. Il me souvient qu'en ce temps la venant par les postes d'Italie devers le Roy qui estoit à Paris je rencontray Antoine d'Orie cousin dudit André, au Pont à Gasson pres Montargis, qui alloit en poste à Marseille, qui me dist les nouvelles de la revolte de son cousin, le detestant comme homme qui avoit faict acte d'infamie : mais peu de jours apres j'eu nouvelles comment ledit Antoine d'Orie avoit destrobé les galleres desquelles il avoit la charge du Roy, & qui n'estoient siennes, l'estant rendu au service de l'Empereur.

Quelque sea son armée de Naples.

PENDANT que ces choses se traitroient, le Roy estoit cours du Roy ordinairement solicité par le seigneur de Lautree de luy envoyer secours d'hommes & d'argent: par-ce que s'estant mise la mortalité en son camp, il en avoit beaucoup perdu. Parquoy le Roy avoit ordonné d'y envoyer l'Amiral de Brion, pour y mener le secours par mer & le faire Vice-roy de Naples, d'autant que le seigneur de Lautrec pourchassoit son retour en France, mais les choses se changerent je ne scay pour quelle occasion: car il y envoya le Prince de Navarre, frere du Roy Henry de Navarre, accompagné de peu de gens desquels la pluspart estoient jeunes gentilshommes y allans pour leur plaisir, & pour aquerir honneur. Aussi y fut conduit quelque argent, non en telle somme que monfieur de Lautrec esperoit: lequel Prince de Nayarre arriva à Nole conduit par le seigneur de Barbezieux, mais estant descendu en ladite ville de Nole, 'il se trouva accompagné de si petit nombre de gens qu'il fut contrainct d'envoyer en nostre camp querir escorte pour le conduire : & pour cest effect, mosseur de Lautrec y envoya monsseur de Cadalles,

lequel passant par devant Naples à son retour, conduisant ledit Prince de Navarre, ceux de la ville feirent une sallie sur luy, telle & si gaillarde que nous y perdismes beaucoup de gens: & entre auttes ledit seigneur de Candalles fut fort blessé, & mené prisonnier dedans Naples: mais estant rache té pour un des seur, pris audit combar, mourut de ses blesseu res dés qu'il fut en nostre camp: aussi y fut pris le Comte Hugues de Pepolo, lequel (comme j'ay dit) avoit eu la charge des bandes noires, par la mort du seigneur Horace Baglion, lequel aussi fut racheté pour un Imperial pris des nostres à ladicte faction, qui fut le premier lieu là où depuis dixhuict mois que le leigneur de Lautree estoit party de France, les ennemis avoient combatu en combat esgal: si est-ce qu'estant sorty renfort de nostre camp, les ennemis furent repoussez jusques dans leurs barrieres. Durant ce temps le seigneur Rence de Cere, lequel depuis le retour Le seigneur de Sardaigne l'estoit tous jours tenu avecques l'armée des Rence à Na Venitiens, & du Duc de Milan en Lombardie, fut mandé par le Roy d'aller à Naples pour luy faire service, par-ce qu'il avoit le moyen de ce faire pour avoir la part urfine à son commandement: & à ceste sin ledit seigneur Rence alla à Port-Hercole, auquel lieu il trouva messire Nicolas du Bellay chevalier de Rhodes, lequel avec deux gallions & quelque fuste qu'il avoit, embarqua ledit seigneur Rence & le descendit à Nole en seureté.

ARRIVE qu'il fut en nostre camp, il trouva la mortalité telle que les deux parts de l'armée estoient mortes ou malades: & entre autres de morts le Comte de Vaudemont, le seigneur de Gruffy, & plusieurs autres capitaines, & le au camp de leigneur de Lautrec malade: toutesfois il depescha ledict monsieur de seigneur Rence, pour aller à l'Abrusse lever gens nouveaux Lautrec. pour refreschir nostre armée, deliberant ledit seigneur de Lautrec mourir sur le lieu plustost que se retirer un passaus filuy vivant les ennemis n'entreprindrent jamais d'assaillir nostre camp. Le seigneur Rence avoir charge de prendre ar gent en l'Abrusse pour soldoyer des hommes, mais il trouva des tresoriers qui n'avoient un liard par leur dire: parquoy fut contrainct de se joindre avec le seigneur Neapoli tain fils du feu seigneur Ican Iourdain urfin, qui avoit levé des homes pour le service du Roy à ses despés. Il fut dit que ceux qui avoiet la charge pour le Roy en l'Abrusse avoient

Mortalité

Le Prince de Melphe au Service du Roy.

mangé les deniers, & mesmes la Foucaudiere, auquel le seigneur de Lautrec en avoit donné la charge : aussi estant de retour de Naples il en fut prisonnier, mais par le moyen d'Antoine du Prat Chancelier, il en eschappa. Vous avez ouy cy devant comme le Prince de Melphe avoit esté pris dans sa ville de Melphe faisant bien son devoir, aussi avoient esté pris sa femme & ses enfans : ledict Prince de Melphe avoit en voyé par plusieurs fois devers l'Empereur, le suppliant de le secourir pour payer sa rançon, luy remonstrant la perte qu'il avoit faicte de sa ville & de ses biens pour le service de sa majeste: mais voyant que l'Empereur n'en faisoit compte, fut contrainct de prendre le party du Roy, lequel le meit en liberté avecques sa femme & ses enfans. Parquoy ayant renvoyé à l'Empereur son serment, le seigneur de Lautrec le depescha pour faire levée de quelque nombre d'hommes, tant de pied que de cheval pour aller assieger Gajette, ce qu'il avoit faict & la tenoit de pres. Durant ce temps de jour en autre à la veue de nostre armée de mer, André d'Orie mettoit vivres & refreschissement dedans Naples. LE Roy averty que le Duc de Brunsvich marchoit

& bon nombre de cavallerie, & desja estoit passé le pas de Trente: aussi averty comme Antoine de Léve avoit repris Pavie sur le Duc Sforce, & que les Imperiaux commandoient en toute la campagne, nonobstant l'armée des Venitiens & dudit Duc de Milan, depescha le Comte de S. Pol avecques une armée de cinq cens hommes d'armes & cinq cens chevaux legers, soubs la charge du seigneur de Boisy, & six mille hommes de pied soubs la charge du seigneur de Lorges, & trois ou quatre mille Lansquencts soubs la charge du seigneur de Montejan: & de la gendarmerie y avoit la compagnie dudict Comte de S. Pol de cent hommes d'armes, de monsieur de Chasteaubriant soubs la charge du seigneur de Montejan de cent autres, cent de la compagnie du grand Seneschal de Normandie, de laquelle estoit lieue-

pour secourir Naples avecques douze mille Lansquenets,

te hommes d'armes, & cinquante de monfieur de Boily.

LE Roy feit commandement audict feigneur Comte de S. Pol qu'au cas que ledict Duc de Brunsvich marcheroit à Maples pour la secourir, qu'il se meist à sa queuë, & se vint

nant le seigneur d'Annebault: le seigneur d'Allegre cinquan

Poyage de monsieur de S. Pol en Italie.

joindre avecques monsieur de Lautrec: mais passant les montagnes, ledit Comte de S. Pol eut nouvelles comme ledict Duc de Brunsvich par faute de payement s'estoit retiré en Allemagne avecques ses Lansquenets parquoy il aver tit l'armée drs Venitiens de laquelle estoit general Francisque Marie de la Rouere Duc d'vrbin, pour se venir joindre avecques luy: & en l'attendant meit en son obeissance toutes les places que tenoient les Imperiaux entre le Pau & le Tesin jusques à Pavie, auquel lieu de Pavie se vint joindre l'armée Venitienne: lesquels estans assemblez, conclurent d'assaillir la ville de Pavie, par-ce qu'elle estoit d'importance, pour estre assise au milien du Duché de Milan. Apres laquelle deliberation le Comte de S. Pol l'assiegea d'une part, Siege de mon & le Duc d'urbin d'une autre. Antoine de Leve cuidant don sieur de S. ner faveur aux assiegez se vint camper à Marignan: toutes- Pol devant fois cognoissant qu'il n'estoit suffisant pour nous comba- Pavie. tre,& craignant pour sauver l'un perdre tous les deux, se retira dedans Milan.

LE Comte de S.Pol & le Dvc d'urbin apres avoir faict breche raisonnable, estans en dispute à qui toucheroit de donner l'assaut: car les Venitiens disoient seur appartenir, les François au contraire: en fin fut arresté que les deux chefs jetteroient les dez pour veoir à qui toucheroit le sort d'assaillir le premier, la fortune toucha pour les Venitiens. Le seigneur de Lorges voyant lesdits Venitiens trop longuement temporiser d'executer ce qu'ils avoient gaigné au hazard, l'amusans à escarmoucher de loing à coups d'arcbouzades, se jetta entre-eux & la breche, & donna droict à ladicte breche: de sorte que devant que les Venitiens eussent mis les armes au poing, la ville fut prise d'assault: auquel assault Prise d'asledict seigneur de Lorges montant le premier avoit pris sault de Papres de luy le capitaine Florimond de Chailly & le seigneur vie. de Grandzay pour estre à ses deux costez pour le favoriser

qu'il força la breche. Le seigneur Petre de Birague & Petre de Boutigeres estans chefs dedans la ville se retirerent au chasteau: lesquels deux jours apres se rendirent. DURANT ce temps, environ la fin de Iuillet mille

cinq cens vingt-huict la mortalité se renforça dans nostre

& soustenir là où besoing seroit, lesquels y furent tous deux tuez, aussi fut l'enseigne qui marchoit devant luy, mais soudain trois autres reprindrent leurs places, tellement

Les feigneurs qui moururent de văt Naples.

camp devant Naples, tellement qu'en moins de trente jours de vingt-cinq mille hommes de pied n'é démoura pas quatre mille qui peussent mettre la main aux atmes: & de huict cens hommes d'armes n'en demoura pas cent. Et mesmement y mourut le seigneur de Lautrec, le Comte de Vaudemont, le Prince de Navarre nouvellement arrivé, le seigneur de Tournon & son frere, messire Claude d'estampes seigneur de la Ferté-Nabert, le seigneur de la Val de Dauphiné, le Baron de Grantmont, le seigneur de Gruffy, le seigneur de Moriac, le seigneur de Montdragon capitaine de l'artillerie, le seigneur du Croq, le seigneur de la Chasteigneraye, le seigneur de Candalles, le seigneur de Louppe, le seigneur de Cornillon, le seigneur de la Grutture, le seigneur de Maunourry, le Baron de Buzances, l'aisné Tarnac, le seigneur de Bonniver, le Comte Hugues de Pepolo, le Baron de Conty, le Comte Vuolf, & un infiny nombre d'au tres bons personnages & soldars, & de gentils-hommes qui y estoient allez pour acquerir honneur & sans solde, & une legion d'autres que je laisse, par-ce que ce papier ne sçauroit suffire à les nommer. Si le Roy eust secouru ledict seigneur de Lautrec d'hommes & d'argent ainsi qu'il pouvoit faire, il fust demeuré possesseur du Royaume de Naples: car nostre armée fur ruinée par faute d'estre refreschie.

LE Roy ayant eu les nouvelles de la mort du seigneur de Lautrec, s'il en sut fasché il n'est besoing de le descrire, car vous pouvez estimer quel ennuy luy sut d'avoir perdu un tel personnage, & pour luy faire l'honneur tel qui luy appartenoit, outre les honneurs qu'on a de coustume de faire aux lieutenans de Roy, luy seit faire son service à nostre Dame de Paris, où assisterent tous les Princes du sang en tel dueil que si c'eust esté pour monsieur le Dauphin.

L s feigneur de Lautrec mort, Michel Antoine Marquis de Salusses homme autant courageux, aymé & suivy des gens de guerre que nul autre, print charge de la conduitte de ceste armée ruinée: parquoy ramassant le surplus de ceux qui pouvoient porter les armes, sut conseillé de lever son siege de devant Naples & se retirer à Averse, attendant le secours que pourroit amener le seigneur de Rence de Cere. Sur sa retraitte l'armée Imperiale sortit sur la queuë maisil y meit si bon ordre qu'il se retira avecques

peu de perte de ce qui estoit avecques luy en son avant-gar de. Or ayat laissé le seigneur Petre de Navarre à la bataille, en sorme d'arrieregarde sur ordonné le seigneur de Pompe rant, le seigneur de Negre-Pelisse, & le seigneur Paule Camille Triw lee tous trois capitaines d'hommes d'armes, des ordonnances du Roy, ces deux dernieres trouppes surent rompues par ceux qui sortirent de Naples, & sur mené Petre de Navarre à Naples où il mourut. Estant le Marquis arrivé au lieu de Averse, quand & quand il sut assiegé des ennemis, où apres longue & surieuse batterie, sut blessé d'un esclat poulsé par l'artillerie qui luy rompit le genoil. Parquoy se voyant inutil & sa playe rengreger, chercha moyen de sauver le reste des hommes qui estoient avec luy, & seit la capitulation telle avec le Prince d'Aurenge qui sensuit.

PREMIEREMENT est accordé que le Marquis de Salusses incontinant la presente capitulation signée rendra & mettra és mains du Prince d'Aurenge ou ceux qui par luy seront ordonnez, la cité & chasteau de Averse, que pour ceste heure il ocuppe & detient au nom du Roy, avec toute l'artillerie, munitions, vivres, & autres biens qui sont dedans

la cité & chasteau.

ITEM est accordé que ledit seigneur Marquis comme Lieutenant general du Roy, & le Comte Guy de Rangon demoureront prisonniers dudit seigneur Prince, avec promesse de les bien traitter jusques à ce qu'ils soient en liber-

té ou autrement.

ITEM est accordé que tous les capitaines & gens de guerre qui sont en ladicte cité, tant à cheval qu'à pied, hom mes d'armes, archers, chevaux legers tant François qu'Italiens, Lansquenets, Suisses & autres soldats de quelque nation qu'ils soient estans à ladite ville au service du Roy, doi vent laisser en la puissance dudit seigneur Prince toutes les enseignes, guidons, & banderolles, & toutes leurs armes. Et est accordé par ledit seigneur Prince, que tous les capitaines, lieutenans, enseignes, guidons, gens d'armes, & chevaux legers pourront amener quand & eux trois montures, comme courtaulx, roussinotz, & mulles ainsi qu'ils verront pour le meilleur: sçavoir est l'un des trois, & chaçun capitaine lieutenant ou enseigne de gens de pied, pourront amener un courtault ou mulle.

Capitulation du Marquis de Salusses avec le Prince d'Aurenge. ITEM est accordé que les gens de guerre Italiens ne feront aucun service de six mois prochains venans pour le Roy ny ses alliez, ny autres contre l'Empereur: mais se retireront en leurs maisons, ou bien en autre lieu où bon leur semblera. Et les François, Guascons, Suisses, & autres soldats, gens de guerre, capitaines, enseignes, tat de cheval que de pied estans en ladite cité sen iront en leurs maisons sans

aucunement s'arrester en quelque lieu que ce soit. ITEM est accordé, & ainsi le promet ledit seigneur Mar quis, qu'il fera tout son effort de faire rédre & mettre entre les mains dudit seigneur Prince, ou à ses deputez, toutes les places, & villes fortes, tant du païs de Calabre, de l'Abrusse, qu'autre terre de labour & de l'Apouille: & aussi toutes les terres du Royaume de Naples, qui se trouverot en la puisfance du Roy, celles des Venitiens ou autres alliez, & de remettre tout le Royaume en la puissace dudit Prince, come il estoit alors que le seigneur de Lautrec le vint assaillir. Et Pentend que tous les capitaines & soldats qui sont aux fortes places & provinces jouiront des graces desquelles jouissent ceux qui sont dans ladite cité d'Averse: aussi promet ledit Prince audit Marquis de faire accompagner lesdits capitaines & soldats avecques seureté & bonne sauvegarde, sans leur faire aucune violence ny facherie, jusques aux limites du Royaume, & de là en avant ne sera plus obligé.

LESQUELLES capitulations desdits Princes & Marquis ont promis & promettent sur leur foy observer & garder & n'y point contrevenir en maniere que ce soit: & en verité de ce ont affermé & signé de leurs mains, & faict seeller du seel de leurs armes. Faict au camp Imperial devant Averse le trentiesme jour d'Aoust mille cinq cens

vingt-huict.

L Es choses ainsi passées, le Marquis sur porté das une litiere à Naples, où peu apres il mourut: aussi sut le seigneur Do, & le chevallier Nicolas du Bellay. Ce sut une perte grande de la mort de ce gentil Prince, car c'estoit un autant vertueux Prince qui y ait esté de son téps, & autat aymé des soldats & gens de guerre. Dedans Averse mourut de maladie le seigneur de Pomperant gentil capitaine. Vne partie des nostres qui avoient santé se retirerent à l'Abrusse, pour trouver le seigneur Rence & le Prince de Melphe, lesquels s'estoient joincts ensemble & s'estoienr retirez das Barlette, & autres villes maritimes: lesquelles ils garderent jusques à ce que par le traitté de Cambray elles furent remises entre les mains de l'Empereur. Autres se retirerent le chemin de Rome, desquels peu se retirerent jusques en Frãce; pour la pauvreté qu'ils endurerent par les chemins : autres se retirerent sur noz galleres. Le seigneur de Burie, & le Baron de Grantmont, aussi ceux qui estoient dedans le fort de Basque ayans tousjours gardé leurs fors, quelques jours apres n'ayans espoir de secours, & commençans à avoir faim, capitulerent, de sorte qu'ils sortirent avecques les armes:mais ledit Baron peu de jours apres mourut du travail qu'il avoit porté. Durant tous ces voyages, tant du Marquis de Salusses que de monsseur de Lautrec, q du Cote S. Pol il y avoit bonne patience entre les pais de Picardie, & les bas pais de l'Empereur, & toutes leurs frontieres de pardeça: hors mis quelque roupture qui avint l'hyver d'a pres le partement du leigneur de Lautrec, qui ne dura que sept ou huict mois que tout ne fust rappaisé.

T'A y oublié'à vous dire que le Comte Guy de Rangon estoit sorti au camp Imperial pour parlementer, mais essent fur son partement, ceux de dedans sirent la composition cy devant ditte sans en avertir ledit Comte: parquoy il maintint qu'il n'estoit compris en la capitulatio, & su mis en liberté, par le jugement des capitaines. Le seigneur de Barbezieux apres avoir recueilly ce qu'il en peut charger seit voile, & s'en alla joindre avec les galleres Venitiennes pour aller rencontrer André d'Orie, qui s'estoit jetté en mer pour destrousser les François retournans de Naples. Mais ayans descouvert nostre armée qui estoit joincte à celle des Venitiens, & ne se sentant suffisant pour les combatre se retira pres du chasteau de l'Isse d'Ischie auquel lieu nostre armée le tint assegé deux jours sans l'oser attaquer, pour le lieu avantageux où il estoit, estant dessent

du du chasteau.

Cognoissant le seigneur de Barbezieux & aussi Prise de la le general de l'armée Venitienne que c'estoit temps per-ville de Gedu de cuider combatre ledit André d'Orie, veu le lieu fort nes par où il estoit surgy à la garde de l'artillerie du chasteau, sirent dré d'Orie. voile pour tirer le chemin de France: mais les Venitiens

estans en mer abandonnerent nostre armée, & se retirerent en leurs ports. André d'Orie sentant l'armée separée, feit voille & se meit à la suitte de noz galleres, lesquelles estans arriuées à Genes, & sentans qu'André d'Orie estoit à leur suitte, abandonnerent le port de Genes, & prindrent la routte de Savonne. Mais ils furent suivis de si pres, que la patronne du capitaine Ionas fut investie & prise par les ennemis: & de la mesme entreprise ledit seigneur André d'Orie revolta Genes & s'en seit seigneur & maistre : quelques autres navires où estoit le seigneur de Termes, & le fils aisné du seigneur de Sercu & autres, pensans se retirer à la Calabre furent pris des Turcs. Telle fut la fin de ceste armée tant superbe laquelle xxviij mois durans avoit commandé à toute l'Italie, la Romaigne, & le Royaume de Naples. Et ne pouvant estre vaincue par les hommes, Dieu y mist la main, pour monstrer qu'à luy seul appartient l'honneur. &

la gloire des victoires.

L E s habitans de Capoue deffaillans de leur foy, sçachans que le seigneur Rence de Cere marchoit avecques viij.ou dix enseignes des gens du seigneur Neapolin ursin fils du seigneur Iean Iourdan, pour se mettre dedans Capoue & donner faveur à nostre camp, aussi sçachant la mort du seigneur de Lautrec, adverrirent le seigneur Fabrice Maramao qu'il eust à marcher avecques quelque nobre de gens de pied & de cheval, pour se mettre en embuscade pres la ville, en lieu à propos, & ils mettroient peine de le faire maistre de leur ville, & d'en expusser les François ce qu'il feit. Les Capouans ayans dressé leur trahison, vindrent persuader aux François qu'il estoit besoin de faire une saillie pour mettre le bestial dedans la ville & autres vivres avant que la necessité y vint, & qu'ils avoient moyen de ce faire. Les François voyans qu'il y avoit grande apparence à leur dire, sortirent, mais voulans rentrer trouverent les portes fermées, & que les Capouans avoient mis par l'autre porte le seigneur Fabrice dedans: parquoy chacun regarda à se retirer au lieu qui luy sembla plus à propos pour sa sauveté. Nolle & les autres villes feirent le semblable, car ils meirent les ennemis dedans, voyans la ruine tourner fur nous.

L & Comte de S. Pol averty de la la revolte de Genes, efperant par diligence la pouvoir recouvrer partit du Duché de Milan avecques trois mille hommes de pied, & quel que cavallerie pour les soustenir: & marcha droict à Genes avecques promesses d'aucuns de la luy faire surprendre: mais ayant failly son entreprise & noz gens repoussez de l'assault de la ville fut contrainct de se retirer, par-ce qu'il n'avoit mené artillerie ny porté vivres que pourvingt-quatre heures: puis se voyant estre desja bië avant en l'hyver, & son armée fort travaillée, se retira en Alexandrie pour hyverner. Pendant ce temps le seigneur Theodore Trivulce par faulte de vivres fut contrainct de rendre le chasteau de Genes, fortans luy & ses hommes leurs bagues sauves.

LES Genevois ayas le chasteau entre leurs mains, mar-Redditio du cherent à Savonne, dont estoit gouverneur le commandeur de Morette: laquelle ville peu de jours apres il rendit entre les mains desdicts Genevois non sans en estre fort blasmé, par-ce que le Comte de S. Pol marchoit en toute diligence pour luy donner secours. Estant doncques Prise de Sa-Savonne entre les mains des Genevois raserent la forteresse & gasterent le port, pour avoir meilleur moyen de la tenir en subjection. Le Comte de S. Pol ayant tousjours devant les yeux la perte de Genes, cherchoit tous les moyens à luy possibles de la pouvoir recouvrer : parquoy estant averty que ladite ville estoit mal pourveuë dhommes, & mesmes que le plus du temps le seigneur André d'Orie se tenoit en un sien palais hors la ville, depescha le seigneur de Montejan avecques une trouppe d'hommes pour aller assaillir ladite ville: & ce pendant un capitaine Italien nommé Villecerre avecques une autre trouppe devoit aller surprendre ledict André d'Orie dedans son palais hors la ville: mais ils furent si mal guidez, que le jour les surprint avant que d'arriver audict lieu: à ceste cause ayans failli à l'une & l'autre entreprise, se retirerent sans perte & sans gaing en Alexandrie.

P E v de temps apres, estant venue la Primevére, le Comte S. Pol avecques si peu d'hommes qui luy estoient restez (par-ce que la plus grande part s'estoyent retirez en France pour l'hyver & les maladies) se jetta en campagne, & marcha droict à Morterre: laquelle ville il print de force, & tailla en pieces tout ce qui estoit dedans. Le Comte Philippes Tourniel de ce averty, abandonna Novare, & se retira à Milan, parquoy le Comte de

chasteau de

S. Pol remist en son obeissance ladicte ville & toutes les de-

pendences d'icelle.

LE Duc d'Vrbin adverty que nostre armée estoit en campagne, avecques l'armée Venitienne dont il estoit chef, passa la riviere d'Adde, & se vint joindre à Marignan avecques nostre armée, aussi sirent ceux de la part du Duc Sforce.

Estans les armées assemblées audit lieu de Marignan cognoissans n'estre suffisans pour assaillir Milan: mesmes que la gendarmerie Françoise qui s'estoit retirée l'hyver en France, n'estoit encores de retour, & qu'il estoit entré dedans Milan trois mille Espagnols de renfort, sut conclu que l'armée Venitienne se retireroit à Cassan, l'armée des François à Biagras, & celle du Duc à Pavie, à fin que chacun de son costé mist peine d'empescher de mener vivres en la ville de Milan, laquelle en ce faisant en peu de temps seroit affamée, par-ce qu'à x. mille és environs il n'y avoitrien labouré. Suivant ladite conclusion les Venities se retirerent à Cassan, & le Duc à Pavie & à Vigeve. Mais le Comte de S. Pol ayant tousjours les affaires de Genes en fantasse, changea d'opinion : car laissant le chemin de Biagras, print le chemin de Landriane, qui est à douze mille de Milan, & y arriva le samedy: mais toute la nuict il feit une pluye si extreme, que la riviere qui est fort petite, devint si grosse qu'il n'y eut ordre de faire passer l'artillerie: parquoy on fut contrainct de se journer le Dimenche, auquel jour Antoine de Leve estant averty de ce faict, partit de Milan sur le soir: & avecques toutes ses forces vint planter son armée pres de la nostre devant le jour, sans que noz gens en eussent la cognoissance.

LE Comte Hannibal de Nugolare ayant charge de deux cés chevaux legers, & le capitaine Piton avecques pareille charge avoient esté ordonnez pour recognoistre les chemins venans de Milan, & entendre si de la part de l'ennemy rien se remuoit: les quels trouveret la piste de l'armée Imperiale, mais ils ne suivirent, ny advertirent les nostres: & à ce qu'on dit, par jalousse l'vn de l'autre, prindrent autre chemin qui ne leur estoit commandé. Qui sur la ruine de nostre armée: car le Comte de S. Pol se reposant sur les-dits quatre cens chevaux legiers, n'y avoit autrement pour

veu.

L E lundy matin estant la riviere retirée de sorte qu'o pou voit passer, monsieur de S. Pol feit passer l'artillerie & tout le bagage & carriage pour marcher droict à Pavie, se reposant sur ledit Comte Hannibal & Piton(comme dit est)esti mant le pais estre bié descouvert, mais, sur la fin du passage une piece d'artillerie demoura enbourbée: parquoy mon- Deffaitte de dit-seigneur de S. Pol demoura luy-mesmes avec si peu de monsseur de gendarmerie qu'il avoit, & environ quinze cens Lansque- S. Pol. nets soubs la charge du capitaine Nicolas de Rusticis, dit le Bossu: & comanda d'abatre une maison pour avoir des chevros pour mettre sous le rouage, & faire passer ladite piece. Mais estat embesongné pour cest essect, luy survint un affaire de plus grade importance, car à l'improviste l'arcbouzerie Espagnolle sut sur ses bras: laquelle de prime abordée fut par nostre gendarmerie rembarée dans le bataillon de leurs Allemans: mais se trouvant un ruisseau profond entre les François & Espagnols, leur archouzerie se retira derriere ledit ruisseau, où y avoit vn pas de xxx.ou xl.pieds de large. Les Lansquenets François feirent teste, & de grande furie repousseret ce qui estoit passé le ruisseau: mais arrivez sur le bord furent fort foullez de leur arcbouzerie qui estoit de là le canal, parquoy furent contraincts de se retirer hors du danger desdits archouziers. Le soir precedant avoit esté coclu que le Comte Guy de Rangon ayant charge de l'avantgarde, dés le matin prendroit le chemin de Pavie : ce qu'il fit, de sorte qu'il n'eut cognoissance du combat qu'il ne fust à Pavie en seureté: aussi le Comte Clayde de Rangon avec la trouppe qu'il avoit sur la queuë y fit bien son devoir: Iean Thomas de Galleras, & le castelan de Laude colonels de gens de pied Italiens voyans le cóbat, par autre chemin se retirerent à Pavie, laissans cobatre ceux qui en avoiét envie. Ce téps pendant quelque nombre de cavalerie passa le canal, laquelle leur fut soustenue par si peu de gendarmerie que nous avios: où fut porté par terre messire Iean de Cam bray guidon de môsieur le grand Seneschal de Normadie, & autres sept ou huict avecques luy, & furet pris. Alors noz Allemans furent cottaincts de se retirer vers une cassine tenans bataille avecques monsseur de S. Pol au mieux qu'il leur estoit possible pour la contraincte du lieu: mais tout en un coup leur cavallerie ayat passé le pas avec un gros batail lo d'Allemas, vint charger monsseur de S: Pol de telle furie.

qu'ils luy firent abandonner la cassine: & noz Allemans se voyans investis sans plus d'esperance de combat, se rendirét

aux Allemans Imperiaux pour sauver leur vie:

L E Comte de S. Pol & le seigneur d'Annebault avecques si peu de gendarmerie qui leur resta, commencerent leur retraitte, tous jours tournans visage: mais estás retirez jusques à un quart de mille, trouverent au devant d'eux un canal, le quel le seigneur d'Annebault passa: mais le Comte de S.Pol pour la foiblesse de son cheval demoura dedans, & là tout ce qui estoit demouré avecques luy fut pris ou tué. Et entre autres ledit Comte de S. Pol, le seigneur Iean Hieronyme Castellan nouvellement revenu de Naples, le Comte Clau de de Rangon furent pris & menez en une cassine pres de là où estoit le seigneur Antoine de Léve. Le seigneur d'Annebault avecques si peu de gendarmerie qui avoit passé le canal avecques luy, tourna vers laditte cassine par autre chemin,& donna l'alarme aux Imperiaux, pensant recouvrer ledit Comte de S. Pol:mais voyant qu'il n'y avoit ordre, se retira à Pavie où estoit l'armée du Duc: & le seigneur Antoine se retira à Milan avecques ses prisonniers. Telle fut l'issue de ceste armée.

1530. Traitté de les enfans.

PENDANT que ces affaires se passoient ainsi en Italie, madame Loyse mere du Roy, & madame Marguerite tan-Căbray pour te paternelle de l'Empereur, traitoient ensemble pour faile delivremet re une paix generalle entre les deux majestez: & avoiét tant de Messieurs travaillé pour cest effect, que le jour estoit prins de se trouver elles deux à Cabray, avecques le coseil de l'Empereur& du Roy, estas pour le coscil de l'Empereur le Comte de Lalaing le Baron de Leidkerke & mess. Guil. Hangorart Presi dất d'Artois homme bienadvisé & fort excellet: & au côseil du Roy messire Iean de Rasse seigneur de la Hergerie conseiller & maistre d'Hostel du Roy messire Imbert de Sareu ses conseiller au Parlement de Paris & quelques autres, auquel lieu ils se trouverent environ la fin de May mille cinq cens tréte. Estans docques lesdites Princesses arrivées à Cam bray, avecques tout pouvoir desdites majestez de conclure une paix finalle. Apres avoir esté trois sepmaines ensemble & plusieurs choses debatues tat d'un costé que d'autre, estaquelquesfois les affaires prestes à conclure, autrefois desclperées, en fin fut traitté une paix: par laquelle fut dit que le Roy payeroit pour sa rançon à l'Empereur deux millions

d'or: desquels en seroit fourny douze ces mille escus alors q l'Empereur mettroit les enfans du Roy en Frace en libertés & seroiet baillées pour quatre ces mille escus racheptables dedans un temps, les terres que madame Marie de Luxembourg mere du Duc de Vendosme avoit en Fladres, Artois, Brabant, & Hainault & aussi les terres qu'avoit dedans lesdits pais le Duc de Montpensier cousin germain dudit Duc de Vendosme. Et pour les autres quarte cens mille escus restans desdits deux millions, le Roy devoit aquitter l'Empereur de pareille somme envers le Roy d'Angleterre: car ledit Empereur estoit obligé envers iceluy Roy d'Angleterre de quatre cens mille escus, à cause de prest: pour seurere de laquelle somme l'Empereur estoit tenu de bailler audit Roy la ville de S. Omer & celle d'Aire en gage, chose qu'il n'avoir fournie. Et outre lesdits deux millions de rançon, le Roy devoit acquitter l'Empereur envers ledit Roy d'Angle terre de cinq cens mille escus: enquoy l'Empereur luy estoit redevable pour l'indamnité du mariage d'entre ledit Empe reur, & madame Marie fille dudit Roy d'Angleterre, ayant depuis lesdites obligations pris en mariage la fille de Portugal, & laissé ladite Marie: car passant l'Empereur par Angleterre pour aller en Espagne, apres le trespas de Ferdinand Roy d'Arragon son grand pere, il avoit promis espou ser ladite madame Marie, & au cas de default devoit payer audit Roy d'Angleterre cinq cens mille escus d'indamnité. Et outre par ce que le Roy Dom Philippe pere de l'Empereur passant en Angleterre pour aller en Espagne, avoit engagé au pere du Roy d'Angleterre pour cinquate mille escus; une fleur de lys d'or enrichie de pierreries où y avoit de la vraye croix, venant du bo Duc Philippe de Bourgongne, le Roy la devoit degager & la rendre audit Empereur. Et devoit le Roy quitter la souveraineté de Flandres & Artois, & espouser madame Alconor sœur de l'Empereur: & au cas qu'il en vint enfant masse, il devoit avoir le Duché de Bourgongne: & devoit le Roy quitter à madame Marguerite de Flandres ce qu'il avoit droict de prendre sur la seigneurie de Salins: & devoit le Roy contenter les heririers de feu monsseur de Bourbon de sa succession, encores qu'il l'eust confisquée. Les traittez ainsi conclus, fut pris jour de se trouver au dixiesme de Mars subsequent à Bayonne & à Fontarabie, pour executer le contenu

d'iceux: & quittoit le Roy ce qu'il pretendoit au Duché de Mila, & au Royaume de Naples. Ce qu'il ne pouvoit, par-ce que desja c'estoit chose acquise aux enfans de France, par la succession de madame Claude leur mere fille du Roy Loys douzies me Duc d'Orleas, duquel dependoit ladite succession de Milan, à cause de madame Valentine son ayeulle.

Ces choses ainsi accordées sut envoyé le seigneur de Langey en Angleterre pour traitter avec le Roy d'Angleterre des neuf cens cinquante mille escus: tant pour les quatre cés mille escus, & pour les cinq cens mille de l'indamnité, & des cinquante mille escus pour la fleur de lys dont le Roy estoit tenu d'acquitter l'Empereur envers ledit Roy d'Angleterre: chose qui sut mal-aisée à conduire, pour le mal cotentement qu'avoit le Roy d'Angleterre pour n'avoir esté

appellé ausdits traittez.

OR est-il, qu'alors ledit Roy d'Angleterre vouloit repudier madame Caterine sa femme tante de l'Empereur & fille du Roy d'Espagne: disant (comme il estoit vray) qu'elle avoit premierement espousé son frere aisné, & que le Pa pe ne pouvoit dispenser une féme d'ayoir espousé les deux freres: mais estat empesché par l'Empereur & ses ministres, n'é pouvoit venir à bout. Qui fut cause qu'en fin il se ramo dera du malcotentement qu'il avoit du Roy, esperant que par le moyé dudit seigneur de Langey, qui estoit fort favorisé aux universitez tant de France, Italie, qu'Allemagne, il pourroit obtenir ce qu'il demadoit (ainsi qu'il feit tat à Paris que par les autres universitez de Frace: aussi à Pavie, Padouc, Bologne la grasse, & diverses facultez) qui estoit de fai re declarer par les univerfitez, que le Pape ne le pouvoit dif penser dudit mariage, comme estant de droict divin. Parquoy pour venir à les fins, accorda audit seigneur de Lagey plus que le Roy ne demadoit: car les quatre cens mille escus, qui estoit l'une des principalles sommes des deux millions qu'il failloit bailler comptant, il les presta au Roy à payer à cinq années: les cinq ces mille escus d'indamnité il les dona au Roy: & à son filleul Héry Duc d'Orleans il do na la fleur de lys, qui estoient cinquate mille escus. Les cho ses ainsi accordées, le Roy d'Angleterre envoya quand & le dit seigneur de Langey maistre Briand gétil-homme de sa chabre, lequel apporta avec luy toutes les obligations, quit tances, & autres pieces necessaires, & mesmes ladite fleur de

Liberalité
du Roy de
Mingleterre
envers le
Roy.

lys, pour le tout fournir quand le temps en seroit.

L E Roy estant asseuré du Roy d'Angleterre, au comen cemet du mois de Feyrier sen alla à Blois pour acheminer toutes choses, à ce qu'au dixiesme de Mars lors ensuivant ses deputez se trouvassent à Bayone, pour veus de ce qui leur estoit necessaire: & pour executer les choses traittées & accordées, eleut le seigneur de Montmorency Grand-maistre & Mareschal de France, auquel il avoit toute siance. Lequel ayat pris ceste charge, fachemina à Bordeaulx & à Bayone, luy ayant le Roy donné tout pouvoir de faire & accorder comme s'il y estoit en personne: & avecques luy l'Archevesque de Bourges, qui fut faict Cardinal luy estant à Bayonne,& se noma Cardinal de Tourno, & grand nombre de la noblesse de France: menant ledit seigneur de Montmorency quand & luy les douze ces mille escus que le Roy estoit tenu de livrer coptant. Arrivé qu'il fut à Bordeaux, aussi y arriva maistre Briad en poste, coduit par le seigneur Martin du Bellay frere du seigneur de Langey:par ce qu'iceluy seigneur de Langey estoit demouré pour le faict du Roy d'An gleterre cy devat mentionné, pour veus de tout ce qui estoit necessaire à fournir de la part dudict Roy d'Angleterre.

Au dixiesme de Mars (ainsi qu'il estoit promis) arriva mondit-seigneur le Grand-maistre à Bayonne, aussi feit le Connestable de Castille à Fontarabie, & avecques luy le sei gneur du Prat chevalier de l'ordre de l'Empereur, ayans toute puissance de sa majesté. Estans tous arrivez au lieu or donné, convindrent ensemble pour trouver le moyen de la forme de faire l'eschange de Messieurs les enfans avecques l'argent, en seureté d'une part & d'autre, car chacun se deffioit de son compagnon. En fin toutes choses debatues, fut conclu que les douze cens mille escus en la presence des gens à ce deputez de la part du Connestable de Castille seroient nombrez, & mis en des casses de boys, en chacune casse vingt-cinq mille escus, puis seroient emballées lesdictes casses & scellées des seaulx desdits deputez, & pareillement des deputez de la part de monsseur le Grand-maistre, & seroient lesdits escus tous esprouvez: & pour cest effect estoient venuz les maistres des monnoyes d'Espagne & de France, qui fut chose iongue, de sorte que cela dura pres de iiij.mois. La cause de ce long sejour fut que le Chancelier du Prat(lequel au traitté de Cambray avoit plus l'oreille de

madame la Regente que nul autre) persuadé par quelques gens des monnoyes meit en avant (encores que les deputez de l'Empereur sussent ontents de prendre les escus marchans & ayans cours) pensant faire le proussit du Roy qu'on mist lesdits escus au marc & à la loy: de sorte que les prenant à la loy & sondant lesdits escus, se trouvoit grand interest, si que sinablement pour demourer d'accord, su baillé aux deputez de l'Empereur quarante mille escus d'avantage pour les interests de la loy, sur la somme de douze cens mille escus.

I L y a une riviere venant des montagnes de Navarre, qui vient tomber en la mer passant tout au long des murailles de Fontarabie: laquelle riviere separe la France d'avecques la Biscaye, & y reflotte la mer deux fois le jour : de là l'eau est assise Fontarabie, deçà l'eau y a un village François nommé Andaye. Il fut ordonné qu'à mi-chemin de Fontarable & Andaye il seroit mis un bac pareil de ceux qui servent à passer les chevaux sur les rivieres en France, lequel seroit enfonsé en forme d'un ponton par dessus: & par-ce que ladite riviere quand la mer est retirée est si petite qu'elle se passe aisément à gué, sut ordonné qu'à chacun coing dudit ponton seroit un gros cable, & à chacun cable un ancre: en sorte que reflottant la mer elle leveroit ledit ponton jusques à la hauteur de l'eau, qui tiendroit ferme à cause desdits cables & ancres: & y auroit au milieu dudit ponton une barriere, à ce qu'arrivans les batteaux aux costez, les François passeroient d'un costé de la barriere, & les Espagnols de l'autre: & devoit avoir mondit-seigneur le Grand maistre partant de S. Iean de Luz pour venir audit lieu d'Andaye pour la seureré de son argent, quatre enseignes de gens de pied, & deux cens cheuaux : & le Connestable de Castille de là l'eau pareil nombre pour la garde de Messieurs, & seroit permis à monseigneur le Grand-maistre d'envoyer six gentils-hommes François par tout le pais de Biscaye & de Nauarre, pour cognoistre si aucune assemblée s'y feroit : & devoit avoir pareil nombre le Connestable de Castille en France. Plus fut permis que les François pourroient envoyer librement courriers en Espagne, & ses Espagnols en France: & se devoit faire le passage en la sorte que je vous diray. Il devoit y avoir une barque dedans laquelle seroient mis

Delivrance de messieurs.

les douze cens mille escus & la fleur de lys, avecques les obligations d'Angleterre au costé de devers Andaye: & devoit estre dedans le seigneur de Montmorency Grand-mai stre de France, accompagné de douze genrils-hommes François, chacun la cappe, l'espée & le poingnard sans autres armés, & douze batteliers François tirans la rame: puis devoit avoir une autre barque Françoise à l'embouchement de la mer, & une Espagnolle pour recognoistre chacun de sa part, si rien s'innovoit du costé de la mer : & au dessus de la riviere devers Behaubie & S. Marie, devoit pareillement avoir deux batteaux pour pareille seureté de la venue de la riviere. Puis devoit avoir devant Fontarabic une barque de pareille grandeur que celle où seroient les douze cens mille escus: & dedans ladite barque devoit avoir du fer, à raison de la pesanteur desdits douze cens mille escus, dans laquelle devoient estre messieurs les enfans, & le Connestable de Castille avecques douze gentils-hommes Espagnols, ayans l'espée & le poingnard, & douze batte liers Espagnols aussi tirans la rame. Puis devoit avoir autres deux batteaux, en l'un desquels devoit avoir six gentilshom mes François & deux Espagnols, conduits par six batteliers François: lesquels gentils-hommes auroient la charge qu'à l'embarquement de devers Fontarabie ils iroient visiter si les Espagnols auroient autres armes que celles qui avoient esté ordonnées, ou autre plus grand nombre de hommes: & pareillement autre batteau auquel estoient six gentils-hommes Espagnols & deux François, faisans pareil esfect de nostre costé. Puis devoit estre la Royne Aleonor en une autre barque sur la main droicte de messieurs les enfans, accompagné du Cardinal de Tournon, & de dix gentils-hommes François, & le seigneur du Prat avecques dix Espagnols: & en une autre barque joignante seroient les dames de ladite Royne: puis y devoit avoir deux gallions François, & deux Espagnols en mer, dont les François devoient estre du costé saince Sebastien en Biscaye, & les Espagnols devers sainct Iean de Luz & Bayonne, pour veoir si de costé ou d'autre viendroient quelques autres navires: & les batteliers qui conduiroient la Royne ne devoient voguer sinon à mesure que Messieurs vogueroient. Et devoit estre toute l'artillerie de Fontarabie demourée: & pour cest effect devoit avoir deux genttls-hommes François dedans ladite ville.

Les choses ainsi conclues vint le jour que se devoit faire ledit eschange (qui fut environ la sin de Iuing ou le commencement de Iuillet.) monsieur le Grand-maistre partit de S. Iean de Luz, qui est à deux lieues de Fontarabie, avec xxxij.mullets portans xij.cens xl.mille escus en casses; car il y avoit quarante mille escus pour la tare de l'or, outre lesdits douze cens mille escus dont j'ay parlé: & partit ledit Grad-maistre des minuict pour arriver à Andaye au poinct du jour, par-ce que la marée estoit du matin. Partant de S. Iean de Luz, iceluy Grand-maistre envoya un gentilhomme à Fontarabie advertir le Connestable de Castille de son departement, à ce qu'il se rint prest de sa part : mais arrivé que fut le gentil homme à Fontarable trouvant encores le chasteau fermé, & le Connestable de Castille au lict, se retira au logis du seigneur du Prat qui n'estoit encores levé, auquel il dist l'occasion qui l'avoit là mené. Et ne trouvant moyen de parler audit Connestable, qu'il vouloit bien l'ad vertir qu'il cust à se preparer de sa part, comme avoit faict monsieur le Grand-maistre de la sienne : mais ledit du Prat feit response, Que s'ils n'estoiet venus pour autre effect que pour avoir messieurs les enfans, ils s'en pouvoient bien retourner: car ils n'estoient deliberez de les rendre, par-ce que nous avions rompu le traitté (à ce qu'il disoit) pour avoir arresté un courrier à Bayonne: & que desja Messieurs qui estoient à la Rauterie avoient esté faicts retourner à Renary quatre lieues en arriere. Le gentilhomme retournant deyers mondit-seigneur le Grand-maistre, le trouva à mi-che min de S. Iean de Luz & de Fontarabie, & luy feit entendre la depesche qu'il avoit eu dudit seigneur du Prat. Nonobstant ledit rapport, il delibera de marcher jusques sur la greve, pour se mettre en son devoir: auquel lieu arrivé qu'il fur, appella les deputez de la part du Connestable de Castille, seur demandant sils estoient satisfaicts des choses qui estoient promises par le traitté. Les dits deputez firent response, qu'ils se renoient satisfaicts, & qu'en tous lieux ils en porteroient telmoignage.

Le un response ouye, monsieur le Grand-maistre depescha le seigneur de la Guische, par-ce qu'il parloit Espagnol, lequel estoit gentilhomme de la chambre du Roy, auquel il commanda d'aller à Fontarabie, & declarer de la part dudit Grand-maistre au Connestable de Castille, comme il estoit là arrivé pour fournir à tous les articles contenus és traittez qu'ils avoient faicts ensemble: & qu'il le sommoit de sa part faire son devoir, autrement s'il y faifoit faulte, il estoit deliberé de l'appeller en lieu qu'il luy feroit confesser avoir failly de sa foy. Mais à l'heure se trouva un des deputez dudit Connestable de Castille commandeur de S. Iacques, lequel pria mondir-seigneur le Grandmaistre de luy permettre aller à Fontarable parler audit Connestable, l'asseurant qu'ayant parlé à luy, il n'auroit besoing de luy faire tel mandement : ce que par ledit Grandmaistre, de l'opinion des capitaines & gentils-hommes y estans, luy fut accordé. Parquoy ledit commandeur s'estant embarqué, feir telle diligence qu'à son retour il asseura monsieur le Grand-maistre, que devant que la marée fust basse, messieurs les enfans de France se trouveroient sur le bord de la greve devers Fontarabie, pour executer les choses promises entre-eux deux: & que dedans une heure elles se pourroient parachever. Sur la parole duquel, monsieur le Grand-maistre feit descharger les mullets, & preparer toutes choses pour faire le passage: puis environ trois heures apres midy, Messieurs arriverent sur la greve devers Fontarabie. Alors chacun se prepara selon l'ordonnance que j'ay dit par cy devant : de sorte que le batteau où estoient Messieurs, arrivé qu'il sut au ponton, s'acrocha de plat contre ledit ponton, & celuy où estoit l'argent à l'autre costé, acro chans lesdits batteaux par les deux bout au ponton. Puis estans deux gentils-hommes sur ledit ponton, l'un François, l'autre Espagnol, l'un du costé de la barriere, l'autre de l'autre(& estoit le François le seigneur de S. Pey Basque) l'Espa gnol appella le Connestable de Gastille, le Fraçois le Gradmaistre de France: lesquels ayans chacun deux batteliers, passerent, scavoir est le Grand-maistre dedans la barque de Messieurs, & le Connestable dedans la barque de l'argent: puis consecutivement jusques à ce que tous les François furent dedans ladire barque où estoient Messieurs, & tous les Espagnols dedans celle où estoit l'argent. Ce faict, chacun feit force de gaigner sa rive:mais ne sceurent faire si grande diligence, que quand monsseur le Daulphin, mosseur d'Orleans & la Royne Aleonor arriverent à S. Ican de Luz, il ne fut nuict,

Mariage du

Roy Fran-

çois avec la

Royne A-

leonor.

C E faict, le seigneur de Montpesat sut depesché en poste pour en avertir le Roy qui estoit à Bordeaux. Vous pouvez penser l'aise que receut le pere de voir ses enfans en liberté. Ces nouvelles entendues, le Roy partit de Bordeaux pour aller au devant de la Royne Aleonor & de ses enfans: aussi firent le semblable Messieurs, & la Royne pour aller au devant du Roy, & le vindrent rencontrer entre Rocquehort de Marçan & Captieux, en une petite abbaye: auquel lieu, une heure devant le jour, le Roy & la Royne furent espousez. Puis ayant ladite Royne faict son entrée à Bordeaux, prindrent le chemin par Congnac pour venir à Amboise & à Bloys, puis à S. Germain en Laye auquel lieu firent sejour, attendans les preparatifs, tant du couronnement de la Royne à S. Denis, que de son entrée à Paris. Le-Mort de Ma quel couronnement sut saict à S. Denis, & l'entrée faicte, le tournoy fut faict en la rue S. Antoine en grande magnificence (ainsi qu'il est accoustumé faire aux autres Roynes) au mois de Mars mille cinq cens trente. En ce temps le Duc Maximilian Sforce, au paravant Duc de Milan (lequel apres la journée de Marignan avoit remis entre les mains du Roy le droict par luy pretendu au Duché de Milan) mourut à Paris.

ximilia Sforce.

Succez des affaires de l'Empereur en Italie.

DURANT ce temps l'Empereur ayant asseurance du Roy, qui estoit celuy qui plus luy pouvoit empescher ses desseings, delibera de se faire couronner: & pour-ce faict cognoillant que du Pape il falloit qu'il print la couronne, chercha de le gaigner. Ce dont l'Empereur vouloit rechercher le Pape, le Pape mesmes le rechercha: pour par son moyen avoit la raison des Florentins, & se venger de l'injure qu'ils luy avoient faicte durant qu'il estoit captif des Imperiaux: car ils avoient saccagé tous les biens de ceux de la maison de Medicis dont il estoit le chef, & les avoient bannis de Florence avec tous leurs bien vueillans & adherans : parquoy pour estre restitué à sa patrie feit un concordat par ambassadeurs avec l'Empereur, par lequel il estoit dit que là où ledict Empereur le vouldroit favoriser & secourir de son armée pour estre remis en sa patrie, il consentoit de luy bailler la couronne Imperiale, laquelle de son predecesseur il n'avoit jamais peu obtenir. Les choses ainsi accordées, l'Empereur s'embarqua à Barcelonne, & vint descendre à Genes, auguel lieu le vindrent congratuler les Legats du Pape: aussi feirent ceux de la plus grande part des autres Potentats d'Italie. De Genes l'Empereur vint à Plaisance, où le Duc Francisque Sforce voyant Redintegrases affaires mal-baster (car de nouveau il avoit perdu tion de Fran-Pavie) chercha par le moyen du Pape & des Venitiens cois Sforce au d'estre remis en la seigneurie de ses predecesseurs : re- Duché de monstrant n'avoir faict faulte, & que la tyrannie du Milan. Marquis de Pesquaire qui l'avoit spolié de son estat l'avoit contrainct de chercher moyen d'y rentrer. En fin estant l'Empereur à Boulongne la Grasse, par le moyen du Pape fut remis en son estat avecques quelques conditions apposées en l'investiture: & demeura entre les mains de l'Empereur le chasteau de Milan & le chasteau de Cremo ne, jusques à ce que les conditions fussent accomplies. Aussi par apres l'Empereur pour plus grande seureté luy bailla en maria ge sa niepce fille du Roy de Danemarc, qui estoit prisonnier & spolié de son Royaume.

L'Empereur ne se pouvoit resoudre de dresser son armée contre les Florentins, d'autant que le Turc avec une trespuissante armée estoit en campagne, monstrant vouloir assieger Vienne: à ceste occasion il craignoit avoir besoing de ses forces, pour secourir son frere le Roy Ferdinand, Siege de Floaussi pour garder ses pais. Mais estant à Boulongne eut rence par nouvelles que le Turc s'estoit retiré de devant Vienne a- l'Empereur vec perte & honte:parquoy accorda au Pape de faire mar- El le Pape. cher son armée devant Florence, estant mal content d'eux pour avoir servy les François contre luy au Royaume de Naples soubs la conduitte du seigneur de Lautrec: mais couvroit son entreprise sur la restitution de la case de Mcdicis en leur pristine authorité. Pour executer ladite entreprise ordonna messire Philebert de Chalon Prince d'Aurége, chef de son armée, luy mandant se retirer en l'Aprusse où il sejournoit son armée, & prendre le chemin de la Tuscane: aussi manda à Dom Ferrat de Gonzague General de sa cavallerie, & au Marquis du Guast General de l'infanterie Espagnolle de faire le semblable. Le siege fut assis devat Florence, lequel dura xj.mois continuels, durant lequel se feit de belles entreprises par les assiegez: & entre autres y fut tué ledit Prince d'Aurenge chef de l'armée Imperiale, à une entreprise par luy faicte pour rompre un secours venant aux assiegez. Dedans Florence estoir capitaine general

IIII. LIVRE DES MEMOIRES

le seigneur Malateste Baglion de la nation Perousine, & le seigneur Stephe Colonne de la nation Romaine; lesquels y seirent tellement leur devoir, qu'ils en sont à recommander, Autres ont escrit de ladite guerre Tuscane, parquoy je m'en passeray à tant: aussi ce n'est de la matiere dont j'ay deliberé traitter, mais de celle de ma patrie, & de ceux qui en dependent, dont j'ay eu la congnoissance.

FIN DV TROISIESME LIVRE.



MEMOIRES DE MESSIRE MARTIN

DV BELLAY.

Discours sur la paix faste avec l'Empereur.



O us avez entendu cy devant come s'estoient portées les affaires entre ces deux grands Princes, de sorte qu'un chacun estimolt une paix partoute la Chre stiéte leur vie durant: mais ceux qui par longue experience avoient la cognoissance des choses de ce monde, pensoient à mon certain jugement que le

Roy ne pouvoit autrement qu'il n'eust quelque ressentiment du traittement que l'Empereur luy avoit faict en la redemption de messieurs ses enfans. Car s'il l'eust seulemet rançonné en deniers, c'estoit chose qui se pouvoit oublier en peu de temps. Mais veu les rigoureuses conditions qu'il avoit apposées audict traitté, comme de quitter la souveraineté des païs de Flandres & d'Artois, de toute ancienneté estans de la Couronne de France: & aussi quitter le droict du Duché de Milan appartenat à ses enfans, & non à luy,& le droict du Royaume de Naples & de Sicile, ne pouvoit que le Roy ou sesdicts enfans enfans avecques le temps ne fen ressentissent, pour avoir amoindry les bornes & limites de son Royaume. Or ainsi qu'ils penserent en advint: car plusieurs qui mieux aimoient le trouble de la Chrestienté que le repos, mettoient en avant à l'Empereur que si le Roy avoit recouvert l'estat de Milan, jamais ne le laisseroit en repos en ses Royaumes de Naples & de Sicile. Parquoy à leur advis il estoit requis audit seigneur Empereur de forclorre au Roy toute esperance d'y retourner: ce qu'il pouvoit faire en rendant iceluy Duché à Francisque Sforce, duquel il tireroit une grosse somme de deniers: & qu'en ce faisant il contenteroit tous les Potentats d'Italie lesquels aymeroient mieux à Milan un Duc egal ou moindre qu'eux, qu'un Empereur ou Roy, duquel la puissance leur fust suspecte. Et qu'à ce moyen il les attireroit tous à quelque ligue deffensive pour ledict Sforce: en quoy il se fortifieroit de nouvelles alliances & affoibliroit le Roy en les luy oftant. Autres luy meirent d'avantage en avant qu'estant le païs de Savoye assis au passage de France en la Lobardie, l'il attiroit le Duc à sa devotion & à ceste ligue: cela seroit mettre un grand obstacle & boulle vert au devant du Roy, à ce que jamais il n'entreprint en Italie. Et pour ceste fin luy conseilloient de bailler à ce Duc le Cote d'Ast avec ses appartenances, à fin que d'icy en avant il eust particulier interest es guerres de Lombardie. Aussi des Suisses & Grifons luy fut parlé, pour les dissouldre par le moyen dudict Duc de Savoye, de l'alliance & amitié du Roy, & les tirer & convertir à la sienne: & par tous moyens tascher à le denuer d'amis, & le mettre si bas qu'il n'eust moyen de se resourdre. Mesmes il avoit des ja (comme j'ay dit en la fin du precedant livre) accordé par le moyen du Pape & des Venitiens avecques le Duc de Milan.

ET se seirent tous ces discours devant que l'Empereur passast de Barcelonne à Genes: & sur ceste occasion ledict Empereur (feignant se laisser aller à la persuasion du Pape & des Venitiens, mais à vray dire ayant ja conclu en son cerveau pour les raisons susdictes, de restituer ledict Duché à Francisque Sforce) apres que les remonstrances luy en curent esté faictes il s'accorda de suivre ce train. De l'autre

part à l'étour du Roy & de messieurs ses enfans, y en avoit d'autres qui par occasios & opportunitez luy remonstroiet ceste indignité dont envers eux usoit l'Empereur: aymat mieux bailler un tel estat que de celuy Milan, és mains de Sforce, yssu de basse condition & d'une Bastarde, & lequel il avoit souvent dict & maintenu publicquement luy avoir esté faulseur de foy & traistre, qu'à luy qui estoit son beau frere, ou à messieurs ses enfans, ausquels il appartient si justement. S'il l'eust retenu pour luy, bien de par Dieu: mais de le bailler à un tel comme par mespris & despit d'eux, c'estoit une chose intollerable. Et qui eust aussi pensé (disoient ils) qu'un Duc de Savoye eust si avant contemné les forces & authorité d'un Roy de France que d'accepter le Comté d'Ast ancien patrimoine de la maison d'Orleans? Si contre l'Empereur on ne s'en veult venger, ou qu'on ne puisse le faire obstant les traittez, contre le Duc' de Savoye le peult on faire: car on a contre luy assez d'autres bonnes & justes querelles. Et si l'Empereur entreprend de le soustenir, comme il est apparant qu'il le voudra faire, ne sera il pas infracteur de paix? n'aura pas le Roy occasion tres juste de repeter à l'encontre de luy l'obeissance & souveraineté de Flandres & d'Artois? luy & messieurs ses enfans de recouvrer l'estat de Milan? ils y ont tant d'intelligences, il y a tant de mal-contens qui les yappellent, les maulx que leur ont faict endurer les Espagnols y ont canonisé le nom des François, fault il perdre l'occasion que la fortune nous offre?

T E L S & semblables propos luy estoient tenus souvét, & tous autres qui peuvent esmouvoir un cueur ulceré, pour se ressentir d'un outrage & desdaing: le Roy se ressentoit bien du dommage, plus encores du mespris, & voyoit bien que s'il ne tenoit qu'à juste occasion, il n'en pouvoit avoir saulte: car l'Empereur avoit dés le commencement contrevenu au traitté, d'autant qu'il navoit rendu les officiers de messieurs les Dauphin & Duc d'Orleans, lesquels injustement il avoit mis en galleres pour forçats, encores qu'il en eust esté sommé par le Roy, en vertu d'iceluy traitté de Cambray. D'avantage il n'ignoiroit point les praticques & menées qui se faisoient par les gens de l'Empereur, du Roy Ferdinand son frere, & des Ducs de Savoye & Sforce, pour divertir les Suisses & autres de son

alliance & amitié, qui estoit directement contrevenu au traitté. Mais il avoit devant les yeux les maulx avenuz en la Chrestienté durant les guerres passées, & qui adviendroient s'ils retournoient à prendre les armes. A ceste cause vouloit traitter par amitié, pour recouvrer le sien avecques le temps par le moyen de quelque argent : & plustost vouloit user d'amiable composition que de voye de la guerre, & pour ceste occasion envoya le seigneur de Rabodenge devers l'Empereur & le Roy Ferdinand son frere, en ceste opinion de chercher le chemin de plus estroicte alliance: & en ce estoit entretenu par la Royne Aleonor, laquelle comme femme de l'un, & sœur de l'autre, & comme sage & vertueuse Princesse, n'obmettoit rien envers l'un ny l'autre qui luy semblast estre requis à les entretenir en bonne paix, & confermer en plus grande amitié.

A c E s'T E cause estant le seigneur de Morette en Allemagne, ambassadeur de la part du Roy pres de l'Empe-Praticques reur, ladicte dame moyenna que le seigneur de Courba- de la Royne ron, un des gentils-hommes de la chambre de l'Empereur, Aleonor & qui avoir esté fort privé de l'Archeduc Philippe son pere pour faireenfut envoyé devers le Roy estant lors à S. Germain en Laye, tre-veoir pour moyenner l'appointement des Genevois avecques le l'Empereur Roy, à ce que le commerce & traffic de la marchandise & le Roy. leur fussent permis en France. Et soubs couleur de ceste negotiation, eut charge ledict de Courbaron de faddresser à ladicte dame, & de moyenner une entre-veuë de l'Empereur & du Roy, pour entr'eux-mesmes conclure de ses estroittes alliances (chose que le Roy ne desirant rien plus que bonne paix & oster toute occasion de rancune ne trouva mauvaise) Mais par-ce que ceste praticque se dressoit avecques la Royne, ne s'en voulut entremettre jusques à ce que les choses en fussent plus avat, & en laissa faire à la dicte dame & à madame la Duchesse d'Angoulesme sa mere, ausquelles en devisa ledit de Courbaron par plusieurs fois, & si avant que la Royne sur les propos de luy, envoya premierement le seigneur de Tombes, & depuis, l'escuyer Silly vers l'empereur pour arrester le lieu & temps, de ceste entreveuë.

L'EMPEREURalors, soit qu'il eust mis ces propos en ayant pour mettre en jalouzie les alliez du Roy, ou pour

crainte que les siens n'y entrassent, ou qu'il voulust en uni mesme temps avoir praticque en divers lieux, pour s'attacher à celle qui mieux feroit pour luy, en advertit le Cardinal Campeige lors estant Legat devers le Roy, pour moyenner la reunion de l'Eglise, & la paix universelle entre les Chrestiens. Puis en escrivit lettres au Pape; l'asseurant par icelles que quelques praticques qu'il eust avecques le Roy, que toutes fois il ne feroit rien pour luy, & que sa sain Acté n'en devoit entrer en jalousie ny en souspeçon. Le sainct Pere (ce nonobstant) ne s'osant trop sier en ceste asseurance, envoya vers le Roy, se douloir & plaindre que sans son sceu & communication telles praticques se demenassent: dequoy ledict seigneur s'excusa, remonstrant que ladicte praticque n'estoit encores si avant qu'elle meritast d'estre communiquée legierement avecques sa saincteté; devant qu'il y eust aucun fondement: car c'estoit chose tat seulement mis en avant aux dames par l'Empereur. Et de faict fist le Roy cesser icelle praticque, & ne peut autremét imaginer, finon que l'Empereur eust mis les propos en avant, à fin de tirer de luy chose qui meit tous ses alliez en souspeçon, & les feit jetter en ses bras : ne voulut toutesfois en prendre ouverte division avecques luy. Mais de la cassation & roupture d'iceux propos, envoya par le seigneur de la Pommeraye s'excuser audict seigneur Empereur, sur le trespas alors intervenu de seu madame sa mere, laquelle avoit avecques la Royne manié ladite pratique: les meurs; conditions, & vertus de laquelle dame & le grand regret

1531.

Mort de madame la Regente.

qu'elle a laissé d'elle, me semblent estre chose trop prolixe, si je vouloy amuser ma plume à les racompter.

ESTANT le seigneur de la Pommeraye arrivé devers l'Empereur, ledict seigneur luy declara pour dire au Roy comment il s'en alloit en Germanie dresser une armée contre le Turc, qui se preparoit de faire nouvelle descente en Autriche: priant le Roy que ce pendant il vousist demourer son amy. Ce que le Roy non seulement luy accorda; mais le seit prier de saire une assemblée de Princes & Potentats Chresties, pour adviser de faire & dresser une armée à communs fraiz, pour resister à l'entreprise dudict ennemy de nostre soy. Et ceste mesme requeste & offre le Roy sist saire à nostre S. Pere par l'Evesque d'Auxerre de Tinteville son ambassadeur devers sa saincteré: lequel S. Pere sist à sçavoir

sçavoir au Roy qu'il envoyast pouvoir à son ambassadeut. d'en communiquer & traitter avecques les autres ambassadeurs des Princes & Potentats Chrestiens. A quoy obtempera ledit seigneur, & y envoya le Duc d'Albanie avecques ample pouvoir, y offrant non seulement ses forces, mais sa

propre personne.

En Germanie à l'autre voyage qui y avoit faict l'Empe- Discours sur reur, il avoit beaucoup promis de choses aux Princes & au-les anciennes res estats de l'Empire, lesquelles ils pretendoient ne leur a- alliances El voir esté observées & tenues par sa majesté: cobien qu'elles traitte? aconcernassent grandement les droicts, privileges & liber-vecques les, ez du sainct Empire. Aussi tendoit iceluy Empereur à con- Allemans. raindre lesdicts Princes & autres estats de l'Empire, qu'ils eceussent le Roy Ferdinand son frere à Roy des Romains, ipprouvans l'election faicte de luy contre & au prejudice le la Bulle dorée & observances anciennes dudict sainct Empire, dont y avoit plusieurs d'entre eux tresmal contens. Et de faict le Duc Iean electeur de Saxoigne, le Duc Iean Federic son fils, les Ducs Guillaume & Loys de Baviere, Lansgrave Philippe de Hessen, & autres Princes firent enr'eux aucunes assemblées & parlemens: & mesmement un raitté pour la conservation & deffence de tous les droicts, privileges & libertez du S.Empire: & par plusieurs fois aoient envoyé devers le Roy le requerir d'y vouloir entrer n vertu d'une ancienne ligue & alliance, qui a esté inviola lement observée de fort long temps entre l'Empire & la Couronne de France. A quoy ledit seigneur avoit toussours espondu en termes generaux, & envoyé devers eux un Doteur Allemá nommé Gervais wain, pour entretenir iceux Princes en son amitié: sans toutesfois faire ou promettre particulierement aucune chose qui peust contrevenir aux

raittez qu'il avoit avec l'Empereur. Et sur le poinct que ledict seigneur Empereur avoit de resche memoire descouvert au Pape les propos de l'entreeuë cy dessus mentionnée, & que le Roy avoit occasion le penser & prester l'oreille à ce que plusieurs luy avoient lict souvent que ledict Empereur ne tendoit qu'à l'entreenir le bec en l'eau de toutes choses, ce pendant qu'il se orrifieroit d'amis & d'alliances & l'en discommoderoit à on pouvoir, retournerent devers luy les messagers d'iceux Princes, avec amples instructions signées de seurs seings,

& seellées de leurs seaulx,& luy apporterent un double authentique de leur traitté: afin qu'il vist & cogneust leur intention n'estre pour invasion quelconque, mais seulement pour la tuition de l'Empire: à laquelle il estoit obligé par leur ancienne alliance, sans generalement ny particulierement deroger par la teneur d'icelle aux traittez faicts avecques l'Empereur. Luy remonstrans au surplus comme s'ils estoient par luy abandonnez, ils seroient contraincts ou de hazarder leurs estats en evidents perils, ou d'entierement se soubsmettre au vouloir & intention de l'Empereur : lequel apparemment ne tendoit à autre sin qu'à les assujettir & rédre l'Empire heredițaire à sa maison, & n'estoient aucuns d'iceux sans crainte, que ledit seigneur Empereur soubs umbre & couleur de ceste armée contre le Turc, ne convertist contre eux les forces mesmes qu'ils luy bailloient pour faider contre l'ennemy commun de nostre religion. Finablement tant luy fut dit & persuadé, qu'il se delibera d'envoyer devers eux homme bien instruict & informé de son youloir & intention, & avec ceste promesse furent les messagers renvoyez. Lesquels arrivez en Germanie ne furent negligents de renouveller ceste requeste, & par plusieurs ite ratives lettres haster le Roy d'executer sa promesse, d'autant plus que desja l'Empereur adverty de leur alliance & traitté, le hastoit de venir à Ratisbonne, tenant propos & usant de menasses à leur desavantage.

Estroitte alliance avec le Roy d'Angleterre.

ν Σμ.

L E Roy qui en toutes choses vouloit user de communication avecques le Roy d'Angleterre son bon, frere & perpetuel allié dés le commencement des susdictes praticques avoit envoyé devers luy ambassadeurs pour resider aupres de luy, & luy faire entendre les requestes & offres d'iceux Princes de l'Empire, & sur-ce luy demander conseil & avis: comment ils pourroient eux deux ensemble y entrer sans roupture & infraction des traittez qu'ils avoient avecques ledict Empereur. Le Roy d'Angleterre ayant entendu ceste demande, avoit envoyé l'Evesque d'wincestre trouver le Roy qui lors estoit à Vatteville en Normandie, pour faire avecques luy quelque nouveau traitté: tendant par toutes les voyes à luy possibles à faire entrer le Roy en ligue offensive ou deffensive contre ledict Empereur, ce que ledict seigneur ne voulut accorder, voulant tousjour! observer sa foy promise. Bien estoir-il consentant d'entres

en despense pour ayder les Princes de l'Empire à la conservation & deffence de leurs biens, franchises, & libertez: & au seigneur de Leidckerke ambassadeur de l'Empereur (lequel ayant eu nouvelle de ceste praticque, luy en estoit venu parler) ledit seigneur Roy avoit dit ouvertement, que ses traittez il les garderoit inviolablement avecques l'Empereur:mais de faire en faveur & pour le particulier bien d'iceluy chose quelconque outre le traitté, ledict seigneur Em pereur luy en donnoit trop peu d'occasion, attendu le trop peu d'amitié qu'il trouvoit en luy, & la peine que ledit seigneur Empereur prenoit au contraire de luy tollir & faire perdre tous ses amis & alliez.

L'Eves que de wincestre ce pendant print congé du Roy sans faire autre conclusion, dont le Roy d'Angleterre son maistre qui avoit le cœur amerement ulceré contre l'Empéreur, pour les propos & menaces dont il usoit contre luy, print tel regret & desplaisir qu'il sembloit en plusieurs des propos qu'il tint à l'ambassadeur du Roy estant pres de luy, qu'il se voulust essoigner de l'amitié du Roy son frere. Pour à quoy remedier ledict ambassadeur le pria de luy bailler de rechef ce qu'il demandoit par escrit, alleguant qu'il pouvoit estre que ledict Evesque ne s'estoit pas bien faict entédre:ce qui meut ledict Roy de luy bailler de nouveau les articles du traitté qu'il entendoit faire, & qu'il appelloit plus estroitte alliance. Lesquels articles en grande partie tendoiet en ligue offensive, mais apres avoir entendu les remonstrances de l'ambassadeur, il fut content de les moderer, & iceux moderez furent' envoyez au Roy par homme expres.

C E-pendat fut depesché par le Roy vers les Princes d'Al Instructions lemagne messire Guillaume du Bellay seigneur de Langey données à gentilhomme de sa chambre, auquel il ordonna premiere- Monsieur de met de l'excuser envers eux, & declarer les causes du retarde Langey pour met de sa depesche: intervenu non par negligence dudit sei aller en Algneur, ou faute d'affection & bon vouloir à la deffence & lemagne. conservatió des droits, uz, & coustumes dudit Empire, mais pourautant qu'il avoit envoyé devers le Roy d'Angleterre son bo frere & perpetuel allie, legl mostroit affectio& desir de leur aider à ceste entreprise. Et avoit envoyé devers luy l'Evesque de wincestre a avoit sejourné pl' d'un mois avec luy, & seroit depuis retourné vers sondict maistre pour luy

faire rapport de sa negociation : asseurant à son partement que son maistre fourniroit à son pouvoir quelque bonne somme de deniers, combien qu'il ne fust encores resolu de vouloir contribuer à icelle: mais que pour n'apporter la dilation, & donner occasion ausdicts Princes de l'ennuyer, & penser que ledict seigneur fust refroidy en cest affaire, il avoit bien voulu envoyer ledict du Bellay devers eux, tant pour purger ladicte demeure, qu'aussi pour les asseurer en parole de Prince: que pour l'affection qu'il portoit à la coservation des privileges, uz, & coustumes dudit sainet Empire, ils le trouveroient prest à leurs secours : quand ores il adviendroit qu'il se trouvast seul à leur donner ayde, & que sondict frere (ce qu'il ne pensoit) ne fust assez à temps reso-

lu de l'ayde qu'il luy voudroit faire.

SECONDEMENTIl fut par le Roy ordonné audit du Bellay d'asseurer iceux Princes, que s'il estoit ainsi que l'Em pereur (envers lequel il desiroit inviolablement observer & garder les alliances & traittez qu'il avoit avec luy) voulfist, à cause de ladicte conservation des anciennes observances du sainct Empire, se mettre en armes à l'encontre d'eux (ce qu'il ne pensoit qu'il deust avenir) en ce cas ledict seigneur n'estoit pas pour les abandonner, ains les ayder & secourir à son pouvoir sans y riens espargner. Et pour-ce que lesdits Princes avoient requis par les ambassadeurs, jusques à quelle portion des frais il contribueroit à la guerre si elle avenoit, & quelle somme il consigneroit preallablement à ce qu'ils ne fussent si tost surprins & opprimez, qu'il n'eust loisir d'y envoyer secours de si loingtaine province, fur baillétresample pouvoir audict du Bellay d'en traitter & accorder avecques eux. Mais avecques tresexpres commandement, que ces deniers ne fussent employez à l'offension ou invasion d'aucuns ses confederez, & mesmement de l'Empereur, mais seulement à la desfence & conservation des droicts & privileges du sainct Empire, ou protection & desfence d'iceux : & qu'à ce faire & tenir il print bonne & seure obligation d'iceux Princes. Et quant au Duc de Witemberg', ledict seigneur Roy de tresbon cœur s'emploiroit à luy faire tout le secours & plaisir, que sans contrevenir à ses traitrez il pourroit faire. Au demourant sut donné charge audit ambassadeur de veoir & entendre quels moyens y pourroit avoir de mettre vnion en Germanie,

touchant le faict de la religion, & de remonstrer ausdicts Princes & estats, comment pour ceste leur division ils pour roient entrer en guerres intestines, & les maulx, & incoveniens qui en pourroient avenir, à eux particulierement, & universellement à toute la Chrestienté. Au lieu de Honseu fut depesché ledit du Bellay vers la mi-Mars, l'a mille cinq cens trente-un, & environ la mi-Auril ensuivant, arriva devers iceux Princes de l'Empire.

C E-temps pendant arriverent deux ambassadeurs vers le Roy, l'un par le Roy Iean de Hongrie, qui fut le seigneur Hierome de Lasco principal homme de sa cour, & l'autre par l'Empereur, qui fut le seigneur de Balançon second sommelier du corps dudict seigneur. Celuy de Hongrie demandoit alliances de mariage & secours d'argent pour subvenir aux necessitez de son royaume, qui par les guerres passées avoit esté grandement destruict, & les places desmolies. Sur le premier article fut proposé le mariage de madame Isabeau sœur du Roy de Navarre, sur le second luy fut accordée une somme de deniers, par codition qu'elle ne fust employée à faire guerre ou invasion contre aucu des confederez du Roy: & fut faicte grande instance audict de Lasco de remonstrer au Roy son maistre, qu'il se donast de garde sur toutes choses, & quelques guerres qu'on luy fift, de n'invader son ennemy avecques le secours & ayde du Turc: obstant que s'il le faisoit, ledict seigneur Roy seroit contrainct de prendre les armes contre luy, sans aucun egard de leur alliance, pour obvier que le Turc ennemy de nostre foy n'enjambast sur la Chrestienté. Puis apres ledict Lasco portant la somme d'argent promise, afin de la faire distribuer aux usages & non autres qu'elle avoit esté ordonnée, fut envoyé Antoine Macault Secretaire & vallet de chambre du Roy, lequel depuis rapporta ladicte fomme.

BALANÇON de par l'Empereur feit entendre la grosse & puissante armée que le Turc avoit amenée en Hongrie, pour invader le pais d'Autriche, ensemble les grands preparatifs que l'Empereur avoit faicts autant par mer que par terre, pour resister à ses entreprises: tellement que le-dict seigneur Empereur n'avoit quant à la force aucune cause de le craindre ne doubter. Demandoit toutes sois au Roy qu'il le voulust secourir de quelque bonne somme

Ambassade de Hongrie Et Empereur vers le Roy. de deniers, d'un nombre de ses hommes d'armes, & de ses galleres qu'il avoit en la mer de Levant. A quoy ledict seigneur respondit que quant aux deniers, l'Empereur avoit puis n'agueres eu de luy deux millions d'or qui luy devoiét suffire, & que au demeurant il n'estoit marchand ne banquier pour seulement sournir deniers, mais Prince Chrestien qui en un tel affaire vouloit avoir sa part du danger, honneur, ou perte.

Quant à sa gendarmerie, c'estoit la force de son royaume, & que l'ayant perdue il demourcroit inutile à jamais faire entreprise honnorable pour la Chrestienté, & au demourant en proye & à l'injure de tous ses ennemis, parquoy ne la vouloit hazarder, qu'en hazardant quand & quand sa personne, & l'accompagnant de tel nombre de gens de pied & d'artillerie à ce requise, qu'il ne la pourroit perdre sans faire grand dommage à son ennemy : & que nous estions sur la fin de l'esté, & que sa gendarmerie ne pourroit estre avant le fort de l'hyver en Autriche : parquoy elle seroit desconte & rompue du chemin, du temps, & de malaise avat que veoir l'ennemy & sans faire service: join à qu'ayant l'Empereur assemblé une telle force comme ledict Balançon l'avoit magnifiée, il n'estoit mestier d'envoyer secours en Germanie, mais plustost en Italie, où il n'y avoit aucun preparatif pour resister à autre armée du Turc que lon disoit y devoir descendre, & pour en estre le Roy plus voisin que d'Autriche, son armée pourroit y arriver plus à temps, & qu'il offroit de la garder avecques cinquante mille combatans, & que l'Empereur soustint de sa part ceste premiere impetuosité du Turc en Germanie, & que luy de la sienne avecques l'ayde du Roy d'Angleterre son bon frere & perpetuel allié seroit prest à l'esté ensuivant d'aller en personne avecques les forces dessusdictes, ou plus grandes, en quelque part qu'il seroit befoing. Et quant à son armée de mer, il avoit grande coste és païs de Provence & Languedoc subjette aux incursions des pirates qui lors estoient sur la mer à grosse puissance: parquoy il ne la pouvoit honnestement prester, & abandonner en proye de l'ennemy sesdicts païs de Languedoc & Provence : aux despens desquels sadicte armée estoit souldoyée. Telle sut la responce du Roy, laquelle rapportée à l'Empereur estant lors à Ratisbonne, la recita en

plains estats de l'Empire, tendant par tous moyens à l'impri mer en mauyaise part aux oreilles des Princes & Potentats de la Germanie: afin que par ce moyen il peust mettre ledit seigneur Roy en leur haine, comme ne tenant compte de

leurs perils & d'angers.

Quo y entendant ledit du Bellay ambassadeur du Roy devers les Princes de l'Empire, & cognoissant apres avoir communiqué avec le seigneur de Velly aussi ambassadeur du Roy devers l'Empereur, le peu d'esperance qu'il y avoit gleterre. de bié asseurer la paix & amitié entre ledit seigneur & l'Em pereur. Voyant aussi que pour la longueur & dissimulation dudit Empereur les Princes commençoient desja de bransler de peur qu'ils avoient d'estre surpris de luy & abandonnez du Roy, accorda les articles qui par les ambassadeurs d'iceux Princes luy avoient esté proposez, & entre-eux accordez au lieu de Cebemg és païs du Duc de Saxe, qui fut cause que le Duc Iean Federic de Saxe, qui ja estoit acheminé pour venir à Ratisbonne, se retira, & au lieu d'Estingnan és païs de Bavieres, se trouverent tous lesdits ambassadeurs, où ils accorderent lesdits traittez, & confirmerent amitié entre le Roy & lesdits Princes & Potentais,

Durant qu'en Germanie se tenoit la diette Imperiale, le Roy qui avoit receu les articles du Roy d'Angleterre son bon frere, moderez ainsi que dit a esté apres y avoir adjoufté & diminué , les renvoya en Angleterre, avec pouvoir au seigneur de la Pommeraye son ambassadeur, pour traitter & capituler selő iceux. Les principaux articles furent, que si l'un ou l'autre Roy estoit assailly en son Roy aume, se Roy de France seroit tenu d'ayder au Roy d'Angleterre du nombre de cinq cens hommes d'armes François souldoyez toutesfois aux despens du Roy dudit païs, & pour la desfence de ses mers depuis les Rads S. Mahe jusques au destroict de Callaiz, de douze navires equippées & ivitaillées à la raifon, avecques trois mille hommes de guer esur iccux navires. Et reciproquement seroit tenu & obligé le Roy d'Angleterre fournir de pareil equipage de navies, en cas que le Roy de France fust asiailly en son Royaune, & de luy envoyer six mille Anglois qui toutesfois seoient fouldoyez aux despens du Roy.

Aussi par ledit traitté fut accordé qu'incontinat apres

traitez avec le Roy d' Anque l'un ou l'autre seroit assailly, seroient tenus reciproquement d'arrester tous marchands subjects du Prince agresseur, lesquels pour lors se trouveroient en leurs Royaumes: sauf toutesfois à semondre par apres ledit Prince agresleur de rendre ceux de celuy desdits deux Princes qu'il auroit retenus en commençant la guerre: & en cas de reffus, seroient baillez tous les marchands ainsi retenus entre les mains du Prince assailly, pour recouvrer les siens & se recompenser de sa perté.

Aussi que l'un ny l'autre Prince ne pourroit par cy apres faire traitté ny alliance avecques aucun autre Prince, Potentat, ou communauté, sans le sceu & associement l'un de l'autre. Lequel traitté conclu de ceste sorte, ledit seigneur de la Pommeray e le porta de par le Roy d'Angleterre au Roy son maistre lors estant en Bretagne en la maison du sire de Chasteau Briant: ensemble luy porta la depesche de cinquante mille escus que ledit Roy d'Angleterre consentit de fournit & contribuer à la deffence & conservation des droicts & privileges du sainct Empire, avecques charge de moyenner en vers le Roy son maistre une entreveuë, pour ensemble traitter des moyens de resister au Turc, au cas qu'il perseverast d'en vahir la Chrestienté, ce que ledit seigneur accorda tresvolontiers. Et estant arrivé sur cest accord le susdit sieur de Langey retournant de devers les Princes dudit Empire, le Roy incontinant le renvoya devers-ledit Roy d'Angleterre, pour luy communiquer le trait té faict en Allemagne, & luy compter au long tout le difcours de sa negociation.

Retour de monsseur de Langey (1) Voyage en Angleterre.

Incorporatio Bretaigne à la couronne de France.

Estant le Roy en Bretagne (comme dit est) fut accordé par les estats d'iceluy païs de Bretagne, que François fils aisné du Roy, Dauphin de Viennois seroit recogneu pour Duc de Bretagne, à la charge que luy venant à regner, du Duché de ledit Duché seroit reijny à la couronne, & que le fils aisné de France par cy apres porteroit le tiltre de Dauphin de Viennois & Duc de Bretagne, & sergient messeés les armes de Bretagne avecques celles de France & de Dauphiné, & ainsi consecutivement aux autres qui viendroient à regner, au cas que ledit Dauphin mourust sans hoirs. Et par là fut aboly le traitté faict par le mariage du Roy Char les huictiesme avecques madame Anne Duchesse de Brejagne, aussi celuy du Roy Loys xij. de ce nom avec ladi-

ze Anne, & celuy du Roy François premier de ce nom pour lors regnant, avecques Madaine Claude fille dudit Roy Loys douziesme, & de ladite Anne, & furent les choses e-

mologuées avecques toute seureté pour l'avenir.

ESTANT arrivé ledit du Bellay en Angleterre avec ledit de la Pomeraye, par ensemble ils accorderent avec celuy Roy d'Angleterre du jour, lieu, moyen, ordre, & ceremonie de ladite entreveuë: dont pour conclure des ceremonies qui se devoient faire, le Roy donna la charge au seigneur de Montmorency Grand-maistre & Mareschal de France, & le Roy d'Angleterre au Duc de Northfolk pour toutes choses accorder ainsi que par cy devant avoit faict ledit Grand-maistre avecques le Cardinal d'Iorc, quad il vint à Compiegne, & que ledit Grand-maistre alla en Angleterre, ainsi qu'il est recité au premier livre de ces memoires.

Les choses bien arrestées, arriva à Bolongne sur mer le Roy d'Angleterre, environ le vingtiesme jour d'octobre mille cinq cens trente deux, auquel lieu il fut recen par le Roy & messieurs ses enfans: où apres grandes ami- Entreveue tiez, fraternitez & privautez qui se pouvoient faire entre des Roys de tels Princes à sa reception, furent le Roy & ledit Roy d'An-France gleterre logez tous deux dedans la maison Abbatialle du-d'Angleterres dit Bolongne, dont la moitié fut departie pour le Roy, l'autre moitié pour le Roy d'Angleterre son bon frere. Auquel lieu le Roy donna son ordre de S. Michel au Duc de Northfolk, & au Duc de Sowthfolk, comme aux deux estans plus pres de la personne dudit Roy d'Angleterre:aussi ledit Roy d'Angleterre donna son ordre de la Iarretiere à messire Anne seigneur de Montmorency Grand-maistre & Mareschal de France, & à messire Philippe Chabot seigneur de Brion Amiral de France. Et apres que tout les festins & autres resjouissances furent parachevées audit lieu de Bolongne, où l'estoient trouvez tous les Princes, Cardinaux, & grande partie des Prelats & noblesse de ce Royaume, aussi pareillement d'Angleterre, allerent les deux Roys de compagnie à Calaiz où se feit pareil recueil au Roy, que celuy qui auoit esté faict à Bolongne au Roy d'Angleterre, au grand contentement des Princes & de tous leurs subjets: & audit lieu de Calaiz fut passé du xxviij. jour dudit mois & an un traitté entre eux, contenat en substace ce qui l'ésuit

capitulations entre lesdits deux Rois.

Que combien qu'ils creussent fermement que les pro-Chapitres de pos scandaleux semez à l'encontre d'eux n'eussent lieu ne foy parmy les gens de bien, & qu'ils fussent tenuz à tels qu'ils devoient estre, c'est à sçavoir bons zelateurs du bien & augmentation de la Chrestienté, dequoy pouvoient assez faire foy les offres souvent par eux faictes pour resister contre le Turc: toutesfois eux desirans de plus en plus donner cognoissance parfaicte de ceste leur volonté, & afin que les autres Princes se peussent joindre à eux, & regarder par un mutuel consentement quel ayde chacun pourroit faire à ce sainct euvre, & pour donner ordre à pourveoir aux parties & confins plus prochains du danger d'iceluy Turc, au cas qu'il poursuivist son entreprise, ou en commençast une nouvelle, ils s'estoient assemblez en intention d'en deliberer & conclure.

> ET nonobstant qu'en ceste seur assemblée seur fussent venues nouvelles de la retraitte du Turc, eux neantmoins craignas que sa retraitte fust pour aucun nouveau desseing, attendu qu'il laissoit en Hongrie bonne partie de son armée, delibererent de mettre, ensemble (le cas avenant) jusques au nombre de quatre vingts mille homes, dot y en auroit dix mille de cheval avec l'artillerie requise pour ledit camp, & de ne separer ne desjoindre leurs forces sans le con sentement l'un de l'autre. Ensemble fut accordé par iceluy traitté qu'ils envoiroient par devers les Potentats où ils auroient à passer fust en Italie, ou Germanie seio l'occurrece, leur demander passage & vivres en payant raisonnablemet.

> Outre ledit traitté le Roy d'Angleterre feit au Roy son frere grandes plaintes & doleances du tort qu'il maintenoit luy estre faict par le Pape sur la matiere de son divorce: & mesmement qu'il vouloit le contraindre ou d'aller en personne à Rome, ou d'y envoyer homme avecques procuration expresse pour ester à droict. Chose que ledit Roy maintenoit estre contre toute disposition de droict, sans aucun exemple du temps passé: mais au contraire que toutes les fois que pareils cas estoient avenus entre Princes souverains, on leur avoit envoyé juges sur les lieux : car, d'un affaire tel & touchant de si pres la conscience, & dont il estoir besoing que les parties parlassent par leur bouche, il n'estoit raisonnable de le commettre à procureur: & d'aller un Prince souverain à Rome, laissant l'administration,

& regime de son païs, il n'estoit moins desraisonnable. Encores se plaignoit il des griefs & exactions de l'Eglise Romaine sur le clergé & peuple d'Angleterre, tendant afin d'animer le Roy son frere contre le Pape & l'Eglise Romaine: & le requist tresinstamment qu'eux deux ensemble envoyassent ambassadeurs devers le Pape, pour le sommer & appeller au concile, pour venir veoir les abus & griefs qu'ils faisoient aux Princes Chrestiens & leurs subjets, & iceux Plainctes du estre par ledit Concile reparez & reformez. Ce que ledit sei Roy d'. Angneur Roy ne voulut entierement reffuler:mais pour autat gleterre et de que ledit S. Pere luy avoit faict porter parole par le Car-France sur dinal de Grandmont de se trouver ensemble à Nice ou en les exactions Avignon, apres que l'Empereur seroit de retour en Espagne de cour de il requist le Roy son bon frere, qu'il fust content de sur- Rome. attendre. Et pour monstrer qu'il avoit bonne envie & volonté aussi de se plaindre, luy racompta ses griefs & dolcan ces, de ce que ledit ledit S. Pere l'avoit tenu en longue dissimulation de quelques decimes, que ja au-paravant sa S.S. luy avoit accordé lever sur le clergé de France, pour resi-

ster aux entreprises du Turc.

SECONDEMENT pour les nouvelles & indeues exactions dont s'estoient plaincts à luy ceux de l'Eglise Gallicane que l'on faisoit à Rome, pour l'expedition des bulles, par lesquelles l'argent de son Royaume se vuidoit journellement & se transportoit hors d'iceluy. Outre plus que le clergé s'appauvrissoit, & ne se faisoient les reparations des Eglises, ne les alimés & nourritures des pauvres ainsi qu'ils doivent. Et pour plus clairement monstrer ce que dessus, ledit Clergé mettoit en avant les annates excessives qu'il convient payer, esquelles n'y a aucune equalité. Et avec ce plusieurs officiers nouveaux avoir esté créez, qui sont payez sur l'expedition d'icelles bulles, outre ce que l'on avoit accoustumé d'en payer le temps passé: lesquels offices quad ils viennent à vacquer, se vendent au proussit dudit S. Pere, & se payent propines grosses aux huissiers, chambriers, protenotaires, leurs serviteurs & vallets, les hortolans, & autres: & pour la restauration de l'Eglise des Apostres, grande somme de deniers, qui estoient toutessois ordinairement employez à faire la guerre au Roy.

Er outre cela qu'il y a grande multiplication de bulles, où il ne seroit besoing d'en avoir qu'une: & que plusieurs

autres choses frustratoires se payent, ou n'y a raison ny apparence, de sorte que c'est (ce disoient-ils) un vray engin & silet à prendre argent. D'autre-part qu'il ne se souloit prendre qu'une annate du benefice qu'on impetroir: mais de present on la faict payer de tous les autres benefices qu'on impetre par dispense. Et quand aux compositions arbitraires qui se payent des dispences que lon baille sur les cas prohibez de droict, elles sont excessives & pernicieuses: & outre ce que dit est, la prorogation des six mois pour prendre possession à ceux qui ont des benefices par resignation, estoit cause de commettre plusieurs faulcetez, ainsi qu'on avoit veu par experience.

Pour reparation desquels abus, le Roy avoit esté souvent requis de convoquer un Concile de l'Eglise Gallicane: ce que ledit seigneur avoit tousjours delayé de faire, attendant que le Pape mesmes y pour veust. Mais ayant n'agueres ledit seigneur tenu les estats du païs & Duché de Bretagne, luy avoient esté presentez les griess & doleances du clergé d'iceluy païs, où il y avoit des choses si tresscandaleuses, & tant contraires & essoignées de l'honnesteté & charité qui doit estre en l'Eglise, qu'il ne seroit possible de plus de sorte que ledit seigneur ne pouvoit bonnement croire

que cela fust venu à la cognoissance de sa saincteté.

D'AVANTAGE avoit ledit seigneur autres grandes causes de se douloir: d'autant qu'ayant esté sa saincteté aver tie du grand debvoir en quoy l'estoit mis iceluy seigneur, pour la protection & deffence de la Chrestienté, ledit S.Pere toutesfois avoit souffert & enduré ledit seigneur estre calomnié au contraire, sans qu'il ayt faict aucun semblant de faire entendre sa justification: chose en laquelle ledit seigneur n'auroit esté negligent envers ledit S. Pere, quand on l'à voulu charger à tort en aucune maniere. Se doulois aussi ledit seigneur que l'Evesque de Verulan envoyé par le S. Pere au païs des Ligues, avoit entierement faict ce qui luy estoit possible par menées & praticques secrettes, & autrement, pour rompre la ligue & confederation que ceux dudit païs ont avecques luy, ce qui luy sembloit n'avoir merité envers le Siege Apostolicque, ny mesmement envers sa saincteté: depuis son assomption à la dignité Papale: car en tout & par tout il s'estoit monstré en vers elle tresobeisfant & devot fils de l'Eglise. Toutes sois il luy sembloit bon

avant qu'envoyer les ambassadeurs (ainsi qu'il avoit accordé au Roy son bon frere, pour sommer le S. Pere de reparer les faultes que dessus) y proceder par autre plus douce voye: veu que l'occasion & opportunité s'y adonnoient.

En ce temps estant arrivé l'Empereur à Genes, luy vint nouvelles, comme le Turc estoit descendu en Hongrie, & deliberoit de marcher jusques en Autriche, mais cela ne divertit son entreprise d'Italie, & delibera de plustost laisser ses païs & son frere en proye à l'ennemy: ainsi passa outre pour rencontrer le Pape pour parler ensemble. Le Roy treschrestien qui sçavoit assez le mauvais vouloir que luy portoit l'Empereur, comme aussi le sçavoit le Roy d'Angleterre son frere, à qui l'Empereur n'en poirtoit moins, à cause du divorce qu'il entédoit faire, pour lequel aussi le S. Pere estoit animé contre luy, de sorte qu'il pensoit que ces deux majestez assemblées facilement pourroient traitter quelque chose à son prejudice. A ceste cause delibererent que les Cardinaux de Tournon & de Grandmont, comme creatures dudit S. Pere, iroient devers luy soubs ombre de l'accompagner à ceste veue, lesquels pourroient aucunement obvier à ce que contre leursdites majestez ne se feist quelque mauvaise conclusion, à tout le moins (si elle se faisoit) les en advertir pour y estre par eux pourveu & donné ordre. Et leur donner oit commission de remonstrer audit S. Pere comme ses creatures tenues & obligées à luy : les torts, griefs & doleances qu'ils avoient entendues desdits deux Roys, & le mal contétement qu'ils avoient de sa saincteté: & comme ils avoient deliberé d'envoyer vers luy ambassadeurs communs, pour le sommer de reparer iceux griefs: sinon, qu'ils y pourvoiroiet de sorte que sa saincteté cognoistroit qu'eux deux ensemble n'estoient à mespriser. A ceste cause remonstreroient & persuaderoient par tous les moyens dont ils se pourroiet aviser à sa saincteté, qu'elle devoit tascher sur toutes choses de contenter lesdits seigneurs,& mesmemét le Roy d'Angleterre, l'affaire duquel luy estoit en recommandation autant que son propre. Luy remonstreroient pareillement qu'il voulsift bien meurement & prudemment considerer de combien luy pouvoit ayder & servir d'avoir pour amis deux tels Roys: & au contraire les entretenas mal-cotens, quelle deffaveur ce pouvoit estre à luy, & au S. Siege Apostolic: attendu mesmes

Instructions
données aux
Cardinaux
de Tournon
El Grandmont pour remonstrer au
Pape.

qu'iceux deux Roys avoient pris une telle & si parfaicte amitié ensemble, que l'on pouvoit tenir clairement & reputer pour chose seure que l'un & l'autre avecques tous & cha cuns leurs affaires n'estoient qu'une mesme chose: aumoins on ne pouvoit ignorer qu'ils ne sussent avecques toutes leurs amitiez & alliances publicques & secrettes, pour faire & executer quand bon leur sembleroit de grandes choses: à quoy sa saince d'eux mettre en chemin d'entreprendre aucune chose contre elle, dont luy en pourroit ensuivre un

gros dommage & regret perpetuel à l'advenir.

CAR où ils entreprendroient de demander un Concile universel (ayans la commodité d'en celebrer un particulier de leurs Royaumes, païs, terres, & feigneuries, & d'autres qui voudroient y adherer) & sa saincteté ne l'accordoit ou delayast, ils prenovent son delay pour restus, & le fissent sans elle, facilement ils se pourroient justifier de ce que deslus: en recitant leurs griefs aux autres Princes Chrestiens, lesquels se ressentiroyent des pareils griefs ou plus grands: & en adviendroit qu'ils deffendroyent à leurs fubjects d'estre si osez ny hardis que de porter ou envoyer argent à Rome, directement ou indirectement par lettres de banque, change, ou autrement: sur telles peines qu'ils se feroient obeir. Diroient d'avantage iceux Cardinaux avoir entendu du Roy tres-Chrestien, qu'au cas que sa saincteté voudroit proceder par censures à l'encontre de luy & de son Royaume (chose que ses predecesseurs n'ont jamais accoustumé de faire par le passé contre le Roy de France) & que ledit seigneur fust contrainct d'aller à Rome querir fon absolution, il iroit si bien accompagné que sadite sain-Cteté seroit tres-aise de la luy accorder: adjousteroiet iceux Cardinaux aux dessusdites remonstrances, qu'elle eust à considerer l'estat où sont les Allemagnes, le païs des Ligues, & autres plusieurs pais de la Chrestienté, comme ils se sont disjoincts de l'obeissance de l'Eglise Romaine, dont il seroit à craindre, que si deux si puissans Roys s'en destour noient à faulte de justice (comme ils pourroient dire & alleguer) ils trouveroient plusieurs qui leur adhereroient: & eux deux ensemble avec leurs amitiez ouvertes & secrettes (comme dit est) pourroient faire un tel effort, qu'il

seroit bien difficile d'y resister : & au lieu de la paix qui est de present en la Chtestienté, se pourroit causer une guerre

plus grande que celle qui avoit eu lieu par le passé.

Fur outre-plus apposé aux instructions sesdits Cardinaux, que là ou ils trouveroient nostre S. Pere en bonne disposition de moderer les choses, & principalement envers le Roy d'Angleterre, ils luy missent en avant comme par advis, qu'il feist une entreveue avec le Roy Tres-chrestien à Nice ou en Avignon, suivant le propos cy devant mentionné: & que ledit seigneur moyenneroit envers le Roy son frere, pour sy trouver pareillement, en laquelle veuë se pourroient toutes choses rabiller par bon & honneste moven: laquelle assemblée il seroit bon de faire, avant qu'iceux Roys eussent envoyé faire ladite sommation, & que les choses fussent plus a vant aigries. Telle fut la coclusion entre les Roys, & en fut par le Roy Tres-Chrestien donné avis à l'Evesque d'Auxerre de Tinteville son ambassadeur, comme lesdits Cardinaux se trouveroient à l'entreveuë du Pape & de l'Empereur, pour là respondre en ce que mestier seroit de l'intention dudit seigneur: aussi leur fut expressement ordonné de faire ce pendant toute extreme instance envers ledict sainct Pere, de vouloir donner au Roy de Angleterre juges en ses pais. Et ce faict prindrent les Roys congé l'un de l'autre à S. Iouquelvert, entre Callaiz & Bolongne: où se seit la separation des deux seigneuries : jusques auquel lieu le Roy d'Angleterre estoit venu accompagner le Roy de France: & passa la mer avecques sedit Roy d'Angleterre, le seigneur de Montpesat gentil-homme de la chambre du Roy, afin de servir d'Ambassadeur pour le Roy enver s ledit Roy d'Angleterre.

ESTANT le Roy deretour, alla passer son hyver à Paris & aux envirous, où il feit assembler un bon nombre de Accord de Prelats de son Royaume: ausquels il remonstra les grosses grosses deciaffaires qu'il avoit euz par le passe, l'apparence des affaires mes au Royadvenir, & la provision qui estoit necessaire pour y obvier, leur demandant quelque volontaire subside pour y satis-

faire. Ce que les dits Prelats, encores que le dit seigneur n'en eust post de bulle (chose qui est accoustumée d'avoir en pareil cas) luy accorderet liberalemet & jusques à ij.ou iij, decimes à son plaisir!: & là eut nouvelles de l'Evesque d'Au-

xerre son ambassadeur à Rome, comme le Pape adverty de

la deliberation pes Cardinaux de Tournon & de Grantmont de venir assister à ceste veuë, l'avoit trouvée tresbonne: & avoit requis qu'ils apportasset pouvoir du Roy pour y traitter selon les occurrences qui s'osfriroiet pour le bien de la Chrestienté: dont ledit seigneur advertit le Roy de Angleterre son bon frere, pour entendre son vouloir, & s'il suy sembloit bon d'y en envoyer un pareillement de sa part: à quoy il s'accorda, & en envoyerent tous deux chacun un de pareille teneur & puissance.

L'AN mille cinq cens trente trois le quatriesme jour de Ianvier arriverent noz Cardinaux à Bolongne la grasse, où ja estoient arrivez nostre S. Pere & l'Empereur: lequel Empereur entre autres choses principalement tendoit à renouveller, & en renouvellant declarer plus à son advantage & au desavantage du Roy la ligue au-paravant faicte entre luy & les Potentats d'Italie, voulant y comprendre Genes, soubs couleur & espece que le Roy par le traitté de Cambray avoit quitté toute l'Italie, soubs lesquels termes devoit Genes estre comprise: & remonstroit audit S. Pere & autres Potentats, que ledit seigneur Roy ne pretendoit la querelle de Genes n'estre comprise en sa renonciation, finon en intention de se reserver une porte ouverte pour y entrer, inquieter, & troubler tout le demourant: parquoy il estoir besoing pour l'en forclorre entierement, faire de claration que ladite seigneurie de Genes estoit comprise en la susdite sigue, & par icelle receue en la protection dudit, seigneur Empereur, & de tous les dessusdits Potentats alliez & confederez.

Nostre fainct Pere qui avoit ja eu quelques nouvelles du malcontentement des deux Roys de France & d'Angleterre: & n'avoit quasi aucun espoir d'estre savorisé ny soustenu du Roy de France, & d'autre part se voioit pressé de l'Empereur une sois par offres & douceur, autre par menasses & rigueur de consentir à ceste declaration de sigue, avoit presque resolu en sa deliberation de condescendre à la volonté dudit seigneur Empereur, & de se jetter entierement entre ses bras, pour avecques suy courir une messime fortune, & alloit tant seulement un peu temporisant & delayant, attendant veoir que suy apporteroit la venue de ses Cardinaux.

I C E V X Cardinaux quand ils entendirent à leur arrivée comment

traindre s'ils alleguoient audit S. Pere tout le mal-contentement des Roys, ils luy augmentassent son desespoir, & que l'Empereur au moyen de ce le sist precipiter en sa de-Traittez des votion, & en faire à son apetit contre le Roy d'Angleterre, Cardinaux chose qui l'aigrist plus sort, & dont s'ensuivit un trouble Tournon El de la Chrestienté, se desibererent d'entrer à l'execution de Grand-mont leurs instructions par le dernier article d'icelles! & au lieu avec le Papes de comencer par la voye de rigueur, & sinir par douceur, ainsi qu'il leur estoit ordoné, prindrent le chemin du tout contraire, & commencerent à luy saire entendre, comme desirans (ainsi que de faict ils desiroient) le bien de luy & du siege Apostolicque: combien il devoit tascher à entretenir le Roy Tres-chrestien au bon vouloir qu'il avoit tant

envers sa saincteté, qu'au bien & repos d'Italie, & que ledit seigneur Roy outre le bon office qu'il avoit faict, pour adoucir l'aigreur où il avoit trouvé le Roy d'Angleterre son bon frere, en quoy il n'avoit peu proufité (comme ils remettoient à luy dire par apres) & qu'incontinant qu'il avoit entendu la deliberation dudit S. Pere touchant la pacification & repos d'Italie, & que sa saincteté craignoit que ledit seigneur, à cause de la querelle qu'il pretendoit à la seigneurie de Genes, ne vint quelque-fois à troubler ledit repos: il leur avoit donné charge, que là où il ne tiendroit à autre chose que le faict de ceste pacification ne fust bien & entierement asseuré, ils offrissent à sa saincteté, de soubmettre au jugement d'icelle tous les differens & querelles qu'il avoit avec les Genevois: & que toute la reservation qu'il en faisoit, n'estoit que pour seulement chastier aucunes particulieres offences d'iceux Genevois, que sa saincteté n'ignoroit.

A ceste cause qu'elle se devoit bien garder de comptendre Genes en aucune ligue, en laquelle sadite saincteré sust contrahente: pour autant que l'Empereur & le Roy par le traitté de Cambray s'estoient soubmis aux censures Apostolicques, & avoient consenty que sa saincteré peust user d'icelles à l'encontre de celuy qui premier contreviendroit audit traitté: en quoy gisoit cognoissance de cause, la quelle luy appartenoit. Parquoy sa saincteré demoureroit juge entre les seigneurs, s'il avenoit que le Roy entreprenant quelque chose contre les Genevois, l'Empereur vou-

lust à ceste cause pretendre que ce sust enfraindre ledit trait té: de laquelle cognoissance & du moyen de saire ce bien à la Chrestienté de la mettre en paix, sa saincteté se priveroit & se feroit partie, s'essoignant de l'office & devoir de Pape & pere commun si elle entroit en ligue ou les Genevois sus sent comprins.

Offroient d'avantage iceux Cardinaux audit S.Pe. re, que s'il vouloit en ensuivant la parole qu'autresfois il avoit faict porter au Roy de parlamenter avecques luy a-Nice, ou Avignon, ou autre part és environs, ledit seigneur Ly trouveroit & le feroit juge de tout le différend qu'il avoit avecques lesdits Genevois, & mettroit peine autant que luy seroit possible d'y faire aussi trouver le Roy d'Angleterre son bon frere, ou personnage ayant de luy toute puissance de mettre fin à la difficulté de son divorce. Priant iceux Cardinaux sa saincteté de ne riens innover ce-pendant contre ledit Roy d'Angleterre: plus luy offrirent de par le Roy qu'à ladite entreveuë (si elle se faisoit) on pourroit conclure & mettre à execution certains propos autre sfois mis en avant entre sa saincteté d'une part, le Duc d'Albanie & le Cardinal de Grandmont d'autre au nom du Roy.

Tout es ces choses pleurent grandement au S.Pere principalement par-ce qu'il pouvoit encores esperer appuy du costé de France, & sut tresaise d'avoir trouvé ceste eschappatoire pour s'excuser envers l'Empereur, qui tan le pressoit & incitoit d'entrer en ceste declaration & am pliation de ligue. Et fault entendre que les propos qui ramenteurent iceux Cardinaux au-paravant mis en avan par ledit S. Pere avecques les dessussities Duc & Cardinal estoient merveilleusement advantageux & honnorable audit S.Pere, & à la grande exaltation & appuy de sa mai son, laquelle il avoit en recommandation singuliere, & tel estoient les propos que maintenant vous entendrez.

Estant le Duc d'Albanie (comme il est dit cy dessurenvoyé vers nostre S. Pere, pour avec les ambassadeurs de autres Princes & Potentats Chiestiens, traitter des chose concernans le bien & repos de la Chrestienté, & de la ressence contre le Turc, & autres ennemis d'icelle: apres que les ambassadeurs de l'Empereur & autres eurét declaré n'a voir commission ny pouvoir de ce faire, ledit S. Pere ayan

pportunité de parler & conferer privément des affaires e sa niepce la Duchesse d'urbin avec ledit Duc d'Albanie roche parent, & qui autresfois avoit espousé la tante marnelle de ladite Duchesse, entrerent (entre autres propos) ir ceux qui autresfois avoient esté mis en avant par le Pae Leon, & depuis refreschis par sa saincteté, du mariage de ionseigneur Henry alors Duc d'Orleans second fils de rance auecques ladite Duchesse: offrant ledit S. Pere au Du mariage luc d'Albanie d'accroistre le bien d'icelle par mariage, fai- de Henry nt des seigneuries de Rege, Modéne, Rubière, Pise, & Li- second fils du orne, & d'avantage de Parme & de Plaisance: sinon à meil Roy Franure condition, à tout le moins par eschange & tecompen gois. d'autres terres. Outre laquelle donation ainsi par luy cordée, & apres que lesdits d'Albanie & Cardinal eurent consentement du Roy, & charge d'y consentir en son om dés le mois d'Avril l'an mille cinq cens trente un, letsainct Pere promist de donner audit futur espoux l'ay-& secours qui entre-eux seroit avisé pour le recouvreent de son estat de Milan à luy appartenant : en partie à use de l'investiture donnée au feu Roy Loys douziesme ir le feu Empereur Maximilian, & pour autre partie luy partiendroit par le transport & cession que luy en depient faire le Roy, & messeigneurs les Dauphin & Duc Angoulesme ses autres enfans: aussi tout ayde & secours ladite niepce future espouse pour le recouvrement de son t estat & Duché d'urbin. Et le neufiesme jour de Juing suivant sa saincteté feit ladite donation, par lettres siices de sa main, & dés lors comme maintenant, promit rechef sursa foy delivrer au Roy lesdites villes & tersaux termes qui seroient entre eux advisez (la consomation du mariage prealable)& que pour le recouvrement urbin il fourniroit à la moitié des frais, excepté de ceux ela gendarmerie du Roy: par-ce qu'elle estoit à sa soulde dinaire.

NEANT MOINS CE Pourparlé de mariage, si est-ce que S. Pere n'osoit tenir pour asseuré ny se persuader que le oy luy voulust tant faire d'honneur que d'entendre à la insommation d'iceluy, mais ceste constrmation de props offerte de nouveau par iceux Cardinaux, dont l'un oit esté à la premiere ouverture qui en avoit esté faisse, resjouit merveilleusemet & le rasseura qu'il ne se la sissait

du tout aller à la devotion & appetit de l'Empereur: ains accorda l'entreveuë & parlement avecques le Roy, auquel il en escrivit de sa main, priant toutes sois que la chose sust tenue secrette, jusques apres le partement de l'Empereur, & que desja il peust estre arrivé en Espagne. Et rasseuré qu'il fut, noz Cardinaux le plus dextrement qu'il fut possible, luy exposerent le demeurant de leur creance, & principalement de l'affaire du Roy d'Angleterre, pour lequel ils avoient ordinairement recharge du Roy une fois ou deux la sepmaine, avec expresse commission de ne s'employer moins aux affaires de luy qu'aux siens propres & particuliers, & melmemet qu'en ces propres ils ne traittassent ny arrestassent rien de chose qui seur fust mise en avat, sans le sceu, vouloir & consentement des ambassadeurs dudit Roy d'Angleterre, ausquels ambassadeurs iceux Cardinaux com muniquerent tousjours, non seulement ce qu'ils entendoiet mettre en avant, mais toutes les lettres qu'ils recevoient dudit seigneur Roy Tres-chrestien: lesquels ambassadeurs apres avoir consideré l'estat present des choses, furent d'avis que pour lors on ne pouvoit moins faire pour le Roy leur maistre que de ne ries precipiter, & remettre le tout jusques apres le partemét de l'Empereur, & ce-pendant donner ordre seulement que le S. Pere ne passast outre, au prejudice & grief de la cause de leurdit maistre.

Que Loues jours apres la venue d'iceux Cardinaux, l'Empereur cogneut bien aux propos & contenances de no stre sainct Pere, qu'il estoit moins enclin à luy qu'au-para vant, & se doubta bien d'où estoit cela procedé. Car autres fois avoit il entendu quelque chose de ces propos de marie gé, mesmement ledit S. Pere les luy avoit faict declarer, & fur iceux demander son avis: & estimant toutes fois que le chose iamais ne vint à fin, ledit Empereur l'avoit grande ment conforté d'y entendre. A ceste cause pour en sçavoi la verité, & pour rompre le desseing du Roy, l'Empereu feit par les seigneurs de Cannes & Grant-velle mettre et avant audit S.Pere le mariage de laditte Duchesse d'urbin avec le Duc Francisque Sforce, laquelle offre nostre S. Per monstra bien de la trouver grande & le party bon, toutes fois il leur declara ouvertement l'autre party dont il estoi en propos: bien disoit-il qu'il le trouvoit si hault & si hon norable pour sa maison, ayant esgard aux dignitez & de

grez des maisons, que sans point de faulte il n'osoit esperer tant de bien & d'honneur, mais puis que les propos en costoiét si avant, qu'il ne pouvoit (ce nonobstat) sans offencer le Roy qui tant d'honneur luy presentoit, entédre aillieurs à quelconque autre party, si la rompture ne venoit premietement du costé dudit seigneur, joinct que sa niepce avoit lu bien en France jusques à v.ou vj.cens mille escus vaillat qu'elle consisqueroit au Roy en prenant hors de son Royume, party de mariage sans son contentement & congé.

A cela sut repliqué par les dessussities Cannes & Grant-

elle que quant à la perte & confiscation du bien, l'Empeeur avoit bon moyen de l'en recompenser: car il luy bailleoit en contre change de ce qu'elle avoit en France, autant e plus vaillant au Duché de Milan, pour estre propre d'elle c des siens, & dont il l'investiroit des lors du consentement liceluy Duc, lequel à ce tenir & observer inviolablement y obligeroit,& ses successeurs apres lúy, par toutes obligaons & seuretez que sa saincteté demanderoit. Quant au nariage d'Orleans qu'ils ne vouloient ne pouvoient nier ue ce party ne fust trop plus honnorable & avantageux ue l'autre, mais qu'il ne falloit que sa saincteté en sist fonement, ne qu'elle esperast que le Roy en mist les propos n avant sinon en intention de l'amuser, pour ce pendant uire son prouffit de luy, puis le quitter quand il en auroit iict. - Au demourant ils conseilloient à sa saincteté que our l'en esclarcir promptement, il demandast ausdits Carinaux fils avoient pouvoir de traitter d'iceluy mariage,& u cas qu'ils ne l'eussent que c'estoit bien suffisant indice our evidemment cognoistre l'intention du Roy estre telle u'ils alleguoient. Ainsi qu'ils conseillerent il fut faict, & à respondirent les Cardinaux que pouvoir & mandement voient ils bien, mais par lettres missives & verbalement, & on point foubs les feings & féel dudit feigneur, toutesfois soffroient à sa saincteté de l'envoyer querir & de l'avoir i peu de jours signé & séelle.

L'EMPEREUR (neantmoins) continuoit ce-pendant poursuite de faire confermer declarer & amplisser ceste gue, y comprenant l'estat de Genes, & nostre S. Pere tousous se couvroit de l'excuse devant ditte, qu'estant juge cepté par les parties, il ne pouvoit ne devoit se renger e l'un ny de l'autre costé. Le Duc d'urbin comme ayant

de Venise, de la part de l'Empereur, essayer s'il pourroit attirer les Venitiens à cest effect, mais il n'y peut riens obtenir, car les Venitiens declarerent absolument qu'ils n'y vouloient entrer plus avant qu'ils y estoient. Leurs ambassadeurs firent sçavoir à noz Cardinaux que lesdits Venities avoient faiet ceste response comme ne voulans en rien offencer ny irriter le Roy: au S. Pere & à l'Empereur ils alleguoient autre raison, c'est à sçavoir, qu'ils ne pouvoient le faire sans irriter le Turc, avec lequel ils avoient trefves ou paix jurée, & cotre lequel André d'Orie avoit faict rigoureuse guerre, qui de sa nation estoit Genevois : ainsi en divers lieux ils se servirent de diverses raisons pour une mesme response & à mesmes propos. Le Duc de Ferrare y vouloit bien entrer voire en pressoit bien fort, esperant au moyen de ceste declaration s'asseurer des seigneuries de Rege & Modéne: & offroit à nostre S. Pere outre & par deslus la sentence donnée par l'Empereur en son conseil, de luy payer cent mille escus comptant: mais le S. Pere n'y voulut entendre ny consentir ny approuver laditte sentence. Or avoit l'Empereur dés le commencement qu'il mist ceste declaration de ligue en avant, requis aux confederez & alliez, que tous ensemble sissent une taxe entre-eux pour contribuer à la soulde des gens de guerre, qu'il remonstroit estre requis d'entretenir en Italie, pour la seureré du repos & tranquillité d'icelle : à ce que surprise n'y fust faicte inopinement: laquelle soulde pouvoit mo ter à la somme de six vingts mille escus par chacun moys, & pour l'entretenement desdits gens de guerre, il demandoit expressement que l'on consignast promptement le payement du premier moys entre les mains d'un banquier Genevois, fondant ceste contribution & entretenement des gens de guerre sur le danger des invasions du Turc, & quant à sa part il ne vouloit eltre subject à laditte contribution, alleguant les grads frais & despense qu'il luy conviendroit faire au cas que lon vint quelque-fois à la guerre, ainsi qu'il estoit assez apparant & croyable, & tellement avoit ja persuadé que la chose valoit presque autant que coclue: mais depuis qu'il eut comence à faire si grande instance d'y comprendre l'estat de Genes, il fut contrainct d'oster le masque & d'avouer que c'estoit seulement pour

Confederatio El contribu tion pour le repos d'Italic, crainte du Roy, & proposa contre luy de grandes & griefyes plainctes, comme contre un conturbateur ordinaire de

la paix & tranquilité publique.

Sur quo y les Cardinaulx François & l'ambassadeur du Roy ne faillirent de chaffauder & bastir des remonstran ces à un chacun apart, & puis à tous en general, en allegant & deduisant par bonnes & vives raisons, comme la chose que demandoit l'Empereur estoit pour mettre le trouble & non le repos en Italie, & qu'indubitablement il ne tendoit à ceste poursuitte, sinon pour entretenir son armée en Italie aux despens d'autruy preste à marcher contre le Roy à toutes occasions & opportunitez sans y frayer un escu du sien: quoy avenant il ne falloit point doubter que le Roy ayant ceste occasion de se tenir sur ses gardes n'entretint une autre armée en la frontiere d'Italie sur le Marquisat de Salusses & sur ses païs de Dauphiné, de peut que l'Empereur à l'improviste luy vint courir sus: en quoy il estoit grandement à craindre que deux armées ne fussent long temps si prochaines sans que par la coulpe de l'une ou de l'autre elles l'attaquassent ensemble, & que d'une petite estincelle s'allumast un grand feu, au danger evidant de toute l'Italie. Ioinct que les Potentats d'icelle auroient ce pendant entretenu à leurs despens une armée, laquelle paraven ture seroit un jour employée contre eux mesmes pour les opprimer & leur tollir la liberté : car ils pouvoient assez juger & recueillir par la pratique oblique qu'il avoit faicte que les Genevois entrassent en ceste ligue non comme Republique & membre d'Italie, mais comme ses subjects particuliers, & par tant d'autres divers & apparens indices que son intention aspiroit entierement à reduire & remettre la totalle monarchie en sa main.

C es remonstrances leur toucherent si avant, & furent prises par eux de telle sorte qu'à la longue il fut arresté de ne faire point de consignation, mais que seulement chacun des consederez se quottiseroit à ce qu'il devroit sournir avenant la guerre en Italie, & bailleroit banques respondantes de sa taxe & quottisation, laquelle contribution motoit de cent à six vingts mille escus par chacun moys en téps de guerre. Aussi fut arresté que l'Empereur osteroit son armée hors de Lombardie, asin de ne donner au Roy occasion d'en dresser une autre sur la frontiere, & que seulement

il laisseroit Antoine de Leve pour capitaine general de la ligue, & avecques luy aucuns capitaines pour estre prests à lever gens quand besoing en seroit:pour l'estat desquels capitaine general & capitaines particuliers, iceux confederez payeroient vingt einq mille escus par chaeun mois. L'Empereur apres ces choses ainsi conclues renvoya en Espagno trois mille hommes de sadicte armée, autant ou environ à Naples, & au furplus il donna congé. Le Duc de Ferrare entra en ceste ligue moyennant la suspension pour dixhuict moysque luy accorda nostre S. Pere de ne rien entreprendre sur luy à cause des villes de Rhege & de Modene, sans toutesfois approuver la dessusdicte sentence de l'Empereur: aussi y entrerent les Genevois, mais comme contrahans, & non comme subjects de l'Empereur, encores que de rechef ils en fussent tresinstamment recherchez & solicitez, L'ambassadeur des einq cantons, lequel estoit allé demander au Sain& Pere & à l'Empereur ayde & secours, au cas que les autres cantons soubstraicts de l'obeissance de l'Eglise Romaine leur feissent guerre, fur pareillement recherché d'entrer en ligue au nom des superieurs : à quoy il seit response de n'en avoir charge ny mandement.

Durant ce temps, & désenviron la mi-Fevrier estoit àrrivé le pouvoir du Roy, addressant aux Cardinaux & à son ambassadeur, avecques clause expresse de traitter & conclure le mariage du Duc d'Orleans avecques la Duchesse d'vrbin, dont l'Empereur se trouva moult esbahy, & n'eust jamais pensé (si comme il disoit à nostre S. Pere) que ledict seigneur Roy le deust envoyer : parquoy il s'efforçoit de remonstrer & persuader à sa saincteré que le Roy ne l'avoit envoyé sino pour mine, & que s'il pressoit les ambassadeurs de tirer avant & de conclure le traitté, ils n'y voudroient aucunement entendre: mais les Cardinaux & ambassadeurs offrirent de ce faire, dont l'Empereur fut encores plus estonné par-ce qu'il se voyoit frustré de son intention d'attirer ledict S. Pere contre le Roy. Requist lors à sa saincteté qu'au moins elle ne traittast poinct sans y coprendre quatre articles, lesquels il disoit luy avoir esté par ledict Sain& Pere accordez & promis d'y comprendre, alors qu'il luy conseilla d'entendre audict mariage, chose toutesfois dont ledit S. Pere nyoit avoir jamais ouy parler.

Le premier article estoit de faire envers le Roy, qu'il promist de ne rien innover en Italie: l'autre de faire qu'il reconfermast les traittez de Madril & de Cambray : le tiers de prendre dudict seigneur asseurance de consentir au Cócile: le quart de faire obliger le Roy, & promettre que par le Roy d'Angleterre il ne seroit riens innové plus avant qu'il avoit esté touchant le faict de son divorce. A ce respondit nostre Sainct Pere, que le bien & honneur qui à sa maison estoit accordé par le Roy, en acceptant son alliance, estoiét tels & si grands, que c'estoit audict seigneur, & non à luy d'y apposer & ordonner les conditions: bien offroit-il de l'employer en ce qu'il pourroit, & moyenner envers ledict seigneur & tous autres, que toutes choses demeurassent en

bonne paix & repos.

CESTE incidente mention du Concile maintenant me Sur le fait semond & rappelle à reciter ce qu'au-paravant en avoit e- du Concile sté proposé. L'Empereur ayant promis aux Allemans de le universel. faire convoquer au dedans d'un an, avoit envoyé vers nostre S. Pere le requerir de ce faire, & luy avoir envoyé quelques articles de modifications qu'il jugeoit estre bonnes & raisonnables à tenir en la convocation d'iceluy: principalement pour la reformation des heretiques, secondement pour resister aux invasions du Turc, & tiercement pour assopir les divisions d'entre les Princes & Potentats de la Chrestienté. Nostre S. Pere apres avoir leu iceux articles, donna charge à un nombre de ses principaux conseillers & gens de bon sçavoir, que de rechef ils les vissent & examinassent, & luy en rap portassent leur avis : à ce que sur iceux il deliberast & conclust, ce qu'il luy sembleroit estre bon d'y respondre. Lesquels gens doctes & sçavants luy en feirent les remonstrances qui l'ensuivent, & lesquelles nostredict S. Pere feit entendre à l'Empereur, premierement par la bouche de l'Archevesque de Cortonne gouverneur de Bolongne, & depuis par escrit à luy presenté par le Cardinal Čampege Legat & par le protenotaire de Gambare son nonce & ambassadeur aupres de sa majesté Imperiale. Premierement sur le premier article qui estoit la reformation des heresses, il leur sembloit estre grandement à considerer, que faisant la congregation & Concile universel expressement & particulietement à ceste fin, si on y admettoit les heretiques à disputer les opi-

nions de long temps reprouvées par les sainces Conciles, ce seroit chose de tresmauvais exemple & apparence de danger qu'à l'avenir ils estimassent tousjours leur estre licite de revoquer en doute les choses resolues & determincés, & par long traict de temps & ancienne observation approu vées: de maniere que toutes choses & jusques aux articles de la foy, se pourroient journellement disputer & mettre en controverse, & ne se pourroit faire certain fondement sur aucune doctrine, dont resulteroient nouvelles & infinies occasions de nouveaux erreurs, & innovation des anciens. Si au contraire ils n'estoient admis à disputer leursdi-Etes opinions, ils ne se voudroient tenir pour convaincus, par la seule authorité du Concile, ains allegueroient qu'ils auroient esté condamnez sans estre ouys & pirement traittez que ne furent les Arriens & autres, lesquels eurent audience és congregations des Conciles anciens, pour y disputer ce qu'ils sentoient & entendoient de la foy: & avecques telles & semblables doleances se departiroient du Concile sans attendre la determination & fin d'iceluy, & par icelles ils confermeroient en leurs erreurs & intelligences le peuple credule & adherant à eux, Secondement l'ils se sont opposez au Conciles passez, & ont nie l'authorité d'iceux, comment peult on esperer que du futur ils se doivent contenter: & s'ils veulent y contredire, quel scandale sera-ce en nostre temps, que la convocation demeure infructueuse: si pour autre empeschement ou pour les invasions du Turc, ou pour la division d'entre les Princes Chrestiens, ledict Sainct Pere & l'Empereur estoient sans moyen de pouvoir avecques armes ex ecuter la determination d'iceluy contreles rebelles & desobeissans? Tiercement qu'ayant tousjours esté grande l'obstination & pertinacité de tous les heretiques qui oncques furent, encores est plus celle de ceux de present : lesquels adherent (à ce qu'ils disent) à la lettre de la saincte escriture, en rejettant l'authorité des sainces Conciles & l'interpretation des sainces Peres, qui par inspiration divine ont esclarcy ce que par aventure la pure lettre bailloit douteux & ambigu: parquoy seroit à craindre que si les choses du Sacrement & de l'authorité de l'Eglise venoient à estre disputées, ils ne se voulussent jamais rendre vaincus: chose qui non seulement rendroit la determination du Concile illusoire, mais

scandaliseroit grandement ceux qui auroient attendu plus grands effects d'iceluy. Quartement, que si comme lon a peu evidentement cognoistre: par-ce que lesdicts heretiques ont proposé à la diete Imperiale à Ausbourg, ils ont demandé le Concile à la seule sin de perseverer en leurs mauvaises opinions, jusques à la convocation & determination d'iceluy, lequel (ainsi que bien ils cognoissent) ne peult apres qu'il sera indict estre assemblé en moin dre espace de temps que d'un an ou plus, & pourra durer la congregation nou seulement quelques moys, mais quelques années, Pendant lequel temps ils esperent que pourra survenir des empeschemens: si que ledict Concile se disfouldra ou interrompra sans determination, ou sans execution de ce qui sera determiné: à ceste occasion ils perseverecont en leur erreur & doctrine, & eviteront le chastiment de sa majesté Imperiale. Quintement faict à considerer que si lesdicts heretiques prennent, ainsi qu'ils firent à la diete de Ausbourg, occasions de se departir du Concile avant qu'il soit determiné (lesquelles occasions justes ou injustes ne leur peuvent desfaillir) il en pourroit avenir pis qu'au Concile de Basse: car si au temps de lors estant l'estat de l'Eglise pacifique, & si peu de temps au parauant par le Conçile de Constace fut levé le schisme qui avoit si long temps duré, & la question qui estoit loss entre le Pape Eugene & le Concile, sçavoir si le Pape estoit par dessus le Concile, ou le Concile par dessus le Pape, fut occasion de si grand desor dre en l'Eglise, qu'en un mesme temps fur ét deux Conciles, dont par la creation du Pape Fœix resulta un schisme qui dura jusques au temps du Pape Nicolas: il ne fault faire dou bte qu'au temps present que la doctrine Chrestienne est en si grande confusion par la coulpe & malignité des heretiques, la mesme difficulté se remettroit en avant: & si le Concile determinoit que le Pape fust par dessus (ainsi qu'à la verité il est) les dits heretiques prenans fondement sur la determination contraire du Concile tenu à Constance, & n'ayans esgard à ce que alors ils estoient trois soy disans Pa pes, & non un seul vicaire de Dieu, ainsi que nous avons a present: alors ils allegueront ce Concile n'estre point libre, comme desja ils murmurent, & son authorité n'estre point supreme à laquelle aucune raison vueille qu'ils se soubsinet tent, & chercheront de diviser & dissouldre ledit Concile,

se separans des autres, & retenans avec eux quelques Prelats, ainsi qu'il s'en trouvera de curieux des choses nouvelles, aspirans & par-ce moyen esperans de parvenir à plus grands biens & authorité: dont à ceste cause ils pourroient tenir un autre Concile, & y creer un Antipape qui approu vast leurs heresies, & meist la religion Chrestienne en plus grande confusion qu'elle n'est encores. Et si au contraire le Concile terminoit l'authorité sienne estre par dessus celle du Pape, ce seroit une difficulté grande, & un danger no moindre: car si S. M. Imperiale vouloit par sa puissance & authorité mettre fin audit Concile, ou le transfer er en autre lieu, pour interrompre les brigues faictes à l'encontre de l'authorité du Pape (comme en tel cas seroit requis) ledit Concile pretendroit ne pouvoir estre conclu ne transferé en autre part, sans sa propre authorité mesmes, & se pourroit de soy transferer ailleurs outre le gré de S.M.sans qu'elle peust (encores que son pouvoir soit grand) y remedier. Comme par exemple il advint à l'Empereur Sigismod de bonne momoire, auquel (apres avoir tant labouré pour l'Eglise, & encores que par son industrie & authorité avecques gros frais & travaux extremes il eust levé le schisme tant inveteré) ne fut toutes fois possible d'obvier en quelque devoir quil s'en sceust mettre aux discordes & divisiós du Concile de Basse: dont faict à croire que si le futur Concile venoir à durer quelques années, comme il est à presupposer qu'il durera, si la supreme authorité luy demeure, il pourroit succeder occasion que sa majesté Imperiale ne pourroit si longuement y estre presente.

Q v A N T à la seconde cause de la covocation dudit Concile, afin de pourveoir à la repulsion du Turc: iceux deputez metroient en avant, qu'estans ses apprests si grands & si prochains pour invader la Chrestienté, que la convocation du Concile seroit (quant à cest essect) par trop tardive, & seroit besoing en premier lieu de pourveoir & donner bon ordre à y resister & repousser: ce que trop à tard s'executeroit, au cas que l'on attendist jusques à ladite convocation: joinet que ladite convocation du Concile serviroit d'excuse & dilation à ceux qui devroient & ne voudroient assister & doner ayde à ladite repulsion du Turc, & se couvriroient de dire que selon la determination dudit Concile ils donneroient tel ay de que par commun consentement

feroit conclu & arresté.

DISOIENT d'avantage, que si ores le Turc n'avoit volonté de si tost faire entreprise contre la Chrestienté, neatmoins voyant ladite convocation en termes de traitter à son grand dommage, il se pourroit tant plus haster & ame ner de tant plus grande force, pour prevenir la determination de l'entreprise qui se dresseroit pour luy resister. Plus ils remonstroient que si estant le Concile assemblé il ne se trouvoit moyen de reduire les heretiques à l'unio de nostre saincte foy, & qu'ils se departissent sans conclusion dudit concile, il y auroit danger qu'ils s'accordassent avec le Turc, ainsi qu'a faict le Vaïvode de Transsylvanie, soubs esperance qu'il leur seroit permis & loisible d'occuper les biens de l'Eglise, & de vivre en la liberté (qu'ils disent) Evagelique, mais qui plus tost est semblable à la loy Mahometique, chose qui seroit cause de la ruine Chrestienne, à tout le moins d'engendrer une perpetuelle guerre entre eux & nous, comme elle fut engendrée & dure encores entre nous & lesdits Mahomerans.

LESDITS articles proposez de la part de l'Empereur à nostre S. Pere, ensemble la responce de S. S. avoient esté communiquez au Roy par le seigneur du Prat Chevalier de l'ordre de l'Empereur, afin de sçavoir aussi son intention tant sur ladite proposition que sur la responce faicle à icelle: à ce respondir le Roy que nonobstant qu'en la responce & remonstrance dudit saint Pere y eust des raisons fort apparentes du danger & inconvenient qui pourroit avenir de la covocation du Concile: il y avoit de l'autre part autres grandes raisons qui faisoient moult à considerer, & principalement de la disposition & termes esquels estoient reduites les affaires de la religion, lesquels (si Dieu par sa grace n'y mettoit la main) estoient beaucoup plus en apparence d'avoir pis qu'en esperance de mieux avoir : dont grand inconvenient pourroit advenir en la Chrestienté:lequel avenant (que Dieu ne veille) il estoit certain que les Princes Chrestiens qui seront par cy apres, donneront (de quiconque en sera la coulpe) grand blasme & charge audit S. Pere & ausdits Princes Chresties qui aujourd'huy sot d'avoir laissé tomber les choses en telle confusion, ou par faulte d'avoir convoqué le Concile, ou pour avoir en le convoquant adjousté telle modifications & restrictions, qu'elle puissent servir d'excuse & couleur à qui voudra

dire que prou de gens à cause d'icelles n'y auroient vouluentendre.

PARQUOY son avis estoit (attendu les deux poincts principaux cy dessus touchez és remonstrances dudit S.Pere) entendre à l'un sans obmettre l'autre: c'est à sçavoir que tous les Potentats Chrestiens, quelque particuliere do-Arine qu'ils eussent, par lettres & ambassadeurs, communiquassent prealablement ensemble de cest affaire, & lesquels ambassadeurs & chacun d'eux au plus tost que faire se pourroit envoyassent à Rome, avecques pouvoirs amples & suffisans pour aviser & arrester enseble de la comodité du lieu,& du temps où se pourroit sans le danger d'aucun celebrer ledit Concile, come pour jetter & mettre par escrit d'un comun accord & consentement tous les poincis & articles dont il sera besoing & requis de parler en iceluy. Laislant toutesfois à tous & à chacun plaine & franche liberté(moyennant qu'il ne se par le des particulieres querelles en quelque façon & maniere que ce soit) d'y proposer & mettre en avant tout ce qui luy viendra en fantasse pour l'union, bien & repos de la Chrestienté, service de Dieu, & repression des vices, extirpation des heresies & confirmation de nostre foy, sansy particulariser autremét, ne fairemention du contenu és remonstrances de nostre S. Pere, comme d'y articuler specialement qu'il n'y soitpoint disputé des choses des ja traittées par les Conciles, ne que cela fust ouvrir la voye pour faire par cy apres le semblable sur ce qui seroit arresté en ce nouveau Concile: car adjoustant une partie en premiere instance, & avant que les ambassadeurs & deputez des uns & des autres eussent communiqué ensemble des dessus ditteles & restrictions touchat le faict & ce qui concerne la religion, c'estoit donné à plusieurs occasion ou excuse de ne s'y trouver ainsi que dit est. Mais envoyant un chacun ses ambassadeurs & deputez avec pouvoirs non limitez, telles occasions & excuses faudroient: & se trouvans ensemble n'y auroit celuy auquel il ne semblast tresbon de rediger & mettre par escrit selou l'avis & consentement commun, les poincts principaux dont lon voudra & devra traitter audit Concile, & que les particulieres querelles qui pourroient mettre division entre les assistans, ce temps pendant demourassent assopies.

Lesque Le articles & poincts ainsi redigezestoit l'avis dudit seigneur Roy que l'on intimast alors le Concile & non plustost,& que chacun en aportast un double à ses superieurs, afin que tous au temps prefix y retournassent instruicts & bien resolus de ce qu'ils ont de dire là dessus: où f'il avenoit que ceux qui aujourd'huy se sont separez de l'obeissance de l'Eglise Romaine s'accordassent avec les autres és dessusdits poincts qui se devoiét traitter; il seroit à esperer qu'ils prinssent avecques les autres le chemin de salur: & là où ils ne s'accorderoiet, à tout le moins ne pourroient ils nier qu'ils n'eussent resusé la raison & le Concile qu'ils auroient tant demandé: & quant au demourant pourroient lesdits ambassadeurs en ceste leur premiere assemblée, & sans attendre l'indiction du Concile, deliberer & arrester entre-eux le moyen & le chemin que l'on auroit à tenir pour y pourveoir & donner ordre, & leurs superieurs aussi chacun en son endroict mettre peine que les erre urs ne pullulassent en leurs païs & subjection:ainsi(coduisant les choses à la sincerité cy dessus recitée) estoit bien l'advis dudit seigneur Roy, que l'on ne pourroit esperer avec l'ayde de Dicu, sinon bonne & louable issue dudit Concile.

P E u avant la fin de Fevrier receut l'Empereur ceste respoce & advis du Roy, lesquels il interpreta & print tout autrement, que n'esperoit & ne s'estoit persuadé ledit seigneur. Premierement en ce qu'il sembloit au Roy estre covenable à l'effect du futur Concile, que les ambassadeurs des Princes & Potentats Chrestiens prealablement projestassent les poinces & articles dont il seroit traitté audit Concile, l'Em pereur estoit d'advis que cela seroit de plain sault, restraindre & diminuer l'authorité du dit Concile: lequel & tout ce qu'il traittera doit entieremet dependre de l'inspiration du S.Esprit, & non de l'appetit & restriction des hommes. Secondement il sembloit à l'Empereur, & de ce grandement se plaignoit, que le Roy à l'article faisant mention de resister aux invasions du Turc n'avoit faict aucune offre ne responce, comme s'il eust jugé que le danger particulier des plus voisins du feu ne deust toucher à luy qui en estoit des plus loingtains: & furent ces remonstrances en forme de replique ou doleance, apportées de la part de l'Empereur au Roy, lequel ne se peutassez

emerveiller, sinon qu'aucun afin de la calomnier cust desguisé sa responce à l'Empereur, dont procedoit & pouvoit estre la cause que ledit seigneur Empereur se plaignoit, & sur ce dernier article prenoit occasion & couleur de sa

plaincte.

CAR attendu que par sadite responce apres avoir amplement declaré son avis touchant le faict de la religion, il avoit sur la fin adjousté, que les ambassadeurs & deputez en vertu de leurs pouvoirs avisassent & arrestassent entr'eux ce qui seroit de faire pour doner ordre & pourveoir au demourat: il luy sembloit avoir suffisammet faict entedre so bon vouloir, d'autant qu'il estoit assez plus convenable au bien, tuition & deffence de la Chrestienté, que par iceux, ambassadeurs & deputez qui promptement se pouvoient envoyer à Rome il fust traitté dudit affaire, que non pas attendre à en traitter au Concile, lequel (ainsi que cy devant a esté dit) ne se pouvoit encores assembler d'un an, pédant lequel temps on donneroit prou de loisir au Turc ja preparé d'assaillir & endommager la Chrestienté. Aussi quant à l'autre poinct où l'Empereur alleguoit qu'en traittant & proposant par les ambassadeurs des Potentats Chrestiens les poincts & articles dont au Concile il seroit decidé, cer la seroit restraindre l'authorité dudit Concile, lequél & ce qui s'y traittera ne doit dependre que du S. Esprit, sembloit au Roy que sa responce avoit esté sinistrement & malignement interpretée: car envoyant ambassadeurs avec plain & ample pouvoir & d'une pure & sincere affection au bien & union de l'Eglise Chrestienne, son opinion & avis estoient que leur assemblée ne pouvoir estre sans le S. Esprit, & que tout ce qu'ils arresteroient devoit estre tenu pour un preambule & commencement de Concile.

Pour toutesfois satisfaire entierement à son debvoir il envoya plus ample & certaine declaration de son vouloir audit seigneur Empereur: & quant au premier poinct luy feit entendre, puis que sa majesté vouloir que le Concile sust intimé sans aucune restriction, & sans prealable convocation de ceux qui devroient y assister, luy de sa part en estoit trescontent, & n'avoit esté le premier qui eust par-lé de restriction ou limitation, ainsi qu'il pouvoit estre evidant à qui liroit les articles que luy avoit ledit du Prat ap portez & presentez de la part dudit seigneur Empereur. Lt

qu'au surplus ce qu'il avoit mis en avant de ne parler des particulieres querelles, il l'avoit faict en bonne intention & pour obvier à ce que le Concile ne fust empesché à la vui dange d'icelles au lieu d'y traitter des affaires de la religios & nonobstant qu'il n'y eust Prince en toute la Chrestienté auquel on detint du sien autant que lon faisoit à luy, tou tesfois avoit il bien voulu pour le bien & prouffit universel, oublier ou delayer la querelle de son interest particu? lier. Protestant de rechef & ouvertement qu'à son avis il ne fut oncques temps qui plus le requist que celuy de present, de convoquer & celebrer un bon Concile: & puis qu'il avoit pleu à Dieu les constituer és lieux & dignitez où ils estoient, que la meilleure, plus saince, & salutaire euvre que chacun d'eux peust faire, estoit de s'employer à ce qu'il fust celebré le plus tost que faire se pourroit, avecques telle & si pure intention que les vices & abus qui sy commettroient ne meissent tous les precedens en dispute, & feissent soupeçonner qu'il y eust esté procedé de mesme sortes afin qu'il l'intimast en lieu commode & de seur accés, à ce que nul fust refusant d'y aller , & qu'il se puisse veritablement dire Concile universel, & non pas national ou provincial ainsi que lo pourroit le baptiser si toutes les natios Chrestiennes n'y assistoient. Et quant à la resistence contre le Turc, encores qu'il eust payé douze cens mille escus & luy en convint encores payer huict cens mille, pour le parfaict des deux millios, outre les gros frais & pertes qu'il avoit supportez: que toutesfois la finale & certaine resolution estoit, nonobstant lesdites insuportables charges qu'il a foultenues, & luy convenoir encores foultenir quand il verroit que le Turc seroit pour en personne assaillir la Chrestienté, d'y employer non seulement ses forces & le sang de sa noblesse, mais aussi sa personne & propre vie, esperant & se tenant asseuré que ledit seigneur Empereur fera le semblable, lequel il prioit de vouloir prendre seldites responces en bonne part, comme procedantes d'homme qui sur toutes choses du monde desire n'avoir jamais cause de vivre autrement qu'en bonne & loyale amitié avec luy.

TELLES furent les demande, response, repliques & remonstrances entre le Pape, & ces deux Princes, touchant l'intimation & celebration du Concile: mais conobstant

que ce pendant vinssent nouvelles unes sur autres qui bien devoient faire haster la conclusion, coment le Turc apres son retour en Constantinople, qu'il feit en triomphe comme victorieux & comme ayant empesché l'Empereur de conquerir le Royaume de Hongrie, ainsi qu'il s'en estoit vanté, avoit faict publier la guerre contre ledit seigneut Empereur, ses païs, & subjets autat par par terre que par met & des preparatifs qu'il faisoit en diligence de l'armée qu'il dressoit à Zacinthe pour le recouvrement de Coron pris par les Imperiaux & ceux de Malthe l'année mesmes, toutesfois autre chose ne fut executée ny conclue; & ne se peurent le Pape ny les Princes entédre l'un l'autre, ou (à mon avis) ne voulurent: car accordant l'un ce que l'autre demandoit, il y avoit entre-cux si grande deffiance que l'autre ne le pouvoit trouver assez bon. Ainsi se passa ceste negociatio par dissimulatio des uns envers les autres, pour quelque secrette & à nous incogneue voloté de Dieu, qui pour la gradeur de noz pechez ne veult paravanture nous envoyer encores tant de bien.

Cardinaux nouveaux.

R E V E N O N S maintenant à la ligue que feit l'Empereur à Bolongne. Apres qu'il eut conclu ladite ligue, il delibera de se retirer en Espagne, & avant son partement demanda la creatió de trois Cardinaux à nostre S. Pere, mais il ne luy en fut accordé qu'un. L'abassadeur de France aussi demanda un chapeau en faveur du Roy, lequel luy fur accordé pour monscigneur Jean d'Orleans Archevesque de Thoulouse, & oncle du Duc de Longueville: apres en demanda un en saveur du Roy d'Angleterre, pour l'Evesque de Vvirgone auditeur de sa chambre, lequel pour lors ne fut depesché, laquelle requeste l'Empereur print merveilleusement en mauvaise part, ou pour la cognoissance qu'il avoit par-ce moyé, que les affaires de ces deux Roys alloiet, tous d'un brasse, & que l'u ne faisoit pour l'autre moins que pour soy, ou qu'il interpretoit ou avoit opinion que l'ambassadeur de France l'eust faict par emulation de luy, à cause du mal-contentemet qui estoit entre luy & le Roy d'An gleterre, en sorte qu'il declara ouvertement que ceste requeste luy venoit plus à deplaisir & contre-cueur, que si ledir ambassadeur en eust demandé quatre pour son maistre il se partit toutesfois de Bolongne le dernier jour de fevrier sans faire autrement declaratio publique de son vouloir à l'encontre du Roy.

Au DIT seigneur Roy, pendat que ces choses se demenerent à Bolongne, & que les Cardinaux Fraçois au desceu de l'Empereur & des siens, praticquerent l'entreveue cy dessus menrionée l'Evesque de Come depuis Cardinal de Car py, Nonce de nostre S. Pere aupres de sa majesté, avoit pro posé de moyener une entreveue non seulement dudit S.Pere & de luy, mais de l'Empereur avec eux: auquel le Roy dis simulant l'asseurance que desja il avoit dudit S. Pere, ne s'en voulant descouvrir à luy trop avat, que premieremet il n'en sceust l'intétion de S.S. à cause que ceste praticque jusques alors avoit esté menée sans le sceu d'iceluy Nonce: respondit que quant à l'etreveue dudit S. Pere & de luy bien estoit il content d'y entendre, mais non à celle de l'Empereur avec eux; sinon que le Roy d'Angleterre fist le quatriesme, chose que toutesfois il disoit ne luy sembler estre faisables ar luy de sa part, & le Roy d'Angleterre de la sienne, sy voudroient trouver de peur de surprise, chacun aussi fort en son endroict comme s'y trouveroit l'Empereur: & que de là, pourroit avenir (qu'estans ensemble) trois forces de trois Princes asses peu amis, qu'en lieu de cofermer une paix, ils entreroient en une guerre : De ceste ouverture à suy faicte par le Nonce,& de ce qu'il luy en avoit respodu, il avoit dés. exj. dudit mois averty les Cardinaux Fraçois & son ambas adeur à Rome:aussi leur avoit faict respose à ce qu'ils luy tvoient escrit touchant l'essection du lieu de ladite veue en a ville de Nice: que ce lieu ne luy sembloit estre propre, ob tant que la ville estoit à un Prince qui luy avoir usé de si ftrages & mauvais tours, qu'il ne le vouldroit aucunemet imployer; aussi qu'il ne se voudroit mettre dedans ladite ville sans avoir ville & chasteau en sa puissance, qui seroit chose de grande difficulté, & de gros frais & despense sans resoing, veu qu'ils ne pouvoient avoir faulte d'autres lieux sussi commodes, esquels ledit S. Pere pourroit commandes comme chez foy.

Er pour-ce q sur le poin et de ceste depesche, le Roy avoit Negociation en lettres du Roy d'Angleterre q le prioit de luy Evoyer ho de monsieur ne, auquel il peust declarer privemet pour luy dire quesque de Langey hose q il ne vouloit escrire, ne pour l'heure encores coinu- en Angleniquer à personne, sino audit Roy so bo frere, & au person terre.

rage sidelle qu'il choisiroit pour luy en porter la parole.

part is in

A ceste cause, tant pour cest effect, comme pour faire entendre audit Roy d'Angleterre toute la negociation faicle à Rome, touchant la ligue d'Italie, le reffus des Venitiens d'y entrer, celuy du Pape d'y coprendre Genes, la proposition, responses & replicques sur le faict du Concile, & sur la resiltance aux entreprises du Turc, aussi de l'asseurance de l'entreveue du Pape & de luy, les propos du mariage de la Duchesse d'urbin, & de l'autre entreveue du Pape de l'Empereur & de luy, de sa response sur ce, des nouvelles du Turc & de Coron venues par la voye de Venise: & generalemet tout ce qui avoit esté par luy negocié depuis le cogé pris entre eux à Callaiz. Ledit seigneur Roy Tres-chrestien depescha vers luy messire Guillaume du Bellay seigneur de Langey desja mentionné cy devant, auquel(entre autres choses) il donna charge de luy declarer comme suivant la conclusion par eux prise en leur parlement sécret, non seulement il avoit accordé le mariage de monseigneur le Duc d'Orleans son second fils avecques la Duchesse d'ur bin:mais que pour micux asseurer nostre-dit S.Pere, & le divertir totalement de la devotion de l'Empereur, il luy avoit accordé qu'à ceste entreveue il meneroit mondit seigneur son fils, afin que ledit S. Pere pareillement y amenalt ladite Duchesse, qu'il se mist une fin au faict dudit mariage. Remonstrant audit Roy d'Angleterre, combien il - luy sembloit estre requis que luy aussi se trouvast à ladite veuc, pour estre l'homme du mode qui plus à propos, plus efficacement, & avec plus apparentes persuasions pouvoit faire entendre la justice de sa cause : attendu mesmes la seureté que sa maiesté pouvoit avoir en ceste dite veue, & la consequence qui en pouvoit redonder à la pacification & repos de ses affaires: car quant à la seureté du voyage il auroit à venir par le Royaume de France, où il pouvoit estre en telle seureté qu'en Angleterre. Quant à la seureté du lieu lequel on avoit voulu choisir à Nice (ce que ledit seigneur n'avoit trouvé estre à propos, pour estre la dite ville és mains de celuy qu'il n'avoit cause d'y voulou employer)il y seroir pourveu, de sorte qu'ils n'auroient occasion en quelque lieu que sust ladite entreveue, de crains dre par terre ne par mer en aucune maniere leurs ennemis. Et qu'à ceste cause ledit seigneur s'estoit arresté en la ville de Paris, pour mettre fin à ses ordonnances tant de

gens de cheval que de gens de pied, que parcillement du faict de sa marine, selon qu'entre-eux deux auroit dernicrement esté conclu: remettant la deliberation d'y venir ou non, à l'avis & conseil dudit Roy d'Angleterre, & selon que ses affaires le requeroient : si toutesfois il luy sembloit n'y devoir venir en personne, ledit seigneur luy conseilloit d'y envoyer tel personnage qu'il se peut entierement sier en luy comme en soymesmes. Ceste fut la principalle charge donnée audit Langey, & de comuniquer avecques ledit Roy d'Angleterre, & prédre son avis des affaires dont de re chef les Princes de Germanie le recherchoiet tresinstamet.

L'AFFAIRE que le Roy d'Angleterre vouloit faire entedre au Roy estoit, qu'apres tant de dissimulations & remi ses que l'Evesque de Rome (ainsi nommoit il le Pape) par Mariage du si long temps avoit usé envers luy sur la matiere de son di- Roy d'An. vorce, il avoit procuré qu'elle fust vuidée par l'Eglise An-gleterre avec glicane, à l'Archevesque de Cantorbery Primat d'Angle-madame terre y presidant, & que par sentence de ladite Eglise son Anne de mariage avoit esté declaré nul, & la dispense nulle comme Boulan. donnée sur un cas non dispensable, & qui ne despend de la puissance du Pape ny de l'Eglise, suivant laquelle sentence il se seroit entierement departy de son premier mariage, & avoit espousé madame la Marquise Anne de Boulan, à ce presens iceluy Archevesque les pere, mere, freres, & le Duc Northfolk oncle de ladite Dame, sans y appeller autres tes moings, & qu'il vouloit encores le renir secret pour quelque temps, en attendant si à ceste entreveue dudit Evesque de Rome & du Roy (laquelle on esperoit devoir estre n May ensuiuant) ledit Evesque luy voudroit faire jutice, & au cas que non, alors seroit il deliberé (voulust pu non toute l'Église de Rome) manisester & publier sonlit mariage, se substraire entierement du joug & servitude l'icelle Eglise: de la tyrannie & usurpation de laquelle il aoit composé un traitté bien ample. Mais qu'il n'entenloit encores le publier jusques à ce qu'il veist en quel deoir se mettroit ledit Evesque de Rome, touchant de luy dministrer justice.

PRIANT surce le Roy son bon frere luy vouloir estre ydant, qu'il avoit en luy parfaicte fiance, en cas que l'Emereur & ledit Evesque de Rome luy voulussent à cause de e courir sus, & mouvoir la guerre, car il avoit entendu que

ledit Euesque s'estoit vanté de susciter toute la Chrestiéte à l'encotre de luy s'il resusoit de se redre obeissant à sa determinatió de la dessudite matiere de divorce. Aussi que l'Empereur à deux fois qu'il avoit parlé audit Evesque, luy avoit faict un discours long & plain de grade passió, de la cruelle guerre qu'il entendoit faire contre ledit Roy d'Angleterre, au cas qu'il ne reprinst & restituast en ses honeursla Royne Catherine sa tante, & luy avoit declaré les moyens qu'il avoit d'executer vivemet icelle guerre, & principalement au moyen de la bone intelligece qu'il disoit avoir avec le Roy d'Escosse. Or est à sçavoir que de tous ceux qui entendoiet parler de ses affaires, n'y avoit homme qui ne creust certainemet que ledit seigneur Empereur fust pour executer ceste deliberation, & pour-ce y avoit beau coup de bons personnages qui s'employoient en tout ce qui leur estoit possible à inventer quelque gratieuse voye de rapaiser ce differend, de peur que d'iceluy sourdist une guerre, en laquelle entrassent rous les autres Princes Chrestiens: les uns pour l'une, & autres pour l'autre partie : desja l'Empereur avoit pratiqué le

Roy d'Escosse, & luy avoit envoyé son ordre.

L E commencement de division & les çauses d'icelle entre lesdits Roys d'Angleterre & d'Escosse oncle & nepveu en ce temps vindrent par le costé d'Escosse, dont sut le Roy premierement averty par le rapport du seigneur de Langey, lequel estant embarqué sur un gallion de la traverse de Bolongne, & ayant desja faict plus que la moitié dn chemin dudit Bolongne à Douvres, apparurent au long de la coste au deslus de Douvres, environ les dix heures du matin trois ness equippées pour guerre, & que nonobstant qu'elles seilsent voile ne faisoient point de chemin, ains se tenoient au dessus du vent, comme si elles fussent là (ce qu'en effect elles estoient) pour y guetter les navires qui arriveroient audir lieu de Douvres. Parquoy ledir Langey (encores que le Roy ne fust en aucune ouverture de guerre) voyant toutesfois leur contenance & doubtant plus qu'autre chose que ce sussent ness de coursaires qui en voulussent au premier trouvé, feit sans attendre changer la voile, & tirer au large de la mer, afin de veoir que feroient icelles nefs: lesquelles aussi voyans qu'il avoit changé la voile pour crainte d'elles, incontinant tournerent la proue devers luy, & jusque aux dix heures de soir que le vent leur faillit & que l'obseu-

rité de la nuict leur ofta la veue de son gallion, ils luy donnerent la chasse, en le servant continuellement à coups de canon, dont plusieurs tomboient pres de luy: d'un coup entre autres tuerent le patron d'une nef de Bretagne venant avecques luy de Conserve, & prindrent ledit navire qui ne pouvoit si bien diligenter que le gallion, lequel s'aydoit de voille & de rame. Au lendemain matin ledit seigneur de Langey, qui avoit gaigné la nuict le port de la Raye, veit iceux navires desja multipliez jusques au nombre de neuf, à cause des autres vaisseaux qu'ils avoient prins, esquels ils avoient mis de leurs gens de guerre & artillerie, dont ils avoient à ceste intention apporté plus qu'il ne leur estoit mestier pour iceux trois navires : & par les pescheurs affuyans au port il entendit que c'estoient Escossois, lesquels avoient armé les dites navires en ceste premiere declaration d'hostillité, que les choses estoient encores comme entre paix & guerre, dequoy arrivant en poste vers le Roy d'Angleterre, il luy en donna le premier advis: & peu apres luy en vindrent autres avertissemens de plusieurs endroits, lesquels ne pleurent gueres à sa majesté, non qu'il fust meu tant pour les forces & puissances de cest ennemy, comme pour doubte de la suitte de l'Empereur & de ses alliez:mais avant bien peu de mois fut ceste guerre appaisée au moyen & par l'intervention du Roy de France, & à tant laissant cestuy je retourne au propos de l'Empereur que j'ay entrelaissé.

PART y qu'il fut de Bolongne il continua son chemin jusques à Genes, où il sembarqua le huictiesme jour d'Avril, prenant sa routte droict en Espagne, & le seigneux de Velly ambassadeur de France le suivit: & les Cardinaux François accompagnerent le Pape depuis Bolongne, jusques à Rome, auquel lieu estant arrivé nostre sainct Pere, les dits Cardinaux François persevererent tousjours à moyenner que ce ttouble d'Angleterre se peust appaiser sans qu'il en advint quelque tempeste en l'Eglise; & continuellement en estoient semonds par lettres & messagers du Roy, lequel desiroit merveilleusement que ceste chose se terminast avant que nostre-dit sainct Pere eust nouvelles de ce qu'avoit saict ledit Roy d'Angleterre, & à ceste cause insistoit plus chaudement à ce que l'on avançast ceste entreveue, en esperance que parlant à sa saincteré il y trou-

veroit quelque expediant. Et outre plusieurs autres depesches au-paravant envoyées en faueur dudit Roy d'Angleterre estant dens le quatriesme d'Avril arrivé devers luy le Milor de Rochefort frere de la nouvelle Royne, il en escrivit à nostre S. Pere une lettres fort affectionnées, dont le Roy d'Angleterre mesmes luy avoit envoyé la minute:tendant à fin que sa saincteté acceptast l'exoyne dudit Roy, & luy envoyalt des juges au païs d'Angleterre qui decidaffent la matiere sans la tirer en la cour de Rome, Au contraire de ce l'ambassadeur de l'Empereur & plusieurs Cardinaux ou adherans à luy, ou poursuivans que l'authorité de l'Eglise Romaine fust maintenue & gardée, ne faisoient moindre instance envers nostre dit S. Pere, à ce qu'il procedast contre ledit Roy d'Angleterre, & mesmement par-ce qu'ils avoient eu nouvelles (combien que non encores certaines) non pas que ledit Roy eust consommé ledit mariage avec madame Anne de Boulan ainsi qu'il avoit en effect, mais seulement qu'il faisoit proceder à la declaration de nullité de la dispense du premier. Ce qu'ils estimoient & maintepoient estre entrepris au prejudice de la puissance & authorité du sainct siege Apostolique.

Nostra faince Pere qui volontiers cust temporisé, pour essayer d'y mettre une gratieuse fin, d'autre-part leur remonstroit que de proceder à la condamnation, & puis ne faire executer la sentence reallement & de faict, seroit une entreprise frustratoire, qui tourneroit au grand mespris & villipendement dudict sainct Siege, & de la faire executer il ne pouvoit (ainfi qu'il disoit) entreprendre sinon que l'Empereur ensemblement avecques luy l'entreprint, & quand ores ils entreprendroient ensemble, si luy sembloicil à craindre, que le Roy Tres-chrestien lequel avoit avecques ledit Roy d'Angleterre, telle & si estroicte alliance, joingnist ses forces avecques luy, dont il avint une combustion & trouble en la Chrestieuté plus grande qu'au paravant. Ainsi s'alloit excusant nostre-dit S. Pere, qui peu apres eut nouvelles certaines, non que le Roy d'Angleterre eust encores effectuellement procedé au faict de son nouveau mariage: mais que pour tout vray l'Archevesque de Contorbery avoit prins cognoissance de la matiere, chose qui tournoit au grand ravallement dudit S. Siege, attendu mesmement la litispendence qui en estoit devat les juges à

ce deputez par sa saincteté, dont ledit S. Pere se plaignoit fort ausdits Cardinaux François, à cause que durant le téps qu'on le prioit de superseder & de ne riens innover jusques a ceste entreveue, ledit Roy tousjours innovoit & passoit

ENTRE ces poursuittes d'une part & d'autre, & apres les nouvelles certaines venues à Rome de l'embarquement Sur l'aboude l'Empereur à Genes, le Pape environ la fin du mois d'A- chement du vril, non en consistoire public, mais en congregation d'un Pape avec le bon nombre de Cardinaux, avoit proposé la requeste à luy Roy à Marfaicte par le Roy, de l'approcher en quelque part ou ledit seille. seigneur se peust aboucher avec luy, & deviser ensemble des choses concernans la religion Chrestienne, & repulsion du Turc ennemy de nostre foy, & pour autres si sainctes occasions portées amplement par lettres dudit seigneur, qu'aucuns des Cardinaux ausquels ne plaisoit ceste entreveue, ne prouverent chose que honnestement ils sceussent alleguer au contraire. L'ambassadeur de l'Empereur feit entierement tout ce qui luy fut possible, & allegua toutes les raisons qu'il sceut imaginer, afin de rompre ceste entreprise, à tout le moins de differer la conclusion jusques à ce que l'on eust eu nouvelles de l'avis dudit Empereur son maistre: mais il ne peut obtenir sa requeste, & les Cardinaux qui luy adheroient & desiroient faire entendre ceste nouvelle audit seigneur Empereur, oncques ne peurent se resouldre en chose qui honnestement se peust faire ou demander pour l'interrompre, sinon que nostre-dit S. Pere avant qu'en conclure en escrivit un brief au Roy: ce qui fut faict, & le brief envoyé ne tarda gueres que nostre S. Pere n'eust la response du Roy.

CESTE response vers la fin de May fut presentée à nostre S. Pere en congregation à laquelle assisterent les Cardinaux François: & pour-ce que aucuns autres Cardinaux qui eussent bien voulu rompre ce coup, par l'Empereur en avoient esté requis, n'osans parler si librement, devant eux demanderent jour à une autre congregation, (à laquelle ne se voulurent trouver les Cardinaux François, non ignorans pour quelle intention les autres avoient demandé terme de respondre) ce qui leur sut accordé, en icelle advouerent premierement que les causes proposées pat le Roy estoient telles & si suinctes, que nul pourroit les con-

danet: remonstroient neantmoins que peu de causes ne leur sebloiet estre suffisantes pour remuer un Pape de son siege, a qu'il seroit bon envoyer devant quelque Prelat, pour entendre plus particulierement l'intention du Roy: ce que no stre dit S. Pere leur accorda, & suft depesché l'Evesque de Saissante, lequel des ja au-paravant nostre S. Pere avoit madé au Roy de l'envoyer vers luy, pour aviser du lieu plus commode à executer ceste entreveue. Car quand au temps des ja il estoit arresté que nostre S. Pere pour le danger & inconvenient de sa personne, à cause des extremes chaleurs de Provence, ne parçiroit que jusques apres les premieres pluyes, & mesmes luy avoit le Roy donné ce conseil, lequel ce temps pendant alla visiter ses païs de Languedoc &

d'Auvergne.

Er quant au lieu, nostre S. Pere (ainsi que nous avos dit cy dessus) avoit designé que ce fust à Nice: & pour-ce que le Roy ne vouloit employer le Duc de Savoye en son nom, sa saincteté l'avoit faict au sien propre, & avoit pour ceste cau se envoyé devers luy un de ses plus privez chambriers, auquel pour quelque temps le Duc avoit librement offert de faire le vouloir de sa saincteré, se reputant (à ce qu'il disoit) heureux qu'une si sain le chose se traittast en ses pais, & à vray dire, ce luy eust paravanture esté un grand heur, qui eust peu obvier aux infortunes qui depuis luy sont avenues; car en effect la grande instance que faisoit nostre sainct Pere de l'aboucher és pais d'iceluy Duc, estoit pour l'y faire venir quand il verroit le moyen de pouvoir le reconcilier au Roy. Toutesfois l'Empereur auquel ne pouvoit plaire celte entreveue, & ne vouloit riens laisser intenté, mo yennant qu'il la peust rompre, luy envoya faire telles remonstrances, que peu apres il commença de varier, & alleguer des dissicultez. Parquoy sut ente l'Evesque de Saissante, & monseigneur, Anne Sire de Montmorency alors Grandmaistre & Mareschal, & à present Connestable de France, apres avoir devisé de Ville-franche, Antibe, Frejus, Tolon & Marseille, & faict visitation de tous lesdits lieux, arresté pour la conclusion qu'elle se feroit à Marseille.

L'EMPEREUR cherchant encores les voyes & moyens de la rompre, ou de la faire si longuement differer que l'hyver vint, envoya un gentil-homme expres environ la sin de Iuing, soliciter nostre S. Pere de faire & administrer

justice à la Royne Catherine sa tante, avecques grandes protestations, au cas que sa sainctere la luy deniast ou delayast: & pour ayder à ceste poursuitte, nouvelles vindrent à Rome, ainsi que telle chose ne se peut longuement celer: comme l'Archevesque de Cantorbery soy intitulant Legat nay en Angleterre, avoit donné sentence contre la premier dispense du Roy d'Angleterre, & que ledit Roy. avoit espousé la Marquise Anne de Boulan, aussi qu'il avoit faict le livre cy dessus mentionné contre les preéminences & authoritez de l'Eglise. Lesquelles nouvelles esmeurent tellement tout le collège des Cardinaux, que tous en une voix vindrent demander justice à nostre S.Pere contre les attentats & entreprinses du Roy d'Angleterre; ausquels obtemperant ledit sainct Pere prononça les censures à l'encontre dudict Roy d'Angleterre, au cas que dedans certain temps il ne reparast lesdicts attentats. Ce nonobstant il ne desista de ses propos touchat l'entreveue de luy & du Roy, ains proposa en plain consistoire sa deliberation & arrest pour ladicte veue: ordonnant à ceux qui auroient à faire le voyage, que chascun se tint prest & en ordre. Les Imperiaux apres avoir entendu ceste deliberation, & advertis que le Pape avoit à faire le voyage sur les galleres de Rhodes, les demanderent pour ayder à secourir Coron à l'encontre des entreprinses du Turc, esperans ou de rompre par ce moyen ceste entreveue, ou de prendre occasion & couleur de dire que par sa faulte & pour avoir sa saincteté diverty lesdictes galleres ailleurs, l'Empereur auroit esté contrainct d'abandonner Coron, ville si propice & de telle consequence à la Chrestienté, advenant opportunité de faire entreprinse contre ledit Turc, & pour delivrer de servitude les Grecs noz freres Chrestiens, & tout l'Empire de Constantinople. Quoy prevoyant sa saincteré ne voulut acquerir ceste reputation d'estre cause d'un si grand mal, & non seulement accorda que lesdites galleres feissent le voyage de Coron, mais d'avatage y adjousta les sienes, & delibera de faire son passage sur celles de France. D'autre costé les ambassadeurs de l'Empereur & du Roy Ferdinand son frere, les Ducs de Savoye & de Milan & autres, craignans qu'en ceste entreveue il se brassast quelque chose à leur desavantage, faisoiet d'un commun accord & consentement tout ce qu'ils pouvoient

imaginer qui servist à divertir & aliener messieurs des Ligues, de la confederation & amitié du Roy, & principalement les Cantons & obeissans à l'Eglise Romaine, leur donnant à entendre que ledict seigneur Roy favorisoit les Protestants contre eux, & à mener ceste pratique seur adheroit l'Evesque Verulan Nonce du S. Pere, aupres desdicts seigneurs des Ligues, lequel estoit chargé d'y faire mauvais office à l'endroict du Roy. Et tellement furent mes-dicts seigneurs des Ligues persuadez par tels rapports, qu'ils furent en grand bransse d'entrer en la ligue d'Italie contre le Roy: mais ledit seigneur adverty de ce ste praticque y obvia sans en faire semblant, en leur en voyant argét comptant, & promettant contribuer en leur desfence six mille escus par chacun mois, au cas que les autres Cantons leur fissent la guerre pour le faict de la religion, & par plusieurs siennes depesches à Rome se plaignit audiet S. Pere, du mauvais office que faisoit ledict Verulan, lequel à cause de ceste plaincte sut finablement revocqué par ledict S. Pere, qui dudict mauvais office s'excusa envers le Roy, & audict Verulan ordona se trouver à ladicte entreveue pour se justifier dudict faict.

ÉNVIRON la mi-Iuillet estoit le Duc de Northfolk arrivé devers le Roy, pour se trouver à ladicte entreveue au nom & de la part du Roy d'Angleterre son maistre: mais arrivé qu'il fut, il entendit qu'à Rome avoit esté innové quelque chose, mais ne sçavoit quoy, à l'encontre de son maistre: parquoy il voulut prendre congé & s'en retourner. Le Roy toutesfois le retint, & luy dissimula tant qu'il luy fur possible la verité du faict, esperant trouver encores voye de gracieuse conclusion: caril avoit incontinant envoyé devers nostre S. Pere luy remonstrer le lieu que tenoit ledict Roy d'Angleterre, combien de temps on l'avoit tenu suspens, & que la longueur de son affaire, l'affection qu'avoit sa conscience d'estre hors de scrupule, & le desir qu'il avoit d'avoir en son Royaume heritier de sa chair, l'avoient contrainct de passer outre sans attendre la resolution de sa saincteté, laquelle devoit considerer & avoir esgard, qu'il valoit trop mieux le retenir en l'obeissance & devotion de l'Eglise, comme il avoit esté au-paravant, que de l'avoir rebelle, desobeissant & ennemy, dont ensuivist inconvenient & pernicieux exemple, & tres-dangereuse

consequence.

AIOUSTANT ledict seigneur aux autres remonstrances, qu'entre luy & ledict Roy d'Angleterre estoit telle fraternité que tous les outrages qui se feroient audict Roy d'Angleterre, il les estimeroit faits à soy-mesmes, & ne s'en ressentiroit moins en quelcon que maniere que de son propre & particulier outrage. Toutesfois le Duc de Northfolk environ la mi-Aoust, entendit auvray le contenu de la sentence prononcée contre le Roy son maistre: & à ceste cause. il envoya vers sondict maistre le Milor de Rochefort sur chevaux de poste, lequel seigneur Roy manda incontinant audict de Northfolk prendre congé du Roy de France, & se retirer: aussi revoqua le Duc de Richemont son fils naturel estant lors à la cour dudict seigneur Roy de France, & ses ambassadeurs estans riere nostre S. Pere. Ledict seigneur Roy ne pouvant retenir iceluy de Northfolk par remonstraces ny prieres qu'il luy sceust faire, s'accorda de luy donner congé, en le priant de moyenner que le Roy son bon frere y envoyast autre bo & sçavant personnage, pour veoir & estre tesmoing du bon office qu'il entendoit faire pour luy envers ledict S. Pere: ce que ledict de Northfolk procura,& y furent envoyez l'Evesque de wincestre au-paravant appellé le Docteur Stephné, & maistre Briant gentilhomme de la chambre dudict Roy d'Angleterre & cousin germain de la Royne Anne Boulan.

Environ cetemps, estant le Roy à Toulouse arriva vers luy messire Bonacurse Gryne secretaire des Ducs Guillaume & Loys de Baviere, par eux envoyé, tant en leurs propres & privez noms, comme des autres Princes & alliez avecques sa majesté, suivant l'alliance n'agueres faicte entre-eux: & fut sa charge de faire entendre au Roy, comme sur la confignation des cent mille escus qu'il avoit par le traitté promis, eux tous estoient tous condescendus & demourez de bon accord ensemble, qu'elle se fist entre les mains desdicts de Baviere, sur-ce toutesfois le requerans, attendue l'impossibilité de bailler par eux les cautions promises, sans eventer trop avant, & divulguer l'occasion de la susdite cosignation qu'ils desiroient & la raison de leurs affaires vouloit estre secrette, qu'il fust content de s'en sier en eux, & sur l'obligatio, qu'ils en feroient telle que son coseil adviseroit. Auquel Bonacurse le Roy feit telle & si gracieuse respose qu'il s'en contenta, suy promettant que ceste entres veue partie, il envoiroit homme avecques pouvoir de trait-

ter à eux ou leurs commis & deputez à ceste fin!

C E-temps pendat se dresserent tous les preparatifs pour ceste entreveue, & partit monseigneur le Duc d'Albanie avecques les galleres de France; pour aller querir nostre S: Pere: ausquelles fut adjousté un nombre d'autres vaisseaux pour apporter les trains & bagages des Cardinaux; & autres estans à la suite de sa saincteré. Le seigneur Laurens Cibo & le Comte de Masse vindrent de par nostre-dict S: Pere visiter mo seigneur le Duc d'Orleans, & suy apporterent quelque present. Monseigneur le Comte de Tonnerre fut pareillement depesché du lieu de Carcassonne, pour aller visiter la Duchesse d'Vrbin, à laquelle aussi il porta quelque present de par le Roy. En ce mesme temps vindtet nouvelles au Roy de la mort de l'escuyer Merveilles son ambassadeur aupres du Duc de Milan gentilhomme Milanois, nourry de toute ancienneté en la maison de France, & escuyer d'escuyerie du Roy. Et estoit venu au service du Roy Loys douziesme avec le seigneur Galeas de S. Severin qui depuis fur grand Escuyer de France, & persevera ledict Merveilles jusques à la mott du Roy Loys, & depuis estoit demouré au mesme estat & service du Roy François premier de ce nom; auquel Escuyer Merveilles le Duc de Milan feit trancher la teste pour les causes, & en la maniere

lan seit trancher la teste pour les causes, & en la maniere qui sensuit.

L'AN mille cinq cens trente & un, ledict Merveilles roit demandé congé au Roy pour aller en Lombardie visiter ses parens: & pour avoir esté bien traitté en France, de maniere qu'il sy estoit fait riche il y alla en gros equipage, tint maison, & sessia les principaux & plus prochains serviteurs du Duc, ausquels & au Duc mesmes seit des presés: & par apparence sinsinua fort en la grace d'iccluy Duc, & du Côte Maximilian Stampe, qui lors avoit le principal maniement de la maison & affaires du Duc. Quelque temps appres estant ledict Merveilles retourné en France, au temps que l'Empereur dressoit en Allemagne son armée contre le Turc, messire Francisque Taverne nepveu dudict Mer-

veilles & Chancelier du Duc allant de par luy en Allemaenc passa par France, & au nom de son maistre visita le Roy lors sejournant à Fontainebleau: auquel il dist en de-

Histoire de l'Escuyer Merveilles.

visant de plusieurs choses, que s'il plaisoit à sa majesté envoyer quelque ambassadeur aupres d'iceluy Duc son maiftre, ce luy leroit chose fort aggreable, & que par ce moyen se pourroit guider beaucoup de bonnes choses, & qu'y envoyant quelqu'un, ledict Merveilles seroit fort à propos & bien au gré dudict Duc son maistre. Mais pour autant que le Duc son maistre avoit tant à faire de s'entretenir en grace de l'Empereur, lequel pourroit (si à son sceu il y avoit un amhassadeur de France devers le Duc) luy en tenir quelques rigoureux termes, il vouloit bien supplier le Roy, que ce tiltre d'ambassadeur sust & demourast secret entre lesdicts seigneurs Roy & Duc, & que pour la justification de sondict maistre (au cas que l'Empereur en entrast en souspeçon à l'encontre de luy) le plaisir sust du Roy, de doner audit Merveilles unes lettres à part addressau Duc en faveur d'iceluy Merveilles, & en recomandation de ses particulieres affaires, afin que par icelles sondit maistre peust en un besoin faire foy que sedit Merveilles estoit pres deluy, non comme ambassadeur, mais comme sollicitant ses propres affaires. Ce que le Roy facilement luy accorda, & outre les lettres de creance & instructions qu'il feit depescher audict Merveilles, il luy feit aufsi bailler lesdictes lettres ne faisans mention que des propres & particulieres affaires de luy: & pour son estat & moyen de vivre aupres de la personne d'iceluy Duc, il luy ordonna certaine somme par moys, outre les autres estais & bienfaicts qu'avoit ledict Merveilles de luy.

A Bolongne la grasse estoit le Duc avecques l'Empereur, alors que ledict Merveilles arriva en Lombardie, & pourne mettre le Duc en souspeçon de l'Empereur, ne voulut passer outre: ains s'arrestant à Milan seit sçavoir sa venue au Duc, & comme il avoit lettres à luy presenter de la part du Roy, & aucunes choses à luy exposer concernantes le bien & utilité de la Chiestienté: & que pour eviter le souspeçon (comme par son Chancelier avoit estè remonstre au Roy) il ne vouloit passer outre sans sen ordonnance & mandement, comme celuy qui avoit du Roy expresse charge de luy obeïr en tout ce qu'il luy plairoit: à quoy luy respondit par lettre en datte du xvij. de Decembre milie cinq ceus trente-deux, laquelle j'ay bien voulu transseret icy de mot à mot en telle manière.

De par le Duc de Milan. Nostre trescher & spectable, nous avons entendu tout ce que par vostre lette du douziesme du present moys vous nous avez escrit de vostre arrivée, & de l'ordre qu'avez tenu de par le Roy Tres-chrestien, chose qui nous a esté de souveraine satisfaction, estat l'humble serviteur que nous sommes de sa majesté, & si come nous entendons d'estre par cy apres, ayant cher que vous nous te niez en sa bonne grace. Quant à vostre sejour en celle nostre cité & estat, vous disons que bie nous plaist que vous y soyez tant que bon vous semblera, & que pour plusieurs respects nous vous y verros tousjours volontiers, & mesmes pour les dessussitions que vous estes de par sa majesté Tres-chrestienne, & là où nous pourrons faire chose qui vous soit à gré, , nous le ferons tousjours de bonne volonté, Dieu vous conserve.

TELLE fut en substance la responce du Duc: auquel estant depuis de retour à Milan, ledict Merveilles s'addressant premierement audict Chancelier Taverne qui ja estoit retourné de son voyage d'Allemagne, vint presenter ses lettres qu'il avoit du Roy, & luy exposer sa creance de poinct en poinct, laqueile fut agreable au Duc, aupres duquel il demoura long temps, l'accompagnant en tous lieux; & hantant avecques luy fort privément & domestiquemet. Il peult estre qu'il ne sceut assez bien celer qu'il fust ambassadeur du Roy ainsi que chacun desire estre estimé & honnoré, principalement quand il retourne de service estrange au pais de sa nativité: & tant avint, comment qu'il soir, que l'Empereur en eut nouvelles, & en print grande jalousie contre le Duc, en sorte que les paroles qui estoient mises en avant de son mariage avecques la niepce dudit Empercur en furent presque en totale roupture. Parquoy le Duc envoya f'excufer & monstrer à l'Empereur(afin de luy faire foy que ledict Merveilles estoit pres de luy, pour ses particulieres affaires) les dessusdictes lettres de recommandation qui avoient esté dressées par le conseil dudic Chancellier Taverne, pour avenant (ce qui avint) servir au Duc à ceste sin. Non pourtant estoit ledict Empereur encores satisfaict, ayant opinion que ledict Merveilles eust pris ceste umbre & couleur en intention de manier plus secrettemét autres choses de plus grand poix avecques le Duc, & sen pleignit tellement que le Duc luy envoya de rechef faire

nouvelles

nouvelles excuses, l'asseurant qu'avant peu de jours il feroit telle demonstration que ledict seigneur Empereur-auroit cause de se mettre hors de tout souspeçon; que ledit Merveilles n'autres les sceussent jamais attirer à la devotion du Roy de France: Or luy avint l'occasion de ce faire en ceste maniere;

LE premier jour de Iuillet audict an allant ledict Merveilles avecques ses serviteurs, accompagner le Duc parmy la ville, un gentilhomme de la maison de Castiglion faddressa de fortune ou de propos deliberé à l'un des serviteurs dudict Merveilles nommé Baptiste, homme idiot & fot; auquel demadant qui estoit son maistre; ledict Baptiste monstrat son maistre respodit qu'il estoit au seigneur Metveilles de France: mais à Merveilles de la Fourche repliqua ledict Castiglion. Quoy entendant un autre des serviteurs de Merveilles, qui toutesfois n'en sonna mot pour l'heure, attédit que le Duc fust moté & entié au chasteau, & ceux qui l'avoiet accompagné sortis dehors, & luy sortat alors à la queue dudict Castiglion, auquel il s'addressa, Seigneur(dit-il) vous avez tanțost dit que monsieur de Merveil les mo maistre alla à la Fourche, qui n'a esté bié dit à vous, & ne sont paroles à dire ne proferer contre un tel personnage: à quoy respondit ledict gentilhomme, qu'il n'en avoir iamais parlé: le serviteur alors repliqua qu'il ne falloit point qu'il le niast, car luy l'avoit ouy & entendu, le gentilhomme dit de rechef qu'il n'en avoit parlé, & que tous ceux qui le disoient en avoient menty: & adonques le serviteur dit, que c'estoit luy mesmes comme un belistre, & ce disant mist la main à l'espée. Le gentilhomme estimant paravature que l'autre ne fust de qualité pour s'attaquer à luy se retira, & deux siens serviteurs desgaignerent contre celuy de Merveilles, mais ils furent par les assistans separez. Ce faict, & ledict de Merveilles estant retiré en son logis, son serviteur luy compta ce que dessus, & comment le tout estoit allé, & pour ceste cause ledict de Merveilles appella un gentilhomme sien amy & parent dudict Castiglion, & l'envoya vers luy sçavoir s'il avoit usé de telles paroles, lequel Castiglion luy asseura & jura que non: au moyen dequoy ledit Merveilles envoya de rechef en luy faisant sçavoir qu'il luy desplaisoit doncques de ce que son serviteut luy avoit dict & faict, le priant sur-ce le tenir pour excusé.

Le Duc averty de ce debat, envoya dessendre à tous deux qu'ils ne passassent plus outre, ains qu'ils eussent à l'é cesset & deporter: à quoy respondit Merveilles qu'à ceux qui avoiét le debat se devoient telles inhibitions addresser, & no point à luy qui n'avoit querelle ny debat à personne du mo de. Pour cela ne laissa ledit Castiglion de s'accompagner tousjours de dix ou douze personnes ayans pertuysanes & arcbouzes, & avecques ceste compagnee passa & repassa souvent au long du logis de Merveilles, tellement qu'un soir il trouva cinq ou six de ses serviteurs, lesquels il s'efforça d'outrager, ce qu'il eust faict s'ils ne se fussenr retirez. Merveilles voyant ceste continuation, & craignat que plus grand inconuenient n'avint, envoya devers le Capitaine de la iustice, le prier qu'il y voussit pourveoir: car de sa part il ne vouloit point que ses serviteurs se vengeassent aucunement de l'outrage que lon avoit essayé de leur faire, mais aussi ne vouloit qu'on continuast à les outrager. capitaine de justice n'en tint compte, ains endura que ledit Castiglion continuast de passer & repasser en ceste maniere par devant le logis dudit de Merveilles, de maniere qu'un autre soir il aborda ses serviteurs ainsi que la premiere sois il avoit faict, mais il trouva qu'ils se tenoient sur leurs gardes,& qu'ils se mirent si bien en desfence, que luy sut tué,& les autres mis en fuitte. Au lendemain matin qui fut le quatriesme jour de Iuillet, le capitaine de justice vint au logis de Merveilles & feit inventaire de tous ses biens & le constirua prisonnier, ensemble tout ce qu'il trouva de ses servi teurs, & à l'un d'eux aagé pres de quatre vingts ans, & qui par vieillesse estoit devenu sourd, ledict capitaine feit bailler l'estrapade pour essayer de tirer de luy quelque confession contre son maistre: auquel Merveilles ce pédant qu'il fut prisonnier, ne permist que homme de ses amis parlast ou le visitalt, aucuns d'entre-eux (ainsi qu'à Mila est sa coustume en pareil cas) coucherent ses justifications par escrit, & les presenterent audict capitaine, qui les print & rompit en pieces sans les daigner lire ne regarder. Et le Dimenche ensuivant apres la minuict ledit capitaine ayant premierement sceu la voloté du Duc, luy feit trancher la teste, & au lundy avant le jour le corps sans teste sur trouvé devant la place des marchans audict Milan.

V n nepveu dudict Merveilles se sauva, & vint en dili-

gence sur chevaux de poste, apporter nouvelles au Roy, & le plaindre de l'outrage & injustice qu'il alleguoit estre apparente: premierement par la requeste qu'avoit faict ledict Merveilles au capitaine de justice, secondement pour le refus d'accepter ses justifications, tiercement par la precipiration de son proces, condamnation & execution, à quoy il fut procedé à jour de feste, executé de nuict sans forme ny figure de justice, & le tout en trois jours. Encores que par les statuts & coustumes de Milan à tout homme condamné à mort, de quelque estat & qualité qu'il soit on doit donner trois jours apres sa condamnation, pour alleguer & mettre en avant ses justifications. Et à plus forte raison qu'ils se devoient donner à un tel personnage ancien serviteur & ambassadeur d'un tel Prince qu'est un Roy de Fran ce. La plaincte dudict nepveu & la façon de ceste mort fut tresmal prise du Roy & de son conseil, & n'y avoit homme de ceux qui avoient accoustumé de voyager & aller en ambassade pour le Roy, qui n'estimast luy en pendre autat à l'œil: & à ceste cause faisoient tous instance avecques solicitation extreme envers ledict seigneur& son coscil, qu'ils cussent à s'en ressentir, & en faire telle demostration que ce fust exemple à tous autres de ne violer le droict des gens,& que les ambassadeurs (desquels le nom entre les armes des ennemis doit estre sacrosain & inviolable) seussent en seu reté, au moins à l'endroict de ceux devers lesquels ils sont chvoyez,

LE Roy pour ne precipiter la vengeace autant qu'avoit esté le faict, delibera premierement de demander au Duc mesimes reparation de cest outrage, secondement d'en escrire à tous les Princes & Potentats de la Chrestieuté, comme de chose touchant & appartenat à tous universellemet.

Au Duc il escrivir en ceste maniere.

Mon Cousin j'ay entendu comme ces jours passez contre tous droicts anciens & louables coustumes de tout temps gardées & observées entre les Princes, vous avez faict trancher la reste à l'escuyer Merveilles mon ambassadeur residant à l'entour de vostre personne: chose qui m'a tant & si grievemet despleu & desplaist, pour le gros outrage & injure qu'é ce faisant m'a esté faict, qu'il n'est possible de plus, & dont je suis deliberé perpetuellement me ressentir, jusques à ce que reparation m'en soit faicte telle qu'il

appartiet. Je l'avoy envoyé pres de vous, comme celuy que jusques icy j'avoy trouvé & cogneu en tous actes si honnestemet se porter & coduire, qu'il m'est difficile à persuader qu'il eust voulu faire chose meritant un tel supplice. Encores qu'ainsi fust, qu'il eust faict un cas pour le meriter, si fault-il que vous entendiez que vous ne deviez de tant vous oublier, que de proceder à faire une telle executio sans prealablement m'en advertir, & m'envoyer son proces, attendant sur ce ma response qui eust esté si juste & raisonnable, qu'eussiez eu cause de vous en contenter: qui estoit la vraye voye qui de tout temps & ancienneté a esté ensuivie en telles matieres. Et pour-ce que de la mort qu'il a soufferte l'in jure principale l'é addresse & est faicte à moy, laquelle pour rien du monde je ne suis deliberé souffrir, je vous advise qu'il fault que vous mettiez en devoir de la reparer, tant & si avant que j'en soy satisfaict, comme la raison le requiert. Sinon & en deffault de ce, je vous signisse que par tous les moyens dont je me pourray adviser je procederay à l'encotre de vous, & vous feray cognoistre que tresindiscretement & sans vous en avoir doné cause, vous m'avez fait injure par trop grade, de laquelle je me plaincts, & en escry à tous les Princes Chrestiens mes amis & alliez & confederez, come à ceux ausquels semblablemet cest affaire touche, comme pour estre comun entre nous:afin qu'ils cognoissent & entendent que si ie me ressen d'une telle injure & outrage, & que je m'en attache à vous, pour le vous faire sentir & co gnoistre, j'en ay tresbonne & raisonnable cause.

A nostre S. Pere, comme à pere commun en escrivit semblablement, afin qu'il cogneust, si pour ne luy estre cest outrage reparé, il en poursuivoit la reparation par la voye des armes, qu'il ne le faisoit sans grande occasion & bien

justisiée.

A l'Empereur (à ce que si la chose procedoit jusques aux armes, il n'eust cause de penser que ce sust pour autre occasion) il en escrivit en la forme & teneur qu'il s'ensuit.

TRES-HAULT, tres-excellent, & tres-puissant Prince, nostre trescher frere, cousin, & allié. Combien que par tous droits ne soit permis ne loisible offenser les ambassadeurs, lesquels de tout temps ont jusques icy jouy des prerogatives & privileges que par louable & ancienne coustume leur ont esté octroyez, & q de faire le contraire tous Roys,

Princes & Potentats y ont grand interest : d'autant qu'au moven de ce la comunication & entretenement de la paix, & amitié entre eux se pourroit perdre, par succession de temps, au grand detriment & danger de leurs Royaumes, païs, & estats. Toutesfois tres-hault, tres-excellent, & trespuissant Prince, nostre tres-cher tres-aimé frere, cousin, & allié, le Duc François Sforce (come nous avos esté avertis) a ces jours fait tracher la teste à l'escuyer Merveilles nostre ambassadeur, residant à l'entour de sa personne, lequel jusques icy avons cogneu en tous actes s'estre si honnestement conduit & porté, que c'est chose difficile à nous persuader, qu'il eust fait ny voulu faire chose pour meriter un tel supplice & punition. Et encores que cest inconveniet luy fust avenu, de commettre cas pour lequel il eust merité ladicte punition, neantmoins ledit Duc ne pouvoit ne devoit faire proceder à ladite executio, sans prealablemet nous envoyer son proces, & sur ce attendre nostre response laquelle nous eussions faict telle & si raisonnable qu'il eust eu bonne cau se de s'en contenter. Et ce que trouvons encores grandemét estrage, c'est qu'il a esté procedé si sommairement en cest af faire, qu'é deux jours la prise, le proces, la condamnation, & execution de mort s'en sont ensuivies. Qui nous est une telle & si grande injure, & qui nous revient à si grand ennuy, qu'il n'est possible que la puissions coporter: & à ceste cause luy avons escrit nous en faire la reparation telle qu'il appartient. Ce que vous avons bien voulu faire entendre & semblablement aux autres Princes Chrestiens noz bons amis, alliez & confederez, comme à ceux qui y ont interest, & ausquels cest affaire touche, pour estre comu entre nous: afin qu'il soit clairement cogneu que la poursuitte que pourrons faire en cest endroict ne procede pour autre cause que pour ceste seulement: ne que soubs couleur d'icelle ayons vouloir d'entendre au recouvrement du Duché de A quoy (comme Dieu sçait)ne taschons aucunement par ceste voye, ains nous suffira d'avoir reparation de ladicte injure, à laquelle quand ledict Duc voudra entendre & se mettre en devoir de la nous faire, telle que la raison & l'offense à nous faicte le requierent, ne procederons plus avant à l'encontre de luy. Mais aussi au deffault, voulons bien vous avertir que chercherons par tous moyens à nous possibles, de luy donner à cognoistre que ne sommes

pour souffrir un tel outrage. Et quand un chacun pensera à par luy, si le semblable luy estoit fait, comme il le prédroit, & la demonstration qu'il en feroit, il trouvera que nous avons bonne cause & raisonnable de nous ressentir de faire poursuitte de ladite reparation. Tres-hault, tres-excellent, & tres-puissant Prince nostre tres-cher & tres-aimé frere, cousin & allié, nous supplions le createur vous avoir en sa tres-saincte & digne garde.

Au Roy Ferdinand, au Roy d'Angleterre, & autres Princes & Potentats en escrivir en pareille substance, & aux seigneurs des ligues. A Rome se preparoit nostre S. Pere pour executer ceste entreveue, quand il receut la lettre du Roy

touchant la mort dudit Merveilles.

A l'Empereur furent presentées les lettres par le seigneur de Velly ambassadeur du Roy, lequel aussi en parla de bouche selon qu'il en avoit charge dudict seigneur son maistre. Sa response fut, Que ledict Merveilles avoit tresbien merité la mort, & qu'il n'estoit aucunement ambassadeur, ains gentilhomme privé, subject du Duc, & poursuivant au pres de luy ses particulieres & propres affaires: comme il apparoissoit par lettres du Roy, mesmes recommandant ledict Merveilles au Duc en sesdites propres & particulieres affaires: L'ambassadeur luy monstra sur le champ autres let tres du Duc mesme au Roy, par lesquelles il apparoissoit. que ledict Merveilles estoit ambassadeur du Roy vers iceluy Duc. Mais l'Empereur n'en feit autre demonstration, ains se voyant de tant plus asseuré du Duc, & que jamais ne seroit pour s'addonner à la devotion du Roy, depescha peu de jours apres le seigneur du Prat ja plusieursfois devant nomé, pour aller querir en Flandres la seconde fille du Roy Cristierne de Dannemarc niepce dudict seigneur Empereur, & la doncr à femme au Duc, ainsi qu'il luy avoit promis auparavat. Et presque en un mesme temps furet faictes les nopces dudit Duc, & du Duc d'Orleans avecques la Duchesse d'urbin: car le huictiesme jour de Septembre, audict an mille cinq cens trente trois, partit nostre S. Pere de Rome y laissant le Cardinal de Monté oncle du Pape Iulles dernier decedé, legat en son absence, lequel toutesfois mourut bien tost apres. Le Roy avoit ordonné plusieurs brigautins & fregattes armez pour descouvrir en la haute mer, & au long de toutes les costes, à ce que d'aucune par

il n'avint surprise ny inconvenient à nostredit S. Pere. Et attendant S.S. le Roy se pourmenoit à l'entour de Marseille visitant le païs, auquel lieu il seit ce-pendant un court voyage pour veoir quel ordre avoit esté mis à la recevoir

honorablement.

Audit lieu de Marseille vint devers le Roy de la part du Duc Francisque Sforce pour l'excuser de la mort de Mer veilles, messire Francisque Taverne devant nommé Chance lier d'iceluy Duc, lequel par ordonnace du Roy fut ouy au conseil estroict. L'excuse, & remonstrance qu'il proposa, fut que le Duc son maistre ne pensa jamais que ledit seigneur Roy deust prendre ceste mort en la sorte qu'il la prenoit, par les lettres pleines d'expostulation que sa majesté luy en avoit escrites, d'autant que ledit Merveilles n'estoit ambassadeur, & n'en avoit ordre ne lieu, ny estoit estimé ne tenu tel en la cour du Duc sondit maistre:mais qu'il y estoit com me son subject & vassal, & pour ses propres affaires & negc + ces ainsi que les autres vassaux & subjects de sondit maistre, lequel jamais n'avoit sceune pensé qu'iceluy Merveilles fust domestique ou serviteur, non qu'ambassadeur ou meslager du Roy: & que quand il l'eust sceu, il luy eust porté le respect qu'il convient porter aux serviteurs de si grand Prin te,& de la personne du mode à laquelle il avoit autant d'ooligation, & à laquelle il vouloit porter autant d'honneur & de reverence, & qu'il n'eust souffert estre touché à la peronne dudit Merveilles fans prealablement en avertir ledit eigneur Roy. Mais ignorat qu'il fust autre que son subject & vassal, il avoir permis & souffert que la procedure & jutice fust faicte contre luy comme contre tel, & comme contre homme meritant telle punition, pour le conflict & nomicide commis à l'encontre d'un gentil-homme de la naison de Castiglion, l'un des gentilshommes ordinaires le la maison d'iceluy Duc. Aussi que ledit Merveilles estoit iomme vitieux, seditieux, scandaleux, receptateur ordinaie d'homicidaires, & autres gens mal vivans, & mesmement l'aucuns lesquels avoient conspiré en la mort d'iceluy Duc on maistre, & d'aucuns autres ses prochains & privez servicurs,& telle nent que ledit Duc par plusieurs fois luy avoit aict dire qu'il n'avoit sa demeure agreable à Milan. Ajoutant ledit Chancelier avoir luy mesmes dit souvent aulit Merveilles que le Duc vouloit & besoing estoit qu'il se

retirastià quoy il n'avoit obtemperé: pendant lequel temps estoit avenue la mort dudit Castiglion, laquelle iceluy Chancelier recita lors, ensemble la prise & execution dudit Merveilles presque de mot à mot, ainsi qu'elle est cy devant couchée, seulement obmist & ne voulut mentionner la requeste dont nous avons parlé, sai ce par ledit Merveilles au capitaine de justice, & les justifications presentées par les

amis de luy estant prisonnier. CESTE legation & remonstrance fut trouvée par le conseil incrediblement estrange & mal à propos, d'autant que ledit Chancelier estoit propre nepveu, & fils de la sœur dudit Merveilles, & que luy plus que nul autre estoit informé du contraire de ce qu'il metoit en avant. Si luy fut alors remonstré de poinct en poinct, & premierement que le Duc sondit maistre ne pouvoit ignorer que ledit Merveilles ne fust serviceur voire ambassadeur du Roy aupres & de vers luy, & qu'il en apparoissoit assez, tant par les propres lettres dudit Merveilles escrites estant à Bolongne, desquelles le Roy avoit le double, & par la response que luy feit le Duc, dont ledit seigneur avoit l'original en sa puilsance. Ioinct que ledit Merveilles avoit demouré premierement au service du feu Roy, & depuis à celuy du Roy present l'espace au moins de vingt-cinq ans : parquoy il estoit impossible que le Duc n'en fust averty, lequel n'avoit elté si negligent que de ne sçavoir les noms & les biens de rous les gentilshommes du Duché de Milan qui en estoiet hors. Aussi qu'il n'estoit vray semblable que ledit Chancelier qui bien sçavoit les causes de sa depesche, & qui l'avoit presenté au Duc, & avoit ordinairement hanté avec luy, n'en eust adverty ledit seigneur Duc, afin de ne luy laisser commettre un tel erreur à l'encontre d'un tel & si puissant Prince que le Roy. Sur ce poinct confessa bien ledit Chancelier, que voirement Merveilles sestoit adresse à luy, pour le fiire parler au Duc son maistre, mais ne luy avoit aucune chose declaré plus avant, & qu'il n'avoit jamais pensé qu'il fadressalt à luy, que comme oncle à nepveu en ses affaires, ne qu'il eust à parler d'autres negoces au Duc, sinon paraventure en intention de tirer quelque chose de luy pour en ecrire au Roy, & pour s'entremettre (s'il estoit possible) d'estre mediateur de bonne & seure amitié entre-eux. Si la premiere remonstrance de ce Chancelier avoit semblé à

tous moult estrange, encores plus qu'impertinente sembla ceste replique: & luy fut remonstré combié à luy seoit mal d'user de ce langage, attendu qu'il sçavoit bien que ledit Merveilles avoit lettres de creance au Duc, & sa creance portée par instruction signée du Roy: aussi que luy-mesimes au lieu de Fontainebleau avoit ptocuré sa depesche, & mis en avant ce moyen de luy donner autres lettres de recommendation particuliere, pour servir d'umbre & couverture aux fins, & intention qu'il a esté dit cy devant : & quand tout ce ne seroit, si n'estoit-il excusable ny soustenable en droict & justice, veue la precipitation de la procedure faite contre luy, lequel fut se ulement par soupeçon, & comme presumptivement consentant de l'homicide faict par ses gens, emprisonné le vendredy, & le Dimenche jugé & executé clandestinement & de nuict. Chose pour monstrer evidemment que le Duc eust peur & crainte qu'en le faisant executer publiquement, la pluspart du peuple y mist empeschement & fist tumulte, pour craindre que le Roy s'en ressentant contre le Duc, ils se sentissent aussi (sans coulpe) de la vengeance qu'il en voudroit & pourroit faire, & que à Milan mesmes en estoit le bruit commun. C'est grande force que de conscience, & qui merveilleusement faict perdre sens & propos à ceux qu'elle condamne.

IL me souvient avoir veu en mes jeunes ans ledit Chancelier estre estimé l'un des plus subtils & prompts advocats & plus arguts en les responses qui fust pour lors en Lombardie, mais à ceste objection le sens luy faillit au besoing, ou le sang qui ne peult mentir le feit respondre si mal à propos, & contredisant à tout ce qu'il avoit dit au paravant, que pour excuser ceste execution nocturne & clandestine, il allegua que le Duc son maistre l'avoir ainsi voulu, non pour la peur & crainte desludites, mais pour autant que ledit Merveilles estoit au service-d'un si grand Roy, il luy avoit porté ce respect de ne luy faire ceste honte, de l'executer publiquement. A ceste cause on luy rompit alors la broche, en luy remonstrant, puis que par son direil confessoit le Duc avoir bien sceu que ledit Merveilles estoit serviteur du Roy (ce qu'au-paravant il avoit nié) la raison vouloit qu'à l'homme niant chose si manifeste, il n'en fust disputé plusamplement, & que le Roy avoit tresbien enteudu ses excuses sondées en paroles sans justification aucune, & qu'au contraire le Roy luy avoit monstré par lettres & autrement deuement & clairement, que le Duc son maistre ne pouvoit soustenir qu'il ignorast ledit Merveilles estre son serviteur & ambassadeur. Et pourtant il vouloit que reparation de ceste injure luy sust faicte, selon que premierement il luy en avoit escrit, autrement il la se feroit faire en temps & lieu.

Entreveue du Pape El da Roy.

TELLE fut la responce & depesche baillée audit Chancellier, & n'y avoit homme du conseil du Roy, qui ne jugeast cest outrage si grand & insame, que non seulement il avoit juste cause d'en entreprendre la vengeance contre le Duc, mais qu'à grand peine sen pouvoit il passer à son honneur, & pensoit bien un chacun que si à ceste entreveue ne sy en moyennoit quelque reparation, le printemps ensuivant ne se passeroit sans qu'il y eust de la messée.

Le mois d'Octobre fut de la tour d'If & de Nostre-Dame-de-la-garde descouvert l'armée de mer, laquelle apportoit nostre S. Pere, desquels lieux fut faict le signal, lequel veu de Marseille partirent du port un bon nombre de brigantins & fregattes, pour aller au devant de S.S. dedans lesquels y avoit bonne compagnie de noblesse avecques forces trompettes, clairons & haulx-bois. Arrivé qu'il fut à l'entrée du port, fut salué de la majour de nostre Dame de-la-garde, de la tour S. Ican, de l'abbaye de S. Victor, & de plusieurs autres lieux eminents, de plus de trois cens grosses pieces d'artillerie: ausquelles les galleres rendirent leur salut de sorte que tout le port & les environs se monstroient estre en feu. Ce faict S. S. descendit en terre du costé de S. Victor à l'opposite de la ville, le port entredeux, en un palaiz estant au seigneur de Montmorency, Grand-maistre & Mareschal de France, lequel il avoit fait preparer pour la reception de S. S. attendant qu'il feroit son entrée. Pareillement ledit Sire de Montmorency (sur lequel le Roy s'estoit reposé de toutes choses, pour la reception de S.S.) avoit fait preparer dedans la ville deux palaiz l'un pour le Pape, l'autre pour le Roy: & y avoit entre les deux une rue sur laquelle il avoit faict edifier de charpente rie une grande salle par laquelle on alloit d'un logis en l'au tre: & estoit ladite salle grande, & fort à propos pour tenir le consistoire du Pape & des Cardinaux, & aussi pour faire les assemblées de S.S. & du Roy, & le tout tendu de

fort riches tapisseries.

LA S. du Pape apres avoir esté conduite jusques au Palaiz que j'ay dit luy avoir esté preparé de là le port, chacun se retira en son quartier jusques au lendemain que S. S. se prepara pour faire son entrée, laquelle fut faicte en fort grande sumptuosité & magnificence, luy estant assis sur une chaire portée sur les espaules de deux hommes, & en ses habits pontificaux, hors mis la thyare, marchant devant luy une hacquenée blanche, sur laquelle reposoit le sacrement de l'Autel, & estoit ladite hacquenée conduitte par deux hommes à pied en fort bon equippage avecques deux resnes de soye blanche. Puis apres marchoiet tous les Cardinaux en leurs habits, montez sur les mulles pontisicales, & madame la Duchesse d'Vrbin separement en grande magnificence accompagnée d'un grand nombre de dames & de gentilshommes tant de France que d'Italie, En ceste compagnie estant le Pere sainct au lieu preparé pour son logis chacun se retira, & tout ce fut ordoné & conduit sans nul desordre ny tumulte. Or ce-pendant que le Pape faisoit son entrée, le Roy passa l'eaue dans une fregatte, & alla loger au lieu dont le Pape estoit party, pour de ce lieu le lendemain venir faire l'obeissance au Pere Sainct, comme Roy Tres-chrestien. Or avoit-il esté ordonné de long temps que maistre Guillaume Poyet Presidant en la cour de Parlement de Paris, & depuis Chancelier feroit l'oraison au Pape quand le Roy feroit la reverance, & estoit ledit Poyet le plus eloquent'advocat de son temps & mieux parlant la lague Françoise, mais je pense bien que la Latine ne luy estoit si commune. Et pour ceste raison avoit faict forger son oraison de longue main par les plus doctes hommes de ce Royaume, & l'avoit bien estudiée: mais il advint autrement qu'il ne pensoir, car le matin au lever du Roy, le Maistre des ceremonies vint devers sa majesté luy faire entendre la substance sur laquelle sa saincteté prioit ledit seigneur qu'on feist ladite oraison, afin de n'offencer les autres Princes & Potentats: laquelle instruction estoit toute contraire à ce qu'avoir projecté ledit Poyet, parquoy se voyant surpris suplia le Roy de donner ceste cliarge à un autre, remonstrant que c'estoit le faict d'un Prelat, attendu que c'estoit pour l'union & bien de l'Eglise. Mais à bien dire, c'estoit qu'il n'avoit le temps de pouvoir changer le language ne la substance de sadité oraison, parquoy en sur baillée la charge à Iean du Bellay Evesque de Paris, lequel encores qu'il sust prins à l'improviste s'en deschargea au contentement, tant des estrangers que de ceux de sa nation.

Estant le Roy preparé, partit pour venir au palaiz où estoit le Pape, accompagné des Princes de son sang, comme de monseigneur le Duc de Vendosmois, du Comte de S. Pol, messieurs de Montpensier & de la Roche-suryon, le Duc de Nemours frere du Duc de Savoye, lequel mourue audit lieu, le Duc d'Albanie & plusieurs autres, tant Comtes, Barons que seigneurs, estant tousjours pres de luy le seigneur de Montmorency son Grand-maistre. Estant le Roy arrivé au palaiz, fut receu par le Pape, & tout le college des Cardinaux assemblez en consistoire fort humainement. Ce faict chacun se retira au lieu à luy ordonné, & le Roy mena avecques luy plusieurs Cardinaux, pour les festoyer, & entre autres le Cardinal de Medicis nepveu du Pape homme fort magnifique & bien accompagné. Au lendemain ceux ordonnez par sa saincteré & par le Roy commencerent à l'assembler pour traitter des choses, pour lesquelles l'entreveue se faisoit : premierement sur traitté du faict de la foy, & pour-autant que les choses n'estoient preparées pour le Concile, ainsi qu'avez peu veoir par ce qui en a esté dit cy devant, fut depeschée une bulle pour (en attendant ledit Concile) reprimer les heresies en ce Royaume, & empescher que les choses ne vinssent en plus grande combustion qu'elles n'estoient. Puis fut conclu le mariage du Duc d'Orleans second fils du Roy avecques Catherine de Medicis Duchesse d'urbin, niepce de sa saincteté, avec les cenditions telles ou semblables que celles qui autresfois avoient esté proposées au Duc d'Albanie, ainsi que pouvez avoir entendu par cy devant : ledit mariage fut consommé en grande magnificence, & les espousa non stre S. Pere. Ce mariage ainsi consommé, le S. Pere tint un consistoire, auquel se crea quatre Cardinaux à la devotion du Roy, sçavoir est le Cardinal le Veneur, au paravant Evesque de Lizieux & grand aumosnier du Roy: le Cardinal de Bolongue de la maison de la Chambre, & frere maternel du Duc d'Albanie: le Cardinal de Chastillon de la maison de Colligny, nepveu du Sire de Montmorency, fils de sa sœur & du Mareschal de Chastillon : le Cardinal de Givry oncle paternel de madame l'Amirale de Brion.Ce faict fut celebrée une messe Papale, à la fin de laquelle nostre sainct Pere donna sa benediction & absolution generale par toute la Chrestienté, comme au jeudy de la sepmaine laincte. Les choses ainsi parachevées (le Pape s'embarqua pour retourner à Rome environ le xx. jour de Novembre, & le Roy print son chemin pour se retirer vers Avignon, aussi fut parlé de l'affaire du Roy d'Angleterre, pour lequel le Roy feit graude instance: mais estans les choses si avant, que d'avoir esté jettée la fulmination contre ledit Roy, les Cardinaux contesterent, de sorte que la chose sut remise à Rome, où tout le college seroit assemblé, ce-pendant le Roy pourroit envoyer devers ledit Roy d'Angleterre, pour luy persuader de se mettre en l'obeissance de l'Eglise. Romaine.

DEPUIS le partement de Marseille ne sejourna le Roy jusques à ce quil fust à la coste S. André, sinon deux jours en passant en Avignon: auquel lieu il assembla son estroict conseil, & delibera sur une requeste à luy faicte, tant de la Des affaires part du jeune Duc Chrestosse de Witemberg au nom de d'Allemagne luy & de son pere, comme des Ducs Guillaume & Loys & des Ducs de Baviere ses oncles. Nous avons dit par-cy devant de Baviere. la graticuse responce que seit ledit seigneur à messire Bonacurse Gryne secretaire desdits Ducs de Baviere, & comment il leur avoit promis d'envoyer homme avecques pouvoir de traitter & conclure avecques eux selon leur intention & requeste: de laquelle respoce il avertit ses Princes & maistres, & luy demoura en ceste cour atendant la depesche dudit personnage jusques apres le partement de ceste assemblée. Ledit jeune Duc Chrestosse de witcmberg avoit eu dés le mois d'Aoust responce des alliez & confederez en la ligue de Suave à une siènne longue lettre du dernier jour de Iuillet, par laquelle il leur avoit faict entendre ses justes causes de doleances sur le traittement rigoureux dont sans sa coulpe on avoit usé à l'encontre de luy: & par ladicte responce luy avoient les commis & deputez d'icelle ligue signissé que pour estre son affaire fort intrinqué, tellement qu'il estoit presque impossible de le decider; &

y faire fin par lettres & responce entre absens, ils l'avoient semonds à se trouver en personne au commencement de Septembre prochain à une dicte pour entendre à la decision de sondit affaire qu'ils offroient de tenir en la ville d'Ausbourg,où ils estoient lors assemblez à la deliberation d'autres affaires. Et à ceste fin luy avoient envoyé saufconduit en ample forme soubs les seings & seaux secrets des Triumvires ou trois capitaines, lesquels estoient alors mesfire Guillaume de Keringen, Leonard de Bappahein Mareschal du S. Empire, & Vlrich Naytarei Bourgmestre de la ville d'Vlme. Or est la coustume en Germanie qu'en tou tes les assemblées qui se font à la requeste d'aucun personnage, & pour ouir & decider ses propres & particulieres affaires, ledit personnage y mene leplus grand nombre qu'il peult assembler de ses familiers amis & adherans ou leurs commis & deputez pour assister à l'audience & decifion de sa matiere.

LEQUEL nom & tiltre d'assistance est de telle coditio que quiconques assiste à autruy, faict la cause & matiere sienne, & tacitement s'oblige à luy donner ayde & faveur, & jusques à prendre les armes pour luy, en un besoing : en cas de denegation & maligne diffimulation de justice. Suivất lafile coustume ledit Duc Chrestofle avoit envoyé devers plusieurs Roys, Ducs, & Princes les requerir & supplier de luy vouloir assister en cestuy sien affaire: sçachant doncques la promesse qui aux Ducs de Baviere ses oncles, avoit esté faicle par le Roy nostre maistre, d'envoyer un personnage avec pouvoir de traitter, ainsi comme j'ay dit, avec eux, il luy escrivit de fort gratieuses & humbles lettres la substance desquelles il m'a semblé estre bien à propos d'inserer en cest endroiet, ensemble la responce du Roy & recharge faicte par luy accompagnée de la priere & grande instance de sessites oncles les Ducs de Baviere, qui par ledit Gryne leur secretaire sut faicte de bouche, & baillée par escrit audit seigneur Roy de France.

La falutation accoustumée premise il luy exposoit com ment en la grande & longue affliction & calamité de son pere & de luy qui estoiét (ja xvij. ans avoit) expussez & chas sez hors de seurs païs & biés, la premiere esperance qu'ils avoient eue de se resouldre, avoit esté par la nouvelle qu'il cut de la consommation du mariage de sa majesté, avec la Royne madame Aleonor son espouse, & sœur des Empereur & Roy des Romains, ausquels estoient leurs biens appliquez & parvenus, se confians iceux Ducs pere & fils, qu'estant la mere d'iceluy Duc Chrestoste fille d'une sœur de l'Empereur Maximiliã pe re du Roy Philippe de Castille, pere dudit Empereur Charles & du Roy Ferdinand, & de ladicte Royne Alconor, il ne pouvoit estre que luycomme un allié des parties, interposant son credit & authorité fur cest affaire, lesdits seigneurs Empereur & Royn'y cussent esgard, & les jettassent hors de ceste grande leur mifere & calamité, laquelle interposition de son credit & authorité ils ne pouvoiet non esperer pour son accoustumée bonté, compassion & promptitude de secours envers tous affligez & opprimez de necessité. A ceste cause luy estant accordé saufconduit de venir à une assemblée des alliez & confederez en la ligue de Suave spoliateurs & expulseurs de sondict pere, par eux à luy octroyé pour ouir & entendre ses doleances, il supplioit sa majesté vouloir escrire aux dessusdits Empereur & Roy, & envoyer autre ambassadeur ausdits alliez & confederez de Suave, leur recommandant affectueusement & prenant en sa protection les affaires de luy & de son pere: lesquels affaires il ne doutoit que par sa protection & assistance, ils ne se portassent favorablement & bien, & qu'ils n'en demourassent perpetuellement & infiniement obligez à sadite majesté, à laquelle pour fin de lettre ils se recommandoient de reches & treshumblement.

CESTE fut la requeste dudit jeune Duc Chrestosse, sur laquelle apres avoir meurement pensé, le Roy Iuy seit responce qu'estant de sa nature & coustume enclin & propt à secourir quiconque en avoit besoing, non seulement ses alliez de sang, il luy desplaisoit merveilleusement que sans le secu & consentement desdits seigneurs Empereur & Roy des Romains ausquels touchoit l'affaire d'iceux Ducs & pere & sils, & qui estoiét jouissans & saisse des bies & estat d'iceux, il ne pouvoit sans offension de ses traittez entreprendre la protection de leurdit affaire, ne pour ceste sin escrire ou envoyer ambassadeur ausdits alliez & consederez de Suave: car ce seroit tacitement les blasmer & reprédre d'iniquité, s'il requeroit ou poursuivoit que les biens & estats d'iceux pere & sils, leur sussent pur cement

de la ligue, rendus comme injustement & à tort occupez & detenus par les susdits Empereur & Roy: ausquels vouloit il bien de bon cœur & affectueusement escrire, qu'ayant esgard à la prochaine alliance d'iceux Ducs avec leurs majestez, ils eussent esgard à leur donner moyen de vivre & s'entretenir en tel estat qu'il appartenoit à gens de telle estosse & de si noble alliance comme ils estoient, offrant au demourant audit Duc Chrestosse l'ayder & secourir de son propre, duquel il pouvoit disposer à son plaisir & sans offésion ou juste malcontentement de personne, & faire pour eux & en tout & par tout ce que sans cotrevenir à ses trait-

tez il pourroit & seroit loisible de faire. La verité estoic en essect que le Roy desiroit moult de veoir les Ducs susdits remis en leur estat, & que volontiers il eust ttouvé moyen de les y ayder y despendant du sien; tant pour affoiblir d'autant les forces de l'Empereur & de son frere, comme pour acquerir en Allemagne nouvelles amitiez, & par bien faicts y confermer celles que desja y avoit acquises, & rendre à l'Empereur la pareille qui en toutes parts s'eslayoit à luy substraire ses alliances, & les unir & joindre à luy. Mais il le vouloit faire avec occasio si cou lourée qu'il peust deffendre & maintenir n'avoir en ce faisant contrevenu audit traitté, lequel il se contentoit assez garder au pied de la lettre sans en riens l'estendre, en faveur & avantage de qui ne luy en donoit la cause. Parquoy de ceste sienne volonté n'estoit ignorant ledit Bonacurse secretaire des Ducs de Baviere, & par lettres en chiffrela seit entendre à ses Princes & maistres, qui pareillement en advertiret le Duc Chrestosse leur ne pueu, auquel ils portoiet affection toute autre qu'ils ne faisoient au pere. Et s'il eust esté en leur puissance de le remettre au Duché sans y remettre le pere, ils s'y fussent employez tres-volontiers, & s'en estoient assez ouvertement laissez entendre, ne pensans toutesfois en pouvoir venir à bout, à cause que la plus-part de ceux qui tendoient au recouvrement de ce Duché favorisoient au pere principalement, & ne leur sembloit estre raisonnable d'y mettre le fils & abandonner le pere. Donc voyans qu'ils ne pouvoient ce qu'ils vouloient, voulurent à la fin ce qu'ils pouvoient, ou jugeoient estre plus facile. Et de rechef en escrivirent amplement audit Bonacurse leur ambassadeur & secretaire, lequel apres avoir declaré

leur intention au Roy, la luy bailla par articles escrits con-

tenans en substance ce qui s'ensuit:

PREMIEREMENT qu'ils le remercioiet de la bonne & gratieuse response qu'il avoit faict audit leur ambassadeur, en promettant & asseurant audit seigneur Roy qu'à tousjours-mais ils iroient & tiendroient le droict chemin avecques luy. Secondement ils l'advertissoient du faufconduit octroyé audit Duc Chrestosse leur nepveu par le moyen d'eux & de leuts secrettes praticques & menées: & qu'en ceste diete ne se traitteroit chose en laquelle sa majesté ne puisse par quelque sien ambassadeur assister audit jeune Duc Chrestose avecques les ambassadeurs & commis d'autres plusieurs Roys & Princes Chrestiens, lesquels aussi leur presteroient assistance & adherance pour le pacifier & accorder avecques le Roy Ferdinand, & laquelle pacification ne se traitteroit, sinon amiablement, & suivant les droicts, uz, statuzs, immunitez, & privileges du S. Empire, & de la nation Germanique: ausquels statuts & privileges ledit Roy Ferdinand n'oseroit ne pourroit contrevenir, autrement il l'acquerroit enneinis, & susciteroit à l'encontre de soy tous les estats du S'Empire, si que le Roy ravorisant à ceste entreprise ne failléroit à faire de deux choses l'une, ou d'obtenir du Roy Ferdinand la restitution le ces Ducs, lesquels & leurs adherans en seroient ses obligez à iamais, & ledit Roy Ferdinand affoibly d'autant de païs, & d'autant d'amis & adherans, ou de le contraindre à efuser justice, enquoy il acquerroit l'inimitié de toute la Germanie, qui le pourroit par force destituer, non seulemét le ce Duché, mais du tiltre & nom de Roy des Romains, & e sans que le Roy de France s'en empeschast si ouvertemét ju'on le peust accuser d'avoir le premier enfrainct les traitez & capitulations avec l'Empereur.

Et à ceste cause le prioient (attendu que desja il avoit leliberé d'envoyer le seigneur de Langey en Allemagne, pour avec eux traitter & conclure de la forme & maniere le la consignation par luy promise pour la conservation l'une ligue desensive non offensive, & que les deputez & ommis de tous les Princes contrahans au traitté de Smalhade se trouveroient ensemble à ceste diete pour y assiste adherer à la poursuitte de ceste restitution) que son bon laisir sust d'escrire & recommander cest assaire aux alliez

& confederez de Suave, & ordonner audit Langey d'y affister ainsi & en la maniere que feroient les autres, à tout le moins selon que par ledit Langey son ambassadeur seroit convenu & accordé avec les dessustits Ducs de Baviere. Aussi que son plaisir fust d'escrire à monseigneur le Duc de Lorraine & à monseigneur le Duc de Guise son frere, à ce que s'il avenoit audit Duc Chrestosse, ou aucun de ses gens & serviteurs aller ou venir, ou sejourner parmy leurs païs, ils sussent contés de le luy sousserire, luy usant au demourant de toute raisonnable & honneste saveur & humanité, selon qu'ils esperoient dudit seigneur Roy de France que volontiers il accorderoit & obtiendroit d'eux sans aucune difficulté.

C E s remonstrances ainsi faictes & baillées au Roy par escrit, furent accompagnées d'unes lettres de recharge par le Duc Chrestosse, par laquelle entre autres choses il remonstroit que ceste diete non seulement se faisoit du seul consentement de l'Empereur & de Ferdinand son frere, mais qu'ils y auroient eux-mesmes leurs comissaires & deputez: ensemble que ledit Roy Ferdinand avoit consenty & accor dé que ceste matiere fust mise en dispute de droict, & decidée par l'assemblée d'iceux cofederez. Et qu'il fust vray envoya au Roy pour en faire foy, le double d'un saufconduit dudit Roy Ferdinad à luy accordé en dacte du xxv.jour du mois de May lors dernier passé, & d'unes lettres en dacte du lédemain addressantes au capitaine de ladite ligue touchant l'afraire dudit Duc Chrestosse, par lesquelles il s'offroit à faire non seulement justice, mais traittement gratieux, & encores envers l'Empereur tout l'avancement qu'il pourroit de sa parole, faveur, & recomandatio. Si que ledit seigneur Roy nostre maistre ne devoit plus craindre ne doubter, qu'en assissat & adherat à ceste poursuitte de justice, il offençalt ny l'Empereur ny le Roy son frere, ny fist chose que les propres vassaux & subjects de l'Empire ne fistent en cas pareil, & sans comettre en ce faisant aucune cauie de reprehension.

LE Roy ainsi que j'ay dit, apres avoir entendu toutes ces remonstrances, & veu les doubles des lettres & sausconduit, encores que par la teneur & substace d'iceux il sust assez aisé à cognoistre que ledit seigneur Roy Ferdinad n'avoit aucune voloté de rendre ce Duché, se contentoit touresfois d'avoir la couverture desdites lettres & saufconduit esquels il interpretoit au meilleur sens, & qui faisoit selon son intention, c'est à dire, selon que chantoit la lettre: ne le voulant persuader que ledit Roy Ferdinand voulust esrire autrement qu'il pensoit. Et pour-ce delibera & arrela en son conseil d'obtemperer à la requeste d'iceux Ducs le Baviere & witemberg: & envoya ledit seigneur de Lanzey avecques charge de traitter & conclurre de la configna ion dessusdite:avecques ceste clause routesfois, que ses deniers ne pourroient estre employez à l'invasion d'aucu, ains eulement à la deffence desdits anciens uz, observances, & privileges de l'Empire, & autres certaines clauses, limitatios, & restrictions contenues au traitté qu'il en passa. Luy don-1a pareillement charge de faire pour la restitution de ces Ducs entierement tout ce qu'il pourroit faire avec suffisam ment coulourée couverture, & sans ouvertement contrevenir au texte de ses traittez & convenances. Aussi luy enjoiguit sur toutes choses d'essayer tous moyens possibles à faire que ceste ligue de Suave ne se renovast, mais que de tous poincts elle se dissolust: & sur ce luy donna lettres de crean ce aux commissaires de l'Empereur, au Roy Ferdinand s'il le trouvoit à ceste assemblée, & en son absence à ses commis & deputez,& à tous les autres cofederez de ladite ligue universellement.

L'a feigneur de Langey à son arrivée adverty que le Roy Ferdinand ne se trouveroit à ladite assemblée, voulut bien faire entendre à ses ambassadeurs son arrivée, & l'occasion pour laquelle le Roy l'avoit depesché: & pour cest effect leur envoya une lettre qu'il leur escrivit avecques celles du Roy, addressau Roy Ferdinand, où à eux en son absence. Laquelle j'ay icy inserée avec deux oraisons qu'il feit en laditte assemblée, pour induire les deputez à reintegrer les Ducs de witemberg en leurs seigneuries.

MESSIEURS quand le Tres-chrestien Roy de France raison par mon maistre sur prie par les ambassadeurs du Duc Chresto escrit en roy-le de Wittemberg qu'il suy pleust dessendre sa cause & cel ée par mon-le d'ulrich son pere, envers le Roy Ferdinand, côbien qu'il sieur de Lan-leur deust octroyer cela, d'autat plustost q plus il avoit deu gey aux Eleapprendre par ses afflictions propres à secourir les afsligez: Éteurs coutes sois la parété du Roy Ferdinad l'é destournoit, voyat estats de qu'à suy touchoit principalement cest affaire. Mais apres l'Empire.

qu'il a generalement & particulierement entendu comme tout l'affaire s'est porté au commencement, & en quel estat il est maintenant, & qu'à la requeste du Roy Ferdinand mesmes on avoit donné une journée pour les remettre en leurs biens, de sorte qu'il sembloit y avoir plus de besoing d'amiable composition que de dessence. Alors il a cogneu appartenir à son devoir (estant commun amy) de faire une recommandation de ses alliez, & principalement de ce-Stuy pauvre innocent envers le Roy Ferdinand aussi son allié & amy, ayant grande occasion de congratuler à tous deux, aux uns pour avoir trouvé un port en la tourmente de leurs biens, & au Roy Ferdinand pour raison du bon advis & conseil qu'il a pris d'user de misericorde. Ie ne suis donc pas venu pour excuser la faulte d'ulrich, cobien qu'il en ait quelque cause, sinon juste, à tout le moins conjoincte avec une juste douleur, mais pour congratuler du pardon faict, & de la vengeance moderée, oussi les choses s'y adonnoient) pour les obtenir de vous par prieres : si suffisamment il a enduré & souffert estat chasse hors de sa maison & tiré d'avec ses enfans, lesquels il n'a peu veoir depuis, , il est temps qu'on rende maintenant ce seul & unique fils au pere, & le pere au fils, & à tous deux leurs estats. La restitution desquels quant à l'un depend entierement de la misericorde du Roy Ferdinand, mais quant à l'autre il y va du devoir:il a desmaintenant beaucoup (& peult à l'avenir avoir d'avantage) de moyens pour s'enrichir, plus dignes de sa grandeur, que de vouloir accroistre le sien (quand il luy seroit permis) par la ruine & destruction de ceux cy ses parents, desquels s'il n'a pitié (ce qu'il a deliberé d'avoir)il ne leur demeure rien entierement que la vie, & une perpetuelle calamité. Toutes lesquelles choses & semblables combien que par le Tres-chrestien Roy de France mon maistre fussent fort bien entendues, toutessois il l'a voulu admonnester amiablement, afin qu'il ne se laissast divertir d'une si bonne & si saincte entreprise, qui est la plus excellente chose & la plus honnorable qu'il sçauroit laisser à sa posterité: & si ses prieres y peuvent ayder, il l'en supplie tres-affectueusement, ou si l'autorité d'un commun amy peult donner quelque moyen à vuider tels differends, il y offre tout son pouvoir: m'ayant comandé proposer icy en son nom quelques avis qui se trouveront honnestes &

1

roufitables pour parvenir à un bon accord. Mais puis que l'enten que le Roy Ferdinand n'assistera point à ceste assemblée, qui est contre ce que l'on avoit faict entendre au Treschrestien Roy, & qu'il vous a donné, tres-reverends & tresmagnisiques seigneurs, plein & entier pouvoir de comporer & appoincter tous disserends: je vous en voye les lettres le mondit seigneur Roy qui appartenoient au Roy vostre naistre, & en son absence à vous, asin que vous sçachiez par icelles que tout ceque je vous declaire est en son nom & procede de son vouloir & intention.

DES le vingt-cinquiesme jour de Novembre audit in mille cinq cens ttente-trois, arriva le Duc Chrestofle à Ausbourg, & avecques luy se trouverent pour y assister & dherer au nom du Duc Iean Federic electeur de Saxonrie, messire Chrestofle de Tambanhain chevalier, messire l'eodore Spiegel Docteur és droicts: au nom du Duc Heny de Brunfwich & Lembourg un homme de loy: au nom lu Duc Ernest aussi de Brunswich & Lembourg, messire Chrestosle de S. Ampergh, & Baltazar Clavier au nom du Duc Albert de Prusse: messire André Rip Docteur au nom lu Duc Albert de Mechelpurg:messire Sebastien Chanceier de Schwenispurgh au nom du Duc-Iean de-Cleves-& ulliers: messire Charles Harst Docteur au nom de Lansgrave Philippe de Hessen, messire Herman de Malspeirg, on Mareschal, & messire Iean de Finsy de Lieuchamp son Chancelier: au nom du Comte Georges de Wittemberg, nessire Iacques Truch chevalier, & messire Iean Cuoder Docteur son Chancelier, & de Princes Ecclesiastiques au rom du Duc François Evelque du Munstre, messire Thohas de Hordo son Mareschal, & Iosse Rullant Docteur on Chancelier.

LE seigneur de Langey dessus nommé ambassadeur du Roy nostre Sire, sut instamment requis de se vouloir incrire au nom des assistans, mais adverty de l'importance de ce nom, & que quiconques assiste à une cause la faict ienne, comme a esté dit cy dessus, ne voulut y entrer comne ambassadeur de Prince assistant, mais comme mediacur de paix & d'amitié entre les parties. Aussi voioit il que les ambassadeurs mesmes des Duc de Baviere qui avoient procuré sa depesche n'y entrerent point comme assistans, mais seulement comme du nombre des alliez & confede-

rez de ligue, parquoy il s'en excusa au mieux que possible luy sut. Le Roy d'Angleterre y avoit aussi envoyé un sien ambassadeur, mais il partit à telle heure qu'il y arriva tard, & apres que l'assemblée sut departie: le Roy Iean de Hongrie pour la difficulté des chemins n'y envoya point d'ambassadeur, mais bien y escrivit lettres fort affectionnées en fayeur des Ducs dessus nommez.

Le viij.jour de Decembre, sut saict à sçavoir au Duc Chrestosse qu'au dixiesme jour à vij. heures il auroit audience à l'assemblée. Et autant en sut faict à sçavoir audit seigneur de Langey, qui estoit seulemet arrivé au messme jour huictiesme de Decembre, lequel tout le lendemain seit dili gence ainsi qu'il luy avoit esté ordonné, d'entendre au long & à la verité le faict & les merites de cest affaire de wittem berg, outre ce que par les chemins il en avoit appris de l'un des gens du Duc Chrestosse qu'il rencotra passant à Soleurre, & qui pour instruction luy avoit baillé une longue lettre imprimée du Duc son maistre, du xxxj. jour de Iuillet precedant (car il n'en avoit autrement esté instruics à son partement) & comme si le Roy en eust esté informé du commencement jusques à la sin, ceux qui le prierent & soliciterent d'y envoyer ne surent si advisez que de luy en envoyer

information ou par escrit ou de bouche.

A u jour & heure assignez se presenta le Duc accompagné de tous ses assistans qui furent tous assis de rang à un costé des sieges. Et ce-pendant aucuns commissaires de la lique envoyez à ceste fin entretindrent une espace de temps ledit seigneur de Langey ambassadeur du Roy dedans une autre salle, ce-pendant qu'il se disputa du rang & lieu qu'il devoit tenir: car il ne vouloit se seoir au dessoubs des ambassadeurs & commis du Roy Ferdinand, & luy sembloit suffire qu'il cedast le premier lieu aux deputez & commissaires de l'Empereur, mais le second appartenir au Roy son maistre. Pour eviter ce disserend, & ne prejudicier au droict de l'un ny de l'autre Roy, fut advisé que pour-ce jour & autres, si l'ambassadeur de l'un se trouvoit à la diete, l'ambassadeur de l'autre ne s'y trouveroit. Et sut ledit seigneur de Langey ambassadeur conduit & mené par messire Guillaume Keringen l'un des capitaines de la ligue, & par messire Leonard Elok, Docteur ambassadeur du Duc Guillaume de Baviere capitaine general de ladite ligue, &

fut assis aupres des commissaires de l'Empereur, lesquels estoient monseigneur Chrestosse de Stayn Evelque d'Ausbourg, & le Comte de Montfort. Si presenta ses lettres de creance aux dessusdits commissaires & deputez des confederez de ladite ligue, dont j'insereray icy le commencement de ladicte lettre de creance, afin que la longueur d'icelle n'importune le lisant.

FRANÇOIS PAR LA GRACE DE DIEU ROY DE FRANCE, à Tresseverends, tresillustres, magnisiques, & spectables, Electeurs, Princes & autres estats de l'Empire assemblez à tenir la dicte en la ligue de Suave, nos treschers amis, cousins, & confederez, Salut. En ces grands & urgens affaires de la chose publique chrestienne qui sont & regnent de nostre temps.&c,

APRES la lecture de ladicte lettre, le seigneur de Langey declara à l'assistance ce qu'il avoit de charge du Roy son maistre: puis par le Duc Chrestosse de wittemberg fut mis en avant ce qui sembloit luy servir pour son faict. Ses remonstrances furent bien prises, horsmis des deputez du Roy Ferdinand de Hongrie, lequel estoit jouissant dudict Duché, & ceux qui luy estoient adherens: de sorte qu'il n'y eut ordre qu'il se feist aucune conclusion pour ce jour, encores qu'ils en fussent fort persuadez par une oraison qui leur fut faicte sur le champ par ledit seigneur de Langey, laquelle vous verrez icy traduicte de Latin en François.

La premiere oraison du seigneur de Langey faicte à me Sieurs des estats d'Allemagne, pour Et en la faveur du. Duc de Vvictemberg, traduitte de Latin en François.

I le Tres-chrestien Roy de France mon feulement avoir esgard à son devoir, & à ce maistre cust voulu jusques à aujourd'huy que l'humanité requerroit, log temps a que envers ces estats, c'est à dire envers ses amis & confederez anciens, il eust entrepris de

deffendre & favoriser la cause des illustres & neantmoins

miserables Ducs de wittemberg. A quoy faire l'exemple de la recente calamité l'admonnestoit, comme celuy qui se devoit efforcer de relever les miseres d'autruy par la memoire & souvenance des siennes propres, attendu mesment que beaucoup d'autres raisons le mouvoient: c'est à sçavoir l'authotité & faveur de plusieurs grands & tres-vertueux Princes qui prioient pour eux, leurs alliances & affinitez, la grande apparence & esperance que la vertu de l'un devoit croistre avecques les ans, sa grande & indubitable innocence, & de tous deux la fortune telle, qu'elle peult esmouvoir leurs ennemis melmes à pitié & compassion. Car certainement l'un pour l'exigence du crime, a suffisamment souffert, & l'autre pour son innocence a esté trop miserablement traitté. Mais à dire la verité, autant que toutes ces considerations enslammoient le Roy Tres-chrestien de les secourir, autant l'en refredissoit le bruit commun d'aucuns, qui n'entendoient les desseings de voz affaires (ainsi que maintenant il se peult juger) lessquels avoient saict courir jusques à ses oreilles qué par edict perpetuel aviez transporré au Roy Ferdinand tous leurs biens & estats, tellemét qu'il luy estoit à craindre que prenant en main la tuition & desfence de ceste cause; il offensast ceux avecques lesquels il est lié de tresestroitte alliance & confederation. D'avantage il sçavoit fort bien que pour le respect & honneur du Roy Ferdinand, & melmes pour le regard de voltre estimation, il ne devoit penser qu'un Prince non ambitieux voulust usurper les biens de ses voisins & alliez, sans estre jugez par les loix & coustumes:ny que vous tant estimez prudens & verrueux deussiez sans occasion imposer & estendre la peine du forfaict du pere sur le fils innocent. Car si cela n'estoit couvert de quelque execrable indignité de crime, ce vous seroit à jamais une tache d'inhumanité, & de cruauté: & à luy pareillement d'impieté & d'avarice. Mais ayant depuis entendu & en general & en particulier par les lettres du Duc Chrestofle, en quelle sorte a esté cest affaire entrepris & commencé, & en quel estat il est de present, apres y avoir songneusemet pensé, il n'a voulu refuser secours à ses alliez, Princes dignes de commiseration, en l'endroiet mesmement où il est questió de tous leurs biens & fortunes:ou pour mieux dire, les voyant favorilez de tant de seigneurs qui se joignent à leur cause, il n'a voulu faillir de les congratuler, de ce que le recouvrement de leurs estats n'est point sondé & assis sur une opinion incertaine & doubteu-se, mais despend de vous & de vostre clemence, & de la benignité du Roy Ferdinand. Et pour vous faire bien entendre la charge qui m'a esté commise de ceste congratulation, j'espere vous monstrer clairement, qu'ils ne doivent seulement estre remis en leurs biens, & principalement cestuy pauvre innocent, mais qu'ils le doivent estre par vous: & tellement par vous, que si plus long temps ils en demeurent privez, toute la coulpe d'oresnavant en tombera sur vous, & nullement sur le Roy Ferdinand.

ET si je vous monstre cela evidemment, estant ainsi que le Roy mon maistre vous estime tels que ne pouvez avoir oublié l'equité, la misericorde, la prudence, & autres vertus qu'il à cogneues en vous : il s'ensuit a tresbon droict qu'il a peu & deu congratuler à ceux cy & à vous: à ceux cy de ce qu'ils ont trouvé un port gracieux, pour s'asseurer apres une tant impetueuse tourmente & tempeste: & à vous, d'autant qu'avez pris ce bon avis & tressainct conseil de vouloir user de clemence & misericorde, par laquelle il me semble que les hommes s'approchent de Dieu. Ie vien donc au faict auguel je ne voy point avoir besoing de beaucoup de paroles, car il vous peult souvenir à tous qu'apres la mort du pere de cestuy-cy, alors que ce Duché par vous fut transporté à l'Empereur, & par luy peu apres au Roy Ferdinand son frere, vous adjoustastes par mots expres ceste conditió, qu'il en appoinctast avecques ulrich, & au regard de cest innocent qui en l'aage de quatre ans où il estoit, n'a peu commettre crime, ne faire acte deshonneste, vous luy reservastes la poursuitte de tous ses droicts, & nommement des chasteaux de Tubinge & de Neysfen, non long temps apres qu'il vint à demander d'estre remis en la possession: d'iceux, lesquels estoient entre les mains du Roy Ferdinand,& voulant poursuivre ce qui luy appartenoit, iceluy Roy declara ouvertement qu'il luy permettoit tout ce qui seroit de droict & d'honnesteté. Et n'a pas consenty seulement que ceste journée soit assignée pour vuider ce disserend, mais il en a voulu estre le principal autheur.

CEST acte certes du Roy Ferdinand tant plus je le considere, tant plus je cognoy qu'il n'a peu faire plus prudem-

ment, car s'il eust deliberé de leur rendre & restituer leurs biens & estats, lesquels il tient par vostre moyen, sans vous en communiquer, je dy à vous qui estes aucunement cause de la fortune , à laquelle ces Ducs sont maintenans reduits, il eust peu sembler qu'il n'eust tenu compte de vostre bienfaict, ou qu'il se sust voulu separément acquerir leur bonne grace, & les rendre obligez à luy seul, les laissant ce-pendant irritez contre vous, comme fil eust desiré & pourchasse, que ce qu'ils avoient perdu par vous ils pensassent sans vous, & peult estre malgré vous, l'avoir recouvert de la main de celuy auquel estoit commode & proffitable le retenir. Mais puis que les choses sont encores en leur entier, & qu'il remet en vostre vouloir de restituer en leurs estats, les Ducs de wittemberg, les deux ensemble ou l'un seul, & vous laisse à juger en quelles de leurs seigneuries vous semble qu'ils doivent estre restablis, aymant mieux que lon estime qu'ils y soient rentrez par vostre jugement que par son bienfaict: puis aussi qu'il a voulu avoit tel esgard qu'il doit, tant au bien qu'il a receu de vous qu'à vostre repos & à vostre reconciliation avecques eux, & estans content de ceste seule louange que n'ayant esté trop arrogant, ny presumptueux, en recevant un bienfaict de vous, il a voulu apparoistre, n'estre point tant inique detenteur de l'autruy que liberal du sien: il se peult facilement juger, qu'il ne vous a point ce-pendant osté par envie, ne la bonne grace ny l'honneur: la bonne grace, que l'un tienne de vous les ornemens de sa jeunesse, & l'esperance de son plus fort aage, & que l'autre vous doive l'aise & la tranquisité de sa vieillesse. Mais l'honneur sans doubte sera entierement vostre, & non comme aux faicts de la guerre, où les gensd'armes s'attribuent une grande partie de la gloire, car en cecy n'aurez point de compagnon, d'autant que chacun peult voir & co-. gnoistre que vous avez aydé & secouru le fils innocent de, vostre ennemy, & tendu la main pour relever vostre ennemy abatu & vaincu. Et certes le Roy Ferdinand ce faisant, combien qu'il ne le vous ait expressément declaré, si est-ce qu'il monstre assez par effect qu'il vous a voulu tellement laisser toute la gloire & la bien vueillance qui se peult attendre d'un tel acte, qu'il n'en puisse ey apres en aucune maniere encourir blasme, ou reproche, en quelque part que puisse tourner vostre jugement. Car il est necessaire

que celuy là se condamne de soy-mesmes, qui n'ose remettre sa cause à l'opinion de personne, & celuy qui se veult submettre aux loix & coustumes, monstre qu'il espere de deux choses l'une, ou qu'il n'a volonté de retenir le bien d'autruy contre raison, ou que ceux, ausquels il s'est submis luy feront injustement gaigner sa cause, dont l'un je croy facilement, & l'autre est trop essongné & indigne de sa reputation & de la vostre. Et de faict quant à luy, je n'auray jamais opinion qu'il voulsist (encores qu'il en enst la puissance) entreprendre chose illicite & destraisonnable, ains aymeroit beaucoup mieux monstrer son authorité & employer ses forces au secours de ses alliez qu'à leur ruine. Il m'est certeinement advis qu'il ne pretend aucune chose en leurs biens, mais plustost veult entendre fil les peult justement retenir, ou si de vostre consentement il les leur doit laisser. Et quoy qu'il en soit je ne penseroy jamais que vous puissiez trouver bon ny raisonnable de despouiller ceux desquels ne se dit point que l'un ait commis faute excessive, & que l'autre ne soit du tout innocent. Plustost je penseroy, veu qu'il fault distinguer les crimes & que les peines sont diverses, que l'on ne sçauroit mieux faire que vous essire pour juger si ulrich le pere (car du fils qui en peult douter) n'a pas assez souffert en dixsept ans, & sil n'a pas faict suffisante penitence pour la qualité du crime qu'il a commis: car nonobstant qu'il ait fait faulte envers vous, il est certain neantmoins que ce n'a esté en haine de vostre ligue, ains contre son gre, & sans y penser, par un desir ardant de se veger,& par une juste je ne sçay quelle douleur. Et peult estre (je diray ce mot avecques vostre congé & permission) qu'il a tellement failly qu'il n'y a personne d'entre vous estat en sa place qui n'en cust autat faict: car vous sçavez, messieurs, que les habitas de Routhling chasteau en Suave, lequel est maintenant de ceste ligue, ont porté longues & grosses inimitiez aux predecesseurs d'ulrich, & les ont continuées en son endroich: tellement qu'aucuns d'eux ont malheureusement tué & massacré les habitas coustumiers de ses forests, dont il a trefinstamment requis luy estre faict raison par les. gouverneurs du chasteau. Mais tant s'en fault qu'ils ayent faict demonstratio exemplaire des mourtriers, que plussost les ont retirez dedans leur ville, & les ont nourris & soustenus: au moyen dequoy se voyant indiguement offense,

il ne se fault esmerveillet s'il s'est enslämmé de cholere, & si promptement enslammé que vous avez plustost entendu le chasteau avoir esté pris que assailly. En cecy (messieurs) je ne dy rien de la vengeance qu'avez faicht le luy, car j'ay deliberé de deduyre seulement les raisons pour lesquelles j'estime qu'il est raisonnable qu'elle soit moderée, vous priant devant toutes choses vouloir representer à voz yeux les corps morts de ceux qui estoient en sa protection, estans cruellement hachez en pieces, & jettez devant ses

pieds. Considerez aussi fil voº plaist les pleurs & plain ctes de leurs parens, femmes, & enfans se jettans à genoux devat luy, & reduisez en vostre memoire quel dueil il pouvoit avoir d'estre ainsi contemné, & quels propos tenoient ses subjets qui le persuadoient de se venger, ou qu'autremét on luy feroit écores pis. Ie me rapporte à vous, & vous laisse à penser quel courage là dessus il pouvoit avoir. Quant à moy je suis d'avis que s'il y a quelque temps d'obeir à une juste douleur, & de se venger (comme je croy que vous me confesserez en estre quelque-fois temps entre les hommes) cestuy-là certes est aucunement necessaire, quand apres avoir demandé justice d'un forfaict, en lieu d'en faire la raison, on voit les malfaicteurs non seulement mis en sauvegarde dedans les murailles de la ville, mais estre appellez aux honneurs publics. Certainement il faict grand mal à toutes personnes, & singulierement aux grands seigneurs; de veoir leur authorité cotemnée & mesprisée: & cognoissons que nature nous a apprins de nous esmouvoir à la def fendre par armes, si autrement il n'est commode d'en avoir. satisfaction. Lisez les histoires des anciens & il se trouvera que peu de guerres ont esté entreprises par noz predecesseurs sinon pour ceste occasion. Et à fin que par vostre congé il me soit permis vous dire de rechef ce que j'en ay sur le cueur, j'estime que si vous cussiez esté au lieu de Virich, les mesmes causes qui l'ont meu eussent eu pareille puissance sur vous que sur luy. Il a estè esmeu de juste douleur estant outrageusement offencé & injurié, de sorte qu'il ne s'est peu commander qu'il n'ait vengé la mort des siens: ce que je vous supply ne penser estre dit par moy pour vous rendre reprochable, ce qui vous doit estre honorable, d'avoir faid la vengeance de celuy qui a destruist voz confederez. Ie ne voudroy aussi l'avoir dit pour faire comparaison de la faulte de Vlrich avec vostre acte tant vertueux, & encores moins pour nier qu'il n'ayt failly, veu que luy mesmes le confesse: car il devoit faire plaincte du tort qu'il avoit receu en ceste assemblée, soubs l'authorité de laquelle il s'en fust beaucoup plus commodement ressenty. Parquoy il a failly & temerairement faict, il le confesse & s'en repent, il en porte la peine dure & longue, son recours est à vostre boté, il demande pardon, & promet que d'oresnavat il sera paisible: & si autressois il a esté bouillant & trop outrageux, l'aage maintenant, le long exil, & ses adversitez

l'ont refroidy & moderé.

PARDONNEZ donc s'il vous plaist (messieurs) à celuy qui deteste son delict, pardonnez à celuy qui le confesse pardonnez luy à ceste heure que l'envie est moindre sur luy, puisqu'é la chaleur de son meffaict luy avez laissé quel que esperance de misericorde. Vous avez faict vostre devoir, & n'ayant peu à temps secourir & sauver vozconfederez, vous avez pris la vengeance de l'outrage qu'ils ont enduré, & cela est le prochain remede de la deffence & tuition qui leur estoit deue. Vous avez tiré voz alliez hors de servitude, & avez chasse hors de sa maison & de son païs celuy qui leur avoit osté leur liberté. Vous avez faict jusques icy tous actes de magnanimité & de vertu, vous avez faict cognoistre que vous n'estes ceux desquels on doive outrager les amis & confederez. Ie vous prie (messieurs) ne prendre garde aux paroles de ceux que j'ay entendu à mon arrivée en ce lieu, lesquels toutesfois ne veulent qu'on pense qu'ils en soient autheurs, & vous font souffler aux oreilles, que pour conserver la reputation de vostre constance, vous ne devez aucunement recevoir en vostre bonne grace, ceux desquels vous ayez quelques fois voulu prendre vengeance: mais avisez plustost que ce qu'ils veulet maintenir pour constance, ne soit droictement une opiniastre cruauté, & cruelle opiniastreté. Les constans, sans doute ont accoustumé de pardoner (ainsi qu'avez faict) & à mesure que celuy qui a merité végeance se retire de ses mauvaises entreprises, aussi se fault-il retirer de toute severité & rigueur. Et l'on a cogneu par experiéce que plusieurs grands & illustres personnages de la memoire de noz antecesseurs & de la nostre, ont au commencement esté fott vicieux, & à la

fin se sont changez & rengez au bon chemin: de maniere qu'apres leur seu de jeunesse passé, ils ont recompensé leurs sollies de plusieurs vertueux actes, & de grands merites envers la Republique. Ie les pourroy icy nommer, si je ne pensoy estre odieux, de reduire en souvenance les faultes des gens de bien ja par le temps abolies & oubliées.

Vous avez aussi leu que voz majeurs apres s'estre vengez de leurs ennemis, & apres les avoir vaincus, leur ont assez souvent pardonné: & qui plus est aux estrangers ont quelque fois restitué leurs biens, & en ont rapporté tant en la guerre qu'en la paix, non seulement grande gloire, mais grand proussit. Combien devez vous plus esperer, & attendre de cestuy cy, & ne doubter qu'il ne doive, & qu'il ne puisse par cy apres estre paisible à ses voisins, & proussitable à la Republique: veu qu'au moyen d'une juste douleur & pour l'affection qu'il porte aux sies, faisant une faul te commune, il a troublé une fois seulement le repos public: & a plustost pensé faire chose digne de luy, qu'il n'a crainct qu'on luy en sceust mauvais gré, & qu'on le prist en mauvaile part: Et encores que son crime fust si grand, qu'il ne deust estre aboly par le temps, ny adoucy par la peine, ny remis pour les prieres de ceux qui solicitent pour luy, si est-ce qu'il appartient à vostre constace d'entretenir la codition promise à ces Ducs, estant le crime recet & nouvellement perpetré, alors que leur ostant leur Duché vous le donnastes à un autre. Car comme il vous a esté honorable de prendre les armes contre celuy qui a destruit voz alliez & confederez, il est plus honorable au mesme cours de la victoire d'avoir donné lieu de repentance, & espoir de misericorde, suivant l'exception apposée dedans l'appoinctement par vous faict. Ic diray d'avantage comme il vous a csté tres-honorable d'avoir secouru le fils innocent de vostreennemy, ainsi sera-il main tenant deshoneste, qu'il ne jouisse par vostre moyen du bien de ceste exception, & que l'envie se renouvelle, laquelle par le temps se devoit envieillir, & oublier: & fera plus deshonneste d'adjouster à la premiere peine ceste calamité: c'est à sçavoir que pour son erreur ou crime, il voye son fils unique innocent estre à jamais participant de ses aversitez, en lieu d'estre l'appuy, & le repos de sa vieillesse. Ie puis dire d'avantage, qu'il sera tresdeshonneste que c'est innocence en temps de paix soit

despouillé des reliques des biens de ses ayeux, que vous luy avez laissé durant la guerre: & que la peine de la faulte d'au truy soit transmise sur celuy qui n'en sut jamais soupeçonné, tat s'en fault qu'il l'ait perpetrée. Voz majeurs en se végeant des offences à eux faictes, souvent ont remis les faultes des peres à la misericorde des enfans, & les faultes des jeunes ont esté par eux plustost attribuées à l'aage qu'à malice: & voudriez vous ordonner, que cestuy tresinnocent, de la bouche duquel il ne sortit onc parole qui peut ofsencer personne, demourast en misere perpetuelle pour le delict d'un autre? lequel toutes sois n'est si grief, ne si meschat que la peine ne deust estre diminuée par le temps, & la haine assopie : tournerez vous la vengeance du crime du pere, sur l'ensant qui est au berceau?

Considerez (messieurs) je vous supply de l'un la vieillesse calamiteuse, & de l'autre la miserable jeunesse, sas qu'il l'ait merité: afin qu'en l'innocence de l'un vous avez esgard à vostre bonté & justice, & en l'amandement de l'au tre vous usiez de vostre clemence. Considerez qu'ils sont venus & extraicts de hault lieu, & qu'ils n'auront faulteny de parés ny d'amis pour le secourir: & encores qu'ils permettent qu'ils soient punis, ils ne veulent neantmoins que du tout ils soient destruicts & ruinez. Car pour ne par ler de ceux qui sont aux escouttes attendans de scavoir comment chacun de vous se comportera en ceste affaire, vous voyez quelle assemblée de gens'il y a qui soustiennét leur party, non pas d'Allemagne seulement, mais des Royaumes loingtains. Tous ceux cy estimeront avoir receu faveur de vous, si vous favorisez ces pauvres miserables, & au contraire ils penseront estre offensez, si vous leur tenez la rigueur, & leur faictes quelque tort: & pour le faire brief je pele que vous devez coliderer, quevostre trop rigoureux jugemet laissera à vous & à voz enfans, une semence de la guerre, avec quelque deshonneur d'avoir usé de cruelle végeance contre l'un, & n'avoir gardé la foy à l'autre: & au co traire, vostre douce sentence sera cause du repos public, & vous engendrera grand honneur. Mais quand je dy cecy, je ne le dy pas pour-ceque je pense qu'ils veulent chetcher le moyen de recouvrer leurs biens par voye de faict & par armes, car de gens vaincuz n'est le courage tel, ny l'audace si grande: mais d'autant que j'enten qu'il

y a non des hommes, mais des pestes entre les hommes qui semét en derriere un venin pour vous faire croire, que Fils sont remis en leur entier, à la premiere occasion qui se pourra offrir, il est à craindre qu'ils ne se vengent de tous en general, au moyen des tors & griefs qu'on leur aura faict en particulier, sans adviser au trouble de la paix publique. Ie le dy afin que vous entédiez que vous devez plus avoir craincte que les bannis entreprennent quelques nouvelleté, que ceux qui par vostre bien-faict aurot esté remis en leurs estats. Car comme la perte de tous biens est un poignant esguillon pour essayer tous moyens possibles & impossibles de les recouvrer, ainsi tousjours se trouvent quelques personnes qui ont pitié de ceux qui sont foullez & opprimez. Donc (messieurs) pour oster devoz esprits tout souspeçon de guerre, aydez à ce pauvre innocent, retirez à vous ce penitent, à fin que luy advenant ce nouveau bien, tous les viels maux soient oubliez, & que desormais les esprits des deux travaillent plus à vous rendre la pareille, qu'ils ne font maintenant pour estre restablis & reintegrez. en leur pristine & ancienne dignité.

AINSI faisant vous aurez une plus certaine & plus asseurée paix du seigneur Dieu des armées, lequel reçoit à grace les repentas, & est dessenseur des innoces: car c'est le seul qui peult mettre la paix en voz terres, & s'il ne conserve la cité, pourne at veille celuy qui la veult garder. Faictes doc que ceux qui semét tat de mauvaises nouvelles puissét cognoistre que le bon Dieu est appaisé par sa pitié & misericorde, moyennant laquelle la guerre est destournée & la paix asseurée: non par meschantes assemblées & seditieuses praticques d'aucuns qui vouloient chasser le penitét, & ruiner celuy qui n'est coulpable. Mais il me semble que j'ay, assez dit pour l'equité de ceste caule, & trop pour vostre misericorde & prudence: car vous pouvez avoir suffisamment entendu, que come tous deux doivent jouir de la clause de l'exception cy devant touchée, ainsi l'innocent doit estre totalement restitué en son premier estat. Et cela se doit faire par vous, au jugement desquels le Roy Ferdinand s'est submis, en intention que toute l'envie de ce jugement, ou la bonne grace l'honneur ou infamie tombe sur vous, & si vous suivez sa voloté, & que vous jugiez selon l'honesteté & equité, necessairement tous deux seront par vous resta-

blis

blis: & au pis aller quand vous usérez de toute rigueur, il ne peult à tout le moins que cestuy cy ne soit restitué en ses

biens & honneurs.

Eτ si n'avez changé d'opinion, je puis hardiment (sortant par où je suis entré) leur congratuler de ce qu'ils ont trouvé en la perte de tous leurs estats un dernier refuge en vous: je vous doy semblablement congratuler, de ce que par la bon té du Roy Ferdinand, l'occasion vous est offerte d'acquerir leur bonne grace. Car apres que par ce bien faict les aurez liez & obligez à vous, jamais ne pourront estre sinon tresaffectionnez envers vous & voz enfans, & auront d'autant plus grande occasion de conserver l'union & paix comune, que plus ils se sentiront estre tenus à vous. Cela vous promet ce suppliant, tant en son nom, qu'au nom de son pere: cela vous promettent tous ces ambassadeurs au nom de leurs Princes: & outre leurs prieres & promesses, si celles du Tres-chrestien Roy mon maistre sont de quelque efficace (comme certes elles doivent estre) il vous en promet autant, & yous prie tresaffectueusement croire fil y a chose (comme en tels differents souvent advient) dont on ne puis se demourer d'accord, que vous le vueillez employer. Et si l'authorité d'un amy commun y peult ayder, vous pouvez faire estat qu'il n'y espargnera la peine, le soing & la diligence qu'on doit attendre d'un Prince qui grandement desire la reconciliation d'entre ses alliez: & sur toutes choses, a la paix publique en recommandation tressinguliere.

To ut es les remonstrances & persuasions dudit Langey au nom du Roy son maistre, ny celles des assistants de messieurs les Ducs de Witemberg, ne peurent amollir les cueurs des commissaires & capitaines de la ligue de Suave, ausquels touchoit de doner jugemet: & encores que le Duc Guillaume de Baviere qui estoit capitaine general de ladite ligue meist peine de savoriser les dits Ducs de Witeberg, pere & sils, pour estre ses proches parens, si n'eut il moyen d'y remedier, pour les grandes brigues qui se faissoient tant de la part de l'Empereur, soubs main, que du Roy Ferdinand son frere. Parquoy à la requeste des assistants des dits Ducs, le seigneur de Langey delibera à la première assemblée leur user d'autre persuasion, au nom du Roy Treschrestien son maistre, pour tenter si les remonstrances sai-

stes au nom d'un si grand Roy que ledit Roy Tres-chrestien les pourroient induire à quelque raison. Parquoy à la premiere assemblée usa de l'oraison qui s'ésuit, traduitte de latin on nostre vulgaire François.

Secode oraifon de mösicur de Langey pour les Ducs de Witemberg.

M's sseigneurs, vous avez par mon oraison en ce mesme lieu entédu les causes pour lesquelles le tresinvincible & Tref-chrestien Roy de Frace mon maistre a du commencement differé, & depuis fest condescendu à vous recommander la cause du Duc Chrestoste de wittemberg icy present, & suppliant envers vous, tant pour soy-mesme que pour le Duc ultich son perc. Vous avez entédu pareillement quelle estoit son intention & deliberation en cestedite matiere, & comme à l'heure de ma depesche on luy as voit faict entendre (& telle estoit son esperance) que par vostre moyen & bienfaict, & par la clemence & benignité du serenissime Roy Ferdinand, ceste assemblée leur seroit poit seur & prompt refuge de leur miserable & longuement agitée fortune. Et à ceste cause il ne m'en voyoit point tant pour leur donner aucun reconfort ou faveur en leur affliction, comme pour congratuler & à eux & à vous, & audit serenissime Roy Ferdinand: a eux, pour ceste porte qu'ils pensoient leur estre ouverte à rentrer en leurs premiers tiltres & dignitez: à vous (messieurs) & audit se renissime Roy Ferdinand, de ceste vostre bonne & saince deliberation, d'user en leur endroiet d'équité, ou misericorde. Leur estant ce-pendant si mal advenu, qu'ils sont non seulement deceus de leur attente (qui des ja ne pend plus qu'à un extreme & debile espoir) mais que pour le comble de leur malheur, leurs adversaires (qui pour vous faire approuver & trouver bonne leur entreprise, ne se fondent tant en la justice de leur cause; qu'en faulx & calomnieux raports) tendent à vous amener en haine, & mauvaise reputation cestuy vostre suppliant innocent: Ie suis certes contrainct par ses importunes (mais justes) prieres, puis qu'en ceste calamité je le voy encores avoir esperance que ma parole & recommandation au nom du Treschrestien Roy mon maistre pourra grandement luy servir, tant à se purger envers vous, qu'à vous mouvoit de reprendre ceste voye, soit d'equité ou de misericorde, dont la faulse calomuie vous destournoit: Ie suis, dy-je, contrainct changer mon instituée oraison gratulatoire en re-

170

commendatoire & paroles excusatoires, en laquelle l'occasion de porter paroles en ce lieu m'est offerte telle & si abódante que langage à moy n'à autre en la deduisant ne peus faillir, comme à celuy qui n'ay sinon à faire requeste à ceste vostre noble assemblée de gens esseus (c'est à dire tres-bons, & tres-justes) & vous persuader que contre justice & verité vous ne vueillez en vostre protection recevoir mensonge & injustice.

VNE chose principalement m'a troublé & diverty de si promptement & volontairement entreprédre ceste charge: c'est que les adversaires de ce Duc, en essect ont aigry à l'encontre de luy (ou faulsement ce qui plus me plairoit, & que je croy vous mettent en avant qu'il est ainsi) ledit serenissime Roy Ferdinand que j'entendoy luy devoir estre bien veuillant & benin: avecques lequel l'alliance est telle & si estroicte du Roy mo maistre tant par affinité que par traitté, que maintenant je trouve ceste charge de vous porter parole trop plus dure & difficile, que de prime face je ne la pensoy. Et ne m'a esté peu malaisé d'arrester en ceste cotroverse, ce que en faveur de l'un je pourroy dire sans offencer l'autre, contre lequel je ne voudroy ne doy vouloir proferet ou dire une seule mauvaise parole, ne qui touchast à son honneur: & sçay bien quand je le feroy, que ce ne seroit sans encourir l'indignation du Roy Tres-chrestie mon maistre. Toutesfois quand je considere qu'à l'un en se departant de ceste querelle, tous ses estats qui sont tres-grands demeurent saufs & entiers, & que sa reputation en accroist: & que l'autre est reduit en ceste extremité, que de vostre jugement aujourd'huy depend entierement tout son bien, eltat. & moyen de vivre, le peu qui luy reste des miserables & affligées reliques des anciens tiltres & dignitez de ses ancestres, ensemble que sa reputation & bonne opinion demeureroit blessée, si vous l'estimez tel que ceux cy le vous peignent.

Qua No ie considere aussi que je suis appellé de par luy, & qu'en sa faveur je suis depesché vers vous, je trouve (messieurs) que je ne suis plus en mó entier, & que je n'ay aucune apparette excuse de luy refuser ma parole en cest endroit, sans trop grandemet blesser l'honneur, tat dudit Roy Treschtessien mó maistre, que dudit serenissime Roy Ferdinad, Du Roy mon maistre, en le faisant apparoistre seul inhu-

main, impitoyable, & inexorable, si en la si grande afflictis de son allié innocent (pour lequel je voy de toutes pars accourir estrangers, & qui en rien ne luy attouchent, pour assister à sa cause, & la prendre comme la leur) il ne vouloit aumoins prester la parole d'un sien serviteur pour vous recommander son affaire en justice : du Roy Ferdinand d'autre-part, en l'estimant de telle sorte, qu'à son escient il voulust soustenir une mauvaise querelle, & que mesmes il voulust contre justice usurper le total bien de son proche parent, pau vre & innocent, qu'il deust prendre en mauvaise part qu'avec reverence & honneur on luy face entendre la verité, qui lui est faucement deguisée par ceux qui soubs son nom (comme je monstreray) & au grand prejudice de sa reputatió veulét executer leur particuliere & privée mal veuillance contre cest innocent, & toute sa maison. Toutesfois je mettray peine (& cognoy bien que la raison le veult) d'user en ceste partie de telle raison & moderation de dire, que tous amis & ennemis entendront bien que ma parole ne s'addressera point contre l'intention ou propre volonté dudit serenissime Roy (lequel je pense estre Prince juste, equitable, & modeste) mais seulement contre l'effect & jugement que gens malings & pervers ont captieusement extorqué à l'encontre de cestuy pauvre innocent fon parent.

ET pour-ce qu'en ceste assemblée je ne voy point ses deputcz (ou pour mieux dire) les adversaires & parties de ce-Ituy vostre suppliar, je vous suplie tous messieurs me vouloir estre tesmoings & arbitres de ce que je diray: & à mon esperance vous direz au departir que je n'auray oublié mon debvoir qui est de sobrement & modestement parler en parlant de la tresmiserable misere d'un amy & allié dudit seigneur Roy mon maistre, en chose toutesfois qui aucunement se pourroit estendre jusques à la personne aussi de son amy & confederé, & que je ne me seray ny abandonné à la recommandation de l'un ny à mon escient foullé l'honeur de l'autre, ny mis en arriere la confideration de la com mune alliance avecques les deux. Et si vous messieurs (en excusant prealablement la longueur de mon exorde qui a esté necessaire pour esclarcir & faire entendre l'intention dudit seigneur Roy mon maistre) voulez en ceste action m'escouter aussi attentivemét, & avecques telle benevolence qu'en la precedente vous m'escoutastes, j'espere vous saire cognoistre & toucher au doigt l'innocence de ce Duc, & la justice de sa cause, les faulses & impudétes calomnies de ses adversaires, ensemble que sa protection & dessence est unie & conjoincte inseparablemét au proussit de vostre Empire, à la reputation de ceste compagnie, à vostre devoir envers la patrie & ses habitans, envers vous mesmes & voz ensans à iamais, en sorte que sans dommage, forsaict, & reproche vous ne pouvez l'abandonner. l'espere esclarcir ce-la, non seulement sans offence, mais avecques bonne grace dudit serenissime Roy Ferdinand, du nom duquel ces imposteurs veulent couvrir leurs calomnies & meschancetez.

E T afin que pour entrer en ma narration je parte de mesme lieu dont part & procede la source de ceste matiere, il vous souvient bien messieurs alors que vous despouillastes le Duc ulrich de son Duché & ornemens, & en revestites vo stre tresauguste Empereur alors Roy des Romains sous quel ques restrictions & conditions, dont en ma precedente oraison a esté faict mention, vous ne voulustes que du forfaict du pere la perperuelle vengeance l'estendist sur ce jeune Duc Chrestosse son fils, alors enfant de quatre ans: & à ceste cause vous luy reservastes l'action de ses droicts gene ralement sur son Duché, & particulierement le meistes en possession des places de Tubinge, & de Neysfen que par le traitté de reddition d'icelles vous luy aviez expressemet reservées: lesquels estans par luy possedées, & quelques temps apres aucuns soy disans estre commis & procureurs de vostre-dit Auguste Empereur, & de treshault & puissant Prin ce le Duc Guillaume de Baviere (lesquels ils disoient estre les tuteurs dudit jeune Prince) par fraudes & machinations le debouterent de sa possession, & fut ledit Prince enfant & non entendant ses droicts, avecques ses places hereditaires baillé en garde, pour estre nourry & institué, audit serenissime Roy Ferdinand, auquel l'Empereur avoir baillé le surplus dudit Duché, non tant à tiltre n'a droict de proprieté, que de garde & possession precaire.

gnoistre ses affaires, & reputant à bien faict receu de vous ce que ne luy avez faict du pis que vous luy eussiez peu faire, ses resolut d'user de vostre bien faict, & a requis e-

1

stre restitué & remis en ses droicts. Mais alors qu'il a pensé la chose estre en ces termes, qu'il fust à tour le moins restitué en ses places, il s'est soudainement trouvé dejetté de son attente. Et luy ayant ledit serenissime Roy Ferdinand accor dé ceste diere, & qu'en icelle raison suy seroit faicte selon la loy: seldits ennemis & adversaires ayans une haine extreme & enracinée à l'encontre de luy & de toute sa maison, à cause d'aucuns leurs amis & que le pere de l'un avoit autrefois esté attainct convaincu & condamné, & par loy & coustume du pais & executé par officiers du Duc ulrich, pour crime de leze majesté, jamais nont laissé à toutes opportunitez de importuner, tant qu'à la requeste & continuelle interpellarion de plusieurs ledit serenissime Roy l'est laissé vaincre & gaigner, & vous a envoyé icy pour agents, & ambassadeurs à debattre sa raison les dessudits aperts & capitaux ennemis de ceste maison de wittemberg: lesquels se voyans en si belle occasion & opportunité de la ruiner & totallement destruire, vous pouvez croire qu'ils n'auront failly à estandre leur charge & creance envers vous, selon qu'il leur a semblé estre le plus avantageux & à propos, pour achever & mettre à execution leur entreprise. Et de prime face quand le Duc a parlé de ses droicts en general, luy en ont couppé la broche, disants que de ce ils n'avoient charge: parlant de sa restitution & reintegration parriculierement en sesdites places ils luy respondent de recompense, & luy proposent des conditions Dieu sçait qu'elles & combien approchantes de raison. Et pour-ce qu'il ne luy semble les devoir accepter, à cause que par icelles se voit à jamais debouté, non seulement de son Duché, mais du nom & tiltre de sa maison, qui est ancienne; ils yous le peignent homme contumax, rebarbatif, reculant à route raison, & font de belles protestations en ceste assemblée devant vous & devant le pleuple icy assemblé publiquement, que pour autre intention, il ne refuse les plus que raisonnables offres qu'on luy faict, sinon pour avoir occasion de commencer la guerre pour dissiper & abolic la paix & union publique, & alumer un seu qui pourroit, embraser toute la Germanie, pretendans vous induire foubs ceste couleur à faire ou renouveller une ligue, de laque'le en la faisant telle, & en forme qu'ils la demandent, je vous feray cognoistre qu'entierement la consequence

est pernicieuse, & mettra vous & voz enfans à jamais en infinité de perils & dangers. Et à ceste cause vous avez mestier au jourd'huy (si oncques vous l'eustes) d'user en voz deliberations de gravité de jugement, de constance, d'humanité, & de vertu, & de foy, & de providence: de gravité de jugement, en n'adjoustant legierement foy à gens qui vous mettent en avant choses par eux controuvées & non apparentes: de constance, en ne privant celuy qui se tient obligé à vous de vostre bien-faict sans sa coulpe : d'humanité, en ayant compassion de l'innocent affligé: de vertu, en declarant librement & ouvertement que vous n'estes tels personnages, soubs la facile connivence, & dissimulation desquels aucun doive prendre occasion d'opprimer & destruire un innocent: de foy, entant que vous par ancienne observance estans tenuz à garder les estats & honneurs reciproquement les uns des autres, par plus forte & meilleure raison estes tenus d'y conserver cestuy-cy duquel le bien sa maison desfaillant) revient à l'Empire, auquel vous avez la foy & serment: de providence, en ouvrant les yeux de voz esprits & prevoyant combien de cest exéple il pend à chascun de vous de mal & de danger.

M A 1 s afin que par la cognoissance des principes vous puissiez mieux entendre l'issue & consequence d'iceux, & plus certainement ordonner ce que finablement vous avez à faire: entendez un peu la justice de ceste cause, le plus que devoir où cestuy l'est submis, ensemble les impostures & faulx-donnez à entendre de ses ennemis. Et premierement je vous ameneray & mettra y en avant ce droit commun: que jamais par les loix de ce sainct Empire n'a esté veu que l'homme fust contrainct d'accepter (avant que d'estre restitué) aucun traitté ou condition de recompense, encores moins de la prendre au choix & appetit de ses adversaires, & renonçant par luy à tous les anciens droicts tiltres, dignitez, & remembrances de la maison dont, il est issu. Ils me diront qu'à prendre ceste recompense ce Duc Chrestosle est tenu & obligé par un contract, sur lequel ils se fondent qu'ils disent estre faict par ses tuteurs: de ce traitté il vous fault veoir s'il est supposé ou veritable, si subsistant ou invalide. Quant à moy, il ne peult choir en mon entendement qu'il puule estre appellé contract sil ne convient à la deffinition & description de contract : & puis

que sur iceluy ils veulent faire fondement, qu'ils monstrent premierement que cedit Duc Chrestosse eust oncques mestier de tuteurs, qu'ils monstrent que ceux luy ayent esté ou peu estre baillez, lesquels ils mettent en jeu: monstrent que lesdits supposez tuteurs ayent entre-eux faict ce traitté, ou que ceux qui en leur nom le feirent en eussent oncques d'eux mandement ne pouvoir : monstrent que lesdits supposez tuteurs ayent ce traitté approuvé apres le faict, ou qu'il leur ayr esté loisible, ou de le faire ou de l'approuver. Cela monstré, il fault qu'ils le convainquent que Ferdinad en son endroict l'ayt gardé, alors on leur advouera qu'ils le puissent appeller contract: alors on leur advouera qu'ils y puissent faire fondement, & qu'ils puissent cestuy-cy contraindre à le garder. Mais puis qu'il est certain qu'il ne luy a point fallu de tuteurs, & qu'il estoit en puissance de pere: puis qu'il est certain que ces pretendus tuteurs ne luy furét oncques baillez, & ne pouvoient à tels estre baillez, admis, & receus, dont l'un estoit saisy du bien du mineur, l'autre avoit esté chef d'armée pour le spolier : & puis qu'il est certain qu'ils n'ont faict ce contract, & que par iceluy il appert qu'à ceux qui le feirent ils n'en donnerent oncques mandement ne pouvoir, qu'il n'appert point qu'ils ayent ratifie, qu'il est certain assez qu'ils n'eussent peu l'ils eussent voulu, & qu'il ne leur eust esté loisible d'aliener à leur apetit les biens stables & immeubles du mineur : & posé ores, & non admis le cas, que toutes solemnitez y eussent en é gardées, puis toutesfois qu'il appert que ledit cont ...t a esté limité de temps & de conditions, puis qu'il appert le temps estre expiré, & les conditions n'avoir esté gardées par Ferdinand, puis qu'il appert de sa volonte contraire, & que l'eschange que par ledit pretendu contract il devoit bailler n'est plus en sa puissance, & que ceux de vous icy assistans qui l'avez de luy acceptée, d'autant que vous sçavez bien que vous n'avez aucune volonté de la luy rendre, sçavez consequemment, qu'il n'est en luy de purger sa demeure: qu'y a il plus qui puisse le jugement d'aucun tenir en suspens & doubre que leur contract qu'ils appellent, ne soit invalide & nul? Maintenant doncques ils disent que lors de la reddition de ses places, & par la mesine composition qu'elles luy furent reservées & demy baillées, en faisant icelle il sut accordé qu'en luy baillant recompense il feroit tenu de les restituer, & que ceste-dite condition & article sut redigé par escrit: pourquoy ne les produisent ils doncques? ils disent qu'ils ont perdu les lettres. O belle invention! pour-ce qu'ils n'osent produire de faulces lettres, de peur d'estre convaincus faulsaires, ils ayment mieux dire les avoir perdues, qu'ils s'en taisent doncques, & seuffrent que la perte de leursdites lettres soit le gaing de cestuy-cy, & qu'il la puisse compter à son advantage. Il est bon à sçavoir (messieurs) que ceux que vous voyez estre si soigneux, & se mettre par force és biens d'autruy, si curieux à donner couleur de droict à leurs usurpations eusseme esté si peu diligens à garder la piece sur quoy ils son-

dent leur principale couleur.

OR soit ainsi (ce que non) qu'en la composition desdites places, cest article fust couché de quelques fois les pouvoir recompenser. Certes Ferdinand n'y estoit lors entrevenant, ne yeu, n'ouy. Et si ce droict de permutation sut à quelqu'un reservé, ce fut au proussit de ceste vostre ligue, auquel fil vous eust ores esté reservé, vous avez depuis renoncé en n'en usant: quand librement & franchement, & sans condition aucune, ne modification, vous avez remis le Duc Crestosse en possession d'icelles, comme de ses choses hereditaires, & comme telles l'avez faict advouer, & obeir, & servir par les subjects, & vassaulx dicelles. Et n'est besoing de m'arrester à la preuve de ceste pure & libre possession, & qu'elle fust sans aucune charge ou recusation, puis que je parle devant ceux qui estoient au faict, ausquels il en souvient, & qui peuvent cestuy-cy dedire s'il ment. Lesquelles choses, comme elles soient entierement ainsi que je dy, & que ce mineur a esté dejetté de sa possession, non violente, non clandestine, non precaire, en laquelle il a par temps legitime & prefix de droict perseveré: si tous les droicts de toutes gens & nations chantent le spolié devoir estre avant tout euvre restitué: si ce Duc en requerant qu'envers luy on use de ce droict, demande chose que par les loix civiles on ne luy peult nyer; voyez à quelle raison il fest voulu soubmettre.

M a r s quelle desraison n'a il esté content de soussirir? pour à ceste vostre compagnie doner à entendre qu'il n'est si mal aisé à contenter qu'on le vous faich: Car pour donner temps à ses adversaires de meurir leur, aigreur, & de luy

faire raison d'eux mesines, il a consenty de laisser endormir & reposer sa demande, moyennant que les fruicts seulement du passé de sessites places luy fussent restablis jusques à present, & pour l'avenir asseurance baillée jusques à dix mille florins pour son moyen de vivre en attendant. Est-ce point cecy (messieurs) que sesdits adversaires appellent refuser la raison? est-ce pour cecy que par leurs calomnieuses protestations publiques, ils veulent contre cestuy assembler ciel, terre, & mer? & que pour le vous amener en haine ils le vous preschent homme contumax intraictable, estrangé de toute raison, de toute equité, de toute voye d'amitié, ennemy, infracteur de paix & repos public? Ordonnez leur (messieurs) qu'ils ne posent en faict ce qui n'y est. Ordonnez leur qu'ils ne baillent nom de contract, à ce que leurs ancestres n'appeilerent oncques ainsi, & n'èstimerent devoir oncques estre observé: autrement vous estes indoctes non Docteurs en droict. Ordonnez leur qu'ils ne vous alleguent plus ce tel quel supposé contract avoir esté par leur maistre observé autrement ils se convainqueront d'evidente mensonge envers vous qui sçayez le contraire. Ordonnez leur-quad on leur met en avant les droicts evidentement expres, qu'il se taisent s'ils ne sçavent y respondre, & qu'ils ne mettent en jeu des contracts imaginaires qui ne sont ne furent oncques, & desquels s'ils faisoient ores apparoistre, ils ne seroient de rien mieux appuyez; autrement qu'ils appresteront à rire à ceste compagnie. Ordonnez leur qu'ils ne vous protestent plus de belles & plus que raisonnables conditions par eux offertes, & par cedit Duc refusées: autrement que vous (qui cognoissez assez la condition d'icelles, & quelle trenchante coignée ce Duc en leur obtemperant eust esbranlée contre la racine & fondement de sa perition) les serez mettre hors de ceste compagnie comme resveurs, & qui tels vous estiment. I'oublioy quasi(messieurs) à vous alleguer un autre bien ferial & solennel argument, dont impudemment ils usent parmy les banquets & assemblées de peuple, c'est qu'il touche à vostre reputation, & à vostre devoir envers ces deux Princes, que vous avez eleuz, l'un Empereur, & l'autre Roy des Romains leur asseurer ce Duché, lequel est tant en leur bien seance que plus ne peult : pour s'en venir des autres pais qu'ils riennent en Germanie jusques en leur pais bas pasfant sur le seur. N'est-ce pas (messieurs) un singulier sondement, & digne que par eux & devant vous, & pour sonder une telle cause soit alle gué? comme s'ils vous pensoient si estourdis, si aveuglez, si hors de sens, que vous ne sentissiez, vous ne veissiez, vous n'entendissiez, quelle puissance & liberté, en accordant ceste raison, vous bailleriez d'icy en avant à tous voz suturs Empereurs, d'estimer leur estre loisible user de mesme loy que saich à present l'Empereur & son frere, & d'entreprendre sur les biens de vous & voz successeurs, non ce que la loy veult, non ce que la raison, no ce que la soy naturelle entre le seigneur & le vassal, mais ce qui leur viendroit à plaisir, à bien seance, & à volonté.

M a 1 s je voudroy bien (messieurs) laissant ce-pendant cestuy & tous autres argumens: car je sçay bien que ces menées ils ne font, & que ces propos ils ne tienent au sceu desdits seigneurs Empereur & Roy: Ie voudroy bie dis-je, qu'on leur demandast de quel visage, de quelle contenance, de quelle asseurance ils oseroient entreprendre de mettre ce conseil en ayant à leur maistre, à vous, à leur Auguste & invicte Empereur: à leur maistre, que, contre la religion du lermét qui l'oblige à garder les droicts de ce saint Empire, il usurpast & appropriast à soy ce Duché, qui de son institution premiere (la ligne de ces Ducs desfaillant) est affecté & incorporé des maintenant comme pour lors à la chambre & recepte Imperiale; à vous, qui estes membres de l'Empire, de faire ligue & alliance pour maintenir ladite usurpation: à leur Empereur, de l'approuver, ratifier,& l'en investir. Ce seroit certes chose trop indigne en cest Empire qui se regit par loy & religion, & du sermet qu'on luy doit, que pour gaigner un tel Duché, celuy se departist de la loy, celuy faillist de son serment à l'Empire, qui, estat par vous eleu à Roy des Romains, est obligé à faire obeir les autres à la loy,& à garder le serment qu'ils ont à l'Empire. Autant seroit-ce chose indigne à celuy, qui de tous les autres prent le serment, contre son serment apliquer & approprier à sa maison les indubitables droicts dudit Em-Mais je veux (messiears) en cest endroict que vous me croyez. Il n'est rien plus essoigné de tels conseils, que sont ces deux serenissimes freres: & jamais aux machinateurs d'iceux ils n'adjousterot foy, sino qu'on les leur desguise de toutes autres couleurs, come maintenat les susdits cofeillers de Ferdinad, (qui est un vice comun & regnat sur

beaucoup de personnes soubsombre de se monstrer diligens, assidus, & industrieux) font à grand tort en l'endroict des seigneuries de leur maistres, & veulent (comme je disoy n'agueres, & vous trouverez estre veritable) executer leurs propres & particulieres affections, & ont pour ce faire embrasse ceste cause plus aigrement & opiniastrement, que par le Roy leur maistre il ne leur est ordonné, aumoins qu'il n'est convenable à l'integrité de son nom. Et tellemet sont audacieux en leur calomnie, que pour estranger d'une part & divertir le Roy leur maistre de sa premiere & bone deliberation qu'il avoit conceuë envers cestuy vostre suppliant, luy donnent à entendre que de vous mesmes, & vo-Iontairement, vous ne desirez autre chose sinon de renouveller celte ligue, & par icelle à tout jamais luy asseurer ce Duché, mais que pour la reputation seulement vous en voulez bien estre requis. A vous d'autre part ils donnent à entendre en lieu de l'affection & volonté de leur maistre, ce qui leur plaist, & qui mieux leur semble à propos, pour vous esmouvoir à ce faire: & pensent bien vostre affection envers luy estre telle qu'à sa requeste vous le faciez sans cotredit. Aussi pensent ils qu'en ce faisant si bien vous ne condamnez ouvertement & par mots expres ce pauvre innocent, en effect toutesfois, & par consequence, vous le condamnerez, & entierement destournerez ledict seigneur Roy Ferdinand de luy faire la raison: laquelle àce que j'enten il luy eust long temps a faicte, si par le faux rapport qui luy a esté faict de voz opinios, il n'eust esté deconseillé. Or considerez (messieurs) comme vous ayant esté honorable estans armez & victorieux attremper & moderer au cours de victoire la vengeance contre le pere, & à cest innocent reserver le moyen de vivre & esperance de retourner à ses estais, si maintenant il ne vous seroit pas autant deshonorable de non seulement clorre les yeux au devant de la ruine & oppression du mesme innocent, mais l'opprimer & ruiner vous mesmes. Vous mesmes certes le ruincres entierement par ceste ligue, donnans au monde occasion de penser que vous ayez approuvé ce que par-cy devat a esté faict contre luy, & que vous approuverez ce que par-cy apres se fera. Car on ne pensera point qu'une telle assemblée de gens choisis de tous estats, sans le trouver expressement & grandement coulpable, eust faict une lique au prejudice

de tout son bien, de laquelle au temps advenir la consequence & le danger de l'exemple redoude sur eux, Ou si on pensoit que sans grande & meure deliberation, & sans predre garde à tort ou droict, vous l'eussiez faicle, ou qu'à vostre escient (ce que Dieu ne vueille) vous eussiez voulu opprimer un innocent, vous associrez une tache sur vostre repuration, que toute l'eaue de la mer ne seroit suffisante à effacer, ne toutes les tenebres du monde pour la cacher: car vous pouvez assez entendre que luy estant ainsi denué de tous biens jamais ne pourra porter, s'il est de cœur aussi haultain comme de lieu illustre, qu'on le voye vivre miserable en ce pais, auquel il a de sa naissance nom & tiltre de Prince. Estant doncques necessairement contrainct de se bannir hors du païs, que pourroit-il emporter avecques luy, sinon la hote & reproche de l'Empereur, du Roy son frere, de vous tous, en quelques parts du monde qu'il se puisse trouver?& donner à un chacun matiere de dire, en le monstrant, C'est cestuy là, qui autresfois, qui maintenat, qui sans sa coulpe, qui hors d'Allemagne. Vous entendez le surplus des sentences, & je me deporte volontiers de les achever, car je voy voz cœurs desja se mouvoir, & que tacitement, & par signes & visages vous advouez, & recognois sez, ce que je dy estre verité. Mais ne pensez point que cependant ces bons forgeurs de calomnies (pourveu que ce que par eux mesmes ne peuvent, ils le puissent faire par vous, soubs l'authorité ou de leur maistre, ou de l'Empereur) faceut grand compte ne de ce que le monde en dit presen tement, ne de ce qu'à mille ans on en dira. Le pourroy en cest endroict (& les propos s'y offrent) vous reciter combien & quelles parolles, à cause de tels conseils, se disent publiquement en toute la Germanie à l'encontre des seigneurs dessus nommez: & à grand tort (selon mon advis) par gens qui descrivent maintenant leur miserable ambition & avarice immoderée, maintenant leur puissance trop peu feable & trop suspecte vous advisent de prendre garde à eux, & qu'ils n'abbayent à autre chose qu'à occuper & à foy assubjettir toute la Germanie, & qu'en opprimat maintenant l'un & maintenant l'autte, & y occupant leurs biens, il semble qu'ils veulent asseoir leurs garnisons en plusieurs & diverses parties d'icelle, pour apres à leur appoinct, '& quand ils la voirront affoiblie de ses principaux membres,

l'assaillir alors universellement, plus hardiment, & à moins

de danger.

I E vous pourroy aussi reciter infinité d'exemples que l'on amene tant d'estrangers que de vostie nation, tant de modernes comme d'anciens, de ceux qui'en voyant opprimer leurs voisins, n'en ont tenu compte ny faice semblant, & n'out jamais cogneu qu'en l'oppression d'autruy on machinoit la leur, jusques à ce qu'ils se sont veus euxmesmes trebucher en pareille servitude. Les dicts exemples ainsi mis en avant, tendans à ce que vous pensiez à voltre faict, & à la conservation de vostre liberté, & qu'en remettant devant voz yeuxle danger de voz voisins, vous pensiez à ce que vous mesmes devez ou esperer; ou craindre. Mais je m'en deporte legierement, de peur qu'aucuns qui paraventure pensent (quoy que ce soit voudroient bien) qu'entre le Roy mon maistre & lesdicts seigneurs, les choses ne soient point entierement accordées, ne feissent du cœur d'autruy jugement sclon le leur, & meissent en avant, ou que ledict seigneur-Roy mon maistre expressément m'eust attiltré, ou que de moy-mesmes (en esperant de luy complaire) j'eusse affecté ceste occasion, de vous reciter & descouvrir chose, à quoy paravanture aucuns de vous ne pensent encores.

Quo y toutesfois que l'on vous en puisse dire, ne croyez point si par inadvertance il m'eschappe quelque mot qui puisse desplaire ausdicts seigneurs, si d'avanture ils estoient rendres des oreilles, que je le face ou par ordonnance, ou au sceu, ou au nom dudict seigneur Roy mon maistre. Voz bons visages en grande partie m'ont invité à dire franchement ce que j'avoy au paravant deliberé de taire, & en grande partie m'y a contrainct l'outrecuidance de ses gensicy: lesquels sont cause qu'à l'encontre desdicts seigneurs telles paroles sont dittes & semées. Et à fin qu'en ceste partie je porte tesmoignage de moy-mesmes, il ne fut oncques homme plus malaisé à persuader en choses dittes à l'encontre des Princes que je suis, & tousjours ay esté, tant de ma nature, que de mon instituée forme de vivre. Et quant ausdicts serenissimes seigneurs qui sont tant tenus & obligez à vous, qui tant sont creuz & augmétez en biens, en forces, en dignitez, au hazard de voz personnes, de voz biens, de voz puissances, je ne penseray jamais que d'eulx vous deviez riens craindre. Bien suis d'avis seulement qu'avecques telle & si grande reverence qu'il appartient à leurs ma jestez, on leur ramétoive aucunessois ce qui est de leur devoir, & qu'ils ne se laissent seduire par faulx coseil. Ils sont exorables & benins, ils ont sur tout en singuliere recommendation leur bon renom, & la bonne conscience que Dieu nous baille, pour en toute nostre vie estre tesmoings d'honnestes entreprises, & vertueux saicts. Qui est la cause pour laquelle ce Duc a plus grad regret de se veoir privé de son bien: car il entend & cognoist (comme j'enten aussi & cognoy) que si seulement quelqu'un advertissoit le Roy Ferdinand de son devoir, ou qu'il ne sust desseumé par autre de sa naturelle clemence, il luy seroit la

raison bien tost & volontiers.

En ceste mesme opinion estoit le Roy Tres-chrestien mon maistre, quand il me depescha de sa cour, non tant pour autre chose faire, que pour venir congratuler (comme j'ay dit. Combien que prevoyant en soy & cognoissant que aux controverses qui sont de grandes choses, encores que les parties au principal demeurent d'accord, il est neantmoins bien malaisé que les depédances en brief temps soient appaisées: & qu'a ceste cause pensant, que si quelque chose y avoit (ainsi que je le trouve en effect) qui fust encores à demesser, son authorité fust de quelque credit sainsi que par raison elle doit estre, & croy qu'elle soit envers le Roy Ferdinand, lequel il pensoit que je trouvasse icy) il me bailla lettres de creance à luy porter, & en son absence à ses ambassadeurs estans de pardeça, & n'eut oncques plus grand desir de saire chose, que d'interposer son authorité, comme amy & allié commun des deux parties, & semployer à les mettre d'accord. Et m'avoit donné charge de leur proposer un moyen de paix infallible: & aux deux parties expediant & prouffitable, lequel alors il avoit en sa main, & fil eust pleu à Dieu, ou que ledict sercnissime Roy Ferdinand eust icy envoyé autrespersonnages qui eussent esté ambassadeurs & non parties, ou que sans m'arrester à eux, je fusse droict allé devers luy, je suis bien asseuré que no seulemet il ne se fust laissé destourner de la voye de cleméce, & d'equité où il estoit ja entré:mais quad il n'y fust encores entré, il l'eust faict alors, la creance ouve que j'avoy à luy dire: & ne seriez maintenant, ô illustre seiApostrophe
su Duc Chre
stofle.

gneur Duc Chrestosse, en ceste perplexité d'attendre jugement aujourd'huy duquel entierement depend tout vostre bien. Mais puis que de mauvaise fortune je ne l'ay trouvé; & que m'estant addresse à ses gens & deputez, il seur semble non seulement ne devoir employer en cest affaire l'authorité du Roy nostre maistre, mais ont rejetté insolentement & refulé d'accepter ses lettres, & faict en sorte que je ne suis en mon entier de maintenant pouvoir aller vers ledict serenissime Roy, sans commission & ordonnance nouvelle: vous ne prendrez en mal si quant à ce poinct je n'obtem pere à vostre requeste. Ce qui m'a semblé de pouvoir & devoir faire honnestement & sans offence comme de recommander vostre affaire en ceste compagnie de la part du Roy mondit-seigneur & maistre, je l'ay soigneusement accomply & accompliray de bon cœur! & ne feray chose pour vous qui soit au prejudice, ou puisse estre justement trouvée mauvaise dudict serenissime Roy Ferdinad. Le Tres-chrestien Roy mondit-seigneur & maistre, sil, le vouloit il ne pourroit par les traittez qu'ils ont ensemble: & si par les traittez il le pouvoit, il ne le voudroit pour l'alliance du sang qui est entre eux, mais en toutes autres choses, que sans blesser sa foy, son honeur, & le devoir du sang, il pourra faire en vostre faveur, vous le trouverez à jamais vostre allié & bon amy, & ne sera son bien espargné en vostre necessité. Tousjours a esté la cour de France la plus liberale de toutes autres sans contredict: tousjours a esté ouverte & abandonnée, & onques si liberale ne sut que soubs ce Roy, au refuge & repos de tous Princes exilez & souffre teux. Par plus forte raison devez vous esperer qu'elle ne sera close à vous qui en estes allié: à vous qui pour la justice de vostre cause, pour l'innocence de vostre personne, semblez à voz ennemis mesmes estre tresdigne de misericorde & compassion.

I'A y toutesfois opinion & ose vous augurer; que du serenissime Roy Ferdinand vous devez encores esperer meilleure chose que l'apparence jusques icy ne monstre: & quand je seroy en ceste noble assemblée interrogué par serment, j'oseroy affermer, qu'il n'a commandé, ne secu, & que jamais il ne trouvera bon que ses agens dessus dessus des ent refusé les settres du Roy mon maistre. Et ne me laisseray jamais persuader que suy qui franchement n'avoit faict

refus

177

refus d'accepter lettres assez injurieuses du Turc Soliman ennemy commun de nostre foy, leur eust souffert de resuser lettres gratieuses & de recommendation d'un Roy Tres chrestien son amy, son confederé, son allié si proche. Aussi peu me laisseroy persuader, que luy qui au different d'un riche Royaume fest volontairement soubmis au jugement arbitraire du dict Soliman son ennemy, refusast maintenant d'ouir les moyens qui de la part d'un Roy (comme ie dy son amy confederé, allié si proche) fusient mis en avant pour la pacification d'un Duché, lequel eu esgard à ses autres estats ne luy peult estre de fort grande consequence... Mais afin que vous entendiez dont cela procede, ces bons ambassadeurs ont crainct (ce que fust advenu en effect) que pour l'ouverture d'icelles lettres, & le recit de ma creance, le moyen leur fust clos d'assouvir leur haine & volonté particuliere: en laquelle ils sont si animez, que ils seroient contens de se perdre & ruiner, moyennat qu'ils ruinassent, qu'ils destruisissent & pere & fils, & toute la race & la memoire de la maison.

M A 1 s estant son intention bonne, & ne tendant sa volonté à faire tort à autruy, estant seulement dissuadé par les dessussation de la grand nombre ne de grande authorité, lesquels pour ceste heure suy desguisent les matieres, vous pourrez esperer que ceste couverture & desguisement ne pourra longuement durer, & que le temps qui tout descouvre; luy fera cognoistre & descouvrira leurs calomnies, impostures & faulx-donnez à entendre. Alors pourres de luy veu vostre susdicte innocence, & si estroite parenté, non seulement ce que vous demandez, mais plus grande chose, y entretenant le jugement bon & juste qui aujourd'huy procedera sur vostre faict de ceste solemrelle & saincle assemblée, entre les bras de laquelle vous levez vous rendre & abandonner. Et comme desja ils soiét par moy suffisamment informez que vostre matiere est cooincte & unie avecques le prouffit de leur Empire, avecques leur devoir envers la patrie qui les a engendrez & nourris, envers leurs patriotes, envers eux-mesmes & leurs infans: en eux (apres Dieu) vous devez mettre vostre espeace, & y fonder vostre appuy & support, les requerant huplement qu'ils vueillent (comme il est en leur puissance) tujourd'huy exterminer la cosequence de mauvais conseil,

ad ce qu'elle n'opprime la justice de vostre cause, le proussit de leur Empire, la dignité de leur patrie, l'esperance de tous autres, d'eux mesmes, & des leurs à jamais. De vous messeigneurs)il me semble, la chose bien entendue, qu'il peult & doit esperer ce que dessus: & si voz ancestres, pour soustenir les causes des innocens qui en rienne leur attouchoient ont entrepris plusieurs loingtaines & disficiles guerres, de combien devez vous embraffer & prendre en la protection, à tout le moins par vostre jugement, la cause de cestuy qui vous attouche, & qui est inseparablement conjoincte avec le prouffit ou dommage de vostre Empire, avecques la bon ne ou mauvaise reputation vostre? Et entendu mesmes que cestuy vostre suppliant estimera que vous ayez assez grandement faict pour luy, si tant seulement vous prenez resolution ou de rompre entierement ceste vostre lique, ou en la renouvellant excepter & forclorre ceste sienne querelle: laquelle n'y comprenant & exceptant, vous confermerez les mensonges qu'eux en ont portées au Roy Ferdinad: vous assiegerez à cest innocent le pas de rentrer à ses biens: vous vous obligerez à le priver de vostre bien faict sans sa coulpe, & à contrevenir à vostre propre faict. Au contraire l'y comprenant, & sans autre chose faire pour luy, vous le remettrez sus, faisant cognoistre au Roy Ferdinad ce qu'on luy a tousjours deguisé, quelle opinion est la vostre en ceste cause, & ce que vous desirez que de sa part il y face. Finablement il y a un poinct, lequel (à mon advis) me reste seul à vous esclaireir pour m'acquiter envers vous de ma promesle, qui est que je vous ose bien asseurer qu'en ce faifant vous vo acquitterez envers ledit serenissime Roy Ferdinad de la foy que vous luy pouvez devoir, & que no seulement ne ferez chose qui luy doive tourner à desplaisir, mais luy ferez chose agreable, & dont il vous devra sçavoir gré, en luy donnat ceste occasion de recognoistre ce qui est de son devoir, & luy descouvrat les impostures & desguisemens de ceux qui sans avoir esgard à sa reputation donnent matiere au mode de mal parler de luy, & de l'accuser d'ambition, & cupidité insatiable: tous lesquels propos, pour la cause que je vous ay dite, je ne vueil icy reciter plus amplemet. Faictes vous doc aucune donte encores, messieurs, que vous ne devez estédre vostre misericorde sur cestuy vostre suppliatiqui oncques à nul de vous, qui onc qs à autre quel

qu'il soit ne feit mal ne desplaisir, qui onques ne dist ne fist chose qui deust desplaire ny aux yeux, ny aux oreilles d'hōmes du mode, qui a ja si long téps porté si griefve penitéce du faict d'autruy. En ayant misericorde duquel (ainsi que je vous ay faict aparoistre) la gloire de vostre nom, la foy à ce luy que voulez regner sur vous, à vostre Empire, à vostre patrie, aux habitans d'icelle, à vous & aux vostres evidemment se conserve: la gloire de vostre nom, soit que vous delivriez l'innocét d'oppression, soit que luy mainteniez vostre bié faict: la foy à celuy que voulez regner auquel vous devez bon conseil: à vostre Empire, à cause de la protection de ses droicts: à vostre patrie, à cause de la conservation des estats les uns des autres : à voz patriotes & à voz enfans à qui vous devez le divertissement non seulement du danger mais de la crainte des exemples de telle sorte, qui s'entreprénent sur un & touchent à tous. Si toutes les causes ne vous sont suffisantes (ce qu'elles sont) pour vous esmouvoir à ce faire, adjoustez y la requeste que vous en font tant de Roys, Prelats, Ducs, Comtes, Baros, & de tous autres estats: lesquels pour vous monstrer l'affection qu'ils portet à ceste matiere, ont envoyé avecques luy par devers vous leurs am bassadeurs pour luy aider & favoriser son party: sans parler de ceux là ce-pendant, qui pour la briefveré du temps & distance des lieux n'ont peu y envoyer, lesquels estimez y estre d'esprit, combien qu'ils n'y soient de corps. Tous ceux cy, messicurs, ensemble avecques cestuy, recevront bien, & ayde de vous:tous ceux cy dy-ie ne rendrez point seulemét voz debteurs ny obligerez à vous, mais come je puis apercevoir de voz visages & contenance les avez desja pour jamais à vous & à voz enfans obligez.

CESTE oraison parachevée donna grande vigueur à Essit de la l'assaire du Duc Chrestosse de Wittemberg, avecques l'asse-sus-ction que desja plusieurs Princes y avoient, tant pour la ty-son-rannie dont l'Empereur & le Roy Ferdinand son frere usoient envers luy innocent, que pour la parenté dont il attouchoit aux plus grands Princes de l'assemblée: de sorte

qu'en premier lieu la ligue de Suave laquelle avoit duré foixante & dix ans à l'avantage de la maison d'Autriche sut dissolue & annullée. Puis apres les Ducs de Baviere, Lansgrave de Hesse, & leurs alliez & confederez euret plusieurs parlemens pour la reintegration du Duc de Wittemberg, dedans ses païs detenus, & possedez par force par Ferdinad Roy de Hongrie frere de l'Empereur: mais en fin tout consideré & debatu ne virent autre moyen, sinon d'y aller par armes, puis que justice n'avoit lieu, chose qui ne se pouvoit faire sans argent. Parquoy ayant recherché le seigneur de Langey pour cest essect, & pour trouver la seureié de la confignation de cent mille elcus, dont par cy devant a esté parlé, & ledist seigneur de Langey trouvant qu'il n'y pouvoit entrer sans directement aller contre le traitté de Cambray(car ce seroit bailler deniers pour faire la guerre à l'Em pereur trouva un expediant qui fur tel. Que le Duc de wittemberg estoit seigneur de la Comté de Montbelliar assise aux confins du Duché de Bourgongne, de la Frache-Comté & de la Comté de Ferrette, laquelle Comté de Montbelliar ledict Duc de Witemberg vendroit au Roy pour le prix & somme de six vingts mille escus, à condition toutesfois de rachapt:puis ledict Duc de Wittemberg ayant les deniers siens, en pourroit dist oser à son vouloir, ou en guerre, ou en paix, sans que le Roy contrevint en aucune choseaudict traitté de Cambray. Les choses ainsi proposées furent executées, & furent les deniers livrez és mains dudict Duc de Wittemberg, ou de ses deputez, & le Roy mis en possession de la Comté de Montbeliar : auquel lieu fut mis pour baillif & gouverneur le seigneur Cermes.

Des deniers de ladicte vendition, sut promptement, & devant que l'Empereur & le Roy de Hongrie y peussent pourvoir, dressée une armée par les Ducs de Baviere, Lanfgrave de Hesse, & le Duc de Witemberg, & autres leurs alliezzelle qu'en peu de temps ledict Duché sut levé hors de la main dudict Roy de Hongrie, & le Duc de Witemberg & son sils remis en possession: & sut chef de ladicte entreprise Philippe Lansgrave de Hesse. Et peu de temps apres surent les dicts deniers restituez au Roy à trente, ou quarante mille escus pres, dont les dits Ducs de Baviere surent respondants, & par ce moyen ladite Comté de Montbelliar remise ent re leurs mains.

Des affaires I e me suis assez longuement tenu sur ce propos. Il fault du Roy d'An revenir au Roy qui estoit party d'Avignon, lequel estoit ar gleterre sur rivé à la coste S. An dré environ le premier jour de Decemson mariage. bre, prevoyant l'inconvenient qui pourroit advenir de la

sentence donnée par le Pape. Mais le Roy avoit obtenu de sa saincteté partant de Marseille, qu'il seroit delayer la fulmination, jusques à ce qu'on eust nouvelles de la volonté du Roy d'Angleterre, sçavoir s'il se pour oit trouver moyen de le faire revenir à l'obeissance de l'Eglise Romaine: & pour cest effect depescha Iean du Bellay Evesque de Paris, pour aller en poste devers iceluy Roy d'Angleterre, afin de l'induire d'envoyer ses ambassadeurs à Rome pour le faict de ladite sentence. Ledict Evesque de Paris arrivé qu'il fut, trouva le Roy d'Augleterre en grande colere contre le Pape, & tout le sainct siege Apostolique, se plaignant des injustices qui luy avoient esté faictes, d'autant qu'ils luy avoyent refuse d'envoyer commissaires pour cognoistre de sa cause, le voulans contraindre d'abandonner son Royaume pour aller à Rome en person ne pour ester à droict. Mais apres plusieurs remonstrances qui luy furent faictes par ledict Evesque de Paris, se codescendit que là où ledit S. Pere voudroit superseder ladite sentence, jusques à ce qu'il eust envoyé juges deputez pour estre ouy, il supersederoit aussi l'execution qu'il avoit deliberé de faire, qui estoit, de se separer du tout de l'obeissance Romaine. Et par ce que ledict Evesque de Paris se presenta luy-mesmes pour faire ledict voyage de Rome, luy asseura que là où il luy feroit entendre qu'il auroit obtenu sa demande, incontinant luy envoiroit pouvoir suffisant, pour confermer ce qu'il auroit accordé: se confiant en luy, attendu la grande amitié, laquelle de long temps il luy avoit portée, pour avoir esté deux ans ambassadeur du Roy pres de luy.

L'Eves que de Paris ayant obtenu ce que dessus du Roy d'Angleterre, encores qu'il sust Noel, & que l'hyver sust autant extreme que jamais, n'estima sa peine à rien, veu le bien qu'il cognoissoit pouvoir advenir de sa legation. Parquoy partit en telle diligéee qu'il arriua à Rome devât que chose cust esté executée contre ledit Roy d'Angleterre plus avat que ce qui avoit esté faics au precedant: & ayant eu audience au consistoire, remonstra ce qu'il avoit obtenu pour le bien de l'Eglise envers ledit Roy d'Angleterre. Les choses surent trouvées raisonnables, & suy sur prefix temps pendant lequel il devoit avoir respôse du Roy d'Angleterre. A ceste cause il depescha un courrier devers ledit

Roy, luy donnant charge de faire toute diligéee pour estre de retour au temps limité estat le temps venu, & le courier non de retour, sur procedé au consistoire à la sulmination de la sentence. L'Evesque de Paris remonstra au Pape particulierement, & en general à tous les Cardinaux, leur sup pliant luy donner encores temps de six jours, alleguat qu'il pouvoit estre qu'il estoit survenu incoueniant au courrier, ou que la mer avoit esté tempestative comme souvent il ad venoit que le vent estoit contraire, ou pour l'aller, ou pour revenir, que la diligence dudict courrier auroit esté empeschée: leur remostrant aussi que si le Roy d'Angleterre avoit eu patience six ans, ils luy pouvoient donner six jours de delay.

TELLES furent les remonstrances qu'il leur feit en plain confistoire: ausquelles plusieurs des plus voyans condescendirent, mais la pluralité des autres l'emporta contre le moindre nombre de ceux là qui a voient bien consideré l'inconvenient qui en adviendroit à l'Eglise: & sut la chose si precipitee, que ce qui ne se pouvoit faire en trois consistoires, se feit en un seul, & fut la sentence fulminée. Ne passerent deux jours apres que le courrier arriva, lequel apporta tous les pouvoirs & declaratios du Roy d'An gleterre, dont ledit Evelque de Paris l'estoit faict fort, chole qui estonna merveilleusement ceux qui avoient esté d'opinion de precipiter les choses: & par plusieurs sois s'assemblerent, pour trouver moyen de rabiller ce qu'ils avoiét gasté, mais ils ne trouverent moyen d'y remedier. Le Roy d'Angleterre voyant l'indignité dont on avoit usé en son endroict & le peu de respect qu'ils avoient eu à sa majesté, avant faict aussi peu de cas de luy, que du moindre de la Chrestiéré, se separa luy & son Royaume de l'obeissance de l'Eglise Romaine, se faisant immediatement apres Dieu chef de l'Eglise Anglicane. Voila en somme ce qui en advint, & à tant mettray fin à ce propos.

Cause de la separation du Royaume d' Angleter-re de l'Eglise Romaine.

Le Roy voyant l'indignité dont avoit usé envers luy le Duc de Milan par la mort de son ambassadeur Merveilles: & cognoissant que par justice il n'en pouvoit avoir raison, & mesmes que l'Empereur n'en avoit faict grand cas quand il leur en avoit faict sa plaincte, delibera par armes en avoir reparation. Et par-ce qu'il estimoit bien que l'Empereur voudroit estre de la partie, voulut pourveoir à ce

qu'il fut suffisant, & preparé pour soustenir l'effort de ceux qui le voudroient empescher d'avoir sadite reparation: & cognoissant qu'il pouvoit tirer des estrangers se voulut tou tesfois fortifier de sa nation. Et afin que soudain il eust les hommes à son premier mandement, ordonna avec ceux de Institutio de son conseil de dresser à l'exemple des Romains en chacune Legionnaires province de son Royaume une legion de six mille hommes en France. de pied, dont il bailleroit la charge à six gentilshommes, lesquels auroient pour chaque mille homme deux lieutenans, & foubs chacune enseigne cinq cens hommes, & donna grands privileges ausdits Legionnaires, tant aux cappitaines que soldats, Jesquels devoient une fois l'an en temps de paix faire une monstre generale. Et afin que les capitaines peussent respondre de leurs soldats, ils devoient sçavoir le nom & surnom de chacun & le lieu de sa demeure, tant pour les avoir soudainement prests à tous mandemens, que pour les chastier, s'ils faisoient faulte: & pour cest effect depescha les commissaires à ce necessaires.

ENVIRON lemois du May mille cinq cens trentequatre estant ledit seigneur adverty que les legions estoiet prestes, voulut bien allet visiter les prochaines de luy. Et Monsires des pour cest estect se trouva en sa ville de Rouen, capitale de Legions de Normandie, auquel lieu les monstres de la legion d'icelle Normandie province furent faictes en sa presence, dont estoient capi- & Picardie. taines six gentilhommes, sçavoir est le seigneur de Bacqueville, le seigneur de la Salle, le seigneur de S. Aubin l'hermi te, le seigneur de S. Aubin gobeler, le seigneur de Cantelou aux deux amants, & le seigneur de Salenelles. Ayant veu ladite legion de Normandie de laquelle il se contenta fort, print le chemin d'Amiens pour là faire le semblable de la legion de Picardie,& environ le xx.jour de Iuing se trouva ladite legion en armes en la plaine tirant d'Amiens à S. Fuscien. de laquelle estoient capitaines le seigneur de Sercu, Iean de Mailly feigneur d'Auchy, Iean de Brabançon feigneur de Cany, le seigneur de Saisseval le seigneur de Helly surnommé de Pisseleu. A ladite monstre se trouverent toutes les dames, en la presence desquelles se dresserent plusieurs escarmouches fainctes, tant à cheval qu'à pied, tant de la gendarmerie que de la noblesse de la cour. En ce temps là estoit l'Empereur à son voyage de Tunis.

Rebellion du feigneur de Lumes,

AYANT le Roy faict la monstre de Picardie, print son chemin par la Champagne pour veoir faire la monstre de la legion de ladite province, laquelle fut faicte pres la ville de Reims. Apres laquelle monstre il dressa son chemin par Mesieres pour visiter la frontiere, tant de Champagne, que de Bourgongne: mais estant arrivé à Mesieres, fut adverty qu'un gentilhomme de la maison d'Aspremont seigneur de Buzancy avoit fortifié une sienne maison nommée Lumes, à demie lieue pres au dessus de Messeres sur la riviere de Meuze tirant à Sedan, & apres l'avoir fortissé se descognoissant ne la voulut relever du Roy ne du Comte de Retheil dont elle estoit mouvante, à cause de la seigneurie de Mesieres & Comté de Retheil. Le moyen pour lequel on luy avoit souffert de la fortifier, fut que son pere estoit gouverneur de Mesieres & de Rethelois, estant en tel credit pres du seigneur d'Orval que toutes choses luy estoient per mises, pour l'asseurance qu'il avoit de sa fidelité. A ceste occasion les officiers dudit Messeres avoient tolleré ladite fortification: au surplus ledit gouverneur pere dudit seigneur de Buzancy ayant les tiltres du Comté de Retheil avoit desrobé ceux qui concernoient la fidelité qu'il devoit de ladite maison du Lumes.

L E Roy de ce adverty, & qu'il avoit refusé l'ouverture de la porte à ses officiers, qui estoient allez devant pour habiller son disner, trouva ce refus de mauvaise digestion: parquoy feit equipper six canons, & manda faire marcher la legion de Champagne, deliberé de se faire obeyr à son subject rebelle : de laquelle chose adverty ledit seigneur de Buzancy, & voyant ses forces du Roy tourner sur luy, craignant y perdre la vie, se ramodera. Et par le moyen & à la requeste de messire Robert de la Marchk seigneur de Sedan, obtint grace du Roy, moyennant qu'il remist sa place entre les mains du seigneur de S. André chevalier de l'ordre du Roy, au nom de sa majesté: en laquelle place, depuis le Roy en la faveur dudit seigneur de Sedan le restablit, luy donnant estat pour la garde d'icelle, faisant le setment de la garder au nom de sa majesté envers & contre tous. Mais depuis estant la guerre survenue, diverty de l'affection du service du Roy, par la persuasion de sa femme, laquelle estoit natifve des païs de l'Empereur, se revolta failant le serment à l'Empereur: pour punition de ladite rebellion, le Roy Henry à present regnant a prins depuis la-

dire place, faict raser, & confisquer ladite terre.

Vous avez entendu comment le Roy se preparoit pour avoir raison de l'injure qui luy avoit esté faicte en la personne de son ambassadeur : & pour cest effect depescha le Comte Guillaume de Fustemberg en Allemagne, pour faire levée de vingt enseignes de Lansquenets. Puis envoya ambassadeurs devers le Duc de Savoye pour luy demander passage par les pais, pour avoir raison de l'offence à luy faicte par le Duc de Milan : ce que le Duc de Savoye luy reffusa, à la persuasion (à ce que lon dit) de la Duchesse son espouse, chose que le Roy trouva fort estrange: veu l'ancienne alliance & prochaineté de parétage qui estoit entre-eux, & aussi la grande patience qu'il avoit eue depuis le trespas de madame Loyse de Savoye sa mere de demander le parrage de ladite dame, dont ilestoit heritier par la succession du Duc Philippe pere de ladite Loyse & du Duc de Savoye. Or est il que ledit Duc Philippe en premieres nopces espou sa une fille de Bourbon : de laquelle il eut le Duc Phileberr de Savoye, & ladite Loyse mere du Roy. Puis en secondes nopces espousa une fille de Pontieuvre, dont il eut le Duc Charles de Savoye dont à present est faicte mention, & le Comte de Geneve depuis Duc de Nemours. Parquoy le Roy maintenoit qu'à luy appartenoit une grande portion de ladite succession de Savoye, attendu que sa mere estoit du premier lict, & seule heririere du Duc Philebert, qui estoit mort sans enfans. Pour ceste occasion le Roy envoya devers ledit Duc de Savoye maistre Guillaume Poyet quart Presidant de la cour de parlement de Paris, avec autres gens de loy, pour luy demander raison & luy faire apparoir des droicts du Roy. A laquelle chose le Duc de Savoye en façon du monde ne voulut entendre, & revindrent les deputez du Roy sans rien faire. D'autre-part le Roy sut adverty comment par tous moyens il taschoit de divertir les Suisses de l'alliance de France. Aussi sçavoit comment avant le partement de l'Empereur pour le voyage de Tunis il avoit obtenu de l'Empereur en achapt le Comté d'Ast, qui est l'ancien partage de la maison d'Orleans.

L'E Roy voyant toutes ces choses precedentes, cogneut bien par les effects la mauvaise volonté que luy portoit le-

dit Duc de Savoye son oncle. Parquoy luy manda pour la derniere fois qu'il eust à luy faire raison, autrement qu'il la chercheroit par armes, à laquelle sommation le Roy n'eut responce où il peust faire fondement: & sçachant aussi que ledit Duc de Savoye avoit assiegé Geneve, souffrit que le seigneur de Verez gentilhomme de sa chambre & natif de Savoye avecques une partie de la compagnie du feigneur Rence de Cere entrast dedans Geneve pour donner secours aux assiegez. Aussi messieurs de Berne qui avoient pris la ville de Geneve en leur protection manderent par leurs am bassadeurs au Duc de Savoye qu'il eust à laisser en patience ceux de Geneve leurs alliez, mais n'ayans eu dudit Duc responce suffisante, se mirent aux champs avec dix ou douze mille hommes pour secourir les assiegez, mais ledir Duc de Savoye n'ofant attendre leur puissance, se retira : ce que ne feirent messieurs de Berne, car ils entrerent dedans les païs du Duc, & le spolierent d'une bonne part du meilleur pais qui fut en son obeissance, & l'ont attribué à eux. Puis passans à Lozanne en chasserent l'Evesque, & l'ont attribuée à leur jurisdiction, en faisant quelque part à leurs alliez, & de present en jouissent.

ESTANT le Roy en Bourgongne il eut nouvelles de la victoire de l'Empereur à Tunis, dont il s'en congratula avec le sieur de Leide kerke ambassadeur dudit Empereut pres luy, mais il n'eut advertissement du chemin qu'il prenoit, sinon peu apres qu'il fut averty de son arrivée à Palerme, du retour de son voyage, & de la grande ruine de son armée, pour les grands travaux & chaleurs qu'ils avoient enduré, & comme il avoit faict une assemblée pour faire de mande d'une somme de deniers au païs: à sa requeste luy furent accordez deux cens cinquante mille escus, outre dix mille hommes que ledit païs luy avoit souldoyé l'esté precedant pour trois mois. Estant encores le Roy à Dijon depescha derechef devers monseigneur de Savoye pour enten dre de luy sa derniere resolution, mais ledit Duc de Savoye se consiant à l'heureuse victoire de l'Empereur, ne luy seit response sur quoy on eust peu faire fondement.

1 5 3 4. del'Empereur.

L'EMPEREUR estant arrivé à Palerme, environ la nry Dissimulatio Octobre mille eing cens trente-quatre feit grande demonstration au seigneur de Velly ambassadeut pour le Roy, du contentement qu'il avoit de l'apparence de la joye &

plaisir que le Roy avoit eu de sa victoire de Tunis, & aussi de l'entreveue de la Royne Aleonor sa sœur, & de la Royne de Hongrie son autre sœur. Puis luy compta la perte qu'il avoit receue à Minorque par Barberousse, & le dessir qu'il avoit d'en nettoyer la mer: & que pour cest essect il desiroit faire avecques le Roy son maistre de plus estroictes alliances, à ce que eux deux participassent à l'honneur & au proussir qui pourroient advenir des coquestes qu'eux deux ensemble pourroiét faire sur la Grece. Et puis le laissa sans conclusion, le remettant à ce que le seigneur de Gran-

velle luy en diroit. O R je pense bien que c'estoit le fondemet que l'Empereur vouloit prédre pour abuser le Roy & l'amuser, craignat que ce temps pendant que ses forces estoiét debiles, & l'armée du Roy preparée, le vint assaillir au Duché de Mila, detenu cotre raison par ledit Empereur de l'heritage de messeigneurs les enfans de France. Car ledit seigneur de Velly parlant à Granvelle ledit Granvelle luy renouvella les offres que par cy devant l'Empereur avoit faict au Roy d'une pension de cent mille escus sur ledit Duché de Mila, au nom de mesdits seigneurs les enfans, ou de celuy d'eux que le Roy voudroit nommer. Puis parla du mariage de madame Marie fillle d'Angleterre, sans autrement (quelque instance ou poursuitte que seit ledit seigneur de Velly) luy declarer l'intention de l'Empereur. Au moyé dequoy vous pouvez conjecturer ce que j'ay dit cy dessus, que l'Empereur avoit soupeçon pendant qu'il n'avoit le moyen de secourir le Duché de Milan que le Roy le vint assaillir.

A u mois de Novébre ensuivant l'Empereur faisant doute que le Roy ne cogneust les abus & dissimulations dot il
usoit en son édroict, & que cela invitast le Roy à se haster,
attendu mesmement qu'il se preparoit pour demander par
armes au Duc de Savoye ce qu'il n'avoit sceu obtenir par
douce & amiable composition: & pour encores tousjours
l'abuser, iceluy Granvelle s'essagit envers ledit seigneur
de Velly, ambassadeur de luy declarer la volonté qu'il
disoit qu'avoit l'Empereur de faire le mariage de la sille de Portugal sille de la Royne Aleonor avecques monseigneur le Daulphin: disant que la Princesse d'Espagne estoit trop jeune pour mondit-seigneur: & parce qu'il vouloit estraindre les alliances plus sermes, d'autat

que la fille d'Angleterre madame Marie estoit trop aagée pour monseigneur d'Angoulesme, l'Empereur presenteroit autre party, dont le Roy se contenteroit: & sembloit à ces propos qu'il voulust parler de la Princesse d'Espagne.

P E u de temps apres survint la moit de Francisque Sforce Duc de Milan: & l'Empereur ayat nouvelles que le Roy se preparoit de plus en plus pour avoir la raison du Duc de Savoye, & craignant qu'il marchast jusques à Milan (comme il estoit aisé ledit seigneur de Granvelle parlant au no de l'Empereur, proposa au seigneur de Velly ambassadeur du Roy, comme estant mort le Duc de Milan, & ayans tous les capitaines dudit Duché relevé les places de l'Empereur, alors se pouvoit faire une ferme & estroicte alliance entre l'Empereur & le Roy : par-ce qu'estant mort ledit Duc de Milan, l'Empereur n'estoit plus obligé, & pouvoit disposer à son plaisir dudit Duché. Parquoy furent mis en avant les mariages que par cy apres vous entendrez: & par là cognoistrez amplement, que tout le faict de l'Empereur ne tendoit qu'à toute dissimulation pour faire temporiser le Roy, ainsi qu'il feit, & faire entendre à tout le monde qu'il avoit cherché la paix, & remettre sur le Roy l'infraction d'icelle: aussi vous apparoistra comme les choses se passerent, & quelle fut l'islue.

Finablement vous pouvez avoir entendu comme j'ay procedé à reduire par memoires, ce qui est advenu depuis l'an mille cinq cens treze, esperant continuer jusques au tres pas du Roy François de bonne memoire, pour supplier & amender aucunement la perte irreparable de ce qu'avoit escrit mon frere avant son trespas, non si au long ny du stile dont mondit frere avoit vsé, ainsi que par evidence le demonstrent ses euvres, mais ce que j'ay veu & peu entendre, je l'ay discouru au mieux & plus pres de la verité qu'il m'a esté possible, pour laisser memoire aux autres qui le pourront mieux faire que moy, mais malaisément, plus fidellement, ny plus pres de la verité. Vous verrez par cy apres trois livres que j'ay recueillis des fragments de ceux qu'avoit com posé seu messire Guillaume du Bellay mon frere, puis apres je suivray au mieux qu'il me sera possible, & au plus pres de la verité, de ce qui est advenu jusques au trespas du seu Roy François de bonne memoire premier de ce nom.

FIN Du QUATRIESME LIVRE.



PROLOGVE DES OGDOADES DE MESSIRE GUILLAUME DU BELLAY, SEI-gneur de Langey, de la perte desquelles ne reste, que les trois livres qui ensuyvent avec quelques fragmens espars, en cest œuvre, el les Epitomes de l'antiquité des Gaules qui sont imprimées à part.

TORT se plaignent aujourd'huy les historiens François, & regrettent sans raison la fortune & condition des temps passez, comme si pour avoir esté fleurissate en saits vertueux, & recomandables, elle eust par abon-

dance de matiere induit & comme contraint, les nobles & renommez historiens passez à exerciter leurs esprits en stile, & par escripts magnifier & consacrer leurs noms à perperuelle memoire: & qu'au téps present ils ne trouvassent à ce faire un aguillon semblable. Leur honneur sauve, il semble que s'ils vouloient considerer, & bien peser les choses qui sculement depuis cent ans sont avenues en ce Royaume, ils cognoistroient clairement que les escrivans ont plus deffailly à la matiere, que la matiere à eux: & que ja eust peu un diligent & bon historien, sans rien toucher ne de superflu, ne d'inutile, plus mettre en lumiere de livres, & decades que Tite Live ou Troge Pompée ne firent en si long temps. Lesquels s'ils eussent escrit aussicruement, & sans artifice, qu'aucunesfois ont fait ceux de France, sans inserer ne debatre les causes & motifs des choses dont ils escrivoient, & sans deduire les deliberations sur ces prises en conseil, avecques les concions & oraisons, tant militaires que politiques, demonstratives que deliberatives : peu de plaisir auroit-on à lire leur histoire, & ne sembleroyent les choses, si grandes qu'elles sont, qui sont trouvées telles, pour estre ennoblies & enrichies de l'excellence & singularité du stile, avecques l'elegante distribution de la matiere subjecte: si qu'à bon droit Alexandre le grand jugea estre l'une des plus grandes & principales felicitez d'Achil-

les, d'avoir trouvé Homere tel & si noble recitateur de sa prouesse. Et certes si on me confesse la definition d'histoire, estre la vraye & diligente exposition des choses faites: j'en retireray qu'il ne suffit dire (quand on voudra escrire histoire) cecy fut dit, cela fut fait, sans remonstrer comment, par qui, par quel moyen, à quel tiltre, & à quelle sin: j'accorderay bien pour le present, que quelqu'vn ayt fidelement & veritablement escrit, de maniere que son labeur se puisse dire vraye narration des choses: mais je demande lors, en quoy consiste celle diligence qui par la confessée definition est necessaire? On me dira qu'en ordre, & en narration des choses bien poursuivie & continuée : si aucuns doncques veulent garder cest ordre prosecutif ou continu, je vueil que premierement ils proposent ce dont ils veulent parler: si d'appointemens ou alliances, fault reciter les causes finales, & inductives, & qui ont à ce meu les parties, fault inserer de l'une & de l'autre les remonstrances, griefs, debats, capitulations, & traittez: & si de guerre, faut qu'ils me dient à quelle cause, & pour quelle occasion elle s'est meue: fault reciter les querelles debatues, les parlemens, les deffiances, les appareils & entreprises, executions, moyens, & conduittes d'icelles: mettre les batailles en ordre, representer la rencontre, le conflit, l'execution de l'artillerie, le traict des archouziers, archiers, & arbalestiers: poulsiz de picques, chocs d'hommes d'armes, heurtis de chevaulx, coups d'espée, chapliz de masses, haches, & halebardes: l'effroy des vaincuz, roupte, fuyte, & desolation d'iceux: le cueur, hardiesse & poursuytte des victorieux, jusques à quelque fois racompter non seulement le maintien de l'une ou de l'autre armée, mais ce que chacun de son costé aura particulierement dit & faict. Par tous ces poincts fault parvenir à l'effect, & à l'aventure de l'issue:ceste aventure fault encores specifier par moult de circonstanccs: à sçavoir, si par vertu ou par nombre de gens, si par diligence, prudence, & bonne conduitte d'une part, si par mauvais ordre & negligence de l'autre, si par temerité, outre cuidance, & precipitation des uns, par rule, ou dissimulation des autres: & par cent telles ou semblables circonstances, qui en l'histoire ne sont à mespriser ains à diligemment observer, en representant artificieusement tous les mandemens, sommations & responses des uns aux autres, avecques la majesté, audace, desdaing, mesprisement, timidité, seus, astuce, malice, ou trayson, qu'elles auront esté portées, ouyes, & respondues. Et ceste est la vraye diligence, & le vray ordre prosecutif, qui en l'histoire sont desirez. Pour exemple ce n'eust assez esté, si Tite Live eust recité la victoire des Romains contre Perseus Roy de Macedone, s'il n'eust permis les occasions & preparatifs de la guerre, & comment ayant desja Perseus son armée preste, & les Romains estans encores assez mal equippez, L. Martius Legat Romain, l'amusa soubs esperance de paix, & le feir condescendre à demander une courte trefve, pendant laquelle les Romains au lieu de traitter la paix, se preparerent aux annes: & à la sin le deffierent, & reduisirent son Royaume à leur obeissance: laquelle ruse ou astuce du Legat Romain, comme ayant beaucoup diminué de la gloire & reputation de la victoire, fut fort blasmée & reprouvée par les anciens & plus honorez peres & Princes du Senat Romain, qui vouloient obtenir les victoires non par malice, mais par vertu. Par ceste exemple doncques, sequel je mets au lieu d'une infinité d'autres semblables qui se pourroient accumuler, apparoist quel ordre & diligence sont requis en une histoire, & que là où ils ne sont gardez, posé ores que l'historien (comme dit est) n'ayt rien que veritablement escrit, & si ne meritera son œu vre à mon jugement, le juste tiltre & nom d'histoire. Que pleust à Dieu, que par aucun qui bien le sceust, & voulust faire, en ensuyvant telle desinition & regle, nous peussions veoir d'escrits tant de faits d'armes, rencontres, batailles, assaults, & desfences de villes & chasteaux: tant de querelles, traictez, appointemens, & ambassades, entreveues entre les Princes, depuis seulement le commencement de cestuy Regne. Certes les faits combien qu'ils soient d'eux mesmes si haulx & magnifiques, qu'ils peuvent assez nourrir & essever une basse & affamée oraison, si se monstreroient ils au jugement des hommes assez plus dignes & recommandables, qu'ils ne se monstrent. Et lors pourroient les diligens estimateurs des choses, juger & cognoistre par celle monstre, que si en France nous cussions en un Tite Live, il n'y eust entre les histoires Romaines exemple ou ver-

tueux fait, auquel n'eussions un correspondant. Car ne desplaise aux autres nations, desquelles je ne vueil en rien diminuer la reputation, je n'en sçache aucune, en laquelle ou plus souvent, ou plus long temps, se soit fortune monstrée amye ou ennemye alternativemet: & proprement semble qu'en ceste se ule nation Françoise, elle ayt voulu esprouver l'une & l'autre sienne puissance, pour à toutes autres doncr exemple & mirouer, tant de supporter en magnanimité, & avecques force & constance les infortunes & aversitez, comme de soy gouverner en prosperité avecques modestie & attrempance. Laquelle chose comme ainsi elle soit à mon avis, a donné à plusieurs occasion de grande merveille, considerant que bien mil ans ou plus, France a eu bruyt & reputation, avant que nul, au moins qui soit à estimer, ayt mis la main à l'œuvre, pour escrire tat de faits memorables, qui en icelle sont avenus. Mais noz ancestres & fondateurs du Royaume, naturellement (& comme par avanture alors estoit besoing) furent tous jours trop plus inclins à faire qu'à escrire: lequel vouloir certes je ne blasme, ains tresfort loue. Deslors estoient survenues les mutatios universelles des Royaumes, destructions des païs, & abolifsement des lettres & arts, qui par long temps ont esté comme ensevelies & endormies: ce que je pense avoir esté cause, que nous n'ayons historiens de l'origine, progres & accroissement de nostre Royaume. Et neantmoins par cy, par là, s'en trouve quelque chose escrite au style & narration telle qu'alors, plus digne toutes fois (à mon jugement) de commiseration, que de mocquerie: car ils ont fait en tant que possible leur a esté, que des choses de leur temps la me moire n'est entierement ensevelie, & qu'en eux trouveront matiere, ceux qui apres les voudront celebrer en plus elegant & orné langage: Mais depuis le temps que les sciences ont commencé à se resouldre, & que par la benignité de nostre souverain, tres-chrestien, tresmagnanime, & tresliberal Prince, elles ont presque recouvert leur ancien regne & dignité: je voy neantmoins, que tant plus elles fleurissent de jour en jour, tant moins nous trouvons d'historiens, qui entre tant de hautes & louables entreprises, ayét apliqué leur cstude à les escrire, & consacrer à eternité le nom & loz des vertueux. Dont au contraire de ceux qui sur faute de matiere acusent & blament à tort le temps present, ic, non

je, non sans cause me voudroye plaindre & lamenter de la fortune & condition du mesme temps, auquel je voy que nul autre art ou science est si abjecte & consemnée, que ceste seule, qui par raison deust estre plus exaltée, ainsi qu'elle est entre les autres tresdigne & prositable. Et certes jamais aux humains n'avint si bien, côme du temps que toutes choses dignes, où de louage ou de reprehension, estoiet transmises à la posterité par vraye escriture: car tout ainsi que par louange nourrice de vertu, sont les cueurs nobles aiguillonez & resveillez: ainsi n'est chose qui plus destourne de vice les fresses & tendres esprits, que la reprochée memoire des vicieux, dont par histoire nous sont les exemples proposéz pour ensuyvre les uns & fuyr les autres. Doncques d'histoire tous ces biens viennent, premierement le Prince ou privé qui devant soy a ceste consideration, que tout le bien ou mal qu'il puisse faire, sera un jour representé par viaye histoire, ainsi que sur un theatre en jeu public, & à la veue & jugement de tout le monde, mettra peine & travaillera de l'aisser de soy plus tost recommendable que reprehensible memoire. Pour ceste cause l'Empereur Caligula, combien qu'en autres plusieurs choses il soit grandemet blasmé, est toutes sois loue, de ce qu'il permit les histoires escrites par Labienus & Cassius, ja condamnées & mises au seu par auctorité du Senat, en complaisant à ceux qui se sentoient en icelles veritablement taxez, estre toutesfois remises en lumiere : disant qu'il touche à l'interest de la chose publique, les faits d'un chascun estre escrits & leuz, quels conques ils soient, recommandables ou reprehensibles. Secondement quand il adviendroit (comme souvent il est advenu) qu'à un loyal & bon serviteur, son bon service n'auroit esté remuneré, ou par prevention de mort, ou par opportunité non escheue, ou par encombre de trop d'affaires, le Prince ou son successeur auquel par histoire est ramenteu ledict bon service, en temps & lieu le recognoist sinon envers le mesme serviteur, à tout le moins envers les successeurs & descendans de luy. Et à ceste cause entre les plus dignes offices es maisons des Empereurs de Grece, estoient anciennement les interpretes de memoire, desquels estoit la charge d'escrire & puis reciter devant l'Empereur, ceux qui es affaires de paix ou de guerre s'estoient noblement portez, au prosit & ho.

neur de la chose publicque, afin que l'Empereur en eust la cognoissance, tant pour en temps & lieu le recognoistre, comme pour autres-foys les employer es affaires publiques: & toutesfoys & quantes qu'ainsi se fera, comme vrayement il a souvent esté fait de ce regne, nul ne craindra d'exposer & corps & biens au service de son seigneur, pourtant qu'alors n'aura plus lieu es cueurs humains la crainte naturelle que plusieurs ont eue, qu'en avançant leur mort, par trop souvent s'abandonner aux hazards, il advienne que leurs enfans en demeurent indigens de biens & d'amys, & despourveus de recognoissant seigneur. demourant de ceux qui tant vertueusement auront exposé leurs biens & vie, pour le service de la Republique & de leur Prince, quand leurs enfans, & successeurs viendront à lire leurs loz & recommendation, sans nulle doute ce leur sera un esperon à gloire, pour ensuyvre les meurs & la vertu de leurs ancestres. Et au contraire s'il advenoit en quelque race (comme l'on a autresfoys veu) que par mauvaise institution ou compagnie, il se trouvast aucun seduit & forlignant de la vertu de ses progeniteurs, ses successeurs qui parmy plusieurs nobles & honorables tiltres rencontreront celle reproche, l'esforceront à leur pouvoir, d'icelle tache effacer & reparer, par entreprises hautes & en vertu recommendables: à quoy heureusement mener à chef, ne peult aucun recouvrer meilleur guide que l'histoire. Par elle, nous avons cognoissance de toute civile & militaire discipline: En elle nous avons les droicts, les loix, les ordonnances, les arts, vertus & moyens, par lesquelles nouvelles principaultez sont eslevées & entretenues, les vices & fautes par lesquelles sont aucunes tombées en ruine & decadence. Ceste mesmes est la maistresse, qui Luculle Imperateur Romain, au paravant non usité aux armes, rendit en peu de temps un des meilleurs capitaines & chefs de guerre, qui ayt de son temps esté à Rome. C'est ceste-cy par laquelle Cyneas acquist par remonstrances, & persuasifs exemples mis en avant par luy, tant de païs & provinces au Roy Pyrrhus son maistre: que par confession d'amys & ennemys, il feit plus grandes choses par luy, que par sa force & puissance. C'est celle en somme, sans laquelle nul est recevable à l'administration de la chose publique, mais à dechasser come inutile. Et pour ex-

èmple, si aux consultations des affaires nous appellons les anciens capitaines, qui en leur temps ont veu l'experience de plusieurs choses, par moult plus forte raison y pourront entrer ceux qui outre les adventures de leur temps, peuvent racompter de miliers d'ans en arriere, les entreprises, & executions; & les ruses; simulations & dissimulations d'icelles. Et à vray dire, je ne voy autre difference entre l'histoire biendescrite, & l'homme ancien qui a moult veu, consideré, & retenu, sinon que l'un est histoire parlante & vive, mais mortelle: l'autre est histoire morte & muete, mais à perpetuité ressussitable, & apte à recouvrer la parole, par le moyen d'un lecteur studieux & diligent. Encores oseray-ie dired'avantage, que tout ainsi que le vieil homme qui a moult veu mais peu consideré & moins retenu, n'est en rien à preferer à un enfant: Ainsi l'homme ignorant d'histoire & mesmenient de celle de son païs, se peult aussi estimer non seulement enfant, mais estranger en sa propre maison. Dot bien souvent je m'esbahy & derechef accuse la condition des temps, que sur la chose qui entre les humaines inventions requiert à mon opinion plus grande celerité d'ayde & secours, nous commettons la plus notable nonchallance & tardiveté. Ie ne vueil en rien reculer l'avancement des au tres arts qui se resveillent, mais tout à temps on leur pourra donner secours: à cause que les bons aucteurs nous en ont laissé tels livres, preceptions, & regles, que pour en icelles proufiter, ne restera qu'estude & diligence, mais en l'histoire de tant plus est la tardiveté perilleuse, que la vie des mortels est courte: & si par ceux qui ont cognoissance & memoire des choses de leur temps, il n'en est rien mis par escrit, ceux qui viendront apres, tant puissent ils avoir bon stile, bon vouloir; & diligence: sin'en pourront ils escrire certain ement & à la verité. Ce que desja nous pouvons voir d'aucunes prochaines precedentes années, desquelles parler au long & veritablement est chose difficile, en partie par la negligence, en partie aussi par la temerité des mesmes historiens, qui ce pendant se plaignent de n'avoir assez digne matiere pour bien employer leur estude & labeur, lesquels neantmoins eufsent beaucoup mieux fait & pour eux & pour nous, de se tenir en repos & à leur ayse, que de semer soubs nom de histoire, un incogneu recueil de fabuleuses & menson-

A ij

que d'histoire. L'ay leu en quelque cronique (ce que je crains que l'on m'estime avoir songé) d'un Roy de France, qui en une apres-disnée vint de Compiegne courant un cerf jusques à Lodun,* ce sont cent lieues ou environ. Cha-* Ce Lodun est peult estre cun scayt que le tant vertueux Prince & de si louable me-Laon en La-moire Charles Duc d'Orleans apres avoir esté pres de trente ans prisonnier en Augleterre, pour le service de la couonnys quon appllee en la- rone de France, à la fin s'en retourna, : & mourut plein d'ans tin Laodu- & d'honneur en ce Royaume. Et toutesfois on lit, mais num, comme c'est en plus de vingt divers aucleurs, qu'il fut à Paris deon finet Lo- capité pour crime de lese-majesté. Le Roy d'Escosse derdun de Poi- nier, mourut il pas en la bataille qu'il donna contre les Elou, & par. Angloys, en l'an mil cinq cens quatorze? Si ay-ie leu que tat ceste cour- de celle bataille il retourna en ses païs victorieux & trium se de cerf ne phant. Ie me deporte pour eviter prolixité, de plus aseroit hors de vant nombrer telles mensonges, lesquelles certes ne sont verisimilieu- semées, sinon par la temerité, indulgence, & indiscretion de veu le voi- d'iceux historiens & croniqueurs, qui plus souvent escrivét sinage de La- pour chose seure, ce que leur aura dit le premier venu, sans on & Com-faire election ou choix de la personne qui leur rapporte piegne. ou bien en disant selon le bruyt qui aura couru parmy le peuple, auquel à peine peult avoir mot de verité. Dont vient aucunesfois que les liseurs informez du contraire, plus envys croyent aux autres bons & anciens aucteurs, les estimans avoir escrit de mesmes. Et en avient ainsi que tresbien dit en autre cas le Cardinal Bessarion, voyant à Rome tant eslever & canoniser de saincts nouveaux, desquels il avoit cogneue & peu approuvée la vie, encores moins la façon de proceder à leur canonisation: ces nouveaux siincts (dist-il) me jettent grandement en doubte & scrupule, de ce qu'on list des anciens. Et au mien vouloir que tels autheurs & croniqueurs se reposassent, où qu'à leurs livres ils imposassent nom convenable au contenu, & que ceux qui bien pourroient & sçauroient à la verité en parler, aymassent tant l'honneur & gloire de leur

nation, que d'en escrire en tel langage qu'ils sçavent, selon les choses veues par eux, ou entendues par sidelle & bien certain rapport d'autruy. Alors seroient les gens de lettre qui par at res voudroient les enrichir de style & diction plus elegante, hors de la peine & ennuyeux travail,

de rechercher la verité entre tant de mensonges, contrarietez, & repugnances, qui sont divulgées par les dessusdits cro niqueurs, soy confians temerairement à l'ouyr dire du premier trouvé. Non que je vueille maintenir ou dire que nul doyve escrire des choses, sinon celu y qui les aura veues : car non-obstant qu'en un tesmoing de veue y a plus de foy, qu'en dix d'ouye,& que Sainct Tean pour estre creu, asseure qu'il parle des choses veues: si est-ce qu'un homme seul ne peult estre par tout, ou les affaires sont demenées, & y estant ne peult ensemble faire son devoir, & se amuser à voir ce qu'autruy fait: mais un historien sil est possible doit avoir veu ou cogneu une bonne partie de ce qu'il dit, & au demourant avoir une extreme & merveilleuse discretion de l'en enquerir à ceux, qui mieux au vray le pourront. dire: jusques à en entendre par le rapport des ennemis, & non seulement de ceux de son party. Ainsi lisons nous de Thucydide, lequel encores qu'il fust present es guerres d'entre les Atheniens & Lacedemoniens, & au nombre des prin cipaux capitaines, pour toutesfois avoir plus grande certeineté de tout ce qui se faisoit en l'un & en l'autre exercite, y tenoit à ses despences (comme puissant & riche qu'il estoit, extrait des Ducs Miliciades & Cymon d'Athenes, issuz de la ligne d'Æacus fils de Iupitter) gens d'esprit & de sçavoir, autant Lacedemoniens qu'Atheniens, ne se voulant fier en ce que les uns seulement luy en diroient, favorisans par avanture chacun à sa partie. Apres sa mort, & à l'endroit ou il fina son histoire, Timagenes de Milete, & apres luy Xenophon Athenien la reprindrent & continuerent y adjoustant chacun ce qu'il avoit veu ou entendu. D'iceux l'un fut des Princes du Senat de sa ciré: l'autre apres la mort de Cyrus en l'expedition duquel à l'encontre du Roy de Perse son frere, il eut charge, & conduitte de gens, demoura chef & capitaine general de toute l'armée des Grecs, pour iceux retirer & reconduire en Grece. Et qui voudra diligemment considerer la condition, & qualité des anciens historiens estimez, & receuz pour tels, & non pour fabuleux & mensongers, lesquels ayent escrit les avantures de leur temps : on trouvera qu'ils ont esté presque tous, ou chefs d'entreprise, ou capitaines particuliers, ou à tout le moins personnages de credit &

A iij

authorité: qui es choses dont ils ne parloient de veue, 2voient moyen de s'en informer au vray. Dares de Phrigie, & Dictys de Crete sont plus creuz es guerres de Troye, que ne sont Dion, & quelques autres: car ces deux la y mirent la main, & à la plume & à l'espée. Corinnus aussi de Phrigie nay d'Ilion, pour s'estre trouvé ausdites guerres, en a esté receu à vray tesmoing: & de luy a pris Homere toute la matiere de son Iliade. Marsyas de Pelle, frere du Roy Antigone, & nourry d'enfance avecques Alexandre le Grand, Onesicritus d'Ægine, Callisthenes d'Or linthe disciple & parent d'Aristote, Aristobulus de Iudée, Diognetus, & Menœchmus de Sicyone, tous compagnons en l'expedition & peregrination dudit Alexandre ont escrit les uns depuis sa nativité, autres depuis qu'il commença porter les armes, aucuns depuis le commencement de son regne: & autres depuis seulement qu'il eut dressé son armée pour entreprendre ses conquestes: à tous ceux cy est adjoustée foy, en ce qu'ils disent dudict Alexandre, & à ceux qui apres eux ont escrit, comme sont Quinte Curse, Arrian poete domestique & familier de l'Empereur Tybere, Arrian historien qui au temps de l'Empereur Adrian parvint à la dignité du consulat, & Plutarche qui au temps de Trajan usa pareillement de puissance consulaire en Illyrie, commandant à tous les Magistrats de la province: de tous les autres qui n'ont parlé de veue, ne suyui l'histoire de ceux qui avoient veu, on ne reçoit que le langage. Et à ceste cause Palephatus quand il a voulu parler de la statue de Niobé, a preallablement protesté de l'avoir veue. En autre lieu il escrit que pour fidellemet deduyre les choses, il a visité plusieurs regions, ne s'en rapportans à ce que par autres en estoit escrit. Aussi Lucian quand il a voulu coparer les sacrifices des Hebrieux aux Ægyptiens, il afferme premierement avoir hanté avecques les uns & les autres. Agathirfides de Gnide en deduisant les choses d'Asie, done à cognoistre en plusieurs endroits qu'il y a hanté long téps es guerres, cherchat par ce moyen d'é estre creu. Pour mesine raison a esté creu Philistus de Syracuse en l'histoire qu'il a escripte de son téps, par-ce qu'il auoit l'u des principaux ma niemens d'iceluy Royaume dust il fut dejetté par Denys le Tyran l'aisné, mais depuis restably par le jeune, & appellé à

la societé du Royaume. Eratosthenes Cyrenien n'est desmenty en son histoire de Ptolemeus Evergetes jusques au temps du cinquiesme Ptolemée, car il eut charge de leurs affaires, es autres choses n'a foy semblable. Hieronyme Rhodien pour avoir eu soubs le Roy Demetrius Poliorcetes administration de son estat, & le gouvernement du pais de Boiotie, est advoué pour veritable, es annales qu'il a laissez de la vie, faicts & gestes de maistre. Aux histoires de Herodote Halicarnassien,& de Helanicus de Metelin on a plus facilement adjousté foy, d'autant qu'ils avoient le principal & premier credit au tour du Roy Amyntas de Macedone, par le moyen duquel ils eurent cognoissance de plusieurs & grandes choses. Pareille foy a trouvé Symonydes Magnessen, pour-ce que conversant familierement avecques Antioche le grand, il a peu veritablement entendre les choses mouvantes, les deliberations, & les exploicts de ses guerres, & principalement de celle qu'il eut contre les Galathes, en laquelle se trouva ledict Symonides en sa compagnie. Les dix livres des ports & plages de mer, mis en lumiere par Demosthenes ont esté recueilliz sans contradiction, par-ce qu'il les avoit veuz & hantez estant Amiral & capitaine general de l'armée du Roy Ptolemée Philadelphe d'Ægypte. Semblablement est advenu à Damis en ses livres de la peregrination, & miraculeux faits d'Apollonius Thyaneus: pour autant qu'il luy avoit par tout faict compagnie: Et à Philostratus pareillement: pour-ce qu'il suivit le tesmoignage dudict Damis. Aussi Ennius Poëte a peu verirablement escrire l'expedition de Marcus Fulvius en Ætholie, & contre les Ambraciens, car il feit le voyage avecques luy. Aussi feit L. Lucullus avecques L. Sylla en la victoire par luy escrite, & par ledict Sylla obtenue contre les Marsiens: Et peu apres fut ledict Lucullus chef d'entreprise, & adjousta le Royaume de Ponte à la seigneurie Romaine. Valerius Antias & Polybe sont par tous autres historiens ensuivis en la description des guerres Punicques, pour-ce que l'un fut precepteur de Scipion African, & depuis l'accompagna tou te sa vie: l'autre au voyage par luy celebré de Valerius Levinus consul, alors quil vainquit Hanno de Carthage, & prist Agrigente par force, avoit soubs luy conduicte de gens. Mesme foy a esté adjoustée aux annales de Q. Fabi^o Pictor

A iiij

d'autant plus qu'il estoit homme de maison & d'authorité, & avecques Q. Fabius Labeo avoit esté Preteur de Rome. Chacun a reclu que Theophanes Lesbien a escrit des faits de Pompée, aussi Pomponius Atticus du consulat de Cicero: d'autant qu'avecques ceulx dont ils parlerent, ils avoient l'acces & familiarité plus que nuls autres, pour entendre d'eux mesmes la verité des choses. De l'un est la familiarité assez cogneuë, par les epistres de Cicero à luy : de l'autre par l'affociation du nom, à laquelle fut appellée par Pompée, lequel voulut qu'il fust nommé Marcus Pom pejus, & fur celuy que Auguste Empereur institua depuis gouverneur au pais d'Asie. Crispe Salluste a peu parler au vray de la conjuration Catilinaire: car il ne fut exempt de la messée, & pour bien descrite la guerre Iugurtine, il passa, & sist long temps sejour en Afrique. Nous recevons pour la verité ce que Iules Cesar, & apres luy Hircius & Oppius escrivirent des guerres de Gaule, & des civiles: car ils faisoient & escrivoient. A Diodore Sicilien nous donnons foy es choses d'Ægypte : car il escrit de veuë, & fut tres familier de Iules & Auguste Cesar, ainsi que furent Fenestella Romain, Denys Halicarnassien, & Nicolas Damascene dudit Auguste, dont leurs histoires en sont trouvées plus authorisées. Arthemidore aussi est creu, des conquestes faictes en Arabie par Ælius Gallus : car il luy feit compagnie en tout le voyage. Qui donne en pareil cas authorité, reputation & foy à Ioseph es guerres judaiques? a Tacite es Germaniques? sinon que l'un fut participant des miseres & calamitez de la destruction, & ruine de sa cité, l'autre fut gouverneur de la Gaule Belgique s'estendant en la Germanie inferieure, esquelles provinces furent principalement icelles guerres. Par quel moyen l'ont aussi trouvé Suetonius Tranquillus, Dion Cilsius, Gargilius Martialis, Calliftus Bemarchius, Iulius Frontinus, Favorinus Arelatenfis, Dionyfius Milefius, Ephorus Cumæus, Ælius Spartianus, Iulius Capitolinus, Ælius Lampridius, Volcatius Gallicanus, Trebellius Pollio, Flavius Vopiscus, Herodianus, Festus Aurelius Victor, Ammianus Marcellinus, Appianus Alexandrinus, Eustarhius Epiphanæus, Eusebius Cesariensis, & antres semblables, sinon pour avoir eu moyen & credit autour des Princes, pour entendre & scavoir en grande par-

tie les secrets de leurs affaires? Dion Prussiaus a si avant esté familier de l'Empereur Trajan qu'ils alloient ensemble par païs & par la ville en un meline chariot, & avant qu'iceluy Trajan fust Empereur avoit esté avecques luy es expeditions Germanique & Getique, lesquelles il a escrites. L'autre Dion, & Suctone, furent des principaulx secretaires du conseil, & Favorinus homme ayant charge des affaires de l'Empereur Adrian : & soubs le mesme Empereur a esté Dionysius Milesius l'un des sarrapes d'Orient. Iulius Frontinus homme consulaire fut precepteur d'Alexandre Empereur: Gargilius Martialis qui a escrit la vie dudict Alexandre, fut l'un de ses plus intimes familiers : aussi fut Iulius Capitolinus de Diocletian: Ephorus Cumæus de Ga lien: Bemarchius & Eusebius de Constantin: Eustathius de Anastase: Calistus de Iulian, lequel Iulian est aussi receu en ce qu'il a escrit des Gaules, pour y avoir hanté devant & apres qu'il fut Empereur. Lampridius & les autres dessus nommez, en cas pareil ont esté chacun en son temps de la. maison des Empereurs & Princes, dont ils ont escrit: & apres eux Procopius, Agathias, & Theodorus ne sont contredits en l'histoire des Gots: car ils se sont trouvez, ou à la deliberation, ou à l'execution des affaires. Eusebe dont j'ay cy devant parlé, a eu moyen d'escrire au vray les choses non veuës par luy, & d'autruy temps: car Constantin le grand luy feit apporter, & mettre en main tout ce que par les autres avoit esté mis en memoire par plusieurs ans. Telle estoit lors & au paravant la diligence & curiosité d'escrire ou faire escrire les histoires au vray, & en bailloient les Roys, & Princes eux mesines ou de bouche, ou par escrit amples memoires & instructions. Cesar escrivit ses Commentaires à ceste intention, mais il les escrivit tels qu'il ne trouva homme, qui entreprint de le passer: de maniere que comme dit Hircius, voulant se faire prebiteur, il se feit precepteur de la matiere d'escrire ses faicts. Cicero sçachant que L. Luceius Patrice Romain homme de sçavoir & authorité, s'estoit adonné à escrire l'histoire de son temps, luy envoya memoires de tout ce qu'il avoit faict durant son consulat, & par une longue epistre le pria tres-affectueusement de l'inserer & deduire en son histoire. Agrippine fille de Germanicus laissa pareillement des memoires de la vie & gestes de son pere,

avecques les succes & infortunes de sa maison. Zenobia Royne des Palmyriens, laquelle apres la mort de son mary mania l'Empire Romain en Surie, escrivit aussi en abbregé pour aux autres bailler matiere de la deduire & amplifier, l'histoire de son temps, & au paravant des affaires d'Alexandrie, & d'Orient. Le jour me faudroit en somme, avant que j'eusse recité tous ceux qui en ont usé de ceste sorte, & lesquels à ce faire ont esté meuz par bonne & honneste raison: car Princes & personages de supreme excellence, peuvent de toutes autres choses abonder jusques à satieté: de ceste seule (c'est de laisser de soy heureuse & recommandable memoire) ils ne peuvent estre trop insatiables: car homme ne peult estre amoureux de vertu, qui n'est songneux & curieux de sa renommée. est mon avis que le serviteur en nulle, ou peu de choses, se peult monstrer plus studieux, & affectionné envers son Prince & seigneur, qu'en escrivant ses faicts & actes vertueux, & à son pouvoir le garentir de l'injure du temps, & de l'obscurité de tenebreuse oubliance. De memoire de noz peres Æneas Sylvius, qui depuis a esté Pape Pie second, Iovian Pontan, Leonard Aretin, Anthoine Panormitan, & autres ont imité les dessuspommez, & de fresche memoire le sire d'Argenton en France, louablement sen est acquité. Au paravant luy Iean Froissart, & Enguerrant de Monstrelet, mirent par escrit ce que par investigation diligente ils peurent entendre. Investigation diligente ay-je dit: car apres ceux qui parlent de veuë, les plus croyables sont ceux, qui avecques jugement & discretion se sont enquis & informez: comme Iuba Roy de Numidie, qui par escrit a baillé la science de Cosmographie, laquelle par investigation telle il avoit cogneuë. Et Claudius Ptolemeus d'Ægypte, qui en partie a veu & escrit, en partie a eu par toutes provinces seurs messagers dignes de foy, pour'luy en raporter certeines & veritables nouvelles, je ne dy sans cause, dignes de foy, çar en ce gist la discretion. Strabo reprend Eratosthenes qui s'est sié au tesmoignage de viles personnes: mesme reproche est mise sus à Patrocles, par Hipparchus son emulateur: Quintilian reprouve en son precepteur Seneque, pour-ce que desirant avoir cognoissance de plusieurs choses, y employa trop legetement en son ayde gens negligens, qui se de:

ceurent. Et ceste crainte par avanture aura destourné puis n'agueres aucuns sçavants hommes, qui volontiers eussent entrepris d'escrire les histoires de France, s'ils eussent eu le moyen de fidelement, & à la verité s'en informer. Et certes ja par long temps me faisoit mal, que je ne veoye aucun les vouloir secourir en ceste part. Et nonobstant que plusieurs suyvent le jugement de celuy, qui jadis interrogué, meit entre l'historien, & celuy qui faict chose digne d'histoire, pareille difference qu'entre le herault, ou trompette, & le tournoyant en la lice: je toutesfois meu à l'exemple des personnages dessus nommez, qui en faisant n'ont desdaigné d'escrire: apres mon adolescence & ma premiere jeunesse, que je commençay à suyvre les armes, ainsi qu'est la coustume & ordinaire vacation de la noblesse de France : & par laquelle mes progeniteurs & ancestres au temps passe sont parvenuz en reputation, & haults degrez: n'ay point estimé de faire chose indigne & mal seante à l'estat de noblesse (encores que je sçache l'opinion d'aucuns estre contraire) quand je m'appliqueray à un estude, auquel non seulement se soyent employez tant de grands & notables personnages dessus nommez: mais lequel ne se trouve avoir jamais esté traitté, sinon par gens de noble maison, jusques à ce que L. Octacilius precepteur de Pompée, qui fut le premier homme non noble qui escrivit histoire, fut par ledict Pom pée authorisé de ce faire. Et pour-ce me suis-je delecté souvent pour en aucune maniere laisser memoire des choses en mon temps advenuës, à en escrire Dialogues, Epigrammes, Elegies, Sylves, Epistres, & Panegyriques selon que la matiere subjecte estoit à l'une ou à l'autre forme d'escrire à mon jugement plus convenable & propice, sans espargner peines, voyages, ne despens pour retirer de divers lieux ce qui faisoit à m'esclaireir la chose dont je vouloy escrire. La mesme assection & desir de voir aucunesfois les dicts, faicts, & choses memorables de Gaule & de France estre mis en lumiere & à la cognoissance des autres nations (qui pour la bonté des escrivans nous surpassent esdictes choses, & ne seroient à comparer à nous si escrivans ne nous eussent failly) m'avoit meu pieça de travailler & d'essayer en remuant tiltres, l'ivres chartres, epitaphes, fondations, & autres choses antiques,

si on pourroit deduire l'ancienneté d'icelles deux nations en forme d'histoire prosecutive & continente: chose que je sçache jamais au paravant entreprise, & par moy souvent deses perée: la quelle routes fois j'espere mettre en avant, & au hazard du jugement divers, & correction, aprobation ou reprobatio de tous lecteurs: ensemble un mien recueil & vocabulaire en ordre alphaberique, de toutes les provinces, citez, villes, chasteanx, montagnes, vallées, forests, rivieres, & autres lieux de ce Royaume, avecques exposition des denominations d'iceux, & des batailles, rencontres, sieges, & autres choses dignes de memoire qui se trouvent y estre advenues: aussi à l'imitation de Valere le grand, autre recueil d'exemples d'iceux faits & dits memorables, & autre à l'exemple de Plutarche de la conference des vies & gestes d'aucuns Roys, Princes & Capitaines de ce Royaume, avecques celles d'aucuns autres Grecs, Latins, & Barbares. En quoy ayant esté men à l'intention que dessus, je me tiendray pour bien satisfait, si par ce mien labeur, j'excite & semons à entreprendre de mesmes ceux qui trop mieux le pourront faire que moy. Or m'ayant le desir de plus cognoistre atiré en ceste cour, puis qu'il a pleu au Roy mondit seigneur non seulement m'y retenir à son service, en si honorable estat qu'aupres de sa personne, mais bien souvent m'employer en, & dehors son Royaume en plusieurs & principaulx de ses affaires d'e stat: si que non seulement je puis parler au vray de l'execution & issue des guerres, depuis iceluy temps advenues, & ausquelles presque tous jours me suis trouvé, autant par mer que par terre: & eu moyen & occasion d'entendre & sçavoir les causes, fins, & deliberations d'icelles, non seulemét de nostre costé, mais du costé aussi des ennemis : il m'a semblé que durat le repos des armes, je ne pouvoy mieux ne plus honorablemet employer & convertir mon estude, qu'a raporter en ceste partie aucun secours aux erudits & doctes historiens, qui apres moy en plus elegant & poly lagage en voudront escrire. Bien sçay-je combien il m'estoit moins subject à calomnie de m'arrester à ce que j'avoy entrepris sans m'adonner à si perilleuse chose, que d'escrire les vertuz ou vices des vivas: car de l'un on acquiert hayne & malveillace: de l'autre on est tenu pour blandisseur & fla teut: mais en tout ce, ma conscience me juge, & avecques

elle je me reconforte, me sentant net de toute maligne simulation ou dissimulațio. Et tout ainsi (que veille ou no) il m'est force de m'en raporter au jugement des liseurs, auquel je ne puis ne doy reculler : ainsi je souhaitte les avoir tels, & aussi purement jugeans, comme j'ay voulu purement escrire. Car tat y a qu'é ceste mienne entreprise, qui est d'escrire ou commentaires, ou memoires des choses, je ne me vueil attribuer la perfection de stile, ne presumer qu'en suivant autre vacatio ou quotidien exercice, je puisse escrire ce qu'au jugemet des sçavans hommes puisse satisfaire, veu qu'à grand peine y arrivent ceux qui ont ceste seule, ou propre vacation: mais je vueil bié toutestoys, & oze affermer certainement, que tout y sera fidelement escrit, & sans alterer la verité, pour grace, ambition, hayne ou faveur d'aucun: ains est & sera ma principale intention, fournir aux plus sçavants, experts, & doctes historiens matiere de veritablemét escrire, & leur representer en tat que possible me sera, ce que pour leur estude domestique ils ne peuvent à la verité cognoistre. Enquoy si je puis obtenir d'estre receu à fidele & vray resmoing, ou d'inciter autres à mieux faire que moy, j'auray (comme je disoy n'agueres) en ceste partie suffisante cause de m'esjouir, & paistre du fruict de mo labeur: ainsi come entre les statuaires, & entailleurs d'images, ceux qui se trouvét insuffisans à bié parfaire & polir un image, & sont toutesfois experts à bié choi sir & esbaucher la pierre ou le boys, & à copasser les traits & membres, pour relever de ceste peine les plus subrils & diligens en tailleurs, se contentent assez quand iceux excellenis, & singuliers maistres les'employent & reçoivent en societé de l'ouvrage, ne les fraudant de leur honneur. Et pourroit estre paraventure (ainsi que le Mareschal en forgeant le fait) que par continuation d'escrire j'amenderoy aussi & meuriroy mon stile, pour apres reformer de moymesmes tout l'œuvre en meilleur & plus suffisant langage: car à vray dire ce me seroit bien estude perdu, si je ne pensoy en continuant tousjours apprendre. Si sera quant à pre sent le commencement de ces memoires des la premiere adolescence du Roy mondict souverain Prince & seigneur lesquels memoires si on veult mettre au parangon des histoires qui ont esté puis n'agueres escrittes si tres au bref & cruement, que tous faits de vingt ou trente ans ne montent

eant que d'une année d'iceulx, & que toutesfois on trouve que plustost j'y aye obmis aucunes choses memorables, que deduyt choses non necessaires ou inutiles: on cognoistra lors qu'il fault necessairement, que les autres ayent obmis prou d'entreprises assez recommendables & dignes d'estre par vraye histoire rememorées. Or avoy-je avant qu'entrer en matiere, premis un recueil, sommaire & abregé recit, de la premiere origine, & du premier nom & delcente, tant des Gauloys que des Françoys, & des alliances, & unio d'icelles deux nations Gauloyse & Françoyse, unies & reduites en un corps de Republique, pour soy vindiquer, & retraire en leur ancienne franchise & liberté naturelle, hors de la contrainte submission, paravant faite aux Romains: en laquelle liberté par eux recouverte, ils ont jusques à huy perseveré, & au vouloir de Dieu persevereront à jamais. Lequel abregé recit, pour ce qu'il sembloit à aucuns mes amys estre aliené en cest endroict, & non servant àmon propos, j'ay resequé depuis, & totalement osté: non pas qu'il fust à mon advis reprehensible, si par un mesme moyen on ne vouloit taxer Thu cydide, Salluste, & Tite Live:car l'un d'iceux pour tomber à la guerre des Atheniens & Lacedemonies; n'a estimé à vice de permettre l'origine & progres non seulement d'icelles deux citez, mais universellement de toute la Grece & Isles voysines. Le second avant qu'entrer à la conjuration de Catilina privé citoyen de Rome, a commencé des la fondation d'icelle, avecques recit des arts & moyens, par lesquels Rome de si extreme petitesse, parvint à extreme domination, & d'icelle retomba en decadence, & ruïne. Le tiers pour escrire les faits des Romains a proposé comme chose necessaire l'origine & succession des Roys Latins & Albains, progeniteurs de ceux de Rome. Ce nonobstant j'ay bien voulu satisfaire au jugement d'autruy: & ce principalement à cause qu'en iceluy abregé recueil, je deduisoy les dessusdites choses sommairement, & sans allegation de mes aucteurs, dont à plusieurs elles sembloient estre controuvées & fabuleuses. Et si pour y obvier, j'eusse en chacun article voulu alleguer montesmoing, la nomenclature seule des aucteurs eust plus monté que la narration entiere : si que pour eviter un vice je fusse tombé en un plus grand. A ceste cause, & pour moyen de reciter les choles au long, & alleguat mo aucteur

en chacun poinct, les rendre croyables ainsi qu'elles m'apparoissent estre veritables: afin aussi quand je viendray a la narration des affaires, il ne me faille l'interrompre, & m'amuser à faire entédre la variation des noms des provinces, citez, montagnes, rivieres, aussi des offices, estats, charges, & magistrats, desquelles choses declarer, occasion ou besoing l'offrira incidemment: & à ce qu'il ne m'y advienne, comme aux paresseux & negligens mariniers, lesquels à l'heure de la plus forte tourmente, & plus dangereux fortunal, sont contraints de s'embrasser & empescher, à recouldre & rapiecer les vieilles voyles, & à renover & tranchefiller leurs cables & cordages: chose qu'ils avoient peu, & deu faire avant la main, au temps du sejour, & quand ils estoiét surgis en port ou plage de seureté. Et pource docques ayje bien voulu de ce que paravant (ainsi que j'ay dit) j'avoy de divers lieux recueilly des choses que dessus faire une Ogdoade à part (celuy est le tiltre que j'ay imposé aux tomes, ou particuliers nombres des livres de mes memoires) en laquelle Ogdoade j'ay recueilly & compris en huict livres, premieremet l'antiquité des Gauloys & Francoys, des uns depuis la destruction de Troye, & des autres de plus loing en arriere: le tout jusques à l'union des deux nations & conjonction des noms de Gaule & France, avecques la supputation des ans & succession des Princes, qui ce pendant y ont regné. Secondement j'ay inseré la division & description des Gaules, tant Cisalpine, que Transalpine, & de la France tant Cischenane, que Transchenane: ensemble la concordance des noms antiques, avec les modernes, autant qu'il m'a esté possible d'y arriver. Tiercement j'ay recueilly les uz coustumes & loix, tant militaires que politiques: & les noms des charges, estats, dignitez, & magistrats en appropriat le temps passé an present, au mieux & au plus pres que j'ay peu faire suyvant l'interpretation & proprieté des vocables. Lesquelles choses offrant & soubmettantau jugement & amendement d'autruy, je descen à mon instituée narration.

FIN DU PROLOGUE DES OGDOADES.



CINQVIESME LIVRE

DES MEMOIRES DE MESSIRE Guillaume du Bellay, Seigneur

DE LANGEY.

1536.
Causes de la roupture entre l'Empereur El le Roy.



out es les actions, negociations, & praticques de ces deux grands Princes en tout le cours de ces precedentes années (efquelles encores qu'ils ne fussent en guerre, il ne se pouvoit dire toutes fois qu'ils susset en paix) donnoient assez grande apparence de ce qu'à la fin en aviendroit. Et desja combien que les

propos de la confirmation de ceste paix, & multiplication d'estroittes alliances entr'eux se continuassent tousjours, neatmoins tendoient apparément à ouverture de guerre: & bien jugeoiet tous personnages de bon esprit, qu'à l'un ne à l'autre ne restoit plus sino le moyen & couleur de se deffen dre & couvrir envers le monde du blasme & charge de la premiere invasion. Le Roy avoit les causes de regret & desplaisir que vous avez peu entendre par les precedens livres de ces memoires: & l'Empereur cognoissant bien ceste juste cause de regret (ainsi que le seu se pouvoit plustost conserver & nourrir en cœur de Prince magnanime pour senstammer en temps & lieu, que s'amortir & estaindre en le couvrant) cherchoit à ceste cause tous les moyens possibles de se fortifier à l'encontre des futures invasions, & de tant debiliter le Roy de forces, alliances, & bons voisins, que stores volonté luy venoit de s'en ressentir, moyen & puissance luy deffaillissent. Mais fortune, ou pour mieux dire Dieu courroucé contre noz pechez, & ne nous voulant encores faire dignes de seure & ferme paix en noz jours,

jours permit & voulut que les mesmes occasions que chercha l'Empereur, & par lesquelles estoit son intention de divertir le Roy, ou par nouvelles difficultez opposées à ses desleings le mettre en crainte de faire entreprise, eschaufferent & hasterent d'avantage ledit seigneur. Les bagues que Entreprises le Duc de Savoye avoit engagées pour faire prest au Duc du Duc de de Bourbon, rebelle, & faisant guerre contre le Roy:les let-Savoye, contres qu'il avoit escrites gratulatoires de sa prise : les pratic- tre le Roy, & ques qu'il avoit faicles pour aliener les Suisses de l'aliance du Roy conde ceste couronne: l'achapt du Comté d'Ast: le resus de pre tre luy. ster Nice pour l'entreveue du Papé Clement & de luy, & le passage par ses païs qu'il luy avoit freschement refusé de bailler, pour aller faire la vengeance de l'outrage que luy avoit faict le Duc Sforce en la mort de l'escuyer Merveilles son ambassadeur, avoient assez donné à cognoistre audit sei gneur combien luy portoit le Duc de bonne volonté. Le Roy avoit pour ceste cause esté content de donner au Duc quelque empeschement à son entreprise de Geneve: & com bien que non ouvertement, de maniere toutesfois qu'il se vouloit bien laisser entedre, & luy faire cognoistre que peu de prouffit luy adviédroit de ne l'avoir amy. Et bien estoit à penser que le Duc ne pouvoir ignorer aucunement que le seigneur de Vereis nay son subject, mais domestique & de la chambre du Roy, ne se fust ingeré si avant, & aussi peu la compagnie du seigneur de Rence, que de favoriser sans le sceu & consentement du Roy, les habitans de Geneve contre luy. Ceste cognoissance avec la consideration de la puissance & prochaineté d'un Roy de France (qui peult tousjours en un moment ou nuire ou ayder grandement à un Duc de Savoye) la consideration aussi que ceste grande & voiline puillance, pour estre successive de pere en fils, se peult estimer perpetuelle, au prix d'une puissance Imperiale elective, devoit par raison mouvoir le Duc à se retourner & rallier au Roy: & ne point abandonner du tout une an- Discours cienne, voifine, & perpetuelle alliance, pour en accepter fur le choix une nouvelle, loingtaine & temporaire. Mais sa conscien- de l'alliance ce desja le jugeoit avoir si grandement offencé le Roy, du Duc de que sa reconciliation luy sembloit estre comme impossi- Saroye. ble: & en ceste persuasion la Duchesse son espouse (qui l'avoit faict entrer en ceste dance) l'entretenoit & nourrissoit

ste de messieurs de Geneve leurs alliez avoient faict entendre au Duc, que s'il continuoit à les grever & molester, force leur seroit de s'en entremettre: & n'avoit satisfait la responce du Duc à messieurs des ligues. Parquoy il sattendoit bien qu'il ne fauldroit d'avoir la guerre sur les bras:laquelle, à son avis, ne se desmelleroit sans que le Roy en fust de la partie: & pour-ce, avoit il envoyé vers l'Empereur, allors arrivé nouvellement à Palerme en Sicile du retour de fon voyage de Thunis, luy demander secours & ayde pour ceste guerre. Tant secrettemet ne feit le Duc ceste depesche, que tost apres le Roy n'en eust nouvelle: & luy fut d'avantage rapporté que le Duc avoit faict porter parole de bailler à l'Empereur en contrechange d'autres terres en Italie, tout ce qu'il tenoit de pais deça les monts, en commençant depuis Nice jusques à l'entrée du païs des ligues, y comprenant aussi la ville de Geneve. Si cest eschange se fust faict il n'y avoit point de doute que l'Empereur n'eust bordé ce Royaume de tous costez, en maniere qu'il fust venu au des sus de son intétió, de mettre au devat des desseings du Roy tant de nouvelles difficultez, qu'il eust eu beaucoup à péser & à craindre, devat qu'entreprédre, à se ressentir, & faire demonstratio de desplaisir & regret qu'il avoit en son esprit. Sur ceste nouvelle vouloiet toutes humaines & divines raisons, que le Roy en toute diligence pourveust & obviast à un tel & si grand inconvenient, & ne souffrist dresser une telle eschelle pour enuahir par cy apres & transgresser les bornes & ceinture de son Royaume: voulut bien toutesfois encores un peu temporiser & delayer, tat pour raison de la depesche qu'il faisoit lors au seigneur de Velly son ambassadeur vers l'Empereur, come pour pouvoir envoyer encores une fois têter la derniere resolutio du Duc, auquel il se delibera de demader non seulemet passage par lesdits pais, Demande du mais delivrance de la plus part de ses places, & comme sien-Roy au Duc nes, & qu'il pretédoit à luy appartenir, à cause de seue madame Loyse de Savoye sa mere, sans plus les laisser és mains de personnage si mal feable, & en qui fust de les bailler aux ennemis de ceste courone. Pour ce delay & temporisement n'avoit il toutesfois laissé de faire sçavoir au Côte Guillaume de Fustéberg, encores que depuis la mort du Duc Sforce il luy cust ordoné de seulement payer ses capitaines sans

de Savoye.

faire le vée de Lansquenets, dont il avoit cu intention de se servir en la poursuitte de la reparatió de la mort dudit Mer veilles, que nonobstant ceste sienne precedante ordonnance il les levast & feist passer en France en intention, que si par amiable composition il ne pouvoit recouvrer du Duc de Savoye ce qui estoit sien, il cust de tant plustost son armée preste pour y proceder par autre voye.

L a cause de la depesche que faisoit lors ledit, seigneur au seigneur de Velly son ambassadeur estoit en substance telle que l'ensuit. Le seigneur de Gravelle avoit sur chemin tenu propos audit sieur de Velly chevauchat en la suitte de l'Em pereur, que l'intention dudit seigneur estoit de ne disposer aucunemet de l'estat du Duché de Milan jusques à ce qu'il eust des nouvelles du Roy, & plusieurs fois estoit rentré avec luy sur ces propos, conseillant toutesfois de n'en parler audit seigneur sans en avoir premieremet charge du Roy: Cobien que la dessus ledit seigneur de Velly luy repliquast que si on avoit bonne volonté, le Roy avoit par cy devant faict assez à sçavoir son intention, & en avoit baille articles par escrit selon ce qu'il en avoit esté pourparlé avec le seigneur de Noircatmes. En ces entre-faictes ayant ledit seigneur de Velly occasion de parler à l'Empereur, & de luy faire à sçavoir la restitutió & passage à sa requeste des chevaux du Vice-Roy de Sicile, & de la delivrance d'un Ragusien, l'estoit ingeré d'entrer en matiere plus avant, & de dire audit seigneur entre autres choses coment le Roy sil pensoit que l'Empereur vousist maintenant luy complaire de l'heritage de messieurs ses enfans reprédroit & restraindroit volontiers la praticque de plus estroitée conjonction avec luy qui seroit cause de confermer entre leur deux maisons une parfaite & inseparable amitié & intelligence, moyennant laquelle ne seroit à douter que chacun d'eux ne fust de là en avant pour avoir les affaires de l'autre envers qui que ce fust en pareille recommandation que les siens propres, joinct qu'ils feroient un bien universel à la Chrestienté en sunissant ensemble pour resister aux entrepsises que le Turc ennemy de nostre foy menassoit alors de faire. Sur Responce de ceste remonstrance luy avoit respondu l'Empereur qu'il a- l'Empereur voit tousjours volontiers escouté (& maintenant n'en vou- aux propos

loit moins faire) toutes les choses que le Roy avoit mises de monsseur en avant ausquelles s'il n'avoit satissait ce auroit esté par-ce de Velly. laissé le Duc Sforce en l'estat de Milan du consentement

du Roy, & pour mettre l'Italie en repos: à ceste cause que le Roy regardast comment il entendoit de faire, tant en cela qu'és choses concernantes la foy & la paix universelle de la Chrestienté. Declarant toutesfois ledit seigneur Empereur qu'en ce faisant il voudroit avoir toutes les plus grandes seuretez qu'il pourroit prendre, pour l'observation des choses qui se traitteroient : selon lesquelles il feroit aussi de sa part tant que le Roy se devroit contenter. Celte fut la responce, le remettant à en deviser plus amplement avec le seigneur de Granvelle, lequel en effect s'estoit un peu plus ouvertement laissé entédre, si ces propos estoiét selon que la pensée. C'est à sçavoir que les trois poincts sur lesquels demandoit l'Empereur que le Roy dist franchement son intention, l'un estoit de la guerre contre le Turc en laquelle il offroit de partir avecques le Roy tout le bien & le mal qui en procederoit: l'autre quant à la foy & reiinion de l'Eglise, en laquelle il s'attendoit bien que le Roy conviendroit à toutes choses raisonnables, & mesmement quant à la reduction d'Angleterre, touchant laquelle promettoit bien ledit Granvelle que l'Empereur ne requeroit le Roy de chose qu'il ne peust faire fort raisonnablemet & à son grand honneur: le tiers poinct de la paix universelle en Chrestienté il le reduisoit au repos d'Italie, lequel il ne pésoit point pouvoir estre coservé sans que le Roy se desistast du faict de Genes, & sans forclore monseigneur d'Orleans du Duché de Milan, & que plus volontiers on orroit parler monseigneur le Duc d'Angoulesme: donnans assez à entendre qu'ils vouloient en tant que possible seroit essoigner le Duché de Mila de toute apparence de retomber à la couronne de France. Et au demeurant & sur toutes choses pria ledit de Gravelle ledit seigneur de Velly que toute ceste praticque se demenast secretiemet & sans passer par trop de mains: mettant en avant que pour traitter la chose plus couverte, il seroi: bon que môseigneur le Cardinal de Tour Farnese suc- non mostrant d'aller pour le debvoir du degré qu'il tenoit cesseur de Cle faire un téps de residence aupres de nostre S. Pere, * se troument de Me- vast à l'arrivée de l'Empereur à Rome: envers lequel indubi tablemet sil y venoit bie resolu du Roy, il trouveroit telle

* C'estoit le Pape Pol decis.

correspondance qu'estant la matiere desja si souvent discutée, il setoit incontinat aisé à veoir quelle yssue lon devroit esperer de toute la negotiation. Tous ces propos avoit le seigneur de Velly par le seigneur d'Espercieu faict à sçavoir au Roy, & depuis avoit trouvé lescholes en si bő train a son avis, qu'il avoit eu opinion, & l'avoit ainsi mandé au Roy, qu'il cust esté bon d'envoyer vers l'Empereur monseigneur l'Amiral de France pour traitter & conclure de toutes choses: & ceste estoit la cause pour laquelle se faisoit la depesche cydessus mentionnée vers ledit seigneur de Velly, car nonobstant que les nouvelles qu'il mandoit ne semblassent tendre sinon à bien, le Roy toutesfois avoit nouvelles certaines qu'és pais de l'Empereur on se preparoit à la guerre: & mesmes que le Comte de Nansau avoit envoyé faire une grosse levée en Allemagne, que l'Empereur faisoit repasser en Italie Dom Ferrand de Gonzague & ses Espagnols qui estoient demourez en Sicile. Parquoy ne se voulant tant amuser (que mal luy en print) sur ces propos mis en avant en termes generaux par l'Empereur & par les gens qui avoient le maniement de ses affaires, il depescha ledit Espercieu avec responce de ce qu'il avoit apporté, mandant par luy au seigneur de Velly son ambassadeur, qu'il eust au plus promptement que faire se pourroit, & quoy que fust avant la fin du mois de Ianvier, qui ja estoit entré, à luy faire entendre la finale & claire resolution de l'Empereur. fut telle que s'ensuit, la charge qui audit Espercieu en fur donnée. Premierement quant aux estroittes alliances entre l'Empereur & le Roy, c'estoit chose que le Roy non seulement desiroit, mais qui vouloit estre bastie de si bonne façon, que la grandeur de l'un jamais n'engendrast jalousie ne soupeçon à l'autre. Quant à baillet au Duc d'Angoulesme son fils l'estat & Duché de Milan en excluant le Duc d'Orleans son autre sils, c'estoit chose où il sie vouloit aucunement entendre, car ce seroit occasion de haine & de picque & à l'advenir de guerre entre lesdits freres, qu'il avoit nourris, & vouloit entretenir en paix & amitié. Quant à offrir à l'Empereur voulant entreprendre la conqueste d'Arger de luy en voyer ledit Duc d'Orleans son fils, aussi peu le trouvoit il raisonnable: car en ce faisant il y seroit plustost en espece & lieu d'ostage qu'il ne feroit demostration de bonne affection & confidence entre les deux

Princes. Qu'il ne vouloit pourtant laisser de secourir & assister à l'Empereur en la susdite entreprise, ains luy offroit à l'entrée du printemps ses galeres avecques deux mille homes payez, & sur icelles un bon chef personnage d'experience & d'authorité: adjoustant que si l'année ensuyvante ledit seigneur entreprenoit le voyage de Constantinople, luy de bon cueur y affifteroit en personne & l'y accopagneroit avec toutes ses forces. Et quant à la reformation & reiinion de l'Eglise il avoit esté, estoit & seroit tous jours propt & affectioné, autant en Allemagne qu'en Angleterre, & par tout ailleurs. Bien estoit d'advis quant au faict d'Angleterre, afin qu'il eust plus de couleur de presser le Roy dudit païs à se condescendre à l'opinion universelle des Chrestiens, que l'Empereur fist que nostre S. Pere sommast de ce faire tous les Princes & Potentats Chrestiens, & à luy assister & donner main force pour faire obeir ledit Roy à la sentence & determination de l'Eglise. Quant à la paix & repos d'Italie, que luy (au cas qu'au Duc d'Orleans son fils l'Empereur donnast & delivrast le Duché de Milan)renonceroit à jamais à sa querelle du Royaume de Naples & feroit renoncer ledit d'Orleans son fils à celles de Florence & d'urbin, avec telles & si grandes seurctez que l'Empereur mesmes adviseroit : comme de faire une ligue universelle, laquelle d'un accord & consentement commun sust obligée à conserver & maintenir ceste renonciation, & cou rir sus au premier qui au temps advenir y contreviendroit, declarant toutesfois qu'il n'entendoit point accepter l'investiture de Milan pour ledit Duc d'Orleans son fils, autrement qu'en la melme forme & maniere que l'avoient eue ses predecesseurs: en quoy faisant il doneroit tresvolontiers à l'Empereur jusques à la somme de trois à quatre cens mille escus, pour s'en ayder à la premiere entreprise qu'il feroit & au demourant semployeroit en faveur dudit seigneur Empereur, esperant bien d'en venir à bout, envers les Princes & estats de l'Empire, qu'ils advoueroient & recevroient unanimement le Roy Ferdinand son frere à vray & legitime Roy des Romains. Luy ayderoit à reduire en son obeif sance routes choses de droiet appartenantes à la maison d'Autriche: & generalement s'employeroit à toutes autres choses où justement employer se pourroit, & sans aucune chose y espargner, pour la grandeur & accroissement

desdits seigneurs Empereur & Roy des Romains son frere: renonçant à toutes autres praticques & alliances prejudicia bles à leurdit accroissement: reservant seulement de ne riens entreprendre par voye de faict injustement à l'encontre de ses anciens amis & alliez, & comprenant au nombre d'iceux le Duc de Gueldres, auquel il avoit sa foy promise. Bien offroit-il toutesfois, au cas que l'Empereur voulust entrer en ceste grande confidence, de renoncer au droict à luy acquis par la donation que luy avoit faicte iceluy Duc de Gueldres, & le remettre en puissance & liberté d'en disposer de rechef à son plaisir, & signamment au prousit dudit leigneur Empereur & de sa posterité. Et pour-ce que sedit eigneur de Granvelle avoit tenu quelque propos des Lanquenets qui se levoient en Allemagne au nom du Roy: lien vouloit advouer qu'il en faisoit lever six mille, mais ion pour envoyer ailleurs, qu'à recouvrer du Duc de Sa-'oye (au cas qu'il fust delayant de luy faire raison) les païs E terres à luy appertenantes par succession de seue madame a mere, pour le recouvrement desquelles choses il envoyoit es ambassadeurs en faire demande & offrir amiable comsosition au Duc: au refus duquel il entendoit poursuivre son droict par la voye des armes, se tenant seur & certain, que l'Empereur ayant transigé & appoincté de toutes autres choses, ne vouldroit au prejudice de luy, favoriser ledit Duc de Savoye contre raison. Telle sut la response du Roy, avec promesse qu'incontinant la declaration de l'Empereur fur ce venue, il envoyeroit par mer, afin de faire meilleure diligence, mondit-seigneur l'Amiral qu'ils demandoient, ou à Naples ou à Rome, selon ce qu'il luy seroit faict à sçavoir, pour de toutes choses traitter & conclure, en sorte que chacun d'eux en demourast content.

C e s T e depesche faicte le Roy perseverant en sa deliberation apres avoir en son coseil estroict deduit les droits & querelles qu'il avoit contre le Duc de Savoye, & par l'ais de sondit conseil ordonné comment il procederoit en est affaire, depescha monsieur le Presidant Poyet devers nondit-seigneur de Savoye, lequel y proussita autant que m avoit saict aux precedentes legations: car la Duchesse de avoye entretenoit ledit Duc en ceste opinion, l'asseurant

de secours de l'Empereur.

premiere deperche du Roy vers l'Empcreur.

Espercieu ce-pendant arrivé à Naples le seigneur Effect de la de Velly se retira vers l'Empereur, auquel de l'instruction qui auoit esté baillée audit Espercieu, il declara ce que luy sembla selon les occurrences & occasions estre requis de declarer, mais il n'en retira de luy aucune plus ouverte demonstration de vouloir venir à conclusion & fin des propos mis en avant. Il trouva toutesfois grande multiplication de bonnes paroles sans venir aux particularitez, avecques iteratives protestations que les choses fussent tenues secrettes, & mesmement à nostre saince Pere, lequel avoit le moyen, & ne faudroit de le mettre à execution de donner de grandes traverses ou à l'Empereur, ou à la praticque, fil entendoit qu'elle se menast sans luy: & qu'à ceste cause estant le Cardinal du Bellay aupres de sa saincteté, de laquelle il dependoit entierement, il estoit requis & necessaire de luy dissimuler & cacher ceste negociation, de peur qu'il luy advint de la declarer, & que de la declaration il advint roupture. Toutesfoys il en feit advertir ledit S.Pere, & mesmement par le scigneur André d'Orie, qui vint vers sa saincteté à Rome, en pattie pour ses propres affaires, & pour obtenir une dispense qu'il impetra pour le fils de sa femme, de pouvoir espouser la seconde fille dAntoine de Leve, non-obstant qu'il eust au paravant espousé l'aisnée qui depuis estoit decedée, , aussi en partie envoyé par ledir seigneur Empereur, tant pour luy rendre compte du voyage de Tunis, comme pour luy declarer ceste praticque, laquelle il luy declara bien au long, & luy donnant asseurance que sa majesté encores qu'elle prestast l'oreille aux gens du Roy qui luy en portoient parole, estoit toutefois resolue de n'en traitter ne conclure aucune chose, sinon apres en avoir communiqué avecques icelle, & par son consentement, advis, & bon conseil. Or ne tarda gueres que le Roy fut adverty, & de la grande instance que l'Empereur faisoit de tenir ceste pratique secrette à nostre S. Pere, & de la declaration que ce neantmoins il luy en avoit fait Laquelle chose avecques la longue dissimulation, & les remises dont il usoit sans venir au poinct, luy donnerent grande occasion de croire que l'Empereur en cest affaire taschast mettre ledit sainct Pere en souspeçon & def fiance de luy: & pour-ce feit des le cinquiesme jour de Fe yrier une depesche au seigneur de Velly, en l'advertissan

de rechef qu'il eust à presser l'Empereur & ceux de son conseil de se laisser plus clerement & ouvertement entendre, Autre de-& qu'autrement ils luy donneroient cause de penser par les pesche & refrivoles excuses qu'ils mettoient en avant pour ne baillet le charge du Duché de Milan au Duc d'Orleans, que l'Empereur ne ten-Roy à mondist sinon à l'amuser & mener de paroles ce-pendat que luy seigneur de farmeroit & fortifieroit. Car quant à dire que le Duc d'Or- Velly. leans estoit trop prochain de la succession à la courone, on pouvoit bien considerer que son frere le Dauphin estoit en aage & de complexion d'avoir enfans, plustost que de n'en avoir point. Secondement qu'il n'estoit raisonnable qu'en forcluant le plus aagé, luy qui estoit pere de tous deux, baillast ou pourchassast de bailler un tel estat au plus jeune, qui seroit mettre une division, picque, & occasion de pis entre lesdits freres, & seroit retomber à mettre l'Italie en guerre, non pas (comme l'Empereur le desiroit) en paix, repos, & tranquilité, Car il falloit penser de deux choses l'une, ou que son sils le Duc d'Orleans irrité de ceste sienne exclusion, entreprendroit la guerre contre son propre frere, pour recouvrer ce qu'il penseroit luy appartenir, ou (pour le mieux) qu'eux deux ensemble s'accorderoient, & laissant le Duc d'Orleans le Duché de Milan pai sible au Duc d'Angoulesme son plus jeune frere, le Duc d'Angoulesme luy bailleroit le passage, gens, vivres, & tout ce qui seroit en sa puissance, jusques à l'assistance de sa propre personne, pour luy ayder à recouvrer lesdits Duchez de Florence & d'urbin, pour doubte desquelles l'Empereur differeroit de bailler Milan audit d'Orleans. Parquoy sembloit au Roy que le plus prompt expediant pour assopir les querelles de Florence & d'urbin, & tenir Italie en repos, estoit de contenter le Duc d'Orleans par le Duché de Milan, & au moyen de ce faire renoncer & luy & sa femme aux autres querelles, & faire une ligue (comme il est dit cy devant) conservatrice de ceste renonciation: adjoustant d'avantage qu'il vouloit absolutement que l'Empereur declarast quand il bailleroit investiture dudit Duché, à quel tiltre, en quelle forme, & soubs quelles conditions il le vouldroit faire: car quant à luy son intention estoit qu'elle fust ample, & l'estendist à tous les descendans du premier Duc Loys d'Orleans. Se contentant toutesfois quant à sa personne pour satisfaire à la volonté de l'Empereur qui ne

vouloit mettre ledit Duché de Milan entre les mains d'un Roy de France, de n'en estre investy, sinon comme usufructuaire, & comme ayant le bail & jouissant des fruicts au

nom de ses enfans Ducs titulaires.

T E L L E fut en substance la depesche que feit le Roy au seigneur de Velly sur la responce qu'il luy avoit faicte, à ce que Espercieu avoit par instructions respondu audit de Velly sur les premiers propos mis en avant depuis la mort du Duc Sforce: & au seigneur de Leidekerke ambassadeur de l'Empereur, lequel en avoit autant declaré de bouche au Roy, comme luy avoit le seigneur de Velly mandé par lettre ledit seigneur seit pareille response, adjoustant que là où il voudroit retenir en son cueur aucune mauvaise vo-Ionté contre l'Empereur, il accepteroit ledit Duché à quelques conditions que ce fust, & puis en feroit comme il entendroit, mais qu'il le vouloit avoir à tel party qu'il demourast content & amy de l'Empereur, & qu'entre-eux deux n'y eust jamais jalousie de la grandeur ou de l'un, ou de l'aurre: laquelle y estant, jamais ne seroit possible qu'il y eust amirié durable. Quant à luy qu'il ne vouloit estendre sa grandeur plus avant que Milan: celle de l'Empereur il la desiroit autant avant qu'il plairoit audit Empereur, & à l'accroistre luy assisteroit par tout de son ayde & faveur, en gardant toutesfois chacun ses amis tant d'une part que d'autre, car il ne vouloit des siens en abandonner aucun. Et quant au faict de Genes dont l'Empereur avoit faict mention, que luy estoit content de superséder sa querelle en faveur de luy, jusques à ce qu'elle se puisse vuider par quelque bon & honneste moyen. Sur-ce concluant (& priant le leigneur de Leidekerke d'ainsi le remostrer à l'Em pereur) que plus grande seureté ne pouvoit ledit seigneur avoir de luy, qu'avoir ceste cognoissance: qu'il ay moit mieux entrer en roupture que de faire un traitté à regret, que par apres il ne voulust ou sceust tenir. Pendant ces allées & venues l'Empereur eut nouvelles de Venise, comment le seigneur de Beauvais y estoit allé pour saire mettre en avant quelques partis nouveaux avecques la seigneurie: & de son ambassadeur estant riere le Roy, que l'Evesque de wincestre y estoit arrivé de la part du Roy d'Angleterre, aussi pour la conclusion de quelque nouveau traitté: pareillement d'Allemagne touchant la negociation qu'y avoit faicte le seigneur de Langey de par le Roy. Et (comme est la coustume de qui se deffie penser du mal d'avantage, & du bien moins qu'il n'y a) en feit faire de grandes plainctes au seigneur de Velly par les seigneurs du Prat, de Plainctes de Cannes, & de Granvelle, & principalement du faict d'Alle-l'Empereur magne: dont il feit aussi faire ses plainctes à nostre S. Pere, sur les entrelequel toutesfois avoit desja esté adverty de toute ladite ne- prises du gociation par le Cardinal du Bellay, & par l'Evesque de Ma Roy. scon ambassadeur du Roy aupres de sa saincteré: laquelle à ceste cause s'en esmeut moins qu'elle n'eust faict. Ausdites plainctes respondit ledit seigneur de Velly que ce n'estoit chose inconveniente ne destraisonnable que le Roy son maistre en traittant avecques ledit seigneur entretint ses autres amis & confederez, & quant au faict d'Allemagne que ledit seigneur de Langey avoit parlé publicquement, & non d'autre chose que de la reduction de l'Eglise en bon ne concurrence & union de doctrine; ce nonobstant il l'advertiroit tres-volontiers de l'ombre que ledit seigneur en prenoit, & se tenoit bien asseuré qu'il en auroit response à fon contentement & satisfaction. 'Si est-ce que l'Empercur print là dessus ou occasion ou couleur de refroidir pour un temps les propos qui se demenoient avecques luy de ceste investiture & deliyrance de Milan : & depescha le sieur du Prat en Allemagne soubs umbre de le envoyer entendre la verité des praticques & menées qu'y faisoit le Roy, mais en effect pour y en faire d'autres contre luy, & pour y faire nouvelle levée de Lansquenets, ainsi que depuis il a esté sceu & cogneu. Aussi envoya le seigneur André d'Oric à Genes equipper son armée de mer, pour faire (ainsi qu'il feit) courir le bruict de son entreprise d'Arger, mais à la verité pour un faulx alarme qui luy fut donné, ou pour souspeçon que deffiance luy avoir engendré, que le Roy praticquast à faire revolter ledit estat de Genes:ne voulut toutesfois qu'il en fust aucune chose communiqué a l'ambassa deur de France, & fut le partement dudit d'Orie sans bruit, chose qui donna depuis estre venue à la cognoissance du monde grande matiere & occasion d'en estimer & craindre ouverture prochaine de guerre plustost, qu'en esperer confirmation de paix & d'amitié.

LE Roy ce-pendant fut averty par lettres de mosseur le

Depesches de l'Empereur,

V. LIVRE DES MEMOIRES

President Poyet de la responce du Duc de Savoye, laquelle n'estoit selon son intention. Bien vint devers le Roy le Comte de Chalan par le Duc de Savoye pour penser reparer la desfaicte qui avoir esté faicte par les gens du Duc de la compagnie du seigneur Rence (comme j'ay dict cy dessus) la responce doncques de monseigneur de Savoye n'estoit que dissimulations. Le Roy s'estant mis envers luy en toutes les raisons qu'il estoit possible, & voyant qu'il falloit que les armes en fissent jugemét, depescha le Comte de S. Pol pour entrer en Savoye:ce qu'il feit en telle diligence, qu'avant que monseigneur de Savoye eust loi sir de pourveoir à son faict, il conquist toute la Savoye sans trouver resistence, hors mis à Montmelian, où y avoit un capitaine Napolitain nommé Francisque de Chiaramont, lequel en fin se voyant sans vivre & esperance aucune de secours, rendit la place ses bagues sauves: & depuis mesprisé par ledict Duc de Savoye, vint au service dù Roy, où il luy a faict plusieurs bons services en plusieurs lieux.

LE Roy ne laissoit ce temps pendant à poursuivre son

entreprise envers l'Empereur, & n'estoit chose qu'il eust

Conqueste de toute la Savoye par mo-Seigneur de S. Pol.

peu faire à son honneur, encores que c'eust esté à son dommage: à laquelle il ne se fust tresvolontiers condescendu, pour avecques paix & amitié de l'Empereur avoir le Duché de Milan, pour le Duc d'Orleans son fils. Et à ceste cau se pour sarisfaire audir seigneur Empereur, il trouva moyen de contenter le Roy d'Angleterre, & de son consentement differer pour quelque temps la conclusion du traitté avec l'Evesque de Wincestre. Aussi revoqua le seigneur de Beauvais qu'il auoit envoyé à Venise, & de la negociation du Dissimula-seigneur de Langey en Allemagne escrivit en sorte que tion des Im-l'Empereur s'en contenta, ou (pour le moins) mostra de s'en contenter:& tellement que le dixneusiesme jour de Fevrier estant le seigneur de Velly prest à depescher un courrier vers le Roy, les seigneurs de Cannes & de Granvelle luy firent instance de differer pour ce jour là, & que luy de sa part, aussi eux de la leur pensassent plus avant sur ceste difficulté du Duc d'Orleans au Duc d'Angoulesme. Au lendemain matin ils l'envoyerent querir, & apres longue disputation, voyans qu'ils ne pouvoient tirer de luy au tre chose, luy accorderent le Duché de Milan pour mon-

scigneur le Duc d'Orleans, moyennant toutesfois que le

periaux sur le traitté de paix.

Roy trouvast party pour la veufve Duchesse niepce de l'Empereur, & sans se declarer ouvertement donnerent occasion de penser qu'ils entendissent qu'elle fust donnée au Roy d'Escosse. Ce qui feit audit seigneur de Velly plus adjouster de foy à leur dire, & qu'ils parloient comme de chole conclue & arrestée, ce sut ce qu'ils luy remonstrerent & prierent de remonstrer au Roy, qu'ils n'avoient si peu travaillé en cest affaire, qu'ils ne pensassent bien avoir merité que le Roy leur laissaft ce que le Duc Sforce luy avoit donné audict Duché. Parquoy il s'enhardit & jugea d'entrer plus avant aux particularitez, & mesmement des seuretez qu'ils demanderoient: à quoy ils respondirent qu'ils ne les demadoiet sino honnestes & raisonnables, & telles qu'eux mesmes les bailleroient de leur costé. Aussi parla des conditions de l'investiture, surquoy ils interrompirent sa parole, disans qu'il suffisoit pour ceste fois d'avoir consenty & accordé le principal, & que monsseur l'Amiral à sa venue acheveroit le demourant, auquel on feroit tort estant tel personnage qu'il estoit, & attendu le lieu qu'il tenoit aupres de son maistre, si on le faisoit venir pour seulement ra tifier ce qui avoit esté faict par autruy, mais que bien pouvoit on asseurer le Roy qu'à la venue dudict seigneur Amiral, tout le surplus se concluroit, & sans aucune difficulté. Priant toutesfois sur toutes choses que ceste conclusion fust secrette entr'eux, & qu'ils se gardassent bien de faire ne dire chose, au moyen dequoy il vint à la cognoissance du Cardinal du Bellay q ceste difficulté fust vuidée, & qu'eux aussi, donneroient garde que le Comte de Sissuentes leur ambassadeur aupres de nostre S. Pere n'en sçauroit riens. A tout ce parlement assisterent outre les dicts seigneurs de Cannes & Granvelle autres deux secrettaires de l'Empereur: & au lendemain l'un d'eux apporta monstrer audit sei gneur de Velly unes lettres de pareille substance qu'avoient esté les propos du jour precedant, laquelle escrivoit l'Empereur au seigneur de Leidekerke son ambassadeur, 2vecques charge expresse qu'il la monstrast, & l'eust de mot à mot au Roy. Bien luy dit celuy qui luy apporta monstrer les lettres que depuis ceste difficulté vuidée, l'Empercur avoit eu telles nouvelles du traittement que le Roy faisoit au Duc de Savoye, que si plustost il les cust'entendues, jamais ne fust codescendu à dire le mot:mais puis qu'il estoit dit c'estoit assez, & que l'Empereur esperat que par un mesme moyen l'appointeroient les choses de Savoye, ne s'en

dediroit jamais.

En un mesme temps eut le Roy ceste nouvelle, & autres qui diminuoient beaucoup de la foy qu'autrement il y eust adjoustée. Premierement que nostre S. Pere avoit esté par les gens de l'Empereur adverty par le menu de toute ceste conclusion ou pour mieux dire (& comme par les effects il a depuis esté cognu) simulation: dont ledit S. Pere entra en tres-grande dessiance & souspeçon contre le Roy. Secondement qu'incontinant apres la revocation de Beauvais, l'Empereur avoit tant pressé les Venitiens qu'ils estoient entrez en ligue defensive pour le Duché de Milan, en faveur de tel personnage qu'à sa majesté plairoit en investir: & qu'il faisoit tres-grande instance d'y faire aussi entrer nostredict S. Pere. Tiercement qu'il avoit envoyé offrir de grands partis au Roy d'Angleterre pour le tirer du tout à sa devotion. Quartement de l'allée du seigneur du Prat en Allemagne, & qu'en passant à Milan il avoit porté paroles entierement contraires à ce que demandoit & esperoit le Roy de l'Empereur: passant aussi par Flandres, il avoit avecques les deputez du païs, & des autrres païs bas de l'Empereur à ceste sin convoquez & assemblez, conclut, & arresté de grands preparatifs de guerre. Pour la cinquiesme estoient les preparatifs que faisoit le seigneur André d'Orie. Lesquelles choses de tant plus luy estoient suspectes que l'Empereur luy foisoit dire soubs main que tous ces preparatifs se faisoient, les uns pour l'entreprise d'Arger, & les autres pour mieux couvrir & celer à nostre S. Pere que la susdite difficulté du duc d'Orleas au duc d'Angoulesme fust vuidéc: & le Roy toutesfois estoit adverty de plusieurs bons lieux, que nostre-dict S. Pere estoit informé de tout par le menu. Et à ceste cause il se resolut de pousser outre en Savoye, & plus avant, sans inter rompre toutes sois sa negociation avecques l'Empereur, à quelque fin qu'elle se deust reduire.

Des prognose année.

CESTE année fut un grand & merveilleux cours de streations qui propheties & prognostications, qui toutes promettoient à coururent ce- l'Empereur heureux & grand succez & accroissement de fortune: & quand plus il y adjoustoit foy, detant plus en faisoit l'on semer & publier de nouvelles: & proprement

sembloit à lire tout ce qui s'en espandoit ça & là, que ledict seigneur Empereur fust en ce mode nay pour imperer & commander à Fortune. Cenonobstant & côbien que le Roy ne fust en aucune doubte que mouvat guerre au Duc de Savoye, il l'attireroit sur les bras toutes les forces de l'Empereur: encores aussi qu'il sceust tresbien, quelle estoit l'inclination des uns (en conferant telles prognostications avecques l'heur & felicité qui avoient ja par si long téps accompagné toutes les entreprises dudict seigneur Empereur) à esperer & attendre, & des autres à craindre, qu'il en advint tout ainsi que les prognostications promettoient, comme si elles fusient procedées du propre oracle du S. Esprit, & de maniere que jusques en ce Royaume aucuns supersticieux en fussent espourez & effrayez, luy toutesfois ne s'en estonna, ne changea jamais sa deliberation, pour chose dont il en fust menassé par telles inventées prognostications: ains demouratel que tous jours il avoit esté, c'est à dire magnanime, & constant à mespriser & contemner ceste maniere de supersticieuses & abusives propheties, come celuy qui ne varia oncques de la cognoissance & foy qu'il a tousjours eue en Dieu seul cognoissant & dirigeant le cours des choses futures, & qui en sa puissance a retenu & reservé la disposition des temps & des moments, & lequel il esperoit certeinement luy devoir estre en ayde, attendu le grand devoir où il s'estoir mis de chercher par amiable composition, non tant à recouvrer le sien qu'à faire au moins que l'occupateur l'en servist: non pas en feist (cōme j'ay dict) eschelle à ses ennemis, pour envahir & transgresler les bornes & limites de son Royaume. A ceste cause il ordonna que l'equippage fust prest, duquel il avoit faict estat pour l'entreprise & conqueste des choses que luy oc- Nombre des cupoit le Duc de Savoye: en laquelle entreprise il avoit e- gens de guerstably & ordonné son lieutenant general messire Philippe re du Koy. Chabot Comte de Busancez Amiral de France, & avecques luy les chefs & capitaines particuliers qui ensuivent Et premierement homme d'armes, le nombre de huict cens & dix lances, sçavoir est la bande dudict seigneur lieutenat general, celle de messire Iaques Galiot Grand-escuyer & Maistre de l'artillerie de France, celle de Messire Robert Stuard Mareschal de France, & capitaine de cent Es-

cossois de la garde du Roy, celle de messire René sire de

Montejan, chacune de cent hommes d'armes: celles de monseigneur François Marquis de Salusses, de messire Claude d'Annebault, de messire Antoine seigneur de Motpelat, de messire Iean de Touteville seigneur de Villebon Prevost de Paris, de messire Gabriel d'Alegre, de messire Charles Tiercelin seigneur de la Roche-duMaine, chacune de cinquante, & celle du seigneur Iean Paule de Cere de soixante hommes d'armes. Chevaux legers mille, c'est à sçavoir soubs la charge du seigneur d'Ess'é cent, du seigneur de Termes cent, du seigne ur d'Aussun cent, du seigneur de Verets Savoisien cet, la charge generale desquels fut donée audit seign eur d'Annebault chevalier de l'ordre, & depuis Mareschal de France. Gens de pied Fraçois douze mille du nombre des legionnaires, sçavoir est, deux mille Picards soubs la charge de messire Michel de Brabançon seigneur de Cany, & messire Antoine de Mailly seigneur d'Auchy: deux mille Normans soubs la charge du capitaine la Salle, & du capitaine S. Aubin l'hermite: deux mille Chapenois soubs la charge de messire Iean d'Auglurre seigneur de Iour, & du seigneur de Quinsi: mille de Languedoc soubs la charge du chevalier d'Ambres : quatre mille de Dauphiné soubs la charge du seigneur de Bresieux & autres: mille soubs la charge du seigneur de Forges, l'un des eschasons ordinaires du Roy. De toutes lesquelles bades de gens de pied la charge generale fut donnée audict sire de Monrejan aussi chevalier de l'ordre, & depuis Mareschal de Fra ce. Lansquenets six mille soubs la charge du Comte Guillaume de Fustemberg: soldats François, non legionnaires, le capitaine Lartigue Dieu cinq cens, le capitaine Blanche cinq cés, le capitaine Auguar cinq cens, le capitaine wartis Navarrois cinq cens: Italiens soubs la charge du seigneur Marc Antoine de Cusan gentilhomme Milanois, l'un des escuyers d'escuyerie du Roy deux mille, & soubs la charge du seigneur Chrestosse Guaco mille, avecques bon nombre d'artillerie. Pour le faict de laquelle furent ordonnez trois commissaires, deux contreroolleurs, quarante canonniers unze conducteurs de charroy, deschargeurs, charpentiers, charrons, & forgeurs: & pour les cas inopinez soixante personnes extraordinaires, pionniers huict cens, chevaux six ceus octante, & la principale charge de ladicte arrillerie à messire Charles de Coucis seigneur de Burie, l'un des

DE MESS. GUILLAUME DU BELLAY.

des gentilshommes ordinaires de la chambre du Roy.

D E Cremieu en Dauphiné partirent le sixiesme jour de Mars le nombre de trois mille legionnaires dudict pais, & les mille estans soubs la charge du seigneur de Forges: avecques lesquels partit le seigneur d'Annebault, auquel se vint joindre la bande du seigneur Jean Paule de Cere au lieu de Briançon: & quelques jours apres le seigneur de Montejan les acconsuivit en poste: & à deux journées pres les suivoient les Lansquenets. Là vindrent nouvelles aufdicts seigneurs d'Annebault & de Montejan, comment le Comte Philippe Torniel & Iean Iacques de Medicis Mar- de guerre ets quis de Marigna marchoit au devant d'eux avecques qua- Piedmont: tre mille hommes de pied, pour gaigner & leur clorre le passage de Suze:parquoy ils se hasterent de marcher à l'encontre d'eux, craignans que si l'ennemy gaignoit le passage avecques les gens qu'il avoit aguerris, eux qui avoient prefque tous ges nouveaux, & de nombre aussi peu qu'en avoit l'ennemy, fust difficile, voire impossible d'y faire ouverture: leur diligence fut telle qu'ils eurent passé jusques en la pleine au dessoubs de Suze, avat que les ennemis y arrivassent, lesquels ne les oserent attendre, mais se retirerent en aniere: & furent par noz gens suiviz de logis en logis jusques à Tutin ville capitale de Piemont, en laquelle ils ne foserent mettre. Parquoy les habitans ainsi destituez & abandonnez se rendirent à la sommation desdicts seigneurs d'Annebault & de Montejan, qui entrerent dedans, & la mirent és mains du Roy. Les ennemis se logerent à Chivas, & là fut envoyé un trompette les sommer, parquoy ils en deslogerent, & se rendit Chivas à l'obeissance du Roy. Cependant arriverent les Lansquenets à Turin, & peu apres monsseur l'Amiral lieutenant general du Roy, qui là ferma rin par les son camp, & depuis au lieu de Chivas en attendant le sur-segneurs plus de son armée, qui estoit encores par les chemins, & d'Annequi arrivoit journellement à la file, dont plusieurs le blasmerent, dequoy il ne poursuivit sa fortune contre gens Montejan. estonnez.

L E douziesme jour d'Avril arriva l'artillerie que condui soient lesdicts deux mille legionnaires des seigneurs d'Auchy & de Cany. Le quinziesme jour au matin il dessogea de Chivas en intention d'aller campaier sur la grande Doaires ceste Doaire sappelle grade à la différece de l'autre Doaire

Comencemen

qui sort du mont Genevre. Desja estoit le camp dudict seigneur Amiral depuis son arrivée renforcé de quatre à cinq mille hommes de pied François, & environ de quinze cens Italiens: & pouvoit avoir en tout le nombre de quinze à sei ze mille hommes de pied, y comprenant les Lansquenets: de gens de cheval il n'en pouvoit encores avoir plus hault de deux cens cinquante en hommes d'armes, archers, & chevaux legers. De l'autre bort de la riviere estoient les seigacurs Dom Laurens Emmanuel ambassadeur de l'Empereur, Iean Iacques de Medicis, & Iean Baptiste Castalde avec le nombre de quarre à cinq mille hommes de pied, & gens de cheval le nombre de quatre à cinq cens, qui monstrerent contenance de vouloir faire teste, & de garder le Les ennemis passage de la riviere. La deliberatió dudict seigneur Amiral

forcez, au paf n'estoit point de passer ce jour la riviere: mais incontinant aire.

fare de la ri-que noz gens veirent l'ennemy en teste, ils furent surpris de viere de Do-telle ardeur & impetuosité de combatre, que commandement ne remonstrance que le pont n'estoit encores faict n'eurent lieu envers eux, qu'ils ne le pressassent & importunassent de leur donner congé de passer outre : tellement que vaincu de leur importunité, il fut contraint de leur doner cogé. Ce qu'il ne seit si tost, qu'avec le mot ils ne se get tassent en la riviere jusques à l'estomach: & bien que l'eavefust forte & roide, toutesfois jamais ne Lansqueners ne Fra çois ne perdirent leur ordre en la traversant, & commencerent à l'approcher de l'ennemy, par telle surie, qu'il n'osafaire contenance de les attendre, ains print le chemin pour se retirer aux grandes alleures à Verceil. Et si tous noz gens. de cheval ordonnez à ceste entreprise, ou quelque meilleur nombre d'eux fussent alors esté arrivez, en sorte que noz gens cussent esté les plus forts de cheval aussi bié qu'au cotraire l'estoient les ennemis, pour les escarmoucher souvét, & contraindre de marcher en bataille, tant que noz gens de pied les eussent acconsuivis, il n'y a point de doute qu'ils eussent esté desfaicts par les nostres, avant que jamais ils fusient arrivez audit Verceil. Vn legionnaire passa la riviere à nage pour aller querir un batteau de l'autre, costé, lequel il amena en despit des ennemis, encores qu'ils luy tirassent des coups d'arcbouse sans nombre : mais jamais ne sur touché. Monscigneur l'Amiral pour donner cœur aux autres, luy fift donner en presence de tous un anneau d'or, ensuiDE MESS. GUILLAUME DU BELLAY. 192 rant l'ordonnance du Roy. Et ce jour alla nostre camp lorer au lieu de Savillan, où il sejourna tout le lendemain, at endant les vivres qui n'estoient arrivez, à cause que le pont ainsi que j'ay dict)n'estoit encores faict, quand ledit camp

assa la riuiere.

C E temps pendant ne se discontinuoient à Naples les raticques de confirmation de paix,& de plus estroittes aliances d'entre l'Empereur & le Roy: & d'autant plus les en Continuation retenoit l'Empereur (à ce que depuis il a esté cogneu) pour- des traittez, e qu'il esperoit soubs couleur de ceste pratique moyen- de paix. er que l'entreprise du Roy contre le Duc de Savoye proederoit plus lentement: & qu'il auroit tant plus de loisir & ommodité de se preparer à la guerre, au cas que la paix ne e peust conclure à son intention:car il se tenoit offensé du loy,& souvent sen plaignoient au seigneur de Velly amassadeur de France. Lesdicts seigneurs de Cannes & de Granvelle principaux entremetteurs des affaires de l'Emereur allegans en somme que le Roy sur & pendant les raticques de paix n'avoit deu entrer en guerre : le seigneur e. Velly au contraire leur remonstroit que ceste guerre ne ouvoit aucunement toucher à l'Empereur, & que la praeque mise en avant estoit seulement sur les querelles qui stoient ou avoient esté entre-eux & non point sur celles e Savoye, pour lesquelles ceste armée du Roy estoit drese, mais avecques expres commandemet de ne toucher auune chose que l'Empereur tint ou possedast, à quesque tilre & couleur que ce fust: que l'on pourroit toutesfois, si dict seigneur Empereur le trouvoit bon, en vuidant les utres querelles, vuider aussi celle de Savoye par un mesne moyen. L'Empereur monstroit de n'estre du tout hors e volonté de conclurre les pratiques, & tousjours les enetenoit, messant entre deux vertes vne meure, aujourd'huy oubte, demain esperance, jusques au jour de son partenent de Naples, qu'il dist au seigneur de Velly, qu'estant ir son deslogement il ne luy pouvoit donner responresolue, mais qu'à Gaiette les seigneurs de Cannes & franvelle la luy donneroient. Ceste remise ne sçavoit le igneur de Velly s'il devoit interpreter à ceremonie de ouloir faire les choses meurement, ou dissimulation, 'atendant nouvelles de la levée de ses Lansquenets. Et ce penant l'Empereur ne perdoit temps à presser en toutes ma-

nieres nostre S. Pere de se vouloir declarer partisan envers luy. Au lieu de Gaiette le seigneur de Velly pressa d'avoir response, mais il n'en peut tirer autre, sinon que s'il n'avoit nouvelle du Roy, qu'il attendist avoir la response à Rome, pendant lequel temps il pourroit avoir nouvelles du Roy, aussi que l'Empereur alors pourroit parler du faict de Savoye, lequel il ne pouvoit à son honneur dissimuler. Respondit le seigneur de Velly que le delayer jusques à ce que lon cust nouvelles du Roy, n'estoit sinon perdre téps, & que le Roy n'escriroit riens, qu'il n'eust preallablement response sur les articles dont on l'avoit remis, de respondre à Gaiette. Repliqua le seigneut de Gravelle qu'il craignoit fort que le traittement que lon faisoit au Duc de Savoye nuissit beaucoup à la conclusion de ceste pratique. que la demande de l'usufruict, & pour le propos que mettoit en avant le Roy de ne vouloir abandonner aucun de ses confederez, desquels propos n'avoit esté parlé au paravăt, sembloit à l'Empereur que le Roy pour la facilité qu'il auroit trouvée en luy, en hausast d'autant plus ses demades: & quant aux confederez il n'estoit besoing d'en parler, tant que lon fust d'accord du principal, combien que sur cest arricle l'Empereur n'estoir pour demander choses que raisonnables: & quant à Gueldres, particulieremet on le laisseroit jouir sa vie durant, accomplissant par luy les choses qu'il avoit traittées, & à l'observation desquelles le Roy par le traitté de Madril estoit obligé : des autres alliances d'Allemagne que l'Empereur les permettoit au Roy, pourveu qu'il n'en abusast point. Quelques jours apres sut declaré au seigneur de Velly que l'Empereur vouloit au cas qu'il traitast aucune chose, que tous les cofederez du Roy signal sent les traittez, & que luy en feroit autant faire aux siens: d'autant aussi que pour l'investiture de Milan il vouloit exclure quiconques viendroit à estre Roy de France, à ceste cause il vouloit que les estats de France & de Milan le jurassent, & que cela fust publié par edict incommutable, le quel le Roy de France & les Ducs de Milan jurassent à leu advenement d'observer & entretenir comme les chose d'anciennes observance. Puis demandoit l'Empereur estre asseuré que le Duc de Lorraine jamais ne feroit querelle touchant le Duché de Gueldres: [aussi vouloit que le Ro] rompist le mariage de la fille de Vendosme au Roy d'Es

cosse, car il vouloit suy bailler sa niepce la Duchesse de Milan, & que la fille de Vendosme fust baillée au Prince d'Orenge, & que le Roy print en soy la charge de bien colloquer la fille du Duc de Lorraine, de la quelle avoit esté men

tion pour ledict Prince d'Orenge.

En ceste maniere se comporta l'Empereur depuis Naples jusques à Marine, place appartenante au seigneur Vespassen Colonne en terre de Rome, tenant les pratiques en assez bon train, & avecques esperance de paix un jour plus & un jour moins, & mettant aujourd'huy une condition en avant, au lendemain une autre, ainsi qu'un homme qui ne se vouloit laisser entendre. Et donnoit occasion de penser qu'en effect son intention fust bonne: mais qu'il craignist que le Roy entretint ceste praticque, seulement pour sentir & cognoistre de luy par ce moyen à quoy lon le pourroit finablement tirer: en se tenant tousjours luy en son entier de dire apres ou si, ou non, selon que l'occurrence & evenement des choses & du temps luy donneroient jugement & cognoissance de ce qui luy seroit meilleur de faire: comment que ce fust, il vouloit bien qu'on le pensast ainsi, & à ceste sin mettoit & saisoit mettre toures ces conditions en avant, pour donner à penser qu'il ne le feroit, si son intention n'estoit de conclurre. Et nonobstant qu'au lieu de Fundi le seigneur de Velly trouvast quelque plus grande difficulté qu'auparavant, au lieu de Marine toutesfois il sembla que toutes choses fussent bien rabillées, & qu'il n'y eust plus de difficulté, sinon sur ce que le Roy vou loit estre investy luy-mesme de l'usufruict: de maniere qu'il fut dict audict seigneur de Velly qu'il pouvoit bien escrire au Roy d'envoyer mondict-seigneur l'Amiral pour conclu te & passer le traitté, comme de chose totalement accordée. Bien fut adjoustée ceste condition, que le Roy prealablenent fist retirer son armée qui estoit en Piemont: & sur cete asseurance le seigneur de Velly envoya le seigneur d'Espercieu son cousin vers te Roy, pour l'advertir au long & par le menu de toutes les plainctes qu'on luy avoit faictes, & de toutes les difficultez & conditions qu'on luy avoit mi es en avant,& de la finale & à son jugement bonne resolu ion qu'il avoit euc.

S 1 l'Empereur de son costé monstroit de craindre que le

il se voudroit laisser mener, autant & plus craignoit le Roy ce que par tant d'apparences il devoit craindre, que l'Empe-

hastoit ce-pendant sa creue de Lansquenets en toute diligence, luy qui n'estoit & n'est constumier d'entrer en despense és choses que sans cela il pense pouvoir faire. Aussi qu'il avoit ordonné au seigneur Dom Ferrand de Gonzague aller mettre ensemble ses chevaux legers, qui pareillement ne se pouvoit faire sans autre despense: plus qu'il prenoit des villes Imperiales en Allemagne artillerie & munitions, qu'il faisoit conduire à la volte d'Italie: & qui empes choit de conjecturer qu'il le fist, afin de traitter les armes en la main auffi bien que le Roy, & plustost comme supe-. rieur que comme inferieur de forces, estoit que l'Empereur avoit declaré aux Legats de nostre S. Pere, & par le moyen d'un Cardinal (lequel pour cause je ne vueil à present nommer) estoit venu à la cognoissance du Roy, que ledict seigneur Empereur jamais ne bailleroit Milan au Roy, ne permettroit que il cust un seul pied de terre en 1talie: & mesmement faisoit secrettement praticquer nostre S. Pere, la seigneurie de Venise, & les autres Potentats d'Italie, à ce qu'ils s'opposassent à l'investiture dudict Duché en faveur de personne estrangere quelconques. Et pour mieux coulourer son affaire & se couvrir qu'il ne le filt pour le Roy, au cas qu'aucuns d'iceux Potentats revelaf sent qu'il pratiequoit ceste opposition envers eux, il avoit

reur (ainsi que les effects depuis ont faict cognoistre la verité) ne l'amusast sinon pour l'entretenir en despense, ce-pen dant que luy à son plaisir se prepareroit à la guerre: & grande occasion luy en donnoient, non seulement les choses dessus deduittes, comme la grande instance que le dict Empereur faisoit de tenir secrettes les choses à ceux messus ausquels luy apres les descouvroit, & taschoit à en faire son proufsit: mais autres certeins advertissemens qu'il avoit de lettres escrites par l'Empereur au Duc de Savoye, par lesquelles il luy mandoit ne se soucier de chose qui luy sust advenue, car avant peu de jours il luy feroit tont rendre. Chose que paraventure on eust peu interpreter, comme si l'Empereur eust esté seur de le pouvoir faire amiablement, en rendant le Duché de Milan: mais qui rompoit & saisoit impertinente ceste interpretation, estoit que l'Empereur

Intention de l'Empereur fur ce fuel.

faict foubs main tenir propos que le Roy de Portugal luy fist demander ledit estat pour son frere, en fournissant quelque bonne somme de deniers: & tout ce que dessus un des Legats estroittement adjuré par nostre S. Pere de luy dire à la verité tout ce qu'il avoit trouvé aux propos dudit seigneur Empereur, avoit declaré à sa saincteté, luy asseurant certainement que l'Empereur n'avoit amy ne frere qu'il aymast tant qu'il luy voulust bailler ledit Duché; ains que son intention ferme & resolue estoit de le retenir pour soy quoy qu'il en advint.

LE Roy qui jusques alors avoit esté content que son Poursuitte de armée procedast lentement, se delibera de la faire plus vi- guerre en Pie vement pousser outre, & à ceste fin envoya messire Loys de mond.

Rabodanges l'un de ses eschansons ordinaires, faire entendre sa deliberation à monseigneur l'Amiral, & luy dire expressement, que s'il trouvoit ses ennemis en lieu avantageux, voire seulement en lieu esgal & sans avantage il se hazardast de les combatre: & mesmement qu'il marchast droict à Vercel, afin d'attirer les ennemis à venir secourir la ville, & par ce moyen à la baraille. A Savillan trouva ledit seigneur de Rabodanges, nostre camp prest à marcher, & monsieur l'Amiral en deliberation d'aller essayer de forcer ladite ville de Vercel, en laquelle y avoit pour le Duc de Savoye le nombre de trois mille hommes de guerre, dont les mille estoient Lansquenets & à quatre mille au dessus estoit le seigneur Antoine de Leve, avec environ six cens chevaux, & douze mille hommes de pied, & là se portoit ledit de Leve non pour lieutenant de l'Empereur, mais pour capitaine general de la ligue d'Italie: faisoit toutesfois contenance, & se vantoit de courir sus à nostre camp, s'il s'efforçoit de passer outre. Or dés ledit temps que mondit-seigneur l'Amiral partit d'avec le Roy pour son entreprise, avoit esté depesché Gaucher de Tinteville vers les seigneurs Caguin de Gonzague, Côte Guy de Rangon, Hannibal de Gonzague, Comte de la Nugolare tous pensionnaires du Roy: lesquels avoiet faich une levée de six mille homes de pied avec v. ces chevaux legiers, la pluspart tous gens d'eslite, & nourris és guerres passées d'Italie: & ne pouvoient sans estre rencontrez par le seigneur Antoine de Leve, se venir joindre avec ledit seigneur Amiral. Et à ceste cause avoit il desja quelques jours au paravant envoyé de-

mander passage pour eux audit seigneur de Leve, & sçavoir de luy s'il avoit à s'en asseurer comme d'amy, ou s'en garder comme d'ennemy: à quoy avoit ledit de Leve respondu qu'il seur bailleroit asseurance, moyennant qu'ils vinssent pour la ligue d'Italie, dont il se disoit capitaine de par l'Em

percur. PARTANT doncques de Savilan avoit bien voulu ledit seigneur Amiral, à cause de l'expres comandement qu'il avoit du Roy de ne riens attenter en chose qui fust tenue ou possedée au nom de l'Empereur, envoyer de rechef audit de Leve, & par un trompette luy envoya lettres pour enten dre son intention, ausquelles lettres respondit assez bravement, toutes sois avec dissimulation, de sorte qu'on n'eust scen y faire fondement & sur-ce marcha ledit sieur Amiral en avant tirant droict à Vercel. Ce jour la y eut quelque mu tinerie entre les gens de pied François & Lausquenets, en laquelle moururent des gens beaucoup & d'une part & d'autre, & plus grand inconvenient fut avenu sans ce que le Comte Guillaume de Fustemberg y arriva, qui feit retirer les siens en telle obeïssance, qu'oneques depuis qu'il y ent parlé ne s'en trouva un qui marchast un pas en avant, encores que du commencement ils eussent eu du pire, & alors se vilsent renforcez de gens, avec moyen de se venger de leur dommage. Ce que j'ay bien voulu reciter en cest endroict;à ce que ce soit exemple, combien est requise la discipline militaire, & de combien sert un chef en telle multitude qui sçache tirer obeissance de ses gens, au deuxiesme logis arriverent noz gens, deux mille pres de Verceil, & furent les François & Lansqueners logez separement, pour eviter noi se & division: mais je laisse à tant ceste matiere, & retourne à la negociation des choses qui ce pendant se traittoient avecques l'Empereur.

Entrée de l'Empereur à Rome.

EN ces entrefaictes estoit ledit seigneur Empereur artivé à Rome, où avoient esté faicts long temps au-paravant les preparatifs à le recevoir bien solennellement. Et pour-ce qu'entre plusieurs edifices qui pour luy faire la voye plus large & droicte avoient esté abbatus & demolis, sur aussi abbatu le temple de paix, anciennement & de long temps gardé, pour la memoire des anciennes structures, ainsi que sont autres plusieurs edifices & ruines à Rome: gens curieux & superstitieux, dont audit lieu a ordinairement grand

nombre, interpreterent la chose à mauvais augure: & commencerent à en faire des prejudices & discours, en disant que c'estoit signe que l'Empereur y estoit entré, non à l'heu re d'y establir & confermer la paix ainsi qu'il se vantoit, mais pour en oster au contraire toute memoire & souvenance. Et peu apres feit l'Empereur des actes assez qui confermerent beaucoup le monde en ceste opinion. Il avoit ledit sixiesme jour d'Avril esté de six à sept heures avec nostre S. Pere. Au lendemain l'Evesque de Mascon ambassadeur du Roy vers nostre S. Pere: & le seigneur de Velly aussi ambassadeur du Roy vers l'Empereur eurent audience de S. S. à laquelle ils exposerent que jusques alors avoit esté la pratique de paix entretenue par le Roy leur maistre, en esperance que le tout se concluroit par le moyen & inter vention de S. S. lequel moyen & intervention y estoient fort necessaires, pour ofter & purger les suspicions & deffian ce qu'ils auoient l'un de l'autre, & les rendre bien confidens & unis ensemble: : prians S. S. vouloir y mettre peine, & mesmement à faire condescendre l'Empereur à l'investiture de Milan en la personne du Duc d'Orleans. A quoy ledit Velly, comme ayant long temps negocié avec l'Empereur, asseuroit S. S. qu'elle trouveroit ledit seigneur assez enclin & disposé, ne passant toutesfois plus outre sur-ce propos: car encores pensoit-il que l'Empereur eust tenu secret à nostre-dit S. Pere, ainsi qu'il avoit voulu estre tenu par le Roy, ce que desja il en avoit esté accordé. Et au surplus prierent S. S. leur faire part des choses qui en si long parlement avoient esté le jour precedant agitées entre eux pour le bien & repos de la Chrestienté, service de Dieu, exaltation & gloire du S. siege. Respondit nostre S. Pere qu'il avoit trouvé l'Empereur assez desirant la paix, & que luy par avis dudit seigneur au lendemain feroit congreger (ce qu'il feir) les Cardinaux du sainct siege ses freres en consistoire, pour avecques eux deliberer de ce qui seroit requis, nuz en la pre tant pour l'intimation du Concile (auquel il ne faisoit dou sence du Pabre que le Roy ne luy assistast) comme pour ceste intelli- pe sur le trait gence entre iceux deux Princes, & paix universelle de la tè de paix Chrestienté. Et qu'en cest affaire luy estoit resolu, ainsi par les amque le debvoir vouloit, de sentretenir en neutralité: & là bassadeurs dessus s'estendit à dire, combien il estoit tenu de mainte-du Roy. nir justice, & d'obyter à l'obstination de celuy qui se mon-

streroit destraisonnable, bien vouloit il les advertir avant la main, qu'à ce qu'il en pouvoit entendre, jamais l'Empereur ne le condescenderoit de bailler Milan au Duc d'Or leans. A ce n'oserent repliquer les dessudits de Maseon & de Velly craignans d'offencer l'Empereur, au cas que sans son congé ils parlassent plus avant de la chose qu'il avoit pressé de tenir secrette. Mais puis apres en parla ledit de Velly audit seigneur de Granvelle, se priant de ne vouloir envers nostre sainct Pere traverser le Roy, pour la volonté qu'il avoit vse de tenir secret, ce que ledit seigneur Empereur avoit ainsi voulu: & pensoient en effect que ceste difficulté que faisoit nostre S. Pere ne procedast d'autre occasion, sinon que l'Empereur à son escient luy en eust faict le difficile pour luy donner ce contentement qu'il pensast d'avoir esté le mediateur & compositeur d'icelle & d'autres dissicultez. Le seigneur de Granvelle alors apres avoir faict quel que expostulation de ce qui se faisoit contre le Duc de Savoye, asseura ledit de Velly, que l'Empereur ce nonobstant persistoit en sa promesse, combien que s'il eust seu ledit traittement qu'on luy faisoit il n'eust jamais promis ce qu'il avoit faict: mais que toute la difficulté procedoit de nostre S. Pere, lequel vouloit peu de bien à la maison de Medicis, & à ceste cause ne voudroit veoir une fille de ladite maison estre Duchesse de Milan. Et à ce que mieux on adjoustast foy à son dire, permist audit seigneur de Velly de dire franchement à nostre S. Pere, & l'asseurer que s'il vouloit bien à bon escient semployer envers l'Empereur, à. ce qu'il investist le Duc d'Orleans de l'estar & Duché de Milan, ledit seigneur Empereur infalliblement le luy accor deroit. Ie ne puis dire quelle intelligence secrette il y avoit entre ledit S. Pere & l'Empereur: bien sçay-je dire qu'au lendemain les dessudits Evesque de Malcon & seigneur de Velly allerent vers nostre S. Pere, & luy dit ledit seigneur de Velly ouvertement, que dés Naples il avoit peu (fil eust voulu) conclure l'investiture du Duc d'Orleans mais que le Roy avoittant voulu deferer à S. S. que de n'en vouloir rien conclure sans elle, encores que ce fust chose quy luy touchast de si pres, comme d'eviter le trouble entre ses enfans, & consequemment de tout son Royaume. Ledit S. Pere soit qu'il eust ainsi conclu avecques l'Empereur. ou qu'il fust vray ce que le seigneur de Granvelle avoit dit

de luy repliqua lors aux dessus de Mascon & de Velly, que de parler du Duc d'Orleans, il n'y avoit aucune rais son: & quant à luy qu'il estoit pere universel, & devoit penser à la tranquillité d'Italie, aussi bien qu'à celle du Royaume de France. A tant luy remonstra ledit seigneur de Velly que toutesfois qu'entre lesdits freres enfans du Roy y auroit trouble à cause du Duché de Milan, le mesme trouble redonderoit sur Italie, & tant insista que ledit S. Pere luy accorda d'en faire requeste à l'Empereur : auquel alla le seigneur de Velly gaigner le devant, & le prier de nes'y vouloir rendre difficille: mais il ne tira de luy sinon expostulations & plainctes, fors qu'à la sin il luy promit en termes generaux, de ne faire chose qui prejudiciast à la bonne volonté qu'il avoit de se bien entendre avecques le Roy. Vray est que partant ledit Velly d'avec sa majesté, les seigneurs de Cannes & de Granvelle luy donnerent meilleure esperance, voire asseurance, que là où nostre S. Pere ne feroit difficulté sur ceste inveltiture pour le Duc d'Orleans, ainsi n'en feroit point l'Empereur leur maistre. Et sur ceste asseurance l'Evesque de Mascon au lendemain retourna dire ce que dessus à no-Atre S. Pere, en luy remonstrant que si l'Empereur estant arrive à Rome, & apres avoir communique avec sa sain-Acté, se trouvoit estre variant de ce qu'il avoit promis estant à Naples, & tant de fois reiteré depuis, on auroit apparente cause de soupeçonner que d'elle & par son moyen procedast ceste variation: attendu mesmement que sadite saincteté avoit tous jours dés le commencement allegué ces mesmes difficultez. Nostre S. Pere se voyant ainsi pressé de pres, respondit alors, que les seigneurs de Cannes & Granvelle incontinant qu'ils eurent le jour precedant communiqué avecques lesdits de Masco & de Velly, estoient venuz luy reciter tout ce que les uns & les autres avoient dit, respondu, & repliqué: & que parlant franchement luy se doubtoit fort que l'Empereur & eux entretinssent expressement ceste pratique pour les amuser, & à ce que sur ceste esperance ils amusassent le Roy, pendant le temps que ledit seigneur Empereur se preparoit à la guerre: que toutesfois pour leur complaire il s'employeroit encores à obtenir ce qu'ils demandoient pour le Duc d'Orleans, cobien qu'il fust certain que ce seroit peine

perdue. A quoy repliqua l'Evesque de Mascon que le Roy sans cela jamais ne viendroit à conclusion. Je pense doucques (dit nostre S. Pere) que les choses ne peuvent sinon eitre en roupture: car l'Empereur ne veult (& quand il le voudroit) ne peult bailler Milan sans le consentement d'aucuns, lesquels, à mon advis, jamais n'y consentiront. Il vouloit dire des Venitiens, devers lesquels avoit l'Empe reur envoyé, pour (ainsi qu'il disoit) qu'ils y consentissent, mais (comme couroit le bruit) qu'ils y contredissent.

aux articles de l'Empereur par mon seigneur de Velly.

En ce mesme temps arriva le seigneur d'Espercieu, lequel j'ay dit par cy devant avoir esté depesché sur les plainctes que lempereur avoir faictes au seigneur de Velly. Sur ceste occasion envoya ledit de Velly demander audience: & apres avoir salué ledit seigneur Empereur de par le Roy, luy feit les responses & remonstraces sur un chacun article, Responce ainsi qu'il luy estoit ordonné de faire. Premierement, quant à ce que l'Empereur alleguoit, que le Roy donnoit assez à cognoistre qu'il ne vouloit conclure ledit traitté, puis qu'au lieu d'envo yer monseigneur l'Amiral à ceste fin, il l'avoit envoyé ailleurs, & pour effect contraire, c'est à dire pour faire la guerre. Le Roy respondoit qu'attendant response de la difficulté qu'on luy faisoit sur l'usufruict qu'il demandoit luy estre reservé, aussi voyant la remise de Naples à Gajette, & de Gajette à Rome, & que l'armée qu'il avoit preparée pour avoir la raison de ce que le Duc de Savoye luy occupoit, luy demouroit ce-pendant inutile: il avoit envoyé ledit Amiral poursuivre sadite raison, en atten dant que ledit seigneur Empereur le mandast, lequel encores ne l'avoit mandé: mais que nonobstant qu'ayant le Roy à la requelte de l'Empereur, & à son instance revoqué un gentilhomme de sa chambre qu'il avoit à Venise, suy eust ce pendant traitté avecques les Venitiens, qui se pouvoit dire innovation: toutesfois la premiere & principale charge qu'il avoit donné audit Amiral, estoit de ne toucher aucune chose qui à quelconque tiltre appartint à l'Empereur, ou dont il fust jouissant & possesseur. Ioinct qu'il navoit este demandé prefixement que ledit Amiral y allast, mais luy ou autre personnage d'authorité: mesmement qu'il avoit esté parléd'un Cardinal, & qu'à c'este cause le Roy avoit ja fai it la despeche de monseigneur Iean Cardinal de Lorraine: leque lfeignant d'y aller afin d'assister à

nostre S. Perè pour le deb voir du lieu que tiennent les Car dinaux, pourroit plus couvertement manier ceste praticque, laquelle vouloit l'Empereur estre tenue si secrette: & auguel, pour estre Prince & si prochain du Roy que nul au tre pourroit l'estre d'avantage, ledit seigneur Empereur adjousteroit soy. Puis apres quand on auroit mis les choses en bou train, le mander alors audit Amital, qui s'y trou veroit avecques ample & suffisant pouvoir, dont il estoit desja garny. La verité estoit en effect que l'Empereur ne ses ministres n'avoient du commencement demandé ledict seigneur Amiral precisement: & sur-ce que depuis ils en firent instance sut advisé qu'il n'estoit raisonnable de l'y envoyer, & laisser son armée sans chef, estant le seigneur Antoine de Leve si pres, & assez donnant à cognoistre que si le moyen & opportunité s'offroient, il eust bien voulu jouer d'une surprise à ladite armée: mais pour ofter toute occasion de dire ou penser que le Roy ne voulust entendre à ceste confirmation de paix, laquelle certainement il desiroit, sur toutes choses sut advisé d'y envoyer mondit-seigneur le Cardinal. Et (ce que beaucoup de gens rusez, trouverent faict plus bonnement que cautement) fut ledit seigneur Amiral par homme expres adverty de ceste conclusion, avec mandement de ne marchér outre, avant qu'il eust parlé à luy: & que ce pendant retirant son camp en quelque lieu de seureté, il donnast advis de ceste depesche au seigneur Antoine de Leve, à ce qu'il ne donnast empeschement au courrier qui portoit ceste nouvelle au seigneur de Velly, ainsi qu'il avoit faict à Espercieu venant au Roy. L'Empereur ouye ceste premiere response & remonstrance à sa premiere plaincte, sans attendre quelle seroit Replique de la response aux autres, interrompit les paroles du seigneur l'Empereur. de Velly: luy replicquant que par sondit traitté avecques les Venitiens il n'avoit rien innové, mais sculement confermé ce qui avoit esté faict à Bologne, & n'avoit faict cho se qui l'empeschast de traitter avec le Roy. Item que son traitté n'estoit que paroles, ce que faisoit le Roy contre le Duc de Savoye estoit autre chose que paroles, qui deussent preceder les effects. Et quant au pouvoir qu'avoit l'Amiral, il n'estoit à propos, car luy n'avoit accoustumé de traitter en ceste sorte: que bien s'estoit il veu plus au dessoubs'du Roy qu'il n'estoit, mais qu'il n'avoit jamais rien

Contestation de l'Empcreur É de monseigneur de Velly.

faict pour la force d'iceluy, & que jamais ne fut, & encores estoit moins pour se laisser conduire & traitter par force: adjoustant qu'estant le Duc de Savoye son vassal, & son allié de si pres, raison ne vouloit qu'il luy faillist. Quant à l'usufruict, puis que le Roy en attendoit responce, que ledit de Velly la pourroit veoir sur les articles que luy avoit baillez à nostre saince Pere. Sur-ce luy respondant ledit Velly que desja il les avoit veuz, & qu'il y trouvoit novation sur la personne du Duc d'Orleans à celle du Duc d'An goulesme.Dit l'Empereur alors que ce qu'il avoit accordé, il l'avoit faict soubs condition que les seuretez se trouvassent telles, que luy eust cause de s'en cotenter: ce qu'il voioit estre impossible, joinct qu'il n'estoit tenu d'observer son offre que le Roy n'avoit acceptée. Repliqua le seigneur de Velly quant à l'acceptation, que le Roy l'avoit faicte par ses lettres du huictiesme, & quant aux seurctez, que ledit sei gneur Empereur avoit tousjours dit qu'il ne les demanderoit sinon raisonnables: aussi que les demandant autres, il sembleroit qu'il eust voulu decevoir le Roy, luy accordant une chose dont il esperast invalider la promesse par impossibilité d'une autre. Dit l'Empereur avoir promis, voircment & promettoit encores de ne mander chose destraifounable, & qu'il en useroit du conseil de nostre S. Pere, & de ses autres confederez. Le seigneur de Velly persevera, insistat qu'il ne retractast sa promesse, & alleguant les autres promesses faictes ailleurs pendant ceste praticque, lesquelles pouvoient mettre le Roy en doubte de la volonté dudit seigneur Empereur: comme la praticque qu'il menoir. en Angleterre, les lettres par luy escrites au Roy de Portugal en luy offrant l'estat de Milan pour son frer e: aussi le bruit commun qui estoit en la ville de Rome, en toute Italie & Allemagne, que l'on donnoir paroles au Roy, pour l'amuser & faire surseoir son armées: & apres tout cela ceste retractation de la promesse faicte pour le Duc d'Orle-Lesquelles choses assemblées & mises en consideration, ne pouvoient sinon jetter le Roy en desespoir: & le coduire à faire ou promettre ailleurs chose que puis apres il ne pourroit honnestement ne retracter ne dissimuler. En ceste maniere faisoit le seigneur de Velly ses remonstrances, comme celuy auquel il grevoit jusques au cueur, avoir si avant asseuré son maistre de chose qu'il voyoit lors alIer à rebours, & ce pour s'estre sié sur la parole d'un sigrand Prince qu'un Empereur. D'autre costé se sentoit Empereur picqué un peu plus avant qu'il n'eust voulu: & pour-ce demanda en colere audit de Velly, s'il avoit pouvoir & mandement de traitter au nom du Roy son maistre: à quoy il respondit que non, voulant au demourant alleguer les raisons, & parachever de dire les responces & remonstrances du Roy, sur le surplus des expostulatios & plainctes qu'on luy avoit faictes. Mais l'Empereur ne le soussirit parler plus avant; & se tournant à luy, Doncques (dit-il) puis que vous n'avez pouvoir, ne pouvez vous dire que je vous donne paroles, mais plustost vous à moy: & tant y a que de ce que je vous ay dit, je ne passeray plus outre, que je ne voye vo

stre pouvoir.

CESTE responce estoit telle, que si ledit Velly & autres manians à Rome les affaires du Roy n'eussent bien sceu l'intention dudit seigneur estre entierement encline à la paix, en la recouvrant avec honnestes conditions, ils avoient assez occasion de se desister entierement de la praticque, jusques à ce qu'ils enssent autres nouvelles & mandement du Roy. Toutes fois l'Evesque de Mascon ayant sceu par nostre S. Perc, que l'Empereur entre plusieurs propos & parlemens qu'ils avoient euz ensemble avoit faict mention de luy, comme trouvant estrange que depuis son arrivée à Rome, ledit Evesque n'avoit encores esté vers luy delibera sur ceste occasion d'y aller, & taster de luy, en devisant, s'il pourroit faire qu'il retombast sur ces propos. Au lédemain qui fut le troissesme jour depuis l'arrivée de l'Em pereur à Rome, après toutes les ceremonies faicles en l'Eglise S. Pierre, ausquelles assista l'Empereur en ses habits Imperiaux, portant la couronne sur sa teste, le seigneur Pierre Loys de Farnese tenant devant luy la pomme ronde, & le Marquis de Brandembourg portant le sceptre, & messire Iacques de Longueval seigneur de Bossu grand Escuyer portant l'espée: ledit Evesque de Mascon envoya vers sa majesté luy demander l'heure qu'il luy plairoit luy doner acces pour luy aller faire la reverence, laquelle heure luy fut assignée au lendemain matin.

A l'heure assignée vindrét enséble ledit Evesque de Mascou,& le seigns de Velly, lesquels trouverent les ambassadeuts de Venise desja en la chambre dudit seigneur Em-

pereur qui tost apres en sortit pour aller à la messe: & s'approchat de luy, lesdits ambassadeurs de Frace, l'Evesque de Mascon print la parole, & luy dit, Qu'estant ambassadeur du Roy Tres-chrestien son bon frere devers la saincteté de nostre S. Pere, il n'avoit voulu faillir de luy faire la reverence, & luy presenter son treshumble service. L'Empereur respondit qu'il estoit tresaise de le cognoistre, & avoir entédu de nostre saince Pere que ledit Evesque avoit tousjours faïct tresbon office, & qu'il desiroit à ceste cause luy faire plaisir. Puis s'addressant au seigneur de Velly, Il me semble (dit-il) par les derniers propos que vous me tinstes quand je vous declaray le contenu és articles par moy communiquez à nostre S. Pere, que le Roy mon frere n'est point pour les accepter, d'autant que je me suis retiré de ce qui avoit esté parlé pour le Duc d'Orleans son fils : & pour-ce je desireroy merveilleusemét içavoir, si vous avez rien d'avantage de son intention. Sur cela respondit ledict seigneur de Velly, qu'attendue la briefveté du temps qu'il y avoit que l'on estoit entré en ceste difficulté touchant ledit seigneur duc d'Orleans, sa majesté pouvoit bien entendre & cognoistre qu'il estoit impossible, qu'il en fust encores autrement adverty, pour-ce qu'à peine pouvoit estre arrivé en la cour du Roy son maistre le messager qui en portoit les nouvelles. Desquelles iceluy seigneur de Velly dist ne doubter point qu'elles ne semblassent bien estran ges audit seigneur, attendu les propos qui luy en avoient esté tenuz par cy devant, & les honnestes responses qu'il en avoit faictes, ensemble les bonnes œuvres qu'il avoit offert executer, & en estoit prest, faisant sa majesté Imperiale ce qui avoit esté traitté pour ledit seigneur Duc d'Orleans. Je ne vueil pas (dit l'Empereur) blasmer ses œuvres, aussi ne vueil je pas justifier les miennes en secret : & pour-ce suis je bien aise que vous monsieur de Mascon soyez present, vous m'accompagnerez tous deux s'il vous plaist devers le Pape, &là je vous declareray mon intention: & ce disant appella aussi les ambassadeurs de Venise pour le suivre. En ceste sorte entrerent tous ensemble en la chambre du consistoire, où le Pape est de coustume se vestir de ses habits pontificaux, & la trouverent melsieurs les cardinaux attendans nostre S. Pere, avec lesquels s'amusa ledit seigneur Em percur, en devisant sur pieds l'espace d'ug ros quart d'heu-

re:ce pendant on advertit nostre S. Pere, qui encores ne sçavoit riens de sa venue: sa saincteté luy envoya demander s'il luy plaisoit monter en sa chambre, & il respondit vouloir attendre sadite saincteté. Nostre S. Pere descédit tost apres, & s'allerét eux deux ensemble appuyer au bout d'un lit qui estoit dressé en ladite chambre, & là declara ledit seigneur Empereur à sa saincteté qu'il luy desiroit parler d'aucunes choses d'importance, en la presence du sainct & sacré college des Cardinaux. Surquoy ordonnat sa saincteté que tous autres vuidassent la chambre, ledit seigneur le pria tresaffectueusement que tous demourassent, & qu'il vouloit bien parler publicquement. Et alors messieurs les reverendissimes Cardinaux s'assemblerent à l'entour d'eux, comme en demy cercle, auquel estoient les ambassadeurs de France, & derriere eux, ceux de Venise: apres grand nombre d'autres ambassadeurs & de prelats, Ducs, Comtes, Barons, & autres personnes notables.

A D O N C Q U E S l'Empereur le bonnet au poing com-Substance mença dire commét il estoit venu pour deux raisons prin- d'une Hara-cipales, la premiere pour baiser les pieds de sa saincteté, luy gue public-offrir sa personne & son pouvoir, & le supplier de vouloir que de l'Emconvocquer le Concile universel: enquoy ayant trouvé pereur au Passa saincteté non seulement bien disposée, mais si tresaffe-pe contre le ctionnée & prompte, il la remercioit grandement du bon Roy.

commencement qu'il y avoit desja donné, & de la deliberation qui en auroit esté arrestée au dernier consistoire ou congregation generale: le suppliant vouloir continuer & parachever cest œuvre si necessaire à toute la Chrestienté: offrant tout ce qui seroit en sa puissance pour les conduire à heureux progres. La seconde principale raison de sa venue, estoit pour luy faire entendre combien de tout temps il avoit pour le bien de la Chrestienté desiré avoir bonne intelligence & amitié avecques le Roy de France: & qu'il n'eust point esté marry que maintenant les choses se fussent peu dresser entre-eux à quelque meilleure conclusion. Mais qu'il avoit trouvé ledict Roy de France si desraisonnable, qu'il estoit contrainct de toute sa vie & des choses qui ont passé entre-eux deux rendre compte & raison, en presence dudit S.college, des ambassadeurs, des Princes, & Potentats, & des autres seigneurs & notables personnages y assistans, afin que lon sçache lequel a plus juste cause de se douloir de l'autre: priant sa saincteté s'il se trouvoit long en ce recit, l'en vouloir excuser, tant pour la diversité des choses, que pour la debilité de sa memoire, & la non trop bonne disposition de sa personne. Ceste excuse premise, l'entrée de sa narration sut du traitté de mariage autressois accordé par les deffuncts de bonne memoire Empereur Maximilian, & Roy Loys de France, d'entre luy nepveu du dit Maximilian, & madame Claude fille aisnée dudit Roy Loys, laquelle depuis auroit esté Royne de France. Lequel mariage n'ayant esté accomply par la coulpe & faulte dudit Roy Loys, l'Empereur Maximilian irrité de cest ouurage, entre print la guerre contre ledit Roy Loys, & le chassa du Duché de Milan. Quelque téps apres estat en luy l'aage de quinze ans, le Roy François seroit venu à la couronne de France, auquel il destra grandement avoir alliance & amitié, & nonobstant qu'il fust encores en si bas aage, si avoit-il dessors bonne cognoissance de la prochaineté du lignage qui estoit entre-eux, par le moyen de madame Marie de Bourgongne son ayeule: & qu'à ceste cause il auroit envoyé devers ledit Roy de France grosse & notable ambas sade (en laquelle estoit le Comte de Nansau son cousin) renouveller & restraindre ses alliances avec ledit Roy de France, & fut traitté du mariage de luy & de la belle sœur dudit Roy. Que peu apres seroit survenue l'entreprise de Milan par le Roy, lequel auroit obtenu victoire: dont luy auroit esté aussi aise que de chose qui luy eust peu advenir, & auroit laissé d'obeir à l'Empereur Maximilian son ayeul, qui luy avoit commandé de l'empetcher le plus qu'il pourroit. Que tout ce nonobstant le Roy auroit depuis voulu entrer en nouvelles capitulations avecques luy, en luy voulant bailler madame Loyse sa fille aisnée à semme: & au deffault d'elle, madame Charlotte sa seconde fille, & le requist alors d'entrer avecques luy en guerré contre le Roy d'Angleterre, pour le recouvrement de la ville de Tournay: chose dont luy le desconseilla, & tant persista qu'il l'en feit desister à sa requeste. Que peu apres seroit intervenue la mort du Roy Ferdinand d'Arragon son ayeul maternel: & que luy estant à ceste cause besoing de passer en Espagne, force luy fut pour s'asseurer du Roy, & pour n'entrer avecques luy en roupture, traitter avecques luy

200.

tout de nouveau: à quoy luy ne voulut estre refusant, jusques à consentir & accorder au Roy cent mille escus de pension par chacun an, sur le revenu de ses Royaumes de Naples & de Sicile. Depuis seroit ensuivie la mort de l'Empereur Maximilian, & que vacant l'Empire tous deux auroient aspiré & cherché de parvenir à ce degré. Sur lequel propos usa ledit seigneur Empereur d'une fort longue demonstration des bonnes & raisonnables causes qu'il avoit eues d'y pretendre plustost que nul autre, veu que si grand nombre de ses predecesseurs y seroient parvenus, & que c'eust esté à faillir grandement à son honneur, au cas qu'il n'eust employé tous ses esprits à recouvrer une telle dignité, qui estoit desja comme hereditaire & acquise à sa maison. Que ce nonobstant il n'auroit jamais eu à mal que le Roy de France luy fist concurrence, lequel aussi de sa part auroit par plusieurs fois dit à l'ambassadeur que luy Empereur tenoit en France, que ceste poursuitte devoit entreeux estre comme de deux amans cherchans tous deux l'amour d'une mesme danie: & quand l'un y seroit parvenu, que l'autre ne luy en devroit porter aucun maltalent, ains qu'ils devroient (& que telle estoit sa volonté) perseverer neantmoins en leur premiere bien-vueillance & 'amirié. Mais que nonobstant ces bons propos le Roy apres que luy fut declaré Empereur, seroit entré en jalousie de sa gran deur, & l'auroit faict presser de renouveller leurs alliances, soubs autre forme & conditions, en le faisant obliger à espouser madame Renée sa belle sœur, qui à present est Duchesse de Ferrare: & ne se contentant de cela, l'auroit aussi faict presser d'asseurer lesdites alliances par ostages, ce que luy auroit refusé de faire, non y estant obligé, & que l'Ambassadeur du Roy de France estant lors en Allemagne y auroit faict de tresmauvaises pratiques, ne dit point ledit seigneur & ne sçait pas si ce fut par le comman dement du Roy son maistre. Bien dit que ledit ambassadeur se seroit essargy jusques à dire à luy Empereur dessufdit, que s'il ne confermoit & asseuroir icelles alliances en la maniere que le Roy son maistre le demandoit, il ne pourroit penser qu'il les voulust entretenir, comment que ce fust, dessors (dit ledit seigneur) commença le Roy de France à faire demonstration de sa mauvaile volonté contre luy, & à pretendre aux choses de Naples: mais quoy ne comment, ne dist plus outre. Puis adjousta que le Roy auroit d'une part suscité messire Robert de la Marchk à faire la guerre audit seigneur, à cause de quelque sienne querelle, trouvant ledit messire Robert de la Marchk homme propre & tel instrument qu'il le demandoit pour executer ses mauvaises intentions: ainsi qu'estoit le Duc de Gueldres en cas pareil, & que ce sont les deux personnages dont ledit Roy de France & ses predecesseurs auroient accoustumé de fayder à faire ennuy à luy Empereur & aux siens predecesseurs. De l'autre part & en un mesme temps auroit ledit Roy de France suscité le sire d'Albret à poursuivre le recou vrement du Royaume de Navarre, pretendat luy estre loisi ble d'ayder audit d'Albret, entat qu'il estoit dit par ledit trait té d'entre-eux Empereur, & Roy, que luy Empereur en che viroit avecques ledit d'Albret: ce que jamais il n'auroit refusé de faire, ains auroit offert de bailler recompense audit d'Albret, d'autant que vault ledit royaume de Navarre, & que de ceste sorte se seroit allumée la guerre entre-eux deux. Qui fut au mesme temps que l'heresie Lutherienne commença de pulluler en Allemagne, & qu'en Espagne en son absence se soubleverent les paisans à l'encontre de luy, & laquelle guerre auroit entre-eux duré jusques à la bataille de Pavie, en laquelle ledit Roy de France sut faict son prisonnier: & depuis fut par luy delivré avecques certaines conditions apposées & contenues au traitté de sa delivrance, passe à Madril entre les deputez d'iceux seigneurs Empereur & Roy. Lequel traitté non seulement les deputez du Roy auroient promis de faire garder & observer inviolable ment:mais le Roy mesine, en passant avecques luy devant un crucifix que sur le chemin ils rencontrerent, le luy auroit ainsi promis & juré, qui fut la cause que luy entra er quelque esperance qu'ainsi seroit: combien qu'il eust bier au-paravant esté adverty que ledit Roy de France avoit di à quelque personnage que jamais il n'en tiendroit riens, co me à la verité il n'auroit faict: sinon autant qu'il en avoit a comply prealablemet avant sa delivrance, s'excusant qu'i n'estoit en sa puissance d'accomplir les dessusdites condi tions: & que quand il auroit esté recherché, au cas qu'il n fust en sa puissance de les accomplir, que doncques il se

retournast en Espagne prisonnier, ainsi qu'il estoit au-paravant: il auroit respondu n'avoir promis ne donné sa foy de ce faire. Et qu'alors fut par ledit Roy traitté la ligue qui se nomma saincte: de par laquelle auroit luy Empereur esté admonnesté de rendre & delivrer au Roy ses enfans, ainsi que s'il les y eust euz par mauvais art & enchantement & non baillez ostages pour la seureté & observation du traitté: à faulte de laquelle delivrance, & pour-ce que luy n'auroit obey à la sommation de ceste saincte lique, seroit ensuivie la guerre : pendant laquelle ainsi que ledit Roy avant sa prison auroit envoyé le Duc d'Albanie avecques armée au Royaume de Naples, ainsi envoya il le seigneur de Lautrec à la mesme entreprise, en laquelle il mourut. Depuis auroit envoyé le Comte de sainct Pol à l'entreprise de Lombardie, lequel y auroit esté pris environ le temps que luy Empereur passa d'Espagne en Italie: & que ledit Roy de France qui tousjours auroit voulu laisser passer quelque chosette avant que prester l'oreille au propos de paix, alors se laissa conduire à en our parler: & fut saict ledit traicté de Cambray, que ledit Roy n'auroit depuis gueres bien observé. Mesmement qu'estans peu apres venues nouvelles des preparatifs que faisoit le Turc, & de son entreprise de descendre encores en Germanie, & luy Empereur se preparant à y resister : ledit Roy de France auroit tenu plusieurs propos à son des-avantage, soubs umbre qu'il n'y avoit esté appellé, disant meriter bien que ledit seigneur Empereur tint compte de luy, & qu'il ne faisoit ceste entreprise seule, sinon pour desdaigner les autres Princes Chrestiens, & par ambition & affection qu'il avoit de parvenir à la monarchie, dont luy Empereur se vouloit bien justifier en la presence d'iceux assistans. Et proposa que quant à l'ayde ou secours du Roy de France, il n'en avoit voulu user, obstant qu'au seigneur de Ballançon qu'il avoit envoyé vers ledit Roy, il autoit faict response que pour le secourir il viendroit en Italie avecques cinquante mille hommes de pied accompagnez de trois ou quatre mille chevaux : ce que luy auroit jugé n'estre à propos, ne pour le particulier interest de sa majesté, ne pour le bien & repos d'Italie. Et quant à la monarchie, que fil y custaspiré, jamais n'en cust esté contredit par ledit Roy de France, ains luy avoit ledit Roy

offert son ayde à l'y faire parvenir envers & contre tous, moyennant qu'on luy eust voulu accorder seulement le Duché de Milan. Dit d'avantage que depuis son retour de Germanie ayant sa majesté faict une lique à Bolongne pour la deffension d'Italie, ledit Roy s'en seroit plainct, & ce sans aucune occasion qu'il eust de justement se plaindre, car icelle ligue n'auroit esté faicte qu'à bonne fin & avecques Princes Chrestiens: disant ces mots avecques une con renance, par laquelle & autres propos qu'il avoit souvent tenus, il vouloit donner à entendre que le Roy en eust faict une avecques Princes non Chrestiens. Apres allegua comment le Roy se seroit plainct de la mort de Merveilles, que le Duc de Milan avoit fai& executer, & en laquelle mort iceluy Duc avoir eu tresbonne & tref juste occasion, pour les meschantes pratiques dont estoit ledit Merveilles autheur & entreteneur. Lesquelles plainctes disoit ledit seigneur estre procedées de la seule envie qu'avoir ledit Roy de France, de trouver occasion ou couleur de rompre les traittez dernieremet faicts entre-eux, desquels lon pouvoit juger comment ils auroient esté observez & accomplis de bonne foy par ledit Roy: lequel ayant promis entre autres choses de ne faire aucunes pratiques en Allemagne, y en auroit fai& infinies: & entre les autres suscité le Lansgrave de Hessen à saire l'entreprise de Witemberg: chose que ledit Roy ne pourroit nier, attendu qu'icelle entreprise auroit esté faicte de ses deniers, & qu'en Italie aussi peu se seroit-il abstenu de faire menées & praticques au prejudice des traittez,& mesment depuis peu de jours en ça par le seigneur de Tinteville, & au paravat alors que luy Empereur se preparoit pour aller en Afrique. Durant lequel preparatif ledit Roy pour le mettre en jalousie & le tenir en crainte, auroit aussi faict de son costé gros appareil de guerre: combié que depuis il sen seroit desisté facilemet, non en faveur de luy, mais estimat qu'il seroit plus à son propos de le laisser aller au hazard de ceste entreprise, & y despedre ses deniers, fafin que si pis ne luy advenoit, à tout le moins il en eust faulte par apres. Dist d'avantage en se plaignant comment ledit Roy de Frace luy avoit cotre ledit traitté retenu log temps aucus les subjects en les galleres par force, & ce soubs umbre seulement que luy n'en pouvoit rendre autres du Roy

qui se perdirent avecques Portunde sur ses galleres: lesquels subjects du Roy il auroit depuis rendus incontinant qu'il les auroit peu avoir en sa puissance, c'est à scavoir apres la victoire de Thunis: de laquelle seroit au moins redondé ce bien particulier audict Roy de France. Bien disoit il estre vray, & ne vouloit desavouer que ledit seigneur Roy ne luy cust aussi rendu les siens apres avoir eu les prisonniers de Thunis: mais que cherchant tous jours nouvelle occasion de se douloir, luy auroit a pres faict faire instan ce par le seigneur de Velly son ambassadeur de luy rendre certeins autres prisonniers que tenoient les seigneurs André & Antoine d'Orie en leurs galleres: lesquels toutesfois estoient prisonniers pour autre occasion que pour la guerre, & pour la delivrance desquels y avoit de grandes disputations à demesser. Item que depuis la mort du Duc Francisque Sforce le Roy luy auroit faict demander le Duché de Milan, ou pour luy, ou pour l'un de ses enfans: à quoy il auroit faict telle responce, que tous ceux qui l'entendront telmoigneront par icelle combien il est affection nément desireux de la paix; car nonobstant que le Roy de France y eust renoncé, & que luy cust grande occasion & juste tiltre de le retenir à soy, il ne luy avoit toutesfois voulu refuser. Bien avoit il ayant la main voulu scavoir l'intention du Roy, sur ce qui appartient au general de la Chrestienté, comme du Cocile & de la reduction des Lutheries: aussi d'establir une bonne & seure paix en Italie: & de quel les forces ledict Roy de France luy voudroit ayder à l'encontre du Turc: & que soubs ses conditions il luy auroit accordé donner ledict Duché de Milan au Duc d'Angoulesme. Chose de laquelle il pensoit que ledict Roy se devoit raisonnablement contenter, par-ce que la Royne de France sa sœur luy en avoit escript au paravant, en luy donnant à entendre par ses lettres que ledict Roy desiroit grandement avoir avecques luy bonne intelligence & seure amitié: laquelle amirié se pouvoit asseurer en baillant à l'un de ses enfans iceluy Duché: bien advoua il estre vray que par sessible de le donnoit à cognoistre que le Roy aymeroit mieux ledict Duché pour le Duc d'Orleans: toutesfois que non pourtant il se cotenteroit de l'avoir pour l'un, fil ne le pouvoit obtenir pour l'autre. Et que luy à ceste cau se, encores qu'il eust peu d'occasion de faire plaisir au Roy

D iiij

de France: attendu qu'en faisant porter parole de paix à sa majesté, venue seulement pour visiter ses Royaumes de Naples & de Sicile, faisoit si grands preparatifs de guerre, voire avoir assailly desja le Duc de Savoye, sans avoir aucun esgard, & qu'il estoit son oncle, & que par les capitulations il ne pouvoit riens pretendre en Italie, ne faire entreprile contre les alliez de son Imperiale majesté. Toutesfois afin de monstrer sa bonne intention, & combien il desiroit la paix de la Chrestienté, aussi pour estre par cy apres excuse devant Dieu & devant les hommes, il offrit de nouveau trois partis au Roy en la presence de sa saincteté, du sainct college, & de tous les autres assistans. Dont le premier sut de bailler le Duché de Milan à l'un des enfans du Roy, moyennant que par là il se trouvast moyen d'asseurer une bonne & durable paix, sans laquelle voye il ne le voudroit aucunement faire: & neantmoins ne voioit point, tandis que le Roy perfisteroit (ainsi qu'il en monstroit avoir la vo lonté)à demander ce Duché pour le Duc d'Orleans son fils & non pour l'autre, que la susdicte voye se puisse trouver: à cause que l'experience des choses passées donnoit assez à coguoistre, que le Roy ne demandoit ce Duché pour s'arrester à tant, mais pour luy servir de degré à passer plus outre. D'au tant que ledit Duc d'Orleans pourroit pretendre aux estats de Florence & urbin, comme mary de la niepce des Papes Leon & Clement: & que si bien on luy mettoit en avat que ledit Duc d'Orleans renonceroit à ses querelles, ainsi qu'offroit le Roy de Frace: luy Empereur ne voioit point que les dites renociations fusient plus fortes que celle qu'avoit faict le Roy du Duché de Bourgogne. Et qu'à ceste raiso ce qu'il feroit pour le Duc d'Angoulesme avecques autat de seureté (monstrant son doigt) il ne le feroit pour le Duc d'Orleans avec tant, & monstroit alors son bras: pourautant que faisant nouveau traitté de paix avecques le Roy, il vouloit que ce fust vraye paix, & non moyen de nouvelle guerre. Aussi vouloit que le Roy en ce faisant declarast en moy, & avec quelles forces il luy affisteroit à la celebration du Concile, & à toutes choses qui tendroient à la reformation de la repub. Chrestienne, à l'extirpation des heresies, & à l'entreprise contre les infidelles. Lesquelles choses ne se pouvans accorder sans prealablement ofter toutes offenses, il demandoit que le Roy avant tout œuvre, & que proceder aux articles de paix, revocast & retirast son armée de Piemont: car sans cela il ne vouloit entendre à la paix, & moins pouvoit l'esperer. L'autre party qu'il offroit au cas que le Roy ne le voulust entendre au premier, dont il luy donnoit terme de vingt jours à respondre, non pour user de braverie, mais pour-ce qu'il pésoit bien qu'environ ce temps là leurs deux armées seroient si pres l'une de l'autre, qu'à peine s'en departiroient elles sans messée. En ce cas & pour eviter plus grande effusion de sang, dont tant & trop sestoit espandu à cause d'eux, aussi qu'il estoit raisonable que ceux se missent au danger pour lesquels estoit excitée ceste tempeste, ils vuidassent entre-eux deux leurs differends, de personne à personne, & que c'estoit ce qui auoit aurresfois esté faict, comme par David & autres: car encores qu'ils fussent Roys, ils n'estoient toutes sois autres qu'hommes, combien qu'ils fussent un peu plus polis & mieux equippez que les autres. Dist au surplus en ceste matière, que pour autant qu'il sembleroit à plusieurs estre chose fort difficile de mettre ceste theoricque en praticque, pour l'infinité des difficultez qui peuvent sourdre à trouver lieu convenable & comun pour le combat:qu'à lu y ne sembloit point estre plus difficile de trouver lieu propre à cest affaire, que d'en trouver un à convenir & traitter de paix entre-eux : & quand ores il seroit plus difficile, si estoit ce qu'il s'y pouvoit trouver moyen, comme de combattre en une Isle, ou sur un pont ou batteau en quelque riviere. Et quant aux armes, eux deux se pourroient aisément en accorder à les prendre qu'elles fussent esgalles, & que luy de sa part les trouveroit toutes bonnes: fult-ce de l'espée ou du poingnard en chemise. Mais que venant à ce poinct il vouloit que celuy qui obtiendroit la victoire fust obligé de bailler ses forces à nostre S. Pere: pour luy donner faveur à l'indiction & celebration du Cócile, à la reduction des rebelles & desobeillans de l'Eglise, à l'obeïssance d'icelle, & à la resistence du Turc ennemy de nostre foy: aussi que le vaincu à faire & accomplir ce que dellus, assistant de toutes les siennes forces au vainqueur. A quoy ledit seigneur Empereur dés lors comme pour le cas advenant fobligea envers nostre-dict S. Pere & le S. siege apostolique:requerant d'avantage sa majesté que le cas advenant de ce combat, le Roy mist en depost le Duché de Bourgongne, & luy le Duché de Milan, pour estre les

deux delivrez au vainqueur: & que de tous lesdits poincts accomplir ils baillassent & l'un & l'autre bons & seurs ostages. Le troissesme party sut la guerre à laquelle protesta ledit seigneur Empereur de jamais ne venir sans contraincte: disant qu'il sçavoit bien si on venoit à cela, qu'elle seroit si cruelle que le vainqueur y auroit peu de proffit: mais que la victoire appareilleroit au commun enuemy de nostre foy le pas & l'entrée pour nous venir courir sus, en esperance qu'il trouveroit au moyen du dommage (qui d'une part & d'autre adviendroit, à l'occasion de ceste guerre) trop moins de resistance à l'encontre de ses forces qu'il ne seroit requis au bien commun de la Chrestienté. Qui estoit la seule cause que sa majesté moult envis descendoit à ce party: mais que force luy estoit de ce faire, & que pour son honneur il n'y pouvoit plus reculer : attendu la provocation que luy en avoit faicte le Roy de France si à grand tort & injustement, & ce pendant qu'il luy faisoit tenir propos de paix, sans toutesfois luy avoir jamais envoyé homme qui cust charge, commission, ne pouvoir de la traitter. Mais puis qu'il se voyoit en ceste sorte contrainct à prendre les armes maugré luy, qu'il les prendroit de telle heure que chose du monde ne l'en destourneroit jusques à ce que l'un ou l'autre des deux en demourast le plus pauvre gentilhomme de son pais. Lequel malheur il esperoit & se tenoit seur & certain qu'il tomberoit sur le Roy: & qu'à luy Dieu seroit aydant, ainsi qu'il avoit esté par le passé. Adjoustant ledit seigneur Empereur à ce propos que pour trois bonnes & justes causes avoit il ceste esperance voire asseurance de victoire, l'une que le droict estoit de son costé, car il n'estoit aggresseur ne provocateur en ceste guerre : l'autre que le Roy la luy àvoit commencée au temps plus oportun & plus à propos, & plus à l'avantange de luy Empereur, qu'il eust esté possible de imaginer: la tierce qu'il trouvoit ses subjets, capitaines & soldats si bien disposez en si bonne amour, affection, & volonté vers luy, & si bien experimentez en l'art militaire, qu'il se pouvoit entierement reposer du tout sur eux. Chose qu'il sçavoit certeinement estre du tout contraire envers le Roy de France: duquel les subjects capitaines & soldats estoient tels & de telle sorte, que si les siens de luy estoient semblables, il se voudroit lier les mains, mettre la corde au col, & aller vers le Roy de France en

cest estat luy demander misericorde. Sur-ce protestant au lieu de conclusion, que ce qu'il avoit mis en avant de la paix, n'estoit point pour crainte ou peur qu'il eust du Roy: car ce ne fut jamais sa coustume de sabbaisser à demander paix en sa perte, mais seulement quand estoit vainqueur; & pour obvier aux dessussitions inconveniens qui adviendroient indubitablement de ceste guerre. Et à tant il discourut & deduisit par infinité de paroles les maux qui estoient à venir de la guerre, outre l'occasson & mortalité du peuple Chrestien: comme la ruine des villes & païs, suscitation de sectes & heresies, esmotion de peuple, & rebellion contre les seigneurs, & à eux telle necessité imposée, qu'ils soient contraints de se rendre subjects, aux passions & volontez de leurs propres subjects, voire des plus vils & des plus meschans: là où de paix viennent & procedent tous biens au contraire. Parquoy derechef il protesta que s'il se trouvoit quelque bon moyen de paix, il ne seroit pour la refuser: & que nul sien particulier bien ou interest l'en detourneroit, moyennant toutesfois que le Roy prealablement & ayant qu'en parler plus outre retirast sadicte armée qu'il avoit au Piemont. Et à tant disant à haulte voix qu'il conseilloit, qu'il desiroit, qu'il demandoit la paix, fin a sa parole baissant la teste pour lire en un petit brevet qu'il avoit environné à l'entour de son doigt.

Nostre S. Pere en reprenant ses propos avoit commençé à sour les bonnes paroles & offres dudict seigneur Ce que responence à louer les bonnes paroles & offres dudict seigneur Ce que responence , alors que sa majesté apres avoir jetté les yeux dit le Pape sur son breyet, luy dist en l'interrompant, j'avoye (tres-aux protesta-sainct Pere) oublié à vous prier en ma conclusion, d'acceptions de l'Em ter & recevoir mes justifications: & de vousoir prendre la pereur. peine de bien peser les choses, & entendre lequel a tort ou du Poy ou de moyer vous assentant que lè cui vous prepuis

peine de bien peser les choses, & entendre lequel a tort ou du Roy, ou de moy: vous asseurant que là où vous trouverez que le tort soit de mon costé, je suis content que vous favorisez & secouriez le Roy à l'encontre de moy; aussi là où vous trouverez au contraire, que je me mette à la raison, & que le Roy n'en tienne compte, en ce cas je prie & invoque Dieu, vostre saincteté, ce sainct college, & tout le monde à l'encontre de luy. Ceste protestation ainsi sinée, nostre S. Pere continuant sa parole loua les bons propos & bonnes offres dudict seigneur Empereur, en ce que elles tendoient au bien de la paix, à laquelle il esperoit

que le Roy ne seroit moins enclin de son costé, veu qu'il en avoit desja declaré sa bonne intention. Parquoy ledit S. Pere esperoit qu'ils ne viendroient n'à la guerre, n'au combar: & quad il faudroit venir à l'u ou à l'autre (que Dieu ne voulust)sa saincteré toutesfois estoit d'advis, qu'estas iceux deux Princes tels mébres & principaux appuis de la republicque Chrestiëne, il ne pourroit à icelle republique venir si grand dommage de la guerre, quelque grande & cruelle qu'elle fust, que du cobat de personne à personne entre-eux fil adven oit (come il estoit à craindre) que l'un ou paravan ture tous deux y mourussent. Parquoy il conseilloit qu'en delaissant les autres deux partis, on l'attachast à l'un, qui estoit de paix & amitié entre leurs majestez : pour à la quelle parvenir il estoit deliberé s'employer en tout ce qu'il pourroit envers l'un & l'autre, & qu'à ceste intention il s'estoit resolu par la deliberation & avis de ses freres les Cardinaux du S. Siege, demeurer neutral entre eux deux, & Pere commun: afin de pouvoir plus esgalement & sans estre suspect de l'un ou de l'autre, conduire les choses à ceste fin, en quoy il avoit esperance de les trouver (ainsi qu'il desiroit)tous deux raisonnables. Bien protesta qu'il ne pourroit autremet faire là où l'un ou l'autre seroit pertinax & desraisonnable, que d'user envers luy de la puissance & authorité de l'Eglise. De ceste response monstra l'Empereur estre moult satisfaict & content, & voulut en remerciat baiser la main de sa saincteté. Ce faict l'Evesque de Mascon s'avança, & dist audit seigneur Empereur qui avoit faict sa proposition ou protestatió en langue Espagnolle, que pour n'é tendre ladite langue, il n'avoit pas bien compris le tout: parquoy il respondroit seulement à l'article concernant la paix, à laquelle il asseuroit bié que le Roy son maistre ne se trouveroit dur ne destraisonnable: remettant au surplus la responce au seigneur de Velly son compagnon, qui pour avoir long temps esté ambassadeur aupres de sa majesté, le pouvoit mieux avoir entendu que luy. Ledit de Velly fapprochant pour respondre, & demandant estre ouy sur-ce, ledit seigneur Empereur reprint la parole, disant que touchant la paix on luy en avoit tenu propos assez souvent, & que luy maintenant demandoit des effects, & non des paroles: adjoustant que tout ce qu'il avoit dit, il le bailleroit par escrit, mais que pour l'heure il n'auroit point d'autre au

dience. Età tant se leverent & separerent lesdits S. Pere & Empereur: les ambassadeurs de France aussi se retirerent à part: en attendant que ledit S. Pere fust revestu de ses habits pontificaux: & revestu qu'il fut, l'Evesque de Mascon se tira pres de luy, en le priant vouloir tenir la main à ce que ledit seigneur Empereur luy baillast sa dessudite propo sition par escrit, le seigneur de Velly aussi en seit instance à sa majesté, qui luy promist de ce faire. Apres luy remonstra ledit de Velly, voyant l'oportunité, qu'il avoit de luy dire en l'absence de nostre S. Perè que la faulte n'estoit point au Roy son maistre, sil n'avoit la envoyé homme avecques pouvoir de traitter la paix: car sa majesté n'avoit jamais declaré qu'il la voulust traitter à Rome, ains avoit tousjours dit qu'il ne vouloit point que nostre S. Pere entendist en quels termes estoient les praticques jusques à ce qu'elles fussent conclues. A quoy sedit seigneur Empereur respondit, Vous sçaviez bien (dit-il) long temps a que je venoy icy, & je le vous avoy dit pour l'escrire au Roy vostre maistre: & ce disant il se vint rassembler avecques nostre S.Pere, & allerent ensemble à la messe. Au sortir de là, nosdits ambassadeurs trouverent les seigneurs de Granvelle & com mandeur de Cannes, lesquels par contenance monstrerent d'estre fort desplaisans de cest affaire, disans qu'ils ne s'atten doient point que ledit seigneur Empereur fust venu pour faire un tel sermon, mais qu'il n'en failloit prendre que la premiere partie. Lesdits ambassadeurs respondirent que le Roy leur maistre estoit pour sarisfaire de responce, & à l'une,& à l'autre partie : & à tant se departirent les uns des autres affez grarieusement.

Sur le soir envoya nostre S. Pere vers l'Evesque de Mascon, à ce qu'il vint parler à sa saincteté devant qu'escrire au Roy son maistre, ce qu'il feit: & au lendemain à l'issue protestations du disner de sa saincteré, se trouverent ledit Evesque de du Pape E Mascon & le seigneur de Velly: ausquels ledit S. Pere avec Empereur visage correspondant à ses propos, asseura qu'il estoit fort vers le Roy mal-content de ce qui estoit advenu, & que jamais n'en a- El replique voit entendu aucune chose au paravant: affermant bien que des es ambassi l'Empereur s'en fust descouvert à luy, jamais il ne l'eust sadeurs. supporté ne souffert. Toutes sois pour-ce que les choses pas sées se pouvoient mieux blasmer que corriger, il les prioit bien instamment de vouloir faire bon office au bien de la

Suitte des

paix, & d'escrire au Roy ceste nouvelle au plus dextrement qu'il leur seroit possible, taisant ce qu'ils pouvoient taire, sans faire faulte envers luy, & qui seroit pour plus l'aigrir. Lesdits ambassadeurs suy remonstrerent qu'ayant esté la declaration faicte par l'Empereur, ainsi publiquement, & en si grande compagnie, il estoit impossible de la deguiser audit seigneur: ce nonobstant ils useroient en l'advertissant de la plus grande douceur qu'ils sçauroient aduiser. Bien craignoient ils qu'il en fust d'ailleurs adverty, par adventure autrement qu'eux ne l'en advertiroient: car ils entendoient de maintes petsonnes que les choses avoient esté diversement prises, & tresmal interpretées: dont il ne pouvoit estre que ledit seigneur Roy n'en fust advertý par pluficurs voyes & moyens. Ledit S. Pere à ces propos ayat l'occasion opportune, s'excusa vers eux de la responce qu'il avoit faicte à l'Empereur; disant l'avoir saicte à l'improviste comme homme surpris, & que jamais n'eust pensé qu'il eust deu tenir les propos qu'il avoit tenuz : & qu'il avoit entendu que sadite responce avoit aussi esté sinistremet interpreiée: car son intention n'estoit & jamais n'avoit esté se departir de neutralité, laquelle il vouloit observer inviolablement, & en tous cas. Et ce qu'il avoit dit user de la puissance de l'Eglise contre celuy qui refuseroit la raison, il ne l'entendoit sinon par exhortation & admonnestement, ainsi que sa qualité le requeroit, dont lesdits ambassadeurs le remercierent, & au demeurant le prierent croire que leur maistre ne seroit iceluy qui ressuscroit ladite raison, apres luy declarerent combien ils destroient de mieux entendre dudit seigneur Empereur en presence de S.S. aucuns articles de la dessudite protestation, pour selon iceux les deduire au Roy leur maistre en la plus grande douceur qu'il leur seroit possible.

L'EMPEREUR Alors estoit prest à partir, & sur ces propos survint pour prendre congé de nostre S. Pere: parquoy les survint pour prendre congé de nostre S. Pere: parquoy les dits ambassadeurs se retirerent un peu en arrière, en attendans qu'on les appelast, si comme on seit quelque espace de temps apres, mais avant la main surent par nostre S. Per e advertis & priez de ne point ennuyer l'Empereur en propos, par-ce que ce jour là il avoit à faire grand chemin. L'entrée de leur devis sut sur ce que l'Empereur avoit le jour precedant parlé du combat, au cas que la paix ne se peust coclure:mais qu'il n'avoit point declaré qu'il eust aucune cause ou querelle, sur laquelle il pretendist fonder le combat: sinon qu'il sembloit que pour eviter la guerre qui pourroit advenir, à cause de leurs differends, il offroit de les vuider de personne à personne. Desquels propos ils desiroient estre esclarcis, à sçavoir, si ledit seigneur entendoit par iceux avoir appellé le Roy au cobat auquel cas ils pouvoient bien respondre de l'intention du Roy leurdit maistre, qu'il ne seroit pour le ressuser, & que bie pouvoit souvenir audit seigneur Empereur qu'autresfois avoit esté que stio de telle matiere :mais qu'à present il n'en estoit point qu'ils sceussent:ne mesmement que le Roy leurdit maistre voulust, ou quoy que ce soit eust faict aucunedemonstratio de vouloir avoir le Duché de Milan par force, attendus les propos que le scigneur de Velly l'un d'iceux ambassadeurs en avoit tenuz, & les offres que luy de Velly en avoit de la part du Roy faictes à l'Empereur. Ausquelles offres il avoit esté par sa majesté respodu, en sorte que ledit seigneur Roy leur maistre s'é estoit cotété, qui pouvoit assez estre suffisat tesmoignage de sa voloté, joinet que moseigneur l'Amiral de France à son partemet qu'il comença faire marcher son camp en Piemont, avoit eu (come souvet il a esté dit) expres commandement de ne toucher en aucune chose qui fust és mains & puissance de sa majesté Imperiale, comme de vray il n'avoit faich&aussi peu estoit pour faire à l'avenir. Et quât aux choses traittées entre leurs deux majestez, elles estoiét par escrit; & facilement pouvoit ledit S. Pere juger de ce que depuis estoit advenu d'une part & d'autre, enquoy ils ne vouloient lors entrer plus avant: mais entendre seulement si ledit seigneur Empereur avoit intention d'imputer au Roy qu'il eust failly de sa parole, ou faict chose dont on le puisse charger de son honneur, & si par ses paroles il l'entendoit avoir deffié. Ce pendant qu'ils parlerent, estoient maintes personnes en la salle du Pape: & toutessois ils furent ouis à part & sans y appeller les assistans, jusques à ce que l'Empereur y voulust respondre. Et alors il seur dist que pour avoir le jour precedant parlé en pleine & publicque audience, il vouloit bien pareillement leur respondre en la presence de tous les assistans: & mesmement pource qu'il estoit adverty que lon avoit mal entendu & mal interpreté les choses par luy dites, & pource il

Explication protestation.

feit approcher iceux assistans, & puis commença dire en lagage Italien, comment il avoit esté requis par les ambassadeurs de France, de mieux & plus ouvertement se declarer és choses qu'il avoit hier dittes, à cause qu'il entendoit que maintes personnes les avoient mal interpretées: parquoy il vouloit bien satisfaire à cela, & declarer plus entenpar l'Empe- diblement les quatre poincts qu'il entendoit avoir touchez reur mesmes ledit jour precedant. Qu'en premier lieu il avoit un peu des paroles de prolixemet conté les choses qui estoient par cy devant passa precedante lées entre luy & le Roy, en quoy faisant il n'entendoit ne pensoit point avoir aucunement raxé ne blasmé ledit seigneur Roy: mais seulement de s'excuser & descharger. Et qu'il seroit tresmarry que lon tournast ses paroles en autre sens qu'il ne les avoit dittes : car quant au Roy, il l'estimoit tant, qu'il n'avoit aucune cause de mal dire de luy. Bien estoit il mal content d'aucunes choses dittes & faictes par luy, desquelles dire & faire il eust peu bonnement se passer, attédue l'estroitte alliance qui estoit entre eux deux, & les bons tours qu'il auoit faicts, & encores estoit prest de faire audit seigneur Roy: mais quelque chose que luy eust ditte, ce n'avoit point esté en intention d'aigrir les choses, ne de rompre avecques le Roy, ainçois qu'il desiroit (si com me il avoit tousjours desiré) s'accorder avecques luy, & parvenir à une bonne paix, qui estoit le second poinct par luy touché. Laquelle paix il desiroit, comme la chose qui plus luy estoit necessaire & plus à son proussit que nulle autre:car il cognoissoit bien qu'ayant paix, il evitoit un grand inconvenient universel, & en particulier asseuroit son aise, son estat, & son honneur. Que bien estoit vray qu'à ce faire ne vouloit il point estre contrainct ne conduit par force, & que si une fois il tournoit la teste vers le Roy, ainsi qu'il avoit deliberé, il n'y auroit chose, quelle qu'elle fust, qui puis apres le destournast de ce qu'il auroit, commencé quand ores le Turc entreroit & descendroit avecques toute sa puissace en ses païs & terres qu'il saissoit derriere luy:pource qu'il cognoissoit qu'en voulant entendre à l'un & à l'autre, il ne pourroit remedier à tous deux. Et à ceste cause il avoit deliberé de plustost entendre au Roy, & que pour ce faire il assemble & assembloit journellement toute la plus grande puissance que possible luy estoit d'assembler, pour une fois pour toutes y mettre fin, s'il advenoit

DE MESS. GUILLAUME DU BELLAY. 207 advenoit qu'il luy covint venir à la guerre: mais qu'il feroit ainsi que desja il avoit dit tout ce qu'il luy seroit possible de faire pour n'y point venir: & que par les effects on vertoit que nulle proprieté ne prouffit particulier l'en destourneroit. Au casaussi qu'eux deux ne puissent tomber en accord ensemble, bien luy sembloit en troissesme lieu plus co venable & à moindre inconvenient, qu'ils vuidassent entre-eux deux ces differends à leur seul & propre danger, que d'exposer tant de gens à la mort qui n'en peuvent mais: ce qu'il vouloit avoir dit par advis & opinion seulement,& non que par cela il eust voulu deffier le Roy; mesmement en la presence de nostre S. Pere, sans le congé duquel il ne voudroit entrer en tel affaire. D'avantage, qu'il sçavoit bien que le Roy estoit Prince grand, & de cueur, & de stature, & qui maintesfois avoit monstré son hault vouloir & magnanimité: parquoy ce n'estoit chose que luy voulust legie rement entreprendre, que de venir au combat avecques luy : joinct qu'il ne sçavoit point en avoir cause ne matiere, si n'estoit pour obvier à un plus grand mal, quand on le verroit advenir, & pour eviter plus grand inconvenient; comme d'une guerre en Chrestienté, de laquelle apparemment s'ensuivroit la totale ruine; à tout le moins grande inclination & diminution d'icelle. Et à ce propos rentra sur le mesme discours que le jour precedant il avoit faicts de tous les maux qui estoient advenuz, & qui encores pouvoient advenir de la dissention & guerre d'entre-eux: aussi tous les biens & avatages qui peuvent d'autre part advenir d'une bone paix & intelligece entre eux: laquelle alors il magnifia par une copieuse multiplication de paroles; en deduisant combien il desiroit que le moyen s'en puisse trouver, & qu'en s'accordant ensemble ils accordassent aussi le differend du Roy & du Duc de Savoye: & concluat que si eux deux se pouvoient asseurer, & prendre confidence l'un avecques l'autre, se seroit le plus grand bien & la plus grande felicité qui puisse advenir à la Chrestienté; Ainsi que par la guerre tout le contraire, comme la porte ouverte au Turc, & l'entrée donnée pour nous venir asfaillir, la secte Lutherienne & autres heresies, non seulemer en liberté de l'entretenir, mais de tousjours multiplier: le Concile, & la reduction d'iceux hereriques à l'oberilance de l'Eglise empeschez, & desvoyez, & tous affaires tombez

en telle confusion, que les Princes seroient exposez aux dangers de leurs propres subjets, les prelats sans authorité, le monde sans foy & religion, la reverence de Dieu aneantie, avec toutes les mal-heuretez & persecutions que lon peult & doit attendre de la fureur & ire divine. Et que ce sont choses qu'il veoit si apparentes & si prochaines advenir, que lon ne devoit point sebahir sil avoit ainsi parlé: pource que si leurs deux armées s'approchoient (ainsi comme il estoit apparant) en si grand nombre de combatans qu'il y auroit d'une part & d'autre, & qu'il n'y eust autre chose que la diversité des langues, & l'occasion du pillage, si n'en pouvoit on attendre moins que roupture: & que ceîte estoit la cause qu'il auroit requis qu'avant le terme de xx. jours à venir, le Roy fist retirer son armée : ce qui estoit le quatriesme poinct touché par luy: non pas en intention, ne qu'il voulust entreprendre de limiter & prefinir le temps au Roy, mais qu'il sçavoit qu'environ ledit temps pourroient estre leurs deux puissances si approchées l'une de l'au tre, qu'il seroit alors malaisé d'obvier à la roupture.

Replique du Pape à ceste interpretation de l'Empercir.

Nostre S. Pere prenant la parole luy commença à dire, que de sa part il avoit le jour precedant pris les propos dudit seigneur Empereur en bonne part : mais que voirement y avoit eu maintes personnes qui les avoient autrement pris:au moyen dequoy il estoit grandement aise, que sa majesté les eust plus entendiblement interpretées: pour obvier qu'aucuns malings n'en escrivissent au Roy, de sorte que les choses s'en aigrissent d'avantage, & fussent pour avancer la roupture d'entre leurs majestez: à quoy il esperoit que les ambassadeurs de France qui là estoient dont sa saincteté pouvoit asseurer de l'un, & sa majesté de l'autre, pour la cognoissance qu'ils en avoient de longue main, feroient chacun bon office en cest endroit, en donnant cest advis au Roy leur maistre, avecques toute la douceur à ceux possible, asin d'obvier à ladite roupture. Les dits ambassadeurs alors respondirent, que sa saincleté pourroit à tout remedier par son authorité, en se monstrant ledit S. Pere, comme il estoit, pere commun, & demeurant egal à tous deux: ce que sa saincteré accepta de faire, adjoustant qu'entre les autres graces que leurs majestez ont de Dieu, ils ont ceste particuliere de grande importance: c'est que par sa divine disposition la Chrestient

leur estoit comise, & que d'autant plus qu'ils acquerroient grande louange d'en bien user, d'autant plus de blasme & virupere l'ensuivroit, sils estoient cause de la ruine & destru ction de la chose qui leur estoit commise. Parquoy il requeroit ledit seigneur Empereur estre contant de mettre (ainsi que luy esperoit) à execution & vray effect les bons propos qu'il luy avoit tenuz de la paix : & qu'il avoit aussi esperance que le Roy qui luy en avoit escrit de pareils ne se trouveroit dur ne mal traitable en cest affaire. A ce faire se soumist l'Empereur, & de rechef entra sur le denobremet des biens qui adviendroient d'une bonne confidence entre eux, & du desir qu'il avoit que le Roy (si come il en prioit) se voulust fier de luy. Et en ce disant l'estoiet lesdits S. Pere & Empereur levez pour prédre cogé l'un de l'autre, quand le seigneur de Velly, l'un des ambassadeurs de France, s'approcha de l'Empereur, & luy requist que son bo plaisir fust de declarer en la presence de nostre S. Pere & des assistans si sa majesté luy avoit pas accordé autresois de bailler le Duché de Milan au Duc d'Orleans:par-ce que ledit de Vel ly l'avoit ainsi escrit au Roy son maistre, & voyant que ce propos ne l'entretenoit pas, craignoit d'en recevoir blasme & que le Roy sondit maistre l'en estimast menteur & advanceur de paroles.

L'EMPEREUR à sa contenance mostra qu'il eust bien voulu se demesser de respondre à ceste requeste, sans en faire autre declaration: toutesfois il advoua de l'avoir ainsi accordé audit de Velly, non seulement, mais de l'avoir ainsi escrit à son ambassadeur en France; pour le dire audit Roy son frere: mais qu'il n'avoit jamais pensé, & ne pensoit point encores qu'il fust possible d'y trouver les seuretez suffisantes, ne que le Roy fust pour luy consentir, les conditions qu'il luy entendoit demander à toutes fins. Surquoy repliquant ledit de Velly que c'effoit bié le moyé de mettre le Roy en plus grande deffiace, non pour le mettre en confidence avec sa majesté Imperiale, de luy mettre en avant une chose qu'en l'y mettant il n'eust intention, oune pensast qu'il se trouvast moyen de la mettre en effect. D'avantage que sadite majesté suy avoit tousjours dit qu'en baillant ledit Duché de Milan au Duc d'Orleans, il ne demaderoit au Roy conditions quelcoques non raison-

E ij

nables: ains se departiroit en aucunes choses de ses noms, droicts, raisons, & actions. L'Empereur alors s'excusa que le Roy n'avoit pas accepté l'offre en temps deu, aussi qu'il avoit saict passer son armée en Italie, & faict trop de dommage au Duc de Savoye: lequel il estoit tenu de deffendre, non seulement pour luy estre si estroittemet allié comme il est, mais aussi pour estre son vassal: car tout ainsi que les vas faulx sont tenus mettre & mettet leurs bies & vie pour leur seigneur naturel & droitturier, le séblable doit le seigneur faire pour eux. Adjoustant sa majesté Imperiale, qu'else n'avoit jamais accordé bailler iceluy Duché au Duc d'Orleas, finon moyennant & foubs condition que ses alliez & confederez le voulussent, lesquels ne le vouloient en aucune maniere consentir: car ce seroit mettre un nouveau seu en Italie, pour les raifos qu'il avoit le jour precedat alleguées, mais que la où le Roy voudroit accepter cest estat pour le Duc d'Angoulesme, sa majesté estoit encores en disposition de le luy bailler, avecques les conditions qui en partie avoient esté mises, & en partie se mettoient en avant à la conclusion du traitté:mais pour le Duc d'Orleans non. Car outre les obstacles prealleguez, il seroit du tout dependant & partisan du Roy: là où le Duc d'Angoulesme, si ores il de pendoit dudit Roy son pere, toutes sois en prenat à semme l'une des niepces de sa majesté Imperiale, sa femme en dependroit & seroit partisanne, de maniere que les choses demeureroient moyennées. Le seigneur de Velly avoit ja ouvert la bouche pour monstrer audit seigneur Empereur que ce scrupule & doubte de particularité n'estoit ne moyen ne signe de considence: aussi que sa majesté quand elle luy accorda le Duché pour monfeigneur le Duc d'Orleans, ne luy avoit point allegué ceste condition du voulois & cosentement de ses confederez : quand ledit seigneur Empereur se leva, luy faisant signe de ne pa ler plus avant, & se tournant vers nostre S. Pere, Est-il pas beau (dit il) qu'il fault que je prie le Roy de France d'accepter un Duché de Milan pour l'un de ses enfans, & que nonobstant que sesdits enfás ne soiet point de la Royne ma sœur, on me vueil le contraindre à leur donner partages, & au choix d'autruy! & en ce disant print cogé de sa fainceté, sans plus avat doner audience aufdits ambassadeurs de France. Iceux ambassadeurs toutessois, tant pour obtemperer à la requeste

que leur en avoit faicte nostre S. Pere, comme pour la bonne affection qu'ils portoient au bien de la paix, ne voulurent escrire au Roy leur maistre tous les propos qu'ils avoient entendus, ains luy en dissimulerent grande partie: comme du combat avecques l'espée ou le poignard en chemise, la façon & termes dont avoit l'Empereur usé, magnifiant la force & vertu de ses subjects & vilipendant ceux du Roy, & que si les siens fussent tels que ceux du Roy, il se lie roit les mains, & iroit en cest estat luy demander misericor de: aussi l'article où il avoit dit, que le Roy luy avoit offert de le faire Monarque (dont luy-mesmes apres s'estoit repris)& autres articles que lon pourra juger en conferant la protestation dudit seigneur Empereur à la response qu'y feit le Roy, lequel a respondu seulement aux articles dont il a eu advertissement.

C E temps pendant avoit esté depesché monseigneur le Depesche & Cardinal de Lorraine, pour aller vers l'Empereur, ainsi que voyage du vous avez cy devant ouy. Et nonobstant que depuis son de- Cardmal de partemet le Roy avoit eu des nouvelles de la dessudite mu- Lorraine detation,& des propos que l'Empereur avoit tenuz (mais n'en vers l'Empeavoit encores eu certain ne particulier advertissement, ne reur. par la vove de sesdits ambassadeurs, ne par celle de l'ambassadeur dudit seigneur Empereur estat riere luy) pour cela ne contremada il point ledit sieur Cardinal, afin qu'en tout evenemet il mist le bon droict de son costé, tat envers Dieu qu'envers le monde, & qu'il fust à chacun notoire & manifeste qu'il n'avoit reculé à la paix, ains se seroit mis en tous

devoirs possibles de la demander.

LEDIT seigneur Cardinal arriva le dixhuictiesme jour d'Avril au soir, au lieu où estoit nostre cap logé, apportant lettres de creance, escrites de la main du Roy, avecques mandement qu'il declara de bouche à monseigneur l'Amiral lieutenant general du Roy, qu'il se gardast d'innover chose quelconque, ains advisast d'essire un lieu opportun à rerirer son camp en seureté, sans marcher outre, jusques à ce qu'il eust dudit seigneur Cardinal nouvelles du lieu où il alloit, ou que le Roy luy en voyast nouvel ordre d'autrement sy gouverner. De ceste nouvelle sut ledit seigneur Amiral en grande perplexité, comment il autoit à proceder, & prendre conclution en ses affaires: car il avoit d'une part nouvelles seures que l'Empereur en toute diligé-

ce se preparoit à la guerre, & que de la paix il y avoit peu d'esperance. Parquoy il luy sembloit estre chose de dangereule consequence (outre la perte de reputation qui luy en pourroit advenir) de reculer ou arrester un camp estant desja entré en cours de victoire. Il consideroit d'autre part & avoit tousjours devant les yeux, que s'il passoit outre apres le commandement contraire qu'il avoit du Roy, tant par lettres recitées, que par la bouche de mondit-seigneur le Cardinal, encores que de son entreprise il vint à bonne sin, si to utesfois l'Empereur se retiroit de la promesse qu'il avoit faicte du Duché de Milan, il pourroit prendre & coulourer son excuse sur-ce que depuis sa promesse on auroit innové, dont luy pourroit estre blasmé du Roy, lequel avoit singuliere affection de recouvrer le sien par amiable composition plustost que par exploit de guerre, & là où il luy conviendroit venir aux armes, le faire avecques telle justification, que lon cogneust evidemment qu'il n'avoit rien obmis de ce que pour n'y venir se pouvoit faire. A ceste cau se il feit appeller au conseil, afin de deliberer sur ceste matiere, tous les capitaines estans en sa compagnie : & assemblees qu'ils furent, & apres avoir faict lire en leur presence les lettres qu'il avoit du Roy, ensemble la creance redigée par escrit que luy avoit mondit-seigneur le Cardinal exposée de bouché, seur en demanda seurs advis & opinions. A quoy respondirent aucuns en peu de paroles que sur cho se expressement commandée par leur maistre ne gisoit deliberation, mais obeissance & execution. Aucuns alleguerent d'avantage le doute & incertaineté de l'issue, laquelle arrivant autre qu'à poinct, ne laissoit aucun moyen d'excuse à qui auroit entrepris concre l'expresse inhibition & dessence du maistre. Le seigneur de Burie qui avoir esté recognoistre la ville de Verceil, & avoit charge de l'artillerie, interrogué sur cest article, respondit, & se fist fort de faire telle breche au dedans de vingt-quatre heures, que l'assault s'y pourroit donner au grand desavantage de ceux de dedans: & sur sa responce fut repliqué alors que ce n'estoit assez de faire breche, mais qu'il falloit considerer le nombre de gens de guerre qui estoit dedans, le nombre des nostres, & celuy du prochain secours auquel estoit fondée l'esperance de l'ennemy. Dedans la ville y avoit le nombre de trois mille hommes,

dont les mille estoient Lansquenets : les nostres ne pouvoient encores estre plus de quinze à seize mille hommes de pied, de gens de cheval il n'y avoit que soixante & dix hommes d'armes, & cent archers de la compagnie dudit seigneur Amiral, & des compagnies du seigneur Jean Paule: & du Marquis de Sallusses, environ de trente à quarante hommes d'armes: & le double d'autât d'archers: de chevaux legers environ deux cens : & des gentilshommes de la cour venuz à ceste guerre pour acquerir honneur, & faire service au Roy de cinquante à soixante: le surplus de noz gens autant de cheval que de pied, arrivoient encores journellement à la file. Sur le bord de la riviere de Seuse à quatre mille de là s'estoit venu loger le seigneur Antoine de Leve, avecques douze ou quatorze mille hommes de pied, & de chevaux environ six cens: & de là pouvoit facilement, au cas que la ville ne fust prise du premier assault, la refreschir de gens & vivres, & empescher noz fourrageurs ou vivandiers: ou ce pendant que noz gens donneroient l'assault, venir par autre costé nous donner la bataille, ou passant l'eaue par aultre endroit, aller surprendre la ville de Turin, qui n'estoit point encores fortissée. Et quand ores nous cussions eu Verceil du premier assault, il convenoit y laisser gens, & d'autant affoiblir nostre camp, en hazard d'y recevoir honte & perte de gens. Autres en eut qui repliquerent à toutes les difficultez dessusdites: premierement que lon pouvoit avecques une partie de noz gens donner l'assault, avecques les autres desfendre à l'ennemy le passage de la riviere, & si tant bien advenoit de l'entreprise que de reduire la ville en l'obeissance du Roy, qu'alors on pourroit obeissant au mandement dudit seigneur departir & retirer nostre camp en ladite ville & autres, attendant nouvelles de ce que ledit seigneur Cardinal autoit negocié avecques l'Empercur.

CESTE opinion (si la chose eust esté executée avant que ledit seigneur Cardinal eust esté arrivé, à tout le moins avat que ledit seigneur Antoine de Leve en eust eu la nouvelle) n'eust point semblé mauvaise à la pluspart des assistas: mais desja ledit seigneur Amiral avoit adverty ledit de Leve de la venue & de la comission dudit seigneur Cardinal, & luy avoit envoyé demader la seureté de son passage, & homme pour le coduire la part que l'Empereur alors se trouveroit:

Difcours sur ce qui se devoit suire sur l'assault de Verceil.

parquoy en passant outre, & ne venant au dessus de l'entreprise, il ne demouroit (ainsi qu'il est dit cy dessus) aucune excuse dont ledit seigneur eust moyen de couvrir sa faulte, & si bailloit on à l'Empereur, ou bien ou mal executant, excuse & converture de ne riens accomplir de la promesse. A ceste cause commencerent tous à se resouldre qu'en obeissant au Roy on se retireroit en arriere: le sieur d'Annebault fur bien d'advis de ne passer outre, mais non de reculer en arriere, pour n'aquerir à leur camp ceste desaveur, en donnant à l'ennemy occasion de se vanter que peur & craincte le leur fist faire: & pour son opinion fut conclu & arresté de sejourner au mesine lieu où ils estoient, qui n'estoit point contrevenir au mandement du Roy, jusques à ce que mondit-seigneur le Cardinal arrivé au camp de Leve, mandast ce que lon auroit à faire, afin que si on se retiroit en arriere, ce fult avec reputation & à la requeste de l'ennemy. A la pluspart des compagnons qui desja tenoient Verceil en leur esperance pour ville gaignée, & avoient leur attente fondée sur le butin, ne sur ceste nouvelle ne la venue de qui l'apportoit aggreable: & de tant plus que le passer outre leur estoit desendu, de tant plus bravement en parloient & demandoient estre menez à l'assault, & de telle asseurance en devisoient entre-eux, qu'il a semblé à beaucoup de gens, autant des ennemis comme des nostres, que si on leur eust laissé faire ils eussent emporté la ville d'assault.

Monseigneur le Cardinal arrivant vers le seigneur Antoine de Leve, fut honorablement & humainement receu de luy: si luy feit entendre sa charge, & comment le Roy pour optemperer à la requeste de l'Empereur, & pour luy donner à cognoistre combien il desiroit avoir avec luy parfaicte intelligence & amitié, n'avoit voulu (cncores qu'il luy semblast bien, y avoir quelque perte de reputation) luy refuser de faire arrester son camp en plain & apparant cours de victoire: par laquelle facillement il pouvoit obtenir & recouvrer ce qui estoit sien à l'encontre du Duc de Savoye, occupateur & detenteur injusteiafin que la pour suitte de sadite victoire n'alterast & interrompist les praticques & moyens de la paix, en laquelle en faveur de l'Empereur estoit ledit seigneur Roy contant de comprendre iceluy Duc de Savoye, abandonnant plustost une partie de ce que justement & indubitablement luy appartenoit. Assez gratieusemet luy respondit le seigneur de Leve à ce propos. lans advouer toutesfois que la victoire nous fust si certaine, & firent eux deux ensemble quelques accords, c'est à sçavoir, que luy de Leve ne passeroit point deça la Seuse, & sedit sieur Amiral se retireroit au deça de la Doarie, en attendant nouvelle de la negociation dudit seigneur Cardinal, avecques nostre sainct Pere & Empereur à Rome: car encores les pensoit trouver ledit seigneur Catdinal ensemble. A monseigneur l'Amiral furent ces accords envoyez avecques lettres iteratives du commandement & volonté du Roy, suivant lesquels, & aussi pour-ce que nostre camp de monseiestoit logé en lieu estroict environné de trois ou quatre gneur Ami villes du Montferrat, où il y avoit garnison d'ennemis, les-ral. quelles se pouvoient renforcer & donner de l'ennuy aux vivres qui venoient en nostre-dit camp: ledit seigneur advisa de se retirer au lieu de S. Germain, en esperance de s'asseurer, y estant de la ville d'Ivrée, & de tout le val du costé des Suisses, pour en tirer gens au service du Roy, au cas que lon perseverast à la guerre, & secourir Turin s'il advenoit qu'il en eust mestier.

Retraitte

L'Empereur (ainsi que j'ay dit) apres les propos Reprise des cy dessus recitez aucunement declaratifs de sa precedente accords de protestation, avoit pris congé de nostre S. Pere, & sans paix par les faire autre sejour estoit party de Rome, laissant derriere luy ambassapour apporter les articles de neutralité signez de la main de deurs du Roy nostredit S. Pere, Messieurs de Cannes & de Granvelle, avecques lesquels noz ambassadeurs à l'instance de nostredit S. Pete avoient encores communiqué touchant la pratique de paix,& n'en avoient du tout esté reboutez, ne mis en tierement hors d'esperance. Mesinement leur avoit esté dit & respondu sur ce qu'ils requeroient ainsi que l'Empereur avoit promis, avoir le double par escrit de sa dessuldite protestation: que sa majesté pour bonnes causes & raisons à ce la mouvans avoit depuis advifé de ne leur bailler point, ains de l'envoyer au seigneur de Leidekerke son ambassadeur en France, afin que luy-mesmes la leust au Roy, & la lisant adoucist les choses qui pourroient aigrir ledit seigneur, en sorte que ceste praticque se continualt encores, & se conduissift à bonne fin. Ceste response & co que l'Empereur en ses seconds propos avoit rabillé, donnoient esperance au seigneur de Velly qu'à la fin se pourroit tirer quelque bon-

ne conclusion, & cut opinion ou que l'Empereur cust usé publicquement de ceste haultainete de langage & braverie, pour donner à cognoistre qu'il ne craignoit l'effort du Roy, & que pour cela ne luy feroit rien faire; & que pour avoir usé de ses termes haultains, il avoit peu penser d'avoir acquis une grande reputation de magnanimité, surquoy il se pourroit persuader & induire à prendre cela pour contrepoix de la declaration d'hostilité, qu'avoit faicte le Roy contre le Duc de Savoye: ou bien que la venue de monseigneur le Cardinal de Lorraine (laquelle il sçavoir estre pro chaine, & avecques lequel il pouvoit tout rabiller & conclure) l'auroit meu à user de ces termes, afin de donner aux Potentats d'Italie & autres ses confederez, occasion de penser qu'au paravant n'y auroit encores eu entre luy & le Roy aucune asseurance ne promesse. Et bien l'aidoit nostre S. Pere à s'entretenir en esperance, de sorte que ledit Velly craignant que ledit seigneur Cardinal entendat sur chemin Articles de les nouvelles de ceste protestation s'en retournast arriere mentralité du sans passer outre, voulut bien envoyer au devant, & luy persuader de ce nonobstant achever son voyage. Aussi escrivit au Roy, luy conseillant & suppliant, que, nonobstant que ladite protestation fust par trop aigre & picquante, son bon plaisir fust toutessois d'y respondre modeltement, & de maniere que les choles ne s'en aigrissent d'avantage. Les articles ce pendant furent signez, lesquels en somme contenoient comment ledit S. Pere tresdeplaisant de la mauvaise intelligence & apparence de prochaîne roupture entre l'Em pereur & le Roy, & desirant estre entre-eux deux bon & confidant mediateur: se declaroit estre neutral, & ne vouloir assister d'aide ne de conseil au faict de la guerre à l'une ne à l'autre partie, ne souffrir qu'en ses terres, ou de sa jurisdiction, se fist aucun amas ou assemblée de gens de guerre, pour aucun d'eux. Aussi de n'accepter autour de sa personne homme quelconque, & de quelque estat ou condition, qui luy portast paroles contraires ou prejudiciables à sa neutralité: ne souffriroit qu'en ces places & villes fortes entrassent & sejournassent gens de guerre de l'un ou de l'au tre party, mais les feroit garder & tenir en bonne seureté par ses propres subjects ou souldoyez. N'empescheroir aucun durant ladite neutralité d'entrer en la ligue deffensive d'Italie, qu'il sursoiroit les differens & controverses de sa

Pape.

DE MESS. GUILLAUME DU BELLAY.

saincteté, c'est à sçavoir avec le Duc de Ferrare pour un an. & pour vj.mois avec le Duc d'urbin & son fils, à cause du Du chè de Camerin: qu'il entretié droit l'assistace promise par le feu Pape Clement aux cinq Cantons de Suisse à l'encontre des autres Cantons alienez de l'obeissance de l'Eglise: & que deflors il configneroit quelque bone & raifonable fom me de deniers pour estre preste à tous besoings & toutes occurrences.

CESTE neutralité signée, & delivtée aux seigneurs de Cannes & de Granvelle, ils se partirent de Rome, & avecques eux le seigneur de Velly ambassadeur du Roy: pour venir au lieu de Siene, où estoit l'Empereur alors, auquel lieu arriva aussi monseigneur le Cardinal, & à son arrivée faisoit son compte de seulement faire la reverence à sa majesté, & de remettre à luy dire sa creance apres disner, à cause qu'il estoit desja heure de messe: mais luy ayant faict la reverence, & dit seulement en termes generaux l'occasion de sa venue, y adjoustant toutes les plus convenables Paroles du paroles qu'il avoit peu, sans entrer au faict de sa principa- Cardinal de le charge, ledit seigneut Empereur de luy-mesmes respon- Lorraine à dit estre bien aise de sa venue, pour s'esclaircir (ainsi qu'il l'Empereur. disoit) & veoir quelle esperance il pourroit avoir de la bone confidance & amitié du Roy. Et ce voyat ledit seigneur Cardinal usa de ceste occasion & opportunité, luy declarant particulierement comment le Roy entendoit de se conjoindre avecques luy par toutes les plus estroittes facons que lon pourroit adviser, & que pour y parvenir & donner à cognoistre combien franchement il alloit en besongne, il avoit non seulement deffendu à monseigneur l'Amiral de France son lieutenant general en l'armée de Piemont, de ne passer plus outre que le lieu où lors il se trouveroit: ains auroit aussi faict retirer son armée dudit lieu, où alors elle estoit, afin de ne faire chose qui alterast l'esperance de paix : parvenant à laquelle ainsi que lon s'en pouvoit come asseurer, attendues les pratieques qui en avoient esté jusques à l'heure que luy avoit esté depesché de la part du Roy, ledit seignt n'estoit pour luy espargner cho se qui fust en sa puillace: & mesmemet oyat que sa majesté auroit plaisir qu'allat en son entreprise d'Alger, monseignr le Duc d'Orleans luy fist compagnie, ledit seigneur Roy ne seroit delayant de luy envoyer, avec telle suitte &

compagnie qu'il appartiét à un fils de Roy de France pour aller en un tel voyage. Et pourautant que jusques alors avoit le Roy accordé tous les articles qu'on luy auoit mis en avant, excepté celuy de l'usufruict, que pour les raisons au parauant deduittes par son ambassadeur, il avoit tousjours demandé pour luy: maintenant il estoit content de ne sy arrester plus. Bien vouloit il que pour oster à tout le monde occasion de penser qu'entre eux n'y eust pleine & entiere confidence, sa majesté fust contente de luy accorder, en fasseurant de luy qu'incontinant il s'en demettroit audit Duc d'Orleans son fils, & que cela faict, ledict seigneur Roy seroit content de venit au devant dudict seigneur, afin de l'entre-veoir & asseurer l'un de l'autre, jusques à Mentoue, ou ailleurs, ainsi qu'à sa majesté plairoit en deviser: & de faire toutes les choses qu'il sçauroit luy estre agreables, & qu'il pourroit faire sans contrevenir à ses alliances. Lesquelles offres estoient toutes si bonnes entrées à patvenir à confidence & amitié entre-eux deux, que ledict seigneur Cardinal, encores que sur les chemins il eust entendu partie des paroles & declarations que sa majesté avoit proposées à Rome, n'avoit toutesfois voulu faillir ne differer de les venir faire entendre à sa majesté: les estimant telles & si raisonnables, que pour les paroles cependant intervenues il ne pensoit un si grand bien devoir estre interrompu.

PEmpereur.

S u R ces paroles commenca l'Empereur à luy reciter la plus grade partie des poincts qu'il avoit touchez en sa pro-Response de testation, pour se justifier & sonder le doubte qu'il avoit de ne pouvoir assez seurement besongner avecques le Roy; pour-ce qu'il ne voioit point qu'il puisse ne doive accorder le Duché de Milan au Duc d'Orleans: & comment que foit, il n'en vouloit rien faire, mais que bien seroit il content de le bailler au Duc d'Angoulesme, avecques une de ses niepces en mariage, soubs les conditions qui en traittant seroient advisées, pourveu que le Roy n'eust aucunement affaire audict estat. Car il esperoit que ledict seigneur de Angoulesme outre l'alliance qu'il prendroit avecques luy, seroit aussi teau & obligé a luy d'un tel & si beau present que le Duché de Milan : & qu'à ceste cause il vivroit avecques luy en bonne paix & amitié, & luy Empereur aussi luy porteroit reciproquement telle faveur, que paisiblement il

pourroit jouir dudict estat sans y tenir aucunes garnisons à la foulle du peuple: & quant à l'usufruict, qu'il ne le confentiroit au Roy directement ou indirectement en quelconque maniere. Le Cardinal luy remonstra que s'il vouloit traitter avecques le Roy, pour amour de luy, qu'il ne devoit point faire ceste différence ne s'attacher à autre seureté qu'à la siène, pour-ce qu'il estoit celuy avecques lequel sa majesté auroit affaire, & duquel elle pouvoit esperer ayde & support presentement, & non pas de messeigneurs ses enfans: & que d'autre part ayant esté ledit estat levé au Roy auquel il appartenoit, la raison vouloit bien puis qu'à luy ne se rendoit, aumoins que ce sust luy qui ordonnast auquel il seroit rendu de ses enfans. A ce propos l'Empereur interrompit sa parole, en maintenant qu'à luy appartenoit

iceluy estat,& non à autre.

Sun quo y replicqua le Cardinal, qu'à cause de la renonciation faite par le Roy, sur laquelle il ne vouloit lors insister à debattre la validité ou invalidité : on pourroit coulourer que ledict seigneur n'y eust plus de droict, mais quant à melleigneurs ses enfans, on ne pourroit nier que ce ne fust leur propre & vray heritage, & qui justement ne leur pouvoit estre tollu: toutesfois que pour le bien de paix ils estoient contens de l'accepter & recevoir de sa majesté, ou en don, ou autremét, en telle forme qu'il luy plairoit, moyennant que ce fust selon & en la sorte que sadicte majesté desja au paravant l'auoit accordé à l'ambassadeur du Roy. Et sur ce mot l'Empereur luy trencha la parole, disant, que jamais n'en avoit riens accordé par sa bouche. Mon-seigneur le Cardinal qui ne vouloit pour ceste premiere venue rompre la praticque entierement, print couleur d'en vouloir deviser audit ambassadeur, & à tant print congé de luy, joinct aussi qu'il vouloit bien, avant que la chosevint au desespoir, gaigner le loisir de depescher un courrier expres devers le Roy, pour l'advenir de ce qu'il avoit trouvé en ceste premiere arrivée, aussi pour en donner en passant advis à mon seigneur l'Amiral: afin que venant les choses en roupture, on ne le surprint à l'improviste.

LE lendemain au matin ainsi que ledict seigneur Empereur achevoit de shabiller, retourna vers luy ledit seigneur Cardinal, & luy dist comment il avoit communiqué parti-

culicrement de sa charge avecques ledict ambassadeur du Roy, & de luy entendu ce qu'il avoit par cy devant traitté: mais que tout bien consideré, il ne voioit point qu'il peust passer outre si sa majesté ne vouloit en façó qu'il fust, ouir parler de monseigneur d'Orleas. Car cestuy-là estoit le seul fondement de sa depesche & commission conclue & dresse sur le consentement que sa majesté en avoit baillée, & qu'à ceste cause il avoit deliberé avecques son bon congé de seu aller vers nostre S. Pere, pour luy exposer l'intention du Roy au bié de la paix, & les choses que pour y parvenir il avoit offertes: ensemble la response & resus de sa majesté Imperiale, & retractation qu'il faisoit de l'article

accordé par monseigneur le Duc d'Orleans.

S a majesté ne monstra point apparence que le partement dudict seigneur Cardinal luy despleust: seulemet luy replicqua les justifications cy devant recitées du refus qu'il faisoit de bailler cest estat audit Duc d'Orleans : & pour-ce qu'entre autres choses il avoit dict n'en avoir jamais rien promis de sa bouche: le seigneur de Velly, auquel touchoit cest article, pour n'estre du Roy son maistre estimé menteur, pria sa majesté de ne luy faire ce tort, que de luy laifser un tel blasme envers soudict maistre. Sa majesté advoiia lors auoir donné charge aux seigneurs de Canes & de Grãvelle de luy en porter en son nom la parole: aussi d'en avoir escrità son ambassadeur Leidekerke estantriere le Roy, pour de sa part le luy faire entendre. Mais que le Roy n'auroit accepté ceste offre, alors qu'elle luy fut faicle, ains en contre-venant aux traittez d'entre-eux (à prendre iceux traittez au pied de la lettre)auroit envoyé son Amiral de la sorte que lon le sçavoit estre venu: dot luy n'a peu ne se mal contenter & ressentir. Et d'avantage que les seuretez ne se pourroient trouver telles qu'il les voudroit pour le Duc d'Orleans, & telles qu'elles fussent, pour contenter ses confederez. Ledict seigneur Cardinal le pria qu'il voulust declarer quelles seurerez il demanderoit, & qu'elles seroient bien estranges, si le Roy, pour l'en vie qu'il avoir de venir à ceste mutuelle considence entre-eux, ne les accordoit. Il respondit en somme qu'il en avoit dit son intentio à nostre S. Pere, lequel il pésoit en avoir adverty le Roy. A ce luy repliqua ledict seigneur Cardinal, en luy remonstrant qu'il n'estoit croyable, qu'alors qu'il accorda bailler cest estat il

n'eust paravant pensé aux seuretez qu'il devroit demander au cas advenant: & qu'à luy qui estoit de si loing venu pour traitter & conclure avec sa majesté, il pouvoit bié faire cest honneur que de luy declarer son intention. Et sur-ce l'Empereur respondit qu'il n'estoit point conseillé de parler autrement sans yeoir pouvoir, & sans sçavoir l'intentio de ses confederez:encores qu'il se promettoit bien qu'ils ne refuseroient ja chose qu'il vueilse: d'avantage il adjousta, que si ores il bailloir ledict Duché à qui q fust des enfans du Roy, il n'entendoit de le bailler que par investiture nouvelle, & comme fief escheu & revenu à l'Empire, estant en sa plaine

disposition & volonté. A tant fut prest ledit seigneur Empereur, & partit de Sie-

ne au mois d'Avril. Monseigneur le Cardinal suy feit compagnie jusques hors la ville: & au prendre congé, l'Empereur le pria qu'à son retour il repassast par luy. Sur ce retourna ledict seigneur Cardinal en son logis: pour, avant que prendre son chemin vers Rome, faire une depesche au Roy, & l'advertir de sa negociation, ce qu'il fist, en le confortant autant que possible luy fut, de ne respodre à la protestation de l'Empereur aucune chose qui accelerast la roupture. Par le mesme courrier il sit pareille depesche à monseigneur l'Amiral suivant sa premiere deliberation, en l'advertissant que tous les propos qu'il avoit sceu tirer en tout son parlement avecques l'Empereur, estoient douteux & ambiguz, tels toutes sois que par iceux on pouvoit plus Provision & attendre prochaine guerre que diuturnite de paix. Monsei- ordre que dogneur l'Amiral desja quelque temps auparavant pour-ce na monseiqu'il luy avoit esté escrit par le seigneur de Mont-morency gneur l'Amialors Grand-maistre & Mareschal de France, qu'il ne pou- ral au Pievoit (estans les choses ainsi qu'elles estoient) faire plus grad mont. service au Roy, que de fortifier quelques lieux & places, afin d'y retirer son armée, attendant secours du Roy, au cas que l'Empereur descendist à trop grosse puissance. Avoit à ceste cause entrepris la fortification de Turin, & depesché le seigneur Stephe Colonne avecques cent hommes d'armes, & quatre mille hommes de pied, tant pour avoir l'œil à ladicte fortification, comme pour aviser à sept ou huict mille deça le Pau, quelque lieu fortifiable pour y affcoir son camp en seureté: aufsi pour doubre qu'estant le pais desgarny de ges, le capitaine Iacques Scalenghe qui estoir

arrivé à Genes ne fist revolter le Mont-devis, Fossan, & Savillan : aussi avoit esté visiter la ville de Ivrée, laquelle ne trouuant fortifiable, à cause de son assiette, qui est telle que la montagne regarde à l'entour dedans la ville : il avoit cenonobstant mis dedans le seigneur Marc Antoine de Cufan, avecques ses deux mille hommes, pour ssi besoing estoit) y amuser l'ennemy quelque espace de temps: & donner lieu ce-pendant à ladicte fortification de Turin. Ayant doncques eu ceste nouvelle, avoit envoyé diligenter les remparts & boule-verts commencez en ladicte ville, & doner ordre à fortifier un camp au dessoubs de Carignan le long du Pau: pour y retirer son armée, au cas que l'Empereur vint avecques tel effort qu'elle ne fust suffisante pour l'attendre en pleine campagne. Et de tout advertit le Roy à lieu Marcenasch, en l'asseurant que s'il avoit seulement terme d'un mois, il attendroit l'Empereur & tiendroit Turin contre luy & toute sa puissance. Depuis adverty de la diligence dont l'Empereur usoit à unir & accroistre ses forces, & qu'Antoine de Leve avoit deliberé de passer en l'Astisane pour nous rompre les vivres par derriere: aussi ayant descouvert que le Duc de Savoye menoit quelques praticques pour revolter Fossan. A ceste cause & pour favoriser le païs tout au long du Pau, il envoya le seigneur de Montpesat avecques sa compagnie, & celle de monseigneur le Grand-escuyer, quatre mille hommes de pied François, & huict cens Italiens se saisir dudict Fossan, Vigon, Savillan, Cony, & Mont-devis, & autres villes à l'environ : & de ce donna il aussi advis au Roy du vingt-neusiesme jour du mois, en luy envoyant les lettres de monseigneur le Cardinal: & au demourant luy conseilloit que si ores il n'amit deliberé d'accorder les conditions que demandoit l'Empereur, il temporisast toutesfois un mois en dissimulant, & que ce-pendant la ville de Turin seroit mise en telle fortification, que si l'Empereur y venoit, il en remporteroit hőte & confusion.

L z dernier jour du mois arriva le courrier vers le Roy: & le mesme jour luy apporta le seigneur de Leidekerke ambassadeur de l'Empereur, & luy seut de mot à mot la protestation dudiét seigneur Empereur son maistre: non pas telle qu'il avoit euë, mais telle qu'elle avoit depuis esté moderée, dont toutessois il ne vou lut bailler le double, la cause

cause pourquoy ne la declara, mais depuis elle a esté sceue, comme nous disons en autre endroit de ces memoires. Le Roy sur ce qu'il retint en memoire de la lecture qui luy en avoit esté faicte, & sur ce que ses ambassadeurs luy en escrivirent, dressa une response, laquelle pour avoir esté dictée par luy mesme, qui de son faict pouvoit respondre mieux que nul autre, il m'a semblé devoir inserer de mot à mot en cest endroict, sans aucune chose y adjouster, diminuer, ou diversifier, laquelle fut de la teneur qui ensuit.

l'e us se merveilleusemet desiréstressaint Pere, & vous Response par messieurs les Cardinaux du S. Siege Apostolique, & am- serit du Roy bassadeurs)qu'il m'eust esté possible d'estre present, quand à la protestal'Empereur vous a par long ordre deduict publiquement tion qu'avoit l'affaire d'entre nous deux: afin d'avoir peu respondre à un faicte contre chacun article, & ne laisser voz esprits suspenduz n'ayans luy l'Empeouy parler qu'une partie. Toutesfois puis que cela m'a esté reur à Rome.

impossible, j'ay pensé par escriture satisfaire à ce que touche mon honneur & la verité: chose à moy assez difficile, d'autant que ledict Empereur n'a voulu bailler à mes gens par escrit ce qu'il a dit: ne son ambassadeur pareillement me bailler la lettre, ne double apres la m'avoir leuë: parquoy je suis contrainct de respondre à ce seulement, dont mes gens m'ont adverty. Toutessois la confiance que j'ay au certain jugement & bonté de vostredicte saincteté, avec l'estime que j'ay de toute la compagnie, laquelle je desire m'entendre, me font penser que la cause de la nue verité sera sans passion d'un chacun de vous bien entendue. Et pour commencer, il me semble que l'Empereur n'a recité que la moytié de la cronique, prenant seulement ce qui faict pour luy, & laissant ce qui faict pour moy: & qu'il soit vray:ce qu'il commence à dire que moy estant venu à la couronne, il envoya devers moy le seigneur de Nansau pour estraindre noz amitiez: je croy qu'il ne trouvera point que de mo costé elle luy fust refusée. Encores croy-je qu'il ne niera point que mon amitié & intelligence ne luy nuisit pas à le tirer hors des mains de madame Marguerite sa tante, & de la subjection de son grand pere, qui à ceste heure là estoit son mainbrug. Et quant ce qu'il dit que continuant ceste amitié, il sut aussi ioyeux de ma victoire contre les Suisses qu'il estoit possible: je l'entendy ainsi par mo ambassadeur estant pres de luy : qui me rendi: tres-grande

obligatio à luy, & eusle fait en cas pareil si telle victoire luy fust avenue. Quant à ce qu'il dit qu'il n'obeit point à l'Empereur son grand Pere, le pressant de me travailler du costé de deça durant ladicte guerre, fil eust faict le contraire, il eust faict contre le traitté qu'il avoit iuré : & si sçait bien que je faisoy lors entierement tout ce que je pouvoy, & fy encores depuis pour le rédre obey & paisible par toutes les Espagnes, & est tesmoing luy-mesme de ce que mon ambassadeur en fist par mon commandement: & croy que ma faveur ne luy nuisit de rien en ce temps là. Quant au mariage de mes filles, combien que de leur mort il me despleust comme à pere, encores n'en eu je moins de desplaisir pour l'alliance & amicié qu'elles pouvoient entretenir entre luy & moy. Quant au faict de l'Empire, où il dit qu'alors commença à nautre la jalousse d'entre nous deux, il est vray que je dy à son ambassadeur les paroles qu'il alegue, que c'estoit comme si nous estios tous deux à la poursuitte d'une dame: & qu'avenat ce qu'avenir pourroit, nous ne lairrions à demourer bons amis ensemble: & certainement je le pensoy ainsi que je le disoy. 'Quant à ce qu'il dit que depuis qu'il fut eleu Empereur, je le priay de renouveller noz alliances: & de les asseurer par ostages, il est bien vray que je desiray d'asseurer & de perpetuer nostre a. mitié: car estant morte ma fille aisnée, & l'autre si jeune que l'attente luy en estoit trop longue, j'eu desir de revenir au traitté qu'avoit faict monsieur de Nansau touchat ma belle sœur, qui n'estoit chose nouvelle, ne donner à cognoistre audict Empereur que je ne cherchasse son amitié par tous moyes que je pouvoy. Quant à ce qu'il dict, que je l'ay voulu presser de donner ostages pour la seureté des alliances: il sçait bien que par les traittez que nous avions ensemble, il me devoit par chacun an bailler cet mille escus, pour le Royaume de Naples, & que ce fut à faulte de payement que je luy demanday seureté ou respondant: s'il m'eust bien payé, je n'avoy que faire de demader cela. Et quant aux praticques qu'il dict avoir esté faictes par mon ambassadeur estant en Allemagne:modit ambassadeur est icy qui m'asseure & afferme n'avoir jamais praticqué chose contre ledict Empereur. Bié avoir tousjours voulu faire le devoir en mo nom, comme Duc de Milan, envers le S. Empire, & m'entretenir avecques les estats d'iceluy en bonne intelligence

comme j'estoy tenu: & quand il aura faict d'avantage, il aura faict contre mon vouloir, dont je ne le laisseray impuny

en me faisant apparoir du mesfaict:

, Quant au faict du Roy de Navarre: l'Empereur scair bien le temps contenu en noz traittez; dedans lequel il devoit satisfaire au Roy de Navarre: & qu'en deffault de ce, e le pouvoy secourir, sans rompre avecques ledit seigneur Empereur: lequel terme je laissay passer de long temps, pensant tousjours qu'il luy satisferoit, mais à la fin il afallu que e satisfisse à ma promesse. Et au regard de messire Robert de la Marchk, je ne luy fy jamais faire la guerre: & qu'il soit vray, j'offry à l'abassadeur dudict seigneur Empereur de luy faire ayde cotre ledit messire Robert (ainsi q le traitté le portoit) mais que j'en fusse requis: & revoquay par effect les gens qu'il avoit sans mon sceu levez en mo Royaume, qui fut cause qu'il perdit plusieurs de ses places. Parquoy(tressainct Pere) vous pouvez assez juger qu'en ceste premiere guerre je ne suis en rien coulpable de la roupture. Quant au traitté faict à Madril : j'en ay tat respondu par le passé. & si au long, que ce seroit user de reditte. Bien diray-je qu'un chacun sçair que prisonnier gardé demeure en liberté de sa foy: & que mesme à Fontarabie où je su delivré,& par tout le chemin à mon retour, j'estoy plus gardé que dedans Madril, & jamais je ne fu sans avoir garde: parquoy je sorty de prison en liberté de ma foy & sans aucune obligation. Et quant à ce qu'il dit avoit esté au paravant averty comme j avoy dict que le traitté ne se tiédroits j'advouë de l'avoir dit, cognoissant qu'il n'estoit tenable, & qu'il m'eust mis sur ma foy, je ne l'eusse accepté à ceste condition.

Quant à la ligue, & à ce qu'on luy fit entendre pour la restitution de mes ensans, ce sut pour le faire venir à party & traitté juste & raisonnable, en payant ma rançon comme je devoy, & non pour autre raison. Et l'allée de monssieur de Lautrec sut pour delivrer nostre S. Pere de la prison où il estoit : & en ensuivant le vestige de mes predecesseurs. Apres voyant que la delivrance de nostre saince Pere estoit empeschée, & que l'Empereur ne vouloit entendre à aucun party, & ne voyant seureté d'aucune paix avecques luy, je ne voulu perdre ceste occasion: & à ce qu'il dit si ledict seigneur de Lautrec y mourut, il est vray,

Fij

& non luy seulement, mais la pluspart de mon armée, que fil cust pleu à Dieu les deffendre de la mortalité, comme il avoit fait jusques là de leurs ennemis, je ne sçay comme les choses fussent depuis passées. Quat au traitté de Cambray, en lieu d'adouleir celuy de Madril qui estoit insuportable & intollerable, ils y adjousterent beaucoup d'articles d'avantage: & pour-ce que la prison des enfans est celle du pere, je su contrainct passer outre. Toutessois encores que ledict traitté fust de la sorte que je dy, il ne se trouvera jamais que j'aye rien fait au contraire, quelque occasion que j'en aye eue.Et quant à la venue du Turc en Allemagne, & à Balançon, qui fut envoyé pour cest effect devers moy, ledict Balançon me demanda ayde pecuniaire, & mes genfd'armes: je luy respody que ie n'estoy ne banquier, ne marchant pour bailler arget : & que l'Empereur venoit d'avoir de moy deux millios d'or pour ma rançon, de laquelle som me il se devoit contenter. Mais ce nonobstant, combien que j'eusse assez d'occasion de me reposer, je luy offry ce que les Roys mes predecesseurs ont tousjours offert (lesquels n'ont jamais esté tauxez par Princes de la Chrestienté, pour faire leur devoir contre les infideles) qui estoit ma personne, & mes forces, pour aller en Italie & ailleurs, laissant à l'Empereur le lieu honnorable comme je devoy. Luy disant en outre que la pluspart de mes gens de pied je les feroy de la nation d'Allemagne: & qui m'eust demandé, je susse allé en tel equippage, que j'eusse eu part ou de l'honneur, ou du dommage. Quant à la ligue de Boulongne, chacun sçait assez pourquoy elle sut faicte. Quant à la mort de l'escuyer Merveilles mon ambassadeur: encores qu'il eust faict des praticques contre Francisque Sforce (ce que je ne croy, car il n'en avoit point de charge) si fui le cas si meschant & infame, que je ne croy que ledict sei gneur Empereur le voulust trouver bon, veu qu'estant giac Prince (comme il est) il a besoing de beaucoup d'ambassa. deurs: & fault dire vray, qu'apres en avoir faict ma plainche audich Empereur, comme à mon beau frere, j'ay trouvé moult estrange ledict Sforce avoir esté par luy soustent en son tort. Quant à avoir pratiequé en Allemagne, de puis le traitté de Cambray : il n'est rien si vray que moy & mes predecesseurs n'avons jamais esté sans avoir bonne in telligence & amitié au sainct Empire, & aux Princes d'i-

DE MESS. GUILLAUME DU BELLAY. 217 celuy: & quelquesfois ay veu de mon temps qu'encores que l'Empereur & le Roy de France se fissent la guerre, lon ne perdoit point du costé de France l'amitié que lon avoit en Allemagne. Mais quant à la guerre de Wittemberg, il est vray que j'acheptay du Duc de Wittemberg le Comté de Montbelliard à rachapt d'un an, & depuis il m'a rendu mo argent, dot il ne m'a point faict de plaisir: car j'eusse mieux aymé ledit Montbelliar: & au regard de ce qu'il feit dudict argent, je n'ay eu cause de m'en enquerir. Quant aux subjects dudict Empereur estans en mes galleres, il scait bie que s'il m'eust rendu ceux qu'il avoit faict prédre estans au service de mes enfans en Espagne, je les luy eusse renduz, ce que j'ay faict incontinant qu'il m'a rendu les miens. Quant au faict d'Eschenaiz, de ce que ledict Empereur dict qu'il a praticqué contre luy en Italie, je ne croy point que ledict d'Eschenaiz l'ait faict, veu qu'il n'en a point de commission & attendu aussi que je n'ay point de guerre avecques l'Empereur: & n'ay jamais pensé, ne pense, que pour prendre des gentils-hommes Italiens en mon service, ce soit rompre la paix,& veu que l'Empereur ne parle que de la liberté d'Italie, & du repos d'icelle, ce seroit soubs ceste umbre rendre trop grande captivité ausdicts gentils-hommes d'Italie, si soubs ceste couleur ils n'osoient prendre party d'autre Prince que de luy:& feroit foubs le nom de liberté les travailler de fervitude. Et quant à la pratique du Duché de Milan, vray est que ayant tous jours entendu par les gens ludit Empereur que ledit seigneur estoit tresdeplaisant qu'il n'avoit le moyen de pouvoir y fatisfaire durant la vie le Sforce, d'autant que l'obligation qu'il avoit à luy l'é empeschoit, je le luy ay (cessant ceste occasió apres la mort dulict Sforce)faict demander pour moy, & voyant qu'il vouoit que ce fust pour l'un de mes enfans, luy ay nommé mo îls d'Orleans, pour les raisons que je luy ay faict alleguer, ant pour la pacification de mes estats, que pour le bien & epos de la Chrestienté:priant audict Empereur se vouloir aire entendre clairemer, ainsi que de mon costé je saisoy à on ambassadeur, auquel je parloy franchement: à la fin a-

pres beaucoup d'allées & venues il le m'accorda, come m'a lict son ambassadeur, & ne restoit plus article en dispute, que le faict de l'ususruict pour moy, dot je me suis dessisté, . comme je l'ay faict entendre audict Empereur . Parquoy je ne voy aucune difficulté à la paix, si l'Empereur veult tenir ce qu'il m'a faict dire: car il m'a faict asseurer qu'il ne demádera seuretez qui ne soient honnestes & raisonnables, & fil les demandoit autres, ce scroit signe de ne vouloir point traitter. Doncques de mo costé ne se sçauroit dire que noz praticques de paix faillent ne demeurent: car j'ay accordé les propres articles que son ambassadeur m'a dict: parquoy fil ne les accorde, la roupture vient de luy & non de moy. Et bien qu'il ne m'ayt baillé ledit Duché ne pour moy ne pour mes enfans, si n'ay-je encores rien faict contre luy: mais au contraire quand le Turc est venu en Autriche je ne me suis point remué, ains ay offert l'aide que dessus, & luy allant en Affricque suis demouré comme il a voulu pacificque, & sans faire guerre: chose que j'eusse peu plus aisément faire que maintenant qu'il est en Italie, comme vous tres-Sainct Pere sçavez.

Quant à toutes les choses qui touchent le bien de la Chrestienté, je ne donneray avantage à aucun Prince de les destrer plus que moy: & la façon dequoy je fay vivre mes subjects le telmoigne. Parquoy tressaince Pere, la patience dont j'ay usé, attendu les injures & torts qui me sont faicts; l'heritage de mes enfans usurpé, le retirement de mon armée, le commandement que je leur ay faict d'entrer en garnison pour ne troubler l'esperance de paix, le pouvoir de la traitter que j'ay envoyé à mon cousin le Cardinal de Lorrai ne, le desistement que j'ay faict de l'usussuict, sont assez iustes tes moings si je desire avoir ce qui m'appartient, ou par paix ou par guerre. Et ne doit trouver estrange vostre saincteté si je parle si avant: cat si celuy qui occupe le bien d'autruy se peult plaindre, que doy-je faire m'estant detenu le

mien, & de mes enfans contre raison?

QUANT au faict de monsseur de Savoye, je n'y trouve nul fondement, qui par tant de fois a esté requis de me faire la raison, tant de ce que indeuëment par occupation de ses predecesseurs il me detient que du parrage des biens qui avoient appartenu à seu madame ma mere, que Dieu absolve, laquelle en son vivant avoit à diverses sois envoyé plusieurs personnages devers ledict seigneur de Savoye son frere: & depuis son trespas ay encores envoyé devers luy personnages bien instruicts, a vecques mes tiltres & en-

seignemens, pour faire entendre clairement à luy & à son conseil le bon & evidant droict à moy appartenant és terres & seigneuries qu'il a indeuëment detenues, à quoy il n'a voulu entendre: si que besoing m'a esté d'y proceder par la voye des armes. En quoy failant n'ay aucunement contrevenu aux traittez faicts avecques ledit seigneur Empereur, esquels est dit que ne me messeray des praticques d'Italie, en faveur de quelque Potentat que ce soit, contre ny au prejudice du seigneur Empereur: & ne puis entendre comment il puisse pretendre que ceste guerre soit contre luy, veu qu'il n'a esté touché à chose qui luy appartienne, mais au contraire ayt tousjours esté defendu de n'y attenter aucunement. Et ne peuit la comprehention dudit seigneur de Savoye en tiltre d'allié faicte au traitté de Cambray, l'exempter & faire tenir quitte de ce qu'il me doit & detiét ; car il n'est mis au graitté comme principal contrahant, & n'y fut disputé des droicts à moy appartenans : parquoy ne peuvent avoir esté comprins ne remis par ledit traitté. Et m'attendoy (comme encores fay-je) veu la proximité du lignage & prochaine alliance qui est entre l'Empereur & moy, qu'il foustiendroit & prefereroit mon droit à celuy dudit seigneur de Savoye, & ne voy point que de tous autres qui ont pris les biens de monfieur de Savoye, on le trouve mauvais que de moy, encores que je soy beau frere, ayant bonne & juste querelle, & ne voulant avoir que ce qui est mien. Et quant il plairoit à vostre-dite saincteté, je vous feray monstrer mes droicts qui resmoigneront ce que je vous dy, & tousjours en me rendant ce qui est mien seray-je content de luy rendre le surplus de ce que je tien. Et quant à ce que l'Empereur dit que pour le bien de la Chrestienté (ne pouvant estre la paix) il seroit meilleur que par nous deux, de personne à personne noz differens fussent vuidez: je respond à cela n'estant chargé d'aucune chose touchant mon honeur, à laquelle je n'aye satisfaich, & c'est offre de combat estant de volonté seulement & sans contraincte dudit honneur, il me semble que noz espeés sont trop courtes pour nous combatte de si loing: Mais si l'occasion nous faict approcher (comme il est croyable qu'il le faudra si nous rentrons à la guerre) & ledit Empereur demeure en ceste volonté de combatre, & qu'à ceste heure là il m'en appelle je suis content, s'il trouve que je resuse de

satissaire à mon honneur, d'estre condamné par tous gens de bien: ce que je crain plus que le combat. Et quant à ce que l'Empereur a declaré depuis n'avoir dit aucune chose pour me taxer ou blassner, & par ses lettres n'avoir entendu tenir la paix pour rompue, c'est chose dont je suis tresaise.

Voila, tressaince Pere, & vous messieurs les Cardinaux du saince siege Apostolique & ambassadeurs estans presens, ce que je vueil bien estre declaré en vostre presence, non pour offendre personne: mais seulement pour ma justification & saire clairement apparoir à chacun la droicte & syncere volonté que j'ay à la paix, & au bien universel de la Chrestienté: & que de moy ne procede ne procedera l'ouverture de la guerre, ce que lon peult facilement juger par les grands devoirs, où je me suis mis & mets pour

y obvier.

TELLE fut la response du Roy à la proposition faicte par l'Empereur à Rome. Et pource que par l'estroitte amitié confermée entre luy & le Roy d'Angleterre, ils s'estoient promis l'un à l'autre s'entrecommuniquer toutes les nouvelles qu'ils recevroient d'importance, & ce que sur icelles ils auroient conclu & arresté, il en envoya un double par le poste apres le seigneur de Polisy, de la maison de Tinteville Baillis de Troyes, lequel puiss'agueres il avoit depesché vers ledit seigneur Roy d'Angleterre, & luy avoit baillé un double de la lettre d'avertissement, de la dessudite proposition que luy en avoient escrite les Esvesque de Mascon &

seigneur de Velly ses ambassadeurs.

L A cause de la depesche dudit Baillifavoit esté sur-ce que ledit Roy d'Angleterre avoit communiqué à l'Evesque de Tarbes, de la maison de Castelnau ambassadeur du Roy nostre dit maistre en Anglererre, une lettre fort affectée que l'Empereur luy avoit escrite, contenant en substance cinq principaux articles. Le premier estoit du jour que ledit seigneur Empereur esperoit arriver à Rome, & de ce qu'il disoit pretendre y vouloir faire. Le second de l'invasson faicte par le Roy nostre-dit maistre, sur les païs du Duc de Sa voye, surquoy il le prioit de se vouloir employer à moyenner & faire envers ledit seigneur Roy, qu'il voulust rendre ce qu'il avoit pris & occupé sur iceluy Duc de Savoye. Le riers estoit de la crainte que disoit l'Empereur avoir, & avec juste & apparente raison que ledit seigneur Roy passat ou

tre, & luy fist la guerre au Duché de Milan: quoy avenant il le prioit de luy vouloir en ce cas donner ayde & secours. Par le quatriesme il le prioit de vouloir mettre en oubly ce qui estoit passé de malcontentement entre-eux à causé du divorce de la Royne Chatherine sa tante: duquel malcontentement estoit alors cessée l'occasion par le trespas de ladite Royne. Parquoy il le prioit que pour lever d'entre-eux tout soupeçon & racine d'inimitié, il sust content de renouveler les vieils traittez de leur cosederation & amitié. Pour le cinquiesme & dernier il l'avertissoit comme il dressoit contre le Turc une grosse armée pour la desension de la Chrestienté, à quoy il le prioit de vouloir estre contribua-

ble: veu que c'estoit contre les ennemis de la foy.

LE Roy d'Angleterre qui de sa nature depend volontiers à tenir gens en diverses provinces pour entendre des nouvelles de tous costez, & à faire des presens secrets à ceux qui ont le moyen d'entrer avec les principaulx enttemetteurs d'affaires des Princes & Potentats estrangers (encores qu'en aucuns endroiets son argent soit mal employé, de sorte qu'aucuns parmy un ou deux advertissemens veritables luy mandent en plusieurs autres choses le blanc pour le noit) avoit toutesfois ordinairement du costé de Rome assez seurs & veritables advertissemens: mesmement avoit desja sceu que l'Empereur pretendoit à Rome de faire, & brasser le contraire de ce qu'il luy mandoit, Quantau second article, sçavoit qu'il n'estoit raisonnable d'en faire la requeste au Roy son frere, lequel n'estoit entré en la participation de ceste entreprise. Quant au troissesme, sçavoit non seulement que l'Empereur ne craignoit estre assailly à Milan, ains qu'il estoit deliberé de donner au plustost qu'il pourroit la bataille aux gens du Roy au païs de Piemont. Quant au quatriesme, sçavoit qu'il avoit esté accusé par l'Empereur envers nostre S. Pere, & plusieurs autres d'avoir faict empoisonner la Royne Catherine, & quels autres pro pos l'Empereur en avoit tenuz. Et quant au cinquiesme, sçavoit que l'Empereur se preparoit à la guerre, non pour aller contre le Turc en la defension de la Chrestienté, mais pour la raison ja devant ditte. Et à ceste cause fist la response audit seigneur Empereur, ainsi qu'il avoit declaré audit Evesque de Tarbes.

FIN DU CINQUIESME LIVRE.



SIXIESME LIVRE DES

MEMOIRES DE MESSIRE GVILLA V ME DU BELLAY. SEIGNEUR DE LANGEY.

Appareil de guerre par l'Empereur



'EMPEREUR en faisant toutes ses praticques, ne laissoit toutesfois encores d'entretenit en quelque espetance le seigneur de Velly, ambassadeur du Roymon pas
qu'il eust aucune volonté de venir à conclusion (car en essect il
ne l'avoit jamais eue comme peu
apres nous declarerons) mais il
ne vouloit entrer en ouverte de-

claration de guerre, que premierement il n'eust certeine nouvelle que l'armée du Comte de Nansau fust preste à descendre en Picardie au mesme temps que luy commenceroit de l'autre part à faire acte d'hostilité contre le Roy. Encores esperoit il en dresser un autre (non toutesfois si prom prement) laquelle il vouloit envoyer au fort des affaires descendre en Champagne, quand les garnisons du païs en seroient deslogées: pour se venir joindre (ainsi qu'apres elles firent) avecques celle de Picardie. Le Roy encores qu'il dissimulast d'entendre que l'intention de l'Empereur fust telle, si en estoit il suffisamment adverry: car outre le bruict qui en estoit si commun en Italie, en France, en Allemagne, & en Angleterre, il avoit ordinairement nouvelles d'Allemagne, du nombre de gens que l'Empereur y faisoit lever, combien & quels estoient ses capitaines, quand, & par qui, & de quels deniers ils devoient recevoir payement, & en quel temps ils pouvoient estre mis ensemble. En avoit auffi du costé de Picardie de quelque amas de wallons qui ja se faisoit, & de l'argent qui leur devoit estre

baillé au lieu de Lens en Artois: mais bien sçavoit, que lesdites forces ne pouvoient pas encores estre si tost prestes. Parquoy il luy suffisoit, en attendant ce que le temps ameneroit, tenir ceste frontiere là en seureté de surprise, & en

Piemont garder bien ce qu'il y avoit.

Aucuns de son conseil ordinaire, & autres que pour Opinions dilors il voulut y faire appeller pour estre à la delibera- verses au cotion de ses affaires, estoient d'advis contraire: & mesmement apres avoir sceu la crue response que l'Empereur a-seil du Roy. voit faicte à monseigneur le Cardinal de Lorraine, eussent bien voulu, que tout ainsi que l'Empereur l'amusoit de paroles, il cust usé contre luy d'un mesme art: & que durans ces allées & venues, & sous couleur d'envoyer audit seigneur Cardinal aujourd'huy une instruction, & demain autre nouvelle, il eust faict tenir argent en Italie, ou par bancque, ou par autre voy e, pour en intelligence renforcer la trouppe des seigneurs Caguin & Comte Guy de Ran gon, & en un mesme temps faire passer en Italie les Suisses que desja ledit seigneur avoit retenuz en son service, pour l'en venir ces deux bandes unir avecques les forces que desja ledit seigneur avoit au Piemont: & puis que voyant son poinct il usast de l'opportunité s'offrante& sans avoir tant de respect à qui n'estoit pour le luy avoir semblable. D'autres en avoit, qui bien approuvoient ceste opinion, mais ils jugeoient les forces de l'Empereur estre desja si pres des nostres, qu'ils ne pensoient point que ceste opinion fust executable à temps, join & qu'ils sçavoient intrinsequement mieux que les autres, la finable intention & resolution du maistre & la cognoissant pleine de justificarion envers Dieu & le monde, y vouloient bien adherer, & demeurer en cest advis de bien garder ce que nous tenions, & sans entrer en plus grande despense, sur-attendre tant que l'Empereur fust agresseur indubitable. A tant le Roy reprenant les propos, conclut sur iceux en ceste manicre.

S 1 nous n'eussions aux actions humaines à satisfaire à Paroles de autre qu'à Dieu seul servateur, estimateur & juge des Roy en son queurs & pensées des hommes : & auquel n'est incognue Conseil. la volonte que me garde l'Empereur en son courage, & que pour obvier en preoccupant à sadite volonté, je

me susse contenté de juste querelle, pieça l'eussay-je peu faire à grand marché, ou du temps qu'il estoit empésché contre le Turc en Autriche: ou du temps que l'armée des Lansquenets qui avoient remis le Duc de Wittemberg en son Duché, ou depuis quand celle des Suisses qui ont secouru Geneve, se sont envoyez offrir à moy: l'une des offres alors que l'Empereur entroit en son expedition de Tunis, & l'autre luy estant de retour en Sicile moult affoibly de gens & de deniers. Mais à mes propres amis & juges equitables, je n'eusse peu justifier mon faict, sinon par apparences & presomptions: aux iniques & non amis, encores à present ne le sçauroy-je suffilamment faire par autre voye: & vous sçavez ce qu'en plusieurs autres deliberations en tels affaires je vous ay tous jours declaré de mon intention. Mais entendez toutesfois que quant à moy ce n'est de ceste heure que le cueur m'a presagy & jugé, que l'intention de l'Empereur envers moy avant son partement, & depuis son retour du voyage de Tunis estoit, & a tousjours esté telle, qu'aucuns de vous à present commencez à cognoistre. Et si au-paravant j'en eusse esté en quelque doubte, croyez que de lheure qu'il respondit à mon ambassadeur, que puis qu'il n'avoit pouvoir de moy, il le paissoit & entretenoit de paroles, je m'en fusse tenu asseuré du tout & hors de doubte: car qu'elle occasion eust il eue d'alleguer à mon ambassadeur une telle raison? sinon que par luy mesme il juge autruy: & sçait tresbien qu'alors qu'il m'envoya le Comte de Nansau(lequel aussi vint sans pouvoir) luy ne le fist que pour me donner paroles & m'amuser ce pendant qu'il feroit son voyage: afin que soubs ceste esperance je ne poursuivisse la reputation de l'outrage que m'avoit faict Francis que Sforce: & luy durant sondit voyage fist (sans que je m'en doubtasse) faire en Allemagne par le Comte de Nansau (qui soubs umbre & couleur de ceste negociation abbrègea son chemin par mon Royaume) ceste assemblée que maintenant vous luy voyez mettre sus. Vous sçavez assez combien de fois j'en ay esté averty d'Allemagne, par mes amis, & que nonobstant que ledit Comte fist courir le bruit que c'estoit pour le recouvrement du Comté de Catznelemboghen, j'eusse toutesfois à me tenir sur mes gardes. Or quelque mal ou bien qui m'en avienne, encores à present vueil-je persister à me gouverner plustost sur

ce que me faict entendre, que surce que faict au contraire l'Empereur: afin d'eviter entierement que l'assaillant sur le bruict de ce qu'il se prepare contre moy, toute couleur luy faille de pouvoir dire que non pour m'assaillir, ains pour se garder il se fust preparé:ou que pour affection que j'eusse de trouver occasion de roupture contre luy, j'ay bien voulu à un bruict incertain legerement adjouster foy. Et ne pensez point que je prenne telle conclusion, sur opinion que j'aye de n'avoir mes forces prestes à temps: car avant q l'Empereur ait pris tout ce que j'ay ordoné fortifier au Piemont, elles y seroient facilement arrivées: mais je vueil entierement que le tort & blasme de l'aggression tombe sur luy. Et pour plus luy ofter d'excuse & de couleur des siénes forces qu'il met sus, je suis deliberé, puis qu'il faict telle instance, que je retire mon armée deça les monts, & en Piemont laisser seulement garnisons és villes que j'ay(comme dit est)ordonné faire fortisser. Etsi bien je fay en ceste deliberation quelque tort ou reculemet à mes affaires: si ay-ic telle confiance en Dieu vray juge &vengeur de foy desguisée, que si bien l'Empereur en ce comencement se conjouit de ma negligence, autant esprouvera il (estant la guerre ouverte & la paix rompue par luy) de desplaisir & de dommage du temps perdu, que j'espere apres recouvrer par diligence, perseverance & vive force.

Sur ce propos & avant que le Roy eust finé sa parole, fut apporté au conseil un pacquet du seigneur de Velly depesché par la poste: lequel fur ouvert, & leu devant le Roy, auquel estoit par ledit de Velly entre autres choses donné advis: que les seigneurs de Cannes & Granvelle luy avoiét demandé, si monseigneur l'Amiral viendroit point trouver l'Empereur, ainsi qu'il avoit esté advisé. Adjoustant qu'il n'y auroit mal de faire encore durer ceste praticque soubs le nom de monseigneur le Duc d'Angoulesme, si de monseigneur le Duc d'Orleas ne vouloit l'Empereur ouyr parler, afin au moins de gaigner ce peu de temps pour achever la fortification de Turin encommencée, au cas que la praticque en autres choses fust infructueuse. Le Roy alors en se soubriant, dit, Encores nous veult donner l'Empereur à entendre, que nous devons que lque chose esperer de luy. Or il fault imaginer de deux choses l'une: ou que ses Lansquenets ne peuvent arriver si tost qu'il esperoit, ou fils sont

arrivez, que là dessus il veur pour ambassadeur avoir mott Lieute nant general, afin d'envoyer ce pendant assaillir mo camp, & le trouver & surprendre sans chef à l'improviste. Que ferons nous doncques à celt homme icy? si nous ne l'envoyons, il prendra la dessus son excuse & couleur de dire, que quand c'est venu au joindre, nous avons par cela donné à cognoistre, que nous ne voulions venir à la conclusion: si nous l'envoyons, il n'y fera rien d'avantage, mais je me feray justifié, luy sera en peine de trouver une autre excuse. Advienne de par Dieu ce qu'advenir pourra, j'avoy desja ainsi coclu & arresté de retirer par deça mon armée, & tant seulement laisser des gens de guerre en Piemont, ce qui suffira pour mettre és garnisons des villes tenables : accordons luy ce qu'il demande, voyons quand il accouchera de ce dont il est gros: & faisons cognoistre à tous amis & ennemis que de nostre costé nous avons faict plus que raison & devoir.

Provisions du Roy sur le faiét de la guerre.

A tant il depescha vers ledit seigneur Amiral, & luy manda de ne plus tenir camp, & que seulement il parachevast de fortifier Turin, & quelques autres places. Premierement il escrivit de Carmagnolle, mais depuis il escrivit de Fossan ou Cony ou toutes deux & qu'il y mist le nombre de xiiij. oux v.mille hommes de pied, ensemble ce qu'il jugeroit estre necessaire de gendarmerie & de chevaux Legers: & si ledit nombre estoit plus qu'il n'en estoit besoing, à fournir bien & suffisamment lesdites villes, qu'il mist ce qui restoit dudit nombre de xiiij, ou xv. mille hommes: en quelques places au deça, lesquelles fussent couvertes des autres: & qu'en chacune il mist un chef auquel eussent les autres à obeir en toutes choses, & que le reste de son armée il renvoyast deça: luy se tint prest d'aller vers l'Empereur, à toute heure que par monseigneur le Cardinal de Lorraine il seroit mandé, aussi que de ce que dessus il donnast avis au seigneur de Velly. Par le seigneur de Rabodenge fut envoyée ceste depesche, & par le seigneur de Renty une autre à messeigneurs Charles Duc de Vendosmois, & Claude de Lorraine Duc de Guise, l'un gouverneur de Picardie, & l'au tre de Champagne, leur ordonnant sortifier quelques places en Picardie, & en Champagne, & qu'ils departissent leur gendarmerie & leurs legionnaires és lieux qu'ils verroient estre plus à propos & à main pour luy faire service.

Leur feit d'avantage envoyer argent, pour lever promptement le nombre de quatorze mille aventuriers, pour aussi les departir és villes de frontiere: ensemble le payement d'autres deux mille avaturiers à lever quand le besoing en seroit, & autre bone some de deniers pour employer, tant aux fortifications qu'aux envitaillemens desdites villes. Et particulierement escrivit à messire François de Montmorency chevalier de son ordre, & son Lieutenant audit pais de Picardie soubs la charge & en l'absence dudit seigneur Duc de Vendosmois, qu'il eust à y avoir l'œil &vacquer diligemment, & principalement d'aller en personne faire l'avitaillement de Terouënne, & en passant visiter la ville de Montreul, & l'avertir de ce qu'il trouveroit y estre necessaire. La cause pour laquelle particulieremet il voulut luy doner ceste charge fut pour autant qu'il n'en vouloit travailler le Duc de Vendosmois, qui alors estoit empesché sur la conclusion qui se devoit faire du Mariage de sa fille aisnée

avec le Roy d'Escosse.

En ce temps estoit le Marquis de Salusses arrivé en poste à la cour, auquel le Roy donna des villes du Piemont qu'il pretendoit estre des anciennes appartenaces du Marquisat, à sçavoir est Savillan, Cony, Fossan, Cavalimont, Salusses. Mont-devis,& plusieurs autres jusques au nombre de dixsept. Et à ce que depuis il a esté sceu, n'estoit ledit Marquis venu les demander en esperance de les obtenir : mais pour avoir cause ou couleur en cas de refus de coulourer ce que depuis il feit : car à ce que l'on a certainement entendu, il y avoit long temps que la praticque trainoit, qui estoit telle. Ledit Marquis par le moyen du Comte de Poquepaille, & d'un sien contreroolleur praticquoit avecques Antoine de Leve, promettant espouser sa fille: & par-ce moyen luy promettoit ledit Antoine de Leve luy faire gaigner le proces qu'il avoit intenté devant l'Empereur pour le Marquisat du Montferrat qu'il maintenoit luy appartenir, à l'occasion (à son dire) que ledit Marquisat estoit substitué, que là & au cas qu'il y eust faulte de hoir masse, il n'alloit en fille, mais retournoit à celuy qui estoit ou seroit Marquis de Salusses estant de la maison. Or estoit-il que du Marquis de Montferrat, & de madame d'Alençon sœur du Duc d'Alençon estoit sorty un fils & une fille mariée au Duc de Mantoue: & le fils qui fut Marquis de Montferrat

Causes de rebellion du Marquis de

en piquant un cheval, le cheval tomba, dont tout soudain il mourut sans estre marié: parquoy vouloit dire ledit Mar quis François de Salusses qu'à luy appartenoit la succession dudit Marquis nouvellement decedé, & non à sa sœur. Aussi ledit Marquis François estoit fort superstitieux, & avoit adjousté soy aux propheties qui avoient esté faictes, qui disoiét que l'Empereur devoit estre Monarque, de sorte qu'il craignoit de perdre son estat de Salusses: & mesme ledit Marquis un jour à Fossan, parlant au seigneur Martin du Bellay, luy disoit qu'il avoit pitié de ses amis de France qui perdroient leurs biens, par-ce qu'on ne pouvoit aller contre les oracles de Dieu, dont les prophetes estoient denontiateurs.

D Es le deuxiesme jour de May avoit esté depesché le seigneur de Rabodéges avecques la charge que vous avez entendue. Et depuis par-ce que mosseigneur l'Amiral estoit d'avis de ne rompre encores son camp qu'il avoit fortissé au lieu de Carigna, luy fut envoyée une iterative depesche coforme à la premiere, & ordonné que lesdites garnisons mises à Turin, & à Fossan, & autres villes qu'il aviseroit, pour soustenir & ropre la premiere impetuosité de l'Empereur, au cas qu'il entrast à roupture, il renvoyast incontinant le surplus de son armée en France, sinon qu'il veist apparemment qu'Antoine de Leve n'eust forces plus qu'esgales, & fist contenances de vouloir passer au deça de la Seize, contrevenant aux promesses accordées entre monsseur le Cardinal de Lorraine, & ledit de Leve, auquel cas il luy estoit ordonné de hazarder la bataille, la raison de la guerre toutesfois gaidée, & moyénant qu'il feist tousiours ledit seigneur Empereur aggresseur & luy destendeur: & au cas qu'il ne vist apparence de ce faire, il ensuivit la premiere ordonnance qui luy avoit esté envoyée par ledit seigneur de Rabodenges: & luy se tint prest à monter incontinat à cheval, au premier mandement qu'il auroit dudit seigneur Cardinal de Lorraine de l'aller trouver.

A u lieu de Pistoye receut le seigneur de Velly advertissement de ce que par la depesche du seigneur de Rabodenges avoit esté ordonné audit seigneur Amiral. Et sur ceste occasion, estoit rentré avecques l'Empereur en propos de ceste negociation de paix. A quoy luy sut respondu que l'Empereur aucunement n'y entendroit, sinon qu'avat tout

œuvre

œuvre l'armée du Roy eust repassé les monts, & le Duc de Savoye fust entierement reintegré. Surquoy replicant ledit seigneur de Velly, que nostre sainct Pere avoit bien dit à l'Evesque de Mascon & à luy, que sa majesté seroit ceste response, mais à la fin se contenteroit, que seulement les offenses supersedassent d'une part & d'autre: à quoy le Roy non seulement avoit obtemperé, mais, qui estoit grande approbation de sa bonne volonté, avoit desja mandé que son armée des garnisons en hors se retirait en France, & que lon donnast congé aux gens des seigneurs Caguin & Comte Guy de Rangon, & à monseigneur l'Amiral de se trouver avecques monseigneur le Cardinal de Lorraine, si par ledit seigneur Cardinal il luy estoit madé. L'Empereur ce nonobstant persista en ses demandes sans aucune chose moderer, sinon qu'il s'en conseilleroit, & puis donneroit response. Ceste response il bailla par escrit au troisiesme jour, mais si confuse, qu'il estoit assez apparant, que de propos deliberé il l'avoit baillée telle, pour ne dire chose qu'il n'eust moyen, au cas qu'il luy en vint avantage, de la desguiser.Et ce pendant il ne perdoit temps, heure, ne moment à faire diligenter ses forces: & ja dés le huictiesme du mois le feigneur Antoine de Leve estoit venu contre sa promesse capeger au deça de la Seize, entre Turin, Verceil, & S. Germain, avec son nombre de chevaux accoustumé, unze mille Lansquenets, sept mille Italiës & deux mille Espagnols: sans ceux de Sicile, & sans la trouppe qu'amenoit l'Empereur avec soy. Monseigneur le Cardinal de Lorraine estoit ce temps pendant arrivé à Rome: où il trouva qu'il ne se parloit plus que de la guerre, & que desja publiquement se vantoient les Imperiaux que l'Empereur la vouloit faire au Roy, non seulemet au païs de Piemot, & pour la restitution du Duc de Savoye, mais en un mesme temps au cueur & aux frontieres de son Royaume: par tant de lieux & endroits que le Roy ne scenst auquel entendre. Si en voya demader son audièce à nostre S. Pere, & au jour & heure que elle luy fut fignifiée, proposa sa charge en ceste maniere.

S 1 oncques (tressainct Pere) vous fustes en doubte au- Harangue quel il tient ou de l'Empereur ou du Roy, qu'entre-eux & du Cardinal soubs vostre authorité il ne sont venuz à quelque bonne & de Lorraine seure intelligence & amitié: & si par-ce que vous mesme en au Pape avez veu & entendu à la venue dudict seigneur Empereur Paul tiers.

en ce lieu, vous n'avez du tout esté mis hors d'iceluy doute: je suis seur & certein que vous en serez entieremet hors, apres avoir entendu ce que m'avoit ledit seigneur Roy ordonné luy proposer & offrir en vostre presence, & par vostre confeil: & que le rencontrant sur le chemin des postes, au lieu de Siene, je luy ay offert & mis en avant : je ne perdray temps à vous reciter les allées, & venues, offres, acceptations, simulations & dissimulations, entretenues de l'un à l'autre depuis cinq ans ença, sur les moyés de confirmatió de paix, estroictes assiances, & fraternelle amitié: car vous en devez estre assez & plus que informê, voire (si l'affection que vous avez à l'union de la Chrestienté ne vous supportoit)attedié. Ie viendray doncques au but, & à la derniere conclusion que le Roy à mon partement tenoit pour indubitable: c'estoit que l'Empereur (ainsi que vous tres-sainct Pere avez sceu) accordoit bailler à monsseur le Duc d'Orleans secod fils du Roy, l'estat & Duché de Milan, mais l'usufruict que le Roy en vouloit retenir; il ne luy vouloit aucunement accorder:encores vouloit que le Roy ce pendant cessast toute hostilité contre le Duc de Savoye, jusques à ce qu'il fust cogneu & jugé du different d'étre-eux. La dessus, tressainet Pere, sut faicte ma depesche par le Roy. Passaut en son camp, premierement j'ay faict desister son Lieutenant general de l'entreprise qu'il avoit, & ja estant apparemment sur le poinet d'emporter d'assault la ville de Verceil. Secondement, & apres avoir parlé au seigneur Antoine de Leve capitaine general de la ligue d'Italie, j'ay faict retirer ledit Lieutenant general du Roy jusques par delà la Doaire, & mettre les gens és garnisons, cessant effectuellement tout acte d'hostilité. Ce faict, je suis venu visiter ledit seigneur Empereur, & de par le Roy luy ay quité l'instance au paravant faicte de cest usufruict, offert de mettre en justice le differant d'entre luy & le Duc de Savoye, presenté toutes les forces & puissances dudit Seigneur au service non seulement de la Chrestienté, mais au particulier & propre de l'Empereur & de sa maison, en reservant seulement les alliez dudit seigneur Roy, qu'il ne pouvoit sans reproche & charge de son honneur abandonner. Tant fen a fallu que luy portant ceste ambassade, je l'aye trouvé en la metme deliberation, que tout au contraire il a du comencement differé de confesser (combien qu'à la fin il l'air

advoué) d'avoir jamais accordé tout ce que dessus: mais en conclusion m'a declaré, au moins assez donné à entendre qu'il ne le feroitité à ce que je puis comprendre, & le bruit commun est parmy ceux qui sont à sa suitte, il se va droict saire la guerre au Roy. Si est-ce, tressainct Pere, que bien considerant comment sont passez entre ces deux Princes les affaires des precedentes guerres, chacun d'eux ou en sa propre fortune, ou en celle de l'autre, ou en toutes deux, trouvera parquoy estre induict à se devoir renger à party raison nable, & que par la vicissitude & alternation des heureux succes & malheureux evenemens, ils ont tous deux dequoy cognoistre & juger combien chacus se doibt asseurer ou de-

sesperer de fortune.

SOIT ainsi que l'Empereur & plus souvent & plus insperement l'ayt esprouvée amie & favorable : si trouvera-il qu'en toutes ses victoires les affaires du vainqueur ont esté la plus part du temps en aussi grand danger & branle que ceux du vaincu. Messire Robert de la Marchk (duquel soutdit le commencement de toutes ces guerres) avoit à l'encontre de l'Empereur usé de quelque maniere d'invasion, ledit seigneur print sur luy la plus grande partie de toutes ses places: & comme si le Roy eust donné cause à ceste invasion, le vint assaillir en son Royaume, print Moson assiegea Mesieres: fut depuis repoulsé par le Roy, perdit quelques siennes places de nom, & feit une retraitte de nuict assez approchante de fuitte, se retirant en Espagne: où il trouva que Fontarabie, l'une des cless & principaux boulevers de son Royaume d'Espagne, avoit esté prise par es gens du Roy. Fortune d'autre costé le recompensa: les iens prindrent Toutnay: il fist revolter le Duché de Mian corre le Roy, lequel y envoya nouvelle armée, qui propera du commencement: à la fin fut defaicte à la Bicoque. Le Roy dressa une autre armée qui tellement exploida, ju'à peine avoit l'Empereur une place tenant pour luy en Lombardie. De rechef la mutatio de fortune fut soudaine: armée du Roy fut ropue: celle de l'Empereur ofa passer en Provence: trouva la ville d'Aix capitale du païs, & assez l'autres abandonnées 🔒 assiegea & grandement tràvailla Marseille: puis à la nouvelle de l'arrivée du Roy marchant otre-eux se tetira en desarroy. Le Roy de ceste emprainte repassa deça les monts par autre & plus court chemin,

reduisit presque toute la Lombardie à son obeissance. L'armée de l'Empereur un peu apres se renforça: celle du Roy fe consomma, & fut vaincue: luy prisonnier conduit en Espagne, en fortit par composition assez rigoureuse. refus que peu apres feit l'Empereur à la ligue de toute Italie, France, & Angleterre de moderer les conditions, defraisonnables: il fut bien pres de perdre non seulement la Lom bardie, mais tout le Royaume de Naples: fortune le releva, recouvra ce qu'il avoit perdu: eut le Pape Clement son prisonnier: pour la delivrance de sa saincteté, le Roy dressa une armée, qui pour un temps fut victorieuse, tant en Lom bardie, & en la riviere de Genes, qu'au Royaume de Naples: jusques à ce que sur le poin It de la tresgrande ruine du dir seigneur Empereur: & apres qu'il eut perdu plusieurs armées de mer entierement deffaictes par celle du Roy, ses principaux chefs prisonniers eurent moyen de corrompre ceux de l'armée du Roy, & de tourner sa victoire en descon fiture. Soudainement il repara ses forces, & d'arrivée toute Italie trembla devant elles: à la fin en avint aussi n'alheureuse islue.

Voil Ajusques alors (tressaince Pere) la veritable histoire abbregée, & que vostre saincteré ne peult ignorer, de toutes les guerres d'entre ces deux Princes: en laquelle je ne voy point que l'Empereur ait eu si ferme & si constante felicité, ne que les forces de France en soient si affoiblies que sur ceste esperance il doive, estant bien conseillé, met tre de rechef à la discretion de fortune ses victoires du tép pailé, au hazard de perdre aussi tost en un jour ; ce qu'ei tant d'années il peult dire avoir acquis de reputation & gloire, comme de les augmenter & accioistre, jusques à l confommation & comble d'honneur. Vray est que sur 1 felicité, tenant le dessus à l'endroiet du Roy pacification el entrevenue entre eux:laquelle à celte cause sur à telle cor dition, que ledit seigneur Empereur a peu se glorifier, d'i voir plustost donné qu'accepté la paix. Cestuy m'a tou jours semblé le principal avantage qu'il y ayt eu, s'il t l'eust donnée avec certains trop rigoureux articles, & te qu'il a eu juste occasion & remots de crainte que messieu les enfans du Roy se ressent ssent un jour de leur ancien p trimoine, qui par ce traitté de paix leur a esté tollu. praticques & moyens d'oster toute racine de regret, &

tenir ces Princes en bonne intelligence & amitié, par lesquels moyés nous sommes entrez sur ceste matiere, estoient desja si avant que plusieurs gens les tenoiét pour conclues: esperant que ledit seigneur Empereur qui souloit dire que la defiance & seule craincte qu'il avoit du Roy le divertissoient de plusieurs haultes entreprises, apparemment de heureuse & facile yssue, seroit par ceste reconciliation (ainsi qu'en effect il eust faict) non seulement delivré de ceste craincte, mais asseuré qu'estans des ja une partie de la Chrestienté à sa devotió, & le surplus à celle du Roy, il auroit le tout à la siène, au moyen de l'ayde & association des forces & alliances dudit seigneur Roy: & pourroit faire avecques ceste accession de forces, un tel & si grand accroissement à la Replublique Chrestienne, que nul autre depuis Charles le grad n'en auroit faict de pareille. Quel malheur, & quelle mutation, tressainct Pere, peult estre cecy?ne quel avantage au bien & augmentation de la fortune & gloire de l'Em pereur y peuvent esperer ou comprendre ceux qui le detour nent de ceste sienne à luy utile, honorable, & seure intention?I'ay bien voulu dire(treslainct Pere)qu'on l'en destour ne : car Dieu ne vueille qu'en cueur de Prince, de telle & si supreme excellence se trouvast si vile & infame simulation que d'avoir scientement voulu au contraire de son inten-

tion, user des propos qu'il a tenuz. S 1 le prouffit de l'Empereur les mene, quel prouffit a-il d'un Duché qui tant luy a cousté à conquerir, & à garder luy coustera d'avantage ? & tiendra ces deux si puissantes & invincibles maifons, qui doivent estre le port & refuge, de naufrage de toute la Chrestienté, perpetuellement en divifion & despence? ostant à l'une & à l'autre occasion & moyen d'entendre à plus grandes & honorables choses ? Or metrons en une balace toute la conquelle qu'a faicle l'Empereur, en l'autre le contrepoix que fortune ce pendant luy à envoyé. Premierement que durans ces affaires il n'a peu satisfaire au devoir de fraternité envers le Roy Christierne de Dannemarch son beau frere, lequel a perdu à faulte de ce fon Royaume & fa liberté. Secondemet qu'aussi peu a-il eu moyen de secourir le Roy Loys de Hongrie son autre beau frere, qui co itre le Turc, ennemy commun de nostre foy, a perdu fo Royaume & fa vic, avecques telle playe que chacun sçait en redonder à la Chrestienté. Ie ne dy pas que

l'estat de Milá ne soit bel & gros, mais il ne sçauroit approcher d'estimation aux dessus disservages, à l'esfrusion de tant de sang Chrestien, qui pour ceste querelle a esté respan du: à la perte de tant de bons & vertueux capitaines, de tant de puissantes armées perdues, & par mer & par terre: lesquelles si nous cussions employées en plus saincte & recomandable guerre, nostre Sauveur Iesus-Christ fust à present cogneu par toutes les plus estranges & barbares contrees du monde. Quant au Roy(tressainct Perc) qui en a e-Ité spolié, divine & humaine raison l'excusent de ce qu'il en a faict jusques icy: & si plus avant il en faisoit, encores que son traitté l'accusast, par lequel il suy est prohibé, si suy serviroient les mesmes raisons de quelque excuse, pour le devoir auquel il est tenu envers ses enfans, envers son Royaume, envers son peuple, de partager sessdits enfans, en sorte que leur patrimoine ne diminue, & que leur contentement & satisfaction tienne sessitis Royaume & peuple en paix, repos, & unio. Si aussi l'honeur & gloire dudit seigneur Em pereur le mene, quelle gloire peult-il avoir plus grande, que apres avoir obtenu glorieuse victoire, en user encores plus glorieusement & magnifiquement, acquerant avecques le tiltre de la liberalité le moyen de parvenir à plus justes & honorables conquestes, dont ne luy peult matiere faillir,& aussi peu l'execution à l'avde mesure du Roy, & de ses confederez? Et fils l'arrestent sur la seurcté, laquelle à ce que j'enten ils ne penvent trouver suffisante pour bien affermer l'intelligence foy & amitie entre deux Princes si freschement reconciliez apres si grande inimitié. Je dy au contraire(tressainct Pere)que tout ainsi que si jamais n'eussent eu division, & que l'un ne l'autre jamais n'eust eu adversité, l'amitié se fust peu concilier plus facilement entre- cux, ainsi plus facilement sé fust elle peu dissouldre : car contractant ensemble de per à per,& sans que l'un eust quelque avantage sur l'autre, l'obligation de ceste amitié seroit esgale : là où maintenant le Roy demoureroit tenu de la liberale gra tuité dont luy auroit l'Empereur usé, avec l'obligation à la recognoissance du bienfaichtinon qu'il voulust estre du tout estimé ingrat & indigne de toute amitié, support & fa veur de Dieu & des homes. Ie dy d'avatage: qu'estat le Roy de cueur tel qu'il est, & que logue & privée hatisse m'a faict cognoistre en luy entierement, ce bien-faict qu'il auroit

DE MESS. GUILLAUME DU BELLAY. 226

receu seroit celuy qui produiroit le reciproque bien-faict, avecques la recognoissance que je disoy: & par ainsi seroit ceste mutuelle amitié confermée par les deux plus estroits & seurs liens qui onques depuis le monde creé, soient usirez en tels affaires: c'est à sçavoir du commun & reciproque prouffit, en resultant à l'une & à l'autre partie: & de la foy qui est de relle nature, que nul homme sçauroit mieux obli ger a soy la foy d'autruy, qu'en ayant foy & siace en luy. Iuf ques icy (tressain de Pere) j'ay parlé en partie comme envoyé vers vostre sain teté de par ledict seigneur Roy, en partie comme Prince Chrestien, affectionné singulierement au bien & repos commun de la Chrestienté, suivant les auciens vestiges de mes progeniteurs: encores de sa part vous asseurerai-je que son intention est & sera (Dieu vueille qu'aussi heureuse que bonne) de ceder une partie de ses droicts, plustost que farrestant opiniastrement à obtenir tout ce qui luy appartient, estre contrainct de venir aux atmes avecques l'Empereur. Au cas toutesfois que force luy soit d'y venir, il le fera (je parle à ceste heure, tressainct Pere, comme l'un des freres & membres du corps du sain et siege Apostolique) de sorte que je crain beaucoup que nous donnions au commun hereditaire ennemy de nostre foy. un trop joyeux spectacle de ceste guerre: & que des corps des Chrestiens qui en icelle mourront (qui devroient estre un obstacle & avant-mur au devant de luy) nous luy dressions un pont & passage pour nous venir assaillir en noz fouyers. Dieu tout puissant y vueille remedier, & vous tressainct Pere qui sçavez assez comment il en va, & quelle est la puissance & par terre & par mer de nostre-dict commun ennemy, vous y employer de sorte, que vous en laissiez en ce monde la gloire immortelle de vostre nom: & en l'autre vous entriez en triomphe, menant captifs & vaincuz par vostre integrité, prudence & solicitude, la haine, rancune, division, guerre, cruauté avecques toutes les autres pestilentes malheuretez qui aujoud'huy travaillent ceste republicane Chrestienne, dont Dieu par son eternelle providence vous a donné la charge. A vous touche, tressaint Pere, & d'autant plus vous touche d'y travailler (voitre sain-Cteté veult bien que je parle librement) que j'ay desja ouy quelque murmure (telle est aujourd'huy la malignité du monde) que l'Empereur apporrant icy bonne disposition

& volonté à la paix, à son partement ne l'a telle remportée, C & s remonstrances ouyes, nostre S. Pere monstra tant

en paroles qu'à son visage avoir un merveilleux regret que les choses ne se fassent autrement conduittes: & monstrant en sov mesme-la fin & conclusion d'icelles remonstrances, advoua franchement audict seigneur Cardinal, avoir desja esté adverry des propos qui s'en tenoient en la ville de Rome. La dessus il sit un assez long narré du bon office qu'il avoit faict en ceste matiere, de l'obstination en laquelle il avoit trouvé l'Empereur, & de l'asseurance en laquelle il estoit party de trouver au Roy peu de resistence, & du bon ordre qu'il disoit avoir mis en ce que ledict seigneur Roy ne tirast des Lansquenets outre ce qu'il en avoit, & des Suisses encores moins: & tellement sen estoit ledict S., Pere laissé persuader, que peu s'en falloit qu'il ne voulust conseiller au Roy de prendre à perte ou à gaing apoinctement à l'appetit & volonté de l'Empereur. A la fin toutesfois il se resolut d'envoyer deux Legats vers ces deux Princes: l'un qui fur le Cardinal de Carpi vers l'Empereur & le Cardinal Triwlce vers le Roy, avecques charge toutesfois que tous deux iroient de compagnie, jusques à ce qu'ils arrivassent la part où se trouveroit l'Empereur, afin que parlans eux deux ensemble à sa majesté, l'autre passast outre vers le Roy, d'autant plus resolu de ce qu'il auroit à luy proposer, & de ce que l'Empereur luy pourroit promettre. A tant ledict seigneur Cardinal de Lorraine prenant congé de nostre sainct Pere, alla passer à Venise.

PARACHEVANT son chemin il vint trouver l'Empereur au lieu de Petresancte: auquel apres avoir fait une recharge, tant en son propre & particulier nom, comme de la part & commission de nostre S. Pere, pour le converuir & induire à la conclusion de ses precedentes promesses: voyant finablement que remonstrances n'y avoient lieu, il print congé de luy en paroles de telle ou semblable

fubstance.

Pareles du Lorraine a l'Emperour.

I E voy & cognoy, Empereur tresauguste, par le chemin Cardinal de que vous tenez, & par tous voz preparatifs, & propos, que quant à vous le Roy vostre frere n'a plus occasion de fonder son esperance en autre party que celuy des armes. Et d'avatange par aucuns propos que m'ont tenuz les entremeteurs de voz affaires, j'enten que maintenant voz desseings ne tendent tant à la restitution du Duc de Savoye, comme à l'invasion du Roy en son Royaume. Si ne laisseray pourtant à vous supplier encores ceste fois, que vous vueillez un peu estre maistre de voz passions, & que ne vous laissiez entierement conduire à courroux & esperance les deux plus mal seurs & malfiables autheurs du monde. L'evenement de la guerrre est commun & incertain, & tant plus vous avez eu de victoires, tant plus vous avez à vous garder de faire entreprise, qui puisse obscurcir la gloire des choses pas sées, par quelque malheur qui vous advint plus grand que n'est l'occasion de vous en abandonner au hazard: & lequel malheur vous avenant seroit sans point de faulte attribué à vostre conseil & mal fondée opinion, & tous les succez pas sez à fortune & aventure non premeditée. Quant au Roy vostre frere je puis encores vous asseurer que si vous ne prenez premier les armes: si la trompette premierement ne son ne de vostre costé: si vous ne faictes acte d'invasion contre luy, certeinement il ne rentrera point en guerre avecques vous. Mais si vous l'assaillez, & mesmement en ses pais, ainsi que s'en vantent voz gens (vous me pardonnerez, Sire, si je vous parle librement, & comme je le pense) mais e vous ose denoncer & predire, que si j'ay bonne cognoisfance des forces de sou Royaume, de l'unanimité, consentement & union de son peuple, & de l'affection & fby qu'il porte à son Prince: & si avecques ce je cognoy du Roy duquel je suis nourry & eslevé) le cœur, asseurance & perseverance en une grosse entreprise quand il y est: & sa gran de diligence de pourveoir, & au besoing donner ordre à ses affaires: le temps ne tardera gueres à venir, que pour un grand bien vous souhaitterez de Dieu, vous en pouvoir retirer à bagues sauves. Car il fault que vous entendiez, Sire, que le François a toute autre façon de faire à deffendre un pais de conqueste, qu'à deffendre son propre pais, ses villes, ses champs, ses possessions, ses foueyers, eglises & autels: & les y ont bien peu de gens assailliz sans prompte rui ne, ou à tout le moins tresgrand & extreme danger. Parquoy je vous dy, Sire, de rechef, avisez vous, & vous don nez garde que mal entreprenant vous n'ennoblissiez & faciez cognoistre quelque incogneu & au paravant non celebré quartier de France par vostre calamité. Mais j'espere

pour conclusion, Sire, que vous aymerez mieux vous souffrir icy desconseiller & divertir de vostre entreprise, que d'aller en France à l'apparant hazard d'y recevoir honte &

dommage.

L'EMPEREUR encores que telle proposition ne luy fust aggreable, ne fist toutesfois semblant de prendre trop en mauvaile part la liberté de langage dont luy usoit ledict seigneur Cardinal: & à ce ne le mouvoit tant la qualité du personnage (qui de soy meritoit assez estre respectée) com me la grace & façon de le dire, dont estoit la qualité du per sonnage accompagnée. Si le remercia de l'advertissement qu'il luy donnoit, en priant Dieu ne luy faire tant de grace qu'il eust verirablement prophetisé: adjoustant neantmoins qu'encores n'avoit il closes les aureilles à party raisonnable de paix, moyennant que le Duc de Savoye (auquel il ne pouvoir honnestement faillir) fust reintegré preallablement, & avant toute œuure: & au cas que non, ses deliberations (quelles qu'elles fussent) estoient si bien instituées, qu'il n'en pouvoit esperer sinon bonne yssue. Si estce toutesfois que parlant depuis audict seigneur Cardinal, il luy ramenteut gracieusement que, des propos qu'il luy avoit tenuz à Petresancte, il l'avoit experimenté trop veritable prophete.

L E dixseptiesine jour de May arriva de retour à la cour, estant au lieu de sainct Rambert au pais de Forest, mondict seigneur le Cardinal de Lorraine: & sit rapport au Roy de tout ce qu'il avoit trouvé ou reçueilly, tant des propos, visages, & contenances de l'Empereur à l'aller, & au venir, & de nostre sainct Pere à Rome, que des nouvelles qu'il avoit entendues ça & là depuis son partement. En substance que de bonne composition avecques l'Empereur il n'en falloit esperer aucune: que sa deliberation estoit de venir faire la guerre en France: que ses gens se vantoient d'avoir mis si bon ordre que d'Allemagne le Roy n'auroit point de gens, & aussi peu des cantons ecclesiastiques des ligues: & que des protestans ils esperoient l'avoir si bien brouillé envers eux, autant en Suisse qu'en Allemagne, que d'eux aussi ne țireroit il ayde ne support. Aussi rapporta comment le seigneur Antoine de Leve avoit (comme nous avons dict deslus) passé deça la riuiere de Seize & n'estoit plus pour dissimuler long temps, sans faire quelque effort à l'encontre de noz gens.

L'E Roy sur ces nouvelles, & autres qu'il avoit eucs de ses frontieres de Champagne & Picardie de l'amas qui se y commençoit à faire, apres en avoir conferé avecques aucuns de ses plus privez, & qui avoient le principal maniement de ses affaires, fist assembler son conseil, & proposant premierement les choses ainsi qu'elles passoient autant de là les monts qu'en sesdictes frontieres de Picardie & de Champagne. Tantost (dict-il) serons nous au bout des si- du Roy en mulations & dissimulations de l'Empereur: & ne serons son conseil. plus en noz consultations en la difficulté que nous avons esté, à deliberer & conclure si nous devous nous preparer à la guerre comme contre un tel ennemy que luy, ou differer encores quelque temps, jusques à ce que les essects contraires à ses propos le declarassent estre invaseur. Or à ce que pouvez comprendre par les nouvelles ouyes, il aura bien tost osté le masqueiße si bien à aucuns il a semblé que la façon de faire dont j'ay usé fust par trop plus conscientieule & scrupuleuse, que bonne & duisante à l'avancement de mes affaires, si est-ce que je ne m'en repen: car à ceste heu re serons nous arrivez au poinct, auquel apres seure & raisonnable paix, je desiroy plus de parvenir : c'est de n'entrer avecques luy en guerre, qui premierement à Dieu, seçondement aux hommes ne semblast juste. Si donques toute guerre est juste qui est necessaire & forcée, & par le commun consentement des humains celuy est forcé à la guerre, & prent justement les armes qui est forclos de toute autre esperance, il me semble que au jugement de tout le monde non que de Dieu (duquel jamais je n'ay doute) nous avons tout le bo droit du nostre, & tout le tort mis du costé de l'énemy. Et pour entrer par le Duc de Savoye, le mode univer sel me sera tesmoing de combié de fois j'ay peusje ne dy pas conquerir ne prendre) mais retenir, alors que j'ay eu en ma puissance, la plus part de ce qu'il occupe, & tient du mien & ce du temps qu'il n'estoit si fortissé d'alliaces qu'il est. Mais je me suis contenté ce pendant qu'il me laissoit le passage ou vert & libre sur le mien propre, de luy en faire seulement porter aucuncsfois quelque parole pour eviter la prescription: & jusques icy eusle continué, fil eust aussi continué à m'estre bő & sidele voisin. Ie me deporte(car vous le sçavez bien) de reciter comment depuis que par ceste alliance de

Proposition

Portugal il a eu celle de l'Enpereur il sest maintenu en mon endroist : les bagues prestées à mon subject rebelle pour avoir argent à me faire la guerre: les lettres gratulatoires de mi prison: les brig les faictes pour detourner les Suitles de mo alliace, l'achat de l'heritage de moy & de mes enfans,& jusques à resfuser au PapeClement la ville de Nice qui m'appartient pour y parlementer avec moy, & de fresche memoire le passage par le mien propre en affaire qui de si presme touchoit, que le mespris outrageux use contre moy Roy, de France, par un Sforce sans force, Duc titulaire & preciire de Milan. Mais sur un tel & si mal fondé resfus, qui est celuy (je vous prie) qui n'eust pris incontinant les armes, pour recouvrer ce qui seroit sien? Et j'ay voulu touresfois en m'y preparant essayer encores la voye de raison, & en desfault de la trouver en luy, je n'ay peu faire de moins que de là me faire par la voye des armes que

je me treuve en main.

L'EMPEREUR encores que nous foyons parens, & que je soye son beau frere, a voulu toutes sois entreprendre ceste querelle pour le Duc de Sauoye come pour son vassal & allié, & a demandé que je feisse surseoir & arrester les exploicts de guerre: je les ay faict arrester, voire en plein cours de la certaine & destinée victoire. Il a plus voulu que je fisse reculer mon cap de devant Verceil, en cela luy ayje obtemperé. Il a demandé que pour traitter la paix je luy envoyasse le Lieutenant general & chef de mo armée (requeste certes assez hors de propos) je le luy ay toutesfois accordé. Il a d'avantage voulu que je retiralle mon armée deça les monts, encores en cela luy ay-je voulu complaire, mandant à mondit Lieutenant general, que delaissant seulement des garnisons en quelques places, il me renvoyast par deça le surplus des Italiens des seigneurs Caguin & Cote Guy en hors, ausquels j'ay ordoné q il donast cogé. Aussi a mis en avant que sisse decider par justice le differat que j'ay avec le Duc de Savoye:à cela meline je me suis offert & m'é suis voulu soubsmettre au jugemet de nostres. Pere. Et pour une fois coclure, qu'ay je (pour Dieu) obmis à faire, de tout ce qui se doit & peult faire pour contenter Dieu & les hommes, & leur approuver ma justification? Et luy ce pendant a faict paffer son camp deça les termes & limites prescrits entre nous: a augmenté ses forces à raison que j'ay

diminué les miennes: & ne reste plus que le mot, que (comme il est passé en proverbe) on ne donne l'assaut à Sagonce, ce pendant qu'à Rome icy, & ailleurs je laisse couler temps en consultations: voire qui plus est ne tient propos entre ses gens que de me venir faire la guerre en France, & de me rendre l'un des plus pauvres gentils hommes de mon Royaume. Certainement encores que le monde fust si aveuglé de tous les sens, non que des yeux corporels, si ne peult l'Empereur abuser Dieu, tout voyant, sçachant & precognoissant, que si autre affectió ne le mouvoit que de reintegrer le Duc de Savoye, il se contenteroit de tascher au recouvrement de ce que j'ay pris sur ledit Duc: & non à la prise de quelques villes de mon Royaume, desquelles je bailleroy plustost recompense au Duc, en acheptant de luy ce qui est mien, pour eviter querre, que de le plus laisser en main si suspecte & mal fiable. Mais il se vante de deux choses l'une, & faict son comte de la premiere partie de la disjonctiue, ou qu'il sera Roy de France, ou moy Empereur. Estre Empereur je ne preten : & si j'ay satisfaict (ainsi que j'ay) à tout deb voir envers le Duc, envers l'Empereur, envers Dieu tesmoing & aibitre de tous traittés, Roy de Frace ne sera il jamais: & le mesme Dieu ulteur& juge de su perbe & intolerable contumace, touinera sa suicui & vegeance à l'encontre dé celuy envers lequel ne se peuvent trouver aucunes assez agreables raisons de pacifier & oublier inimitié. Doncques, d'autant que nous cognoissons quelle difference il y a de celuy qui a Dieu propice à celuy qui l'a contraire: & que nous pouvons maintenant (avecques noz consciences bien informées & satisfaictes entrer en ceste guerre) portons y tous non-seulement le mesme cueur de bien faire qu'en autres entreprises nous avos porté, mais une certaine ire & indignation, comme à lencontre non que d'ennemis, mais d'infracteurs, abuseurs, & deguiseurs de foy. Reste maintenant à deliberer, en tant que nous avons nouvelle que l'ennemy dresse deux aimées, en quelle part nous ferons tirer noz principales forces, & qui nous sera plus à propos (encores que ce depende du chemin que luy tiendra lequel nous mettra mieux) ou de passer les monts au devant de luy, ou d'aiten dre à le combatre en nostre pais & l'un & l'autre party se peult fonder & en raisons & en exemples. Mais vous ayant assemblez icy

pour en dire chacun sa frache & libre opinio, & non point celle que vous jugerez m'estre plus agreable, je ne vous deduiray les unes ne le autres raisons, mais sur ce que vous autres m'en ouvrirez l'esprit, prenant des opinions des uns

& des autres, je concluray.

A LA PROPOSITION du Roy assentirent universellement tous ceux qui furent appellez à ce coseil: car outre ce que tous estoient en bonne persuasion du plus que devoir où il s'estoit mis avant que prendre les armes contre. le Duc de Savoye, à aucuns d'eux sembloit qu'il eust aussi bien faict de poursuivre vigoureusement, comme d'user de tant de respect à l'Empereur, aux plaintes duquel estoit la response tous jours aussi raisonnable comme facile & propre, moyennant qu'à riens du sien il n'eust esté touché par nostre armée, suyvant la premiere deliberation qui en avoit esté prise. Et bien eussent aucus voulu que moseigneur l'Amiral n'cust esté si promptement obeissant aux mandemens du Roy, ains qu'il se fust sais y de Verceil en attendat une seconde justion. Or ne se peuvent plus revocquer les choses une fois passées. Et quant à la deliberatio sur la maniere de se gouverner aux affaires presentes: tous furent d'avis (& bien estoit il ainsi à presumer) qu'entreprenant l'Empereur, ainsi qu'il se vantoit, la conqueste du Royaume de France, & du tout ruiner & en déposseder le Roy, que là part où seroit sa personne, là seroit le fort de l'affaire: & qu'il y auroit toutes, ou (quoy que soit) la plus part de ses forces ensemble: & si bie d'autre costé il faisoit quelque entreprise, ce seroit seulement pour travailler & divertit les forces du Roy, & le mettre en plus grande despense, non pas pour faire un gros & vif exploit de guerre. Car attendu que le Roy avoit ordonné de fortifier & tenir deux ou trois places en Piemont, & y jetter bones & fortes garnisons autat à pied que de cheval, la raiso de la guerre vouloit ou que l'Empereur avant que passer en France les forcalt, ou qu'il laissaft en Piemot suffisante force pour les tenir toutes assiegées, ou qu'il assist autres aussi puissates garnisons que celles du Roy en quelques places voisines, pour tenir celles du Roy en subjectio, à ce q moyenat quelq peu de résort, elles ne l'asséblatient, & tinssét la capagne, & sissent par occasió quelq autre effort, paravature de grosse cósequece. A ceste cause n'estoit il vray semblable, qu'estat le

MESS. GUILLAUME DU BELLAY, 230 Roy servy come il appartenoit, & l'Empereur voulant nettoyer le Piemont avant que passer outre, il seit de l'année grosse envahic au Royaume de France: & aussi peu qu'en faissant seulement quelques villes garnies, & no pas armée pour assieger les nostres, il luy fust possible sans ayde d'autruy dresler & entretenir en un mesme temps, apres une si grosse despense qu'il venoit de faire en Barbarie deux grosses & puissantes armées pour faire en deux divers lieux du Royaume entreprises quelconques de notable conqueste: & principalement en ces deux provinces de Champagne & Picardie, qui d'elles mesmes ne sont aisées à forcer, ne grademet oportunes & subjectes à l'injure & proye de lenemy. Et à ceste cause leur sembloit à tous estre requis que le Roy en pourvoyant seulement les principales places desdites frontieres, retirast aupres de soy le surplus de ses capitaines, & plus experimentez gens de guerre, au meilleur nombre que possible luy seroit: & dressaft un bon & puissant equipage, avecques lequel il fust prest à tourner la teste en quelque part, ou deça, ou delà les monts que son ennemy l'addresseroit à luy faire guerre: Aucuns adjoustoient que lon devoit haster & diligenter ces forces, en sorte qu'elles fussent à temps prostes, pour aller recueillir nostre cinemy delà les monts, avant qu'il eust passé jusques deça: & que plustost on entretint & feist la guerre en païs de conqueste, que sur le propre & naturel, & duquel nons tirions les com moditez requises à soustenir le faix de la guerre : ce que ne

Le Roy apres avoir entendu leurs opinions, sut bien Resolutio du aussi de cest advis, d'assembler le plus qu'il pourroit de ses Roy de attéforces aupres de sa personne pour sé ayder, & les employer dre l'ennemy ensemble ou separées, ainsi que les entreprises de l'enne-en France et my luy en donne soient occasió & oportunité, sust de pas-nele combat-ser delà les môts, si ledit ennemy entreprenoit de nettoyer tre. le Piemont avant que passer deça, ou de l'attédre à cobattre en ce Royaume, s'il se hazardoit d'y faire descéte. Mais quel que part (dit-il) qu'il entrepreigne à faire son effort, mon intétion n'est point de suy presenter, ne suy doner occasió de me presenter la bataille: ains suy laisser cossommer gés, téps, munitios, vivres, argent, à sieges & batteries de villes, asin qu'il espreuve sa part des incômoditez qu'é pareil cas nous

pourrions faire si abondamment en l'ayant au milieu& eo-

me és entrailles de nostre Royaume.

avons esprouvées par cy devant. Tant y a que la raison& le devoir de la guerre ne portent point qu'il doive entreprédre de passer deça: car en laissant telles garnisons derriere que j'ay ordonné mettre en mes places de Piemont, il est impossible, qu'y laissant autres pareilles, afin de tenir les miennes subjectes, qui est le moins qu'il puisse faire, il demeure encores aslez puissamment equippé: pour nous venir rencontrer en barbe avecques toutes noz forces unies. Et là où il passeroit avecques toute sa puissance, ce seroit bien la chose que plus je desireroy, pour la raison que je deduiray, & à laquelle je m'arreste jusques icy, nonobstat l'inconuenient que vous m'avez allegue estre à craindre à qui a la guerre en son païs: car tel inconvenient ne se peult estedre sino en bié petite cotrée de nostre pais. Ceste raison soutre ce que vous m'avez mis en avant de l'effort que ce pendant pourroient faire noz garnisons, avecques tant soit peu de renfort & supplément qu'ils eussent)est que tat plus il amenera de gens, tant plus il luy faudra de vivres, tant plus de chevaux, jumens & asnes à les conduire à sa queuë à travers les montagnes: dont il luy faudra tel nombre, que le double d'autat de fourrage qu'il en faudra pour sa cavallerie, ne pourroit suffire à les nourrir. Or jugez doncques estans les lieux où il aura de passer (encores que je n'en feisse detourner ou gaster, ainsi que je seray, tous les vivres & fourrages qui s'y pourront trouver) de nature afsez malaisez à soustenir & nourrir une armée d'amis passans en diligence & par estappes, ja de long téps ordonnées & preparées: en quel estat se trouvera une armée ennemie, qui à chacu pailage ropu (come je les feray tous rompre, & plus en un jour qu'ils ne rabilleront en quinze) sera contraincte de sejourner icy un, là deux, là trois, & en tel lieu huict ou dix jours, pour les refaire? Croyez que le passage seulemet avat qu'ils soiet descédus en la plaine, les aura cobattus à demy. Et quand apres leur passage ils penseront de micux trouver, alors ils auront en teste bonnes villes & bie fortifiées bie estoffées d'artillerie & de munitios, grosses & puissantes garnisons dedás, & telles de nobre, de bo courage, & d'experiece q j'ay moyé de les y mettre:autour d'eux ne trouveront ries à la campagne, ne verrot chose qui soit à leur commandement, ne récontreront ville (si elle, n'est ga stée & deserre) qui les recoive: de tous costez aurot pais en

nemy, & au lieu qu'en Piemont ils auroient à leur doz la Lombardie plantureuse, les peuples amis & savorables, les grosses rivieres pour apporter les vivres, le moyen prompt, & en main de se rafreschir aucunesfois de gens, en contre change ils auront les Alpes haultes, malaisées, steriles, les passages assiegez, & tousjours à cobattre incontinant qu'ils seront en ça passez, par aussi peu de seureté, l'ordre mis tel que je pense y mettre : de jour à autre par le moyen de tels empeschemens, retardement de la solde à leurs gens de guerre. Ceste difficulté qui de soy est grande, & de tresmau vaise consequence, le cours du temps, les surprises, en pais ennemy, incogneu, oportun à embusches, la faulte de vivres qui en adviendra, le tout concurrant ensemble est bien suffisant pour faire d'une grosse armée une petite. Nous au contraire aurons tout pais nostre à l'entour de nous: ne ver rons rien qui ne soit en nostre disposition, & si verrons de toutes pars abondance & planté, toutes contrées grasses & opulentes, & force rivieres à nostre commandement : noz deniers ainsi qu'ils se recueilleront : arriveront sans aucun besoing d'escotte en toute seureté: le temps qui ruinera l'ennemy, renforcera, multipliera, aguerrira noz gens: & aurons nostre passetemps, si nous voulons de veoir l'ennemy se deffaire de luy-mesmes en nous seant (par maniere de dire) ou nous pourmenant à noz aises en un beau camp, & bien fortifié. Non toutesfois que je vueille, ne que mon intention soit d'y demeurer tousjours oisif & sans rien faire, mais je vueil dire que quand nous avons à faire entreprise, la raison & opportunité nous y conduira, & non fortune ou appetit de l'ennemy: c'est à dire que nous aurons noz forces puissantes & gaillardes, que nous serons prompts & vigilans, pour ne faillir à nostre occasion, & à l'ennemy ne don ner la sienne.

TELLE est en substance ma conclusion, pour entrer de bonne heure, & sans perdre temps, à l'execution des choses d'autant que j'ay des ja mandé à monsieur l'Amiral, assis qu'il aura ses garnisons, qu'il me renvoye deça le surplus de mo armée, & qu'il done cogé aux ges des seigneurs Caguin & Comte Guy, retenant seulement les capitaines, & aucuns des principaux compagnons en mon service: je suis d'avis quant à ce poinct, de l'heure que l'Empereur entrera en guerre ouverte, leur renvoyer dire qu'ils remettent leurs

bandes sus. Et quant au retour de monsseur l'Amiral, je suis encores & demeureray pour deux raisons en la mesme opinion: l'une pour continuer jusques au bout à donner tout le tort de l'invasió à l'ennemy: l'autre qu'ayant assis ses garnisons il seroit trop foible à la campagne. Parquoy mon intention est de luy mander qu'incontinant luy-mesme se retire vers moy, attendu qu'il n'a plus occasion d'attendre que monsseur le Cardinal le mande, qui desja est icy de retour: & à tous ceux qui demeurent delà, ordonneray d'obeïr en son absence au Marquis de Salusses, auquel (ainsi que je luy ay accordé) je feray depescher un pouvoir d'y estre & commander ainsi que mon Lieutenant general. Au Dauphiné j'envoiray un autre bo chef, y recueillir les gens de guerre qui retourneront de delà, & par bon advis les diîtribuer és lieux plus oportuns & propices à garder & deffendre le passage des Alpes, ce temps pendant que je dresseray & aslembleray mes forces, lesquelles unies; si l'Empereur l'arreste au Piemont, i'y passeray en tel equipage, que je ne craindray point à le rencontrer; & d'essayer avec une bonne trouppe de Fraçois si encores aujourd'huy la France porte les gens que toute ma vie j'ay veu faire fuir les Espagnols devat cux: ou si les Espagnes en ont produit d'autres que ceux qui tous jours ont accoustumé de fuir deuant nous. Ie sçay que sur nous ils ont eu depuis un temps quelques avantages, & voirement avantages, car pair je n'ay jamais veu que de vive force le Fraçois n'ayt battu & encores espere battra l'Espagnol avec sa braverie:

A nostre gendarmerie feroy-je une trop grosse injure, si je la mettoy en dispute de comparaison avec celle de l'Empereur. Italiens, en aura il, aussi aurons nous, & non des pires, & rant que nous en voudrons. Et quant aux Lansquenets, si de nombre les siens passent les nostres, il ne les passent ne de courage, ne de vertu, ne d'experience: & nous auros des Suisses à suppléer le nombre, quelque chose que l'Empereur ayt praticqué, ne qu'il se soit vanté au cotraire En Allemagne pourroit estre que ses gens (ainsi qu'ils on de bonne coustume) m'y auroient quelque peu brouil lé usans de leurs accoustumées calomnies, & mensonges: se est-ce que vous avez tousjours veu la verité y avoir hei quad elle est cogneue. Et à ceste cause ne me semble poin shors de propos d'y envoyer personnage instruict de me

affaires, qui sçache user de langage qu'il cognoistra le besoing & occasion le requerir. Encores veux-je que tant en mon nom comme en celuy de mes enfans il demande une journée Imperiale, pour y faire exposer & deduire noz droicts & raisons, desquels est meu le differat d'entre nous & l'Empereur: à ce que les estats de l'Empire en jugent comme vrais juges, & ausquels appartient de cognoistre des dif ferents de l'Empereur, & des vassaux de l'Empire, tels que nous advoiions estre, & moy, & mes enfans, à cause du Duché de Milan. Et davantage arrivé que je seray à Lion, auquel lieu j'enten incontinant me retirer pour donner ordre à mes affaires, mo advis est d'autant que nous sommes au temps des foires, faire venir à moy tous les marchans Allemans qui sy trouveront, & leur tenir des propos accommodez au temps par lesquels ils puissent où besoing sera, & si on avoit en leur pais desguisé quelque chose au prejudice de mes affaires, eux-mesmes deposer du contraire pour la veriré.

A ceste deliberation s'accorda tout le conseil, & gran- Dépesches de dement louierent la sage prevoyance & meure providen- monsieur de ce du Prince en ses affaires. Suivant laquelle delibera- Humieres, tion & dés le premier jour de Juing il depescha messire Jea de Langey, seigneur de Humieres chevalier de son ordre, & capitaine Ff/ autres. de cent hommes d'armes de ses ordonnances; soubs monfeigneur le Dauphin: lequel il envoya pour estre son Lieutenant general audit païs de Dauphiné. Renvoya messire Francisque de Nocet Comte de Pontreme gentilhomme de sa chabre à mondit-seigneur l'Amiral son Lieutenant general delà les monts, approuvant la deliberation que par ledit Cote il luy avoit madé des chefs & garnisons qu'il entédoir laisser à Turin, Fossa, & Cony: & luy madat que cela fait il se retirast vers luy. En Allemagne depescha messire Guillaume du Bellay seigneur de Lagey, aussi des gétilsho mes de sa chabre, tat pour les causes & raisons cy dessus tou chées, que pour repeter des Ducs de Baviere les cét mille ecus cosignez entre leurs mains en l'an M.D.XXXIII.atté lu l'occasió d'icelle consignatió cessante, le terme de la renlre pieça escheu & le present & urget affaire que ledit seimeur avoit de l'ayder entierement de tous ses membres.

En Picardie il envoya un treforier avec grosse somme le deniers, tant pour lever gens où besoing seroit, que

pour la fortification & remparement des places, ensemble deux commissaires d'artillerie, qui surent les seigneurs de Lusarches, & de la Magdalene, avec bon nombre de canonniers. Et manda se retirer vers luy messire Iean de Crequy, seigneur de Canaples, Comte de Mante & de Meulant, chevalier de son ordre; & capitaine de cent gentils-hommes de sa maison: & messire Odart seigneur du Biez; capitaine de cinquante hommes d'armes, & Seneschal de Boulenois, auquel à son arrivée donna le colier de son ordre;

A Marseille il envoya son Lieutenant & capitaine general Messire Antoine de la Roche-Foucault, sieur de Barbezieux, aussi chevalier de son ordre, & capitaine de cinquante hommes d'armes: fist creuë de gens d'armes, jusques au nombre de trois cens lances. A monseigneur Antoine Comte de Marle fils aisné & à present Duc de Vendosmois, à monseigneur Iean d'Orleans Marquis de Rothelin, à monseigneur François de Clèves Comte de Nevers, à moseigneur le Prince de la Roche sur Ion à chacun d'eux cinquante lances. Feit aussi creuë de chevaux legers & de gens de pied. Au seigneur Iean Paule de Cere donna charge de deux cens chevaux legers, & de deux mille hommes de pied: audit seigneur de Canaples deux cens chevaux le gers, & deux mille hommes de pied: à messire Martin di Bellay autres deux cens chevaux legers, & deux cens arc bouziers à cheval, & deux mille hommes de pied Italiens dont il en bailla cinq cens au capitaine Iean de Turin, cinc cens à S. Petre Corse, cinq cens à Colle Scorte, cinq cens ai capitaine Chinche.

P E u de jours apres ayant ledit seigneur advertissemen qu'en Espagne se faisoit quelque levée pour descendre, ain si que le bruit estoit, en Guienne, encores qu'il ne luy sem blast croyable que l'Empereur voulust distraire ses force en tât de lieux: pour n'estre toutes sois surpris, & aussi por tenir les Espagnols mesmes en craincte, & à ce que plus e vis ils fournisset argét à l'Empereur, il ordona y faire une vée de quatre mille hômes de pied, lesquels en tout evenement sussent prests à employer en telle part que se dre seroiét les affaires. Et à ceste cause y envoya le Roy de Nivarre son lieutenat general & gouverneur au païs de Guy ne, lequel mist toutes les Espagnes en un grand souspeço

En Dauphiné le sire de Humieres passant à Grenoble fist assembler le Parlement, les gens des Comtes, & les gens de la ville, & leur remonstra les grands preparatifs que le Roy faisoit non seulement suffisans pour resister aux enne mis & garder ses subjects de violence, mais pour faire conire l'ennemy une bonne & grosse entreprise: qu'à ceste cause ils ne s'estonnassent, ne prinssent peur, ains demourassent tousjours de bonne volonté. De là passa jusques à Ambrun, & fist pareilles remonstrances en toutes les deux villes & autres: il trouva le peuple assez estonné, mais au demeurant de bonne volonté, & furent grandement rasseurez à sa venue. Par son advis & ordonnance ils envoyerent par tout le pais aucuns de messieurs de la Cour & de la chambre des Comtes, ensemble des gentilshommes du païs pour faire la description des vivres qui s'y trouvoient, en feirent distribuer par les estappes. A Grenoble en feirent gros magazins, pour y estre prests à departir en tous les lieux où seroit besoing. Cela faict ledit de Humieres pourveut en diligence les chasteaux d'Exilles, Chasteau-dauphin, la Bussiere, Bel lecombe, Avalon, & autres de la frontiere, de gens, vivres, & artillerie, telle que les places la requeroient, & municiós, & autre equipage selon le besoing. A Rocquesparviere se mist messire Iean de Bouler esseu de Riez, frere du seigneur de Cental, auquel appartient ladite place: & pour le renforcer, & à sa requeste, luy envoya le sire de Humieres le nombre de cinquante hommes de guerresmais ce fut faict quelque temps apres. Et pour cause que le seigneur Antoine de Leve avoit envoyé sommer ladite place, semblablemet autres pla ces, ainsi que le temps en apportoit les occasions, furent par ledit de Humieres faictes & changees nouvelles provitios, comme chacune en son téps sera declarée par cyapres. Luy ordinairement feit sa residence audit d'Ambrun allant & ve nant toutesfois à Briançon, Exil, Gap, & ailleurs, selon que es affaires du Roy le requeroient: & si bien & sagement arec diligence fy gouverna, que son service fut grandement oué & recommandé.

En Allemagne le seigneur de Lagey à son arrivée trou-Ceque sisse les choses si aigres contre le Roy, que par certeine ex-trouva Mon erience il cogneut, que non sans cause se vantoient les sieur de Lanmperiaux d'y avoir tellement brouillé ledit seigneur, que gey en Alle es Ecclesiastiques ne des Protestans il ne tireroit plus de magne.

H iij

Lansquenets. Aussi trouva que non sans cause l'Empereur avoit revocqué la promesse qu'il avoit faicte à Rome à noz ambassadeurs, de leur bailler le double de ce qu'il avoit pro posé devant nostre S. Pere: car luy ou ses gens en avoient par toute Allemagne semé des doubles si divers & differéds les uns des autres & deguisez selon qu'ils les estimoient deyoir estre agreables à ceux ausquels ils les envoyoient, qu'il y en avoit autant de sortes comme il y a de sectes en la loyde Mahomet. Aux Protestans en avoient esté envoyez qui parloient d'eux, en sorte qu'à les lire il sembloit plustost, qu'autrement, que l'Empereur eust esté leur intercesseur, envers nostre S. Perc. Et d'avantage ledit seigneur avoit escrit unes lettres à aucuns d'eux, sçachant qu'il la publieroit à tous les autres: par laquelle il luy faisoit à sçavoir que par deux ou trois fois, il avoit eu longues & privées communications avec nostre S. Pere, & aucuns des Cardinaux tels que ledit S. Pere y avoit voulu appeller: esquelles comunications il leur avoit declaré les causes mouvantes iceux Pro testans en certains principaux poincts, à dissentir de l'Eglise Romaine, tellement leur avoit faict cognoiftre lesdites causes n'estre estranges de la raison, que ja il estoit en esperance de remporter dudit S. Pere, approbation & confirmation d'iceux articles: si sur le poinct de la conclusion ne luy sust arrivée la nouvelle inopinée, comment le camp du Roy estoit devant Verceil, ville dependente du Duché de Milan, & prest à passer outre audit Duché. Qui auroit esté cause que sans attendre la conclusion de nostre dit S. Pere, force luy auroit esté prendre congé de la saincteté, faire unir ses forces en diligence, & tourner droict la teste contre l'ennemy: à bien grand regret d'avoir laissé ceste euvre imparfaicte, mais en esperance que bien tost avec leur bonne ayde, dont en si juste & saincte cause il les requeroit, sans le taxer ne cottiser, mais le tout remettant à leur discretion, il auroit repoulsé son ennemy, violateur de paix, & interrupteur de toutes sainctes & bonnes entreprises, pour incontinant aller reprendre ses brisées, & parachever ce qu'il avoit encommencé.

Aux Ecclessatiques avoient esté envoyez des doubles de ladite protestation desguisez en autre maniere. Car ores que par le contentement d'iceux Ecclessatiques il y seist quelque mention de la doctrine Lutherienne, c'estoit s

sobrement, qu'il n'y avoit chose qui deust offenser la partie Protestante. Envers chacune des parties usoient les Imperiaux de cest art, & pour animer toutes les deux, avoient faict courir le bruit, qu'en France tous Allemans avoient esté bannis du Royaume à son de trompe, & que tous subjects du Roy, qui se trouvoient avoir hanté en Allemagne, estoient indifferemment executez à mort cruelle comme Lutheriens hereticques. Par ce moyen incitoient les Protestans contre le Roy, comme persecuteur de leur doctrine: & les autres, comme contre celuy qui tous les pesast à une balance. Et d'avantage leur avoient aux uns & autres donné à entendre, que le Roy indubitablement ne faisoit la guerre tant pour la propre ou particuliere querelle, comme pour intelligence qu'il avoit au Turc, & en intention de divertir les forces & de l'Empereur & de l'Empire: ce pendant que ledit Turc ennemy de nostre foy par autre costé les invaderoit. Et trouverent des Evesques à leur devotion, lesquels ou par malignité, ou qu'ils fussent ainsi persuadez, oserent se faire publier, & par la bouche des prescheurs, & par attaches imprimées aux portes des Eglises de leurs Dioceses. Et pour comble de la persuasion, feirent imprimer avecques privilege Imperial (afin de mieux authoriser l'impression) unes lettres de dessiances contenant le nom du Herault, la datte & lieu de la presentation d'icelle, faicle au Roy en grosse assistance de ses Princes & Barons: par laquelle deffiance ledit Herault en presentant au Roy une espée, d'un costé forgée à flambes, & de l'autre esmaillée de rouge, luy auroit declaré l'interpretation de ceste espée, qui estoit signifiance de guerre mortelle à feu & à sang, que l'Empereur son maistre luy denonçoit, au cas qu'il ne se retirast & departist de l'infame, malheureuse, & danable alliance & conspiration qu'il avoit faicte avec le Turc, à l'encontre des Chrestiens, & de la religion Chrestienne. Laquelle dessiance en ceste sorte publiée par toute la Germanie, il est incroyable combien de gens elle avoit esmeu contre le Roy: car il y en avoit bien peu qui ne creussent certainement que l'Empereur l'eust envoyée telle. Or n'estoit-il pas à presumer, qu'u tel Prince l'eust envoyée telle, & à autre tel Prince qu'est un Roy de France, s'il neust esté bie informé au vray que ledit seigneur Roy cust faict ceste conspiration avec le Turc. Advint d'avantage H iiij

qu'au mesme temps se leverent aucuns boutefeux, lesquels allans de nuict par païs brusserent plusieurs bourgades & villes champestres en Allemagne: & firent les Imperiaux courir le bruict, qu'iceux boutefeux estoient par le Roy attiltrez & envoyez pour ce faire : tellement qu'à l'occasion de cestes & autres persuasions, ceux qui au paravant ne se vouloient mouvoir du pais avant que faire monstte, couroient volontairement chercher les capitaines pour les mener à la guerre contre le Roy: chose qui beaucoup servit au Comte de Nansau, pour faire mettre ensemble les Lansquenets, que peu apres il mena en Picardie. Restoit encores à dresser l'autre camp, lequel ainsi que j'ay dit cy dessus, l'Empereur avoit deliberé de faire descendre en Champagne au plus fort des autres affaires: & lequel sans grande despense de l'Empereur eust esté prest, à poinct nommé, si par la prevoyance dont usale Roy, d'envoyer veoir en Allemagne quels troubles & tragedies on luy avoit

excitées, n'y eult esté remedié.

En ceste persuasion contre le Roy trouva le seigneur de Langey toute la Germanie: & l'addressant à ceux ausquels il avoit plus de foy, & desquels il avoit plus tiré de secours és autres affaires, qu'au paravant il y avoit conduits & nego ciez pour le service du Roy. Ils pensoient avoir faict beaucoup pour luy, de tant se hazarder seulement que de ne l'ex cuser aux gens'de l'Empereur, ou du Roy Ferdinand son fre re, & de luy conseiller qu'il se retirast en diligence sans passer outre: & à la verité, allant plus avant, il suy eust essé de jour impossible de faire chemin sans estre cogneu ou arrethé pour suspect : & de nuict luy estoient les chemins aussi mal seurs, à cause que depuis soleil couché jusques au jour, tous les paisans faisoient le guet aux champs à l'encontre des bouteseux, & ne laissoient passer allans ne venans sans parler à eux. A ceste cause trouvant un sien particulier amy. & ferviteur du Roy, qui fut content de le retirer & tenir en sa maison caché pour quelques jours, ce pendant qu'il essayeroit dextrement, & seroit preuve de la volonté d'aucuns autres personnages, qui avoient plus de puissance & authorité à luy tenir la main, & moyenner que la verité des choses fust cogneue, pour ofter & abolir ceste sinistre opinion que lon avoit dudit seigneut Roy, conclut & arresta d'user de ce conseil : & par luy en fist tenter deux entre les autres, & de propos en autre les conduire si avant que de luy dire qu'ils desiroient merveilleusement ouyr parler quelqu'un, qui de tous ces affaires dont lon saisoit un si grand bruit leur sceust compter au long la verité: car il leur estoit bien dur à croire que Dieu eust si avant abadonné le Roy. Et alors iceluy personnage, apres la foy prise & baillée entre-eux trois, se descouvrit à eux que le seigneur de Langey estoit en sa maison, incogneu de toutes personnes, forts que de luy: si l'accorderent ensemble qu'ils le viendroient veoir & orroient ce qu'il voudroit dire. En aurre lieu je pourray faire venir à propos de les nommer, afin de ne frustrer la memoire de leur bien-faict & service: mais à present ne vueil-je les nommer, pour ne les rendre oportuns au mal

talent de qui n'a pris plaisir en ce qu'ils en seirent.

ARRIVEZ qu'il furent, encores qu'il semblast bien à leurs paroles & contenance qu'ils n'adjoustassent foy aux plus enormes articles mis sus au Roy: si est-ce qu'ils luy donnoient le tort en aucunes choses, & autres en reciterent esquelles plusieurs grands personnages non de lègere, & temeraire creance le luy donnoient pareillement. A tous lesdits articles leur respondit ledit seigneur de Langey, de maniere qu'ils en demourerent satisfaicts, & furent bien d'avis, auquel aussi demoureroient plusieurs autres si on leur avoit de mesme respodu: qui fut cause que ledit Langey redigea les responses qu'il leur avoit faictes par escrit, & trouva moyen de les faire secrettement imprimer, & publier par toute la Germanie, tant en Latin qu'en Alleman, & depuis en François: afin qu'en plus de lieux elles fussent leues, & la verité cogneue. Aussi pour faire cognoistre au Protestans, combien ils estoient abusez en la persuasion qu'ils avoient sur la lettre que leur avoit l'Empereur escrite, & sur les doubles de la protestation dudit seigneur il les feit de mot à mot translater à la verité, & imprimer en Alleman, & publier par toute l'Allemagne : chose qui diminua beaucoup de l'affection qu'iceux Protestans avoient desja mise à l'Empereur, mais ne leur osta encores la mauvaise volonté que tant les Ecclesiastiques qu'eux portoient au Roy. Car nonobstant qu'aux dessusdits personnages ledit Langey eust faict conster veritablement par lettres du seigneur de Leidekerke ambassadeur de l'Empereur, escrites & signées de sa main, qu'encores il estoit en la cour du Roy, qui estoit pour consuter ceste dessiance de guerre imprimée, & leur eust aussi monstré lettres qu'il avoit d'aucuns marchans Allemans, escrites à Lion de fresche datte, pleines de contentement & satisfaction qu'ils avoient du bon traittement que leur faisoit le Roy en leurs affaires: & dont ils remercioient ledit de Langey, comme celuy qui les avoit introduits & recommandez: qui estoit assez pour prouver ceste nouvelle de bannissement controuvée, si est-ce qu'au po pulaire qui plus avoit esté persuadé n'estoit venue ceste co-

gnoissance du contraire.

A D VINT si bien que sur ces erres les marchans venans des foires de Lion: & qui s'estoient hastez pour estre à téps à celle de Strasbourg, arriverent les uns apres les autres: dont adverty ledit Langey, fist sçavoir de ses nouvelles en diverses villes, à quelques siens amis & serviteurs du Roy. Et par iceux fit souvent & à divers jours, & en diverses com pagnies, és lieux plus hantez & frequens interroguer lesdits marchans quelles nouvelles ils apportoient de France : si rapporterent lesdits marchans toutes choses conformes à ce que par cy devant est plus amplement racomté. Premierement interrogez sur ceste dessiance, asseurerent qu'au temps de leur deslogement de Lion, il n'y avoit point encores de deffiance entre l'Empereur & le Roy, & qu'encores estoiet les ambassadeurs; de l'un vers l'autre: que tousjours se continuoient propos de paix entre-eux, mais bien tendoient les actes & demonstrations à la guerre. Plus affermerent qu'au temps contenu en ceste desfiance imprimée, faisant mention qu'elle avoit esté signissée au Roy estant à Lion, ledit seigneur un mois devant, & plus de xv. jours apres la datte, avoit tousjours esté aux lieux de sainct Cher, & de sainct Rambert, & de Mont-brison. Interrogez de ce bannissement, asseurerent que tout au contraire le Roy leur avoir offert, au cas que la paix (que Dieu ne youlust) se vint à rompre entre luy & l'Empereur, ils auroient ce nonobstant telle seur cté que ses propres subjects parmy son Royaume. Et d'avantage, pour ce que les chemins pourroient paravanture à cause de la guerre estre mal seurs à gens estrangers, apportans aux foires argent en grosses sommes, qu'ils trouveroient en ses cossres à leur comman. dement, sans se mettre en hazard d'en apporter en France,

BELLAY. 236 DE MESS. GUILLAUME Du les cent, & les deux ces, voire les quatre, & les cinq ces mille escus, pour employer au faict de leur accoustumée marchandise, & à rendre apres la guerre en France, ou en Allemagne durat icelle, fil luy avenoit besoin d'y enemployer : & qu'au surplus il leur auroit usé de telles & si gratieuses offres, qu'ils ne pouvoient sinon grandemet s'en louer & contenter. Interrogez par aucuns Protestans de ceste grande persecution que lon disoit estre faicle en France contre leur doctrine, respondirent estre bien vray que le Roy nevouloit souffrir aucune mutation és choses Ecclesiastiques, sinon par bonne & meure deliberation des superieurs, & ausquels il touche: mais qu'au contraire de ceste extreme riqueur & severité, il avoit faict publier un edict

(& aucuns d'eulx en avoient transcripts) par lequel il rappelloit & remettoit en seur acces & jouissance de leurs biés tous ceux qui pour estre accusez ou souspeçonnez d'avoir attenté ou parlé contre la doctrine Ecclesiastique, moyennant qu'ils seissent seulement promesse veu chacun és mains de son Diocesan, de vivre doresnavant en bos Chre-

stiens, & soubs la doctrine & obeissance de saince Eglise. L E scigneur de Langey ce temps pendant que peu à peu fespandoit la verité: voyant que toutessois il ne luy seroit loisible d'aller publicquement en tant de lieux qu'il luy eust convenu pour executer la charge qu'il avoit du Roy, & de messeigneurs ses enfans, de demander une journée Imperialle, pour faire entendre & exposer leurs droicts & raisons és choses dont entre l'Empereur & cux estoient leurs differens, envoya ses lettres de creance, & avec une siéne bien ample contenant en effect la substance de sadite creance, à monseigneur le Duc Loys de Baviere, Conte Palatin, Electeur: à ce que comme Doyen des Electeurs seculiers (pourtant aussi qu'il estoit le plus voisin de France) il fist à sçavoir aux autres ladite demande & requeste du Roy & mesdits-seigneurs ses enfans: & luy, durant le temps que fon messager alla & vint, estoit allé vers les Ducs Guillaume & Loys de Baviere, pour repeter d'eux la confignation dessus mentionnée, dont il ne rapporta sinon paroles & excuses assez mal fondées: c'est à sçavoir, que ils disoient craindre que si alors ils la rendoient, estant la guerre ou-

verte entre l'Empereur & le Roy, ledit seigneur Empereur auroit occasion ou couleur de dire qu'ils auroient baillé argent au Roy pour luy faire la guerre. Et outre ce luy avoit esté dict par iceux Ducs qu'il se retirast de leur païs, pour doubte qu'il ne vint à la cognoissance dudit seigneur Empereur, ou du Roy des Romains, & que commandemét leur fust faict (auquel ils n'osassent desobeir) de le delivrer entre leurs mains.

AYANT si peu exploicté en cedict voyage, il receut lettres sous les seings & seel du Palatin Electeur, avecques aussi froide response, sçavoir est qu'il envoyeroit les lettres du Roy & de Messeigneurs ses enfans, ensemble celle dudict seigneur de Langey, contenant la substance de sa charge & creace, au Roy des Romains Vicaire general de l'Empire, pour y pourveoir ainsi qu'il jugeroir bon estre. Laquelle response receuë, ledict de Langey desirant, ores que au Roy son maistre ne fust accordée la journée qu'il demandoit, qu'à tout le moins il fust à tous notoire & manifeste, combien grandement s'estoit mis ledict seigneur en son devoir: & à luy ne tenoit que de ses differends ne sust jugé par ceux ausquels en appartenoit la cognoissance: escrivit autres lettres de pareille ou approchante substance aux Electeurs, & autres Princes de l'Empire, & à un chacun d'eux en fist tenir une avecques un double des lettres de creance du Roy, & de mesdicts-seigneurs ses ensans: lesquelles il feit pareillemet publier & imprimer par toute la Germanie, de la teneur & maniere qui ensuit.

monsieur de Langey aux Electeurs de l'Empire.

TRESREVEREND S, tresillustres, & tresexcelles Prin-Lettres de ces, &c. Lors que le Roy Treschrestien, mon souverain seigneur & maistre, me depescha pour venir en ceste Germanie: luy & Messeigneurs serenissimes ses enfans, avoient tant par le bruit commun, que par lettres d'aucuns entendu, que promptement il s'y devoit tenir une journée Imperiale: & à ceste cause m'avoient donné lettres & creance commune à vous tous mes dessusdicts seigneurs, & charge de vous requerir & demader en leur no assignation d'autre journée Imperiale, en laquelle il leur fust loisible d'évoyer seurement & sans offension de personne, ambassadeurs instruicts & informez suffisamment, pour vous exposer & deduire les droicts, noms, raisons, & actions qu'ils pretender, tant en l'estat & Duché de Milan, qu'en autres choses violentement & à tort occupées, & retenues sur eux: aussi pour vous approuver & justifier leurs faicts, & devant

te sacrosain & Empire (envers lequel ils veulent & desirent leur splendeur & dignité demourer entiere & immaculée) purger & resuter non point les crimes, mais les calumnies

à eux imposées & mises sus.

ARRIVE' doncques en ceste intention, j'y ay trouvé deux choses contraires à l'execution de ma charge : l'une, que ceste journée dont il avoit eu nouvelles ne se tenoit point, l'autre que je ne trouvoy seureté de chemins si j'entreprenoy de vous aller trouver chacun chez soy: & qui plust est aucuns personnages, & des plus principaux en degré & authorité, m'ont amiablement, mais acertes, adverty que je n'estoy menacé que de la fin de mes jours, si j'estoy rencontré où que ce fust en Germanie. Icy me fault confesser verité, je ne su petitement esmeu de ceste nouvelle, & non seulement (encores que j'en eusse cause, & le fusse en effect) pour le danger particulier de ma personne, & pour celuy des affaires du Roy mon maistre, mais aussi tant pour la nouvelleté que pour l'indignité de la façon de faire: car en ce me sembloit outre l'offense faicte au Roy, y estre aussi offensée la reputation & authorité de ce sacrosainct Empire, & de la nation Germanique: lesquels ayans esté par cy devant en estimation de telle grandeur & excellence de cœur & de puissance, que de vindiquer de toute injure, non seulement eux, mais autruy: qui est celuy qui ne s'esmouveroit à commiseration de veoir maintenant vostre liberté non que grandeur estre si ravallée, qu'il vous convienne souffrir & comme tacitement consentir qu'il y aythomme à l'appetit duquel il vous faille ou accepter ou repudier les ambassadeurs des Roys, & Princes? Qui vous puisse ordonner & commander ausquels vous donnerez & ausquels vous refuserez l'entrée: & vous deffendre encores particulierement de ne la donner à ceux, la ligue desquels (soient ou François, ou Francogermains) a descendéce des mesmes autheurs de cestuy vostre Empire? Lequel Empire vous a par eux esté concilié, par eux remis & estably des Grecs aux Latins, comme par restitution postliminaire? Et par la liberalité desquels, outre les grades provinces qu'ils ont par grand travail, sueur, & sang acquises à l'enrichissement & ornement de cedit Empire, à la fortification & seureté de vostre liberté, ont d'avantage esté augmentez les nom & limites de Germanie, & vostre dict Empire decoré

de l'ascention de tant de grosses seigneuries, qu'eux de leux propre & ancien patrimoine avoiét & possedoiét des deux costez du Rhin? Et lesquels outte tous ces anciens biés-faits ont tous jours une si grande conjonction à vostre dict Émpire, par amitié, par accoustumace, & par deliberation, que mesmemét entre les plus grands seux de la guerre, & plus embrasez, qui ayent esté entre leurs Roys & leurs Empereurs (comme vous en avez n'a pas long temps veu l'experience) la societé d'entre vous n'en a jamais esté dissoulte, ne la communication discontinuée.

ESTANS doncques les choses en ceste sorte, souffrirez vous, Tresreverends, & Tresillustres Princes, que par iceux soit deschirée en vous l'observance du droict des gens, & de ceux qui avecques vous ont telle societé en cest Empire qu'ils vous ont acquis, les Legats & ambassadeurs sussent violez: le nom desquels doit estre en telle & si sacrosaincte reverence, qu'ils soient & conversent seurement & sans dager entre les armes des ennemis? Si est-ce quant au Roy mondict seigneur & maistre, que pour le respect qu'il yous porte, il remet ceste & autres injures insolites, & indignitez à luy faictes entierement à la volonté de Dieu. Mais quant à moy, qui par luy & mesdicts-seigneurs ses enfans ne suis icy envoyé que pour devant vous (ausquels ainsi que le droict de l'election de l'Empire, appartient la cognoissance & jugement des fiefs qui en dependent) deduire les droicts qu'ils ont & pretendent en la teneure d'iceluy, & pour en jugement (auquel ils sont deferez & accusez de ne vouloir ester) y faire appeller les detenteurs & occupateurs d'iceux leurs droits: desquels leur est la privation de tant plus grefve, que les ayant ils peuvent (& le tiennent à tiltre honorable) le dire & nombrer entre les Princes dudit sainct Empire: je n'ay peu certeinement saire de moins, afin que ma legation ne leur fust entierement infructucule, que d'executer par lettres & messages, ce que possible ne m'est sans extreme & apparant danget, executer de bouche. Et pour ce avoy-je adressé les lettres du Roy & de mesdits-seigneurs ses enfans, avecques unes miennes contenantes la substace de ma charge à Tresillustre Prince monseigneur Loys Cointe Palatin, comme à celuy auquel pour estre voisin de Frace, & la retraitte d'autant plus courte, je pouvoy le faire avec moins de danger: en le priat trefinstamment que son plaisir fust comuniquer sur la requeste desdits seigneurs, avecques messeigneurs ses collegues Electeurs, & autres tels Princes ou estats de l'Empire, ausquels il jugeroit en appartenir la cognoissance: & par avis & deliberation commune d'eux respondre & faire droict sur icelle.

Mais par ses lettres il m'a faict response qu'il envoyeroit le tout au serenissime Roy Ferdinand, qui le feroit tenir à l'Empereur son frere, lequel sçauroit tresbien comment cest affaire se devroit gouverner. Sur ceste sienne response(Tresprudens & tresillustres Princes) que puis je ne doibs je esperer & attendre ou de l'Empereur, ou du Roy Ferdinand son frere, sinon qu'ils ayent à supprimer & lettres,& creance?Sçachat que l'un se sent luy-mesmes revestu de la despouille, & enrichy du patrimoine de mesdits souverains seigneurs & Princes: sçachat que tous deux en tous leurs faicts & dits travaillent à mettre le Roy mon maistre en sinistre reputatió & opinion du mode: & que l'accusant maintenant de vouloir outre droict & raison entreprendre fur le Duché de Milan,& au paravant l'avoir tenu& c ccupé sans tiltre, ils font (ainsi q vous voyez)assieger & guetter les passages: pour doute qu'estant la verité des choses tout au cotraire, & n'estant rien de ce qu'ils luy mettent à sus, il ne fen envoye justifier & retorquer ceste mesme accusation ainsi qu'il appartient sur eux. C'est chose certeinemet seure & costante, que l'Empereur Maximilia apres cognoissance de cause, & parties ouyes en droich, & par l'avis & deliberatio des Princes de cest Empire, receut en foy & hommage, investit & mist en possession le seu Roy Loys decedé, ensemble le Roy mon maistre son prochain heritier & gendre, dudict estat & Duché de Milan: comme de chose à eux appartenant de propre heritage de leurs ayeulx & bisayeulx.Et lequel Roy modit souverain seigneur& maistre no seulement ne refuse de se soubsmettre en la decision de ceste cause au jugement des estats de l'Empire, mais de soymesme & plusieursfois l'a demandé, tant s'en fault ne qu'en cestedicte matiere ne qu'en celle de Savoye (laquelle aussi vous a esté desguisée) il ait jamais resusé d'ester à droit. Costitué doncques entre tant de dissicultez, & voulant eviter reproche de m'estre si negligentement acquitté de ma charge, que n'ayant eu moyen de satisfaire entierement, je

n'aye au moins en quelque partie satisfaict à mon devoir envers luy, & mesdicts seigneurs ses enfans, il m'a semblé (tresreverends & tresexcellens Princes) en esperance de remporter de vous quelque response, & leur pouvoir dire quelle attente de refuge & secours ils peuvent sonder en vostre equité, devoir escrire & envoyer par messager expres ceste lettre commune à tous vous ensemble, & une particuliere à chacun, & implorant vostre foy, vous supplier avoir esgard à la saincte & ancienne conjonction de nostre Royaume, & de noz Roys à vostre Empire, à la cognation ancienne & tant souvent renouvelée, à l'amitié jamais interrompue entre noz Princes, & ceux de vostre dit Empire: & qu'il vous plaise cossiderer quels personnages vous estes; en quel degré constituez, quel est l'office de cest antique & veritablement Germanique liberté: quelle chose vous estes tenuz faite envers cest Empire, envers la memoire des autheurs & instituteurs d'iceluy, envers l'universelle repuplicque Chrestienne. Ne souffrez (fil est possible) que ces deux principaux chefs de ladicte republique se combattent & affoiblissent l'un l'autre. Considérez qu'en la grandeur & force d'iceux elle peult & doit esperer de chercher son accroissement de grandeur & gloire, sa fortification contre les adversitez & perils : que les ancestres d'eux ont tousjours & par sur tous autres employé leurs biens, puissances & personnes, à l'entretenement, augmentation, & prouffit d'icelle.

CESTE cy est la principale requeste que je vous fay, ainsi que la principale charge que l'ay de mesdicts seigneurs & maistres est de vous requerir, que si par les fausses accusations intentées contre eux vous avez en voz esprits engendré quelque prejudice de leur cause, vous le vueillez demettre: & que du costé dont sera le droict, vous souffrirez incliner & passer aussi l'opinio de justice. Laquelle chose cerres j'espere, si ensemble vous reduisez en memoire la declaration & approbatio solennelle de leur ancien & certain droict hereditaire, par le tesmoignage & jugement de l'Empereur Maximilian en la personne du feu Roy Loys dessussammé, & le tort que depuis luy en feit ledict Empereur Maximilian: lequelapres avoir extorqué de luy au dessus de cent cinquante mille escus, pour luy bailler l'investiture dudict Duché, peu de temps apres, & paraventure avecques

DE MESS. GUILLAUME DU BELLAY.

avecques les mesmes deniers qu'il avoit receuz de luy, assemblant une puissante armée, l'en deposseda violétement. Et l'avant depuis le Roy mon maistre recouvert; & ja parplusieurs années possedé à l'encontre de l'occupateur injuste, vostre Empereur l'en a pareille mét & sans cognoissance de cause spolié: quoy que le droict voulust ainsi que voz ancestres & vous en avez tousjours usé, que le pouvoir & authorité de transferer les fiefs Imperiaux d'un personnage à l'autre, appartienne à la loy, & non à l'audace & volon té de qui que soit. Duquel droict & loy, comme ainsi soit qu'à vous proprement & : peculierement appartienne la cognoissance, vostre plaisir sera de bie deliberer quelle respose vous aurez à faire sur la raisonnable requeste de mesdits fouverains seigneurs & serenissimes Princes, lesquels vous prient & requieret ne les avoir en si peu d'estime, que desdaigner à entendre leur droit & raison, aussi bien que des autres Princes de cestuy sainct Empire. A moy semble sans point de doubte, que fil vous souvient bien qui vous estes, c'està dire seigneurs & Princes de liberté, juges souverains de toutes les choses controverses en cedict Empire, vous devez envers ledict seigneur Empereur insister à bon escient, à ce que justice leur soit ouverte, leur cause entendue & cognue, & luy content de se renger à la raison, & obeir à ce que par vous en sera jugé; plustost que de perseverer en l'opinion suivant laquelle (ie ne sçay si avecques la dignité gardee)il se vante de plustost vouloir assembler & unit tou tes ses forces & puissance, & les esprouver cotre le Roy, que contre le Turc hereditaire ennemy du sang & nom des Chrestiens: & de mieux aymer luy abandonner en proye tout ce qu'il laisse de pais derriere soy, que de se permettre demouvoir de ceste intention, & de retourner la teste en arriere de l'invasion une fois entreprise contre un Roy, des ancestres & predecesseurs duquel est advenue à la maison d'Autriche l'occasion des gros biens & puissance, qui principalement l'ont mise & colloquée en ceste supreme haulteur, où maintenant vous la voyez.

OR tant y a que là où sa majesté voudra perseverer en ceste-dite sienne volonté, & si une fois il entre hostillement és pass dudit Roy Tres-chrestien mon maistre, comme il se vante de vouloir faire, & paravanture a desja commencé, il trouvera & luy & messeigneurs ses enfans prests & si gran-

dement equippez à le recueillir hardiment, & sans craincle de ses menaces, qu'à laide de Dieu ils n'obmettront rien de ce qui appartient à Princes vigilans & bons protecteurs & amateurs de leurs subjects & de leur patrie. Mais avant qu'é venir jusques à là, & qu'une telle tempeste s'excitast, par laquelle ils cognoissent toute Chrestienté estre oportune & exposee au liazard de grande ruine & vastité, ils ont bien voulu vous fa ire par moy entendre ce que dessus, & vous prier, que pour le devoir du lieu que vous tenez, vous advisiez de trouver la vove d'obvier à cest effusió de sang Chrestien, ou à tout le moins quelque moderation à l'apparence du prochain danger: afin que par ceste leur declaration, il puisse conster à vous & à tous autres, que s'ils viennent à la guerre contre ledit seigneur Empereur, ne soit par volontai re deliberation, mais par contrain le & par necessité de repulser injure, & se dessendre. A laquelle leur intention & commandement n'ayant peu satisfaire de bouche, encores que j'aye prou essayé de moyes, envers plusieurs & diverses personnes, j'ay eu mon dernier refuge & recours à l'escriture, treshumblement suppliant voz excellences, qu'il ne vous soit grief ne moleste de me faire par ce messager entendre quelle sera vostre deliberation sur ceste tresequitable demande & requeste.

TRESREVEREND s, tresillustres, &c. Dieu tout bo &c tout-puissant vueille conserver & bien fortuner voz dessus dites excellences, & en cest urgent & pesant affaire, qui veritablement touche & appartient à tous, vous inspirer tel advis & conseil que le requierent & vostre devoir, & la ne-

cessité de la republique Chrestienne.

C E temps pédant que le seigneur de Langey seit ceste & autres depesches, la verité des choses qui faucemét avoient esté mises sus au Roy, sut espandue par la Germanie, & les calonies enticrement descouvertes. Et mesmement és villes Imperiales aucus des marchans nouvellemét retournez de Lion, ainsi que j'ay dit, seirent grandement leur devoir envers le Senat chacun de sa ville, de reciter le bo & gracieux traittemét, & les honestes offres que leur avoit saictes ledit seigneur Roy avant leur partemét de Lion: chose qui tellemét modera ceste indignation coccue contre luy q de treze mille homes qu'esperoit le Roy Ferdinand saire descendre en Champagne, & qui plus s'estoient mis ensemble par une

DE MESS. GUILLAUME DU BELLAY. 240

particuliere affection les uns du butin, & les autres de vengeance, que pour le service de luy ne de l'Empereur son frere, il ne se trouva que le nobre de deux ou trois mille hommes, tous les autres declarerent ouvertement que sans paye entiere, ils ne feroient le sermét: & ne le seroient sinon avec ceste exceptio, qu'ils ne porteroient les armes cotre le Roy de Frace en guerre invassy, és pais & seigneuries de l'anciéne obeissance de la couronne. Ainsi sut ceste levée rompue; & du peu de nombre qui se contenterent de saire autre serment, les uns passerent en Italie, les autres s'allerent joindre avecques l'armée du Comte de Nansau.

En Piemont avoit desja monsieur l'Amiral ensuivant Ordre donné l'ordonnance du Roy, assis la garnison dedans la ville de au Piemont Turin, en laquelle il mist pour chef & lieutenant de Roy par monsieur messire Claude seigneur d'Annebault, ayant charge de cin-l'Amiral de quante hommes d'armes, & chevalier de l'ordre du Roy, vant que se Charles de Coucis seigneur de Burie par cy devant nom returer.

& Charles de Coucis seigneur de Burie par cy devant nom retirer. mé: messire Gabriel seigneur d'Alegre, avecques sa compagnie de cinquante hommes d'armes: chevaux legers, le seigneur d'Auslun cent chevaux, le seigneur de Termes cent, le seigneur de Dessé cent. Outre lesquels y demourerent plu fieurs gentilshommes de grosse maison, lesquels sy voulurent enfermer pour acquerir loz & bruit, & faire service au Roy, & à la chose publique. Entre lesquels furent le seigneur de Piennes, surnommé de Halluin, le Comte de Tonerre, le seigneur de Listenay, Guy Chabot fils aisné du seigneur de Iarnac, Paul Chabot seigneur de Clervaux, le seigneur d'Escars, messire Loys de Bueil Comte de Sancerre, François de Vivonne Charles de Cossé seigneur de Brissac, Jean seigneur Do, Jean de Clermont seigneur de Traves. De gens de pied y demourerent le seigneur d'Auchy, & de Canny avecques chacun mille hommes Picards, la Salle avecques mille Normans, Quincy avecques mille Champenois: Lartigue Dieu cinq cens Guascons: le capitaine Blanche cinq cens, Anguar cinq cens, le seigneur Marc Antoine de Cusan avecques deux mille Italiens& desquels gens de pied demoura chef & capitaine general ledit messire Charles de Coucis seigneur de Burie, lieutenant pour le Roy avec ledit seigneur d'Annebault. Ledit seigneur Amiral avec sa compagnie de cent homes d'armes, celle de monseigneur le Mareschal d'Aubigny aussi de cet, celle du seigneur de la

Roche-du-Maine de cinquate, & celle du seigneur de Villebo de cinquante, les Lansquenets du Comte Guillaume, avecques le reste de l'armée se retira dedans Pignerol, & le surplus de son armée bailla au Marquis de Salusses, le laissant en sa place Lieutenant general du Roy.

Dıßimulations & lonqueurs du Salusses.

Estant à Pignerol il eut un messager de la part dudit seigneur Marquis luy demandant renfort de gens; par-ce qu'il disoit se sentir trop foible attendu la grande puissance Marquis de qu'il entendoit venir contre luy. Parquoy il luy renvoya la compagnie du seigneur de Bonneval absent, la conduisant alors le seigneur de Brosses son lieutenant, les seigneurs de la Roche-du-Maine, & de Villebo, avecques leurs compagnies chacune de cinquante hommes d'armes, celle du seigneur de Montejan de cent hommes d'armes conduitte par le seigneur de Vasse, & de la Jaille, & celle du seigneur Iean Paule de Cere de soixante, le chevalier d'Ambres avecques mille hommes de pied, Guascons: & le seigneur de S. Aubin avecques mille Normans: le capitaine Wartis Navarrois cinq cens hommes de pied, lesquels dés le jour mesme vindrent loger à Vignon. & de là à Villestranche: & de là envoyerent à Savillan, sçavoir audit segneur Marquis ce qu'ils auroient à faire: lequel deux jours apres escrivit au seigneur de la Roche-du-Maine, pour le faire sçavoir au seigneur de Villebo, qu'eux deux au lendemain matin sen vinssent à Ville-neufue du Solliers, & qu'il s'y trouveroit ac compagné du seigneur de Montpesat, du Côte de Pontreme, & autres pour aviser aux affaires du Roy. A quoy ils obeïrent, & dés le matin entrerent en conseil, & apres disner le continuerent, sans aucune chose conclure, sinon que ledict Marquis ordonna que les seigneurs de la Iaille & de Vassé lieutenans du seigneur de Montejan rameneroiet sa compagnie en France: & sans autre coclusion s'en retourna chacun au lieu dont il estoit party, jusques à ce que ledict seigneur Marquis les remandast.

D E ux jours apres il les mada de rechef venir avecques leurs compagnies au lieu de Savillan, ordonnant au seigneur de Villebon qu'il s'y en vint devant faire les logis,& au seigneur de la Roche-du-Maine de demourer derriere avecques les bandes, & qu'il advisast à les conduire seurement, por-ce que les ennemis estoient en campagne, & avecques grosse trouppe. Le lendemain qu'ils furent arrivez

audict lieu de Savillan, y vint le seigneur de Montpesat ve nant de Fossan, où il avoit esté pour ordonner la fortification du lieu. Monseigneur le Marquis ouy le rapport dudit seigneur de Montpesat, & l'opinio qu'il avoit, encores que les murailles dudict lieu fussent merveilleusement foibles, de la pouvoir ce nonobstant tenir, en ayant quelque espace de temps à la remparer, & y parfaire des bastions de terre qu'il y avoit faict commencer, ne se voulut condescendre à ceste opinion, ains fut d'avis de renvoyer tout ce qu'il avoit de gens de guerre en France, & d'envoyer le sieur de Verets en poste vers le Roy, pour luy faire entendre ceste deliberation, & les raisons à ce le mouvans: sçavoir est qu'estant desja l'ennemy si pres, & avecques si grosse puissance, il n'y avoit ordre ne moyen de pouvoir à temps fortifier & rendre tenable aucune autre ville de Piemont, que celle de Turin, & que de retenir gens outre ceux qui ja y estoient,

c'estoit les perdre à escient.

Les capitaines luy respondirent qu'ils estoient là pour luy obeïr ainsi qu'à lieutenant general du Roy, & qu'ils avoient commande nét d'ainsi le faire : que toutesfois il leur sembloit pour le bien & service du Roy, devoir tenir encores une ou deux places outre celles de Turin, à cause que n'en tenant qu'une, c'estoit ouvrir à l'ennemy le passage en France, laissant seulement un siege volant à Turin: ou paraventure luy doner occasio n'ayant à faire qu'à une place, & qui n'estoit encores en deuë & suffisante fortificatio, d'y covertir entieremet ses forces, & quoy qu'il luy coustast l'éporter d'assault, afin que passant en France il ne laissast rien derriere qui luy fust ennemy : & persistoit le seigneur de Montpesat en son opinion de tenir Fossan. Le seigneur de la Roche-du-Maine estoit d'avis que son tint plustost Cony, à cause que la ville estoit plus-grande, & par ainsi capable de plus grosse garnison, aussi qu'il y avoit moins à forrifier qu'il n'y avoit à Fossan: car en fermant les fauxbourgs avecques la ville il ne pouvoit avoir plus hault de quatre à cinq cens pas à remparer : aussi que desja les vivres & munitions y estoient, lesquels en tenant Fossan il y faudroit faire conduire dudit lieu de Cony: joinct qu'à l'en tour on auroit à commandement les pais de Salusses, du Dauphiné & de Provence, & pourroit on mettre le Comte Guillaume avec ses Lansquenets à Barselonne, ou ailleurs,

où lon adviseroit pour le mieux: & quelques autres garnisons à Demos, à Roquesparviere, & autres places à leur doz; en quoy saisant on donneroit à l'ennemy beaucoup à penser avant qu'il vint mettre le siege audiet Cony; ou qu'il en treprint en le laissant derviere, de passer outre la montagne. Plusieurs des autres capitaines se rengerent à ceste opinion, & le seigneur de Montpesat offrit luy-mesme de se mettre en laquelle des deux il luy seroit ordonnés priant sur toutes choses que lon prist quelque briefve conclusion, sans perdre temps en deliberations, qui se devroit employer à l'execution.

Monseigneur le Maiquis quoy qu'on luy remostrast, ne voului pour ce jour prendre autre conclusion, sinon qu'au lendemain iroient le Sieur de la Roche-du-Mai ne, & le seigneur Chrestosse Guasco revisiter la ville de Fossan: & que leur rapport ouy, se prendroit lors une conclusion de ce que lon auroit à faire. Audict leudemain allerent les deslushommez à Fossan, & retournerent le mesme jour. Estant ledict lieur de la Roche-du-Maine encores plus avant fondé que le jour precedent en sa premiere opinion de Cony, & d'autant plus qu'à Fossan il n'y avoit eauc qu'à cinq puys,& d'une fontaine hors la ville, que l'enemy en l'assiegeant facilement leur pouvoit ofter, le Marquis cherchant (ainsi que depuis il a esté secu) matiere de dissimulation & temporisement, ne voulut encores conclute: ains ordonna qu'au lendemain iroient avecques luy tous les capitaines & de cheval & de pied, pour en conclure audict Fossan sur le lieu: & meneroient chacun sa compagnie ou bandes prestes à demourer dedas, au cas qu'il fust trouvé raisonnable de le tenir: & au cas que non, d'aller pareillement visiter la ville de Cony, & ne la trouvant dessensable, se retirer tous ensemble le chemin de France : & que Juy entreprendroit de faire conduire l'artillerie apres eux, & la faire passer la montagne seurement. Les capitaines ne furent point de cest advis, alleguans que ce seroit chose honreuse (ores que force leur fust de se retirer) abandonner leur artillerie: & aussi peu estoient ils d'advis de mener à Fossan toutes leurs bandes y consommer les vivres, dont ils auroient besoing sil advenoit qu'ils la deliberassent tenir:mais le Marquis perfista d'y mener tout, en disant, qu'ils n'y concheroient plus hault d'une nuiet. Et de ceste sienne deliberation advisa le Roy par le sieur Verets en poste, cóbien que desja luy en avoit donné autre, ensemble manda

qu'il ne pouvoit tirer obeissance des capitaines.

ARRIVEZ qu'ils furent à Fossan, trouverent qu'en usant de bonne diligence ils auroient temps assez de parachever les bastions encommencez sy employans les gens de guerre avec huict à neuf ceus pionniers qui avoient commence l'ouvrage & que du Mont-devis (qui n'estoit loing d'eux) ils y pourroient faire venir des vivres sans toucher à ceux de Cony: & par ce moyen faite au Roy ce service, qu'en tenant l'une & l'autre ville, arrester l'ennemy sur cul, & donner temps à noz forces de se reunir & joindre ensemble. Tel fut l'advis & deliberation de tous les capitaines, & le declarerent ainsi audit seigneur Marquis, en le priant de promptement se vouloir resouldre. Pour ce jour ne voulut il encores conclure, remettant la chose en deliberation jusques au lendemain: & ce pendant les pionniers l'enfuirent tout au long de la nuict, en sorte qu'il n'en demeura point quarante: & depuis a esté sceu que ledit Marquis les en avoit faict fuir, combien que pour lors il ne fut sceu : bien y cut des gens beaucoup en la compagnie qui prindrét grand souspeçon sur luy: & mesmement quant au lendemain il se monstroit entierement resolu de vouloir tenir la ville: ce que jamais il n'avoit trouvé bon ce pendant qu'il y avoit moyen de la mettre en deffence : tellement que ceux qui n'osoient souspeçonner si mal de luy, ne pouvoient toutesfois n'attribuer ceste mutation à trop grande legereté ou faulte de resolution. Autres y en avoit qui pensoient pis: & ne trouvoient, bon que le Comte de Pocquepaille qui estoit à luy, alloit & venoit ordinairemement au camp des ennemis: mais il couvroit lesdites allées & venues sur sa querelle de Montferrat, disant que soubs umbre de ladite querelle il l'envoyoit pour entendre nouvelles de leurs entreprises & deliberations: à quoy les uns adjoustoient foy, les autres non. Le seignenr Martin du Bellay en plain conseil, & devant tous luy dist, qu'un chevaucheur d'escurie du Roy, nommé Boufot, venant de Milan, avoir passé par Alt, & y avoit veu marqué le logis dudit seigneur Marquis aupres de celuy de l'Empereur, à quoy ledit Marquis en soubsriant, respondit, estre bien asseuré que ledit du Bellay n'en croyoit rien, ne pareillement autre de la compagnie.

Tous asseurerent que non, & qu'ils le tenoient pour si gentil Prince, qu'il ne voudroit faire une si grande meschãceté: mais bien le prioient de vouloir prendre conclusion aux affaires: & ne perdre plus de temps en si longues & irresolues deliberations. Alors il leur dist, que la dissimulation dont il avoit use avoit esté pour cognoittre quel cœur & vo lonté avoient (non pas les capitaines desquels il n'avoit jamais doubté) mais leurs soldats & gens de guerre, lesquels voyant en si bonne volonté, il se vouloit resouldre de tenir Fossan: & les prioit qu'en ensuivant la promesse & instance qu'ils en avoient faicte, ils se deliberassent d'y faire leur devoir: & que le nombre ordonné de ceux qui devroient y de meurer, ils delibereroiet apres sur le faict de Cony. Les capi taines repliquoient qu'en leur rendant les pionniers qui alors y estoient quand ils s'offrirent à la tenir, ou autres en pareil nombre, eux nonobstant le temps perdu en rien faifant, servient prests d'accomplir leur promesse, & mettroiet peine d'en rendre bon comte: luy remonstrant toutesfois le peu d'apparence qu'il y avoit de tant avoir perdu de temps en dissimulation, & sans avoir aucune chose fortisié ne rem paré. Le Marquis monstrant d'estre bien marry entre les au tres choses de la fuitte des pionniers arrivée si mal à propos, reconfortoit les capitaines, en leur disant que de son Marquisatil feroit venir du jour au lendemain le double d'autant de pionniers, & tous à demy aguerris, & qui au besoing serviroient & de gens de guerre & de pionniers:mais ce pendant n'en venoit pas un. Luy tous les jours assembloit le conseil en sa chambre, mais au partir les capitaines n'en rapportoient conclusion: sinon que leurs vivres tous les jours appetissoient, pour cause du grand nombre de gens qu'ils estoient & du Mont-devis ne d'ailleurs il n'en venoit ne tant ne quand.

Vous avez par cy devant entendu coment le Marquis dés le commencement, & avant la depesche du seigneur de Verets qu'il envoya du seeu dés capitaines, avoit faich sçavoir au Roy la grosse puissance qu'avoit l'Empereur, & la desobeissance que luy trouvoit aux capitaines qu'on luy avoit laissez: & qu'à ceste cause il ne voioit moyen de pouvoit tenir ne Fosian ne Cony: & que le mieux qu'il sçauroit faire, estoit de renvoyer en France tout ce qu'il avoit de gens de guerre outre ceux de Turin. Le Roy incontinat

celte nouvelle ouye, depescha le sieur d'Eschainais en diligence vers ledit sieur Marquis & capitaines, pour entendre & sçavoir comment il en alloit, en les priant tresexpressement, que sur tous les services qu'ils luy voudroient faire, ils usassent de toute possibilité pour tenir lesdites villes, de peur qu'il eust l'ennemy si soudainement sur les bras en son Royaume, que ses forces ne fussent à temps reunies & mises ensemble pour le recueillir. En ce faisant il leur promettoit estre prest avant le terme d'un mois, ou de trois sepmaines, pour envoyer les secourir, sils pouvoient tenir jusques à tant, & rompre ceste premiere impetuosité de l'ennemy: qui seroit faict à luy, & à son Royaume un tel service que jamais il ne le mettroit en oubly. Quand toutesfois elles ne leur sembleroient estre gardables, qu'il aymoit trop mieux avant que perdre tant de gens de bien, qu'ils se retirassent se sauvant, & son artillerie. Ledit sieur d'Eschainais trouva les capitaines en la meilleure volonté du monde, mais pour-au tant que l'Empereur & toutes ses forces estoient si pres (car à la verité le siege fut mis devant Fossan, au dedans de huict jours apres) ils craignoient bien d'entreprendre à les garder, estans les villes si mal remparées, & eux sans pionniers, & sans moyen d'en recouvrer: & se plaignoit fort de la dissimulation du Marquis, lequel avoit tant laissé couler de temps sans y besongner & sans se resouldre. Aussi compterent les souspeçons qu'ils avoient contre luy: de maniere que peu s'en falloit, que se departant du tout de la deliberation de les garder, ils ne pensassent seulement qu'à sauver les hommes & l'artillerie: & si n'en trouvoient pas les moyens aisez, attendue la prochaineté de l'ennemy: sinon que de la retirer en quelque place de seureté. Le Marquis vouloit qu'on la mist à Ravel, un chasteau sien qu'il disoit inexpugnable, & veritablement est fort malaise à prendre: mais les capitanes encores qu'ils ne luy voulussent declarer, ne l'osoient toutesfois sier de la mettre en sa puissance : & fut parlé de l'envoyer à Roques-parviere, moyennant que lon trouvast par visitation de la place qu'elle y peust estre seurement. Et à ceste cause furent envoyez pour la visiter lesdits d'Eschainais, & le seigneur Chrestosse Guasco & autres: lesquels rapporterent que l'artillerie n'y demeurcroit point seurement.

Sur ce different arriva le sieur de Sansac envoyé par

le Roy en poste apres avoir entendu la charge du seigneur de Verets, & ce qu'il avoit d'avantage rapporté de la cognoissance qu'il avoit des choses: lequel Sansac outre les lettres qu'il apportoit audit sieur Marquis, en avoit de particuliers avecques creance au seigneur de Montpesat & autres capitaines:par lesquelles expressement le Roy les prioit qu'ils essayassent plus que le possible à tenir l'une desdites places seulement quinze jours, & qu'en ce faisant ils luy feroient un service inestimable. Parquoy ils conclurent entr'eux, & le declarerent audit seigneur Marquis de s'eu mettre au hazard, & de servir chacun de pionnier. Ledit Marquis leur demanda en laquelle des deux villes ils se voudroient plustost hazarder, ou sils estoient d'advis de les tenir toutes deux: & sur la response qu'ils firent qu'à luy estoit (ayant desja ouy leurs opinions) de conclure laquelle ils tiendroient, mais que les deux, ils y voioient alors peu d'ap parence, veu le peu d'ordre que lon y avoir mis, & que mieux valoit en bien gardet une, que de se mettre au danger que l'une fist perdre l'autre: & je vueil (dist-il adoncques) les garder toutes deux, & pource que vous monsieur de la Roche-du-Maine tenez ceste cy pour la plus soible, je vueil y demeurer en personne: & surce ledit sieur de la Rochedu-Maine en se monstrant & offrant soy mesme, voicy (dit-il) un aussi homme de bien qui de bon cueur y demeu rera quand & vous & pour vous y obeir, ainsi que la rai-Ion veult.

Les autres capitaines ne peutent bien estre de cest accord: & nonobstant qu'ils se couvrissent d'autre excuse, difant qu'il n'estoit raisonnable qu'un Lieutenant general du Roy se laissast assieger en la premiere place & plus prochaine du danger: à cause que ce seroit donner cueur aux ennemis de la forcer, en intention que luy pris l'entreprise seroit vaincue, & aux assiegez oster toute esperance du secours qu'ils pourroient à un besoing esperet du Lieutenant general du Roy. Parquoy il leur sembloit beaucoup meilleur & plus à propos que laissant à Fossan telle force qu'il jugeroit estre sussissant pour le tenir tant qu'il pourroit; & ce pendant qu'ils entendroient à remparer & sortiser la ville, il sist de son costé diligence de leur faire amener vins & sarines, dont à Cony & aux environs y avoit grande abon-

dance, & audit Fossan bien peu, & mesmement de farines, & de moulins point, & aussi peu dequoy en faire. Si n'estoit ce toutesfois la principale intentió qui les mouvoit à l'en dissuader, mais ils craignoient que demeurant audit Fossan il bailiast & la place & eux ensemble és mains de l'énemy: car le souspeçon tousjours croissoit sur luy, & leur venoit de plusieurs lieux advertissement qu'il avoit traitté avecques l'Empereur, ils n'en osoient neatmoins encores faire semblant avant que sçavoir l'intention du Roy. Pour ce soir il arresta (quelque chose qu'on luy eust remonstrée) de demeurer audit Fossan, & y retenir avec luy le seigneur de la Roche-du-Maine, & autres jusques au parfaict de deux cens hommes d'armes, & trois mille hommes de pied: le furplus envoyer dedans Cony. Ainsi se departit le conseil: & au lendemain matin av ant soleil levé ledit sieur Marquis fist rappeller les capitaines, pour aviser & conclure ce que seroir à faire.

Assemblez qu'ils furent, le sieur de Montpesat luy demanda sur quelle chose ils avoier à deliberer, & si le soir precedant ils avoient pas prise leur conclusion: à quoy il respondit en faddressant au seigneur de la Roche-du-Maine que les paroles du soir (à l'aventure) ne ressembleroient point à celles du matin & sur ce que ledit seigneur de la Roche-du-Maine luy repliqua que les siennes quant à luy estoient telles au matin qu'au soir, il luy dist que non pas les sienes pour ceste fois. Car il vouloit que les seigneurs de Montpesar, de Villebon, & ledit de la Roche-du-Maine avecques leurs compagnies, & le seigneur de la Rocque avecques celle du Grand escuyer & les capitaines Angleurre, & S. Aubin, avecques leurs bandes chacune de mille hommes de pied Champenois & Normans, Vvartiz avecques la sienne de cinq cens Guascons, & S. Petre Corse avecques les Italiens qu'il avoit en nombre da trois à quatre cens demeurassent audit Fossan: & que luy apres disner sen iroit à Cony avecques le surplus de la trouppe, & leur renvoiroit le chevalier d'Ambres avec sa bande, qui estoit de mille Guascons, lesquels serviroient de faire escorte aux vivres, artillerie boullets, & munitions qu'il promettoit leur envoyer. Et sur ceste conclusion disna: puis sen partir, laissant à Fossan les capitaines & gens de guerre dessusdits, & pour capitaine general & Lieutenant du Roy, pour commander à tous, ledit sieur

de Montpesat chevalier de l'Ordre.

APRES le parrement dudit sieur Marquis, vindrent nouvelles, combien que non certaines, au sieur de Montpesat, & autres capitaines estans à Fossan, comment ledit Mar quis au paravant celte conclusion prise (c'est à sçavoir alors qu'il tenoit propos de s'enfermer quand & eux en ladite ville de Fossan) avoit mandé ceste sienne deliberation au seigneur Antoine de Leve, l'admonnestant qu'il y vint hastivement & sans se travailler d'y amener grosse artillerie: car il luy bailleroit ensemble la ville & les hommes entre mains: aussi que depuis son partement pour aller à Cony il avoit renvoyé vers ledit Antoine de Leve, luy donner advis de ceste mutation, & le faire haster de venir avant que la ville fust en desfense, par-ce qu'un chacun mettoit la main à l'œuvre, autant capitaines que soldats, & pourroient en bien peu de temps mettre la ville en deffense: mais qu'en se hastant de venir, il n'y trouveroit aucune resistence, & que se presentant devant l'une des portes, ceux de dedans s'en iroient par l'autre. Ce qui plus feit adjouster de foy à cest avertissement, fut que le Marquis ne seur tenoit promesse de leur envoyer les vins, farines, artillerie, boullets, & munitions qu'il leur avoit promis. Et à ceste cause le sieur de Montpelat accompagné du sieur de Sansac, du sieur de Castelpers son Lieutenant, & de vingt chevaux, se delibera d'aller vers luy jusques à Cony, sçavoir à quoy tenoit qu'il n'en avoit nouvelles. Si trouva ledit sieur Marquis, faisant fort l'empesché à mettre ordre au partement desdites munitions, & avoit desja faict tirer une longue coulevrine & trois canons, & faisoit charger les boullets & poudres, & des farines environ de douze cens sacs, avecques bonne quantité de vins, & en presence dudit sieur de Montpesat feit acheminer l'artillerie, luy promettant qu'ayant la nuict le tout seroit rendu audit Fossan.

Le sieur de Montpesat se consiant en la parole dudit Marquis accompagnée de l'apparence qu'il voyoit de l'execution, & aussi pour-ce qu'il ne vouloit estre longuement absent de sa charge, sen retourna plein d'esperance à Fossan, le chevalier d'Ambres & sa bande de mille hommes de pied Guascons avecques luy: mais apres luy arriverent seulement un canon & une longue coulevrine, cinq caques de pouldre,& quelques boulets,mais peu,& d'autre calibre que n'estoient les pieces. Tout le surplus de vins, artillerie, & munitions fut par ledit Marquis envoyé à sa maison de Ravel, & luy dés la nuict ensuivant sy retira. Ce fut faict le jeudy septiesme jour de Juing: & le mardy ensuivant en viron les deux heures apres midy arriva l'avantgarde du seigneur Antoine de Leve, lequel au mandement dudit Marquis estoit party de devant Turin dés le Vendredy precedant, y laissant pour continuer le siege le nombre de dix mille hommes, foubs la charge de Scalinghe gouverneur d'Ast, & ce jour vint coucher à Carmagnolle. Et le mesme jour fut depesché par le seigneur d'Annebault messire Iean de Cambray son Lieutenant, pour sçavoir des nouvelles du Roy, & luy en faire sçavoir de celles de Piemont. Et en ce temps mourut monseigneur Iean Duc d'Albanie, chevalier de l'ordre du Roy, capitaine de cent homes d'armes, & cou verneur de Bourbonnois, Auvergne, Forests, & Beaujolois: son gouvernement sut donné à messire Iean de Bretagne Duc d'Estampes, & sa compagnie partie en deux, la moitié fut donée à monsieur de Chabanes Baron de Curton, & l'autre moitié à monsieur de la Fayette. Aussi mourut mesfire Loys d'Orleans Duc de Longueville, & Comte de Dunois, aussi chevalier de l'Ordre, & capitaine de cinquante lances, la compagnie duquel fut baillée à messire Loys d'Orleans son frere Marquis de Rothelin. L'avantgarde du seigneur Antoine de Leve repoulsa le guet de ceux de Fossá à son arrivée, & faillit à prendre ceux qui estoient au convent de S. François hors la ville, faisans abbattre le clocher de l'Eglise & autres edifices dudit convent qui pouvoient nuire à la deffense de la ville : & là se dressa une große escarmouche entre ladite avantgarde, & ceux de dedans qui sortirent au secours, & pour retirer leurs pionniers, dont en y avoit desja aucuns de morts & blecez. A ceste saillie moururent des Imperiaux beaucoup, & non seulement de coups de main, & d'arcbouze, mais aussi de l'artillerie de dedans qui feit grandement son devoir à favoriser noz La nuict survenant separa ceste escarmouche, & arriva le seigneur Antoine de Leve avecques toute sa force qui se vint loger à la portée d'une arcbouze pres la ville audit convent de S. François, qui pour la briefveté du temps, & pour avoir peu de pionniers, n'avoit esté para-

Siege devasse Fossan. chevé d'abattre:

Enormité de la trabison du Marquis de Salusses.

L E sieur d'Eschenais, qui apres la conclusion prise de garder Fossan avoit repris la poste, estoit ce pendant arrivé devers le Roy, & luy avoit rendu compte de ce qu'il avoit veu & entendu, & mesimemét du departemét du Marquis, & du souspeçon que lon avoit sur luy: chose qui ne pouvoit entrer en l'entendement de ceux qui l'oyoiét dire. Car ayant esté ledit Marquis nourry dés enfance avecques le Roy, ayant eu de luy bon estat pour s'entretenir ce pendant que le Marquis Michel Antoine son frere avoit vescu, a yant esté faict par luy chevalier de son ordre, son Marquisat ayant esté par arrest adjugé au Roy (comme il a sté recité cy devant) à cause de la felonnie & rebellion comise par le Marquis Ican Loys aisné de la maison apres le deces du Marquis Michel, & en ayant le Roy faict don & baillé investienre audit Marquis François: luy ayant d'avãtage donné freschement de la conqueste faicle sur le Duc de Savoye jusques au nombre de xvij. villes, estans la fleut du Piemont, & montans plus en revenu que ne faisoit son Marquisat: au surplus luy ayant tant faict d'honeur & mostré de constance, que de l'avoir faict son lieutenant general, & luy bailler sa force entre mains. Le cas insolite & nou veau, & duquel il ne se trouve aucun exemple en toutes histoires du temps passé, rendoit la chose à un chacun non que difficile, mais impossible à croire: & certainement il ne fut encores jamais veu, ouy ne leu, qu'un chef d'armée feist une faulte si orde & infame, que d'attirer & mettre (en taut qu'à luy en a esté) dedans le cueur & és entrailles. du Royaume de son Prince bien meritant de luy; en un cours de fortune assez prospere, & alors que moins on s'en donnoit de garde, une armée ennemie autant puissante, exercitée, & bien en ordre, qu'il en ayt point esté veu de la memoire des hommes. Ie vueil que Vitellius ait esté abandonné par Cecinna, prenant le party contraire de celuy qui l'avoit honoré & avancé, mais ce fur apres que les affaires dudit Vitellius furent du tout en desespoir, & pour se renger à la fortune qui à l'un des contendans, adjugeoit par son assistence la chose par eux deux ambitieuscment pretendue. Stillico, Narses, ayent commis pareille faulte; mais ce fut pour grande & juste occasion d'indignation, & pour se veger de la non meritée ingratitude. Cestuy cy sans

MESS. GUILLAUME DU BELLAY. 246 cause d'indignation a trahy son Prince naturel, en cours de fortune assez prospere, & sur le poinct que sondit Prince usoit envers luy de meilleur en meilleur traittement, & de plus grand en plus grand avancement en biens, honneur, & authorité: ne fault doncques demander si ceste nouvelle fut au Roy merveilleusement estrange. Pour cela toutesfois ne voulut il succomber à fortune, mais ensuivat sa nature ou coustume, qui tousjours a esté de croistre de cueur en ses aversitez, & d'icelles se resoudre plus terrible & formidable à son ennemy, depescha incontinant le seigneur Iean Paule de Cere avec grosse somme de deniers, pour aller en toute diligence se mettre en l'une desdites places de Fossan & Cony, & si mestier avoit de gens, lever jusques au nombre de trois mille hommes de pied Italiens, & deux cens autres servans sur chevaux legers. Avecques luy renvoya ledit d'Eschenais, & par luy escrivit audit sieur Marquis, que pour certaines & bonnes causes il eust à faire un voyage vers luy: laissant ce pendant ledit seigneur Iean Paule en l'une des places, & le seigneur de Montpesat en l'autre. Mais arrivez qu'ils furent au Col-de-l'agnel, ils rencontretent la compagnie dudit seigneur Iean Paule, & celle du capitaine Boneval, & le seigneur Chrestosle Guas. co avecques mille Italiens, dont il avoit la charge, qui sen retoutnoient en France: & leur compterent comment Fossan estoit assiegé, le Marquis ouvertement revolté contre le Roy, & qu'il avoit envoyé des lettres à la poste pour faire tenir audit seigneur: & que par icelles (ainsi qu'ils avoient entendu) il luy demandoit congé, allegant les causes & raisons qui à ce le mouvoient. Parquoy ledit seigneur Iean Paule fut d'avis de temporiser au lieu ou il estoit, ce pendant que ledit d'Eschenais iroit vers le Roy, sçavoir ce qu'il luy plairoit ordonner ceste nouvelle entendue: & pour ne perdre temps, fit par moyens entendre an seigneur d'Annebault à Turin, & au sieur de Montpesat à Fossan, la cause tant de sa venue que de son arrest, & la charge qu'il

avoit eu du Roy.

Le s occasions surquoy fondoit le Marquis sa revolte, cftoient telles, à ce qu'il en dist à messire Martin du Bellay,
estant à Fossan mesme depuis qu'il eut pris le party de
l'Empereur, estans ceux dudit Fossan en tresve, jusques
à ce qu'ils eussent nouvelles si le Roy auroit aggreable

la capitulation par eux faicte, que tous Marquisats estoient de droict tenus de l'Empire: & que si ses predecesseurs sestoient retirez de l'obeissance dudit Empire, pour attribuer la souveraineté au Dauphin de Viennois, luy qui avoit co gnoissance de ce faict, ne pouvoit moins, que de retourner à son seigneur naturel. Auquel fur respondu par ledit sieur du Bellay, que si ses predecesseurs l'avoient tenu anciennement de l'Empire, & luy l'avoit tenu par temps immemorable du Dauphiné, il devoir moins que ses predecesseurs se retirer de l'obeissance de celuy qui l'en avoit investy, non invelty, mais donné en pur don (car estant adjugé au Roy par confiscation pour la rebellion de son frere aisné Iean Loys, ledit sieur le luy avoit donné) & qu'il n'avoit tiltre que celuy du Roy comme Daulphin: & si le Dauphin, n'y avoit droict, luy n'en pouvoit avoir, mais son frere Iea Loys: En somme la maladie ne procedoit de là, il estoit homme qui adjoustoit foy aux devins, lesquels luy avoient predit, q l'Empereur devoit ceste année deposseder le Roy de son Royaume, & mesme offrit audit du Bellay, que l'Empereur estant jouyssant comme il seroit dudit Royaume, suy faire plaisir. Or deux choses luy tourmentoient l'esprit, l'une la craincte qu'il avoit de perdre son estat, l'autre l'esperance qu'il avoit faisant ceste revolte, d'estre favorisé de l'Empereur, en la cause qu'il pretendoir au Marquisat de Montferrat, de forre que parlant audit du Bellay, dist, je n'ay envie d'aller en France contrefaire le Prince de Melphe, qu'il vouloit dire estre desherité.

fift le Roy contre la venue de l'Empereuren Provence.

A u demourant le Roy ordonna & escrivit au sieur de Depesche que Humieres, qu'outre les cinq ces hommes qu'il avoit levez au pais, pour la garde & seureté des passages, il se servist des bandes du seigneur Chrestofle Guasco, auquel il dona charge de les accomplir, jusques au nombre de deux mille hommes,& voulur qu'il servist en celle frontiere, combien qu'il eust faict requeste d'estre employé ailleurs: pour doute qu'il avoit, qu'estant si pres du Marquis de Salusses (-avecques lequel il avoit longuement & privement hante,& mesmement se retirant ledit Marquis avecques l'Empereur, avoit demeuré quelques jours avec luy, & fil l'eust voulu croire, l'eust entierement suivy, & laissé le service du Roy) on cust paravanture quelque souspeçon, & dessiace fur luy: mais le Roy fy voulut fier, & qu'il demourast la. -Et fut

Et fut aussi envoyé le sieur de la Tour à Estil, avec trois ces archouziers: & audit sieur de Humieres ordonné mettre bo ne garnison dedans Suze, pour avoir souvent nouvelles de la ville de Turin, en laquelle fut renvoyé le capitaine Cam bray dessussionmé, a vecques le payement des gens de guer re estans dedans. Aux compagnies du seigneur Iean Paule de Cere, & du capitaine Bonneval fut mandé qu'il sen allassent en Provence pour soulager le Dauphiné. Au Comte Guillaume de Fustemberg, qu'il print avecques ses bandes le chemin de Cisteron, & qu'y laissant le bagage, il les conduissit à Barselonne, & Terre-neufve vivant gratieusement, jusques à ce qu'il eust certaineté que l'Empereur passast deça les monts: & qu'ayant la dessusdite certaineté, il commençast à faire le degast au païs, afin que l'ennemy n'y trouvast vivres n'autre soulagement. A Grenoble sut envoyé quelque quatité de poudres, & une somme de deniers pour renforcer les estappes: & au sieur de Burie, qui estoit dedans Turin fut donnée la compagnie de cinquante hom mes d'armes, qui au paravant avoit esté audit Marquis. Et le sieur d'Eschenais redepesché pour aller vers le sieur de Montpesat à Fossan, luy dire de par le Roy, que fil estoit possible, il tint encores trente jours, à ce que le secours que ledit seigneur entendoit luy envoyer fust plus puissant & mieux equippé que fil estoit dressé à la haste: que fil voyoit toutesfois ne le pouvoir faire, il ne se hazardast tant que par trop attendre à parler, il fust contrainct de prendre com position honteuse. Mais ledit sieur d'Eschenais voyat qu'il ne pouvoit seurement passer, bailla ses lettres & sa creance par escrit, signée de sa main, au seigneur Chrestosse Guasco, qui entreprint de la faire tenir.

Pour retourner à noz gens assiegez audit Fossan, est à sçavoir, que quand ledit siege arriva, le bastion qui estoit toute la force de la ville (si forteresse y avoit) n'estoit encores de six pieds de hault, & par aucuns endroits la terre Fossan. estoit dehors plus haute que ledit Bastion. Parquoy le seigneur Antoine de Leve, pour faire ses approches, avant que ils fussent en plus grande desfense, seit dés le lendemain qu'il fut arrivé commencer les trenchées : où d'une part & d'autre furent tirez force coups d'arcbonse, & furent tuez beaucoup de ceux de dehors qui en faisant leurs trenchées se descouvroient trop hardiment : aucuns des no-

. stres aussi furent tuez & blecez cedit jour & autres, en besongnant audit bastion, pour cause de la terre qui estoit (comme j'ay dit)plus haulte dehors que dedans, en sorte que noz gens ne pouvoient y aller ne venir, sans bien grad danger. Pour y obvier furent la nuict assis des gabions, au devat des endroicts que la terre par le dehors choit la plus haulte: mais pour autant que la terre, dont ils furent remplis estoit seche, & non foullée, tout sen alla en pouldre quand l'artillerie de dehors eut commencé à tirer contre, qui tenoit ceux de dedans en grosse & merveilleuse peine. Pour le premier jour ne pour le second, eile n'avoit eucores esté planiée: & fut la principale entente de ceux de dehors faire leurs trenchées, & amener leurs gabions, & de ceux de dedans se remparer & fortisser: au troissesme jour commença la batterie avecques seulement deux canons, & assez leure: la muraille toutes fois estoit si meschante & debile, qu'au lendemain toutes les deffences furent rasées. Environ le soir il sur arresté par ceux de dedans, de faire une faillie à pied, & à cheval, les uns d'un costé, les autres d'autre: le Baron de Castelpers lieutenant du seur de Montpefat eut charge de mener les gens de cheval : & le capitaine Vvartis Navarrois, les gens de pied: par la porte du chasteau sortirent ceux de cheval, & les gens de pied par la cazematte du bastionsen une valée assez loing de la ville. Les Lansquenets qui estoiét la force du camp Împerial, estoiét logez dedans la prairie: & pour estre assez loing du danger avoient leur guet assez soible, contre la coustume toutesfois de leur nation. Le capitaine V vartis qui en essoit averty, & qui estoit (comme j'ay dit) sailly à couvert, tira droid en celle part: & d'arrivée leur feit du domage. Le seigneur de Castelpers commença lors à apparoistre avecques ses chevaux, qui feit donner l'alarme chaude: & pourtant le seigneur Antoine de Leve, qui avoit autour de luy les Espagnols, y envoya tresbonne troupe, en intention de clorre le chemin du retour à ceux de dedans. Ceux qui estoient ordonez par luy à la garde des trenchées voyans ainsi courir chacun à l'alarme, y coururent aussi en diligence, lais-Sans l'escorte de leurs pionniers assez debile. Le capitains Sainct Petre de Corse qui estoir avecques le sieur de Villebon ordoné à la garde du bastion, voyant la garde des tren chées ainsi desgarnie sorrit dehors, & à l'ayde d'aucuns

DE MESS. GUILLAUME DU BELLAY. 248 Champenois & Normans, qui aussi sortirent par un autre osté, donna dedans lesdites trenchées en telle furie, que l'arrivée y tua vingt-cinq ou trente hommes, & cotraignit es autres à prendie la fuitte vers le logis du seigneur Anoine de Leve, qui envoya pour les soustenir la plus part de e qui luy estoit demouré de gens. Ceste messée sur cause que les premiers qu'il avoit envoyez tournerent chemin our venit au secours. Noz gens de cheval qui d'autre coté voyoient un chacun abandonner le convent pour couir à ceste alarme, tirerent ceste part : aussi pour soustenir le apitaine Sainct Petrc, qui avoit roidement repoulsé ceux les trenchées jusques là endroit: & fut contrainct ledit de eve de se faire porter hors de son logis pour se sauvers nais fut de si pres suivy, que ses porteurs l'abandonnerent n un bled,où fust pour se tirer hors du danger, ou pour oner occasion de les suivre par autre chemin qu'ils prinrent,& ce pendant guarentir ledit de Leve, qui demouoit en sa chaire caché; pour la haulteur des bleds qui en stoit la veue à ceux qui les suivoient: qui fur la cause de sa auveté. Ce fai a noz gens se retirerent sans perte: mais auuns blessez: dont par apres en mourut trais ou quatre. esdits capitaines Sainct Petre & wartiz, furent tous deux lessez de coups d'arcbouse, l'un en la main, & l'autre au ied: mais furent bien tost gueriz. Avec eux amenerent risonnier un Napolitain capitaine de trois cens hommes

I u s o u e s alors n'avoiét encores les ennemis faict bat erie bien asprement: car s'asseurans en ce que leur avoit nandé le Marquis, ils ne pensoient point que les assiegez oulussent tenir: laquelle opinion servit beaucoup aus dits siegez: car le seigneur Antoine de Leve leur avoit tous laissé sur ceste esperance, & encores laissa l'espace de ix ou douze jours la porte tirant à Cony en liberté, penut que par là ils se retireroient: qui donnoit aus dits assiezez grand rassreschissement, par ce que de sept puys qu'ils voient en la ville, les cinq furent taris en deux jours: mais u moyé de ceste porte ouverte, & à la saveur de leurs arcousiers qui leur faisoiét escorte, ils s'alloiét fournir d'eaue la fontaine, qui de ce costé là estoit au pied de la ville: & uns cela ne leur eust esté possible de tenir. Or entra en fantse audit de Leve, que les dits assiegez pour avoir plus

e pied.

honneste excuse de se retirer, attendissent qu'il eust faict bresche: & à ceste cause deux jours apres ladite saillie (laissant toutesfois encores ceste porte ouverte, pour aller à Cony) il feit de bien grand matin commencer à tirer en batterie avec quatre canons: & à tous les coups faulsoient la muraille, & non sans blesser beaucoup de noz gens. Avat le midy les ennemis feiret bresche, & assez rase, par laquelle eussent peu entrer jusques à trente hommes de front: puis cesserent de tirer environ d'une à deux heures: qui feit penser aux nostres que ce fust pour donner l'assault, & à la verité le pouvoient faire: car il n'y avoit point de fossé au devant, & pouvoient venir au combat ceux de dehors aussi facilement que ceux de dedans:parquoy il fut commadé aux gens-d'armes de descendre en une trenchée qui avoit esté faicte par derriere la muraille, au dedans de la ville: & pour les soustenir furent les gens de pied mis sur le bord d'icelle trenchée.

L E s ennemis firent bien contenance de venir à l'assault. qui fut cause que les nostres demourerent tout le jour à ladite bresche: les hommes d'armes l'armet en teste, & les gens de pied selon qu'ils avoient esté ordonnez: & generalement y furent tous, exceptez ceux qui avoient esté or donez à se tenir en la place, pour secourir en la part qu'il seroit besoing. Ainsi se passa tout ce jour, & ne sut point dor né d'assault:bien mirent les ennemis en leur trenchées ur bon nombre de leurs gens eleuz, qu'ils y firent tenir tout nuict, espians s'ils pourroient surprendre la bresche: & le nostres tindrent aussi toute la nuict cinquante hommes d'armes en leur trenchée, pour obvier à ladite surprise. Le nostres aussi tousjours continuerent sans gueres prendre de repos, à remparer au devant de la bresche, & y firent u ne trenchée par dedans avecques un rempart, & la trenché bien flancquée, & chacun en son quartier en fist le sembla ble:dont jamais ne s'en destournerent pour quelque en nuy que l'ennemy leur fist, lequel toute la nuict tira par in tervalles en intention de les empescher. Douze jours fu la bresche en ceste sorte, sans qu'il se donnast aucun assault Le seigneur Antoine de Leve n'y vouloit hazarder ses Es pagnols, les reservant à entreprise de plus grosse consequer ce:par-ce qu'en eux, pour estre tous vieils soldats, estoit en tierement toute son esperance. Les Italiens n'y vouloien

marcher fils n'estoient payez. Les Allemás ne festimoient point devoir estre moindres en reputation que les Espa-

gnols, & n'y vouloient marcher tous seuls.

En somme, ledit de Leve se delibera de ne les point assail lir, tant pour raison dudit differend, que pour l'asseurance qu'il avoit d'emporter bien tost la ville par famine, & sans y hazarder ses gens hors de besoing : car il pensoit bien de vray, que les assiegez n'avoient ne vin, ne farines, & si bien ils avoient quelques bleds, ils n'avoient point de moulins: & les manouvriers qu'ils avoient euz au paravant pour en faire, en avoient esté dés le commencement renvoyez par le Marquis, avec les pionniers. Et ores que parmy les banles des gens de pied, il se trouvast que ques maistres du metier, ils y estoient sans outils : & avecques ce peu de proviion qu'ils eussent dequoy que ce fust, ledit Marquis avoit uy-mesme faict la description, apres y avoir tenu le plus ong temps qu'il luy fut possible un nombre superflu de gens, pour les faire plustost consumer & faillir: & la descriprion qu'il en avoit faicte, l'avoit envoyée deslors audit de Leve. En effect dés le seixiesme jour du siege, se trouverent es capitaines reduits jusques à la, qu'à vivre escharcement, ls n'en avoient plus que pour quatre ou cinq jours à toute xtremité: & de pouldres à peine pout soustenir un assault : le secours de France avoient eu nouvelles certaines, que de uinze jours ils n'en pouvoient esperer : du costé du Maruis point, car ils sçavoient bien qu'il estoit devenu. Or eust encores jamais pensé le seigneur de Leve, que leurs vivres eussent tant duré, que desja ils avoient: car en matiere e mangeaille, il tenoit la nation Françoise pour malaisée contenter de peu:parquoy il ne pouvoit croire que le Mar uis n'eust mal diligemment faict sa description: & comnençoit moult à fennuyer de tant perdre de temps à une elle ville, & pour-ce feit-il dresser ses canons au droict du oulevert qu'il pensoit estre plus dommageable s'il luy ust convenu venir à l'assault.

LE sieur de Villebon avoit la charge dudit boulevert vecques ses cinquante hommes d'armes, & S. Petre Corse vecques trois cens hommes de pied pour les soustenir: & en bougeoient ne jour ne nuist avec ladite trouppe. Les noemis y ayans dressé leur artillerie, n'eurent pas grandement canonné, qu'ils n'euslent tout desemparé un parapect

qu'il y avoit faict de bois & chanvre seulement entassez l'une sur l'autre & sans terre, sinon peu. Battant plus bas, ils commencerent à plonger dedans le boulevert : & courut un bruict en la ville qu'ils dressoient une plateforme pour battre en cavalier, & plonger au dedans du bastion: laquelle consideration (avecques la petite provision de vivres & de pouldres, & l'avertissement qu'ils avoient eu du Roy à eux envoyé par le moyen du seigneur Crestosse Guasco, qu'ils n'attendissent tant à composer que force leur fust de faire composition honteuse) fut en cause qu'ils deviserent ensemble de trouver quelque honneste moyen de faire, que non eux, mais l'ennemy parlast le premier: afin' qu'ils en eussent de tant plus gratieuse raison. Cherchant l'occasion elle s'y offrit d'elle mesme : car le seigneur Antoine de Leve envoya un trompette demander un prisonnier, & pour-ce qu'il avoit cognoissance au sieur de la Roche-du-Maine, pour avoir esté ledit de la Roche prisonnier autour de luy apres la bataille de Pavie:il donna charge au trompette de le saluer de sa part, & luy demander fil luy ennuyoit point d'estre si long temps sans boire vin. Le sieur de la Roche luy respondit, que veritablement luy ennuyroit-il, au cas qu'il fust en ceste necessité, que toutesfois il la supporterost pour son honneur, & pour le service du maistre: & pour donner à cognoistre qu'il n'estoit là reduict, en bailla deux flascons au trompette pour presenter en son nom audit seigneur de Leve. Le trompette entre autres choses en devisant avecques les capitaines, leur demanda, s'ils sçavoient pas bien que le Marquis de Salusses estoit au service de l'Empereur: à quoy le sieur de Montpesat respondit que non, & que jamais il ne le croiroit sans avoir luy-mesmes ou quelqu'un de ses gens patlé audit Marquis. Sur ceste occasion ledit de Leve au lendemain matin envoya le mesme trompette nommé Augustin, dire aux dessusdits capitaines que l'ils luy envoyoient un gentilhomme, lequel pourroit venir à seureté avecques la trom pette, il leur donneroit asseurance que le Marquis estoit au service de l'Empereur: ensemble envoya recommandations & remerciement audit sieur de la Roche-du-Maine, des amendes, concombres, & autres fruicts nouveaux, en luy mandant qu'il avoit bien bonne envie de le veoir. Au sieur, de Montpesat & autres capitaines sembla estre à propos

Pourparlé fur la reddition de Foffans d'envoyer quelcun vers luy quand & le trompette: & y fut envoyé un gentilhomme de Perigort, homme d'armes de la compagnie dudit fieur de Montpesat, nommé ledit gentilhomme S. Martin.

ARRIVE que fut ledist S. Martin, apres avoir salué ledist seigneur Antoine de Leve de la part dudict sieur de Montpesat, il luy demanda que son plaisir fust luy donner saufcoduit, pour aller jusques à Salusses parler au Marquis, & sçavoir la verité de ses affaires. Surquoy ledict de Leve prenant la parole. Je sçay (dict-il) mon gentilhomme, que vous n'estes icy venu demander le Marquis en esperance de le trouver à Salusses, car il est en Ast avecques l'Empereur: & si vous en estes en doubte, je vous donneray demain (si vous voulez retourner)un trompette qui vous y conduira: mais j'enten tresbien que vous n'avez ceste charge de le demander, sinon pour une couleur, & vous servir d'excuse, pour venir sentir de moy ce que je voudroy dire, & quelle grace je vous voudroy faire pour vous tirer de la necessité où vous estes, laquelle je sçay assez quelle vous l'avez : car j'ay icy la description de tous les vivres & munitions que le Marquis vous a laissez (& ce disant luy monstra signée de la main du Marquis) Or fault-il conclure necessairement quelque bon mesnagement dont vous avez usé, que mainte nant vous soyez bien pres du but: & m'esbahy au demourant, comment voz capitaines qui sont gens de guerre, se sont voulu enfermer en une si pauvre ville qu'est ceste-cy. Tant y a que l'Empereur est Prince debonnaire, & n'est point cruel envers les Chrestiens, mais seulement en veult aux infideles: parquoy je conseille à voz capitaines, & à vous, que sans autrement envoyer au Marquis, vous addres siez à moy, & je seray moyen que l'Empereur vous usera de misericorde. Entre autres vous direz au sieur de la Rochedu-Maine que pour la cognoissance que j'ay de luy, j'ay grand regret qu'il soit où il est, & là où je pourray luy faire plaisir, je le feray de tresbon cour: & comme celuy qui l'ayme, luy conseille de bien penser à ce que je luy mande. Le gentilhomme luy respondit qu'il n'avoit charge de parler, & aussi peu d'ouïr parler un tel langage, & qu'en la ville il ne festoit point apperceu qu'ils en cussent occasion : que toutesfois il en feroit volonciers le rapport au lieutenant du Roy, & aux capitaines, & qu'au lendemain il viendroit prendre le trompette pour le conduire en Ast, & luy rappor

teroit la response qu'ils luy auroient faicte.

L E S Capitaines apres longue deliberation faicle, furent d'avis, que ledict S. Martin gentilhomme de Perigort retournant le lendemain prendre le trompette, essayast d'entendre du seigneur de Leve, quelle composition il leur vou droit faire: & trouvant ledict S. Martin l'occasion, tint au sieur de Leve lesdicts propos. A quoy il respondit, que si l'un de capitaines venoit vers luy pour en traitter, il l'offriroit telle qu'ils n'autoient cause de la reffuser : ce que ledict S. Martin promist de rapporter aux capitaines, lesquels conclurent d'y envoyer le lendemain: & y alla le sieur de Villebon conduict par le mesme trompette. Le seigneur de Leve luy tint d'arrivée semblables propos qu'il avoit faict audict S. Martin: y adjoustant que nonobstant qu'il fust bien asseuré d'avoir la ville quand il voudroir à sa discretion, il vouloit neautmoins user de ceste courtoisse & gracienteté aux capitaines, gentilshommes, & gens de bien qui estoient dedans, que de les laisser sortir leurs vies sauves, & sans rançon, à chacun le baston blanc au poing. A quoy le sieur de Villebon respondit, qu'il luy parloit un langage qu'il n'avoit point accoustumé d'ouir : parquoy il luy prioit luy donner congé de s'en retourner, en l'asseurant que dedans la ville il n'y avoit telle necessité qu'il se persuadoit: & quand elle y adviendroit, qu'encores estoient assez gens de bien pour luy faire couster la moirié de son armée, avant qu'estre mis à ceste raison. Et sur-ce prenant congé sans autre replicque, s'en retourna dedans la ville, où il feit rapport aux autres capitaines de ce qu'il avoit trouvé audict de Leve: lesquels tous d'un commun accord se resolurent de mourir pluitost en gens de bien, que d'accepter composition si honteuse. Le jour ensuivant dés le matin sut Augustin le trompette à la porte de la ville, apportant encores des fruicts nouveaux, avecques gracieuses recommendations au sieur de la Roche-du-Maine, disant que le seigneur Antoine de Leve s'esbahissoit, veu qu'il n'estoit jamais venu homme de son costé, par lequel il ne fist à sçavoir audit de la Roche, le desir qu'il avoir de le veoir, ce nonobstant il ne luy en avoit jamais faict response: adjoustant que s'il luy plaisoir venir disner avecques suy, ce suy seroir un grand plaisir, & se mettroit volontiers en devoir de le

bien traitter.

LE sieur de Montpesat, & tous les autres capitaines estoient à la porte quand le trompette y arriva, & avecques cux estoit le sieur de S. Martin dessus nommé: qui les pria, veu les affaires telles qu'elles estoient, de bien peser, & les paroles du trompette, & ce qu'aucuns d'eux melmes avoient ouy, des propos que le seigneur de Leve avoit tenuz dudict sieur de la Roche: & qu'à son advis ledict de Leve ayant esprouvé que sa braveté de paroles ne les avoit point estonnez, il seroit homme de tenir plus gracieux propos audit sieur de la Roche. Tous s'accorderent à ceste opinion, & ledit de la Roche ne voulant estre opiniastre, feit respon se au trompette, puis que le seigneur de Leve avoit tant envie de le voir, qu'au lendemain matin il iroit disner avecques luy, mais que ce fust de bien bonne heure. Ne tarda pas demic heure que le trompette fut de retour à la porte, avecques quatre petits penniers de poires & apporta response qu'au lendemain à sept heures il viendroit querir ledict de la Roche, à quoy il ne faillit: mais le sieur de la Roche l'excusa pour le matin, & remist de se trouver vers luy à midy. A l'heure dicte le vint querir le trompette: aveçques luy alla le chevalier d'Ambres: & à leur arrivée furent recueillis de plusieurs gentilshommes Italiens, Allemans, Espagnols, que le seigneur de Leve avoit envoyez au devant, luy se fist apporter en sa chaire pour les embrasser : & apres plusieurs ceremonies & propos longs & superfluz à racompter, perseverant ledict sieur de la Roche de ne vouloir rendre la ville, sinon en sortant ainsi qu'ils y estoiet entrez, le seigneur de Leve replicquant qu'ils ne le pouvoient faire ores que luy le consentist : car le Marquis ne leur avoit laissé que dix chevaux d'artillerie, qui n'estoit nombre suffisant pour l'emmener toute, & replicquant le seigneur de la Roche qu'ils en emmeneroient au moins ce qu'ils pourroient, ne voulut toutesfois accorder d'en laisser emmener: aussi ne vouloit consentir que les hommes d'armes & archers emmenassent sinon un cheval de service, & que les enseignes aussi demourassent : apres consentit bien qu'elles fussent emportées, mais non pas desployées, & sinablement fut accordée la composition soubs les articles qui ensuivent.

PREMIEREMENT, que les sieurs capitaines Fran-

Composition pour Fossan.

çois pourroient (se bon leur sembloit) tenir la ville jusques à la sin du mois complet, à commencer du jour & datte des lettres du Roy, dont estoient desja passez quatre jours: & qu'au dessusdit terme du mois complet, ils la configneroient audit seigneur Amoine de Leve : & de ce faire bailleroient dés à present ostages: dos luy seigneur de la Roche du-Mai ne seroit l'un & autres deux ou trois gentilshommes de sa maison. Si tontessois il leur sembloit & venoit à propos d'en delloger plustost, que faire le pourroient, avec les mefmes conditions subsequentes. Item que si durant ledict terme le Roy de France ou son armée venoit lever le siège estant devant la ville, ou autremet luy donner secours, sedict fieur Antoine restitueroit les ostages, & laisseroit la ville en la forme & estar qu'elle estoit lors : aussi qu'ausdicts sieurs capitaines durat ledit temps ne feroit loifible de fortifier ladite ville, ne d'y faire autres rempars que ceux qui ja y estoient, sauf qu'a la breche qui estoit tobée, il leur seroit per mis de la racoustres: & que ledit seigneur antoine bailleroit desfors un gentilhomme des siens, pour regarder en quel estar elle estoit. Item que durant ledit temps ne seroit donné aucun empeschement ou trouble à ceux de dedans : & que ledit de Leve retireroit ce pendant son armée de là le pont d'Esture. Quant à l'artillerie & municions, & tous les grads chevaux qui excederoient la hauteur de fix palmes, & quatre doigts demoureroient dedans la ville, finon le nombre de douze chevaux tels que voudroient choisir les capitaines, lieutenans, enfeignes, & guidons, Qu'au demourant ils sorciroient enseignes desployées, avecques tout le reste de leurs chevaux, au dessoubs de ladite mesure, de leurs courtaux, beftes d'emble, mulles, mullets, & bagage: promettant de les asseurer, & faire accompagner jusques en lieu de sauveté, au païs & obeissance du Roy: 2 de leur faire provision de pone, & vivres par le chemin. Item que ledit seigneur Antoine permettoit au fieur de Montpesat envoyer un ou deux, ou trois gentilshommes vers le Roy, tels qu'il voudroit choifir, & les feroit accompagner jusques à l'Etrée des païs du Roy, par gens qui les attendroient douze jours au lieu ou ils les laisséroient, pour les raconduire au retour en seureté. Plus permettoit ledict de Leve que l'argent passaft semement, venant en France pour le payement desdits gens de guerre estans en la ville.

Les que es articles ainsi accordez voulut le seigneur Amoine faire signer audit sieur de la Roche, qui les refusa, disant qu'il en vouloit communicquer & fait e le rapport au sieur de Montpesat, & à ses autres compagnons: aussi que de les signer il appartenoit audict sieur de Montpesat, qui estoit chef en la garnison, & chevalier de l'ordre du Roy: mais que le lendemain il le luy ameneroit en une chapelle à mi-chemin de son logis & de la ville, & que là tout se par feroit. Ainsi qu'il le promist il l'accomplit, & se presentant pour ostage, & avecqs luy le sieur de la Palisse fils unicque de feu monfieur le Mareschal de Chabanes, & le sieur d'As sier aussi fils unicque de monsseur le grand Escuyer de Fran ceidesquels il se contenta, disant que tousjours l'avoit trouyé homme de parole, & taisonnable. Il luy feit alors une re quelte, avant qu'il y cult aucune chose signée, en le priant trefinstamment (veu qu'il l'avoit trouvé tel) qu'il l'asseurast de ne l'en refuser aucunement ce que ledict seigneur de Leve luy accorda & asseura, pensant que la requeste deust estre du bon traittement, & de laisser aller lesdicts jeunes ostagers passer aucunement le temps avecques les dames. Mais le sieur de la Roche ayant eu son asseurance, luy demanda que durant ledict terme accordé, il fist aux gens de Fossan pour eux, & pour leurs chevaux, delivrer vivres en payant, & qu'autrement s'il advenoit qu'ils eussient secours, il ne les rendroit en l'estat qu'ils estoient à l'heure de la composition. Le seigneur de Leve monstra contenance d'avoir à desplaisir ceste requeste : ce nonobstant il l'accorda soubs declaration qu'ils n'en prendroient sinon ce que leur en fau droit par chacun jour, & non plus: & fur cest article adjousté aux precedens, & ce faict en furent escrits deux originaux, dont l'un signé du seing & seellé du seel dudit de Leve fut baillé au sieur de Montpesat: & audit de Leve l'autre, soubs le seing & seel dudit Montpesat.

LE vingt-quatriesme jour du mois de Juing, audict an mille cinq cens trentesept, sur le sieur de Sansac depesché vers le Roy, avecques ceste nouvelle. Durant ce terme sour dirent quelques altercations entre noz gés, & les ennemis, mais il y sut par les capitaines si bien pourveu des deux costez, qu'il n'en advint inconvenient; & alloient les François de Fossan au camp de l'Empereur, aussi priyément que dedans la ville. Environ huict jours apres ceste capitulation,

VI. LIVRE DES MEMOIRES

Composition pour Fossan.

çois pourroient (se bon leur sembloit) tenir la ville jusques à la sin du mois complet, à commencer du jour & datte des lettres du Roy, dont estoient desja passez quatre jours: & qu'au deslusdit terme du mois complet, ils la configneroient audit leigneur Antoine de Leve : & de ce faire bailleroient dés à present ostages: dot luy seigneur de la Roche du-Mai ne seroit l'un & autres deux ou trois gentilshommes de sa maison. Si toutessois il leur sembloit & venoit à propos d'en desloger plustost, que faire le pourroient, avec les mesmes conditions subsequentes. Item que si durant ledict terme le Roy de France ou son armée venoit lever le siege estant devant la ville, ou autremét luy donner secours, ledict sieur Antoine restitueroit les ostages, & laisseroit la ville en la forme & estat qu'elle estoit lors: aussi qu'ausdicts sieurs capitaines durat ledit temps ne seroit loisible de fortisser ladite ville, ne d'y faire autres rempars que ceux qui ja y estoient, sauf qu'à la breshe qui estoit tobée, il leur seroit per mis de la racoustrer: & que ledit seigneur antoine bailleroit dessors un gentilhomme des siens, pour regarder en quel estat elle estoit. Item que durant ledit temps ne seroit donné aucun empeschement ou trouble à ceux de dedans : & que ledit de Leve retireroit ce pendant son armée de là le pont d'Esture. Quant à l'artillerie & munitions, & tous les grads chevaux qui excederoient la hauteur de six palmes, & quatre doigts demoureroient dedans la ville, finon le nombre de douze chevaux tels que voudroient choisir les capitaines, lieutenans, enseignes, & guidons, Qu'au demourant ils sortiroient enseignes desployées, avecques tout le reste de leurs chevaux, au dessoubs de ladite mesure, de leurs courtaux, bestes d'emble, mulles, mullets, & bagage: promettant de les asseurer, & faire accompagner jusques en lieu de sauveté, au pais & obeissance du Roy: & de leur faire provision de ponts & vivres par le chemin. Item que ledit seigneur Antoine permettoit au sieur de Montpesat envoyer un ou deux, ou trois gentilshommes vers le Roy, tels qu'il voudroit choisir, & les feroit accompagner jusques à l'étrée des païs du Roy, par gens qui les attendroient douze jours au lieu où ils les laisseroient, pour les raconduire au retour en seureté. Plus permettoit ledict de Leve que l'argent passaft seurement, venant en France pour le payement desdits gens de guerre estans en la ville.

Les Que le articles ainsi accordez voulut le seigneur Antoine faire signer audit sieur de la Roche, qui lés refusa, disant qu'il en vouloit communicquer & fair e le rapport au sieur de Montpesat, & à ses autres compagnons : aussi que de les signer il appartenoit audict sieur de Montpesat, qui estoit chef en la garnison, & chevalier de l'ordre du Roy: mais que le lendemain il le luy ameneroit en une chapelle à mi-chemin de son logis & de la ville, & que là tout se par feroit. Ainsi qu'il le promist il l'accomplit, & se presentant pour ostage, & avecqs luy le sieur de la Palisse fils unicque de feu monsieur le Mareschalde Chabanes, & le sieur d'As sier aussi fils unicque de monsieur le grand Escuyer de Fran ce: desquels il se contenta, disant que rous jours l'avoit trouyé homme de parole, & raisonuable. Il luy feit alors une re queste, avant qu'il y eust aucune chose signée, en le priant trefinstamment (veu qu'il l'avoit trouvé tel) qu'il l'asseurast de ne l'en refuser aucunement: ce que ledict seigneur de Leve luy accorda & asseura, pensant que la requeste deust estre du bon traittement, & de laisser aller lesdicts jeunes oftagers passer aucunement le temps avecques les dames. Mais le sieur de la Roche ayant eu son asseurance, luy demanda que durant ledict terme accordé, il fist aux gens de Fossan pour eux, & pour leurs chevaux, delivrer vivres en payant, & qu'autrement s'il advenoit qu'ils eussent secours, il ne les rendroit en l'estat qu'ils estoient à l'heure de la composition. Le seigneur de Leve monstra contenance d'avoir à desplaisir ceste requeste : ce nonobstant il l'accorda soubs declaration qu'ils n'en prendroient sinon ce que leur en fau droit par chacun jour, & non plus: & fut cest article adjousté aux precedens, & ce faict en furent escrits deux originaux, dont l'un figné du seing & seellé du seel dudit de Leve sut baillé au sieur de Montpesat: & audit de Leve l'autre, soubs le seing & seel dudit Montpesat.

Le vingt-quatriesme jour du mois de Juing, audist an mille cinq cens trentesept, sur le sieur de Sansac depesché vers le Roy, avecques ceste nouvelle. Durant ce terme sour dirent quelques altercations entre noz gés, & les ennemis, mais il y sur par les capitaines si bien pourveu des deux co-stez, qu'il n'en advint inconvenient: & alloient les François de Fossan au camp de l'Empereur, aussi privément que dedans la ville. Environ huiet jours apres ceste capitulation,

Propos de l'Empereur à monsseur de ła Roche-du-Maine.

l'Empereur qui estoit venu d'Ast à Savillan, vint visiter le camp du seigneur Antoine, accompagné de plusieurs Princes & seigneurs, comme sont les Ducs de Savoye, d'Alve, Baviere, de Brunswich, des Princes de Salerne & de Bisigna, des Marquis du Guast, & autres: & y arrivant environ les six heures du matin, seit mettre toute son armée en baraille pour la veoir: & la trouvant belle & bien en ordre à fon gré, fist appeller le sieur de la Roche-du-Maine & ses compagnons afin de la leur monstrer, lesquels y vindrent à cheval avecques leurs sayes accoustumez à vestir sur le harnois ainsi qu'ils estoient semez de croix blanches, & tout à cheval luy firent la reverance: il estendit un bras, & embrassa le sieur de la Roche-du-Maine, puis le feit couvrir, disant qu'il ne vouloit pas qu'il fust malade, mais vouloit bié luy faire plaisit, & qu'il luy vouloit faire veoir so armée: à quoy ledit de la Roche repliqua, qu'estant telle, qu'il l'estimoit estre, c'estoit bien le rebours de luy faire plaisir, que de la luy faire monstrer: car si elle estoit bien pierre & ruinée, plus de plaisir y prendroit-il, qu'à la veoir belle, sino qu'ils l'accordassent ensemble luy & son maistre, sans faire combattre l'une contre l'autre (au si grand dommage de la Chrestieté) deux si puissantes armées, comme ils pourroiet eux deux la mettre sus: & que si tous deux estoient bien conseillez, ils s'apoincteroient, & tiendroient eux deux & Turc, & tous autres en subjection:mais de penser desfaire l'un l'autre, ils s'abuseroient: car quelque armée qu'il luy sceust monstrer, le Roy luy en presenteroit en barbe une aussi belle. Et quant ores ceste premiere qu'il auroit dressée seroit desfaicte, que Dieu ne voulust, il en auroit remis sus une autre dedans quinze jours, & mettroit en un besoing autant de gentilshomes à pied, comme ledit sieur Empereur avoit en ceste armée de gens de toutes sortes : sur-ce rerournant à sa premiere parole, qu'ils feroient tresbien de l'accorder, & d'employer d'un commun accord ces tant puissantes & belles armées au service de la foy Chrestienne L'Empereur à ce luy replicqua qu'il n'ignoroit point les forces du Roy, aussi cognoissoit-il bien les siennes: & quant à l'accorder ensemble, c'estoient propos ausquels il n'auroit jamais les aureilles boucheés, mais qu'on les tint ainsi qu'il appartient.

A tant il ordonna au Marquis du Guast, & à un seigneur

Espagnol, de luy aller montrer & à ses compagnons toute son armée, & commanda de les mener disner avecques les Princes d'Allemagne, & qu'apres disner il les verroit encores, ce qu'il-fist: & demanda de rechef audit seigneur de la Roche qu'il luy sembloit de l'armée qu'il avoitveuë, lequel respondit qu'il l'avoit trouvée tresbelle, & que c'estoit seulement dommage qu'elle n'estoit employée en autre entreprise.L'Empereur luy demada où il presumoit qu'il la vouloit employer. Ledit de la Roche luy dist que c'estoit en Provence: l'Empereur luy fist responce que les Prouéceaux estoient ses subjects: le sieur de la Roche luy respodit qu'il les trouveroit ses subjects fort rebelles & mal obeissans. Or en devisoit l'Empereur en un langage que lon cognoissoit facilement, qu'il s'estoit persuadé que jamais le Roy ne seroit pour luy resister, & s'avança jusques à demander combien de journées il pouvoir encores avoir depuis le lieu où ils estoient jusques à Paris: à quoy ledit de la Roche respõdit que s'il entendoit journées pour batailles, il pouvoit encores y en avoir vne douzaine pour le moins, sinon que l'agresseur eust la teste rompue dés la premiere, sur ceste responce se print l'Empereur à soubsrire, & luy dist quelqu'u des assistans qui cognoissoit ledit de la Roche: je vous avoy bien dit (Sire)qu'il vous sçauroit dire quelque mot fil vouloit. Et l'Empereur en reprenant la parole redoubla que là où on parleroit de paix ainsi que il apartenoit, on ne trouveroit qu'il y eust les oreilles closes: & en ce disant luy donna gratieusement congé, recommandant que luy & ses copagnons fussent humainement traittez.

Le Marquis de Salusses hantoit aucunesois avecques eux, & s'efforçoit entierement à les persuader qu'ils se retirassent en France, sans attédre le terme qui leur estoit accordé: allegant qu'il leur pourroit en l'attendant mal prendre, d'autant que l'Empereur estoit deliberé de marcher outre: & que s'ils demeuroient derriere, les païsans pourroient leur donner sur la queuë & les dessaire, pour le moins leur donner un gros ennuy: mais ils presisterét d'attendre pour le retour, de Sansac, & luy replicquoient que si l'Empereur avecques toute sa puissance avoit crainct de leur donner assault, ayant bresche plus que raisonnable, par plus sorte raison craindroient les païsans de les assail-

lit. En somme ils attendirent la venue de Sansac, & le jour du terme, qui greva beaucoup aux ennemis: car ils ne les vouloient laisser derriere de peur qu'ils eussent moyen de se renforcer, & leur doner des affaires sur la queue, ou d'affaillir le nombre des gens qu'ils entendoient laisser à l'entretenement du siege de Turin. Si est-ce qu'à l'Empereur il deplaisoit grandement de tant donner de loisir au Roy, de se preparer & sortisser.

LE sieur de Sansac venu, & le jour perfix arrivé, le chevalier Cicogne Milanois ordonné par le seigneur Antoine de Leve, & le sieur de S. Maitin, par plusieurs fois cy devat nómé, de la part de ceux de Fossan, mesureret les chevaux qui devroient sortir dehors, en quoy ledit Cicogne usa d'exorbitante rigueur: & outre celle dont il usa, sut encores tenu beaucoup de tort à d'aucuns gentilshommes-François, ausquels furent oftez des chevaux desja visitez & jugez estre de la mesure accordée, aussi plusieurs hacquenées & au tres bestes d'amble contrevenant aux articles de la capitulation: mais force fur qu'ils endurassent, estant le camp de l'Empereur si pres. Au demeurant ils soitirent en armes, & enseignes desployées, autant les gens de pied; que les gens de cheval : estant le seigneur Antoine de Leve en sa chaire pour les veoir passer, à deux gects d'arc pres la porte: & quand ils furent à demy mille ou environ hors de la ville, fut par aucuns des Imperiaux rué sur le bagage qui marchoit à la queue des gens de guerre, comme de gens qui pensoient cheminer (ainsi qu'il leur avoit esté promis) en bonne seureté. La charette du sieur de Villebon entre autres fut prise & menée en arriere: & faict plusieurs autres detroussemens. Cest alarme rapaisé, les capitaines pour obvier qu'à l'advenir n'en arrivalt de semblables, ordonerent douze cens hommes de pied tous gens esseuz qui de là en avant marcherent tousjours devant le bagage: & sur les aisles autres trois cens, tous archousiers: & sur la queue jusques à cent cinquante hommes de cheval des mieux montez & armez, avecques deux cens archousiers pour les soustenir: entre lesquels gens de cheval & le bagage marchoir tout le reste de leurs gens, taut de pied que de cheval, dont messire Martin du Bellay eut la charge des gens de cheval qui demeurerent sur la queuc : & le chevalier d'Ambres des gens de pied.

Er en cest ordre marcherent tout le jour, ayans tous jours sur les aisles une trouppe de la gendarmerie Imperiale, laquelle estoit sortie de Ville franche, où elle estoit en garnison, en intention de ruer sur le bagage desdits gens de guerre sortis de Fossan: & sirent lesdits Imperiaux quelque cotenance de ruer dessus, mais il en fut tué huist ou dix de coups d'archouse, parquoy à la fin ils se retirement sans oser enfonser les nostres, qui ceste nuiet coucherent à Cardey. Et au lendemain marcherent en pareil ordre jusques à un village sis au dessous de Pignerol, ayans tous jours ainsi que le jour precedat les gens de cheval de l'Empercur & sur la queue, & sur les aisses & s'ascarmouchans seuvent aveceux, sans toutesfois y avoir receu aucun dommage. Au iij. jour, delà Pignerol, & decà Perouse au milien de la montagne se trouverent en grosse trouppe les paisans qui avoient pris les armes, & marchans à couvert és voyes & sentiers de la montagne en costoyant noz gens, leur donnerent de l'ennuy beaucoup, & en blesserent plusieurs, à la fin toutessois ils furent repoulsez & contraincts de se retirer avcc grosse perte de leurs gens : car il en fut tué de six à sept vingts hőmes, surpris entre les nostres, qui par deux endroicts avoiét gaigné le dessus de la montagne pour venir enclore & deffaire ladite trouppe des paisans, laquelle deffaitte estonna tant les autres, qu'ils ne penserent plus chacun à autre chose qu'à se sauver. Et sur le soir arriverent les nostres à Fenestrelles, au dedans des païs du Roy à sauveté: duquel lieu fut depesché messire Martin du Bellay en poste, pour avertir le Roy comment les choses estoient passées, & pour entendre de luy ce qu'il vouloit que fist ceste trouppe venant de Fossan.

Durant ce siege, & pendant ce terme de la reddition de Fossan, le Roy encores qu'il n'eust esté dessié, ne par herault ne par lettre, jugea toutes sois en hostilité si descouverte, n'estre à propos d'avoir plus aucuns ambassadeurs ny messagers entre luy & l'Empereur: & à ceste cause escrivit à tous les gouverneurs & capitaines de ses frontieres, q de là en avat ils arrestasset tous courriers allas à l'Empereur ou venas de luy, ou de ses ministres. Et au seigneur de Velly son ambassadeur qu'il print côgé de l'Empereur: à celuy du dit seigneur Empereur, il ordona parcillement de se retirer & pour le côduire en lieu de seurcté hors de son obeissance

luy bailla messire Loys du Perreau sieur de Castilon, l'un' des gentilshommes ordinaires de sa chambre, & luy sist ce nonobstant honorable present, ainsi qu'est la coustume de faire aux ambassadeurs des Princes ou seigneuries de l'un à l'autre:mais ledit ambassadeur ayat sceu depuis q le sieur de Velly, lequel il rencontra par chemin n'avoit voulu accepter present dudit seigneur Empereur, envoya celuy qu'il avoit accepté du Roy au sire de Humieres, dessus nommé Lieutenant du Roy en Dauphiné. Peu apres luy escrivit de Suze, du xxv. jour du mois, comment il avoit un pouvoir de l'Empereur son maistre pour traitter quelques moyens de paix, s'il plaisoit au Roy d'en envoyer audit sire de Humieres un semblable. Le Roy du commencement fist responce qu'il n'é envoiroit point, & que les choses estoiét trop avant pour entamer propos de paix: & pensoit bien que c'estoit quelque nouvelle invention pour encores l'amuser: mais quelques jours apres voulant tousjours confermer le devoir de son costé, il revocqua ceste depesche & envoya le pouvoir audit sire de Humieres : encores depuis il donna passage par son Royaume audit ambassadeur allant(si come il disoit)pour le bien de la paix au païs bas de l'Empereur. Ce nonobstant il n'en sortit aucun effect : & à depuis cogneu que l'Empereur avoit usé par sa confession mesme de ce moyen, pour abreger le chemin de faire sçavoir de ses nouvelles au Côte de Nansau, & pour en avoir des siénes, afin que ses deux armées se reglassent d'une mes-

Le Roy qui n'en pensoit pas moins ne s'endormit, ainsi que l'Empereur avoit en opinion, sur la venue ne praticque dudit ambassadeur, ains en continuant, ainsi qu'il avoit commencé, de donner ordre à tous ses affaires, depescha Iean Cardinal du Bellay Evesque de Paris, pour aller comme son Lieutenant general en ladite ville & païs circonuossins, pour y entretenir & asseurer le peuple, qu'il ne s'estonnast, ainsi qu'il advient aucunesois entre les peuples non accoustumez aux incommoditez de la guerre, quand ils voyet leur païs assailly par tat & divers endroics comme l'Empereur menassoit & procuroit de faire: aussi pour avoir esgard au faict des sinances dont le sons de la recepte des païs circonvoisins estoit à Paris, asin de secourir la Picardie, Champagne, & autres lieux de frontiere, selon

DE MESS. GUILLAUME DU BELLAY, 25

selon l'exigence des affaires. Au fire de Humieres ordonna, que retournas noz gens de Fossan il les departist au log de la montagne, pour asseurer & tenir les passages: & que sur tout il en voyast souvet espies, sur espies pour entedre la conduire des ennemis, & quel chemin ils entreprendroient pour faire descente en Frace, & que là où ils monstreroient de vouloir prédre le chemin du Mont-Geneve, il envoyast en toute diligéce ropre le passage à force de pioniers & ropre le cabestan assis sur la montagne, à ce qu'ils ne s'en aydassent à passer leur artillerie: au Chasteau-Dauphin qu'il meist le capitaine Monneins, avec ses gens, & les remplist. jusques au nombre de v.ces. Au seigneur Iea Paul outre les deniers qu'il luy avoit auparavat faict delivrer, pour lever les gens de guerre Italiens(ce qu'il feist, & la pluspart en retira du camp des ennemis) il envoya par Picquet commissaire ordinaire des guerres le payement des gens de guerre estans à Turin, afin qu'il essayast de passer outre, & le porter en ladite ville : ce que ledit seigneur Jean Paule executa, mais non sans grosse difficulté, a cause que les ennemis avoient garnisons à Bozzolin, à S. Ambrois, à Rivoles, & à Gronlia, places assises entre Suse & Turin, en païs estroi & des deux costez enclos de montagnes: il y passa toutes sois sans perdre aucun de ses gens, sinon un de ses chevaux legers Italiens, nommé le Comte Sebastian de Monte-Cuculo, & luy blessé d'un coup d'arcbouse en l'espaule, dont il fur guary en peu de jours.

A us s'i depetcha le fieur de Noailles, avecques un treforier, & le fieur de Borran commissaire ordinaire de ses
guerres, pour aller faire la monstre & payement des gens de
guerres, qui retourneroient de Fossan: ausquels pour le service qu'ils avoient faict, & pour leur ayder à se remonter il
fist donner un quartier outre ce qu'il leur estoit deu. Et
fut baillé audit Noailles par instruction de faire marcher la
gédarmerie vers Avigno, auquel lieu avoit le Roy deliberé
de faire l'amas de son camp, pour apres le faire marcher outre, jusques au lieu qu'il seroit avisé. Et pour choisir un lieu
comode surent depeschez messeigneurs le Prince de Melse Napolitain, Stese Colonne Baron Romain, tous deux
chevaliers de l'ordre, Poton Rassin Seneschal d'Agenois, &
capitaine de cet archers de la garde du Roy: peu apres messite Iean de Bonneval, capitaine de cinquante hommes

d'armes des ordonnances dudit seigneur, avec commission pour faire le guast, tel que je declareray par cy apres. La depesche faicte dudit Noailles, le Roy sur l'opinio qu'il avoit tousjours (comme j'ay dit cy dessus) eile que l'Empereur entreprendroit de passer en Provence, il envoya nouvelle instruction, ordonnant au sire de Humieres faire marcher ladite gendarmerie de Fossan, par ce qu'elle estoit moins que suffisamment remontée, le chemin droict à Marseille : auquel lieu elle pouvoit sans trop grand nombre de chevaux faire le service requis à la dessense de la ville: & surent pour servir à la campagne retirée hors de ladite ville la compagnie dudit Bonneval, & autres qui estoient mieux montées 🕉 equippées pour ce faire. Par autre depesche fist ledit seigneur à scavoir à mossire Loys d'Angerand sieur de Boistigaultiqu'il fist avancer les Suisses de sa levée, & qu'ils prinssent le chemin de Montluel, auquel lieu se trouva ledit seigneur au jour qu'ils y passerent, & à chacun des capitaines donna en present une chesne de cinq cens escus: & de là il les fist marcher droict à Valence; auquel lieu il alla bie tost apres, c'est à sçavoir incontinant qu'il eut certaineté que l'Empereur avoit pris le chemin de Provence. Et avant son partement depescha monseigneur Robert Stuard chevalier de son ordre seigneur d'Aubigny, Mareschal de France, capiraine de cent lances de ses ordonnances, & de cent archers Escossois de sa garde: messire Iacques Galiot aussi chevalier de l'ordre, capitaine de cent lances de sesdites ordonnances, grand Escuyer & Grand-maistre de l'artillerie de France: pour recueillir les capitaines & gens de cheval & de pied, qui arriveroient audit lieu de Avignon: mais pour y estre chef & son Lieutenat general par sur tous il avoit faict election de messire Anne de Montmorency aussi chevalier de son ordre, capitaine de cent lances, Grand-maistre & Mareschal, & à present Connestable de France: lequel toutesfois il retint encores en sa compagnie jusques au vingtielme jour du mois de Iuillet.

L'Empereur attendant ce pendant le partement des gens de Fossan, & que la delivrance de la ville luy sust faiste, estoit allé sejourner à Salusses, faisant en diligence ses preparatifs: & au lieu de Savillan, du Motdevis, de Cony, & de Tende, saisoit ordinairement besongner tous les moulins & sours qui se trouveret, & seit grosse munition de biscuit,

DE MESS. GUILLAUME DU BELLAY. 256

rovision de toutes les bestes de charge qu'il peut recourer au païs, pour faire mener apres son camp ledir biscuit k autres vivres. Le seigneur Antoine de Leve pour aussi ne perdre remps ce-pendant que le jour de la delivrance de Possan arriveroit, avoit des le jour de Juing en voyé somner la place de Roquesparviere, aparrenant à messire Iean Boller sieur de Cétal:mais le frere dudit Cétal eleu de Ricz; uy fist respoce que la place estoir tenue du Roy, & que luy ome fidelle & bon vassal n'y laisseroit entrer sinon par sur on ventre, home qui ne fust amy du Roy sondit seigneur. it pour accoplir sa promesse plus seurement, envoya denader secours au sire de Humieres, qui luy envoya tel nore de gens de guerre & canonniers qu'il luy demanda:paruoy ledit de Leve ne fist point d'autre entreprise contre adite place. Et fist tourner ses ges vers le Chasteau dauphin n'esperance de le surprendre: sesquels faillans à leur entrerile, se meiret à l'assieger, mais advertis que les bandes du eur Chrestofle Guasco, & celle du seigneur de la Tour y enoiét au secours, ils se retirerent à S. Pierre au Marquisat e Salusses. Le Roy pourtat ne laissa d'évoyer réfort des gés udit chasteau par le capitaine Paulin, Lieutenat dudit Mõ eins, qui estoit venu vers luy, de par ledit Monneins.

Au Dit Savillan arriveret messieurs les Cardinaux Tri vlce, ordonné d'aller vers le Roy & le Cardinal de Carpy ers l'Empereur envoyez par nostre S. Pere leur intimer le ocile, à celebrer en la ville de Matoue au vingtseptiesme our de May l'an ensuyvant que lon compteroir mille cinq ens trente sept: aussi pour moyenner la paix entre lesdits igneurs Empereur & Roy. Ils furet solennellemet recueil s & ouys, en presence de plusieurs Princes & autres seineurs: & quant au faict du Concile, l'Empereur y consent,& promist de s'y trouver en personne, & que nul autre ue la puissance de Dieu l'é empescheroir. Quant à la paix u'ils fçavoiét bien qu'à Rome il avoit protesté que fil vepit à la guerre contre le Roy (chose qu'il ne voudroit faique moult envis)il la feroit de sorte que nulle occasion, relconque elle fust, luy feroit tourner la teste en arriere vil n'eust executé son intétion, disant ne se vouloir depar raucunement d'icelle siène protestation, sino que preallaemet le Roy eust entieremet restitué, reintegré, & desdoagé le Duc de Savoye: & alors fil luy envoyoir demaden

la paix, il luy respondroit selon que les choses luy semble

roient le requerir.

Au Cardinal Triwlce, lequel avoit charge de passer et France vers le Roy, sembla n'estre hors de propos de parle audit seigneur Empereur à part, & pensaque nonobstan ceite hautaineté qu'il monstroit en public, il luy pourroi particulierement tenir quelques plus gracieux propos & plus inclinans à raisonnable composition. Son audience t nue, il demanda entre autres choses, si s'accordant le Roy ce que demandoit sa majesté Imperiale de la reintegratio du Duc de Savoye, ou à tout le moins de mettre les cho ses en sequestre, sadite majesté seroit contente que luy Ca dinal allant vers le Roy luy tint encores propos, qu'en e faisant sa majesté Imperiale réderoit le Duché de Milan monseigneur le Duc d'Orleans. A quoy respondit l'Empe reur que non: & le Cardinal replicquant avecques humb requeste, que pour chose qui fust advenue il ne changea de l'opinion qu'il avoit eue de ce faire, & qu'il avoit deck rée en si bonne compagnie qu'en plein confistoire de m stre S. Pere, de son collège, de tant d'ambassadeurs estrai gers. Respodit l'Empereur à cest article, qu'il n'avoit poi changé d'opinion car il n'avoit jamais eu volonté de bai ler ledit Duché, seulement avoit voulu donner au Roy be nes paroles, & chercher tous les moyés de le faire desarme ce pendant que luy l'armeroit ainsi que le Roy en cas p reil avoit l'entretenant de paroles, assailly & spolié le D de Savoye, Autre chose n'é peut tirer ledit Cardinal, & su ce prenant congé passa les mots pour venir trouver le Ro son collegue demeura encores quelque temps avecqu l'Empereur, & puis fut envoyé par luy Gouverneur auc Duché de Milan.

Tous les preparatifs que faisoit l'Empereur, estoie comme pour prédre le chemin de Provéce, luy s'en vant & ne se vouloit laisset demouvoir de ceste intétion: & or nairement avoit en main ou devant les yeux une carte e Alpes & du pais bas de Provence, que luy avoit donnée Marquis de Salusses: & l'estudioit si souvent & ententimét, applicquant le tout à ses desirs & affections, que de il presumoit d'avoir le pais en son bandon, ainsi comme en avoit la carte. Et n'estoit point en ceste sienne persuasifans y auoir aucus astipulateurs, & qui le servissent d'agre

le au lieu de veritable conseil : & comme ceux qui donent de l'esperon au cheval courant volontairement & de by-mesme, l'enhortoient à faire promptement passer son rmée deça les mots, pour là y exploitter en ce cours de vitoire quelle estoit : & poursuivant lequel ils ne faisoient oubte que sans combat, au moins sans danger, il ne conuist en peu de téps toute la Gaule moyennant qu'il se haast de passer: & que de l'occasion que Dieu luy avoit enoyée, telle qu'il n'en vient souvent de pareilles, & qui peu urent quad elles viennent, il voulust user de saison, & avat ue le Roy eust téps de se renforcer & preparer à soustenir : faix de son invasió. Et quant à ce dernier article n'estoiét s point hors de propos, si c'eust esté chose aussi facile à exe iter qu'à dire. Les autres & le plus grad nobre debattoiet u contraire: & leur sembloit estre plus à propos de pourivre la reconqueste encommencée des païs gaignez par : Roy sur le Duc de Savoye, & lesquels ils avoient presens a main, que d'aller assaillir l'autruy en loingtain païs: & establir delà les monts un bon repos & seureré, que de veir faire la guerre en Frace. De suivre & d'executer ce côseil ous esperons (disoient ils) qu'il adviendra de deux choses une: ou que bien tost nous paracheverons de recouvrer & ettoyer ce pais d'ennemis, ou que le Roy (doubtant qu'aaut vaincu ceste entreprise, nous ne passions d'autant plus ors & vigoureux sur luy, & mieux aymat faire la guerre en iis d'autruy, que la soustenir en son propre) se deliberera our obvier à cest inconvenient, de passer deça avec tous ses forces. Advenant le premier article, alors pourrons ous, sans craincte que mutation advienne par deça, marier asseurement contre luy delà les mots. Advenant le send,ce nous fera beaucoup plus grand avatage de l'y attée, & recueillir avec toutes les nostres forces, que si nous lions le cobattre avec une partie seulemet, en laissant icy tutre (comme force nous séroit de faire) à la poursuitte de confiant en la bonne obeissance & union de ses subjects, en la force & bon ordre mis à la seureté de ses villes, se intente de les bié garder & deffendre. Et faisant le guast trois ou quatre journées de païs au devant de nous, sans faisser autre chose que solitude & desolation, sinon en au nes places bie munies de viures, de gens, artillerie, & mu-

nitions: tellement que par la raison de la guerre nous ne puissions ne devions passer outre, & les laisser derriere nous il le vienne loger en un camp avautageux, fortifié, couvert desdites villes, & qu'au siege de chacune il nous arreste pour le moins autant qu'il a faict devant la ville de Fossan: devát laquelle telle & si peu dessensable, que chacu de nous la cognoist, nous avos sejourné autat que si c'eust esté pour coquerir Paris ville capitale de France. Cela avenant, pourroit il pas ce pendant nous survenir quelqu'un des incoveniens qui autrefois luy sont en pareil cas survenus en Italie? Pourra-il pas aussi voyant l'Italie desnuée de force, y envoyer si bo luy séble autre nouvelle armée de France ou en Italie melme (en laquelle delivré de la peur & craincte de nous il le peut faire) lever une armée sous la charge mesme. & par le moyen de ceux qui n'agueres luy en avoient levée. une? Pourra il pas cela faict, messat la force avec les praticques, ayant à faire à une nation encline naturellement à revoltes & mutations acquerir & peuples, & pais ce pendant que nous serons amusez au devant d'une seule ville?

Nous ne voudriós (Sire) en cest endroict vous apporter mauvais augure, en vous ramentevant à combien de grands Princes & seigneurs est autresfois advenu, non seulement de perdre du leur, en voulant trop pertinacement envahir autruy, mais d'y recevoir telle perte, qu'one depuis eux ne leur race n'ont eu moyen de s'en resouldre: ne dire que si les cho ses autresfois advenues sont tousjours en possibilité d'adve nir encores, tant que les raisons & conditions seront pareilles) nul homme ne peult temerairement & inconsiderémét assaillir autruy qu'il ne se mette grandement au mesme hazard. Car nous sçavos bien que les forces de vous (Sire) sont telles, voz querelles si justement fondées voz entreprises si bien pesées, la faveur de Dieu & de fortune si bien accompagnans vostre vertu, que tel inconvenient ne peult vous advenir:mais seulement pour acquitter nostre debvoir, &? ce que sur les difficultez que nous mettons en avant vou pourvoyez selon vostre prudence accoustumée, avons bier voulu les vous ramentevoir & vous faire souvenir, que vou aurez à faire à une nation qui en son païs & dehors a tous jours esté fort belliqueuse, mais en son païs a esté plus rete nue & mieux usant de conseil qu'elle ne saict deliors: à un nation qui jamais par autre que vous ne fut batue sans qu

DE MESS. GUILLAUME DU BELLAY. 258

le vainqueur y ait receu tresgrosse perte: à une natio laquelle encores que vous ayez souvent vaincue, si a ce esté de sorte que jusques icy nous ne cognoissons encores en rien, que vous soyez enforcy sur elle de voz victoires, ne qu'elle soit

debilitée pour toutes ses pertes.

Toutes ces raisons ne nous desmouveroient toutesfois, que nous ne suivissions vostre opinion, & de ceux qui à nostre avis y adherent sidelement, & paraventure plus prudemment que nous, si nous n'avions à combatre que l'enne my: mais nous avons à combatre les destroicts des Alpes, à vaincre un long & malaisé chemin, & cela vaincu nous ne trouverons en aucun lieu, ne pour aller en avant, ne pour faire sejour, amitié, bien-vueillance, ne seureté. Iusques icy vous avez tousjours conduit vostre armée par païs d'amis, mieux aymant le reposque d'irriter noz forces: derriere nous avons le pais obeissant, & les passages ouverts, pour avoir & vivres & renfort de gens à toutes heures que befoing sera. D'icy en avant, en quelque part que nous tournions la teste; nous aurons devant, & derriere, & par les costez toutes choses conemies & contraires, & (qui n'est petitement à craindre) un air mal-sain & tresdangereux à gens qui ne l'ont accoustumé, si vous entreprenez, ainsi qu'est vo stre intention de faire vostre passage en Provence: de maniere (Sire) que plus difficile nous sera le combat du long & mauvais chemin, de la faulte de vivres, de l'intemperie de l'air, de la famine & pestilence qui en resulteront: que ne sera le combat de l'ennemy, lequel deffera le moindre de noz autres susdits adversaires. C'est (Sire) ce que principalement nous craignons, & qui nous tient en ceste opinion, de n'envahir le païs d'autrny, devant que luy ait en cestuy cy posé les armes, sans moyen & possibilité de les reprendre : en laquelle nous voudrions persister, si nous ne pensions certainement, que vous sçachiez quelque chose à vostre avantage que nous ne sçavons, & que paraventure la raison ne veult qu'aucuns de nous sçachent encores.

TELLE fut la remonstrance de la pluspart de ses capitaines, & entre les autres du seigneur Antoine de Leve, lequel jusques à se vouloir faire mettre à genoulx hors de sa chaire, le requeroit & supplioir de se laisser persuader à ses bos, loyaux, & anciens serviteurs. Aucuns toutes sois essoit d'opinion, que secrettement ledit de Leve estoit d'advis que l'Empereur passast deça, mais du vouloir & sceu dudit seigneur il monstroit devant le monde & publiquement le contraire, afin que venant l'Empereur au dessus de son entreprise (ainsi qu'il en avoit bonne esperance, voire sen tenoit pour asseuré) toute la gloire & honneur en sust attribué audit seigneur Empereur, & dit par le monde que son cueur avoit esté si grand, sa prevoyance & conduitte si bonne, que contre l'opinion de tous il eust osé entrer, & eust eu la prudence de conduire à heureuse sin une entrepri prise desesperée.

Couclusion de l'Empereur en son coseil.

L'EMPEREUR doncques ce neantmoins persistant tousjours en sa deliberation, print la parole, & concluant usa de ceste remonstrance. Si je n'avoy (dit-il) certaine cognoissance & de la guerre que nous entreprenons, & de l'en nemy auquel nous avons à faire, & de nous mesmes qui avons à l'executer, je ne blasineroy point, ains approuveroy plustost & ensuivroy ceste deliberation, ou pour mieux dire consideration vostre: mais cognoissant que nous l'entreprenons contre un infracteur de foy, allant à l'encontre de ses traittez, & qui contrevenant à iceux, a contre le Duc de Savoye (compris au traitté de Cambray, ainsi que noz autres confederez) commencé la guerre, qu'il sçavoit bien estre reduitte cotre nous: je ne say point de doubte que nous n'ayos Dieu pour nous, lequel est juste juge, & vindicateur rigoureux des traittez non observez, & de la foy violée. Et adojusteray que nous avons à faire à un ennemy, contre lequel nous avons eu presque vingt ans durans une perpetuelle victoire, & telle (afin que je vous face entendre au contraire de vostre dire, nous estre demouré chose pour nous sentir d'avoir esté vainqueurs, & à eux d'avoir esté vaincus) que nons jouissons encores du Duché de Milan, pour tesmoignage & butin d'icelle nostre victoire : ce qui nous doit mouvoir à retenir en ceste guerre les cueur & esperance, tels que vainqueurs, & leur laisser l'effroy & le defespoir, tels que les vaineus ont accoustumé tousjours d'avoir. Contrepesant noz forces outre ces deux poincts avec celles de l'ennemy, & que nous les avons quant au nombre trop plus grosses, & quant à la qualité mieux estossées de gens experimentez à la guerre, tellement qu'en laissant une partie deça, encores nous demourera-il dequoy fournir à la puissance de l'ennemy tel que l'avons, je ne trouve point si

grand inconvenient comme vous me le faictes, ne de separer & diviser nosdites forces, ne de passer les monts, & as-

saillir nostre ennemy en France.

ET pour entrer par ce second poinct, lequel nous fera retomber sur l'autre, je vous pourroy alleguer infinité d'exéples, esquels plusieurs assaillis en leur païs ont diverty l'ennemy en le contre-assaillant au sien, & sauvant le leur ont acquis & tenu celuy dudit ennemy: mais j'ayme mieux fonder mes entreprises sur la raison qui est tousjours certaine, que sur l'exemple qui à bien grande difficulté se peult alleguer en cas entierement pareil, & en tous ses poincts esgal & semblable. Vous me dittes que nous devrions avant que transferer la guerre en France, la parachever deça les monts, & nettoyer le pais de ce qui reste icy de noz ennemis. Ie tien au contraire, & non pour une seule raison, qu'il faict pour nous de passer de la plustost que d'entretenir la guerre sur le nostre, & de noz amis, & de plustost la faire en France, que de la soustenir en Italie : laquelle en ayant esté vexée & travaillée par si long temps, toutes raisons veulent que nous l'espargnions maintenant, & la laissions puis qu'il nous est loisible reposer & reprendre ses esprits ce pendant que France sera en son tour, courue, gastée, pillée, brussée, esprouvant la craincte, l'espouventement, la consternation & fuitte du peuple, le sac & robement des maisons, la desolation, ruine, & feu des villes, & autres telles malheuretez accompagnantes la guerre, qui par trente ans ont presque continuellement regné sur Italie. Paris, & la couronne de France, fault que soit le prix & le loyer de ceste victoire, non pas Turin & le Piemont.

I u s o u e s icy nous avons trop enduré au Roy faire la guerre sur l'autruy: contraignons le un peu à bon escient de venir au poinct de dessendre le sien. Voyons si le François autant dedans que dehors son Royaume est ainsi gentil compagnon: si dedas il est si sage & retenu comme vous dites. Ne cognoissez vous point sa nature par tant d'espreuves que vous en avez faictes, qu'il ne vault sinon à une premiere impetuosité? à dissimuler & temporiser il sanneantit & pert courage? & d'autre part je cognoy le Roy estre Prince de cueur si haultain, voire plustost temeraire, qu'il sestimeroit avoir receu une grosse honte, s'il me laissoit entrer & sejourner en son Royaume, sans qu'il me vint

presenter la bataille: & sil la me presente, qui est celuy de vous qui ne se tienne asseuré de la victoire? Croyez may certainement que le seul moyen de mettre fin à ceste guerre, c'est qu'il soit outre ce qu'il est, Empereur & Roy des Espagnes en ma place, ou moy en la sienne Roy de France outre ce que je suis: & pour en venir à bout, il nous fault approcher de plus pres, & le chercher aux entrailles de son Royaume, non pas nous amuser en ce païs, en attendant qu'il y passe, pour luy donner moyen, espargnant son païs qui luy foncera tousjours argent, de venir faire icy vivre son armée à noz despens, & l'enrichir du pillage de ce dont nous devons chercher de nous prevaloir, à la soulde & entretenement des nostres. Et n'est rien plus vray que le rebours de ce que vous craignez, qu'en France il ait plus grande commodité de se renforcer de gens:tout au contraire s'il passe deça, l'esperance de la proye par la licence & liberté qu'il baillera de piller, & mettre tout à sac en pais de coque Re, luy attirera tous les jours gens nouveaux, ce que je suis seur qu'il n'aura point en France : car y tenant police, comme raison veult qu'il face en ses païs, tout ce que pourra faire le soldat, sera de vivre de sa soulde à bien grande peine: & peu se trouvera de gens qui sans esperance d'autre prouffit vueillent venir pour la simple soulde gaigner des coups, ou la mort à l'encontre de nous. Et y laschant la bride pour artirer le soldat, il foulera son peuple: & oû l'ennemy ne pourra parvenir si tost, l'amy pillera, & dissipera les vivres, les deniers Royaux n'en seront de si bon revenu: mutineries, seditions, rebellions en adviendront: & mesmement si le Roy se joue à nous donner le passe-temps de veoir cest exemple de justice & vengeance divine, que luy qui a tant gasté, pillé, brussé le païs d'autruy, gaste, pille, brusse luymeline son propre, comme vous craignez qu'il face au devant de moy: executant de luy-mesme, ce que faisant l'enne my encores le feroit à grand regret. Parquoy cela n'est cho se qui m'estonne, ne pour laquelle nous laissions d'avoir vivres à suffisance: car outre l'ordre que j'y ay mis, nous passerons si avant en ses pais que nous en aurons, & qui ne nous cousteront rien, en abondance.

Et quant à ce que vous craignez qu'il se renforce du costé de deça, je vous asseure que je suy ay dressé assez d'autres empeschemens ailleurs, pour suy en faire divertir la pensée. Car outre ceste armée à laquelle je ne fay point doubte qu'il ne s'addresse avecques toutes ses forces, & celle que vous sçavez estre desja preste pour descendre en Picardie, soubs la charge des Comtes de Nansau, & du Reux, & autre qui au devant de moy se viendra joindre par le costé de Languedoc, qu'à la requeste de l'Imperatrice mes Royaumes d'Espagne mettent sus, & vers laquelle j'envoye presentement xxiij. galleres & homme bien instruict pour luy faire clairement entendre ma deliberation, & le temps qu'elle dévra commencer à marcher : j'en fay encores drefser une autre pour descendre au fort des affaires en Champagne, & de là passer en Bourgongne: esquelles deux Provinces elle sera pour faire avecques les moyens que lon m'y donne, non moindre effect en mon service que feront les autres chacune en son endroit. De maniere qu'ayant si beaux & grands preparatifs en tant de lieux, & le Roy si entrepris, qu'il ne sçauroit à temps assembler forces sussisantes pour en un mesine temps resister à tant d'armées, & ores que je n'eusse les intelligences que j'y ay, il est impossible que d'une part ou d'autre, nous ne gaignons de vive force l'entrée jusques au dedas du cueur de son Royaume, & face tel amas de gens que bon luy semblera. Separons & divisons hardiment noz forces, en laissant ce peu de nombre de gens qui est requis à entretenir le siege devant Turin: ce que nous menerons avecques nous par delà sera tousjours suffisant à le combatre, principalement s'il veult (ainsi que vous l'avez proposé) diviser & separer luy-mesme les siennes, à la garde & deffense des villes qu'il aura deliberé de tenir & fortifier à l'encontre de moy. Ioinct, que vous cognoissez tous aussi bien que moy, quels gens de guerre sont les François à pied. A cheval ils se veulent faire estimer quelque chose, & à la veriré ils y sot plus duits & accoustumez: mais vous sçavez qu'à Fossan & à Conflans, nous leur avons entierement desmonté deux cens cinquante hommes d'armes: à Turin y en a pres de deux cens, qui ne peuvent esperer meilleure fortune: les autres bandes qui ont esté deça ne peuvent estre sinon à demy. deffaictes, pour avoir en si peu de temps & sans sejour faict le voyage de passer & repasser les monts: en sorte que vous avez à combattre le reste & les reliques, & non la gendarmerie accoustumée de France. Tout leur refuge &

esperance gisoit és Lansquenets & Suisses, desquels ils faisoient compte de recouvrer à leur appetit & comandement: mais nous avons (Dieu mercy) donné si bon ordre que de Lansquenets ils n'en auront plus: & de ceux qu'ils ont je ne dy pas tous les moyens que i'ay en main de les leur faire perdre. Et des Suisses j'ay promesse certeine & asseurée, qu'à leurs gens il ne donneront congé d'aller au service de Prince quelconque hors de leurs païs.

A ceste cause je suis encores tousjours en ceste opinion de laisser icy raisonnable force, pour entretenir le siege de Turin: & avecques la trouppe que nous avos icy, & ce que nous retirerons encores d'Italiens, passer en France, & faire(nonobstant les difficultez que vous avez prudentement discourues) le chemin de Provence, en suivant le long de la marine. Car quant à la difficulté des passages, nous ne donnerons cest honneur aux François qu'ils la sçachent mieux supporter que nous. Quant aux vivres, nous y avons pourveu, & par la voye de la mer en serons ordinairement secouruz. Aussi par la mesme voye ferons porter nostre artillerie & bagage, qui par l'autre chemin seroit chose de trop grande coustange. Et quant à l'intemperie & incommodité de l'air du pais, elle n'y est poinct plus vehemente que celle d'Affricque, que ceste armée a vertueusemet soufferte. Et toutes choses considerées, je ne voy chose en som me qui me face moins doubter que ceste victoire nous soit trop hazardeuse, que contre un ennemy si surpris & despourveu de bonnes gens de guerre peu honnorable.

VOILA en conclusion mon advis, mais non que j'y vueille estre opinastre : ains ay deliberé de prendre telle resolution, conseil, & courage, que me donneront mes soldats, lesquels sont ceux que nous avons à mettre en œuvre. Chacun de vous face assembler les siens, & sortir les enseignes aux champs, à ce que je les voye tous ensemble, & parle à eux publicquement. En peu d'heure estant chacun adverty avant la main fut ceste concion assemblée: & l'Empercur apres avoir un peu regarde, leur commença parler

en celte maniere.

Concion de ses gens.

Le ne voy (compagnons) à l'entour de moy, en quelque l'Empereur à part que je toutne les yeux, sinon tous bons visages, annonçans & me mettans ainsi qu'en evidence l'affection telle qu'elle est dedas voz cueurs. Le voy une armée si florissante, & composée de gés tous esleuz, & comme choisis l'un apres l'autre, les gens de pied tous vrais soldats & veterans, la cavalerie si bien equippée, telle compagnie d'artillerie, & si bien estoffée de tout ce qu'il luy fault, qu'à mon advis nous n'aurons plus faulte sinon d'ennemy qui ose nous attédre, & ne nous priver du moyen-d'esprouver la vertu de ceste armée, tant y a que deça les monts, nous ne pouvons le trouver tel qu'il vaille & soit digne que nous y employons une telle puillance. Ils estoient icy advolez, comme une volée d'oiseaux au pillage d'un champ semé: aussi à la vostre arrivée se sont ils retirez, ainsi que la mesme volée d'oiseaux s'enfuit au premier coup de traict qu'elle a ony. Maintenant nous sommes en deliberatio, à sçavoir si nous devons aller chercher de là les monts un ennemy moins indigne de nostre effort, ou si nous devons attendre qu'il nous vienne chercher icy: l'y attendant, nous destruisons le païs qui est nostre, & vous autres consommez vostre soulde sans en prouffiter, encores n'est-il à croire qu'il y vienne jusques icy. Les François avant qu'avoir esprouvé noz forces se sont entretenus à la guerre plus temerairement que constamment à l'encontre de nous, ainsi qu'ils sont bouillans & precipitans de nature: mais je cuide qu'ils ne l'entreprendront maintenant, qu'ils ont si souvent &/à leur grand dommage esprouvé, que nous sommes autres gens qu'ils ne sont. En les allant chercher par delà, je croy qu'aussi peu attendront ils le choc, comme ils ont faict deça les monts, sinon que nous voulussions penser qu'ayant leurs forces à present diminuées d'un tiers, îls eussent plus de cœur & d'esperance, qu'ils n'en ont eu quand ils les avoient entieres. Tout ce qu'ils feront sera de tenir un peu de contenance: & aujourd'huy reculer une journée en arriere, demain une autre, sans jamais nous faire resistance. Et si d'avanture necessité les cotraignoit de venir au combat, à quoy le cœur jamais ne les menera, vous devez indubitablement estre asseurez que la fortune de la guerre comme vray juge, fera incliner la victoire de nostre costé où est le bon droict, & qui poursuivons la reparation de foy violée, avecques restitution des choses surprises au prejudice de noz traittez. Reste à sçavoir seulement si vous estes ceux mesmes que vous avez esté, si vous avez deliberé de faire ainsi que vous avez appris & accoustumé, c'est à dire, si vous avez du cœur

assez pour passer les monts, & pour (je ne dy combattre ne conquerir le Royaume de France) mais aller accepter là victoire contre l'ennemy, & la conqueste dudit Royaume qui à vous se presente. Sivous n'avez du cœur assez, icy nous fault demourer & vitupereusement faillir à nostre fortune qui s'offre: si autrement; ce me sera tesmoignage de voltre: vertu cœur & volonté, si vous eslevez joyeusement une acclamation & cry militaire, comme si maintenat vous aviez à marcher en bataille. A ces paroles tous s'escrierent unanimement demandans à marcher & passer outre. Et l'Empereur alors en collaudant leur promptitude de foy & courage, Ma bonne fortune (compagnons) fera (dit-il) celle qui accompagnera ceste vostre acclamation, & prosperera ce que nous entreprendrons: & certainemet si le Roy de France avoit telles gens come vous estes, & je les avoy tels qu'il les a,j'ay desja dict en bonne compagnie, & de rechef dy encores, que je me feroy lier les mains derriere pour m'aller rédre prisonnier, & luy demander misericorde, à telles conditions que bo luy sembleroit de les m'imposer, & suis asseuré qu'il le feroit s'il vous cognoissoit tels que je vous cognoy; & il sçavoit au demourant d'autres entreprises secrettes, qui à present ne sont à declarer, lesquelles me rendront la conqueste de France si facile, que j'espere en peu de jours estre paisiblement obey en la ville de Paris.

Discours fur persur en France.

TELLE fut la departie de la cocion,& ces propos avoit il les intelligen- pronocez avec si asseurée cotenance, que le cœur sembloit vos de l'Em- redoubler à ses gens, & ne leur ennuyoit sino que sur l'heure on ne les faisoit marcher en avant. Quelles estoient ses secrettes entreprises dont il parloit, je ne l'ay encores seu entendre. Vray est que peu apres sut descouvert un traitté qu'il avoit sur la ville de Langres, dont nous parlerons en l'autre prochain livre de ces memoires. Aucuns penserent qu'il cust quelques grandes intelligences en France par le moyen du Marquis de Salusses: & à ce croire les induisoit l'estrangeté de son affaire, & le peu d'apparence qu'ils trouvoient qu'un homme qui n'estoit sans experience des choses de ce monde (outre le blasme qu'il s'estoit acquis à perpetuité) eust voulu se faite ennemy de son seigneur & Prince naturel, & qui tost ou tard le pouvoit ruiner en un instant: sinon qu'il ne fust seul de sa partie: & qu'avant qu'abandonner le Roy, il se fust persuadé quelque telle &

si grande ruine prochaine dudict seigneur que pour jamais il ne deust plus avoir cause de le craindre. Et de faict le Duc Guillaume de Baviere en racomptant dés le mois de Iuing precedant au sieur de Langey, lors estant ainsi que j'ay dit en Allemagne, ce qu'il avoit entédu de l'affaire dudict Mar quist faisoir son compte, & le disoit sçavoir de gens estans pres de la personne de l'Empereur (à l'averure du Duc Loys de Baviere son frere) que ledict Marquis ne se trouveroit estre seul de ceste praticque: & qu'en France y en avoit d'au tres aslez, tenans secrettement ce mesme party, & qui en leur saison se descouvriroient.

Autres estimoient que l'Empereur tint ces propos, ainsi que plusieurs bons chess de guerre en ont tenu par le passé, disans qu'ils avoient une embusche secrette contre leur ennemy, & le faisoient en partie pour accroistre le cœur de leurs gens, & en partie pour mettre leurdict ennemy en souspeçon & deffiance des siens: chose qui a souvent gasté de grosses & importantes entreprises, Autres depuis qu'ils entendiret la côfession du Comte Sebastian de Mon- Discours sur te-Cucullo, imagineret que ceste fust la secrette entreprise l'empoisonneen laquelle prenoit l'Empereur une si grosse esseurance: met du Daucomme s'il se fust fondé sur la mort esperée du Roy,& de phin Franmesleigneurs ses ensans: en l'asseurant qu'eux estás morts, fois. il passeroit sans grande resistance à travers le Royaume de France. Mais cette esperance est si meschante qu'il ne me sçauroit entrer en teste qu'un si grand Prince que luy voulust user d'une si malheureuse & danable trahison. Toutesfois ceux qui en ont ce souspeçon se sont fondez en ce que ledit Sebastian dist avoir esté par ledit seigneur interrogé, sil sçavoit bié l'ordre & façon que tenoit le Roy à só boire & à son manger. Aussi qu'alors que le seigneur Dom Ferrad de Gonzague presenta ledit Sebastian à l'Empereur, en disant qu'il estoit appareillé à ce qu'il avoit promis à luy, & au seigneur Antoine de Leve, & eux de par luy à sa majesté: si ledit seigneur Empereur eust entendu que leurs propos eussent esté de la praticque de quelques villes ou places en France ou ailleurs (ce que disent ceux qui ne s'osent persuader une telle meschanceté avoir trouvé lieu au cœur de Prince) il n'eust eu que faire de l'informer dudict Schastian du boire & du mauger du Roy.

EN CORES en a confermé aucuns en ce souspeçon que le seigneur Dom Loppes de Sorie ambassadeur à Venise pour sadicte majesté Imperiale, s'enqueroit sur le temps que ces choses advindrent, qui seroit Roy de France & cotre qui auroit ledit seigneur Empereur à poursuivre ceste guerre, au cas que le Roy & messeigneurs ses enfans allassent de vie à trespasschose qui pensoit estre hors de propos, & impertinente à s'enquerir, s'il n'eust eu quelque opinion de mort prochaine d'iceux seigneurs.

En conclusion, quicoques ait esté autheur de cest enorme empoisonnement (car je ne le sçay, Dieu le sçair, & n'en voudroy blasmer personne à tort) l'Empereur plein de grande asseurance de remporter heureuse issue de son entreprise, se resolut sur icelle de passer, ainsi qu'il sist en Provence: dont depuis il se repentit souvent, & de sa bouche a

declaré au Roy, combien ayant jusques alors faict profession de croire conseil, il s'estoit mal trouvé de se gouverner à sa teste.

FIN DV SIXIESME LIVRE.

SEPTIESME





SEPTIESME LIVRE DES

MEMOIRES DE MESSIRE

GUILLAUME DU BELLAY. Seigneur de Langey.



A DESSUSDICTE resolution Passage de prise, & le nombre ordonné des l'Empereur gens qui demoureroient au siege en Provence, de Turin, & à poursuivre ce qui restoit pour mettre sin aux affaires de Piemot, chose que l'Empereur estimoit trop plus facile que par essecti lne la trouva: il departit son armée en trois, asin de passer à plus grade comodité. Ceux

de la première bande en laquelle fut la gendarmerie, avecques les Lansquenets du sieur de Thamise, prindrent leur chemin par la riviere de Genes, par-ce qu'ils conduisoient l'artillerie & le bagage que ledit sieur avoit ordonné (pour eviter les difficultez du passage) faire embarquer & coduire lur son armée de mer, à ce qu'ils se vinsent joindre à luy en la ville de Nice, & partit de ceste trouppe le treziesme jour de Iuiller. En la seconde marcha Dom Ferrand de Gonzague, capitaine general des chevaux legers, & avecques eux quelques homes d'armes Napolitains, les sieurs de Iselststein, Dietric Sepch, wolf Dietric de Kutringhen, & leurs chevaux, Apres eux le Marquis du Guast, avecques les Espa gnols, puis la maifo de l'Empereur, & à fa queue le feigneur Antoine de Leve, puis les Lasqueners du capitaine Marc de Ebenstein: & apres eux se mist l'Empereur accopagné seule met de six de ses Chaberlans, & d'une trouppe d'Espagnols: apres lesquels marchoient les Lansquenets du capitaine Gaspar de Fonsperg: & prindrent le droict chemin de

Fossan à Nice. En la tierce bande furent les Italiens qui prindrent le chemin par Cony, ausquels il sut ordonné, qu'au plustost que faire se pourroit, ils se rendissent à Nice, & aux lieux de S. Laurens & de Ville-neuve, pres de ladicte ville de Nice.

Soing & preroyance du Roy.

C E-temps pendant le Roy estant à Lion où il tenoit ordinairement conseil, faisant les depesches recitées au precedant livre, & pourvoyant à tous les endroicts par où son ennemy pouvoit faire descente: apres qu'il eut certeineté de la deliberation de sondict ennemy, ne tarda plus à faire executer les choses qu'il avoit arresté en son conseil de faire ledict cas advenant. A ceste cause il depescha messire Iean de Bonneval seigneur dudict lieu, capitaine de cinquante homes d'armes de ses ordonnances, pour avecques sa compagnie (laquelle pour les raisons cy dessus declarées il luy ordonna retirer de Marseille) aller se joindre aux autres capitaines, estans desja sur le costé de Cisteron, pour faire le degast, & prendre garde aux passages de Rocquesparviere, & de Terre neuve : & luy donna instructions de ce qu'il auroit à faire, ensemble lettres addressantes à tous lesdicts capitaines, & à tous les Baillifs, autres officiers, & subjects de sa majesté: par lesquelles il leur estoit mandé obeir à monsieur Claude de Savoye Comte de Tende, & au dit capitaine Bonneval, ainsi qu'à sa propre personne: & co me à ceux qu'il ordonnoit ses sieutenans ensemblement, & chacun apart soy en l'absence l'un de l'autre: & à son partement luy dona charge sur toutes choses que luy & tous autres se gardassent de donner à l'arrivée quelque curée aux ennemis. Audit lieu de Cisteron trouva ledit Bonneval le Comte Guillaume de Fustemberg, & ses Lansquenets, qui avoient desja bien avant comence à faire le guast: & avoiet pillé Barcelone, & tout le pais de Terre neuuve, mais avoiét excedé l'intention du Roy, d'autant qu'ils n'avoient eu respect aux Eglises ne choses sacrées. De Cisteron arrivanta Aix, auquel lieu il avoit donné assignation de se venir rendre à trois espies qu'il avoit depeschées du lieu de Romans, il y trouva en compagnie du Comte de Tende, messeigneurs le Prince de Melphe, Stephe Colone, & autres dessus nommez, qui avoient desja visité la ville, & l'avoient ju gée non tenable. Parquoy ils avoient regardé de trouver lieu opportun à y dresser & fortifier un cap qui la couviist:

& avoiét choisy le lieu où est une Eglise de S. Iean de Hierusalem assez logeable, mais il sy trouvoit plusieurs difficultez, & mesmement pour une montagne qui regardoit dedans: parquoy fut advisé d'en advertir le Roy, & que ce pendat les seigneurs Stephe Colonne & de Bonneval noiet visiter la ville de Grasse. Et sur chemin ledit Bonnevil baillà lettres du Roy par toutes les villes, comme à Trez, S. Ma ximin, Brignolles, Draguignan, & autres: & suivant sa creance leur commanda de retirer tous leurs vivres & bestial, sur peine de cofisquer tout ce qu'à son retour de Grasle il trouveroit n'avoir esté par eux retiré. Passant à Draguignan ils prindrent avecques eux la compagnie de cent homes d'armes du sire de Montejan, depuis Mareschal de France, qui estoit logée audict lieu & environs, & celle dudit de Bonneval qu'il avoit retirée de Marfeille. Et à Graffe rouverent partie de celle du Comte de Tende, aussi de cét hommes d'armes, soubs la charge de messire Germain d'urte sieur de Miolans son lieutenant, avec quatre mille hommes de pied Provenceaux, desquels estoient capitaines le seigneur du Mas; Ican d'Esbenault sieur de Villeneusve, lean de Pontenes sieur de Carses, & autres. Par les susdicts Colonne ; Bonneval & autres capitaines fut visitée la ville par dedans & par dehors, & fur trouvé qu'elle n'estoit tenale par aucune raison!

DESTA, & dés le vingt-cinquielme jour de Iuillet, estoit irrivé l'Empereur avecques les deux premieres bandes mais non sans grande difficulté de vivres par le chemin) u lieu de S. Laurens, premiere ville des païs du Roy, au leça de la riviere du Var, separant la Gaule d'Italie. Or etoit il ce mesme jour l'an revolu, que l'Empereur avoit pris erre en Afrique, pour son entreprise de Tunis: & soit qu'il dvint ainsi de cas fortuit, ou que ledict seigneur Empeeur (ainsi que plusieurs ont eu opinion, à cause que ce our là il fist à son camp faire six lieues) eust de propos deiberé choisi son but d'y arriver à cédict jour : afin de tourier en augure; comme chose avantureuse & non premediée, ce que songneusement il avoit ja conclu & pourpensé. si est-ce, qu'ayant ja autresfois esprouvé qu'il n'y a chose le plus grande efficace que superstition, pour esmouvoir k persuader un peuple à l'intention & opinion que son le eut regir & conduire il voulut bien user de ceste occasion del Empedats.

à son avantage, & mesmement pour-ce qu'audit jour estoit la seste de S. Iacques Apostre, lequel d'une part les Espagnols tiennent & reverent d'ancienneté, comme le singulier parron & protecteur de leur nation & patrie: & les Allemans d'autre-part ont aussi d'ancienneté coustume de le venir suluer & adorer en Espagne. Consistant doncques la principale force de son armée, & mesmement desdictes Substance de premieres bandes, en deux nations, Espagnolle & Germala proposition nicque, il les fist appeller & assembler en concion. Eux assemblez, il leur usa d'une oraison ou proposition telle en reur à ses sol- substance, qu'elle se pouvoit esperer & attendre d'un homme alors outré de haine contre le Roy. En icelle generalement il le decouppa de toutes les sortes d'opprobres & convices qu'il est possible, le blasonnant, & appellant violateur de foy, infracteur d'alliances & traittez, defenseur des infideles, everseur & ennemy du repos & tranquillité des Chrestiens: & au contraire parla de soy si magnificquemet, qu'à peine lon eust sceu juger à quoy il prenoit plus de plaisir, ou de hault-louer ses conditions, ou de blasmer celles de son ennemy. Et alors commença à celebrer & magni fier l'heureux & fortuné augure du jour de son arrivée en ce lieu, remonstrant comment il falloit bien dire, que miraculeusement son voyage estoit conduict & dirigé par le vouloir de Dieu, dispensateur & arbitre des choses humaines: car au mesme jour que l'an passé il avoit pris terre en Afrique, jour qui estoit presque universellement sainct & celebré à toutes les nations dont son armée estoit composée: & quoy que ce soit, avoit esté à tous sans exception heu reux & fortuné, par la notable & insigne victoire qu'ils avoient rapportée, arrivans à tel jour en Afrique, soubs sa co dui te, & à son service, où ils delivrerent ladicte province de l'occupation & injure du Turc ennemy de nostre foy, à celuy mesime jour avoient ils mis le pied au dedans des con fins & limites de France. Sur quoy il concluoit qu'à meilleur & plus juste tiltre ils devoient non seulement esperer, mais avoir foy & asseurance certeine, qu'estans arrivez en France à mesme jour, & soubs mesme chef, & avecques la mesme addresse & faveur de Dieu, ils conduiroient encores plus heureusement la guerre entreprise contre le Roy de nom Tres-chrestien, mais en effect rien moins que Chrestien: ou que pour mieux dire ils se pouvoient tenir seurs & certeins, que Dieu luy mesme entreprendroit la vengeance du mespris & contemnement de sa religion: & eux qui apres Dieu estoient ensemble avecques luy offensez & outragez, n'auroient autre affaire, que de soy laisser mener & conduire à celuy Dieu, qui par la main d'eux l'executeroit & mettroit à sin. Et si à l'encontre du Turc ils avoient obtenu en Afrique une si noble & honnorable victoire, plus noble & plus illustre seroit celle, qu'ils rapporteroient indubitablement de ceste entreprise: car supposé que le Turc soit insidele & contraire à nostre soy, il ne l'est certes que par erreur & ignorance, mais le François instruict & apris en la soy, ne peut sinon malignement, s'en estre aliené, s'alliant à l'encontre, & s'accompagnant honteusement à la

cause & entreprise des Infideles.

Er pensez vous (dit-il adoncques) compagnons, si n'estoit l'offense de la religion par suy repudiéc, le malheur de son enorme peché, qui l'exagite & conduict à perdition, que luy, qui tant de foisa esté vaincu par vous, & alors qu'il avoir Allemans & Suisses en son ayde & à son service, estant destitué maintenant & hors d'esperance de l'un & de l'autre secours, osast entreprendre de-venir, & se presenter en camp avecques gens nouveaux & levez à haste, au devant de vous autres vieux soldats, & qui pouvez nombrer autant de victoires sur luy, comme vous luy avez donné de batailles? Croyez moy certeinement qu'il ne le feroit jamais, si son peché ne le conduisoit à ceste evidente ruine. Et ce que vous avez veu que freschement il a osé entreprendre contre les païs de Savoye & de Piemont, encorcs qu'il les ait surpris à la despourveue, & sans qu'ils se donnassent de luy garde, si ne l'eust il jamais osé penser, s'il ne se fust fondé autant irreligieusement que temerairement en une folle esperance qu'il s'estoit persuadée, que ceste nostre victorieuse armée jamais ne retourneroit entiere d'Afrique: estimant (comme je cuide) que Dieu ne fust pour nous affister & donner ayde en celle guerre, laquelle bour luy & pour son nom avoit esté par nous entreprise & dreslée. Mais je suis paraventure (compagnons) trop super-Au & prolixe sans besoin à vous deduire ces remonstrantes & persuasions: car vous avez assez cogneu par experience qu'il en a en toute diligence incontinant la nouvelle

sceue de vostre retour, fait retirer son armée deça les monts d'aucuns en hors, qui pour l'estre amusez au pillage, n'ont peu à temps arriver & se joindre à la trouppe des autres. Et ne fault point que vous pensiez que ceux de Fossan ne de Turin sy soient jamais enfermez, sinon par necessité de se desfendre & couvrir des murailles, & non point en esperace de pouvoir aussi deffendre les murailles par la prouesse ou vertu qui soit en eux. Leur intention seulemet a esté de gaigner un peu de temps, en esperance pour la grande afrection que j'avoy de passer outre, & de n'avoir occasion de m'arrester longuement, à cause d'eux, je les receveroy à mercy en leur donnant la vie de grace, à vecques seur passage & saufconduit, pour eux retirer à sauyeté en leurs mai sons. Et qu'il soit vray, desja (compagnons) nous avons par vostre moyen & vertu contrainct ceux de Fossan de se rendre à nostre mercy, en vous quittant & delaissant leurs chevaux, harnois & bagage. Ceux de Turin nous avons ja mis en telle necessité de vivres, & de toutes autres choses, & inclinement depuis que nous avons prise la forteresse du pont de Rau, où estoit toute seur esperance du secours de vivres, que nous pouvons estre infailliblement asseurezde recouvrer la ville en peu de jours, & ceux là toutesfois estoiet & sont la fleur de l'essite de l'armée du Roy: de ceux ey doncques nouvellement levez, & gens seulement armez à demy, tirez par force de la charrue, qui n'ont encores aucu ne cognoissance de leurs capitaines, & de leurs capitaines font aussi peu cogneus: jugeriez vous qu'ils sojent (je ne dy pas pour combattre) mais pour oser seulement se mettre & presenter en bataille?

CROYBZ moy (compagnons) que tout ce qui gist entre les Alpes, depuis ceste mer jusques à l'Ocean, tout ce qui est contenu entre le Rhin & le mont Pyrenée, sera vostre par une seule bataille, ou pour mieux dire, par une seule monstre & contenance de bataille: & n'y aura autre chose que les chemins & non point le combat qui vous essoigne ne retarde ceste victoire. Cestuy est le loyer & la recompense que Dieu vous a reservez & preparez pour tant de peines & travaux q vous avez portez & soustenuz pour luy, & pour l'exaltation de son nom, & de sa gloire.

T E L L E fut sa propositió en somme, combié qu'il y adjousta encores assez d'autres indignitez à l'encotte du Roy, en sinvolvant & fourrat si avant en ambages & superfluité de paroles, que grande partie des assistans (ainsi que j'ay ouy dire à gens qui estoient presens) s'ennuyerent & facherent de la longueur & insolence de sa harengue. En y eut toutesfois aucuns (je ne sçay si pour servir à ses oreilles, sça chans qu'en sa felicité il ne vouloit ouir autre propos : ou que leur opinion fust telle, & qu'ils ne pélassent point qu'il luy peust arriver mutation de fortune) lesquels par une mi litaire acclamation commencerent à regretter seulement & se douloir à suy de ce qu'ils avoient à faire à tel ennemy qui n'oseroit les regarder en barbe: si que l'occasion leur desfailloit de pouvoir monstrer & faire cognoistre: combié par si longue exercitation & continuation aux armes, ils e-Roient devenus excellens & singuliers en l'experience & art militaire. Se voyas doncques privez de la tat desirée occasion, & puis qu'ils n'avoient plus besoiug de s'amuser à consulter ensemble, comment & par quel moyen ils pourroient avoir & obtenir victoire, commencerét dessors à con sulter, comment ils deviseroient & partiroient entre-eux le fruict & gros butin d'icelle: & ja en avoit qui demandoient les charges & les estats, & autres qui les places & biens des principaux de la cour de France. L'Empereur eslevé d'une certaine esperance & opinion des choses presentes, & se glo rifiant au bruit, reputation, & bonne fortune des passées, prenoit plaisir à les escouter, adjoustant foy à ce qu'il esperoit & ja recueilloit avant la main le fruict & contentement de la victoire qu'il tenoir sienne indubitable, & autant que si desja il l'eust obtenue. Huist jours entiers qu'il fist sejour audit lieu, attendant aucunes bandes, lesquelles n'estoient encores arrivées de Piemont, ne fut mention d'autres depefches que de dons & departemens d'estats, offices, capitaineries, gouvernemens, villes, chasteaux & autres biens des sub jects & serviteurs du Roy.

LE huictiesme jour comença le seigneur Dom Ferrand de Gonzague, (lequel ainsi que j'ay dir, avoit la charge de tous les chevaux legers du camp Imperial) à les acheminer & saire marcher avant, avec soy print le seigneur Dom Alfonce de sainct Severin, Prince de Salerne, avecques le nombre de quarante mille hommes de pied. Son chemin suttirant vers Grasse, par un pais montagneux & aspre parquoy il envoya devant bon nombre de gens, pour de-

couvrir sil y auroit quelques ambusches par les montagues. Sa contenance monstroit de vouloir passer plus avat en ça, si ces avantcoureurs n'eussent descouvert de loing une trouppe des nostres, qui cheminoient en ordonnance au long du costau, tendant au chemin que tenoit ledit Gonzague. Les dites gens des nostres pouvoient arriver au nombre de deux mille hommes au plus, mais j'estime que ledit Gonzague eur opinion qu'il en y eust d'autres embuschez deça la montagne, & que ceux cy se mostrassent seulement pour l'attirer à son desavatage aux destroicts & difficultez des passages: quoy que ce soit, il se retira dont il estoit party, saus dresser escarmouche ne combat. Par autre costé marcherent quelques gens de pied Espagnols devers Antibe, lesquels furent bien vivemet chargez de deux bades de legion naires du païs, mais la tenue ne fut pas come la charge, ains furent lesdirs legionnaires repoussez de l'arcbouserie Espagnolle, laissans leurs capitaines en gros danger, lesquels tou tesfois l'en retirerent treshonnestement, en combattant tous jours & soustenant l'ennemy, tant qu'ils se rendirent en lieu de seureté. Cecy estoit advenu le jour precedant que lesdits seigneurs Colonne & Bonneval arrivasset à Grasse, lesquels ayant trouvé (come j'ay dit) la ville n'estre tenable, delibererent que l'un iroit vers le Roy en faire raport, qui fut le seigneur Stephe Colonne, & ledit Bonneval executeroit sa charge de faire le guast: lequel feit emporter & amener hors tout ce que porter & amener se pouvoit, au demeurant met tre le feu, & rompre les murs de la ville par cinq ou six endroicts, chacune breche de trente ou quarante pas. Et ce pendant que ces choses s'executoient, il envoya vers Antibe trente chevaux, pout avoir nouvelles des ennemis: lesquels amenerent trois prisonniers qui raporterent comment la trouppe estoit fort creue depuis le soir precedant, & asseurerent la descente estre de cinq à six mille hommes. Parquoy ledit Bonneval voyant la chose requerir diligence, depescha le capitaine Miolans, avec les gens qu'il avoit de la compagnie du Comte de Tende, & deux mille hommes de pied, pour aller le chemin de France, rompre tous les fours & moulins, brusser les bleds & fourrages, desfoncer les vins de rous ceux qui n'avoient faict diligence de les retirer és places fortes, aussi gaster les puys, jettans des bleds dedans afin de corrompre les eaues. Luy s'en alla droict à Calien apartenant au sieur du Mas, qui commença le premier à rompre ses moulins & brusser ses granches & bleds: & à Calds en fist autant le seigneur du lieu. De là il vint à Draguignan avec sa trouppe, duquel lieu il envoya messire Gronguet, sire de Vassé, avec quarante ou cinquante hommes d'armes de la compagnie du sire de Montejan, dont il estoit Lieutenant, pour soustenir & renfotcer le capitaine Miolans. Et par le costé de la montagne devers Dine il envoya le capitaine Maure de Novate, guidon du seigneur Iean Paule de Cere, & avec luy mille hommes de pied au seignenr Chrestofle Guasco, venans alors du lieu où estoit le sire de Humieres: aufquels il ordonna faire le semblable tout au long de la montagne, Apres il print chemin droict à Carses, continuant de faire le guast, & audit Carses le sieur du lieu mist le feu luy-mesme en ses bleds qui estoient aux champs en moullons,& fist boire tous ses vins aux compagnons. Telle fut l'affection de tout le peuple gros & menu au bien & comodité de la chose publicque, qui tous oublierent le regret

du particulier dommage.

PENDANT le temps que se faisoit ladite execution, estoient arrivées les bandes que l'Empereur avoit attendues à venir de Piemot : lesquelles arrivées, il se delibera de faire tousjours marcher son armée jusques en Avignon: chose qu'il jugeoit estre autaut facile & sans resistence, come ville & comode à la facilité de son entreprise: & de là faisoit bié son copre, de pouvoir à son choix & appetit dresser la teste ou par dela, ou par deça le Rhosne, ainsi que l'un ou l'autre luy viendroiet plus à propos. De ceste deliberatio fut adver ty le Roy, & ja des le commencement avoit bien preveu & pensé avant la main, que son ennemy s'il passoit en Provéce,ne pouvoit predre pour soy autre meilleur advis, ne qui luy fust de plus grande comodité, tat pour avoir les vivres à son commandement, que pour donner travail au pais, autat deça que delà la riviere: laquelle en ce faisant il eust eue en sa puissance, au moyé du pont qui est dessus, joignat aux portes & clostures de la villei & pource estoit tous jours son intention & dessein d'y obvier en toutes manieres, & de se saisir de ladite ville, premier que l'ennemy s'en peust saisir. A ceste cause & pour autant que ses forces n'estoient unies encores, avecques lesquelles il peust raisonnablement & à son honneurse presenter en personne au devant de sondit

ennemy, il avoit choisy le sire de Montmorency, alors Grand-maistre & Mareschal, & maintenant Connestable de France, comme celuy en la vertu duquel prudence, conseil, & diligence, entre tous autres ayans le maniement & disposition de ses affaires, il avoit plus de foy & d'esperance: lequel il avoit ordonné son Lieutenant general, autant deça que delà les monts, avecques tresample & pleine puissance & authorité de pouvoir ordonner & faire en son absence, en general & particulier, autant que lux en presence eust peu ordonner, commander & faire. Mais pour autant qu'il vouloit encores plus au long avecques luy consulter & deliberer des affaires de telle & si grande importance, il y envoya ce pendant pour gaigner tousjours le devant messire Robert Stuart seigneur d'Aubigny aussi Mareschal de France, avec huict mille Suisses, qui ja & nouvellement estoient arrivez devers luy ensemble quatre cens hommes d'armes complets, mais de diverses compagnies: ainsi que les uns estoient plus voisins & prochains, y estoient les premiers arrivez, ce-pendant que les autres venoient aussi jour nellement pour sy trouver au jour qui àce leur estoit presix & ordonné. Avecques ceste trouppe s'en vint ledit seigneur d'Aubigny loger en Ayignon, & arrendant la venue du sire de Montmorency, ne deffailloit de cueur, ne de conseil à commander & pourveoir en diligence à toutes choses qui en telle presse d'affaires se peuvent & doivent pourvoir & commander. De ce travail & maniement d'affaires il se trou voir grandement soulagé par la presence de messieurs Guil laume Poyet, alors second Presidant en la cour de Parlement de Paris, & conseiller du Roy en son conseil estroict, & depuis Chancelier de France: Gilbert Bayard aussi Conseiller & Secretaire des sinances dudit seigneur : Robert de la Martonnie, & Gilles de la Pommeraye maistres d'hostel ordinaires: & Charles de Pierrevive, l'un des quarre Tresoriers generaux de France, envoyez devant audit lieu d'Avignon, pour y faire amener de toutes les provinces de France, qui plus seroient à main toutes sortes de vivres & de fourrages, rant pour le nombre qui ja y estoir, que pour celuy que lon esperoit y arriver apres: en laquelle charge ils l'acquitterent si grandement & songneusement, que de toutes choses y eut en nostre camp jusques en abondance, & non qu'à suffisance.

LE Roy ce pendant consultoit de toutes ses affaires arecques le sire de Montmorency, & des moyens qui leur sembloyent estre requis à tenir, pour mieux les conduire & gouverner, & pour en avoir issue plus heureuse & à moindre hazard: car ils scavoient tous deux de quel poix estoient les choses à present, & de quelle consequence à l'advenir. Le sire de Montmorency considerant en son esprit & apart soy, combien de la charge qu'il avoit, il luy pouvoit en la bié conduisant advenir d'honeur & de gloire, & cobien au contraire d'une malheureuse issue luy adviendroit de hote & reproche, avoit ordinairement en imagination & comme devat ses yeux la grade obstination & opiniastreté de l'ennemy, accompagnée de puissance excedant & surpassant celle de tous les autres ennemis que jamais eur le Royaume de France, le grand nombre de gés & de belliqueuses nations qu'il auroit à combattre, la prochaineté d'eux, telle que desjails se pouvoiet dire presens l'opinion & reputation de leur prouesse & vertu, le long temps qu'ils avoient vescu ensemble suivant les armes, leur accoustumance de vaincre, non que de guerroyer, & non foubs estranger, mais foubs leur Prince naturel & droicturier. Tout au contraire il se voioit avoir plus de nom que de force d'armée, & ce qu'il avoit de gens avec ce qu'il en esperoit encores, estre mercenaires en grande partie, en autre partie gens incogneuz les uns aux autres & lesquels il luy adviendroit par advanture besoing & necessité de mettre aux champs, avant que les capitaines sussent bien stilez à commander, & les compagnos à executer leuts commandemens: & si de male adventure il advenoit qu'ils fussent battus, il ne voioit point que les ennemis vainqueurs trouvassent lieu de resistence, ne les vaincuz de seureté, jusques à ce qu'ils arrivassét à Lio. Or estat telle aujourd'huy la condition des temps, que lon estime les entreprises selon l'issue, & non selo la coduitte, il cognoissoit evidément (advint ce qu'advenit en pourroit) qu'ô luy mettroit en compte & consideration plus la fortune que le coseil. Au Roy venoient en ses discours toutes les mesmes imaginations, & autres semblables, lesquelles mettant en avant & proposant à sondit Lieutenant general, & luy ordonnant ce qu'en chacun evenemet il auroit à faire; eux deux ensemble sur toutes choses pesoient l'esperance.

la craincte, la raison, & l'aventure, & en mesurant & contrepesant les unes avecques les autres, de leur victoire ne leur resultoit aucune esperance de priver l'ennemy, ne de l'Empire, ne des Espagnes, ne de quelconques autres de tous les Royaumes qu'il tient. De la victoire sienne non seulement en advenoit la ruine de l'armée qu'ils dressoient, mais le danger & trouble de tout le Royaume:comment que soit le passage du Rhosne, la seigneurie de la mer de levant, avecques asseurance de n'avoir jamais faulte de vivres, & le moyen de travailler le Royaume par quelque endroiet qu'il luy eust pleu, estoit le moindre fruict que l'ennemy pouvoit esperer de sa victoire.

Maistre.

L'ESPERANCE doncques & la craincte n'estoient Paroles du equipolentes l'une de l'autre : & bien qu'entre icelles y eust Roy à monses diverse raison, toutes deux gisoient en incertaineté, & plus gneur le grad dependoient de la fortune & adventure, que de conseil & jugement, de maniere que tant plus ils discouroient diligemmet, tant moins ils trouvoient de certain advis & moyen d'y proceder. Pour resolution apres avoir long temps debatu & l'une & l'autre partie, le Roy, se tournant au sire de Montmorency, luy usa detel ou semblable lagage: Vous avez (dit-il) assez faict preuve aux guerres passées de vostre hardiesse & asseurance aux hazards: & me suis jusques icy trouvé loyaument & vaillamment servy de vous, de jugement & advis, & bon conseil, qualitez propres & peculierement requises à qui bié veult faire son devoir, en charge de chef & capitaine general d'une entreprise: & que par icelles autant que par force les Royaumes & Empires se defsédent & maintiennent en leur estat : aussi peu ay-je eu occasion de rien en desirer en vous, mais de ces dernieres parties est la saison d'user maintenant plus que de courage ne de hardiesse: mais tant y a que raportant de ceste guerre la reputation telle que j'espere, & m'asseure que vous en raporterez, c'est celle qui accomplira jusques à consommation & comble d'honneur, toute la gloire & toute la louange que vous avez acquise és autres. Je vueil à ceste cause que vous entrepreniez la charge que je vous donne en ceste esperance, & en vous asseurant que je ne vous laisseray avoir faute retardement, ne sejour de chose dont vous puissiez avoir besoing ou necessité en vostre camp. Quant au moyen de vous y conduire, vous sçavez combien vault fortune en toutes choses, & au faict de la guerre plus qu'en nul autre: & que bien souvent d'un cas de petit moment peult reiiscir un grand changement & commutation des choses. Vous serez en faict & sur le lieu, pour tout juger & cognoistre à l'œil: je ne doute point que vous ne sçachiez bien prendre bon advis, & bon conseil, selon l'occasion & opportunité du temps & des affaires, & mesmement par les propres desseings & entreprises de l'ennemy.

GRANDE asseurance donnerent ces propos au sire de Montmorency, lequel sur iceux prenant congé du Roy, Arrivée de arriva le quatriesme jour apres en Avignon, auquel lieu a- monseigneur yant le tout communiqué avecques le sire d'Aubigny, il fist le grad Maivenir à soy tous les Capitaines & de cheval & de pied, & a- fre, Lieutevecques eux aucuns viels gens-d'armes qui par la longue nant general experience du mestier, y avoyent acquis reputation & au- du Roy, en thorité, Assemblez qu'ils furent, il leur proposa & mist en a- Avignon. vant le faict ainsi qu'il estoit, les forces de l'ennemy, celles Proposition que de present avoit le Roy, & celles que encores il atten- au conseil de doit, tant de ses pais subjects, comme de Suisse & d'Alle- ce qui estoit magne : la difficulté de vivres où se devoit trouver l'enne- à faire. my, l'aboudance que nous en pouvons avoir : quel fruict, quelle commodité, quel avantage nous pouvions attendre au cas que nous feussions victorieux : quelle perte, danger, & incommodité au cas contraire, & que nous feussions vaincus. De quelle part nous devoit venir crainte, de quelle part esperance, combien nous devions tascher d'ebvier & remedier à l'une, combien d'accepter, accroistre, & mettre à execution l'autre: & mesmement en ce temps icy, auquel (fi oncques mais) il estoit requis, & devions tous nous employer de corps & de bies, à faire quelque digne chef d'œuvre, pour l'asseurance, tuition, & deffense de la patrie: & pour en repousser & mettre hors nostre ennemy, qui par trop grande consiance de sa fortune, & de ses forces, & par outrageux & superbe contemnement & mespris des nostres, devoroit desja en son esperance cestuy nostre opulent & glorieux Royaume. Sur ce lenr fist autres plusieurs, mais briefs discours, & bien succeinctemet troussez, en demandant l'avis à un chacun, à sçavoir lequel estoit meilleur, ou de machet plus avant en païs, ou d'attendre sur le mesme lieu, tant que le supplement & renfort de gens ordonné par le Roy y fust entierement arrivé,

aussi quelle voye & moyen leur sembloit estre plus à propos pour bien conduire ceste guerre, & pour heureusement la mener à chef.

Sur cest endroit, il voulut bien leur remonstrer & faire entendre; que le Roy sil eust voulu eust bien sceu de luy mesmes prescrire & ordoner toute la raison, ordre, & moyen qu'il eust volu estre tenus au faict de ceste guerre: & quant à luy venant du lieu dont il venoit, instruict de celuy auquel principalement touchoit, & qui autant que nul autre avoit le jugement accompagné d'experience au maniement de tels affaires, qu'il n'estoit point ne trop perplex, ne travaillé d'opinion en ce qu'il auroit à faire: mais que tous deux avoient bien voulu tant déferer à la prudence; experience, & foy d'entre eux, que de leur en faire demander leur advis sur le faict, & la chose encores estant en sonentier: parquoy il attendoit d'eux tous, & de chacun la franche, libre, & liberale opinion. Telle fut sa proposition au conseil, & nonobstant qu'il avoit ja prise avecques le Roy ferme & resolue deliberation de ne point venir au combat,& de ne jouer le gros jeu, sinon qu'extreme necessité l'y contraignist, ou qu'une seure ou certaine opportunité sy offrist, d'autant qu'ils sçavoient & cognoissoient tresbien, que beaucoup plus est le devoir d'un chef & general d'armée, qui a de combatre pour & en son naturel & propre pais de meurement & sagement, que hardiment & soudainement s'exposer & mettre au hazard. Si avoit-il approprié ses parolles, & composé sa contenance de telle forte & maniere, qu'o cust plustost jugé, que son advis fust incliné à l'opinion contraire. Et ce faisoit il à propos & à son escient, par ce qu'il cognoissoit la chose estre desja venue en coustume, que grade partie des capitaines & autres qui sont appellez au conseil tendent au jourd'huy à la faveur, & opinent communement selon qu'ils pensent & cojecturent, que le chef & principal capitaine le trouvera bon: & telle qu'ils estiment estre son opinion, telle la donuent ils, & appliquent tous leurs esprits à la confermer. & fortifier de raisons, en façon qu'elle puisse estre trouvée la meilleure. Et à ceste cause avoit il cherché de donner aux assistans occasion de penser que son opinion fust autre qu'en effect elle n'estoit. Et par ce moyen il faisoit son compte, qu'en voyant impugner & confuter l'opinion qui

DE MESS. GUILLAUME DU BELLAY. 270

reritablement estoit la sienne, par gens qui penseroient faire tout le rebours, il auroit plus grande liberté de coutrepeser les raisons & causes mouvantes de l'une & de l'au-

tre opinion:

Les advis du commengement furent plusieurs & bien divers, mais peu apres se resolurent tous en deux, les uns estoient d'opinion que lon marchast plus outre, & qu'on logeast le camp plus pres de l'ennemy, pour le combattre és angusties & destroicts des passages, en lieu où il ne luy fust possible de s'estendre, & de mettre en bataille toutes ses forces, plustost que d'attendre à ce faire, quand il auroit pris pied en lieu plus ample & spacieux, & auguel il eust ledit moyen & commodité de l'estendre, & de s'ayder de toutes ses forces. Les autres estoient d'avis cotraire, & leur sembloit plus à propos de sur-attédre au lieu où ils estoyét pour donner au renfort & supplement qu'on attédoit, espace & temps de pouvoir arriver & se joindre avec eux. Ceux qui estoient de cest advis, estoient meuz & fondez sur les raisons ja devant dessussites, sçavoir est sur la prochaineté du grand & bien aguerry nombre de gens estans au cap Imperial, & sur le gros appareil qu'ils conduisoient avecques eux aussi l'asseurance & courage que leur donnoit la fresche victoire qu'ils avoyent obtenue en Affrique, avecques la longue cognoissance & habitude des uns aux autres pour la longue hantise qu'ils avoient eile ensemble, suivans tousjours les armes à mesme soulde, & sous leur mesme naturel & droicturier seigneur. Là où les nostres au contraire estoient en grande partie les uns mercenaires estrangers, & les autres levez nouvellement & à la haste, qui n'avoient encores cognoissance ne mutuelle affection les uns envers les autres, & qui en effect ne pouvoient encores estre tels, que l'on sy deust tant asseurer que de les conduire si avant, qu'on vint à la necessité du combat, & en lieu paraventure desavantageux. Et pour ceste cause il leur sembloit que pour le plus seur (en attendant que leursdites gens qui tous estoient differends de langue, de meurs, & de religion, s'accoustumeroient & accoincteroient un peu ensemble, & apprendroient à se renger, & retirer chacun en son ordre, & soubs son enseigne, pour apres estre plus duicts à faire service) il valoit mieux se fermer & fortisier audit lieu où ils estoient,

auquel ils avoiet singuliere commodité de vivres, & grand moyen en attendant le renfort & secours des gens qui leur venoient: & d'y temporiser & dissimuler, & de quelquefois esprouver contre l'ennemy par seures & legeres entreprises quelle seroit la hardiesse de noz gens à entreprédre, & quelle la vertu à executer. Sur-ce concluans en somme, que le temps & consequence des choses considerées, il failoit pour nous de delayer & prolonger la guerre, & en amu fant & ennuyant l'ennemy luy refroidir & amortir ceste impetueuse ardeur, en laquelle pour lors il sembloit estre, & que par tels moyens souvent estoit advenu, que par confeil, provision, ordre, & dissimulation se sont bien grandes choses conduittes à bonne & heureuse fin : lesquelles si elles eussent esté precipitées, fussent reiscies au contraire, & au grand & pernicieux dommage des Republiques.

Raisons de ceux qui disoient qu'on devoit aller

Au contraire alleguoient ceux qui tenoien l'autre opinion (& parmy eux en avoit qui n'estoient point sans experience) que le plustost marcher en avant & approcher de l'ennemy estoit beaucoup le plus expediant & le meilleur. Car il pouvoit encores avoir environ de cent au devant de & octante mille jusques au lieu où il estoit : & que de luy laisser gaigner autant de païs ouvert & sans resistence, ce le combattre. n'estoit autre chose que luy bailler le chemin & l'ouverture de recouvrer vivres & fourrages à foison: & que luy donant cognoissance de la craincte que nous ayons de sa force, estoit comme tacite confession, que nous n'osions approcher de luy. Chose qui estoit pour luy accroistre tousjours le cueur, ainsi que la peur & craincte aux nostres: & qu'à ceux qui encores estoient suspens & en grand bransle de se joindre à l'un ou à l'autre party, en attendant quelque commutation & changement de fortune, nous donnions occasion (d'autant qu'ils n'autoient cognoissance de la verité du faict, ne des causes nous mouvantes à dissimulatio) de l'atacher au bruit commun qui l'en espadroit tousjours au plus grand avatage de celuy que lon cognoistroit estre crainc? & redoubté: chose qui les confermeroit en l'opinion desja conceile de l'heur & felicité de l'Empereur (à laquelle ils attribuoient toutes choses) jusques à les faire joindre à luy, ou (quoy que ce soir) se divertir & aliener de l'esperance & faveur du Roy. Là où (disoient ils) si nous approchons

DE MESS. GUILLAUME DU BELLAY. 27

prochons de l'ennemy, & avant qu'il ait fermé le pied en Provence, nous arresterons sa fureur, & romperons ceste premiere sienne impression, és destroicts & angustics des Alpes: il ne peult estre (encores que nous ne tinssions ne Frejus, ne Toulon) que pour le moins nous n'ayons bien loisir de fortisser la ville d'Aix, capitale de ceste Province; ou bien de la couvrir de nostre camp (ainsi qu'il a desja esté advisé) avant que l'Empereur y puisse jainais arriver, & en la deffendant luy empescherons le passage, & luy osterons le moyen de venir outre en avant. Et ne fault ja que ceux ausquels plaisent tant les dissimulations, craignet aucunemét, qu'en ce faisant nous puissions tomber en necesfiré du combat, ne de jouer le gros jeu, si bon ne nous semble:ains au contraire, nous pourrons journellement faisans des ambuscades par les destours, & circuits, d'entre les cropes & vallées des Alpes, leur donner tant d'alarmes, ennuis; & dommages, que on s'osfriroit d'oser & d'entreprendre quelque chose d'avantage comme certainement elle s'y offrira. Et veult la raison de la guerre, & la necessité de noz affaires le requiert, que nous osions & entreprenions en telle assiette, ce que d'icy, & de pleine campagne nous ne devons oser ne faire. Car l'Empereur a en effect une armée autant ou plus puissante & de nombre, & de vaillance de gens de guerre, que nulle autre armée qui ait esté dressée de nostre temps: mais bien est vray qu'ils sont encores espars & non unis, embarrassez & travaillez du voyage, sans experience ne cognoissance des passages & destroics des Alpes: là où si nous leur donnons le temps sans aucun empeschement, de gaigner païs jusques en sa pleine, ils se reduiront en un camp, où ils se logeront au large & à commodité, se referont du travail, reprendront force & courage, & apprendront les chemins par bien sen enquerir, & par experience. Et si bien nous attendons renfort de gens, & de France, & de Suisse, & d'Allemagne, si est-ce que l'Em pereur a de ce faire encores plus grande commodité que nous. Ioinct que toute la force que nous avos au Piemont, ne peult estre telle, qu'elle puisse aucunement empescher, qu'avant le bout du mois celle que l'Empereur y a laissée pour y poursuivre le surplus & reste de sa pleine victoire, ne puisse icy arriver, & se joindre aux forces que desja il a ensemble par deça,& faudra lors qu'aux deux qui sont tous

experimentez & vieils foldats, nous envoyons & leur prefentions en barbe noz gens nouveaux, & levez en la haste

pour les combattre.

D'avantage l'ennemy attend de jour à autre la venue du seigneur André d'Orie, lequel venu nous donnera nouvel alarme de là le Rhosne, au païs de Languedoc, auquel il peult descendre & meitre ses gens en terre à son plaisir. Et au cas qu'il n'y descendist assez puissant pour y pouvoir faire un gros effort, il aura les Espagnes à son doz, dont tous les jours il luy pourra venir renfort & de gens & de chevaux. Lesquelles choses estans une fois conduites à l'intention de l'ennemy (ainsi que facilement il les y pourra conduire par nostre temporisement & dilation) nous ne voyos point qu'il puisse choisit ne souhaitter, ne qui luy puisse advenir chose plus à son propos & avantage, que si (nous ayat ainsi enfermez entre deux armées, ayant d'un costé le Languedoc & les Espagnes ouvertes & à son commandement, de l'autre Italie & Sicile, & de toutes pars commodité de faire venir par mer & vivres & autres choses necessaires à supporter une longue guerre) nous voulons continuer au melme temporisement & dilation: D'autant que desdites Espagnes, Italie, Sicile, Germanie, & de ce qu'il tient en la Belgique, il recouvrera tousjours deniers à suffisance, qui sont le nerf & la principale force requise à faire la guerre. Et au contraire il n'est possible que nostre Royaume(paravant travaillé des guerres passées, & maintenant de nouvel le guerre au païs de Picardie, outre celle que nous auos icy en Provence) puisse suffire à fournir argent au Roy, pour entretenir en une longue guerre si grand nombre de gens qu'il en aura, mais qu'il ait adjoufté à ce qu'il en a le supplé ment & renfort qui luy est requis & necessaire. Or est que tout ainsi que sans soldats la guerre ne se peult faire, eux ne se peuvent aucunement nourrir ne retenir ensemble, sans grande somme & abondance de deniers, desquels fil nous advient une fois d'avoir faulte à nostre besoing, que nous auront lors valu noz dilations? Si au moyen d'icelles argent nous fault (dont à present nous avons paravanture telle quelle suffisance, mais par emprunt faict des personnes privécs) que nous aura valu d'avoir faict ce grand amas de gés, si sans les employer ils se separent par faulte de payement? Au demourant il faict beaucoup à considerer, que nostre

DE MESS. GUILLAUME DU BELLAY. 272

armée consiste presque toute de François, Suisses, & Allemans, qui sont nations plus patientes naturellement de hazard & de travail, que de sejour & dilation si promptement vous les mettez en œuvre, elles osent; elles entreprennent, elles executent plus que sorce & nature humaine ne portes si vous les retirez de ceste premiere chaleur, ils s'appesantissent, ils languissent, & s'anneantissent du tout: & ne fault ja que nous soyons en peine d'en alleguer des vieils exemples,

& du temps passé. N'AGUERES & de fresche memoire, si de l'ardeur & courage que nous marchions droict à Verceil on nous eust laissé cotinuer & passer outre, il n'y a point de doubre, que nous n'eussions emporté la ville, & maintenant porterions les armes victorieuses en pais d'ennemy, non pas serions (comme nous sommes) contraincts à soustenir la guerre en France, & combattre pour la dessense de la patrie, noz foiers, & de noz Eglifes. A ceste cause & afin que vous (monseigneur) qui estes nostre chef & Lieutenant general du Roy, ne soyez point en doubte, que vous ne soyez accompagné de gens qui soient pour executer le hault & entreprenant vouloir qui est en vous, nous sommes d'advis que vous devez marcher, & faire teste en lieu dont vous puissiez entendre de pres toutes les allées, venues, & entreprises de l'ennemy: afin que si paraventure il venoit à faire quelque faulte, ou (conime n'agueres vous avez pareillement discouru)il luy advenoit par une trop grande confidence de ses forces, ou par un trop grand mespris des nostres, de se tenir peu sur ses gardes, ou de mal asseurer & fortifier son camp, ainsi qu'il adviét souvent à qui trop peu estime son ennemy, vous soyez prest à recueillir ceste occasion à poince nommé, & vser du benefice de fortune, avant qu'il coule & vous eschappe des mains. C'est chose seure que plusieurs fois en osant, en entreprenant, en mettant la main à l'œuvre, choses grandes & de poix ont esté executées, lesquelles aux nonchallans & negligens avoiet semble n'estre faisables ny esperables. Encores osons nous dire d'avantage, que la difficulté qui leur est apparen te, que vous ayez en si peu de temps assemblé une armée suffisante pour aller de vous mesme assaillir vostre ennemy, vous rendra l'entreprise d'autant plus facile, quand vous oserez & entreprendrez chose, qu'il ne se puis-

persuader, que vous eussiez osé entreprendre ne penser. Ceste fut la remonstrance de ceste partie: & ja la pluspart de la compagnie se laissoit conduire à ceste opinion, pensans entre autres choses avoir donné un advis aggreable & satisfaisant à l'affectio, & desir de leur chef & capitaine general: duquel ils avoient ceste persuasion que tant pour sa naturelle inclination à faire tousjours & entreprendre choses grandes & honnorables, & utiles à son Prince, & à son Royaume, come pour la fresche mensoire du dernier voyage de Piemont (duquel on avoit donné quelque blasine au chef & Lieutenant general du Roy, de ce qu'il n'avoit plus pertinacement suivy sa fortune) il n'auroit chose en plus grande ne plus singuliere recommandation, que d'accepter la première occasion & opportunité qui se offriroit, de faire nouvelle preuve de sa vertu, & d'augmenter & accroistre l'honneur & gloire, ja paravant acquis au faict des armes.

Conclusion de monsieur le Grandmaistre.

Er en effect ledit seigneur (ainsi que j'ay dit cy devant) afin de sçavoir mieux discerner les opinions libres d'avecques celles des assentateurs & blandisseurs, avoit (comme souvent est advenu de faire à plusieurs grands & vertueux capitaines) donné aux assistans de grandes couleurs & occations de penser qu'il inclinast à ceste opinion: & à son escient avoit laissé couler des paroles, comme si elles luy fussent eschappées sans y penser, par lesquelles ils avoient eu occasion de juger qu'il fust entierement d'opinion contraire qu'il n'estoit. Doncques apres qu'il eut bien songneusement consideré non seulemet les propos, mais aussi la contenance, regard, & visage d'un chacun, monstrant par apparence & de propos deliberé de penser dessus ce qu'ils avoient d'une part & d'autre mis en avant, pour à chacun d'eux donner ce contentement, que nonobstant qu'ils cussent diverses opinions, chacun luy semblast toutesfois estre meu par bonne apparente, & bien fondée raifon. Il commença lors à conclurre, louant Dieu premieremet comme de chose qui plus ne luy cust sceu venir à souhait de ce qu'estans partis en deux diverses deliberations, l'une ne l'autre partie toutes fois n'avoit faulte de courage& bonne volonié:ains que les uns plustost qu'en avoir faulte, sembloient en avoir plus que de besoing, & que plus avoient mestier les uns d'estre un peu retenuz, que les au-

tres d'estre par exhortation esguillonnez & incitez. Ie voy (dit-il) evidemment, que le but des uns & des autres, c'est de vaincre l'ennemy comment que ce soit, & qu'a ceste guerre chacun veult employer ce qu'il peult & vault au bien & à la deffense de son Prince, & de la chose publique, tous ensemble tendez & accordez à ceste mesme sin, mais non pas à mesme raison & moyen d'y parvenir. Aux uns il semble mieux à propos de l'arrester icy, & d'attendre l'ennemy en nostre fort, aux autres semble meilleur de marcher outre, & de nous aller campaier plus avant en pais. De ce dernier avis je parleray premierement. Ceux qui sont en ceste opinion (à ce que j'ay recueilly de leur propos) craignent deux choses, & non sans cause: l'une que nous fermanticy, & laissant tout le pais ouvert & au commandement de l'ennemy, depuis ce lieu jusques à l'endroit où il elt maintenant, nous mesmes luy bailsions plus grande & plus facile commodité de grains, de fourrages, & de tous vivres pour hommes & pour chevaux, qu'il ne l'autoit és destroits & difficultez du passage des Alpes. La seconde cho se qu'ils me semblent craindre, c'est que l'Empereur interpretant nostre dilation & temporisement pour confession de nostre peur & craincte, & deffiance de nostre force, en fist courir le bruit encores plus grand & plus à son avantage, que ne seront les choses en effect: & par ce moyen il destournast de l'amitié du Roy, ceux qui encores sont en bran sle & en suspens entre l'un & l'autre party, estonnant ceux qui sont du nostre, asseurant & confermant ceux qui tiennent le sien.

O R afin que nous ostions l'occasion du premier doubte, je ne seroy jamais d'advis de nous arrester & fermer en ce lieu, sinon que premierement on face (comme il a esté ordonné) de toute la campagne, & de toutes les villes, & bourgades, champestres, & non tenables, par où l'ennemy aura de passer, diligemment retirer és villes & places fortes, tout ce qu'il se peult ou porter ou chasser avant, ou y conduire en quelconque sorte. En ce faisant vous trouverez que tant plus nous attirerons l'ennemy en ça, c'est à dire, que tant plus nous l'essongnerons de la mer, tant plus aura-il de faulte & difficulté de vivres, & tant plus luy en sera le port cousteux & malaisé. Quant au second point, je ne doute pas que l'ennemy ne s'ayde en ce qu'il pourra

N iij

de cest artifice. Si est-ce qu'il n'en peult advenir chose qui tant nous soit à craindre, comme il seroit de marcher & campaier si avant que nous apportassions (ainsi qu'il est advenu souvent) opportunité à l'ennemy de nous assaillir à son avantage, & à nous force & necessité de combatre à son choix, & non au nostre, & de mettre au hazard & à discretion de fortune le salut de la patrie, qui en grande partie consiste & depend de l'evenement & issue de ceste guerre. Tant y a que toute guerre qui advient entre les humains, pour quelque cause & occasion que ce soit, faut qu'elle soit ou necessaire, ou voluntaire consequemment il fault diverse raison & consideration à entreprendre l'une, & à soustenir l'autre. Cartout ainsi qu'à celuy qui l'entreprent hors de son païs(il touche & appartient d'avoir avant qu'etreprendre) son armée avecques tout son equipage en ordre, & de premiere arrivée, assaillant son ennemy, estendre au long & au large la reputation & craincte de ses forces: ainsi. (mais au contraire)touche & appartient à nous, qui la soustenons en nostre païs, user de longueurs & dissimulations, & en frustrant l'intention & impetuosité de l'enemy, laisser avecques le temps refroidir son ardeur, & aneantir sa puissance. Car en ce faisant, & à un besoing luy monstrant aucunesfois d'avoir craincte & peur de luy plus grade que nous ne l'avons en effect; ou nous luy engendrerons une tellé confiance de sa forcé, & si temeraire contemnement de la nostre, que nous le pourrions attirer à nous venir affaillir en nostre fort, & à nous combattre en lieu qui luy soit desavantageux, ou bien luy pourrions tant donner d'ennuy, & rant le faire amuser & consommer que nous luy ferions rabaisser son hault courage, diminuer son esperace, & à la fin rompre & deffaire son armée d'elle mesme.

Respose aux raisons de ceux qui vou loient com-

ET quant à ce que vous mettez en avant, que l'Empereur a une des plus belles & puissantes armées, de nombre de gens, & d'experience de guerre, qu'il est possible de souhaitter, mais jusques à ores esparse & separée, embarassée parmy les motaignes, travaillée du long chemin, assez mal equippée de vivres: jusques icy endroict suis-je bien de vostre advis & opinion: mais en ce que vous dittes que leur donnant du temps ils se rassembleront, qu'ils se viendront loger plus commodement & au large, qu'ils se referont du travail, qu'ils reprendront force & courage; je

tien au contraire, que si nous faisons bien & diligemment nostre devoir à leur empescher & rompre les vivres & les tourrages, le temps leur doublera toutes leurs incommoditez qu'ils ont maintenant. Et quant ores il sembleroit bon à l'Empereur (ainsi que vous monstrez en avoir doute) de faire venir joindre & unir à ses forces presentes, celles qu'il 2 laissées, au pais de Piemont: & qu'il n'auroit (ce qu'il a) occafion de craindre qu'on luy fist venir au dos & par derriere une autre nouvelle puissance de par delà: je dy toutesfois que quand plus il amassera icy de gens ensemble, tant plustost si contre son esperance nous voulons mener ceste guerre à la longue) viendra son camp à la faim, & à faute & necessité de vivres. Ie vueil qu'il en trouve pour quelques jours en ceste Provence, & que nous n'y puissions si soudainement faire le guast ainsi qu'il appartient : si est-ce qu'apres avoir colume le peu qu'il en trouvera, il ne fault point qu'il fonde son esperance en ce qu'il luy en pourra venir des païs qu'il a laissez derriere son doz: car vous sçavez que tout ce qui en l'Automne passé fut mis en grenier, & tout ce qui s'en est recueilly ceste année, a esté entierement consumé, pillé & mis à perdition, tant par ses gens de guerre, que par les nostres, qui ont trouvé le païs ouvert & abandonné: & si quelque peu s'en est sauvé, croyez que de ce ne peut estre, ne pour durer long temps, ne pour une si grosse armée. Et quand autrement en seroit (ce que non) si ne luy sera il jamais possible de tant recouvrer de bestes qu'il luy en faudroit à l'apporter & conduire de si loing. Mais pour à tant retourner aux gens de guerre qu'il a laissez audict Piemont, je puis bien vous asseurer certainement, que vous ne devez craindre, ne luy esperer aucun renfort de ce costé là:car à ce que j'en ay entendu jusques icy, nos gens n'y sont point encores si estroittement assiegez, qu'ils ne facent bien souvent des saillies contre l'ennemy, & que la plus part du temps ils ne se retirent victorieux,& chargez de butin.

ET d'avantage nous n'attendons que l'heure que les seigneurs Comte Guy de Rangon, & Caguin de Gonzague se viendront joindre à nos dictes gens, avecques nouvelle armée non moins puissante de nombre, d'experience, & de courage, que l'Empereur y tient à present. Car il ne sault (messieurs) que vous pensiez que l'Empereur ait encores aujourd'huy les mesmes gens de guerre qui luy ont tant

N iii

gaingné de victoires: ce sont ceux dont il a le moins: les uns sont morts és guerres de Lombardie, autres és guerres de Naples, autres en celles de Hongrie, plusieurs aussi par les chaleurs & intemperie de l'Automne en Afrique, plusieurs sont periz en la mer, plusieurs se sont rețirez en leurs maisons, avecques le gaing & butin qu'ils avoient faicts à la guerre. Les bandes qu'il a maintenant, croyez qu'elles sont remplies & refaicles de gens nouvellement levez, & qui n'ont gueres plus que les nostres experimenté les dangers, affaires, & difficultez de la guerre. Et quant à ce que yous alleguez du seigneur André d'Orie, je ne voy point que l'Empereur puisse asseoir en luy aucune certeine esperance en chose de tel moment & importance qu'est ceste guerre: car vous sçavez combien sont incertains, & mal asseurez les desseings qui sont fondez au fait de la mer, & n'a. point Audré d'Oric commandement sur elle parquoy aucun puisse promettre qu'il arrive au jour nommé: & s'il advient qu'il n'y arrive à temps, je puis vous asseurer que l'Em percur & tout son camp en peu de jours seront & à la faim, & à faute d'argent. Or vueil je à present poser le cas que André d'Orie ait le vent & navigage à souhaict, qu'il vienne à jour & poinct nommé, si ne me direz vous point que ses galleres soient si grandes, ne qu'elles puissent plus porter, de gens que les nostres, tant que pour ce vous devez craindre qu'il puisse descharger en Languedoc outre le Rhosne si grosse puissance & nombre de gens, qu'il soit pour seulement combattre les garnisons que j'ay mises au païs. Aussi peu ou moins devez vous craindre que les Espagnes soyent h fertiles & si productives de gens, qu'elles ayent moyen, quand il seroit en Languedoc, de luy envoyer le supplément & renfort de gens qui luy seroit necessaire, degarnissant ce pendant leur pais, qui a mestier d'estre tenu en seureté, pour obvier aux en treprises que pourroient faire ceux du Royaume de Grenade nouvellement conquis, & qui moult envis & à grand regret ont abaissé le col sous le joug. Quel secours doncques pensez vous (le tout bien consideré) que puille apporter à l'Empereur ceste tant desirée venue d'Andre d'Orie? sinon de vivtes & du payement de son armée pour quelques mois, ou paraventure seulement pour quelques jours? Et quoy qu'il apporte, si ne sera ce chose dont on ne trouve le bout. Et alois je ne sçay, & aussi peu

DE MESS. GUILLAUME DU BELLAY. 275

le pourriez vous comprendre que moy, où c'est qu'il en recouvrera d'autre, pour satisfaire à tant d'armées qu'en un mesme temps il entretient en si loingtains & divers lieux: car nous pouvons bien entendre, qu'il fault n'ecessairement que ses sinances soient am sindries outre les fraiz des guerres passées, par la despense qu'il luy a convenu faire en ce dernier voyage d'Afrique: encores que nous voulussions penser qu'en ses isses nouvellement trouvées, & pour lesquelles il se plaist & baigne tant en gloire, il y eust des sour ces & sontaines d'or non tarissables.

Er quant à ce que vous alleguez de la nature & condition des nations dont nostre armée consiste, je vous dy, & vous le sçavez, que sa principale force (s'il veult venir au combat à la main) gist aussi bien que la nostre en gens de langue Tudesque, Parquoy estans nez & nourriz en mesme terre, & soubs un mesme ciel & climat, je ne penseray point qu'ils en ayent apporté diverse complexion que celle des nostres, ne qu'ils soiet mieux pour endurer ne faim, ne soif, ne froid, ne chauld, ne que sans argent on les puisse mieux tenir en obeissance, ne qu'ils soient moins pour s'ennuyer & aneantir à la longue, ne pour moins rabatre & diminuer de ceste naturelle promptitude & hautesse de cœur. Encores oseray-je dire d'avantage (& sera pour venir tomber à propos de l'autre opinion mise en avant) que tous ces dangers & inconveniens que nous craignons, nostre ennemy a beaucoup plus cause de les craindre que nous n'avons : car en usant nous autres à propos, & ainsi qu'il appartient de ruses & dissimulations en ceste guerre, il descherra beaucoup non seulement de leur ardeur & impetuosité, mais aussi de leur equippage & appareil de guerre: & y en aura plusieurs, quand ils la verront tirer à la longue notamment plus qu'ils n'esperoient, qui auront souvenance & regret de leurs maisons. Et quand ils verront tous les chemins assiegez de noz gens, en sorre qu'ils ne puissent aller loing au fourrage, ou sans extreme danger d'y recevoir honte & perte, ou sans y mener si grosse trouppe qu'elle soit suffisante à consumer ce qu'ils trouveront, ce leur sera force & contrainte de se saouler, & appaiser leur faim de sigues, raisins & autres fruicts qu'ils trouveront au tour du camp. Et de ce vous leurs verres bien tost advenir qu'ayat à souffrir ensem ble outre la mutation du ciel & de la terre qu'ils trouvent

icy contraires à leur naturel, & outre les chaleurs de l'Automne, & l'air mal·sain en ce païs à qui n'y est accoustumé? de ceste autre soudaine mutation de viandes, dont ils se rem pliront sans en tirer grande substance, ils tomberont en ma ladies, & successivement en pestilence. Nous au contraire, si nous sejournons & nous fermons icy, aurons par le sejour abondance & superfluiré, non que provision & suffisance de toutes les choses dont le mesme sejour leur donnera faure: car tous les jours nous adjousterons quelque chose à la fortification de nostre camp, nous viendra comme une nou velle armée & de ceste cy riens ne diminuera : partant les forces & consequemment le cœur nous croistront.

ET pour commencer à l'un des poincts, nous avons icy facilité de nous fortifier autant qu'il est possible, & si avons du temps assez pour ce faire : là où si nous marchons en avant, autant de jours que nous marchons & autant de jours que l'ennemy aura moins à cheminer pour nous venir trou ver en campagne, nous deffaudront & se diminueront du temps, qui en nous fermant icy nous ferviroit à nous y fortifier. Pour le second, je voy que tant plus nous irons en avant, tant plus nous sera la conduicte des vivres malaisée, & de coustange: & au contraire en nous arrestant au long de ceste grosse riviere du Rhosne, nous aurons tousjours & les vivres du païs, & ceux aussi des loingtaines parties & contrées de France. De sorte que je puis conclure, que non seulement il y a plus de dager en trop nous avançant, que d'ennuy & d'inconvenient à temporiser: mais qui plus est, que nostre victoire consiste plustost à nous gouverner meurement, que hardiment ne vaillamment: car nous avons à no stre doz (chose qui bien faict à peser) tout le pais seur, & à nostre bandon, & un Roy qui a tresbien sceu, & encores scaura pourveoir, qu'il ne nous advienne d'ailleurs occasion de crainte inopinée. Il me souvient que vous avez faict quel que doute, à cause de la guerre que d'autre part nous avons en Picardie, mais vous pouvez asseurement oster ceste fantasse hors de vostre teste: car quand ainsi seroit, que l'ennemy courust & gastast le plat païs, que fera-il contre tant de villes & places fortes qui sont en icellé frontiere? & qui sont remparées de closture, & fortifiées de gens & munitions, pour y attendre quelconques ennemis? Et quand ores il plairoit au Roy d'y hazarder une bataille, vous avez les

gens du païs si aguerris & si affectionnez au Prince, les Allemagnes voisines, que je vous asseure estre de bonne volonté vers le Roy, & le chemin si ouvert à y faire descendre & Allemans & Suisses, que je ne voy point de cause pour la quelle (fil sembloit bon au Roy) il ne le peust & deust faire: & mesmement ayant tant de places fortes, qu'une bataille gaignée ne peut conquerir le païs à l'ennemy. Mais il vault mieux puis que l'on peult avoir victoire sans coup ferir, & en temporisant & delayant, le desfaire de luy-mesme, puis que nous avons (quant tout est dict) le moyen de delayer tant qu'il nous plaira, sans que nous en tombions (ce que vous me semblez craindre) en aucune necessité ne faulte de payemét. Cat il fault, messieurs, que vous sçachiez que la commune de France n'a point envoyé moins offrir au Roy pour employer en ceste guerre & à la deffense du Royaume, que tout le pouvoir & le bien d'un chacun en

general & en particulier.

MAIS que direz vous en cest endroiet, si je vous mettoy en avant, que le Roy jusques icy n'a point encores mis la main à sa particuliere espargne, qu'il a specialement reservée, & reserve pour un dernier & extreme besoing? Ce que je vous en dy toutesfois, ce n'est pas pourtant que je blasme vostre jugement ne consideration des choses alleguées, ne que je condamne vostre opinion, ainçois seroy-je du mesme advis, si je pensoy que d'une bataille il ne nous peust advenir autre inconvenient que d'une desconfiture. Mais quand je considere qu'à la conduitte de ceste guerre il fault avoir esgard à tout le Royaume, duquel en la force & vertu de ceste armée, & en l'issue de ceste entreprise, gist le salut comun en grande partie, je pense alors que de toutes nos consultations & deliberations, le principal poinct gist à bien estimer & peser le comencement, l'ordre, l'issue, le danger, & le prouffir. Sur-ce voyant que du commencement & de l'ordre depend l'issue & de l'issue le danger & le proussit : trouvant apres que le proussit ne contrepoise point au danger, d'autant que ceste armée rompue, il n'est rien que l'ennemy n'ose, & n'est rien que nous devions oser entreprendre, & que nous rapportans la victoire, l'ennemy ne pert rien du sien, à nous ne vient aucun accroissement. Ie concluen effect, qu'en une guerre de telle consequence il ne fault rien mettre à la discretion de fortune,

ne fonder son esperance sur les faultes que pourroit saire l'énemy: ains que le meilleur commencement, le meilleur ordre, la meilleure esperance de victoire, que nous puisfions avoir ne tenir, c'est de pourvoir, & faire que nous ne soyons point vaincuz. Ie sçay tresbien que fortune autresfois a donné tel heur, & telle & si bonne issue de choses quasi nou premeditées, que l'hôme n'en cust osé tant souhairter, si on l'eust mis en liberté de choisir luy-mesme ce qu'il voudroit avoir: mais d'autre part il est aussi advenu plus d'unefois, que pour n'avoir faict jugement & distinction du temps de l'occasion, de l'esperance, du danger de l'issue, tel est descheu de son attente, qui estoit non seulement esgal, ains superieur de force à son ennemy. Pour faire fin, je ne voy celle de vos deux opinions, qui ne soit fortifiée de bonnes & apparentes raisons, mais l'une gist au hazard, & peult y survenir quelque danger, l'autre me semble seure & certeine en tout evenement. Il est bien vray que pour les mesmes raisons que vous avez sceu tresbié deduire, je desireroy fort si c'estoit chose possible, que nous n'abandonnassions la ville d'Aix:mais il me souvient qu'au temps de la descente de Bourbon, il fut jugé qu'elle ne se pouvoit fortifier ne rendre dessensable, sinon par grande longueur de temps: & qu'à ceste cause elle fut abandonnée par advis de plusieurs bons & sages capitaines & bien experimentez, & cognoissans des assettes advenues du païs. Pour toutesfois ne rien conclure legerement, au prejudice d'une notable ville, & capitale de tout le pais, je suis d'advis que demain de bon matin nous montios à cheval avecques une moyene trouppe de ges choisis, & que sur le lieu nous en deliberions & jugions à l'œil: & là s'il nous semble qu'elle se puisse assez à temps fortifier, nous mettrons proptement & sans y perdre temps force manouviers à l'œuvre. Si au cotraire il nous semble qu'il ne se doive faire, no? la feros vuider, abattre les portaux, & tout ce qui serviroit (en l'y laislant) à l'ennemy: & là luy abandonnerons ouverte, vuide & inutile.

Provisions données par monseigneur le Grandmaistre en Provence.

A ceste conclusion s'accorderent unanimement tous les capitaines & autres appellez au conseil. Au lendemain le site de Montmorency partant dés la poincte du jour, ainsi qu'il avoit esté deliberé, s'en vint à Aix, & passant outre visita l'assiette du camp; dont il a esté parlé, laquelle pout

les raisons ja devant dittes, il trouva estre fort mal à propos Puis vint recognoistre la ville tout à l'entour : laquelle en somme il trouva que des deux costez elle se pouvoit facilement fortifier des autres deux malaisemet à cause de certeines collines qui regardoient de pres au dedans de la ville & pouvoient servir de cavalier à l'ennemy, pour y planter son artillerie, & de là faire sa batteric. Parquoy la plus grande partie des assistans qui furent appellez à en deliberer sur le lieu, & à veile d'œil, furent d'advis de l'abandonner, par-ce qu'ils jugerent la fortification d'icelle requerir l'œuvre & besongne de plusieurs mois non que de jours. Aucus y en eut toutes fois qui non seulement furent d'advis qu'elle se deust & peust fortifier mais volontairement s'offrirent à la tenir & dessendre. Le plus apparent entre ceux de ceste opinion, fut le sire de Montejean, homme hardy & entreprenant, lequel fist grande instance & poursuitte, qu'on luy en voulust donner la charge. Le sire de Montmorency louant son cueur & bonne volonté, encores qu'il fust bien d'advis, qu'il esperoit plus que luy n'autre ne pourroit facilement executer, luy accorda toutesfois qu'il y demeuralt, & considerast plus à loisir & plus diligemment la charge qu'il offroit à entreprendre pesant bien & meurement ce qu'il devroit oser, & ce qu'il oseroit esperer, ce pendant que luy feroit un voyage à Marseille, & que luy son rapport ouy, ordonneroit & conclueroit au retour ce qu'il voudroit qui en fust faict.

CELA arresté, il print le chémin de Marseille & arrivé qu'il y sut, visita la ville, & par dedans & par dehors: considera & loua les fortifications que le sire de Barbezieux y avoit faictes, & la diligence dont y avoit esté usé; y mist encores gens de renfort, sçavoir est, les compagnies de gens-d'armes, qui n'agueres estoient retournées de Fossan: & les bandes Italiennes du seigneur Chrestosse Guasco. A tous les chess & capitaines ordonna quelles charges chacu entreprendroit en son endroit, les asseurant de par le Roy, que ledit seigneur auroit en temps & lieu bonne souvenance du bon service qu'ils luy faisoient: & luy sofstrant à eux, d'estre à ceste sin leur mediateur & intercesseur envers sa majesté. Ayat pourveu au faict de la ville, il alla visiter l'armée de mer. & entédat en quel equipage elle estoit de toutes choses à ce requises, sist faire reveue des compagnons

de guerre, & gens de camp qui estoient sus, & prendre garde aux forçais l'ils estoiet bien entretenuz, & le nobre complet ainsi qu'il apartiét. En toute ladite armée il fist electio de treze galleres, les mieux en ordre & mieux fournies de gens, de vivres, harnois, artillerie, munitions, & autre equipage. Entre les capitaines d'icelles il ordonna celuy duquel ils auroiet à obeir, qui fut le Baro de S. Blancart; & ce qu'au demeurant ils avoient à faire, & quand, & à quelle occasion & oportunité. Aux autres il commanda de se tenir au poit pour la seureté d'iceluy, & pour la tuition & desfence de la ville. En ladire ville de Marseille demeurerent à son partement ledit sieur de Barbezieux Lieutenant du Roy, avecques sa compagnie de cinquante hommes d'armes: les seigneurs de Montpesat, de Villebon, de la Roche-du-Maine, avecques leurs compagnies chacune de cinquante homes d'armes, le sieur de Boutieres avecques celle de monseigneur le Duc d'Orleans aussi de cinquante hommes d'armes dont il estoit Lieutenant, & le sieur de la Rocque avecques celle du grand escuyer, laquelle estoit de cent: messire Antoine de Rochechouard, sieur de Chandenier, avecques mille hommes de pied de la legion de Languedoc, de laquelle il estoit chef & capitaine general, & avecques lesdits mille hommes avoit la porte en garde : messire lacques d'Amboise sieur d'Aulbijou, & le sieur de Foutrailles, & le Baron d'Ecuisson, & ledit Chrestofle Guasco, avecques autant, & les capitaines Vvartiz Navarrois, & S. Petre Corse, avecques chacun six cens.

Le sire de Montmorency en pourvoyant à ce que dessus & à toutes autres choses qui luy semblerent estre necessaires ou utiles au faict present, & à la garde de ladite ville, avoit toutes sois son entendement occupé aussi bien aux choses qui luy estoient de plus loing, & luy vint en deliberation de faire fortisser la ville d'Arles: & apres avoir en son esprit discouru la comodité, & incomodité en voulut bien comuniquer avec les capitaines qu'il avoit en sa copagnie. Tous surent d'advis & opinion d'y faire (puis que le temps le portoit) un voyage avant qu'en prendre certeine resolution. Et partans de Marseille en ceste deliberation, pasferent premierement à Aix, où ils avoient laissé le sire de Montejea, qui avoit saict abattre quelques Eglises & autres edisces hors la ville, qui empeschoient que lon ne peust si

veritablement juger quel dommage pouvoient faire les collines qui regardoient dedans: & en partie pouvoiet servir de retraitte, & de cavalier aux ennemis. Là fut mis de rechefen deliberation, si on devroit tenir, ou abandonnet la ville. Au sire de Montejean n'estoit point encores abbaissé le cueur, & le desir qu'il avoit d'accroistre son honneur & gloire au faict des armes. Si se mist encores en avat & offrit de la tenir & garder en sorte que tant quil sust en vie, jamais l'ennemy n'y mettroit le pied, moyennant qu'il eust autres cent hommes d'armes, outre les cent dont il avoit la charge: & ges de pied jusques à six mille, avecques l'artillerie & l'equippage y appartenant: & n'oublia rien à mettre en avant de l'avantage que lon pouvoit a voir de tenir laditte ville, sinon jusques à l'extremité, à tout le moins pour quelque long temps, y amusant l'ennemy tant qu'il trouvast l'hyver sur les bras. Mais le sire de Montmorency cognoissant la difficulté fort approchante d'impossibilité, de la sçavoir bien fortifier: & quoy qu'il en fust, que ce n'estoit, ouvrage de peu de jours : aussi que le temps pressoit, & que les pionniers n'estoiét en main en si grand nombre qu'il en faudroit pour cest affaire: conclut & ordonna qu'elle seroit abandonnée. Car il pensoit en soy-mesme, que tout ainsi que l'Empereur à la premiere ville qu'il assaudroit sans en venir au dessus & à son intention amattiroit & affoibliroit le cueur de ses gens, & apporteroit un grand prejudice & desperation à l'attente & issue de son entreprise: nous en pareil cas rabbatrions beaucoup de noz desleings & esperances, diminuerions du cueur & de la vertu de noz gens, & à noz ennemis l'accroistrions d'autant si nous entreprenions de garder, & nonobstant perdions une ville premiere & capitale de la Provence. A ceste cause il luy sembloit bien que desaccoustumant les ennemis de vaincre, & les François d'estre vaincuz, il donneroit assez bon commencement, & auroit suffisantes arres pour la future & desirée victoire. Et pource commanda il expressement que lon deslogeast, & transportast hors de la ville toutes choses, qui restans en icelle pourroient y foulager & secourir l'ennemy, & qu'au surplus on rasast les portaux, & tout le peu de desfences qui poutroient y estre.

L B capitaine Bonneval en cotinuant de faire le deguast

(ainsi qu'il a esté dict cy dessus) estoit ce pendant venu lo ger à Brignolles, pour y trouver ou attendre les dessudits Myolans & Vassé, & autres capitaines, ausquels il avoit assigné de s'y retirer incontinant leurs commissions executées, afin d'adviler tous ensemble ce qu'ils auroient à ordoner & faire de là en avant. Et audit lieu trouva le Comte de Tende grand Seneschal & Lieutenant du Roy en Provence & avecques luy messire Claude Gouffier sieur de Boysy, chevalier de l'ordre, & premier gentilhomme de la Chambre du Roy: lesquels luy apportoient lettres du sire de Montmorency Lieutenant du Roy, contenás en substance qu'il envoyoit les dessudits, pour avecques luy entendre au service dudit seigneur, & qu'ils donnassent ordre(s'il estoit possible) de surprendre quelques avant-coureurs de l'ennemy, pour entendre de sa conduitte & desseing, & quel chemin il devroit tenir: mais que tous en ce faisant s'employassent à continuer le deguast encommencé, d'autant plus diligemment, que l'Empereur aussi diligentoit sa descente. Car à la verité il estoit desja alors arrivé au plain de Cannes, & par espies avoient lesdits capitaines advertissement, que le lendemain devoit marchet en ça le seigneur Dom Ferrand de Gonzague, menant l'avant-garde avecques dixhuict cens chevaux, & fix mille Lansquenets. Estans ensemble les dessudits au conseil, eurent nouvelles que les habitans de Luc, petite ville sur le chemin de Frejus faisoiet resistence à eux qui vouloient y faire le gualt: parquoy ils y envoyerent cinq cens hommes de pied de renfort, & fut le guait executé. Le sire de Vassé lequel venant de Frejus, & passant audit Luc, avoit entédu que ladite avant garde devoit faire ce chemin, & que le Maistre de camp alloit aucunefois trois ou quatre lieues devant toute l'armée Imperiale, f'offrit & demada qu'il luy fust permis d'aller au devant, & le prendre s'il le trouvoit à son avantage: pour avoir langue des ennemis, suivant le mandement dudit seigneur Lieutenant general du Roy. Mais la compagnie ne voulut y consentir, pour craincte d'inconvenient, & pour cause du commandement expres qu'ils avoient du Roy & dudit seigneur Lieutenant general, de se garder sur tout qu'ils ne donnassent curée à l'ennemy: car ils avoient sceu, & mesmement ledit Bonneval par seures espies qu'il tenoit au camp de l'Empereur, & qui tousjours

tousjours luy avoient rapporté verité, que l'ennemy ordinairement quand il envoyoit quelque petite trouppe aux
champs, envoyoit par autre chemin autre plus grosse force,
pour soustenir les premieres. Et le mesme jour en avoit ledit Bonneval faict preuve: car avant deliberé d'envoyer gés
pour rompre le logis d'octante chevaux qui s'estoient venuz loger à un moulin environ deux lieues au deça de Frejus, il eut nouvel advertissemet d'espie sur espie, que la nuict
s'estoient venuz embuscher au dessus de six cens chevaux à
l'entour dudit moulin. Et à ceste cause sur le lendemain ar
resté que le jour mesme on iroit loger à S. Maximin, pour
n'attendre de partir en alarme, au danger de quelque desordre, & dessors, sur sonné bouttez-selle, & le bagage acheminé devant, ce pendant que le guast se parachevroit audit

Brignolles.

L E seigneur de Vassé apres avoir failly à son congé d'aller veoir la contenance de l'ennemy, s'en estoit allé en diligence devers le sire de Montejean son capitaine estant lors avecques le sire de Montmorency, auquel il avoit conté d'un bout à autre, tout ce qu'il avoit veu ou entendu depuis son partement d'avecques luy. Ledit sire de Montejean qui ne se pouvoit assez contenter de ce qu'il ne s'offroit quelque opportunité de faire en ce comencement de guerre quelque recomandable service à son maistre, & à la chose publicque, s'addressa in continant au sire de Montmorency,& tref-instamment luy requist, que durant le voyage qu'il feroit en Arle, son plaisir fust de luy permettre qu'il se tetirast au lieu où estoit sa compagnie, à ce qu'il se mist en son debvoir de faire quelque service, trouvant opportunité & occasion avantageuse: & luy compta la façó de marcher e tenoit le Maistre de camp Imperial, quand il venoit recognoistre la place & assiette de ses logis, & jamais ne desista de sa requeste & instance, jusques à ce que ledit seigneur luy consentist, combien qu'envis & à regret l'admonestant toutesfois qu'il se gardast d'estre surpris en voulant surprédre, & retenu en son entreprise, usant plustost de sens & rule que hardiesse: sur toutes choses qu'il ne marchast point si avant, que le mesme jour il ne se peust retirer, sans trop lasser ses chevaux, en lieu où il fust à seureré, de peur de mettre chose quélconque en hazard; dont à l'entrée de ceste guerre il advint quelque malheur, qui apportast à l'opinio

des hommes mauvais augur & prejudice de l'issue. Bié-tost apres craignant ledit seigneur Lieutenant (ce que depuis advint)que ledit sire de Montejean, lequel il cognoissoit adventureux, & plus accoustumé aux hazards, qu'aux dissimulations, ne retint bien l'advertissement qu'il luy avoit donné, luy depescha un chevaucheur d'escurie avecques let tres de contremandement, & coulourant sa mutation d'advis, sur ce qu'il luy escrivoit avoir en main une entreprinse, laquelle executant (ce qui estoit facile) le dit site de Montejean pouvoit beaucoup plus acquerir d'honneur & faire au Roy plus notable service, qu'en executant sa premiere deliberation. Mais la fortune voulut que le chevaucheur print autre chemin, & acconsuivit le sire de Montejcan plus tard qu'il n'eust esté besoing: car ledit de Montejean incontinat qu'il eut obtenu son congé, estoit sans perdre temps monté à cheval,& rencontrant sur chemin le bagage qui marchoit vers S. Maximin (ainfi qu'il a esté dit cy dessus) l'avoit faict tourner en arriere, dont il estoit party, tant que ledit bagage fut rencontré par ledit de Bonneval, qui parachevoit le deguast à l'entour de Brignolles, lequel ne souffrit retourner ledit bagage, ains le fist remarcher en avant, & suivre le che min qui avoit esté ordonné par le conseil.

L E sire de Montejean en ces entrefaictes estoit desja entré à Brignolles, & descendu au logis des dessussits Côte de Tende, & de Boisy, ausquels il avoit declaré son intention d'aller veoir de pres la cotenance de l'ennemy, & d'essayer à surprédre ce Maistre de camp. Or avoit il trouvé ledit sieur de Boily no moins covoiteux que luy, de faire chose de me moire, & d'accroistre son bruit & reputatio, parquoy facilement il luy accorda d'estre son compagnon en ceste entraprise. Furet toutesfois d'avis d'en comuniquer de rechefie vec ledit de Bonneval, par-ce qu'il estoit le plus ancien, 🕸 d'essayer à luy faire trouver l'entreprise bone. Si le firent ap peller, & entré qu'il fut en la châbre du Comte de Tende avec eux, remiret en deliberation, à sçavoir ce que seroit bon de faire, pour le bien & service des presens affaires du Roy, disant le sire de Montejea, qu'il estoit là envoyé par le Lieu tenat general dudit seigneur. pour estre avec eux, comme ilestoit bien raisonnable, puis que sa compagnie y estoit, & qu'il avoit congé de doner quelque charge à l'énemy, la où

il luy viendroit en main occasion & opportunité de ce faire, comme en effect il luy sembloit bien qu'alors elle s'y offroit, pour les raisons desja par cy devant deduittes. Le capi taine Bonneval ce nonobstant persistoit en la deliberation arrestée par le conseil: alleguant que sadite entreprise ores qu'elle fust bien executée, ne depédoit point tant d'avantage aux affaires du Roy, comme de desavantage d'une curée donée (si mal en advenoir) aux ennemis, & que c'estoit l'une des principales cossiderations qui leur fussent enchargées & recomandées, tant par le Roy, que par sondit Lieutenant general:parquoy son opinion estoit de l'ensuivie. A quoy repliqua le sire de Motejean, que cerrainemet il estoit raison d'ésuivre l'intétio du Roy & de son Lieutenat general, mais qu'ils n'avoiet point comandé, que si sur chemin il se trouvoit quelque chose de bon, on le laissast. Au capitainé Boneval (encores qu'é son courage il ne blamast point ceste proprirude & gaillardise de cueur audit sire de Montejean, ne la voloté qu'il avoit de rassembler encores aux ennemis, contre lesquels'il avoit freschemet faict bonne preuve en la guerre de Piemot) sembla toutesfois que ceste replicque luy touchast un peu, & ne peur se contenir de luy respodre que desja avoir il veu & faict veoir la contenance de l'énemy, & que s'il eust veu quelque chose de bon pour son honeur & pour le service du Roy, il eust bien sceu le choisir & prendre sans y attédre ne luy, n'autre: mais que pour coclusion, attédues les nouvelles qu'il avoit dudit ennemy, l'intention du Maistre, & l'estat & cosequece de ses affaires, il persistoit en cest advis, de se retirer à S. Maximin, ainsi & pour les cau ses qu'il avoir esté advisé au conseil. Et si bien ledit sire de Motejean estoit resolu d'executer son entreprise (ce que par son advis il ne feroit) si n'estoit il raisonnable, que la trouppe qu'ils avoiet là pour le Roy (laquelle ne pouvoit estre en tour plus que de ij. c. r. hommes d'armes, & de iij, mille homes de pied) y demeurast pour luy faire escorte, au hazard de luy arriver sur les bras toute l'avatgarde de l'Empereur, & au dager d'y perdre prou, sous esperance de gaigner peu.

A 1 N s 1 fut conclu de desloger, & sur chemin continuer le deguast. Les bades du païs marcherent les premières, & sur la queue le capitaine Claude Guasco, pour achever de gaster ce que les autres auroiét espargné, par ce qu'il auroit moins de respect à ce faire, q n'eussent eu les gens du païs, ausquels

il faisoit mal de gaster les bleds, & les maisons de leurs parens & voisins. Passant à Tourbes, en viron mi-chemin de Brignolles & de S. Maximin, le sire de Montejean y descendit, par-ce qu'il y avoit xx. hommes d'armes des siens logez, & avec luy descendit aussi ledit de Boneval pour pré dre son vin. Là sut encores parlé de ceste entreprise, & declara le sire de Montejan que pour ce jour il ne palleroit outre, car au lédemain il estoit deliberé d'aller doner quelque alarme aux ennemis: priant ledit de Bonneval qu'il luy prestast quelques gés des siens, pource que desja ils avoient cognoissance du pais, ce que finablemet il luy accorda, voy ant qu'il ne pouvoit destourner de son opinion, & luy laissa un homme d'armes, & douze archers des siens, le recommandant à Dieu, qui luy donnast grace de bien faire, & ce faict, il acconsuivit la trouppe marchant à S. Maximin. Au lendemain de grand matin le sieur de Bois y vint tout armé avec vingteing hommes d'armes des siens fort bien en ordre trouver les seigneurs Comte de Tende, & de Bonneval, pour prédre congé d'eux, & s'en aller à Tourbes, ainsi qu'il avoit promis au sire de Montejean. Moult se travailla ledit de Bonneval, non seulement à divertir le sieur de Boisy de ceste entreprise, mais à luy persuader aussi qu'il en destournast les autres: luy remonstrant que si leur advenoit inconvenient, le bruit nous en seroit de tant plus desavantageux, que tous deux estoiet chevaliers de l'ordre, & l'un premier gentilhomme de sa chabre & des plus privez de la personne du Roy, l'autre aussi de la châbre, capitaine de cet hommes d'armes, & general de tous les gens de pied François? Mais le sieur de Boisy pour-ce que desja il avoit promis sa foy au sire de Môtejean d'estre son copagnon en ladite entreprise, ne voulut faillir d'aller à Tourbes. Bie dist que s'il estoit encores à la promettre, il ne la promettroit, & qu'il s'employeroit arrivé qu'il seroit vers luy à l'en destourner autant qu'il luy seroit possible, & à tant print congé d'iceux & dressa son chemin à Tourbes.

A S.Maximin demeureret les dessussites Comte de Tende & Bonneval, lesquels envoyeret le capitaine Claude du costé de Marseille, pour executer le deguast. Du costé de la montagne seirent marcher la trouppe de gens de cheval & de pied, du seigneur Jean Paule de Cere, laquelle ils seirent venir de Bargeaux, où elle avoit au-paravant esté en-

voyée, & la fist on venir tousjours à main droicte sur le che min dudit Bargeaux à Aix, laissant Marseille à gauche. Au lendemain ils euret nouvelles de la prinse des sires de Mon tejean & de Boisy, de laquelle nous parleros par cy apres. Et sur ceste nouvelle ils depescherent vingt chevaux pour aller jusques à Tourbes entendre la verité de cest affaire. Ceux rencontrerent & amenerent un homme d'arme du sieur de Boisi, nommé le Bourguignon, qui asseura d'avoir esté à la deffaitte, & les avoir veu prendre & ramener à Brignolles. La nuict estoit arrivé messire Iean sire de la Iaille, l'un des Lieutenas du sire de Motejan, lequel desiroit fort qu'on allast droict audit lieu de Brignolles, essayer à recouvrer les prisonniers: mais les dessusdits Comte de Téde & Bonneval adviserent qu'ils n'avoient que cinq enseignes ou guidons, & assez mal accompagnez, & que de gens de pied ils n'avoient qu'environ de trois mille hommes au plus: qui n'estoit suffisante trouppe pour aller forcer dixhuict cens chevaux, & fix mille Lanfquenets. Parquoy ils prindrent le chemin de Treiz, & y arrivant trouverent que la compagnie du seigneur Iean Paule estoit à Porrieres pres de là, où elle avoit desja repeu. A ceste cause ils ordonnerent vingt chevaux pour aller vers S. Maximin, entendre des nouvelles, si les ennemis marchoient en avant,& le surplus de la compagnie à faire le guet, ce pendant qu'eux repaistroient audit lieu de Treiz. Et là vint devers eux Claude de Laval, sieur de Bois-Dauphin, qui leur apporta lettres de creance du sire de Montmorency Lieutenant general du Roy, pour entendre ce qu'ils avoient exploicté au faict de leur charge, par lequel ils luy donnerent advis de ce qui estoit, advenu à Brignolles.

A PRES avoir repeu, ils abadonnerent la ville à sac, par ce que les habitans pour quelque commandement qui leur eust esté faict, n'avoient voulune transporter les vivres, ne faire le guast: & de la se retirerent à Aix, auquel lieu dés le soir mesme arriverent selon l'advertissement de ce faire qu'eux en avoient donné, tous ceux qui avoient esté envoyez parmy les païs executer le deguast. Audit Aix sut rouvé grande quantité de vivres: car outre la provision des habitans plusieurs des autres villes qui avoient trans-

porté les leurs ainsi qu'il leur avoit esté commandé, les y avoient amenez sur l'asseurance qu'ils prindrent que l'adité ville seroit tenue, alors qu'ils virent commencer à la fortifier. Et à ceste cause autant les habitans, qui eussent peu sans ceste esperance sauver seurs biens, que les estrangers qui auparavant les euflent peu conduire ailleurs, de tant plus en vis & mal patiemment portoient ce dommage, de les mettre lors à perdition. Et si la force n'y fust arrivée, à bien grande peine en cussent esté obeis le sieur de Bonnes & autres qui pour ce faire avoient esté ordonnez. Chacun toutesfois sau va ce qui possible luy fut en telle presse, & le surplus fut brussé ou jetté par les rues, les vins desfonsez és caves, & les moulins definolis, les pierres de meule & moulages rompues & brisées, les fers des moulins emportez, & tous ceux que l'on peut trouver au pais qui s'entendoient à faire mou lins, envoyez en nostre camp soubs couleur qu'ils y seroient employez, mais à la verité de peur que l'ennemy s'aydalt d'eux à refaire lesdits moulins. L'à eussiez veu un spectacle piteux & lamentable, pour la soudaineté d'un tél abandonnement de païs, deslogement, & desolation de ville. Si estce toutesfois (encores que le deguast en fust grand) que la ville n'en demeura si entierement desgarnie de vivres comme elle fust demeurée si les choses eussent esté faictes à loisir & à temps, avant que les dessudits iuconveniens fussent arrrivez. Là vindrent nouvelles aux dessus nommez, Comte & capitaines, comment les ennemis estoient desja venuz à saince Maximin, qui fut occasion qu'ils deslogerent d'Aix, & vindrent loger à Salon de Craux, où estoit la compagnie de monseigneur le Mareschal d'Aubigny, laquelle y avoit esté dés le commencement, pour là & aux environs faire le deguaft: mais le Lieutenant dudit seigneur qui avoit la charge de la compagnie, & de ce faire, avoit plus mis de peine à vuider les bourses de deniers que les greniers de bled, ne les granges de fourragés.

S u R-ce poinct je retourne au sire de Montmorency, lequel party de Marseille (ainsi que j'ay dit cy devant) pour aller visiter la ville d'Arles, eut sur chemin nouvelles, tant par espies, que par rapport de prisonniers qui luy surent envoyez, que nonobstant qu'il se devisast en plusieuts sortes du chemin que devoit tenir l'Empereur, toutes sois la plura-

DE MESS. GUILLAUME DU BELLAY. 282

lité de voix estoit, qu'il avoit intention de marcher droict à Marseille, pour l'atsieger autant par terre que par mer, & d'essayer à parvenir de deux choses à l'une: ou de l'emporter d'assault par un soudain & grand effort, ou d'attirer le Roy à y venir donner secours, & le contraindre par ce moyen de venir à la bataille. Et au cas qu'il ne parvint à l'une ou à l'au tre de ces deux intentions, qu'il jetroit ses desseings sur la ville d'Arles. Et que pour executer sa deliberation, il n'atten doit plus que la venue du seigneur André d'Orie, pour cau se qu'il avoit sur son armée de mer bonne partie de l'artillerie, munitions, & autres appareils requis à batterie, mines, & assaux des villes. Tout ce que dessus encores qu'il vint par advertissement & rapport des ennemis, sur lequel fonder une conclusion en chose de grande & notable importance, semble aucunement avoir espece de legereté, estoit toutesfois si vray semblable, & si approchant du devoir & raison de la guerre, que ledit sire de Montinorency sut bien d'advis d'avoir elgard autant à ladite raison & devoir, comme à la qualité des personnes, dont procedoit l'advertissement: & pour-autant il conclut & delibera de haster son entreprise de la fortification d'Arles: y arrivant il recogneut diligemment la ville, en compagnie des capitaines qu'il avoit menez. A tous universellement sembla estre chose requise & necessaire, mais difficile, & comme hors d'esperance, de la pouvoir si promptement fortifier. Luy toutesfois voyant le grand besoing qu'il estoit de ce faire, & le gros ennuy que nous pourroit faire une ville en telle assiette, si elle tomboit és mains de l'ennemy, fut conseillé d'y faire besongner & vaincre par solicitation diligente toutes les difficultez qui l'y pourroient offrir. Si fist incontinant commander par tout le païs à l'environ des pionniers & manouvriers, designa les endroicts & forme des rempars, six commencer de mettre la main à l'œuvre, ordonna gens pour conduire & avoir l'œil dessus l'ouvrage, & pour haster & faire diligenter les ouvriers: pourveut de chefs & capitaines en la place, donna ordre à y faire venir des vivres, artillerie, & munitions. Ce faict il depescha commission au sieur de Chadenier son lieutenant au gouvernemet de Lan guedoc, pour tenir gens prests à lever au païs, à la premiere nouvelle certaine qui lny viédroit, que l'ennemy monstrast d'y vouloir faire entreprise: chose qui par les esfects sut

O iiij

tost apres cogneue avoir esté bien & à propos deliberée. Partant de là il vint passer à Tarascon & Beaucaire, villes assises des deux costez du Rhosne: & pour ne laisser aucun endroit despourveu, auquel par humaine prevoyance y eust moven de pourveoir, il delibera de les faire remparer & for tifier, mais il remit à en conclure jusques apres son retour en Avignon, par-ce que desja il en estoit pres: aussi que sur chemin il avoit eu nouvelles de la dessusdite desfaicte des sire de Montejan & de Boisy, & comment ils estoient prisonniers és mains de l'ennemy: parquoy il se hastoit pour obvier à tous inconveniens d'arriver audit lieu d'Avignon, n'ignorant point que de l'aventure de telles premieres rencontres s'engendrent communement ou peur, ou asseurance entre deux armées.

Deffaitte & gneurs de Montej.in

CESTE de fortune leur advint en la maniere qui ensuit, prise des sei- Eux & leurs gens assemblez à Tourbes, ainsi qu'ils en avoient prise entre-eux la conclusion, c'est à sçavoir de sept à huict vingts chevaux en hommes d'armes & archers de Et de Boify. leurs deux compagnies: & quelque nombre de ceux de la compagnie du Comte de Tende loubs la conduitte du sieur de Torines son guidon, & ceux que leur avoit baillez le capiraine Bonneval: ensemble les capitaines Sainct Petre Cor se, Vvartiz Navarrois, & la Molle Provençal, avecques tel nombre chaisis de leurs gens de pied, qu'ils adviserent y devoir suffire : advint de cas fortuit que l'ennemy partant de Frejus (où il s'estoit arresté trois jours à consulter ce qui seroit de faire) venoit loger au long de la riviere d'Argence,& que le seigneur Dom Ferrand de Gónzague avoit pas sé la riviere pour venir avecques les gens de cheval, dont il avoit la charge en la dessusnommée ville de Luc. Les sires de Montejan & de Boisy bien advertis par leurs espies de cest affaire, monterent au marin àcheval, & apres midy arriverent aupres de Luc, où estoient ledit Maistre de camp, ou autre pour luy, & gens envoyez pour visiter le lieu & prendre logis pour l'avantgarde: lesquels faillirent à estre pris par ledit de Vassé Lieutenant dudit sire de Montejan, & ledit seigneur de Torines, qui avoient charge de mener les avant-coureurs. Si se retirerent en une vallée au dessoubs, où lors estoit ladite avantgarde en laquelle ils douperent l'alarme aussi chaulde comme s'ils eussent esté rencontrez, non seulement par les coureurs, mais par l'avantgarde entiere des nostres: & tel en firent courir le bruit parmy leur camp, de sorte que par tout le pais és environs ne fentendoit autre chose que le bruit de gens allans & venans de logis en autre, chevaux hannir, trompettes sonner, & battre tabourins pour avancer l'alarme. Les sires de Monrejan & de Boisy qui bien oyoient ce chault alarme, feirent sonner la retraitte, & se meirent à chemin, en intention de se retirer au plus loing qu'ils pourroient sur le chemin de la ville d'Aix: & arriverent environ la nuict fermant à Brignolles, leurs gens de cheval & de pied moult las & travaillez, tant par la grande chaleur qu'il avoit faict ce jour, come pour le long chemin qu'ils avoient fait d'aller & de venir. Et à ceste cause fut advisé entre-eux, par-ce que leurs gens de pied ne pouvoient plus marcher sans repaistre, que pour ceste nuict ils sejourneroient audit lieu de Brignolles. Les capitaines demourerent à cheval ce pendant que les soldats se logerent: & fut ordonné au capitaine de Vassé de faire des barrieres, & asseoir le guet à toutes les advenues du village, & ce faict, un chacun se retira pour repaistre en son logis.

À u camp des ennemis apres que l'alarme fut donnée, & toute leur avantgarde en armes, le seigneur Dom Ferrand pensant veritablement, ou monstrant de penser, que ceux qui l'avoient donnée, eussent rencontré toute la nostre, se delibera de marcher apres, & chercher occasion & opportunité, de leur donner sur la queue à son avantage. Si print une bonne trouppe de gens esseuz, & avecques eux marcha le grand pas devant, faisant suivre à son doz tout le surplus de ses gens de cheval, jusques au nombre ou euviron de dix huict cens chevaux, avecques eux six mille Lansquenets: pour se pouvoir (au cas que mestier luy en fust) retirer & joindre à eux. Sur mi-chemin de Brignolles & de Luc, il entendit par gens du pais qu'il rencontroit allans & venans quel nombre de gens pouvoient estre les nostres, qui avoiét esté cause de donner ceste alarme: voulant toutes fois en sça voir mieux à la verité, pour entendre aussi quel chemin ils avoient tenu, il envoya des coureurs devant, & pour guide leur donna un homme du païs & nay du lieu de Brignolles, qui avoit autresfois servy le Duc de Bourbon, & s'estant avecques luy retiré quand il leva son siege de devant Marseille, avoit par son moyen esté faict Senateur de Milan.

Cestuy fist diligéce de rapporter seures & certaines nouvelles, que noz gens pour le plus ne pouvoient estre qu'environ hui & vingts chevaux, & trois cens hommes de pied, fort las & travaillez, & que pour se raffreschir & repaistre, ils sestoient arrestez audit lieu de Brignolles, en intention de deiloger devant le jour. Le seigneur Dom Ferrand adverty qu'ils estoient si petite compagnie, choisit un nombre des siens, ausquels il ordonna de marcher avant, & co-Stoyant Brignolles, faller embuscher au delà du village en quelque lieu destourné, à costé du chemin que les nostres devoient tenir le lendemain. Ceux firent ainsi que comman dé leur estoit, & quelque peu avant minuiet, & une heure on peu plus apres que le guet des nostres fur assis, passerent à costé dudit Brignolles, hors de la veue & de l'ouye de leurdit guet. Furent toutesfois ouys par les mastins couchez à la campagne sur les fourrages, qui abbayerent apres eux assez long temps:parquoy les sires de Montejan & de Boisy firent incontinant sonner alarme, & mettre tous leurs gens en armes. Mais quelque temps apres, estant l'abbay des mastins cessé, aussi les gens retournez sans rien avoir trouvé (lesquels ils avoient mis dehors afin d'entendre dont venoit ce bruit) ordonnerent à leurs gens de renvoyer leurs chevaux repaistre, & eux se reposer un peu, sans toutesfois se desarmer du menu harnois, de desseller autrement leursdits chevaux. Les nuicts alors estoient les plus courtes de l'an, parquoy ne tarda pas beaucoup que l'aube du jour com mença de poindre. Noz gens toutesfois metroient desja ordre à leur deslogement, en attendant qu'il esclarcist, & ce pendant avoient mis dehors quelques chevaux pour descouvrir, esquels s'embatirent dix chevaux legers de ceux que j'ay dit cy devant avoir esté envoyez par ledit seigneur Dom Ferrand, pour l'embuscher au deça du village, sur le chemin de la retraitte des nostres, & sen alloient donner advis de ce qui avoit esté exploicté par eux, & du lieu questoit leur embusche assise. Les nostres incontinant les chargerent furieusement, & des dix en prindrent huict, les autres deux se sauverent de vitesse, & arriverent vers ledit seigneur Dom Ferrand, qui desja estoit à un demy mille pres de Brignolles: auquel ils dirent la nouvelle & de leur embusche, & de la surprise de leurs gens, & comme les nostres se preparoient à la retraitte. Luy ce rapport ouy, voyant

qu'il avoit (ainsi qu'il avoit desiré) noz gens enclos entre sa trouppe & son embusche, sist bien son compte qu'en se hastant un peu il les pourroit encores trouver en desordre dedans le village: lequel il pensoit estre (ainsi que ses espies l'avoient laissé le soir precedant) ouvert & sans closture de

toutes pars. Sur ceste esperance il donna congé aux siens d'aller donner dedans à bride abbatue, par tous les endroits où ils faddresseroient, pour y surprendre les nostres avant que ils fussent tous motez & rengez en bataille: ce qu'ils eussent fait facilemet (car il y en avoit des nostres qui bridoiet encores leurs chevaux, & autres qui attendoient ou leur cuirasse, où leur armet) si par la prevoyance des capitaines, & par la diligence de ceux qui en eurent la charge les barrieres n'y eussent esté plantées, ainsi qu'il a esté dit cy dessus. Le jour n'estoit encores clair, & ne s'apperceurent les ennemis d'icelles barrieres, tat que leurs chevaux les vinssent choquer, dont il en fut réuersé d'aucuns, & autres recueillis par le guet des nostres, tat de cheual que de pied, & mesmemet par le capitaine Vvartiz, auquel avoit esté ordoné de garder les deux flancs du costé de l'advenue, où ils faddresserent avec un bon nombre choisy des meilleurs arcbousiers qu'il eust en sa béde, pour soustenir le faix avec les gens de cheval, ce-temps pendant que lesdits seigneurs de Montejan & de Boisy mettoient leurs gens dehors en ordonnance. La charge fut cruelle & bien combatue, pour si peu de gens, & en mourur beaucoup des leurs, & mesmement de gens de nom. Les chefs à faire la premiere poin-& furent le seigneur Valere ursin Romain, & le seigneur Iean Baptiste Peliacan Boulonnois, cestuy entre autres y mourut, & le seigneur Stefe Del camp, homme bien favory & aymé du seigneur Dom Ferrand, de chevaux en fut tué plus de quarante. Les sires de Montejan & de Boisy se voyans reduits à ce choix party, que force leur estoit ou de se retirer un peu honteusement, abandonnant leurs ges de pied à la mercy & discretion des ennemis, ou de se hazarder entre honneur ou perte, encores qu'ils entendissent bien qu'ils avoient trop moins de force que de cueur, rengerent toutesfois leus gens en bataille, & sortirent à la campagne, & rappellant le capitaine Vvartiz, lequel '& les autres capitaines de ges de pied avec leurs bades, ils mirent sur les aisses des gens de cheval: & sur la queue (pour soustenir les ennemis, s'ils les vouloiet venir charger par derrière) laisserent le capitaine Vassé avecques douze hommes d'armes tels qu'il voulut choisir. Ne tarda gueres que les ennemis n'arrivassent sur eux, sans toutessois les approcher du commencement de plus pres que d'un traict d'arc, sinon qu'un capitaine Espagnol nommé Sance de Leve, demanda un coup de lance audict capitaine Vassé, qui luy octroya, & leurs lances rompues, mirent rous deux la main aux masses, & tant s'esprouveret l'un l'autre, que l'Espagnol

donna la foy. C E-pendant noz gens marcherent tousjours le petit pas, serrez ensemble avecques les arcbousiers, qui les couvroient tresbien sur les aisles. Peu à peu s'attacha la messée, & jamais les nostres ne la refuserent, se donnans toutessois garde sur toutes choses de l'escarter, pour ne donner à l'ennemy oportunité de les forcer, & pour-ce ne failloit chacun incontinant qu'il avoit faict sa charge, de promptement se retirer en sa trouppe & en son rang: à quoy faire ils estoient grandemet secouruz par les gens de pied, lesquels tuerent & blesserent beaucoup des ennemis à coups d'arcbouse. Ce-pendant qu'ils cheminerent en ceste sorte par les chemins estroicts, esquels l'ennemy ne se pouvoit aider de toutes ses forces, mais estoit contrainct de combattre de pareil à pareil nombre, noz gens eurent presque tousjours l'avantage: mais depuis l'heure qu'ils furent arrivez en la campagne ouverte, & que la grosse trouppe des ennemis chargeant les nostres, & sur la queuë, & sur l'un des flancs, ceux qui la nuict precedente avoient passé deça, sortirent de leur embusche sur l'autre flanc, les nostres alors furent assaillis de toutes parts. Les ennemis croissoient tousjours de nombre de gens venans de renfort à la file. Leurs Lansquenets se commençoient à ce descouvrir & approcher la multitude, & le present secours haussoit le cœur aux ennemis, le petit nombre avecques la nulle attente de secours le rabaissoit aux nostres, lesquels estoient si assailliz de toutes parts, qu'il ne leur estoit plus loisible quand ils avoient faict une charge de se retirer en la trouppe, ainsi qu'ils faisoient du commencement, & à quiconques avoit une fois monstré le doz, n'estoit en sa puissance de recouvrer son rang. Par ce moyen noz gens de pied (lesquels &

mesmement les capitaines avoient faict un merveilleux devoir en ceste rencontre) se trouverent à la fin entrelassez pelle-melle parmy les gens de cheval: de maniere que la victoire qui jusques alors avoit esté suspense & ambigue, se commença d'incliner à l'ennemz, & 110z gens qui paravant avoient plus combatu de courage que de force, commenceret à estre aussi inferieurs en ceste partie. Depuis la poincte du jour dura le combat en ceste maniere jusques environ les huich ou neuf heures, & en tout ce temps n'advancerent les nostres plus hault d'une bonne lieuë de chemin. Là furent ils entierement rompus & renversez, & y moururent bien cent ou six vingts hommes de pied des nostres, & huict de la compagnie dudict sire de Montejan entre hommes d'armes & archers, quatre du seigneur de Boisy, & la plus part des autres blessez, en sorte que de toute la trouppe ne rechapperent plus hault de trois hommes d'armes que tous ne fussent morts, ou pris. Des ennemis moururent sans les blessez environ de cent à six vingts hommes de cheval, deux cens chevaulx y moururent, mais le nombre vainquit la vertu. Lesdits seigneurs de Montejan & de Boisy, & les autres capitaines, & quelques jeunes gentilshommes de maison qui les suivoient par affection de veoir la guerre, y furent pris, & entre les autres le sire de la Roche-Guyon nommé de Silly jeune Gentilhomme & de bone volonté, lequel y fist pour sa jeunesse telle preuve de sa personne, qu'il fut loué d'amis & d'ennemis. Les prisonniers furent ramenez à Brignolles, auquel lieu arriverent bien tost apres les Lansquenets qui estoient partis avecques le seigneur Dom Ferrand. Ledict seigneur arrivé qu'il fut audict Brignolles, assist son guet à toutes les advenues du village, & au surplus de ses gens donna congé de s'aller reposer & réfreschir. Ce temps pendant qu'ils se logerent, il se retira pour escrire, & donner advertissement à l'Empereur de ce qui estoit arrivé. Ledict seigneur Empereur incontinant ceste nouvelle ouye, la print en gloire, du tout en la mesme sorte, que si ses gens eussient vaincu, non pas par nombre, mais par vertu de gens, & pour-ce fist à sçavoir & publier ceste victoire par, tout le monde, faifant les choses encores plus grandes & riches qu'elles n'estoient, & de maniere qu'à veoir le contenu de ses lettres, il ne sembloit rien moins à ceux qui les lisoient, sinon qu'il

eust veritablement dessaict l'avantgarde du Roy: à d'aucus il sembloit encores plus, & que desja il eust eu plus que demie victoire. Pat tels moyens il attiroit à son party ceux qui auparavant estoient encores demourez en suspens & incertains du party qu'ils deliberoient tenir, confermoit ceux qui ja luy adheroient, & tenoit en craincte ceux qui luy estoient contraires.

Prevoyance o bonue codutte de mofrigneur le : Grand-maifre.

En Avignon apresque ces nouvelles y furent apportées, se mist entre noz gens un merveilleux effroy, & saugmentoit journellement, à raison qu'un chacun aux legers & inconstans rapports qui se faisoient, y adjoustoit encores quelque chose de sa particuliere peur & craincte. Le sire de Montmorency, qui au-paravant avoit crainct qu'il advint de leur susdicte entreprise ce qu'alors il entendit en estre advenu, se trouva en difficulté non petite, pensant par quel moyen il pourroit reparer ceste faulte à son honneur, & au prouffit de la chose publicque, cat il n'estoit point ignorant que le cœur ne fuit creu notablement aux ennemis, & amoindry aux nostres de ceste maladvéture de Brignolles. Sçavoit aussi que lesdicts ennemis estoient advertis du petit nombre de gens que nous avions, & à ceste cause il craignoit que ce premier heurt qu'ils avoient eu, les fist plus hardiment entreprendre, & savancer de nous venir chercher, avant que nostre renfort & secours fust arrivé. Et luy ne vouloit point, & luy sembloit chose trop dangeureuse, avant qu'il eust forces raisonnables hazarder le combat en pleine campagne, avecques si peu de gens qu'il en avoit contre une si grosse puissance, cotre vieils soldats & aguerris, & contre un Empereur y estant en personne. D'autrecosté il luy sembloit, que de planter son camp, & de s'y fermer pour attendre l'ennemy, il n'estoit moins, à craindre que ledict ennemy arrivast avant que sondit camp fust entierement fortifié de fossez, ou de rempars; & garny de ges, & artillerie à suffisance : quoy advenant il pourroit à trop grand marché se presenter, & y recevoir suy honte & le Roy dommage. De farrester aussi en Avignon, c'estoit se presenter à estre assiegé en ville non assez tenable, & malaisce à remparer si promptement en telle force qu'il appartiendroit bien. D'aller jusques à Marseille, qui estoit la seule ville de la frontiere suffisamment réparée & garnie pour y attedre un siege Imperial l'estoit laisser le chemin ouvert

à l'ennemy, lequel pourroit laissant Marseille derriere marcher en avant, sans y trouver aucune resistence, & se fortifier ou deça ou dela le Rhosne à son appetit : & par ainsi le remede d'un inconvenient, luy en apportoit tousjours un nouveau, & plus grand. Sur ces discours & disputatios qu'il faisoit en soy-mesme, ceste opinion vainquit finablement, de faire sortir ses gens hors de la ville, & de les loger en camp, pour monstrer à l'ennemy victorieux contenance de hardiesse, & asseurance de se presenter contre luy, & que pour une male-aventure, & une rencontre desavantageuse, il n'avoit le cœur ne l'esperance faillie. Le principal doubte estoit sur la fortification de son camp: mais bien luy estoit advis que le grand nombre de pioniers qu'il y mettroit, & la diligence des soldats, ausquels il feroit mettre la main à l'œuvre, l'assiduité continuelle des capitaines ausquels il or donneroit avoir l'œil deslus, copenseroient assez la brieveté du temps. A ceste cause il se hasta d'arriver en Avigno: pour dudict lieu donner advis au Roy de ce qui estoit advenu,& luy faire à sçavoir la bone esperance qu'il avoit, & le moyé qu'il vouloit tenir pour recouvrer & revencher ceste perte: lequel moyen sera par cy apres declaré par l'effect & l'execution d'iceluy. Mais avant que ces lettres arrivassent au Roy, il luy arriva un autre assez & trop pire, & plus doloureuse nouvelle de mosseigneur le Dauphin son fils slaquelle je differeray de reciter pour le present, & continueray les propos encommencez,

LE sire de Mőtmorency atrivé qu'il sut en Avignon seit assembler les capitaines, & leur declara son intention (laquelle ils approuverent) de faire loger ses gens en camp, & les rasseurer un peu de la peur & espouventement qu'ils pouvoient avoir, à cause de ladicte descositure de Brignolles. Executant doncques ceste sienne intention, il leur ordona de mettre leurs gens aux champs en la prairie d'entre la ville d'Avignon & la Durance, & quand tous y surent assemblez au tour de luy, attendans ce qu'il leur voudroit dire, il leur exposa la verité, mais en paroles si bié troussées qu'il n'y eut occasió de les estonner, à cause de la dessus des constiture & prise des sires de Montejan & de Boisy, leur remonstrant que telles avantures (qui sont choses ordinaires en toutes guerres de grosse importance) non seulement ne doivent jamais estonner bones gens de guerre, ains leur

accroistre plustost le cœur & affection de s'en revencher, accompagnez de discretion, ruse, & prudence de ce faire, sans encourir nouveau hazard. Que bien estoit vray,qu'il ne pouvoit pas estre, que ceste nouvelle ne suy eust esté; voire fust encores desplaisante, par ce que l'entreprise avoit esté quelque peu mal & trop hazardeusement guidée, & paravanture sans necessité suffisante. Mais qu'il supportoit la perte d'autant plus patiemment, que noz gens (encores que vertu succombast à multitude, & qu'ils se fussent trouvez assiegez entre toutes les incommoditez estimables) n'avoient jamais toutesfois perdu le cœur, ne faict chose contre l'honneur & devoir de gens hardis & bien combattans: ains qu'ils avoient si cher vendu ceste victoire à l'ennemy, que par le grand nombre de gens qu'il avoit ou perduz, ou remenez blessez, il pouvoit avoir apris à ses despes, que le Royaume de France ne se peult assaillir sans perte: ne prouffit (en l'assaillant) sy acquerir, lequel ne soit accom pagné de dommage au double. Sur ce concluant, qu'ayant faict telle preuve de la valeur des nostres à l'encontre-dudict ennemy, ne restoit que luy dresser & dextrement executer une bonne revenche, sans prester aucunemet l'oreille aux propos de ceux qui tournent à malheur, & au prejudice & consequence du gros jeu, la fortune des premieres & legeres pertes: Mais au contraire (comme ainsi soit, qu'une si grosse entreprise ne se conduise jamais sans qu'il y intervienne quelque contrarieté de fortune, au commencement, au milieu, ou à la fin) luy estimoit & pensoit, que par ceste seule adventure de Brignolles, fust satisfaict & purgé tout le desastre qu'avoit fortune preparé à nostre camp, & que la mesme adventure nous tourneroit à si bonne sin, que par icelle nos capitaines seroient delors en avant plus prevoyans & rusez, & les soldats plus enclins à exploicter leurs prouësse & gaillardise à l'appetit d'iceux leurs chefs & capitaines. Ceste remonstrance leur sit & proposa le sire de Montmorency, de si hault cœur, & d'une contenance si asseurée, qu'à icelle assentirent les soldats avecques une militaire acclamation, si unanime & si alaigre, que ja ils monstroient avoir en main, ou devant les yeux l'asseurance & certeineté & heureuse issue.

C E s propos finiz, choisit le sire de Montmorency, le lieu & assiette de son camp, un peu au dessus qu'il avoit autressois

tresfois esté, entre le Rhosne & la Durance, tirat de deux ri- Fortification vieres ceste opportunité, que l'une luy servoit d'apporter de nostre cap; vivres & autres choses necessaires en son camp, l'autre e- El le bon erstoit opposée & mise pour obstacle, contre les advenues de dre pour l'enl'ennemy. Ceste riviere laquelle traversant la Provence, se tretenement vient descharger dedans le Rhose, a naturellement son bas- d'iccluy. fin & cours incertein, & si tref-inconstant, qu'à grande pcine, en bien peu de lieux, elle se peult passer à qué, par les ges propres du païs, & plus usitez à y passer, & outre l'instabilité du fil de l'eaue, elle est par fois & par endroicts si grosse, & traine telle quantité de gros cailloux, que gens & chevaux à cause de l'une & de l'autre incommodité se trou vent souvent empeschez à y fermer & asseurer le pied. En ceste difficulté naturelle ne voulut le sire de Monnorency fonder entierement toutes les forces de l'assiette & de l'asseurance de son camp: mais assist d'avantage garnisons en toutes les villes & chasteaux tenables au delà de l'eau, pour rompre aux ennemis la liberté de courir & fourrager, & le mo yé d'entendre des nouvelles de nostre camp, & l'esperan ce de pouvoir à leur aise & appetit, sans trouver contraste ne rencontre, taster & choisir le gué de la riviere. En ordonant & commandant ce que dessus, il designa la forme, l'enclos,& le circuit de sondict camp, lequel il fit entierement clorre d'un bo fossé parfond, large de vingt & quatre pieds d'ouverture, l'estressissant au parfond à telle raison & proportio, que le fons avoit le tiers moins de largeur, que n'estoit la distance des bords d'enhault. Feit faire d'avantage un autre fossé large & profond, par lequel couvroit un ruisseau, qui en divisant & separant le camp presque par le milieu, & recevant l'esgout de toute la prairie par des trenchées obliques qu'il y fist faire en plusieurs endroicts; rendoit l'affiette des logis plus seiche, & portoit hors toutes les immudices & ordures d'iceux, & tenoit le camp net & sain: selon la distinction & cours dudit ruisseau, & des autres qui toboient dedans, il fist distribuer & affigner les quartiers à ses gens de guerre, les nations separées les unes d'avec les autres pour eviter l'occasion de murmure, & debat entreeux,& ordonnant les endroicts, intervalles, & eftendue des rues & chemins allans & traversants parmy le camp. Environ le milieu d'iceluy, avoit une petite levée de terre, en forme d'une colline: laquelle avoit regard à l'étour, en tous

les quartiers & endroits où il y avoit gens logez: là il choifit son logis, & pretoire, auquel il ordonna que les capitaines vinsent tous les matins, pour entendre ce qu'il luy plairoit de leur commander. De là il voyoit tout ce que se faisoit à l'entour de luy, & ne se pouvoit dresser noise ne tumulte, qu'il ne l'apperceust incontinaut, de là il cognoissoit
de quel costé on diligentoit, & de quel costé on cheminoit
aux reparations & fortifications qu'il avoit ordonnées, &
ordinairement faisoit ou commandoit, tous jours quelque
chose conducible & utile à ceste sin.

To us les matins au soleil levant (sinon que la venue ou de pacquets ou de messagers aucunes sois retardassent l'heure) la messe se disoit devant luy: icelle cessée il se pourmenoit quelque espace au long de ses tentes, & là recueilloit humainement les capitaines venans vers luy, pour prendre ses commandemens, administrant raison à qui venoit la demander, & generallement donnoit gracieuse audience à un chacun de ceux qui avoient affaire à luy. Ce temps pédant on luy amenoit des chevaux, & montant dessus en compagnie des capitaines & autres gens d'estoffe, se pourmenoit (en devisant des affaires) une fois autour du camp, une fois dedas, une fois dehors, & autresfois tout à travers, donnant ordre qu'on ne l'apparessast à la fortification, & que noise ou tumulte ne sourdist entre ses gés, & sur le chemin parlant aux uns, & puis aux autres: sçachat & cognoissant tresbien que la parole & coversation avecques le chef n'est gueres de moindre efficace que l'exercitation, pour duire & réger à vraye obeissance une trouppe nouvellemét assemblée de diverses & differentes nations. Ayant faict ce tour, il venoit prendre son repas, & appelloit les capitaines & autres personnages qui par long usage estoient experimentez & cognuz, ou esquels il y avoit quelque degré, ou de dignité, ou de bon conseil. Son repas pris & le conseil tenu, selon que les occasions le requeroient, il retournoit au mesme exercice de la matinée, sans resuser ou desdaigner ne veille, ne soing, ne travail en aucune maniere. Ainsi en continuant,& chacun faisant son devoir en sa charge, son camp sut en moins de quinze jours environné de fossé par dehors, & d'un rempart de terre par dedans, avecques les flancs & plattes forme és endroicts où il estoit requis, de maniere qu'à peine il cust peu choisir beaucoup de vil-

les, efquelles il eust voulu avec moindre crainte & danger attendre une grosse puissance de l'ennemy: le téps & l'usage toutesfois y adjoustoient encores journellement quelque nouvelle fortificatio. Les choses ainsi dressées, l'artillerie fut assise & plantée, pour recevoir l'ennemy de front, & pour le battre par les flancs, de sorte qu'il ne luy eust esté possible d'arriver à faire les approches, ne se venir presenter à l'assaut sans y receuoir perte & gros domage. Et au surplus il avoit à un chacun ordonné la distance & assiette de son guer, l'en droit & place, esquels tous ou chacun (selon que le requerroit le temps & le besoing) auroit à se venir reger & presen ter au cas que l'alarme vint au camp, ce que toutesfois n'y avint jamais: car il y avoit mis telle ordre & police, que non seulement il donna cognoissance de son cœur & hardiesse venant avec si petite trouppe qu'il avoit du commécement se presenter au devant de l'ennemy, mais bie autant ou plus de sa bonne prudence, prevoyance, & consideration, & bien monstra qu'il estoit party du Roy suffisammét instruit par luy, & que de sa part il avoit tresbien retenu, & mieux sçavoit executer ce que luy estoit besoin de faire & pourveoir en tout evenement.

LEDICT seigneur Roy estoit à Valence, non seulemet comme le patron & chef de navire en sa poupe, ordonnant & commandant de poupe en proue, mais outre le renfort qu'il envoioit journellement audict sire de Montmoren. cy, fortifioit ladicte ville, & y assembloit telle force, que là où à nostre camp il fust ores advenu quelque desastre, l'Empereur eust trouvé ledict seigneur en barbe, prest & ap pareillé de luy donner incontinant une autre bataille.

C E-pendant que les choses se conduisoient en ceste maniere és païs de Provence & de Languedoc, Henry Comte Exploiels de Nansau, & Adrian de Croy Comte de Reux, & Grand-d'armes en maistre en la maison de l'Empereur, estoient entrez en Pi- Picardie. cardie avecques armée, pillans & gastans en tous lieux où ils passoient le plat pais, & les villes de petite resistance. Avoient desja pris la ville de Bray sur Somme, & quelques villettes aux environs, l'estoient essayez de prendre celle de S. Riquier, ou d'emblée ou d'assault, mais ils en avoient esté repoulsez avecques perte de quelque artillerie, & assez bon nombre de gens, pour une si petite & legere entreprise:

Pattans de là, & faisans contenance de s'acheminer ailleurs, avoiet failly de destobet Guyse. Monseigneur Charles Duc de Vendotmois, Gouverneur & Lieutenant du Roy audict païs de Picardie, avoit afiemblé des garnisons audict païs, jusques au nombre de trois cens hommes d'aimes, & de gés de pied, julques à six mille, & avec ladite force non seulement avoit contrainct lesdicts seigneurs de Nansau & du Reux de repailer l'eaue, mais avoit pour faire la reveche du dommage qu'ils avoient faict en la frontiere, marché avant dedans le leur, pris & pillé quelques villettes, chasteaux & bourgades. A Marolles ville champestre & ouverte, estoiét logez deux mille homes des ennemis, il avoit là dressé son chemiu, en intention de les y surprendre: mais le Comte de Nansau averty de l'entreprise, & lequel estoit desja renforcé de gens, marcha pour se venir joindre à eux : qui fut cause que ledict seigneur de Vendosme repassa deça s'eauc, pour ne hazarder temerairement ses forces, & attendoit la venue de monseigneur Claude de Lorraine Duc de Guyse Gouverneur & Lieutenant pour le Roy en Champagne, lequel ve 10it joindre & unit ses forces avecques luy, & ce pédant o donna que lon vuidast toutes les places non tenables en la frontiere. Entre les autres il avoit commandé que l'on abandonnast Guyse, que seulement on mist garnison au chasteau, pour empescher que l'ennemy ne se vint lo ger en la ville.

L E Comte de Nansau averty par ses espics de la diligéce qui se faisoit audit lieu de Guyse, d'é emporter les meubles & vivres, & d'en emmener tout le bestial, & que les gés ordonnez à la garde du chasteau estoient si amusez & ententifs à faire vuider ladite ville, & en abattre toutes les deffen ces qui pourroiet y servir à l'ennemy, que ce pédant ils faisoiet au demourar assez mauvais guer aux avenues d'icelles se delibera d'y marcher hastivement, en esperance de les y surpredre en desordie, ainsi qu'e effect il avint. Et ne se peurent les gens de guerre affez à téps fauver & retirer au chasteau, que les ges dudit sieur Côte n'en tuassent & deflisent les plus paresseux à la queue : les autres ictirez & enfermez dedas, il envoya un trompette les sommer: le capitaine & aucuns d'entre-eux qui n'avoient du tout m's leur honneur en oubly furét d'avis de tenir la place : le plus grand nombre estoit d'opinion contraire, & s'en trouva de si faillis de courage, qu'ils se jetterent par les creneaux és sossez, aymans mieux vivres un peu d'avantage avecques honte & reproche perpetuelle, que de soy hazardet à la sauver ou perdre en acquerant honneur. Les autres, & non toutes sois sans en recevoir blasme, rendirent la place à la volonté de l'ennemy. La punition dont on a depuis vsé corre-les moins delinquans, a esté telle, que tous ceux qui sy sont trouvez extraicts de noble race, ont esté privez & degradez eux & leurs descendans de tous tiltres & privileges de noblesse, & faicts subjects aux subsides & impositions comme non nobles & roturiers.

A VALENCE furent en un mesme jour apportées au Roy les nouvelles & de la prise des seigneurs de Montejan & de Boily, & de la honteuse reddition de Guyse: lesquelles furent à la cour prises & interpretées diversement, selon les differents jugemens & consideratios des hommes. Les uns estimoient les dictes pertes legeres aupres des grandes pertes passées, desquelles toutes sois on s'estoit relevé : aucuns encores qu'ils n'estimassent point la perte grande, ne laissoient point à peser & estimer le jugement & consequence de ses premieres arres sur le gros jeu. Et d'autres en avoit, qui estimoient non seulement ceste consequence de prejudice, mais celle à quoy l'Empereur la pouvoir tirer, en temant & publiant les choses (ainsi qu'il fist) trop plus à son avantage qu'elles n'estoient. Le Roy sans monstrer contenance de s'en estonner, mais debattant & contrepesant toutes choses que dessus en son esprit, & pensant aux remedes & recouvrement de l'une & de l'autre perte, vindrent à la cour nouvelles d'un autre trop plus grand dommage & ca- Annoncemet lamité. Ce fut de la mort de môseigneur le Dauphin Fran- au Roy de la çois son fils aisné: lequel nourry & eslevé par luy en singu- mort de Moliere expectation de tout le monde, qu'il parviendroit un signeur le jour à estre grand & tres-excellent Prince, estoit demouré Daufhin malade au lieu de Tournon, venant par eaue avecques le François. Roy son pere à Valence, & la mourut avant la fin du quatriesme jour, non sans souspeçon & vehicmente opinion, qu'il cult esté empoisonné. Sans grande & moult perplexe difficulté ne fut la deliberation de choisir le moyen, l'entrée, l'exorde, & commencement de harangue, pour faire entendre au pere une si dure, cruelle, & ir ste nouvelle:il e-Itoir force toutesfois de la luy faire entédre, & n'estoit chose que longuemet on cust peu dissimuler : mais il estoit extremement malaisé, de trouver homme qui en voulust entreprendre la charge. Bien sembloit il à tous avoir mestier de grand & fingulier artifice en son oraison, pour celuy qui voudroit appaiser le desplaisir & regret que paternelle affection luy engendreroit de ceste nouvelle: mais ne se trouvoit aucun consolateur assez à propos, car tous en avoient meltier eux-mesmes, tellement ils estoient affligez & consternez universellement & particulierement, qu'il n'y en avoit aucun, que tous d'une affection & d'une voix ne pleurassent ceste mort, ainsi que si ceust esté de leurs propres enfans. Ceste amour & affection de grands & de peris luy avoient du commencement congiliée, le lieu où il estoit né, la succession à la couronne, la vigueur, la semblance, & la representation qu'il avoit du pere: mais il avoit en peu de temps gaigné ce poinct, que ses vertus avoient laisse à la naissance, à l'attente de la couronne, à la consideration du pere la moindre part en la faveur & affection qu'on luy portoit; car il n'avoit oncques obmis une seule chose à son escient, qui affiere & appartiene à personnage, qui soit pour parvenir à estre le plus grand & le plus excellant Prince du monde. La condition doneques & la maladventure l'offroit d'annoncer au pere la mort d'un fils de si grande esperance, & le moyen de mort si tressindigne, que departant du Roy, nul'autre pere se trouveroit qui n'en tombast en extremité de percussion & consternation de cœur & d'entendement.

En ceste sluctuation & perplexité d'election, & choix de personnage qui entreprist de porter ceste douloureuse patole, ne se trouvoit autre quelconque à propos que monseigneur scan Gardinal de Lorraine, pour estre de plus long temps familier & privé du Roy. Mais de l'heure qu'il eut mis le pied à la chambre, propos & paroles luy faillirent, & oncques ne sceut tant asseurer sa contenance que le Roy de prime face ne cogneus à son visaige, qu'il avoit eue quelque facheuse & malheureuse nouvelle, & comme si le cœur luy eust presagi & dit ceste infortune, luy demada incontinant quelles nouvelles de son sils? Monseigneur le Cardinal se trouva la langue attachée aux levres, & quoy qu'il l'eust naturellement faconde & diserte, il luy mascha plus qu'il ne prononça, & dit seulement en beguayant, que

certeinement il luy estoit empiré, mais qu'il failloit avoir en Dieu esperance de la guarison. l'enten bien (dist le Roy alors) vous ne m'osez de premiere entrée dire qu'il est mort, mais seulement qu'il mourra bien tost. A ces mots respondit monseigneur le Cardinal, en le confessant par signe plus que de bouche. Et l'ors n'eussiez veu sinon l'armes, ny entendu sinon sanglots & soupirs des assistans. Le Roy jettat un hault souspir qui fut ouy des autres chambres, se retira sur une senestre, seul & sans mot dire, avec le cueur pressé de dueil', & reprimant ce dueil outre la commune naturelle puissance, jusques à ce que sur le conflict d'entre constance & nature, il fut contrainer de jetter un autre souspir : & lors tendant la teste nue, les yeux, les mains & la pensée au Ciel: Mon Dieu (dist-il) je n'ignore point qu'il ne soit rai- Oraison du sonnable, que je preigne en patience & en gré tout ce qui Roy. procede de toy: mais dont me peult venir, ne dont doy-je esperer & attendre sinon de toy, ceste constance & force de cueur? desja ru m'as affligé par diminution de seigneurie, & de la reputation de mes forces, tu m'as adjousté maintenant ceste perce de mon fils : que reste plus à present, sinon que tu me deffaces du tout? & quand ton plaisir seroit d'ainsi le faire, enseigne moy au moins, & me faits cognoistre ta volonté, afin que je n'y resiste, & me conferme en ceste p2tience, toy qui seul es puissant de ce faire, aydant & renforçant la naturelle & humaine infirmité.

TELLE fut son oraison en substance, finie par sembla bles propos religieux & Chrestiens:mais les souspirs & lar mes de ceux qui me les recitoient, accompagnez d'une admiration & merveille, d'une si grande constance en cueur de pere, les empescherent de me compter le surplus & moy en séblable cas des maintenant ne m'arresteray plus longue ment sur ce propos. Seulement j'y adjousteray ce mot avant que l'interropre, que l'Empereur mesme, auquel pour le loz & bruit multipliant avec les ans dudit seigneur Dauphin, le pere estoit plus redoutable (encores qu'aucuns de ses principaux servireurs soier encoulpez de ceste mort)ne se peult abstenir toutesfois, quand il en ouit la nouvelle, qu'il ne parlast honorablement de la personne, meurs & conditions dudit seigneur Dauphin. Duquel nous devons esperer & croire, qu'estant en ses jeunes aus emply de telles vertus qu'en un autre ja homme parfaict cut esté appellé perfe-

ction, ce qu'en cestuy-cy estoit commencement de plus grande valeur: & qu'estant à l'attente d'un si florissant Roy sume, essevé de telle nourriture, que l'expectation de luy surmontoit desja la grandeur d'un Royaume, qu'il soit appellé de Dieu à un autre plus grand & plus heureux Royau me que n'est celuy auquel il est, & sera regretté à tousjoursmais. Et croy d'avantage, qu'il n'y a point esté appellé par la voye qu'il y est allé, sans que Dieu ayt preparé par l'oracle de la divine justice une exemplaire vengeance, contre ceux qui ont esté autheurs de ce faict si enorme & si execrable, que tout esprit & sçavoir desfaillant à trouver nom convenable à son enormité. A tant je retourneray au Roy, lequel au commencement qu'il eut nouvelle de la guerre de Picardie, à l'heure qu'il estoit assez empesché contre un si puissant & non attendu ennemy en Provence, sestant trouvé perplex (encores qu'il le dissimulast) comment il pourroit en un mesme temps & sans ayde d'autruy, satisfaire à la guerre en tant de lieux : alors toutesfois qu'il eut ce grief & grand surcroist de desplaisir, & tel que tout autre que luy pouvoit y succoniber, ce fut le poinct, auquel tous ceux qui au paravant & n'agueres estoient en peine, de trouver langage allez exquis & efficax à le reconforrer, trouverent en fon vilage, en la contenance, en les paroles, dequoy euxmesmes se reconforter. Car oncques puis qu'en ses grandes difficultez il se fur resolu de mettre du tout son esperance, & de n'attendre ayde ou secours d'ailleurs que de Dieu, jamais ne monstra signe ou apparence d'estre troublé: mais au lieu qu'autres se fussent desconforrez, il appliqua son esprit à remedier & donner ordre à ses affaires, & dés le soir mesme il assembla son conseil, pour y entendre, à l'issue de son conseil, il despescha lettres, & messagers à tous ses Lieutenans generaux; aux Gouverneurs des provinces & villes, & à rous autres qui avoient maniement des affaires gisans en presente consideration.

Paroles du Roy à monfeigneur le Dauphin Henry. LE lendemain il fit appeller monseigneur Henry son second sils n'agueres Duc d'Orleans, depuis Dauphin de Viennois & Duc de Bretaigne, lequel avec peu de gens il tira en sa chambre à part, & luy usa seulement de ceste cour te harengue. Mon sils (dist-il) vous avez perdu vostre frere, & moy mon sils aisné, en la mort duquel je trouve que la mesine occasion me reconsorte, qu'il m'accroist & augméte

le regret & desplaisir, c'est la memoire &-sarisfactió que j'ay de l'amour, & affection, & faveur qu'il avoit desja acquise en ce Royaume envers les grands & petiz: mettez peine mon fils de l'imiter & ensuivre, en sorte que vous le surpassiez, & de vous faire tel & si vertueux, que ceux qui aujourd'huy languissent du regret qu'ils ont en luy, recouvrent en vous dequoy appaiser & oublier ledit regret qu'ils ont de luy. Ie vueil qu'à ceste fin vous adressiez vostre intention, & y employez vostre cœur, esprit, & entendement. Dieu ne vous faudra de vous y estre en ayde & à secours. Telle fur la remonstrance du pere au fils, laquelle fur incontinant recueillie, ou pour mieux dire, interrompue des pleurs & souspirs, qui du plus parfond des cueurs des assistans furent alors exprimez, par la douce memoire de l'un l'agreable presence de l'autre, & consideration de la vertu & constance de leur commun seigneur & pere. Lesquelles choses certes m'admonnestent aussi & contraignent, de remettre le surplus de ceste matiere à une autresfois, pour ne donner trop d'affliction à un coup,& à moy en l'escrivant & au lecteur en lisant, par la trop longue ramentevance du faict, duquel je desire & ne puis me departir, afin d'estancher les larmes que me continue la souvenance du trespassé, duquel Dieu vueille avoir l'ame au nombre des bien-heureux & aux vivans donner longue & heureuse vie, à sa gloire & contentement, honneur, exaltation, & prouffit de leut Royaume, & de leurs subjects. Et à tant je revien au conseil le soir precedant.

LE Roy à l'issue du conseil se mist à faire les depesches ey dessus mentionnées, c'est à sçavoir en Picardie, devers les Ducs de Vendosme & de Guyse ausquels il ordonna de haster au plus tost qu'il seroit possible, la nouvelle levée de Lansquenets qu'ils avoient en main. Au Comte Guy de Ragon, seigneur Caguin, & autres capitaines Italiens, qu'en toute diligence ils sissent l'amas des gens de guerre dont il leur avoit donné la charge, & qu'ils missent peine de tant travailler l'ennemy en Italie, que ce luy sust cause de divertir en celle part les grandes forces qu'il avoit en France. Au sire de Montmorency, qu'il continuast ainsi qu'il avoit commencé à mettre peine de sçavoir ordinairement nouvelles du chemin, du sejour, du conseil & deliberations de l'ennemy, & que selon l'oportunité des lieux, & des temps,

Depelche que fist le Roy. il accelerast, ou disserast les siennes entreprises. Aussi envoya devers les Suisses gens pratiequez du païs & des chemins, pour les amener en Provence, par le plus court chemin. De ces deux articles prochains je parleray au dernier lieu, & premierement parleray du Comte Rangon; & de ce que depuis la reddition de Fossau a esté jusques à ores faict en Piemont: apres je viendray aux affaires de Picardie, & ausdits seigneurs Dues de Vendosmois & de Guise.

Nous avons couché au precedant commentaire, comment le Roy quand il envoya monseigneur le Cardinal de Lorraine, pour traitter paix avec l'Empereur, filt arrester (afin de n'attenter chose qui troublast ladite praticque de paix)l'armée qu'il avoit faiet lever en Italie, par le seigneur Côte Guy de Rangon, & Caguin de Gőzague, & que pour les difficultez sur celte leur demeure intervenues ladite ármée se dessiit, se retirant un chacun où bon luy sembla. Cessant depuis ceste pratique & esperance de paix, & conrinuant muis augmentant tousjours le bruit du gros appareil que l'Empereur faisoit, pour venir faire la guerre en France, le Roy envoya par celuy mesme qui au-paravant y avoit esté, mandement & pouvoir de Lieutenant general audit seigneur Comte Guy de Rangon : lequel fist incontinant sçavoir à tous les capitaines de la precedente levée; aussi au seigneur Cesar Fregoze son beau-frere, que tous eussent à remettre leurs gens ensemble, & les conduite au lieu de la Mirandole. Ce qui fur faict en moins de quinze jours: encores que la chose du commencement semblast avoir quelque difficulté, pour cause que le seigneur de Tamise avoit de l'autre costé de la riviere vis à vis de ladite Mirandole, sept ou huict cens chevaux Allemans, & fix mille Lansquenets à pied, pour empescher que l'amas ne se fist: mais il fut en toutes ces difficultez obvié par la prudence & bonne conduitte des chefs, avec le travail & diligence des foldats.

Ans à la Mirandole.

D E ux mille hommes de pied leva ledit Comte Răgon, Lieutenant general, & le seigneur Caguin autăt, le seigneur Cesar Fregoze en leva nombre pareil, avec ij. cens chevaux legers: le seigneur Palvoisin Visconte Milănois, le seigneur Pierre Strozzi Florentin, le seigneur Balthasar, dit Chevalier Azzal Ferrarois, chacun mille hommes: le seigneur Beringer de Caldore Napolitain, Comte de Monté, de Rife, & Ican de Turin Florentin, chacun cinq cens: le seigneur Averol de Breslan, & le seigneur Baudin de Tuscane chacun quatre cens, & ledit Bandin outre ses gens de pied, deux cens chevaux legers. Autres deux cés chevaux legers leva le sire de Taix: & bien qu'il sust de nation François, & l'un des gentilshommes de la chambre du Roy, se trouvât toutessois en Italie, où il avoit esté pieça envoyé, pour recevoir au service du Roy le Comte Galiot de la Mirandole il sist sadite trouppe d'Italiens. Assemblez qu'ils surent, ledit seigneur Comte de Rango ordona & sist sçavoir à tous,

qu'ils se tinssent prests à partir au xx. jour d'Aoust.

Les sires d'Annebault & de Burie estant en la ville de Turin, ce-temps pendant ne laissoiet rien ne jour ne nuich en arrière, de tout ce qui affiert & appartient à bons & diligens capitaines, & bien experimentez aux affaires de la guerre: se donnans garde songneusement de ne doner occasion n'opportunité, où à l'ennemy, ou aux gens de la ville nonvellement reduitte à l'obeissance du Roy, d'oser faire desseing ou entreprise sur eux. Ne se contentoient point toutesfois de ce faire tant seulement, ne de bien asseoir, revisiter & rasfreschir leurs-guets:mais se tenoient tousjours prests & appareillez à toutes occasions & oportunitez que leur bailloit ledit ennemy de faire des saillies hors la ville, quand ils voioiet ledit ennemy approcher d'eux trop afseurement, & que sans se hazarder temerairement ils luy pouvoient donner quelque venue, & puis cela faict ils se retiroient, & quand ils en voyoient estre le temps, amenoient le plus souvent & prisoniers & gros butin de bestes aumailles, & autre bestial dedans la ville. A Ciria ville suffisamment tenable distante environ de sept mille de chemin, le capitaine Fabrice Maramao avoit assemblé pour envoyer au camp Imperial, toutes fortes de grains & autres vivres qu'il avoit peu assembler en tout le pais à l'environ, & avoit laissé trois cens hommes à la garde d'icelles munitions: lesquels estimans n'avoir grand mestier de guet, & que les François avoient affez où femployer à le bien faire en leur ville, sans faire aucune entreprise dehors, vivoient audit lieu de Ciria comme s'ils n'eussent eu aucuns ennemis au païs. De ce fut le sire d'Annebault averty par ses espies: & y en voya le capitaine d'Essé avec enviro de soixante à septante chevaux, & les capitaines d'Auchy & de Cany avecques chacun cinq cens hômes de pied: lefquels partans le soir apres le guet assis, arriverent sans estre descouvers au pied de la muraille, à leurs eschelles dresses furent montez dessus, & eurent dessaid ou repousse les esfecuttes avant que ceux qui estoient couchez aux licts eusfent loisir de se vestir, armer, & rendre au lieu que se donnoit l'alarme. Ainsi prindrent ils la ville, & mirent au sil de l'espée tous ceux esquels ils trouverent resistence. Et apres avoir chargé de vivies & butin tous les chevaux & bestes portans charge, & faict acheminer devant eux tout ce qu'ils y trouverent de bestial, se retirerent sans rencontre dedans Turin. Peu de jours apres surent aussi prises par ceux de ladite garnison de Turin, les villes de Rivolles, Veillanne, & S. Ambrois, combien qu'audit lieu de Veillanne y eust de garde au dessus de deux cens bons hommes de guerre.

L'HEUREUX succes desdites legeres entreprises donna cueur à ladite garnison d'aspirer & oser entreprendre des choses plus grandes, & vint en fantasse au sire d'Annebault d'essayer à surprendre Fossan: mais sur ces entrefaictes & sur le poinct qu'il ordonnoit ceux qui devoient conduire ceste entreprise, le seigneur Marc Antoine de Cusan eut nouvelles par ses espies, dont il advertit lesdits sires d'Annebault & de Burie, qu'à Savillan (où l'Empereur avoit laifsé seize pieces d'artillerie, que grosse que moyenne, les poudres, boulets, cordage, & tout autre equipage à ce mestier appartenant, avecques une grosse provision de harnois, tant à la legere que pour hommes de pied) les gens qu'il y avoit laissez en garnison alloiét fourrager & vivander sans crainche ne respect és villages des environs, & que facilement on les pourroit surprendre, & se faisir de la ville, & de tout ce qui estoit dedans. Audit Marc Antoine qui la demandoit ils accorderent commission de ce faire, avecques les deux mille hommes de pied dont il avoit charge, & luy baillerent pour compagnon le capitaine Chambray lieutenant de la compagnie dudit sire d'Annebault, avecques le nombre de cinquante à soixante chevaux choisis en toute la compagnie. Acheminez qu'ils furent, ils eurent nouvelle qu'assez pres du lieu où ils estoient, s'estoient presentement recirez en un chasteau aucuns coureurs des ennemis. portans & chassians devant eux un gros butin. Si tournerent la telle celle pait, & prindrent le chasteau d'assault encores

qu'il fust vaillamment & pertinacement deffendu. Et y fur pris le seigneur de Benesse de la maison de Provenne, & le Baillif Provenue son frere, lequel chasteau ils famuseret à saccager, par avanture plus avarement que prudemment: car à l'opinio de plusieurs ils se fusient faict maistres de Savillan, si sans farrester ailleurs ils fussent allez le droict chemin. Mais ce-pendant qu'ils s'amuserent au pillage, les ennemis qui eurent adveitissemét de leur entreprise, envoyerent en diligence ce qu'ils peurent amasser de gens se mettre dedans Savillan, en attendant qu'eux avecques plus gráde force y arrivassent. Lesdites bandes qui premierement y arriverent, leverent incontinant les ponts, barrerent les portes, mirent les gens autour de la muraille, & aux deffenles par ce peu qu'il y avoit de fianc des archouzes à croq, sacrets passevolans, & autres petites pieces, se preparans en diligence de soustenir un premier assault, en cas que be-

diligence de foultenir un premier alfault, en cas que befoing fust:& ce faisoient tant plus affeuremét & haidimét, par ce qu'ils sçavoient que le secouts leur arriveroit bien

tost apres.

Noz gens quand ils furent és faulxbourgs, & sceurent que leur entreprise estoit descouverte, & la ville pourveue de gens, feirent aumoins esdits faulxbours tout le dommage qu'ils peurent aux ennemis, rompirent & debriserent à coups de haches & de marteaux deux gros canons qu'ils y trouverent, en sorte que sans les resondre on ne peust fen servir à un besoing, partirent entre-eux tous les harnois de la munition de l'Empereur, & au demourant firent butin de tout ce que bon leur sembla. Les capitaines qui avoiét mis des descouvreurs sur les champs, eurent tantost advis que le capitaine Iacques de Scalenghe approchoit avec le nombre (à ce qu'ils en avoient peu juger) environ de deux mille hommes, & bien autant de gens du païs amassez par les villages. Et pour-ce voyans que force leur estoit de venir au combat, se delibererent faire de necessité vertu, & en toute diligence rassemblerent & mirent leurs gens aux champs bien rengez & ferrez ensemble, ceux de cheval des deux costez sur les aisles, & sans attendre chargerent incontinant les ennemis, lesquels ils trouverent assez en desordre, par-ce qu'ils sestoient hastez de venir, en esperance de trouver & surprendre les nostres audit desordre, & amusez au pillage parmy les rues. Les ennemis soustindrent ce premier choc avecques plus grande hardiesse qu'obstination: mais tost apres se commencerent à retirer & se messer parmy les amassez du païs, en telle consusion, que pour se mettre en route il ne restoit plus que de tourner le doz. Noz gens de cheval incontinant qu'ils les veirent esbranlez, & en suspens du combat & de la retraitte, les chargeret de telle surie, qu'ils les contraignirent à tourner le doz: & sur ce noz gens de pied les suivirent de pres, & mirent en telle route que de là en avant y eut de la tuerie

plus que de combat. L & capitaine Scalinghe voyant ceste desconsiture, & que desja exhortation ne chastiment ne luy proussitoient envers eux, depescha des mieux montez de sa trouppe pour aller advertir en diligéee le seigneur Iean Iacques de Medicis Marquis de Marignan, de l'estat & danger où il se trouvoit. Ledit Iean Iacques amenoit deux mille Lanfquenets en sa compagnie, lesquels s'ils fussent promptement survenuz, & que force eust esté à noz gens desja las & travaillez de combattre en pleine campagne une telle trouppe de gens fraiz & repofez, il n'y a point de doubte qu'ils n'eussent esté deffaits. La poulsiere que levoient iceux Lasquenets en approchant, dona occasion aux capitaines Cusan & Chambray de faire sonner la retraitte & de cesser la chasse commencée: si est-ce qu'ils en tuerent plus de trois cens, & en blesserent beaucoup d'avantage: de neuf enseignes en prindrent sept, leurs gens de cheval en s'enfuyans arracheret les autres deux des mains des portenseignes, de peur que noz gens les prinssent comme les autres. Les capitaines voyans la poulsiere croistre & s'approcher tousjours,& doubtans que leurs gens qui avoient le corps travaillé du chemin, & les bras las de frapper sur l'ennemy ne fussent point pour soustenir le choc de ceux qui survenoiet fraiz & entiers, recueillirent leurs gens, & se mirent au retour par autre chemin que celuy par où ils estoient venus; & advertirent le sire d'Annebault par home expres & bien moté, du chemin qu'ils entédoient faire, à ce qu'il envoyast du secours au devant d'eux, dont bien & heureusemet leur en advint, ainsi que l'issue le mostra par effect. Car ainsi que ils marchoient apres leur butin & bagage qu'ils avoiét envoyé devant avec une trouppe d'archousiers pour l'accoin. pagner, & cux le suivans avec le surplus de noz gens au pe.

DE MESS. GUILLAUME DU BELLAY. 294

tit pas, de peur que si l'ennemy les acconsuivoit ils sussent rompus & dessaicts plus de leur lassené propre, que par la sorce & vertu dudit ennemy: arriverent sur eux les avantcoureurs, lesquels en les chargeant & puis se retirans par sois & alternativement, tendoient à les arrester & amuser jusques à ce que la grosse trouppe les approchast.

Noz capitaines qui entécoient bien à quelle fin les autres tendoient, tascherent plus à cheminer pour se tirer hors du danger, qu'à repoulser trop avant lesdits avat-coureurs, & sils estoient aucunefois si pressez que force leur fust de tourner le visage, ils le saisoient de sorte que l'ennemy en rapportoit de la perte, & cux sonbdainement accosuivoient & hastoient la trouppe de marcher. Advint toutesfois que le seigneur Cusan eut en la teste un coup d'arcbouze, qui l'empescha de si grandement faire son devoir que jusques alors il avoit faict : & peu à peu les ennemis se renforçoient de gens qui arrivoient par trouppes & à la file, de maniere que les nostres estoient en danger de desconfiture, si le secours envoyé par le sire d'Annebault ne leur fust arrivé à ce besoin. Mais il arriva si à propos que sur le poinct & au lieu où les ennemis avoient pris le large, tendans à enclorre les nostres de toutes parts, noz gens de cheval envoyez fraiz à les secourir, s'embattiret pesse mesle parmy leurs gens de pied qui estoient espars, & les travaillant, tuant, & chassant, les contraignirent de se renger ensemble, & donerent teps & lieu à noz gens de pied de se retirer, lesquels estoient de lasseté à demy recreuz & combattus. Lesdits gens de cheval estoient jusques au nombre de deux cens, & les menoit le fire d'Alegre, homme hardy, entreprenant, & sage autant que nul autre capitaine de son temps: apres luy marchoient de gens de pied jusques au nombre de douze cens, au moyen duquel secours les nostres avec bien peu de perte (quant aux gens) se retirerent avec leur butin & bagage dedans Turin à sauvete. Toutes- Mort du seifois le seigneur Cusan se trouva si las, tant du chemin que gneur Mare de sa blessure, qu'il fut contrainct de s'arrester à Pignerol, Antoine Ciauquel lieu il mourut bien peu de jours apres, laissant bon Jun. nom, & grand regret de luy entre les vivans.

Au mesme temps que ces choses se faisoient en Pie- Mairee de mont, le Comte de Nansau apres avoir saccagé Guyse, & Picardie.

toutes les villes chapestres à l'entour, mettat le seu par tout

où il passoir, & emmenant proye & butin d'hommes, de Bestial, & de biens meubles, conduisoit son armée droict au chemin de sainct Quentin. Monseigneur le Mareschal de la Marchk, qui avoit ja commécé de fortifier la ville de Laon, en deslogea incontinant qu'il entendit ceste nouvelle, deliberé de s'aller mettre dedans ledit S. Quentin, tant il avoit ceste entreprise à cueur de se trouver chef assiegé en une ville, pour doncr preuve du cueur, du foing, de l'industrie, & diligéce qu'il auroit à endurer un siege, soustenir un assault, & inveter les moyens de bien garder & desfédre une ville. Mais sur chemin il sut adverty par ses descouvreurs, que l'ennemy ayant eu advis du bon ordre qui estoit mis à la garde & deffense dudit sainct Quentin, avoit tourné bride soudainement, & tiroit le chemin de Peronne, pour avoir sceu que ladite ville encores qu'elle fust forte par la nature & assicte du lieu, n'estoit toutessois assez fortissée suffisamment, & encores moins fournie du nombre de gés qui estoit requis à la tenir contre une si grosse puissance. Et à ceste cause ledit seigneur Mareschal aussi changeant de deliberation tourna son chemin devers ladite ville de Peronne. Environ le dixiesme jour d'Aoust, partant le camp des ennemis d'un petit village ou plustost cense, appellec la Catelle, somma en passant le chasteau d'Aplincourt, qui se rendit incontinant, car il avoit esté abandoné pour non tenable. Au lendemain ils passerent la riviere de Somme, au deslus dudit chasteau, & vindrent gastans & brussas tout le pais jusques aupres de Peronne. Le mesme jour y estoit entré le fire de Sercus avec mille hommes de pied, qu'il avoit en charge particuliere de la legion de Picardie, dont il estoit capitaine general, & nonobstat qu'à venir de Ham dont il estoit party environ minuict, & depesché par monseigneur le Duc de Vendosmois, il luy eust convenu passer à travers les villages & censes, qui encores fumoiet de feu, que l'ennemy en passant y avoit bouté, si avoit-il eu si bonnes guides, & tant bien festoit tenu sur ses gardes, qu'il y estoit sans aucune perte passé. Le lendemain y entra mondit seigneur le Mareschal avec cent homes d'aimes, & luy servit aussi l'obscurité des sumées du païs que les ennemis avoient brussé, à ce qu'il ne fust descouvert par eux sur le chemin. Sur le soir le Comte de Nansau apres s'estre long temps pourmené à l'étour de la ville pour la recognoistre,

f'en vint loger assez pres de l'abbaye du mont S. Quentin, aurant fasché en son courage d'avoir failly à surprendre la ville avant que gens y fussent entrez, comme au contraire furent contens messeigneurs les Ducs de Vendosme & de Guyse, quand ils sceurent que lesdits seigneurs Mareschal & de Sercu estoient entrez dedans à sauveté, car ils avoient bien bonne esperance que les nouvelles bandes qu'ils faisoient lever en toute la Picardie & la Champagne; & la levée des Lansquenets qu'ils attendoient soubs sa charge du capitaine Nicolas de Rusticis dit le Bossu; seroient arrivez & prests assez à temps pour venir lever ledit siege de Peron ne. Tel estoit l'estat de noz affaires en la Belgicque.

Du païs des Liques outre les huict mille Suisses de la levée faite par messire Loys d'Anguerrant seigneur de Bois- Deux le vées Rigault, lesquels en plus grande partie estoient arrivez au de Suisses. camp, & en partie y arrivoiet de jour en jour par des chemins un peu longs & destournez, mais plus asseurez que le droict chemin pour le destourbier & empeschement des passages: messire Estienne d'Aygue seigneur de Beauvois, & Guillaume seigneur d'Yzernay, l'un des gentilshommes de la chambre, & l'autre varlet de chambre ordinaire du Roy, en avoient faict une autre presque de pareil nombre, ausquels à raison qu'ils arrivoient par divers chemins au lieu qui leur estoit assigné, selon qu'ils se desroboient à la file de leur pais, outre le sceu ou soubs dissimulation des supericurs & Magistrats de leurs cantons, on bailloit guides & commissaires pour les conduire par les estappes, qui à ceste fin avoient esté ordonnées par le plus court chemin droict à Valence, où ils estoient recueillis par commandement du Roy, qui à tous les capitaines fist faire present de cheines d'or pesantes chacune cent escus, & les addressoit au fire de Montmorency son Lieutenant general, lequel ainst qu'ils arrivoient leur faisoit delivrer les quartiers au camp pour se loger chacun avecques sa nation, faifant retirer en fondit camp & au dedans du fort, tous ceux qui sans son ordonnance avoient dressé leurs tentes, ou faict leurs loges au dehors. Enquoy faisant, & usant parmy ses soldars d'vne severité de discipline militaire autrempée d'equité, selon les occasions, il obtint en bien peu de temps, que nonobstant que son armée confistast de natios non seulement diverses

quant aux païs, mais aussi en opinions & sectes contraires, l'ordre & police furent tels entre-eux, que son camp à ceux qui y arrivoient monstroit plus face & apparence d'une cïté policée que d'un camp si freschement & de si diverses nations assemblé.

· Ambassa-

L'EMPEREUR au commencement qu'il entreprit la guerre en France, faisoit bien son compte que le Roy ne des & depef- recouvriroit point ne de Lansquenets ne de Suisses: de Tuches de l'Em rin il n'eust jamais pensé qu'il eust eu moyen de tenir: de la pereur en Ita Belgique il la comproit desja pour chose sienne: mais peu apres qu'il fut entre en Provence, & qu'il entendit cettainement qu'il arrivoit tousjours au Roy quelques bandes de Lansquenets, que de Suisses il en recouvroit plus qu'il ne vouloit, qu'en Italie il avoit faict son amas, & ses gens estoient desja prests à marcher : qu'en la Belgicque la guerre y seroit plus longue, & difficile qu'il ne l'avoit esperé. Et d'avantage que sur mer Oceane ses subjets ordinairement y recevoient perte, & sur la Mediterranée noz galleres se pourmenoient en liberté:alors cut il certaine cognoissance qu'il n'auroit sans ayde d'autruy telle yssue qu'il la desiroit de son entreprise. Il se delibera d'essayer tous moyens possibles pour attirer le S. Pere, & la ligue d'Italie à communication de frais & societé de ceste guerre. Et à ceste fin avoit-il depesché le seigneur Ascagne Colonne avecques pouvoir, instructions, & lettres audit sainct Pere, & à tous les Princes & Potentas d'Italie: protestant envers eux (non qu'ainsi fust, mais pour-ce qu'il servoit à son intention) que entreprenant la guerre contre le Royaume de France, jamais il ne l'avoit faict pour sa particuliere & propre querelle, mais en contemplation du bien public & du repos commun de toute Italie, pour divertir l'insatiable cupidité du Roy, de la cotinuation de faire guerre en icelle. Qu'eux mesmes sçavoiet bien, & il les en appelloit à tesmoignage, qu'il n'avoit laissé aucune voye intentée, pour obtenir du Roy que leurs differends fusient plustost vuidez par ordre & forme de droict & justice, ou par appoinctement equitable, que non par armes & voye de faict, & jusques à l'estre condescendu de donner au Duc d'Angoulesme troissesme fils dudit seigneur Roy, l'estat & Duché de Milan, qui toutesfois luy appartenoit, non seulement comme à Empereur, mais en son propre nom. Premierement comme choe conquise par armes, & par le droict de la guerre, & seconlement comme cedée à luy par le transport du vray seirneur Francisque Sforce, qui estoit droict iudubitable. Et jue quand ores il ne tiendroit qu'à vuider ses mains dudit stat & Duché de Milan, qu'il ne se trouvast moyé de paix n la Chrestienté, lu y estoit de son costé prest à y entendre, & d'en disposer entierement par le consentement & advis commun de tous lesdits Princes & Potentats d'Italie: rant l'en faudroit qu'il eust son bien particulier en plus grade recommandation que le public. Mais que nonobstant tous es devoirs où il l'estoit mis si grandement, le Roy de Frane avoit tousjours superbement & obstinément refusé toues honnestes & raisonnables offres, & preferé la guerre inuste, cruelle, & d'incertaine issue, à une honneste, utile, & erraine paix, jusques à dresser encores à present nouvelle rmée en Italicienquoy il donnoit bien evidemment à comoistre, combien il avoit plus d'affection à travailler l'Ita ie qu'à desfendre son propre Royaume, auquel il avoit si grand faix de guerre sur les bras. Si toutesfois il estoit mis ordre à obvier que ledit seigneur Roy de France ne mist insemble les forces qu'il avoit levées audit païs d'Italie, lelit seigneur Empereur ne doubtoit point qu'il ne remporast de France une si grande & insigne victoire, qu'il asseueroit à perpetuité le repos & tranquillité d'Italie, attendu qu'autre quelconque ne la troubloit, sinon seulement ledit Roy de France.

Tour es ces choses doncques considerées, il concluoir en ses instructions, que comme ainsi sust que luy qui estoit eur Prince souverain & Empereur, eust lors à entretenir en erre & en mer, en divers lieux, & en mesme temps, quatre grosses & puissantes armées, plus pour le bien & repos dentre-eux, que pour aucune offence à luy particulierement aicte, & à ce qu'Italie ne soit assubjectie à domination & eigneurie estrangere, leur vray office & deb voir estoit de uy donner en leur propre cause, ayde, & secours: ou pour mieux entreprendre de consentement commun, & communs despens avecques luy, la tuition & dessens ele a liberté d'Italie: à laquelle faissans à ce besoing, en quoy pourront ils jamais recognoistre l'obligation qu'ils ont envers elle, qui les a heureusement produicts, essente sur pourris en la meilleure & plus amene & gratieuse

contrée du monde ou quelle chose peult elle jamais avoit affaire d'eux, si elle ne l'a en dessense & protection de sa liberté? Telles estoient les remonstrances que le seigneur Ascagne estoit chargé de faire universellement à tous, & particulierement à un chacun des estats, Princes & Potentats d'Italie. Au sainct Pere il avoit à les faire presque pareilles, mais il estoit expressement chargé de luy dire & faire entendre d'avantage, comment le Turc saisoit ses preparatifs pour faire en Chrestienté une descente plus grande & mieux equippée qu'il n'en avoit encores faict jamais: & qu'à la prochaine primevere il seroit prest à y descendre en personne, & qu'en un mesme temps il vouloit & par terre & par mer assaillir les Royaumes de Naples & de Sicile, & là se fortisser, & y faire son magazin de tous equippages de guerre, pour à toutes ses commoditez poursuivre le surplus de l'Italie, & de là se transporte par toute la Chrestienté. Et afin que ledit sainct Pere n'en fust en doubte, avoit aussi ledit seigneur Ascagne charge de remonstrer à 🖍 saincteté, comment desja Barberousle estoit arrivé auecques son armée en la mer Mediterranée, qui la tenoit en telle subjection que le navigage par icelle essoit interdit, aumoins mal seur aux Chrestiens. Et mesmement par ce que le Roy de France indubitablement sestoit uny & alliéavecques iceluy Turc, & qu'il en avoit osté le masque, & cel sé toutes dissimulations: car ouvertement il se semonnoit & pressoit de descendre, si que toutes excusations cessantes ledit Sainct Pere ne pouvoit dissimuler, que pour donnet exempleà tous les estats de la Chrestienté, il ne sust le premier à les exhorrer, & à commencer luy-messine de prendre les armes, & que chascun en ce commun danger apportast quelque remede & soulagement, ainsi que le requeroit leur debvoir envers la commune patrie, envers la foy & la religion Chrestienne, ensemble la consideration de la cause, du temps, du salut present, & de la liberté à l'avenir. Adjoustoit encores, afin que ceste entreprise ne sust infructueuse à sa saincteté, que l'Empereur (en ce faisant) estoit content, & luy offroit de disposer entierement de l'estat & Duché de Milan, ainsi qu'il plairoit à sadite sain-Aeté, avecques participation de la seigneurie de Venise en ordonner.

L E premier jour d'Aoust estoit ledit seigneur Ascagne

arrivé à Rome: le lendemain il eut audience & exposa la creance deslusdite, en presence & compagnie du Comte de Sisfuentes ambailadeur ordinaire de l'Empereur envers le-

dit sainct Pere. Apres l'estant ledit Comte retiré, il parla encores à sa saincteré à part, & luy offrir que ledir seigneur Empereur cederoit & transporteroit ledit estat & Duché de Milan à l'un des neoveux de sadicte saincteté, & seroit u surplus que le Duc de Ferrare (touchant les choses qu'il evoit controverles avecques elle) & le Duc d'urbin (touchant le Duché de Camerin) en transigeroient & appoineroient au contentement & gré d'icelle sa saincteté, mogennant qu'elle fust seulement contente entrer en la ligue l'Italie, c'estoit à dire d'en dechasser entierement le Roy le France. A Genes, à Luques, à Florence, à Siene, avoit edit seigneur Ascagne exposé sa creance en y passant, & de ous avoir remporré une meline relponse, qui fut en somne, que tout autant qu'ils valloient & pouvoient ils emplo veroient de tresbon cueur, ainsi qui leur seroit ordonné par le commun advis de nostre sainct Pere, & de sa majesté Imperiale, au bien, tuition, deffence, & salut d'Italie. Ledit ainct Pere apres qu'il eut grandement & singulierement oué l'affection dudit seigneur Empereur, à procurer le bie & repos particulier d'Italie, & le commun de Chrestienté, espondit au surplus qu'il ne pouvoit blasmer l'advis & co- Responce du ideration de sa majesté Imperiale, de transferer si possi- pape Paul ple estoit la guerre hors d'Italie: mais qu'il loueroit trop tiers à l'amplus qu'elle ne fust ne là, n'ailleurs entre les Chrestiens : car bassade de n quelconque patt qu'elle se face, soit en France, soit en l'Empereur. talie entre sadite majesté & le Roy de France, tousjours alloit-il que le sang Chrestien y fust espandu: & qu'il s'en nsuivist l'amoindrissement & debilitation des principales orces de la Chrestieté. Et quant au Turc sa saincteté estoit pien asseurée qu'on ne sçauroit le convier à veoir un spetacle plus à son gré, qu'a veoir une si cruelle & mortelle querre entre les deux plus puissans Monarques d'icelle: ar il estoit bien à penser que, quelconque en icelle guerre oit le vainqueur ou le vaincu, c'est faire un pont & bailler e choix audit Turc de venir apres assaillir lequel que bon uy sembleroit, se tenant seur que la victoire ne pouvoit etre sinon dommageable & prejudiciable aux forces & puil ance du vainqueur mesme. Mais que tant osoit bien sa sain Q iii

Aeté asseurer ledit seigneur Empereur, que pour celle année qui lors couroir, le Turc ne feroit faire aucune descente en Chrestienté: car sa sainceté avoit en plusieurs advis certains & accordans enfemble, & mesmement par la voye des ambassadeurs Venitiens à Constantinople, que le Turc estoit resolu entierement de ne faire autre chose pour le demourant d'icelle année, sinon de reparer en tant que possible luy seroit la perte & dommage qu'il avoit receu en Afrique, & recouvrer la commodité qu'il l'estoit preparée, & depuis avoit perdue de faire, quand bon luy semblera; descente en Italie. Bien advouoit sa saincteté qu'il estoit vray que ledit Turc ce-pendant vouloit donner ordre (encores qu'à cela il faillist) de preparer sa descente, pour l'année qui vient renforcer le nombre & equippage de ses vailseaux de mer, mettre provision aux finances, aux vivres, aux munitious, & à la levée de ses gens de guerre, pour faire ladite descente avec gros effort & grosse puissance: & n'estre rien plus vray que tous ses plus avancez desseings tendoient sur la Sicile, & sur Italie, ainsi que le mandoit sa ma jesté Imperiale. Et que pour à ce remedier & obvier, il n'estoit possible de choisir autre meilleur chemin que celuy qui estoit par sadite majesté mis en avant, que codonner chaseun au bien public ses querelles & inimitiez particulieres, & que tous ensemble d'un mutuel consentement L'appliquassent à la conservation & desseuse du salut & repos comun. Et qu'à ceste cause autant qu'il congratuloit à la majesté dudit Empereur, ceste sienne continuatio en bon ne & saincte volonté de renouveller la pratique de paix & unio, autant desiroit-il d'y employer & de mettre non que son bié, mais aussi sa propre vic en hazard, pour estre arbitre & moyeneur de ceste paix: pour laquelle sienne affectio & volonté mettre à executio, il ne sçauroit trouuer meilleure entrée, que de perseverer en neutralité, sans condamner prejudiciablemét la cause de l'une des parties, en adherant & se joignant à l'autre. Tant l'en falloit que par une telle voye& moyé il voulust mettre en sa maison aucun estat ne principauté, au dommage, regret ou desplaisir d'autruy, & que quand il plairoit à Dieu luy faire tant de bien & de grace, que de le faire l'un des moindres instrumens qu'il employast à l'execution d'un si grand heur, ceste volonté de Dieu par luy ensuivie, luy seroit suffisant contentement & satilDE MESS. GUILLAUME DU BELLAY. 198

saction de son travail, si que plustost il souhaitteroit la mort, que d'en cherchet ou accepter autre loyer & re-

compenie.

D E s j A estoit l'Empereur arrivé à Aix, alors qu'il eut nouvelle de ceste responce. Sur son chemin il avoit receu Affaires de quelque perte, mais non du tout si grande en effect, comme l'Empereur. elle luy avoit esté griefve & ennuyeuse pour la qualité de ceux qui luy avoient faict le dommage : car ce avoient esté seulement les paisans & montaignarts, qui se tenoient embuschez és destours & au dessus des passages estroicts au long des Alpès, & par occasions sortoient à l'improviste aucunesfois sur les avanteoureurs, & aucunesfois sur la queue de son armée, en sorte qu'il ne se pouvoir essargir aucunement, & ne cheminoit journée, que de deux cens en deux cens pas il ne fust forcé de l'arrester & de se deffendre, sans toutesfois avoir moyen de grandemet endommager lesdits paisans: lesquels soudainement qu'ils se vo goient pressez, se reriroient à mont, par des chemins obliques & incogneuz à autres qu'à eux-mesmes, ainsi que s'ils se fussent evanouis de veuë. Au desloger fut contraint l'Empereur de passer au long d'une tourelle, en laquelle s'estoient enfermez jusques au nombre de cinquante hommes du païs, avecques des archouses qu'ils avoient recouvertes, en intention de choifir ledict seigneur Empereur à leur advis, & quand il passeroit, descharger tous à la fois sur luy, pour le tuer, quoy qu'il leur en peust advenir apres: car ils sçavoient bie qu'ils ne pourroient executer une telle entreprise, sans que la vengeance ne l'en ensuivist par apres, & en effect il s'en faillit bien peu qu'ils n'executassent leur intention : car ils en tuerent un qu'ils pensoiet estre l'Empereur à cause du riche accoustrement qu'il avoir sur le harnois, & de la suitte de gens apres luy qui luy deferoient & faisoient honneur. Force fut à l'Empereur d'y faire amener le canon, & y arrester son camp qui en souffrit moult de malaise, la tour fut battue, & les païsans contraincts de se rendre à la mercy dudit seigneur Empereur, lequel les sist tous pendre tat par courroux de sa demeure, que pour exemple qu'autres n'eussent par apres la hardiesse de faire telles entreprises. Et adverty qu'en un petit plain environné de bois à l'entour & assis fur la crouppe d'une montagne, à laquelle ne pouvoient ses gens arriver, s'estoit retiré un nombre de païsans

avecques femmes, ensans, bestial, sist mettre le seu és bois en divers lieux au dessis du vent, de maniere que tous y surent miserablement brussez, d'aucuns en hors, qui se vou-lans sauver du seu tomberent és mains des ennemis, qui jamais n'en receurent un à mercy. Dont sut depuis le populaire si aigry & animé contre l'Empereur & son armée, qu'oncques homme qui tombast entre leurs mains, ne trouva d'eux plus gracieuse composition que de cruelle & inhumaine mort.

A u d i T lieu d'Aix arriva un courrier envoyé par le seigneur Alcagne, avecques lettres & avis de tout ce que ledict seigneur avoit exploicté ou faict de sa commission, de laquelle il n'avoit réporté le fruict qu'en avoit ledict seigneur Empereur esperé. Si commença lors en considerant & pesant les affaires plus songneusement & diligemment qu'il n'avoit faict au paravant, & les choses estans encores en leur entier, appercevoir & cognoistre que ce n'estoir entreprise legere, que d'assaillir un Roy de France dedans son Royaume,& voioit tresbien (mais un peu tard) qu'il ne luy seroit aucunement possible de fournir & satisfaire long temps à l'entretenement de tant d'armées qu'il avoit en tant de lieux & en melme remps. Pour y remedier en quelque partie, & puis qu'il estoit entré au lieu dont il ne se pouvoit ou vouloit ainsi legerement retirer, il f'avisa d'envoyer à Anvers, & prier les marchans (ausquels il avoit baillé grandes assignations de remboursement sur les deniers qui luy avoient esté ottroyez par les estats, & qui provenoient du revenu ordinaire de ses Royaumes d'Espagne, Naples, & Sicile) qu'ils se contentassent de luy prolonger un an le terme de leur remboursement, afin qu'il se peust aider d'icelles assignations, en leur donnant récopense telle qu'ils voudroient de l'interest qu'ils pourroient avoir à cause de ceste plus longue attente de leurs deniers. Pour à ce faire les induire îl n'y obmist moyen quelconques de persuasion, entrelassant ensemble prieres, promesses, recompense, & craincte de plus long retardement, bil advenoit de male adventure qu'estant ceste guerre de plus longue durée qu'il ne l'avoit esperée du com nencement, son armée (que Dieu ne voulust) se vint à desfaire par faulte de payement. Quoy advenant il estoit à craindre & penser que son ennemy poulsast sa victoire si avant, que sa majesté fust par ce moyen contrain de de leur

faillir à son grand desplaisir & dommage.

CESTE depesche faicte, ledict seigneur Empereur ayat en son cœur nu extreme & merveilleux regret, qu'ayant tant eu d'heureuses victoires es guerres qui avoient esté menées par la conduicte seulement de ses capitaines, luy estant en personne maintenant avecques telle & si puissante armée, & apres avoir bravadé de la sorte que chiacun sçavoit, il fust contrainct de l'arrester si longuement, sans faire aucune execution ou honorable exploict de guerre: print en soy-mesme deliberation nouvelle, ou pour mieux, se resolut, mais trop tard, de mettre à execution celle qu'il avoit au-paravant prise, d'essayer sa fortune, & d'assaillir vivemét son ennemy, laquelle deliberation luy eust peu certes & luy cust esté avantageuse s'il l'eust executée à temps, & comme la raison de la guerre le vouloit, alors que les forces du Royn'estoient encores unies, & que son peuple estoit intimidé pour la soudaine & non attendue descente d'un si puissant & grand ennemy. Au dessoubs d'Aix ayant la ville au doz estoir son camp logé en une plaine, & sur deux collines doucement eslevées & par les deux costez regardantes en icelle plaine, la petite riviere de Lary qui coule au long des murs de la ville passant par le milieu en la longueur de sondict camp. Estant le quinzielme jour d'Aoust en iceluy Surprise que camp il choisit jusques au nombre de trois mille Espagnols voulut fuire quatre mille Italiens, & cinq mille Lansquenets, & sans de- l'Empereur clarer son intention à autres qu'aux capitaines, les fist partir environ la minuict, afin d'arriver où il pretendoit, avant que noz gens en cussent nouvelles, luy mesme avant le jour fut prest à cheval menant en sa compagnie le Duc d'Albe Espagnol, le seigneur Alfonce d'Avalos Marquis du Guast, & le seigneur Dom Ferrand de Gonzague Italiens, & le Comte de Horne Alleman accompagnez de toute la fleur de ses gens de cheval. Et avec ceste trouppe acconsuivit ses gens de pied un peu apres le soleil levé assez pres de la ville de Marseille, en une combe qui s'estendoir jusques à la plage de la marine.

EN celle combe il fist arrester ses gens, & prenant seulement ledict Marquis avecques luy, & un bon nombre d'arc bousiers, marcha en personne pour recognoistre la ville, tenat tousjours les chemins creux, & les voyes obliques, pour

à Marfeille.

n'estre descouvert de ceux de dedans, jusques à ce qu'il arriya pres de la ville à un jest de canon, où il se tint convert d'une masure de maisons n'agueres abatues. Et de là il fist passer ledict Marquis outre la masure avecques gens, chosis arcbousiers, pour recognoistre de pres un endroict qu'on luy avoit dit estre propice & oportun à y planter l'artisserie & sur le costé que lon tenoir la ville plus foible & moins deffensable. Lediet Marquis en regardant l'assiette du lieu, apperceut en un mesme temps, & que la ville avoit esté diligentement remparée en cest endroiet, & que luy avoit esté descouvert de ceux qui faisoient le guet sur les remparts, & que desja estoient sortis gens de la ville, qui avoiét prins le chemin hault, afin de le venir enclorre par derriere. La cause de sa descouverture fut telle: les chevaux-que l'Empereur avoit laissez en la combe, dont j'ay dessus parlé, commencerent fort à hannir, & tant que la combe enclose de montagnes d'une part,& de la mer d'autre, en retentissoit en sorte que le vent en apportoit le bruit jusques dedans la ville. Qui fat en cause que ceux qui estoient de guet sur les murailles furent d'autant plus ententifs à regarder au tour des malures & chemins creux, autant que leur veuë pouvoit estendre, & regardant ainsi curicusement ils decouvrirent ledit Marquis, & le voyans pres & à peu de compagnie avoient mis lesdicts arcbousiers dehors en assez bon nombre, tendans à l'enclorre fil n'avoit autre suitte que ce qu'ils en descouvroient, & pour estre au besoing assez forts, au cas qu'ils trouvassent autres gens en embusche parmy les destours & chemins croizans entre les collines. Le Marquis voyant qu'il estoit descouvert se retira par autre chemin qu'il n'estoit venu vers la masure dont il estoit party, & fut en cause que ceux du guet apperceurent que derriere icelle y avoit encores gens: & pour-ce firent ils encores saillir gens de renfort, & addressans à cest endroict la bouche de quelques canons y mirent incontinant le feu, & feirent un tel exploid à cause des pierres que les coups de canon escarterent en donnant contre ladicte masure, qu'il y eut des gens beaucoup & morts & blessez. L'Empereur en toute diligence se retira plus loing de la ville & hors de la portée du canon, en une valée qui estoit couverte entierement d'un grand & large rocher, duquel sortoit une fontaine d'eaue vive, aupres de laquelle il fist un leger repas. Et puis

apres avoir communiqué sa deliberation avecques les principaux des capitaines estans avecques luy, il ordonna le Duc d'Alve, & le Comte de Horne pour demourer és environs de Marseille, monstrant contenance de la vouloir assieger, & ledict Marquis du Guast avecques nombre de douze cens chevaux, & le capitaine Paule Saxe avecques six enseignes de gens de pied, pour aller recognoistre la ville d'Arles, & s'il leur sembloit qu'elle fust pour estre facilement emportée d'assault, le faire à sçavoir aux dessusdits Duc d'Alve & Comte de Horne, à ce qu'ils se vinsent joindre à eux, ce pendant que luy en personne y viendroit avecques toute sa force. Leur donnant charge toutes sois au cas que ladite ville leur semblast estre en telle deffence, qu'elle fust pour y amuser long temps son camp, eux en ce cas se retirassent avecques lesdicts d'Alve & de Horne devant Marscille, jusques à ce q'ils eussent de luy autres nouvelles. CE s choses ainsi ordonnées, l'Empereur se retira en son camp par le mesme chemin qu'il estoit venu, Noz gens que

je vous ay dict estre sortis hors de Marseille (ainsi que les ennemis soudainement estonnez à cause des coups de canon qui avoient donné dedans la susdicte masure, se reriroient hors de batterie espars en divers lieux, selon que chacun sestoit trouvé à propos de se retirer en lieu de sauveté, & comme gens qui n'avoient pas bonne cognoissance ne du pais, ne des chemins) en surprindrent & prindrent aucuns, lesquels ils emmenerent au seigneur de Barbezieux Lieutenant du Roy, & autres capitaines estans en ladite ville de Marseille. Par iceux prisonniers entendirent lesdicts capitaines comme l'Empereur estoit en personne avecques peu de copagnie derriere ladicte masure alors que les coups de canon y furent tirez, ayant en teste une salade bourguignongne avecques un pennage de violet, blanc & orengé, & sur son harnois vestu d'un saye de damas blanc. Ceste nouvelle oye ne faut demader fil y eut prou de gés qui furent d'avis de faire sur luy une saillie,& que la consequence predre ou tuer un Empereur en quoy gisoit toute la victoire, n'estoit si petite qu'elle ne valust bien le hazard de perdre quelques ges au pis aller. Les antres ausquels plaisoient moins les choses precipitées & de hazard estoient d'avis de ne poinct desgarnir la ville : estimans bien que l'Empereur

ne seroit venu si pres sans avoir telle trouppe à sa queie, qu'elle seroit bien suffisante à un besoing de combatte toute la garnison de Marseille, & que paravanture faisoit il marcher toute son arméeapres luy. Et de le penser ainsi leur donnoient deux choles grande occasion l'une, qu'à ceux qui faisoiet le guet, il sembloit à veoir assez loing de la ville(c'estoit en la vallée où l'Empereur avoit laisse ses) entreluire du harnois à la reverberation du soleil qui donnoit dessus: l'autre, que les prisonniers disoient n'avoir ries sceu quand ils partirent du camp, ne quelle part on les conduisoit, ne que l'Empereur deust venir les acconsuivre. Et à ceste cause il leur sembloit bien à craindre que si on mettoit grosse trouppe de ges hors de la ville, & q l'escamoutché attachée survinssent les ennemis avecques trop grande puissance, ceux de la ville fussent contrains de laisser à leur visage hacher leurs gens en pieces, ou sils se mettoient à les soustenir ils fussent repoussez, de sorte que les ennemis paravanture entrassent pesse messe avecques eux dedans la ville. Les autres en ceste disputation choisirent une voye moyenne, qui fut de retirer ceux qui estoient sortis sans les souffeir marcher plus avat, de peur qu'ils ne s'enbatissent en quelque embusche, & au lieu d'iceux en envoyer d'autres tous fraiz sur des fregattes & barques de pescheurs lesquels allassent terre à terre costoiant la plage hors de la veue de l'ennemy, jusques à ce qu'ils eussent gaingné le dessus de l'endroit où il leur sembloit avoir veu entreluire des harnois. Et qu'arrivant là fils voioient qu'il y eust gens & cognoissoient que par eux ils n'eussent point esté descouvers, ils prinssent terre, & tournoiassent la combe respondant à la plage, tant qu'ils vinssent parmy les guarignes donner alarmes ausdits ennemis, & missent peine en monstrant contenance de se vouloit en combattant retirer, d'attraire lesdits ennemis jusques au droit d'une certeine plage qu'on leur designeroit, en laquelle on envoieroit quelques galleres qui temporiseroient jusques à ce qu'ils veissent leur poinct, & le voyant à propos, deschargeroient l'artillerie à travers eux à l'improviste. Faisans leur compte qu'ainsi advenant, il ne se pouvoit faire que sans danger de recevoir honte ne dommage ils ne fissent grosse tuerie, & pourroit estre (comme souvent tombent les hazards aussi tost sur les gras que sur les petits) l'Empereur mesmes ou quelques

DE MESS, GUILLAUME DU BELLAY.

autres personnages se trouveroient au droict de la mal-ad-

vanture.

CESTE opinion fut suivie & mise à execution : mais l'Empereur essoit desja party. Noz gens quand ils furent mis à terre ainsi qu'il avoit esté advisé, firent un long circuit parmy les myrtes lentisques, & autres tels arbustes dot le pais est si grandement couvert, & puis se laisserent voir de loing comme si se fussent gens qui vinssent d'un autre part qu'ils ne venoient. Le Duc d'Albe si tost qu'il les apperceut, envoya quelques chevaux legers au devant aufquels il donna charge d'en approcher si pres qu'ils peussent estimer le nombre qu'ils pouvoient estre, & luy en mander nouvelles incontinant. Les dits chevaux legers arrivez qu'ils furent & qu'ils veirent les nostres estre si peu, envoyerent promptement en advertir ledit seigneur Duc,& eux ce pendant pour les amuser, qu'ils ne se retirassent, & en esperance de les attraire en lieu qu'il ne s'en sauvast un pour en porter la nouvelle, les commencerent à vouloir charger. Et les nostres qui estoiét tous archousiers deschargeans cotre eux leurs arcbouses monstrerent contenance de les crain dre bien peu, qui estoit ce que lesdits chevaux legers desiroient le plus, car ils rendoient seulement à fin d'amuser les nostres tant que la grosse trouppe des leurs arrivast, & les nostres en cas pareil tendoient à fin d'attraire ladite grosse trouppe des ennemis, laquelle ne tarda gueres à se descouvrir. Et lors les nostres comme si ce leur eust esté chose inopinée, firent semblant de l'estonner, & recullerent tousjours sans se mettre en fuitte abandonnée, tant que les ennemis fussent à l'endroit qu'eux avoient charge les attirer: & lors ils tournerent soudainement le doz, & se sauverent parmy lesdits arbustes. Et sur ce poinct commencerent coups de canon de tirer à furie de noz galleres parmy la plage qui estoit descouverte au beau millieu des ennemis, & leur firent en peu d'heure un tel dommage, que les corps des uns, les bras & jabes des autres estendues sur la place, la lamentation des mourans la consternatió & desolatio des fuians, estonnerent tant ceux qui estoient sains & entiers, qu'ils ne tascheret tous sinon à eviter le danger, avat qu'en faire l'espreuve. Leur suitte sut sondaine & pleine d'espouventement, mais il advint une chose qui la leur creut encores grandement: car noz gens qui s'estoient retirez par-

my les arbustes & garrigues, chargerent si furieusement sur les suyans, qu'ils surent cause de les mettre en opinion qu'ils fussent avatcoureurs de l'avantgarde de nostre camp, lequel sur les nouvelles du deslogement de l'Empereur, se fuit aussi deslogé d'Avignon, en intention de presenter la bataille. Le mieux qu'ils sceurent faire fut de se rallier & retirer ensemble plus à l'escart & loing de la marine en une vallée ceinte à l'entour de rochers & collines, esquelles ils assirent leur guet pour veoir si aucun viendroit sur eux. Là fit le Duc d'Alve reveue de ses gens, & trouva en avoir beaucoup perdu, & mesmement de gens de nom, entre les autres le Côte de Horne, & un autre capitaine Allema son parent prochain, lesquels furent de tous moult regrettez. Les nostres se retirerent à Marseille avecques bien peu de perte. Es mains des ennemis en tomba un en vie, qui fur amené prisonnier au Duc, lequel entendit par luy tout le discours de ceste entreprise, & sceut qu'il n'estoit nouvelle q le camp du Roy fust deslogé. Le Duc & les autres capitaines en vengeance de la perte qu'ils avoient faicte de gens de bien, sirent cruellement tirer ledict prisonnier à quatre chevaux, soubs couleur qu'il estoit Italien, & avoit esté n'agueres à la soulde de l'Empereur, luy mettant à sus par ceste occasion qu'il estoit transfuge & traistre envers ledit seigneur.

Le seigneur Marquis du Guast, & le capitaine Paule Saxe avoient, durant ce temps, continué le chemin qui leur
avoit esté ordonné: avoient traversé tout le plain de Craux,
dit autrement les champs pierreux, sans y avoir trouvé
rencontre: & à costé dudit plain vers les maraiz assez pres
du pont de Craux s'arresterent & prindrent advis de ce
qu'ils auroient à faire. Le capitaine Paule Saxe demeura
audit lieu avecques la trouppe: le Marquis avecques seulement trête chevaux vint jusques au pot, & y en laissa vint
à la garde, luy auec le surplus passa le pont, & vint jusques
en une terre regardant sur la ville, lequel on luy avoit dit
estre moult propice (ainsi qu'il estoit la verité) pour la te-

Estat de la nir en extreme subjection: car y asseant quelques pieces rulle d'Arles. d'artillerie, & faisant batterie par le costé dont la ceinture ou courtine se venoit encoigner avecques celle qui est au descous d'icelle montagne, elles eussent battu par dedás la ville au long d'icelle courtine où seroit faict la batterie:

en sorte que ceux de dedans ne se fussent osez presenter à soustenir l'assault. En ceste sorte s'arresta le Marquis, & se tenant derriere deux moulins à vent qui le couvroient, apperceut cleremét qu'il avoit esté pourveu à l'encontre de la commodité qu'il y esperoit trouver, & luy en cas pareil fut descouvert & apperceu des nostres. Mais tat y a que si l'Empereur, avant que le sire de Montmorency Licurenant general du Roy se fust advisé de faire fortifier ladite ville, y fust venu droict ainsi qu'il avoit deliberé, sans point de faute il n'eust trouvé aucune resistance, qu'il ne s'en fust saisi facilement, & de là il cust eu le passage du Rhosne à son commandement & à son choix, de nous assaillir ou en Provence, ou en Languedoc, ainsi que le téps luy cust mieux presenté l'occasion d'entreprendre ou l'un ou l'autre. Mais en peu de temps elle fut en telle reparation au moyen de la solicitation qu'en fist ledit Lieutenant general, & de la diligence dont les capitaines, & de l'assidu travail dont les soldats, & du devoir dont les habitans y userent, si qu'au tresiesme jour elle estoit en la plus grande asseurance du costé dont treze jours au-paravant elle estoit la plus doutable & moins en estat de deffence.

LADITE ville d'Arles siet sur le Rhosne à l'édroict de la poincte où il se fend en deux, & allant par deux bouches se descharger en la mer, enclost de ses deux bras une isle triangulaire nomée la Camarole. Le premier jour d'Aoust y entreret les seigneurs Ican Caracciol Neapolitain Prince de Melphe, & Stephe Colonne Romain avecques pouvoir esgal ensemble de Lieutenant du Roy en ladite ville. Ledit jour y entra messire Antoine d'Ancienville seigneur de Villiers aux Corneilles commissaire de l'artillerie, avecques douze pieces d'artillerie, que grosse que moyenne, & deux cens cinquante pionniers ordonnez au service d'icelles pieces. Le lendemain y arriva le capitaine Bonneval avec sa compagnie de cinquante hommes d'armes & vingt homes d'armes de celle du seigneur de Boisy, lesquels menoit le seigneur de Montreul-Bonnin son Lieu tenant. Ledit Bonneval estant ordonné avecques le Comte de Tende à faire le deguast ainsi qu'il a esté dit cy dessus, avoit receu lettres du seigneur de Montmorency Lieutenant general dessudit du Roy: par lesquelles luy estat mãdé de se retirer en ladite ville d'Arles pour estre copagnon

à la tuition & garde d'icelle, avecques les dessudits Melfe & Colone, & luy ayant addressé sa compagnie, passa en diligence parmy le camp, afin de plus amplement entendre dudit seigneur Lieutenant general, ce qu'il auroit à faire, & quel ordre avoit esté mis à la fortification de ladite ville, laquelle il sçavoit avoir esté au-paravant tres-mal tenable. Son sejour audit camp fut assez brief: de là passant à Tarascon où il rencontra sa compagnie, visita le chasteau dudit lieu, aussi la place de Beaucaire assise de l'autre costé du Rhosne, ainsi que par ledit seigneur Lieutenant general il luy avoit esté ordonné, auquel il fist sçavoir son advis de ce qu'il y avoit veu. Suivat lequel advis ledit seigneur Lieutenant general ne voulant obmettre chose qui fust reparable par humaine prevoyance, fist reparer lesdites places & y mist le seigneur de Rabodenge eschanson ordinaire, & de S. Remy commissaire de l'artillerie, avecque s le non-

bre de cinq cens hommes de guerre.

ARRIVE que sut ledit capitaine en Arles il presenta ses lettres & communiqua sa charge aux dessudits Prince de Melfe & Stefe Colonne, qui avoient ja comencé quelques fortifications aux endroits plus debiles. Mais quelque comencement qu'il y eust, les habitans estoient ce nonobifat hommes & femmes fort estonnez, & principalemet le menu peuple: à cause que plusieurs dames qui ordinairemet y faisoiet leur demeure (ainsi que la coustume du pais est autre qu'elle n'est au cueur de France, que les gentilshommes & gentilles-femmes se tiennét és villes) avoient faict serrer leur bagage, pour se retirer ailleurs, qui donnoit grand espouventement audit menu peuple, & occasion de craindre que la ville fust en apparant danger de tomber en inconvenient. Mais ledit capitaine Bonneval arrive ad'autant qu'il estoit François, & que les gens de la ville entendoient, son langage mieux que des autres, aussi qu'il apportoit asseuran ce dudit sire de Montmorency Lieutenant general (auquel avoit tout le pais une grande fiance) de ne leur laiser avoit faulte de choses quelconques necessaires à la garde & deffence d'icelle, lesdites dames se rasseurerent, & ne deslogerent point, & dés lors commencerent tous & grans & petits à mettre la main à l'œuvre, & coux qui en avoient le moyen offroient à y employer de leur propre bourse. En ladite ville estoient alors environ de cent trente hommes des compagnies

DE MESS. GUILLAUME DU BELLAT. 30

compagnies dessus nommées: mille hommes de pied Guascons soubs la charge de Iean de Foix Comte de Carmain; mille Champenois soubs la charge de messire Iean d'Anglurre seigneur de Iour ; & de trois à quatre cens archousiers Italiens: lequel nombre ne sembla aux dessusdits estre suffisant pour soustenir la continuatio des assaux qui pourtoient y estre ordonnez par un camp Imperial. De bleds y avoit bien grande quantité, mais peu de farines, & pas vii moulin; parquoy il fut ordoné de faire jusques à vingteinq moulins à bras & chevaux. De vins y en avoit trespeu, mais le Rhosne estoit à commandement pour y en amener, & les chefs de bonne volonté pour à un besoing boire de l'eau; aussi les soldats, car à la necessité tous brevages sont bons à qui a voloté de bien faire toutesfois il fut advisé d'y en faire amener. Quant aux chairs ils avoiet moyen de recouvrer en un jour dix mille bestes à corne de ladite iste de la Camarolle, qui estoit vis à vis de la ville, un bras du Rhosne entre deux. De sel y avoit en abondance, de pouldres n'y. avoit pas grande quantité, ne d'autres munitions servantes au faict de l'artillerie.

Toutes choses ainsi que dessus considerées, sut advisé que le Prince de Melfe, lequel on pria d'accepter ceste charge (ce que tresvolontiers il fit pour le service du Roy) iroit au camp lez Avignon, pour en advertir ledit sire de Montmorency, à ce qu'il y envoyast les choses necessaires & requises à la deffence & seureté de ladite ville. ce pendant que ledit Prince de Melfe fist son voyage, quelque debat entre deux soldats, l'un de la bande d'Anglurre, & l'autre Italien: & tellement falluma la noise entre eux premierement, & puis apres entre les compagnons de l'un & de l'autre, qu'à la fin presque toute la compagnie femeut & banda contre les Italiens, lesquels estoient par trop petit nombre au prix des Champenois. Telle fut la messée qu'il en mourut de soixante à octate que d'une part que de l'autre, & furent lesdits Italiens repoulsez juiques dedans le logis du seigneur Stefe Colonne, auquel ils se retirerent pour estre ledit seigneur de leur langue, & Lieutenant du Roy en ladite ville: mais les Champenois estoient desja si eschauffez, que sans aucune consideration du lieu que tenoit ledit seigneur, non seulement ils s'efforcerent d'entrer pelle-messe avec les Italiens; ains y accoururent à

enseigne desployée, comme si c'eust esté contre les ennemis du Roy. Attrainerent une piece d'artillerie jusques à la porte, les uns prests à la descharger contre icelle, les autres tirans à coups d'archouse contre ceux qui se monstroient aux fenestres, afin de parlementer à eux, & appaiser la noise, & en avoient desja tué trois ou quatre, les autres montans sur les maisons pour les descouvrir, & y entrer par là. De maniere qu'il estoit apparant d'y arriver un gros & lourd inconvenient pour le service du Roy: si ledit capitaine Bonneval, oyant le bruit de ceste esmotion, n'y fust accouru sou dainement avec seulement dix ou douze hommes d'armes de sa compagnie qui se trouverent à son logis, & à toutes les autres fist à sçavoir qu'ils le suivissent montez & armez, luy pour la haste qu'il eut d'y arriver avant que pis advint, ayant seulement une rondelle au poing, & son espée au costé sans avoir eu le loisir de se couvrir d'aurre harnois. Et ar rivé qu'il fut premierement au lieu de ce tumulte, il fist comandement au seigneur de Villiers qu'il rencontra de retirer l'artillerie, qui luy estoir chose fort difficile, car les susdits mutins l'avoient attrainée par force & en despit des ca nonniers. Aussi fist commandement au seigneur d'Anglurre, qu'il eut à faire retirer ses gens, mais peu y valut son comandement, ne le credit que trouva ledit Anglurre avec les gens.

S u R ce poinct arriveret les seigneurs des Brosses Lieutenant dudit seigneur de Boneval, & de Montreul-bonnin Lieutenant du seigneur de Boisy avec leur gédarmerie bien armée & bien montée, & la lace sur la cuisse, ainsi qu'il leur avoit esté ordonné, dot ledit seigneur de Bonneval en renvoya vingt, ausquels il donna charge d'aller assembler de logis en logis tous les Italies qu'ils trouveroiet, pour les me ner à un destour, & lieu fort qu'il avoit autresfois choisi der riere l'Eglise qu'o appelle la Majour, & que sur la vie ils donassent ordre qu'ausdits Italies ne fust faict mal ne desplaisir. Aux autres il commanda de s'arrester aupres du logis du seigneur Colone, jusques à ce qu'ils leur commandassent ce qu'ils auroiet à faire. Et luy avec x. homes d'armes qu'il fist mettre à pied, se pourmenant à l'entour du logis trouva moyé de les mettre dedas par un huis de derriere, leur commaudat qu'ils se mostrassent aux fenestres, asin que les mutins cogneussent que le logis estoit garny de gens. Et luy ce

fait s'é retourna vers iceux mutins, lesquels voyas les homes d'armes aux senestres, siret contenance de se vouloir mutiner cotre ledit seigneur de Boneval; mais il leur monstra tel visaige, usant de remostrances & de menasles, & leur faisant entedre qu'outre la gendarmerie qu'ils voyoiet à sa queuë, estoit desja en armes en la place pour se venir joindre à luy, la bande du Cote de Carmain, lequel ils sçavoient estre son nepveu germain, & qu'il avoit la puissance en main de les faire venir à la raison qu'à la parsin ils se retirerent, joinst qu'ils voyoiet le seigneur de Villiers comissaire de l'artille-tie, & d'Anglurre leur capitaine regez avec ledit seigneur de Bonneval, qui grandement s'acquitterétà rappaiser les choses, & avoient suitte d'aucuns de la mesme compagnie, ausquels desplaisoit ceste mutinerie & saçon de faire, cotre un chevalier de l'ordre & Lieutenant du Roy.

L'a mutinerie appailée, le seigneur Colone envoya prier ledit seigneur de Bonneval, de s'en venir vers luy à son logis: & arrivé qu'il y fur, luy declara qu'attedu l'outrage qui luy avoit esté faict, il n'estoit deliberé de plus demeurer en la ville, & le pria tres-instamment de l'en vouloir mettre dehors, & faire accompagner jusques au lieu de seurcté. Le seigneur de Bonneval au contraire luy remonstra, qu'ayant ledit seigneur Colonne charge de la ville de par le Roy, & l'Empereur estant ja si pres qu'au plain d'Avillanne au dessoubs d'Aix, il n'en devoit ainsi dessoger ains faire à sçavoir au Roy, ou à monseigneur le Grand-maistie Lieurenant general du Roy comment les choses estoient passées: à ce qu'on luy ostast & chastiast lesdits mutins: & qu'en leur lieu on luy envoyast d'autres gens plus obeissans & de meilleur service, & attendant la responce du Roy, il ne devoit ne pouvoit riens craindre, car encores estoit la force entre les bons obeissans & sur ce luy offroit de venir luy-mesmes coucher audit logis avecques luy, & de faire que toute la gendarmerie avecques, la moitié des bandes du Comte de Carmain feroient le guet toûte la nuice afin qu'il n'y advint nouveau desordre. Mais quelques remonstrances qu'il sceut faire, ledit seigneur Colonne (craignat que ceste premiere picque en engédrast encores quelque autre, dont le service du Roy se portast pis, & luy receut honte & reproche, allegat aussi qu'il ne laissoit la ville lans chef, y estant ledit seigneur de Bonneyal, qui pour

R ij

estre de la langue pourroit plus tost que luy tirer obeissance des gens melines qui avoient faict ceste emotion, sil advenoit que l'Empereur approchast avat qu'on en y eust envoyé d'autres) persevera en son opinion de se retirer au cap, ou vers le Roy, & tant insista que ledit seigneur de Bonneval y assentit. Et pour-ce fist il monter à cheval jusques à trente hommes d'armes des siens, dont il en ordonna dix à marcher devant, & apres eux les gens dudit seigneur Colonne, & puis cux mesmes avecques dix autres homes d'armes en leur compagnie, & les autres dix derriere: tant qu'ils arriverent au port de Trinquetaille auquel passa ledit seigneur Colonne, & prenant congé dudit Bonneval, luy recommanda & pria de mettre en pareille seureté ce peu de soldats Italiens qu'il avoit laissez en la ville, ce qu'il feit avecques le mesme ordre dessudict: & audit port de Trinquetaille leur feit delivrer des vivres jusques au lendemain. Ce faict il commanda tres-expressement audit d'Anglure qu'il feit chercher parmy ses bandes, & qu'il luy representait les principaux autheurs de l'esmotion: & ce pendant que ledit Anglure en fist la diligence, lequel estoit de sa personne gentil compagnon & de bonne volonté, mais tres-mal accompagné de gens, il fist une depesche à monseigneur le Grand-maistre Lieutenant general du Roy, l'advertissant de ce qui estoit advenu, & le priant d'envoyer homme d'au thorité, pour entendre commét les choses estoyent passées. Ledit seigneur Grand-maistre y renvoya incontinant le Prince de Melphe, & avecques luy messire Poton Raffin Seneschai d'Agenois & l'un des capitaines de ses gardes, & apres eux envoya bon equippage d'artillerie, & d'autres cho les necessaires: car outre ce qu'il estoit generalement ententif à pourveoir, & faire toutes choses qui pourroient appor ter nuisance, empeschement, ou retardement à l'ennemy, & qu'il sçavoit quel avantage seroit audit ennemy de se pouvoir saisir de ladite ville, il avoit encores particulierement une singuliere affection à la bien fournir de toutes choses, d'autant que luy presque seul & contre l'opinion de plusieurs, avoit esté d'advis de la fortifier: & à ceste cause si mal en fust advenu, on luy eust peu mettre en avant, qu'il eust esté meilleur & plus expediant de la laisser ouverte & desemparée à l'ennemy, que la fortifiant insuffisamment, doner audit ennemy l'honneur de l'auoir prise d'assault, à la DE, MESS. GUILLAUME DU BELLAY. 30

grande augmentation de la gloire & reputation de ses forces, & diminution du cueur & de l'esperance des nostres. Ledit seigneur d'Anglure delivra és mains du seigneur de Bonneval deux des mutins de ses bandes, dont l'un se dissoit estre gentilhomme: lesquels furent executez & penduz aux goutieres de la maison de la ville, & surent ses bandes renvoyées au camp, luy demeura en la ville fort ma lade.

S E s bandes arrivées au camp, furent publicquement & en signe d'ignominie leurs enseignes ostées & desarborées tous les mutins declarez indignes & inhabiles à jamais de prendre soulde au service du Roy: & en leur lieu furent envoyez deux mille hommes, dont estoit chef & Colonnel messire Loys de Luxébourg Comte de Roussy: lequel touresfois un sien frere nommé lea de Luxembourg seigneur de Chistelle furent tost apres contremandez par ledit seigneur Lieutenant du Roy, pour les tenir pres de sa personne, laissant mille hommes de leurs gens, dont le seigneur de Marieu de Dauphiné avoit la charge de cinq cens, & le seigneur de la Goutte de Bourbonnois les autres: & furent envoyez au lieu des mille que ledit de Luxembourg amenoit, cinq cens hommes que conduisoit le seigneur du Palais de la Comté de Foix, & v.cens autres que conduisoit le Baron de Rixou du païs de Languedoc.

Le s reparations ce pendant se continuoient, en sorte que du costé qui plus estoit à craindre auparavant, il y eut dés le tressesse jour moins de danger qu'en tous les autres & y avoit ja six grans boulevers & platesormes en dessences. Puis su l'artillerie assis sur liceux boulevers, & és autres lieux, où l'on jugea qu'elle seroit meilleur service dedans la ville à un ancien theatre dit les Arenes, lequel regarde merveilleusement bien & à propos le tertre & hault sieu dont nous avons cy devant parlé, de sorte que gens en trouppe ne s'y pouvoiét aucunemét tenir à couvert. Sur ce theatre sut advisé de mettre deux pieces d'artillerie, en lieu

qu'elles pouvoyent battre de toutes pars à l'environ.

Toutes ces fortifications veoit le seigneur Marquis du Guast dudit hault lieu où il sestoit embusché derrière les moulins à vent ainsi que j'ay dit cy dessus, & bié jugeont à l'œil, qu'il avoit esté suffisamment remedié contre toutes les comoditez qu'il avoit esperé trouver au siege & batte-

rie de la ville:mais tost apres il eut moyen(& non sans danget de sa vie) d'en juger par experience, non que de l'œil: car il fut descouvert des nostres, & fut incontinant par le dit' Seneschal d'Agenois, lequel se pourmenoit avecques ledit seigneur de Bonneval, monstré au seigneur de Villiers commissaire tres-diligent & tres-experimenté au faict de l'artilerie, lequel promptement addressa si à propos devers le lieu où estoit ledit Marquis les deux pieces estans sur le theatre des Arenes, que si le Marquis voyant mettre le feu ne se fust tiré à costé; il n'eust failly d'arriver à la fin de sa vie. Les boulets qui tomberent pres de luy & firent jallir la terre à l'entour, effrayerent tellement le cheval sur lequel il estoit monté, qui de fortune en avoit esté attaint, qu'il retourna la teste vers le chemin' dont il estoit venu, & n'en sceut le Marquis estre maistre qu'il n'arrivast au pont où il avoit laissé les xx.chevaux de garde. Et de la se retira reconduisant ses gens plus viste qu'il n'estoit venu, car il entendit le bruit de l'alarme qui se donnoit en la ville, & craignoit d'estre surpris avant qu'arriver au lieu où il avoit laissé sa trouppe, qui estoit derriere le dessusdit lieu haut, tirant vers les maraiz, hors de veuë & descouverture de la ville, & auquel on pouvoit loger jusques au nombre de cinq à six mille hommes. Qui avoit esté la cause que l'on craignoir ledit hault lieu regardant en la ville : car quand il n'y eust eu autre inconvenient, finon que dudit regard en la ville, & de l'artillerie qui dudit hault eut peu(si on n'y eust réparé)battre par dedans au long de la courrine, pour empescher, que l'on se vint presenter à deffendre l'assault, & il n'y cust eu place pour loger à couvert gens pour deffendre l'artillerie, que ceux de dedans ne la vinssent gaigner ou pour le moins enclouer, ledit hault lieu n'eust tant esté à craindre. Les seigneurs Prince de Melphe, & de Bonneval & Seneschal d'Agenois voulurent bien que l'alarme se donnast chaulde dedans la ville, non qu'ils voulussent faire quelque grosse saillie, mais pour esprouver le cueur des gens qu'ils avoient, lesquels ils trouverent de si bonne & prompte volonté que dés lors esperance de s'en bien ayder accompagna l'affection qu'ils avoient de ce faire. Les murailles furent inconrinant garnies, & de chacune bande le nombre ordonné, & au lieu qui leur estoit ordonné de se rendre en cas d'alarme, les enseignes aussi aux lieux qui leur estoient ordonnez,

& toutes si bien accompagnées, qu'il ne sembloit point que ceux qui estoient sur les murailles y fissent faulte, & ne parloit-on sinon de sortir hors à toute force. Mais les chefs qui avoient souvent des nouvelles du camp des ennemis, & mesmement par un religieux de l'ordre de sainct François, que ledit seigneur de Bonneval y entretenoit, & par lequel ils avoient eyes nouvelles, que l'Empereur menassoit fort de venir en Arles, ne les voulurent laisser faillir, craignans que le camp Imperial fust à la queue : louerent toutesfois leut bonne volonté, & les priant de l'entretenir, & d'en reserver l'execution au temps que les chefs jugeroient estre opportun, & leur commanderoient de ce faire: mirent seulement dix hommes d'armes dehors, ausquels il fut commandé d'aller en avant jusques à ce qu'ils sceussent quelle suitte pouvoient avoir eue ceux qui avoient esté descouvers de la ville, & quelle pourroit estre l'intention des ennemis. Lesdits hommes d'armes allerent fort avant sus trouver à qui parler : bien virent ils la piste des chevaulx en la vallée où ils avoyent esté embuschez au long des maraiz, & le train de la retraitte tant d'eux, que des gens de pied:mais ils s'en estoient allez plus viste qu'ils n'estoient venuz, de sorte que leur diligence les osta de veue & de cognoissance des nostres. Deux païsans furent trouvez dedans des brandes ou guarrigues, qui là s'estoient mussez de peur. Par eux entendirent noz gens & vindrent faire le rapport, que lesdits ennemis s'estoyent retirez avecques la grosse trouppe, & avoient tous ensemble passé au long d'un lieu qui l'appelle saince Martin, à plus d'une grande lieu de la ville, tendant au chemin de Marseille.

C E temps pendant arriverent les vivres, artillerie, & autres munitions qui devoient suivre les Prince de Melphe & Seneschal d'Agenois, entre autres choses de dix ou douze batteaux de vin, qui estoit quant aux vivres ce dont ils avoient plus de besoin: & de pouldres pour artillerie & arcbouse, ensemble des matieres requises à faire lances, pots, & grenades, dont ils firent saire grande quantité, par un canonnier habitant de la ville, compagnon expert à ce mestier, & lequel avoit esté au service de la religió de Rhodes. En ce temps arriverent quelques galleres de l'Empereur au devant de la tour de bouche de Rhosne, laquelle ils canonnerent long temps. Ceux qui estoient dedans ne mon-

R iiij

strerent point contenance de gens estonnez, ains se dessendirent tresbien, & donnerent des coups d'artillerie dedans l'une desdites galleres, dont ils firent gros dommage aux en nemis,& à la fin les contraignirent de se retirer, mais grandement ennuiez d'avoir failly en leur entreprise : car ils avoient deliberé sils la pouvoient prédre, de faire là endroit un pont pour passer en Languedoc, en esperance de se saisir de plusieurs bonnes & riches villes du païs, mais mal garnies de gens de guerre, & encores pis fortifiées. Et pour craincte qu'ils ne vinssent au dessus de leur entreprise d'icelle tour, avoit le Roy ordonné quelques gens pour mettre és villes de Nymes, Besiers, & autres, & moyen de commencer à y remparer, outre les gens que le seigneur de Champdenier avoit paravant levez ou commandez estre prests au besoing en tout le gouvernement dudict Languedoc: lesquels servirent bien un temps apres, mais pour le present n'en fut mestier: dont le Roy se contenta grandement du capitaine qui avoit la charge de ladicte tour : lequel outre ce qu'il estoit gentil compagnon & serviteur affectionné, s'efforçoit encores de faire service, de tant plus qu'il avoit en sa jeunesse faist quelque coup en une querelle & debat, dont il taschoit effacer la coulpe & memoire par son bien faire, ain si qu'il fit, car en recognoissance de ce service, le Roy luy pardonna son maltalent: & a depuis eu ledit compagnon nommé Viconte, charge de cinq cens hommes de pied au fervice dudit Seigneur.

P E u de temps apres advint autre mutinerie d'aussi mauvaise & dangereuse consequence que la ptemiere, & sur la cause & commencement en ceste maniere: deux compagnons de la bande du capitaine Arzac de la Besse natis d'aupres de Bordeaux en la basse Guascongne, lequel avoit cinquens hommes soubs la charge du Comte de Carmain, estas un jour à leur guet, veirent passer deux vivandiers qui menoient des moutons aux champs, & soudainement descendirent de la muraille par les eschelles qui tous les jours s'y dressoient aux matins, & aux soirs se retiroient, pour cause des gens qui y besongnoient pour la fortissication de la ville: & par force prindrent cinq ou six moutons desdicts vivandiers, lesquels en vindrent faire la plaincte au Comte de Carmain, par ce qu'ils estoient de ses bandes, luy requerant de leur en faire la raison. A quoy faire il ne sut aucune-

ment refusant, mais incontinant fist prendre les delinquans & mettre entre les mains des dessusdits Prince de Melphe & seigneur de Bonneval, qui les sirent mener en la prison de la ville. Bien tost apres ledit Arzac vint au logis du seigneur de Bonneval, le supplier de luy vouloir rendre lesdits compagnons,& que ceste faulte leur fust pardonnée, lequel fist response qu'il en parleroit au Prince de Melphe: car de soy-mesme il ne le vouloit ne devoit faire, attendue l'importance & consequence d'un tel cas, qui ne pouvoit estre sinon de mauvais exemple, pour deux raisons; l'une d'avoir abandonné son guet pour aller au pillage, & par dessus les murs de la ville : l'autre, pour-ce que si Iustice n'avoit lieu contre ceux qui destroussent les vivandiers, c'estoit pour mettre la ville en necessité, mesmement l'Empereur estant si pres comme il estoir. Ledit Arzac replicqua ce que bon luy sembla, & entre autres choses, que si lesdits compagnons n'estoient rendus, il y avoit bezucoup de gens és ban des qui ne le trouveroient pas bon. A quoy le seigneur de Bonneval respondit en luy commandant de par le Roy, qu'il eust luy-mesme à mettre hors la ville tous ceux de sa bande qui ne trouveroient bon que Iustice fut faicte des in fracteurs de la discipline militaire, & des statuts & ordonnances de la guerre. Et à ce ledit Arzac ne fist aucune response, mais sortit hors avecques visage & contenance d'home non content & marry. Advint le soir apres soupper, qu'estans lesdits seigneurs Prince de Melphe & de Bonneval hors la ville où ils affeoyent un guet d'iniquité, les com pagnons de guerre qu'ils avoient accoustumé d'y asseoir espanduz en divers lieux, pour obvier à toutes occasions de surprise, la bande dudit Arzac qui estoit de cinq cens hommes se mutina, & commençant à crier Guascongne pour esmouvoir les autres de la mesme nation, coururent droict à la maison de la ville, mettans peine & diligence de briser les portes,& de forcer si peu de garde qui estoit dedans:& à ce qu'aucun ne vint à la secourir, garnirent de picquiers & arcbousiers tous les coings d'une petite place qui estoit devant ladite maison. Le bruit de ce desordre vint aux oreilles du Comte de Carmain, lequel pour estre leur Colonnel y vint promptement, & se mist au devant d'eux l'espée en la main, faisant ce que possible luy fut pour appaiser la mutinerie, & faire retirer chacun en son logis: mais peu valurent ses remonstrances, ains il faillit deux ou trois sois à effire tué. Les dessussités Prince de Melphe & seigneur de Bonneval advertis de ceste esmotion, y arriverent aussi en diligence, mais ne peurent jamais y arriver à temps, que des ja la maison de la ville ne sust forcée, tous les registres & papiers brussez, & les les dits compagnons de guerre, ensemble tous les autres prisonniers qui sy trouverent plainement mis en liberté.

Pour ce soir ne furent d'advis les chess d'en faire autre demonstration, pour doute qu'en faisant chercher les delin quans il advint autre inconvenient comme pillage de maisons, ou forcement de femmes, & telles choses que commet tent folles gens de mauvaise volonté, quant ils ont couleur d'aller cherchant par les maisons de nuict, qui (comme dit le proverbe commun) n'a point de honte : mais adviserent que ce pendant ledict seigneur de Bonneval seroit venir à luy tous les capitaines des autres bandes un à un, à ce qu'ils gaignassent les principaux des compagnons chacun de sa bande, pour tenir main & avoir raison des autheurs de ceste mutinerie, leur remonstrant combien telles façons de faire estoient hors des limites de raison, & quel detriment seroit envers le Roy à tous les gens de guerre de la nation Françoise, que telles esmotions advinssent souvent par eux, & que ce seroit occasion audit seigneur de prendre à son ser vice gens d'estrangeres natios, & de plus ne se servir de ceux de la sienne. Er tant usa ledict de Bonneval de remonstrances avecques authorité, que tous luy promirét tenir la main à faire Iustice des malfaicteurs, jusques à faire mettre en pieces tous ceux qui oseroient y contredire. Au lendemain marin les dessusdits de Melphe & de Bonneval apres avoir communiqué ensemble, feirent venir à eux le Comte de Carmain, auquel ils ordonnerent faire sonner le tabourin, & mettre ses enseignes aux champs, apprester ses bandes pour les conduire au camp lez Avignon : car ils n'estoient deliberez de tenir gens ainsi mutins à une ville de telle importance, & où ils attendoient le siege de jour à autre, toutes remonstrances cessans & apres toutes resistances furent lesdictes bandes contrainctes de sottir hors par la porte de Craux. Par la porte du costé de Tarascon seirent lesdits de Melphe & de Bonneval sortir la gendarmerie à cheval, ensemble deux mille hommes de pied des autres bandes, &

trois ou quatre cens du pais, que conduisoit le seigneur d'Eguieres habitant en ladicte ville. Ce faict ils commanderent audit Comte de faire mettre ses deux enseignes chacune à part, pour veoir (ainsi qu'ils dirent) quel nombre de gens il y avoit en chacune: & lors ils appellerent à eux ledic Arzac capitaine de celles des deux bandes qui avoit faict l'esmotion, luy comanderent de leur amener les principaux mutins de l'adicte bade. Lequel Arzac leur amena deux pauvres compagnons qu'il disoit estre ceux là. Mais pour-ce ne se tindrent lesdicts chefs satisfaicts, luy commandant qu'il en amenast encores d'autres & de plus apparens, car ils les vouloient faire pendre en presence des autres trouppes: à quoy respondit ledit Arzac, que qui voudroit pendre tous ceux qui en estoient coulpables, il ne faudroit aucun en excepter. Si furent lesdits compagnons delivrez au Prevost, qui les fist pendre en la presence de toutes lesdites trouppes. lesquelles firet bo visage, disans toutes à une voix, que telle & plus rigorcuse punition meritoient gens mutins & desobeissans, & indignes de se trouver en bonne compagnie. Et lors fut audict Arzac son enseigné oftée, & luy & sa bande chassez de la compagnie, lesquels passerent au long des bades sans tabourin: & leur fur commandé se retirer au camp vers ledit seigneur de Montmorency Lieutenat general du Roy, auquel ils remirent ou de leur user de grace, ou d'executer le surplus de la punition qu'ils avoyent desservie: & represta le Comte de Carmain audict Aizac son enseigne pour aller jusques au camp, à codition qu'il ne la peust par apres desployer sans la permission dudit seigneur Lieutenant general du Roy:mais le capitaine print autre chemin, & ne fut possible de le rencontrer, quelque diligence que l'on en feist: car ledit seigneur Lieutenant general avoit deliberé de s'en prédre à luy-mesme, & non aux compagnons, lesquels aussi se departirent & esquarterent par chemins divers les uns des autres: & depuis ceste demonstration fai-Ete, ne fut en ladicte ville d'Arles nouvelles d'aucun malfaict, desobeissance, ne mutinemet. Si laisseray à tant ce propos, & retourneray au Roy, & aux nouvelles qui luy vindrent à Valence de l'arrivée (dont cy dessus a esté parlé) de l'Empereur devant Marseille.

CESTE nouvelle (encores que tost apres ensuivist celle

du retour, & du peu d'esperance que l'Empereur avoit rem-

portée de sadite venue à Marseille) fut toutesfois en peu d'heures espandue, voire augmentée parmy la cour, de sorte que non seulement on devisoit & de sa dessusdicte vénue, & des approches desja faictes devant la ville, mais que dedans huict jours il devoit venir nous assaillir en nostre fort: & arriva ce commun bruit de populaire jusques aux grans, & non point come chose que l'on craingnist ne doutast, auquel cas on va seulement devisans les uns aux autres en crainte & en l'oreille, mais à haulte voix & publicquement, comme de chose desirée, & de laquelle on esperoit bonne & heureuse yssue. Ne faict icy à demander, si Monseigneur Henry nouveau Dauphin & duc de Bretaigne, lequel estoit aupres de la personne du Roy son seigneur & pere, eut en la teste de grans partiz incontinant ceste nouvelle oye, ne fil fut bien empressant à l'entour de ceux qu'il sçavoit avoir envers ledict seigneur plus grand & plus favorable accez, pour luy aider & tenir main à impetrer son congé d'aller au camp. Et fut si grande son affection & ardeur à ceste entreprise, que pour la peur qu'il avoit de n'y arriver à temps, il faisoit l'Empereur au double plus entreprenant & prompt de nous venir assaillir, que l'yslue & l'effect ne le monstrerent: tant y a que tous les devis & propos de luy avecques ses familiers n'estoient jamais autres que de ceste affaire. Et s'il advenoit (disoient ils entre-eux) que de male advature l'Empereur y arrivast plustost que luy en sorte que luy ne fust assez à temps pour le recueilsir, quelle esperance pourroit estre la sienne de recouvrer jamais occasson d'apprendre sa guerre, de ne faire preuve de sa personne en si juste & honnorable querelle, ne contre si digne & sortable ennemy, au degré auquel il avoit pleu à Dieu le constituer? Qu'en la querelle & deffence de la patrie, &

pour en repousser un aggresseur, & contre un Empereur au paravant & tant de fois victorieux, & par apparence de l'appareil que nous avions, & du bon droict que nous soustenions exposé maintenant à estre vaincu, & quoy que soit tel ennemy qu'en rapportant victoire de luy, elle ne pouvoit estre sinon l'une des plus honnorables & triumphases qui sut oncques rapportée d'homme: estant vaincu en bien combattant, on ne pouvoit avecques la perte en rapporter honte. Telles estoient ses considerations & remonstrances:

Partement de Möseigneur le Dauphin de la Cour pour arriver au camp.

& desquelles toutesfois ne se promettant assez brefve expedition, par le seul credit de ceux qui lors estoiét au tour du Roy, ainsi que riens n'est assez prompt à qui ardemmét desire & attent, il y voulut adjouster tous autres moyens, & envoya message sur message jusques au camp devers le sire de Montmorency Lieutenant general dessusdict, duquel il luy voulut les souhaitter. Le Roy qui en effect avoit plaisir de recognoistre en son fils pareille ardeur & affection au faict des armes & à faire actes de vertu, comme il les avoit lors qu'il estoit en l'aage que mainteuant il voioit estre son fils, tant plus il approuvoit en soy mesme ceste sienne bonne & prompte volonté, tant plus se rendit difficile à luy accorder sa requeste, voulant par ce simulé resus luy ensiamber d'avantage le cœur ja embrasé d'honneste desir, & affection d'acquerir gloire & houneur en sa premiere jeunesse. A la par fin il le laissa vaincre de prieres, ou pour mieux dire, feignant de se laisser vaincre, suy accorda comme demy envis la chose que plus il desiroit. Desja voioit il ses forces unies & prestes, & telles qu'il luy sembloit (sans encourir blasme de temerité) pouvoir assembler desormais avecques son ennemy, & mettre à execution la voloté qu'il avoit tousjours euë, de tirer droict en personne la part que tireroit sondict ennemy pour le combattre. Et à ceste cause fçachant que mondit seigneur son fils (lequel il n'eust voulu souffrir faire sa preuve ou apprentissage aux armes en entreprise trop hazardeuse)seroit si bien accompagné, qu'il ne pourroit (ayant Dïeu en son aide) tomber en inconvenient de honte ne de perte, aussi que luy estoit pour l'acconsuivre bien tost apres: il voulut bien pour essever & nourrir tousjours ceste plante d'honneur & vertu fructifiante au noble cœur de ce jeune Prince, luy donner ceste usure,& fruition de gloire, que de luy bailler en ceste jeunesse le nom & tiltre de chef & general d'une telle armée, & contre un si puissant ennemy que l'Empereur en propre personne.

Donous s accordé qu'il luy eut ceste requeste, se retournant vers luy & de regard & de pensée, luy commença dire en ceste maniere. Vous allez, (mon sils) avecques mon bon congé, & d'une affection & desir, que je ne blasme en vous, apprendre un mestier, que (pour l'attente à laquelle vous estes nourry) il est requis & necessaire que vous sça-

chiez : pour toutesfois en user, quand pour ce faire vous aurez esperace d'estaindre les occasios d'en user par apres, ou plus souvent, ou à la plus grande foulle & hazard de la Republicque. Vous trouverez là monsseur le Grand-maistre, & avecques luy plusieurs bons capitaines, ausquels je doy pour le grand desir qu'ils ont de faire bon service à moy, & à la Couronne. A luy vous direz particulierement comment vous allez là, non pour commander à present, mais pour apprendre à commander au temps advenir: à luy & aux autres ensemble vous direz; comment vous y allez, pour apprendre d'eux leur mestier; & les prierez qu'ils vous donnent le moyen de faire tel apprentissage, que ce soit à vostre honneur, & au leur, & au service de Dieu premierement, & puis de la chose publicque de ce Royaume. Soyez doulx & privé parmy eux, & mettez peine d'acquerir leur grace ainsi qu'avoit tresbien commécé vostre frere: & gaignez ce poinct sur toutes choses, que l'onvous trouve tel, que si vous n'estiez celuy que vous estes, on eust cause de desirer que vous le fussiez. Après ces remonstrances faictes modict seigneur le Dauphin print congé de luy, & ne tarda gueres à estre prest de desloger. Là se congneut l'ardant desir & affection de la jeune noblesse de la cour au mestier & exercice des armes: car il n'y eut celuy, auquel naturelle inclination & appetit de gloire & honneur ne fist trouver en un instant son appareil & equippage prest à partir. Ttois jours apres arriva monsieur le Dauphin en son camp, & vint le fire de Montmorency au devant de luy jusques au deça du pont de Sorgue le recueillir, avecques bon nombre de capitaines & autres plus apparés du camp: & ceste compagnie le conduisit en son logis, lequel il luy laissa comme à superieur & chef par dessus luy. Mais moseigneur le Dauphin ne le voulut souffrir desloger, ains se contenta d'une partie dudict logis, & demourerent logez ensemble, ledict sire de Montmorency faifant sa charge ainsi qu'il avoit fait au paravant, & mondit seigneur se gouvernant entierementen toutes choses par le conseil & avis de luy.

DES j'A estoit venue au camp la nouvelle coment l'Em-Rencontres pereur estoit party de devant Marseille, mais le Duc d'Alve Et escarmou- & les autres que ledict seigneur y avoit laissez tenoient enches en Pro- cores la ville assiegée, plus toutes sois par contenance, que vence. sous espoir & intention de la forcer, & seulement en espe-

rance ou d'attirer ceux de dedans à faire quelque temeraire saillie ; ou le camp du Roy à venir donner secours aux assiegez & par ce moyen en quelque lieu opportun & à leur avantage pour le combattre. Car l'Empereur estoit si pres, qu'ayant avis du deslogement du camp du Roy, il pouvoit facilement prevenir, & se venir à temps joindre à eux, mais pour neant fut ceste leur deliberation : car ceux de dedans avoient bons chefs qui ne les laissoient sortir sinon à propos,& au dommage tousjours de l'ennemy. Et quant au deflogement du camp, le sire de Montmorency qui avoit pieça deliberé ce qu'il en vouloit & devoit faire, & tous les jours ou par espies, ou par le tesmoignage des prisonniers, ou par tous les deux accordas ensemble avoit certeines nou velles du camp ennemy, & de toutes les entreprises qui se dressoient, voire des deliberations de leur conseil, & incotinant qu'ils foublioient, d'icelles mettre à execution encores qu'il se voioit en main la victoire seure, & sans hazarder les forces, ne l'estat du Roy son maistre : si est-ce que nonobstant qu'il eust tous jours depuis la surprise de Brignolles tendu principalement à ceste sin', de faire que noz gens en fussent d'autant plus advisez & retenuz à essayer la fortune, que l'ennemy en estoit plus hazardeux & entreprenant, il n'avoit voulu toutesfois laisser aneantir & perdre le cœur & hardiesse aux nostres:mais selon qu'il avoit les advertissemens des entreprises & desseings de l'ennemy, luy-mesme (autant que jugement d'homme le pouvoit prevoir) ordonnoit que, comme, & jusques à quel but on iroit au devant de luy, & comme plus ou moins il voioit proceder les choses, plus ou moins il laschoit la bride, ou la retenoit, à ceux qu'il avoit ordonnez à faire les executions de son conseil. Par ce moyen il fist sans riens mettre en hazerd telle revenche de Brignolles, que le camp ennemy ne fut oncques un jour ou sans alarme, ou sans nouvelle de quelque rencontre; & ne passa jamais jour que leurs gens & les nostres ne s'afsemblassent les uns contre les autres en quelque lieu, mais tous les jours & sans aucun en excepter au desavantage & perte de l'ennemy, & oncques ne fut aux Imperiaux poslible de partir si secrettement, ne si à heures & temps incertains, ne par chemins si estranges & divers, que du revepir ou du retour ils ne fussent rencontrez des nostres. S'ils

fortoient forts ils mangeoient ce qu'ils pouvoient trouver; & en leur camp n'apportoient aucun refreschissement: si foibles, ils estoient taillez en pieces, ou pour le moins battuz & pris, de sorte qu'ils ne sçavoient pas bié se resouldre du chemin qu'ils devoiét tenir; ou de se laisser affamer par crainte & peur de ne s'oser essogner du camp, ou de se mettre en peril evident du glaive de l'ennemy, pour eviter la mort odieuse & reprochable.

IL n'y avoit pas alors beaucoup de téps que le seigneur Iean Paule de Cere passant avecques la compagnie de gésd'armes dont il avoit la charge, & quelques chevaux legers Italiens, & messire Martin du Bellay avecques deux cens salades dont il avoit la charge, avecques trois enseignes de gens de pied Italiens, & advertis par les espies qu'aupres de Lormarin petite ville, par laquelle estoit leur chemin de passer, estoient venues fourrager aucunes trouppes de gens de cheval des ennemis, avoient mis embusche de leurs ges de cheval en divers lieux & endroicts, afin que fils failloient en quelque part, en l'autre ils ne faillissent à les rencontrer. Or estoit advenu que sur le chemin qu'eux mesmes faisoient s'embattirent lesdicts gens de cheval ennemis, chassans devant eux un gros butin & de bestes blanches & d'aumailles, qu'ils avoient assemblez parmy les champs aux environs, & les avoient chargez si furieusemet & à l'improviste, que la frayeur leur avoit ostè le sens de considerer quel nombre ils estoient, & de quel nombre ils estoient chargez, car ils estoient de quatre vingts à cent; bien equippez & montez, & ledit seigneur Iean Paule n'en avoit point plus de quatorze, mais avecques ce peu de gens il rescouit le butin, & print environ de trente prisonniers, & plus en eust pris, s'il eust eu des preneurs assez : tant est vray ce que l'on dict qu'en une toupte, ne l'effrayé pour la peur qui l'estonne, ne le vainqueur pour le contentement de sa victoire a esgard à nombrer ses gens. Les ennemis defireux de venger ceste honte avoient mis quelques jours apres cent archousiers dedans le chasteau dudict Lormarin, pour y faire une retraitte & refuge de leurs coureurs,& en esperance aussi que s'ils pouvoient attiret nos gens à les en venir dechasser, ils se tiendroient prests de venir par autre chemin enclorre & surprendre nosdictes gens. Ledit seigneur Ican Paule ayant eu advis de ceste leur entrepriDE MESS. GUILLAUME DU BELLAY.

se, le feit assavoir aux seigneurs de la Fayette & de Curton, qui se joignirent avec luy, & outre le nombre qu'ils voulurent prendre des gens de cheval de leurs compagnies, luy amenerent deux cens bons archousiers. Avec ceste trouppe ils deslogerent de Cavaillon garnis d'eschelles faicles à la haste, lesquelles apres avoir garnis de tous costez les advenues de peur de surprise & inconvenient, ils dresseret contre les murailles, & donneret un si furieux assault, qu'ayant tué tous ceux qui plus vaillament leur resisterent, ils prindrent le chasteau de force, & tous les autres amenerent prisonniers avec eux sans trouver aucune rencontre ny encobrier combien que le seigneur Dom Ferrand de Gonzague leur eust couppé le chemin avec bien douze ces chevaux & seze enseignes de gens de pied:mais par nos gens de cheval qui avoient esté mis sur les advenues avoiét esté pris quatre des avant-coureurs dudict Gonzague, & par eux avoit esté sceu le chemin qu'il tenoit, & en quelle part il attendoit les no-

stres, parquoy ils se retirerent par autre chemin.

Es mesmes jours coururent les ennemis à Cenas villette distante de leur camp environ de huict mille, & de deux de Cavaillo. Ledit seigneur Iean Paule adverty par ses espies y alla incontinat en courage de les y rencontrer, mais il trouva que ja ils estoient partis, & à ceste cause se mettat à chemin de sa retraitte; envoya seulement douze chevaux des siens pour rebourcer le chemin jusques à Salon de Craux, qui rencontrerent environ quarante fourrageurs des ennemis, partie à pied, partie à cheval, lesquels ils chargerent de premiere rencontre, & leur faisant abandonner leur butin qui apres fut rescoux par les païsans les amenerent tous qua rante prisonniers à Cavaillon. A Toulon avoit fait l'Empereur amas de toutes les bestes à charge qu'il avoit peu recouvrer en tout le pais depuis Aix jusques à Nice & par delà, pour apporter le biscuit qu'il avoit fait faire audit Toulo pour subvenir à la faute qu'avoit son camp de farines, mou lins,& fours. Les paisans qui furent advertis du jour que le biscuit devoit partir, firent si bon guet, & assirent leurs embusches si à propos, qu'ils amenerent, ou tuerent, ou blessetent toutes lesdites bestes, en sorte qu'elles n'eussent plus sceu faire service, & continuans en ceste maniere, rédoit ledit camp Imperial à extreme indigence & necessité de vivres. De toutes ces entreprises & autres semblables qui seroient longues à racompter, estoit le sire de Montmorency adverty ordinairement, & bien pouvoit cognoistre à l'œil, que la famine avant peu de jours contraindroit & reduiroit l'ennemy à la necessité, ou de nous venir assaillir à nostre fort & à son desavantage, ou d'habandonner la Provence avecques grosse honte & domage, & ne voioit point quel interest il y avoit de le dessaire sans combat & sans ha zard, en luy ostant le moyen des choses sans lesquelles il ne pouvoit demourer, plus tost que de vaincre en hazardant une bataille.

Opinions diverses au căp du Roy,

T E L L E avoit tousjours esté sa deliberatio: mais il y avoit tousjours eu gens en sa compagnie, qui encores que du comencemet apres avoir esté la chose debattue d'une part & d'autre s'y feussent tous condescendus, ne la pouvoiet toutesfois allez bien gouster. Soit qu'en effect ils eussent plus defferé à son authorité que changé de leur opinion, ou que bien ils en eussent changé pour lors, voyans les apparentes raisons qui si avant faisoient cotre eux, & que depuis voyas les forces du Roy multipliées & suffisantes pour combattre l'ennemy, ils fussent à ceste occasion retombez en leurdite premiere opinio. Mais tant y a qu'en cux-mesmes & quelquefois en leurs devis privez & particuliers ils ne louvient tant ceste sienne prudence & maturité, qu'ils de laissassent part en luy, à la faute de cœur & de hardiesse. Mais depuis que môscigneur sut arrivé au camp, & qu'ils trouver et toute la jeunesse de leur opinion, laquelle (ainsi qu'est la coustume) estime & craint moins les hazards & dangers d'autant qu'elle les a moins experimétez: alors recommencerent ils toutes les fois qu'on assembloit le conseil pour adviser à ce qui estoit à faire, & pour deliberer, à sçavoir qui estoit plus à propos, ou d'approcher plus pres de l'ennemy, ou de cotinuer la guerre par dissimulations & téporisement ainsi que l'on avoit comencé, à en parler plus libremet & hardiment, & à demader avec instance que lon marchast en avat & que lon levast le siege de devant Marseille. Et ja estoient de cest advis, non seulement ceux qui en avoiét esté du cómencement, mais avec cux aucuns de ceux qui avoient esté au-paravat d'opinion contraire: soit qu'ils se departissent de la premiere pour la confiance qu'ils avoiét des forces qu'alors ils voyoiet au Roy, ou qu'ils voulussent gratifier & coplaire à l'appetit de leur jeune Prince, qu'ils voioient brus-

ler d'ardeur & affection de l'esptouver à la guerre, & de faire courir le bruit de sa vertu. Et pourquoy (disoient ils entre eux)ne luy obtempereroient ils en un si noble & honeste desir? Et pourquoy l'abuseroient ils, & quasi malignement le frauderoient d'une si belle & apparente occasion & oportunité que Dieu luy offroit maintenant d'acquerir gloire & reputation aux armes en sa premiere & florissante jeunesse? Ne quelle raison y avoit-il, qu'ayans les grandes forces que le Roy avoit assemblées si cheremet, ils s'arrestassent & apparessassent au mesme camp, où ils s'estoient fortifiez, & comme couverts alors qu'ils estoient foibles & nullement suffisans pour resister ou se presenter à l'ennemy? Leur devoit il suffire estans si forts & si puissans au des sus de l'ennemy, de se tenir enclos, attendant qu'il vint les assaillir, mais qui pis est, souffrir & endurer qu'il fist si peu d'estime & conte d'eux, que de venir à leur barbe assieger une telle ville que Marseille avecques une si petite trouppe de gens qu'il n'y en avoit assez pour faire littiere & pour fouler aux pieds de leurs chevaux, avant que l'Empereur cust loisir de venir au secours avecques la grosse trouppe de ses gens? Nenny, nenny (disoient ils) c'est sur nostre honneur que nous prenons & voulons que si lon marche en avant, on nous reproche par apres que nous n'entendons ne valons rien au mestier, si jamais ceux qui assieget Marseille se peuvent sauver & garentir de nous.

I L y en avoit toutesfois d'autres qui persistoient en leur premiere opinion, & trouvoient qu'il estoit beaucoup plus seur de réporter sans coup ferir cotre l'énemy, come il estoit apparat & certain que bié tost ils réporteroiet, en continuat seulemet de luy rôpre de toutes parts les vivres ainsi qu'ils avoiet tresbie fait jusques alors. Car ils sçavoient bie certeinemet que Marseille estoit si bie fournie & de ges & de vivres, & de toutes autres munitios, & au demourant si bié réparée, qu'elle estoit imprenable à toutes les puissances du mode, & qu'à ceste cause (en continuant ce q dessus) il estoit force necessairement q la puissance de l'Empereur se deffist & separast d'elle mesme, pour la famine & morralité qui estoit & se multiplieroit tousjours en son cap. Et quat au sire de Mõtmorency, le Roy en le depeschât luy avoit si bié fair entedre son intetion, & luy l'avoit si bie retenue, & jusques à present suivie de poinct en poinct, qu'il ne vouioir sur un

bon commencemet se mettre en hazard de mauvaise issue, & nonobstant qu'il eust diligement & songneusement preparé toutes choses comme pour cobattre des le lendemain, si estoit il tousjours constant & resolu en ceste conclusion de ne mettre en toute ceste guerre à la discretion de fortune chose qui sust de consequence, sinon qu'il en sust contrainet par une extreme necessité, telle que par prevoyance

humaine elle ne se peult eviter, ne prevoir. Eт pourquoy(dict-il)ayant la victoire certeine non que apparente en main, l'eust il à son escient remise en hazard, veu qu'il ne depend moins d'honneur & de gloire, de vaincre son ennemy par coseil & bonne conduitte, que par bataille Pourquoy eust-il abusé du sang & de la vie de ses gés dont il estoit force qu'en une bataille il en mourust, & comunement des plus gens de bien, encores qu'il en rapporrast la plus heureuse victoire du monde: Monseigneur oyat les raisons qui se deduisoient pour l'une & pour l'autre partie, combien qu'il variast quelquesfois entre les deux opinions, & que la naturelle inclination de son cœur ardant & magnanime le tirast plus à l'opinion contraire, voulut estre toutesfois maistre de soy, & sarresta pour resolution à l'advis dudit sieur de Montmorency. Et à vray dire, encores que le Duc d'Alve, & les autres qui estoient devant Marseille n'eussent pas grand nombre de gens avec eux, si n'estoient ils point si loing du cap de l'Empereur, que s'il eust eu nouvelles (ainfi qu'apparemment il devoit avoir) du deslogemet de nostre camp d'Avignon, il ne luy cust esté facile ou de se venir mettre au devat de nous entre Avignon & Marseille, ou de se venir joindre aux gens qu'il avoit devant, plu stost que nous ne fussions arrivez à leur presenter la bataille: & si une fois il se fust joinct à eux, la bataille ne pouvoit estre sans quelque incerteineré de la victoire, & là où elle eust esté pour l'ennemy, elle luy donnoit un grand païs ouvert sur nous, au contraire quand elle eust esté pour nous, elle ne nous donnoit conqueste de chose qui desja ne fust nostre, & pour-ce conclut mondit-seigneur que l'on se coduiroit de la en avant, ainsi qu'il avoit esté faict jusques alors, finon que les desseings nouveaux de l'ennemy apportallent occasion de nouveau conseil.

FIN DY SEPTIESME LIVRE.



MEMOIRES - DE MESSIRE

MARTIN DU BELLAY. Seigneur de Langey.

METOUTES parts avoit l'Empereur Estat des nouvelles desavatageuses pour luy, affaires de la nouvelles desavatageuses pour luy, affaires de la ne voyoit en son camp que fami-l'Empereur ne & mortalité. Mais le grad regret eu Provence. qu'il avoit de se retirer sans rié faire, vestant venu en si grad equippage, d'a voir parlé si bravement, & rejetté si audacieusement tous les propos que on lu yavoit tenu de prédre appoin

Atement avecques le Roy: ensemble la haine qu'il luy portoit, & l'esperance qu'il avoit mise en sa bone fortune qu'il pensoit devoir estre immuable & invincible, joinct que la vertu & prouësse tant de sois esprouvée de ses capitaines & soldats, l'entretenoient en son outrage, & de jour en jour attendoit que André d'Orie luy apportast deniers & restreschissement de vivres & quelques bones nouvelles, aussi que du costé de Picardie le Comte de Nasau seist quelque chose qui contraignist le Roy à y divertir ses forces.

LE Roy d'autre part estoit à Valence, & faisoir en toute diligence remparer la ville pour y donner obstacle nouveau aux desseings de l'Empereur, si desaissant son entre-prise de Provence il eust voulu prendre le chemin de Dauphiné. Là il recevoir les nouvelles qui luy venoient de toutes les parties de son Royaume, & de son camp d'Italie, & de tous ses alliez & confederez, & pourvoioit à tout selon l'exigence & occurence des téps & occasions, en intention de ne marcher à son camp sinon que l'Empereur vint l'assaillir: auquel cas il ne vouloit faillir de s'y trouver, ou qu'il

S iij

veist ses forces si bien unies & assemblees, qu'il peust (sans rien evidemmet hazarder) aller chercher son ennemy, sçachant de quelle consequéce luy seroit de perdre une bataille en son Royannic cotre un si puissant & obstiné ennemy que l'Empereur, & quelle ouverture sondict ennemy auroit apres une victoire de pousser outre, là où au contraire l'Empereur ne pouvoit riens perdre du sien.

Arrivée de F:0.

En ce temps arriva le seigneur André d'Orie avec les ga-André d'O Icres de l'Empereur, qui luy apporta d'Espagne vivres & argent, & vint devers luy au camp, & fut par sa majesté recueilly fort humainement & honorablemet: & fur sa venue fut le conseil assemblé par plusieurs sois, qu'elle chose y fut conclue, je ne sçay: mais il feit publier un edict parmy son cap, que tous gens de guerre se tinssent prests à faire monstre & reveuë, & toucher deniers, & s'appareiller de partir au jour que l'on leur feroit à sçavoir, garnis chacu de vivres pour huiet ou dix jours, afin qu'ils n'en en eussent faute sur le chemin qu'ils feroiét, pour aller la part qu'il les entédoit mener. Il avoit un peu auparavant envoyé son artillerie à Marseille la vieille, & icelle fait embarquer en ses galleres, qui auoit donné souspeçon au Roy, qu'il eust deliberé d'al ler par mer faire descête en quelque autre part, où il n'eust esté mis si bon ordre aux affaires; & à ceste cause estoit ledit seigneur ententif & tousjours prest à tourner le visage là part que tireroit sondit ennemy. Soit que le vent fust trop contraire, ou que ledit seigneur Empereur changeast d'opinion à la venue dudit d'Orie, il feit desembarquer sadicte artillerie, & la remener en son camp: chose qui donna occasion de penser qu'il voulust venir assaillir le cap du Roy, ou aller apres le Duc d'Alve mettre le siege devant Marseille.

Des affaires

LE Roy eur nouvelles comment son camp de-là les des Marquis monts avoit mis en son obeissance grande partie du Pie-Et Marqui- mont, & tout le Marquisat de Salusses, hors mis quelques sut de Salus-chasteaux. Plusieurs de son conseil estoient d'avis, & luy co feilloiet d'annexer iceluy Marquilat au Dauphiné, comme commis & confisqué à luy par la rebellion & felonnie du Marquis François: mais ledict feigneur ayma mieux enfuivre sa naturelle clemence & liberalité, que la susdicte opinion de son conseil. Et à ceste cause avoit mandé au Cardinal du Bellay fon Lieutenant general à Paris, qu'il meist hors de prison le Marquis Jean Loys, frere dudit François,

lequel Iean Loys avoit esté privé dudit Marquisat, & constitué prisonnier pour autre rebellion commise. Venu que fut ledit Iean Loys au lieu de Valence, & presenté au Roy ledit seigneur és presences du Duc de Touteville Comte S. Pol, gouverneur & son Lieutenant general au Dauphiné, des Cardinal de Lorraine, & de l'Archevelque de Milan, & autres plusieurs, linvestit, & receut de luy le serment de fidelité contre & envers tous, comme son vassal & obligé à cause dudit Dauphiné, dont meut & depend ledit Marquisat. Puis ordonna luy estre delivré argent, pour s'équipper & dresser son train, & s'en aller audit Marquisat, & jusques la le feit accompagner & conduire par l'Escuyer S. Iulian gentilhomme Guascon nourry en la maison de Salusses, qui avoit esté guidon de la compagnie du feu Marquis Michel Antoine, & depuis sa most Lieutenant du Marquis François, auguel de S. Iulian iceluy seigneur donna charge d'avoir l'œil aux allées & venues dudit nouveau Marquis, de peut que par simplicité il ne se laissast surprendre au Marquis François, lequel estoit plus cault & malicieux que luy.

A Q y o y faire ledit de S. Iulian faquitta songneusement & bon mestier en fut : car peu de sepmaines apres sedit François vint en la ville de Carmaignolle, & manda faire entendre sa venue à son frere estant au chasteau dudit lieu, & qu'il vouloit aller parler à luy. Iean Loys encores qu'il fust bien & prudemment conseillé par ceux qui estoient à l'entour de luy, de n'accepter sondit frere le plus fort audit chasteau, & ne se fier en luy que bien à poinct & qu'aucuns serviteurs du Roy estant avèc luy protestassent de rebellion contre le Roy, au cas qu'il acceptast en ses places ledir Marquis rebelle & ennemy declaré du Roy, ce nonobstant luy, feit ouvrir la porte, & arrivant sondit frere vint au devant de luy, & sembrasserent l'un l'autre avecques larmes & sous pirs, & principalement le Marquis François, lequel en peu de jours feit tant par belles & douces paroles, accommodant son visage & contenance à icelles, que sondit frere n'avoit autre fiance qu'en luy, dont mal luy advint puis apres. Car le Marquis François ayant par confidence de l'un tre, meilleur moyen de l'abuser & surprendre, le tira hors de Carmagnole, & le mena prisonnier au chasteau de Valfeniere, & eust peu en assez brief temps reduire en sa main

Siiij

le Marquisat, si ledit sieur de S. Iulian (prevoyant des le cómencemet que la simplicité ou stupidité dudit lean Loys à la longue ne tourneroit à bien) n'eust ce pendant pratiqué le capitaine Salvadour d'Aguerres capitaine pour ledit Mar quis François de la place forte & chasteau d'Vrezeul, luy remonstrant qu'estant nay subject du Roy & mis à la garde d'icelle place par ledit Marquis François estant subject & serviteur dudit seigneur, il ne pouvoit estre par le serment qu'il avoit faict audit Marquis, obligé ny contrainct à chose que vray-semblablement n'eut voulu (quoy que ce soit) n'eust peu honnestement promettre ne jurer: parquoy le Roy son souverain seigneur, ne pouvoit estre comprins en la generalité du serment qu'il avoir faict audit Marquis, de luy garder la place envers & contre tous. Et tant luy remon stra ledit S. Iulian lesdites raisons appertement veritables, que ledit d'Aguerres luy avoir livré la place & la tenoit ledit S. Iulian au nom du Roy, qui fut chose moult griefve & desplaisante audit Marquis François, & disoit souvent qu'Vrezeul luy estoit une busche en l'œil, & le gardoit de se pouvoir faire & dire Marquis paisible.

Deliberatios Roy fur ce qui estoit à filise.

C E pendant que ces choses avindrent, le Roy eut nouau conseil du velles que l'Empereur avoit faict reueuë de tous ses gens de guerre, tant de cheval que de pied, commandant par edit public par tout son camp, que touts se tinssent prests à deîloger au jour que l'on leur feroir à sçavoir, & se garnir chacun de vivres pour huist ou dix jours, pour emporter avec foy la part qu'ils les voudroit mener ainsi qu'a esté dict cy deslus, mais quelle part, ne leur declara. Le bruit fur bien que c'estoit pour venir assaillir le camp de monseigneur le Dauphin lez Avignon. Ceste nouvelle rapportée au Roy, il assembla son conseil pour avoir advis de ce qu'il avoit à faire, car son intention estoit d'aller se joindre avecques mondit seigneur le Dauphin son fils: & puis que l'Empereur venoit assaillir son camp en personne, il estoit fort affestionné de s'y trouver aussi en personne, & s'il estoit posfible rencontrer son ennnemy en camp, de faire preuve de sa personne contre luy, & mettre à execution en presence de si gros exercites, ce que par le cartel autresfois envoyé à l'Empereur il n'avoit sceu executer. Le plus grand nombre estoit d'advis contraire, & qu'il devoit laisser cest honnneur à son fils, duquel on pouvoit esperer que usant du bon conseil de

monseigneur le Grand-maistre de Montmorency, & autres experimentez & sages capitaines estans au pres de luy accompagnez de bon droit & juste querelle, il sçauroit bien donner à cognoistre à l'Empereur, qu'il avoit à faire aux François en leur patrie, deffendans leurs femmes, enfans maisons, & Eglises. Aussi luy remonstroient l'incertitude de l'issue generalement en toutes choses, & principalement en faict de guerre: & que s'il advenoit (que Dieu ne voulust) que l'Empereur eust du meilleur : ledit seigneur en se tenant audit lieu de Valence, avec ses forces qu'il y avoit, & celles qui journellement y affluoyent, encores seroit pour recueillir les reliques de son oft, & de tout ensemble dresser un nouvel exercire: avec lequel il pourroit donner à son ennemy nouvelle bataille, & luy oster des mains la victoire, accumulant plusieurs exemples anciens & modernes,

estrangers & domestiques sur ce passage.

FINABLEMENT il fut conclu que ledit seigneur envoyroit en son camp d'Ayignon, sçavoir au vray qu'elles des capitaiforces il y avoit, quelles nouvelles on auroit de l'Empereur, & quel seroit l'advis sur cest affaire dudit sieur Dauphin, du Grand-maistre, & des capitaines estans au pres le Dauphin. de luy: à ce faccorda le Roy, mais en son cueur il avoit ja resolu ce qu'il en feroit. Au seigneur de Langey sut donné ceste charge, lequel estoit le jour precedant venu dudict camp apporter les dessudites nouvelles du camp de l'Empereur. Arrivé que fut ledit seigneur de Langey devers mondit seigneur le Dauphin, & Grand-maistre, le conseil incontinant assemblé de notable nombre de capitaines, il exposa sa charge & ce qui en sa presence avoit esté debatui devant le Roy. Long temps dura ce conseil, & apres toutes les raisons pour & contre bien & meurement debatues & pelées d'une part & d'autre, la conclusion fut que le Roy ne devoit venir, allegans iceux capitaines, outre les raisons deduittes par cy avant, que si l'Empereur venoit assaillir le camp dudit seigneur, ce ne seroit honte à monseigneur le Dauphin, ne pareillement audit seigneur Grand-maistre, de se tenir en leur fort, & contraindre l'ennemy de les y assaillir à son desavantage, chose que l'Empereur ne feroit jamais, estant adverty de l'equippage & forteresse dudiç camp; ainsi seroit il contraint de soy retirer en despit de luy

Resolution nes pres de monseigneur

avecques grande perte de reputation. Là où estant le Roy en personne en son camp, si l'Empereur y venoit, & seulement y faisoit tirer trois ou quatre coups de canon, il se pourroit apres retirer, au cas que le Roy ne sortist hors de son fort, & se vanter de l'estre venu chercher à la portée du canon pres, & en ses païs, sans que ledit seigneur eust eu le cueur & hardiesse de le recueillir. Et si le Roy pour oster ceste occasion & couleur à son ennemy vousoit sortir liors de son camp, lequel environné de remparts & grands fossez, le danger seroit qu'au fortir hors par les ysseues qui estoient estroittes, il advint du desordre, & que l'Empereur assaillist les gens dudit seigneur, moytié sortis, & moytié dedans.

Outre cesteraison, il y avoit des serviteurs du Roy

beaucoup, autant en son camp qu'aupres de sa personne, lesquels estoient entrez en une superstitieuse crainte de la personne dudit seigneur Roy, à cause de certeines pronostications malicieusement semées & divulgées par les Imperiaux, lesquelles menassoient fort le Roy de mort, ou de pri son en celle année. Et tellement avoient elles trouvé foy & credulité és oreilles & cueurs non seulement du simple peuple, mais des gros & norables personnages, que mesme à Ro me aux changes fut argent baillé sur ceste opinion. Avant le departement dudit conseil arriverent nouvelles confir-Resolutio du matives des precendentes, que l'Empereur deslogeoit son Roy de reve- camp, mais ne sçavoit on encores si c'estoit pour venir assail lir le camp du Roy, ou pour venir assieger Marseille, on pour quelque autre intention. De ce rapporter au Roy, fut aussi donné charge audit seigneur de Langey, mais principalement & sur toutes choses de le desmouvoir & desconseiller de sa deliberation de venir en son camp. Tant fen falloit que le rapport dudit seigneur de Langey ne d'autres qui furent l'un sur l'autre depeschez devers le Roy, demeurallent ou dirertissent aucunement ledit seigneur, que tout au confraire il commanda qu'on luy appareillast des batteaux, & que chacun se tint prest à dessoger le len demain, disant ledit seigneur qu'il ne sousfriroit jamais que veritablement on luy peust reprocher, que l'estant l'Empereur en personne venu assaillir de si pres, il fust demeuré à Valence, pour luy servir de providadour : qu'il entendoit bien que la pluspart de ceux qui luy descon-

wir en fon cans.

seilloient, estoient persuadez & seduits de ses vaines & folles pronostications, ausquelles il, qui estoit Roy treschre stien, ne devoit ne vouloit adjouster foy, ains esperoit que pour la bonne & ferme foy qu'il avoit à la parole de Dieu, qui dessend croire en telles superstitieuses profeties, ledit seigneur Dieu, seigneur & maistre des exercites, luy donneroit l'heureuse victoire, pour subvertir & faire apparoistre mensongers tous les devins, & tels supersticieux & reprou-

vables pronosticateurs.

Au lendemain apres avoir devotement prié Dieu, de lny estre en ayde, & d'adresser & convertir son voyage, il fembarqua, laissant bonne & grosse garnison audit Valence: & le deuxiesme jour arriva en son cap accopagné triumphamment, tant du renfort qu'il amenoit avecques luy, que de grand nobre de gendarmerie de son camp, qui luy estoit venu au devant. Il n'y eut pas sejourné long temps, qu'en donnant ordre & se preparant pour recevoir ou donner la bataille, qu'il luy vint nouvelles, mesme par le capitaine Martin du Bellay, comme l'Empereur & tout son camp e- de l'Empe-stoit deslogé, reprenant le chemin qu'il estoit venu au long de l'Empede la marine, laissant derriere luy, outre les morts qui estoiet en nombre infiny, & tel que l'air en estoit corromputout à l'entour, une grande multitude de malades, lesquels ne pouvoient à pied n'à cheval suivre le camp. Je n'ay encores sceu(cobien que j'y aye mis peine)entedre au vray si la nou velle venue aux oreilles de l'Empereur, de l'arrivée du Roy en son camp, le meut de reprendre le chemin d'Italie, ou si dés son partement il'avoit deliberé de ce faire : bien ay-je entendu qu'à la reveuë qu'il feit avant son partement d'Aix, il avoit trouvé que du nombre de cinquante mille hommes qu'il avoit au partir de Nice, il n'en pouvoit mettre en bataille plus-hault de vingt cinq à trente mille. Les principaux gens de nom qu'il y perdit, fut Antoine de Leve, Marc de Busthin, & un autre capitaine de Lansquenets sien parent, Comte de Horne, Baptiste Castalde, & autres: quoy que ce soit la retraitte sut pour les premieres journées assez precipitante, & là continua de ceste sorte jusques à ce qu'il se veit fort essongné de son ennemy. Le jour qu'il deslogea il alla coucher à Trez, & sur la queuë fut donnée alarme par les gens du païs qui avoient prins les armes, auquel alarme fur tué le maistre d'hostel du seigneur

Dom Francisque d'Est frere du Duc de Ferrare, & assez d'au tres, & journellement leur estoit donnée fascherie pat les dessusdits paisans, lesquels estoient armez des armes laifsées par les malades & mourans, & avoient assiegé tous les passages & destroicts des chemins, & desmoly les ponts qui eltoient sur les torrens alors imperueux, pour la descente de la montagne, dont les ennemis se trouverent fort travaillez. L'Empereur ce voyant, feit assembler force pionniers pour rabiller les passages, & ce-pendant feir recueillir au mieux qu'il peut, & mettre au milieu entre l'avantgarde & l'arrieregarde tous les malades & blessez, afin de les sauver hors du danger de leur ennemy. Mais il n'y sceut tel ordre mettre que de jour en jour il n'en demourast grand nombre de ceux qui estoient si foibles, qu'ils aymoient plus cher demourer au long des rochers, & attendre là, que les païsans irritez d'ire & courroux à l'encontre d'eux, les achevassent de tuer, & mettre hors de la misere où ils estoient, que de languir de maladie, endurans le travail & ennuy du chemin. Pour soustenir lesdits païsans, furent envoyez les chevaux legers, lesquels serroient les ennemis de si pres, qu'ils en souffrirent beaucoup de faim, par-ce qu'il leur estoit chose malaisée de se mettre aucunement hors du chemin pour fourrager, de maniere que depuis Aix jusques à Frejus ou l'Empereur avoit premierement logé son camp, tous les chemins estoient jonchez de morts & de malades, de harnois lances, piques, archouzes, & autres armes, & de chevaux abandonnez qui ne pouvoient se soustenir. Là eus siez veu hommes & chevaux tous amassez en un tas, les uns parmy les autres, & tant de costé que de travers les mouras pesse messe parmy les morts, rendans un spectacle si horrible & si piteux, qu'il estoit miserable jusques aux obstinez & pertinax ennemis: & quiconque a veu la desolation ne la peult estimer moindre que celle que descrivent Iosephe en la destruction de Hierusalem, & Thucydide en la guerre de Peloponesse. Ie dy ce que j'ay veu, attendu le travail que je prin à ceste poursuitte avecques ma compagnie, & pareillement le seigneur Jean Paule de Cere, & le Comte de Tende, de sorte qu'à mon retour à Marseille je demeuray quinze jours sans avoir puissance de monter à cheval, En ce peu de chemin, au jugement des hommes, perdit l'Empereur depuis son partemet d'Aix jusques audit Frejus

le nombre de quinze cens à deux mille hommes. Il luy fut mis en avant de s'embarquer avecques ses Espagnols, mais crainte des Lansquenets qu'ils ne se mutinassent, s'il se fust departy d'eux, les laissant en hazard & danger de l'ennemy,

luy feit changer ceste deliberation.

L E Roy ce-pendant avoit faict la reveue, & payer ses ges de guerre, en intention de marcher en personne à la suitte de son ennemy, & quelque part qu'il peust l'attaindre ne perdre ceste occasió de luy donner la bataille,& d'une mesme impression passer en Italie, où il avoit desja son camp puissant en la campagne. Mais sur ces entrefaictes luy vindrent nouvelles par un gentilhomme nommé Longueval expressement envoyé de la part du Mareschal de la Marchk de la grande & horrible batterie de Peronne,& que les murailles en plusieurs endroits estoient rompues & debrisées: en sorte qu'il n'y avoit plus ordre de la pouvoir tenir, ny deffendre longuement, encores que mondit-seigneur le Ma reschal de la Marchk, & les autres capitaines fussent deliberez, & en asseuroient ledit seigneur par lettres & rapport dudit gentilhomme, que jamais ne la rendroient par composition quelconque, & que l'ennemy n'y entreroit sinon par dessus leurs ventres, ou qu'ils fussent tous morts de faim. A ceste cause le Roy seit incontinant marcher & acheminer vers Lyon une grande partie de sa gendarmerie, & jusques au nombre de dix mille hommes de pied François, deliberé de les suivre apres, à grandes journées, pour secourir ladite ville de Peronne, l'il y pouvoit arriver à temps, & au cas que non, pour la reprendre avant que l'ennemy l'eust remparée & renvitaillée, car il sçavoit de quelle consequéce luy eust esté, si l'ennemy eust eu loisir de ce faire, d'autat que l'Empereur l'eust tousjours secourue & envitaillée facilement,& à peu de despense, pour estre voisine de plusieurs fortes places des siennes.

Du costé de Paris, le Cardinal du Bellay (qui estoit Lieutenant du Roy audit lieu) voyant l'affaite qui se presentoit à Peronne, & afin d'avoir moyen de pouvoir secourir messeigneurs de Vendosme & de Guyse, voulut entendre de failles à Paceux de la ville de Paris le secours qu'ils pourroiet ou vou- ris par le droient faire, avenant qu'il en fust besoing. Et pour cest ef- Cardinal die fect assembla le Prevost des marchans avecques les Esche-Bellay. vins en la maison de la ville (où apres leur avoir remonstré

le danger qui leur pouvoit advenit, si la ville de Peronné toboit és mains des ennemis) ils offrirent de soldoyer dix mille hommes, pour autaut de temps que l'affaire dureroit. Pareillement luy feiret offre d'une fonte d'artillerie, avecques grande municion de poudres & de boulets, puis luy offrirent pour remparer les lieux plus necessaires de la ville de Paris ciuquante mille pionniers, ou plus, fil estoit besoing: desquelles offres il accepta seulement la fonte d'un nombre d'artillerie, & le payement de dix mille hommes quand le besoing en seroit, dont la sinace sur soudainemet levée, & fut baillé la charge desdits dix mille hommes au seigneur d'Estrée. Aussi fur-il accepté par ledit Cardinal du Bellay quelque nombre de pionniers, plus pour faire contenance de fortification, qu'autrement, afin que l'ennemy de tant moins eust envie de le venir assaillir. Ce faict, voulut entendre quels vivres estoient dedans la ville, cognoissant qu'il ne seroit temps d'y pourveoir quand l'énemy séroit à la porte: mais apres avoir faict faire la description; se trouva que vingt ans au precedant n'avoit esté si mal pourveue: & ce pour deux occasions, c'est que les Parisiens n'ont accoustumé d'en faire provision, se consians sur le cours du marché; à l'occasion de l'abondance qui en vient ordinairement des rivieres qui viennent tomber dedans Seine, lesquelles viennent des regions les plus fertilles de Europe: mais ceste sterilité estoit advenue d'autat que l'hyver precedat la riviere estoit gelée, de sorte qu'elle sur trois mois sans porter batteau, & l'esté pour les secheresses, avoit esté si basse qu'à peine pouvoit elle porter les barteaux passagers:

NEANTMOINS pour monstrer l'uberté du païs, auquel est assis la laditte ville de Paris, dés qu'il sut ordonné par ledit Cardinal, que de six lieues à la roude chacun eust à amener ce qu'il luy seroit commode de vivres, & mesmes de bleds le tiers de ce que chacun en auroit en sa grange ou grenier, il se trouva en huiet jours dedans la ville vivres pour un an, pour le peuple qui lors y estoit, & pour trente mille hommes de guerre d'avantage. Mais ayant faict ledit Cardinal les preparatifs cy devant declarez, & la levée desdits dix mille hommes, luy surent apportées nouvelles par un gentilhomme envoyé de la part dudit Mareschal de la Marchk, comme le Comte de Nansau avoit levé son siege,

& sestoit retiré, lequel gentilhomme passant outre, trouvant le Roy en son cap, luy apporta les pareilles nouvelles.

Vous avez entendu par le precedant livre comme le Suitte du sie-Comte de Nansau estoit arrivé devant Peronne, & avoit ge de Perones assis son camp pres du mont sainct Quentin, reste à vous

descrire le progres dudit siege qui s'ensuit.

Le douziesme jour d'Aoust le camp des ennemis vint loger en une cense pres de Peronne, avecques environ de mille à douze cens chevaux, & neuf enseignes de gens de pied, & le lendemain vindrent passer l'eaue à l'endroit du chasteau de Haplincourt, lequel se rendit ainsi que j'ay predit, car il n'y avoit point de garnison, là autour ils pillerent aucuns

villages & feirent butin de bestial.

O R fault entendre devant que passer outre, que ladite ville de Peronne estoit despourveue de toutes choses, de sorte que les habitans furent esbranlez d'abandonner la ville. Mais peu de jours au precedant le seigneur d'Estrumel gentilhomme, voisin dudit lieu, se mist dedans avec sa femme & ses enfans, & y feit conduire tous les bleds, tant de luy que de ses voisins à ses despens, & y apporta tout l'argent tant sien, que celuy de ses amis, pour soldoyer les homes, chose qui asseura le peuple: dont le Roy pour recognoissance, par apres luy donna un estat de maistre d'hostel de sa maison, & une generalité de France. Dedas la ville estoient le seigneur Mareschal de la Marchk, comme dit est, avecques sa compagnie de cent hommes d'armes, & le sieur de Moyencourt son lieutenant, messire Philippe de Bonlinvilier Comte de Dampmartin, avec la compagnie de cinquante hommes d'armes de monseigneur le Duc de Angoulesme, depuis Duc d'Orleas, dont il estoit lieutenat: le seigneur de Sercu avec mille homes de pied : le seigneur de S. Saiseval avec autres mille, tous deux de la legió de Picardie. Le Côte de Nansau, pout essargir son cap, aussi craignant qu'il ne se feist assemblée de gens és places d'entour, pout luy ropre & coupper les vivres, envoya par un trompette sommer le chasteau de Clery, seant sur la riviere de Some, à deux lieues dudit Perone. Le capitaine du chasteau (car le seigneur en estoit absent au service du Roy au camp d'Avignon) print terme de respondre, & ce-pendant envoya vers mösieur le Mareschal de laMarchk, sequel ordőna cent foldats, tant de la bande du feight de Scicu, que de Saiseval, pour s'aller mettre dedans: ce qu'ils seirent, & passerent à costé du camp des ennemis sans domage, mais non sans escarmouche par gens du camp Imperial, qui les

suivirent sur la queue.

LE Comte de Nansau y seit mener dix pieces d'artillerie, dot il seit une surieuse batterie, toutessois pour ce jour
il ne vint au bout de son entreprise, & perdit quelques gens
qui surent tuez par ceux de dedans à coups d'arcbouzes à
croq. Au lendemain matin il seit recommencer la batterie,
& si bien luy vint à propos, que ce jour là monsieur le Mareschal de la Marchk avoit fait brusser les faulxbourgs de
Peronne, pour cause qu'aucunes enseignes de gens de pied
des ennemis sy estoient venuz loger. Surquoy prenant ledit
Comte de Nansau occasion & couleur de donner à entendre à ceux de dedans que la ville de Peronne estoit prise
d'assault, pillée, & brussée, leur persuada tellement qu'ils se
rendirent à sa volonté, desquels il en seit pendre sept à la
povte du chasteau, & les autres surent mis à rançon à quatre
escus pour teste.

Au lendemain, qui fut le xvj. jour dudit mois d'Aoust, une trouppe eleuée des ennemis se vint presenter devant la porte de Peronne, pour attirer ceux de dedans à l'escarmouche, lesquels sortirent jusques au nobre de cent à six vings, qui apres avoir escarmouché quelque temps, voyans que les ennemis se multiplioient de gens venans les uns apres les autres à la file, se retirerent dedans la ville, & y amenerent quelques prisonniers, & y fut pris & blessé le seigneur de Rocourt guidon de monseigneur du Reux. Dedans les vignes entre le chasteau & la porte S. Nicolas assez pres du fossé en un lieu assez eminent, & dont lon peult regarder dedans la ville, la feiret les ennemis asseoir quatre menues pieces d'artillerie, pour offenser ceux de la ville, allas & venas, ou pour remparer, ou pour se tenir aux deffenses desquelles pieces ils tirerent jusques à la nuich, mais ce fust sans tuer ne blesser personne. Le jour ensuyvant ils assirent six doubles canons au droict de ladicte porte S. Nicolas, & trois canons pour battre des moulins à eau seans au-pres de la porte de Paris, afin que ceux de dedans n'eussent moyen de mouldre. Mais peu leur cust proussité la batterie, car elle ne pouvoit arriver si bas que les meules & mouvemens des moulins: mais un mulnier venu des païs de

DE MESS. MARTIN DUBELLAY.

l'Empereur habiter esdits moulins passa devers eux, & les advisa de faire une trenchée au lieu qu'il leur monstra, laquelle faicte ils osterent l'eau ausdits moulins, & mirent à sec une grande partie des marais, esquels consistoit la plus grande part de la force & conservation de la ville: & sans une sontaine que ceux de la ville seirent venir tomber ausdits moulins, pour résorcer si peu d'eau qui encores y couloit, la ville sust tombée en grosse necessité de farines. Ce pendant on seit telle quantité de moulins à bras & à chevaux qu'on repara le domage que les ennemis avoient saict

par leur trenchée.

D'A u T R E costé se faisoient deux batteries grosses & cotinuelles par deux jours ensuivans, l'une contre la porte Sa Nicolas, l'autre contre la porte de Paris, & tellement qu'ils y feirent breche raisonnable pour assault; toutesfois ils furent d'advis(afin de ne hazarder leurs gens) de faire encores batterie tout le lendemain, ce qu'ils seirent depuis la poinde du jour jusques à la nuich : & au raport de ceux qui estoient dedans tirerent ce jour là xviij.cens coups de canon; chacune volée de quinze canons à la fois. Mais toute la nuich fut faicte telle diligence de remparer, tant par les gens de guerre qui rous meirent la main à l'œuvre, chacun capitaine ayant pris un quartier en sa charge, comme par les gens de la ville, lesquels tant pour l'affection qu'ils ont à leur Prince, comme pour la craincte du mal traittement, si la ville estoit prise d'assault, y travaillerent hommes & fem mes de toutes aages & conditions, qu'au lendemain matin qui fut le xx.du mois, les ennemis se deliberans de venir à l'assault, veirent les bresches entierement remparées à force de fagots, de siens, de terre, & de grosses balles de laine: tellement qu'ils furent contraints de recommencer la batterie, laquelle dura, jusques environ deux heures apres midy. Et marcherent en avant à l'assault, c'est à sçavoir à la porte sainct Nicolas, les Allemans jusques au nombre de vj.mille hommes, & à la porte de Paris les Hennuyers, Artoisiens, & Flamens jusques au nombre de deux mille. Le Comte de Nansau avecques quatre cens chevaux y conduisit les Allemans, & se tint pres du mont saince Quentin regardant l'assault, & prenant garde en quelle part il faudroit doner secours. Le Comte du Reux Grand-maistre de la maison de l'Empereur avecques autres trois ces chevaux

coduisoient les Hennuyers, Artoisiens & Flamens. Mosseur le Mareschal, le Côte de Dampmartin, le seigneur de Moyencour, & tous les autres capitaines, chacun selon sa charge, ce-pendant ne perdoient temps à mettre bon ordre parmy leurs gens, & les asseoir aux deffences. Le Côte de Dapmartin gardoit la breche du costé de la porte S. Nicolas: le seigneur de Saiseval celle de la porte de Paris, & le sieur de Cercu avoit la charge de la breche d'au-dessoubs de sainct Fourcin, & tellement feirent leur devoir chacun en son endroict, que les ennemis furent repoussez, & y perdirent jusques au nombre de quatre ou cinq cens hommes. De ceux de dedans y eut quelques blessez, mais n'y mourut autre de nom, que le commandeur d'Estrepaigny nommé de Hu mieres, auquel la teste sut emportée d'un coup de canon. Les Comte de Nansau & du Reux voyans les choses aller autrement qu'ils ne desiroient, feirent sonner la retraitte.

L es trois jours ensuivans ils tirerent continuellement à coup perdu dedans la ville contre les maisons, & y feirent du dommage beaucoup. Le jour de la feste de sainct Barthelemy, se Comte de Nansau envoya par un trompette sommer ceux de dedans, qu'ils eussent à se rendre dedans vingt-quatre heures, autremét fil prenoit la ville il la mettroit à seu & à sang. A quoy sut respondu par monsieur le Marcschal, eu l'advis & opinion de tous les autres capitaines, qu'ils avoient delibere de si bien garder la ville qu'on n'y entreroit finon par dessus leurs ventres, mais que plustost ils esperoient en sortir par dessus ceux des cunemis. Le Comte de Nansau ceste response ouye, ordonna qu'au lendemain on recomméçalt la batterie de plus fort en plus fort, & par tous les endroits & quartiers de la ville : à quoy fut si bien obey par le maistre d'artillerie ayant septantedeux pieces d'artillerie en batterie, qu'il feit breche en plusieurs lieux, & endommagea fort la grosse rour de la ville. Mais la diligence fut telle de ceux de dedans de remparer tout durant la nuict, que l'ennemy veit au lendemain matin qu'il avoit faict breche pour neant. Le jour S. Loys ils recommencerent la batterie par quatre lieux, avec six canons entre deux tours, estans entre la porte S. Nicolas & la porte S. Sauveur, & d'autres dix contre lesdicles portes, & contre la courtine des murailles, depuis l'une porte jus-

ques à l'autre. Un peu au dessoubs avoient mis six pieces dont ils battoient continuellement la breche du jour precedant, pour endommager le rempart qu'on y avoit faict, & empescher qu'on y remparast d'avantage. D'autres sept pie ces ils continuerent la batterie commancée les jours precedens contre la porte de Paris, & contre la courtine prochaine, & dura ceste batterie jusques sur les trois heures apres midy. Et lors cessant la batterie, vindrent les ennemis en gra de furie, les uns avec grand nombre d'eschelles bonnes, & bien doubles & renforcées, pour les dresser contre les murailles, les autres à l'endroiet des breches, en esperance que donnant l'assault en plusieurs & divers lieux, ceux de dedas ne suffiroient à mettre ges par tous endroices. Par trois fois ils s'efforcerent de monter, & par trois fois furent vaillammet repoulsez avecques grosse perce des leurs, entre lesquels y moururent trois portenseignes, qui furent tuez sur la breche de la porte de Paris, laquelle avoit en charge le seigneur de Saiseval, & bien cinquante hommes d'armes, qu'archers,

que d'une que d'autres bandes.

L Es seigneurs de Nansau, du Reux, qui estoient ce pendant en armes, l'un d'un costé du mont sainct Quentin, l'autre du costé de la porte de Paris, voyans la perte & dommage de leurs gens, feirent sonner la retraitte, auquel son se trouverent leurs gens beaucoup plus prompts & diligens qu'ils n'avoient esté à marcher à l'assault: car de la haste qu'ils eurent de se retirer, ils laisserent vingt: six eschelles dressées contre la muraille, lesquelles furent par ceux de la ville tirées dedans. Messieurs le Mareschal & autres capitaines (cela faict) se retirerent à l'Eglise, pour louer & remercier Dien, & là trouverent le Clergé, qui durat l'assault avoit faict procession autour de la ville, recommandant à Dieu la protection & conservation d'icelle. Voyans les Seigneurs de Nasau, & du Reux, qu'ils ne pouvoiet riens profiter, & cognoissans que la grosse tour du chasteau deffendoit la breche qu'avoit en garde le Comte de Dampmartin & celle qu'avoir en garde le Seigneur de Cercu dont ils estoient merveilleusement offensez, le convertirent à la mine, mais ce pendant ne laissoient à tirer ordinairement contre les maisons de la ville à coup perdu, jettans feuz artisiciels, pour embrazer les maisons, qui sont en grande partie edifices de bois, & de faict en brullerer un bon nombre,

Car quant ils voyoiét le feu allumé en une maison, ils dressoyét en celle part l'artillerie, pour empescher que le peuple ne s'y assemblast à estaindre le feu, de sorte qu'il alloit prenant de maison en autre: & par un jour entre autres eust esté la ville en dager d'estre brussée, si Dieu n'eust par sa grace envoyé une sorte pluye, laquelle estaingnit le seu, & non sans que ceste chose sust par amis & ennemis tournée à miracle divin.

Monsergne ur le Mareschal & les autres capitaines estoyent bien advertiz, que les ennemis s'estoyent mis à miner, mais ne sçavoient pas bien au vray en quelle part. A ceste cause ils mirent dehors le capitaine Damiette, enseigne du seigneur de Sercu, avecques environ douze ou quinze hommes choisis des bandes du seigneur de Sercu, & de Saiseval, lesquels sortis par une faulce porte du chasteau, marcherent du costé qu'ils veirent les trenchées, & trouverent les pionniers & mineurs au droict de la grosse tour du chasteau. sur lesquels chargerent à l'improviste, & en tuerent jusques au nombre de xxiiij. ou xxv. & en ameneret six, entre lesquels estoit un capitaine nommé le seigneur de Noyelles, qui avoit esté ordonné pour l'escorte d'iceux pionniers: lesquels rapporterent au vray l'estat & endroit de la mine, à quoy il fut diligemmet pourveu pour contreminer, mais si mal advint que le Comte de Dampmartin y fut tué, ainsi que je diray par cy apres. La chose qui plus donnoit effroy à ceux de la ville, tant capitaines, gens de guerre, qu'autres, estoit la faulte qu'ils avoient de arcbouziers & de poudres: car ils en avoient si peu que si l'é nemy feut retourné donner l'assault, à bien grand peine euf sent ils eu moyen de se dessendre. Mais quelques jours auparavant monsieur le Mareschal prevoyant ceste necessité, avoit à force de dons & promesses persuadé à un bon soldat d'entreprendre le voyage devers messeigneurs de Vendosme & de Guyse estans à Ham, pour iceux advertir de cest af faire. Ledit messager descendu par une corde és maraiz, che mina tant qu'il en sortit hors, & eur si bonne fortune qu'il arriva devers lesdits seigneurs, qui au plus diligemment que possible fut y donnerent ordre.

MONSEIGNEUR Claude de Lorraine Duc de Guyse print ceste charge sur soy, & deslogea avecques environ deux cens hommes d'armes, & arriva de nuict aupres du

camp des ennemis, du costé où estoit logé monsieur du Reux: & apres avoir coduict secrettement & sans bruit jusques sur le bord des maraiz environ quatre cens archonziers cnoisis, ausquels bailla pour guide le mesme messager qui estoit venu vers luy, il donna soudainement l'alarme par tous les endroicts du camp des ennemis, & avoit de propos deliberé, amené tous les trompettes qu'il avoit peu assembler, lesquels tous en un mesme instant espandus de toutes pars, leur commanda de sonner dedans, en telle sorte que le camp Imperial se meit en armes, & se joingnirent ensemble lesdits seigneurs de Nansau, & du Reux, chacun en son ordre, comme pour donner ou recevoir la bataille. Les arcbouziers dont j'ay cy dessus parlé, durant ce gros alarme, qui empeschoit que l'ennemy entendist ailleurs, & qu'il ne pouvoit ouyr le flot de l'eau, par où ils cheminoyent, suyvans leur guide arriverent au mesine lieu, par où leurdite guide avoit passé, & furent tirez dedans, chacun un sac de poudre pesant dix livres sur leur col. Desja commençoit le jour à poindre, & l'estoit mondit seigneur de Guise retiré avecques sa trouppe, en lieu qu'il estoit hors du danger de l'ennemy, quand ses arcbouziers furét descouvers, & furent monstrez ausdits Comte de Nansau, & du Reux, montans à la file sur la muraille, chose qui merveilleusement leur despleut, car ils ne sçavoient pas bien quel nombre de gens, ne quelle quantité de pouldres on pouvoit avoir mis dedans. Pour aller sur la queue du Duc de Guyse, qui se retiroit, ayant exploicté son entreprise à souhaict, ils ordonnerent quelque nombre de chevaulx, mais ledit seigneur avoit mis ses gens en bataille, de sorte que l'ennemy ne l'osa enfoncer. Le quatriesme jour de Septembre, le Comte de Nansau envoya un trompette vers sedict seigneur Mareschal de la Marchk, luy dire de sa part, que s'il vouloit luy rendre la ville en proye & pillage pour trois jours durant, il donneroit la vie sauve à luy, & à tous les capitaines & gens de guerre, sinon il mettroit tout à feu & à sang, sans excepter personne, de quelque estat ou condition qu'il fust. A quoy fut respondu par ledit Mareschal, que si alors qu'il avoit faute & d'archouziers & de pouldres, on luy eust porté ceste parolle, il n'eust voulu y prester l'oreille, & moins le feroit à present qu'il avoit en abondance ce que au-paravant luy deffailloit, pour recueillir son ennemy.

T iii

Mort du Conte de Dampmar-

C E s T' E response ouye par ledit seigneur Comte, il com manda qu'au lendemain au matin on mist le feu en la mine, qui desja estoit preste soubs la grosse tour du chasteau, Ce matin mesme le Comte de Dampmartin (lequel jour & nuist travailloit incessamment à faire tout ce qu'un bon chef & capitaine doibt faire en telle necessité, & mesme avoit mis quatorze chesnes pour estançons, pour soustenir le costé de la tour devers la ville, & aussi avoit faict une platte-forme au milieu du chasteau de la hauteur desdictes chesnes, pour estant ladicte tour par terre venir au combar)ettoit de bon matin entré en une contremine qu'il faifoit faire, pour eventer la mine des ennemis: & ce pendant qu'il y estoit, fut mis le feu en ladite mine, laquelle emporta grande partie d'icelle grosse tout, & sous les ruines accabla ledit seigneur Comte, dont ce fut aux François tresgrad dommage, car il estoit bon capitaine & bien homme de guerre. Le Roy depuis en memoire & contemplation des services qu'il luy avoit faicts, retira & print en sa protection les enfans dudit Comte. La tour ainsi abbatue, les ennemis y vindrent doner l'assault, desquels de prime face y entra trois ou quatre enseignes des ennemis sur le hault du chasteau par ladicte ruine : mais le seigneur de Moyencourt avecques trente ou quarante hommes d'armes, tant de la compagnie de mondir-seigneur le Mareschal, dont il estoit Lieutenant, que de celle dudit Comte, rasseurant les soldats qui estoient estonnez, chargea les ennemis de relle vigueur, qu'il les renverla dedans les fossez, & recouir le seigneur de Couldray & autres desdictes compagnies, lesquels estoient enterrez soubs ladicte tour : parquoy l'assault des Imperiaux fut inutil, & y perdirent deux ou trois cens hommes. Le jour ensuivant qui estoit la feste nostre Dame; ils recommencerent la batterie contre ce qui estoit demouré debout de ladite gtosse tour du chasteau, & la ruinerent entierement : pu's y donnerent un autre assault autant furieux que nul des autres, mais ils en furent si vaillamment repoullez qu'il leur sut sorce de se retirer; & au lédem iin furent trouvez morts en la tour plus de iij. cens Lansquenets & vingt hommes d'armes des leurs. Le lendemain tirerent encores à coup perdu contre les maisons de la ville: le Dimenche ensuivant ils battirent tout le jour la tour du Beffroy, où estoit assife la cloche du guet de

la ville, & feirent contenance de donner assaut, & en effect Retraitte du diesserent grand nombre d'eschelles contre les murailles, mais sur le dix heures du soir ils commencerent à retirer leur artillerie, & sur les deux heures apres la minuit ils deflogerent & meirent le feu en leurs loges, & par toutes les mailons des villages voilins. Le Comte de Nansau avec ses Lansquenets print le chemin d'Arras: le seigneur du Reux le chemin vers Cambray, avec les Hennuyers, Artoisiens, & Flamens, & les Liegeois & Namerois devers Bapaume, menant chacune trouppe avec soy une partie de l'artillerie.

CESTE nouvelle entendue par le Roy il feit faire parmy son camp une procession generale, où assisterent tous Succez des les Princes temporels & spirituels, mesmes tous les capitai- affaires da nes & gens de guerre pour louer Dieu, de l'ayde & faveur Royen Proqu'il luy avoit faicts. Après la procession faicte & le repas prins, il assembla son conseil & meit en deliberation, à sçavoir ful devoit cusuivant sa premiere intention, marcher à la suitte de l'Empereur, & passer jusques en Italie. Mais il fut advilé par le conseil qu'estat desja sa gendarmerie acheminée bien avant devers Lion avec le nombre de gens de pied qu'il y avoit ordonnez, ledit seigneur Empereur avant que le Roy eust reiny son camp, pourroit estre essongné si avant que ledit seigneur Roy ne le pourroit plus acconsuivre,& que de passer en Italie sa personne, ayat l'hyver desja si pres, il ne sembloit estre chose raisonnable: toutesfois ne fut le Roy, ne son conseil d'advis de rompre encores son camp: car il estoit bien adverty que l'Empereur estoit arresté (comme j'ay dit) au lieu de Frejus: & combien que ce fust l'opinion de tous, que le vent contraire l'y retenoit, le Roy nonobstat, craignoit quelque autre entreprise. L'Empercur à la verité s'en alloit fort desplaisant d'avoir si mal executé qu'il avoit, & ne s'essongnoit de vray semblable, que si le Roy fe fust legerement party, l'occasion s'offiante eust peu mouvoir ledict seigneur Empereur de rebourser chemin, & de nouveau tenter sa fortune : si est ce que son esperance ne tendoit poinct si hault, & avoit esté mis en deliberation de son conseil, qu'il s'embarquast avecques les Espagnols, & se retirast en Espagne: mais craincte que les Lansquenets nesse mutinassent (comme par effect en fut quelque apparence) s'il se fust party d'eux, les laissant au hazard & danger de l'ennemy, luy feit chaget ceste delibe-

Comte de .

ration comme il estoit dict cy dessus.

I OURNELLEMENT estoit le Royadverty par nos gens qui estoient à la suitte dudict seigneur Empereur, & par cspies & prisonniers, comme toutes choses se portoient au camp Imperial, si est-ce que doubte (comme dict est) de donner occasion à l'ennemy de faire nouvelle entreprise, retenoit (& non sans cause) le Roy en souspeçon : si ne voulut il ce-pendant perdre le temps, ains donna charge de son camp à monseigneur le Mareschal d'Aubigny, luy avecques la suitte de sa maison, prenant en sa compagnie le leigheur de Montmorency, delibera d'aller visiter le païs qui avoit esté gasté par les ennemis, afin de donner ordre par tout, & soulager son peuple qui avoit enduré pour la guerre: aussi pour ordonner les fortifications qu'il entendoit estre faictes par apres, és principalles villes de la frontiere, tant de Provence, que de Languedoc. Et premierement il visita Marscille: à Aix, ne voulut aller, pour ne veoir à l'œil la desolation qui y avoit esté faicte, mais y envoya le seigneur de Langey, auquel donna charge de la bien visiter, & de luy faire rapport des plus necessaires & urgentes reparations qu'il y conviendroit faire. Ledit seigneur de Langey partant de Marseille vint à ladite ville d'Aix, laquelle il rrouva fort gastée & desolée, de tous les gasts & desolations que guerre peut amener en une ville rendue à l'ennemy sans resistance, fors du seu, dont l'ennemy n'avoit use à son partement. Bien que plusieurs eussent esté de cest advis, mais l'Empereur le deffendit expressément, & ne fut mis le feu, finon au Palais où se tenoit le parlement & principalement à la chambre des Comptes, & ce par commandement du Duc de Savoye, lequel voulut assister en personne à la veoir bruiler. Il ne se sçait que par imagination, qu'en ce faisant il air esperé brusler rous les riltres, hommages, & denombremens renduz aux Comtes de Provence, par la noblesse, villes, & communautez de Piemont, & par lesquels il se peult faire foy, que ledict pais de Piemont appartient au Comte de Proyence.

M n s en cela son esperance a esté vaine, car dés le commencement que la ville sur jugée non gardable, monseigneur le Grand-maistre prevoyant ce qu'advenir pourtoir, & qui advint, avoit faict encasser tous iceux tiltres & enseignemens, & les avoit sur mullets envoyez en un sien chasteau forte place nommée les Baulx. Ledict seigneur de Langey, appellez avecques luy le Presidant, & un nombre de Conseillers, & les principaux de la ville qui sy trouverent pour lors, & l'advis eu des maistres charpentiers, maçons, & autres servans au faict de bastiment, seit estimer combien il pourroit couster à reparer le dommage faict, & l'estimation faicte en deniers, retourna vers le Roy qu'il trouva sur le chemin, arrivant à Arles, auquel lieu ledict seigneur apres avoir ouy son rapport, ordonna ladicte som me estre delivrée és mains des tresoriers & commissaires,

pour employer ausdictes reparations.

Le Roy apres avoir visité ladicte ville d'Arles, sen retourna en Avignon, pour estre pres de son camp, & là vint devers luy de la part du Comte de Tende, lequel depuis le partement du capitaine Bonneval d'avecques luy, avoir tousjours avecques le seigneur Iean Paule & autres suivy la retraitte de l'Empereur jusques à Nice, dont il envoioit asseurer & donner certeine & indubitable nouvelle au Roy, que non seulement l'Empereur (sil eust voulu retourner en arriere) n'eust eu le moyen de trouver vivres, mais que mesme ledict Comte & ceux qui estoient avecques luy, encores qu'ils eussent le païs savorable, estoient la plus part du temps sans manger un jour entier, & leurs chevaux sans manger autre chose que du broult.

Sur-ce ledict seigneur se delibera de retourner à Lion, & là faire quelque sejour pour donner ordre à ses affaires, & en passant revisiter ses villes de Tarascon, Beauquaire & Valence, pour ordonner sur la despence qu'il jugeroit estre necessaire par chacun mois, pour continuer les fortifications encommencées. Sur chemin il receut lettres de l'E-

vesque de Tharbe son ambassadeur residant aupres du Roy Occasion de d'Angleterre, par lesquelles il sut adverty que les ambassa-l'Ambassa-deurs estans aupres de luy, de la part dudict seigneur Roy de en Angleterre, avoient informé leur maistre autrement que gleterre, la verité n'estoit du sait de la venue & retraitte de l'Empe-

reur, & de toutes choses qui en dependoient, disans lesdits ambassadeurs que l'Empereur s'estoit retiré seulement par un stratageme, & que voyant sa majesté que pour dommage qui se feist au païs du Roy, ne le pouvoit attirer à la bataille, avoit voulu essayer ce moyen de retraitte, pour essayer si le Roy pensant iceste retraitte estre veritable, prendroit

courage de le suivre, & que luy par ce moyen actirast ledie seigneur Roy à la bataille: & pour faire sa retraitte plus vray semblable luy-mesme avoit fait courir le bruit, qu'en son camp on mouroit de faim, & que desja il avoit perdu plus que le tiers de ses gens, & en apparence grande de bien tost perdre le demourant, s'il ne se retiroit : mais qu'en effect il n'avoit telle faute de vivres que l'on disoit, & n'avoit point perdu jusques à deux mille hommes depuis son partement d'Italie. A ljoustant lesdicts ambassadeurs que jamais depuis la prise des seigneurs de Montejan & de Boisy, homme du camp du Roy n'avoit ofé entreprédre de donner un seul alarme au camp dudit seigneur Empereur, ne mesmement le suivre sur la queue à son deslogement d'Aix. Et que ce voyant l'Empereur s'estoit arresté à Nice attendant que le Roy fut estoigné, pour incontinant retourner en Provence, qu'il trouveroit desgarnie d'hommes: & qu'il pourroit avant que le Roy eust rallié ses forces occuper toutes les places de consequence, tant dudict païs de Provence que de Languedoc, jusques à l'entrée d'Espagne: & pour conduire ceste entreprise plus briefvement à effect, il avoit faict lever gens en Espagne pour venir au devant de luy par le Languedoc.

TELS estoient les advertissemens donnez au Roy d'An gleterre par ses ambassadeurs, Mais quant à la retraitte de l'Empereur & ce qui avoir esté faict depuis la prinse desdicts seigneurs de Boisy & de Montejan, ils escrivirent les choses tout au rebours. Quant aux desseings de l'Empereur de se faire seigneur & maistre des pais de Provence & de Languedoc, pour avoir tout à luy depuis Italie jusques en Espagne, il est vray semblable que lédit seigneur Empereur seltoit bien autant promis de sa felicité, sur laquelle il est accoustumé de fonder principalement ses entreprises. Et quoy que soit, il ne tarda pas beaucoup apres la retraitte dudit seigneur Empereur, que les Espagnols descendirent en la frontiere de Languedoc, guastans & pillans tout ce qu'ils trouvoient és villes champestres & ouvertes: mais le-Lieutenant de monseigneur le Grand-maistre au gouverne ment dudict pais de Languedoc feit tel amas de gens du païs, sans mettre le Roy en aucune despence pour ceste inopince descente, que lesdicts païsans repousserent & rompirent lesdicts Espagnols d'une telle ardeur & furie, qu'aussi

tost fut adverty le Roy de leur retraitte, comme de leur descente.

LEDIT seigneur Roy apres avoir pesé la consequence de ce faux advertissement donné audict Roy d'Angleterre par ses ambassadeurs, & pour raison aussi qu'il avoir deliberé donner madame Magdeleine sa fille au Roy d'Escosse qui la demandoit à femme (chose que ledict Roy d'Angleterre avoit tousjours craint & empesché) à quoy toutes fois le Roy ne pouvoit faillir honnestement, veu l'instance & longue poursuitte qu'en auoit fait le Roy d'Escosse. Et que sur la nouvelle à luy venue du gros encombremet de guerre qui estoit venu sur les bras du Roy de tant de parts, il sestoit en un mesme temps, de son propre mouvemet, & sans aucune requeste du Roy, non seulement offert de courir une mesme fortune avecques luy, mais s'estoit resolu & mis en chemin pour ceste intention de venir en personne à son secours avecques bon nombre de gens de sa nation, acte qui bien meritoit d'estre par raison grandement recognu. Pour ces deux causes, c'est à sçavoir pour faire entendre au Roy d'Angleterre la verité du faict de Provence, dont le feigneur de la Pommeraye son maistre d'hostel, ja cogneu & bien voulu dudit Roy d'Angleterre pour les ambassades qu'il luy avoit faictes, estoit amplement informé, pour avoir esté dés le commencement au faict des vivres des places, ainsi qu'il est dict cy devant: & pour faire trouver bon audit Roy d'Angleterre le mariage de la fille du Roy avecques le Roy d'Escosse: aussi pour entendre l'intention d'iceluy Roy d'Angleterre sur une ouverture que ses ambassadeurs avoient souvent mise en avant audict seigneur Roy, qui estoit du mariage de monseigneur le Duc d'Orleans avec madame Marie fille dudit Roy d'Angleterre, & de la Royne Catherine sa premiere femme.

LE Roy ne voulant perdre l'amitié dudict Roy d'Angle terre, & desirant selon sa naturelle inclination de demeurer serme en ses alliances, & ne les changer que par contrainte, & mout envis, depescha ledit seigneur de la Pomeraye devers ledit Roy d'Angleterre, lequel y estat arrivé & gracieusement recueilly, luy exposa sa charge sur les trois poinces dessiussifications. Quant au premier il le dissuada tellemét-quellemét, mais no du tout entieremét de l'opinió qu'on luy en a

voit imprimée. Quant au secod, incontinat qu'il ouit mentionner de ce mariage d'Escosse, il se roubla de telle sorte, que de quatre jours apres il ne voulut reparler audit Pomeraye, de peur (ainsi qu'il luy feit dire & remostrer) de se colerer trop sort contre luy, & ce pendant seit reciter audit Pommeraye par les principaux de son conseil, ses doleances, & causes de malcontentement sur cest article: en somme n'y eut jamais moyé audit Pommeraye de rapaiser ledit Roy d'Angleterre, parquoy sur contrainct de se retirer

sans faire grand exploir. AYANT le Roy sur le chemin d'Avignon à Lion faict ladite depesche, depescha pareillement monseigneur le Duc de Touteville Comte de S. Pol, avecques le regimen du Cote Guillaume de Fustemberg, & quelque autre nobre, tant de gens de pied que de cavaliere, pour aller mettre en son obeissance le pais de la Tarantaise en Savoye, lequel l'estoit revolté peu de temps au paravant: lequel Côte de S. Pol le remist en l'obeissance du Roy, & pour punitio dona à butiner aux Lansquenets toute ladite valée, & mesme la ville de conflans. Ainsi doncques donnant ordre à tous affaires, arriva le Roy à Lion, auquel lieu il pourveut avec son conseil à toutes choses necessaires, tant deça que de-là les monts, chose que je laisseray à reciter, pour retourner aux affaires de Piemont, que j'ay pieça entrelaissez. Devers luy estoient arrivez un peu avant le partement de son camp d'Avignon, & mesme avant qu'il partist pour aller à Marseille, les seigneurs Dannebault, & Cesar Fregoze, par lesquels il avoit entendu au long tout ce qui s'estoit executé ou entrepris audit pais de Piemot, & autres endroits d'Italie, durant le temps que les choses estoiet coduittes, ainsi que je les ay racomtées, tant en Provence & Languedoc, come en Champagne & Picardie.

Aßemblée faicte à la Mirandole. D s environ la mi-Iuillet, sur le temps que partit monseigneur le Grand-maistre, pour aller en Avignon Gaucher de Tinteville seigneur de Vanlay sut depesché par le Roy pour aller en Italie, pour faire leuée de dix à douze mille hommes de pied, & jusques au nombre de six cens chevaux legers. Et par-ce qu'à la Mirandole il trouva grade partie des capitaines de la premiere levée, q j'ay dit par cy devat avoir esté faicte avecques les principaux de leurs bandes, ladite levée sut faicte en quinze jours, & se fecit l'amas audit lieu de la Mirandole à la barbe de trois mille Lansquenets, & sept cens chevaux Allemans nouvellemet venuz à Trente, & qui l'estoient logez à Cazal Majour, vis à vis de ladite Mirandole, ayas toutesfois le Pau entre deux. Les capitaines furent le Comte Guy de Rangon capitaine general de ceste armée, auquel fut particulierement donné un Colonnel de deux mille hommes, le seigneur Caguin de Gonzague Colonnel d'autres deux mille, le seigneur Cesar Fregoze Colonnel d'autres deux mille, le Visconte autres deux mille, le chevalier Assal gentilhomme Ferrarois, & le seigneur Pierre Strosly gentilhomme Florentin Colonnel chacun de mille, le Comte Beringier de Caldora Neapolitain, & le capitaine Iean de Turin chacun cinq ces hommes, le chevalier Averolde gentilhomme Bressan, & le seigneur Bandin chacun quatre cens hommes. Des capitaines de chevaux legers, le seigneur Cesar Fregoze deux cens, le seigneur de Tais gentilhomme François & de la chambre du Roy deux cens, le seigneur Bandin deux cens.

LE xx. jour d'Aoust partit de la Mirandole le Comte Guy de Rongon & son camp, & vint la seconde journée lo ger à moitié du chemin d'entre Parme & Rege: de là commença le camp à marcher en ordonnance, & passant au log des murs de la ville de Parme vindrét loger à Castelguelfo, & au lédemain à cinq mille pres de Plaisance. Puis passerét en ordonance au long des fossez de ladite ville de Plaisance : de là passerent la riviere de la Trebie, sur la minuict y cut quelque alarme, mais il fut trouvé faux. Le vingt-septiesme jour vindrent loger à quinze mille de Pavie en une place qu'ils trouverent abandonnée, car tout le peuple s'estoit retiré à Pavie. Le xxvij. jour arriverent à une petite ville nommée Pontreme, à quatre mille de Tortone, où ils eurent grande faulte d'eau, car ceux de la ville l'avoient destournée, afin que ledit camp n'y logeast, & sur la mi-nuict eurent alarme. Le xxviij jour, arriveret és fauxbourgs de Tortone où ils sejournerent tout ce jour jusques sur le soleil couchant: & là se joignit à eux le seigneur Pierre Strosly. Environ le soleil couchant le Comte Guy feit donner alarme afin que chacun se raliast soubs son enseigne,& quand tous furent ralliez, il les feit marcher en avat & cheminer toute la nuict, tellement qu'avant la poincte

du jour ils eurent passé Saraval. Et le vingt-neufiesme jour sans s'arrester jusques à ce qu'ils arriverent à un petit chasteau nomé Bozolin, voisin (se me semble) de Genes quatre mille,& de là curét grade faulte de pain. Le trentiesme jour & dixiesme du partement de la Mirandole, environ les neuf heures du matin un peu avant l'heure de disner arriverent à un pont voisin de deux mille de Genes, là où ils s'arresterent, & furent envoyez loger en Besaigne les Colonnels du seigneur Cesar, & du seigneur Visconte, & les chevaux legers du seigneur Bandin, & ceux de Michel Ange, pour doner l'assault à la ville de Genes par ce costé la. Et d'autre part vindret nouvelles audit seigneur Comte Guy, comme son entreprise estoit descouverre, & qu'il estoit entré dedas la ville deux mille hommes de secours: depuis il à esté sceu qu'un Lucquois du Colonnel mesme du Comte Guy s'e-Itoit desrobé la nuice precedante, & avoit adverty ceux de la ville, qu'ils cussent à se tenir sur leurs gardes, & qu'à son advis le Comte Guy-& le seigneur Cesar Fregoze venoient pour assayer de les surprédre, veu le chemin qu'ils avoient tenu, & la diligence de marcher qu'ils faisoient.

C E jour fut amené par les chevaux legers un prisonnier portant une malle en crouppe, lequel estoit serviteur d'un gentilhomme Bourguignon qui avoit aussi esté prins, mais à l'ayde des païsans qui s'estoient assemblez, il avoit eu le moyen de se sauver. Aussi sur amené prisonnier par un gentilhomme le secretaire du Cardinal Doria, lequel incontinant fut delivré, car il estoit du party du seigneur Cesar, & disoit qu'il estoit venu expressement parler à luy. Ce temps pendant furent envoyez aucuns arcbouziers à une Eglife, & certaines maisons environ à un mille de Genes, par-ce qu'il fut rapporté au Comte Guy, que là s'estoient assemblez quelques gens du pais, lesquels avoient tiré à ses chevaux legers quandils passerent au long de ladite Eglise, & que l'estoient ceux qui avoient faict sauver ledit Bourguignon:mais incontinant que lesdits arebouziers y arriverent, les susdits païsans se retirerent à la montagne. D'autre costé furent tuez de coups d'artillerie qui furent tirez de la ville, deux chevaux du cap Fraçois, ainsi que ledit cap se mettoit en bataile devat la ville, en laquelle bataille dementerent noz gens jusques environ quatre heures ayant la nuict, attendans fil se feroit en la ville quelque nouveauté par le moyé des partisans dudit Cesar Fregoze, mais il ne s'en feit aucune: car il y avoir dedans outre les gens de la ville jusques au nombre de trois mille hommes de guerre, dont y avoit quinze cens Lansquenets de ceux que j'ay dit estre nouvellement descenduz à Trente. Ce voyant le Comte Guy seit retirer chacun en son quartier au lieu qu'il avoit choisi pour loger son camp environ à un mille de Genes entre deux motagnes, sur lesquelles il avoit assis son guet, & là fut commencé à faire grand nombre d'eschelles puis environ la minuict tout le camp fut en ordonnance. sans sonner la trompette ne le tabourin,& commença puis apres à monter contremont l'une desdites montagnes avec un grand & incredible travail, car outre ce que la montagne estoir haulte & la montée roide, le camp ne marchoit point par le chemin frayé, & desja estoient les gens de guerre si mal menez & travaillez de la peine des jours & des nuicts passées, avec le default des vivres qu'ils avoient enduré, joinct qu'ils portoient les eschelles fur leurs espaulles qu'il y en avoit beaucoup qui d'ahan & laketé se jettoient par terre, comme recruz & demy morts, & falloit à vive force & par menasses les contraindre à porter les eschelles.

En viron deux heures avant le jour, arriva l'avantgarde au pied des murs de la ville, & furent les eschelles dresses, desquelles il ne se trouva que deux faictes à propos,& à vray dire on n'avoit point eu plus de quatre à cinq heures de temps à les faire. Ce nonobstant chacun de ceux qui estoient ordonnez à donner l'assault commecerent à monter à mont, & les archouziers à coup de archouze repousserent ceux qui se mostroient à la dessence sur la muraille,& dura cest assault continuant avecques grande impetuosité jusques environ à une heure & demie de soleil: & si les eschelles eussét esté de mesure ainsi qu'elles estoiét trop courtes, l'opinio est de beaucoup de gens, qu'elle eust esté emportée d'assault. Quoy que ce soit, le Comte Guy voyant que sans autres eschelles il estoit impossible de la gaigner, & que ses gens estoient tuez d'enhault, sans qu'il leur fust possible de se revancher, feit sonner la retraitte. De ceux de dedans y eut peu de morts, n'aussi beaucoup de blessez:bien y mourut un capitaine de nom de ceux de dehors, & y en eur beaucoup d'autres de blessez & de morts, mourut le seigneur Hector de Caracciole gentilhomme. Neapolitain, qui estoit au camp sans charge, & sut enterré dedans Genes, par congé de ceux de la ville, devers lesquels avoit esté envoyé un trompette pour cest essect. Audit assault se porta vaillamment entre les autres un portenseigne du seigneur Caguin, sequel monta jusques sur la muraille avecques son enseigne, & quoy qu'il y sust mal sui vy, pour avoir esté les eschelles courtes, ainsi que j'ay dit, & que ceux de dedans luy eussent empoingné son enseigne, pensans la luy arracher des poings, il en raporta toutes sois la haste avec une partie du tassetas, l'autre partie luy

fut arrachée par pieces.

SONNE que fut la retraitte, le Côte feit retourner ses gens par la mesme montagne qu'ils estoient venuz, ce qui fut faict sans aucune contrarieté & sans que de la ville sortist homme de pied ne de cheval pour donner sur la queue sinon quelques uns, estant desja nostre camp arrivé au logis en la plaine d'entre les deux motagnes, qui se monstrerent soubs quatre enseignes, sur le plus hault de l'autre motagne, le Comte Gus y envoya des arcbouziers pour essayer à les attirer à l'escarmouche, mais ils se retirerent incontinant. Tout ce jour demeura le Comte en sondit camp, pour attendre le retour des colonnels du scigneur Cesar & du seigneur Visconte, & des chevaux legers qui estoient allez avecques eux en Besaigne, lesquels il avoit mandez pour se revenir joindre avecques luy, mais ils prindrent autre voyage,& tournerent vers Plaisance par un autte chemin qu'ils n'estoient venus. Bien arriva le Colonnel du Comte, qui le jour precedant avoit esté envoyé pour donner l'assault en un mesme temps au costé du palais d'André d'Orie, mais l'artillerie des galleres, qui les descouvrit, les contraignit d'habandonner ceste entreprise. Ce temps pendant fut mis le feu en quelques villages à l'entour, pour se vanger des villains, qui avoient mis le feu en leurs

LE Comte apres que son Colonnel sut revenu, assembla le conseil, & sut advisé, attendu qu'ils n'avoient aucune artillerie pour faire batterie, de ne plus hazarder leurs gens au tour de Genes, & sur la minuict deslogea le camp sans son de tropette ny de tabourin. Et tout le lendemain,

qui fut le premier jour de Septembre, cheminerent sans arrester, jusques à ce qu'ils arriver et en certains chasteaux, nomez Herma, Traier, & Vada, à bien trente mille de Genes; au pied des grades montagnes, où ils ne trouverent pour les chevaux sinon quelque peu de bled, & pour les hommes des chataignes, car les habitans estoient fuis és montaignes avecques tout leur bagage & leurs provisions: en haine dequoy les soldats brusserent quelques villages, & saccagerent lesdits chasteaux; combien que le butin ne fust pas grand. Au lendemain à une heure de jour, le camp dessogea, & vint à douze mille de là, en un chasteau nommé Visan: & là fut depesché le seigneur de Vanlay, accompagné de xx.chevaux legers du seigneur Cesar Fregoze, pour aller à Turin, advertir le seigneur d'Annebault de la venue du dit Comte & de son camp. Le troissesme jour ledit Comte marcha quinze mille en avant, jusques à un chasteau nommé Cave, & au lendemain passa la riviere du Tanare à gué; & vint à un chasteau nommé Serisolles, à quatre mille de Carmagnolles. Les ennemis advertis que le Comte approchoit si fort, abandonnerent le siege de Turin, faisans courir le bruit qu'ils s'en alloiet au devant dudit Côte, luy prefenter la bataille, toutesfois ils ne luy donnerent aucun empeschemet & vint le cinquiesme jour du mois loger à Carl gnã dedans la ville. Le feigneur d'Annebault voyant le cap desloger, saillit à la queuë, a vecques sept ou huict cens homes,& en passant au long de la tour du pont du Pau (de la prinse de laquelle l'Empereur avoit faict un si grand cas)la feit sommer de se rendre à sa discretion: ce qu'ils scirent, se voyans hors d'esperance d'avoir secours: & le lendemain le seigneur de Burie sortit avec sept ou huict cens vaillans hommes, & print Groillan, où il trouva force bleds & vins pour refreschir Turin. Arrivat le Comte à Carignan, & passant en bataille au long du Chasteau, où estoient environ soixante Neapolitains pour l'Empereur, lesdits Neapolitains tirerent & tuerent un de noz soldats d'un coup d'arcbouze: dont le Comte irrité, les envoya sommer par un trompette, de se rendre à luy, ce que refusans de faire, de rechef il les envoya sommer avecques commination de les faire tous pendre s'ils attendoient le canon: à quoy ils demanderent terme d'envoyer devers ceux qui les avoiet mis Sur ceste response le Comte depescha vers le seidedans.

gneur d'Annebault, à ce qu'il luy envoyast de l'artilleric, le seigneur d'Annebault incontinant ces lettres reccues, partit luy mesine avecques deux canons & deux longues coulevrines & deux moyennes, accompagné de cinquante hommes d'armes & cent chevaux legers, par-ce qu'il luy convenoit passer au dessus de Montcallier, où f'estoit reuré le seigneur Scalinghe, gouverneur d'Ast: lequel Scalinghe voyant arriver le canon, & craignant que le Cote Guyse vint joindre avecques ledit d'Annebault pour assieger Montcallier, abandonna la ville, & se retira en Ast, où s'estoit retiré l'Empereur. Et puis apres vindient nouvelles par les chemins audir seigneur d'Annebault, comme les capitaines qu'il avoit envoyez à Quiers, estans advertiz que la ville estoit taxée à vingt-cinq mille escus, par les Imperiaux, pour payer leurs gens (car autre moyen n'avoiét ils d'avoir deniers) marcherent audit lieu de Quiers, & y trouvant mauvaise garde, par ce que les soldats ettoiét empeschez à contraindre les habitans à payer ladite finance, l'a voient prinse d'emblée sur quatre cens hommes de guerre,

qui la tenoient pour l'Empereur.

A u devant dudit seigneur d'Annebault, incontinant que ledit Scalinghe fut deslogé, vindrent les deputez de Montcallier luy presenter & faire l'obeissance, de là il passa outre & arriva qu'il estoit encores matin à Carignan. Ceux du chasteau voyans arriver l'artillerie envoyerent deux des leurs avecques un tabourin parler audit seigneur Comte, ausquels fut respondu par le Comte d'arrivée assez rigoureusement, à cause qu'ils l'avoient contraint de faire venir l'artillerie, pour une place qu'ils sçavoient bien n'estre tenable. Ce pendant qu'ils pretédoient la finale response, fut menée une praticque par un Neapolitain qui estoit au seigneur Caguin, que ceux qui estoient Neapolitains se rendroient à luy: & en effect des le jour mesme, environ deux heures devant la nuict, ledit seigneur Caguin envoya son Lieutenant avecques ses lancepessades prendre la possession du chasteau: & à une heure de nuich lesdits Neapolitains furent mis dehors, le capitaine & son porcenseigne avecques chacun un cheval, & tous les autres à pied : de leurs chevaux en demeura dix audit chasteau, avecques leur enseigne que ledit Lieutenat retint entre ses mains, disant que le tout apartenoit audit seigneur Caguin: & alors se descou laquelle n'apporta point de fruict au service du Roy. Audit chasteau furent trouvez outre le bled environ trois mille sacs de farine, qui estoit desja ensachée pour envoyer au camp des ennemis, laquelle sut incontinant menée à Turiu par l'ordonnance & commandement dudit seigneur Comte, quelque quantité de vin qu'il assembla.

L'unzielme jour du moys vindrent ges de par la ville de Salusses, faire l'obeissance au Roy, & demader un potestat; en vint aussi de plusieurs villes & chasteaux, tant du Piemont que du Marquisat: & durant ce temps noz gens prindrent aussi la ville de Quieras. Le quatorziesme arriverent lettres du Roy, de la retraitte de l'Empereur, & des nouvelles gens que le Roy envoioit pour mettre dedaus Turin, sça voir est deux mille homes de pied François; soubs la charge du capitaine René, & du capitaine Godiniere & autres deux mille sous la charge du chevalier de Birague, pour tirer dehors les autres qui avoient beaucoup enduré durant les sieges passez: & madoit ledit seigneur au seigneur d'Annebault qu'il vint devers luy, ensemble les autres capitaines, tant de cheval que de pied avec leurs bandes & com pagnies, & qu'il laissast ladite ville en garde au seigneur de Burie avecques les gens fraiz qu'il luy envoyoit : auquel de Burie il donna la charge de cinquante hommes d'armes; ausquels le Marquis François de Salusses avoit commadé devant qu'il se fust revolté. Ce mesme jour les capitaines S. Petre Corse & Jean de Turin avecques leurs gens sembatirent avecques une trouppe d'ennemis, lesquels ils defirent, & en rapporterent quatre enseignes, & amenerent de prisonniers le capitaine Baton, le capitaine Senogaille, & le capitaine Paciet. Le xxv. jour arriva le Marquis Iean Loys de Salusses à Carignan, en voyé de par le Roy (comme dit est) & le mesme jour alla coucher à Carmagnolle: ce qui s'est ensuivy de luy a esté racompté par cy devant.

C E-temps pendant le Roy arriva à Lion, & là feit assem bler tous les Princes de son sang; chevaliers de son ordre, Condénation & autres gros personnages de son Royaume: les Legat de celuy qui & Nunce du Pape, les Cardinaux qui lors se trouverent en empossonna sa cour, aussi les ambassadeurs d'Angleterre & d'Escosse, monseigneur Portugal, Venise, Ferrare, & autres, enséble tous les Princes le Danthin.

& gros seigneurs estrangers, tant d'Italie que d'Allemagne qui pour ce temps là residoient en sa cour, comme le Duc d'wittemberg Alleman, les Ducs de Somme, & d'Ariane, d'Atrie, Princes de Melfe, & de Stilanne Neapolitain, le seigneur Dom Hipolite d'Est, le Marquis de Vigeve de la mai son Trix lee Milannois, le seigneur Iean Paule de Cere Romain, le seigneur Cesar Fregoze Genevois, le seigneur Hannibal de Gonzague Comte de Lanivolare Mantouan, & autres en treigrand nombre. Lesquels assemblez, il feit en la presence d'eux lire depuis un bout jusques à l'autre, le proces du malheureux homme qui avoit empoisonné feu monsseur le Dauphin, avec les interrogatoires, confessions, confrontations, & autres solennitez accoustumées en proces criminel. Apres que la lecture dudit proces fut parachevéc & que tous les assistans, aumoins ceux qui peuvent selon la loy opiner en matieres criminelles, eurent doné leur advis de cest enorme & miserable cas, les juges procederent à la condemnation, & l'arrest executé, qui fut d'estre tiré à quatre chevaux.

L E Roy sejourna encores à Lió quelques jours, & feit avat qu'é desloger, delivrer le payemet à tous ses gés de guerre, donna congé à ceux dont il n'avoit plus que faire, comme aux Lansquenets & Suisses, retenat seulement six mille Lansquenets du regiment du Comte Guillaume de Fustéberg, & tous les capitaines Suisses, ausquels il donna estat pour vivre & l'entretenixen son Royaume: aux malades & blessez d'iceux Lansquenets & Suisses il feit assiner logis & delivrer argent outre leur solde, pour les faire penser & gue rir. De ceux qu'il retint il envoya les uns en garnison en Picardie, les aurres apres le Duc de Touteville Comte de S. Pol, pour le renforcer, & chastier aucuns Savoisiens qui s'e stoient ellevez sur un faux bruit, qu'o avoit faict semer entr'eux, que l'Empereur avoit donné & gaigné la bataille co tre le Roy. Le Comte de S. Pol feit telle diligéce en sa char ge, qu'il remist en l'obeissance du Roy toute la Savoye & Tarantise, & chastia ceux qui avoient esté cause de l'emotion, de sorte que depuis elle a esté obeissante au Roy, sans y avoir jamais revolte ny tumulte.

L E Roy dés lors qu'il eut doné ordre à Lion pour toutes Arrivée de Roy d'Escos- les frontieres de son Royaume, deslogea de Lion, & sur le chemin au hault de la montagne de Tarare, entre ledit lieu

de Tarare & de S. Saphorin, où il y a un lieu qui s'appelle la Chappelle, auquel lieu estát la au disner, le vint trouver le Roy d'Escosse, lequel ainsi comme j'ay dit en autre endroit ayat eu nouvelles de la descente de l'Empereur és pais du Roy, avoit faict faire en ses pais, discretion de seize mille hommes, pour venir au secours dudit seigneur, & ce sans requeste ny sceu d'iceluy; & ja s'estoit ledit Roy d'Escosse embarqué par deux fois, mais avoit esté repoussé par un cotraire, finablement & sans difficulté, arriva jusques en Normandie, avecques aucuns de ses navires, & print terre au havre de Dieppe. Là il oit nouvelles que l'Empereur & le Roy estoient sur le poinct de se donner la bataille, & à ceste cause pour n'y faillir il print la poste: mais sur le chemin il cut nouvelles de la retraitte de l'Empereur, qui fut occasió qu'il modera la diligence de ses postes, pour surattédre son train qui venoit apres luy:mais le Roy en voya au devant de luy pour le haster, & qu'il laissaft venir son train apres: & trouva ledit Roy d'Escosse ainsi que j'ay dit cy devant à ladite Chapelle, auquel lieu il fut grandement recueilly du Roy, & apres plusieurs autres propos luy demanda l'une de scs filles en mariage.

LE Roy encores qu'il sceust tresbien combien il seroit difficile de le faire trouver bon au Roy d'Angléterre, aussi qu'il luy sembloit aucunement faire tort à la fille de Vendosme qu'il avoit desja comme future Royne d'Escosse adoptée en fille, n'of a purement esconduire ledit Roy, confiderant la franche volonté dont il avoit usé envers luy: cosiderant aussi l'anciene alliance des deux Royaumes de Frace & d'Escosse, & que le pere dudit Roy estoit mort en bataille pour le parti du feu Roy Loys douziesme: ne luy vou lut aussi plainement accorder, mais remist la chose en deliberation d'entre eux deux, apres que ledit Roy auroit veu la Dame. Et tant pour ceste cause, que pour autres deux urgentes raisons dont j'ay parlé avoit depesché par cy devant le seigneur de la Pommeraye devers le Roy d'Angleterre, ainsi qu'avez veu par cy devant en ces memoires. Encores sur le chemin arriverent devers le Roy les ambassadeurs des ligues de Suisse, à la requeste & aux despens des eltats de la Comté de Bourgongne, pour le supplier qu'il fust content de n'innover ou entreprendre riens en ladite: Cotéice que ledit seigneur Roy leur accorda pour un an,

youlant bien en ceste part gratisser à messieurs des liguess combien que par plusieurs il en sust dissuadé, lesquels estoient d'advis qu'il y devoit envoyer les bandes du Comte Guillaume, pour la fyverner, & ce pendant y faire sortisser quelque place, pour la tenir par cy apres en subjection.

Aussi luy vindrent lettres de Rome, par lesquelles il estoit donné advertissement comme nostre S. Pere, de son propre mouvement avoit proposé en consistoire le decez de feu monseigneur le Dauphin que Dieu absolve: remonstrant luy sembler estre raisonnable, pour les merites du Roy & de ses predecesseurs envers le S. Siege Apostolique, qu'on luy feit faire obseques solennelles, cest à sçavoir comme ils les font pour la mort d'un Cardinal. Et que sur ce y avoit esté quelque dispute, disans ancuns de messieurs les Cardinaux que par le Pape Alexandre, pour la mort du fils du Roy Ferdinand d'Arragon avoit bien esté faict le semblable, mais que ledit Alexandre, pour estre Espagnol, avoir ce faict plus par affection particuliere à sa patrie, que par advis & deliberation du confistoire: finablement un chacun se reduisit à la volonté dudit S. Pete, & furent les dites obseques honorablement faictes en la cha-

pelle Papalle.

Ausst sur le chemin vindrent nouvelles au Roy de l'ar rivée de l'Empereur en Espagne, lequel en son passage avoit eu beaucoup à souffrir, à cause du mauvais temps qui l'avoit accuelly fur la mer, en sorte qu'autre deux navires qui luy estoient peries à la veuë du port de Genes, esquelles estoit son escurie en l'une & son buffer en l'autre, il avoit perdu fix de ses galleres, & en icelles bon nombre de gens de bien: & que ledit seigneur Empereur, ce nonobstant, perseveroit en son accoustumée braverie, menassant de bien tost retour ner en France avecques plus grande & puissante armée qu'il n'avoit encores faict. D'autre costé vindrent nouvelles que les Normans s'estoient derechef rencontrez sur la mer avec les Espagnols venans du Perou, & avoient faict gros butin sur eux, qu'on n'estimoit moindre de deux cens mille escus. Luy'vindrent aussi lettre d'Allemagne comme l'Empereur y avoit envoyé retenir des capitaines pour lever des gens au temps nonveau, & des propos que les Imperiaux faisoient semer à son grand desayantage, & avantage dudit Empereur, mesmement en deguisant la mort de seu mondit sei?

gneur le Dauphin. De Rome & de plusieurs autres endroicts d'Italie il avoit pareil advertissement. Aussi peu de temps apres eut nouvelles de la mort du Duc Alexandre de Florence: & du costé de Picardie eut advertissement que les Hennuyers commençoient à courir & faire butin en la frontiere, & que ja ils estoient bon nombre de gens ensemble.

Parquoy pour adviser à ce qui seroit à faire sur toutes les nonvelles dessusdictes, aussi pour la conclusion du mariage d'Escosse, le Roy print son chemin par Amboise & Blois, pour venir à Paris. Auquel lieu d'Amboise luy vint Mort du faire la reverence monseigneur le Mareschal de la Marchk, Mareschal auquel le Roy pour le grand service qu'il luy avoit faict de la dedans Peronne, feit grand recueil: mais parrant de là ledit Marchk. Mareschal pour aller à Sedan, par ce que nouvellement messire Robert de la Marchk son pere estoit trespassé, par les chemins fut prins d'une fievre, dont il mourut à Longjumeau cinq lieues de Paris, qui fut grand dommage, pour Mariage du avoir esté en son temps gentil chevalier, & grand homme Roy d'Escofde guerre. Finablement le Roy passant à Blois sut conclu le se avec mada mariage du Roy d'Escosse avec madame Magdaleine, & là me Magdafurent fiancez, & remises les nopces à faire à Paris: auquel leine. lien arrivé, par advis de son conseil, donna provision requise à toutes choses. En Allemagne il escrivit lettres aux Estats de l'Empire; leur racomptant au vray comme il estoit allé de la mort dudit seu seigneur Dauphin, & leur offrant de rechef de soubmettre à leur jugement ses droicts pretenduz au Duché de Milan, source & origine de toute ceste guerre. A Rome en escrivit aussi à nostre sainct Pere, & au consistoire, & à ses ambassadeurs envoya le double de ce qu'il avoit escrit en Allemagne, afin qu'ils en feissent entendre le contenu à sa saincteré, & qu'un chacun sceust en quel devoir il l'estoit mis, & mettoir. Quant à la mort du Duc de Florence, je laisse à l'escrire aux autres, par-ce qu'il ne touche à ma matiere, seulement me suffit de parler de ce qui

vouche le Roy & ses affaires.
Vous avez entendu cy devant comme le seigneur de Burie estoit demouré gouverneur & Lieutenant du Roy dedans Turin. Ayant iceluy entendu que ceux de Casal fai-soient difficulté de recevoir le Duc de Mantoue pour Marquis de Montserrat (auquel l'Empereur l'avoit adjugé

Deffaicte des nostres à Cafal.

contre le Duc de Savoye, & le Marquis François de Salufses, qui y pretendoit droit) par le moyen d'un cordelier, & d'un gentilhomme de Montferrat nommé le Comte Guillaume de Biendras, & d'un autre nommé Pierre Antoine de Valence, praticqua un capitaine Neapolitain nommé le capitaine Damian Curial, qui estoit en garnison à Casal de Montferrat au service de l'Empereur : lequel Damian promist au seigneur de Burie de luy livrer une des porres de ladite ville de Casal. Le seigneur de Burie n'en advertit le Comte Guy de Rangon, lequel estoit Lieutenant du Roy en Piedmont, & estoit avec l'armée vers Savillan, craignant que ladicte entreprise estant entédue de plusieurs hommes, fust descouverte, mais accompagné du capitaine Chrestosse Gouast, qui avoit douze cens hômes de pied Italiens, & du seigneur de Tais, avecques quelque nombre de cavallerie, delibera d'executer son entreprinte. Or avoit fourny audit Comte de Biendras que somme d'argent, pour faire provifion de pelles, hoiaux, sappes, & autres oustils de castadoux, à ce qu'estant dedans la ville, il peust soudain trencher entre la ville & le chasteau, pour empescher les saillies de ceux dudit chasteau, attendant que le Comte Guy peust venir à son secours avecques son armée & l'artillerie, pour battre le chasteau, lequel estoit forçable tenant la ville. Mais estant arrivé à Casal & son entreprise executée, de sorte qu'il estoit seigneur de la ville, trouva que ledict Comte de Biendras. n'avoit faict provision d'outils comme il avoit promis, qui fut cause ce pendant qu'il en chercha d'autres pour faire trencheés, qu'il se petdit beaucoup de temps, & que le Marquis du Guast (qui estoit Lieutenant general pour l'Empereur estant en Ast) eut loisir d'assembler son armée, & se venir jetter par la porte des champs dedans le chafteau, & du chasteau dedans la ville, où il ne trouva les trenchées pas à peine commencées. Ledit seigneur de Burie, qui n'avoit (comme dit est) que douze cens hommes de pied, avecques lesquels il soustint le faix d'une si grosse armée, en fin sut forcé par les ennemis, & fut prins prisonnier au combat: aussi fut le seigneur de Tais, & le capitaine Chrestofle Guast tué, & tout le reste mort ou prins, hors mis le Comte de Biendras, & le capitaine Damian, & autres qui estoient de la marchandise, lesquels se sauverent.

I L est apparant que si le Comte Guy & ledit seigneur de

Burie eussent eu bonne intelligence ensemble, & que ledit Comte Guy avec l'armée du Roy se fust voulu jetter pres d'Ast, jamais le Marquis du Guast n'eust entrepris d'aller au secours, craignant qu'en cuidant sauver l'un, il perdist l'autre, & par ce moyen l'inconvenient ne fust venu audit seigneur de Burie. Le Roy adverty de la prinse dudit seigneur de Burie, depescha messire Guy Guiffroy seigneur de Boutieres, pour estre son Lieutenant general à Turin: & manda au Cardinal de Tournon qui estoit son Lieutenant à Lion, ayant audit lieu la superintendence de ses affaires, qu'il eust à secourir ledit Guiffroy de ce qui luy seroit necessaire. Le Marquis du Guast se contenta d'avoir recous la ville de Cafal, & apres y avoir pourveu, se retira en Ast pour faire

teste au Comte Guy de Rangon.

ESTANS les nopces du Roy d'Escosse consommées, dont le festin se feit à la maison Episcopalle à Paris, le Roy fut adverty comme les ennemis ayans renforcé leurs gatnisons en la frontiere de Picardie, commençoient à faire quel ques legeres entreprinses. Et entre autres, sçachans que les chevaux legers du Vidame d'Amiens estans en garnison à Dourlens, avoient dressé une entreprinse pour piller Aven- Desfaicte des nes le Comte, trois lieues pres d'Arras: lesdits ennemis se- nostres à stoient embusquez dedans un village, & à l'arrivée desdits Avennes le chevaux legers les avoient desfaicts, non sans souspeçon Comte. d'avoir esté vendus par leurs guides. Le Roy adverty de ce envoya audit Dourlens le capitaine Martin du Bellay avecques deux cens chevaux legers estans soubs sa charge, & peu de temps apres y envoya le capitaine George Cappussement Albanois, aussi capitaine de deux cens chevaux: & à Vervin la bande du Comte de Merle fils aisné du Duc de Vendosmois de cinquante hommes d'armes: à saince Quentin les cent hommes d'armes dudit Duc de Vendosme: & consequemment renforça toutes les autres garnisons de la fron tiere, lesquelles garnisons continuerent tout l'hyver en guer re guerroyable, sans faire grandes ny memorables choses, à cause des glaces & excessives neiges qui durerent tout l'hyver, ne pouvans aller les gens de cheval en païs.

CESTE fut la provision qui soudainemet fut mise pour la Picardie: mais ce-pendant s'en dressoit une autre plus grande de force & d'entreprise : car le Roy assembla en sa

Poursuitte
contre l'Enpersur en justice.

bonne ville de Paris, au Palais où se tient sa Cour de Parlement, les Pairs de France, & les Princes de son sang, & quarante ou cinquante Evesques, & sa Cour de Parlement dudit lieu, & plusieurs autres gros personnages de tous estats. Devant ceste assistence, le Roy present, Monsieur Cappel Advocat du Roy, print la parolle, & remonstra les grandes & apparentes rebellions & selonnies que l'Empereur Comte de Flandres, Artois, & Charolois, & detenteur de plusieurs autres pass mouvans & tenus de la couronne de France, avoit commises & perpetrées à l'encontre du Roy son Prince naturel & souverain seigneur: sur ce concluant & requerant iceux Comtez de Flandres, Artois, & Charolois, & autres pass mouvans de la Couronne, estre declarez par arrest commis & consisquez, adjugez, & reunis à la Couronne.

Confication des pays bas de l'Empereur tenuz. de la couronme.

L a requeste ouye dudit advocat du Roy, eue sur icelle meure deliberation, fut dit & prononcé, qu'on envoiroit aux frontieres, és lieux de seur acces, adjourner à son de trompe ledit seigneur Empereur, à ce qu'il eust à envoyer rel ou tels qu'il luy plairoit, instruits des merites de sa cause, pour alleguer ce que bon leur sembleroit à l'encontre de ladiste demande des Advocat & Procureur du Roy, & tout ce qu'ils auroient à dire: & ce pendant ausdits Advocat & Procureur ne seroient leur fins & conclusions adjugées: ausquels personnages que ledit Empereur voudroit envoyer, seroit donné bon & seur saufconduict de venir & de l'en retourner franchement. Les adjournemens bien & deuement faicts par un heraut d'armes du Roy, & n'y comparans aucuns de la part dudit seigneur Empereur, sut la demande desdits Advocat & Procureur interince, selon la forme & teneur & delibera le Roy d'assembler au premier temps opportun une bonne & puissante armée, pour executer cest arrest en tout, ou en partie. Les ennemis au lien d'envoyer à Paris, alleguer leurs raisons, faisoient leur compte d'entrer és païs du Roy: & advertis que Terouenne estoit tres-mal fournie de vins, & que de gens de guerre y avoit allez peu, par ce que puis n'agueres la compagnie de cinquante hommes d'armes du seigneur de Bernieulles, frere puisné du seigneur de Crequy gouverneur de la ville de Terouenne, revenant de courir apres avoir pillé le val de Cassel, attendue sur sa retraitte pres de Terouenne a-

voir esté defaicte, l'estoient lesdits ennemis assemblez à Aire, Betune, & sainct Omer: & faisoit le Comte du Reux grade diligence pour surprendre ladicte ville, avant qu'on y meist renfort d'hommes. Parquoy le Roy ordonna que le capitaine Martin du Bellay avecques la bande estant lors A vitailleà Dourlens, firoit mettre dedans ladicte ville de Terou-ment de Teenne: lequel du Bellay y entra le premier jour de Fevrier rouenne, sans dommage, encores que les ennemis eussent sept ou huict cens chevaulx sur le passage, mais le verglas & la tourmente fut si grande, & la nuict si obscure, que l'ennemy n'eut moyen de luy nuire. Et en viron Quaresme-prenant ensuivant y entra Sansac avecques pareille charge de deux censchevaux, & tout le demourant de l'yver jusques vers la mi-quaresme, continuans la guerre guerroyable entre les garnisons voisines, tous jours à l'avantage de ceux de Terouenne: & tous les jours y avoit escarmouches ou de ceux de Terouenne devant les portes des ennemis, ou des ennemis devant les portes de Terouéne: & y vint pour veoir la guerre la plus part de la jeunesse qui estoit pres la personne de monseigneur le Dauphin, comme le seigneur de sainct André, le seigneur de Dampierre, le seigneur Dandoyn, le seigneur d'Escars, & le seigneur de la Noue, lesquels ny furent sans avoir chascun jour du passe-Marsh Harry & top to 1 . temps.

EN VIRON la mi-quaresme, le Roy depescha le scigneur d'Annebault capitaine general des chevaux legers, accompagné des seigneur de Tais, du seigneur de Termes, & du seigneur d'Aussun, François: des seigneurs More de Novate, de Francisque Bernardin de Vimercat, Italiens: de Georges Capustement, & Theode Manes Albanois, ayant chacun deux cens chevaux legers : du seigneur du Biez Seneschal & gouverneur de Boulongne, & du seigneur de Crequy Lieutenant du Roy à Montreul, avecques leurs bades de chacun cinquate hommes d'armes, pour aller mettre vivres en ladicte ville de Terouenne. L'amas des vivres faict à Montreul, ledit seigneur d'Annebault advertit ceux de la garniso du jour & heure qu'il se trouveroit avecques les vivres, en la forest de Foucamberghe, afin qu'ils envoyassent descouvrir le païs vers S. Omer & Aire, puis qu'ils vinssent au devant de luy, recueillir lesdits vivres. A ceste cause sortirent les chevaux legers de Terouenne, & eux

estans en la campagne trouverent assez pres de la ville quelques gens de cheval des garnisons d'Aire & de S.Omer, lesquels estoient venus pour entendre des nouvelles mais les chevaux legers incontinant les chargerent & leur donnerent la chasse jusques aupres de leurs barrieres, & ce faict se retirerent tout le chemin de Foucamberghe au devant des vivres ainsi qu'il leur avoit esté mandé, laissans tou tessois quelque nombre de chevaux au guet, pour advertir s'il sortoit gens des garnisons des ennemis d'alentour.

A SAINCT Omer estoit le seigneur du Reux lequel adverty de la venue des vivres, se mist aux champs incontinant avecques le nombre de cinq à six cens chevaux des garnisons d'Aire & dudit S. Omer: puis en envoya devant Terouenne un nombre pour attirer ceux de dedans à l'escarmouche, & luy & sa trouppe se vindrét embuscher derriere la justice patibulaire dudit Terouenne. Entre les chevaux legers que je vous ay dict cy devant estre demeurez pour advertir si les ennemis se mettroient aux chams, & les avantcoureurs du seigneur du Reux, se dressa l'escarmouche forte & roide, & eussent lesdicts chevaux legers esté renversez, mais ils furent soustenus par une trouppe d'homes d'armes du seigneur de Bernieulles conduicts par le bastard de Halluin son enseigne, qui fur cause que l'escarmouche fut plus longue, mais non si chaudement poursuivie, qu'elle estoit commencée. Car ledict seigneur du Reux avoit donné charge à ses gens de ne pousser pas trop avant, de peur qu'il ne fust descouvert : & de vray le guet de la ville, encores qu'il fust embusqué à la portée d'une moyenne pres, ne le pouvoit descouvrir : mais les chevaux legers enfoncerent si avant qu'ils le descouvrirent : dont ils envoieret advertir leuts capitaines qui estoient allez à Foucamberghe.

L'INTENTION dudict seigneur du Reux estoit que ceux qui avoient conduict les vivres jusques à Foucamberghe, incontinant qu'ils les auroient livrez à ceux de Terquenne s'en retourneroient, ainsi qu'avoit esté la coustime auparavant, & luy en ce cas eust este assez fort, pour entreprendre de charger ladite garnison, & destrousser les vivres. Mais autremet luy en advint, par-ce que les seigneurs d'Annebault & du Biez advertiz par les chevaux legers de

ladicte embuscade, faisoient marcher leur trouppe sur la montaigne à la main gauche, titant à S. Omer en lieu à propos pour secourir les vivres, si ledict seigneur du Reux les eust voulu charger: lequel du Reux voyant les choses ainsi ordonnées, se retira dedans S. Omer, & le seigneur d'Annebault & du Biez vindrent coucher à Terouenne, & révoyerent le reste de la trouppe à Motreul, afin de ne cosumer les vivres : auquel lieu aussi se retirerent deux jours apres lesdicts d'Annebault & du Biez apres avoir visité tout

le païs à l'environ.

EN VIRON la fin de Mars le Roy commença de mettre ses forces ensemble, & partant d'Amies vint loger à Flis- Mort de mocourt, de là à Pernoy: & en ce temps là mourut Charles Duc seigneur de de Vendosmois qui estoit demeuré malade d'une sievre Vendosme. chaude audit lieu d'Amiens avec le regret de ce Royaume, pour avoir esté Prince magnanime, ayant faict de grands services à la courone. Le seigneur de Montmorency Gradmaistre de France, lequel le Roy avoit faict son Lieutenant general en son armée, partant de Pernoy avecques l'avantgarde, adverty que la place d'Auchy le chasteau, qui est afsisse sur la tiviere d'Othie, mi-chemin de Dourlens à Hedin, portoir grand dommage aux vivres, & aux allans & venans des garnisons des villes de Montreul & Dourlens, delibera de passer par là, & arrivé qu'il y fut avecques l'artillerie, ceux de dedans se rendirét leurs bagues sauves. Au lendemain le Roy y vint loger, puis marcha devant Hedin place forte & de consequence audict seigneur Roy, pour la seureté de ses autres places, & à l'Empereur fort nuisible estant entre noz mains: faisant les approches devant ladicte Assault à ville fut tué d'un coup d'archouse messire Antoine de Mail-Hedin. ly, seigneur d'Auchy capitaine de mille hommes de pied, qui fut grand dommage, & fut blessé en la jambe le seigneur de Helly aussi capitaine de mille hommes. Les approches faictes & commencement de la batterie, ceux de la ville se retirerent tous avecques leurs biens, semmes & enfans dedans le chasteau: la ville fut prise par les François qui ne trouverent point de resistance: mais le chasteau estoit à prendre, qui estoit tenu pour bonne place, & laquelle le Comte du Reux avoit tresbien pourveue de toutes choses necessaires à la garde d'une place d'importance, si est-ce que le Roy se resolut de l'emporter quoy qu'il luv

coustast, & commanda faire les approches.

DEDANS ledict chasteau estoit chef pour l'Empereur le capitaine Sanson vieil chevalier Namurois, estimé fort homme de guerre parmy les Imperiaux, le scigneur de Boubers avecques einq cens hommes de pied, le seigneur de Vandeville surnommé d'Estrumel avecques autres cinq cens, ou cinq ou six cens que Namurois que bas Allemans. LeRoy pour ce jour se logea à Filieres au long de la riviere de Cauche au dessoubs de Hedin, auquel camp etloit le nombre de gens de pied qui l'ensuit, scavoir est, le Comte Guillaume de Fustembergh avecques huit mille Lansqueners, le seigneur de Sercu mille hommes de pied Picards, les mille hommes du seigneur d'Auchy mort le jour de devant, le seigneur de Heilly mille, Saileval mille: de Normãdie le seigneur de Bacqueville mille, le seigneur de la Salle mille, le seigneur de S. Aubin mille: de Champagne le seigneur de Quincy mille, le seigneur de Haraucourt de Lorraine mille, avecques plusieurs autres bandes qui ne sont icy denommées. Le tout revenant au nombre, tant Allemás que François, de vingt-cinq à vingt-six mille hommes de

E r le lendemain vint loger le Roy au Mcsnil, à un quart de lieue du chasteau de Hedin, entre Hedin & le chasteau de Contes, auquel chasteau de Contes avoit garnison de par le seigneur du Reux (car c'est maison à luy appartenante) les gens de pied furent logez partie en la ville de Hedin, & partie au parc, afin de tenir le chasteau assiegé de toutes parts. Aucuns capitaine qui disoient avoir bien bonne praticque audit chasteau de Hedin, pour y avoir esté souvent & à loisir dedans, meirent en avant au Roy & à monseigneur le Grand-maistre, sur qui le Roy se reposoit principalement, que le plus expediant estoit de prendre le chasteau par la sappe, & que par batterie ne s'y feroit jamais breche, obstant la grosse esposseur de la muraille, & le grand rempart dont elle estoit soustenue: parquoy furent mis pionniers de tous costez pour besongner à la mine, & gros personnages ordonnez sur eux à conduire l'œuvre, comme le Prince de Melphe, les seigneurs de Barbezieux, & de Burie, & Villiers aux Corneilles, servant pour lors de maistre de l'artillerie, & fut tellement diligenté, qu'apres ledict sappement qui dura environ quinze jours ou trois

sepmaines, tomba la moitié d'une tour, est at devers la ville, en entrat de la ville au chasteau à main gauche: mais lapart tenant au chasteau demeura en son entier, de sorte que la

place en fur peu affoiblie.

LE Roy apres avoir consommé beaucoup de temps & grand argent à ladite sappe, se delibera de l'essayer par batterie, contre l'opinion de plusieurs qui n'estimoiet que par batterie on y fist breche, à l'occasion de l'espesieur du mur & la largeur du rempar: mais luy-mesmes en personne alla monstrer par un matin l'endroict & lieu, où il vouloit que lon plantast son artillerie, ce qui fut faict, ainsi qu'il crdonna, & si pres dudict chasteau que la gueulle du canon touchoir jusques au bord du fossé. Si est ce que les approches ne surent faites sans dommage & perte de commissaires de l'artillerie & canonniers, & entre autres y moururent les seigneurs de Lusarches, & de Pontbriant, tous deux commillaires d'icelle artillerie, gens bien experimentez. Le seigneur de Villiers qui pour lors en avoit la superintendence & principalle charge usa de telle diligence, que les approches faictes, fut la batterie si chaulde en deux jours que le troisiesme environ une heure apres midy le breche sur faicte de bien trente toises.

L E Roy estant en personne à veoir & faire diligenter ladicte batterie, fut cause qu'aucuns jeunes gentilshommes convoiteux d'honneur & de reputation voyans le Roy present, telmoing & remunerateur du bien faich, & de la vertu d'un chacun, sans attendre le commandement de l'assault; & avant que l'ordre fust mis à le donner, & sans regarder qui les suivoit marcherent d'une telle impetuosité, qu'ils donnerent, jusques sur le hault de la breche:mais ils n'y surent moins vigoureusement recueillis qu'ils assaillirent: les uns moururent sur la place, les autres sen retournerent fort blessez:entre les autres fut blessé d'un coup d'archouse au travers du corps, dont il mourut la nuict, Chailes de Bueil Comte de Sancerre, jeune homme, qui avoit grande apparence de suivre la vertu de ses progeniteurs, & le seigneur d'Auphigny Lieutenant du seigneur de Sercu, & le capitaine Damiette port-enseigne de ladite bande. Le seigneur de Haraucourt de Lorraine ayant charge de mille homes,& son frere qui estoit son Lieutenant, ensans du seigneur de Paroy, Lieutenat de la copagnie du Duc de Guise,

& son Lieutenant au gouvernement de Champagne: le seigneur de Flieveres fils du seigneur de Mardicoque, & plusieurs autres blessez. Parquoy le Roy sit publier à son de trope & de Tabourin, que nul sur la vie entreprint d'aller à l'assault, s'il ne luy estoit commandé. Ce faict il feit retirer toutes les trouppes chacun soubs son enseigne, pour se refreschir jusques au lendemain matin: & dés le soir ordonna pour-se mettre à pied, un bon nombre d'hommes d'armes, avecques cinq ou fix cens chevaux legers, & devoit avoir la charge de les coduire le seigneur d'Annebault general des chevaux legers. Puis fut ordonné que le matin toute la gendarmerie monteroit à cheval, & se jetteroit en bataille sur la venue de l'ennemy; a vecques tous les Lansquenets, & autres gens de pied, qui n'estoient ordonnez pour l'assault, àce que l'ennemy durat ledict assault ne vint troubler la feste. Aussi furent ordonez le seigneur de Tais, & le capitaine Martin du Bellay avecques leurs bandes, l'un pour aller rebourser le chemin d'Arras, l'autre celuy de Betune, Aire, & S. Omer, à ce que si l'ennemy marchoit pour donner alarme à nostre camp, ils en peussent donner advertissement, & que l'alarme ne se donnast la nuict sans raiso aux assaillans. Estat l'ordre mis pour assaillir le matin, les uns pour marcher devant, les autres pour les soustenir, & autres pour refreschir les assaillans: ceux de dedans qui avoient experimenté le soir de quelle hardiesse & promptitude les autres avoient donné sur la breche, craignans qu'au lendemain il ne fust en leur puissance de soustenir l'assault, ceste mesme nuict feirent sortir par la breche un trompette pour aller devers monseigneur le Grand-maistre, qui estoir dedans les trenchées solicitant & donnant ordre aux choses expedientes & necessaires au futur assaut: & apres un assez long parlement avecques luy, se rendirent au Roy leurs bagues sauves, laissans en la place toute l'artillerie, munitions, & vivres. Et au matin ledict seigneur Grand-maistre vint apporter ceste nouvelle au Roy, lequel ratifia les articles par ledict Grand-maistre accordez aux assiegez. Et sortirét du chasteau apres disner, & leur sut baillé escorte pour les conduire à seureré.

Le Roy ayant pourveu à la garde, tant de la ville que du chasteau, du seigneur de Sercu, qui en avoit autressois rendu bon compte, auquel il donna cinquante hommes

d'armes

d'armes & mille hommes de pied, feit marcher son camp à Mouchy le Cayeu; à deux lieues de S. Pol, & au lendemain à Pernes. Et par-ce que de long temps on avoit mis en avant audit seigneur, que les ville & chasteau de S. Pol estoient facilement fortifiables, & que cela faict se pouvoit donner beaucoup d'ennuy à l'ennemy, estant icelle ville as- fortification sise à six lieues de Bethune, à neuf d'Arras, à six de Dourles, à trois de Hedin, à six de Terouenne, & à cinq de Lillers, par le Roy: dés son arrivée à Hedin avoit envoyé le seigneur d'Annebault audict S. Pol, pour mettre ladicte ville & chasteau en son obeissance, laquelle avecques le chasteau & tout le pais qui en depend au-parauant, & durant les guerres passe sées ettoient demoutez en la sauvegarde du Roy, toutesfois ledict pais estoit administré par officiers & commis de l'Empereur : mais arrivé que fut ledict seigneur d'Annebault, tout fut mis en l'obeissance du Roy. Audict lieu de S. Pol estoit Senechal de par l'Empereur le seigneur de Liguereulles, lequel & autres officiers qui eussent payé grosse rançon, furent prisonniers du seigneur d'Annebault, mais le Roy les fist relascher sans payer finance, voulant garder sa sauvegarde en leur endroict jusques à ce jour : combien que plusieurs luy conseillassent du contraire, alleguans des raisons beaucoup, par lesquelles il apparoissoit qu'iceux Seneschal & officiers avoient contrevenu aux articles de la sauvegarde.

LESDICTS ville & chasteau rendus à l'obeissance du Roy, ledit seigneur envoya de nouveau la visiter, pour sçavoir si & en cobien de temps elle estoit fortifiable: les advis en furent divers, mais un obtint', dont fut chef & principal autheur un Italie fortificateur nommé Antoine du Castel; lequel du Castel entreprint & se feit fort de rendre la ville en six sepmaines imprenable à tout le monde, non qu'à l'Empereur, & tellement en asseura le Roy, qu'à ceste persuasion laissant autres entreprises en arriere, lesquelles il avoit au paravat deliberé d'executer, logea son camp à Pernes, pour faire teste à l'ennemy pendant que la susdite for-

tification se feroit.

C E-pendant que le camp se logeoit, monseigneur le Grand-maistre & monseigneur le Duc de Guyse, prenans avecques eux quelque nombre de gendarmerie & de chevaux legers, se meirent aux champs, pour aller vister le

de S. Faul

païs. Lesquels s'approchans de Lilliers ville distâte de deux lieues par delà Pernes, ayans envoyé quelques avant-coureurs devant: lesquels venus jusques aux barrieres, ne virent personne s'apparoir ny dedans ny dehors, si se jetteret quelques uns à pied, & avecques des eschelles qu'ils trouverent aux fauxbourgs se hazarderent de monter sur la muraille, ce qu'ils feirent sans resistence. Car en toute la ville n'y avoir personne que des religieuses en un monastere; ausquel les s'addresserent les dits avant-coureurs & d'elles entendirent que le seigneur de Lievin capitaine de la ville, incontinant qu'il eut nouvelles du camp de France qui s'approchoit, l'estoit retiré par la porte des maraiz, avecques toute sa garnison droict à S. Venant & à Marville sur la riviere du Lys, esquels lieux estoit logé le seigneur du Reux avecques une partie du camp de l'Empereur. Ce rapport feirent lesdicts avant-coureurs à mondit-seigneur le Grand-maistre, lequel incontinant vint veoir la ville, & commanda que sur peine de la vie, il ne fust faict mal ne desplaisir aux biens ne personnes desdictes religieuses: & trouvant la ville à propos d'estre gardée pendant que le camp sejourneroit à Pernes, pour tenir le passage en seureté, à ce que ceux de Sa Venant & Marville ne vinsent donner l'alarme en nostre camp, y laissa le capitaine Martin du Bellay avecques ses deux cens chevaux legers, & luy bailla mille hommes de pied, soubs la charge du capitaine la Lande, pour donner ordre que de ce costé là ceux de S. Venant & de Marville ne peussent passer pour donner ennuy aux fourrageurs de nostre camp. Les chevaux legers & gens de pied ordinairement faisoient des courses és marais, & en amenoient de gros butin, tant de bestial que de prisonniers des gens du païs d'alentour, qui s'estoient retirez ausdicts marais, pensans y estre à seureté:mais deux de S. Venant & de Marville n'avoient d'autres chemins obliques & traversants à travers les marais, parquoy ne laissoient de sortir par autre costé, & faisoient de l'ennuy beaucoup aux fourrageurs & vivandiers, & faisoient leur retraitte aux marais en un lieu de merveilleusement forte assiette, nommé S. venat, & que lon jugeroit n'estre forçable. Car la riviere du Lys en cest en droict faict une isle, laquelle ils avoient fortisiée de répars, & avecques des escluses faisoient flotter l'eau tout à l'étour, de sorte qu'on n'y pouvoit venir que par une advenue qui

33

n'avoit point cent pieds de large: & au travers de ladite advenue avoient faict un fossé large & profond, bien bastionné par les slancs, & sur les bastions avoient assis bon nombre de arcbouses à croq és lieux qu'ils jugeoient pouvoir

plus offenser leur ennemy s'il approchoit.

Monseign eur le Grad-maistre prenant avecques Affault & foy le Comte Guillaume de Fustemberg, & quatre mille de prise de S. ses Lansquenets, avecques pareil nombre de gens de pied Venant. François, entreprint de forcet ledict passage: si deslogea de Pernes avecques bonne deliberation de ce faire, moyennant l'ayde de Dieu, & tellement poursuivit son entreprise. qu'il le força, mais non sans grade & merveilleuse difficulté, car d'arrivée les Lasquenets furent repoussez par ceux de dedans en grande furie, où ils perdirent des hommes sans beaucoup de blessez. Et ja commençoit le jour à decliner quand Charles Martel seigneur de Bacqueville Normant soustenu par le capitaine la Lande Picard, apperceut vn endroict du fossé plus mal garny de gens que n'estoiet les autres, & ce-pendant que l'ennemy estoit ententif à se desfendre ailleurs, & que les assaillans l'entretenoient, lesdits normans se jetterent audict fossé sans craincle de mort ou de hazard,& depuis qu'ils furent venus jusques au combat de main en main, l'envie d'acquerir honeur, & le service qu'ils avoient desir de faire à leur Prince les conduisit si avant, qu'avecques grande perte de gens ils forcerent le fossé, rempart, & bastion. Les ennemis se voyans forcez par cest endroict abandonnerent les autres desfences, parquoy le surplus des François & Lansquenets entra dedans, & parmy eux ledict seigneur Grand-maistre leur donnant courage de sorte que lesdicts ennemis de toutes parts furent contraincts de se mettre en fuitte, dont fut faicte extreme boucherie par les dessusdits Normans & Picards, pour revencher la mort de ceux qu'ils avoient perdus audict combat. Restoit encores le second fort à gaigner auquel n'y avoit qu'un pont à garder, lequel estoit entierement barré à grandes & grosses pieces de bois joignates bien pres les unes des autres, & les intervalles des barrieres garnies de bons arcbousiers:pl' y avoit aupres du pot un moulin basty de pierre de taille bie percé à propos, & garny d'archouses à croq, & d'autre arcbouserie, en sorte q sas l'effroy de ceux g apres

le premier pas forcé s'en estoient fuis & retirez audict second fort, & que les victorieux les poursuivirent si vivement qu'il ne leur donnerent loisir de prendre allaine, ne de se recognoistre, la conqueste dudict second fort eust esté beau coup hazardeuse: mais ils furent si chaudement me nez & de François & d'Allemans, que de ceste furie ils furent forcez, & tous entierement mis à l'espée, & jusques aux femmes l'estendit le courroux des Lausquenets. Les morts furent estimez de douze à quinze cens, que d'un costé que d'autre, sans ceux qu'on presume avoir esté bruslez parmy les maisons. Car apres avoir recueilly le butin qui estoit grand, le feu fut mis par tout : la nuict estoit venue quand mondict-seigneur le Grand-maistre feit sonner la retraitte, & se retira menant son armée chargée de butin au lieu de Pernes, où il estoit attédu du Roy, lequel fut tresjoyeux de ceste execution. Le seigneur de Chasteau-Briant marchoit apres avec quelques pieces d'artillerie, mais à l'occasion des marais qu'il trouva, ne peut joindre jusques audit lieu de S. Venant.

N E tarderet que deux jours apres qu'il fut apporté nouvelles audict seigneur, comme les Bourguignons estoient retournez dedans S. Venant, & s'efforçoient de le remparer & fortisier, chose qui est bien aisée, car c'est une isle triangulaire & mal accessible. Si depescha incontinant audict capitaine Martin estant à Liliers (comme dict est) à ce qu'il allast recognoistre ce que c'estoit, & s'il trouvoit le lieu forçable avecques ce qu'il avoit de gens de pied, qu'il s'en meist à son devoir de le forcer: sinon, qu'il enwoyast querir du secours au camp, & il luy seroit tout soudain envo yé. Suivant lequel commandement, partirent de Liliers ledict seigneur du Bellay, & le capitaine la Lande avecques sa trouppe de gens de pied, lesquels jetterent devant eux vingt-cinq ou trente chevaux, & quelque nombre d'archousiers bien dispos, par-ce que le païs est fort de grands fossez & canaulx, & le reste de la cavallerie feirent marcher quand & les gens de pied. Lesdits coureurs ne furent si tost descouverts de ceux qui remparoient le fort qui pouvoient estre le nombre de cinq à six cens homes, qu'ils n'abandonnassent l'œuvre; pour se sauver à la fuitte parmy les marais. Toutesfois avant que se retirer ils rompirent le pont, pour obvier qu'ils ne fussent suivis: mais les avat cou-

reurs François incontinant meirent pied à terre, & à l'aide des arcbousiers qui estoient à leur suitte, refirent en haste le pont au mieux qu'ils peurent, de clayes & des portes des maisons qui avoient esté sauvées du feu les jours precedas, & par dessus passerent leurs chevaux, les menans par la bride, faisans sçavoir aux autres gens de pied qu'ils eussent à l'avacer de venir garder le pas, & refaire le pont plus à loisir, asin qu'à leur retraitte ils y peussent passer à cheval. Ce fait ils se mirent à la poursuitte des ennemis qui fuyoiet, les uns droist à Marville, où estoit campé monsieur du Reux avecques quatre mille hommes de pied, & quelque cavallerie, les autres droict à la Mothe au Bos, où il y a un chasteau fort voisin de là, mais ils ne sceurent si bie fuir, que les chevaux legers n'en attaignissent quelques une, lesquels ils prindrent, ensemble gros butin au tour de la Mothe& de la forest: & s'ils eussent eu nombre d'hommes pour sejourner audit lieu de S. Venant, ils eussent fait au païs de l'ennemy un dommage inestimable: mais craignant que le seigneur du Reux partat de Marville, leur vint couper chemin, prindrent leut retraitte à Liliers avec leur butin. Le seigneur du Reux qui avoit eu l'alarme par les fuyans, estoit sorty avec environ quatre ou cinq cens chevaux, & les suivoit tousjours de loing, mais ne les ofa attaquer.

Que Lou es jours apres, q fut le premier jour de May, ceux de la garde de Bethune, qui n'est qu'à lieue & dennie de Liliers avertis qu'il estoit party de nostre cap grand nobre de chariots pour venir querir & amener en nostre camp une grande quantité de farines, que ceux de Liliers ayans faict reparer les moulins, avoient faict mouldre, pour subvenir au camp, feirent entreprise de les venir destrousser en chemin: & à un quart de lieue de Bethune, à un passage d'un petit pont, meirent quinze cens hommes de pied en embuscade, & envoyerent environ trois cens chevaux qui vindrent coupper chemin ausdicts chariots devant Liliers, les enfermans entre-eux & les gens de pied, de sorte que tous les chariots & charettes furent pris, & avecques eux un commissaires de vivres qui avoit sur soy quinze cens escus pour le payement desdictes farines : & tellement s'escrierent à la charge qu'ils feirent sur iceux chariots, que l'alarme en vint jusques à Liliers. Les capitaines qui estoient dedans, du commencement qu'ils ouirent ce bruit & grand

D'strousse : El recourse de noz vivres.

hanissement de chevaux, eurent opinion que ce fussent ceux du camp de Marville, lesquels eussent quelque entreprise de les venir surprendre en ladicte ville de Liliers, car à l'endroict des Marais tendans audict lieu de Marville, y avoit une breche à fleur de terre d'environ cent cinquante pieds de long, & pource coururent tous à ladicte breche: mais après y avoir mis la fleur de leurs gens dé pied pour la garde d'icelle, le sieur Martin du Bellay, avecques les gens de cheval, jusques au nombre de cent sortit à la campagne pour entendre que c'estoit au vray, & n'ayans gueres cheminé, descouvrit les Bourguignons chassans le butin devant eux, si les chargerent incontinant sans marchander avecques telle impetuosité, que lesdicts Bourguignons avant qu'avoir recognu de quel nombre de gens ils estoient chargez, se meirent en roupte, & furent par ceux de Liliers entierement recous rous les chariots, chevaux, prisonniers,& argent sans rien y perdre: encores donnerét ils la chasse aux fuyans jusques sur l'embuscade, qui estoient les quinze cens hommes de pied, lesquels eurent tel effroy de veoir leur cavallerie rompue qu'incontinant ils sonnerent l'alarme, & fans cela lesdicts chevaux legers de Liliers s'alloient droittement jetter en ladicte ambuscade: mais au son du tabourin qu'ils ouirent, ils f'arresterent, & se retirerent le pas & bien serrez, en leur garnison, menant outre le butin recous fix hommes d'armes, & huict archers qu'ils avoient prins en ceste chasse estans de la compagnie de monseigneur du Reux, sans un qui fut tué sur le chap d'un arcbousser à cheval, & quelques autres blessez & mis par terre: encores sans la pluye qui survint, & qui empescha les arcbousiers à cheval de jouer leur jeu, il en fust demeure d'avatage, aussi qu'il faisoit si glissant que les François poursuivant leur victoire tomboient par terre.

LE lendemain qui fut le troisses jour de May, le Roy qui apres avoir eu souvent nouvelles du camp des ennemis qui se rensorcit en Piemont, & de la prochaine descente d'vn nombre de Lansquenets nouvellement levez pour y venir, avoit deliberé d'y envoyer rensort de gens, & se contentoit pour ceste année d'avoir prins Hedin, & sortissé S. Pol, ainsi qu'il pensoit, se deslogea de Petnes, & sen alla loger à la Comté pres d'Aubigny. De là seit sçavoir aux capitaines estas à Liliers qu'ils eussent à le suivre.

& à mettre le feu dedans la ville, reservant seulement l'abbaye des nonnains, & Eglises, & à faire à l'entour des murailles le plus grand nombre de breches qu'ils pourroient afin que l'ennemy n'y retournast loger pour faire ennuy à Terouenne & à S. Pol,ce qui fut par iceux capitaine executé. Quatre ou cinq jours se tint ledit seigneur à la Comtey, tousjours sur attendant que ladite fortisication de S. Pol se parachevast.

ET ce-pendant le Comte Guillaume de Fustemberg ayant secrettement praticqué les Allemans estans dedans Arras ausquels il estoit deu trois mois, & qui ja estoient quittes de leur serment, feit entreprise avec le seigneur d'Annebault, & les chevaux legers qui estoient tous soubs la charge dudit seigneur d'Annebault d'aller courir devant Arras en intention qu'iceux Lansquenets soubs umbre de sortir à l'elcarmouche, se viendroient joindre avecques luy, quoy avenant la ville feust demeurée desgarnie de gens, parquoy elle eust esté aisée à surprendre. Mais le seigneur Distain fils du Comte de Bures estant en la ville d'Arras, eut crainte ou souspeçon que s'ils sortoient il en advint ce que ledit Comte Guillaume en attendoit, & à ceste cause ne voulut jamais souffrir qu'ils sortissent à l'escarmouche: & afin de leur donner plus gratieule & à eux aggreable excuse, leur dist que d'heure en autre il attendoit les Commissaires Contrerolleurs, & argent pour faire monstre, & que ce faict il leur donneroit congé d'escarmoucher tant qu'ils voudroyent. Ainsi fut vaine l'entreprise dudit Comte, & se retirerent luy & ledit seigneur d'Annebault au camp devers le Roy, lequel ils trouverent deliberé d'aller en personne visiter la fortification de S. Pol: & à ceste cause partant de Contey vint loger à S. Martin qui est un chasteau distant d'un qu'art de lieue dudit S. Pol, de la où part le petit ruisseau qui passe par ladite ville, appartenant ledit chasteau au seigneur de Baillueil. Estant sur le lieu il visita la ville dudit S. Pol, & les remparts encommencez, & voyant que l'Empereur n'avoit aucune armée ensemble, ny apparence (aux nouvelles qu'il avoit) que de trois mois il peust mettre suffisantes forces ensemble, pour faire aucune entreprise de consequence, il se delibera de bien pourveoir ladite place, de gens, de vi-X iiij

vres d'artillerie, munitions, & de toutes choses requises & necessaires à la garde d'une place d'importance, & ce faich donner congé à une partie de son armée, autre partie envoyer en Piemont avecques bon nombre de Lansquenets qui luy venoient alors sous la conduitte du Duc Chrestosse

de w ittemberg. Audit S. Polil meit pour chef & gouverneur messire Ican de Touteville seigneur de Villebon Prevost de Paris avec les cinquante hommes d'armes, dont il avoit la char ge, le seigneur de Moiencourt nommé de Hangest, avecques cinquante autres hommes d'armes dont il avoit la charge, le capitaine Martin du Bellay avec ses deux cens chevaux legers, le capitaine la Salle, & le capitaine sainct Aubin Normans, avecques chacun cinq cens hommes de pied, le capitaine Blerencourt & Yville Picards, chacun autres cinq cens hommes: & dedans le chasteau fut mis par ledit seigneur, le capiteine René de la palletiere avecques mille hommes, dont il avoit la charge. Les choses ainsi ordonnées, & argent laissé tant pour le payement des pionniers, que pour achever la fortification, ledit seigneur vint loger à Sercamp, & le lendemain à Dourlens, où il donna ordre de rompre son camp, ayant mis premierement audir lieu de Dou-lens en garnison le Comte Guillaume de Fustemberg avec sa trouppe de Lansquenets, qui pouvoient revenir au nombre de huict mille, & de gens de cheval le sieur d'Estrée avecques la compagnie du seigneur d'Estampes de cinquante hommes, & le seigneur de la Roche-du-Maine avec la sienne de pareil nombre, pour tousjours donner faveur à la fortification & parachevement de fainct Pol.

En ce pendant arriva le seigneur de Langey messire Guillaume du Bellay vers le Roy, pour luy saire entendre au long & à la verité l'estat des affaires de Piemont: sur ce qu'il apporta sut tenu souvent conseil, & plusieurs choses ordonnées, & entre autres sut ledit seigneur de Langey redepesché en Piemont. Par-cy apres vous pourrez entendre ce qui en advint, qui me saict retourner à S. Pol: le seigneur de Villebon apres le partement du Roy, assembla les capitaines qui estoient demeurez avec luy: & par-ce qu'aucuns d'entre-eux jamais n'avoient veu la ville depuis le commécement de la fortisseation, sut advisé que tous ensemble la

visiteroient pour apres rapporter chacun son advis au confeil, pour donner ordre de diligenter les choses qui sembleroient estre plus hastives & necessaires. Apres l'avoir visitée se trouverent par opinion commune, que sans toucher au dedans de la ville laquelle estoit plus que necessaire de remparer) il estoit impossible que de trois mois les boulevers sussent mis en dessence, esquels toutes sois cossistoit la principalle esperace & sorce de la ville. A ces causes pour mieux diligenter, sut advisé de distribuer les quartiers aux capitaines qu'ils devroient garder avenant le siege, asin que chacun en son endroict meist la main à l'œuvre, & feist beson-

gner ses soldats avec les pionniers.

Au seigneur de Villebon Lieutenant du Roy escheut à garder avec sa compagnie & mille hommes de pied des capitaines la Salle & S. Aubin, le grand boullevert qui respond au chemin tendant à Mouchy: au seigneur de Moien court avecques sa compagnie, & les bandes du capitaine René de la Paletiere, le chasteau & le boulevert qui couvroit ledit chasteau: à messire Martin du Bellay avec sa bande de deux cens chevaux legers, & les gens de pied de Blerencourt & Yville, qui devoient avoir chacun cinq cens hommes, les deux bastions d'embas qui respondent vers Hedin & Dour lens, avec trois courtines qui attouchent ausdits, boulevers. Ce departement ainsi faict, un chacun meit la main à l'œuvre, faisant diligenter les pionniers, besongnans eux mesmes à l'envy: mais leur ouvrage paroissoit peu veu la mauvaise assiette de la ville. Ne passa la fin du mois de May, qu'ils eurent nouvelles comment l'ennemy dressoit une grosse armée à Leus en Artois, & autres lieux circonvoisins desquelles nouvelles il leur sembla devoir advertir le Roy, & demander renfort de gens : car en effect les bandes estoient fort mal complettes, & sur le nombre de trois mille hommes de pied qu'ils devoient avoir, il en deffailloit plus de quinze cens, & de cent hommes d'armes n'en avoient pas quatre vingts, ne des deux cens chevaux legers, plus hault de huict vingts. Sur ce leur fur respondu que de brief ils auroient le renfort qu'ils demandoient : & ce pendant furent envoyez vers eux le jeune Picquet commissaire des guerres & le seigneur de Marivaulx avecques argent, pour faire la reveue des gens de guerre, & le payer, aussi pour faire description des vivres & munitions, & de tout enfaire

rapport au Roy. Au devant d'eux fut envoyé escorte de ceux de sainct Pol, jusques pres de Sercamp, car jusques là furent conduits par ceux de Dourlens: advint que lesdits commissaires ne futent si tost retirez à S. Pol qu'il vint alarme des gens fuyans des champs à la ville, qui disoient avoir veu les ennemis pres de là pillans le païs, & amenans butin & prisonniers. Soudain remonta à cheval une trouppe d'hommes d'armes, de la compagnie du sieur de Moiencourt, & le sieur Martin du Bellay avec ses chevaux legers, le sieur de Moiencourt marcha au pas, ledit du Bellay se mist devant, suivant le chemin que seur monstroient les fuyans, & gueres ne marcherent avant qu'ils eurent nouvelles comme les ennemis avoient pillé le village de S. Martin, & amenoient prisonniers aucuns des chevaux legers dudit du Bellay, lesquels ils avoient mis en garnison audit chasteau de S. Martin, en se retirant de la conduitte desdits commissaires: ces nouvelles entendues, ils poursuivirent lesdits ennemis à trois lieues loing de S. Pol, & quatre d'Arras, & les ayans attains ils les chargerent & recouvrerent tout le butin & les prisonniers, & prindrent des leurs cinq hommes de cheval & quelques gens de pied.

S. Pol.

D E s le viij jour de Iuing le seigneur du Reux qui avoit Sieze devant la conduitte de l'avantgarde de l'Empereur, accompagné de mille ou douze cens chevaux, vint recognoistre la ville & visiter les avenues, pour choisir lieu convenable à planter son camp: à l'endroit de la justice patibulaire de la ville il fadressa pour regarder le païs: à ceux de dedans sembla estre chose à eux deshonorable, s'ils ne sailloient au devant de luy, & pource meirent ils un nombre de gens de cheval de toutes bandes dehors, qui luy dresserent l'escarmouche où il y eur quelques lances rompues, & un homme d'armes des leur prins, qui estoit de la compagnie du seigneur d'Austrat, par le rapport duquel on sceut que tout leur camp estoit à Aubigny deux lieues pres d'Arras. Mais pour en entendre nouvelles plus certeines, fut advisé, que sur soleil couché le capitaine Martin du Bellay iroit celle part avec une trouppe de ses chevaux legers, pour y arriver devant le jour, & essayer de prendre quelqu'un, pour sçavoir si le rapport dudit homme d'armes prisonnier seroit certein. Ainsi qu'il fut ordonné il fut executé: lesdits chevaux

legers marcherent sans bruit jusques aupres d'Aubigny, & là par le grand nombre des feux cogneurent certeinement que leur camp y estoit logé: puis ledit du Bellay coupat entre leur guet & leurs sentinelles avec dix chevaux, se renversant sur-le chemin de sa retraitte, emporta leursdites sentinelles, & fut sur sa retraitte avant que leur camp fust à cheval: par iceux prisonniers ils sceuret asseurement que l'intention des ennemis estoit de venir assieger S. Pol. Il fault noter que la deliberation du Comte de Bures n'estoit de si tost assaillir S. Pol, mais d'aller chercher le Comte Guillaume de Fustemberg, qui estoit logé pres de la ville de Dourlens, car il luy sembloit bien qu'ayant desfaict le regiment d'Allemans dudit Comte, il auroit bon marché & de Dourlens & de S. Pol. Mais le leigneur de Licques Lieu tenant du Duc d'Arscot estat allé rebourser le chemin entre Dourlens & S. Pol, rencontra un messager qui estoit sorty de sain & Pol, envoyé de la part d'un Italien que l'on nommoit Messire Francisque, qui avoit charge dedans la place de coduire pionniers, & portoit ledit messager lettres de son maistre à un gros personnage estant pres de la personne du Roy, par lesquelles il luy faisoit entendre la debilité de la place: mais que si l'ennemy leur donnoit temps de vingt jours il esperoit que la place meriteroit bien faire recevoir honte à l'ennemy. Monsseur de Butes, ayant ces nouvelles, changea d'opinion: car laissant le chemin de Dourles tourna la teste à S. Pol. Et le dimenche neufiesme jour de Iuin, au wattn enviró soleil levant, apparut leur avantgarde devant le bastion d'embas tirant droict à Dourlens, & la conduisoit le Comte du Reux Grand-maistre de la maison de l'Empereur, lequel en passant avoit pris le chasteau de S. Martin par composition, où y avoit seulement cinq hommes qu'on y avoit laissez pour fermer la porte, en retirant le plus grand nombre qui y estoit au-paravant.

A l'arrivée de l'avantgarde se dressa l'escarmouche par ceux de dedans, tant de gens de cheval que de gens de pied, sans que les ennemis prinssent avantage sur eux, par ce que ceux de dedans avoient pourveu d'arcbouserie tous les cavains & lieux avantageux, pour les soustenir, & dura ladite escarmouche jusques environ midy: & cependant arriva le Comte de Bures Lieutenant general de l'Empereur, lequel se vint loger avecques la bataille

audit lieu de S. Martin, & aux environs. Sur le solcil couchant à l'assiette du guet de l'avantgarde se renforça l'escarmouche par ceux de la ville au devant dudit bastion, mais seulement de gens de pied, car ceux de cheval ne pouvoient plus fortir, à cause que lon avoit desja remparé la porte, parce qu'elle ne valloit rien. Au lendemain tout le camp passa le ruisseau qui court au long du village de S. Martin, & vindrent passer par le hault au dessus du chasteau, entre la forest & ledit chasteau, & logerent une partie de leurs gens de pied en un gros village, qui est au dessus du grand bastion, & le reste de leur armée, tant de cheval que de pied, au long de la prairie qui tire droit à Mouchy, parmy les prez, hayes, & villages à l'entour. Leur guet ordinairement estoit de mille ou douze cens chevaux, & deux mille hommes de pied, sur le chemin qui vient entre Hedin & Dourlens : car ils doutoient tousjours que la garnison de Dourlens qui estoit forte, tant de gens de cheval que de pied, joincte avec celle de Hedin, leur vint donner une estraitte, & mettre leur

camp en desarroy.

OR est-il que pour venir de leur camp changer ce guet, il leur convenoit passer devant le boulevert d'embas, où estoient les chevaux legers, & les gens de pied Picards, lesquels faisoient leurs saillies par une canonniere: parquoy ordinairement au changement du guet du matin, l'escarmouche duroit jusques sur le midy, où tous les bons compagnons du camp Imperial ne failloient jamais à se trouver, aussi faisoient ceux de dedans: car ils avoient la plus belle plaine qu'il estoit possible pour dresser l'escarmouche: & pareillement au changement du guet du soir se faisoit le semblable jusques à la nuict. En ces escarmouches furent plusieurs blessez, tant d'une part que d'autre : & entre les autres le seigneur de Gomicour guidon du seigneur du Reux eut un coup d'arcbouse à travers du corps, dont il fut en tresgrand danger, mais depuis il fut guery. Les ennemis durant cesdictes escarmouches ne perdoient toutesfois temps à faire leurs approches, en la plusgrande diligence qu'il leur estoit possible, car ils craignoient que le Roy qui avoit encores bon nombre de gens ensemble, remeist son camo sus, & vint pour secourir la ville (comme de faict il fust advenu, si ladicte ville eust peu resister quelque temps à si grande force) & faisans leurs approches tiroient ordinairement aux deffences de la ville, & principalement à la grosse tour du chasteau, par-ce qu'a hault d'icelle on avoit guindé une longue coulevrine, qui leur donnoit de l'ennuy beaucoup à faire leurs approches. Le mercredy au matin, qui sut le douziesme jour de Iuin, ceux de la ville commécerent à descouvrir les trenchées des ennemis, & voyans qu'ils faisoient leurs approches pour faire batterie, depuis la porte qui va à Mouchy jusques au petit bastion, qui avoit esté faist à l'endroit de la porte de Hedin, & en effect c'estoit le plus debile endroict de la ville, car il n'y avoit ny fossé, ny rempart, ny dessense aucune que dudit bastion, lequel n'estoit encores si hault qu'il ne sust dominé par deux montaignes qui regardoient dedas: les capitaines s'assemblerent pour adviser qui prendroit la charge dudit lieu, &

de deffendre la breche si elle s'y faisoit.

CESTE charge escheut au capitaine Martin du Bellay avec ses chevaux legers, & au capitaine Blerencourt avec ses gens de pied, & que le capitaine Yville demeureroit avecques les siens à la garde du bastion devers Dourlens. Ce jour en faisant les approches fut blessé d'un coup d'arcbouze venant de la ville le capitaine Conrad de Bemnelbergh, surnommé au camp Imperial le petit Hesse, duquel coup toutesfois il fut depuis guery. Enviró quatre cens pas contenoit la longueur de la courtine, qui estoit baillée engarde avecques ledit bastion aux susdits du Bellay & Blerencourt, & n'y avoit en toute ceste longueur commencement de fossé ny de rempart, & n'avoit point la muraillé plus de trois bons pieds d'espoisseur, de sorte que le nombre des pionniers qu'ils avoient estoit fort petit au regard de si graud ouvrage, toutesfois chacun y mettoit la main comme pour soy, & pour sauver sa vie & honneur, & acquerir reputatio. Les capitaines ne partoient point de dessus le lieu, besongnans eulx mesmes, & donnans courage aux autres, & faisoient apporter à boire & à manger sur le lieu, pour departir aux compagnos, mais l'entreprise estoit si grade que la journée de tous y paroissoit peu, joinet que ils estoient contrainces de consumer autat de temps à desmolir & abattre les maisons voisines & córigues la muraille, comme ils faisoient à pionner & remparer: & telle estoit la diligence de l'ennemy, que faisant les approches de ce costé, il ne se reposoit de l'autre.

Au dessus du grand bastion d'enhault y avoit un grand chemin creux, qui excusoit l'ennemy de faire trenchées, & n'avoient eu ceux de la ville loisir de l'esplanader, pour la soudaine arrivée du camp Imperial. Par là vindrent les ennemis à couvert, & dés le mardy environ midy avoient gaigné le pied de la poincte dudit grand boulevert, sans pouvoir estre aucunement deslogez de ceux de dedans, & arrivez qu'ils y furent ne cesserent de sapper & jour & nuict, jusques au jeudy ensuivant, qui fut le xiiij. de Iuin, & par là donnerent l'assault, ainsi que je vous diray cy apres. Ceux qui avoient la charge du pan de mur que j'ay predit, quelque difficulté qu'il y eust pour les coups de canon qui ordinairement donnoient parmy eux, & le peu de gens qu'ils estoient, avoient toutes fois usé de telle promptitude, sans perdre temps ne jour ne nuict, qu'au troissesme jour ils eurent remparé plus de cent pas, commençant depuis la potte jusques à un hostel Dieu, qui touchoit contre la muraille, où ils furent contraincts d'interrompre l'etreprise, pour abbatre ledit hostel Dieu, chose qui ne se pouvoit si legerement faire. Et ledit troissesme jour, qui fut le vendredy quinziesme du mois, les ennemis ayans faict leurs approches, envoyerent un trompette avecques un herault; & le capitaine Tonnoire Espagnol, capitaine de Gravelines, au petit bastion qui estoit à la porte de Hedin, environ le soleil levé, lesquels sommerent le sieur de Villebon, & autres capitaines, qu'ils eussent à rendre la ville, pour & au nom de l'Empereur, és mains du Comte de Bures Gouverneur & Lieutenant general pour sa majesté Imperiale en tous ses païs bas, dedans x xiiij. heures autrement estans forcez (come il estoit apparant, veu la debilité de la place) il les seroit tous passer au fil de l'espéc: à quoy fut respondu par ledit seigneur de Villebon & autres capitaines, qu'ils avoiet charge du Roy leur maistre de la garder pour & en son nom, & que jusques à la mort ils en feroient leur plain devoir. Lesdits capitaines & herault, apres plusieurs remonstrances faictes; s'en retournerent porter response, & se plaignirent qu'aucuns soldats en maniere de derission leur avoient dit, qu'ils attendissent à sommer sainct. Pol jusques à ce qu'ils cussent prins Peronne, & que Peronne prinse, fils retournoient sommer S. Pol, ils penseroient alors ce qu'ils devroient respondre.

L E seigneur de Bures la response ouie, seit commencet la batterie, depuis le portail où estoit l'horologe jusques au boullevert ou estoit la porte de Hedin, & dura ladite batterie cotinuelle, depuis les iiij. heures du matin jusques à v. heures de soir, pendant lequel teps il fut tiré par compte faict le nombre de seize à dixhuict cens coups de cano, de maniere que la breche pouvoir avoir ouverture de trois à quatre cens pas, & à la plus part des lieux on y pouvoit bien monter à cheval. Et fault entendre que du costé de Dourlens en un hault lieu qui regardoit dedans le bastion, ils avoient mis sept ou huiet pieces, qui contraignirét ceux de la ville d'abandonner ledit bastion, qui estoit leur principalle, ou (pour mieux dire) seule dessence. Cela faict, ils vindrent donner un assault, avecques environ de cinq à six cens hommes, non pour intention d'entrer en la ville de ceste poincte, mais seulemet pour recognoistre la breche, & au demeurant faire selon que l'aventure en doneroit occasion, & bien pouvoient lesdits six cens hommes venir au pied de la breche à seureté, car le bastion (comme je vous ay dit)estoit du tout abandonné, & ceux de dedans estoiét contraincts de se tenir couchez sur le ventre à l'endroit de la breche, car autrement ne se pouvoient ils garantir des pieces qui estoient au dessus, sesquelles battoient tout le long de la breche par dedas, & avoient faich si grand meurdre de ceux qui desemparoient & abbatoient les maisons pour remparer & deffendre la breche, que plus du tiers estoient morts, ou tellement blessez qu'ils ne pouvoient faire aucun fervice.

Les ennemis ayans recogneu la breche, ordonnerenz autres sept ou huiet enseignes pour se venir jetter au fosse, qui separoit le grand bastion d'avec la ville, lequel estoit assez competemment profond en terre seiche. Or est-il que pour entrer de la ville dedans ledit boullevert, falloit pas- Prise de S. ser par le fons dudit fossé: & par ce qu'on n'avoit eu le loi- Pol. sir de faire deux courtines, pour joindre ledit boulevert avecques la ville, on avoit seulement faict deux courtines de vaisseaux à vin plains de terre pour la dessense dudit chemin qui alloit par les fons dudit fossé du bastion en la ville, & ce faict, meirent le feu dedans les estanços qui soustenoient la poincte dudit bastion, où ils avoient sappé les jours passez, de sorre que ladicte poincte alla par terre,

& quand & quand toberent és trenchées des ennemis tous ceux qui estoient sur ladicte poincte à la desfence. Parquoy incontinant donnerent l'affault par lédit endroict, où ils fu rent tresbien recueillis par les capitaines la Salle, & Sain& Aubin, avecques leurs gens, & jamais ils n'eussent prins le bastion par là, mais tandis qu'ils donnoient l'assault, ceux qu'ils avoient faict descendre au fossé, tournoyerent tant qu'ils arriverent à laditte courtine faicte de poinsons, laquelle ils trouverent gardée seulement de vingt-cinq ou trente arcbouziers, lesquels ils forcerent incontinat, & meirent en fuitte, par ce que depuis qu'ils eurent gaigné le fons du fossé, ils estoient à couvert de routes parts. Aucuns des fuyans se retirerent dedans le bastion, autres par la porte qui alloit de la ville au bastion, qui estoit par dessoubs terre, se retirerent dedans la ville : les uns & les autres furent suivis par les ennemis qui entrerent pesse messe avec eux. Ceux qui dessendoient le bastion contre l'assault qui se donoit à la poincte, ne se donnerent garde qu'ils veirent dertiere eux quatre enseignes de Bourguignons, & se veirent assaillis par deux costez: tout ce que vertu & force naturelle peuvent faire de resistence îls y feirent, mais le grand nombre vainquit le petit: tous furent tuez & taillez en pieces, ou bien peu l'en fault. Sain & Aubin, son lieutenat; & enseigne y furent tuez: la Salle prins, mais si blesse que peu apres il en mourut, son lieutenat & son enseigne y moururent pareil-Iement, aussi seit le portenseigne du seigneur de Villebon, nommé Sainct Martin.

C E pendant que telle execution se faisoit, l'assault continuoit tous jours à la breche, d'entre la porte de Hedin & le
portail de l'horologe, & se dessendoiet tresbien ceux de dedas, & des ja avoient soustenu un surieux assault, ne seach as
rien de ce qui s'estoit faist d'autre costé, quand ceux qui estoient entrez dedans la ville par la porte du grand bastion,
apres avoir gaigné le marché, tirerent droiet à ladiste breche, & surent les dessendans assaillis par devant, & par derriere. Le seigneur de Moyencourt capitaine de cinquante,
hommes d'armes, qui estoit venu du chasteau au secours de
son compagnon le capitaine Martin du Bellay, ayant l'un
des bouts de la breche en garde, le plus proche de ladire
place, sentant l'ennemy à son cul, tourna la teste droiet au
marché, auquel lieu il sut tué, & aupres de luy son frere,
monsieur

inoficur d'Yve, & tous ceux qui l'avoiét suivy. Les ennemis suivans leur poincte vindrent donner par le derriere à la breche, où estoit ledit du Bellay, là ou estans assaillis par devant & par derriere en furent massacrez sept vingts de la compagnie dudit du Bellay, & le Lieutenant & nepveu du seigneur de Villebon nommé Laubies, & le reste n'en eut moins. De ceste furie demeurerent seulement en vie ledit du Bellay, sauvé par un capitaine Alleman, nommé le capitaine Bose, qui le trouva porté par terre parmy les morts, aussi fut le seigneur de Blerencourt. Le seigneur de Villebon qui avoit autre quartier en garde y fut pris par le capitaine Tonnoire Espagnol, s'estant retiré dedans une tour, où failloit monter par une eschelle: aussi fut le capitaine Yville, ayant le bastion de la porte de Dourlens en garde, auquel advint un faict estrange, & presque pareil que celuy qui arriva à Rome, quand monseigneur de Bourbon l'asfaillit, & cestuy cy je le vey. L'enseigne du capitaine Yville qu'on avoit en estime de bien home asseuré, estant à sa deffence fur le boullevert, son enseigne au poing, voyant l'ennemy marcher à l'assault entra en tel esfroy, que pensant à mon advis fouir dans la ville, sortit par une canonniere, & fouit droict aux ennemis, son enseigne au poing, où il fut massacré: aussi un gentilhomme qui estoit aupres de moy entra en telle frayeur, qu'il toba mort sans estre frappé, car e le fey visiter. Le capitaine René de la Palletiere, lequel avoit le chasteau en garde, fut pareillement forcé par le boulevert, lequel n'estoit encores du tout en deffence, & fut pris prisonnier: mais sur un debat qui sourdit entre-eux, à sçavoir auquel il avoit doné sa foy, fur tué. Il y mourut de tou tes gens, tant de gens de guerre, citadins, que pionniers, en= viron quatre mille cinq cens hommes, & ne fut pardonné ny à femmes religieuses, ny enfás, car vous sçavez de quelle gratieuseté usent les Lansquenets quand ils sont victotieux:mesme le capitaine Martin du Bellay, depuis avoir esté prius & amené dehors par la breche pour le fauver, faillit à estre tué deux ou trois fois des Clevois, & l'eust esté fans le feigneur Disthein, qui l'accompagna jusques à la téte du Comte de Bures son pere.

L E soir apres la fureur de la tuerie passée, le Comte de Bures Lieutenant general pour l'Empereur seit crier par le camp, que tous ceux qui auroient des prisonniers, eussent à les amener devant luy; ce qui fut faict. Le seigneur de Villebon sut envoyé à Gravelines, & depuis paya dix mille escus pour sa rançon: le seigneur Martin du Bellay dés le lendemain sut mis à trois mille escus, & renvoyé sur sa soy; à la charge d'estre de retour dedans dix jours; ou envoyer lesdits trois mille escus, & le cautionna le seigneur de Glajon gentilhomme de la maison de l'Empereur, qui autressois avoit esté nourry en France.

D E s le temps que le camp Imperial commença de marcher, le Roy avoit commécé à redresser le sien pour secourir S. Pol, esperant à ce que luy avoient promis les fortisicateurs, qu'elle pourroit bien arrester l'armée Imperiale; jusques à ce qu'il y arrivast, veu la grande diligence dont il usoir. Et ja estoient partis monseigneur le Dauphin, & mon seigneur le Grand-maistre, avec bon nombre de la noblesse, pour aller faire teste à l'ennemy: & apres eux faisoient venir à grandes journées les gens de cheval au-paravant ordonnez pour aller au Piemont, lesquels sur ceste nouvelle avoient esté contremandez, quand devets eux arriva un tropette du Roy, lequel estoit party de S. Pol en diligence, incontinant qu'il veit la ville prinse: & leut compta ceste mal-plaisante nouvelle, laquelle du commencement on voulur tenir secrette, de peur d'estonner le peuple, mais à la fin elle fut declarée avec telle dex-terité que l'inconvenien ne fut trouvé si grand comme il eust esté, si on cust laissé courir le bruit temerairement par gens qui vont tousjours adjoustans quelque chose à ce qu'ils ont ouy. Mondit, seigneur le Dauphin & monsieur le Grand-maistre voyans que de secourir S. Pol il n'y avoit plus d'ordre, prindrent resolution (ce nonobstant) de marcher en avant au plustost qu'il seroit possible, tant pour obvier au danger des autres places de la frotiere, que pour se revécher du domage receus

TROIS jours demeura le camp Imperial devant S. Pol apres la prise de la ville: pendant sequel temps, le Comte de Bures seit brusser la ville, raser le chasteau, & abatre la grosse tour, pour raison qu'il ne trouva par l'advis de son conseil, que ville, ne chasteau se puisse mettre en telle sortification que ce soit pour attendre une grosse puissance. Le quatriesme jour qui fut le xix. de Iuin, il feit faire les monstres de ses Lansquenets qui se trouverent le nombre de xxij. à xxiiij. mille homes, cinq ou six mille Vvallos, & viij.

mille chevaux, tant Clevois, haults Allemans, que des ordonnances des païs bas de l'Empereur : le mercredy dessogea le camp, & vint l'avantgarde loger à Auchy les Moynes au bour du parc de Hedin, & la bataille à Blangy en Ternois, qui fut cause de tenir les François en incertitude du chemin que lesdits Imperiaux vouloient prendre, ou de He din ou de Montreul. Dedans Hedin estoit le seigneur de Sercu avec les cinquante hommes d'armes, dont il avoit la charge, & mille hommes de pied, dont estoit son lieutenat Philippe de Mailly, & le seigneur de Piennes aussi capitaine de cinquante hommes d'armes estans avecques luy: & avoient ja tresbien remparé la breche que le Roy avoit faicte, & au demourant estoient fort bien pourveuz de toutes prise de choses necessaires à la garde & dessence d'une place de telle importance. D'autant que Hedin estoit bien pourveu, par les ennes autant l'estoit mal Montreul, car le seigneur de Canaples qui en avoit esté ordonné chef, n'y estoit entré que trois ou quatre jours devant, avecques mille hommes de pied nouveau-levez, & quelque deux cens chevaux des arrierebans de Normandie. Or n'estoit alors la ville retranchée, parquoy pour la bien pour veoir, eust esté besoing d'y avoir aumoins fix mille hommes de pied, & trois cens hommes d'armes. Sur ce le Comte de Bures se delibera de ne s'amuser à Hedin, & print le chemin de Motreul, auquel lieu arrivé assit son camp une partie vers la porte de Hedin, du costé du bas de la ville, autre partie aux Celestins, tirant le chemin de Terouenne, autre vers la porte du grand marché qui tire à Abbeville: ce faict, planta son artillerie contre le bas la ville, une bande à l'endroit de la justice, autre sur un petit hault devers la porte du grand marché, laquelle battoit le long de la courtine du bas de la ville par dedans, & une autre bande sur un autre hault; où il y a une chapelle tirant le chemin qui va à Beaurain. Apres avoir faict batterle le long d'une grande courtine depuis le portail de devers Hedin en tirant vers la porte du grand marché, se preparerent pour donner l'assault: vray est que la breche estoit raisonnable, mais malaisée aux ennemis à y venir, à cause des fossez qui estoient pleins d'eau, car encores qu'ils eussent escoulé les caues, le matais estoit de-

Description

D'A u TR E part y avoit un grand desayantage pour ceux

de dedans, car pour venir à la breche ils estoient descouverts de deux bandes de l'artillerie des ennemis, puis estans à leur desfence, estoient encores veuz des deux costez par les flancs, & n'avoient l'opportunité de faire traverses pour eux couvrir, aussi le peu de nombre qu'ils avoient n'estoit suffision pour garder la moirié du bas de la ville: parquoy l'enemy venant à l'assault, tout le reste de la ville qui a grad circuit luy demouroit abandonné. Toutes ces choses considerées, le seigneur de Canaples par l'advis des capitaines & des soldats qui estoient avec luy, estant à ce solicité par le Comte de Bures, seit capitulation, telle, que tous les gens de guerre sortiroiet, leurs bagues sauves, & en armes, & les habitans, avec ce qu'ils pourroient emporter de leurs biens sur eux. Iamais le Comte de Bures, voyant la ville despourveue de toutes choses comme elle estoit, ne leur eust accordé composition si honorable, n'eust esté la craince que il avoit de ce qui advint, qui estoit que ce-pendant qu'il se amusoit àudict Montreul, on mist secours dedans Terouenne, d'hommes & de pouldres, car il estoit bien adverty qu'elle en estoit fort despourveue: & si partant de Hedin pour aller audit Montreul, il fust allé droict à Terouenne, bien à peine eust on eu le moyen de la secourir comme lon feit.

enne.

MESSIRE François de Montmorency seigneur de la Rochepor, estoit pour lors Lieutenat general pour le Roy en Picardie, lequel cognoissant l'importance de Terouenne, & qu'il n'y avoit dedans plus hault de vingteinq ou tren te hommes d'armes, de la compagnie de monseigneur de Resreschisse- Bernyeulles gouverneur dudit lieu, & pareil nombre de la ment mis de-compagnie de monseigneur de Crequy son frere aisné, & dans Teron- environ cent hômes de pied, & cent mortepayes, y envoya foudainement le seigneur de Cany Lieutenant de la compagnie du jeune Duc de Vendosmois, avec quarante hommes d'armes de ladicte compagnie, le seigneur de Foudras son lieutenant avec xx. hommes d'armes de la sienne, le fils du seigneur de Dampierre Guidon de moseigneur le Dauphin avec xx. hommes d'armes de ladicte compagnie, & le capitaine S. Brisse, l'un des lieutenans du capitaine la Lade, avec quatre cens hommes de pied, lesquels à grande peine y arriverent à téps, car desja Motreul estoit rendu, & le camp Imperial logé à deux lieues pres de Terouene. Et si de forfes gés de cheval droict à Terouéne, sans sejourner en chemin, ou qu'il y sust allé tout droict au partir de S. Pol, la vil le estoir en danger, par faulte d'hômes comme j'ay predit: car la puissance qu'amenoit monseigneur le Dauphin, ne

fust jamais arrivée à temps pour la secourir.

Le xxij. de Iuin arriva mondit-seigneur le Dauphin en la ville d'Amiens, accompagné de monsieur le Grand-maistre de Montmorency, qui soubs luy avoit la principale superintendence de l'armée; lequel incontinant manda le Comte Guillaume de Fustemberg, estant pour lors à Corbie avec son regimét de Lansquenets, & le capitaine Nicolas de Rusticis, dit le Bossu, nouvellement arrivé, ayat amené, quatre mille bas Allemans, gens bien en ordre, & aguerris és guerres de Munstre & de Dannemarc: à ce qu'au vingt deuxielme dudit mois ils se trouvassent à Abbeville, où il entendoit faire l'amas de ses forces. Le Comte Gulllaume avec sa trouppe sut logé dedans les fauxbourgs de Vimeu, le capitaine Nicolas de Rusticis és faulx bourgs de la porte S. Gilles tendant au Pontdormy. Et audit lieu de Abbeville sejourna monseigneur le Dauphin, attendant le reste de son armée, durant lequel sejour il eut nouvelles par une mortepaye, qui estoit sorty de Terouenne nommé Pierre l'Oyseau, qui avoit passé à travers le guet des ennemis, comme dedans la ville de Terouenne on avoit grande necessité d'arcbouziers, & mesines de poudre pour l'arcbouzerie. A ceste cause fut conclu qu'il estoit necessaire de les en secourir,& fut eleu le seigneur d'Annebault, pour mener ledit secours avec les chevaux legers dont il estoit general, lequel incontinant se retira à Hedin, pour estre lieu le plus à propos pour executer ladicte entreprise.

LE camp Imperial estant deslogé de devant Montreul, l'avantgarde avoit esté loger à Renty, & la bataille à Verdures, & le lendemain devant Terouenne: auquel lieu estat arrivé mosteur de Bures, avoir logé son camp partie à Dellette, autre partie au dessoubs de la justice, & l'autre au dellà du chasteau en un lieu où l'an mille cinq cens treze Talbot avoit planté son camp. Puis eu extreme diligence seit faire les approches, & mettre leurs pieces en batterie, depuis la tour des marais jusques au dessoubs de la rour du chiasteau, passant par devant un lieu nommé la Patrouille,

ou, apres avoir assis leur artillerie, feirent telle diligéee qu'é moins de douze jours ils battirent le chasteau, qui n'estoit que de deux tours, par-ceque quand le Roy d'Angleterre print la ville audit an mille cinq cens treze, ledit chasteau avoit esté rasé. Brief ils feirent telle batterie que noz gens furent contraincts de l'abandonner, & se retirans retrecher par derriere. Ce faict continuerent leur batterie jusques à la Patrouille, de sorte qu'ils feirent une breche de deux cens pas de long. Vray est qu'elle n'estoit aisée à forcer, car noz gens l'estans retirez derriere (comme il est dict) avoient treché le rempart, & iceluy mis en tel estat, que si les ennemis cussent gaigné le hault dudit rempart, ils eussent esté contraincts de tomber en un fosse bien flanqué. Entre tat le seigneur d'Annebault que je vous ay dit, estoit venu à Hedin pour dresser son entreprise, laquelle estoit de mettre dedans la ville iiij. cens arcbousiers, portans chacun lié au tour de luy un fac de cuir faict à poste, plein de poudre, & pour cest,

effect avoit choisi le capitaine Briandas.

A Y A N T mis ordre aux choses necessaires, ledit seigneur d'Annebault partit de Hedin à jour couché, ayant sa compagnie avecques luy de cinquante hommes d'armes, le seigneur de Biennes avecques pareille charge, le seigneur de Tais deux ces chevaux legers, le seigneur de Termes deux cens, le seigneur d'Aussun deux cens, le seigneur de Sansac deux cens, le capitaine Francisque Bernardin de Vimercat deux cens, le seigneur Maure de Novare deux cens, le capitaines Georges Capussement deux cens Albanois, & le capitaine Theode Manes pareille charge: & marcha le che min de Guinegatte tenant tousjours le hault païs. Estant acheminé jetta cent chevaux de coureurs devant, puis feit marcher les gens de pied à leur queue, & à la queue des gens de pied autres deux cens chevaux, aufquels il donna charge de marcher droict à Terouenne, sans s'amuser en aucun lieu jusques à la porte, & plustost se hazarder d'estre pris & deffaicts que d'y faillir. Et ledit seigneur d'Annebault avec la gendarmerie, & le reste des chevaux legers, & plusieurs autres gentils-hommes qui estoient venus pour leur plaisir & acquerir honneur, tels que le Comte de Villars, le seigneur Do, & plusieurs autres, deuoit demourer avec la trouppe au deça de Terouenne, au dessus de Guinegatte, ayant enchargé aux chevaux legers qu'il avoit jettez

devant, que dés qu'ils auroient mis les gens de pied dedans la ville, ils cusient à faire un signal, à ce qu'il cust à se retirer,& eux devoient demourer sur la queue, pour l'advertir si l'ennemy se jettoit à la campagne. Les gens de pied furent mis dedans la ville sans perte & sans alarme : le signal fut monstré, apres lequel le seigneur d'Annebault se meit à faire sa retraitte, laquelle il eust faict aisement sans danger, mais les cheyaux legers qui avoient esté jettez sur les aisles, induicts par les jeunes gens qui vouloient rompre leurs lan ces, allerent donner l'alarme au camp de l'ennemy, lequel ils trouverent à cheval, par-ce que ledict ennemy ayant eu advertissement de ladite entreprinse avoit deliberé de l'empescher, ce qu'à mon opinion il eust fait : mais estans montez à cheval pour attendre nos gens au passage, ceux de l'avantgarde qui venoient d'un costé, & ceux de la bataille de l'autre, s'entrerencontrerent; & par faute de se recognoistre, à l'occasion de l'obscurité de la nuict, se chargerent les uns les autres: où y eut grand desordre, & beaucoup de blessez, tant d'un costé que d'autre, & ce-pendant nos gens entrerent dedans la ville, & cela fut cause que nos gens estans allez pour leur donner l'alerme les trouverent à cheval. Le seigneur d'Annebault (lequel faisoit sa retraitte) estant adverty que ses chevaux legers estoient à l'escarmouche, voulut tempotiser pour les retirer, mais l'ennemy ayant faich Dessaicle de grande diligence, vint pour luy coupper chemin au passage monseigneur d'un pont, auquel lieu luy & ceux qui estoient en la com- d'Annebaut. pagnie, combattirent si vigoureusement, que durant le com bat il y mourut plus grand nombre d'Imperiaux que des nostres: mais en fin y arrivant toute la cavallerie du camp, fut ledit seigneur d'Annebault porté par terre, & prins prisonnier, & aupres de luy le seigneur de Piennes, le Comte de Villars, le seigneur Do, le capitaine Georges Capussement, le capitaine Francisque Bernardin, le seigneur de Sanlac, & presque tous, mesmes les chefs, hors mis ceux qui desja avoient passé le pont. Aucuns desquels, & entre autres le seigneur d'Aussin, s'estans retirez à Hedin, apres avoir luy & ses compagnons changé de chevaux, retournerent au lieu où avoit esté le combat, lesquels trouvans les enuemis en desordre, comme gens qui pensoient n'y avoir plus d'ennemis en campagne, les chargerent, & en defeirent, & prindrent bon nombre, & mesines rescouirent plusieurs des Y iiii

nostres qui estoient prisonniers entre leurs mains.

Les ennemis d'une part se glorifierent d'avoir eu une telle victoire à leur avantage, d'autre part se trouverent mal du secours qui estoit entré dedans la ville, car ils avoient acconstrumé ordinairement de venir sur le bord du fossé tout privément & sans danger, par-ce que ceux de dedas avoient faute d'arcbousiers & de poudre: mais les arcbousiers nouveaux venus les servirent de telle sorte, qu'ils leur firent changer de façon de faire, qui fut cause que la joye qu'ils avoient eue de leurs prisonniers ne leur dura gueres. Peu de jours apres le seigneur de Cany lieutenant du Duc de Vendosme, autres avecques luy, ayans cognoissance que le plus souvent des gros seigneurs de leur camp se venoient esbatte dedans les tranchées, delibererent de les y surprendre : ce qu'ils firent par une saillie que feit ledict seigneur de Cany avecques ses compagnons, lesquels trouvans lesdicts ennemis dedans leursdictes trenchées en mauvais equippage, & mal sur leurs gardes, en taillerent en pieces soixante ou qua tre vingts, & entre autres le porte-guidon du Duc d'Arscot, & fut prisonnier le Seneschal de Henault, homme de grande maison, auquel ledict seigneur ... Cany sauva la vie, autrement il fust passé au fil de l'espée comme les autres, & depuis fat rendu ledict. Seneschal en eschange pour le seigneur de Piennes. PENDANT ce temps monseigneur le Dauphin, & mó-

seigneur le Grand-maistre voulans doner secours aux assiegez, ayans leur armée ensemble, s'en vindrent loger à Ham petit village, entre Dourlens & Auchy: de là ayans pourveu à tous leurs affaires, allerent loger à Auchy le chasteau, sur la riviere d'Authie, puis à Fervens sur la riviere de Canche, deliberez de prendre leur chemin pres de Pernes, pour aller loger au deslus de Terouenne, entre Guignegatte & Terouenne, & de là (ayans le hault) à coups de canon leur faire abandonner le costé de de-là l'eau vers Guignegatte, & par ce moyen secourir la ville, ou les contraindre de venir au combat à leur desavantage : & pouvoit avoir en nostre camp, le nombre de quinze à seize cens hommes d'armes,& environ deux mille chevaux legers, & dix à douze mille Allemans, & douze ou quatorze mille François. Ce-pendanț se commencerent à mener traittez de la part de la Royne de Hongrie, par le moyen du Duc d'Arscot pour venir à quel-

que traitté de paix, ou bien à quelque trefve, pendant lequel temps les choses se devoient mitiguer: & furent les choses tant demenées, qu'en fin il fut arresté, que les deputez d'une part & d'autre se trouveroient en un village nommé Bommy, estant du Comté de S. Pol; deux lieuës pres de Terouenne. De la part de monseigneur le Dauphin fut deputé le seigneur de S. André chevalier de l'ordre du Roy, & le Presidant Poyet, riers Presidant de la cour de Parlement de Paris, & Nicolas Berthereau secretaire du Roy, & de monseigneur le Grand-maistre, lesquels se trouvans audit lieu de Bommy avecques les deputez de la part Imperiale, apres les choses bien debattues, fut conclu une suspension d'armes pour trois mois, entre les païs du Roy, & les païs bas de l'Empereur, & ce-pendant seroit advisé s'il y auroit moyen de faire une paix, entre ces deux grands Princes & les alliez. Ie me suis long temps tenu de parler des affaires de Piemont, afin de mieux descrire les choses advenues en la Picardie, maintenant je parleray de ce qui y advint durant ce temps là.

LE Roy partant pour son voyage de Hedin, avoit ordonné le seigneur de Humieres pour aller en Piemont, prePiemont. mierement afin d'estre seurement adverty en quel estat estoient ses affaires de par de-là, ayant entendu y avoir plusieurs differens entre les chefs de son armée, & pour sçavoir les occasions desdictes divisions & differens qui y estoient, depescha le seigneur de Langey, messire Guillaume du Bellay, lequel à son retour vint trouver le Roy à la Conté (comme j'ay dict) à l'heure qu'il se retira de Pernes avecques son armée, retournant dudit voyage, qui luy feit entendre ce qu'il avoit trouvé & negocié audict païs, ainsi

que je vous reciteray cy apres.

Vous ne devez ignorer par-ce que j'ay descrit au commencement de ce livre, comme le Comte Guy de Rangon arriva à Carignan avec l'armée du Roy, venant de la Mirãdole pour le secours de Turin, & comme le seigneur Caguin de Gouzague fans le sceu dudit Comte composa aveç ceux qui estoient pour la part Imperiale dedans le chasteau dudict Carignanidont il ne fut cotent, par-ce qu'il luy sem. bla que c'estoit le mespriser, attendu qu'il estoit Lieutenant general en l'armée du Roy. Et de là l'engendrerent quelques particulatitez entre-eux, qui continuerent en maniere,

que lesdicts Comte Guy & Cesar Fregoze son beau frere se banderent contre ledict seigneur Caguin, de sorte que le Roy fut contrainct d'y envoyer (ainsi que dict est) le seigneur de Langey, pour cognoistre de leurs differens, & cher cher le moyen de les mettre d'accord, & avec ce luy douna charge d'entendre en quel estat estoient ses affaires de Piemont: lequel partit pour cest effect, peu de temps avant que le Roy allast assieger Hedin.

Caufes des differes entre le Cote Guy Caquin de Gonzague.

ESTANT arrivé la part où estoit le Comte Guy, voulut particulierement entendre les differens & raisons, tant d'une part que d'autre. Le Comte Guy disoit qu'encores qu'il eust pleu au Roy luy donner la principale charge; & le con Et le seigneur stituer son Lieutenant general, en son armée, il avoit toutes fois deferé en tout ce qu'il luy avoit esté possible au seigneur Caguin de Gonzague, taut pour l'ancienne servitude dudict Caguin, & de sa maison envers la couronne de Fran ce, que pour la qualité de sadicte maison, & ce jusques à avoir esté le plus du temps tenir le conseil au logis dudit seigneur Caguin. Nonobstant lequel sien plus que devoir il ne l'avoit jamais peu entretenir en contentement, qu'il n'ayt tousjours tendu à roupture, plustost qu'à amitié, tenant des propos de luy qu'il ne debvoit tenir, se vantant ledict Caguin de n'avoir changé de service comme ledict Comre, & d'avoir ouvertement porté l'ordre du Roy, & non pas caché. comme luy, adjoustant outre ce autres paroles mal sonantes. Aussi ledit seigneur Comte Guy ne se pouvoit cotentet de la façon dont avoit esté usé à la redditió du chasteau de Carignan, & que depuis lors ils avoiet esté plus mal ensemble qu'ils n'estoiet au paravat, lequel mal-contentemet entre-cux s'augmenta encores d'avantage quad ledict Caguin scent qu'on luy avoit cassé partie de ses ges de pied, & le bo recueil qu'avoit faict le Roy à Cesar Fregoze, quand il luy vint faire la reverece au camp lez Avignon, en la copagnic du seigneur d'Annebault. Et aussi dequoy le Roy avoit ordonné qu'avenant le partemet dudit Comte Guy, ledit seigneur Cesar demoureroit son Lieutenant en l'armée: & surent lors escrites & divulguées aucunes lettres au mespris & contemnemet dudit Cesar Fregoze au nom de l'Aretin, lesquelles iceluy Cesar disoit avoir esté verifié avoir composees par ledit Caguin, auquel pour ceste cause ledict Cesar avoit envoyé un cartel de desiance.

Le seigneur de Langey remonstra audict Comte Guy, & Cesar Fregoze le reculemet & prejudice du service du Roy, par le moyen de se differens, & que par les chapitres de l'or dre du Roy, les chevaliers dudit ordre ne peuvent envoyer ny accepter cartel ne combat l'un contre l'autre, sans le con gé de leur superieur, qui est le Roy. Ledict Cesar s'excusa, disant n'avoir jamais veu les dicts chapitres: aussi que pour son honneur il ne se pouvoir passer de faire ce qu'il avoir faict, attendu l'enormité des propos semez contre luy par les lettres divulguées au no de l'Arctin: toutes sois pour ne de so beïr au Roy, & ne tarder ou reculer le bien de ses affaires, il estoit content de ne passer outre, pendant que cest affaire du reroit moyennant que ledict seigneur Caguin ne passast ou tre de son costé.

L E seigneur Caguin d'autre-part se plaignoit, qu'ayant luy mesme praticque le Comte Guy, & amené au service du Roy, & se voulant accommoder & vivre unanimement audit service avecques luy, ce nonobstant le peu d'Amitié qui estoit entre-eux au paravant, ledit Comte avoit faict moindre estime de luy qu'il n'appartenoit: & si bien en aucune chose il en avoit faict compte, ce avoit tousjours esté avecques certeines paroles ambigues & à double entente: & que le Comte Guy pour avancer Cesar Fregoze son beau frere avoit tousjours tasché à le reculer, & luy faire & procurer choses par lesquelles il voioit ledict Comte tendre evidemment à luy faire abandonner le service du Roy. Alleguoit aussi l'ancienne servitude de sa maison, sa nourriture au service du Roy, sans y avoir jamais varié, combien qu'il en eust souvent esté recherché avec grandes conditions. Alleguoit aussi outre-ce, qu'il estoit autant homme de service (quant à sa personne) que ledict Cesar Fregoze: il avoit outre, tant de luy que de sa femme, & de ses nepveux, dont il avoit la garde de la minorité, estats & pais, où il pouvoit lever & avoir levé gens pour le service du Roy, & ses places prestes pour faire l'amas & le passage des gens, pour venir audict service: aussi disoit avoir attiré le Comte de la Mirandole audict service du Roy, & avoir pour ces causes perdu de son bien, & quelques unes de ses places avoir esté definolies.

DISOIT d'avantage, que dés le commencement que le Roy voulut lever gens, il n'avoit voulu capituler avec ques

ledit seigneur ainsi que les autres: seulement avoit declaté l'affectio qu'il avoit d'acquerir audit service augmentation d'houeur & de credit, lans laquelle affectio il fust demeuré en sa maiso, en laquelle il avoit dequoy se tenir honorablemét:toutesfois voyat l'énemy du Roy entré en France, il avoit eu seulemet esgard à sou affectio de le servir à la necessité, no pas en ceste sienne diminution de reputation, chose qui luy estoit mise en avat par tous ses parés & amis de par delà, qui luy desconseilloiet de prédre & accepter une si peu honorable charge. Disoit d'avantage, qu'ayant esté accordé audit seigneur Cesar Fregoze, tant de beaux partis sur la promesse qu'il avoit fai cte de bailler Genes au Roy, & lesquels partis estoient suffisans pour attirer au service du Roy un Duc de Mantoue, ou autre gros Prince, d'autre credit que ledit Cesar, que toutes sois il n'avoit rien seulement executé de sa promesse, mais s'en estoit mis à son devoir beaucoup moins qu'autres, se comprenant ledit seigneur Ca guin au nombre d'iceux. Parquoy le Roy pouvoir honnestement differer lesdits partis à luy accordez, à tout le moins ne luy faire bien ny honneur à luy qui estoit nouveau serviteur, outre ce qui luy avoit esté promis au commencemet de la levée, au prejudice de la reputation des anciens & bos serviteurs: se pretendant interessé, que pour bailler augmentation de gens de pied audit Cesar, on luy avoit cassé les siens: disant'que si on luy eust cassez pour eviter & diminuer la dépense, non pas pour en bailler à autre ou bien que le Roy le luy eust escrit, non pas y proceder en la maniere qu'il avoit esté, qui (à ce qu'il disoit) qu'il n'avoit aucune chose entendu de la casserie, sinon par le bruit de ses malveillans qui s'en vantoient pour le villipender, il l'eust plus patiemment porté.

Disoit aussi que ceste avoit esté la cause qui l'avoit meu d'escrite & dire ce qu'il a pensé servir, à faire cognoisstre aux gens qui l'eussent ignoré, que s'il estoit mal traitté pour bien traitter ledit Cesar, cela n'estoit pour le merite dudit Cesar, ne pour chose qu'il valust mieux que luy: & si pour ceste cause ledit Cesar Fregoze luy avoit envoyé le cattel de combat, qu'il n'avoit peu saire moins que de l'accepter comme il avoit: & que nonobstant qu'il eust deliberé de faire audit Cesar de l'avantage plus qu'il ne devoit, asin de le faire venir au poinct du combat, il estoit toutes-

fois content pour ne reculer le service du Roy, de differer jusques apres l'execution dudit service: sinon que depuis sa response faicte par luy audit carrel, Cesar Fregozeeust escrit autre chose qui vint cy apres, ou qui encores ne fust venue à sa cognoissance, ou qu'il en escrivist d'icy en avat à quoy il escheut de faire responce pour son honneur, auquel cas il vouloit suplier le Roy de ne prendre à mauvaise part sil le

vouloit garder.

Au demeurant feit entendre audit seigneur de Langey qu'il luy estoit besoing pour sa santé, voyant les affaires pour lors n'estre gueres esch'auffées, s'il pouvoit avoir saufconduir de se retirer à sa maiton, pour prendre l'eau des baings: & que l'eschauffant les affaires, s'il plaisoit au Roy luy donner charge honorable, il y viendroit en tel equipage qu'il luy feroit service, & acquerroit honneur, sino, il demeureroit en sa maison, sauf que si le Roy marchoit en personne, il se retireroit vers luy pour luy faire service: & qu'il n'estoit deliberé, comme que ce fust, de jamais porter la croix rouge. De toutes les choses cy dessus le seigneur de Langey advertit le Roy, lequel il vint trouver à la Contey, à l'heure qu'il se retiroit de Pernes avec son armée à son retour du voyage de Hedin, & permist le Roy audit seigneur Caguin de se retirer en sa maison pour recouvrer fante.

Que Loue temps au paravant le Tholosan qui estoit un soldat natif de Cony, avoit assemblé quelque nombre d'hommes sans soulde, pour le service du Roy, ayant seulement l'adveu du Comte Guy, avec lesquels il avoit surpris la ville de Quiers sur les Imperiaux mais le Côte Guy ayant advertissement comme le Marquis du Guast se preparoit pour la venir reprendre, y envoya le chevalier Assal avecques deux enseignes de gens de pied, dont il avoit la charge, & cinq cens hommes des bandes du chevalier de Birague, lesquels avec ledir Tholosan la garderet, & repoulserent leurs ennemis en deux assaults qui leur furent donnez, dont le chevalier Assal entra en une certeine grandeur, de sorte qu'il escrivit lettres au Côte Guy aussi arrogantes, en se magnifiat autat que s'il eut conquis un Empire. Chose que ledit Comte trouva de fort mauvaise digestion, disant que s'il y avoit honneur, il appartenoit au Tholosan, plustost qu'à luy, car il avoit prins ville, & avoit autant eu d'ho-

neur à la garder que ledit Assal: bien advouoir ledit Comte que ledit Assal estoit gentil soldat & qui avoit bien faict son devoir. Brief ledit seigneur de Langey avoit trouvé les affaires du Roy en telle combustion, qu'apres avoir pourveu au Marquisat de Salusses au nom dudit seigneur, ainsi qu'il en avoit commission, il revint vers luy (comme dict est) pour advertir de toutes choses, & qu'il estoit besoing d'y pourveoir promptement, s'il ne vouloit perdre le païs; car l'armée Imperiale de jour en autre se renforçoit, & la nostre diminuoit, pour les partialitez qui estoient entre les chefs. Et feit entendre au Roy, que si monsieur de Humieres (lequel partant pour son voyage de Hedin il avoit ordonné pour aller en Piemont) y acrivoit sans avoir une teste de iiij. ou v. mille Suisses ou Lansquenets, & quelque renfort de gédarmerie, il ne voyoit moyé qu'il fust maistre de la capagne, & que l'abandonant (veu la mauvaile provision qui estoit dedans les places) il y avoit apparence d'evidente perte pour le Roy.

Piemont H Picardie.

L E Roy ayant attedu audit lieu de la Contey le rapport Preparseifs dudit seigneur de Langey, & apres avoir mis les provisions du Roy pour à ses nouvelles conquestes come Hedin & S. Pol, delibera de compre son camp, & ordonna de faire marcher les chevaux legers droict en Piemont, pour renforcer l'armée qui y estoit, puis manda au Duc Chrestosse de wittemberg qui amenoir dix mille Lansquenets à son service, de prendre pareillement le chemin de Piemont, pour se joindre avecques mondit-seigneur de Humieres. Mais avant que lesdits chevaux legers euslent passe Lion, ayant advertissement que l'armée de l'Empereur, inarchoit pour venir à S. Pol, ainsi qu'àvez entendu, cotremanda les chevaux legers, faisant tousjours acheminer les Lansquenets, & conclut de lever la charge de son armée au Comte Cuy, & l'envoyer en Italie pour autres entreprises, à son service. Aussi furent envoyez pour recueillir lesdits Allemans; & faire leurs mostres, & les conduire le seigneur de la Roche Matignon, & le seigneur de Borran commissaire ordinaire de la guerre. Et desja le Roy avoit depesché trois ou quatre cens hommes d'armes, seavoir est le Baron de Curton avecques cinquante homines d'armes, & le seigneur de la Fayette cinquante, la compagnie du Prince de Melphe de cinquante, & soixante de la compagnie de monseigneur le Dauphin,

dont ledit seigneur, de Humieres estoit Lieurenant & le seigheur de Brillac ayant charge de ij.cens chevaux legers, le seigneur de Lassigny mille hommes de pied le seigneur d'Allegre autres mille, outre la gendarmerie, chevaux legers, & gens de pied, tant François qu'Italiens, qui estoient en l'armée, dont avoit eu la charge le Comte Guy de Rangon . Aussi depescha pour faire marcher en Piemont le capiraine Nicolas de Rusticis, dict le Bossi, lequel amenoir quatre mille Lansquenets bas Allemans, lesquels il avoit sustraicts de la levée que faisoit faire l'Empereur pour venir à S.Pol, & douze cens chevaux legers de l'armée qu'il avoit en Picardie, lesquels estoient desja fort avancez pour aller trouver le seigneur de Humieres: mais estant adverty de la grande puissance qu'amenoit le Comre de Bures en Picardie, contremanda ledit Bossu, & lesdits chevanz

legers.

P E u de temps au paravant le Comte Guy craignant que l'ennemy (se faisant le plus fort en campagne) ne le contraignist d'abandonner le Piemont, avoit en toute diligence faict fortifier Pignerol, afin de se fermer là avecques le reste de son armée, & luy faire teste, attendant le secours qui luy pourroit venir de France: chose qui fut bien considerée, ainsi que vous orres cy apres. Aussi quelque peu de temps apres le Marquis du Guast s'estant mis en campagne avoit remis entre les mains du Marquis François tout le Marquisat de Salusses, hors mis le chasteau de Verculo ; & celuy de Carmagnolle, tenus encores par les François, à ceste cause ledit Marquis du Guast alla assieger le chasteau de Carmagnolle, dedans lequel estoient deux cens soldats Italiens que le Comte Guy y avoit envoyé. Le Marquis du Guast estant arrivé devat les envoya sommer de la part de l'Empereur, de rendre la place, à laquelle sommation ayant esté fait refus il feit approcher l'artillerie! Le Marquis Fraçois de Salusses, lequel mieux qu'autre cognoissoit la place, mena deux canons sur la main dextre, en allar de la ville au chasteau, & rompit deux maisons pour se couvrir en lieu de gabions à mettre à ses pieces, où apres avoir luymesmes servy de canonier, & tiré deux vollées de cano, sut apperceu d'u soldat du chasteau, qui estoit sur la porte lest d'u mousquet tira si à propos qu'il dona audit Marquis, d'a boullet au travers du corps, dont il toba mort sur le chap,

Mort do Marquis de Saluffes devant Carma-

LE Marquis du Guast craignat que sa mort n'estonnast les soldats, le seit couvrir d'un manteau, puis de rechef envoya sommer ceux de ladite place, leur promettant honorable composition: sinablement leur sut accordé de sortir leurs bagues sauves: estans sortis, le Marquis du Guast les loua fort du bon devoir qu'ils avoient faict, leur demandat qui estoit celuy qui si bien avoit tiré d'une seuestre estant sur la porte:un soldat ne sçachant à quelle intention il le disoit, & n'estant adverty de la mort du Marquis de Salusses,ne sçachant aussi qu'il luy eust donné dudit mousquet, declara que c'estoit luy qui tous jours avoit tiré de ladite fenestre: ce rapport ouy, le Marquis cotre sa promesse, le seit prendre, & pendre & estrangler à ladite fenestre. Depuis cela le Roy ayant remis le Marquisat en son obeissance, en investit le seigneur Gabriel Evesque d'Aire en Gascongne qui estoit frere dudit Marquis de Salusses lequel espousa la fille de monseigneur l'Amiral d'Annebault, & est mort sans enfans, à cause dequoy ledit Marquisat est retourné

entre les mains du Roy.

PENDANT ce temps monseigneur de Humieres environ le huictiesme jour de Iuin, arriva à Pignerol, dequoy le Marquis du Guast adverty, retira ses forces hors de Poirin, prenant le chemin d'Ast: puis sçachant la descente des Lansquenets du Duc Chrestosse de Wittemberg, apres avoir laissé Dom Antoine d'Arragon chef dedans Ast, se retira avecques le reste de son armée le chemin de Verceil. Monseigneur de Humieres qui estoit à Pignerol, ayant entendu que les ennemis avoient abandonné Chivas, manda audit seigneur Ludovic de Birague qui estoit dedans Vorling de mettre deux cens hommes des siens dedans ladite place de Chivas. Et au mesme temps qui fut environ le vingteinquiesme de Iuin, arriveret les bades du Duc Chrestoffe de wittemberg à Montcalier:ce qu'ayant entendu le seigneur de Humieres voulut partir de Pignerol, pour s'aller joindre avecques eux, & là faire sa masse pour marcher en campagne: mais les bandes Italiennes feirent refus de marcher que prealablement, ils ne fussent payez de ce qui leur estoit deu : qui fut cause de faire sejourner nostre armée dix ou douze jours, durant lequel temps noz ennemis eurent loisir de se fortifier, joinet aussi que le terme du payement de noz Lansquenets approchoit: chose (je vous

asseure) qui fut en partie cause que ceste armée sur de peu de proussit: car (comme dit est) ce peudant le Marquis du Guast hastoir la sevée de ses Lansquenets, lesquels depuis vindrent descendre à Trente, qu'amenoit le frere aisné du

Comte Guillaume de Fustemberg.

Le premier jour de Iuillet les Italiens estans payez de la simple paye avecques promesse du surplus, marcherent à Montcalier, où estant arrivé le seigneur de Humieres, meir en deliberation des capitaines le chemin que lon devroit prendre, ou d'Ast ou de w pian: sur ce sut resolu d'aller en Ast esperant la surprendre, par ce qu'elle essoit mal pourveuë d'hommes pour la grandeur de la place: & pour cest effect le iij. jour de Iuillet nostre armée alla loger à Rivé de Quiers, auquel lieu estans arrivez, les Lansquenets demanderent d'avoir l'artillerie en garde, chose qui leur fut accordée. Le lendemain nostre armée alla loger à Belor, & le vj. dudit mois à un mille d'Ast, dedans laquelle ville estoit (comme dit est) desseuré Lieutenant pour l'Empereur Dom Autoine d'Arragon beau-frere du Marquis du Guast, avec deux mille hommes de pied & deux cens chevaux. Nostre armée estant logée, & apres avoir bié recogneu la place, sut ordonné que la nuict se seroient les approches, desquelles voulurent avoir la charge les Lansquenets, encores que par plusieurs fois leur fust requis de laisser la charge d'icelles au seigneur Iean Paule de Cere, chose qu'ils ne vouluret jamais consentit. Sur la minuit estant le seigneur de Humieres & autres capitaines venuz pour veoir la diligéce qui se faisoit aux aproches, trouverét qu'il n'y avoit aucune trenchée commencée, & ce-pendant qu'ils estoiet en dispute de ce qui estoit à faire, le jour vint qui fut cause de remettre lesdittes approches à la nuich subsequente. Estant le jour venu par ce que le payement des Lansquenets estoit escheu ils se mutinerent, & venant au logis du seigneur de Humieres, par l'enhortement principal de Hans Ludovic de Landeberg, luy declarerent que si ils n'estoient proptement payez, ils estoiet de liberez de ployer leurs enseignes& se retirer. Pour à quoy obvier d'autat que nostre principalle force estoit de ceste natio le seigneur de Humieres emprunta de toutes les bourles du camp, de sorte qu'il leur presta cinq cens escus pour enseigne, attendant lenr payementidont pour l'heure ils se contenterent.

Sux les trois heures apres midy, ceux de la ville donnerent l'alarme en nostre camp, pédant lequel, par le costé du Pont qui est sur la riviere du Tanare à l'opposite de nostre logis, entrerent dedans la ville sept enseignes de gens de pied, & trois cens chevaux de secours, à cause dequoy le seigneur de Humieres par l'advis des capitaines, ne voyant apparence de pouvoir forcer la ville, & aussi peu de l'affamer, delibera lever son camp: & par-ce qu'il estoit adverty que la ville d'Albe estoit mal pourveuë, entreprint de l'aller furprendre. Sur la queue de son arinée sortoit toute la caval Prinse d'Al lerse d'Ast, mais il avoit laissé le seigneur de Brissa avec les deux cens chevaux, dont il avoit la charge, & avec luy quelque gendarmerie, qui feirent si bien leur devoir, que nostre camp sans perre vint loger au dessoubs de S.Damia, & le lendemain marchant nostre armée le chemin d'Albe, le seigneur Iean Paule de Cere rencontra vij. ou viij. cens Espagnols, qui estoient partis d'Alexandrie pour entrer dedans Albe, lesquels il defeit: qui fut cause qu'arrivant monsieur de Humieres devant Albe, ceux de la ville n'ayaus au-

cune garnison, sinon vingt einq Espagnols qui s'estoient re tirez dedans le chasteau, se meirent eux & seur ville entre les mains du seigneur de Humieres: auquel lieu nostre armée sejourna trois sepmaines, ce-pendant qu'o reparoit ladite ville, & celle de Quieras, laquelle pareillement festois

rendue entre les mains du Roy. les comemus.

Durant le temps que nostre armée estoit en Albe pour surpren Cesar de Naples, qui estoit gouverneur de wlpian, homdre Turin par me vigilant, subtil, & entreprenant mais peu heureux er ses entreprises sçachat nostre armée estre loing, & cognois sant que dedans Turin n'y avoit que la compagnie de gen de piedidu capitaine Wartis, & du capitaine Augart (qui e stoit peu pour la garde d'une telle place) praticqua un ca poral Gualcon de la garnison dudit lieu, pour luy li vrer un boullevert de la ville; lequel est au droit de l'E glise nostre Dame, tirant vers la Douaire, & sut le mar ché coclu entre-eux. La nui et que ledit soldat devoit livre sa marchandise, escheut à son esquadre son rang de faire le garde audit boullevert, parquoy meit ordre qu'il ne men à sadite garde que deux ou trois soldats les plus malotru qu'il cust, afin de plus aisément parvenir à son entreprise Cesar de Naples partit de Wlpian, qui n'est qu'à sept pe tits mille de Turin, accompagné de dix enseignes de gens de pied & ij. ou trois ces chevaux. Estant arrivé au boulevert le soldat luy bailla le signal du lieu où il devoit planter ses eschelles, ce qu'il seit en telle diligence, qu'avant que l'alarme sust à la ville, ils entrerent cinq enseignes dedans ledit boullevert: car les soldats qui estoient à la garde avecques ledit caporal ses soldats qui estoient à la garde avecques ledit caporal ses soldats qui est de terre. Or est il qu'à la muraille de la ville & la douve qui est de terre. Or est il qu'à la muraille y avoit une porte pour entrer dudit boullevert dedans la ville, laquelle estoit ouverte, dequoy l'ennemy pour l'obscurité de la nuict n'eut cognoissance: qui sut cause de la salvation de la ville, & des hommes qui estoient dedans; car ce-pendant que l'ennemy s'amusoit à dresser des eschelles à la muraille pour entrer dedans la ville, l'alarme se donna.

L E seigneur de Boutieres qui estoit gouverneur & Lieu tenant du Roy dedas Turin, sestoit amusé la pluspart de la nuict à jouer au tablier, sortant de sa salle pour se retirer en, sa chabre, ouit l'alarme: parquoy ayat seulemet avec luy les Suisses de sa garde & quelque petit nobre de gentilshomes qui l'accopagnoient, sortit en la rue, où il trouva le peuple fuyant, qui luy dit, monsseur sauvez vous, les ennemis sont dedas. Pour cest effroy ne laissa ledit seigneur de Boutieres marcher à droict au bastió, auquel lieu estat arrivé une halebarde au poing, sas autres armes, accopagné des citadins lesquels avoiet bonne voloté de faire leur devoir, & à ceste occasion avoient pris les armes, donna droict à la porte du boullevert, laquelle il trouva encores ouverte, mais de la poincte de la halebarde la ferma, de sorte qu'u gentilhome sien paret qui avoit marché le premier sut enfermé dedans le boullevert avec les ennemis. Les Imperiaux qui desja avoient chargé l'artillerie qu'ils trouverent dedans le boullevert, bracquerent une coulevrine bastarde droict à la porte, & y mettans le feu faulcerent ladite porte, & passant le boullet rasibuz du seigneur de Boutieres qui tenoit la porte, tua vn gentilhomme estant aupres de luy. Ce temps pendant les citadins avoient gaigné le hault de l'Eglise & à toute diligence jettoient les tuilles à la ruelle : car il fault entendre qu'entre l'Eglise & la muraille de la ville n'y a qu'une ruelle de sept ou huist pieds de large: parquoy elle fut remplie desdires tuilles, pour donner espaule & servit

de remparer à la potte dudit boullevert.

Durant cetemps le capitaine vartis Navarrois ayant charge de deux enseignes de gens de pied, apres avoir pourveu à la garde de son boullevert, & autres lieux de la ville necessaires, craignant que par autre lieu on ne suit asfailly, avecques deux cens arcbouziers arriva au combat, où apres avoir gaigné le hault des tours & de la muraille, feit si bien son devoir à coups d'arcbouze, & d'arcbouze à croq qu'il contraignit les ennemis d'abandonner le boullevert avec leur confusion & perte, car il mourut des leurs environ le nombre de sept à huict vingts. Le soldat qui avoit faict la menée fut prins, pendu & estranglé : si est-ce que tousjours il maintint que ce qu'il avoit faict estoit par le commandement dudir seigneur de Boutieres, pensant prendre les ennemis à la pipée, mais qu'ayant oublié le jour que se devoit faire l'execution, & n'ayant pourveu à son faict, luy en faisoit porter la penitence, toutesfois je pense asseurement qu'il disoit ces propos pour alonger sa vie, car ledit seigneur de Boutieres n'estoit pour, avoir mis en oubly un faict de si grande importance.

LE seigneur de Humieres estant en Albe adverty du hazard auquel avoit esté la ville de Turin, voyant aussi la mauvaise volonté en laquelle estoient les Lansquenets, & estant tombé malade d'une fievre, laquelle desja luy avoir duré sept ou huict jours, n'ayant homme sur lequel il se peust reposer, pour les partialitez & querelles qui estoient en son camp: car le seigneur Cesar Fregoze qui avoit charge de mener l'avantgarde, & le seigneur Jean Paule de Cere qui estoit colonnel de l'infanterie Italienne estoient en querelle, aussi estoit le seigneur Hannibal de Gonzague Comre de Lanivolare, & le seigneur de Bissac. Mesmes estant adverty que du camp Imperial estoient partis six mille Espagnols & douze cens chevaux, qui estoient entrez de dans Montcalier, & craignant que pendant qu'il feroit sa demeure il advint inconvenient à Turin, qui estoit asser mal pourveuë d'hommes, apres avoir laissé dedans Albe le seigneur Iulles Vrsin cousin du seigneur Iean Paule, che de ladite place, avecques mille hommes de picd, soubs se charge, & le capitaine Artigue-Dieu Guascon avec cinq ce hommes, & cinq cens estans soubs la charge du seigneu Pierre Strozi: & dedans Quieras le seigneur Cesar Fregozi

avec tel nombre d'hommes qu'il voulut choisir, delibera avecques le reste de l'armée de dresser le reste vers l'ennemy, le pensant surprendre à Montcalier. Dequoy le Marquis du Guast adverty retira audit lieu de Montcalier tout le reste de son armée qui estoit en campagne : chose qui fut cause de rompre l'entrepise dudit seigneur de Humieres, lequel ayant esté adverty que le desseing dudit Marquis estoit d'al ler surprendre Pignerol, assez mal pourveuë d'hommes, cósiderant que s'il pouvoir la surprendre, il osteroit le moyen. à nostre armée de se pouvoir retirer, & d'avoir secours en gardant le pas de Suze, par l'advis des capitaines au partir d'Albe le xiij. jour d'Aoust, print le chemin de Quieras: & ce-pendant envoya le Comte Francisque de Pontreme, pour en extreme diligence entrer dedans Pignerol avecques cent ou six-vinges chevaux legers, & deux cens archou ziers à cheval, faisant marcher apres luy en toute diligence le colonnel du seigneur Gabriel d'Arimini. Puis depescha le seigneur d'Allegre & le seigneur de Lassigny, ayant char ge chacun de mille hommes de pied François, pour entrer dedans Turin: aussi depescha les bandes d'Aramont qui estoient de mille hommes de pied pour se mettre dedans Quiers, outre les huict cens hommes que devoit avoir le chevalier Assal qui en estoit gouverneur: aussi envoya dedas Savillan le capitaine Iean de Turin ayant charge de mille Italiens: & ayant ainsi pourveu à toutes les choses cy dessus, print son chemin avecques les Lansquenets & le reste de son armée, pour se retirer au Marquisat de Salusses, & là attendre des nouvelles du Roy, & le payement de ses Lansquenets.

S u R son chemin arrivant devant une petite ville nommée Busque, laquelle ayant faict refus d'obeir, commanda faire marcher l'artillerie, dont il estoit mal equippé, pour en avoir laissé la pluspart dedans les places qu'il avoit pourveues: mais apres avoir faict tirer quelques coups de canon, le Comte Hannibal de Lanivolare ne voulant attendre que la bresche sust raisonnable avecques quelque nombre d'Italiens qui estoient soubs sa charge, dona un assault duquel ils surent repoussez, & sut ledit Comte frappé d'une arcbouzade, dont il mourut, & sut son corps porté à Pi-

gnerol.

Noz gens repoussez de l'assault, & l'armée de l'enne-

my logée à Poiring plus forte que la nostre, d'autant que leurs Lansqueners de secours estoient arrivez, sut conclu d'à bandonner Busque, & suivant la premiere deliberation nostre armée print son chemin à Salusses : où estant arrivé y pensant faire sejour attendant des nouvelles du Roy, les Lansquenets contraignirent le seigneur de Humietes d'aller à Pignerol, encores qu'il leur remonstrast que c'estoit une ville qu'il vouloit garder, & que si l'armée y logeoit, on auroit mangé les vivres devant qu'il fust besoing, & mesme qu'il y avoit peu de pain; & encores moins de vin: mais ils Tuy feirent response qu'ils chercheroient du pain, & quant au vin ils se passeroient à boire de l'eau, & qu'ils vouloient aller à Pignerol attendre leur payement, & qu'ils ne souffriroient que luy ne l'artillerie les abandonnaît : finablement il fut contrainct de leur obeir, & aller à Pignerol, les laissant à un mille pres de la ville sur un ruisseau qui vient de la perouze, où ils retindrent l'artillerie avecques eux, permettans audit seigneur d'aller à la ville. Deux jours apres estant leur payement arrivé contraignirent ledit seigneur de Humieres de les payer sur les vieils rooles, sans avoir esgard au petit nombre d'hommes qu'ils estoient, car de x. mille payez ils n'estoient plus de quatre à cinq mille hommes, & estoit autheur de tout ce murinement Hans Ludovic de Landeberg qui avoit le plus fort regiment, auquel le Duc n'estoit obey pour son jeune aage.

Au mesine temps Cesar de Naples gouverneur de WIpian, feit entreprise pour surprendre Cazeiles petite ville de l'obeissance du Roy, sise mi-chemin de Turin à Wlpian: & pour cest effect marcha avec viij. ou x. enseignes, & alsaillit ledit lieu par trois endroicts, mais ainsi que vigoureusement il assaillit, aussi en telle vigueur sut il repoussé: ear en trois assaults qu'il donna, perdit six ou sept vingts. homnies, & avecques sa courte honte se retira, laissant dedans les fossez trente ou quarante eschelles. Aussi le Marquis du Guast voyant le seigneur de Humieres retiré à Pignerol, envoya treze enseignes de ges de pied dedans Siria petite ville, le long de la montagne, pour tenir le val de Suze en subjectió, & empescher à ceux de Turi d'avoir nouvelles de Frace. Ce faict envoya prédre le chasteau de Rivole & le chasteau de Villane, de sorte que ceux de Turin ne pouvoient avoir nouvelles par ledit Val de Suze, sans grad. hazard & difficulté, ne par le chemin de Pignerol, d'autant qu'il tenoit Montcalier, Carignan, & Carmagnole, & estoit

le plus sort en campagne.

LE Roy apres que le seigneur de Langey luy eut faict le rapport qu'avez ouy, l'ayant trouvé à la Contey, le renvoya en Piemont pour plusieurs occasions, lequel à son retour le vint trouver à Melun, malade d'une fievre, le xxv. d'Aoust, & luy feir entendre bien au long comme s'estoient portez ses affaires depuis l'arrivée du seigneur de Humieres en Piemont, & comme il estoit contrainet d'abandonner la campagne (ainsi qu'avez entendu par cy devant) aussi la necessité, tant de vivres que d'argent, en laquelle estoyent ceux de Turin, de sorte que si dedans la saince Martin lors enfuyvant, ils n'estoient secourus, ils estoit apparant qu'ils servient contraincts d'endurer une extreme famine, laquelle mal-aisement ils pourroient porter jusques à la sainct André. Le Roy lequel desja avoit licencie la plus grande part de son armée, le voyant en hazard de perdre le Piemont qui desja luy avoit tant cousté, delibera de marcher en personne pour leur donner secours. Et à ceste sin depescha monseigneur le Dauphin son fils, & monsieur le Grand maistre de Montmorency pour aller devant à Lyon assembler son armée, & feit acheminer les bandes du Cointe Guillaume de Fustembergh, aussi celles du capitaine Nicolas de Rusticis, pour suivre mondit-seigneur le Dauphin: & manda la gendarmerie & les chevaux legers, lesquels estoient ja retirez en leurs garnisons, de se trouver le xxv. du mois de Septembre à Lyon, & puis envoya faire levée de quatorze ou quinze mille Suisses.

AYANT mis l'ordre cy dessus mentionné, craignat que par faulte de payement les soldats de Turin se mutinassent redepescha le seigneur de Langey pour aller trouver monsieur de Humieres, & luy porter vingt-cinq mille escus, & trouver moyen de les mettre dedans Turin, attendant qu'il la vint secourir plus amplement: lequel seigneur de Langey vint trouver le seigneur de Humieres à Suzane qui desja avoit esté contrainct d'abandonner le Piemont, ayant laissé dedans Turin le seigneur de Boutieres pour gouverneur avecques sa compagnie de gens-darmes, & quelques chevaux legers, & quatre mille hommes de pied. Dedans Quieras (comme j'ay dit) avoit laissé le seigneur

Z iiij

Refreschissement d'argent-porté à Turm.

Cesar Fregoze, dedans Albe le seigneur Jules Vrsin, dedans Savillan le capitaine Ican de Turin, dedans Dignerol le Co te Francisque de Pontreme. Estant le seigneur de Langey arrivé à Suzane, monsseur de Humieres trouva chose fort disficile de pouvoir porter lesdits deniers, d'autant que les ennemis tenoient Bollolin, Villane, S. Ambrois, & Rivole, & à cause de la vallée qui est estroitte, on est contrainct depasser à la veue desdictes places. Toutesfois le seigneur de Langey craignant que par faulte d'argent Turin se perdist, se voulut hazarder de les y mettre, & sen alla à Ours, auquel lieu estoient arrestez les Lansquenets: & pour le éredit qu'il avoit envers eux, mesmes pour avoir esté instrument de remettre le Duc Chrestosse de wittemberg en ses estats, les persuada de retourner quand & luy jusques à Suze, dont le chasteau estoit encores en nostre obeissance. Y estans arrivez, les Imperiaux logez à Bossolin, Villane, & Rivole autres lieux le long du val, estimerent que ce fust toute l'armée qui tournaît la teste devers eux, ce pendant que le Mar quis du Gualt estoit avecques son armée vers Quieras, & abandonnerent lesdictes places: parquoy ledit seigneur de Langey apres avoir promesses desdits Lansquenets de l'attendre audit lieu de Suze, mena seulement quand & luy le capitaine la Mothe Gondrin, avecques vingt-cinq chevaux legers de sa bande, & bonnes guides. Le jour de la nostre Dame d'Aoust entra dedans Turin avecques l'argent à la grande joye du seigneur de Boutieres, & de tous les soldats qui estoient dedans, car les paisans des environs sentant l'ar gent arrivé leur porterent grand refreschissement de vivres, ce qu'ils ne faisoient devant que l'argent y fust. Puis ayant faict la monstre des gens de pied, & faict la description de vivres, se retira non sans hazard: par-ce que les ennemis ayans en la cognoissance que les Lansqueners estoient arrestez à Suze, le vindrent attendre sur le chemin, & n'y eut qu'un des siens tué, & deux de prins. ENTRE tant que ces choses se faisoient comme j'ay re-

Prise de Quiers par le Marquis du Guast. ENTRE tant que ces choles le faisoient comme jay recité, le Marquis du Guast ayant assemblé son armée en Ast, marcha devant la ville de Onicras, ayant vingt-cinq mille hommes de pied, trois mille chevaux, & vingt-quatre pièces d'artillerie, sçavoir est douze canons, & le reste grandes coulevrines & bastardes. Estant arrivé devant Quiers, qui estoit le vingt-huictiesme jour d'Aoust, seit diligence

de mettre ses pieces en batterie pour faire deux breches, & en quatre jours si bien diligenta, que les deux breches furent raisonnables pour assaillir. Parquoy il ordonna l'assault aux deux breches tout en un temps, puis esbanda deux ou trois mille hommes avecques eschelles, pour par plusieurs endroicts donner l'assault: & par ce que dedans la ville y avoit peu d'hommes, au regard de la grandeur de la place, à cause que les enseignes n'estoient bien complettes, mesimes celles du chevalier Aslal (duquel depuis j'eu la charge du Roy de faire son proces, & fut condamné, mais le Roy luy donna la vie, & depuis sen est servy) à ceste occasion les assiegez ne peurent soustenir la force des ennemis, à raison dequoy fut la ville emportée d'affault & saccagée, Et dudit lieu apres y avoit mis bonne garnison, marcha à Albe. Le Prise d'Albe. seigneur Iulles Vrsin ne voyant apparence de secours, & la ville n'estant encores achevée de remparer, ne flancquée en lieu du monde, & les ennemis ayans faict une breche fort raisonnable pour assaillir, à laquelle noz gens ne pouvoient venir pour la deffendre, à l'occasion de quatre pieces que l'ennemy avoit mis de l'autre costé de l'eau sur une montagne qui les battoient par derriere, & ue voyans esperance de secours pour estre nostre armée retirée, feit composition telle que il fut conduit à Pignerol, & tous les soldats les armes & bagues fauves.

LE Marquis du Guast ayant sejourné deux jours audict lieu pour y pourveoir, print son chemin pour aller assieger Prise de Quieras qui est cinq mille au dessus d'Albe, sur la mesme Quieras. riviere du Tanare qui va descedre en Ast & en Alexandrie, & est ladicte ville de Quieras sise sur une motagne qui n'a qu'une seule avenue qui est du costé du Montdevis, laquelle avenue n'a qu'environ quatre vingts toises de long, & ne se peult par autre part approcher : du costé de ladicte avenue assist le Marquis du Guast son artillerie, où, apres avoir faict breche raisonnable, seit donner un assault fort furieux, qui fut soustenu par le seigneur Cesar Fregoze, lequel (comme j'ay dit) estoit demouré chef en ladicte ville, avecques grande asseurance, & par deux fois furent portez les enuemis du hault de la breche dedans les fossez, & dura le combat deux ou trois heures continuellement à la grande perte & dommage des assaillans. Le Marquis du Guast

cognoissant que par cest endroit il perdoit ses hommes sans esperance de rien conquerir, la nuict sequente laissant des pieces pour battre à ladicte breche pour empescher de la remparer, meit une autre bande d'artillerie pour battre l'encoingneure du costé du Montdevis, laquelle ayant battue noz gens venans à la deffence de la breche, estoient veuz par le flanc, de sorte qu'il n'y avoit ordre de se tenir sur le rempart, & ce par faulte que de bonne heure ledit Cesar ou ses ingenieux n'avoient faict un cavallier à ladicte encongneu re pour couvrir ledit flanc & servir de traverse, parquoy ledit Cesar considerant qu'il n'y avoit plus de moyen de tenir parlamenta, & par la composition sut conduit en seureré avec tous les soldats bagues sauves, jusques au lieu où estoit le seigneur de Humieres & le camp du Roy.

greerol.

APRES la prise de Quietas le Marquis dressa son chemin pour aller alsieger Pignerol, esperant que s'il la pouvoit mettre entre ses mains, & fortifiant le pas de Suze, il Siege de Pi- mettroit Turin en impossibilité d'estre secourue, & par ce moyen leveroit l'occasion aux François de plus passer en Italie. Estant sur son chemin de Pignerol passant pres Savillan envoya sommer le capitaine Iean de Turin de remettre la place entre ses mains, lequel luy feit response d'avoir promis de la garder au nom du Roy, & que la où il auroit prins les autres places de Piemont, venant à luy il seroit tresbien recueilly. Le Marquis cognoissant que de l'amuser là ce seroit temps perdu, & que prenant Pignerol, Savillan ne se pouvoit garder, pour n'avoir moyen d'estre envitaillée, passant outre, suivit son chemin de Pignerol, duquel lieu le seigneur de Humieres se retira à Suzane, ayant laissé le Comte Francisque de Pontreme Lieutenat du Roy, avec cinq milles hommes de pied Italiens. Ladicte vil le de Pignerol est une grande ville vague, laquelle pour l'estrangeré de l'assiette estant en montagnes & vallées, avoit esté auparavat estimée n'y avoir moyen de la fortifier: touresfois le Côte Guy de Rangon par l'advis de plusieurs fortificateurs, & mesme d'un Boulenois nommé Hieronyme Marin, y avoit si bien faich travailler qu'y arrivant le Marquis trouva par l'advis de ses capitaines qu'il n'estoit raison nable de l'assaillir par force. Parquoy delibera de l'assamer, & pour cest esfect se logez en l'abbaye qui est sur le che-

DE MESS. MARTIN DU BELLAY. min de la Perouze, & le reste de son armée tout à l'entour

de la ville, de sorte qu'il estoit malaisé ou bien impossible d'y entrer vivres : vray est qu'ordinairement ceux de dedans faisoient de belles saillies sur le camp Imperial, ne le laissat

en repos jour ne nuict.

Vous avez ouy cy devant, comme nostre armée estant Condamnasi belle & gaillarde estoit devenue inutile par les mutinemens des Lansquenets, & la faulte d'obeissance : & le principal autheur desdictes rebellions estoit le capitaine Hans Ludovic de Landeberg, l'un des principaux colonnels du Duc de Wittemberg. Iceluy Ludovic entre autres choses avoit outragé le seigneur de Borran commissaire ordinai re de la guerre, pour avoir faict son office, & mesme avoit mis la main sur l'espée cotre le seigneur de Humieres, Lieutenant general pour le Roy, dont on n'avoit sceu avoir la raison, pour estre trop bien accompagné: mais en ce temps que les ennemis arriverent devant Pignerol, ledit Ludovic fut arresté prisonnier à Lyon, où, apres son proces faict, eut la teste couppée sur un eschassault au lieu de la Grenette.

LE Roy, lequel en toute diligence faisoit marcher son armée, arriva à Lyon environ le sixiesme jour d'Octobre, & estant adverty que le Marquis du Guast, sentant l'armée du Roy se preparer pour passer en Piemont, avoit faict retirer tous les vivres de la plaine dedans les places fortes, & ce qu'il n'avoit peu retirer l'avoit faict galter, esperant par ce moyen empescher le passage du Roy pour la faulte de vivres, & avoit envoyé Cesar de Naples, pour avecques dix mille hommes fortifier & garder le pas de Suze, lequel y faisoit toute extreme diligence. Le Roy pour remedier à ce que son armée n'eust faulte de vivres, feit assembler tous Passage de les mullets, mulles, asnes, juments, & autres bestes de char-monseigneur ge de tous les pais de Dauphiné, d'Auvergne, Forest, Beau- le Daulphin jollois, Dombes, Lyonnois, & Provence, & d'une partie de en Piemont. Languedoc, pour porter farines & autres vivres en relle abondance que cela peust suffire pour son armée. Et estant delibere luy-mesme en sa personne de passer en Italie,& ne voulant laisser son Royaume despourveu durant son absence, depescha monseigneur Charles Duc d'Orleans son fils puisné son Lieutenant general en Picardie, Normandie, Paris, & Isle de France, & autres païs circonvoisins:& pour la jeunesse dudit Prince qui n'avoit encores

grade experience du maniemét des affaires, luy bailla pour l'accompagner & conseiller le Cardinal du Bellay: en Bourgongne & Champagne renvoya le Duc de Guyse: en Guiéne & Languedoc le Roy Henry de Navarre: en Bretagne le seigneur de Chasteau-Briant.

LE Roy apres avoir pourveu aux choses cy dessiis declarées, ordonna monseigneur le Dauphin pour marcher devant avecques l'armée, & avecques luy le Grand-maistre de Montmorency, par le conseil duquel toutes choses se faisoient, & pour maistre d'artillerie se seigneur de Burie, ayant quatre enseignes de gens de pied soubs sa charge, & au seigneur de Montejan donna charge de dix mille hommes de pied François. Et par-ce que le seigneur d'Annebaut qui avoit esté prins prisonnier devat Terouene, estant general de la cavallerie legere, n'estoit encores retourné de prison, dona sa charge de general en son absence au seigneur Cesar Fregoze: & devoit y arriver jusques à quatorze ces hommes d'armes, & quatorze mille Suisses, dot il avoit envoyé faire levée, pour passans à Geneve & à Chambery, se venir joindre à nostre armée à Grenoble, & aux enviros. Et delibera de faire sejour audict lieu de Lyon quelques jours apres le parrement de mondit-seigneur le Dauphin, pour faire acheminer les compagnies qui n'estoient encores arrivées, venant de Picardie, Normandie, Bretaigne, Champagne, & autres pais loingtains.

Environ le dixiesme jour d'Octobre, partit monditseigneur le Dauphin de Lyon, prenant le chemin de Grenoble & d'Ambrun, & arrivé qu'il fut à Brianço, trouva ledict seigneur de Humieres, & de Maugeron Lieutenant du Roy en Dauphiné, en l'absence de monsseur le Comte de S.Pol, avecques deux ou trois mille Legionnaires du païs de Dauphiné, & les reliques de l'armée du seigneur de Humieres, sçavoir est, les bandes qui estoient sorties d'Albe & de Quieras par composition, ainsi qu'avez entédu: lesquelles estans joincles avecques le regiment d'environ huich mille Lansquenets du Comte Guillaume, marcha jusques à Ours, attendant le reste de son armée. Estant arrivé audict lieu d'Ours(qui est à quatre lieues de Briançon, & à quatre de Suze, auquel lieu se devoient rendre les gens de cheval qui arriverent de jour à autre à la file) monsseur le Grandmaistre de Montmorency avecques l'advis des capitaines

entreprint d'aller à Essil avecques une partie de l'armée, laissant le reste à Ours avecques monseigneur le Dauphin, pour recognoistre la contenance de l'ennemy, & tenter fortune, sil y auroit moyen de forcer le pas de Suze, pour selon ce qu'il cognoistroit en advertir mondit-seigneur le Dauphin pour le suivre. Auquel lieu estant arrivé, marcha avecques quelque cavalerie d'escorte, pour luy mesme visiter la fortification du passage, laquelle estoit à un mille deça Suze, à un destroict de la descente de la montagne, venant de Chaumont à Suze, lequel Chaumont est le dernier village separant le Dauphiné du Marquisat de Suze. Estant arrivé sur un hault duquel il pouvoit cosiderer ladicte fortification, cogneut que sur deux petites montagnes tenans les deux costez dudict destroict, les ennemis avoiet fait deux bastions, & entre les deux une grande & profonde trenchée bien remparée, de sorte que les hommes y estoient à couvert, & bien flanquée desdicts deux bastions: mais il cogneut que gaignant deux autres montagnes plus eminentes que celles o essoiét les fortifications des ennemis, à coups d'arcbouse ou leur pourroit commander, & leur faire abandonner leurs fortifications.

A Y A N T recogneu ce qu'il avoit desir de veoir, se retira jus de Suze à Essil & advertit monseigneur le Dauphin qu'il eust à mar cher jusques audict lieu d'Essil, pour le soustenir, par-ce de Naples. qu'il estoit deliberé de partir devant le jour pour tenter s'il pourroit forcer le pas. A l'heure qu'il avoit deliberé il partit, ayant en sa compagnie les bandes du Comte Guillaume,& mille ou douze cens foldats François, de ceux qui estoient retournez de Piemont, & deux ou trois mille Legionnaires de Dauphiné, par-ce que le reste de l'armée, tant de pied que de cheval n'estoit encores arrivé, ce qu'il ne voulut attendre, craignant que temporifant, l'ennemy eust plus grand moyen de se fortifier. De gens de cheval n'avoit pu'environ quatre-vingts ou cent chevaux legers fous la charge de monfieur de Brissac, y estant en personne pour les conduire, & quelques gentilshommes qui avoiet prins les devans, ayans laissé derriere leur equippage. Avecques ceste trouppe mondit-seigneur le Grand-maistre arriva au lieu de Chaumont, où il ordonna de la forme de marcher, qui fut telle: à sa main droicte tenant le pendant de la mőtagne ordonna de marcher le Comte Guillaume de Fu-

Forcemet du contre Cefar stemberg avecques ses bandes, luy comandant de desbander mille ou douze cens arcbousiers, pour gaigner le dessus du bastion qu'avoient faict les ennemis sur la main droitte. sur sa gauche ordonna le capitaine Artigue-Dieu, & le capitaine Rat, avecques autres capitaines François & Guafcons: & luy marcha par le milieu avecques le reste des homes qu'il avoit. Le capitaine Arrigue-Dieu, & autres François & Guascons estans mieux in-gambe que les Lansquenets, gaignerent le dessus du bastion de main gauche, lequel commandoit au passage plus que l'autte, pour estre plus prochain, de sorte que dudit bastió on tiroit de pointe en blanc à coups d'arcbouse dedans le passage, & le forcerent devant que les Lansqueners arrivassent au leur. Les ennemis se voyans commandez de hault à bas, & le capitaine Gavaret Lieutenant de l'Artigue-Dieu avoir desja à la faveur de nostre arcbouserie gaigné le bastion, & taillé en pieces ceux qui ne s'estoient peu sauver à la fuitte, abandonerent le passage, & se meiret à vau de roupte, lesquels modit-seigneur le Grand-maistre ayat à sa queue moseigneur le Dauphin pour le soustenir, suivit de si pres qu'ils n'entét loisir de s'arrester à Suze, où fut prins la pluspart de leur bagage, & furent suivis jusques à deux mille par-delà. Yous pouvez estimer le traittement qu'eurent ceux qui demourerent sur la queuë, car ceux qui fuyent trouvent tous jours qui le chasse: & si nous eussios en deux cens hommes d'armes, ou quatre ou cinq cens chévaux legers pour les amuser à l'escarmouché, attédant l'arrivée de noz Lansqueners, j'estime que de dix mille hommes qui pouvoient estre peu se fussent sauvez pour dire des nouvelles aux autres.

Monseigne un le Dauphin & mosseur le Grandmaistre ayans cotte l'esperance de plusieurs forcé un pas si malaisé, si bien pourveu d'hommes, & si bien fortissé, pour estre leurs gens travaillez, conclurét de se loger pour ceste nuict en un lieu q est mi-chemin de Suze & du Bossolin, à l'entrée du val, & sut advisé par monseigneur le Dauphin avec le coseil de mosseur le Grand maistre & autres capitaines, de temporiser un jour, attendant l'artillerie, gendarmerie, chevaux legers, & gens de pied, qui venoient à la sile; par-ce que dedans le chasteau de Suze estoient demourez deux cens Espagnols qu'on ne vouloit laisser derrière; craignant qu'ils ne donnatient empeschement à nos vivres.

Le Roy qui desja estoit party de Grenoble, desirant luymesme se trouver au combat, marcha jusques à Ambrun: le Marquis du Guait lequel tenoit Pignerol assiegé en grande neccsité de vivres, adverty de la deffaicte de Celar de Naples, leva son siege, & se retira à Rivole avecques toutes ses forces, pensant audict lieu nous faire teste. Le seigneur de Burie, lequel avoit charge de l'attillerie, estant arrivé à Suze avecques son equippage, apres l'avoir planté devant ledict chasteau de Suze, & tiré une volée de deux canons, ceux de dedans se rendirent à sa discretion, qui fut telle qu'on les envoya sans armes & en chemise. Môseigneur le Dauphin estant l'artillerie arrivée & le reste de son armée, · hors mis les Suisses qui venoient à la file, desquels estoit capitaine general le Comte de Tende, marcha à S. Antoine, & de-là à Villane, esperant y trouver le Marquis du Guast Trise du chapour le combatre, lequel estoit logé à Rivole: mais ledict steau du Marquis scachant nostre armée avoir dressé son chemin Villane. droict à luy, ne voulut attendre le hazard, & se retira vers Montcalier, où au bout du pont de deça il se logea. Parquoy monseigneur le Dauphin & monsieur le Grandmaistre ne voulurent passer outre Villane, que premierement ils n'eussent mis en leur, obeissance le chasteau dudit lieu, afin de faire le chemin libre. Ledit chasteau est assis sur la poincte d'une montagne, chose qui donnoit grande esperance à ceux de dedans que ne pourrions loger nostre artillerie en lieu dont on les sceust battre. Mais monsieur le Grand-maistre apres avoir bien revisité les environs, trouva une autre petite montagne quasi esgalle à celle du chasteau, du costé qui tire à S. Michel: vray est qu'il y avoit loing,& qu'il estoit malaisé d'y môter l'aftillerie n'à bœufs n'à chevaux, toutes fois avecques des cordages & avecques l'ayde tat des Suisses que Lansquencts, à force de bras il feit guinder deux canons: puis envoya sommer ceux du chasteau, qui pouvoiet estre deux ces Espagnols, lesquels ayas faict refus de rendre la place, en toute diligence feit tiret l'artillerie, laquelle en peu d'heure feit breche, par-ce que la place n'estoit remparée & n'avoient les assiegez moyen de la remparer, pour n'avoir dedans ladicte place fumiers ne terre, à raison qu'elle est sise sur une roche. Les ennemis ne voyans moyen de se couvrir, demanderen tà parlamenter, mais ce fut trop tard, car ce-pendant les gens de

pied François les voyans estonnez à l'opposite de la breche monterent contremont le rocher, & avec eschelles entrerent dedans, & taillerent en pieces ce qui se trouva, hors mis le capitaine & l'enseigne, qui surét prins en vie, lesquels monsieur le Grand-maistre sist pendre & estrangler, pour donner exemple aux autres, de n'estre si temeraires d'attendre dedans une meschante place une armée Françoise descendant en sa premiere sureur.

A P R E S que le chasteau fut entre noz mains, & qu'on eut pourveu à la garde d'iceluy, la veille de Toussaincts marcha nostre armée à Rivole auquel lieu nous sejournasmes deux jours, & logeasmes où le camp Imperial avoit campé les jours precedans: lequel sentant que monseigneur le Dauphin marchoit en telle diligence, l'avoit abandonné, & session retiré à Mont-calier, comme cy devant est dict, & fut le deslogement des ennemis si soudain qu'ils n'eurent loisir de gaster les vivres qui estoient dedans, & laisserent tous les malades à nostre misericorde. Audict lieu de Rivole s'assembla le reste de nostre armée, hors mis quatre ou cinq mille Suisses qui n'estoient encorcs arrivez: ce nonobstant fut mis en deliberation des capitaines, scavoir le chemin qu'on devoit renir, ou de suivre l'ennemy, ou de prendre se chemin de Vulpia, Chivas, & Verceil, ausquels lieux se pourroit faire quelque bonne execution, trouvant les places despourveuës, lesquelles malaisément l'énemy pouvoit secourir, estans ses forces de l'autre costé. En fin fut conclu d'aller loger à Grovillian, qui estoit lieu à propos pour prédre l'un & l'autre chemin, & est petite ville à trois mille de Turin, & trois de Montcalier, où s'estoit retiré le camp Imperial, par-ce qu'estant audict lieu de Grovillian, on auroit moyen de faire conduire des bleds dedans Turin des petits forts des environs, ausquels en avoit grande abondance, & là faire faire la munition de pain pour suivre nostre camp, par-ce que c'estoit lieu sort propre pour cest esfect, quelque chemin que nous voulussions prendre.

ESTANS logez audict lieu de Grovillian, noz chevaux legers feirent rapport que l'ennemy estoit campé au deça du Pau, vis à vis de Montcalier, ayant toutesfois le pont à son doz pour se retirer quand bon luy sembleroit: apres lequel advertissement sut conclu de tourner la teste

droice

droict à l'ennemy, & luy donner la bataille, ou bien le contraindre de repasser le Pau honteusement. Et pour cest effect fut mile nostre armée en campagne & fut mandé au capitaine Martin du Bellay (lequel avoit esté laissé à Rivole avecques sa compagnie & deux enseignes de gens de pied François, pour attendre une grande part des Suisses qui venoient à la file, & là en faire une masse pour les mener la part qu'il luy seroit mandé) qu'il eust à marcher avecques sadite copagnie, & lesdits Suisses droict à la plaine de Motcalier, laissant dedans Rivole les deux enseignes de gens de pied Fraçois pour la garde du passage. Ce-pendant que ledit du Bellay marchoit avec quatre mille Suifles, monseigneur le Dauphin & monsieur le Grand-maistre estoiet desja artivez à la plaine, & avoient jetté leurs batailles, tant de cheval que de pied, en la forme qu'ils estoiet deliberez de combatre, & nos chevaux legers avoient attaqué l'escarmouche avec les leurs, entre le Pau & noz batailles, à laquelle y eut beaucoup des leurs tuez, & quelques uns prins, & peu des nostres: entre autres y fut blessé des nostres d'un coup de lance le seigneur d'Assun, capitaine de deux cens chevaux.

C E temps pendant noz batailles marchoient gaillardement, dequoy l'ennemy estonné ne se sentant suffisant pour soustenir nostre effort, passa le pont, faisant tousjours entretenir l'escarmouche pour couvrir sa retraitte, & laissant deça pour le soustenir mille ou douze ces archousiers, & quelques picquiers: dequoy monscigneur le Dauphin & monsieur le Grand-maistre ayans la cognoissance depescherent quelque nombre de gendarmerie & des gens de pied, pour les prendre à demy passez, chose qui leur fut empeschée à l'occasion d'une trenchée qu'ils avoient faicte plein d'eau, & bien flanquée, de sorte qu'on ne les pouvoit enfoncer. Estant le Marquis repassé le Pau avecques son, armée, ceux qu'il avoit laisse pour le soustenir, feirent le semblable, rompans le pont apres eux, ayans craincte d'estre suivis, si est ce qu'ils ne sceurent si bien faire qu'il n'y en eust de prins & de tuez de ceux qui estoient demourez

lur la queuë.

En l'armée du Roy y avoit de gendarmerie la compagnie de monseigneur le Dauphin de cent hommes d'armes, conduicte par le seigneur de Humicres son Lieutenant: celle de monsseur le Grand-maistre cent, conduicte

par le seigneur de la Guiche son Lieutenant: le Mareschat d'Aubigny cent hommes d'armes Escossois: le seigneur de Montejan cent, la compagnie du seigneur de Beaumot Brisay cinquante, le seigneur de Bonneval cinquate, le Duc de Montpensier cinquante, le seigneur Iean Paule soixante, le Baron de Curton cinquante, le Duc de Nevers cinquante, le seigneur de la Fayette cinquante, le seigneur de la Ferté aux ongnons cinquante, & plusieurs autres compagnies dont je seroy trop prolixe de les nommer. Aussi y estoit le Duc de Vendomois pour accompagner monseigneur le Dauphin, mais estoit sa compagnie demourée en Picardie.

Monseigneur le Dauphin & monsieur le Grandmaistre voyans l'ennemy estre repassé le Pau, delibererent d'aller passer à Carignan, auquel lieu ils pourroient refaire le pont s'ils le trouvoient rompu, sinon passèroient un gué qui estoit au dessoubs dudict pont. Et pour cest effect, apres avoir laissé bon nombre d'hommes au bout de deça du pont de Montcalier, pour empescher que l'ennemy ne repassast, estant desja le soleil couché, allerent loger à la Loge,& à Carpenay,& le lendemain à Carignan, auquel lieu ils firent refaire le pont. La nuict quelques uns de Montealier qui portoient affection aux François, passerent deça l'eau, & trouvans le seigneur de Langey & autres en sa com pagnie, luy feirent entendre que le Marquis estoit deslogé dés le soir, & s'estoit retiré à Quiers avecques toutes ses for ces, ayant laissé vingt-cinq ou trente mille sacs de bled, lesquels il avoit amasse sur le plat païs des environs, soubs esperance de se fermer là pour nous attendre. Laquelle chose entendue par le seigneur de Langey, avecques eschelles, portes, clayes, & autres choses, trouva façon luy deuxiesme de passer vers Montcalier: & arrivé qu'il fut, tous les citadins vindrent au devant de luy, lesquels en grande & accelerée diligence, rabillerent le pont, si qu'avant qu'il sus jour tous les soldats que monsseur le Dauphin avoit laisse à la garde de la riviere, furent dedans la ville, sans faire ton aux citadins, ce qu'incontinant ledict seigneur de Langey fist sçavoir à moseigneur le Dauphin, & à modit-seigneu le Grand-maistre. Lesquels ayans cest adverrissement firen passer leur armée à Carignan la riviere, & allerent campes

à Villedestelon, esperant encores trouver le Marquis di

Prinse de Mont calie**r.**

Guast à Quiers, mais il n'y estoit plus, car des qu'il fut arrivéil se alla à Ast, laissant quatre mille homes dedas Quiers & pour chef Dom Antoine d'Arragon son beau-frere. Parquoy noz gens coururent de toutes parts sans trouver personne qui les contredist; & prindrent Poirien, Rive de plusieurs Quiers, Villeneufve-d'Ast, Montasié, Antignan, & tous les forts. petits forts jusques aux portes d'Ast, de Quietas, d'Albe & de Fossan: & par tous les pétits forts meirent gens pour les garder, par-ce que tous les bleds du païs estoient retirez dedans lesdits forts; qui fur un grand soulagement pour envitailler nostre camp & not places. Aussi monsieur le Grandmaistre envoya le Presidant Poyer & autres munitionaires à Montcalier pour faire mener les bleds y estans à Turin, tant par eau que par terre, de sorte qu'en peu de jours il y eut bleds & vins pour un an: ce-pendant y avoit ordinairement escarmouches devant Quiers, & estoit nostre camp à Villedestelon, car le Roy avoit mandé à mondict-seigneur le Grand-maistre, qu'ayant passé le Pau, il n'eust à passer ou tre,qu'il ne fust arrivé.

L E Roy estant à Briançon, delibera de passer la montagne pour suivre son armée, & par-ce qu'il estoit mal-ac- Roy en Pies compagné, d'autant qu'il avoit tout envoyé apres monsei- mont.

Paffage di

Reprise de

gneur le Dauphin son fils, & qu'il sçavoit que le capitaine Martin du Bellay estoit retourné à Rivole au partir de la plaine de Montcalier, pour l'escorte du passage, luy manda qu'il eust à le venir trouver avecques sa compagnie au Bossoliu, à la descète de la motagne, pour luy faire escorte, & qu'il eust à envoyer gens le long de la riviere de la Douaire, à ce que ceux de Vulpian sur les chemins ne luy donhassent alarme, que premieremet il n'en fust averty : ce que fist ledit du Bellay, & alla trouver le Roy audict Bossolin, quelques jours apres devant la feste S. Martin: & estoit le Roy accopagné du Cardinal de Lorraine, du Comte de S. Pol, & autres plusieurs gros personnages. Partat dudit Bos solin ledit seigneur vint disner à S. Antonin, le long de la motagne, assez pres de S. Ambrois: & apres disner passat par dedans Villane vint coucher à Iavan; auquel lieu il trouva le seigneur de la Ferté aux oingnons, avecques sa compagnie: envoyé par monfieur le Grand-maistre pour accompagner le Roy. Dudict Iavan print le lendemain le chemin de Carignan, & sur ledict chemin rencontra la compagnie

du Duc de Montpensier, & celle des Escossois qui venoient parcillement pour luy faire escorte. Estant arrivé à Carignau, vint devers luy monseigneur le Dauphin, & mosseur le Grand-maistre, pour conclure avecques sa majesté ce qui estoit à faire: auquel lieu estans ensemble leur vindrent nou velles, comme ceux de Vulpian, par-ce qu'il n'y avoit point de cavallerie à Rivole, n'y à Villane, couroient le val de Suze, & faisoient beaucoup de dommage à ceux qui suivoient le camp. Parquoy fut soudain redepesché le capitaine Martin du Bellay pour y aller, lequel arrivant à Rivole, oyant l'alarme & comme ceux de Vulpian avoient destroussé pres S. Antoine cinq ou fix mullets chargez d'argent pour le payement de l'armée, & amenoient ledict argent & les mul lets, sans descendre passa la Douaire, couppant le chemin de Vulpian, & vint si bien à propos qu'à tiois mille pres de Vulpian il attaignit les Imperiaux, lesquels s'estans mis à la fuitte, abandonnerent les mullets, amenans seulement les tresoriers, sans jamais avoir eu loisir de rompre les balles. Ce voyant ledict seigneur du Bellay ne s'amusa à chasser les ennemis, mais seulement print peine de sauver l'argent du Roy, & l'amena en seureté sans rien perdre dedans le chasteau de Rivole, où estoit le reste du payement de no

A PRES que le Roy eut communiqué avecques monsieur le Grand-maistre, sut conclu par l'advis des capitaines que monseigneur le Dauphin & le Grand-maistre, retourneroient le lendemain à Villedestelon, pour recognoistre la ville de Quiers, car à toutes fins le Roy la vouloit assaillir, chose qui fut executée: & ce-pendant que modict-seigneur le Grand-maistre recognoissoit la place, se dresserent de belles escarmouches, tant de gens de cheval que de pied.

PAR la trefve qui fut conclue en Picardie, dont cy devant est faicte mention, fut permis à la Royne Marie de Hongrie d'envoyer quelques gentilshommes siens en Espagne, passans seurement par le Royaume de France: aussi Trefre entre fut permis au Roy d'y envoyer de sa part pour moyenner une paix ou trefve generalle:ce qui fut faict respectivement d'une part & d'autre, & tellement executerent leur legation, ceux qui y furent envoyez, que la trefve & abstinence

de guerre sut conclue autant bien que le Piemont qu'elle

le Rey F YEmpereur.

36 I

avoit esté pour la Picardie. Et par ledict accord estoit dict que chacun demoureroit possesseur de ce dont il se trouveroit saisy, lors de la publication de la tresve: parquoy ceux de la garnison de Turin, de Vorling, de Savillan, & autres places limitrophes, estans de ce advertis essargirent leurs limites au plus loing qu'il leur sut possible, & par toutes les petites places & castellets mirent des gens au nom du Roy, ceux du Mont-devis seirent le semblable. Or il sut accordé entre ledit seigneur Marquis, lieutenant general de l'Empereur en Italie & monseigneur le Grand-maistre, lieutenant general pour le Roy, la forme dont lon devoit user de ladite tresve, ainsi qu'il s'ensuit.

I La esté advisé, conclu & arresté entre messeigneurs les Marquis du Guast lieutenant general de l'Empereur, & le Grand-maistre de France, Lieutenat general du Roy. Que és villes que l'une & l'autre partie tiennent deça les monts seront mises les garnisons, c'est à sçavoir, en celles qui sont soubs l'obeissance dudit seigneur Roy, en tel nobre, & ainsi que par ledit Grad-maistre sera advisé, & en celles qui sont soubs l'obeissance dudit seigneur Empereur, ainsi qu'il sera pareillement ordonné par ledit Marquis, & le surplus des armées d'une part & d'autre serot renvoyées, & des demain vingt-neusiessne de ce mois, ledit Grand-maistre renvoyra

celle dudict feigneur Roy.

P L us a esté accordé, qu'esdictes villes & places d'une part & d'autre seront portez & mis vivres & autres munitions, & se feront toutes reparations & fortistications necessaires, durant le temps de la presente tresve, ainsi & par la forme & maniere, que ceux qui auront la charge desdites villes & places, adviseront qu'il soit faict sur-ce mis ou doné d'une part ny d'autre aucun empeschement, & où il surviendroit quelque difficulté, elle sera vuidée par les dits seigneurs Marquis & Grand-maistre, tant qu'ils seront par deça, & en leurs absences par ceux qui demoureront licutens generaux des dicts seigneurs Empereur & Roy. Faict à Carmagnole le vingt-huictiesme jour de Novembre, l'an mille cinq cens trente-sept.

LE vingt-huictiesme jour de Novembre fut publiée la trefve à Carmagnole, où le Roy estoit, & pareillemeut en Ast où estoit le Marquis du Guast Lieutenant general de l'Empereur, à durer jusques au vingt-deuxiesme jour de

Fevrier subsequent. Trois jours apres le Marquis du Guast vint faire la reverece au Roy à Carmagnole, où il fut receu dudit sieur humainemet. Ce fait par-ce qu'il estoit accordé par ladite trefve que les deputez de par le Roy, & ceux de la part l'Empereur, se trouveroiet à Locate, pour là ensemblement adviser le moyen de faire une bonne & ferme paix entre leurs deux majeltez. Le Roy delibera de se retirer en France, mais avant son partement voulut bien pourveoir aux affaires du pais de Piemont, & pour cest effect ordonna le seigneur de Montejean gouverneur & son Lieutenat general audict pais, le seigneur de Langey Guillaume du Bellay gouverneur & son Lieutenant general dedas Turin, à Pignerol laisla gouverneur le Comte Francisque de Pontreme, à Savillan le Baro de Castel pers, & messire Charles de Dros Piemontois gouverneur au Mont-devis, laquelle place il avoit surprise sur les Imperiaux, & gardée durant qu'ils estoient les plus forts en capagne, & dedans Vorling

laissa le seigneur Ludovic de Birague.

L Es choses ainsi ordonnées le Roy prime son chemin par Pignerol, & apres avoir licencié les Suisses pour se soulager de despense, amena quand & luy le Côte Guillaume de Fustemberg avec son regiment, laissant à Carmagnole le capitaine Nicolas de Rusticis. Puis prenant le chemin par le Dauphiné arriva à Lion, où peu de temps apres depescha monseigneur Iean, Cardinal de Lorraine, & mosient le Grand-maistre de Montmorency, pour aller à Locate convenir avecques les deputez de l'Empereur pour le faict de la paix. Lesquels apres avoir perdu beaucoup de temps, ne voyans moyen de parvenir à grande conclusion, en fin arresteret une prolongation, de trefve pour six mois; à commencer le vingt-deuxiesme jour de Feyrier, dedans lequel temps on se devoit rassembler, pour encores chercher moyen d'accorder une paix finale, & vindrent trouver le Roy à Moulins où il estoit venu ce-pendant faire sejour. En ce téps fut deffaitte par l'armée du Turc l'armée du Roy

Connestable Et Marefce.

Promotion Ferdinand en Hongrie, où il y eut une perte plus grande qui estats de qu'il n'y en avoit cu de nostre temps. Le voulant honorer ceux qui aux guerres precedentes avoient travaillé pour luy faire service, & entre autres messire Anne seigneur de chel de Fran Montmorency, pour les grands & insignes services qu'il luy avoit faicts depuis trente ans au precedant, & mesme de fresche memoire à la descente de l'Empereur en Provence & au pas de Suze, où par sa diligence & vertu il força les ennemis: aussi aux guerres de Picardie, tant à la prinse de Hedin qu'avoir secouru Terouenne, laquelle sans sa diligence n'avoir moyen encores de tenir huist jours, pour la famine qui desja pressoit les assiegez, l'honora de l'estat de Connestable, auquel n'avoir esté pourveu depuis le partement du Duc de Bourbon: aussi n'ayant pourveu à l'estat de Mareschal qui estoit vacqué par le trepas du Mareschal de la Marchk, il en pourveur messire Claude d'Annebault au precedant capitaine general des chevaux legers: & la Mareschaucée vacquant par la promotion de messire Anne de Montmorency à l'office de Connestable, il en pourveut le seigneur de Montejean qui estoit demeuré son Lieutenant general en Piemont.

TROIS ou quatre jours apres sut vuidée une querelle Cobat entre laquelle de long temps avoit duré entre quatre gentilshom le seigneur de mes de Berry, sçavoir est le seigneur de la Tour Landry & Veniers & de de Chasteauroux, le seigneur de Sarzay, le seigneur de Sarzay.

Veniers, & le seigneur Gaucourt. Le seigneur de Sarzay comme moteur de la querelle fur appellé & luy fut demande s'il avoit dit que le leigneur de la Tour s'en fust fouy de la bataille de Pavie, il feit responce que ouy & que le seigneur de Gaucourt luy avoit dit. Le seigneur de Gaucourt fut appellé,& luy fut demandé par le feigneur de Sarzay fil luy avoit pas dit que le seigneur de la Tour s'en estoit suy de la baraille, Gaucourt sans advouer ny desavouer, luy dist vous m'avez dit que Veniers le vous avoit dit, Sarzay soudain respondit, ouy, Veniers le m'a dit. Messieurs, dit Gaucourt, puis que Veniers le luy a dit, & qu'il le tient de luy, je n'ay que faire de respondre, parquoy ledit Gaucourt fut revoyé, & fut apellé de Veniers qui nia audit Sarzay l'avoir dit & luy donna le dementy. Pour en cognoistre la verité, & sçavoir qui estoit faulx accusateur, sut ordonné qu'ils combattroient en camp clos: l'occasion qui meut le Roy de leur donner le combat fut que tous les trois accusateurs n'estoient à la bataille, mais en leurs maisons à leur aise, parquoy il leur estoit malaisé de cognoistic qui avoit fouy. Le seigneur de Veniers porta les armes, qui estoient un corselet à longues tassettes avec les manches de maille, & des gantelets, & le morion en teste, & une espée bien trenchan-

Aa iiij

te à la main droitte, & une autre à la main gauche : en cest equippage entrerent en camp conduis par leurs parens, & accompagnez de leurs confidents. Le leigneur de Bonheval estoit parrein de Veniers, le seigneur de Villebon, de Sarzay, pour l'ablence du sieur de Boisy, qui estoit son parrain apres les publications, sermens, & autres cerimonies accoustumées faictes, farent laislez aller. Ils feirent tresbien leur devoir de combatre de leurs deux espées, mais comme gens qui n'estoient fort bien usitez en telles armes, en fin se saisirent au corps, abandonnant leurs espées. Le sieur de Veniers ayant desja la daguette au poing, & le sieur de Sarzay cherchant de tirer la sienne, le Roy ne voulans qu'ils ne passassent outre, jetta le baston, parquoy ils furent separez par les gardes du camp qui estoient monsseur le Connestable, mon ficur le Comte de S.Pol, Duc de Touteville, Loys monsieur de Nevers, & monsieur le Marcschal d'Annebault. Estans les deux champions remis en leurs chaires, pendant que le Roy avec son conseil ordonnoit, ce qu'il vouloit qui fust faict, le sieur de Veniers, lequel estoit blessé sur le col du pied d'un coup d'espée, par faute d'estre estanché, apres que le Roy eut donné sa sentence, les mettant d'accord, & apres avoir remis le seigneur de la Tour en son honneur, ayant le Roy affermé l'avoir veu le jour de la bataille faisant son devoit pres de luy, une fievre quarte, qui de longue main tenoit ledit Veniers, sut convertie en continue, dont peu de temps apres il mourut.

A u mois de May subsequét le Pape Pol tiers de ce nom, du Pape, Em voyant la misere estre universelle par toute la Chrestienté, à l'occasion des guerres desirant mettre en parience l'Empe-Roy à Nice. reur & le Roy, praticqua de faire une assemblée de ces deux Princes au lieu de Nice, à laquelle encores qu'il fust aagé de Ixxv.ans, il set ouveroit pour estre moyen de faire une paix generalle parmy la Chrestienté. Les deux Princes fy condescendirent, & le jour prins de s'y trouver au commencement de juing, qu'on comptoit mille cinq cens trente-lept, le Pape sy trouva audit jour, ausi feirent leurs deux majestez & en ceste assemblée la saincteré du Pape travailla met Trefve pour veilleusement, pensant vuider tous leurs differends, mais vo yans n'y auoir moyen d'v trouver une paix finale, proposaune trefve de dix ans, esperant que durant ledict temps, les inimitiez enracinées dedans leurs cueurs, se pourroient mi-

dix ans.

tiguer: finablement ladite trefve de dix ans fut conclute, marchande, & communicative entre les pais & subjects de leursdites majestez, & toutes hostilitez d'armes suspendues Les choses ainsi confirmées & jurées par leurs majestez entre les mains de sa sain ceté, chacun print le chemin de sa retraitte: le Pape print la volte de Rome, l'Empereut celle - Abouchede Barcelonne, & le Roy print son chemin par Avignon ment de l'Enz pour retourner en France. Auquel lieu d'Avignon estant per ur 🕹 arrivé eut nouvelles de la part de l'Empereur, qu'il avoit de-Roy à Aisir encores de communiquer avecques luy, & que bil vou guemortes. loit se trouver à Aiguesmortes, ledit seigneur Empereur y prendroit terre, chose que le Roy luy accorda: & se trouvans à Aiguesmortes, l'Empereur meit pied à rerre, & vint disneravec le Roy en grande demonstration d'amitié & fraternité: puis le Roy alla dedans la gallere de l'Empereur, auquel il eurent ensemble de grands propos quels furent je ne sçay, mais on ne l'est apperceu qu'il en soit sorty aucun effect. Apres la trefve publiée, tout le reste de ladite année, & de l'an mille cinq cens trente-huict, ne se feirent autres choses, sinon limiter ce dequoy devoit jouir un chacun.

L'AN mille cinq cens trente-huict, le Roy estant à Compiegne tomba malade d'une apostume qui suy descendit au bas dit ventre, dont il fut en grand danger de mort. Au mefme temps vindrent nouvelles au Roy, que le Mareschal de Montejan son Lieutenant general en Piemont, estoit en extremité de maladic, & hors d'esperance de vie, parquoy il depescha pour tenir son lieu le Mareschal d'Annebault, & avec luy le seigneur de Langey, pour tenir son lieu en son absence, & le capitaine Martin du Bellay pour gouverneur de Turin, lequel gouvernement il avoit remis entre les mains du Roy peu de temps au precedant. Lequel d'Annebaut ayant nouvelles par les chemins du trespas du seigueur de Montejan, print la poste pour estre plustost en Piemont ayant doubte qu'estant le pais sans gouverneur il en advint quelque inconvenient. Aussi durant ladite trefve le Roy feit forrisier & pourveoir ses places de Piemont: à Turin feit revestir de muraille les quarre boulleverrs, faisans les quatre angles de ladicte ville : aussi feit faire les fossez tels qu'ils sont de present : feit pareillement edifier de nouveau un chasteau à Pignerol, où estoit l'ancien chasteau, com-

Mort du Mareschal de Monteja, Or Succession du Mareschal d' An nchaut, pour estre vice-Roy en Pismont.

Fortification des places de Piemont.

posé de quatre boulleverts & quatre courtines laissant au milieu ledit ancien chasteau pour servir de roquette: & feit le semblable à Montcalier pour couvrir la ville, qu'elle ne sust veuë comme elle estoit de la montagne. Aussi silt saire trois boulleverts à Savillan, & le seigneur de Cental Eleu de Riez seit avecques l'ayde du Roy sortisser Cental: aussi seit le Comte de Beyne sa ville de Beyne, & les meirent en tel estat, que depuis l'armée Imperiale, encores que maintessois elle ayt passé pres de leurs portes, ne les a osé attaquer.

1539.

Passage de l'Empereur par la Fräce.

L'AN mille cinq cens trente-neuf, les Gantois ayans esté. offensez de plusieurs nouveaux tribus qui leur avoient esté imposez au nom de l'Empereur, & sentans que l'Empereur qui estoit en Espagne n'avoit grand moyen de promptement venir en ses païs bas, delibererent de s'en ressentir: & pour celt effect saccagerent les officiers de l'Empereur, & pour mieux le fortisser & venir à l'effect de leur entreprise, envoyerent secretement devers le Roy luy offrit de se mettre entre ses mains, comme leur souverain seigneur: luy offrirent pareillement de faire faire le semblable aux bonnes villes de Flandres. Chose que le Roy refusa, pour n'estre infracteur de foy envers l'Empereur son bon frere, attendu la trefve jurée entre-eux depuis deux ans, & en advertist l'Empereur: lequel cognoissant pour cest advertissement & autres qu'il avoit de ses serviteuts, que ses bais bas (qui estoient sa force) estoient en hazard d'estre perdus, ne pouvant trouver moyen d'y pourveoir si ptomptement qu'il en estoit besoing, car passant par Allemagne il n'estoit pas asseuré des Protestans lesquels luy pourroient empescher son passage, & se mettant par mer se mettroit au hazard des vents qui le pourroient aussi bien jetter en Angleterre com me en Flandres contre son vouloir, car il n'estoit asseuré du Roy dudit païs d'Angleterre, pour les divisions qu'avez entendu par cy devant qu'ils avoient eues à cause du divorce de la Royne Catherine sa tante. Se resolut de se mettre fur la foy du Roy: & pour cest effect envoya ses ambassadeurs devers luy, estant encores malade à Compiegne, luy offrir au cas qu'il luy baillast passage seur, de grandes choses, & entre autres d'investir luy ou l'un de ses enfans du Duché de Milan.

L = Roy juggant le cueur d'autruy par le sien, & estimant

qu'un tel Prince que l'Empereur ne le voulust abuser de paroles, apres plusieurs allées & venues, tant d'une part que d'autre, luy accorda telle seureté qu'il voulut demander, & mesme se mist à chemin pour aller au devant de luy, encores qu'il ne fust bien sain de sa maladie, & envoya monseigneur Dauphin de Viennois son fils aisné, & monseigneur Charles Duc d'Orleans son fils puisné jusques à Bayonne, pour le recueillir à l'entrée de son Royaume, & l'accompagner jusques au lieu, où le Roy & luy se pourroiet rencontrer. Or est il que des promesses que ledit seigneur faisoit au Roy, il pria de n'estre importuné de les signer, à ce q par cy apres on ne peust dire qu'il les eust faictes par contraincte pour obtenir son passage, & qu'il pleust au Roy de s'asseurer de sa parole. Mais qu'à la premiere ville de son obeissance où il arriveroit, il luy en doneroit telle seuteté qu'il auroit occasion de se contenter.

O R est-il que l'Empereur de sa nature malitieux voyant luy avoir esté accordé ce passage pour denuer le Roy de ses amis & alliez, attendu que ledit seigneur y alloit de bonne foy, inventa une chose que je vous diray. Les Venitiens qui estoient entrez en ligue avec l'Empereur contre le Grand-seigneur se trouvans y avoir esté abusez, car de jour à autre leurs richesses diminuoient, & cognoissans bien qu'il leur estoit besoing pour la conservation de leur estat d'appoincter avec ledit grand Turc, estoient sur le train d'entrer avec luy en une paix, ou en une bien longue trefve, & abandonner la ligue faicte avec l'Empereur, qui seroit à son grand prejudice: pour à laquelle chose obvier persuada le Roy, en sorte qu'il comanda au seigneur d'Annebault Mareschal de Frace, & son Lieutenant general en Piemont, d'aller de compagnie avec le Marquis du Guast à Venise, comme ambassadeurs solennels, pour faire entendre à la seigneurie de Venise la grande fraternité qui estoit entre leurs deux maistres, & qu'ils eussent bon courage, car le Roy de France se liant avec eux en ligue, comme il feroit, tous ensemble dressereroiet une armée, tant par terre que par mer pour chasser hors d'Europe la race des Ottomás: car en ce faisat il mettroit les Venitiés hors d'opinió d'accorder avec le grad seigneur, & mettroit ledit grand seigneur en haine cotre le Roy:aussi mettroit le Roy d'Augleterre, en souspeçõ, de sorte que ledit Anglois commença

Occasion du voyage de monseigneur le Mareschal d'Annebault à Venise. à se rasseurer de l'Empereur & sessoger de l'amitié de nostre Roy, mesme tous les autres alliez du Roy entierement en souspeçon, voyans les superintendans des deux majestez en Italie, en telle fraternité, chose qui fut executée. Et s'embarqua ledit Mareschal d'Annebault au pont du Pau de Turin & vint rencontrer le Marquis du Gualt à Cazal-majour, auquel lieu ils se mirent tous deux en une barque, & en cest equippage allerent à Venise saire leur legation.

OR en ce faisant & durant les choses cy devant distes, le mois de Decembre 1540, arriva l'Empereur à Bayonne, auquel lieu il fur recueilly par monseigneur le Dauphin,& monseigneur d'Orleans en grande magnificence, & luy fut faicte son entrée solemnelle, où il donna graces & remissions, & delivra les prisonniers, , ainsi qu'il eust faict en ses propres pais & Royaumes, & de là fur accompagné par mesdits seigneurs, & en toures les villes où il passa luy sur faict semblable honneur qu'à Bayonne. Le mois de Ianvier arriva à Chastellerault, où le trouva le Roy, duquel il sut receu en grande magnificence, ainsi qu'estoit la coustume dudit seigneur, caril n'eust peu faire les choses petites. Partant l'Empereur de Chastellerault print son chemin à Amboise: or au chasteau d'Amboise y a deux grosses tours edifiées par le Roy Charles huictiesme, par lesquelles on mon te au chasteau, & sont lesdictes tours si spatieules, & si arrificiellement construites, que charrettes, mullets, & littieres y montent aisément jusques audit chasteau qui est assis sur le hault d'une montagne. Et pour faire l'entrée de l'Empereur plus magnifique, le Roy ordonna la faire de nuict par dedans l'une desdictes tours 20 mées de tous les 20 memens dont on se pouvoit adviser, & tant garnie de flambeaux & autres luminaires, qu'on y voyoit aussi cler qu'en une campagne en plein midy: mais estant l'Empereur à mi-chemin de ladiste tour, quelque mal-advisé portant des torches y mist le feu, de sorte que la tour fust toute enssambée, & à cause des tapisseries où le feu se mist, la sumée fut si grande, ne pouvant expirer, qu'on fut en grande doubte que l'Empereur ne fust estouffé, & chacun taschoir à se sauver pour eviter le danger: aucuns furent prins souspeçonnez d'avoir faict ceste faulte, mais non par malice, que le Royvoulut faire pendre, mais l'Empereur leur fist pardonner.

PARTANT d'Amboise print son chemin à Blois, puis à Orleans, de là à Fonrainebleau, auquel lieu pour estre maison que le Roy avoit bastie pour les chasses & deduicts, le festoya & luy donna tous les plaisirs qui se peuvent inventer, comme de chasses Royalles, tournois, escarmouches; combats à pied & à cheval, & sommairement en toutes auties sortes d'esbattemens. Dudit Fontainebleau tousjours accompagné de messeigneurs les Dauphin & d'Orleans, sen alla à Paris, & vindrent au devant de luy tous les estats de la ville, en laquelle luy fut faicle entrée & recepció toute telle qu'à la propre personne du Roy, & misten liberté tous les prisonniers qui se trouverent tant en la conciergerie qu'aux autres prisons de Paris. Partant duquel lieu alla à Chantilly maison de monsieur le Connestable, où il fut receu fort honnorablement: puis prenant son chemin par la Picardie, arriva en seureté en sa ville de Valentiennes, premiere place de son obeissance, jusques auquel lieu l'accompagnerent mesdits seigneurs les Dauphin & d'Orleas. Y estant arrivé, les ambassadeurs du Roy estimerent que là il deust cofirmer ce qu'il avoit promis au partir d'Espagne, mais le bon Prince lequel jamais n'avoit eu envie de tenir sa promesse, les remist jusques à ce qu'il eust communiqué avecques son conseil des païs bas, mais asseura qu'ayant chastié ses subjects rebelles, il contenteroit le Roy, je pense bien que si mal luy eust basté, & qu'il eust trouvé son païs si eslevé cotre luy, qu'il n'y eust peu remedier, il eust peu tenit sa promesse, esperant se pouvoir ayder des sorces du Roy:mais arrivé qu'il fur dedans ses païs, les Gantois se voyans abandonnez du Roy(lequel mesme luy avoit donné passage par son Royaume) & voyans l'Empereur marcher avecques grandes puissances contre eux, entrerent en desespoir de pouvoir soustenir cest effort, parquoy en lieu de combattre, envoyerent devers l'Empereur chercher misericorde, chose qui leur fut accordée avecques telles conditions que l'Empereur leur proposa. Parquoy marchant à Gans avecques toutes ses forces se saisit des portes & de la place, mettant par tout garnison, & sist mourir sept ou huict des principaux autheurs de la sedition, & à tout le reste du peuple dona pardon, à la charge toutesfois qu'ils feroient edifier une citadelle à leurs despens pour tenir la ville en subjection, & à perpetuité payeroient la soulde des

hommes qu'il faudroit pour la garde d'icelle: aussi leur o d'ita leurs loix & franchises anciennes, & ordonna pour coduire & dresser ladicte fortification Iean Iacques de Me-

dicis Marquis de Marignan.

A Y A N T l'Empereur faict tout ce qu'il avoit deliberé, fut solicité par l'Evesque de la Vaur nommé George de Selva ambassadeur pour le Roy devers luy, d'executer les choses par luy promises entre les mains dudit ambassadeur partant d'Espagne, & encores par plusieurs sois reiterées, passant par ce Royaume: mais l'Empereur se voyant hors de toute craincte, osta le masque de sa dissimulation, & declara entierement n'avoir rien promis: dont le Roy porta quelque mauvaise volonté à monsieur le Connestable, se disant avoir esté par luy asseuré de la voloté de l'Empereur. I'estime bien que mondit-seigneur le Connestable luy en avoit donné quelque asseurance, par-ce qu'il pensoit estre asseuré de la promesse d'ut tel Prince que l'Empereur, & qu'il se sondoit sur l'asseurance de l'ambassadeur du Roy, estant pres de la personne dudit Empereur.

Accord du mariage du Duc de Cleves.

L'AN 1540. se commença à traitter le mariage d'entre le Duc de Cleves, de Gueldres, & de Iulliers, avec la fille unique de Henry, Roy de Navarre, & de madame Marguerite sœur du Roy: lequel traicté sut tant continué qu'il fut conclu que ledit Duc de Cleves viendroit en France devers le Roy, ce qu'il feit, & le vint trouvet à Chastellerault, où il fut honorablement recueilly: & audit lieu furent celebrées les nopces dudit de Cleves, & de madicte Dame fille du Roy de Navarre, de parole seulement & non d'execution, par ce qu'elle n'estoit encores en aage nubile, mais fut accordé qu'elle estant en aage elle seroit conduicte à Aix la chapelle, ville d'obeissance dudit Duc, pour la finale confommation dudit mariage. Ausdictes nopces se feirent de magnifiques tournois en la Garanne de Chastellerault, d'un bon nombre de chevaliers errans, gardans entieremet toutes les ceremonies qui sont escrites des chevaliers de la table ronde. Apres les dicts tournois, & autres festes & festins s'en retourna ledit Duc de Gueldres en ses païs;& sen retourna le Roy vers Paris,& manda le Marefchal d'Annebault qui estoit son Lieutenant general en Piemont, lequel il mist pres sa personne & au maniement de ses affaires: & demoura en son lieu Lieutenant general en

Piemont le seight de Langey messire Guillaume du Bellay.

Vous avez n'agueres entendu, comme l'an mille cinq cens trente-sept, le Roy passa en Piemont au pas de Suze, Provisio sur pour secourir son païs, & comme les Imperiaux avoient la famine de saict le guast pour nous empescher le passage, & s'estre en-Piemont saisuivie la trefve, que les deputez du Roy & la Royne de Ho- Ete par Mesgrie avoient moyenné, dont l'Empereur s'estoit retiré & le sire Guillat-Roy, & la pluspart de son armée en Frace: mais à cause que me du Bellay la trefve estoit courte, on ne voulut licentier les bandes Lieutenant Françoises jusques au retour de monsseur le Cardinal de general audit Lorraine, & de monfieur le Grand-maistre, qui estoient al Pays. lez à Locate, où la trefve fut prolongée de six mois. Ce pedant par faulte de payement le seigneur de Montejean qui estoit demouré Lieutenant pour le Roy en Piemot, fut cotrainct de permettre aux soldats de vivre à discretion, ou indiscretion, & mangerent ce qui estoit demouré: à ceste occasion le peuple mesme desesperé de faim n'avoit semé en ladicte année, qui fut cause que la famine survint l'an mille cinq cens trente-huict, telle qu'vn sac de bled à Tutin qui n'avoit accoustumé estre vendu qu'vn escu, se vendit dix, & douze escus, & sil y avoit du bled au marché, il falloit y mettre garde, à ce que le peuple ne s'entretuast pour en avoir : à ce moyen les terres demourerent inutiles & incultivées.

LE seigneur de Langey considerant que c'estoit la perte du pais, car l'année subsequente si l'ennemy se mettoit en campagne rompant la trefve, on seroit contrainct luy livrer les places par faulte de vivres, ou d'en amener de Francé, qui estoit chose impossible, pour fournir ler places, nourir le peuple, & semer les terres : car vous avez entendu comme le Roy quand il passa avoit mené toutes les bestes de somme, de trois ou quatre provinces, & neantmoins les vivres qu'ils avoient porté n'avoient peu suffire seulement à nourrir le camp. A ceste occasió il trouva moyen par dos & autres choses, d'obtenir congé du seigneur André d'Orie d'en amener par mer à Savonne, & de la par terre en Piemont, moyennant qu'il en donna audit André d'Orie quelque portion en payant. Or y avoit-il des bleds en Bourgongne en abondance, desquels il fist charger sur la riviere de la Saone un nombre suffisant, & de là en devalant sur le Rhosne, & puis l'embarquer sur la mer, en quoy

il fist telle diligence, qu'en peu de temps les bleds furent à Savonne: puis fist trencher une montaigne nommée Dovillane, de sorte que par charroy il le rendit à Quieras, de là à Raconis, en trois journées de charroy: puis en departit par toutes les terres de l'obeissance du Roy, à trois cleus le sac, qui coustoit au precedant dix escus, & à chaque vllage (aportant l'estat de ce qu'il en failloit, tant pour semer que pour vivre jusques aux nouveaux, & en baillant un ou deux respondans) fournissoit dudit bled pour ledit prix de trois cscus le sac, payant moitié comptant, moitié apres l'Aoust, tellement que toutes terres surent semées: qui a esté la salvation du païs, car peu après la guerre se declara, comme entendrez cy apres, & eust esté ledit païs affamé: & le feit ledit feigneur de Langey à ses fraiz, de forte que moy qui suis son frete, en ay payé depuis sa mort cent mille livres à un homme seul: en quoy il estoit en arriere, mais il ne luy chailloit de la despence, moyennant qu'il fist service à son Prince.

FIN DY HYICTIESME LIVRE.

NEVFIESME





NEVFIESME MESSIRE MEMOIRES DE MARTIN Seigneur de Langey.



STANT l'Empereur passé par ce Royaume, & ayant esté recueilly en telle fraternité du Roy son frere, comme avez entendu par le Iugemet des discours du livre precedant, avec hommes sur tous les hôneurs dont le Roy a- le passage de voit peu user en son endroict, & l'Empereur aussi apres que le Roy eut refusé en France. ceux de Gand qui de toute ancié neté estoient subjects de la cou-

ronne de France, lesquels s'estoiet mis entre ses bras, come entre les mains de leur souverain seigneur, luy offrans pareillement le semblable de la pluspart des bonnes villes de Flandres: mais le Roy ne voulant en rien contrevenir au traicté de la trefve, ains garder sa foy, estima que l'Empereur la luy garderoit en pareille fidelité, luy ayat aussi baillé passage libre par son Royaume, pour les reduire en son obeissance: car par ailleurs luy estoit malaisé d'y pourveoir d'heure, attendu que le passage de mer ne luy estoit seur, à cause des inimitiez d'entre luy & le Roy d'Angleterre, & par Allemagne aussi peu pour la craincte des Protestans, & aussi que ledit chemin estoit long. Ces choses faisoient croire à toutes gens de bien, que l'Empéreur n'auroit à deffaillir à ce qu'il avoit promis au Roy, mais au cotraire estimoient que ledit Empereur estant arrivé en ses pais bas, en feroit d'avantage que sa promesse ne portoit, excepté aucuns qui cognoissoient les humeurs de l'Empereur estre tels que ce qu'il pouvoit, soit par tromperie, ou autrement, luy estoit loisible pour parvenir à ses sins entierement fondez sur ambition, ainsi que peu apres il feit cognoistre par les effects, & comme ie declareray. Aussi vous avez veu que pour mettre tous les Potentas & Princes de la Chrestienté en souspeçon, & mesme le Grand-seigneur, & pour mieux abuser le mode, il avoit persuadé au Roy d'envoyer le seigneur d'Annebaut son Lieurenant general en Piemont, en la compagnie du seigneur Marquis du Guast, Lieutenant general au Duché de Milan, devers la seigneurie de Venise, & devers le Pape le seigne de Gié pour pareil esser. Ce que le Roy qui tous jours avoit usé de bonne soy voulut encores accorder, asin de saire cognoistre l'évie qu'il avoit d'accorder une serme paix en la Chrestienté.

LE Roy se voyant ainsi loing d'esperance, par les dissimulations dont usoit l'Empereur en son endroiet, voulut bien faire entendre à ses alliez, comme les choses estoient passées entre ledit Empereur & luy, & pour lever le doubte qu'ils avoient, d'autant que l'Empereur par ses ministres leur avoit soubs main faict entendre, que ledit seigneur avoit traitté avec luy à leur desavantage, pensant par ce moyen irriter tous les Potentats de la Chrestiente contre luy: à ceste cause depescha le seigneur Cesar Fregoze chevalier de son ordre devers la seigneurie de Venise, & le seigneur Antoine de Rincon gentilhomme de sa chambre devers le Grand seigneur, pour leur declarer l'estar des affaires d'entre ledit Empereur & luy. Et pourautant que le chemin dudit Rincon estoit de passer par Venise, fut ordonné qu'ils itoient de compagnie jusques audit lieu de Venise.

Depesche & mort de Cefar Fregoze, El Antonia Rincon.

faire quelque sejour pour pour veoir à ses affaires, pendant lequel le seigneur Cesar Fregoze vint devant à Suze, veoir sa compagnie de gens d'armes, dont nouvellement le Roy luy avoit baillé la charge. Lequel sejournant audit lieu de Suze, le seigneur de Langey Lieutenant general du Roy en Piemont, lors estant à Turin eut quelque vent, que le Marquis du Guast (ores que sussiminent reseves) avoit mis aguets par les passages, pour surprédre les stis seigneurs Fregoze & Rincon. A l'occasion de ce le dit seigneur de Langey manda aus dits Fregoze & Rincon qu'ils n'eussent à passe outre Rivole, que premieremet il n'eusticommunique avecux: & envoya de toutes parts pour entendre des nouvelle du departement dudit seigneur Marquis.

L B jeudy premier jour de Iuillet, mille cinq cens quarante & un, arriverent lesdits Fregoze & Rincon à Rivole, & environ minuit y arriva le seigneur de Langey: aussi revindrét ceux lesquels de toutes pars il avoit depesché pour entendre nouvelles, qui tous unanimement luy rapporterent que par tous les passages le Marquis avoit mis aguete, & mesme sur la riviere du Pau, par-ce qu'il avoit esté adver ty que pour raison que le seigneur Rincon estoit malaisé de sa personne, obstant la gresse dont il cstoit chargé, se met troit plustost en chemin par eau que par terre. Duquel raport ledit seigneur de Langey leur donna advertissemet: & apres qu'ils eurent declaré que leur intention estoit de se mettre sur la riviere, le prians ordonner que barques leur fussent appareillées au pont du Pau, pres Turin, pour l'accomplissement de leur voyage, le seigneur de Langey prevoyant le hazard où ils alloient entrer, par la notice qu'il avoit des meurs du Marcuis du Guast, les voulut par tous moyens suader de changer d'opinion, se faisoit foit de les faire passer en seureté par terre, par le moyen qui s'ensuit. Il y avoit un capitaine Milanois en sa compagnie; nommé Hercules Visconte, lequel partant à jour couché de Rivole les conduiroit, de sorte, qu'avant le jour ils arriveroient à la Cisterne chasteau de Lastizanne de l'obeissance du Roy, auql lieu estans arrivez, tiendroient les portes fermées tout le jour, & partans la nuict sequente, iroient coucher en un chasteau appartenant au frere dudit Visconte, où seroient le semblable. La troisiesme nuict devoient arriver sur le Plaisantin en seureté, pour estre terre du patrimoine de l'Eglise, & pour ce faire vouloit ledict seigneur de Langey bailler audit Rincon un cheval d'Espagne fortaisé & allant l'amble.

Le seigneur Fregoze n'estimant le Marquis du Guast homme qui eust voulu faire un tel acte, que de faire assassiner les ambassadeurs d'un tel Prince treschrestien que le Roy, attedu mesmes qu'il estoit en tresves, demoura obstiné en son opinion, & ne voulut chager sa premiere deliberation, ains resolut d'aller par eau, persistant à faire instance audit seigneur de Langey, de luy bailler barques suyvant le commandement du Roy. Le seigneur Rincon corgnoissoit bien qu'il y avoit grande apparence au propos du dit sieur de Langey, mais avoit craincte d'alterer l'opinion

de Fregoze, ayant doute que l'alterant, & si mal en venoit, on luy pourroit reprocher, veu que Fregoze l'avoit pris en sa conduitte, il consentit d'aller par eau, aussi que c'estoit le

plus aife, non le plus feur.

L E samedy deuxiesme jour de Iuillet audit an, ayans esté conduicts en deux barques lesdits Fregoze & Rincon, & leur suitte, jusques à la tour de Simenne pres de Voling, le seigneur de Langey craignant ce qui advint, par ce que ses advertissemens d'heure en heure luy redoubloient, envoya devers lesdits seigneurs, pour seur persuader de rechef de changer leur dessein, & où ils voudroient perseverer à leur obstination, ils cussentà luy renvoyer leurs instructions, lettres de creance, & papiers, à ce qu'avenant le cas qu'ils fullent saccagez ou prins, ils n'en sussent trouvez chargez, lesquelles il leur feroit renir seurement à Venise. Ce neantmoins ils demourerent en leur premiere resolution, mais bien luy renvoyerent lesdictes instructions par le Comie Petre Gentil, nepveu du Comte Camille de Sesse, Lieutenant dudit Fregoze. Puis le jour mesme s'embarquerent avec ledit Comte Camille de Sesse en une barque, & une partie de leurs serviteurs, & un soldat du seigneur Ludovie de Biraque nommé Boniface de S. Nazare en un autre, ayant chacune quatre vogueurs,& commencerent à voguer environ les xxiiij. heures, & allerent toute la nuict jusques à deux mille au dessoubs de Cazal de Montferrat. Le lendemain en viron midy estans arrivez en un lieu appellé la Pla ge de Cantaloue, trois mille au dessus de la bouche du Te-'fin, se presenterent au devant d'eux gens en armes, estans sur deux barques, lesquels soudainement assailliret, & prindrent la barque où estoiet lesdits Fregoze & Antoine Rincon, & par ce qu'ils se meirent en deffence, leurs ennemis monterent sur ladicte barque, où lesdicts seigneurs furent tous deux tuez Dont promptement le seigneur de Langey fut adverty, & pen apres cut autre advertissement, qu'ils avoient mené le Come Camille de Sesse, lequel ils n'avoiét eué audit affassinement, dedans le chasteau de Pavie, puis la nuict subsequente l'avoient mené dedans la Roquette de Milan, & avoiét mis au fond du chasteau de Pavie tous les batteliers qui avoient conduict tant les François que les Espagnole, à ce que par eux on n'en peust avoir tesmoignage, & que les soldats qui avoient faict ceste infame execuzion, estoient de la garnison du chasteau de Pavie, lesquels depuis trois jours & trois nuicts n'avoient sorty de dedans leurs barques, armez d'arcbouses, picques, & rondelles: & se faisoient apporter à manger d'une hostellerie qui leur estoit proche, & tenoient leurs chevaux aux dessoubs, en lieu nommé le port de l'Estelle. L'autre barque ou estoient Boniface de sainct Nazare, & les serviteurs, donna à terre, & se sauverent ceux qui estoient dedans en un bois jusques à

la nuict qu'ils se retirerent en seureté. L E seigneur de Langey ayant eu les advertissemens que Diligence des cy devant avez entenduz, avec quelque asseurance de la seigneur de verité, depescha le seigneur de Termes, capitaine de deux Langey sar cens chevaux legers des ordonnances du Roy, & gentil- la verité des homme de la chambre de monseigneur le Duc d'Orleans, occasions & devers le Marquis du Guast qui estoit à Milan, pour l'ad- autheurs de vertir dudit assassinement, luy mandant qu'il ne se pouvoit la mort de persuader qu'un faich si enorme contre tout droich naturel, Fregoze divin, & humain, fult executé par son sceu, ordonnance ou Rincon amcommandement: parquoy le prioit d'y donner telle provi- bassadeurs sion qu'elle feit foy à tout le monde, que non seulement il du Roy. eust voulu conseniir, mais aussi peu souffrir que telles chofes le fillent.

PENDANT que ledit sieur de Termes feit son voyage, arriva à Turin le Comte Francisque de Landrian avec lettres du Marquis du Guast, par lesquelles il escrivoit au sieur de Langey, avoir receu une lettre envoyée de la part de la femme du seigneur Cesar Fregoze, denontiative du faict ad venu à la personne de son sieur & mary, dont il avoit esté autant emerveillé que de nulle autre chose qui luy eust sceu advenir; mesmes quand il la receut, il pensoit que ledit Cesar & seigneur Rincon fussent desja arrivez à Venise, pour avoir paravant dés Cazal, quand ils passerent, esté adverty de leur passage. Et qu'il estoit bien asseuré que le sieur de Langey estimois bien que l'inconvenient adveuu audit Fregoze avoit esté faict à son desceu, l'asseurant qu'il sentoit autant ceste chose, que si elle eust esté faicte en sa proprepersonne, pour avoir tousjours tenu les serviteurs du Roy en telle estime, & les avoir gratifiez autant que ceux mesmes de l'Empereur. Et pour-ce qu'il entendoit bien combien ce faict importoit, & le regret qu'en pour sient avoir

leurs majestez, il avoit determiné de faire user de toute diligence, pour entendre au vray comme la chose estoit passée, & si aucuns sur lesquels il eust pouvoir, estoient trouvez se estre empeschez, il en feroit faire telle justice & demonstration qu'il en seroit memoire, & que tout incontinant avoit depesché le capitaine de la justice de Milan, qui ne faudroit d'y faire son devoir, luy offrant que (si bon luy sembloit) il eust à envoyer quelque deputé de sa part avec ledit capitaine de justice, pour assister & voir ce qui s'en seroit, le priant l'advertir continuellement de ce qu'il pourroit entendre estre requis pour chastier ceux qui se trouveroient coulpables, comme il est necessaire & convenable à l'entretenemet de l'entière amitié d'entre leurs majestez, & à la satisfaction d'icelles. Or pentoit le Marquis avoir faict faire cest acte si occultement, & y avoir si dextrement pourveu que jamais la verité ne viendroit en lumiere, & par ce moyen abuser le monde par ses paliations.

L E sieur de Langey qui desja avoit l'ombre de la verité, cognoissant bien que tous les mandemens du Marquis n'estoient que siction & abus, ne luy feit response attendant nouvelles dudit sieur de Termes, duquel le lendemain il eut response en substance, que le Marquis ne pouvoit autre chose luy mander, simon ce que par le Comte Francisque de Landrian luy avoit desja faict sçavoir, mats bien le res mercioit de la bonne opinion qu'il avoit de luy, qu'il n'eust. voulu estre consentant ne participant d'une telle mechanceté, l'asseurant que jamais tel acte ne luy vint en fantasse. Ce neantmoins le sieur de Langey jusques à ce qu'il eust bien averé le faict, dissimula tousjours, faisant entendre au Marquis qu'il avoit estimé qu'il n'en estoit participat, pour craincte qu'il ne luy empeschast par tous moyens de verifier ladicte meschanceré. Bien luy manda qu'il ne trouvast mauvais s'il taschoit à descouvrir la verité, & si apres l'avoir cogneue il en advertissoit nostre S. Pere, Empereur, le Roy, le Roy d'Angleterre, & la seigneurie de Venise, & autres Potentats de la Chrestienté, à ce qu'ils jugeassent que si roupture de trefve advenoit pour ceste occasion (ce qu'il n'esperoit advenir) tout le monde cogneust de qui viendroit le tort: aussi qu'il avoit ja faict commencer les informatios, lesquelles il envoiroit devers le Roy son souverain

seigneur, pour en faire ce qu'il verroit estre bon par son conseil, & qu'il estimoit le Roy son maistre & son conseil n'avoit si peu de jugement, que de ne cognoistre la verité apres les avoir veues. Outre luy manda que le Comte de Landrian qu'il avoit envoyé devers luy, luy avoit faict entendre, qu'il estoit à craindre, que le Duc d'urbin qui avoit querelle contre ledict seigneur Fregoze, ou le Prince d'Orie pour j slousse de l'estat de Genes, eussent faict saire cest assaissinement, dont la verité par les informations qu'il esperoit estre parachevées dedans trois ou quatre jouts se cognoistroit, lesquelles le seur de Langey faisoit faire à Plaisance comme en lieu neutre, pour oster le doubte de falsité.

LE Marquis renvoya devers le sieur de Langey le Comre de Landrian, le priant luy donner addresse & moyen necessaire & à ce que ledict Comre peust aller & revenir seurement devers le Roy, pour luy faire entendre la diligence qu'il faisoit d'informer qui estoient ceux qui avoient esté executeurs ou participans de l'execution de l'acte tant execrable contre ses ambassadeurs, chose que le sieur de Langey luy accorda. Et par ce que par ledict Comte de Landrian le Marquis se plaignoit fort, dequoy le sieur de Langey faisoit si grande instance d'ayerer ledit assassinement, ne se voulant fier à la diligence que luy-mesme en faisoit, le sieur de Langey luy manda, que outre ses premieres plain ctes de la prinse ou assassinement dudir Cesar Fregoze & autres il avoit entendu qu'un paquet venant de Venise au Roy son maistre, & un autre de sa majesté allant à Venise, avoient esté destroussez sur le chemin en la Iurisdiction Imperiale par gens vestus à sa devise: qui estoit directement contrevenu à la trefve, & que pour ceste occasion luy prioit qu'encores que le destroullement n'eust esté fait par son sceu, de luy en faire raison.

DEVANT la response du Marquis arriva le Comte de Landrian retournant de devers le Roy, lequel apporta lettres dudict seigneur audict Marquis, par lesquelles luy mandoit avoir entendu par la bouche du Comte de Landrian ce qu'il luy avoit mandé, & que pour l'avoir tous-jours tenu homme vertueux, n'avoit voulu penser que tels actes eussent esté executez par son sceu, pour estre si odicux reprochables, estant seur que puis qu'il avoit moy en

Bo ini

d'y remedier, scachant où les dicts ambassadeurs avoient estépris, & qu'il pouvoit estre informé du lieu où ils estoient prisonniers, qu'ils luy seroient renvoyez puis qu'il y avoit puissance: car le Roy faignoit que les seigneurs Fregoze & Rincon sullent prisonniers & non occis, en intention d'attirer la confession de l'assassimement, par la bouche du Mar quis, ou bien s'il n'en estoit participant, il ne failliroit d'en

faire justice exemplaire. A v E c ledict Comte de Landrian partant de Turin pour retourner à Milan devers le Marquis, le sieur de Langey envoya le sieur de Termes, par lequel il feit entendre audist Marquis qu'outre ce que desjail luy avoit amplement mandé, ayant intention suivant le vouloir du Roy, & pout complaire à la grande instance que ledit Matquis luy avoit faite, de luy faire communication des informations faites, de l'execution commisse aux ambassadeurs du Roy, il avoit deliberé de les luy envoyer par ledict seigneur de Termes: mais estant pressé par le Comte de Landrian de partir si promptement, il n'avoit eu loisir de les faire doubler, & que pour le gratifier luy vouloit bien mander, afin d'en faire pu nition, & que l'aage presente ou future ne luy donnast blas me d'en avoir esté consentant: & que le sieur de Termes luy feroit entendre sommairement que luy sieur de Langey, & autres ministres du Roy, luy feroient apparoir du nombre, & des noms de ceux qui avoient executé le delict, de quelle nation ils estoient, & où furent menez les prisonniers, par qui, à quelle lieure, par quel chémin, avecques quel ordre, par quelle porte, & à quelle heure ils furent mis dedans leur premiere prison, à qui consignez, où ils furent logez, combien de temps ils y demourerent, par qui, à quel jour, & à quelle heure ils furent transportez, par quel chemin, avecques quel ordre, & par quel nombre de gens, Car entendez que le sieur de Langey pour mieux le verisser, retira au service du Roy aucuns qui estoient mesmes de la faction, & les mariniers, rant ceux qui avoient mené Fregoze, que ceux qui avoient conduict les foldats qui exercerent ceste ty rannie, que le Marquis avoit fait emprisonner au fons du chasteau de Pavie, pensant cacher la verité, par lesquels il entendoit comme les choses avoient passé, les ayant tirez dehors, par le moyen qu'il trouva de faire limer de limes sourdes les grilles estans au fons des prisons devers le fosse

du chasteau, & les feit mener à Turin, qui ne fut sans frais

& vigilance.

Ls s choses ainsi averées, le Roy renvoya devers le sieur de Langey pour entédre de luy quel homme il cognoissoit à propos, pour faire la legation, pour laquelle il avoit depesché le seigneur Antoine Rincon, & le moyé qu'il y avoit de le faire passer en seureté. Le sieur de Langey suy nomma le capitaine Paulin, capitaine de gens de pied, & depuis Baron de la garde, lequel des le commencement de l'assassimement il avoit envoyé devers sa majesté, & qu'il le seroit passer seurement jusques à Venise, ce qui sut fait, & seit tresbié sa charge ledit capitaine Paulin, de sorte que depuis le Roy

fen est servy en plus grandes affaires.

En ce temps estoit l'Empereur en Allemagne à une diette qu'il tenoit à Ratisbonne, où il accorda aux Protestans un interim, qui est autant à dire que jusques à ce qu'il y eust un Concile, qui determinast des difficultez de la religion, chacun interim pourroit vivre en la ceremonie qu'il avoit faict par devant: & par-ce moyen luy fut accordé à ladite diette, qu'aux despens du ban d'Allemagne le Duc de Sayoye seroit reintegré en tous ses estars. Aussi, peu apres Guil laume de Roquendolphe Lieutenant general du Roy Ferdinand fut deffaict devant Bude, où mourut vingt mille Allemans, par l'armée du Turc, où il marchoit en personne: quoy voyant l'Empereur cognoissant qu'estant en Allemague, & voisin de ceste grande perte, ne luy seroit honorable de n'aller au devant de cesdictes forces Turquesques, pour couvrir sa peur delibera de faire l'entreprise d'Arger, ne la sentant si difficile que celle contre le grand Turc. Aussi passant par Italie trouvant le Roy au despourveu, il peust luy donner une venue, aymant mieux laisser son propre patrimoine en proye, pour se cuider venger du Roy, lequel il avoit offensé par l'occasion de ses ambassadeurs, apres avoir receu une si grande grace, que de le laisser passer par son Royaume, & le favoriser à dompter ses subjects rebelles. Mais estant arrivé à Milan, & cognoissant que le sieur de Langey, qui estoit Lieutenant du Roy en Piemont, y avoit pourveu, de sorte qu'il n'y eust moyen de rien entreprendre, & mesme que le Roy avoit pourveu Marseille, & la coste de Provence, suivir son entreprise d'Arger, laquelle fut mal fortunée pour luy, ainsi qu'autres ont descrit, parquoy je m'en tay comme n'estant point de ma matiere, bien diray-je pour une parenthese, que l'Empereur estant à Luques parlementa avecques le Pape. Le Roy envoya devers eux deux deux de la raison de Fregoze & Rincon, dont il

n'eut response que frivole: revenons à ma matiere.

Le Marquis du Guast voyant ses entreprises descouvertes, & n'estre venu à la sin qu'il pretendoit d'entendre les desseings du Roy, par les instructions de Cesar Fregoze, & du seigneur Antoine Rinco, sans qu'il suy eust esté possible de les sçavoir de leur bouche, puis qu'ils estoient morts, & ayant advis que le Roy avoit envoyé demander reparation dudict crime tant à l'Empereur qu'aux estats de l'Empire, delibera d'envoyer à une diette (laquelle se devoit tenir en Allemagne, pour le faict de leur dessence contre le Ture) lettres pour se justisser, & accuser ceux desquels il estoit accusé: lesquelles surent presentées aux estats de l'Empire assemblez à Ratisbonne, & du depuis traduites de Latin en François, dont la teneur s'ensuit.

Lettres justificatives de
lament des
ambasadeurs du Roy
aux estats
d'Alemagropar le
Marquis du
Cuast.

A y A N T entendu que lon a contre toute raison rapporté à voz reverendissimes & illustrissimes seigneuries, que j'ay troublé le repos de la Chrestienté, rompant la trefve. d'entre l'Empereur & le Roy Tres-chrestien, je suis demouré long temps en doubte, si je devoy à telles objections faire response, par-ce que voyant la verité estre assez evidente, j'estimoy que d'elle mesme sans autre mienne justification, elle se pouvoit assez manifester, aussi me sembloit qu'en y. respondant, je seroy forcé de me departir de ma naturelle modestie, par-ce que voulant à relles imputations faire con venable response, je ne le pouvoy faire, sauf la reverence de qui m'a telles imputations donné. Considerant toutesfois que bien souvent la verité est si subtilement couverte & adumbrée de paroles, que sa lumiere luy peult estre ostée aussi entendant combien chacun doit à son honneur avoit esgard, il m'a semblé que si pour la desfence du mien, je ne m'efforçoy de remettre la nue verice en sa vraye, propre, & naturelle lumiere, je pourroy en quelque blasme & reproche encourir.

Doncous s'à voz reverendissimes & illustrissimes sei gneuries à esté donné à entendre, que les ambassadeurs du Roy Tres-chrestie ont esté tuez: que ses messagers ont esté DE MESS. MARTIN DUBELLAY. 37

blessez par gens vestus à ma devise: que d'Allemagne j'ay amené gens de guerre en Iraiie: & qu'à ce moyen on pre-

tend que de ma part y ayt roupture de trefve.

Au premier article, pour-ce qu'autressois j'ay esté nommé coulpable de tel essect, je diray à present pour ma justification une chose seulement. I'ossiy de constituer & moy & tous ceux que le Roy allegueroit suspects de cest affaire entre les mains de nostre S. Pere, asin que la verité par ce moyen sust cogneue & justissée, & depuis le partement de sa majesté je retourneray de reches à faire les mesmes offres or si cest offre paraventure sembloit à aucuns n'estre assez justissicatoire, j'en feray une telle à la fin de ceste leure, qu'en tre chevaliers elle pourra estre plus recevable.

A u second poinct, je ne respondray autre chose, sinon qu'allant rencontrer sa majesté Imperiale à Trente, vin-; drent avecques moy plus de trois nuille personnes habillez à ma devise, de maniere qu'autres que les miens ont peu estre vestus d'icelle. Et d'avantage quand j'auroy intention de vouloir que telle chose se seit, je sçauroy bien deguiser mes gens, en sorte qu'ils ne seroient si legerement

cogneus à l'habit.

QUANT aux Allemans qui sont passez en Italie, il m'a semblé que tenant le lieu que je tien pour sa majesté Imperiale, à moy touche d'y faire response. Sçachent dont voz reverendissimes & illustrissimes seigneuries, que ayant entendu que les François faisoient descendre en Italie de trois à quatre mille Suisses, & cognoissant que telle nation ne se leve pour garnison de villes, mais pour faction à la campagne, je depeschay le Comte de Lodron en Allemagne, pour faire levée de deux mille hommes. Et par la datte de mes lettres escrittes au Roy des Romains, & par le temps que sont partis les Suisses pour venir en Italie, il se cognoistra que desja les Suisses estoient en chemin' au-paravant que je donnasse ordre pour la levée desdicts Allemans: dont est que si par ce chef on tient que la trefve soit rompue, elle sera rompue par qui'a premierement conduict les Suisses, non par qui apres a conduit les Allemans. Cecy sera quant aux choses que je pense vous avoir esté escrites de moy, & si je vouloy passer outre, je pourroy paraventure dire que les courriers de sa majesté ont esté destroussez, & les lettres de sadite majesté detenues, qu'on a tenu pratieques és villes de sadite majesté, pour les surprendre & desrober, que Maran a esté prius d'emblée, & que par mer a esté au sieur de Gran velle donné la chasse.

LES QUELLES choses je ne puis entendre, comme on les puisse faire sans roupture de tresve, mais de ce je ne vueil pour le present faire plus specialle mention, me reservant à temps convenable à telle justification. Bien diray-je que ceux mesmes qui ont faict retenir les lettres de sadite majesté, se sont peu esclarcir par icelles quelle estoit son intention, en me donnant commission expresse qu'en aucune ma niere je ne seisse chose qui redondait à roupture de tresve, & telle estant l'intention de sa majesté, il n'est à croire que

les serviteurs doivent proceder au contraire.

ET puis que nous sommes entrez en ce propos de rouprure de trefve, je dy qu'estant faicte determination par une tressaincte deliberation du S. Empire, de prendre les armes cotre les ennemis des vrays Chrestiens, il me semble que qui voudra veritablement cognoistre dont procede ceste roupture de trefve, lon doit principalement regarder qui est celuy qui de la guerre entre les Chresties doit sentir aucune sarisfactio. Or scavet voz reveredissimes & illustrissimes seigneuries, quel interest a sa majesté Imperiale en la guerre contre les infidelles, de cobien grade affection elle, à ceste fin, a procuré l'union & accord de la Germanie, & combien aussi elle a ceste entreprinse à cueur: pour l'execution de laquelle il est certain qu'il n'y a meilleur expediant que la paix & union entre les Chrestiens. Ce presuposé, comme est il vray semblable que par les gens de sa majesté soit procuré de troubler ceste paix? & de detourber ce que de si grande affectió elle desire? Et qui est plusrost croyable d'avoir cherché d'empescher ceste entreprise, ou de la partie qui en est autheur, & continuellemens cherche que la paix se face, ou de celle qui de toute son estu de & engin se travaille à faire que la guerre ne se face conre les Tures? Quelle chose est plus à croire ou que son Imperiale majesté ayat une telle guerre que celle du Turc, vueille par entreprise de nouvelle guerre separer & des-unit ses forces, ou que ceux qui ne voudroient que ceste guerre se fist, cherchent par ce moyen de desunir seldites forces?

doive procurer que la puissance du Turc ne soit abaisséé, ou celuy qui de son abaissement espere son exaltation, ou celuy qui estime que l'exaltation de l'Empereur & de l'Empire soit sa depression & ravallement? La Germanie (tresserends & illustrissimes seigneurs) ainsi qu'elle est la plus grande partie de Chrestienté, ainsi est elle le sondement &

soustien de tout l'Empire. O R à qui appartiet plus qu' à l'Empereur de souhaitter & desirer qu'elle soit sauve & entiere? Certeinement à homme quelconques. Et comme peult elle mieux estre conservée; sauvée, & entiere, qu'en resistant gaillardement & vivement aux entreprises du Turc? Ne comme peult elle plus gaillardement y resister qu'en demeurant bien unié? Si ce-Ite union depend de son la lut, & si l'Empereur sur toutes choses desire qu'elle soit sauvée, comme est il vray semblable que luy en la des-unissant par autres guerres, vueille amoindrir ses forces pour mettre son salut en dager? Voz reveredissimes & illustrissimes seigneurs se vueillet reduire à memoire, qui est celuy qui cotinuellemet à cherché &cherche de tenir lesdites forces separées? qui est celuy qui ne voudroit point que les forces de l'Empire s'augmentassent? Qui est celuy qui avec les armes cherche de s'impatronir des choses à l'Empire appartenans? Qui est celuy qui ne voudroit point que la guerre ce fist cotre le Turc? Et par ce que pourrôt vosdits reverédissimes & illustrissimes, seigneuries asseurément juger que ceux qui sont en telle volonté, sont ceux mesmes qui pour des-unir la Germanie veulet interrompre le repos & tranquillité d'entre les Chrestiens, à ce que le S. Empire se faisant plus grand, ne vienne avoir puissance de recouvrer les choses qui luy appartiennent, & de peur que le pouvoir de l'ennemy de Iesus-Christ, ne soit avec l'exaltation de l'Empire abaisse & ruiné: contre ceux là me semble que justement se doit conclure estre recherchée la roupture de la trefve, & non contre aucun de son Imperiale majesté, qui est en diverse & contraire volonté.

M A 1 s pour ne perfisser longuement en ceste matiere, laquelle à voz reverendissimes & illustrissimes seigneuries doit estre desormais trop claire & evidéte, pour sur icelle se devoir estendre un long propos, je retourneray à mó parti-

eulier & dy que des choses susdites, ainsi que je les ay dites, ainsi me soubmets encores à la justification toutes les sois que de personne a qui la chose appartienne j'en seray requis avec le bon congé toutessois de son Imperiale majesté, la-

que le je suis asseuré qu'elle me fera ceste grace.

ET pour-ce qu'il y a deux voyes de se justifier, l'une civile, & l'autre chevaleresse, je m'offre à deffendre civilemet, que de moy n'est procedée roupture de trefve, & si aucun chevalier mon pareil me veult telle chose imputer, & me veille prouver son intention avec les armes, je dessendray qu'il dit le faux, & qu'autant de fois il aura dit le faux, quatesfois il m'aura donné ou donera telle imputation. A vous dire ce que deslus (reverendissimes & illustrissimes seigneurs) m'a conduict le grand desir que j'ay d'estre du tout justifié devant voz reverendissimes & illustrissimes seigneu ries, & si je sçavoy autre voye de me pouvoir plus clairement justifier, je ne faudroy de la mettre en avant, par-ce qu'en une entreprinse si juste, si religieuse, & si saincte, je ne voudroy que sur moy tombast un tant soit il petit souspeçon, que contre la religion Chrestienne je vousisse prendre les armes. Ie dy cecy par-ce que je sembletoy les prendre contre Christ luy-mesme, si nourrissant la guerre entre les Chrestiens, je donnoy empeschement à la guerre qui sentreprend contre ses ennemis: ainçois me reputeroy-je heureux si Dieu par sa grace me cocedoit qu'en une si glorieuse entreprinse j'espandisse mon sang, & rendisse mon ame à sa divine majesté.

Le sieur de Langey (auquel peu des actions du Marquis estoient incogneues) des que ladite lettre eut esté minutée, & avant qu'elle sust mise au net, en recouvra secrettement une copie, à laquelle il ne fallit de faire response, attendu que par icelle il estoit taxé, non ouvertement mais il se pouvoit cognoistre: & que davantage n'y estoit observée la modestie dont il devoit user en parlant d'un tel Prince tres-Chrestien que le Roy son souverain seigneur (car il l'accusoit couvertement) laquelle il envoya en latin, à messieurs des estas de l'Empire, ainsi que celle du Marquis, & en seit la traductió en Fraçois qu'il envoya au Roy

dont la teneur s'ensuit.

Vous pourrez paraventurestresfrevereds & tresillustres Princes) vous esbahir de prime face, qu'entre voz si grandes occupations sur la desfence & conservatio de voz païs, je me soy meu à vous escrire d'autres affaires, sous couleur de respondre à lettres enquoy je ne suis aucunement nommé:mais l'il vous plaist prendre la patiéce de lire, ou d'ouir lire ma lettre jusques au bout, vous trouverez à la fin, que l'occasion qui m'a men est conjoincte à celle dont maintenant la deliberation vous tient occupez, & que sans recevoir honte je ne pourroy faire moins: car encores qu'en la lettre à laquelle je respon, je ne soy expressement nommé, ceux toutesfois qui de plusieurs endroits d'Italie m'en ont envoyé des doubles, les m'ont envoyez en opinion qu'elle me touche, pour les raisons que vous mesmes en lisant cognoistrez. Et pleust à Dicu(tresreverens & illustres Princes) qu'à ceux desquels la juste plainte a induit le Marquis du Guast capitaine general & Lieutenant de l'Empereur en Ita lie, à vous escrire une sienne pretendue justification, mais en effect accusation d'autruy, à laquelle par ceste mienne je respon, jamais n'eust esté donné l'occasió d'icelle plainte. Si ainsi fust (tresreverens & tres-illustres Princes) je n'auroy presentement cause d'offenser voz publiques negoces, interrompre voz occupations pour entendre à moy, ce pendant que je confuteray, ou plustost vous monstreray, comme d'elle mesine se confute la remonstrance que vous faict ledit Marquis, en laquelle sous umbre de se vouloir justifier, il accuse autruy contre raison au contemnement & mespris de la grandeur & majesté du Roy mon maistre: qui est au cueur noble & hautain, le plus poignat & urgent esguillon qui soit à l'esmouvoir & ineiter à vengeance, & le forcer à le ressentir par essect (toutessois à son grand regret & desplaisir) du lourd, & infame outrage que presentemét j'ay à vous deduyre: je dy (messieurs) à son grad regret, car telle est la verité, ainsi que Dieu à soy mesmes est tesmoing, & aux homes en font foy la precedente tant gratieuse poursuitte, & la tant patiente & longue attente de la reparation dudit outrage, dont a ledit sieur Roy usé jusques icy.

OR se plaint (messieurs) ledit Marquis que lon vous a donné à entendre qu'il est infracteur de la tresve entre le Roy & l'Empereur, & turbateur à ceste cause du repos & bien de la Chrestienté, tant pour le meurtre comis és personnes des ambassadenrs dudit seigneur Roy, & aucus ses messagers assaillis & blessez par gens vestus à la devise du dit Marquis, que pour quelque levée de Lasquenets venus

pour luy en Italie.

Du faict des ambassadeurs, il sexcuse par un offre qu'il dit avoir faicte de se representer, & ceux que le Roy en nomeroit coulpables entre les mains de nostre S. Pere, asin que la verité du faict sut cogneue. Des messagers, par un grand nombre de gens qu'il accompagnerent au devant de l'Empereur habillez à sa devise, concluant qu'autres que les siens en auront peu estrevestus, qui paraventure auront commis le cas: aussi que s'il eust à ses gens commandé faire une telle execution, il les eust bien sceu desguiser, en sorte que à l'habit on ne les eust cogneuz. De la levée des Lansquenets il s'excuse sur la precedente levée des Suisses qu'il

dit avoir esté faicle par le Roy.

QUANT aux ambassadeurs, ayant esté le Roy tres-Chrettien par moy adverty & informé pour le devoir du lieu que je tenoy pour luy, tel que ledit sieur Marquis tenoit & le tient pour l'Empereur en Italie, que ce mal-heureux assassinement avoit esté faict en la jurisdiction Imperiale, & sur le Pau, riviere si marchande que jour & nuict gens y naviguent ordinairement, en descendant, ou montant au long de l'eau de sorte qu'il estoit mal croyable que sans le sceu dudit Marquis il fust advenu: & qu'il avoit esté executé par des Espagnols qualifiez, estans soubs sa charge,& refidans au tour de sa personne : informé aussi que par diverses portes, & apres plusieurs allées & venues du chef de l'entreprise, vers luy, & lettres sur lettres de luy audit chef d'entreprise, eux sortirent un soir de Milan, & se rencontrans par chemin arriverent de miich au chasteau de Pavie: & que dudit lieu, prenant en leur compagnie autres Espagnols dudit chasteau, ils s'allerent embuscher sur le Pau, où ils feirent quelque sejour, jusques à ce qu'ils eurét executé leurdite entreprise, qu'ils s'en retournerent menans prisonniers avec eux tous ceux qui au batteau desdits ambassadeurs, tat barquerols qu'autres qui demeureret en vie. Item qu'iceux prisonniers furent quelques jours apres amenez & conduits ailleurs, en la puissance toutes fois dudit Marquis. A yant d'avantage esté ledit seigneur informé, que iceux Espagnols apres ceste infame executió; l'estoient rezirez vers ledit Marquis, monstrans en apparence de plus-

tost en esperer recompense, que d'en craindre aucune punition. Vous pouvez peler (messieurs) que pieça ledit seigneur pouvoit estre asseuré, que ledit Marquis en estoit consentant ou coulpable, quoy que ce soit, inexcusable, que sangrande negligence en sa charge, il fust advenu: ma is pource que par une sienne lettre il baptisoit cest acte du nom de meschantise, qui estoit pour donner occasion de penser au moins qu'ainsi le baptisant il ne vouloit que lo creust qu'il en eust voulu estre participant ne consentant. Le Roy à ceste cause gratieusement luy manda par lettres, & quelque temps apres à l'Empereur, & depuis à nostre S. Pere, comme autheur & protecteur de la trefve, & derechef audit seigneur Empereur avec la protestation pertinente, que repation luy fust faicte de cest outrage, au moins contre ceux qui l'avoient executé: & peult estre qu'il eust passé la chose sous dissimulation, sans chercher expressement le scandale dudit Marquis, se contentant de laisser au jugement de l'aage presente ou future, s'il estoit possible de croire que telle chose fust advenue avec les circostances cy dessus specifiées sans estre venu à sa cognoissance.

O R voyez vous (messieurs) combien il y a proffité, combien de temps, combien patiemment il a attendu que quelque raison luy en fust faicte, & combien impudemment ledit sieur Marquis se couvre de l'offre qu'il vous allegue & met en avant. Car s'il eust eu tant soit peu d'envie (comme il s'en vante) de faire sortir en lumiere la verité de cest affaire, eust il pas bien esté en son pouvoir, laissant seulement en liberté les uns & les autres barquerols qui en pouvoient parler veritablement & de veuë, & qui n'avoient aucune oc casion d'en devoir en faveur de l'un ny de l'autre mentir? Mais il a fai&(messieurs)tout le contraire, car outre la deention d'iceux (desquels toutesfois j'ay recouvré aucuns schappez de ses prisons) il a faict publier des edits penaux s lieux où le faict pouvoit estre cogneu, que nul fut si harly d'en deviser: & oultre les maltraittemens faicts à ceux jui desja en ont parlé, a caressez, honorez, & creuz en estat eux non seulement qui ont executé l'entreprise, mais ceux ussi qui ont travaillé à desguiser la verité. Qui sont (mesieurs)aces & voyes de telle nature, que non sans cause le l'oy tres-Chrestien a refusé d'accepter la protestation contraire aux effects de laquelle faisant mention en cest endroict ledit Marquis l'a recitée plus grasse, qu'à la verité paraventure il ne la feit, ou (comme je le vueil croire) ne se sou venant plus de si loing: car j'ayme mieux dire (messieurs) qu'il en ayt eu mauvaise souvenance, que qu'il ayt voulu à son escient mentir devant vous, c'est à dire, devant la lumiere de tout le monde. Encores me plaist il (messieurs) que je n'ay autre moy n sans le charger iterativement d'impudence, de confuter l'autre combien que soit stivolle l'excuse qu'il met en avant touchant les messageis du Roy assaillis par gens vestus à sa devise: & que contre le faict cogneu & verifié, il ait ofé alleguer raisons & conjectures si mal sondées, que de dire, qu'il eust bié sceu s'il eust voulu telle chose commander à ses gens) les desguiser en sorte qu'à l'habit ils n'eussent esté cogneuz : aussi que pour mostrer qu'autres que les siens l'ayent peu faire qui se soient vestus de sa livrée, il se couvre de dire, que luy allant au devant de l'Einpereur à Trente, avoit bien avec luy trois mille hommes ve stus à la devise.

Q u A N T à ce dernier poinct, je ne le vueil aucunement contredire, ains l'advouë sans difficulté, m'en rapportant à ceux qui par force l'accopagnoient, contrains de se vestir armer, & monter à leurs despens ont pour y sournir engagé si avant leur patrimoine, qu'ils n'ont à present moyen de satisfaire aux tyrannicques impositions, que journellement il leur met sus. Mais quant à l'invasion, je voudroy, puis qu'elle ne se peult contredire, par ce que les officiers de la seignéurie de Venise; és pais de laquelle est advenue ceste in vasion, ont pris & executé à mort les delinquans, non seulement vestus de la livrée, ains souldoyez en la garde dudit seigneur Marquis, que luy au lieu d'alleguer ceste mensongere negative excuse, se fust plustost attribué l'hon neur de les avoir faict luy-mesines executer jusques esdites terres de la seigneurie, & pourchassé que lesdits officiers en fissent justice. Mais il a de si long temps esté dit, & tant de fois que plus il n'é fault douter, & prouvé que qui une fois a passé les bornes de honte, il fault que tost apres il devien. ne apertement & naifvement impudent, & tellement (melsieurs) que l'homme plongé en ceste impudence, ne pense plus que la chose dont il n'a honte, semble à autruy hon-

teuse ny reprochable, comme vous le pouvez contre les deux prealleguez exemples, non moins facilement cognoistre, par-ce que pour se couvrir de la levée de ses Lansquenets qui seroit acte fort aise à reparer, s'il n'y avoit autre occasió de roupture, & si en autres choses il n'eust ja esté procedé aux effects) ledit Marquis (meffieurs) vous allegue une raison, & qui par nous advouée, ne peult aucunement le relever, & qui encores qu'elle soit malitieusement deguisée! ne le peult toutesfois estre à bonne partie de vous: car il ne luy sert de dire que noz Suisses estoient en chemin au téps & datte qu'il escrivit au Roy des Romains pour sadite levée de Lansquenets, si bonne partie de vous sçavez tresbié, que dés le mois de lanvier & quelque temps au-paravant, il avoit desja envoyé retenir les capitaines & ordoné qu'ils fusient prests à son premier mandement, si desja il s'estoit renforce d'Espagnols, il avoit desja faict grosse cruë de chevaux legers, il avoit desja depesché les capitaines d'un fort gros nombre de gens de pied Italiens, desja faict publier edict au Duché de Milan, que tous soldats & gens de guerre dudit Duché, cussent à se faire enroler és bandes d'iceux capitaines, sur grosses peines contenues en son edict. Encores pouvoy-je adjouster mille autres preparatifs de guerre, come fortifications de places au prejudice de noz capitulatios fonte de nouvelle artillerie, amas de pouldres & autres munitions, pont à passer rivieres, eschelles à assaillir places, cas? sons à porter pain en camp: & autres tels equipages qui se faisoient au pres de nous, secrettement, mais en extreme dili gence. Et quand tout cela ne seroit (ce que si) & que le Roy auroit faict la premiere levée, voire commencé la guerre ef fectuellement, quelle guerre fut oncques à plus juste cause commencée, que pour la vengence de l'assassinement d'ambassadeurs, la reparation duquel il a si gratieusement poursuivie, & patiemment attendue, & apres toutes les solénitez & protestations requises, desesperée?

O R puis que ceste deduction nous a ramenez au propos de l'assassiment, qui est en essect l'estat & sondement de ceste matiere, considerez (messieurs) encores que ledit sieur Marquis employe tous ses esprits, pour artisscieusement s'en justissier, comme il se couvre, neantmoins si pau vrement, que la verité de toutes pars y aparoist claire comme le jour, & comme en disant une chose, & taisant une au tre, & tournoyant ainsi qu'vn chien, qui ne sçait où trouver le chevet à se reposer la teste, il ne frachit toutes sois le sault de simplement & ouvertement nyer ou advouër le faict. Seulement dit qu'il s'est voulu representer devant nostre S. Pere: & puis en la fin de sa lettre (où il sémble qu'il vueille saire peur aux gens d'entrer en camp sur ceste querelle) il ne conclut point absolutement à propos sur cest article, ains par astuce & cauteleusement baille le moyen pour se reserver tousjours une porte ouverte à s'en retirer hors si bon

luy femble. SECONDEMENT vous voyez, que tout ainsi qu'un homme surprins à l'interrogatoire, & qui ne se trouve bien estofé de response, a de coustume de se sauver par quelques autres diverses interrogations: ainsi ledit Marquis voyant sa justification si froide, qu'entre gens de bon esprit, elle peult estre prinse & interpretée pour une tacite confession, court maintenant aux subterfuges de contre accusation, disant que s'il vouloit paraventure pourroit il mettre en avat (ce qu'il faict) que du costé des gens du Roy lon a surpris quelques courriers Imperiaux, retenu les lettres de sa majesté, entretenu des praticques és terres de son obeissance, prins la place de Maran d'emblée, & au seigneur de Granvelle donné la chasse par mer. Apres ceste presuposition coclut en demandant (comme de question dont il ne se peult resouldre) comme telle chose sans roupture peult avoir esté faicte en temps de trefve. Ie le releveray (messieurs) facilement, & par un seul mot de ce scrupule, c'est que celuy ne rompt la trefve qui se revenche, & contre l'infracteur d'icel le il est permis à l'offensé de s'en venger en quelque sorte & maniere que ce soit, & mesmement quand la reparation de l'offense luy est non seulement deniée, mais est par l'offendant perseverée, comme à present d'acumuler & adjouster offences sur offences, deprisant, contemnant, & vilipendant si ouvertement & indignement la grandeur, puissance, & majesté de l'offence.

O R quand je n'auroy comme j'ay ceste juste response absolute & universelle, qui subvertit & rue par terre le fondement & pied de la contre accusation dudit Marquis, encores pourroy-je particulierement respondre à chasque article. Car quant à la plainte que cest hyver le Marquis me

feit entendre par un trompette, que sur le chemin en un certain bois raillis, entre les villes de Cony & Fossan, un coutrier venant d'Espagne avoit esté detroussé de ses bouges, pacquets,& argent par gens de cheval armez, dont ceux que ledit courrier souspeçonnoit, luy furent representez lequel les deschargea, & sur la plainte on envoya gens avecques luy revisiter le bois, qui est situé au mi chemin desdites deux villes, qui toutes deux sont de la jurisdiction Imperiale, & non de celle du Roy, ne pres d'aucunes de ses garnisons, je pourroy dire qu'audit bois furent trouvez plusieurs pacquets espars çà & là, ouverts les uns & les autres, entre les autres aucuns pacquets de l'Empereur adressans à nostre S. Pere: qui est chose assez donnant à penser, que ceux qui detrousserent ledit courrier, le feirent pour avoir son argent,& non pour crocheter les lettres de l'Empereur,& que fil les eussent voulu crocheter, aussi bien eussent ils crocheté celles qui alloient à nostre sainct Pere, comme les autres. Aussi pourroy-je dire qu'il n'est à croire que les soldats Royaulx eussent deviné ny le jour, ny l'heure, ny le lieu que devoit passer un courrier venant d'Espagne avecques lettres, pour ainsi se trouver à point pour se detrousser: & aussi peu eussent ils sceu deviner que le courrier qui estoit un courrier ordinaire de depesches de bules & de marchas, eust deu apporter la depesche & pacquets de l'Empereur: & que si de long temps ils eussent esté embuschez en armes, attendans que ledit courrier passast, & que durant la longueur du temps, ils n'eussent esté par les allans & venans decouvers & cogneus, je laisse à un chacun penser s'il est croyable. Encores pourroy-je dire que ledit courrier dist luy-mesmes, en dechargeant ceux qu'il avoit souspeçonnez (qui sont gentilshommes servans le Roy sur chevaux legers)que audit Cony où il arriva vers la minuict, on l'avoit bien amusé deux heures avant que luy bailler chevaux de sorte que lon peult penser (& luy n'en estoit sans soupçon)que les propres hommes de Cony sçachans qu'il avoit argent en ses bouges, l'eussent tout à propos arresté, pour ce pendant gaigner temps pour faller mettre en embuscade. Et qui me pourroit ayder à le croire, c'est que je me suis trouvé autrefois avoir faict pendre en la jurisdiction du Roy, pour crimes commis & preparez en icelle, un homme qualifié subject & employé au service de l'Empereur, qui a

confessé par son proces avoir faict delicts, actes, & assassincemens contre les propres soldats Espagnols, & les avoir tuez & meurdris de guet à pens, sans autre occasion que

pour avoir leur argent.

ET quant au faist des praticques que dit le Marquis avoir par nous esté entretenues en ce pais, sur vills & places de l'obeillance Imperiale, s'il en parloit plus eivdemment & designoit le temps, les places, & les autheurs d'icelles praticques, ou je luy nieroy absolutement, ou luy diroy ainsi que la verité porte, que luy & les siens ont faict le semblable fur les nostres: encores pourroy dire d'avantage, que si bien il est prohibé de surprendre les villes l'un de l'autre en temps de trefve, il n'est toutes fois prohibé de prester l'oreille à qui se vient offrir, ny de preparer & entretenir des praticques & moyens de pouvoir endommager son ennemy apres la trefve expirée & rompue. Et quant à la prise de Maran, certeinement je pourroy dire qu'oncques elle n'adyint du consentement, participation, ny sceu du Roy, ne de gens qui eussent charge, ny maniement de ses affaires: & que si quelqu'un veult maintenir de si, se trouveront des hommes prests à soustenir le contraire avec les armes & la yerité. Vray est que ceux qui l'entreprindrent & l'executerent, cognoissans bien que sans gros adveu ils n'estoient suffisans à longuement tenir leur prise, & advertis de cesdits outrages faicts par les gens de l'Empereur au Roy, & sur-ce pensans que vray semblablement ledit seigneur seroit bien aile de recouvrer une telle place en contreschange à recouvrer ses ambassadeurs fils estoient vifs, ou pour commencement, sils estoient morts, d'en executer la deuë vengeance, bien tost apres haulserent les bandieres de France, & envoyerent offrir la place au Roy, avec langage toutesfois equipollent à protestation, qu'à son refusils trouveroient autre à qui en faire marchandise. Et se laisserent messieurs) entendre sur ceste marchandise, de telle maniere qu'il estoit facile à cognoistre qui seroit le marchand & que la marchandise seroit prejudiciable & à nostre S. Pere, & à l'Empereur, & à la seigneurie de Venise, à chacun en particulier, & universellement à toute la Chrestienté.

'Surou or (messieurs) le Roy voyant en quelle importance & consequence estoit cest affaire, en communiqua incontinant aux ambassadeurs des dessudits estans rie;

re sa majesté, qu'ils en escrivissent à leurs seigneurs, en leur declarant, que si dedans le temps avec eux accordé ne luy estoit par les tusdicts seigneurs envoyé meilleur advis, il accepteroit ladicte place, non pour la tenir comme sienne, car elle ne luy est, ores qu'il y eust juste tiltre, d'aucun service ny commodité, mais pour eviter qu'elle ne tombast en telles mains de tel que la Chrestienté en receust dommage, & pour apres en faire en temps & lieu ce qu'à un bon & juste Prince appartiendra d'en faire. Le vous laisse à juger (mesfieurs) que pouvoit faire le Roy en ceste occurence, sinon qu'il eust faict rendre la place au Roy des Romains, ce qui n'estoit, ny pouvoit estre en sa puissace? Y pouvoit-il pourvoir avec plus grande satisfaction, ne dudit Roy, ny de l'Empereur son frere? Le Marquis par-avanture dira (& de ce par l'ambassadeur de l'Empereur a esté faict remonstran ce) que ledit seigneur Roy devoit faire prendre le gentilhomme qui luy estoit venu offrir ladicte place, & le faire pendre s'il ne la rendoit au Roy des Romains: mais paraventure quand il l'euit faict pendre, la place n'eust pourtant esté rendue: & puis si les Imperiaux pensent estre louables à leur maistre de violer le nom sacrosainct de Legats & de messagers, ne tenir compte du droict des Gents, n'avoir ne tenir aucune chose saincte & inviolable, le Roy n'a institué sa vie de ceste sorte, & n'est raisonnable que les droicts que pour soy-mesme il ne voudroit violer, il violast pour autruy, melines de celuy qui pour l'offencer les viole, & monstre par les effects ne penser estre mis en ce monde, que pour l'essayer à le ruiner & desfaire.

R E S T E (messieurs) à respondre sur ceste chasse que dit le Marquis avoir esté donnée au sieur de Granvelle. Or je vous demande (messieurs) attendu qu'estans n'agueres sortis hors de wlpian Cesar de Naples, & autres capitaines Imperiaux, & venuz de nuict avec grosse trouppe de gens de cheval & de pied, jusques aupres de ceste ville de Turin, sur laquelle principalement il abbaye comme le chien apres le cers: monsieur le Marquis du Guast ne veult touresfois que je doive juger ny penser qu'ils y vinssent en intention de la vouloir surprendre, combien que je sçache que ce temps-pendant estoir à Quiers, ville distante de cinq mille de ceste cy, autre gros nombre de soldats Imperiaux prests à marcher quand il leur seroit mandé:combien encores qu'un gentilhomme atiltré pour mettre le feu en certaines maisons pour occuper chacun à l'estaindre ce-pédant que lon proposeroit les eschelles aux murailles, ait e-Ité prins par noz gens, attainct & convaincu du faict lequel il a confessé, & apres les deues confrontations a esté mis en quartiers: attendu (dy-je) ce que dessus, est il raisonnable (Messeigneurs) ores si je vouloy advouer que les capitaines des galleres du Roy estans au port, & voyans autres galleres en mer se mettre à la fuitte, qui est donner occasion de se faire suivre, fussent sortis hors, & les eussent poursuivies quelque espace, que pour ce le Marquis se doive promettre & juger, qu'ils le fissent soubs intention de courir sus audit sieur de Granvelle? A la verité je tien tant de vostre prudence, jugement, & equité, que vous ne voudriez luy estre loisible, qu'il face une pour luy, & autre pour moy: ne que toutes ses conjectures, desguisemens, & palliations soient tenues pour effect & verité, & que mes veritables allegations & mes expositions des effects ja ensuivis, soient au contraire repudiées ou resutées. Icy pourroy & me seroit loisible parler de luy en ceste matiere plus librement, mais je vueil sans protestation me contenir en la modestie en laquelle il avoit protesté de se vouloir contenir,& ne l'a faict.

VRAY est qu'en cest endroit il pourroit dire que si bien il est sorty des chanseaux esquels il estoit enclos par sadicte protestation, de vouloir dire seulement ce qui serviroit à se decoulper, sans coulper autruy, & ce qui seroit prejudiciable à son honneur, a toutesfois tousjours tenu un pied dedans lesdits chanseaux: & en ce pourroit se couvrir de dire, que si ores obliquement il accusoit autruy, ce n'estoit toutes fois sa principale intention, mais une forcée retorquution pour asseurer & fortisser sa justification, & faire apparoistre que si ores il auroit faict quelque chose contte la trefve, il l'auroit faict non volontairement, ains provoqué par precedantes praticques & contraventions. Luy soit donc permis jusques sur ce poinct de se couvrir sur ceste excuse: mais à ce que si apres il deduit trop plus au long & trop vehementement qu'il n'a deduit sadicte pretendue justification, qui autant luy sert, que contre la pluie la couverture d'un sac mouillé, il ne sçauroit dire qu'il soit, ainsi

qu'il advient, coulé d'un propos en l'autre ains appert que par volontaire deliberation, il va cherchat, comme jusques soubs terre, occasion d'accuser le Roy & de calomnieusement abuser de son nom, en hayne, envie, & malveuillance de toute la Chrestienté. Mais si Dieu, tresreverens & tresil-lustres Princes, qui luy-mesmes est la verité, me preste vostre benevole audience, ce pendant que je designeray, sans autrement deduire les moyens de respondre aux articles escheuz de ceste accusation, j'espere en luy, que la verité victorieuse trouvera lieu pour s'arrester, & sermer entre vous quelques traverses, calomnie, & fauseté qu'il luy ait don-

nées, ou pensé donner.

LEDICT sieur Marquis assiet (Messieurs) l'estat de son accusation, sur un si sainct fondement, que s'il batissoit de mesmes, il pourroit conduire un aussi sainct œuvre, comme pourra estre maudit celuy que lon peult esperer de la manu facture, & taille des matieres & estoffes de sa structure. Ce fondement est la veritablement saincte resolution qu'avez prise entre vous de convertir voz armes à l'encontre de l'ennemy des vrais Ghrestiens. Sur ce fondement se doit bastir un sainct discours, une meure deliberation, sans haine, sans faveur, & sans envie, avecques tous les preparatifs & moyés requis & necessaires, pour avec la propitiation de Dieu, bien commencer, heureusement conduire, & glorieusement met tre ceste saincte resolution à fin: mais au contraire ledit sieur Marquis y fonde une calomnieuse accusation, d'un tres-Chrestien Roy, d'un Roy vostre amy, d'un Roy qui aurant qu'il luy a esté possible, & autant que la permis la malignité de ceux qui contre luy retorquent la propre coulpe dont ils se voyent attains, a empesché que la tempeste ne tombast sur vous, pour à laquelle remedier vous estes maintenant en peine & en travail. Il est bien vray qu'il ne vous nomme point le Roy, mais pour le tirer plus avant en haine, il touche comme du doigt dessus, en le vous representant tel, non peint, comme lon dit, de ses couleurs mais comme avant la fin de ma lettre vous cognoistrez des leurs indignement & malheureusemenr desguisé.

O R veult-il que vous croyez (tresillustres & tresreverends Princes) que le Roy sans en avoir occasion entend recommencer la guerre entre luy & l'Empereur, pour empescher l'execution de la vostre contre le Turc, ou pour le

moins la reduire en trop plus grande difficulté, pour la desunion & separation de voz forces: veult aussi que ce nonobitant vous croyez que ledit seigneur ne vueille aucunement que lon vienne à faire celte entreprise. Certeinement (messieurs) en presupposant l'un estre vray, qui est entierement faux, je penseroy que tout au contraire le Roy devroit par toutes voyes possibles faire conseiller à l'Empereur de se jetter à la campagne, & de haster ceste entreprinse, asin de ce pendant que les forces teront occupées, avoir de luy meilleur marché: car s'il est vray contredit qu'il veult entreprendre guerre, il doibt chercher d'en faciliter la victoire, & qui divise les forces de son ennemy la facilite: doncques doibt qui contre aucun veult entreprendre guerre, chercher de diviser & desunir ses forces : parquoy doibt le Roy l'il veult entreprendre guerre coutre l'Empereur, tel & si puissant ennemy, desirer & non craindre ou empescher qu'il entreprenne la guerre contre le Turc, c'est à dire qu'il des-unisse les forces, & qu'il luy facilite & avance la victoire.

Vous avez (Messeigneurs) ce que pour maintenant je vous vueil dire quant à ce point: suyvons à veoir les demon. Arations & ratiocinations dudict Marquis, lequel proposant l'interest (il a voulu dire le prouffit que peult l'Empereut esperer en ces armes ainsi par vous prinses contre les infideles) presuppose combien il a ceste entreprise à cueur, & qu'en ce il y propose son prossir. Finablement il continue ses argumentations, se confondant en multiplicité de sylogisines, en inutile reditte de mesme langage, & interrogatoires, de vehemence hors de propos, sçavoir est, commeil seroit vray-semblable, que par les gens de l'Empereur fust procuré la roupture de ceste paix & union? Comme croyable, que luy ayant prins une telle guerre contre le Ture, veuille par entreprinse de nouvelle guerre des-unir ses forces? Qui est celuy qui plus que luy peult desirer que la puissance du Turc soit abbaissée? A qui touche plus qu'à luy de desirer que la Germanie soit conservée, sauve, & entiere? Par quel moyen peult elle mieux estre conservée, que par resister gaillardement & vivement aux forces du Turc? Par quel moyen se peult entédre que plus gaillardemet elle y reliste, que par estre ensemble bien d'accord & unie? S'il est vrai-semblable que lux la desirant sauve & entiere, que

luy sçachant que tout depend de ceste union, vousust, en la des unissant par autres guerres, amoindrir les sorces, & mettre le salut d'icelle en danger? Apres (messeigneurs) il vous requiert avoir souvenance qui est celuv qui a cherché de tenir les dictes sorces separées? Qui est celuy qui ne voudroit que celles de l'Empire saugmentassent? Qui est celuy qui avec les armes cherche de s'impatronir des choses à l'Empire appartenans? Et veult pour conclusion, que de celuy la on pense que soit procedée la roupture de la tresve, le trouble & le travail que lon craint en la Chrestienté.

V E N A N T au premier article, j'avoue & croy certainement, & en faict foy l'experience, que l'Empereur ne desire rien plus que le ravallement, non seulement du Turc, mais aussi de tous les Princes & l'otentas de quelque tiltre ou loy qu'ils soyent, moyennant que sa grandeur seulement en resulte. Au second point, jé dy, que veritablement à luy appartient de souhaiter que la Germanie demeure sauve & entiere, mais côme il en œuvre vous le pouvez cognoissire par les essects: quand par son immoderée ambition & cupidité, resusant l'honneste moyen que ceux qu'il accuse luy bailloient: de vous faire jouyr paisiblement, & en repos de voz honneurs, il vous a volontiers attiré sur les bras un tel ennemy, que pour sa temerité les Chresties ont perdu de son regne, autant ou peu moins de païs qu'il leur en demeure & reste.

S un le troissesseme, quatriesseme, & cinquiesse articles, je confesse que le moyen d'étretenir la Germanie sauve & entiere, est de gaillardement resister à ses ennemis. Ie confesse que le moyen de gaillardemet y resister, est de la tenir unie, & je confesse qu'il ne voudroit point en la desunissant par autre guerre separer & amoindrir ses forces: mais pour quoy donc ques sçachant cela ne s'est-il gardé de bailler au Roy ceste inevitable occasion de rentrer en guerre? Veult il par ceste frivole argumentation de ce que vray semblablement il a deu saire, vous faire croire le contraire de ce que la veue

decouvre qu'il a faict?

Sur le sixiesme poinct, ie dy, qu'à mon advis, & de tout homme de sain jugemet, celuy ne cherche de tenir voz forces separces, qui à chacune fois qu'il a sceu quelque scintile de division entre vous, s'est efforcé d'y remedier ainsi

que tousjours a fait le Roy mon maistre, comme plusieurs de vous estes resmoings, & de quats voyages par son commandement j'ay faicts vers vous, pour vous exposer & declarer les moyens qu'il a estimé raisonnables pout vous reduire (quant entre aucuns y a eu differant) en mutuelle reconciliarion & amitié. Au septiesme article, je dy, que ceux qui ont voulu demembrer les fiefs mouvans de l'Empire, pour iceux eriger en particulieres seigneuries, non recognoissantes ledict sainct Empire en souveraineté, ceux qui en la journée d'Ausbourg refuserét de consentir, que ce qui sans aucun leur coust ou danger seroit par l'Empire conquis ou recouvré contre le Turc fust acquis en la table dudict Empire, ains ont particulierement contendu qu'il fust acquis & applicqué à leur particuliere maison: ceux là sont ceux, qui non seulement ne voudroient que les forces de l'Empire s'augmentassent, mais qui pourchassassent à les affoiblir & diminuer. Au dernier article, que ceux la mesmes sont ceux qui se veulent impatronir des choses audict Empire appartenans, & non ceux qui justement demandent à estre redintegrez à leurs anciens patrimoines, mouvans & tenus en fief dudict S. Empire, offrans d'en faire & user ainsi qu'à bons & sideles vassaux appartient,

I r vous ay (messeigneurs) esbauché la matiere, à laquelle ne restera (si par cy apres en estoit besoing) sinon luy bailler les traicts, & le polissouer, pour plus clairemet vous representer les choses, & plus diligemment les deduïre, en consutant distinctement les argumentations dudict sieur Marquis. Ce que je ne pense devoir advenir, si bien je cognoy vos prudences & sinceres jugemens à discerner la verité de la mensonge, & pour-ce me semble que sans plus longue argumentation, je vous puis bien conclusivement dire. Qui est celuy qui trouble la paix & union des Chrestiens? qui rend difficile l'entreprise contre les insideles? qui contre Iesus-Christ mesmes prend les armes? si comme conclud le Marquis, celuy les y prend, qui entrevient la

guerre entre les Chrestiens.

Vous m'advourez (trestreverends & tresillustres Princes) si celuy qui renouvelle la cause de la guerre, la suscite, si celuy qui la suscite, empesche, & rend difficile l'executio de la guerre contre les insideles, que celuy donques empesche & rend ceste execution dissicile, qui a renouvelé la cause de guerre entre les Chrestiens. Aussi m'advouerez vous, si la cause de ce renouvellement procede (ce qu'elle faict) de l'outrage faict au Roy, en la personne de ses ambassadeurs, inhumainement & contre le devoir des gens, assassinez & meurdris: si ceux qui les ont assassinez & meurdris sont gens de l'Empereur, que ceux donques sont à l'Empereur qui ont doné cause & comencement de renouvellement de guerre. Encores m'advourez vous que celuy advouë l'outrage qui peut & ne chastie ses gens quand ils l'ont faict, que qui advouë l'outrage, faict l'outrage, & que celuy donques a faict l'outrage, qui quand par ses gens a esté faict, l'à peu & ne l'a chastié. Tant y a que l'Empereur a peu & n'a chastié l'outrage faict au Roy en l'assassinement desdictes ambassadeurs: l'Empereur donques advoüe cest outrage, l'Empereur donques a faich l'outrage, l'Empereur donques en faisant cest outrage est cause de renouveller la guerre, l'Empereur donques trouble la paix & union des Chrestiens, l'Empereur donques empesche & rend difficile ceste entreprise contre les infideles, & pour conclurre l'Empereur au dire & induction du Marquis, prend les armes contre Iesus-Christ mesmes, entretenant la guerre cotre les Chrestiens.

Vous voyez (messeigneurs) comme ces silogismes & enthymemes procedent (au pris des autrès) rondement, selon la vraye raison dialectique: voyez comme ils subsistent & sont fer mes & invincibles, par-ce qu'ils sont fondez sur verité: quelle chose doncques replicquera le Marquis en cest endroict ? S'il ne veult que quand le Roy aura receu de l'Empereur un aussi grand outrage qu'oncques en sut faict à Prince de sa qualité, il le doibt toutessois endurer & supporter patiemment, si l'Empereur apres se vante de vouloir faire entreprinse contre les infideles: mais qui est (Messeigneurs) plus infidele que celuy qui n'a ne soy ne loy?à qui n'est riens sacrosainct, respect, moyennant qu'il luy en viene quelque proufit, qui tient loisible tout ce qu'il luy plaist, qui ose tout ce qu'il estime loisible, & qui en tout ce qu'il ose, se targue toutesfois contre la revenche, pour l'escrier à tout le monde qu'on le veult troubler & empescher és sainctes entreprises qu'il embrasse pour la foy? Mais ne sçavons nous pas bien (messeigneurs) que toutes ses belles entreprinses dont il fest couvert & couvre, ne furent

oncques, ny ne sont pour le différent de la religion, mais pour sa pure & particuliere ambition & pour accroistre sa

propre domination & tyrannie?

Luy suffit-il pas, que pour ne destourner son entreprise de Tunis, le Roy Tres-chrestien posa les armes qu'il avoit prestes en main, pour venger l'outrage à luy faict en la mort de Merveilles son ambassadeur? Quel fruiet toutesfois en parvint jamais à la Chrestienté? Quelle augmentation à nostre foy? Ie n'y en voy certeinement point, sil n'appelle augmentation de nostre foy, d'avoir osté ce Royaume là des mains d'un Machometan, pour le bailler à un autre Machometan, & qu'en nostre religion soit avantagée qu'à Tunis il y ait plustost un Roy More qu'un Turc. Si ceste pacience du Roy n'a semblé à l'Empereur luy devoir suffire, au moins luy a deu suffire, que ledict seigneur a enduré ce secod outrage ainsi faict à ses ambassadeurs, & plusieurs autres que je reserve a dire si lon me contrainct de passer outre, & en a retardé la vengeance jusques apres le retour du voyage d'Arger. Ores qu'il ait eu pendant ledict voyage, pour cause de l'absence, & depuis à cause de la deffaicte de l'armée de l'Empereur, une si belle commodité, tant de venger sans grande resistence ledict outrage, comme de recouvrer l'ancien patrimoine de messeigneurs ses enfans si longuement & injustement detenu & occuppé.

ET jusques à quand (messeigneurs) jusques à quand veult l'Empereur abuser de ceste patience & longanimité du Roy? Veult il que ledict seigneur attende à se ressentir de tat d'outrages, & à recouvrer ce qui est sien; jusques à ce qu'il l'ait spolié province à province de tout son Royaume & patrimoine, continuant ce pendant à mesure qu'il aura desrobé quelque chose, à faire pour empescher la reveche, semer & courir le bruit, qu'il veult faire un voyage & entreprise contre le Turc? Ie dy (messeigneurs) qu'il ne le doit faire, & qu'il doit non seulement resister à ceux qui veullent occuper les finages du peuple qui luy est commis de Dieu, ains doit prendre les armes contre eux au plustoft, & au plus grand avantage que possible luy sera; lequel avantage luy resultant si grand que plus ne pouvoit, de l'occupation & distraction des forces de l'Empereur en divers licux, vous pouvez neantmoins clairement & evidemmet

cognoistre combien sincerement il vous a par ses ambassadeurs adverty & conseillé, comme celuy qui à ses particulieres affections a tous jours proposé le bien universel de la Chrestienté, qu'entreprenans ceste guerre contre le Turc, vous cussiez à bien poiser & cossiderer avant la main, si vous aviez tout ce qui est requis & necessaire à commencer & soustenir une telle guerre, laquelle pour une seule bataille

ou rencontre ne peut estre finie. Aussi pouvez vous cognoistre combien malignemet le calomniateur de ce conseil, qui s'est imposé le nom de Philalethe, vous a voulu desguiser la bonne intention, & le prudent & sainct conseil dudict seigneur Roy, duquel vous pouvez bien estimer, que s'il eust prefeté l'occasion & facilité de sa victoire particuliere au bien de vos communs affaires (qui est en effect le fondement & soustien de l'Empire, & la plus grande partie de Chiestienté, comme ledict Marquis autant veritablement que sans propos exclame par sa lettre, ainsi que si luy seul l'avoir trouvé, comme les enfans la febre au gasteau) s'il n'eust di je, preferé le commun bien à son particulier, que plustost il vous cust conseillé d'étrer à l'estourdy en ceste entreprinse, de Jaquelle particulierement à luy resultoit l'occasió & facilité d'executer la sienne. Mais il a (messeigneurs) des le commencement de son aage institué sa maison; de vivre en estat Chrestien & irreprehesible, auguel jusques au bout il veult peseverer, Et si celuy veult coparoistre qui faict telles oraisons imprimer & publier, & veult maintenir (ainsi, que le Marquis par la conclusion & epilogue de sa lettre entend à vous persuader) que le Roy vous desconseille ceste entreprinse, de peur qu'avecques augmentation de vostre Empire l'ennemy de nostre foy soit abaissé, pour laquelle foy defire ledict Marquis espandre son sang, & rendre l'ame, je vous asseure (messeigneurs) & que ledict orateur, & que ce glorieux nouveau martyr, trouveront prou de serviteurs & subiects dudit seigneur Roy, qui avecques les armes leur soustiendront qu'ils en ont faucement & meschantement menty, & autant de fois en auront menty, comme de fois ils

I L me desplaist (tresreverends & tresillustres seigneurs) & vous supplie me vouloir excuser de ce que les trop excessives & outrageuses parolles proserées contre le Roy mon

l'auront dict, & le diront.

maistre, m'ont forcé de venir jusques à ce poinct, auguel je mettroy fin à ma lettre, ne fust que par le precedent discours vous avez assez peu cognoistre que ladicte lettre du Marquis me touche, d'autant que la plaincte qui a esté contre luy faicte ne peult estre fondée, que sur l'advis que j'ay donné audict seigneur Roy, du progres & façon de cest assassinement: & que affermant ledict Marquis que outre ce qu'il en a dict, il offre de nouveau à se justifier, ou par la voye civile, ou par la chevaleresse. Le feroy tort à mon honeur, si sur cest article ne respondoy. Doncques pour respondre, je dy, soubs le bon plaisir du Roy mon maistre, duquel j'espere qu'il me fera ceste grace, que je suis trescontent & accepte pour donner plus grande lumiere à la verité, d'estre le chevalier qu'il appelle à veoir sa justification par l'une ou par l'autre voye, & me trouvera prest à chacune sa requeste & sommation, afin qu'estant par moy defendu le contraire de ce qu'il en a dict, vous messeigneurs & tous autres cognoissez combien il s'est en son dire essoigné de la verité. Et à tant je prieray Dieu (tresreverends & tresillustres Princes) vous donner en parfaicte santé treslongue & tresheureuse vie: & à la Chrestienté tel repos & consolation qu'il sçait le bien des affaires d'icelle le requerir.

LE Roy se voyant hors d'esperance d'estre satisfaict de ces injures par autre voye que par celle qui à tout homme ne cognoissant superieur est permise par le droit des gens: & ne trouvant conseil domestique ny estranger, qui non seulement ne confortast son opinion, mais conseillast qu'il estoit de vivement s'en ressentir, à ce qu'il ne luy sust par cy apres imputé à faute ou de prudence, ou de cœur, là où il en auroit faict autrement: & que l'ombre d'une paix palliée par son couvert ennemy l'auroit empesché de prendre les armes jugées necessaires par tous ses amis: à la fin se resolut d'y entrer, estimant que quelque issue qu'il pleust à Dieu en envoyer (au sainct vouloir duquel il s'en remettoir, & en luy metroit son bon droict & espoir de sa cause) si ne pourroit l'entreprise n'estre aussi louable, que la pacience vituperable & honteuse. Car demeurant un faict si detestable impuny, qui est celuy (disoit-il) qui ne m'estimera indigne de tenir le lieu, qu'avecques si grande dignité mes predecesseurs ont acquis, gardé & maintenu?

est celuy qui desormais autant renominé port de ceste couonne voudra chercher refuge contre les griefves tempetes & oppressiós des tyrans, comme tousjours il a esté par plusieurs Roys & Porentars aussi necessairement cherché ju'heureusement tencontré? Ou finablement, qui est celuy qui plus osera mettre l'espoir de son salut en la justice des Roys de France, si eux-mesmes en leur propre faict se laisent opprimer par injustice? Mais pourquoy voy-je cherhant exemple des choses exterieures & frivoles sur l'opinion d'estrangers puis que de raisons domestiques & famiieres je puis prendre le reglement de mon faict, laissant à part les inconveniens de dehors comme ayans leur pivot eulement assis pour honneur: & à l'imitation d'un bon pee de famille,& sage administrateur, attachõs nous à ce qui honneur & utilité ensemble touche. Si aujourd'huy je ouffre que sans raison n'occasion, par l'authorité de celuy le qui moins je de voy attendre a'offence, m'ayent esté tuez & meurdris si houteusement & si audacieusement, contre out droit divin, naturel, & humain, mes serviteurs: mais ô Dieu)quels serviteurs? gens d'estar, de reputation, & de naison, ayans par leurs merites acquis l'un, degré honneste intre les plus apparents gentilshommes: l'autre, lieu emiient entre les grands seigneurs, & estans receuz en fraternié des Princes, sans que de leur mort je face demonstratio. Si je laisse au temps seul & à l'oubliance des choses passées i faire l'effacement de leur fang, si cuidant ensevelir leur inortune, je la ressuscite, si j'augmente leur calamité par ma honte,qui fera d'icy en avant celuy qui pour donner vie à este monarchie, mettra la sienne en danger? Certes il n'y iura nul qui non feulement pour elle ne refufe à f'y prefener, mais qui ne la juge ou indigne qu'on la serve, ou moy que je la gouverne: dont en brief à la Republicque infidiée l'ennemis, desgarnie d'amis, privée de bonnes & devocieuses volontez, ne pourroient n'advenir les inconveniens qui tous jours, sons advenus à estats ou regis par mauvais administrateurs, ou despourvenz de scal & amiable conseil.

L E s Princes ont accoustumé d'estre blasmez, quand ils l'out vengé la mort de ceux qu'aliance avoit mis en leur ocieté: combien plus ceux que nature avoit mis en leur cuteté? Pen d'honneur ont acquis ceux qui ont sans re-

sistence laissé demembrer une partie de l'estat, qui par leurs ancestres leur a esté laissé, encores moins ceux qui sans en faire demonstration ont laissé oprimer celuy, ou qui par na ture comme subject, ou par election comme serviteur, est entré en leur sauvegarde. Car qui laisse occuper partie de sa province par autruy, quelquefois la laisse occuper à aussi bon droict ou meilleur que soy, dont ad vient qu'aucunefois la mutation du seigneur est aux subjects non seulemet tolerable, mais profitable, car l'oppression ne leur peult jamais estre que mauvaise: parquoy ne se peult nier plus n'estre à blasmer celuy qui soubs son nom laisse outrager les siens, que qui les souffre arracher de sa main, & violentement usurper par autruy. Estans doncques ces raisons si veritables, quelle vituperation auray-je, ou pour mieux dire, quelle n'auray-je point, si je me rends paresseux à maintenir les miens en seureté, qui tousjours ay esté si prompt à la tuition des autres?ou quelle honte me sera-ce de n'oser à ce coup exposer mes forces pour garder le repos de mes hommes, si tant de fois j'ay osé exposer ma vie pour maintenir mes provinces? Autres fois je n'ay faint (estant personne privée) à couvrir de ce corps la fuitte d'un peuple battu, chasse, & espouventé, n'osant lever les yeux contre deux Princes, dont l'un estoit victorieux & puissant Roy, l'autre assez bel liqueux, combien que peu heureux Empereur. Estant aujourd'huy chef & Roy de ce mesme peuple faindray-je à le couvrir de mes forces, mesmement contre les injures d'un seul, qui jamais n'a iceluy peuple endonimagé & moins estonné, souvent l'a essayé, jamais entamé, travaillé par cautelles, mais non par conquestes? Doy-je craindre à le garen tir encores ce coup de l'oppression de celuy que pieça je lus avoy peu livrer entre les mains, si de tant de fois qu'il m'? si bravement provoqué il m'en eust attendu une seule Rome, Allemagne, Espagne en ont ouy ses braveries, Va lentiennes & Provence ont veu & peu tesmoigner de se fuittes.

Voila (disoit le Roy) la resolution apres toutes dispites, laquelle ambrasser utilité nous admonneste, honneu nous incite, necessité nous contrainet, car quant à l'infraction dont noz ennemis nous pourroient calomnier suivaleur inveterée coustume, je trouve que c'est chose à quo j'ay suffisamment (si dire se peult) satisfaict envers Dieu, è

puis dire suffisamment envers le mode, ainsi qu'il sera tousjours cogneu par bons jugemens, & advoué par bonnes & sainctes consciences! peu me doit il chaloir que les autres

en veullent dire ou penser.

avecques lesquels, ou pour fiance de seur loyauté, ou par co demouvoir le gnoissance de leurs esprits il avoit pleu au Roy sen resoul- Roy à fure dre: car combien que les raisons contraires & tendantes à la guerre. dissuasion, eussent bien quelque apparente beauté, pour estre garnies, quant à l'universel, de ceste commune patience, de paix, de repos, d'abondance de biens, d'étrecours de marchandise. Quant au particulier mesmes en ce qui tou choit les Princes, & plus eminents qui fussent en la compagnie, de plaisirs, d'honneurs, delices, & triomphes, singulieremet en ce qui regardoit le chef pour estre homme, à vray dire, qui ne les dedaignoit en leur saison, & qui demeurant en paix, comme lors il estoit, les pouvoit jouir & avoir en plus grande abondance que nul autre: venant à la guerre en estoit la plus-part privé, & les luy convenoit sequestrer pour quelque temps & paraventure pour toute sa vie. Neintmoins ayans icelles raisons esté du commécement proposées, & apres mises en paragon des autres, soudainement perdirent leur fueille & couleur, comme si pour esfacer pierres faulses on eust mis en jeu de fines & orientales. Par insi estoit demeurée la chose sans dispute au jugement & ipprobation de chacun: mais bien eussent voulu aucuns, cour estre l'entreprise de tel poix, y mettre un peu de delay, k micux se fortisier, tant d'argent que d'amis, mesmes estat e Roy recherché d'aucuns Princes & Potentats, qui eussent icheté de leur sang un commencement de guerre entre ces leux grands Monarques, pour estre par le moyen & protetion de l'un mis en seureté, & hors du danger de l'autre, qu'ils sçavoient a voir de long temps, par espoir, comme enclouty & devoré tout le monde, en confideration de quoy ls n'eussent au Roy, duquel la foy estoit assez congneuë, re usé chose que raisonnablement il leur eust sceu demander, our luy faire prendre les armes contre l'énemy de la comnune liberté.

Ausst au contraire estoit vray-semblable, veu les experiences du passé, que là où desja de soy-mesmes il les auoit prinses, & que la guerre se verroit ouverte entre ces

A c e's raisons s'estoient facilement accordez tous ceux Raisone pour

deux grands, & les cartes entre eux bien messées, chacun des autres leur laisseroit jouer leur jeu, & de la en avat ils favoriseroient plus le Roy de souhaicts que de faicts, plus de desir & affection que de forces, ne d'argent de traittez & alliances. Entre autres estoit bien à presumer, & le tenoit le Roy pour certain, que si à la derniere guerre le Roy d'Angleterre obligé à sa defension, tant par traittez que par infinies promesles, l'avoit platé & laissé porter seul tout le faiz d'icelle guerre, il seroit à ceste cy pour faire le semblable, voire paraventure pis. Et ce qui luy faisoit presumer, c'estoit qu'il n'estoit pas bien content (ce monstroit il) que ledict fieur eust donné si honnorable passage àl'Empereur, & qu'é iceluy il luy eust usé de tant de courtoisie: mais à la verité plus estoit il ulceré, que ledict sieur eust favorisé le Roy d'Escosse de deux mariages, l'un apres l'autre, l'un de madame Magdaleine sa fille, l'autre de la fille du Duc de Guise, veufve du feu Duc de Longueville, & qu'il eust forrisié Ar dres, qui est une bride à Callais: & qui plus encores luy pesoit, combien qu'il n'en monstrast le semblant, qu'il n'eust sceu attirer ledict seigneur par offres ny alliances pour avatageuses qu'elles fussent, comme il disoit, mais à la verité non recevables, à muer en son Royaume le faict & estat de la Religion. Toutesfois encores n'estoient les choses tant reculées de moyen, qu'il n'y eust bien quelque apparence de l'attirer à societé de guerre, veu d'une part l'estime qu'il avoit de la personne du Roy, & le grand honeur que de tout temps il luy portoit, & de l'autre le peu de contentement qu'il avoit de l'Empereur, se resentant continuellement en son cœur, que souvet il luy avoit failly de foy, & aussi blasmant ouvertement fon ambition.

M a 1 s bien quand l'on eust pensé de l'attirer à ladicte societé, par conditions raisonnables, si eust il fallu du temps pour trouver resolution en son esprit assez irresolu de soy-mesmes. Le semblable eust on peu esperer d'une partie de la Germanie, & mesmes entre les estats Protestans: car s'estans trouvez par cy devant, comme resusez de l'alliance par bonne partie d'eux proposée, & estant ledict resus procedé de l'exemple ou opinion que le Roy avoit crainct d'en donner au peuple, pour la diversité des sectes. Aussi pour ne monstrer à l'Empereur (auquel il ne vouloit laisser aucune occasion de se plaindre) qu'il se fortissast de

ses couverts ennemis, les propos d'icelle alliance d'avecques lesdicts Protestans estoient demeurez interrompus. Neantmoius y en avoit aucuns d'eux qui secrettemet cherchoient de les renover,& plus y en avoit d'apparence qu'au passé, que la chose se peust bien conduire: car quant au respect que le Roy avoir eu à l'Empereur, il le pouvoir maintenant apres si griefves injures raisonnablemet cesser. Quat à l'exemple dessusdit, la chose avoit bien receu plus grande moderarion, car à present il estoit proposé au Roy, par la confederation qu'il feroit avecques eux, un grand & quast indubitable espoir de reduire la Germanie à union & concorde, tant de la foy, que des principaux differends regnans en icelle, dont trop plus y avoit en l'alliance qui se fust faicte avecques eux, de bon exemple que de mauvais, & fustce en vers les plus depravez jugemens du monde. Et avecques ce estoit beaucoup diminué du danger où les autresfois on avoit esté, que l'Empereur empeschast ceste praticque, comme il avoit les precedentes. Car estant son ambitió micux par lesdicts Protestans descouverte, que lors elle n'a voit esté, & le masque de son hypocrisse plus osté, il luy estoit plus facile d'y poyrueoir, & de plus secrettement se for rifier contre elle.

TELLE donc estoit la raison qui mouvoit aucuns à vouloir differer la guerre, pour y attirer les dessusdicts, aussi l'opinion qu'ils avoient de faire plus grande provision de deniers: car à la verité depuis la derniere guerre le Roy avoit plus advisé de soulager son peuple par diminution de tailles & imposts, à enrichir sa noblesse par dons & grandes pensions, à retirer son dommaine aliené par les Roys ses predecesseurs, & en partie par luy-mesmes, & à rembour ser l'argent ça & là emprunté, qu'à en amasser de nouveau: faisant son compte que l'Empereur qui seul le pouvoit met tre en despense, ou meu de la religion de tant & si solemnels sacremens que ceux qu'il avoit faicts, ou de ceux de si grans & frequentement receuz benefices, ou aucunement touché, sinon du bien & repos de la Chrestienté à tout le moins du sien particulier ne recommenceroit la guerre, ny le mettroit en necessité de la recommencer. Et à vray dire les affaires du Roy cussent bien requis d'encores temporiser, tant pour les raisons susdites, que pour avoir temps

Dd iij

Trois princicipales causes de la resolution du Roy pour faire la guerre,

d'achever la fortification d'aucunes places, ou nouvellement commencées, ou que tant de la les monts, que deça, on commençoit à mettre en deffense, & qui n'y estoyent encores. Mais au contraire trois choses luy venoient au devant des yeux, la premiere que cest umbre de paix donnoit grande couverture aux entreprises que faisoit l'Empereur, pour luy surprendre ses places de frontieres, & venoit journellement en lumiere, que pour une entreprinse decouverte & rompue, soudain comme d'une Hydre, en sortoit une autte; & à ce estoit au Roy malaisé de remedier, pour ne suy estre permis par les voyes de la tresve d'empescher les commerces & communications des subjects de l'un à l'autre, de laquelle communication procedoyent les menées & trahisons.

L A seconde raison & plus forte estoit, qu'il ne voyoit que sans desfences expresses, & ainsi qu'ainsi declaratives d'hostilité, il peust retirer ses subjects de la frequentation des pais de l'Empereur, par laquelle les pauvres gens pensans estre en seureté, se trouvoient surprins, & inhumainement occis, sans qu'on peust en avoir raison: & ainsi qu'il l'estoit fraischement (comme dict est cy dessus) veu sur le Pau, & en plusieurs autres endroicts, & en la mort d'iceux, le Roy naturel tuteur de leurs vies, se sentoit (comme il devoit) merveilleusement blessé, se jugeant (là où il n'y pout voiroit) coulpable de leur infortune. La troissesme urgente, & qui se pouvoit dire insoluble raison, estoit qu'il faisoit bien à presumer (& outre la presumption, bons advis & seurs en estoient venuz) que voyant l'Empereur la guerre luy avoir esté expressément denocée, en cas qu'il ne satisfist dedans certain temps, des meurdres cy dessus mentionnez, pour obvier à ce danger, & afin de gaigner temps, attendant que toutes ses machinations cussent sorty effect, il faisoit son compte de proposer de nouveau quelque spectacle de zele envers la Republicque Chrestienne, tel ou semblable qu'avoient esté ceux de Tunis & d'Arger, disant, j'ampliray les aureilles du monde d'une belle & grosse entreprinse con tre les ennemis de la foy, & feray une representation de si gros appareil, aux despens de mes subjects les plus exposez au danger de mes voisins, les plus faciles à abuser, sans ce que de ma part j'y face gueres de mises, que j'auray occasion (faisant magnifiquement sonner ladite entreprise) de tequerir le Roy tres-Crestien, & le conjurer tant au nom de son tiltre, que de nostre mutuelle amitié, de m'y assister ou de forces, ou d'argent, & combien que je ne l'estime si aisé à tromper en chose si evidente, mesmement estant desja batu du sillé, si obtiendtay-je à l'exemple de ceux qui demandent le plus pour avoir le moins, que durant ce temps de ma telle-quelle expedition, ou du nom de l'appareil d'icelle, il servira tant à sa reputation, & à l'opinion commune: & estant si jaloux de son honneur qu'il est, aura si grand respect aux parolles qu'on pourroit semer à l'encontre de luy, que craignant qu'on imputast à son emotion de guerre, le retardement du bien public indubitablement il se

contiendra,

TEL estoit le desseing de l'Empereur veritablemet bien & malitieusement fondé, sil cust eu à faire à homme malprenant, & qui desja n'eust entédu ses ruses: cas il est certein que si par le monde eussent esté respandues les fumées d'une expedition Aphricaine ou Turquesque avat que la guer re fust ouverte entre ces deux Princes, tous ceux à qui les arts de l'un n'estoient encores bien cogneuz, euslient imputé le retardement de la saincte expedition à l'autre. Pour à quoy obvier, & aussi voyant le Roy qu'en une faço ou autre, tous jours estoit il en une grosse & continuelle despense, & qu'il luy failloit tenir autant de gens à sa soulde, tant en Italie, qu'au long de la mer de Languedoc & Provence, pour remedier aux surprises machinées par l'Empereur, que s'il cust esté en guerre declarée & ouverte, il jugea avecques les autres raisons cy dessus alleguées, qu'il ne luy estoit soisible de plus longuement attendre pour executer ceste volonté. Deux voyes se presentoient, dont l'une (qui estoit couverte) plus se monstroit accompagnée d'utilité: la seconde (qui estoit la descouverte & artificielle) n'en promettoit pas tant: car quant à la premiere par gens meuz qui de malcon tentement, qui de vindicte, qui de partialité, qui d'avarice, ou autre passion. Des autres incitez du zele qu'ils avoient au bien de leur patrie journellement oppressée, estoient au Roy presentez partis, de secrettement & à l'improviste le saisir de plusieurs places estans ou soubs la domination de l'Empereur, ou soubs sa protection voire telles & de si grande consequence, que leur seule conqueste se pouvoit bien compter pour grand loyet d'une longue Dd iiii

& perilleuse guerre.

Pouvant doncques le Roy par l'acquisition d'icelles (qui estoit le vray fruict de la guerre, & la fin qu'un convoi teux aggresseur en cust peu demander) se venger, il n'y avoit grande apparence qu'il deust refuser ces partis, attendu qu'ils se pouvoient executer sans bruit, sans peril, sans perte sans mettre la main à l'espée, & à la bourse que bien peu, eu esgart à la marchandise. En l'autre voye qui estoit de roupture & d'ouverte declaration, moins se trouvoit d'utilité, mais telon le commun jugemet des hommes plus d'honnesteré: car veritablement la guerre prenant son commencement par surprises & emblées de places, eust aucunement peu ouvrir la porte de calomnie à ceux qui eussent voulu imputer audit seigneur, que convoitise l'eust plus incité à ce faire que la justice, qu'en cest endroict nous appellons vengeance. Quoy considerant & voulat servir à l'honneur plus qu'au pront, laissa le chemin auquel il estoit inviré par plusieurs, & qui à grand regret le luy voyoient laisser, & se delibera d'ouvrir la guerre en divers en droits mais principalement en deuxil'un du costé des Espagnes par le Comté de Roussillon, l'autre par le pais de Luxembourg. Et l'election de ces deux endroiets feit il pout justifier son agression non seulement par la raison qu'il avoit en general d'assaillir son ennemy mais en particulier de l'aissaillir és lieux qui de droict luy appartenoient, & luy estoient usurpez sans legitime tiltre: car quant à Luxembourg, outre les autre droicts & actions que de tout temps les Roys ses predecesseurs y pretendoient, mesme par l'acquest qui en avoit esté faict par le Duc Loys d'Orleans frere du Roy Charles neufielme du nom, qu'autres, il en avoit une nouvelle par la cession, tant des chefs & vrays seigneurs titulaires de la maison dudit Luxembourg, qui injustement & par seule force en avoient par le Duc Philippe de Bourgongne & Charles son fils, esté spoliez, que aussi par le transport que luy en avoyent faict ceux de la maison de la Marchk, qui y pretendoient grand drows.

Quant au Comté de Roussillon, encores sont vivans ceux qui le virent laisser à Ferdinand Roy d'Arragon alors regnant par le Roy Charles huictiesme, & seduit & trompé par un cordelier, nommé frere Olivier Maillard, directeur de sa conscience, homme apparant, de graande sanctimo

nie, mais (comme il advient où hypocrisse a lieu) avoit esté corrompu à force d'argent, par le Roy d'Arragon, pour vendre & decevoir son maistre. Or n'avoit peu le Roy Charles faire ceste alienation au prejudice de la couronne, & quand il l'auroit peu faire, si n'avoit le Roy d'Arragon, & moins ses heritiers accomply les conditions reciproques mises, & apposées au contract : par ainsi l'Empereur qui n'avoit droict que de luy, ne l'en pouvoit dire autre qu'ulur pateur, & violant possesseur. Vray est que voulant le Roy commencer la guerre, l'eust peu à aussi bon droict commen cer ailleurs, fust de là les monts, ou deça, car assez d'auttes lieux y avoit qu'il pouvoit & plus sacilement entamer, & ausi justement repeter: mais bien voulut pour son invasion choisir ces deux sur tous autres, Roussillon, afin d'attirer son ennemy au combat, car estant si prochain en ses païs, en sa maison avec ses forces, parmy ceux où le plus magnifique ment il avoit accoustumé d'extoller la gloire de son nom,

il n'estoit croyable qu'il fust pour y fuir la lisse.

L'ENDROIT de Luxembourg choisir il pour avoir plus ailé moyen de recueillir, & à moins de danger des personnes, les Allemans venans à sa soulde, mais plus encores fut il meu de ce faire, pour favoriser par la proximité des lieux, le Duc de Cleves, que l'Empereur à toute heure se vantoit de ruiner, & rendre le plus pauvre homme de la Chrestienté, disant hault & clair, qu'il quitteroit plustost sa couronne, que de luy laisser un poulce de terre: & de faict avoit de longue main commencé en ses pais bas à luy dresser secrettement l'appareil d'une grosse tempeste:ce que sçachant le Roy lay vouloit bien donner à cognoistre que d'u ne part au lieu où estoit sa personne, de l'autre en iceluy ou plus il s'estoit preparé en en ces deux endroicts chercheroit de l'assaillir. Doncques de premier sault il envoye un chef de ceste encreprise son fils puisné Charles Duc d'Orleans accompagné de cinq ou six cens hommes d'armes, & huict mille Lansquencts, & six mille soldats de pied François ayant avec luy monseigneur Claude Duc de Guyse pour sa conduitte, & commander à l'armée sous luy, à cause de sa jeunesse, & le seigneur de Jamets, le seigneur de Sedan, le Comte d'Aumalle, fils aisné dudit Duc de Guyse, François de Bourbon, sieur d'Anguien, frere de monseigneur de

Vendosme, le sieur de la Roche-du-Maine, la compagnie de monseigneur le Connestable, conduitte par le sieur de la Guiche, & plusieurs autres capitaines & chevalliers garnis

de sçavoir, de prouesse, & d'experience.

Depefche de monfeigneur le Dauphin

En Roussillon envoya monseigneur le Dauphin, luy youlant comme à successeur de son nom, par l'aguillon d'honneur & semonces de haultes entreprises, de plus en plus inciter les esprits à ambrasser la splendeur & imitation de ses ancestres: & au Mareschal d'Annebault, que pour verà Perpignan. tu il avoit elevé, & auquel avoit assez grande fiance, ordonna d'estre aupres dudit seigneur pour la principale conduitte de la guerre, luy assistant pour partie des labeurs & charges le seigneur de Montpesat, pour lors Lieutenant du Roy au païs de Languedoc, avec grand nombre de Princes seigneurs, capitaines, & autres gens d'honneur, de sçavoir & conduitte. Et ce que plus il commanda audit Dauphin, ce fut de jetter partie de ses forces incontinant & en toute extreme diligence au devant de la ville de Perpignan attendant le reste de son armée, qu'il s'y viendroit joindre, & que luy qui le vouloit suivre de pres sepresenteroit sur les lieux; à quoy faire estoit conduit par plusieurs raisons, dont celle qui plus dominoit en son esprit & à laquelle grande partie des autres se rapportoit, estoit celle desja touchée du combat. Car il jugeoit que là où soudainement il auroit faict (comme il estoit faisable) enveloper Perpignan ville capitalle de Roussillon, & la principale, ou pour mieux dire la seule barrière & boullevert des Espagnes, quant au costé de midy, & qu'il l'auroit forclose de plusieurs choses qu'il sçavoit lors luy defaillir pour l'attente d'un grand siege, l'Empereur seroit contrainct ou par le respect d'honneur, ou à tout le moins par celuy de necessité de le venir combattre; sinon qu'à sa barbe il aymast mieux se veoir spolier d'une Province nourrice des Provinces voisines, du meilleur & plus necessaire port que il eust és mers de delà, de la ville dont la perte luy apportoit perte, non seulemeut de ce qu'il avoit deça la montagne, mais donnoit à son ennemy tout ce qui estoit delà en proye ou de venir au faict d'armes par de si long temps & en tant de lieux si haultement & si pompeusement presché.

C E-pendant que le Dauphin se prepara à ceste ordon-

mace, qu'il feit marcher la gédarmerie, l'arrillerie, les vivres, & munitions, & que Montpesat pour lors Lieutenant du Roy en Languedoc outre les forces ordinaires de la frontiere faisoit assembler les legionnaires de Languedoc que le Roy de Navarre en faisoit approcher d'autres de Gascógue, q le Mareschal d'Annebault s'acheminoit avec sa troupe, ramenant d'Italie les Suisses, les chevaux legers, vieilles bandes de gens de pied Françoises & Italiènes, le Roy cómençoit à se mettre à leur queuë, non de si pres qu'il peust ropre les chemins aux soldats, ou empescher la facilité des estappes, mais no pourtat de si loing que d'heure en autre il n'en peust avoir nouvelles comme ordinairement il avoit le Duc d'Orleans pareillement mettoit en toute diligence ses forces ensemble.

O R vous ay-je cy devat dit que quelques uns avoiét mis en avant au Roy plusieurs entreprises pour surprédre l'Empereur aux lieux les plus aisez, & desquels il avoit moins de souspeçon: entre autres le sieur de Langey Lieutenant general pour le Roy en Piemot, apres qu'il eut la cognoissance de l'outrage faict par les gens de l'Empereur à ses ambassadeurs, considera bien que le Roy s'en voudroit ressentir, ainsi que la raison youloit, à ceste cause secrettement avoit praticqué plusieurs places & capitaines au Duché de Milan, ayant intention que son amas d'hommes faict à la Mirandole (dont desjail avoit couvertement les capitaines tous gabarrez) & devoit estre son amas de dix mille homes de pied, huict cens chevaux & dix pieces d'artillerie, & estoient des principaux chefs d'icelle entreprise le seigneur Pierre Strozy, le Comte Petillane, le Duc de Some, & plusieurs autres tat Neapolitains, Romains, que des terres de la seigneurie de Venise, lesquels assemblez il marcheroit droist à Cremone, dont il esperoit avoir le Castellan, & des principaux soldats à sa devotion. De là à Laudes, de laquelle ville il fasseuroit, & de deux mille hommes de pied qu'il trouveroit audit lieu: & de là à Milan, ou pareillement avoit intelligence, & y fortifier la citadelle aux despens des citadins, & par ce moyen brider & tenir en subjection tant le chasteau que la ville, & oster à l'Empereur le moyen d'en tirer argent dont se faisoit sa guerre. Or est il que le sieur d'Annebault apres la resolution de la guerre, estoit marché en Piemont, ayant viij mil-

le Suisses, six mille hommes de pied François, sans la garde des places, & six mille Italiens, quatre cens hommes d'armes, & deux mille chevaux legers: parquoy l'intention dudict sieur de Langey estoit, que là où le Marquis du Guast partiroit de la frontiere de Piemont, ou pour aller au secours de Milan, ou pour combattre ledict sieur de Langey, ledict Mareschal d'Annebault avoit en proye Quiers, Ast, Verceil, Alexandrie, Cazal de Montferrat, Fosian, Cony, Albe, & Quieras, & grand nombre de petites places: car le Marquis n'eust sceu tirer dix mille hommes pour mettre en capagne, sans laisser ses places depourveues, & sil marchoit, il demeuroit entre deux armées. Si durant six semaines ou deux mois que ledit sieur d'Annebault fut avecques lesdictes forces en Piemont inutile, on eust voulu, ladicte entreprinse eust esté executée au nom dudict Strozy, & des Neapolitains, demandans estre restituez en leurs biens que l'Empereur leur usurpoit: mais voulant le Roy(comme avez entendu) commencer la guerre ouvertement, & non à l'improviste, encores que du commencement il eust cosenty & artesté ladicte entreprinse, en fut diverty & la refusa, mais j'ay ouy des proverbes de noz peres, que qui a le profit de la guerre, en a l'honneur.

AYANT le Roy ordonné à moleigneur d'Orleans l'armée qu'il avoit à conduire, depescha Nicolas de Bossu sieur de Longueval pour aller en Gueldres & Iuilliers, devers le Duc de Cleves faire une levée d'hommes, tant de pied que de cheval, & passant au travers du pass de Brabant, se venir joindre avec iceluy Duc d'Orleans, ce qu'il feit ainsi qu'en-

tendrez cy apres.

Monselign en Bearrois, alla trouver le Duc de Guife accompagné de quelque nombre de gens de pied François: & le lendemain qui estoit environ le dixiesme de luin, mille cinq cens quarate deux, assembler et avec la gedarmerie une partie des gens de pied, en un grand village sur la riviere de Meuze à deux lieues pres de Verdun, michemin dudit Verdun & de Dun le chasteau, auquel lieu feirent sejour trois jours attendans l'artillerie. Au partir de là, aller et loger devant Danvillier, place de Luxembourg, appartenant à l'Empereur, auquel lieu se vint joindre avec

cux le Baron de Hedecq, lequel autrefois avoit esté lieute-

Succes du voyage de monfeigneur d'Orleans.

Prife de Danvillier, nant du Comte Guillaume de Fustemberg avec son regiment de quatre mille Lansquenets, aussi y arriva le Comte de Mansfeld, & le Comte Piguelin, & le Colonnel 'Recroc, avec leurs regimens, & pouvoient estre estans assemblez le nombre de dix à douze mille Lansquenets. Et vint à ceste heure là au service du Roy, avecques le Comte de Mansfeld, le Comte Reingrave jeune homme de bonne volonté, qui promettoit bonnes choses de luy, ainsi qu'on a cognu par apres. Estans assemblez devant Danvillier, fut presentée l'artillerie, dont sut tiré quelques coups à coup perdu sans approches ny trenchées: mais les soldats estans dedans la place, nevoulans attendre plus furieuse batterie, demanderent à parlementer, & durant ledict parlement, noz soldats sans aucune resistence entrerent dedans & la acagerent, chose qui estoit bien aisée, d'autant que la place n'estoit deffensable. Estant Danvillier entre noz mains, par l'advis des capitaines monfieur d'Orleans ordonna que lle fust rasée & brussée, come n'estant gardable, ce qui fut faict en toute diligence, mesmes par monsseur de Iamets, à l'occasion qu'elle luy portoit grand ennuy à sa place de Iamets.

PARTANT de Davillier nostre armée print le chemin de Luxembourg, mais lendemain vindrent nouvelles qu'il estoit tombé un pan de muraille à Yvoy, qui fut cause de faire tourner visage à nostre armée droit à ladicte place, & y estant arrivée, en toute diligence modict seigneur d'Orleans & le Duc de Guise ordonerent de faire des approches, ce qui fut faict, mais mal à propos, car il fut assis trois canons & une bastarde, si pres du bord du fossé sans gabions, tréchées, ny autre couverture pour mettre en seureté l'escorte de la garde d'icelle artillerie, qu'il falut le jour venu, que ceux qui l'avoient en garde l'abandonnassent, pour les coups d'arcbouze que leur tiroiet les ennemis. Et en plain jour, à la veue de nostre armée, sans que nul les peust offenser, iceux ennemis sortirent de la ville, & attacherent des cordes ausdictes pieces pour les tirer dedans leurs fossez, mais ne leur fut possible à cause de la pesanteur, & de quelques coups d'archouze tirez (mais de loing) par aucuns soldats des nostres, qui se hazardoyent plus que les autres: ce que voyans les ennemis mirent le feu au flanques, & les brusserent, de sorte que lesdictes pieces surent mises sur le

ventre,& cinq ou six jours apres surent retirées, & puis envoyées à Sedan pour les remonter. Nonobstant ledict incovenient ne fut cessée la continuation des trenchées pour mettre les aurres pieces en batterie, du costé devers les Ardennes, & fut faicte breche assez raisonnable, qui toutesfois ne fut assaillie: puis on fut dix où douze jours sans tirer ce pendant qu'on envoya à Sedan, à Mouson, & autres vil-Prise d'Ivoy. les prochaines, querir renfort d'artillerie, & de munitions, lesquelles arrivées on feit nouvelle batterie à l'opposite de l'autre, tirant vers le chemin qui va à Iamets, dont ceux de dedans l'estonerent, de sorte qu'ils demanderent à parlementer, à quoy îls furent receuz, & tellement se mena la pratique, qu'en fin leur fut accordé par monsieur de Guise lequel estoit ordonné de la part de monseigneur d'Orleans pour les ouyr)qu'ils s'en iroyent leurs bagues sauves, & pourroyent amener six fauconneaux & de la munition pour tirer chacun six coups. Chose qui vint bién à propos, car à la verité la place estoit hazardeuse à assaillir sans grande perte d'hommes, veu le grand nombre de soldats, d'artillerie, & de munitions qui estoient dedas, & mesmes que au milieu de la grande breche au fons du fosse y avoit un moineau qu'on ne leur pouvoit lever, qui eust fait un grad meurdre des assaillans, mais Dieu leur osta l'entendement. De la part de l'Empereur estoiet chefs audict Yvoy, le Bastard de Sombrer, le sieur de Noyelles Hennuyer, capitaine de chevaux legers, le capitaine Famas, le capitaine Gilles de Levant, & autres, jusques au nombre de deux mille homes. Estant mondit sieur d'Orleans devant icelle place, y arriva monsieur de Longueval accompagné de Martin Van-Rossen Mareschal de Gueldres, & dix mille Lansquenets avecques enviton de seize cens à deux mille chevaux Clevois, qui avoiet passé par le pais de Brabant, ainsi qu'é-

Monsettone un Roy (dot fut baillée la garde au seigneur de Sedan, & depuis au Baillif de Victry, Comte de Nantueil, lieutenant de la compagnie du Duc Antoine de Lorraine) marcha pour allet devant Luxembourg, prenat son chemin par Arlon, petite ville, à quatre lieues au deça dudit Luxembourg, sisée sur une montagne en assez bonne afsette, mais non fortissée. L'armée approchant dudit lieu, le

tendrez par ce discours.

seigneur d'Anguien François de Bourbon avec sa compagnie, & quelques autres qui l'avoient suivy, y alla devant, Prise d'Are & la feit sommer au nom de monseigneur d'Orleans: ceux de dedans estonnez de la reddition d'Yvoy qu'on estimoit la plus forte place du païs, & la mieux pourveue d'hommes d'artillerie, & autres munitions, rendirent la ville, au dessoubs de laquelle se vint loger le camp, & dedans se logea monseigneur d'Orleans, mais quelques pillards (encores qu'il fust defendu de piller)cherchans quelque butin, miret le feu en une partie de la ville, tellement que bien à peine peut on faire retirer le bagage qu'il n'y en eust de brussé, & apres que le feu fut estaint, y fut laissé quelques gens à ce que l'ennemy ne sy mist pour coupper les vivres qui venoient en nostre camp de Stenay, & de Mouson.

PARTANT d'Arlon le camp alla loger aupres de Luxembourg, ou peu apres avoir faict les tréchées fut approchée l'artillerie au coing de la hauteville, à la main droicte de la porte par ou on entre du costé de France, & sut faict breche, toutes fois non raisonnable pour assaillir, car le sossé y est à fons de cuve trenché en roc fort parfons: si est-ce que ceux de dedans combien qu'ils fussent trois mille hom mes de guerre, & quatre cens chevaux, l'estonnerent de forte qu'ils se rendirent leurs bagues sauves & les citadins demeurerent en leur liberté. Estans sortis lesdicts ges de guerre environ ij. heures apres midy, monsieur d'Orleans entra dedans, & fut mise si bonne police qu'une heure apres les boutiques des marchans furent ouvertes pour vendre & achetter en telle seureté pour eux qu'on feroit à Paris ou à Rouen. La ville ainsi reduite, monsseur d'Orleans laissa Prise de Lupour la garde d'icelle le Côte de Mansfeld & le Comte Pi xembourg. guelin avec leurs regimens, lesquels promirent de la bien garder vers tous & contre tous, ce qu'ils ne firent, ainsi que rantost vous orrez. Puis en passant devant Montmedy petite ville, assisc sur une montagne, laquelle on ne peult approcher que d'un costé, mondit sieur d'Orleans feit seulement monstrer l'artillerie, incontinant ceux de dedans esmeuz des precedentes prises se rendirent, & y furent mis ges pour la garder: & telle sut l'execution qu'il ne restoit és mains de l'Empereur du Duché de Luxebourg que Tionville, ville sur la Moselle quatre licues au dessoubs de Mets tirant à Treves.

MONSEIGNEUR d'Orleans ayant desir de se trouvet pres la personne du Roy, & de monseigneur son frere, pour l'esperance qu'il avoit qu'il se doneroit une bataille devant Perpignan, delibera de fy retirer, laissant à Luxembourg & champagne le Duc de Guise lieutenant general du Roy:& pour separer son aimée se ietira à Verdu, auquel lieu il ordonna d'envoyer monsieur de Longueville, avec Martin Van-Rossan & ses bandes, vers Liesle (lieu entre les deux frontieres) pour y sejourner,& secourir ou la Picardie, ou la Champagne. Puis apres qu'il eut faict quelque sejour à Verdu pour pour veoir au reste de son aimée, partit en poste pour trouver le Roy à Montpellier, pensant de là aller devant Perpiguan, mais desja le Roy avoit deliberé de retirer son armée. Deux jours apres so arrivée devers le Roy, vindrent nouvelles de la perte de Luxembourg, & comme le Comte de Mansfeld & le Comte Piguelin l'avoient rendue bien legerement, & avecques peu d'occasion, dont le Roy fut fort mal content, & contre monseigneur son fils, & contre ceux qui luy avoiét conseillé de laisser son armée, mais je croy que luy-mesme avoit esté son conseil. Aussi avoient les ennemis reprins Montmedy, qui nous portoit grand dommage, tant à Stenay qu'au long de la riviere de Menze, mais monseigneur de Guise rassembla ce qu'il peut promptement recouvrer de gendarmerie (car la plus part avoit esté licentiée) & avec quelques gens de pied, tant Allemans que François, marcha devant Montmedy, premier que ceux qui la tenoient eussent loisir de se recognoistre, & la reprint, & y mist pour chef le capitaine Petrus de la Lande, lequel y seit depuis bien son devoir, chose qui fort rapaisa le Roy. Le sieur de Guyse n'ayant moyen de plus tenir la campagne, assit ses garnisons, & envoya le regiment du capitaine Recroc Alleman, le droict chemin de Piemot.

Expedition de monfeigneur de Védofme en Picardie.

Dur ant que ces choses se faisoyent, tant à Luxembourg qu'à Perpignan, monseigneur Antoine Duc de Vendosme, qui estoit gouverneur & lieutenant pour le Roy en Picardie, ne voulut estre oysis, car apres avoir assemblé les garnisons de son gouvernement, tant de pied que de cheval, avec ques une bande d'artillerie, delibera de ne laisser

dormir ses ennemis.

Et parce qu'il y avoit vers Ardres trois ou quatre petites places qu'ils tenoiet, lesquelles faisoient grand dommage,

tant

341

tant à Ardres qu'au Boulenois sentre autres le chasteau de la Montoire, sis en forte assiette sur une petite montagne à l'entrée de la terre d'Oye, duquel on decouvre tout ce qui sort de la ville d'Ardres, & un autre au bort du Boulonnois tirant d'Ardres à sainct Omer, nommé Tourneham, appartenant au sieur de Bures, place de tout temps tenue des plus fortes du païs)entreprint de les lever d'étre leurs mains, & ayant pourveu à faire suivre les vivres apres son camp, faifant son estappe à Douere, marcha premierement droict la Montoire laquelle fut abandonnée des ennemis, & la feit desmolir aux gens du païs, lesquels en firent leur devoir pour le dommage qu'elle leur avoit faict. Et de là tourna les forces à Tournehan,& y feit faire batterie de cinq ou six ours. Les assiegez ne voyans remede de plus enduter la patterie, par-ce que la place estoit petite (car il est certain qu'une petite place ne vault rien devant la fureur de la baterie de maintenant)se rendirent leurs bagues sauves, laquel e il ordonna estre rasée, mais pour la grande espesseur des ours, mesmement de la grosse, eust esté long à la desmolir, lles feit miner: & apres avoir faict mettre quelques barils le poudre soubs la mine bien bouchée, les feit voler, & raer à forces de pionniers ce qui restoit. Incontinant bon no pre de petits forts, que les ennemis tenoient à la faveur de adicte place, se rendirent, & furent pareillement rasez. Puis iptes avoir couru tout le pais vers Sainct Omer Aire & Beune, n'osant son ennemy se presenter devant luy pour le combattre, encores qu'il eust plus de gens que luy, le retira, nettant ses hommes aux garnisons: sur laquelle retraitte le Comte du Reux Lieutenant general de l'Empereur, faillit l'estre surpris en sa maison, mais il se sauva par un batteau passant la riviere, & se retira à S. Omer.

N'AGUERES je vous ay dit que le Roy vouloit retirer on armée de devant Perpignan, quand môsieur d'Orleans le sut trouver à Montpellier. Or asin de briesuement dissourir ce qui sur faict en ce voyage, & venir à ladicte retrait le, monseigneur le Daulphin allembla ses forces en Avi-Succez de gnon, auquel lieu l'estoit venu trouver le sieur d'Annebault voyage de vecques huict milles Suisses, six mille hommes de pied monseigneur François des vieilles bandes, dont estoit colonnel messire le Dauphin Charles de Cossè sieur de Brissac, & six mille Italiens, & à Perpignan.

Le Marquis du Guast adverty de là reddition du chasteau, & de l'ordre qui y estoit, fompit l'entreprinse qu'il faisoit de le venir secourir, & delibera de se recopenser ailleurs: parquoy estant delogé du pont d'Esture, tourna ses forces vers Villeneufye d'Ast, laquelle (encores que le sieur de Langey l'eust bien pourveue, pour la debiliré du lieu fut forcée, avec toutesfois peu de meurdre, aussi furét Poiring, & Cambian, petites places, non fortifiées. Le sieur de Langey, combien qu'il cogneust n'avoir les forces pour soustepir celles du Marquis, lequel avoit quinze mille homes de pied, & environ deux mille cinq cens chevaux; & luy tout mis ensemble n'eust attainct à plus de cing mille hommes de pied, estant adverty que l'entreprise du Marquis estoit de ne plus l'amuser de là l'eau, mais venir passer la riviere à Ca rignan pour y camper, & ce failant nous ofter tout le plat pais, depuis les montagnes jusques au Pau, pour affamer Turin, Pignerol, & le reste de ce que nous avions deça: & laisser fortes garnisons à Quiers, Ast, Fossan, Albe, & Cony; pour le semblable estre faict aux places que nous avios delà le Pau, & nous lever la commodité du Marquisat de Sa-Julies. Pour y remedier revint avec ses petites forces campet à Carignan,& y commença un fort en toute diligence, afin que par art il peust garder ce que par force luy estoit impos fible; car d'attendre son ennemy sans advantage il n'avoit le moyen.Le Marquis ayant entendu la diligence qu'il faisoit d'empescher son entreprinse, vint camper de-la l'eau sur le bord de la riviere vis à vis de nous:& d'autat que cestoit au mois de Juillet que les eaues estoient retirées, aisément on pouvoit au dessus & au dessoubs de Carignan passer la riviere à gué: & quinze jours durat que les deux armées furêt logées au devant l'une de l'autre, il y avoit ordinairement escarmonches, & falloit que jour & nuict nostre armée fult en armes pour l'empescher de forcer le passage, de sortequ'é se reposoit à tour de roole. Le sieur de Langey considerant qu'à la longue ses gens n'auroiet moyen de porter la fatigue, & f luy-melines pour les longs travaux precedés qu'il avoit endurez estoit devenu perclus, tellement qu'il ne l'aydoir que du cerveau & de la langue, trouva moyen de tirer du camp Imperial cinq ou six mille hommes de pied Italiens,& quelque cavalerie, dont il se renforça; &

affoiblit son ennemy d'autant. Dequoy le Marquis estonné osta sa fantasse de plus essayer de passer le Pau, ctaignant qu'estant deça l'eau, ceux qui ja s'estoient rendus à nous, subornassent les autres qui estoient en son camp, & que par-ce moyen il demourant le plus soible, parquoy il commença sa retraitte veis Villedestelon, s'approchant de Quiers.

L'orinion du fieur de Langey, & de la plus part des capitaines estoit de passer le Pau, & suivre l'ennemy, pour executer autres intelligences qu'il avoit en son camp & ailleurs: mais quelques uns (je ne sçay pour quelle occasion, car au conseil ils avoient monstré semblant de la trouver bonne, & suivant leur advis il avoit parlé aux Suisses, qui luy avoient accordé en leurs presences de passer outre) se retracterent, & trouverent moyen de mutiner les Suisses, tellement qu'alors qu'on cuidoit marcher en avant, ils tournerent leurs enseignes droict à Pignerol, chemin de la retraitte en France. Leur Colonnel Sainct Iulian en fut fouspeconné, & cray que ce fut à bon droict : & audict Pignerol se retira avecques eux le sieur de Bourieres. Le sieur de Langey se voyant abandonné ne sceut autre chose que de le faire porter en une chaire à Turin, avecques le reste d'hommes qu'il avoit: & envoya les Italies qu'il avoit tirez du camp Imperial à Cazelles & Siria, petites place entre Turin & Vulpia. Le Marquis adverty de la soudaine departie de nostre armée envoya quelque nombre de gens passer le Pau, lesquels trouvant un capitaine de Languedoc avecques cinquante soldats dedans le chasteau de Carignan les sommerent au nom du Marquis de rendre la place, leurs faisant entendre que s'ils attendoient que l'artillerie sust arrivée, que son intention estoit de les faire pendre & estrágler. Le capitaine, & les soldats n'attendirent à veoir l'artille rie, mais se rendirent à la premiere sommation. Ce qu'ayant entendu le sieur de Langey qui estoit à Turin, à sept mille de là craignant que le Marquis suivist avecques sa trouppe & parachevalt le fort qu'il avoit commencé, depescha sur l'heure le capitaine Martin du Bellay son frere, gouverneur de Turin avec la compagnie, pour aller entendre comme les choses estoient passées, & quel nombre d'hommes estoit dedans, afin que snivant ce qu'il luy manderoit il se feit porter luy-mesmes sur le lieu avec l'artillerie qu'il

Ec iiij

meneroit. L'edit capitaine Martin pour avoir loisir de pour veoit à son affaire, au partit de Turin jetta devant luy le capitaine Marville, & le Comte Maxime Antoine de Selle ses deux Lieutenants avecques quarante ou cinquate chevaux, pour se mettre entre le Pau & la ville de Carignan, pour recognoistre si le Marquis voudroit repasser l'eau. Estans arrivez sur la riviere, le Comte Maxime Antoine laissa son compagnon au guet, & par un trompette envoya demander de parler à ceux qui estoient dedans le chasteau : ce que luy estant accordé, le capitaine sortoit en seureté, lequel estoit de la cognoissance dudict Comté Maxime, & autresfois avoit esté soubs sa charge. Ledict Comte luy remonstra les grandes forces qui veuoient, avecques le grand nombre d'artillerie, & qu'ils estoient envoyez là seulement pour les investir, attendant les forces: l'asseurant bien que s'il tardoit tant peu soit de parler, il ne seroit en sa puissance de luy sauver la vie, dont il le vouloit bien advertir estant son amy. Les choses fusent tellement menées, qu'il remist la place entre les mains du gouverneur de Turin, & surent conduicts les Imperiaux seurement à Quiers : ce faict il sut pourveu à la place, à ce qu'il n'y adyint plus d'inconveniet. Le Roy ayant entendu la prise de Carignan par les Imperiaux, avoit depesché un courrier en toute diligence, mandant au sieur de Langey que toutes choses laissées il mist tout son effort à la recouvrer: mais arrivant le courrier, la trouva desja entre noz mains, dont le Roy adverty en eut grand contentement.

P E u de jours apres le Marquis du Guast repassant le Pau aupres de Cressentin, vint assieger Chivas, dedans lequel estoit le seigneur Hieronyme de Birague, mais apres avoir esté repoussé de deux assaux, se retira avecques son armée à Cazal. Au mesme temps Cesar de Naples, vousant ouvrir le chemin de Vulpian à Turin, delibera de prendre Cazelles, esperant le faire aisément: par-ce qu'il n'y avoit que les Italiens, lesquels le sieur de Langey avoit tirez du camp Imperial, & qu'il les pourroit retirer à sa devotion, mais ledict sieur de Langey soudain y envoya le chevalier de Villegagnon pout leur commander, craignaut qu'entre tant de capitaines sans ches il n'y eust partialité. Ledict Cessar les vint assaillir, mais il sut si bien recueilly qu'il y perdit soixante ou quatre vingts honmes, & se retira avec-

ques sa courte honte, & y demourerent ses eschelles pour

les gaiges.

Le sieur de Langey voyant le Marquis retiré à Cazal, avoit cognoissance qu'une place nommée Barges, laquelle ferme le chemin de Pignerol à Ravel & à Salusses, portoit grand dommage à toute la pleine, d'autant qu'elle est encla véc au milieu de noz terres, & que le Marquis de log temps ne la pourroit secourir: manda au sieur de Boutieres qui estoit à Pignerol, que pour ne laisser les Suisses inutils il eust à marcher devant Barges, & luy envoya toutes les forces qu'il avoit pres de luy, retenant seulement gens pour la garde de Turin. Le sieur de Boutieres incontinant partit pour ladite entreprise, & mena quant & luy six canons qu'il print à Pignerol: mais arrivé à Barges, trouva que les Espagnols avoyent fortisié un convent joignant le chasteau, & qu'il estoit impossible d'assaillir le chasteau sans premierement prendre le convent. A ceste occasion soudain feit ses approches, & meit ses pieces en batterie si diligemment que dedans vingt quatre heures il feit breche, de sorte que les soldats François meslez avecques quelque gendarmerie qui se meit à pied, emporterent le fort d'assault, & meirent au fil de l'espée environ trois cens hommes, qui estoient dedans. Ce faict approcha le chasteau qui n'est qu'un donjon quarré,& gaigna les faulses brayes, ayant faict breche, ceux du chasteau demanderent à parlementer: en fin plusieurs choses proposées, fut accordé, que si dedans six jours le Marquis du Guast ne venoit assez fort pour lever le siege, ou gens pour luy, ils se rendroyent la vie sauve, dont ils baillerent ostages. Le Marquis adverty de ceste composition, laissa tous autres affaires, & partit à grandes journées pour venir secourir les assiegez. Le sieur de Boutieres cognoissant que desja il avoit passé le Pau vers Ville-frache, & que pour attendre une si grosse puissance, ses forces estoient trop debiles, rendit les oftages aux assiegez, & par Brecqueras se retira à Pignerol. Ce pendant le Marquis refreschit la place: puis ayant crainte qu'estat essoigné on ne surprint quelques unes de ses places (car il estoit bien seur qu'on avoit de tous costez praticques secrettes) retourna proptement à Quiers, mais il ne sceut si tost venir que le sieur de Langey ne luy eust soustrait par menées le chasteau de Montault, & deux ou trois autres petites places du Montferrat, qui estoient

mal aisées à reprendre, à cause de l'hyver, où il n'avoit mo-

yen d'y mener l'artillerie.

Que L Ques jours apres le sieur de Langey n'estant satisfaict que Barges n'estoit mise entre les mains du Roy, manda au sieur de Vassé gouverneur de Pignerol, de praticquer par le moyen qu'il luy bailla, le capitaine d'icelle place de Barges nommé Paule Monnet: puis print quelque bandes nouvelles venans de France, & avecques quatre canons qu'il cust à marcher droict audict lieu, ce qu'il feit en diligence: car il n'estoit homme paresseux d'execurer choses honorables & hazardeuses. Y estant arrivé, meit ses pieces en batterie, encores qu'il n'eust commissaires ny canonniers, mais rous ceux qui estoient en sa compagnie meirent les mains à l'œuvre avecques luy, specialement un jeune homme de Picardie, frere du seigneur de Mailly, lequel naturellement s'addonnoit à l'attillerie: tous ensemble firent telle execution, qu'en deux heures fut faict un trou dedans la tour, non toutesfois raisonnable pour assaillir, mais le capitaine se voyant occasion de parler, remit la place entre les mains du sieur de Vassé, & se retira au service du Roy.

retiré son armée de devant Perpignan, de quelles forces elle estoit composée, & le proussit qu'elle luy apporta. Asin de ne la laisser inutile, ains en employer une partie si peu de temps qui restoit de bonne saison, le Roy ordonna le sieur d'Annebault pour aller en Piemont, & avecques luy le regiment des Lansquenets du capitaine Recroc, & les vieilles bandes Françoises, les bandes Italiennes, tous les chevaulx legers, & quatre cens hommes d'armes, esperant Arrivée de que avecques tel renfort (estant l'armée du Marquis ruinée par faulte de payemet)on pourroit faire un grand exploist. Le sieur d'Annebault avecques lesdictes trouppes print le chemin de Briançon, & faisant passer une patrie de son armée à Pignerol, l'autre par Suze, l'envoya loger à Carigna, à cause que le Marquis du Guast estoit logé à Carmagnolle, qui est delà le Pau deux mille contremont la riviere, &

Vous avez cy devant entendu, comme le Roy avoit

le sieur de Langey.

OR ledict sieur de Langey avoit faift secrettement preparer des batteaux sur le Pau, pour quand nostre armée

luy vint coucher à Turin pour là communiquer avecques

monfecur d Amnebault en Piemont.

feroit arrivée à Carignan, & durant que le Marquis seroit incertain du chemin qu'elle prendroit, porter noz gens de pied & artillerie contre bas l'eau: & pour la nourriture de l'armée, faich faire à Vorling par le seigneur Ludovic de Birague une munition de pain pour dix jours, pour, avant que l'ennemy sust adverty, surprendre Cazal & autres places, ausquelles il avoit intelligence, car en vingt-quatre heures elle y sut arrivée par eau, & le Marquis ne pouvoit venir au secours qu'en quatre jounées de camp, quelque diligence qu'il sist: mais il se trouva des envieux qui divertirent le sieur d'Annebault, combien qu'il y cust bonne fantasse.

Li sieur de Langey (toutesfois se voyant avoir perdu son temps & son argent) meir en avant autre party : c'est qu'un sien amy qui estoit avecques le Marquis luy avoit donné advis, que si la nuict on vouloir avecques l'armée passer le Pau, on ne failliroit de rencontrer les Imperiaux à un passage pres de Villedestelon, dont estoit impossible de leur, sauver, moyennant qu'on envoyast trois ou quatre cens chevaux entre Carmagnolles & Villedestelon, & nostrearmée en teste entre Villedestelon, & Quiers: car la nuict le Marquis craignant d'estre investy, se devoit retirer à Quiers, & que celuy qui donnoir l'advertissement, luymesine les conduiroit. Ce party mis en conseil sut approuvé, & fut ordonné qui iroit en teste,& qui en queuë, mais la nuict venue, je ne sçay pourquoy, ne pour quelle raison, on demeura. Seulement fut envoyé le capitaine Francisque Bernardin de Vimercat avecques deux ces chevaux legers, pour les recognoistre, lequel trouva les choses ainsi qu'elles avoient esté mises en avant, & print sur leur queuë plusieurs butins & bagages: l'entreprise estoit indubitable, car les ennemis n'estoyent que trois mille Lansquenets, & mille Espagnols, qui estoit leur force d'estrangers: ainsi defaisant ceste trouppe on pouvoit marcher en pais, par-ce qu'il ne demouroit au Marquis que les Italiens sans testé d'Allemans.

FINABLEMENT le sieur de Langey voyant qu'on ne vouloit executer ce dont il avoit tant travaillé, & faict de si gros frais, tant à l'entretenement des hommes que pour la fourniture de ce qui y estoit necessaire, considera bien que le pareil suy seroit fait en autres choses: à ces causes, pour la debilité de ses membres (car il estoit perclus à cause des longs travaux) avecques le congé du Roy, partit de Turin en une littiere, pour venir devers luy, auquel il desiroit avant que mourir declarer beaucoup de choies pour son service, qu'il ne vouloit mettre en la bouche d'autruy, craignat de faire tort à ceux qui en luy sestoient stez, mais il ne luy sut possible d'y parvenir: car le neusiesme jour de Ianvier mil cinq cens quarante deux, il trepassa à sainct Saphorin sur le mout de Tarare, au grand regret de plusieurs gens de bien, de sçavoir & d'experience.

Mort de mofeigneur de Langey, frere asfise de l'autheur de ceste bistoire.

L'AMIRAL d'Annebault ayant failly d'executer telles entreprises, alla loger à Carmagnole d'où estoit de logé l'énemy, auquel lieu il eut nouvelles des sieurs d'Aussun & de Carles, lors estans à Savillan, que dedans Cony yauoit si peu d'hommes, que fil vouloit faire diligence de marcher pour l'investir, afin que secours n'y entrast, & amener artillerie pour faire batterie, il ne failleroit de l'emporter de premiere venue, par ce qu'il n'y avoit gens suffisamment pour soustenir un assault. Ayant cest advertissement partit avec quatre canons laissant le sieur Martin du Bellay gouverneur de Turin, Lieutenant du Roy deça le Pau, pout pourveoir à tout, d'autant que les forces de l'ennemy estoyent vers le pont d'Esture. Le lendemain ledit du Bellay ayant nouvelles que le regiment de Recroc estoit arrivé à Rivoles, & qu'il leur falloit venir trouver le pont du Pau de Turin pour passer l'eau(car celuy de Carigna & de Motcalier estoient rompus) leur y seit preparer le logis, & les vivres, esperant d'en tirer du service en passant chemin. Or à trois mille de Turin de là l'eau sur la montagne de Montferat y avoit trois ou quatre petites places, à sçavoir la tout S. Bony, Castillon, & S. Raphael, qui portoyent grand ennuy à Turin, d'autant qu'elles descouvroient tout ce qui en sortoit, de sorte qu'on ne pouvoit aller à Casal Bourgon, ny autres places que nous tenions au Montferat (dont il nous venoit beaucoup de vivres, mesmes des vins) sans estre descouvert: lesquelles places il avoit failly peu devant de surprendre, & y avoit perdu des hommes: & entre autres le sieur de Malicorne du Maine, capitaine de gens de pied y avoit esté estropié de tout un costé d'un arcbouzade. Ledit gouverneur, delibera à la faveur d'iceux Lansquenets les emporter de force: parquoy feit mettre en ordre

quatre canons avec leur equippage,& prendre des beufs par la ville pour les conduire: & au matin feit partir de Turin avecques lesdicts Allèmans, une partie de la compagnie du sieur d'Annebault, celle de monsieur de Langey son frere, lequel estoit sur le chemin de France, où il mourur comme dit est, & la sienne avec trois enseignes de François de la garnison de Tutin. Estans arrivez devant S. Bony, fut plantée l'artillerie, de la quelle en peu d'heure fut faict un trou, auquel fut doné l'affault par les Lansquenets, qui l'emporterent de furie, & furent tous ceux de dedans tuez, hors mis le capitaine, qui fut pendu, pour avoir esté si outrageux, que de vouloir tenir une si meschante place devant le canon. Puis fit marcher à Chastillon, petite ville, sur une montagne qu'on ne peult battre, finon d'une autre montague opposite, mais il est impossible d'y mener artillerie sans engin, on force de bras, car les chevaux n'y peuvent monter. Les Lansquenets qui avoient eu curée de ceux de S. Bony, mirent la main à l'œuvre de telle façon qu'ils monterét deux canons aussi aisement que si sen eust esté qu'un fauconneau. Les assiegez, lesquels estoient quatre cens hommes de guerre en fort bon equippage, considerans le traittement qu'on avoit faict à ceux de S. Bony, aussi voyans ceste grosse armée de France venue à l'improviste, entrerent en tel effroy, que sans laisser tirer, se rendirent, leurs bagues sauves, & sortirent quatre cens hommes aussi bien armez, & aussi bon visage de soldats qu'il en y eust en Italie : fils eussent faict leur devoir (estant l'assiette telle) il y eust eu de l'honneur à les assaillir. Ceux de S. Raphael n'attendirent qu'on allast à eux, mais envoyerent au devant se rendre: aussi feirent deux ou trois autres petits forts, tous lesquels furent rasez, excepté la ville de Chastillon, en laquelle fut mile garnison pour garder le passage, car elle estoit desfensable:ce saict il envoya passer les Lansquenets à Montcalier le long de la montagne, lesquels se rendirent le lendemain avecques monsienr l'Amiral qui marchoir à Cony.

A u o u e l lieu de Cony estant arrivé avec toute son armée, planta son artillerie au lieu qui luy sut dit estre le plus debile, mais on l'abusa, car c'estoit le mieux remparé: & apres que la breche sut faicte, on donna l'assault: noz gens arrivez sur le hault trouverent un rempart derriere la

breche pourveu de bons hommes; de sorte qu'apres avoir combatu une heure sur le hault de la breche, ils furent contraincts de se retirer. Il y mourut des nostres beaucoup de gens de bien, entre autres le capitaine Brocote Normant son Lieutenant & enseigne, le Comte Guillaume de Biendras Montferratin, & son Lieutenant! le Lieutenant & en seigne du capitaineS. Petre Corse, & luy fort soullé de toups de pierre, S. Estefve enseigne du capitaine Cavagnes, & plusieurs capitaines & enseignes blessez. Estant retiré deux cens chevaux & sept où huiet eens homes de pied envoyez par le Marquis du Guast, la nuict entrerent en la ville par l'autre costé de la batterie. Le jour venu, monsieur l'Amiral ayant cognoissance de ce renfort, & voyant ses munitions d'artillerie faillir, ordonna de se retirer : on disoit que s'il eust mené jusques à huict canons, & leur suitte pour faire deux batteries, afin de divertir les forces de dedans qui estoient petites, il y avoit apparence, ou qu'on les eust forcez, ou qu'ils se fussent rédus, car assaillant par plusieurs endroicts ils n'estoient pour respondre à tout, mais ce ne fut le vouloir de Dieu. Sur la retraitte le Comte Maxime Antoine,& le sieur de Marville Lieutenans du seigneur Martin du Bellay, & le capitaine Theode Bedaine Albanois rencotrerent deux cens chevaux Imperiaux pres de Bra, vis à vis de Quieras, lesquels ils chargerent & les defirent, done ils prindrent la plus part: voila ce qui fut faict en ce voyage.

L E sieur d'Annebault de retour à Carmagnolle, se voyant n'avoir moyen de faire nouvelles entreprises pour l'hyver qu'il avoit à dos, aptes avoir remis en l'obeissance du Roy quelques petites places, comme Villeneufve d'Ast, Poring, Cambian, & Rive de Quiers, que les ennemis avoient abandonnées, rompit son armée, laissant le sieur de Bouttieres en son absence Lieutenat du Roy en Piemot, & à Turin le seigneur Martin du Bellay, Prince d'Yvetot: pour gouverneur à Pignerol le sieur de Vassé: à Chivas & Vorling le sieur Ludovic de Birague: à Savillan le sieur de Termes: la reste de l'armée licentia, hors mis deux mille Suisses soubs la charge du sieur de S. Iulian, & sir rerourner en France le colonnel Recroc, avec son regiment de Lasquenets, pour estre employez aux lieux que le Roy ordoneroit, & puis il pareit pour retourner devers le Roy enviró le i.jour de Ianvier, prenant le chemin de Mot Cenis,

arrivat à la Novalaize, on luy fit entendre que la tourmen- Fortune ave te estoit sur la montagne, ce nonobstant on ne luy sceut nue à mosseur dissuader de passer ce jour là, pensant corrompre le temps, le Mareschal contre l'opinion de tous les marrons, qui sont ceux qui co- d'Amebault gnoissent les toutmentes de la montagne, comme font les sur le Mene mariniers celles de la mer : mais estant à mi-chemin de la Cenis. montagne, entre la Ferriere & la plaine de l'hospitalet; la tourmente survint si extreme, que la plus-part de ceux qui estoyent en sa compagnie furent au hazard d'estre peris, quelques bons guides qu'ils eussent. Il s'en perdit bon nombre soubs les neiges, & entre autres le seigneur de Carrouges jeune homme, de bonne maison: autres y perdirent la veue, autres les pieds, & la plus grand part depuis ne furent en santé. Semblablement plusieurs soldats Allemans & autres, lesquels soubs esperance qu'un tel personnage que monsieur l'Amiral ne s'estoir mis en chemin sans avoir cosulté du passage, l'avoient suivy, qui se perdirent. Quant à luy ayant gaigné la plaine, il demeura si eperdu luy & ses marrons qui le conduisoient, que sans des hommes qui estoient dedans les tavernettes qui sont au hault de la plaine, lesquels sortirent à son secours, indubitablement il eust faict pareille fin que les autres. Le sieur de Maugiron cognoissant la nature du pais, mesmes que la tourmente venoit, demeuta à l'hospitalet au pied des eschelles, jusques au lendemain, ayant retiré quelques gentils-hommes passans par là, demy gelez, lesquels furent sauvez par son moyen. Ce danger procede à cause qu'à main droite de ce passage montant de la Ferriere pour venir à Lanebourg y a une haulte montagne,& une autre à main gauche qui font le chemin estroit, lequel est entre deux, & quand la tourmente se leve sur icelles vous verriez des pelottes de nege que le vent pousse contre bas, qui se font estant amassées au hault de la montagne fort petites (se monstrent elles) mais avant qu'arriver au passage se font aussi grosses qu'une motagne, tellemen qu'elles perdent tout ce qui se trouve en ce destroict, en temps de tourméte, mesme la plaine est si couverte & les chemins que les propres guides fy perdent, & menent leur suitte perir dedans les cavains remplis de neges. Ledit sieur Amiral eschappé de ceste fortune arrivé qu'il fut à Lanebourg au pied de deça la môtagne, print la poste, par ce qu'il avoit eu nouvelles du Roy pour le venir wouver en Chastelerandais.

L E Roy à son partement de Montpellier apres qu'il eut retiré son camp de devant Perpignan, eut advertissemet que les habitans de la Rochelle s'estoient mutinez, & avoient quelque effort contre les officiers de la gabelle, passant païs pour le retirer vers Chastelerauld, & de là à Paris, les voulut chastier, & en ceste intention seit marcher en sa compagnie le capitaine Ludovic colonnel d'un regiment de Lansquenets, qui estoit celuy qu'avoit eu le Comte de Mansfeld, lequel, s'estoit retiré en Allemagne. Mais arrivé qu'il fut à la Rochelle, tous les habitans, non sans cause, craignans que sa majesté usast de la rigueur qu'ils meritoient, chercherent tous moyens de se reconcilier, & remettre du tout à son obeissance. Et le premier jour de Ianvier s'assemblerent au jardin de la maison où il avoir pris son logis pour luy demander publicquement pardon, de la rebellion attentée par eux en plusieurs voyes, contraires à l'obeissance que le subject doit à son Prince & souverain seigneur. Et le Roy estat audit lieu assis en son tribunal, & iceux ayans les testes nuës, les mains joinctes & les larmes aux yeux, avec ceux des isles prochaines, feirent faire une requeste publicque demandas misericorde par l'advocat, à ce que lon disoit, desdites istes, qui parla en ceste faço. La malheureuse journée (Sire) & detestable à jamais en laquelle nous vos treshumbles & tresobeissans subjects de ceste vostre ville de la Rochelle, & des isles, avons esté tant delaissez de bon sens, de bon jugemet & de raison, qu'oublians la douceur & benignité de vostre majesté Royalle, les biensfaicts envers nous, & les merites d'icelle, sommes tobez en tel inconveniét, que d'avoir failly à recognoistre l'obligation, & le devoir que nous vous devons par les raisons dessusdites,& par tout droict tant divin qu'humain, ayans comis chose (Sire) par laquelle nous devons encourir vostre indignation, & perdre vostre bonne grace, par noz mesfaicts: de sorte que de tat est la faulte que nous confessons plus grande, que vostre humanité & bonté. envers nous est plus cogneuë, & apparente : dont la coulpe de ces pauvres miserables que vous voyez prosternez à voz pieds pour requeiir vostre misericorde, est (quant à nous & nostre peché)indigne de la recouvrer. Mais quant à la gran deut & infinité de voz pitiez, ainsi que le Roy Psalmiste David se consioit en la grandeur des misericordes de son leigneur,

seigneur, nous avons esperance (Sire) que vous entendrez

la voix, & recevrez les confessions à mercy de ceux lesquels presentement baisent les pieds du trosne de vostre majesté, vous supplians treshumblement (Sire) avec des plaisir au cueur de vous avoir offencé; & les larmes aux yeux, ne regarder du tout à ce mefaict qui nous est advenu, pour raison duquel nous crions publicquement à haulte voix, & demandons vostre misericorde: ains (Sire) ayez fil vous plaist esgard à vostre bonté & clemence accoustumée: Etainsi piteulement criant misericorde & se mettant à genoux, avec une voix tremblante, piteuse, & lamentable, asfez long temps iceluy advocat, comme continuant sa harangue; dist, A la mal·heure (Sire) nous nous sommes tant oubliez que de commettre chose qui nous ayt faict encoufir vostre indignation, & perdre vostre bone grace & la reputation, en laquelle par le passé nous avons esté tant envers vous que voz predecesseurs Roys, pour estre presentement spectacle à tout le monde de desloyauté & de desobeissance:pour laquelle (Sire) nous vous supplions treshum- Haregue dis blement nous vouloir faire misericorde. Et le peuple incon Roy au peutinant commença de rechef à crier misericorde, jusques à ce plo de la Roque ceste voix piteuse tira les larmes des yeux des assistans, chelle. & du Roy mesmes, qui bien peu apres commença à respondre en ceste maniere. Ie ne suis venu icy pour vous dire l'enhuy que je receu, quand moy estant empesché en personne; & mes enfans pour l'augmentation & tuition de mon honneur, & de mon Royaume, les nouvelles me furent apportées de la miserable rebellion que presentement vous confessez: mais bien pour vous dire mes amis (car amis vous puis-je appeller maintenant que vous estes retournez à la recognoissance de vostre offence) que le mal que vous avez faict, quand vous avez oublié (comme vous mesmes confessez) l'office & devoir de subjects envers vostre Prince; est un crime si grand & si necessaire à punir, qu'il ne pourroit estre plus, pour les inconveniens qui s'en ensuivét. Car tout estat de monarchie & de republique bien institué ne consiste qu'en deux poincts, c'est à sçavoir au juste comandemer des Princes & superieurs, & en la loyalle obeissauce des sub ects: ou si l'un des deux fault, c'est autant comme en la vie de l'homme la separation du corps & de l'ame, laquelle vie

dure tant seulement autant que l'ame comande, & le corps obeit. Dieu me doint grace de ne faillir au commadement qu'il m'a donné sur vous, & lequel je tien & recognoy de luy, comme chose de laquelle il me fault rendre compte: & combien qu'en ce commandement soit comprise la punitio de la desobeissance, en laquelle je n'ay fauste d'exemples, tant vieux que nouveaux que je puis suivre pour l'execution de justice aspre & rigoureuse, qui a souventesfois esté necessaire, pour remedier à l'insolence d'un peuple : il me semble tout esfois n'estre moins raisonnable & convenable à un Prince (mesmement qui en toute sa vie a eu ce propos de preferer tousjours misericorde à severité & rigueur de justice) de recepvoir apres la confession de la coulpe son peuple, se repentant & demandant pardon, qu'il est droict & equitable au peuple d'obeir, & garder la foy à son Prince, qui use plus de clemence que de justice. Ie sçay bien que la pitié & misericorde enseignée par nostre seigneur Ielus Christ preschée par ses disciples & Apostres, & manisestée par tout le monde, pourroit non seulement non corriger, mais aussi corrompre un peuple de mauvaise voloté. Mais je sçay aussi que vous estes enfans de si bons peres, desquels la fidelité a esté experimétée par tant de noz predecesseurs, & vous mesmes jusques iey m'avez esté si bons & si loyaux subjects, que j'ayme trop mieux oublier ce mesfaict recent & nouveau, que voz vieils & anciens biens-faicts, & aussi peu convient à voz coustumes precedentes de desobeir come à ma nature de ne vous pardonner ceste offence presente. Facent les autres & exercent rigoureusement leur puissance, je seray tous jours tant qu'il me sera possible pour la pitié & misericorde, & ne feray jamais volontairemet à mes Subjects ce que l'Empereur à faict aux Gantois pour moindre offence que la vostre, dot il a maintenant les mains sanglates, & je les ay la mercy à Dieu encores sans aucune tain Aure de sang de mon peuple: aussi a il avec l'effusió de sang des siens la perdition de tant de testes, & de tant d'ames perdu semblablement les volontez & les cucurs. Et j'espere que ma misericorde & clemence confermera voz courages, en sorte que de bons & loyaux subjects que vous avez tousjours esté par le passé, pour l'advenir serez encores meilleurs: & je vous prie oublier ceste offence qui est sur-

venue, & de ma part il ne m'en souviendra jour de ma vies mais aussi je vous prie qu'il vous souvienne tant seulement d'estre tels que vous avez esté par cy devant, & Dieu me doint la grace de faire envers vous encores mieux que je n'ay faich. Quant à l'offence & à l'inconveniét qui vous est n'agueres advenu, Dieu nostre seigneur & createur le vous vueille pardoner: quant à ce qui me touche je vous remets tant le criminel que le civil totalement, & vous pardonne sans excepter aucune chose, moyennant ce qu'avez accordé, que j'estime toutesfois beaucoup moins que vos cueurs repentans, scachant tresbien que le bien du Prince gist en la loyauté des cueurs de ses subjects plus qu'en autre chose. Et à ceste parole le peuple commença à crier vive le Roy priant nostre seigneur luy donner bonne vie & longue, & continuer tousjours jusques à ce que le Roy dist d'avatage; je veux que tous les prisonniers soient delivrez presentement, & que les clefs de vostre ville vous soient rendues, & voz afmes, & que les garnifons de gens tant à pied qu'à che val sen aillent, & que soyez reintegrez & restituez totalement en ma grace en liberté, & voz privileges, & veux aujourd'huy demeurer en vostre garde: & pour la rejouissance & congratulation je veux que vous sonniez voz cloches, tiriez vostre artillerie, faciez feu de joye en rendant graces à Dieu, & vous & moy pour ceste bone estraine. Et telle sut la fin de l'oraison du Roy avec larmes, tesmoignant sa bone affection & charité envers son peuple. Apres la fin de ceste harengue, la voix du peuple reconforté, & resjouy merveilleusement l'esseva tout en un coup, & cria soudainemet, en invoquant nostre seigneur, le suppliant pour la longue vie, santé & prosperité du Roy, lequel en cest acte ainsi qu'en plusieurs autres laissa suffisant tesmoignage de la clemence & bonté; dont il a tousjours usé, aussi souvent comme l'occasion y a esté disposée.

A u mesme temps messire Martin du Bellay gouverneur Pratique de Turin, ayant eu nouvelles du trespas du sieur de Langey entreprises du son frere, demanda congé au Roy pour se retirer en Fran-Marquis du ce, & pourveoir, à ses affaires (car il estoit mort endebté de Guast contre trois cens mille livres) toutes sois ce ne sut sans mettre en Turm decourseureté la ville de Turin, de plusieurs praticques que l'en-verte.

nemy avoit dessus. L'une desquelles estoit, qu'environ trois mois au precedant le juge de Turin natif de Quiers

luy avoit porté paroles, que lors que ladite ville de Quiers avoit esté prise par le Marquis du Guast (estant dedans le chevallier Aslal, ainsi que cy devant avez entendu) ledit Marquis l'avoit enhorté que se retirant à Turin, & qu'il eut moyen de luy faire service, il le recognoistroit ainsi que l'Empereur avoit accoustumé de remunerer ses serviteurs: disant pour conclusion audit gouverneur qu'il avoit moyé de luy faire un grand service, car il envoiroit devers ledit Marquis pour luy faire entendre qu'estant parvenu à cest estat de luge de Turin (comme il estoit) il auroit moyen de luy mettre la ville entre les mains: & par ce moyen ledit gouverneur estant adverty du temps & heure que le Marquis viendroit, pourroit audit Marquis aprester une amorce, & le prendre, & tailler en pieces tout ce qui seroit en sa compagnie. Le gouverneur ayant ouy ceste induction, vou lut encores par autres moyens plus amplement cognoistre la fantasse du Juge parquoy luy feit entendre qu'il la trouvoit bonne, mais il faloit temporiser pour quelque raison, & que sur sa vie il n'eust à passer plus outre sans son expres commandement.

O R est il que de long temps le gouverneur avoit souspeçon sur ledit juge, par ce que des le temps du sieur de Montejean, iceluy Montejean eut opinion durant la trefve d'avoir de sa part un ambassadeur à Milan pres du Mar quis du Guast, & y envoya l'un des sieurs de la Mole de Pro vece, le Marquis luy envoya à Turin le maistre de camp de la tierce de Lombardie, un Espagnol autant subtil & advisé qu'il fust en Italie, lequel demanda à loger en la maison du dit juge, qui avoit trois filles courtisanes des plus magnifiques du païs. Ledit maistre de camp faisoir despence ordinairement de cent ou six vingts livres par jour, chez lequel se retiroient coustumierement les soldats, specialement les Navarrois & Basques: chose qui tousjours depuis avoit rendu suspect le juge audit gouverneur, craignant qu'il fust corrompu à cause de sa pauvreté. Parquoy il mist sur tous les passages gés pour surprendre lettres qui se porteroient à Quiers où estoit le Marquis, finablement un marchand de Turin nommé Luquin Bergue que le gouverneur avoit adveity, l'asseurant de sa fidelité, feit surprendre un garçon portant lettres dudit juge, par lesquelles il madoit au Marquis que l'heure estoit venue qu'il luy pour-

roit livrer la ville de Turin: car estant mort le sieur de Langey, ils ne devoient plus estre en doubte d'estre descouverts, & qu'il eust à luy envoyer un sien sidelle tranvesty qui passeroit sur le pont du Pau, avecques deux ou trois jumens chargées de vin, lequel ayant passé le pont, prendroit le chemin à la main gauche, venant chercher la porte du palais qui tire à la Douaire: & si on luy demandoit à la porte dont il venoit, qu'il dist qu'il venoit de Rivole, & que c'estoit vin qu'une sienne fille luy envoyoit, & qu'au cas qu'on luy feroit refus d'entrer, il iroit luy mesmes au gouverneur pour avoir congé, & que ledit messager pour plus grande seureté, on luy renvoyast un signal, estant dedans sa lettre, qui

estoit son cachet, entre deux papiers.

L E gouverneur voulant eclarcir ladite entreprise, à ce qu'en son absence n'en advint inconvenient, manda le juge venir vers luy, lequel il tira en secret, l'interrogant, si le moyen dont autresfois il luy avoit parlé de livrer le Marquis entre ses mains, estoit encores en son entier, il feit response qu'ouy, & qu'il envoiroit une lettre audit Marquis foubs son bon cogé, par le prieur de S. Dominicque, laquelle il luy monstreroit, semblablement la response, au bout d'une heure, luy ayant accordé il apporta la lettre audit gou verneur, à la reception de laquelle il appella le seigneur Re gnal de Birague, Presidant de Turin, & maistre Iean Vaillant, Procureur general du Roy en Piemont. Apres la lecture d'icelle, le gouverneur luy demanda, fil en avoit point escrit d'autres au Marquis, depuis qu'il avoit parlé à luy, il feit response que non, & que s'il l'avoir faict, il auroit merité la mort, attendu la deffence qu'il luy en avoit faict. Sur le champ luy fut presentée sa lettre surprise, à laquelle il ne sceut contredire, parquoy fut mené dedans le chasteau: interrogué par ledit gouverneur, & par les Presidat & Procureur du Roy, cofessa que l'entreprinse du Marquis & de luy estoit que le Marquis luy devoit envoyer un nobre de charettes chargées de vin, aujourd'huy deux & demain trois pour moins de soupçõ,& que dedans les pieces de vin { par ce que les vaisseaux sont de la logueur des charettes) devoit avoir aux unes des archouzes dedans le vin, aux autres pertuisanes & corselers avec toutes autres sortes d'armes, hors mis picques, lefquelles il devoit faire descendre dedans ses caves. Puis devoyent venir plusieurs soldats Italiens à diverses fois, transvestiz en païsans, apportans vivres au marché, lesquels se devoiét retirer en la maison dudit juge, dedás grades caves hautes de voutes, claires & seches, pres de la place, & devoyét venir jusques au nobre de la coulum la porte de la ville & crier Savoye, ils devoyent sortir en armes pour gaigner la place, pendant que les soldats de la garde seroiét

au combat de la porte. BIEN estoit adverty le gouverneur qu'il se faisoit quelques charettes à Ligny ville Imperiale estant aux Provanes pres de Vulpian pour faire entreprinse sur Turin, & avoit gens ordinairement pour l'asseurer du partement d'icelles, mais le voyat pressé de partir, & esperant par ce moyen ropre ceste entreprise, feit faire le proces du juge, & luy sit coupper la teste. Toutesfois il admonnesta le sieur de Boutieres qui estoit demeuré Lieutenant du Roy, & le sieur de Moneius, qui estoit ordoné à demeurer gouverneur de Tu rin en son abséce, à ce qu'ils eussent l'œil sur lesdites charettes, car de bref s'eclarciroit l'entreprise qui se devoit saire & leut laissa un homme, qui se tenoit à Groillan, trois mille de là, nommé messire Alexandre de Carara, auquel s'adressoyent ses espies, pour les advertir des choses qu'il pourroit entendre: priant ledit sieur de Boutieres de ne donner saufconduit aux ennemis, d'amener foin dedans la ville, parce qu'il estoit asseuré que ladite machination estoit par chartées de foing.

Ausst y avoit il une autre entreprise, c'estoit que deux caporaux de la bande du capitaine la Molle, ayans esté pris à la guerre, furent praticquez par Cesar de Naples, gouverneur de Vulpian, de luy livrer un boullevert de Turin, & pour cest essect (les pésant avoir à sa devotió) leur avoit avancé chacú ij. cés escus, & un partat du Marquis du Guast, de mille escus d'intrade chacú au Royaume de Naples. Apres laquelle coposition, ou pour mieux dire collusion, les deux caporaux en advertirét ledit du Bellay, gouverneur de Turin, les sis il cosorma de promettre audit Cesar le boullevert qu'autre-sois il avoit surprins (come avez cy devant entédu) ayat ledit du Bellay bone intétion de faire un grad carnage des Espagnols: puis pour recognoistre si le lieu seroit bien à propos, s'estoiet laissez prendre à la guerre trois Espagnols, ausquels ils monstreret le lieu & le moyen d'es

recuter ce qu'esperoit ledit Cesar.

L E jour de l'execution ledit du Bellay devoit faire venir à Montcalier les deux mille Suisses qui estoient demourez à Carmagnoles, & avec environ ij. mille autres hommes de pied François qu'il tireroit de toutes les garnisons, & vij.ou viij. cens chevaux, tant de la gendarmerie que des chevaux legers, devoiét venir passer le Pau sur le pont de Turin, pour charger les ennemis Pendant lequel temps le seigneur Ludovic de Birague, accompagné de xij. ou xv. cens hommes de pied des garnisons de Vorling, Chivas, & des terres du Montferrat, viendroit par le costé de Vulpian, leur donner fur la queue,& luy mertroit dedans, le corps de la garde du boulevert, qui estoit au milieu soixante ou quarre vingts arcbouziers, & dedans les contremines autre nobre d'hommes, avecques corcelets & hallebardes: & fourniroit, les tours de la ville d'arcbouzes à croq & d'autre arcbouzerie. Et à l'heure que ceux qui devoient entrer dedás le boulevert seroient au combat, les Suisses qui auroient passe le pont du Pau avec la cavalerie, devoiet venir charger ceux de dehors par les flancs, & le seigneur Ludovic sur la queue, & mille ou xij. cens hommes qui sortiroient de la ville par la porte du chasteau, qui leur doneroient à l'autre flac, de sorte qu'il y avoit grande apparence que peu se fussent sauvez, mesmes estans en desordre, & suiviz jusques à Vulpian, il estoit apparant de l'emporter, la trouvant despourveue, & ceux de dedans effroyez. Mais cognoissant que ceste praticque ne se pouvoit conduire si promptement, & qu'estant absent en pourroit venir inconvenient, si les sieurs de Boutieres & de Monneins n'y estoient fort vigilans, se voulut asseurer avat que de partir, à ce que l'entreprise ne sortist à mauvais effect:parquoy commanda aux deux caporaux de faire venir le tabourin majour du Marquis du Guast, nommé le Morer, qui estoit celuy qui faisoit les messages avec les deux Espagnols ordonnez, pour recognoistre le boulevert, lesquels iceluy du Bellay fift prendre dedans leurs logis, comme estans venus sans saufconduict, par le capiraine de la justice: puis dans confrontez contre les caporaux, confesserent le faict, & curent tous trois la teste couppée.

LE huictiesme jour de Fevrier mille einq cens quarante deux avant Pasques, & huict jours apres le partement dudit messire Martin du Bellay, messire Alexandre de Carara, qui estoit ceiuy qu'il avoit laissé à Groillan, pour advertir le sieur de Boutières, des choses qui surviendroient, environ minuit envoya à la porte de Turin faire sçavoir audict sieur, qu'à Vulpian, & à Ligny estoient assemblez huict cés chevaux & cinq mille hommes de pied, qui prenoient le chemin de Turin, & qu'il pensoit bien que c'estoit l'entreprise dont de long temps ledict du Bellay l'avoit adverty, qui se dressoit à Ligny. Le sieur de Boutieres soudain fit mo ter à cheval le capitaine Francisque Bernardin, avecques vingt eing sallades de sa bande, pour rebourser le chemin dudit Vulpian, lequel arrivé qu'il fut à l'abbaye de Cette deux mille par de-là Turin tendant le chemin de Verceil descouvrit les ennemis au point du jour de là l'eau, & les ennemis luy: lesquels se voyans descouverts firent leur retraitte au lieu dont ils estoient dessogez sans autre chose executer,

L s douzieline dudit mois, de rechef ledit de Carara envoya une lettre au fieur de Boutieres pour l'admonester du partement des ennemis, lequel par oubliance, ou par avoir trop d'affaires, ne regarda dedans ladicte lettre: or venant l'aube du jour il sit grand brouillas, les ennemis jetterent leur ambuscade de gens de pied au molin de la Sye, sur la petite Douaire à un get d'arc de la ville, & leur cavallerie à nostre dame de Campagnes: puis firent marcher cinq chars de foing, conduicts chacun de quatre beufs, qui est contre la coustume du païs, car on n'en met que deux à chacun chariot: & pour-ce (comme vous sçavez) que le dessoubs des charretres du païs est long & quarré, & plat, un peu plus long que large, faict en forme d'un double ratelier, là dessus ils avoient assis la forme d'une grande cage avec botteaux de foin, si bien accoustrez contre lesdictes cages, qu'il n'y avoit homme qui n'eust estimé estre une charette de foin: dedans chacune cage avoit six soldats avec jaques & manches de mailles, le morion, l'espée, le poignart & la rondelle, chacun sur un genoil, trois le visage d'un costé, & trois de l'autre: puis les deux costez (couppant une corde par dedans qui les tenoit serrez) tomboient comme une trappe, en sorte que les soldars pouvoient sorrir tout à un coup, & servoient lesdists costez en tombant de pont pour descendre. Arrivant le premier chariot, dedas lequel estoit chef Alexandre Dymage Milanois, & estoit le bouvier un soldat

avec jacques de mailles, & courte dague sous une robe de toille: au premier pont les portiers leur demanderent, d'où vient ce foing?ils dirent de Ligny, & monstrerent leur saufconduit du sieur de Boutieres, à ceste occasion on les laissa passer. Estant le chariot arrivé devant le logis du capitaine Raimonnet, qui avoit la garde de la porte avec sa bande, un ject de pierre dedans la ville, le capitaine Raimonnet demanda à acheter le foing, le bouvier luy feit bien cher, esperant le conduire jusques à la place, quoy voyant ledit Raimonnet commanda à son lieurenant le capitaine Perrichon qu'il eust à donner d'une corcesque dedans ledit foing, par ce que le gouverneur au partir leur avoit faicte ceste ordonnance, de laquelle il se souvint, ce qu'il feit, & la retira toute sanglante : soudain les deux costez de la cage tomberent, servans de ponts à ceulx qui estoient dedans pour descendre. Sortant le premier, donna un coup d'espée dedans le corps au Capitaine Raimonnet,& luy couppa un doigt, Raimonnet le saisst au corps, & à coups de dague le tua. Les autres donnerent droict à la place, ce pendant les autres quatre chariots, voyans leurs compagnons decouverts, se jetterent dehors, & forcerent la garde de la porte, tellement qu'ils feirent abandonner leur garde, & en furent seigneurs & maistres, ensemble de leurs armes estans aux rateliers. Sans point de faulte si ceux qui estoient au moulin de la Sye, eustent faict leur devoir de diligenter, la ville estoit perdue, sans esperance d'y resister. Or y avoit-il ordinairement un esquadre tant de nuict que de jour à la garde de la place, de fortune ce jour là il touchoit au capitaine Salvateur d'Aguerre, lequel oyant l'alarme à la porte, & crier Savoye, tourna la teste droict audict lieu avec son elquadre, si qu'il rencontra au droict de l'hostellerie de la couronne les cinq soldats qui estoient eschappez du premier chariot, qui ja estoient au combat, mais les ayant mis en fuitte, suivit tousjours son entreprise, de gaigner la porte. Pendant ce combat un mareschal de la ville, qui se tenoit pres la porte estant bien advisé monta dessus icelle porte,& avec son gros marreau feit tomber la sarrasine qui estoit attachée d'une chesne, mais à cause de la rouille ne pouvoit descendre, toutes fois à force rompit la chesne, & tomba la herse, qui osta le moyen aux Imperiaux qui ja estoient mille ou xij. cens sur le bord du premier pont, de pouvoir en-

trer. Sur ces entrefaictes y arriverent les sieurs de Boutieres & de Moneins, & quant & quant fut fermée la porte, où fut enfermé entre la herse & ladicte potte un Espagnol. Il n'y a point de doute que si ceux qui avoient à conduire les chariots en eussent versé un dedans la porte, ou seulement detelé les boufs, la ville estoit perdue, car on n'eust peu ny abatre la herse, ny fermer la porte, & desja leur armée estoit sur le bord du premier pont, quand la herse tomba. Cesar de Naples voyant avoir failly à son desseing, le retira avec peu de perte, hors mis le lieutenant, qui fut tué d'un coup d'artillerie, & ceux qui est gient sortis des charettes, encores une partie se sauva, car estant la herse trop courte, aucuns repatlerent par delloubs, qui eschapperent; tel fut le progres & l'issue de ceste entreprise: apres le seur de Boutieres regar dant sa lettre receue la nuict, trouva que c'estoit l'advertisse, ment qu'on luy en avoit envoyé, mais ne l'avoit encores veu, au moins n'y avoit il pourveu.

1543.

Failts d'armes en Picardie foubs la charge de monfeigneur de Vendofme.

P E u de temps apres Pasques 1543, le Roy estant adverty que sa ville de Terouenne estoit mal pourveue de vivres, manda à monseigneur Antoine Duc de Vendosmois, qui estoit son Lieutenant general en Picardie, d'assembler son armée pour la renvitailler, lequel à ceste occasion meit tel ordre, qu'au commencement d'Avril se trouva l'armée en semble pres de Hedin, en laquelle estoient monsieur François de Lorraine Duc d'Aumalle, fils aisnédu Duc de Guise, monsieur de Nevers, le Mareschal du Biez, le seigneur de Lorges Colonnel des legionnaires, le regiment d'Allemans du capitaine Ludovic, & environ le nombre de cinq ou six cens homes d'armes, & fix cens chevaux legers, Partant dudit lieu, alla camper à Goutnay, qui est un village au deça de la forest de Foucamberghe, lieu fort à propos pour faite conduire les vivres en son camp venas de Hedin, sans troublet l'avitaillement de la ville, qui venoit de Montreul: & estoiticeluy cap si bien ordonné qu'il estoit malaisé à l'ennemy de coupper les vivres, ny d'un costé ny d'autre: audit lieu lejourna douze ou quinze jours, durant lesquels il meit dedans Terquenne ce qui estoit necessaire.

PENDANT ce temps monsieur d'Aumalle jeune Prince de grande volonté, destrant veoir les ennemis, s'en alla à Tetouenne avec environ cent chevaux de gentilshommes volontaires qui l'accompagnerent pour leur plaisir, ayant

en sa compagnie le sieur de Laval, le sieur de S. André, le sieur de Dampierre, le sieur de la Chasteigneraye, & autre bon nombre de jeunesse de la nourriture de monseigneur le le Dauphin. Estant audit lieu, alloit de jour en autre à la guerre, accompagné du sieur d'Esguilly lieutenant de la compagnie du sieur de Villebon gouverneur de Terouenne avec sa compagnie de cinquante hommes d'armes, de sorte qu'il se faisoit ordinairement, tant devant Aire que S. Omer de belles entreprises. Entre autres un jour estant sorty le seigneur d'Aumalle, & en sa compagnie outre les dessus nommez, le sieur d'Ecars avec les deux cens chevaux legers de sa charge, apres avoir esté long temps à l'escarmouche devant Aire, pour trouver moyen d'attirer les ennemis au combat, voyans qu'il estoit tard, & qu'il n'y avoit apparence qu'ils voulsissent sortir, se mirent à la retraicte par le chemin qui vient de Bonmy & de Hedin, & demoura ledit seigneur d'Aumalle sur la queue, esperant que ceux de la ville sortiroient sur la retraicte, & que par ce moyen feroit quelque faict d'armes: mais estant sur le chemin pour se revirer à Terouenne, l'alarme se donna environ de quatre cens chevaux des ennemis, qui venoiét de rebourser se chemin entre Hedin & nostre camp, esperant rompre noz vivres. Monseigneur d'Aumalle cogneur bien que le nombre des ennemis estoit beaucoup plus grand que le sien, mais se confiant à la vertu des siens, delibera de combattre. Et pour autant que c'estoit force aux ennemis de se retirer par un pot prochain, les y attendit, & y feit une charge brusque & furieuse, en laquelle furent portez par terre bon nombre de gens de cheval des ennemis, si est-ce qu'ils passerent ledit pont, pesse mesle monseigneur d'Aumalle & sa compagnie, par ce que la force estoir leur, mais aussi ne fut ce sans grande perte des ennemis, car tousjours fureur chargez par monseigneur d'Aumalle jusques aux portes d'Aire, dont luy & les siens revindrent plus sanglans, du sang des ennemis & de leurs chevaux que du leur, & amenerent jusques à cent hommes de cheval prisonniers dedans Terouenne. La cause qui feit retiter ledit seigneur d'Aumalle sut qu'il estoit sorry grosse trouppe de gens de pied d'Aire, pour luy couper chemin au pont par où il falloit qu'ils feissent leur retraicte, & sans cela il cust faict plus grand effort.

Le vingteinquiesme jour d'Avril de ladicte année mille


cinq cens quarate trois, moseigneur de Vendosme depescha devers le Roy qui estoit à Sainct Germain en Laye, pour luy faire entendre que le payement de son armée failloit à la fin d'iceluy moys d'Avril, & que s'il luy plaisoit envoyer encores dequoy la soudoyer un mois, il avoit moyen (estat le pais de l'Emperent depourveu d'hommes) conquerir quelque ville de sa frontiere, mesmement la ville & chasteau de Bapaume. Le Roy qui environ sur la fin de May, vouloit en personne marcher en campagne, comme vous orrez cy apres, ne voulut qu'il passaft outre, ayant crainte de rompre son entreprise: l'occasion pour laquelle la frontiere d'Artois & Henault estoit si deporuveuë, c'estoit à cause que le Duc de Cleves faisoit la guerre au païs de Brabat, & desja avoit pris deux ou trois places sur l'Empereur, parquoy les Bourguignons avoient toutné toutes leurs forces

pour luy faire teste.

ENTRE tant qu'on alla devers le Roy sçavoir son intétion, & luy faire entendre le desfault de payement, monseigneur de Vendosme adverty d'une place, laquelle faisoit grand ennuy au païs du Roy, nommée Lilliers, entre Betune & Aire, à l'entrée des marais, delibera d'employer le reste du payement de son armée, à la lever des mains de l'ennemy: puis estant arrivé devant, commença les approches. Ceux de dedans, qui estoyent cinq cens hommes de pied, & deux cens chevaux, d'arrivée firent bonne mine, mais la fin ne fur telle que le commencement, car apres la breche faite voyans noz gens se preparer pour l'assault, demanderent composition, laquelle leur sut accordée, & apres plusieurs parlemens sortirent leurs bagues sauves, remettant la ville entre les mains de mondist sieur de Vendosme: chose qui vint bien à propos, car le seu s'estoit mis en noz munitions, en maniere qu'à peine avoit on peu retirer nostre arrillerie que les affusts ne fusient brusset. Aussi monsieur d'Aumalle jeune Prince d'insigne volonté estoit prest pour aller luy-mesmes à l'assault, & de Duc de Védosme ne l'en pouvant dissuader, s'estoit aussi preparé pour y aller, encores qu'il fust Lieutenant du Roy, dont n'en pouvoit qu'advenir inconvenient, là où l'un d'eux, ou tous deux (comme il pouvoit estre vray semblable) y sussent demourez, d'autant qu'ils eussent voulu faire la pointe.

La ville estant rendue y sut mis le seu, & le portes abatues pour la rendre inutile à l'ennemy: & apres avoir razé plusieurs petits chasteaux, tant aux environs de Terouenne, de S. Omer, d'Aire, que de Betune, s'achemina le camp pour la retraicte, attendant des nouvelles du Roy, en lieu, dont en un jour il se peust retirer & licentier l'armée, ou marcher en païs, selon qu'il seroit commandé. Pour ceste commodité sut advisé de se retirer à Fervens sur la riviere de Canche, auquel lieu ils curent nouvelles du Roy, lequel·leur manda de mettre l'armée dedans les garnisons sans riens licentier, hors mis les legionnaires, lesquels en peu de temps on pourroit rassembler, chose qui sur executée.

FIN DY NEVFIESME LIVRE





MEMOIRES E MESSIRE MART D II BELLAY.

Seigneur de Langey.

Exploiets de guerre en Picardie Et Artois.

Es j A estoit la fin du mois de May, mille cinq cens quarante trois que le Roy estat à Villiers-coste-Réets, ordonna de rassembler de toutes parts son armée, pour se jetter en campagne, selon ce qu'il arrésteroit en son conseil, les uns estoient d'avis qu'il devoit marcher à Liliers nouvellement prise & brussée par

monseigneur de Vendosme, & la fortifier: car il estoit aile, par-ce qu'elle est en forte assiette, des deux parts fermée d'un marais, &n'y a qu'une advenue à fortifier du costé tendant à Pernes. Et quand & quand fortifier S. Venant, qui est deux licues plus outre sur la riviere du Lis, fort de nature, d'autant qu'il est en une isse triangulaire environnée de toutes pars, d'icelle riviere, & de marais, laquelle on nepeult ofter, de forte qu'il n'y a ordre d'y arriver q par deux chaufiées, & le tenant on pourroit courir librement tout le bas païs de Flandres, sans trouver ou ville ou passage qui face ostacle. Puis à S. Polonbien à Pernes faire un chasteau, pour asseurer le chemin à Liliers avecques Terouenne, qui est à quarre lieues de là, sur la main gauche, rirant de Pernes audit lieu, pour y mener vivres: car tenant Terouenne, Pernes, & Liliers, & Hedin à la queile, le pais seroit suffisant pour s'avitailler sans le secours d'autruy.

LES autres disoient, qu'estant la ville d'Avennes desgarnie d'hommes, à cause que la garnison estoit à la guerre contre le Duc de Cleves, l'allant investir à l'improvist, avat que l'ennemy eust l'opportunité de la secourir, on la prendroit, si non on prendroit Landrecy, qu'on pourroit fortisier, & le chasteau d'Emery, & quelques autres, pour avoir
entrée au païs de Henault. Qui sut l'opinion à laquelle le
Roy s'arresta, & depescha l'Amiral d'Annebault, nouvellement Admiral par le trespas de l'Amiral de Brion mort à
Paris, à ce qu'il print le droit chemin, pour en attendat son
arrivée, clorre ladicte ville d'Ávenes, & empescher qu'il ny
entrast secours: & manda à monseigneur de Vendosme de
rassembler son armée vers Abbeville, & prédre son chemin
à travers le païs de l'ennemy pour vivre à ses despens sans
souller le sien, & le venir rencotrer au Cateau Cambrezis,
& par ce moyé il avoit l'armée que menoit l'Amiral en sorme d'avantgarde à sa main dextre, & celle de monseigneur

de Vendosme à sa gauche, & luy estoit au milieu.

L'AMIRAL ayant prins congé du Roy à Villiers-coste-Réets, alla coucher à Soissons, delà à Motcornet en Tierasse, auquel lieu il assembla les forces qu'il devoit mener : de Montcornet alla caper à Estrée au pot sur la riviere d'Oise, duquel lieu, apres avoir fait repaistre les chevaux, dés jour couché, sit partir le sieur de Longueval avec cinquante homes d'armes de sa copagnie, & Martin du Bellay, sieur de Langey avec la sienne, & le capitaine la Lande avec mille homes de pied, pour passer entre Avenes & la haye d'Avenes, afin d'empescher que du costé de là l'eau il ne luy peust arriver secours. Or entre Estrée au pont & Avennes deux lieues au deça dudit lieu d'Avennes, passe une petite riviere qui fort de l'estang du Beusle, laquelle pour la hauteur des rives en peu de lieux est guayable, & y a un seul pont à un village nomé Estruel, par lequel on passe: au bout d'iceluy pot les ennemis avoiet fait un blocu car ainfi noment ils ce que nous appellons un fort) dedans lequel avoit trois cens hommes pour la garde. Le sieur de Langey print le devant, menat avec luy une douzaine de pionniers, & entre ledict fort & l'estag du Beufle fit abattre les borts de la riviere, en forte qu'il y passa à gué, & se trouva devat les portes d'Avénes, premier que le sieur de Logueval & la Lade arrivassent à Estreul, lequel tint ceux d'Avennes en telle subjectio, que le capitaine la Lande força ledit fort d'Assault, & meit ceux de dedans au fil de l'espée, sans que ceux de la ville en eussent la cognoissance. A Avennes passe une autre riviete

laquelle se nomme la riviere d'Avennes, & va tomber en la riviere de Sembre: le sieur de Langey pour achever l'entreprinse de se jetter entre la haye d'Avennes & la ville, adverty de la prinse du fort, marcha pour passer ladicte riviere: mais avant qu'il y arrivast, vint devers luy un homme, envoyé de la part de monseigneur l'Amiral, l'advertir qu'il avoit changé d'opinion, & qu'il eust à se retirer le chemin de Cartigny, qui est sur la riviere du Beufle, tirant au chemin de Landrecy: à quoy il obeit. Si est-ce que sur sa retraitte ceux d'Avennes luy firent plusieurs charges, mais ayant laissé trente ou quarante chevaux en une fosse, l'ennemy qui n'en avoit la cognoissance passa outre: incontinent ceux qui estoient demeurez en la fosse leur donnerentà dos, & prindrent quinze ou vingt des ennemis. Ie n'ay pas bien entendu à quelle occasion on avoit chagé de deseing, sinon que lon disoit que Sainct Remy commissaire de l'attillerie avoit dict que la ville n'estoit forçable: si ainsi e-Itoit, on ne devoit venir jusques là pour laisser d'autres plus belles entreprises: si est-ce que qui l'eust assaillie de furie, il estoit apparant qu'on l'eust prise, la trouvant depourveuë d'hommes comme elle estoit.

né, que le lendemain matin, le sieur de Langey iroit devat à Landrecy, pour faire le logis du camp, & selon l'occasion qui se presenteroit, feroit sommer ceux de dedans de le rédre à la mercy du Roy, & que le sieur de Longueval le suivroit avecques sa compagnie, & les mille hommes du capireine la Lande. Passant chemin iceluy de Langey trouva le fort de Prissé abandoné des ennemis, auquel il meit des gens attendant le camp : de là alla devant Landrecy, où il fit donner par quelques gens de cheval jusques, aux barrieres, mais nul sortit de la ville pour venir à l'escarmouche plus avant que lesdictes barrieres. La ville de Landrecy est assise sur la Sembre, laquelle n'est encores fort grosse, mais par-ce qu'elle est profonde, & les bords haults, elle se passe malaisément sans pont. Ceste riviere sort du vivier d'Oisi, qui est du Duché de Guise, & viet tomber à Chatillon, & de là à Landrecy, & à Marolles, de Marolle à Emery, & à Maubeuge & de là au pont sur Sembre, & se va decharger dedans la Meuze pres Naumur, Landrecy est deça l'eau,& au delà, à la portée d'un canon est la forest de Mormaux.

ESTANT nostre armée arrivée à Cartigny, futordon-

Description de la ville de Lădrecy, El de la riviere de Sembre. Le sieur de Langey, qui bien sçavoit que l'an mille einq ces vingt & un; lors que monsieur de Vendosme print ladicte ville, la nuict dont le lendemain il pensoit donner l'assault, les ennemis se retirerent dedans la forest, de sorte qu'au mátin on n'y trouva que le nid:pour obvier à cela, & qu'en partant ils meissent se feu dedans la ville, & brussassent les munitions (car il sçavoit bien que le Roy la vouloit sortisier) sit rabiller un pont à un moulin, auquel y a une tour quarrée, qui est au dessoubs de Landrecy, tirant à Marolles. Puis y fit passer cent chevaux des siens, conduicts par le Comte Maxime Antoine de Seile, pour se jetter entre la forest & la ville, attendant la venue de monseigneur l'Amiral,qui les pourroit renforcer:mais estant arrivé luy demãda deux ou trois enseignes, avecques quelque cent cinquáte hommes d'armes de réfort, car il y avoit lieu commode pour les loger sans hazard, toutes sois ledict Amiral ne le trouva bo, & sit revenir ce que desja estoit passe. Les ennemis environ minuict ne faillirent d'executer ce que ledict Langey avoit preveu, car ils deslogerent, & se retirerent à la forest, par-ce qu'il n'y avoit personne delà l'eau, & au par rir mirent le feu dedans la ville, en tant de divers endroits, qu'elle fut toute convertie en cédres, hors mis l'eglise, sans que l'on y peust remedier, & brusserent bleds, farincs, & autres vivres & municions en si grand nobre, qu'il y en avoit à suffisance pour nourrir le nombre d'hômes qu'il faudroit à la garde de la place pour un an.

PENDANT ce temps monseigneur de Vendosme marchoit avecques son armée par le hault païs d'Artois, lequel
passant pres de Bapaulme, assaillit la ville, & la meit en son
obeïssance. Dedans le chasteau qui n'est qu'une Roquette,
sestoit retiré le sieur d'Auchimont, avecques tous les soldats & les habitans de la ville, semmes, & enfans, en si grad
nombre, qu'attédu qu'il n'y avoit qu'un puis, en deux jours
il fut tary, de sorte qu'ils estoient prests de se mettre à sa
misericorde, la corde au col: mais le Roy qui par plusicurs
sois avoit mandé audict Duc de Vendosme qu'il eust à passer outre sans s'arrester là, ny ailleurs, & luy sit un reiteratif
mandement, & commandement, que sur peine de desobeïssance, & d'encourir sa male grace, il eust ce jour là à le
venir trouver au Cateau en Cambrezis, auquel lieu il ne sesoit faute de se trouver, à quoy il ne voulut desobeïr, &

regret. Le Roy estant arrivé à Cateau Cambrezis, monsieur l'Amiral le vint trouver, ayant tousjours laissé son camp pres Landrecy, lequel luy apporta le dessein de la ville, à ce qu'il en ordonnast son bon plaisir. Le Roy luy commanda de se venir loger à Carillon, deux lieues au dessus de Landrecy sur la riviere, & que le lendemain il se trouveroit audict Catillon, avecques toutes ses forces, & là estans sur les lieux, ils concluroient ce qu'ils avoient à faire. Estans ses forces unies audict lieu de Catillon se trouva son armée de seize ou dixhuict cens hommes d'armes, sçavoir est, monseigneur le Dauphin en personne, ayat cent hommes d'armes soubs sa charge, monseigneur d'Orleans, & sa compagnie de cent hommes d'armes, Antoine Duc de Védosmois cent, le Comte de S. Pol cent, monsieur l'Amiral cent, monfieur de Guise cent, monsieur d'Aumalle son fils, cinquantesle Mareschal du Biez cent, la compagnie de monsieur d'Anguien qui estoit allé en Provence, ainsi que je vous diray par cy apres, cinquante, le sieur de Brissac cinquante, le sieur de Dampierre cinquante, le sieur de Maugeron cinquante, monsieur de Boisy cinquante, le sieur de Longueval cinquante, le sieur de Bonneval cinquante, & plusieurs autres qui seroient longs à nommer : & dixhuict cens chevaux legers, dont estoit colonnel le sieur de Brissac, douze mille legionnaires, tant de Picardie, Normandie, que de Champagne, le colonnel du sieur de Roignac, de quatre mille bas Allemans, le colonnel du sieur de Fresnoy Lorrain de quatre mille, le colonnel de Ludovic de quatre mille. Ayant veu son armée en campagne, entre Catillon & Landrecy; apres avoir resolu de fortisser Landrecy, & avoir ordonné de ceux qui en auroient la charge, delibera d'aller loger à Marolles, qui est un gros bourg, où y a une abbaye de moines, sur la riviere de Sembre, deux lieues au dessoubs de Landrecy, par-ce que c'estoit le lieu plus à propos pour empescher l'énemy de venir troubler les fortificateurs, puis ordonna le capitaine la Lande pour gouverneur d'icelle vil le. Or est il que la riviere de Sembre passe au bas de la ville du costé de la forest, & par-ce que la dicte ville est fort en pente le Roy la fit retrencher, car du costé de la forest il y a une montagne qui regardoit dedans, mais à l'occasion du-

dict retrenchement on estoit à couvert, & sit abandonner

Noms des feigneurs de l'armee de Marolles.

Aßiette de Landrecy, Et la fortification.

tout le bas:aussi y furent faicts trois gros boullevers, dont l'un fut nommé le Dauphin, l'autre le boullevert d'Orleas, & l'autre le boullevert de Vendosme, & le retrenchement fut nomé la courtine du Roy: & pour servir de quatriesme boullevert, y avoit un vieil chasteau en forme de roquette, qu'il sit remplir de terrespour en faire une plateforme, ler-

vant de flanc ausdicts boulleverts.

QUELQUE temps au paravant le Roy estant adverty Faulce prade l'armée de mer, que Barberousse amenoit à son secours, ticque pour avoit envoyé monseigneur François de Bourbon, sieur le chastean d'Anguien, frere de monseigneur de Vendosme, pour estre de Nice. en ladicte armée, joincte avecques la sienne de Levant, son Lieutenant genetal, Ledict sieur d'Anguien estant à Marseille, attendat nouvelles de l'armée de Barberousse, le sieur de Grignan, lequel estoit Lieutenant du Roy à Marseille, luy proposa une vendition que luy devoient faire trois soldats Savoisiens du chasteau de Nice, qui luy promettoient livrer ledi& chasteau, disans avoir telle intelligence dedans que à leur arrivée il leur seroit livré. Le sieur d'Anguien apres avoir sur ce entédu le volonté du Roy, delibera d'executer ceste entreprise: pour laquelle execution il fit equipper quatre galleres, dont estoient chefs les capitaines Magdelon, chevalier d'Aux, Pierre Bon, & Michelet: & encores qu'il fust jeune d'aage, seulement de vingt ans, s'y voulut conduire dextrement & sagement, ne se voulant du tout mettre au hazard des traistres, lesquels pouvoiét aussi aisément vendre l'estranger que leur patrie. Et pour ne riens laisser derriere du service qu'il pouvoit faire au Roy s'il prenoit ledict chasteau', se jetta en mer, avec vinze galleres putre les quatre, & quelque asseurance que luy donast ledit seur de Grignan de la facilité de l'entreprise, & du peu de lager qui estoit en icelle execution, donna charge audit cabiraine Magdelő, frere du Baro de S. Blanquart, de se merre devant, avec les dites quatre galleres, menant quand & uy les marchas. Et luy avecques le reste des galleres, print e largue & l'avantage du vent, ou pour servir ses gens, ou our se retirer, si trahison y avoit, comme tost apres elle fut lescouverte: car soudain que ledict Magdelon approcha Perte de qua-

res de Nice, sortirent six galleres pour l'investir, & quinze tre galeres die ui venoient apres, coduites par Ianetin d'Orie, couvertes Roy Frageis du Cap Sainct Souspir, lesquelles donneret la chasse audit Magdelon & sa compagnie jusques dedans le port d'Antibe, où les dictes galleres furent abandonnées, reservé le capitaine Magdelon, qui sut blesse d'un coup de canon par la cuisse, dont il mourut, & surent amenées les dictes quattre galleres par Ianetin au port de Villestranche. Le seigneur d'Anguien estant surgy au Caproux, Ianetin qui venoit pour le surprendre, sut descouvert au cler de la lune, mais noz gens seirent telle diligéee de lever l'ancre, & saire sorce & volte, que terre à terre ils se retirerent à Tollon sans

riens perdre.

L E Roy ce pendant qui estoit à Marolles fut adverty que le chasteau d'Emery, qui est à deux lieues par dela, au dessoubs, sur la riviere de Sembre, estant entre ses mains, se pouvoit fortifier : à ceste cause ordonna monseigneur le Dauphin, avecques une partie de son armée, & une bande d'artillerie, pour y aller le mettre en son obeissance, lequel arrivé devant ladicte place mal pourveuë d'hommes, par ce que le seigneur d'icelle estoit à la guerre en Gueldres, ceux de dedans voyans les approches faicles se rendirent à luy: & fut laissé dedans le sieur de Sansac, avecques deux cens chevaux legers, dont il avoit la charge, & quelque nombre de gens de pied, mais peu de jours apres il fut retiré au camp, & en son lieu fut en voyé le sieur de Langey, avecques sa compagnie, & une enseigne de gens de pied de la legion de Picardie, à laquelle commandoit le capitaine la Moyenne, & le seigneur Hieronyme Marin Boulonois fortificateur pour fortifier ladicte place. Aussi fut prins Barlemont autre chasteau sur ladicte riviere, & tout le pais couru jusques à Bains, & pres les portes de Monts en Hainault. Ledict chasteau d'Emery est composé d'une roquette, en quadrature, ayant quatre grosses tours aux quatre coings d'icelle roquette, & un grand fossé à fons de cuve plein d'eau, puis revestu de quatre courtines, environ cinquante toises de chasque circonference loing de ladite roquette avec quatre grosses tours aux quatre coings desdites courtines,& un portail: & est ledit chasteau assis en une isse que faict en cest endroict la riviere de Sembre, & ne se peut battre ceste roquette, à cause qu'elle est couveite de la douve d'icelle ceinture. Derriere chacune encongueure des quatre tours qui sont en ladite ceinture, le sieur de Lan-

gey fit comencer un grand cavalier, & par ce que les tours n'estoient suffisantes pour soustenir une furieuse batterie, avoit aussi fait comencer de grandes tranchées par dedans, de cavalier en cavalier, afin que là où l'ennemy auroit batu, & les tours & la courtine (chose toutesfois qui estoit malaisée à faire, par-ce q la muraille & la chaux estoient de marbre noir) il trouvast nouvel obstacle.

Ausst, peu de jours apres le Roy adverty de la ville de Maubeuge, située sur la mesine riviere de Sembre quatre lieues au dessoubs d'Emery, en laquelle avoient accoustumé les ennemis de faire leur amas quand ils vouloient faire entreprinse en France, depescha de rechef modict seigneur le Dauphin, pour l'aller mettre en son obeissance, lequel arrivé devant la ville pour n'estre pourveuë de gens de guerre, qui attendissent le canon, les citadins se meirent entre ses mains, & puis il se retira au cap, laissant pour chef audict Maubeuge le sieur de Heilly, avecques mille hommes de la legion de Picardie, dont il avoit la charge, & le capitaine Sainct Yve, avecques cinq ces hommes. En icelle ville y a un beau convent de canoniesses gentils femmes, lesquelles ne font aucun veu de religion, & se peuvent marier à leur volonté.

CINQ ou six jours apres la garnison d'Emery, estant advertie que de jour en autre les soldats Imperiaux qui retournoient de la guerre de Gueldres, venoient loger aux fauxbourgs de Bains, & villages circovoisins, ne se doubtas de rien, d'autat qu'il y avoit dix lieuës du camp jusques là, & qu'il n'y avoit gens de cheval dedans Maubeuge, entreprint de les y aller surprendre, faisant entendre au sieur de Maugeron qui estoit au cap à Marolles, que fil vouloit venir avec six ou sept vingts hommes d'armes, on trouveroit Surprinse moyen de faire entreprise, dont il pourroit sortir honeur & butin faict à prouffit, lequel y vint avec sa copagnie de cinquante hommes d'armes, & environ quatre vingts homes d'armes de la compagnie de monfieur l'Amiral d'Annebault coduits par le sieur de Fotaines de Harcourt son Lieutenat. Passaupres d'Emery allerêt ensemblement repaistre à Maubeuge, & par ce que les nuicts estoient courtes ils moterent à cheval à jour couché, menans seulement quand & eux de la garnison de Maubeuge le capitaine S. Yve, avec cinquante arcbousiers à cheval, pour rompre les maisons des faulx-

Maubeuge.

bourgs de Bains: & meirent leur embuscade à une lieuë au deça de Bains, en un bois : & fut depesché le sieur de Marville Lieutenant du sieur de Langey, & avec luy le Vidame de Chartres, & le sieur de la Rocheguion, qui y estoient allez pour leur plaisir, & pour mener lesdicts arcbousiers à cheval de S. Yve pour au poinct du jour surprendre les Im periaux dedans les fauxbourgs. Puis envoyerent le capitaine la Mothe Gondrin Lieutenant du sieur de Maugeron demeuré malade à Maubeuge avecques la compagnie de son capitaine, pour donner jusques au faulxbourgs de Monts, qui est à deux ou trois lieues pres de Bains, & Bains est à quatre lieuës pres de Maubeuge: ayant iceluy la Mothe charge de mettre le feu en quelques maisons d'iceux fauxbourgs, afin d'oster à ceux de la ville (où y avoit grosse garnison tar de cheval que de pied) la cognoissance de l'execution que lon vouloit faire à Bains. Et se devoient les deux trouppes retirer à l'embuscade où estoit le sieur Lagey pour les soustenir, avenant qu'ils fussent chargez par l'ennemy. Ceux qui allerent à Bains surprindrent dedans les faulxbourns cent ou fix vingts hommes de cheval; qui èstoient arrivez le soir, qui furent tous pris dedans leurs logis, hors mis quelques uns qui se-sauveret parmy les jardins tous en chemise: & apres avoir pillé les villages circonvoisins, mesme une abbaye voisine de là, où se trouva grand butin, par-ce que nul l'estoit retiré, à raison qu'il y avoit dix lieues jusques à nostre camp, & qu'il n'y avoit point de gés de cheval à Maubeuge, se retirerent à l'embuscade, aussi sirent ceux qui estoient allez à Mons, lesquels pareillement ramenerent gros butin. Estans leurs forces & butin rassemblez, retournerent à Maubeuge, & le butin departy, chacun se retira où il estoit ordonné.

C E jour mesme monsseur d'Aumalle sils aisné du Duc de Guyse, ayant faict entreprise pout attirer ceux. d'Avennes hors de la ville, quelques uns sortirent, mais ils n'abandonnerent la faveur de leur artillerie: monsseur d'Aumalle esperant les irriter pour sortir plus avant, les chargea jusques sur le bord de leurs sossez, où ils perdirent beaucoup de leurs gens, & de sa part n'y mourut qu'un homme, tout tes sois ils ne s'emeurent autrement: & combien que ledict sieur y sust demouré bien tard en intention de les provoquer d'avantage, si n'eut il moyen de les attraire, lequel

voyant qu'il perdoit temps se retira au camp.

LE Roy ayant entendu tant par les prisonniers que lon avoit amenez de Bains, que qar les François qui y avoyent esté, que dedans n'y avoir aucuns gens de guerre (au moins Retraiéte de bien peu) y envoya monseigneur le Dauphin, & l'Amiral noz gens de d'Annebault avec une partie de l'armée, ne retenant que ce devant Mos qui estoit besoing pour tenir en seureté ceux qui forti- & Maubeufioient Landrecy, pour la reduire en son obeissance, mais geil fut abusé, car les ennemis le lendemain qu'ils eurent eu cest alarme, avoiét mis en la ville quarre enseignes de Lansquenets de renfort, & aussi ils estoient adverris comme modit-seigneur le Dauphin ne menoit vivres que pour deux jours, dont ils pouvoient juger qu'ils n'auroient à soustenir que le premier effort, parquoy delibererent de faire teste à nostre armée. Lors que monseigneur le Dauphin arriva devant la place, ceux qui conduisoient l'œuvre n'ayans cognoissance de la forteresse, planterent l'artillerie au lieu qui estoit le plus remparé & le plus dessensable, de sorte que la batterie n'y fit grand dommage, si est-ce que plusieurs jeunes homes voyans la presence de monseigneur le Dauphin se hazardirent de donner jusques aux fossez, où ils furent bien recueillis, & en eut de mors & de blessez, & entre autres y mourut le sieur d'Allegre, jeune homme, qui pour son aage avoit ja faict honneste preuve de sa personne, aussi le sieur de Chastillo Gaspare de Colligny jeune homme de bonne volonté y eut une arcbouzade à la gorge, dont avec le temps il fut guery,

LE Roy adverty du grand nombre d'hommes qui y e-stoient jusques à douze ou quinze cens Allemans, & estant pressé de monseigneur le Dauphin de luy envoyer rensort de munitions d'artillerie, & de vivres, ayant deliberé sous son bon plaisir de ne partir de là qu'il ne l'eust mise en son obeissance. Considerant toutessois iceluy le hazard qui pou voit avenir de tenir son armée separée, & que sil alloit en personne se joindre avecques monseigneur son sils, laisseroit sa fortisseation de Landrecy commencée & imparsaiche: & demeurant seul comme il estoit, estant sa principale force en la compagnie de sondit sils, les ennemis qui se rensorçoient à Mons & au Quesnoy le Comte, quelque nuict suy pourroient donner une camisade. Pour y obvier mauda à monseigneur le Dauphin qu'il eust à se retirer de-

Gg iiij

vers luy, & qu'en passant il retirast les forces qui estoient à Maubeuge, tompant les fortifications, & mettant le seu dedans les maisons, par ce que c'estoit la ville en laquelle ordinairement l'Empereur assembloit ses forces venas d'Allemagne & de ses pais bas, à cela sur obey par monseigneur le Dauphin mais à grand regret de se retirer sans rien executer.

Au retour de monseigneur le Dauphin, le Roy eut averrislement qu'il y avoit deux places entre Avennes & Simay, l'un appellé Trélon, & l'autre Glayon, ausquelles coustumierement y avoit gens de guerre qui portoient grand dom mage à sa frontiere de Thierasse & de Champagne. Pour y aller depescha le sieur de Bonneval avec sa compagnie de cinquante hommes d'armes, & le sieur de Stenay Lieutenant de monseigneur d'Anguien, lequel estoit en Provence,& le regiment de Lansquenets du leigneur de Roignac, & ij. mille hommes de pied François, mille du seigneur de Darqueville & mille du capitaine S. Aubin Gobelet tous deux de la legion de Normandie, avec quatre capons & leur suitte. Arrivé que fut ledit sieur de Bonneval devant Trélon, apres que ceux de dedans eurent apperceu marcher le canon, estimans, que tout le camp du Roy y fust, envoyerent pour parlementer, & se rendirent la vie sauve seulement: aussi firent ceux de Glaion: puis apres avoir faict butiner aux soldats ce qui y estoit, le sieur de Bonneval feit bruster lesdites places sans autrement ruiner la fortificatio, sino abatre les portes, qui fut cause que ladite place de Trélon fut depuis fortifiée par les ennemis : car ayant qu'elle fust brussée, le seigneur d'icelle place craignoit à la fortisser pour le regret qu'il avoit de desmolir un bastimet qui touchoit à la muraille. Ledit sieur de Bonneval ayant executé sa charge se retira au camp.

Demolition du chasteau L'Emery. Que Loues jours apres le Roy mada Martin du Bella y seigneur de Langey, qui estoit au chasteau d'Emery venir devers luy, pour sçavoir l'estat auquel estoit ledit chasteau, lequel luy seit entendre (quant à ce qui touchoit la fortissication) que dedans douze jours la place seroit en estat pour soustenir l'essort d'une grosse armée: mais qu'il estoit besoing de la pourveoir de vivres: car estant son camp retiré il estoit mal-aisé d'y en mettre, d'autant qu'il y avoit entre Landrecy & Emery deux rivieres qu'il fault passer à

pont, attendu qu'elles ne sont gaiables, & aussi que la ville d'Avennes luy coupoit le chemin. Le Roy y voulant donner ordre feit venir le Presidant Olivier depuis Chancelier en France, les sieur d'Esturmel, de la Hargerie, & de Pierrevive, qui estoient commissaires des vivres: pour s'enquerir du moyen qu'ils avoient de fournir vivres audit chasteau, lesquels firent rapport audit sieur qu'ils n'avoient l'opporrunité d'anvitailler l'armée, & la ville de Landrecy, & que fils mettoient vivres dedans Emery, on affameroit le camp, & n'y auroit ordre de pourveoir Landrecy, à faulte du charroy qui ne pouvoir venir à cause des pluies continuelles, qui n'avoient cessé depuis trois sepmaines ou un moys. Ayant ledit sieur entendu ce rapport, & se voyant pressé d'envoyer secourir ledit Duc de Cleves, à l'occasion qu'il avoit nouvelles que l'Empereur avec son armée approchoit pres de ses pais, delibera de retirer les hommes qui y estoiet, & de faire raser ledit chasteau, renvoyant sur le champ ledit sieur de Langey pour ce faire, lequel feit telle diligence à la ruine d'icelle place, tant par mines que par autres moyens que dedans quatre jours les quatre tours de la Roquette, & le portail de la closture, avec deux des grosses tours des courtines volerent en l'air, & furent renversées dedans les fossez, & fut la ruine si grande que depuis on ne l'a redisiée. Puis pour approcher plus pres de ses vivres, le Roy retourna loger à Catillon, qui est entre Guyse, Bohain & Landrecy,& de jour en autre ne falloit d'aller revisiter ses fortifications de Landrecy, pour haster l'ouvrage, mesmes tous les Princes & seigneurs de son camp estoient ordinairement à la solicitation, mais on n'y pouvoit faire telle diligence qu'on eust voulu, à cause de la continuation des pluyes, comme j'ay predit.

EN VIRON la fin de Iuillet le Roy voyant sa place de Landrecy desja en estat & que sans avoir espaule d'une armée, on pouvoit continuer la fortification s'il laissoit seulement à Guise quelque nobre de gens de cheval & de pied, pour y conduire les vivres se retira audit lieu de Guise, pour adviser au secours du Duc de Cleves son allié, & laissa dedans Landrecy pour gouverneur le capitaine la Lande, avec deux cens chevaux legers soubs sa charge, & mille hommes de pied de la legion de Picardie, à laquelle pareillement il avoit à commander. Et par ce que iceluy la Lande

estoit malade d'une fievre tierce, craignant qu'elle ne rengregeast, dont son service peust demeurer, y ordonna le sieur d'Essé Lieutenant de la compagnie de cinquante hommes d'armes du Duc de Montpensier, avecques ladite compagnie, luy donnant pareil pouvoir qu'audit capitaine la Lande. Outre y laissa jusques à deux mille hommes de pied Et puis estant à Guise depescha monseigneur de Vendosme, pour aller en la basse Picardie, vers Montreul & Abbeville, à ce que l'ennemy ne feit entreprise de ce costé là, & meit à Guise le Prince de Melphe, avec deux ou trois cens hommes d'armes. Et aussi le sieur de Brissac, avec douze ou quinze cens chevaux legers, dont il estoit general pour faire l'anviraillement & mener ce qu'il seroit necessaire à Landrecy. Et apres avoir ainsi pourveu aux affaires, sen alla à Merle, & delà à nostre Dame de Liesse, pour quelque temps se refreschir aux chasses le long de la montagne de Reims.

drecy.

P E u de temps apres que le Roy se fut retiré de Guyse, le Groffe escar- Cote de Reux avec les forces du pais bas, pensant surprenmouche à l'en dre Landrecy, no pourveuë de vivres, vint planter son camp tour de Lan- vers la forest de Mormault, mais ce fut trop tard, car desja le Prince de Melfe y avoit mis bon nobre de vivres. Le Duc d'Aumalle, Fraçois de Lorraine, fils aisné de mosseur de Gui se, le Duc de Nevers, les deux freres de la Rochefoucault, le sieur d'Andelot, les deuz freres de Brezé, surnomez de Maillé, le sieur de Crevecueur, le sieur de Bonnivet son frere, S. Laures de Bretagne, Mouy S. Phale, & nne bonne part de la jeunesse qui suivoit monsseur le Dauphin, esperas faire faits d'armes, & acquerir honeur, partas de la court se meirent de dans. Vn jour le Comte Roquendolf pour lors favorisé de l'Empereur, partit du cap Imperial, & vint passer la riviere de Sebre à Marolles, & se vint mettre en embuscade sur le chemin qui viet de la Capelle en un vallo, pres de Longfavery, & envoya quarate chevaux devat la ville pour les attirer à l'escarmouche, le sieur d'Essé & le capitaine la Lande firent sortir le capitaine Ricarville Lieutenant des chevaux legers dudit la Lande, avec trente chevaux pour recognoistre ce qui estoit derriere, mais l'escarmouche s'attaqua forte & roide, car à toutes fins les Imperiaux voulurent empescher que leur embuscade ne fut descouverte. Messieurs d'Aumaile & de Nevers & le reste de la jeunesse, ne voulu-

rent perdre leur part du passe-temps, parquoy encores que ce ne fust l'opinion des vieils capitaines, sortirent pour soustenir les nostres qui estoient renversez. Le Comte Roquédolf voyans les siens foulez, envoya son Lieutenant avec cent chevaux pour soustenir les siens, lequel Lieutenant des la premiere charge fut porté par terre & pris prisonnier emmené dans la ville. Le Comte Roquendolf de ce irrité, debusqua avec toute sa trouppe, lequel renversa les nostres de sorte qu'à peine se fussent sauvez sans le capitaine la Lande, qui sortit avec six cens arcbouziers, & quatre cés picquiers, lequel arrivant au cobat, remit les nostres debout, de sorte que les Imperiaux furent parapres renversez, & plusieurs, pris & tuez. Des nostres n'y fut pris que S. Laurens, lequel le lendemain fut renvoyé en eschange du Lieutenant de Roquendolf. Le Roy de ce adverty les cotremanda de se retirer devers luy pour l'entreprise de Luxébourg: mais à vray dire c'estoit craignant qu'ils n'en fissent encores de semblables ou plus mal, au moyen dequoy sa ville poutroit estre en hazard. Le Roy ce pendant estoit au retour de Reims, pour conclure du chemin plus expediant, pour secourir le Duc de Cleves. Toutes choses debatues se trouva n'y avoir chemin plus expediat q d'assaillir le Duché de Luxébourg pour par ce moyen divertir les forces de l'Empereur, ou à tout le moins ay at prins Luxebourg, d'avoir le passage plus facile pour luy envoyer une armée à son secours. Et pour cest effect depeschale sieur de Longueval, & en sa compagnie le sieur de Langey, le sieur de Dampierre, & le sieur d'Escars, pour aller à Stenay, ville sur la Meuze, entre Verdun & Mouzon à l'entrée dudit Duché de Luxembourg, laquelle depuis peu de temps il avoit eüe du Duc Antoine de Lorraine, en eschange d'autres terres, pour faire les preparatifs, tant de vivres qu'autres choses pour le passage de son armée. Ce que lesdits sieurs ayans executé, & bien entendu par espies & autres advertissemens, en quel estat estoient les affaires de Luxembourg, ledit sieur de Langey retourna en poste devers le Roy, lequel il trouva en un village, à trois lieuës de Reims, auquel il fist entendre ce qu'ils avoient negorié, & aussi de la grand armée que l'Empereur amenoit, tant d'Italie que d'Allemagne, laquelle estoit preste, ou pour marcher cotre le Duc de Cleves ou (come il estoit plus à cojecturer pour secoutir son pais de Luxembourg, fil estoit assailly.

QUELQUE recit que ledict seigneur de Langey eust faict au Roy de cest armée que menoit l'Empereur, si est ce qu'il ne se divertit de sa deliberation, ayant determiné que là où l'Empereur marcheroit en personne, aussi de s'y trouver pour le combattre en son pais, & tenter la fortune si ledict Empereur auroit cest heur, estant present comme il avoit eu par ses ministres: & au cas que sondict ennemy marchast, conclud aller à Saincte Menehoult place sur l'entrée de Luxembourg, pour y estre plustost joint à son armée, ou pour devancer son ennemy. Aussi consideroit combien ce luy seroit grande reputation, de lever de ses mains un Duché des plus anciens de la Chrestienté, dont il estoit sorty cinq Empereurs, la plus-part desquels ont audict lieu leurs sepultures, au cas que l'Empereur estant proche de là avecques toutes ses forces, d'Espagne, d'Italie, & d'Allemagne, ne osast entreprendre de la venir secourir.

Pour la ladicte execution ledict Seigneur ordonna mon seigneur le Duc d'Orleans son fils puisné, & avecques luy, à raison de sa jeunesse pour la conduitte de son armée l'Ami-

ral d'Annebault.

ESTANT donc le Roy resolu de faire son entreprise, il manda au Prince de Melphe (lequel à son retour de devar Landrecy apres l'avoir fortifié, il avoit laissé son lieutenant general à Guise) se retirer devers luy prenant le chemin de Reims, avecques la gendarmerie, chevaux legers, & gens de pied estans en sa compagnie : & manda au Duc de Vendosme, qui estoit (comme j'ay dit) en la basse Picardie, qu'il se retirast audit lieu de Guise, avecques les forces qu'il avoit, tant de cheval que de pied, pour favoriser en tout ce qu'il seroit necessaire à la ville de Landrecy. Le Prince de Melphe pour obeïr au commandement du Roy, d'autant que la plus grande part des chevaux legers estoient logez en deux villages par dela, en l'abbaye de Bouhourie une lieue au dessoubs de Guise, sur la riviere d'Oyse, tirant le chemin de Bohain, & de Landrecy, commanda au seigneur de Brissac de les faire retirer à Cuise, pour partir le lendemain tous ensemble à la poincte du jour. Le sieur de la Hunauldaie capitaine de deux cens chevaux, & le capitaine Theaude Bedaigne Albanois, ayant pareille charge, se trouvans bien logez delibererent de coucher audit lieu, laislant

partir leursdicts compagnous, esperans deloger si matin qu'ils seroient à Guise avant le deslogemet du seigneur de Brissac leur general: mais de fortune les forces que l'Empereur avoit en ceste frontiere, s'estoient assemblées ce jour là, pour aller assaillir le chasteau de Bohain, & comme elles estoient sur leur chemin, le seigneur de Liques Lieutenant de la copagnie du Duc d'Arscot, fut adverty par ses espies, que lesdictes bandes de chevaux legers estoret demeurées seules audit lieu, dressa entreprise de ses aller surprendre & desfaire: & pour cest effect tira des trouppes Imperialles huict cens chevaux esleux Bourguignons, & deux cens Anglois, & quatre enseignes de gens de pied. Estant marché & voyant desja le soleil levant, & ses gens de pied macher trop lentement, print les devans avecques la cavalerie, se faisant suivre par les gens de pied craignant arriver trop tard sur le logis de noz chevaux legers. A son arrivée assaillit le logis du capitaine Theaude Bedaigne, lequel ne voyant point de gens de pied, & se voyant seulement surptins de la cavallerie, ferma la porte de son logis, & pendant le temps que les ennemis descendirent à pied, & s'amuserent à rompre la porte d'une grange où il estoit logé, meit le harnois sur le doz, & monta à cheval, la lance sur la cuisse, & à la desesperade sortit, estát la porte rompue, & de furie donna pessemesse, de sorte qu'il faulça ce qu'il trouva devant luy, & se vint joindre avecques sa trouppe sans dommage, & avecques celle du seigneur de la Hunauidaye, qui estoit à cheval. Ce pendant le seigneur d'Aché ayant charge de deux cens archouziers à cheval, & Bertran de Foissy seigneur de Crené, oyans l'alarme, estans logez à l'abbaye de Bonhourie, monterent à cheval, & forcerent le pout que les ennemis gardoient, & vindrent au secours des chevaux legers, lesquels voyans leurs secours prindrent cueur, de sorte qu'avec l'aide des arcbouziers à cheval repoulserent les ennemis. Estat venue l'alarme à Guise, le capitaine Theaude Manes, qui estoit logé aux faulx bourgs de Guise, avec deux cens chevaux legers, monta à cheval par le commandement du seigneur de Brissac, general de la cavallerie, pour soustenir ses compagnons, pendant que ledit seigneur de Brissac (d'autant que desja ses trouppes s'estoient acheminées le chemin de Marle) emprunta du Prince de Melphe environ soixante cheyaux pour suivre ledit Theaude,

pour secourir ses compagnons, avecques laquelle trouppe passa l'eaue à Guise, par le faulxbourg, pour se jetter entre les bois & la riviere, esperant que les ennemis estans travaillez du long chemin qu'ils avoiét faict, & leurs chevaux dehallez, les trouvans en cest estat, leur pourroit faire recevoir une honte. Ayant faict un mille , & arrivez sur un hault, fut adverty par le capitaine Theaude Bedaigne que les ennemis commençoient à branslet, pensans nostre armée estre toute sur leurs bras, parquoy, il estoit besoing de les charger devant qu'ils eussent loisir de se recognoistre, ce qui fut saict. Car s'estans rassemblées toutes ses trouppes ensemble, furent chargez de telle vigueur que leur cavallerie fut renversée sur leurs gens de pied., de sorte que tout s'en alla à vau de routte, & furent suiviz si chaudement qu'il en demeura sur la place trois cens de motts, & six cens prisonniers, & les quatre enseignes de gens de. pied prinses, avecques deux cornettes de la cavallerie. Le reste de l'armée Imperiale, qui estoit allé assaillir Bohain, ayant eu nouvelles de ladicte deffaicte; pensans que nostre armée fust toute ensemble, entrerent en tel effroy, que sans parachever leur entreprise se retirerent au Quesnoy le Contc.

grand nobre de Bourguignons par le fieur de Brissac.

Deffaicte de

Desja estoit arrivée à Stenay une partie de l'armée, entre autres monseigneur d'Aumalle, moseigneur le Marquis du Maine son frere, le seigneur de Longueval, le Viconte d'Estauges, le sieur de Dampierre, le sieur de Lagey, le sieur d'Ecars, & quelque autre nombre de gendarmerie, jusques à trois cens hommes d'armes, & six ou huict cens chevaulx legers, avecques le regiment de quatre mille Lasquenets, du seigneur du Fresnay, & environ sept ou huict cens hommes de pied François, attendans la venue du Duc d'Orleans & de l'Amiral d'Annebault, & du reste de l'armée. Ledict sieur de Longueval fut adverty que ceulx qui devoient entrer dedans Luxembourg (lesquels pouvoient estre trois mille hommes de pied, & quatre cens chevaux) estoient logez à six lieues de ladicte ville de Stenay, par dela les bois, en un grad village, pres de Saincte Marie, au Comté de Signy, lieu mal-aifé à y conduire une armée, auquel ils devoient faire leurs monstres, & recevoir leurs deniers; pour au partir de là se mettre dedans Luxembourg, Cela bien consideré, a vec l'advis des capitaines fut ordonné de les y aller surprendre: & pour cest effect partismes dudit Stenay, avecques deux canons & deux longues coulevrines, asin que si les ennemis nous sentas venir, se retiroient à Saincte Marie, & autres petits chasteaux des environs, on cust moyen de les forcer, ou bien au cas qu'ils ne s'y retirassent, les ruiner, à ce que l'ennemy ne meist gens de cheval de dans, pour nous rompre les vivres quand nous serions de-

vant Luxembourg.

A y A N s marché jusques à l'entrée des bois, il estoit enviro demie heure de nuict, & par-ce que le village, auquel estoiet les ennemis, estoit à un quart de lieue delà les bois, en la plaine sur un petit ruisseau, & un quart de lieue outre ledit village, pareillement y avoit un autre bois: pour obvier qu'ils ne s'y retirassent, sut ordonné le sieur d'Ecars, avec deux cens chevaux pour marcher devant, & autres quatre cens chevaux, qui le devoient suivre pour le soustenir, & puis trois cens hommes d'armes, avecques les Lanfquenets marcheroient apres le plustost que leur seroit posfible. Semblablement luy fut ordonné, quand il seroit arrivé à la saillie du bois, qui pourroit estre au poinct du jour, qu'il donneroità toutes brides dedans ledit village, pour les surprendre dedans leurs licts, & les empescher de se jetter en bataille, pendant que monseigneur d'Aumalle avec lesdicts quatre cens chevaux le suivroit pour le soustenir. Ledict sieur d'Escars arrivat au bort du bois, à l'heure qu'il estoit dict, depescha le capitaine la Chapelle de Biró, avec trente salades, pour donner à toutes brides dedans le village, & luy le devoit suivre aux talons: ledict la Chappelle executa ceste charge, & trouva la plus-part des ennemis, les uns sellans leurs chevaux, autres en chemises, estroyez, comme sont gens surpris en leur logis, desquels il deffeit quelques uns. Mais les ennemis le voyans n'estre suivy, se recogneurent,& se remettans ensemble, le contraingnirent de tenir bride: ce pendant ils sauverent leur bagage, & l'argent de leur payemet, & eux aussi se retireret sans grade perte, car les bois estoient prochains. Il est evident, que qui eust poursuivy, ainsi qu'il estoit ordonné, & en la sorte qu'il foffroit, on eust faict grand service au Roy, car on ropoit toutes les forces que l'Empereur avoit deça, & mesmes on saissission le payement desdicts trois mille hommes de pied qui se devoit faire apres disner. Monseigneur d'Aumalle

& monsieur de Longue val, voyans que ceste entreprise avoit failly, tournerent leurs forces sur le chasteau de sain-&e Marie, lequel endura le canon, mais se rendit, avec plusieurs autres petites places circonvoisines, lesquelles furent toutes rasées, si que l'ennemy pour-ce voyage ne s'en pouvoit prevalloir. Apres ceste execution lesdicts sieurs se mirent à leur retraicte, repassans les bois, mais à grande difficulté peurent retirer leur artillerie, car deus jours & deux nuicts la pluye ne cessa, attendu mesmes que le païs est de soy fort enfondré, & qu'il y avoit grand nombre de bois abbatu qui empeschoir les chemins: si est-ce qu'avec grand travail nous vinsmes loger à nostre dame d'Aneau, à deux lieues de Stenay, & une de Motmedy, deça les bois, laquelle ville de Montmedy, ensemble d'Yvoy estoient en l'obeissance du Roy, des la premiere conqueste que avoit faicte monseigneur d'Orleans, & Danvilliers estoit abandonnée.

A u D I T lieu d'Aneau arriva mosseigneur l'Amiral penfant venir a temps pour ladicte entreprise, un peu malcontent de ce qu'on y avoit esté sans luy, mais il n'y avoit eu ordre de surattendre, par-ce que l'ennemy le lendemain en devoit desloger pour aller à Luxembourg. Apres avoir sejourné un jour audit lieu, nous allasmes loger à Vireton petite place du Duché de Luxembourg, laquelle estoit abandonnée des ennemis: audit lieu se trouva monseigneur le Duc d'Orleans: la nuict sequente, les Mareschaux de camp deslogerent pour prendre le chemin d'Arlon, & avec eux le seigneur de Brissac, & toute la cavallerie legere. Arlon est (comme j'ay dictailleurs) petite ville, sur le hault d'une montagne, en assez forte assiette. Le sieur de Brissae, pendant qu'on faisoit l'assiette du camp, alla en attendant l'artillerie l'investir, à ce que personne n'y peust entrer ou en sortir: les soldats de dedans qui pouvoient estre quatre cens hommes, n'attendant l'arrivée de tout le camp, ains voyans marcher l'artillerie de loing (estant la place eminéte) demanderent à parlementer, ce qui leur fut accordé, lesquels en fin sortirent leurs bagues sauves, & les citadins sirent le serment de fidelité. Et y fut laissé pour la garde par monseigneur d'Orleans un soldat nommé le capitaine Tavernier, avecques cinq cens homes de pied. Le lendemain, qui pouvoir estre le dixiesine jour de Septembre, nous partifines

DE MESS. MARTIN DU BELLAT.

partismes pour aller assieger Luxembourg, & y arrivasmes nviron les dix heures du matin: dedans Luxembourg etoient quatre cens chevaux en aussi bon equippage qu'il At possible. Et entre autres capitaines y estoit Gilles de Levant homme fort estimé par les Imperiaix, & Iean de Heu l'un des seigneurs de Mets, & trois mille cinq cens nommes de pied aussi bien armez & equippez que j'en vey incques.

ESTANT le Duc d'Orleans arrivé devant Luxébourg, Siege de Lus ut logé pres d'une eglise, en une petite vallée, tirant le che- xembourg nin dudit Luxembourg; au mont Sainct Iehan; à la portée par Mésseur l'une coulevrine pres de la ville, tellement que les boulets d'Orleans. renans d'icelle ville passoient par dessus son logis, & avoit levant luy logé le regiment d'Alemans du capitaine Ludo

ic,& à sa main droite celuy du capitaine Fresnay, & sur la auche les legionnaires de Normandie & de Champagne. it estoient la gendarmerie, & chévaux legers campez aux ieux plus avantageux, pout empescher l'entrée & saillie de

a ville (couvers toutesfois) des gens de pied. L'assiette de uxembourg est fort bisarre, la moitié de laquelle tirant Luxebourg. ers France tient le hault & à l'opposite y a une point de rohe; tendant vers les bois, sur laquelle est assis le chasteau fort antique & superbe) des anciens Ducs, & Empereurs lus de Luxembourg: au bas de la basse court d'iceluy est ne abbaye, en laquelle y a deux ou trois Empereurs enter-

ez en sepultures fort riches,& magnifiques:pareillement y st inhumé le Roy de Boheme, qui mourut à la bataille de

Cressy, estant venu au secours du Roy Philippe de Vallois, ontre Edouard le conquerant Roy d'Angleterre, le fils duuel Roy de Boheme estoit Empereur. A la main droicte udict chasteau, est la basse ville, à laquelle respondent trois randes & profondes vallées, où courent trois torrens, & ont ces valées en roches taillées, dont mal-aisément on eult descendre à pied, sinon par quelques endroicts, & par se peult de jour en autre mettre secours dedans la ville

ins le pouvoir empescher, car on y vient tout à couvert des rdennes. Qui fut cause que dés la nuict que nostre camp triva, on feit diligenter les approches, & fut deliberé de fai deux batteries à une encongneure de la haulte ville à la rain dextre, du costé de France, en les traversant l'une sur

autre: de l'une desquelles batteries print la charge mon-

seigneur d'Aumalle, & avec luy le seigneur d'Assier Grandmaistre de l'artillerie: de l'autre le seigneur Pierre Strossy gentil-homme Florentin, cousin du feu Pape Clement, lequel nouvellement estoit venu d'Italie, ayant amené trois cens soldats Toscans tous signalez, ayans esté ou capitaines ou lieurenais, ou enseignes, & estoient armez de corcelets dorez, avecques chacun un cavalin viste & dispost, les deux pars portans la picque, & la tierce l'arcbouze, 'allans tousjours avec les coureurs. Et s'il estoit besoing de combat, ou d'assaillir un fort, ou garder un passage, ou le conquerir soudain, se mettoyét à pied, & ne leur falloit nul sergent pour les mettre en bataille, par-ce que d'eux-mesmes chacun sçavoit qu'il avoit à faire, car ils avoient tous commandé.

Monseigneur d'Aumalle ayant la principale breche en sa charge avec ledit sieur d'Assier, feit telle diligen-

ce, qu'une heure avant le jour ses pieces furent en batterie, & pour recognoistre quelque endroict de la ville (car il desiroit si assault se donnoit y aller) sortit hors de la tréchée, habillé de blanc comme il avoit esté toute la nuict pour estre cognu des sies, à cause de l'obscurité: mais soudain qu'il fut hors de ladicte trenchée, fut descouvert de dessus la muraille,& frappé d'un mousquet, ou arcbouzade à croq qui Monsieur de luy perça le dessus du col du pied pres la cheville, dont on fut contrainct le reporter au logis, & de là à Long-vic, cinq en la jambe. lieues au deça dudit Luxembourg, si fort blece, que sans le secours des chirurgiens du Roy, & aussi du Duc de Guise son pere, lequel vint le faire penser, il estoit en danger de mort, car le coup estoit fort dagereux, pour raison des nerss

Guise blece

& os qu'il avoit froissez.

L E jour venu monsieur l'Amiral d'Annebault, lequel avoit la charge de l'armée soubs monseigneur d'Orleans, & avoit esté toute la nuict aux trenchées, feit saluer la place de cinq ou six volées de canon, mais apres ceux de dedans demanderent à parlamenter, & à quatre des principaux fut baillé sausconduict pour venir vers mondit-seigneur d'Orleans, en fin plusieurs choses debarues d'une part & d'autre, fur accordé aux gens de guerre de leur en aller avec les armes & bagues sauves: quant aux citadins, ceux qui voudroient demeurer faisans serment de sidelité, jouiroient de tous leurs biens meubles & immeubles, les autres pout-

roient aller seurement où bon leur sembleroit. Environ deux heures apres midy les Imperiaux sortirent de la vil- Luxembourg le, à sçavoir trois mille cinq cens hommes de pied, & quatre pru par les cens chevaux en fort bon equippage, prenans le chemin de Françon. Bastongne au Comté de Signy: audit Luxembourg fur mis le seigneur de Longueval en possession du gouvernement, & entra dedans sa compagnic de gens d'armes, & le seigneur de Fresnay avec deux mille Lansquenets, pour pourveoir à ce qu'elle ne fust saccagée: les habitans demeureret la pluspart avec leurs biens & franchises, hors mis les Presidens & Conseillers du parlement, qui se recirerent en la compagnie desdictes gens de guerre Imperiaux.

CELA faict, monseigneur le Duc d'Orleans assembla tous les capitaines en son logis, pour consulter de ce qui estoit à faire, considéré que tout le Duché de Luxembourg estoit en l'obeissance du Roy, hors mis Thionville petite ville forte sur la riviere de Mozelle, quatre lieues au dessoubs de Mets, leur proposant d'aller assaillir ladicte ville, ce dont les capitaines ne fureut d'advis, allegans qu'il y ayoit danger que fallant attaquer audit Thionville (estant l'hyver à dos) on n'eust ce pendant le moyen d'envitailler Luxembourg, si le Roy avoit deliberé de la garder : mais il fut conclu qu'il seroit en voyé devers ledict seigneur un gétilhomme, lequel luy remonstreroit les choses que lon cognoissoit sur le lieu, c'estoit que malaisément on pouvoit fortifier Luxembourg, à cause de l'assiette, & des montagnes qui regardent la basse ville, & qu'il ne se trouvoit autre expediant que de retrencher la haute ville d'avec la bafse, chose qui seroit longue & de grande despense. Et ores qu'elle seroit fortifiée, si estoit-il malaisé de l'évitailler, pateillemet estant en vitaillée pour cinq ou six mois, que toutesfois il falloit dresser une armée bonne & gaillarde, pour la renvitailler, fil y avoit continuation de guerre, qui ne seroit sans grands fraiz & onereuse despense, d'autant que l'ennemy ayant l'Allemagne à son cul, pouvoit en peu de temps(voyant ladicte ville diminuée de vivres) jetter vingt mille Allemans devant, qui ne luy cousteroient qu'un escu pour homme:quant au Roy partant seulement de sa frontiere, luy falloit pour le moins sept journées de camp l'aler & tetour compris, car il y en avoit de Stenay jusques à Luxembourg trois journées & autant de retout, & une

pour descharger. Et pour conclusion il sembloit à la plus saine part des capitaines, que le meilleur, & plus expediant estoit de faire abbatte les murailles d'icelle ville, & fortisser Arlon plus fortissable & facile à envitailler. Aussi sut advisé, en attendant sur-ce l'intention du Roy, d'aller loger le camp au dessous du mont Sainct Iean, quatre lieues de Luxembourg, tirát le chemin de Thionville & de Mets, afin de n'empescher les vivres, que ce temps pendant on mettroit audit Luxembourg, Et si le plaisir du Roy estoit qu'o

assaillist Thionville, l'armée estoit à la porte. Pour aller devers le Roy luy faire les dictes remostrances, fut ordonné le seigneur de Langey, Martin du Bellay, lequel trouva ledit seigneur à Saincte Menehoult, ayant avec luy le Comte de sainct Paul, & le Cardinal de Tournon, qui avoit le maniement de ses affaires, en l'absence de monseigneur l'Amiral, & feit entendre au Roy amplement & par le menu tout ce qui avoit esté mis en avant, & debatu par les capitaines, estans pres de la personne de monseigneur d'Orleans. Monsieur de saince Paul, le Cardinal de Tournon, & autres estans pres du Roy furent bien d'advis que lon devoit raser Luxembourg, veu la difficulté de l'envitaillement: mesmes que le President Olivier depuis Chancellier de France, lequel avoit la superintendence des vivres, leur avoit mandé qu'à peine avoit il le moyen (pour la faulte de charroy) d'envitailler le camp, & à plus forte raison, de mettre vivres dedans Luxembourg. Mais le Roy, quelque persuasion qu'on luy feist, demeura en son opinion, de garder ceste ville, disant, qu'elle estoit son heritage, & si l'Empereur luy detenoit contre raison le Duché de Milan, luy avecques raison pouvoit tenir celuy de Luxembourg, ores qu'il n'y eust droit comme il avoit : & s'il ne tenoit la ville principalle, il ne seroit nommé Duc de Luxébourg. Parquoy il envoya tous ses maistres d'hostel, les uns à Semiers, autres à Estain, païs de Lorraine, & autres à Mets, pour avoir vivres pour la fourniture de sa ville: & manda querir le seigneur de la Bourdaiziere auquel il en bailla la superintendence, estimant qu'il fust pour bien l'executer, & aussi resolut de luy-mesmes aller à Luxébourg, renvoyant ledict sieur de Langey devers moseigneur d'Orleans pour luy declarer son intention, & afin d'envoyer escorte au devant de luy.

Le vingteinquiesme jour de Septembre le Roy partit de Saincte Menchoult, passant par Stenay, par Iamets, & Long vic, & arriva en son camp, au dessoubs du mont Sainct Iean & logea audict mont Sainct Iean, qui est un chasteau sur une montagne, lequel il bailla en garde au seigneur de Sansac, capitaine de deux cens chevaux legers, apres y avoir sejourné une journée pour ordonner de la fortissication d'iceluy. Puis le lendemain veille sainct Michel sen alla au giste à Luxembourg, auquel lieu il feit la feste sainct Michel, & la ceremonie de l'ordre. Et consequemment disposa de la

fortification d'icelle place.

P E u de temps au-paravant, ayant le Roy ordonné l'Amiral d'Annebault, pour passer outre, & aller secourir le Duc de Cleves, avec quatre cens hommes d'armes, & dix nille hommes de pied, eut advertissement comme iceluy Duc de Cleves avoit accordé avecques l'Empereur : aussi estant à Luxembourg ledit jour sain & Michel en intention l'y faire quelque sejour, luy vindrent nouvelles, que l'Empereur en toute diligence, apres avoir reduict ledict Duc en on obeillance, marchoit avec toutes les forces pour alsieger Landrècy nouvellemet fortifiée par le Roy dedans les pays ludict Empereur. Aussi luy manda monseigneur de Vendos ne qui estoit à Guise, que outre l'armée laquelle le sieur du Reux avoit de long temps devant ledit Landrecy, y estoit trivé Dom Ferrand de Gonzague lieutenant general de Empereur avecques un gros renfort, attendant la venue ludit Empereur. À ceste occasion, craignant que ladicte vile de Landrecy ne fust suffisamment pourveue d'hommes, il avoit faict entrer par atravers leur guet René de la Chappelle Rinfouin sieur d'Espeaux, avecques cinquate hommes l'armes de la compagnie du fieur de Iarnac, dont iceluy la Chappelle estoit lieutenant. Le Roy ayant les nouvelles du enfort entré dedans sa place, sut fort satisfaict, & quant aulit Empereur, ledict sieur delibera partir le lendemain pour 'aller rencontrer devant Landrecy, auquel lieu on l'attenoit journellement, & l'aller combattre, ou secourir la ville nais ce ne fut sans avoir songneusement pourveu au faict e Luxembourg, dedans laquelle il laissa le sieur de Lonueval son Lieutenaut general avec sa compagnie de cinuante homes d'armes, le sieur de Iour, nommé d'Anglurre vec mille hommes de la legion de Champagne, le ficur de

Haraucourt de Lorraine cinq cens hommes, le Viconte de la riviere autre cinq cens, & le sieur Hieronyme Marin Boulenois avec cent ou fix vingts Italiens, lequel avoit enrrepris la fortification de ladicte place, & l'avoit retranchée gardant toutesfois le bas, cobien qu'il fust separé du hault. Puis ordonna le Prince de Melphe son lieutenant general en la compagnie, pour l'envitaillement d'icelle place, avec luy le sieur de Iamets & sa compagnie, le sieur de Langey, & le Vicomte d'Estauges, avec les leurs, le sieur de Senerpont, avec la compagnie de monfieur de la Mailleraie duquel il estoit lieutenant, & le sieur de Guillaucourt avec celle de monsieur de Sedan, le sieur du Fresnay, avec deux mille Lansquenets, & le Comte de Brienne, avec cinquante hommes d'armes de sa compagnie, & dix mille hommes de pied tant de legions de Normandie que de Champagne, dont il estoit colonnel: & puis se retira à grandes journées avec le reste de son armée.

Deffaicte d'Imperiaux par monsieur de Brissac.

L E Roy estant party de Luxembourg, comme dict est, deliberé d'aller rencontrer l'Empereur, lequel avoit assiegé Landrecy & Guile, tout par un melme moyen, luy fut proposé par le seigneur de Brissac general de la cavallerie legere que s'il luy vouloit permettre de se mettre devant avec toutes ses trouppes, luy donant pour le sayonser quelque nombre d'arcbouziers à cheval, il pourroit surprendre une partie de l'armée de Dom Ferrand de Gonzague lieutenant general pour l'Empereur qui tenoit le siege devant Guise. Par-ce que ne se doubtans de si soubdain retour de l'armée de Luxembourg, il estoit apparant que les chevaux legers Imperiaux ne trouvans nulle resistance se pourroient escarter par le pais loing de leur camp pour faire butin. Chose que le Roy trouva bone, & pour cest effect manda au Comte de Sain & Segond colonnel des gens de pied Italiens, qu'il cust à luy fournir le nombre d'arcbouziers à cheval qu'il luy demanderoit, mais ledict Comte l'offroit d'aller en personne en sa compagnie (ce qu'il feit) avec les hommes plus experimentez qui estoient en les bandes. Arrivez qu'ils furent à Marles, quatre lieues pres de Guise, ayans palle à nostre Dame de Liesse, & à Pierre-pot, le seigneur de Brissac fut adverty que le lendemain matin Dom Ferrand de Gonzague ayant eu le vent du retour du Roy à Coucy, & de son armée, n'estoit d'avis d'attéd le l'armée dudict seigneur Parquoy estoit deliberé de faire sa retraitte à Landrecy, où estoit le resté de l'armée Imperiale, abandonnant Guise qu'il avoit entreprins assieger: qui fut cause que ledict seigneur de Brissac partit trois heures devant le jour, pour arriver sur leur deslogement. Estant arrivé une perite lieue pres de Gmle, sur un hault à couvert d'un bois, duquel lieu il pouvoit descouvrir tout le chasteau de Guise, cogneut que la garnison du chasteau, qui estoit le seigneur de Bourdillon guidon de la compagnie de monseigneur de Nevers, avoit attaqué l'escarmouche contre les chevaux legers Imperiaux:parquoy pour mieux recongnoi stre l'intention de l'ennemy, depescha le capitaine Theode Bedaigne Albanois avecques sa bande, pour de plus pres aller recongnoistre l'ennemy, & l'attirer (si possible estoit) à son ambuscade, à ce qu'il eust moyen de seur coupper chemin entre le chasteau & eux, & par ce moyen les deffaire, Mais ledict Theode apres longuement les avoir escarmouchez, veit son entreprise estre vaine, par-ce que l'ennemy ne vouloit l'essoigner de la grosse trouppe que conduisoit Dom Ferrand de Gonzague, qui, pendant lesdictes escarmouches, se retiroit le chemin de Landrecy. Estant ledict Theode de retour & faict son raport, ledict seigneur de Brissac, par l'avis des capitaines estans aupres de luy, depescha cing cens chevaux pour les charger à toutes brides, & luy avec la grosse trouppe, se meit à leur queuë pour les foultenir: noz gens ayans faict la charge gaillarde, renverlerent ce qu'ils trouverent des ennemis devant eux, où y en eut plusieurs pris prisonniers, tuez, & portez par terre. Et en tre autres y fut pris par un cheval leger, de la bande du sieur de la Hunaudaye Dom Francisque d'Est, frere du Duc de Ferrare, capitaine general de toute la cavalerie Imperiale: le reste fut pressé si vivement que Dom Ferrand de Gonzaque qui estoit sur sa retraitte sut corraint de rassembler tous ses bataillons, & tourner teste pour sauver le demeurant, & se retira ledit Dom Ferrant au camp devant Landrecy, & le seigneur de Brissac à Marle quatre lieues de delà dont il stoit party. Celle fut la fin de ceste entreprinse : l'armée de l'Empereur se logea devant Landrecy, avecques la trouppe, que de long temps le seigneur du Reux avoit, & demeura du costé de Marolles & de la Capelle, & celle de Dom Ferrat le logea du costé du Cateau-Cambrezis pres la forest de Hh iiij

Mormault. L'Empereur estoit au Quesnoy le Comte, attendant le regiment que suy amenoit le Duc Maurice de Saxe, & celuy de Martin Van Roslen, Mareschal de Gueldres, & dix mille Auglois, que suy envoioit le Roy d'Angletette de renfort: car sçachant la deliberation du Roy, qui estoit de secourir sa ville, ne vouloit venir en personne en son camp sans avoir toutes ses forces pour suy mettre au devant.

Avitaillement de Luvembourr.

L E Prince de Melphe, lequel le Roy avoit laissé pour avitailler Luxembourg, apres que ledict seigneur fur retiré, se vint camper aux Chellas, village deux lieues deçà ledict Luxembourg: mais pour la faute du charroy qui estoit à Stenay & à Mouzon, où se faisoit la munition, la famine survint en son camp si grande, que les capitaines mesmes n'avoient un pain pour leur disner. La cause estoit qu'on avoit retenu audict Stenay tout le charroy pour tout en un coup envitailler Luxembourg, de sorte que les Lansqueners & legionnaires ne voulans avoir la confideration & patience de deux ou trois jours, se mutinerent: toutesfois à force de remonstrances nous arrestasines les Lansquenets, quant aux legionnaires desquels estoit general le Comte de Brienne, ils furent de si mauvaise volonté que de dix mille, tant Champenois que Normans n'en resta pas trois cens qu'ils ne rétournassent en France, les capitaines demourerent, mais soubs chacune enseigne n'y avoit pas trente hommes. Le Prince de Melphe & les capitaines estans pres de luy rels que j'ay nommez cy deslus, se voyans afoibliz d'une si grosse trouppe, adviserent de leur retirer à Erancy, cinq lieues au deça, & rrois lieues pres de lamets, pour y attendre l'envitaillement, & estre plus pres de leurs vivres: auquel lieu ayans sejourné trois ou quatre jours, arriva l'envitaillement pour Luxembourg, lequel nonobstant que n'eussions que deux mille Lansquenets du capiraine Fresnay, avecques la gendarmerie, & que fussions advertis que vers la Mozelle & le chasteau de Roquedemar y, eustassemblée de dix ou douze mille Lansqueners pout nous empescher, si fut il entrepris de le conduire, & fut mis dedans ladite ville à la faveur de nostre gendarmerie vivres

ment d'Ar- A LORS que lan envoyerent nou

A L ORS que nous y arrivalmes, ceux de la ville d'Arlon envoyerent nous faire entendre comme le capitaine Taver-

nier (lequel avoit esté laissé dedans pour leur conservation) apres avoir pillé toute la ville, s'en estoit allé avecques son enseigne en France sans dire à Dieu, & que ceux de Bastongne estoient venuz de la part Imperiale, pour s'en saissir: mais eux ayans faict au Roy le serment de sidelité, n'y avoient obey, deliberez de garder leur foy moyennant qu'ils fussent secouruz, nous prians de leur bailler gens pour la garde d'icelle ville, autrement qu'ils seroient contraints par force d'obtemperer à l'Empereur. Le Prince de Melphe considerant la bonne volonté desdits habitans, lesquels avoient mieux gardé leur foy que le paillard auquel ils avoient esté baillez en garde, delibera de les aller secourir des choses dont il seroit besoing. A ceste cause partans de Luxembourg vinfines passer par ladicte ville d'Arlon, en laquelle furent laissez trois capitaines de gens de pied, avecques chacun environ deux cens hommes, içavoir est, le capitaine Lanque, le Mont S. Pere, & un autre avecques vivres suffisamment pour quelque temps. Ce faict nous retiralmes à Erancy, duquel lieu le Prince de Melphe ayant executé sa charge, depescha le sieur de Langey en poste devers le Roy, pour sçavoir ce qu'il luy plairoit commander de nouveau, & en attendant de ses nouvelles on se retira entre lamets & Stenay, pour mettre l'armée en seureté, & l'approcher des vivres: par-ce que les pluyes estoient survenues telles qu'il n'y avoit plus de moyen de conduire le charroy. Ledict Langey vint trouver le Roy à la Fère sur Oize: & incontinant ledict seigneur redepescha un courrier pour faire entendre son intention au Prince de Melphe, laquelle estoit d'aller combattre son ennemy devant Landrecy, ou bien secourir sa place: & à ceste cause qu'il eust à marcher en toute diligence prenant son chemin pour le plus court, le long de la frontière des bois pour se venir rendre à Guise, & de là, la part que seroit ledict feigneur.

L'EMPEREUR ce temps pendant estoit à Quesnoy le Comte, & avoit toutes ses forces devant Landrecy, lesquelles estoient de dixhuict mille Allemans, & dix mille Espagnols des vieilles bandes, six mille wallons, & d'huict à dix mille Anglois que le Roy d'Angleterre luy avoit envoyé de secours suivant leur concordat, & treze mille chevaux, tant des ordonnances de ses pass bas, que de Clevois,

& haults Allemans: & estoit son Lieutenant general en ladicte armée Dom Ferrand de Gonzague. Aussi estoit pres de la personne dudict Empereur le Duc d'Alve, lequel depuis n'agueres avoit esté faict Grand maistre de la maison dudict leigneur, ayant recompensé le Comte du Reux du gouvernement de Flandres & d'Artois: mesmes y estoient tous les Princes & grands seigneurs, tant d'Allemagne que de les bas païs. Apres que son cap fut logé, il feit asseoir son artillerie, de laquelle il feit diligenter de tirer, pour faire, batterie par tous endroicts, l'une le long de la courtine realle qui tiroit entre le chasteau & le boulevert d'Orleans, l'autre batterie contre le chasteau, & l'autre au droit du boullevert de Vendosme & de la courtine qui regarde à Catillon. Puis considerant un petit tertre vers la forest de Motmault, qui regardoit le flanc du dedans de la grande courtine y feit loger une longue coulevrine pour empescher les assiegez de remparer & de venir à leur desense: cat il fault entendre que noz boulleverts & courtines n'estoient à demy haulcez, parquoy ceste piece leur saisoit grand dommage, pour lequel eviter ils chercherent tous les moyens à eux possibles de la lever de là. En fin ayans advisé de dessus le rempart que les Lansqueners qui en avoient la garde, estoient fort negligens, & qu'ils ne se doutoient de pouvoir estre assaillis que par un costé, à l'occasion que la riviere qui passoit au recoupement de la ville basse, laquelle estoit abandonnée, estoit entre la ville & eux, delibererent de les surprendre & enclouer ladite piece. Et pour cest effect meirent dehors le capitaine Ricarville avecques quarante chevaux, & S. Symon avec trente hommes de pied, & douze pionniers avecques cordages pour faire passer la riviere ausdicts gens de pied : ceux qui furent mis dehars feirent si bon office qu'ils surprindrent les dicts Lansquenets, de sorte qu'ils les meirent à vau de roupte, leur faisans abandonnet leur garde. Ain si se voyant la piece demourée, & avoir moyen de l'amener, la lierent avecques les cordes dont ils avoient passé l'eau, & à force de bras la trainerent droict au boullever d'Orleans, par lequel ils estoient sortis. Les ennemis ayans de ce la cognoissance, donnerent en toute furie pour la recouvrer, mais ne la peurent r'ataindre, qu'elle ne fast embourbée dedans la riviere, & fut si bien secourue des

vert d'Orleans: & soudain (par-ce qu'elle estoit chargée) sut tournée devers l'ennemy & tirée sur luy, & aussi fut tué beaucoup de Bourguignons à coups d'arcbouse de dessits le rempart, lesquels avoient donné jusques au sossé

dudict boullevert, pour recourre ladicte piece.

Dom Ferrant de Gonzague voyant nos gens faire ordinairement saillies sur son camp, ordonna redoubler ses tren chées pour empescher que homme (fust à pied ou à cheval) peust sortir de la ville. Ce nonobstant peu de temps apres, le sieur d'Essé, ayant cognoissance de dessus le rempart qu'il y avoit trois cens Anglois travaillans ausdictes trenchées du costé de leur garde, saillit avecques cent ou six vingts chevaux, & la plus part de la jeunesse de la Cour demourée en ladicte ville; mais ne pensans trouver que lesdicts Anglois, fy trouveret huict ou neuf cens chevaux en embuscade, en une vallée au dessoubs pour les soustenir, lesquels firent une charge audit d'Essé, telle qu'il demoura huict ou dix des siens, que morts que blessez, & luy eut le bras persé d'ú coup de picque:aussi y eur il eu plus grad desordre, sans cinq cens archousiers sortans de la ville qui soustindrent l'effort de l'ennemy, à l'ayde desquels ledict seigneur d'Essé se rerira tousjours combattant sans grande perte, hors-mis celle de la premiere charge.

SÇACHANT aussi l'Empereur que le Roy se preparoit en toute diligence, pour venir secourir les assiegez, seir tant diligenter sa batterie, qu'en peu de temps il feit breche plus que raisonnable pour assaillir, laquelle sur trois sepmaines ouverte, hors-mis quelque peu de rempart que noz gens pouvoient faire la nuict, car le jour il estoit malaise, d'autant qu'ils estoient descouverts de tous costez. Et feit apporter grand nombre de fascines pour emplir les fossez, mais outre ce les assiegez avoient telle penurie de vivres qu'un chacun foldat n'avoit que demy pain de munition par jour, quant au brevage l'eau toute pure : aussi pour plus les tourmenter en la basse ville que nous avions abandonnée, avoit un portail, dedans lequel les Imperiaux mirent des gens, & dellus des pieces d'artillerie dont on commandoit à la breche. Les sieurs d'Esse & de la Lande considerans le grand domniage qu'ils en recevoyent, mesmes

que gens mal nourris & ordinairement en travail (comme estoient iceux assiegez) tombent bien tost soubs le faix, cóclurent de leur oster ledit portail: & ayas attiré toute leur artillerie audit lieu, au cas que le camp y vint en trouppe, firent sortir trois cens homes à un poinct du jour, lesquels combatirent si obstinement qu'ils emporterent ledit portail d'assault, devat que ceux du camp le peussent secourir: cela leur donna du repos, car oncques puis les ennemis n'oserent entreprendre d'y resourner. Or cognoissoit bien l'Empereur qui estoit au Quesnoy que la breche estoit suffisante pour assaillir, mais aussi n'ignoroit il les gens de bie qui estoient dedans, & que mal-aisément les pourroit il emporter d'assault sans perdre beaucoup des siens. A ceste occasion resolut de l'avoir par famine, au moyen de la necessité de vivres qui y estoit, & le travail que jour & nuict il convenoit porter aux assiegez, dont (à ce qu'il pensoit) en fin seroient mattez, tant qu'ils n'auroient moyen de lever les armes: se persuadant aussi que le Roy n'arriveroit d'heu re pour le venir secourir, que premier il n'eust moyen d'achever l'execution qu'il avoit deliberée.

En viron le xviij. jour du mois d'Octobre, les assegez considerans la necessité de vivres, la debilité de la place, & l'insuportable travail que necessairement ils portoient jour & nuict, depescherent le capitaine Yville Normant, lequel avoir cinq cens hommes dedans ladite place, & cognoissoit les adresses du païs pour trouver moyen de sortir & advertir le Roy de leurdite necessité, vers lequel enviro le vingtiesme dudit mois il arriva à la Fere sur Oyze, où il faisoit de tous costez assembler son camp, ayant mesmes (comme j'ay dit) mandé au Prince de Melphe se venir joindre avec luy. Y ville arrivé declara en general & par le menu l'estat des assiegez, & que si de brief ils n'estoient secourus, la faim les chasseroit dehors, mais que la force ne les en pourroit lever tandis qu'il y autoit un homme en vie. Le Roy ayant entendu la necessité des assiegez, & aussi leur bonne volonté, delibera hazarder sa personne, plustost que de laisser perdre tant de gens de bien. Et commanda audit Yville de trouver le moyen de rentrer (ce qu'il feit) & de les asseurer qu'il n'y auroit faulte qu'il les secourroit dedans briefs jours. Pour hafter l'execution de ceste promesse, soudain ledit sieur seit assembler son camp en l'abbaye de Hoblieres, une lieuë au dessus de S. Quentin, sur la riviere, & luy sen alla à sainct Quentin, afin qu'un chacun le suivist, duquel lieu y ayant seulement sejourné un jour, delogea pour aller camper à Premont, gros village, hors les bois de Bohain tirant dudit Bohain à Cambray. Et logea au village le jour ensuivant, de S. Souplex, au dessus de S. Martin à la riviere, d'où aisément on oyoit la furieuse batterie que saisoit diligenter l'Empereur, sentant le Roy approcher, laquelle estoit de quarante-cinq grosses pieces d'artillerie. Parquoy la nuict venue, le Roy pour faire entendre aux assiegez que leur secours estoit prochain, seit tirer une volée de toute son artillerie, chose qui leur augmenta le cueur, & eurent grande resjouissance pour l'asseurance qu'ils eurent du secours.

L E Roy estant campé audit lieu de S. Souplex, assembla les capitaines pour consulter le chemin qu'il devoit prendre: aucuns furent d'advis qu'il devoit aller loger à Catillon, lieu avantageux, pour estre d'un costé couvert de la riviere de Sembre, & de l'autre costé d'un ruisseau marescageux, de sorte qu'il n'y avoit qu'une avenue, laquelle se pou voit en moins de xxiiij. heures trencher, parquoy se leveroit le moyen à l'ennem y de nous assaillir. Semblablement noz vivres pourroient venir de Guise & Bohain sans estre en sa mercy. Et là estans logez, on pourroit en un jour refaire les ponts sur la chaussée dudit Catillon, par-ce qu'elle y estoit bonne & ferme. Outre-plus si l'ennemy qui avoit son armée separée en deux, ne la remettoit ensemble nous pourrions passer la riviere, & combattre ce qui estoit de la l'eau, du costé de Longfavery: & si l'ennemy pour reunir ses forces faisoit repasser vers la forest de Mormault, ceux qui estoient audit Longfavery, nous y pourrions aller loger & refreschir Landrecy d'hommes, de pionniers, de vivres, & autres choses necessaires tout à nostre loisir, & de là nous retirer par Cartigny, ayans secouru la ville. Car si l'Empereur nous vouloit venir combattre, il falloit qu'il allast passer la riviere à Maroles deux lieuës au dessoubs: ou bien si nous estans logez audit Catillon, il passoit les forces qu'il avoit devers Mormault, pour les joindre à celles du Longfavery, car nous pouvions semblablement aller au lieu d'où il partoit, nous avions le passage de la riviere pour faire l'un ou l'autre. Ceste opinion ne fut la plus forte, ains

encores que le logis du Cateau-Cambrezis soit assez malaisé pour loger une armée, si sut il conclu d'y aller loger (qui estoit la teste droict à l'ennemy) & qu'il estoit plus honorable de l'aller chercher que de tourner autour du pot: & pour visiter ce logis du Cateau surent ordonnez monsieur de S. Pol, l'Amiral d'Annebault, le Mareschal du Biez

& quelques autres. Autres meirent en avant, que puis qu'il estoit ainsi resolu de prendre ce logis, ils estoiet d'advis que pendant que le Roy feroit reste à l'Empereur, on envoyast à Guise & à Vervin quelque homme cognoissant le pais, lequel feit assembler tout le bestial gras qui se trouveroit le long de la riviere de Cere & du pais de Laonnois, avec toutes les farines qu'on pourroit trouver & soudainement lever tous les chevaux de labeur qu'on trouveroit, tant audit pais de Laonnois que Soissonnois, pour tout assemblé le faire coduire à la Capelle, & porter à dos de chevaux lesdites farines, ne faisant chacun sac fort pesant, afin que le paisan peust aller fur sa beste & sur le sac pour faire plus grande diligence, & que ce temps pendant que le Roy tiendroit l'Empereur amusé pour le combat, on mist lesdites farines, bœufs, & moutons dedans Landrecy. Ceste opinion fut approuvée, pour la conduite de laquelle fut ordonné le sieur de Langey, avec pouvoir d'estre obey comme la personne du Roy par le païs susdit: & fut mandé à sa compagnie laquelle venoit de Luxembourg, & à celle du Prince de Melphe, à celle du Comte de Brienne, & au seigneur de Sansac, qu'ils le viussent trouver à Vervin, desquels ne sy trouva que ledit Sansac avec sa compagnie, & celle du seigneur de Langey. Le Comte de S. Pol, ledit sieur Amiral, & autres ayans visité le logis du Cateau-Cambrezis, le Roy marcha audit Cábrezis, & y logea son armée.

D E u x jours apres less lits Comte & Amiral advertis que les sorces de l'Empereur estoient deslogées de delà l'eau, & retirées deça, & aussi qu'il avoit quelque peu discontinué la baterie qu'il faisoit si surieuse, sentant le Roy & son armée logez si pres de luy, allerent passer à Catillon pour retirer de Landrecy les soldats lesquels y avoyent tant sous-fert, & la refreschir de soldats nouveaux. Aussi aisément y eust passé toute l'armée, mais j'ay entendu depuis, qu'on avoit si mal pourveu pour les vivres & envitaillement,

372

qu'on n'avoit un seul charroy ny mesmemet vivres que bié estroittement pour nourrir le camp, qui fut cause que l'opinion plus apparente d'aller loger audit Catillon ne fut suivie. En somme mesdits sieurs de S. Pol, & d'Annebault y entreret sans dager de l'ennemy, & en tireret les sieurs d'Essé, de la Lande, & le capitaine la Chapelle Rainsouin, avec leurs foldats; & y laisserent pour Lieutenant du Roy le sieur de Vervin, ayant charge de mille hommes du Boullonois, de la legion de Picardie, & le capitaine Rochébaron frere du sieur de Lignon de Boullonnois, avec autres cinq cens hommes. Le sieur d'Essé & autres estans arrivez au camp, le Roy pour remuneration de leurs agreables services les honora: il feit le fieur d'Essé gentil-homme de sa chambre les sieurs de la Lande, & de la Chapelle les feit ses maiftres d'hostel ordinaires: à tous les soldats qui avoient forfaict leur donna grace, & les anoblit leurs vies durans: & quant aux jeunes hommes qui y estoyent entrez pour leur plaisir, & honneur acquerir, les decora selon leur

qualité. DURANT ce temps les deux armées n'estoient sans

grosses escarmouches d'un camp à l'autre. Or entre celuy de l'Empereur & le nostie y avoir une grande vallée, au fons de laquelle passe un ruisseau; lequel venant du Cateau Cambrezis, va tober à Happre, gros village & prieuré, my chemin de Cambray à Valentiennes: & combien g il soit perit, si est il mal gaiable, pour estre hault de bords. Environ le vingthuictiesme jour dudit mois d'Octobre l'Empereur estant venu du Quesnoy en son camp, accompagné des regimens du Duc Maurice, & de Martin Van-Rossen, feit presenter au hault de la montagne de son costébon nombre de chevaux legers messez d'archouziers, derriere lesquels estoyent en un vallon deux ou trois gros bataillons de Lansquenets & de gendarmerie pour les soustenir qui n'estoyet apperceuz. L'alarme se donne en no ftre camp : soudain le sieur de Brissac, lequel estoit general des chevaux legers passa ledit ruisseau, & d'arrivée repoussa les Imperiaux bien avant, mais ayant cognoissance desdits gros bataillons de gens de cheval, & de Lansquenets qui marchoyet pour soustenir leurs gens, fut contraint de tenir bride: dequoy il avertit le Roy, lequel estat sur la motagne, de son costé, considerant que si ceste escarmouche estoit continuée, le pourroit amener à la bataille à son desavaritage (car il n'estoit raisonnable de passer le ruisseau, & aller combattre son ennemy à pied en montant) envoya monsieur l'Amiral d'Annebault pour la faire retirer: sur laquelle retraitte nous perdissines quelques gens par trop s'avanturer entre autres le sieur d'Andouius y sut frappé d'une arcbouzade, dont il mourut. Ce pendant le Roy estoit en bataille, monsieur de Vendosme d'autre part, avec un esquadron, monseigneur de Guise d'autre, & un chacun au lieu où il devoit combattre, mais l'Empereur ne sut conseillé de passer sur nous, ains se retira en son logis.

LE sieur de Langey, lequel ce temps pendant estoit à Vervin pour executer ce qui luy estoit ordonné, seit telle diligence, que le vingt-neusiesme jour dudict mois d'O-

Ctobre il eust assemblé douze cens moutons, neuf vingts bestes à corne, comme beufs & vaches grasses, & six cens sacs de farine, avec autant de bestes à somme pour le port desdits sacs, & ledit jour vint coucher à la Capelle, auquel lieu se trouva tout ledit equippage, specialement le sieur de Sansac lequel venoit du Mont S. Iean en Luxembourg, ou le Roy l'avoit laissé. Mais des compagnies du Prince de Melphe, ny du Comte de Brienne n'estoient nouvelles: si est-ce que lesdits sieurs de Langey & de Sansac regarderet; que s'ils faisoient sejour, attendans les dites compagnies, & l'ennemy en estoit adverty, il ne seroit en leur puissance par apres d'achever ceste-dire entreprise: à ceste occasion advertirent le Roy, que le lendemain ils estoyent deliberez de se mettre en chemin, afin qu'à cedict jour il mist ordre -de faire dresser l'escarmouche au camp Imperial, pour l'empescher d'avoir la cognoissance de leur faict. Le lendemain qui estoit le jour de Toussainets, s'acheminerent suivant leur desseing, avecques environ deux cens hommes de pied qu'ils prindrent audit lieu de la Capelle, seulement pour conduire l'enviraillement jusques hors des bois, car ils n'estoient deliberez de les passer outre, de peur que les cuidans sauver (si l'ennemy survenoit) eux mesmes fussent defaicts. Et pour faire plus grande diligence feirent monter chasque paisan sur son sac de farine que portoit sa bes, te, tellement que la fortune leur fut si dextre, qu'ils arriverent hors des bois, pres de Prisse sans rencontre, où ils laisserent lesdits gens de pied, reservez trente ou quarante

pour

pour la conduite dudit bestial. Mais estans en la plaine, descouvrirent à leur main gauche mille ou douze cens chevaux des ennemis, qui avoyent passé l'eau à Catillon, à raison dequoy ils entrerent en dispute, s'ils devoient poursuivre leur entreptise, ou l'interrompre, toutesfois le sieur de Langey qui avoit promis au Roy de l'executer (finon qu'il fust ou mort ou prins) resolut de passer outre: mesmes le sieur de Sansac, encores qu'il n'eust parlé au Roy pour cest effect, ayant seulement entendu dudit sieur de Langey le service que ce seroit au Roy, sit pareille resolutio. Parquoy ils adviserent de prendre le chemin à main droitte pour eslonguer l'ennemy, & pour interposer entre luy & eux un petit ruisseau qui passe au Longfavery, concluans qu'ayans mis les vivres en sauveté, ils mettroient peine de se retirer, ou au moins de bien védre leur peau. Et parce qu'il n'estoit besoing de long sejour, soudain conclurent de parachever leur chemin, faisans marcher les paisans sur leurs chevaux en bataille, & leur bailla ledit sieur de Langey le capitaine Marville son Lieutenant, avec dix chevaux, afin qu'il leur fift faire bonne mine, & marcher comme gens de guerre. Les ennemis, qui de loing les decouvroient (à ce que depuis ils m'ont dit) les voyans sur leurs bestes & farines, jugerent qu'ils estoient gens de guerre: à cause dequoy ils tindret bride, esperans nous avoir au retour, ce qui n'avint, car ayans rendu noz vivres en seureté, fisines remonter chasque païsan sur sa beste, pour faire diligence, & nous retirasines le chemin de Cartigny, contraire à celuy auquel nous attendoyent les ennemis : de sorte que sans riens perdre revinsmes seutemet à la Capelle. Et au partit de devant Landrecy pour nostre retraitte, le sieur de Sansac & un gentilhomme de la bande du sieur de Langey, avec un bő guide que ledit sieur de Langey leur bailla, entreprindrent d'aller avertir le Roy de leurdite execution, lesquels passans par les maraiz qui sont à la queuë du vivier d'Oisy, sans danger arriverent au Cateau vers ledit sieur, & ledit sieur de Langey passant pres de Roque-Roy pour eviter la rencontre, ramena ceste trouppe à la Capelle, & puis de là retourna trouver le Roy

l l'heure de la retraitte de nostre armée. Le Roy qui n'estoit venu que pour secourir sa ville de Landrecy assiegée par l'Empereur de toutes les sorces d'Allemagne, de Flandres, & de tous ses païs bas, mesmes de tous ses espagnols aguerris avec le secours des Anglois, voyant avoir achevé ce qu'il avoit entrepris (car il fut mis vivres dedans Landrecy pour le moins pour quinze jours) & qu'il estoit impossible à l'Empereur d'y sejourner son camp huict jours pour estre le pais ruiné à six lieuës à la ronde, à cause de nostre armée, & de la sienne, lesquelles y avoient campé six mois consequutifs, joinct qu'il avoit l'hyver à dos, & outre pour les grandes pluyes qui continuoient resolut de se retirer, & feit commander qu'un chacu fust prest à desloger à l'heure qui luy seroit ordonnée. Puis estat tout le bagage troussé, il ordonna de sa retraitte & de ceux qui marcheroient devant, au milieu, & sur le derreire, & sur les aisles. Ledit sieur print le devant, jettant seulemet quelques chevaux deuant luy: au milieu ordonna monsieur le Dauphin son fils avec sept ou huich cens hommes d'armes, & quatorze mille Suisses en forme de bataille: sur la queuë le seigneur de Brissac, avec tous les chevaux legers dont il estoit general, & quelque archouzerie, pour le soustenir en quelque passage s'il s'offroit, & dressa sa retraitte à Guise, qui fut le led main de Toussain de mille M.D. XLIII.Les choses ainsi disposées, chacun se meit à la retraitte: le Roy marchoit devant, & avec luy mosseur de Guise, & tout devant le bagage, apres l'artillerie, puis môscigneur accompagné de messieurs les Côté S.Pol & Amiral, & à sa queue les dits chevaux legers & arcbouziers.

L'EMPEREUR au matin estant adverty du deslogemét de nostre camp, ordonna Dom Ferrant de Gonzague pour suivre nostre armée, esperant que sur la retraitte se trouveroit quelque desordre, à cause des bois qui estoient à passer, & que communement gens qui se retirent ne sont coustumiers à tenir bataille, ainsi que font ceux qui marchent en avant. Mais ledit sieur Dom Ferrant quand il arriva à la rive des bois, trouva des ja l'artillerie passée, & le bagage & toute l'armée, encores qu'ils eussent esté contraincts de passer à la file pour la difficulté du passage. Voulant toutesfois ledit de Gonzague entreprendre de recognoiltre nostre armée de plus pres, seit entrer dedans les bois quelque nombre d'hommes, qui ne firent pas grand voyage, car ils trouverent les bois farcis de nostre archouzerie, qui les servit de sorte, que la pluspart de ceux qui y entrerent ne retournerent dire les nouvelles à leurs compagnons,

374

Durant que l'escarmouche s'entretenoit dedans les bois. l'Empereur marcha avec le reste de son armée à la portée du canon pres dudit bois: Dom Ferrant voyant qu'il estoit suivy par sa majesté, trouva moyé par autre chemin à main droite tirant vers Bohain, de faire passer mille ou douze cens chevaux, & quelque nombre d'arcbouzerie, & quelques chevaux legers Anglois, lesquels prouffiterent autant que les autres qui estoient au bois. Car apres que monseigneur le Dauphin fut passé, & vit son artillerie & bagage marcher en seureté, il laissa le sieur de Brissac avecques la ca vallerie legere, & le seigneur de la Guiche Lieutenant de monsieur le Connestable avec cent homes d'armes, & autres capitaines jusques au nobre de trois cens hommes d'armes, pour soustenir lesdits chevaux legers: & un peu sur le derriere feit jetter ses Suisses en bataille, & luy avec le reste de ses forces sur les aisses desdits Suisses, pour leur faire espaule, en deliberation que si l'Empereur passoit le bois, luy doner la bataille, mais noz chevaux legers à la faveur de la gendarmerie qui les soustenoit, & nostre archouzerie jettée comme enfans perdus, contraignirent lennemy de repaf ser le bois, dot depuis il ne fut assez hardy de comparoistres il demeura plusieurs des siés pris que tuez, des nostres quelque peu , car en telle marchandise on ne peut gaigner sans recevoir de la perte.

C E-pendant le Roy, lequel avoit mandé jusques à l'abbaye de Bonhourie sise sur la riviere d'Oyse, pour mettre ordre de passer la grosse artillerie & le bagage deça l'eau, afin que fil eltoit question de combatre elle ne s'embarraflast parmy les gens de guerre,& les mist en desordre,ayant nouvelle de ceste cavallerie Imperiale, laquelle avoit paflé le bois, & que monseigneur le Dauphin son fils estoit de liberé de presenter la bataille, si l'Empereur passoit, tourna bride pour le secourir, ne voulant qu'il combatist sans luy, mais il ne marcha le quart d'une lieuë qu'il n'eust advertissement que l'Empereur s'estoit retiré, & que monseigneur estoit sur sa retraitte, apres avoir repoussé les ennemis delà les bois, & longuement attendu si quelqu'un s'ingereroit de repasser: parquoy il se retira à Guise, laissant tousjours monseigneur le Dauphin sur sa queuëainsi qu'au commencement. L'Empereur que se temps pendant avoit repeu tout à cheval, voyant ses gens repoussez si honteusement, changea l'opinion qu'il avoit de suy vre le Roy, & apres avoir quelque peu temporisé, considerant qu'il avoi en vain & à la perte suivy nostre armée, retourna au logi dont il estoit party. Pour coclusion le Roy secourut sa vill à la barbe d'un grand Empereur lequel avoit toutes les for ces d'Allemagne, de ses bas païs, & une partie de celles d'Es pagne d'Angleterre, & d'Italie, qui n'eut peu de reputation

toutes choses bien pelees. L E Roy estant arrivé à Guise, se voyant l'hyver à dos, & que les pluyes estoient si excessives qu'il n'y avoit ordre n' à l'Empereur ny à luy de campayer, delibera pour refrel chir son armée, la separer, car elle en avoit besoing pou les grands travaux qu'elle avoit portez huict mois durant tant en Henault que Luxembourg. Il envoya le Marescha du Biez à S. Quentin avec quatre cens hommes d'armes & quatre mille hommes de pied, pour pourveoir aux cho ses que l'Empereur pourroit entreprendre de ce costé la aussi envoya les Lansquenets à Crecy sur Cere, les Suisses: Assy sur ladite riviere, & le reste de son armée se logea l long de la riviere d'Oyse, aux lieux qui furent trouvez plu commodes pour empescher l'Empereur d'endommage ce Royaume, au cas (comme de brief il estoit apparant) qu'i abandonnast Landrecy. Puis pour aller renforcer ceux du dit lieu de Landrecy, ordonna le capitaine Stenay Lieute nant de monseigneur d'Anguien, avecques la compa gnie dudit seigneur de cinquante hommes d'armes & une partie de celle des Escossois, & luy se rerira à la Fér fur Oize.

Retraitte de l'Empereur devant Landrecy.

la ville de Cambray.

L'EMPEREUR apres avoir encores sejourné quatr ou cinq jours en son camp depuis le parrement du Roy, sei sa retraitte à Cambray. Arrivé qu'il y fut cognoissant la ho te que ce luy estoit, d'avoir tant faict le brave de s'estre van té au partir de Gueldres qu'il viendroit jusques à Pari (mais il n'avoit sceu prendre vne petite ville faicte à la hal te, en laquelle n'estoit aucune fortification achevée; qu Subjection de seulemet peust estre dite dessence) passa sa colere sur ceu desquels il avoit esté receu ainsi qu'en ville Imperiale Et persuada faucement aux pauvres Cambresiens credule par le moyen de leur Evesque, qui les vendoit, qu'il estoi adverty que le Roy estoit deliberé de se saisir de leur ville leur oster la liberté de neutralité que de toute anciennet DE MESS. MARTIN DU BELLAY.

ils avoient, & l'attribuer à sa couronne: & pour empescher cela, il estoit de necessité de faire edifier une citadelle, de laquelle ils auroient la garde pour leur protection. Lesdits Cambresiens ainsi seduits par l'intercession de leurdit Evesque, lequel estoit de la maison de Croy, l'accorderent: à ceste occasion l'Empereur feit diligenter à leurs despens, la construction d'icelle citadelle : vray est qu'elle est gardée à leurs despens, mais les soldats ont le serment à l'Empereur, & commandement à la ville, de sorte que de liberté il les a mis en servitude.

En ce temps fut né à Fontainebleau François premier Naissance fils de Henry Dauphin de Viennois, lequel fut tenu sur les du Roy Frãsons par le Roy son grad pere, qui le noma de son no Fran çois second. ois, laquelle nativité fut magnifiée en grande joye, avec

ournois & autres sortes de solennitez.

I E vous ay dit cy devant comme le Roy avoit depes- Prise de Nithé le sieur d'Anguien pour estre chef sur son armée de la ce par l'arner de Levant, & se joindre avecques Barberousse, qui de- mée de Barbe voit venir avecques celle du grand seigneur : consequem-rousse. nent vous avez ouy le voyage que feit ledit seigneut d'Anzuien-à Nice soubs esperace d'une praticque, & aussi ce qui in provint. Peu de jours apres son retour dudit voyage à Marseille, Barberousse avecques cent & dix galleres passa levant Ville-Franche pres de Nice, puis vint à Toulon, & le là à Marseille trouver mondit-seigneur d'Anguien avecques l'armée du Roy, où apres avoir mis en deliberation les capitaines ce qui estoit à faire, fut conclu d'assaillir. Nie, à raison que le Roy la repute sienne, pour avoir esté par es Comtes de Provence baillée en gage au Duc de Savoye our une somme de deniers. Apres la resolution prinse etans arrivez à Ville-Franche, l'artillerie fut mise en terre pors des galleres,& menée devant la ville de Nice,dont fut i bien diligentée la batterie, qu'en peu de jours ladite vilese rendit à condition de n'estre saccagée. Ce faict ils lanterent leurs pieces contre le chasteau, mais ils perdient leur peine & munitions, car la place est sur un rocher nalaisce à battre, & encores moins facile à miner à cause le la dureté & hauteur d'icelle roche. Barberousse voyint le temps pour neant se consommer, & l'hyver approther, retira son armée à Toulon, car il ne se sentoit seuement pour pouvoir demeurer n'hyverner au port de

Villefranche, & monsieur d'Anguien retourna à Marseille, & de là devers le Roy, lequel il vint trouver devant le Cateau Cambrezis, esperant que là se donneroit une bataille.

LE Marquis du Guast alors Lieutenant general de l'Em percur au Duché de Milan, voyant Nice assiegée, la ville prise, & le chasteau en danger, avoit mis ensemble toutes ses forces, tant d'Allemans, Espagnols, qu'Italiens, pour donner secours aux assiegez; mais estant arrivé dedans les montagnes de Tendes, adverty de la rettaitte de l'armée à Toulon, & le chasteau en liberté, delibera d'employer ses forces ailleurs, parquoy retourna au Piemont, ou d'entrée assiegea le Montdevis, laquelle estoit en son chemin la pre-Prise de Mot miere ville de l'obeissance du Roy. Le sieur de Boutieres qui estoit Lieutenant general du Roy en Piemont, ayant peu de gens de pied François pour la provision d'icelle ville, à cause de sa grandeur, sur contrainct y mettre des Suisses gens malaguerris pour la garde d'une place, car c'est leur naturel de combatre en Campagne, si est-ce qu'ils firent. tresbien leur devoir : mais apres avoir beaucoup enduré; tant par faulte de vivres, que pour les continuels assaulx qu'ils avoient soustenus, en fin n'esperans aucun secours, capitulerent avecques le Marquis, qu'ils s'en iroient armes & bagues sauves. Le gouverneur dudit lieu de Montdevis nommé Charles de Dros Piemontois, homme de guerre & de bon esprit, sçachant bien la haine que luy portoit le Marquis n'osa se fier en luy, ains ce pendant que le traitté se concluoit mõta sur un cheval turc,& par une faulse porte se meit aux champs, & se retira à Roque de Bau place du! mandement de Montdevis, distante dudit lieu de quatre mille, laquelle en toute diligence feit remparer si bien que le Marquis passant par devant ne l'osa attaquer. Les Suisses se confians au traitté faict avec le Marquis sortirent, mais nonobstant icelle capitulation furent par les Espagnols devalisez, & plusieurs tuez, chose que les Suisses leur vendirent bien cher, ainsi que puis apres vous entendrez, en la

> Le Marquis partant de Montdevis passa par devant Beyne & Savillan, lesquelles il trouva si bien pourveuës qu'il ne les voulut assaillir: mais ayant entendu que le sieur de Boutieres s'estoit retiré à Pignerol, & qu'il avoit seulement

bataille de Serisolles.

devis par le Marquis du Guaft.

DE MESS. MARTIN DU BELLAY. laissé dedans Carignan le seigneur d'Aussun, & le capitaine Francisque Bernardin de Vimarcat, avec leurs compagnies de chevaux legers, & quelque petit nombre de gens de pied pour raser les fortifications que l'an precedant y avoit fait faire le sieur de Langey, tourna la teste audict sieu de Carignan, pour mettre peine de le gaigner & sy fortifier. Car gardant ce logis il nous ostoit la commodité de toute la plaine du Piemont deça le Pau, sçavoir est, la pluspart du M irquifat de Salusses, & la plaine jusques à Pignerol & à Turin, & mes nes le val de Suze à la faveur de Vulpian. Quant à ce que tenions de-là l'eau, à sçavoir Savillan, Beine, Rôque de Bau, & Cental, elles demeuroient hors d'esperance de secours Le Marquis suyvant sa deliberation Prise & forprint son chemin à Carmagnole, & feit telle diligence qu'il tistication de passa le Pau, & arriva audict Carignan avant que noz gens Carignan eussent loisir de parachever la ruine : lesquels voyans arri- par le Marver sur leurs bras une armée de quinze ou seize mille hom- quis du mes de pied, & trois mille chevaux, se meirent à la retrait- Guast. te vers la Loge pour tirer le chemin de Montcallier ou de Turin, ayans mis leurs gens de pied devant, à leur queue Francisque Bernardin & ses chevaux legers, & sur le derriere monfieur d'Aussun pour soustenir le fais ce-pendant que les autres passeroient une riviere venant de Num, laquelle passe entre Carignan & la Loge, laquelle ne se passe qu'à Pont à cause des bords qui sont haults. Les ennemis lesquels ledit sieur d'Aussun avoit tous jours soustenus, se renforcerent si fort, qu'à deux portées de canon, pres ledit pont, ils le chargerent de si grand no nbre, qu'il fut porté par terre, & furent la plus grande part des siens prison-

les secourir. L E Marquis estant demouré seigneut de Carignan, s'y logea avec toute son armée, & feit en toute diligence parachever le fort, y comprenant les fauxbourgs, de sorte qu'en moins de cinq sepmaines la place fut en dessence, pareillement y feit amener (d'autant qu'il estoit maistre de la campagne) tous les bleds, & autres vivres de la plaine, jusques des environs de Pignerol, Tutin, Vigon, Villefranche, & d'une partie du Marquisat de Salusses, en telle abondance, qu'il fur enviraillé pour sept ou huict mois. Puis

niers : ce temps pendant le reste passa le pont, & se retirerent à Montcalier à la faveur de ceux qui en sortirent pour

l'ayant pourveu d'artillerie & d'amonitions raisonnablement, y laissa pour chef le seigneur Pirus d'Epire, autremét dit le seigneur Pierre Colonne, avec quinze cens Espagnols naturels des vieilles bandes, & le Comte Felix colonnel de deux mille cinq cens Lansqueners: & luy accompagné du reste de son armée se retira à Quiers, & apres y avoir mis le seigneur Ludovic Vistarin gentilhomme de Laude, & trois mille hommes pour favoriser ceux de Carignan, par-ce que nous tenions Villeneufve-d'Ast, qui luy pouvoit beaucoup nuire sans la faveur de ladicte ville de Quiers, puis il se retira en Ast.

Nous nous tairons un peu des affaires de Piemont, & reviendrons au Roy, lequel estant de retour à la Fére apres avoir secouru Landrecy, eur les nouvelles que vous venez d'entendre, c'estoit sommairement que l'armée Imperiale tenoit la campagne en Piemont. Ledit seigneur pour y remedier depescha le sieur de Tais colonnel des bandes Françoises estans audict Piemont, pour y aller, & faire nouvelle levée de douze enseignes de gens de pied François: pareillement il depescha le Comte de Gruiere, auquel il avoit baillé son ordre, pour aller faire levée de cinq mille Gruyens de ses païs, pour les passer en Piemont, & se joindre avec cinq mille Suisses, qui y estoient entretenus, esperant que les Gruyens feroient semblable faction que les Suisses, lesquels sont lears voisins, mais autrement en advint, ainsi que ci apres vous pourrez cognoistre. l'ay ouy dire qu'il est mal-ailé de desguiset un asne en un coursier. A ussr le Roy fut adverty que le Comte Guillaume de

Fustemberg, avecques douze mille Lansqueners, & bon nombre de chevaux & d'artillerie, tenoit au nom de l'Emper eur la ville de Luxembourg assiegée, & que desja les vivres deffailloient aux assiegez : ledict seigneur ne voulant en façon quelconque perdre rien de sa conqueste, encores que l'hyver estoit le plus extreme qu'il fust vingt ans au precedant, depescha le Prince de Melphe pour aller lever le siege, & refreschir lesdicts assiegez, & avecques luy le sieur de Brissac general de la cavalerie legere, & environ quatre cens homes d'armes. Les gelées furent si fortes tout le voyage, qu'on departoit le vin de munition à coups de

> conguée, & se debitoit au poix, puis les soldats le portoient dedans des penniers. Si est-ce que la volonté des chefs &

Secours El refreschiffement à Luxembourg.

des foldats ne diminua, ains partant le Prince de Melphe de Stenay, marcha droict à Erency, de la à Long-vic, puis tira sur la main droicte, vers le chemin du mont Sainct Iean pour gaigner l'advantage, afin de combattre l'armée de l'Empereur. Le Comte Guillaume adverty du grand vouloir de noz soldats:tant de cheval que de pied, qui ne craingnoient aucun danger, ne fut conseillé de nous attendre, mais incontinant leva son camp, & se retira en Allemagne, par ce moyen tour à loisir nous refreschimes la place. Le sieur de Longueval, lequel par cy devant avoit esté laissé lieutenant pour le Roy, dedans ladicte place de Luxembourg; en fut retiré dehors, avecques les autres bandes, tant de pied que de cheval qu'il avoit en sa compagnie, & en son lieu fut mis avec pareil pouvoir, le Viconte d'Estauges surnommé d'Anglurre, avecques sa compagnie de cinquante hommes d'armes, & quinze cens hommes de pied. Le Prince de Melphe ayant executé ce dont il avoit la charge, se retira à Stenay, auquel lieu il rompit son armé, laquelle fut separée par les garnisons de Champagne & de Picardie, pour le reste de l'hyver faire teste à l'ennemy, & conserver les choses que nous avions conquises.

Pour retourner au seigneur de Boutieres, lequel estoit Boutieres Lieutenant du Roy en Piemont, apres qu'il eut receu le ren- Lieutenant fort que le Roy luy envoyoit, de trois à quatre mille hom- du Roy en mes de pied François, levez en Provence, Dauphiné, & aux Piemont, Al environs, & les cinq mille Gruyens, avecques deux ou trois ce quil y feit cens hommes d'armes, la campagne que de long temps il avoit perdue, fut recouvrée: & ayant ses forces assemblées fur conseillé, ce pendant que l'ennemy estoit empesché à la fortification de Carignan (laquelle toutesfois estoit desja en desfence) de prendre le chemin de Verceil, pour tenter sil pourroir eslargir les païs du Roy, du costé de deça le Pau. Suivant lequel ladvis ledict sieur de Bourieres print le chemin de Verceil & d'Ivrée: & y ayant mis en son obeissance plusieurs perites places, assiegea Sainct Germain, qui est sur le grand chemin de Chivas à Verceil, esperant la surprendre, mais il la trouva pourveue de geus de guerre: à ceste cause il sit planter son artillerie contre le lieu que lon jugea le plus debile. Vray est que c'estoit une ville ny flanquee, ny fort remparée, mais le fossé en estoit bon, & estoit le bort d'iceluy fossé aussi hault que la muraille, de

celle, toutes fois il y fut faict quelque breche, non moins digne que destraisonnable d'estre assaillie: ce nonobstant noz gens de pied François voyans qu'il y avoit jour à ladicte

muraille, donnerent dans le foille, & melines le capitaine Achan Basque, qui portoit l'enseigne colonnelle du sieur de Tais, & le capitaine Garrou autre Basque Lieutenant dudict sieur, & le capitaine Saincte Marie aussi Basque Lieute nant du capitaine Renouart, donnerent jusques sur le hault de la breche, suivis de beaucoup de bons compagnons, mais aussi farieusement qu'ils assaillirent, il furent repoussez, & y moururent lesdists capitaines Garrou, & Saincte Marie, & le capitaine Achan porteur de l'enseigne colonnelle y receut trois ou quatre archouzades tant dedans les bras que le corps, & fur renversé (l'enseigne au poing) dedans le fosse. Duquel lieu ne pouvant partir pour les blesseures, & pour le trait de l'arcbouzerie de ceux de la ville, se rengea son enseigne au poing contre la maraille, au costé de la breche, dont on ne le pouvoit dessoger qu'à coups de pierre, par-ce que ladicte ville n'estoit ffanquée, & y demeura jusques au matin, que noz gens se preparoient de faire nouvelle batterie, pour donner nouvel assault. Les assiegez estonnez de la hardiesse & fureur des nostres, n'oserent plus attendre, ains parlementerent, à telle condition qu'ils s'en allerent leurs bagues sauves, laissans la ville avecques les munitions de vivres & l'artillerie en l'obeissance du Roy. Ledict seigneur de Boutieres ayant pourveu à ladicte place, marcha devant Ivrée, laquelle il assiegea de toutes parts, mais durant ce siege, qui fut environ Noel de ladicte année mille cinq cens quarante-trois le Roy adverty que ledict de Boutieres n'estoit bien obey en son armée, depescha monseigneur François de Bourbon, sieur d'Anguien, pour aller en lieu d'iceluy sieur de Boutieres, estre son Lieurenant general en Piemont. D'autre part le Roy n'avoit trouvé bon que ledict de Bourieres eust permis l'ennemy si legerement fortifier, & envirailler Carignan, sans l'en avoir

Prise de S. Germain ville en Piemont.

Monsteur d'Anguien lieutenant du Roy en Pizraont empesché.

Monsetone un d'Anguien arrivé qu'il fut en poste à Turin, sçachant que le sieur de Boutieres estoit devant Ivrée, suy feit entendre sa venue à ce qu'il eust à suy envoye escorte jusques à Chiyas, pour le conduire au camp en seu reté. Le sieur de Boutieres ne voyant esperance qu'il peust prendre Ivrée, ou bien mal-content d'estre destitué de sa charge, se resolut de lever son siege, & d'aller avecques toute l'armée au devant de luy, lequel il vint rencontrer à Chivas, auquel lieu mondit sieur d'Anguien print l'armée en main, & le sieur de Boutieres se retira en sa maison en Dauphiné. Ce faict monseigneur d'Anguien par l'advis des capitaines, lesquels avoient la cognoissance du pais, marcha avecques l'armé e contre bas le Pau, & y meit en son obeissance la ville de Pallezol, Cressentin, Desanne. & autres petites places circonvoisines, ausquelles il laissa bonnes garnisons & moyen de les fortifier. Puis à raison que l'intention du Roy estoir de remettre en ses mains Carignan, qui luy estoit une espine en son pied, attedu qu'elle tenoit toute la pleine du Piemont en subjection, conclud y aller. Et pour cest effect, print le chemin de Montcalier, duquel lieu pour oster la commodité d'un pont, que les ennemis avoient sur le Pau, par lequel ceux de Carignan, de jout en autre pouvoient estre refreschiz de Quiers, d'Ast, & autres places de leur domination, depetcha bon nombre d'hommes, pour la nuict aller brusser ledit pont : laquelle expedition fut executée, mais non sans grand travail, pour l'extreme gelée qu'il faisoit, dont plusieurs soldats eurent les pieds & mains estropiez. Et pour-autant que la place de Carignan estoit en plain pais, composée de cinq beaux bastions de rerre, avecques les courtines, & beau fossé, & que dedans icelle estoient quatre mille hommes, des plus aguerris de toute l'armée de l'Empereur, fut advisé selon l'opinió de tous les capitaines, n'estre raisonnable d'entreprendre de la forcer, cosideré mesmes que les hommes de dedans suffiroient pour faire une avantgarde, mais la conclusion fut prinse de l'affamer. Et pour cest effect s'en alla ledict sieur d'Anguien camper à Vimeuz, deux mille deça Carignan, pour empescher les vivres que les ennemis prenoient deça le Pau. Aussi pour autant que du costé tirant à Pancalier contremont le Pau, venoit aux ennemis grad refreschissement, fut ordonné de faire un fort à un quart de mille de Carignan, tirant sur ledict chemin de Pancalier à une Eglise fondée de S. Martin, & y furent mises deux enseignes de gens de pied Italiens. Et ainsi leur fut levée l'esperance de plus estre refreschis de ce costé là.

Que L Que temps apres le sieur d'Anguien adverty que l'ennemy se réforçoit à Quiers pour du costé de dela le Pau donner refreschissement aux assiegez, delibera de passer l'eau, laissant garnisons dedans Vimeuz, Carpenay, & autres petits forts, pour empescher l'ennemy de faire saillies à sonplaisir du costé deça le Pau: & pour le passage dudict sieur d'Anguien fut advilé un lieu contre-bas la riviere, tirant à Montcalier deux mille au dessoubs de Carignan, auquel fut faict un pont de batteaux en un lieu nommé les Sablos. Et afin que ledict pont servist pour nostre commodité, tant deça que delà l'eau, & que l'ennemy ne nous le peust ofter, fut ordonné à chacun bout dudict pont un fort ausquels fu rent mis quatre enseignes de gens de pied Italiens, sçavoir est, Hercules Boutigeres, Hercules Vicôte, Bernardin Corse & un autre. Cela faict nostre armée partit de Vimeuz, & passant le Pau, par le pont des Sablos, vint loger à Villedestelon, qui est entre Carignan & Quiers, distant de deux mille de Carignan, & trois de Quiers, pour empescher les ennemis de venir secourir ou refreschir ledict Carignan, Car du costé d'Ast leur estoit mal-aisé sans nous combattre, à cause de Villencufve d'Ast, que nous tenions en nostre obeillance. Estans audict lieu de Ville-destelon, nous y fortisialmes nostre camp, & au bout de delà du pont que nous avions brussé, fut faiet un fort, auquel furent logées deux enseignes de gens de pied de Dauphiné, sçavoir est, le capitaine Passin & un autre. En ce poinct demeura nostre camp, depuis environ la chandeleur jusques en quaresme, no sans qu'il y eust ordinairement de belles escarmouches; car les jeunes gens du camp, desirans à faire armes, de jout en autre passoient le pont, & à la faveur de la garde diceluy, & des garnisons de Vimeuz, & du fort de S. Martin, se faisoient de belles entreprinses, & de beaux faicts d'armes, quelquesfois à l'advantage des nostres, autresfois au prouffit des assiegez, d'autant qu'ils estoyent quatre mille Espagnols & Lansquenets des plus aguerris de l'Enrope.

¥ 3 4 3.

ENVIRON le moys de Mars, mille cinq cens quarante trois, monseigneur d'Anguien eut nouvelles que le Marquis du Guast faisoit diligence d'assembler ses forces, pour secourir les assegez: & pour cest essect ledit Marquis avoit deliberé de venir prendre le logis de Carmagnole, lequel fil eust prins, il estoit en son pouvoir, sans hazard de les refreschir. Car se sortisant ledict lieu, il y eust peu faire un pont pour passer deça l'eau, & nous laisser de là mourir de faim, par ce qu'il eust trouvé le Marquisar de Salusses remply de tous biens, & nous n'avions que tout païs mangé: d'avantage nous estions contraincts de Quiers, Ast, Fossan, Montdevis, Cony, Busque, & autres places, tellement qu'il nous estoit malaisé d'avoir vivres qu'avecques les armes. Ces nouvelles entendues, ledit seigneur assembla le conseil, auquel apres plusieurs opinions diverses (car aucuns estoiét d'advis qu'on devoir demeurer à Villedestelon) su conclud de prevenir à Carmagnolle, pour oster à l'ennemy ceste comodité de saire un pont, pour avoir vivres au Marquisat de Salusses.

L'ARMEE Françoise estant à Carmagnole, les Imperiaux assiegez entrerent en plus grande necessité de vivres que devant, parquoy advertirent le Marquis du Guast, que si dedans la my Avril ils n'estoient secourus, la famine les contraindroir de faire ce qu'ils n'avoient deliberé, s'ils estoient refreschis. Le Marquis ayant eu cest advertissement, fit de toutes pars diligenter ses forces, & contremanda quatre mille Lansquenets, lesquels estoient à Genes, prests d'embarquer, qu'ils se vinssent joindre avecques luy. Dequoy monseigneur d'Anguien adverty, depescha un gentilhomme devers le Roy, pour le luy faire entendre, & que son bon plaisir fust d'envoyer le païement de trois moys deus à ses gens de pied, car il craignoit qu'arrivant la necessité de combattre, par faulte de leur soulde, ils en feissent refus, specialement les Suisses, desquels estoit sa principale force avecques les vieilles bandes Françoises. Outre-plus il manda au Roy, sçavoir si le Marquis se presentoit en lieu raisonnable, il luy plairoit l'authoriser de hazar der la bataille plustost que laisser secourir une ville, laquelle luy avoit tant cousté, pour estre reduitte en ceste extremité. Audit seigneur d'Anguien, le Roy sit response que de brief il luy depescheroit le sieur de Langey, gouverneur de Turin, lequel luy porteroit arget, & qu'il l'avoit retenu pres de luy pour cest effect. Quat à la bataille, le remettoit à en user par l'advis des capitaines qui estoient aupres de luy, lesquels pouvoient mieux cognoistre (estans sur les lieux) ce que la necessiré commanderoit à ses affaires, que luy

qui ne le voioit à l'œil.

Noblesse Françoise passant en Piemont .

Estant public pat la cour que le Roy avoit permis au seigneur d'Anguien de donner la bataille, la jeunesse de la cour congneut bien que malaisément se passeroit la partie sans qu'il y eust du passe-temps, parquoy, selon qu'est la coustume de la noblesse de France, chacun se preppara pour fy trouver, les uns partirent sans congé, & les autres avecques congé du Roy. Entre autres, le sieur de Sainct André, le sieur de Dampierre de la maison de Clermont en Dauphiné, tous deux fort favoris de monseigneur le Dauphin: le sieur de Iarnac, Gaspar de Colligny sieur de Chastillon, François de Vendosme, Vidame de Chartres, les deux freres de Bonniver, le sieur de Bourdillon, le sieur d'Ecars, les deux freres de Genly, le sieur d'Assier capitaine de l'artillerie, lequel avoit sa compagnie de cinquante hommes d'armes en Piemont, le sieur de la Hunaudaye fils unique de l'Amiral d'Annebault, le sieur de Rochefort, le sieur de Lusarches, le sieur de Wartis, & le sieur de Lassigny, de sorte que peu de jeunesse demeura en la cour, principallement de celle qui suivoit monseigneur le Dauphin. Il fault entédre que les finances de mondict sieur d'Anguien estoient si courtes, qu'il n'y avoit plus rie entre les mains, ny des treforiers, ny d'homme du camp, parquoy ceste arrivée sur commode, car pour eitre gens de maison, chacun avoit apporté le fonds du coffre lequel soudain mondict seigneur d'Anguien vuida de leurs boistes pour cotenter les soldats, attendant la venue de l'argent du Roy. L E vendredy de la passion, le Roy, lequel estoit à Ennet,

ayant journellement nouvelles, que le Marquis du Guast a vançoit son armée, pour secourir les assiegez, considerant Passage de que monsseur d'Anguien l'avoit adverty, que la faulte de payemet pourroit decourager les soldats, mais aussi avoit il autre consideration, que trois cens mille livres n'eussent satisfaict audict payement, & qu'il avoit à soustenir une autre grande armée, laquelle l'Empereur dressoit en Allemagne, pour entrer en son Royaume, avecques celle dont le Roy d'Angleterre pretendoit l'aissaillir par autre part: & que sinablement le fonds de ses finances pourroit difficilement fournir à tout cela, toutesfois il depescha en poste le sieur de Langey, messire Martin du Bellay, gouverneur de Turin, pour aller trouver son armée en Piemont, auquel pas-

monsieur de Langey avec argent au samp.

fant par Paris, il feit delivier quarante huit mille escus, qui n'estoient la quarte partie de ce qui estoit deu aux estragers, mais luy donna charge de chercher tous moyens possibles de contenter les gens de guerre, de sorte que on les menast

au combar.

L E jeudy de la sepmaine saincte, qui estoit le cinquiesme jour d'Avril, mille cinq cens quarante trois, avant Pafques, arriva ledict Langey à Pignerol, où il eur nouvelles que l'armée de l'Empereur aprochoit de la nostre. Et pour autant que pour aller à Carmagnole, où estoit nostre cap, faloit passer à la portée d'une coulevrine de Carignan, cu (comme dict est)estoient quatre mille hommes de guerre, trouva que seurement ne pouvoit passer sans escorte. Parquoy par divers messagers, afin que si l'un estoit prins, l'autre passast, advertit monseigneur d'Anguien de son arrivée, en lettres de chiffre, lequel le vendredy sain& luy envoya le sieur Bertin de Solliers, l'un des seigneurs de Morette, avecques quarante salades nouvellement venuz du camp Imperial au service du Roy, par la praticque de l'eleu de Riez, sieur de Cental: & par ledict de Solliers luy manda qu'à Cercenas, & à Vimeuz, & au pont des Sablons il trouveroit nouvelles escortes. Le seigneur de Langey fut en difficulté, si sur l'asseurance de ceste escorte, il devoit hazarder les deniers qu'il portoit, attendu que c'estoient Italiens qui n'avoient encores faict serment, ny prins la soulde du Roy, car il consideroit que pendant cest argent, l'estat du Roy demouroit en hazard, & si par faute d'iceluy nos gens faisoient refus de combattre, on l'en pourroit blasmer: toutesfois plustost qu'endommager le service du Roy, resolut de mettre & luy & l'argent au vueil de fortune, concluant que si mal en advenoir, il seroit plus reprochable à ceux qui luy avoient envoyé l'escorte qu'à luy. Ioint aussi qu'il avoit esperance à l'autre escorte, laquelle il esperoit trouver à Cercenas & Vimeuz. Mais à tous deux ne trouva home ordonné pour cest affaire, de sorte qu'il fut en opinion de prendre le chemin de Montcalier, pour mettre l'argent en seureté, craignant qu'en passant par devant Carignan, si les ennemis faisoient une saillie, ceux mesmes qui le conduisoient le saccageassent. Mais estant adverty par le sieur de Cercenas & par l'abbé de Morette, (lesquels il trouva audict lieu de Cercenas) que le camp Imperial estoit à

Mouta, sept mille pres du nostre, en apparence de vouloir dedans deux jours donner la bataille, passa outre jusques au pont des Sablos, où il trouva aussi peu d'escorte qu'aux auttes lieux, sinon qu'il sit monter à cheval le capitaine Bernardin Corse, avecques tous les arcbousiers à cheval, tat de sa compagnie, que d'Hercules Bourigeres, & d'Hercules Visconte, qui estoient à la garde d'iceluy pont, lesquels toute nuict le conduirent à Carmagnole auquel lieu il atriva une heure apres minuich, au logis de monseigneur d'Anguien. Incontinat il fut divulgué par tout le camp, que ledit Langey estoit arrivé avec l'argent pour le payement de l'armée, qui donna grande resjouissance & bonne affection à tous les soldats.

Pour resouldre ce qui estoit à faire, monseigneur d'Anguien manda querir tous les capitaines qui estoient au camp, en l'assemblée desquels le sieur de Langey declata le peu d'argent qu'il avoit apporté, & que le Roy pour les autres urgens affaires qu'il avoit à supporter, à l'occasion des armées que l'Empereur & le Roy d'Angleterre preparoyent, pour l'endommager ailleurs, n'avoit sceu fournir plus grande somme, ne voulant desgarnir les finances qu'il avoit disposées pour cest effect. Ce neant-moins le Roy se confiant à leurs experiences esperoit qu'ils inventassent les moyes de faire marcher les soldats au combat. Apres avoir Invention entendu que l'argét qu'il avoit apporté n'estoit pour payer la simple paye d'un mois aux estrangers, ores qu'il leur fust deu le payemet de trois, adviserent afin que la bonne opinion en laquelle estoient les gens de guerre, ne leur fust divertie, qu'on feroit tout à l'heure donner l'alarme dedas nostre camp, à ce que chacun se trouvast 'au lieu ordonné pour combattie, & que ce temps pendant le jour viendroit & qu'alors on feroit retirer les enseignes à part pour faire les mostres particulieres, enseigne pour enseigne, sans autre chose declarer, sinon de toucher argent, & qu'il seroit publié que leur payement se feroit à la banque. Par-ce moyen le samedy de Pasques se passeroit à faire la monstre, & le jour de Pasques (selon les advertissemens) ne se passeroit que l'ennemy ne fust si pres, qu'en lieu de faire le payement il faudroit combattre, avant que les soldats eussent la cognoissance du deffault des deniers. Ceste deliberation fut executée, l'alarme se donna, chacun avecques lanternes

privr conteter les foldats.

& falots(d'autant que la lune n'escleroit) se jetta en bataille, le jour survint avant qu'on eust rengé les batailles en la forme qu'elles devoient marcher au combat: puis les bandes separées, & les monstres faictes, le jour se passa, parquoy fut le payement remis à lendemain, & se retita chacun en son

logis.

INCONTINANT apres arriva le capitaine Blanfossé, qui se jour estoit sorty de prison, des mains des Imperiaux par le moyen d'un gentilhomme serviteur du Roy estant à Desseing des la soulde de l'Empereur, lequel advertit moseigneur d'An- Imperiaux. guien, que le Marquis du Guast avecques l'armée Imperiale, partoit cedict jour de la Mouta, deliberé de venir à Serisolles, en intention qu'estant audict lieu, il pourroit aller à Villedestelon, que nous avions abandonnée, & forcer le pont des Sablons (chose que ne pouvions empescher) & passer deça le Pau, pour nous corraindre de demeurer de la l'eau sans vivres & sans argent. Et au cas que vinssions pour luy empescher le logis de Villedestelon, il prendroit le chemin de Raconis, & par les maraiz, a fin que ne le puissions combattre, (craignant nostre gendarmerie) gangueroit le derriere de Carmagnole, pour venir à Lombriast, & Casalgras, dresser un pont de batteaux, qu'il menoit quand & luy pour passer le Pau de deça, car il estoit asseuré qu'il trouveroit dedans le Marquisat de Salusses vingt ou trente mille sacs de bled (mesmes dedans Conis en avoir quinze mille) qui fourniroient pour envitailler son camp & la ville de Carignan, & puis nous contraindroit de nous retirer. Qui eust esté entierement nostre ruine, par-ce que noz gens n'estans payez, il estoit mal-aisé de tenir la campagne, & ne la tenans ains nous retirans aux villes, le Marquis estoit deliberé de faire le gast par tout le Piemot, brusser le plat pass, & enlever tout le bestial pour oster le moyen de labourer. Et laissant gens fraiz dedans Carignan, & grosses garnisons en toutes les places esquelles les Imperiaux avoient puissauce, marcheroit à Ivrée, auquel lieu il devoit trouver le Comte de Challan (lequel avoit commission de l'Empereur de lever dix mille hommes, pour avecques ce renfort palser par le val d'Aouste, & venir entrer en Savoye & en la Bresle, pendant que l'Empereur seroit son grand effort par le païs de Champagne.

Tour es ces choses bien digerées par monseigneur

d'Anguien & les capitaines qui estoient avecques luy, fut conclu d'aller combatte les Imperiaux en chemin devant qu'ils cussent gaingné le païs foit : & a fin que les soldats n'apperceussent la penurie du payement, fut ordonné que le matin on feroit marchet noz gens en bataille dedans le camp ordonné pour le combat. Puis soubs couleur qu'on n'auroit le loisir (eu esgard à la proximité de l'ennemy) de faire le payement des gens de pied à la baisque, fut ordoné à chacune enseigne son tresorier, car nous avions esperance que devant que l'argent qu'on avoit apporté fust distribué aux soldats, nous serions à la bataille. Aussi fut ordonné au feigneur de Termes colonnel des chevaux legers d'envoyer vingt chevaux legers vers Villedestelon, pour entendre si l'ennemy marchetoit ce chemin là, autres vingt vers Sommerive, & vingt vers Raconis, à ce que nous estans en bataille en la campagne, euslions le moyen de tourner la teste droit le chemin où nous serions advertis qu'ils marcheroient, pour les combattre en logeant ou devant que loger, sans attendre qu'ils se fussent mis en païs fort: pareillement fut ordonné de combattre en trois trouppes, avant-garde, bataille & arrieregarde.

L E seigneur de Boutieres, lequel ayant eu nouvelles de la bataille estoit revenu de sa maison pour sy trouver, eut la conduicte de l'advantgarde avecques trente hommes d'armes de sa compagnie, la compagnie du Comte de Tende aussi de trente hommes d'armes que conduisoit le seigneur de Thorines son Lieutenant, & le seigneur de Termes colonnel de la cavalerie legere, avecques les deux cens chevaux legers dont il avoit la charge. Francisque Bernardin de Vimercat avecques pareille charge de deux cens chevaux legers, la bande du seigneur More de Novate, laquelle conduisoit le seigneur Cabre son frere & Lieutenat, parcille charge, & le seigneur de Cental avecques trente cinq ou quarante chevaux legers que n'agueres il avoit tiré du service de l'Empereur, & quatre mille homes de pied des vieilles bandes Françoises, dont estoit colonnel le seigneur de Tais. Au premier rang desquels se meirent plusieurs gétilshommes venuz en poste dela court, qui depuis n'avoient eu moyen de recouvrer chevaux, entre autres les trois freres de Bonnivet, & le jeune Genly. A conduire la bataille monfeigneur d'Anguien, avecques luy le seigneut

de Langey gouverneur de Turin, & le seigneur d'Affier avecques sa compagnie de gensd'armes, celle du Baron de Cursol, lequel estoit demouré à Turin en l'absence dudict seigneur de Langey, la compagnie du Comte de Mont-favel que conduisoit le Baton d'Oyn son Lieutenant, & de gentilshommes pour leur plaisir environ cent chevaux, desquels estoient le seigneur de S. André, le seigneur de Chastillon, le seigneur de Iarnac, le Vidame de Chartres, le seigneur de Bourdillon, le seigneur de Rochesort, le seigneur d'Ecars, le seigneur de Luzarches, le seigneur de la Hunaudaye, le seigneur de Genly, le seigneur de Lassigny, de S. Amand nommé de Rochecouart, & autres, laquelle eunesse marchoit soubs la cornette de monseigneur d'Anguien , portée par le seigneur de Rubempré , le seigneur d'Aussun avecques en viron cent cinquante salades. Le seigneur de Glayve gouverneur de Cahors & Pescheray, gouverneur de Motcallier & de gens de pied quatre mille Suifles. En l'arrieregarde le seigneur de Dampierre, avec tous les quidons & archers des compagnies, & les Gruiens qui pou voient estre trois mille hommes de pied, & les Italiens estas ous la charge du seigneur d'Escro, qui devoient estre deux nille,& messire Charles de Dros gouverneur du Montdevis autre mille.

L Es choses ainsi ordonnées, le dixiesme d'Avril jour de Pasques, mille cinq cens quarante quatre au poinct du jour hacun se trouva en bataille au sieu & en la forme qu'il e- 1 5 4 46 toit ordoirné, auquel estat nous demourasines jusques à nidy, que nous eulines nouvelles par noz chevaux legers que l'énemy marchoit, mais ne se pouvoit juger lequel che nin il tiroit, ou de Sommerive, ou de Raconis, ou de Villelestelon: Ce rapport entédu fut advisé afin que (fil prenoit le chemin de Raconis ou de Villedestelb) on l'amusast par fearmouches, que monfieur d'Anguien & quand & luy les chevaux legers & mille ou douze ces arcbousiers, avecques rois moyennes à double equipage, pour diligenter aussi ost que la cavalerie, marcheroient jusques sur un haut ditant un mille de nostre camp, pres un bois sur le chemin de Serifolles. Monseigneur d'Anguien estant arrivé audict ieu envoya le fieur d'Aussun avecques sa bande, & quelque arcbouserie qui le suivoit de loing, sur un autre hault un mille plus avant duquel il descouvroit une valée, rale, qui

est entre Serisolles & Sommerive.

L E D I T seignent d'Aussun y estant arrivé decouvrit les Imperiaux marchans de Serisolles à Sommerive, lequel pour les divertir de leur chemin, ayant jetté ses arcbousiers dedans un bosquet, lieu fort & pres le chemin que devoient faire les ennemis, pour le soustenir s'il estoit besoing. Apres avoir adverty le seigneur d'Anguie, alla dresser l'escarmouche, faisant tousjours sa retraitte ausdicts arcbousiers, mais les ennemis ne l'osoient enfoncer craignans d'entrer en un desordre. Ce pendant monseigneur d'Anguien avecques environ trois cens chevaux & le reste de l'arcbouserie marcha: puis ayant faict recongnoistre le chemin par quelques uns des capitaines estans avecques luy, trouva qu'il pouvoit sans hazard donner jusques sur le hault, par-ce qu'il estoit couppé tout court, en forte que l'ennemy ne le pouvoit venir combattre qu'en montant, & à peine sans se mettre en desordre. Et estant audich lieu, seit mettre en bataille toute sa cavalerie sur le bord dudict costau, si que l'ennemy la decouvroit, mais ne pouvoit recongnoistre nostre derriere, dont il pouvoit plustost conjecturer que tout le reste de no stre armée y fust qu'autrement. Ce faict, seit marcher noz trois moyennes, qui du milieu de nostre cavalerie tirerent dedans l'un des baraillons des gens de pied des ennemis arrestez en la vallée, dont y cut quelques homes tuez, & aussi d'heure en autre envoyasines renforcer l'escarmouche tant d'arcbouziers que de cavalerie, defendans toutesfois à ceux qui en avoient la charge, de se messer de peur qu'ils fussent renversez, & que l'ennemy peust avoir la cognoissance du derriere.

Dur ant ces choses le Marquis du Guast estoit à Sommerive pour y visiter le logis, mais un soldat François serviteur du Comte de Tende, auquel Comte la place appartenoit, estant dedans la tour du chasteau, ne cessa de tirer, & ne se voulut rendre, quelque commination que luy seis le Marquis, par-ce qu'il voyoit nostre armée en campagne du hault d'icelle tour, duquel lieu le lendemain il eut le passe-temps de la bataille. Ledict Marquis ayant ouy tires nostre artillerie, pensa avoir ce soir la bataille, & retourna en son camp laissant Sommerive en patience: puis apres avoir bien consideré nostre contenance, eut crainte d'estre combatu en logeant, à cause dequoy il delibera se loge

our la nuict à Serisolles dont il estoit deslogé.

Monseigneur d'Anguien voyant que l'ennemy & out son bagage estoit rentré à Serisolles, & qu'il avoit laise ses forces en bataille le long des hayes pres dudict lieu,& ussi que la nuict approchoit, assembla tous les capitaines our avoir advis de ce qui estoit à faire. Les uns furent d'oinion qu'on devoit mander le reste de l'armée, & pour le oir se loger sur le hault où nous estions, pour au poinct du our leur donner la bataille. Autres furent d'advis contraie,en remonstrant que veu qu'il estoit rard ils ne pourroyét stre venuz qu'il ne fust nuict, & que les gens de cheval & e pied estoient en bataille dés minuict, sans avoir beu ny nangé,& si avoit faict grande chaleur tout le jour, à cause equoy les soldats estoient autat travaillez que fils eussent narché:& de faire encores trois mille, ils feroient si travailez tant les chevaux que les hõmes, que si l'ennemy les vou oit combattre en logeant , ils auroient peu de force pour aider de leurs armes , & aussi qu'ils n'ayoient charroy pour mener vivres quand & eux pour repailtre. Pareillement si ennemy avoit cognoissance de nostre faict, il ne nous doeroit loisir de loger, ains nous trouvant en desordre en locant, nous pourroit combattre à nostre desayantage, ainsi ue fist le Roy Edouart d'Angleterre au Roy Philippe de allois, à la journée de Crecy. Toutes choses debatues fut solu qu'on se retireroit à Carmagnole, laissant deux cens nevaux legers pour cognoistre & faire rapport que devien roit l'ennemy pour ceste nuict. Puis apres que noz ges sepient refreschis, s'il estoit nouvelle que les ennemis marnassent à Villedestelon, nous irions loger entre eux & Cagnan, ayas nostre pont sur le Pau pres de nous, pour avoir es vivres de deça l'eau, afin que nous estans logez audict eu, les ennemis ne peussent venir à Carignan sans nous co attre:aussi ne pouvoient ils venir pour gaigner nostre pot, ins nous avoir en teste : & fils demouroient à Serisolles, ous partirions dés minuict pour arriver devant le jour sut : hault auquel nous estions, pour leur empescher le logis e Sommerive: ceste resolution prinse nous retirasmes à armagnole.

L E lendemain lundy de Pasques, vnziesme jour d'Avril, ille cinq cens quarante quatte, environ une heure apres

min qui avoir esté ordonné, & en tel ordre qu'il est cy dessus declaré: mais le Marquis nous voyant le soir estre retirez à Carmagnole, estima (comme l'apparéce estoir, & ainfi que par aucuns de ses espies luy fut rapporté) que voulions repasser le Pau en ça, & luy abandonner le costé de dela: parquoy changeant son desseing, partit une heure devant le jour, pour nous rattaindre avant qu'eussions passé la riviețe,& marcha à nostre queuë tout le chemin que le jour de Pasques nous avions faict. Le seigneur d'Anguien ayant marché un mille hort de Carmagnole, fut adverty par les avant-coureurs (melmes par un Albanois, nommé Bouboque) comme ils avoient veu l'armée du Marquis marcher droicț à nous, & qu'elle avoit desja gaingné le hault que nous avions deliberé le soir de devant prendre pour nostre ayantage: en sur ce l'advis des capitaines, fut conclud de les aller combattre, encores qu'ils fussent dix mille hommes de pied plus que nous, car de nous retirer dedans noître fort, lequel nous avions ja esloigné d'un mille, c'eust esté signe de fuitte, qui eust ofté le cœur aux nostres, & augmenté celuy des ennemis: parquoy apres avoir eu rapport de la fordeux armées. me que marchoit l'ennemy, sçavoir est, de trois gros bataillons de gens de pied, ayant chacun leur ælle de cavalerie, & marchoyent lesdicts trois bataillons aussi avant l'un que l'autre, sismes le semblable, car le païs estoit large. A la main droitte marcha le bataillon des vieilles bandes Francoises, qui pouvoient estre trois mille hommes en bataille, ians l'arcbouserie, lesquels estoyent conduicts par le seigneur de Tais leur general, & à la main droitte desdicts François marchoient les chevaux legers, dont avoit la conduicte le seigneur de Termes : & à la gauche le seigneur de Boutieres, avecques environ quatre vingts hommes d'armes, puis à la gauche dudict leigneur de Boutieres le batail lon des Suisses, qui pouvoit estre de pareil nombre de trois mille honimes, & à la gauche desdicts Suisses estoit le seigneur d'Anguien; avecques ceux que j'ay dict cy devant; & à la gauche dudict seigneur d'Anguien marchoient les Italiens & Gruiens, qui pouvoient estre quatre mille hommes: & à la gauche desdicts Gruiens le sieur de Dampierre, avecques tous les guidons, & archers de la gent

Forme des

darmerie. Ayant mis cest ordre, on tira des compagnies de gens de pied, tant Françoises que Italiennes jusques au nombre de sept ou huist cens arcboussers, lesquels se jetterent devant les batailles pout enfans perdus, dont sut donnée la charge au capitaine Montluc, ayant avecques luy le capitaine Hevart, le capitaine Gnasquet, & autres gens dispots, & de bon entendement. Et puis marcha devant la bataille des Suisses le seigneur de Caillac, avecques huist pieces d'artillerie de campagne, & devant le bataillon des Gruiens le frere sieur de Mailly de Picatdie, avec pareil nombre d'artillerie. Au surplus sut donnée la charge au capitaine Martin du Bellay sieur de Langey gouverneur de Turin, d'aller de la bataille à l'avantgarde & à l'arriegarde, asin que selon que l'ennemy se gouverneroit il sist marcher les nostres.

L'ORDRE qu'avoit mis le Marquis estoit qu'il faisoit marcher sur nostre main droicte le Prince de Salerne avec dix mille Italiens: au milieu marchoit Alisprad de Madruce, frere du Cardinal de Trente, avecques plusieurs autres colonnels & capitaines Allemans, & y avoit en leur bataillon dix mille Lanfquenets, dont il n'y avoit un seul qui ne fust armé, car le Marquis avoit pris toutes les armes qu'il avoit trouvées dedans Milan. Et au droit de noz Gruiens, & à l'autre costé de leurs Lasquenets, & à nostre main gauche marchoit Do Raimond de Cardonne avec un baraillon de fix mille hommes, moitié vieils soldats Espagnols, & moitié, viels foldats Allemans, tous nourris ensemble à la guerre depuis le voyage de Tunis, & d'Arger. Au costé du Prince de Salerne & de son bataillon marchoient environ de sept à huist cens chevaux envoyez par le Duc de Florence au secours des Imperiaux, conduits par Rodolphe Baglion: au milieu d'entre les Lansqueners & Espagnols marchoit le Marquis du Guast avec pareil nombre de cavalerie: & à l'au tre costé des Espagnols marchoit le Prince de Sulmonne, fils du feu Vice-Roy de Naples Dom Charles de Lannoy, capitaine general de toute la cavalerie, avec pareil nobre de cavalèrie que les autres. Et estoient lesdites trouppes Imperiales rengées sur le hault, dot nous estios partis le soir precedant auquel nous avions deliberé de retourner, pour gaigner l'avatage, mais le Marquis l'avoit le premier occupé, & avoit mis au droit de deux cassines, dot l'une estoit du costé

des Allemás, l'autre au costé des Espagnols, dix pieces d'artillerie d'une part, & dix de l'autre costé, lesquelles estoient en lieu si avantageux, que noz gens ne pouvoient marcher à eux que lesdites pieces ne donnassent dedas noz batailles du hault en bas. Ce faict, le Marquis avec cinq ou six chevaux se tetira sur un petit hault duquel il voyoit & pouvoit commander à toute son armée, tat à droicte qu'à gauche, & au milieu: puis manda au Prince de Salerne qu'il n'eust à marcher plus avant que le lieu où il estoit sans son comandemét: mais le Marquis estoné de son gros host d'Allemas renverse(come tantost je diray)n'eut (à mon avis)los sir, ou ne luy souvint de mander au Prince de Salerne ce qu'il avoit à faire, parquoy il ne bougea de son lieu, ce qui nous feit grand plaisir, car s'il eust marché au tosté des Allemas, il euit bien empesché le bataillon de noz François, pendant qu'ils estoient embesongnez contre les dits Allemans.

Monseigneur d'Anguien, arrivé qu'il fut, à la portée d'une coulevrine pres du hault, auquel les Imperiaux s'estoient arrestez, regarda d'accommoder ses batailles en lieu qu'elles ne peussent estre offensées de l'artillerie Imperiale. Il estoit environ soleil levé quand les deux armées se planterent l'une devant l'autre: soudain l'escarmouche se dressa entre les deux batailles de nostre arcbouzerie & de la leur, laquelle dura jusques sur les unze heures du matin, par-ce que les Espagnols & Italies taschoiet de venir gaingner le flanc de noz batailles, comme ils avoyent faict à la bataille de Pavie, l'an mille cinq cens vingt-quatre. Aussitachoyent les nostres de faire le semblable: chacun renforçoit de sa part, si qu'il y eust l'espace de quatre ou cinq heu-#:s, environ de quatre à cinq mille arcbouziers, tant d'un cotté que d'autre entre les deux armées. Je vous asseure qu'il y eur eu beaucoup de plaisir à veoir les ruzes & stratagemes de guerre, qui se feisoient tant d'une part que d'autre, à l'homme qui cust esté en lieu de seureré, & qui n'eust eu autre chose à faire. En fin entre unze & douze heures, les ennemis se voyans plus fort d'hommes d'un tiers, delibererent de nous venir assaillir. Le sieur de Tais qui estoit sur nostre main droitte, tourna la teste pour aller combattre le Prince de Salerne & pour cest effect seloingna environ de, demy quart de mille du bataillon des Suisses: mais le sieur de Langey, qui avoit la charge de recognoistre la conte-

nance de l'ennemy, & advertir noz gens de ce qu'ils devoiét faire, aussi avoit le sieur de Monneins, voyant marcher le bataillon des Lansquenets Imperiaux, qui estoit de dix mil le hommes, pour venir attacquer noz Suisses, qui n'esto yent que quatre mille, veit le jeu mal party: voyant aussi que le Prince de Salerne ne faisoit semblant de vouloir marcher, & qu'il estoit encores loing, manda par le sieur de Grisse, au sieur de Tais, qu'il eust à retourner la teste, & se venir joindre pres des Suisses, autrement qu'il voyoit la bataille en hazard, par-ce que noz Suisses n'estoyent pour soustenir ce faiz: & ausi luy avoyent dit qu'on leur avoit promis de long temps que venans au combat, les François seroiet pres d'eux, & qu'ils n'estoient pour eux seuls soustenir ce gros bataillon de Lansquenets. Outre plus il fut remonstré audit sieur de Langey par le capitaine Fourly, Suisse, qui pour ce jour leur commandoit, comme colonnel, encores que S. Iulien en prist & eust par le passé pris, & l'honneur, & le prouf fit, si est ce que pour ce jour il en laissa la charge audit Fourly, lequel dist audit Langey, luy persuadant de marcher, que si son baraillon marchoit, l'artillerie de l'ennemy luy donneroit droit dedans, & que le naturel de sa nation n'estoit d'endurer la batterie de l'artillerie, ains d'aller droit pour la gaigner, & que par ce moyen s'il se metroit au decouvert, ses gens se mettroient en desordre pour y courir. 'Qui seroit cause que l'ennemy luy donneroit par le flanc, mais estans noz ennemis marchez plus avant, eux mesines couvriroient leur artillerie, & alors il meneroit ses hommes au combat fans confusion.

L E sieur de Tais ayant eu cest advertissement, inconti- Defaite des nant changea d'entreprise, & tournant la teste de son batail- ennemis, lon se vint rendre pres des Suisses, laissant seulement entre les deux bataillons place, en laquelle se vint mettre monsieur de Boutieres, avecques les quatre vingts hommes d'armes qu'il avoit en sa compagnie. Les Allemans Imperiaux voyans les François avoir changé leur desseing, changerent pareillement le leur, & de leur gros bataillon en feirent deux, l'un pour combatre les Suisses, & l'autre les François, si proches l'un de l'autre, que le derriere ne monstroit apparence que d'un baraillon. Pendant ces choses, le seigneur d'Anguien, qui devoit estre joingnant les Suisses, fut contrainct de demeurer avec les Gruiens, car ils estoient eston-

nez, de sorte que sans ce qu'il demeura pres d'eux, & les remonstrances que leur feirent des capitaines, ils sen fussent fuis sans coup ferir, à raison de l'estroy qui s'estoit espandu parmy eux. Le sieur de Termes avecques la cavalerie legere, estant à la main droite des bandes Françoises, voyant la cavallerie du Duc de Florence, laquelle marchoir pour à l'heu re que les batailles se viendroient à joindre, donner par les flans au bataillon des François, ne voulut attendre cest inconvenient, mais les chargea de telle furie qu'il les rompit, & les renversa sur le bataillon du Prince de Salerne, tellement que ledit sieur de Termes pensant estre suivy, donna jusques au milieu dudit bataillon, où son cheval fut tué, & luy prins. Ladite charge servit beaucoup, car il est apparant, que sans icelle le Prince de Salerne eust marché sur les flans de nostre bataillon François, mais il fut couvert de la cavallerie de Florence, laquelle romba sur ses bras, & ce pendant noz François & Suisses firent leur faction sans empesche-

ment que de celuy qu'ils avoient en teste.

PENDANT ladice charge, les barailles des Lansquenets Imperiaux & celles des Suisses & François s'aborderét. Or avoient les François mis entre le premier rang & le second un rang d'arcbouziers, & les Allemans un rang de pistolliers, lesquels tiroient par entre ceux du premier rang. Estans lesdictes batailles à la portée d'une moyenne l'une de l'autre, le capitaine Villefranche, lequel avoit la chatge de la corne droitte du bataillon des François, considerant que le bataillon d'Allemans qui le venoit aborder estoit plus large que le sien, & par ce moyen à l'aborder serreroit les François par ce costé, soudain feir tirer du derriere de son bataillon les armez des deux derniers rangs, dont il elar git sa teste, & feit à l'ennemy ce que ledit ennemy avoit intention de luy faire. Ce faict lls marcherent l'un vers l'autre de pareille furie, & combatirent tant d'une part que d'autre fort furieusement, si est ce qu'à l'ayde des armes que fit la gendarmerie Françoise conduite par le sieur de Boutieres, tous les Allemans Imperiaux furent rompuz. On peult bien dire que jamais si petit nombre de gendarmerie & de gens de pied ne soustint si grand faiz, ny si furieux, Le Marquis du Gualt voyant la ruine tournée sur ses Allemans, ausquels estoit son esperance, se meit à la guarite, Sans coup ferir.

- A u mesme instat le sieur de Dampierre, avec les guidos chargea les gens de cheval Imperiaux, conduits par le Prince de Sulmone, lesquels faisoient espaule aux Espagnols, & les rompit, Semblablement le bataillon des Espagnols & vicils Allemans vindrent combattre noz Gruiens & Italies desquels ils eurent bon marché, car hors mis les capitaines qui estoient au premier rang, tous se meirent en fuitte, & ne fen fust sauvé un, sans monseigneur d'Anguien, lequel accompagné de ceux qui estoient ordonnez en sa trouppe, chargea lesdits Espagnols & Allemans, en prenant l'un des coings de leur bataillon, & transversant à l'autre, de sorte qu'il rompit tout ce trauers, dont ne demeura une seule enseigne debour dudit bataillon. Mais ceste charge fut sanglante, car il y demeura le seigneur d'Assier, le Baron d'Oyn Lieutenant du Comte de Montravel, Monsallais enseigne du Baron de Cursol, le seigneur de Glaive gouverneur de Cahors, le seigneur de Courville, & les deux Escuyers de monseigneur d'Anguien: le seigneur de Lassigny eut son cheval tué, mais il se sauva à pied, le seigneur de S. Amand, nomé de Rochechouart, & le seigneur de Fervaques y suret blessez, de forte qu'ils furent trouvez parmy les morts, mais ils furent si bien peusez qu'ils guerirent: & plusieurs autres y furent tuez, ou blessez, & jusques à quatorze ou quinze tant capitaines que gens de nom.

L E seigneur d'Anguien ayant faict ladicte charge, & pésant que les Gruiens eussent faict leur devoir, estimoit ayoir gaigné la bataille de ce costé, mais il trouva le contraire, car ayant tourné visage pour recharger, au lieu de trouver les Gruiens & Italiens victorieux, les trouva à vau deroutte(hors mis le premier rang, comme dit est) sans donner un coup de picque, à cause de quoy la teste des Espagnols n'ayant plus de gens de pied à combattre, tourna sur monseigneur d'Anguien, de sorte qu'à ladite charge il perdit plus qu'à la premiere, parce qu'il n'avoit plus de gens de pied pour le soustenir. Or n'avoit il nouvelles qu'estoyet devenus noz François, & Suisses, qui luy faisoit presumer qu'ils estoient deffaicts, car entre le lieu où cobatirent noz Suisses & François, & le lieu où combatit monseigneur d'Anguien y avoit une petite colline, de sorte qu'on ne pouvoit avoir cognoissance l'un de l'autre: si est-ce qu'il resolut & ceux d'avec luy, de tous mourir ayant que

se retirer. Parquoy par plusieurs fois rechargea, mais il trouva tousjours un nombte d'arcbouziers ennemis pesle-mesle de luy, & le bataillon des picquiers les suivoient tousjours sans rompre leur ordre, & si n'avoit pas en fin plus de cent chevaux en sa compagnie, qui estoit peu pour combattre quatre mille hommes, mais c'estoit à la desesperade. Pendant que monseigneur d'Anguien s'estoit regiré sur la main droice pour avoir moyen de recharger sans estre empesché de l'arcbouzerie ennemie, qui l'empeschoit de ce faire, estant tous jours pesse-messe de luy, les Espagnols eurent nouvelles de la deffaicte du reste de leurs gens, parquoy perdirent le cueur, & en lieu de nous attendre commencerent. leur retraicte, laquelle ne leur fut permise d'achever, car le seigneur d'Anguien ordonna le seigneur d'Auslun, avecques environ cinquante chevaux, pour les charger par les flancs, & luy avecques le reste, qui s'estoit rassemblé pres de luy, leur donna sur la queue, mais estans chargez ils ne tindrent point, car chacun taschoit à se sauver ou dedans les bosques, ou dedans les cassines, toutesfois peu ou point se sauverent que tout ne fust pris ou tué.

Pour monstrer que jeunesse faict saire beaucoup de choses hazardeuses, le sieur d'Anguien sur ceste derniere charge, voyant le sieur de Sainct André s'estre mis devant la troupe pour recharger le premier, baissa la veue pour faire le semblable n'ayant que six chevaux avec luy, mais il sut arresté par un capiraine experimenté, luy remonstrant l'inconvenient advenu au Duc de Nemours à Ravenne, pour pareille entreprinse, lequel ne luy seit autre response, sinon qu'on sist (donc) retirer le sieur de Sainct André, ce

qui fut faict.

LE Prince de Salerne voyant la deffaicte de leurs Allemans & de leur cavalerie, se retira, parquoy il ne perdit beaucoup de gens, car les François & les Suisses qui pour-suyvirent leur victoire un grand mille, mettoient au fil de l'espée tout ce qu'ils trouvoient devant eux, speciallement les Suisses, lesquels estoient irritez pour la mauvaise guer re que les Imperiaux leur avoient faicte au Montdevis, ainsi que j'ay dit precedemment, en souvenance de laquelle ils crioient Montdevis, & ne prenoient aucun des ennemis à mercy, mais les tuoiet entre les mains de ceux qui leur vou-loient sauver la vie.

V o u s pouvez entendre que sans l'advis que print monsieur d'Anguien de s'arrester pres de noz Gruiens, asseurément la bataille estoit perdue pour nous, car estans lesdicts Gruiens & Italiens deffaicts sans coup ferir, le bataillo Imperial de iiij, mille vieils soldats eust tourné la teste vers les François & Suisses qui poursuivoient leur victoire, & les trouvant en desordre, il est apparat qu'il les eut ruinez, mais ils ne l'oserent entreprendre, craingnans que ledict seigneur d'Anguien le s chargeast sur la queue. Aussi pouvez vous estimer que si les Gruiens eussent faict leur devoir, ou que seulement ils eussent faict teste, le bataillon des Espagnols dés la premiere charge que leur feit monseigneur d'Anguien, estoir desfaict: parquoy noz François & Suisses, & mesmes nostre cavalerie, lesquels poursuivoient leur victoire: semblablement ledict seigneur d'Anguien & ceux qui estoient demeurez avecques luy pour combattre lesdicts Espagnols, cussent passé plus outre : par ce moyen le Prince de Salerne ne se fust retiré avecques si peu de perte qu'il feit ny pateillement le reste de leur cavalerie. Et eussions poursuivy jusques en Ast, auguel lieu eussios trouvé le Marquis du Guast se sauvat à la fuitte, auquel y estat arrivé les portes furent refusées, par ce que au partir pour nous venir cobattre, il avoit dict que s'il ne retournoit victorieux, on les luy fermast, mais noz gens furent contraincts pour venit secourir monseigneur d'Anguien, de interrompre & abandóner l'execution de leur victoire.

Estant la bataille du tout gaingnée, & ne restat plus d'ennemis en campagne, sinó les morts, & les prisonniers, & blessez, surent ordonnez gens pour recognoistre le nombre d'hommes qu'ils avoient perduz: aussi à ladicte dessaicte se seit un grand butin, car le Marquis du Guast avoit amené avecques luy les principaux du Duché de Milan, en sorte qu'il se trouva bien pour trois cens mille francs, tant en argent monnoyé, qu'en vaisselle d'argent & autres richesses: & y sur gaigné quatorze ou quinze pieces d'artillerie, avecques tous les ponts qu'ils avoient amenez pour passer le Pau, & aussi plusieurs munitions, tant de faiines qu'autres choses qu'ils avoient amenées pour envitailler Carignan. Pareillement y surent trouvez par compte saict, environ de sept à huict mille corselets, tellemét qu'un harnois, qui coustoit à Milan douze escus, ne se vendoit que

dix & vingt sols les plus beau. Puis apres avoir mis l'ordre tel que les affaires requeroient, sur laissé à Serisolles le chèvalier Assal, maistre de camp des Italiens, avecques eing enseignes de gens de pied Italiens; nouvellement arrivez de la garde du pont des Sablons, lesquels estoient des plus aguerris de nostre armée, de sorte que s'ils eussent esté au bataillon des autres Italiens & Gruiens; on peult estimer qu'il n'eust esté ainsi renversé qu'il fut. Ic ne scay si ledict Assal, auquel le jour precedant fut faict commandement de Ies mander, l'oublia, ou si son inessager fist mal son devoir, mais ils n'arriverent que la baraille ne fust gaingnée, qui nous fut grande desfaveur. Ce faict monseigneur d'Anguien retourna victorieux loger à Carmagnole; pour refrefchir ses hommes qui avoient esté trois jours & trois nuicts en continuel travail, sçavoir est, le samedy Dimenche & lundy: auquel lieu arrivé qu'il fut, ordonna de sçavoir le nombre des ennemis prisonniers, lesquels apres qu'ils furent retirez en deux ou trois eglises, se trouverent deux mille cinq cens vingt Allemans; entre autres le seigneur Alisprand de Medruce, fiere du Cardinal de Trente, qui sut trouvé parmy les morts, blessé en plusieurs endroits de son corps, toutes fois il fut porté à Turin où il fut guery. Des Espagnols se trouverent six cens trente prisonniers, entre autres, Dom Raimond de Cardone & Mendosse, d'Italiens de la cavalerie, Dom Charles de Gonzague, & jusques à sept ou huict capitaines Espagnols. Aussi fut rapporté qu'il sestoit trouvé de morts, en moins de demy mille de pais, de xij. 2 xv. mille hommes de toutes nations. Il se trouva des nostres environ deux cens hommes morts, dont (de gens de nom) moururent (come j'ay desja dict) le seigneur d'Assier, qui ne mourut ce jour, mais six jours apres, le Baron d'Oyn, Monsallais enseigne de monseigneur de Cursol, l'enseigne de môseigneur d'Ausliun & son nepveu, Charles de Dros, gouverneur de Montdevis, le seigneur de Glayve, gouverneur de Cahors, le seigneur Descro, du Comte de Nice, colonnel de six enseignés Italiennes, & le colonnel des Gruiens en l'absence du Côte de Gruiere qui estoit du Dauphiné. Et du premier rang des François mouturent le seigneur de la Molle Provençal, le capitaine Passin de Dauphiné, le capitaine Barberau, & le capitaine Moncault, tous deux Gascons: le capitaine la Mote Daure demeura parmy

les morts, mais il eut la vie fauve, toutessois il demeura aveugle, & le capitaine Saincte Genevies ve, & encorcs quelques autres capitaines dudict premier tag y surét, ou morts ou blessez: Des Suisses n'y eut homme de nom blessé, que le Baron de Saxe, lequel eut un coup de picque à la gorge.

APRES avoir remercié Dieu de ceste victorieuse deffaicte, fur pour deliberer du surplus des affaires, assemblé le conseil, auquel il fut conclud d'advertir noz ambassadeurs de Rome, de Venise, & de la Mirandole, de la victoire que nous avions obtenue. Pour ce faire fut ordonné le seigneur Hercules Visconte, par ce qu'il avoit meilleur moyen de passer que nul autre : puis fut depesché le seigneur d'Ecars pour semblablement en advertir le Roy, & aussi pour luy faire entendre que si son plaisir estoit d'envoyer. le payemet d'un mois de nostre armée, avecques quelque argent pour la conduite de l'artillerie, & faire descendre six mille Grisons, lesquels estoient desja levez, droit à Milan, avecques l'armée, laquelle les seigneurs d'Italie, comme le Comte de Petillane, le Comte de la Mirandole, le seigneur Pierre Strosse, & plusieurs autres, dressoient pour se venir joindre audict lieu de Milan, avecques monseigneur d'Anguien, ledict seigneur d'Anguien accompagné de gendarmerie, & des François & Suisses, marcheroit droit en Ast, laissant devant Carignan vij.ou viij.mille homes, tant Gruiens, Italiens, que François, pour empescher par boulevers & trenchées les saillies de ceux de dedans. Et qu'il sembloit aux capitaines estans avec ledit seigneur, que le Duché de Milan estant estonné & depourveu d'homes apres une bataille petdue, il estoit apparant de le lever des mains de l'Empereur, hors mis le chasteau de Cremone, & celuy de Milan. Veritablement le Marquis du Guast seit sonner le tabourin vingt jours avant qu'il y eust homme qui se voulust mettre en campagne tat le païs estoit effroyé. De prime-face le Roy le trouva bon, mais depuis il en fut diverty, par-ce que de jour en jour il avoit advertissement que l'Empereur assembloit son armée sur le Rhin, la plus grosso qu'il avoit jamais eue, parquoy il ne se vouloit dessaisir de ses forces, mais plustost en tirer d'Italie pour venir secourir son païs. A ceste cause il manda audict seigneur d'Anguié, qu'il eust seulement à affamer Carignan, à ce que plus aisément il se peust aider des forces qu'il avoit au Piemont,

pour la conservation de son Royaume. Qui fut (ce me semble) chose assez mal digerée, car si l'Empereur eust sent y le Duché de Milan esbranlé, & en danger de perdition, veu messines les grandes partialitez, lesquelles estoient au Royaume de Naples, il eust esté contraince d'y convertir ses forces, pour plustost garder ce dont il estoit en possession, que d'essaier à conquerir celuy d'autiuy, en hazard de ne

riens gaigner. Monseigneur d'Anguien ayant eu ceste response de la volonté dn Roy, advisa de chercher le moyen de faire vivre son armée, laquelle n'avoit aucun payemet, car ce peu d'argent qu'il avoit receu devant la bataille, le bailla aux Suisses pour les arrester: si est-ce que leur baillant toutce qu'il avoit, il leur demeura encores redevable de ij. mois, sans le mois de la bataille. Parquoy il ordonna le seigneur de Tais, avecques les bandes Françoises, & enviro deux ces hommes d'armes de toutes compagnies, pour aller vivre sur le païs de l'ennemy, luy baillant six canons avecques quelques autres pieces, pour se faire ouverture. Et luy avecques le reste repassa le Pau, & alla camper devant Carignan, sur le chemin tendant de Vimeuz audict lieu de Carignan, & fit faire tout au tour d'icelle ville, depuis l'un des costez du Pau jusques à l'autre, des forces en divers lieux, pour empescher les saillies des assiegez. Ledict seigneur de Tais partant de Villedestelon, où nous estions campez, s'en alla à Sainct Damain, place du Montferrat, laquelle n'avoit encores obey ny aux François, ny aux Espagnols, toutes fois se voyant sans esperance de secours, elle se rendit par conditió qu'elle demeureroit en ses anciennes franchises, & n'auroit garnison que de François & point d'Italiens: suyvant laquelle transaction y laissa deux enseignes de gens de pied François. Puis passant plus outre, print Montcallier par coposition, qui est une place forte, au milieu du Montserrat, pareillement il print Vigon, Pontd'Esture, Sainct Salvadour, Fresenet de Pau, qui est à deux mille au dessoubs de Cazal: bref tout le Montferrat se rendit à luy pour l'effroy de la bataille que les Imperiaux avoient perdue, hors mises Cazal, Turin, & Albe.

C E temps pendadt on avoit ordinairemet du passe teps en escarmouches, lesquelles depuis le dixhuictiesme jour d'Avril jusques au vingtiesme de Iuing ensuivant, se dres-

ferent

serent depuis soleil levé jusques à dix heures de matin, & depuis deux heures apres midy jusques à soleil couché, entre la ville de Carignan & noz trenchées. Si est-il que la famine contraingnit si extrememet les assiegez, que de jout en autre aucuns d'eux se jettoiét par dessus le rempart pour chercher du pain, si que finablement il leur fut necessaire de demander grace, pour laquelle impetrer, ils envoieret leuts deputez de vers monseigneur d'Anguien: seavoir est, le Comte Felix, chef des Allemans, & Samct Nicquel maistre de camp des Espagnols, ausquels ledit seigneur d'Anguien voyant qu'ils avoient faict leur devoir, comme gens de guerre, leur feit telle gratieuseté qu'il les laissa aller avecques leurs armes, toutesfois sans enseigne ne tabourin; leux faisant faire serment, tant aux capitaines que soldats, de ne porter armes cotre le Roy ne ses alliez de six mois, &-qu'ils passeroient de là la riviere d'Adde, sans repasser en ça durat lesdicts six mois. Et que le seigneur Pierre Colonne dedans huict jours apres qu'il auroit faict un voyage à Milan, vien droit en France, se mettre entre les mains du Roy, pour y demeurer un an entier si le Roy ne luy faisoit grace, ce que feit ledit Colonne. Tout ce qui leur fut promis leur fut tenu,& furent ordonnez le seigneur de Lagey, & le seigneur d'Aussun, pour entrer dedans la ville pour faire description de ce qu'ils y trouveroient: car ils ne devoient emporter artillerie ne munitions. Quant aux vivres ils n'eurent pas gráde peine, par-ce qu'ils ne trouverent que deux pains de son, & n'y avoit un feul grain de bled,ny poix,ny febves,ny autre grain quelconques, point de vin, de sel, de vinaigre, ny d'huille. On pourroit trouver estrange pourquoy monseigneur d'Anguien ne les envoia en pourpoinct; je respon qu'il estoit deu à noz Suisses trois mois, sans celuy de la bataille, mesmes noz François n'avoient qu'un pain par jour pour tout payement, de sorte que les Espagnols quand ils estoient à l'escarmouche les appelloient soldats de la panoche. Lesdicts Suisses voyans que par composition nous pouvions estre dés l'heure seigneurs de la ville, vindret devers monseigneur d'Anguien, luy faire entendre que s'il n'accordoit ceste composition, le lendemain ils estoient deliberez de retourner en leurs païs, au cas qu'il ne leur fist payement de ce qui leur estoit deu : parquoy quelque remonstrance qu'il s'efforçast leur faire, il sut contrainct de

leur accorder ladicte capitulation, afin de les arrefter. Par ce moyen les assiegez sortient en aimes de Carignan, en bon ordre & bon visage, mais n'avoient encores cheminé plus d'un mille, que mesme (le solcil les ayant eschaussez) ils demouterent si mattez, pour la pauvreté qu'ils avoient endurée, qu'on sut contrainct de leur bailler charroy, non seulement pour potter leurs armes, mais aussi la plus part des hommes.

Pour retourner à Hercules Visconte, lequel avoit esté depesché par monsieur d'Anguien, pour advertir les serviteurs du Roy à Rome & à Venise, de l'issue de la bataille, incontinant apres ledict advertissement le Comte de Petilla. ne, le sieur Pierre de Strosly, qui estoient venuz de France pour cest effet en habit dissimulé, le Côte George de Martinégue, le Duc de Somme, le sieur Robert Malteste, & autres plusieurs partiaux pour la part Françoise, se mirent aux champs, faisans sonner le tabourin dedans Rome, & autres lieux circonvoisins, & se donnerent assignation de se trouver ensemble à la Mirandole pour marcher droict à Mila, & se venir joindre avec monsseur d'Anguien, car ils espesoiét que le Roy ne feroit dissiculté d'accorder audit sieur d'Anguien le secours qu'il avoir demandé, ainsi que par ledit Hercules Visconte il avoient entendu. Quand ils furent tous ensemble, ils se trouverent dix mille hommes de pied, mais peu ou point de cavalerie : ce nonobstant marcherent droict au Plaisantin, auquel ils furent bien recueillis par tout, leur faisant foutnir vivres: de là marcherent au Cremonnois, auquel lieu tous les Guelphes, & bon nombre de autres du Duché de Milan prenoient les croix blanches: d'avantage les Milanois estoient tellement estonnez, que si l'armée qui estoit au Montferrat eust marché droit à Milan dés le commencemet, & se fust joinct avec l'aimée du sieur Pierre Stroily, avant que le secours du Duc de Floréce y sust arri vé, il y a apparece qu'o luy eust ouvert les portes. Mais estans advertis ledict Scrossy & autres que l'emreprise du sieur d'Auguien de venir à Milan estoit ropue, & se voyans depourveus de cavalerie, resolurent de passer outre, pour se venir joindre avec ledict sieur d'Anguien là part qu'il seroit: & par ce que le Marquis du Guast faisoit faire grande allemblée par le Prince de Salerne, & par le Prince de Sulmone, pour les faire attendre à quelque passage, manderent

DE MESS. MARTIN DU BELLAY.

sieur de Tais qui estoit au Montferrat, qu'il leur envoyà jour nommé de la cavalerie à S. Raval, au passage de Dessaille dis riviere, ce que ledict sieur de Tais leur promist, & je le seigneur Prer iy, car j'en vy les lettres: mais il n'en feit rien; je ne sçay re Stroffy; urquoy. Car estans arrivez ledict sieur Strosly, & les aus capitaines, & voyans delà l'eau une troupe de gens de ed & de cheval, envoyeret leurs coureurs; lesquels les regneurent pour ennemis: toutesfois considerans qu'il ne pouvoient retirer sans honte, se delibereret d'aller comttre les gens de pied qui estoient loing de la cavalerie, quels ils mirent en route. Mais festans essongnez du païs r qui leur estoit avantageux, ayans rompu leur ordre, & tans jettez en campagne, en esperance d'avoir obtenu victoire, ils furent chargez par les flancs de la cavalerie periale conduicte par le Prince de Sulmone & fuset ros, dont il y eut plusieurs geus de qualité prisonniers, & i de tuez,& n'y mourut homine de nom que le seigneur lere Vrhin: ceux qui le sauverent se retireret vers Queras; le là à Carignan. Cela advint environ la mi-Ium, xij. rs devant la reddition de Carignan entre noz mains. Il apparant que si monsieur de Tais leur eust envoyé la ca erie pour les soustenir; comme il avoit promis, les Impe ux eussent esté desfaicts, puis que leurs gés de pied estans ous, cent hommes d'armes eussent parachevé la victoire. PR Esavoir reduit la ville de Carignan en l'obeissance Roy, mösieur d'Anguien depescha vers le Roy, tat pour vertir d'icelle reddition, que pour entendre sa volonté. Roy feit response audict sieur d'Anguien, que pour se tifier à l'encontre de l'Empereur, & du Roy d'Angleteresquels desja estoient en campagne,& faisoient diligéee faillir fes païs, il luy renvoyalt de Piemont fix mille fol s François des vieilles bandes,& fix mille Italiens, pour ster à l'Empereur lequel pour la haine inveterée qu'il oit d'entrer & ruiner ce royaume, avoit oublié ou bien imulé les injures que le Roy d'Angleterre luy avoit fai-,& festoit ligué avec luy, combien qu'il eust asseuré le

ne que jamais il ne traicteroit alliance avec ledict Roy Preparatif ingleterre, ains luy seroit capital ennemy, jusques à ce des ennems il cust reparé l'offence faicte à sa saincteté, d'autant qu'il pour descidre soit intitulé chef immédiat après Dieu de l'Eglise Angli ex France.

c,& faisoit mourir ceux qui soustenoient l'authorité du

Pape, & de l'Eglise Romaine à cause, comme avez entend cy devant, que ledict Pape à l'instigation de l'Empereur l' voit pour la repudiation qu'il feir de la tante dudict Emp reur fulminé comme heretique, & declaré son Royaun en proye à qui le voudroit entreprendre. Pour l'executio de laquelle ligue ledict Empereur devoit entrer par la Chi pague, avec l'armée qu'il preparoit en Allemagne, la pli grade qu'il a voit encores cue, dont la plus part estoit pays aux despens des estats, tant Catholiques que Protestan lesquels il avoit induits, principalement iceux protestan soubs couleur qu'il disoit s'estre mis à plus que devoir et vers le Roy de France pour assembler un Concile pour r mettre l'Eglise en union, & reformer le Pape, & ses min stres de l'Église, mais que le Roy luy seul empeschoit les Concile, de sorte que pour coclusion il les avoit si bien et dormis de ses mensonges accoustumez, que les protesta qui jamais ne luy avoient adheré, tant Princes que vill Imperiales s'estoient badez avec luy, à leurs propres coul & despens.

QUANT au Roy d'Angleterre, il devoit descendre Calais (ainsi qu'il feit) a vec toutes ses forces, & se deve venir joindre à luy le Comte de Bures, accompagné de d mille Lansquenets & de trois ou quatre mille chevaux A lemans, pareillement le Comte du Reux avec l'armée d' païs bas de l'Empereur, & estoit leur intention de laisser! villes fortes derriere eux, & marcher droictà Paris, puis stans les forces de l'Empereur & les leurs mises ensemb (qui pouvoient estre tant d'une part que d'autre, soixante dix ou quatre vingts mille hommes de pied, & dixhuict c vingt mille chevaux, & un nombre infiny d'artillerie, po dres & autres munitions) ils contraindroient le Roy de 1 combattre à son desavantage, sinon qu'il leur permist

gaster son Royaume à sa veue.

Descente du Roy d' Anglet erre en France.

L E Roy d'Angleterre estant descendu à Calais, trouva, Picardie fort depourveue d'hommes, par-ce que le Roy voit tiré ses forces vers la Champagne, d'autant que l'En pereur y devoit prendre son chemin, & avoit laissé le Di de Vendosme en Picardie mal accompagné. Et ores qu eust cinq villes à pourveoir, sçavoir est Ardre, Boulongn Terouene, Montreul, & Hedin, desquelles le Roy d'Angl terre pouvoit assaillir celle qu'il luy plairoit, & aussi to ie que l'autre, si n'avoit-il armée qui suffist pour les pour ir, & moins à faire teste à l'ennemy où il seroit besoin. i fut cause que le Roy d'Angleterre changea le desseing Lavoit de passer droict à Paris sans s'attaquer aux villes, il envoya le Duc de Northfolk, & avec luy le Comte Bures & le Comte du Reux, assieger Montreul, & luy ct ou dix jours apres vint assieger Boulongne, dont le reschal du Biez estoit gouverneur, & mesmes il estoit en ardie lieutenant du Roy, en l'absence de monseigneur l'endosme, & avoit charge du Roy de pourveoir lesdicinq places. Lequel voyant l'ennemy passer outre pour r assieger Montreul, abandonna Boulongne, & se meit ans Montreul, & avecques luy la compagnie de cent nmes d'armes de monseigneur le Connestable, conduitar son lieutenant le seigneur de la Guiche homme bieu erimenté: le seigneur de Genly avecques quatre enseis de gens de pied François:le Comte Berenger Neapoliavecques mille hommes de pied Italiens: le capitaine icisque de Chiaramont aussi Neapolitain avecques pae charge: laissant dedans Boulongne contre l'opinion chacun, pour chef le seigneur de Vervein son gendre nme peu experimenté; & le seigneur de Lignon jeune ame avec cinq cens hommes de pied, le seigneur d'Aix, commé de Renty aussi jeune, & tous deux peu experiitez, le capitaine Philippe Corse, homme de grande erience, & le seigneur de sainct Blimont portenseigne eluy mareschal du Biez, avecques la moitié de sa comnie de cent hommes d'armes. Dedans Ardres fut ené le seigneur de la Rochepot lieutenant du Roy, avecs sa compagnie de gens d'armes, lequel trouva ladicte e mal pourveue, mais il y remedia si bien, que il n'en inconvenient.

URANT ce temps que l'Empereur estoit à Spire avec Armee de armée qui estant adverty que le seigneur d'Anguien a- l' Empereur sa victoire s'estoit arresté en Piemont, & avoit laissé en France. treprise de Milan (laquelle ledict Empereur craingnoit, orte à ce qui l'en est cognu depuis que si ledict seigneur nguien l'eust poursuivie, il eust esté contrainct de conir ses forces vers Italie, & laisser France en repos) ena le Comte Guillaume de Fustemberg, avecques une éc devant Luxembourg , laquelle ayant enduré le fiege

si long temps que vivres y estoient failliz, le Viconte d'I stanges, chef d'icelle ville sut contrainct de capituler pe condition que luy & les soldars revindrent leurs bagues sa ves. De là marcha ladite armée droict à Commercy, qui e un chasteau sur la Meuze six lieues par delà Ligny, & tro lieues de Vaucouleurs, où apres avoir tiré quelques cous ile canon, & faict breche au droit de la grosse tour, dedar laquelle estoient les munitions, les capitaines qui en avoir la charge cognoissans la place n'estre tenable; la rendirent l'Empereur: & s'en allerent leuts bagues sauves où bon lei sembla. Parrant de Commercy l'Empereur vint assieger L gny en Barrois, où s'estoit mis le Comte de Brienne Com dudict lieu, & le Comte de Roussi son frere, le seigneur d'I schenais capitaine de cinquante hommes d'armes, lequel ustoit envoyé par le Roy chef dedans ladicte place, le se gneur de Gouzolles escuier d'Escuierie du Roy, & plusieu autres capitaines jusques à quinze cens hommes de pied, !

environ cent hommes d'armes.

C E-temps pendant le Roy faisoit diligence pour resiste à son ennemy) de faire marcher dix mille Suisses, six mil Grisons, & six mille Lansqueners, dont estoit capitaine gi ncral le Duc de Nevers, & les douze mille François & Ita liens qu'il avoit tiré de Piemont, & gros nombre tant de le gionnaires que d'autres foldats: tellement que l'armée qu' assembloir, estoit de quarante mille hommes de pied de d verses nations, & environ deux mille hommes d'armes, t deux mille chevaux legers, de laquelle il donna la charge monseigneur le Dauphin, ayant avecques luy: le Duc d'C leans son frère, & à monseigneur l'Amiral d'Annebault principalle conduicte, pour l'administration du conseil d dicts Princes. Et attendant que ses forces fullent assemblés pour faire teste & arrester l'ennemy, il envoya le Comte c Sanxerre, pour estre son lieutenant general dedans Sain Diffier, place qui estoit mal flancquee & mal reparée, & inc gne d'attendre un camp Imperial, toutesfois il entrepri d'y faire le debvoir qu'il y feit, avec la compagnie de mor seigneur d'Orleans de cent hommes d'armes, dont ledie Comte de Sanxerre estoit lieutenant & autres, le capitair la Lande, & le Viconte de la Riviere, ayans chacun mil hommes de pied. Gallet de

C E-temps pendant l'Empereur faisoit diligence d'approcher le chasteau de Ligny pour y faire breche, mais par ce que les assegez ne se pouvoient renir à leurs dessences, d'au tant que ledict chasteau est commandé de deux ou trois Prise de montagnes, la breche faicle les affiegez furent confeillez de Ligity. parlamenter, & durant leut parlement les ennemis entrerent dedans par la porte du secours, & prindrent par derriese ceux qui estoient sur la breche pour attendre l'assault, & les firent prisonniers fans faire grand meurdre. Ie ne sçay qui en fut le moyen, sinon que Bretheville Lieutenant du Comte de Brienne sortit le piemier pour parlementer. Les chiefs fen deschargerent l'un sur l'autre, mais la plus part ne sen sçauroit bien laver: viay est que la place n'estoit pour endurer l'effort d'un Empereur estant en personne: aussi n'estoient ils menez à telle extremité, qu'elle ne meritast une honeste composition: & aussi des principaux de la compagnie avoient asseuré le Roy qu'elle estoit gardable, & luy avoient promis de la garder, mais à vray dire je pense que ces prometeurs se persuadoient que l'Empereur prendroit autre chemin, & vouloient avoir l'honneur de l'avoir entreprins: plusicurs en sont ainsi deceus, se sians à leurs advertissemens qui ne sont certeins, j'en ay veu plusieurs experiences. Le Roy ayant entendu la prinse dudict Ligny si soudaine, envoya incontinant dedans Challons en Champagne monseigneur de Nevers avecques quatre cens hommes d'armes, & cinq ou six mille hommes de pied. Puis ayant entendu que l'Empereur festoit attaqué à S. Disser, manda à monseigneur le Dauphin de sen aller camper sur la riviere de Marne, en tel lieu qu'il peust empescher l'ennemy de marcher plus avant en païs: suivant lequel mandement mondit-seigneur le Dauphin envoya visiter les lieux les plus commodes, & fut conclu par l'advis des capitaines de se loger à Iallon, qui est environ mi-chemin d'Espernay & de Challons deça l'eau, auquel lieu le vindrent trouver les bandes venans de Piemont, tant Françoises qu'Italiennes bien armées, & en bon equippage, & bien deliberées de combattre, lesquelles monseigneur d'Anguien avoit envoyez suivant le mandement du Roy.

N'A G U E R E S je vous ay dict comme le seigneur Pierre Sttosse sut desaict : si est-ce que sa personne s'estant sauvée,

Ll iiij

retourna à la Mirandole, auquel lieu luy & le Duc de Somme qui avoit esté prisonnier en icelle defaicte, mais avoit esté relasché par le Prince de Salerne son parent, qui craignoit que s'il tomboit entre les mains de l'Empereur il fust mal traitté, firent nouvel amas de six mille hommes de pied & delibererent de passer par le Duché de Milan en despit des Imperiaux pour se venir joindre à monseigneur d'Auguien, lequel estoit despourveu de forces: car outre les douze mille hommes tant François qu'Italiens, lesquels on luy avoit levez, tous ses Suisses, hors mis deux mille, avoient esté licenciez, ayans obligation d'estre payez en leurs païs. Le Marquis du Guast estant adverty de ceste nouvelle assemblée, amassa le plus d'hommes qu'il luy sut possible grant de cheval que de pied, pour empescher ledict passage, de sor te que ledict seigneur Pierre sut contrainct par-ce qu'il n'avoit aucune cavalerie, d'abandonner' la pleine & venir du Parmesau passer par les montagnes des Genevois, où il endura beaucoup de peines & de travaux; mais ayant nouvelles que ledict Marquis l'attendoit à la descente des montagnes, il envoya par espions adverrir monseigneur d'Anguien de son passage, & du chemin qu'il entreprenoit de faire, lesquels le trouverent à Turin où il s'estoit retiré, parce qu'il n'avoit gens que pour la garde de ses places. Au mes me instant ledict seigneur d'Anguien eur pareillement avis par le seigneur de Cental gouverneur de Quieras comme le Marquis pour estre plus fort pour combatre ledict seigneur Pierre, avoit tiré les garnisons de toutes ses places, y laissant seulement gens pour la garde de la porte, mesmes qu'il n'estoit demouré dedans Albe que le seigneur Chiapin Mantuan gouverneur du lieu avecque environ cent ou fix vintgs hommes.

A Y AN T eu ces nouvelles ledict seigneur d'Anguien encores qu'il sust soible d'hommes, & qu'il n'eust un escu, mesmes qu'il sust deu aux Suisses qui luy restoiét leur payement de quatre moys, se prepara toutessois à deux entreprises tout ensemble, c'est à sçavoir, de surprendre Albe, & de secourir le seigneur Pierre Strosse. Et à telle heure tel disner depescha le seigneur de Montassé pour aller à un petit chastraut le chemin de Savonne, & du païs des Langues, & trou yer moyen d'advertir ledit seigneur Pierre qu'il eust à preu-

dre le chemin dudit Chastelet, & puis delà en Albe, qui estoit chemin que l'ennemy n'estimeroit jamais qu'il deust prendre, & que audict lieu d'Albe il trouveroit ledict seigneur d'Anguien avecques toutes les forces, tant de cheval que de pied, qu'il pourroit mener pour le recueillir. Ce faict alla au gifte à Carmagnole, pour faire marcher les Suisses qui y estoient, ce qu'ils refuserent par faute de payement, remonstrans qu'il n'y avoit moyen de mener les compagnons sans argent, veu le long temps qu'il y avoit qu'ils estoient abusez. Mais en fin leur fut promis de leur donner vivres sans payement, jusques à ce qu'ils fussent de retour à Carma gnole. Qui estoit tout ce que mondit seigneur d'Anguien pouvoit offrir, pour n'avoir un seul escu en tout son camp, joinct les persuasions qu'il leur feit, de l'accroissement de l'honneur qu'ils auroient de faire teste avecques la perite trouppe qu'ils estoient, à un Lieutenaut d'Empereur, apres mesmes avoir vaincu en bataille les Lansquenets qui estoiét deux contre un, les asseurant pareillement que la cavalerie-Françoile mourroit plustost que les abondoner. Les Suisses flechiz par les remonstrances de monseigneur d'Anguien, accorderent de marcher, & alasmes coucher à Sommerive, le lendemain à Queras, auquel lieu les Suisses firent disficul té de marcher outre s'il ne leur estoit presté cinq cens escus pour enseigne, ce qui leur fut accordé, & pour les trouver le seigneur de Cental trouva quinze cens escus sut les bagues de sa sœur, femme du seigneur de Montasié: le capitaine Fausperg Suisse en presta mille, & outre bailla cinq cens escus à sa bande, aussi le capitaine Fourly feist pour la sienne, somme ne restoit que l'enseigne de S. Iulian qui estoit Colonnel. Parquoy fut conclu de partir avant le jour pour marcher à Albe, mais à minuich ledich seigneur de S. Iulian vint à mon logis, à ce que j'advertisse monseigneur d'Anguien que les compagnons estoient mutinez, & qu'ils n'estoient deliberez de marcher. Mais apres que je me fuz bien enquis, je trouvay que luy mesmes les avoit mutinez & n'y eur ordre si soudain d'y pourveoir : parquoy monseigneur d'Anguien ayant nouvelles que le seigneur Pierre seroit à midy à Albe, craignant que le retardement n'amenaît secours à ceux d'Albe, s'estant mis en chemin, les Suisses eurent vergongne de demeurer, parquoy en despit de leur Colonnel marcherent apres nous, & arriverent devant la

ville environ jour couché, que nous commencions à faire

aproche.

En nostre armée y avoit la compagnie de cinquante hommes d'armes de monfieur d'Anguien, les chevaux legers du seigneur d'Aussun, ceux de Francisque Bernardin, & environ cent chevaux du seigneur Maure de Novate, & n'y avoir que quatre canons mal equipez, dont le seigneur, de Beyne en avoit presté deux, car nous n'avions moyen d'en amener de plus loing : semblablement nous n'avions un seul pionnier par faute d'argent, & si ledict sieur de Beyne n'eust faict conduire à ses despens lesdicts canons, nous n'eussions eu moyen de les mener, rant nous estions desnuez d'argent, & moy mesmes avoy ja emprunté trente mille escus à Turin, lesquels avoient esté employez pour arrester noz Suisses durant le siege de Carignan. Des le soir melmes nous achevalmes noz approches de si peu d'artillerie que nous avions, de sorte qu'à soleil levé se commença la batterie du costé de la porte, qui est devers la montagne de delà l'eau, où fut faict un trou paraventure de dix pieds de long. Mais le seigneur Chiapin voyant de tous costez de la ville les gens du seigneur Pierre & Duc de Somme faire mine de vouloir donner escalade, & les autres se preparer pour donner l'assault à la petite breche, laquelle ne se pouvoit faire gueres plus grande, à cause que deux de noz canons estoient demontez, sestonna, de sorte qu'il rendit la place, fen allans seulement luy & les soldats sans riens emporter où bon leur sembleroit. Il fault entendre que les soldats du seigneur Pierre n'avoient souliers en pied, pour les avoir usez parmy les montagnes,

LE Marquis du Guast ayant esté adverty de nostre arrivée à Albe, estoit venu avecques son armée en toute diligence pour secourir sa ville, de sorte que les coureurs Imperiaux, à l'heure que ceux qui estoyent ordonnez pour prendre possession de la ville entroient dedans, donnerent sur nostre guet de cheval, mais ayans eu cognoissance de la perte de la ville, sen retournerent plus legerement qu'ils n'estoient venuz, hors mis quelques uns, qui furent prins par le seigneur d'Aussur; qui fut cause que le Marquis ne marcha plus avant, estant frustré de son esperance, Parquoy le seigneur d'Anguien demeura possesseur de la ville dedas laquelle il meit pour chef le seigneur Corneille Bentivolle, avecques deux mille Italiens, puis il se rerira à Catmagno-le, apres avoir mis en son obeissance la plus grande part des chasteaux du païs des Langues. Quelque peu de temps apres le Marquis du Guast seit pratiquer par le gouverneur d'Alexandrie une suspension d'armes, jusques à ce qu'ils eussent envoyé devers le Roy & l'Empereur, pour sçavoir si leurs Majestez auroient agreable de coclure une tresve, ce qu'ils accorderent, apres avoir eu le consentement des deux maje-

stez pour trois mois. REVENONS en Champagne: l'Empereur ayant entre Siege de S.

-ses mains le chasteau de Ligny, y laissa garnison, d'autant Disser par que c'estoit le chemin des vivres qu'il luy venoient de Mets l'Empereur. & de Lorraine, pour tirer à S. Disser, où il tendoit aller, & ayant mis ordre à la seureté de la conduitte d'iceux vivres, dressa son chemin audict S. Disser, cinq leues au deça de Ligny, sur la riviere de Marne, & y arriva environ l'huictiesme jour de Iuillet, mille cinq cens quarante quatre. Le Cote de Sanxerre le fentant approcher, envoya au dessus de la ville, tirant aux forests, rompre quelques estangs, qui empescherent que de ce costé pour quelque temps l'Empereur ne deust approcher, qui fur cause qu'il tourna son siege ailleurs pour faire sa batterie. Aussi le Comte de Sanxerre jetta dehors le seigneur de Teligny guidon de sa compagnie, avec vingt cinq chevaux pour entendre des nouvelles, lesquels ramenerent dix ou douze prisonniers, qui luy donnerent advertissement de l'ennemy, lequel incontinant qu'il fut arrivé devant S. Disser, seit diligerer en toute extremité, les approches du costé d'entre les moulins & la porte, qui souloit tirer droit à Parthé & à Vitry. Ce pendant monseigneur le Dauphiu depescha le seigneur de Brissac, General de la cavallerie legere, & environ deux mille hommes de pied, tant François qu'Italiens, pour le loger à Vitry en Parthois, cinq lieues pres dudit S. Dister, mi-chemin dudit lieu & de Challons, afin de rousjours donner empelchement à l'Empereur, & à ses vivres, & aussi pour le tenir en craincte de donner assault. Or est ledit lieu de Vitry, une petite ville mal fermée, & un petit chastelet, qui est sur une poincte de montagne, & passe par le milieu d'icelle ville une riviere venant de Ligny, à Bar le Duc, puis se descharge au dessous de Vitry en le riviere de Marne.

fac avec les emsensis.

LEMPEREUR voyant ordinairement son camp fore Grosse renco- travaillé de nostre cavalerie legere qui estoit à Vitry, latre de mosei-quelle de jour en autre destroussoit ses sourrageurs, dont gneur de Bris advenoit grande necessité de vivres en son camp, delibera de les deloger, & pour cest effect depescha Do Francisque. d'Est frere du Duc de Ferrare, General de sa cavalerie legere, avecques toute sa trouppe, & le Duc Maurice de Saxe, avecques douze che vaux Allemans, & le Comte Guillaume de Fustemberg, avecques huict ou dix mille Lansquenets, & de l'artillerie pour suivre ladite cavalerie. Et estoit: leur entreprinse, que la cavalerie passeroit la riviere de Vitry à un village nommé Changy, à une lieuë Françoise au. dessous dudit Virry pour se trouver sur le chemin de Chal-, lons, à ce que si les François se vouloyent retirer vers ledit Challons, ils les peussent rencontrer en teste, & s'ils se retiroyent audit lieu de Vitry, le Comte Guillaume venoit avecques l'artillerie pour les forcer. Mais le jour les surprint avant qu'ils fussent à Changey, où ils trouveret vingt chevauxde guet de la compagnie du séigneur de Langey, laquelle estoit conduitte par le seigneur de Marville Cathelin Raillart son Lieutenant, à cause que ledit seigneur. de Langey estoit en Piemont : lequel Marville ayant decouvert les coureurs des ennemis, qui vouloiet recognoistre le passage, se ferma au bout du pont, aussi firent les ennemis attendas leur grosse trouppe, & ce pendat ledit Marville advertit la MorteGodrin capitaine de chevaux legers, lequel estat arrivé passa l'eau pour cobatre les coureurs des ennemis, mais il fut chargé de telle furie qu'il fut renversé, & luy fort blessé & repoussé jusques où estoit la compagnie du seigneur de Langey: laquelle voyant sur ses bras cinq ou six cornettes de chevaux legers commença tousjours en combatant, à faire sa retraitte vers Vitry, non sans qu'il en. demeuralt dix on douze prisonniers, & plusieurs blessez, &. les Albanois qui estoient logez pres ladite compagnie, oyas l'alarme se rétirerent vers Challons tous esbandez. Estans lesdits chevaux legers rassemblez pres de Vitry, trouverent la bande du sieur de la Hunaudaye coduite par Michel Angé son Lieutenant, qui leur feit espaule, & se retirerent ensemble tousjours combattans jusques à Vitry, auquel estas. arrivez, trouverent le seigneur de Brissac avecques quelques arcbouziers de la bande de S. Petre Corse dedans des vignes, lesquels soustindret à coups d'arcbouze l'ennemy, qui leur vint bien à propos, autrement ils eussent esté defaicts. Ledit seigneur de Brissac voyant la force n'estre sienne delibera sa retraitte, & print le chemin de la riviere de Marne, pour se retirer à Challons, ou à mi-chemin. Monsieur de Nevers avoit envoyé trois ou quatre cens hommes d'armes,qu'il avoit jetté hors de la ville pour soustenir noz gens, mais ils ne les rencontrerent, d'autant qu'ils avoient prins le chemin de la chaussée: parquoy le seigneur de Britsac ayant passé la riviere, avecques si peu de chevaux legers qui luy estoient restez, meir la moitié de ce qu'il avoir sur la main dextre, & luy sur la gauche, & envoya quelque nobre de picquiers & d'arcbouziers au passage de la riviere, pour soustenir. Mais soudain l'ennemy esbanda sept ou huict cens pistoliers, & autant de chevaux legers, & bon nombre d'arcbouziers à cheval, lesquels contraignirent Sasac qui estoit demeuré sur la queuë de donner dedans le vilage où estoit le passage, qui porta grand ennuy à noz gens de pied, car l'ennemy les trouva en desordre rompus par noz gens mesmes, & les tailla en pieces, hors une partie qui se retirerent en une Eglise, lesquels ne se voulans rendre, arrivé que fut le Comte Guillaume, apres leur avoir presenté le canon, & faict battre l'Eglise, y feit mettre le feu, & furent tous bruslez là dédans. Če temps pendant le seigneur de Brissac faisoit sa retraitte, tousjours tournant sur son ennemy quand l'occasion se presentoit, de sorte qu'il fut deux fois prins, & deux fois recoux, si que sa vertu & conduitte vainquit la force, car en combatant obstinément se retira pres de Challons. Les Imperiaux se logerent la Prise de Vinuict à Vitry, puis laissans le Comte Guillaume tant de- 1179. dans la ville que au chasteau, pour favoriser leurs fourrageurs, se retirerent en leur camp devant S. Disser, auquel lieu l'Empereur continuoit son siege, & cherchoit tous les moyens possibles pour endommager les assiegez.

L E Comte de Sanxerre, lequel estoit dedans, advisoit diligemment à se conserver, & departit les quartiers, afin que chacun sceust où il devoit combattre. Au Vicomte de la Riviere bailla la garde du boulevert de la victoire, qui est à la porte qui tire à Parthe, avecques l'une de ses enseignes: & à son autre enseigne la garde depuis ledit boule-

hoult,& depuis ladite plateforme jusques au chasteau, ordonna une autre enseigne : & dedans ledit chasteau le capitaine Neufvillette nommé André d'Ausbourg l'un des Lieutenans du capitaine la Lande, de l'une de ses enseignes & aussi depuis ledit chasteau jusques au boulevert, où estoit le Vinconte de la Riviere, furent ordonnez deux cens hommes de pied estas sous la charge du seigneur de Dourriers, lequel avoit esté prins dedans Ligny. Et en chacun desdits quartiers fut ordonné dix hommes d'armes, & puis pour la garde de la place, & secourir où il seroit besoing, vingt homes d'armes, & cinq cens hommes du capitaine Ricarville; desquels il avoit la charge sous le capitaine la Lande. Aussi l'Empereur, estans logé pres de la justice; fir approcher ses Espagnols entre la ville & la riviere en un fonds, auquel ils ne pouvoient estre offensez de l'artillerie de dedas: lesquels apres avoir faict leur trenchées droit à la poincte du boulevert de la victoire; mirent deux bades d'artillerie en batterie, l'une qui battoit depuis ledit boullevert jusques à la porte qui descent aux moulins, & l'autre du costé de Parthe, laquelle battoit en flanc: mais le Côte de Sanxerre voyant la diligence qu'ils faisoient, feit venir les vingt homes d'armes & l'enseigne de Ricarville, qui estoient à la place; pour remparer au lieu de la batterie que les ennemis fai-

PAREILLEMENT voyant l'Empereur que noz gens faisoiet ordinairement des saillies par devers le chasteau; envoya le Prince d'Aurenge, avec dixhuict enseignes d'Allemans, & six grandes coulevrines, pour de ce costé battre dedas la ville, & empescher lesdites saillies, lequel se logea à la forge vis à vis du chasteau, pres du pot, qui est sur la riviere de Marne. Estat arrivé à ladite forge, trouva moyé de divertir les eauës hors du fossé de la ville, dot il meit les assiegez en necessité d'eau, car ils n'avoyét plus que trois puis, qui mal-aisement pouvoiet fournir aux ges de guerre. Ce pendant aussi l'Empereur faisoit continuer sa batterie: mais estant le capitaine la Lande travaillé d'avoir réparé tout le jour, & s'estant retiré dedans son logis pour se refreschir, un coup de canon passat par la breche & tout à travers la ville, luy emporta la teste qui fut grad domage, car il estoit vaillat liome, & beaucoup experimeté, dequoy le Côte de Sanxerre adverty; seit ce jour celer sa mort, crais nant estonner ses soldats. Ce jour mesme le Prince d'Aurenge estant party de la forge où il estoit campé, & estant és trenchées pour aller visiter l'Empereur, un coup de coulevrine venant de la ville donna sur le hault d'icelles trenchées, où avoit sorces pierres, dont les esclats frapperent ledit Prince d'Aurenge, de sorte qu'il en mourut au grand regret de l'Empereur & des

Imperiaux.

DEUX joursapres l'Empereur voyant que la breche estoit raisonnable, delibera faire donner l'assault, & pout cest effect sur les neuf heures du matin feit preparer son armée. Les Espagnols craingnans que les Allemas vousifient avoir l'honneur d'assaillir les premiers, soudain sans autre commandement, dixhuict enseignes des leurs donnerent droict à la breche, auquel lieu ils combatirent main à main contre les assiegez une grande heure. L'Empereur sçachant les Espagnols estre à l'assault, feit haster de marcher neuf ou dix mille Allemans pour les soustenir, toutesfois noz gens à force de bien combattre, repoulserer t les Espagnols du hault de la breche en bas: puis apres l'Einpereur en voya sept ou huict cens hommes tous ayans casaques de velous, & la bourguignotte en teste, lesquels furent sonstenus cóme les premieis, & renversez dedans les fessez. De rechef il fit renouveller l'assault de huict enseignes d'Allemans, avec force petits barils de pouldre, lances, & autre artifice de feu, lesquels feirent si bien leur proussit qu'ils laisserent dedans le fossé tous lesdits artifices, avec sept on huict cens hommes morts, qu'ils perdirent aux trois affaulx. L'Empereur considerant la vertu des assiegez, mesme qu'il avoit perdu grand nobre d'homes & des plus experimentez, feit retirer chacun en son lieu. Telle fut la fin dudit assault loquel avoit duré depuis les neuf heures du matin jusques à quatre heures apres midy. Le Comte de Sanxerre y eut son espéc qu'il tenoit au poing emportée d'un coup de canon fans luy faire autre mal, sinon quelque blesseure au visage de quelques petits elclas, mais il perdit à la breche trente ou quarate tant homines d'armes qu'aichers, & deux cens hommes de pied. Peu de jours apres ledit aslault l'Empereur envoya un tropette pour sonder la voloté des assiegez estimant qu'eux apres avoir faict leur devoir se contenteroient d'une composition honorable : mais les assiegez

ne voulurent jamais escouter ledit trompette, à ce qu'il ne peust donner estonnement aux soldats, & leur faire changer la bonne opinion en laquelle ils estoient de faire leur devoir.

L E Comte de Sanxerre apres avoir assis son guet, assembla tous les capitaines, specialement Hieronyme Marin Boulonois fortificateur, pour deliberer ce qu'ils avoient à faire. Finablement il fut conclu que la nuich ledit Hieronyme & le capitaine Ricarville accompagné de vingt de ses soldats descendroient dedans le sossé, pour escarper la breche: ce qu'ils feirent, & raporterent quand & eux grand nombre de pouldres que les Allemans y avoyent laissées, qui servitent bien à noz arcbouziers, car ils commençoient d'en avoir faulte: pareillement fut faicte telle diligence de remparer la breche, qu'elle estoit au matin plus forte que devaur. Quoy voyat l'Empereur, feit cesser la batterie pour tenter la sappe, & seit en diligence commencer des trenchées pour aller droict au boulevert de la victoire, & aussi du costé de la breche commença une plate-forme dé dixliui& gabions de front sur lesquels quand ils estoient emplis, on en dressoit d'autres jusques à tant que la haulteur fust convenable. Ceux qui besognoient pour venir sapper le boullevert, estans leurs trenchées desja pres dudit boullevert, trouveret une grosse source de fontaine, qui les empeschoit de passer ourre: mais les assiegez voyas jetter l'eau hots de la dite tréchée soupeçonnerét que les ennemis vouloiet miner ou saper, & pour sçavoir la verité ils mirent la nuict dehots un gentilhomme nommé le capitaine Linieres Not mant, avec quelques hommes lequel feit si bien son devoir qu'il feit abandonner aux Espagnols la garde desdites trenchées, & les visita de bout en bout, & ramena quelques pionniers dedans la ville pour dire des nouvelles: le reste sut taillé en pieces.

Dur ant que le siege estoit devant S. Disser, monsieur d'Aumalle sils aisné du Duc de Guise, estoit dedans Stenay, ville (comme j'ay dit) sur la Meuze avec cent cinquante hommes d'armes, & quelque nombre de gens de pied: lequel, outre ce qu'il avoit deliberé de la garder si l'Empereur la venoit assaillir, poi toit grand dommage au camp Impérial, car ordinairement il estoit à cheval, & rom poit les vivres a l'ennemy, principalement ceux qui luy ve-

noient

noient de Bar-le Duc, de sorte que ses derrousses veritable-

ment apportoient grande fascherie à l'Empereur.

En VIROn dixhuict jours apres ledit affault, un tabou- Traitté pour rin François estant allé au camp Imperial pour quelques la redditio de prisonniers apporta au Comte de Sanxerre unes lettres en S. Disser: chiffre, lesquelles luy avoyent esté baillées en secret par homme interposé & à luy incogneu, qui disoit avoir charge de monsieur de Guise de les faire tenir secrettement audit Comte: lequel les ayans recenës & faict dechifrer, feit assembler capitaines pour en ouir la substance: C'estoit que monsieur de Guise escrivoit, que le Roy sçachant l'extremité de vivres & de pouldres en laquelle ils entroients leur mandoit de trouver moyen de faire composition si ho norable que les homes fussent sauvez, par-ce qu'il n'y avoit ordre de les pouvoir secourir. Or avoit le seigneur de Gran velle faict surprendre un pacquet, dedans lequel sut trouvé 'alphabet du chiffre que ledit seigneur de Guise avoit à vec le Comre de Sanxerre, sur lequel il avoit contrefaict ladite ettre au nom dudit leigneur de Guise. Le Comte & les aures capitaines n'avans cognoissance de ceste falsiré, furent en diverles opinions, mais en fin ayans respect au grand tta vail que les foldats avoyent porté, pour avoir elté assiegez par l'espace de six sepmaines, & que les vivres & munitions eur commençoient à defaillir, de sorte que mal-aisement sussent ils eu pouldres pour soustenir encores un assault, conclurent de tenter la volonté de l'Empereur & envoyeret in trompette au camp Imperial, afin d'obtenir faufconduit pour envoyer un gentilhomme devers l'Empereur, ce qui eur fut accordé. Et puis apres par l'advis des capitaines fut ordoné pour y aller lacques de la Chasteigneraie seigneur de la Chenvaire, Lieutenant dudit Comte de Sanxerre lequel Chenvaire cognoissant les capitulations que l'Empeeur vouloit faire trop rigoureuses se retira sans rien conclure, mais en fin apres avoir esté par trois fois assemblez pour ladité capitulation, fut accordé douze jours de trefves, & qu'il leur seroit baillé saufconduit pour envoyet devers le Roy, sçavoir si dedans ledit temps il les envoyeroit secou tir, ou si la capitulation luy seroit aggreable, & au cas que non, ils dem eureroient en leur entiel: aussi où il l'auroit aggteable,& que dedás le temps ils ne fullent secourus, lesdits

assiegez rendroient la ville entre les mains de l'Empereur. & s'en iroient, à sçavoir la cavalerie avec leurs armes & che vaux, enseignes desployées & armet en teste: les gés de pied avec leurs armes marchas en bataille, enseignes desployées, & tabourin sonnant, & qu'ils ameneroyét leurs bacques, & quatre pieces d'artillerie au chois des assiegez avecques leur

equipage. L'occasion de ceste capitulation veritablement tat avantageuse & honorable pour les assiegez (lesquels avoyent arresté l'un des plus grands Empereurs qui ayt esté depuis Charlemagne, avec toutes les forces de l'Empire Oc cidental, devant une place non fortifiée, laquelle n'avoit ja mais eu reputation que d'une ville champestre) provenoit de ce que l'Empereur vouloir oster au Roy d'Angleterre les moyens de se plaindre, à cause qu'il estoit campé devant Boulongne & Montreul, s'excusant de ce qu'il ne passoit outre, sur ce qu'il estoit dit par leur traitté, que l'Empereur & luy marcheroyet sans s'arrester ailleurs pour assembler leurs forces pres de Paris, & contraindre le Roy de les Discours sur cobattre à son desavatage, sino qu'il permist ruiner ses pais

Anglois.

la descete des & subjects à sa veuë. Car l'Empereur cognoissoit bien la ne cessité desdits assiegez, & le peu d'apparence de leur secours. & mesmes que dedans quinze jours pour le plus tard il les auroit par famine: mais aussi consideroit il combien luy estoit malaisé luy seul, & ores qu'il eut esté accompagné de l'Anglois, selon leur desseing, de dettruire ce Royaume, non comprins qu'il avoit en barbe l'armée gaillarde, disposte, & bien deliberée de monseigneur le Daulphin, lequel apres luy avoir laissé consommer la sienne, le tiendroit la corde au col, dont luy adviendroit plus de perte & de honte plus reprochable, que celle tant infigne qu'il avoit receuë en Provence. Parquoy voulant l'Empereur faire cognoistre qu'il ne tiendroit à luy, que le traitté qu'il avoit avec le Roy d'Angleterre ne fust accomply, accepta ceste capitulation, esperant attirer ledit Roy d'Angleterre, & se renforcer de son armée, pour ensemblement tenter l'execution de leur entreptife. Or par incidant je vous diray, que au commencement de ceste entreprinse, le plus grand nombre du conseil du Roy d'Angleterre estoit d'advis qu'il devoit faire sa descente en Normandie (comme avoyent faict ses predecesseurs) & qu'estant son armée de trente mille hommes nisant sa descente en trois divers lieux, & en chacun sieu ix mille hommes, & ayant liberté, & trouvant le païs desourveu de gens de guerre, ce pendant que le Roy & toutes es forces; seroit amusé contre une si grande armée qu'escoit celle de l'Empereur, & contre l'armée que conduisoit nosseur du Reux, & le Côte de Butes, pour faire descète en icardie, il se pourroit in vestir du Duché de Normandie, estimant l'ancié heritage d'Angleterre. Mais Dieu qui a pusjours voulu conserver ce Royaume, les seit changer d'o inion, & entreprint de couquerir Boulongne & Motteul, ui a esté la ruine par apres du royaume d'Angleterre, ainsi ue lo pourra cognoistre par ceux qui par cy apres escrirôt es choses advenues du regne du Roy Henry, à present remant.

L E Roy ayant entendu le traitté des assiegez, lequel eoit mis fur sa discretion, le tint pour agreable : telsement u'ils meirent és mains de l'Empereur ladite ville de S. Dier,& en sortirent en l'ordre & seló qu'ils avoyét capitulé. t par ce qu'il prevoyoit que ledit Empereur prendroit son nemin le long de la riviere de Marne, manda à monseineur le Dauphin de renforcer monsieur de Nevers qui eoit dedans Challons, tant d'hômes que de vivres & autres unitions, par ce qu'elle estoit peu fortissée, & qu'il estoit esoing de la garder par la force & vertu des homes. Au ree qu'il se fortifiast le long de ladite riviere, & donast telle rovision à ses affaires, que si l'ennemy entreprenoit de la asser, il peust le cobattre à son avantage à demy passé, luy effendat de hazarder autremet la bataille, pour l'importaque c'estoit s'il l'eust perdue au milieu de son royaume, vant en son dos un tel ennemy que le Roy d'Angleterre, hose qui fut diligement observée par mondit seigneur le auphin: vray est qu'il cust bié desiré avoir en sa copagnie osseur le Connestable de Motmorency, qui estoit retiré n sa maison pour user de son côseil, & pour cest estect enoya devers le Roy, lequel trouva fort mauvaile ladite reueste de son fils, pour la haine qu'il portoit audit Conestable,& en voulut grand mal aux capitaines qui estoyét res de son fils. Pendant que le Roy d'Angleterre, tenoit le ege devant Boulongne & Montreul, ordinairement se inent de belles entreprises, & entre autres monseigneur : Duc de Vendosme, adverty que de sainét Omer & Aire

devoit partir un avitaillement pour amener audit siege de devant Montreul, delibera de le destrousser passant par le Boulenois. Estás parti pour cest essect, eut advertissemet pas les chemins que l'énemy avoit à la coduitte dudit envitaillement huict cens chevaux, & douze cens Lanfquenets, les quels menoient quant & eux quatre coulevrines moyenes. pour se fortifier, si par les chemins ils estoient assaillis. Le dit seigneur de Vendosine apres avoir esté trois grandes lieuës au trot, ayant l'homme d'armes, l'armet en teste & la

d' Anglois dongne.

lance sur la cuisse, envoya le sieur Villebon avecques sa co-Deffaitte pagnie, le sieur d'Estrée, & d'Esguilly, pour attaquer les en-Anglois nemis, & les amuser ce pendant qu'il arriveroit: & mens devant Bou- quand & luy sa compagnie de cent hommes d'armes, le sieur de la Chastaigneraye avec cinquante de monsieur le Dauphin, & le sieur de Senerpont avecques pareille charge. Lesquels arrivans pres des ennemis les chargerent de sorte qu'ils furent rompus & mis à vau de route, & sans les morts furent menez dedans Therouenne huict cens prisonniers, & deux coulevrines moyennes. Les autres deux demeurerent, à cause du rouage qui estoit rompu, & y surét gaignez quatre enseignes de gens de pied Allemas. Ledit sieur avoit laissé sur sa queuë la compagnie de monsseur de Crequi, & celle de monsieur de Heilly de cent hommes d'armes pour le soustenir, mais il n'en eut besoing. L'Empereur voulant suivre son entreprise partit de S. Disser, y laissant bonne gas nison, & vint loget le lendemain à Vitry en Parthois, auquel lieu il eur nouvelle que le Roy d'Angleterre, quelque promesse qui fut entr'eux, n'estoit deliberé de passer ouve qu'il n'eust mis en son obeissance Boulongne & Montreul Cela diligemment consideré par l'Empereur, & que si luy seul marchoit plus avant en païs (estans desja ses soldats de hallez pour le travail & faulte de vivres qu'ils avoyét souf fert devant S. Disier, & que pareillement ils souffroyent) la faim suffiroit pour le combattre, sans les forces du Roy lesquelles il voyoit gaillardes & sur le point de prospe rer, pour le contraindre ainsi qu'ainsi de faire honteuse

Pourparlé de paix.

ment sa retraitte, il commença à gouster quelques pour parlez qui avoyent esté mis en avant, durant le siege d S.Disier, d'une paix entre le Roy & luy, par le moyen d son conselleur, & du seigneur de Granvelle, avecque quelques serviteurs du Roy. Chose où ledit Empereur esti na pouvoir honnestement entendre sans en communiquer u Roy d'Angleterre, entendu que desja il avoit failly de promesse, & qu'il doutoit sourre ce qu'il cognoissoit bien que si le Roy d'Angleterre prenoit Boulongne & Motreul, a coqueste ne seroit que pour luy) que par apres se sentant ort deça la mer, il luy fuit plus difficile quand ils auroient traitter ensemble:si est-ce qu'avat passer plus outre, il enoya sommer ledit Roy d'Angleterre de se venir joindre, uyvant leurs traittez au lieu qu'ils avoyent conclu. Mais eritablement l'Empereur ayant consideré l'arduité de son ntreprise, des son arrivée en France, avoit en passant & ins se declarer introduit iceux propos, mais du depuis les voit cachez : les reservant pour sen servit alors que la ecessité en laquelle il estoit reduit le contraindroit. Et ares avoir pensé à la proximité de sa ruine, seit poursuivre haudement ce qu'il avoit premedité touchant la paix, de orte qu'il fut prins jour d'assembler les deputez, tant de la art de l'Empereur que du Roy, au lieu de la Chaussée, mihemin de Challons & de Vitry. De la part du Roy fuent deputez pour cest effect Claude d'Annebaut Amiral e France, & le seigneur de Chemans garde des seaux de rance: & de la part pe l'Empereur, le sieur Dom Ferrant de Sonzague,& le sieur de Granvelle. Et pour aller devers le loy d'Angleterre, de la part du Roy fut deputé le Cardial du Bellay, & avec luy le Presidant Raimond premier residant de Rouen, & le seigneur de l'Aubespine conseiler du Roy, & secretaire d'estat & des finances. L'Amiral 'Annebault & les deputez de l'Empereur ayans par quelues jours communiqué ensemble, entrerent en quelques rticles de traittez, mais ils ne feirent aucune conclusion, t sen retourna ledit Amiral au camp, & feit entendre u Roy l'estat de sa negotiation, pour sur iceluy sçauoir

volonté.

C a temps pendat l'Empereur vint loget à Thin l'Evefue, deux lieuës pres de Challons: puis passant entre Chalons & nostre dame de l'Espine, vint camper pres de la riière de Marne une lieuë au dessous de Challons, & deux cuës pres de nostre camp, & estoit ladite rivière entre eux. Passant l'atmée Imperiale par devant Challons, ceux e l'adite ville cognoissans que l'Empereur passoit outre sans le vouloir attaquer, la jeunesse de monseigneur de Nevers fortit à l'escarmouche, pour recognoistre l'ennemy, & rompre leurs lances pour l'amour de leurs dames, & avecques eux les chevaux legers, de sorté que l'escarmouche se drella forte & roide, & se feirent de belles charges prinses, & recousses tant d'un costé que d'autre: mais en fin arriyant la force du camp de l'ennemy, noz gens furent contrains de tenir bride. Il y mourut de gens de bien, & d'une part & d'autre, & entre autres des nostres le seigneur des Bordes, & le jeune Genlis, tous deux de la maison de monseigneur d'Orleans, & furent tuez de coups de pistoles, qui sont petites archouzes qui n'ont qu'environ un pied de canon, & tire l'on avecques une main, donnant le feu avec le rouet.

Estant l'Empereur campé au lieu que je vien de di-Prise du Co- re, le Comte Guillaume de Fustemberg (qui estoit l'un des te Guillaume principanx qui avoyent persuadé à l'Empereur de prendre ce chemin, par ce qu'il le cognoissoit, pour avoir esté sept ou huict ans au service du Roy, & venant d'Allemagne pour ledit service, prenoit tousjours son chemin le long d'icelle riviere de Marne) partit environ minuict du camp Imperial, seulement accompagné d'un guide, pour aller re cognoistre un gué de ladite riviere, où autresfois il avoit passé, esperant par là faire passer l'Empereur, & son armée. Arrivé qu'il sut audit gué, laissa son guide sur le bord de l'eau, pour luy mesines sonder le gué, lequel il trouva fort ailé, & le passa: mais quelques gentils hommes de la maison du Roy, & une partie de la compagnie de monsseur l'Amiral, ausquels il touchoit ceste nuict de faire la garde, estans leurs sentinelles prochaines de là (car elles estoyent le long de l'eau) descouvrirent ledit Comte Guillaume; & sans faire alarme, se jetterent entre la riviere & luy, tellement que se cuidant retirer au passage, il fut prins sans resistance: puis estant amené au camp, fut recogneu, & enyoyé en la bastille de Paris, & depuis paya trente mille efcus pour la rançon.

Chemin de l'Empereur.

L'EMPEREUR voyant son armée se ruiner par famine, à cause que de toutes parts les vivres luy estoyent coupez tant devant, derriere, que par les costez : delibera faire sa retraitte par Soissons. Mais secrettement par un moine

Espagnol, de la maison de Gousméts, lequel avoit esté l'instrument du confesseur de l'Empereur, pour mettre les traictez en avant, feit haster de remettre sus les propos de la paix, feingnant toutesfois qu'elle ne venoit de luy. Et cependant pour trouver moyen de vivre, suyvit tousjours la riviere, estant en hazard d'une grande ruine, sans qu'il fut adverty que monseigneur le Dauphin avoit envoyé à Espergnay un capitaine de gens de pied, pour faire retirer les vivres qui estoient audict lieu, & rompre le pont qui estoit sur la riviere, & ce qui ne se pourroit sauver tant de bleds, vins, qu'autres vivres, le jetter en la riviere aval l'eau, & le gaster. Mais il y feit mal son devoir, de sorte qu'il fut surprins de l'Empereur, lequel trouva le pont qui n'estoit rompu, & grande abondance de vivres, d'autant que c'estoit l'une des estappes de nostre camp : chose qui luy donna occasion de passer outre jusques à Chasteau-Thierry, où pareillement il surprint les vivres en si grande abondance, que son armée qui estoit affamée, se remist en vigueur. Audict lieu de Chalteau-Thierry fut grand mutinement entre les Espagnols & Lansquenets dudict Empereur, de sorte qu'à peine peurent ils eltre empeschez, de ne se donner la bataille les uns aux autres, à cause que lesdicts Lansqueners trouvoyent mauvais que les vivres leurs fussent departis par lesdicts Espagnols.

Monseigneur le Dauphin adverty de la faulte advenue à Espernay, laquelle pourroit estre cause de faire marcher l'Empereur jusques pres Paris, depescha le sieur de l'Orges, avecques vij ou viij. mille hommes de pied, & quatre cens hommes d'armes, pour entrer dedans Paris, y avenant le beloing, lequel farresta à Lagny sur Marne, pour estre plus à propos pour executer ce dont il avoit chat ge, car ledit lieu est à cinq lieues de Paris. Puis suy vant la riviere en toute diligence gaingna le devant, & vint camper à la Ferté soubs Iouare, quatre lieues au dessoubs de Chasteau-Thierry sur la messine riviere, & envoya à Meaux bon nombre d'hommes pour empescher le passage audit Empereur: puis avec son armée s'approcha pres de Paris, craignant que le Roy d'Angleterre marchaît de ce coîté. L'Empereur cognoissant la diligence que mondit-seigneur le Dauphin avoit faicte, de venir gaigner le passage de la Ferté, & ayant craincte de tomber en extremité de famine,

Mm iiij

tourna son chemin vers Villiers Coste Reets à travers le pais de Vallois, pour arriver à Soissons.

Diferurs sur la paix que

fest le Roy.

CE PENDANT le Roy estoit à Paris importuné sous main de faire paix avecques l'Empereur, laquelle-il consentit, neantmoins qu'il luy contast de ses nouvelles conquestes, cognoissant (ores qu'audit Empereur il donnast la bataille) qu'elle ne se pouvoit passer sans grande perte d'hommes, foit ou qu'il la gaingnast, ou perdist : & que le Roy d'Angleterre, & le Comte de Bures, lesquels avoient aulsi puissante armée que la sienne, luy pourroient encores, donner une bataille: & perdant l'une ou l'autre, ou toutes deux, son toyaume seroit en hazard: & les gaignant, si ne pouvoit-il beaucoup profiter, melines sur le Royaume d'Angleterre, qui est insulaire. Ioinct qu'il estoit tous les jours solicité par le Mareschal du Biez, de luy envoyer secours de vivres dedans Montreul, autrement il seroit contrainct par famine la remettre entre les mains de l'ennemy. Pareillement n'estoit trop asseuré de la sussissante du seigneur de Vervin, qui estoit chef dedans Boulongne: & consideroit que s'il perdoit lesdictes villes, l'ennemy auroit entrée pour empieter son Royaume: & que difficilement elles pouvoient estre secoutues fil n'appointoit avec ledit Empereur. Parquoy depescha l'Amiral d'Annebault, lequel fut trouver l'Empereur en l'abbaye de sain de Iean des Vignes, aux faulxbourgs de Soissons: auquel lieu estant arrivé; le Roy l'advertit, comme il avoit eu nouvelles que le seigneur de Vervin avoit rendu Boulongne, & qu'il procedast diligemment à la conclusion du traicté : car si l'Empereur eust esté certain de ceste reddition (combien que la paix luy fust necessaire) il eust esté plus hault en ses demandes.

I L est faist mention aux precedents livres, comme tous les differends, ou la plus grade part, d'entre le Roy & l'Empereur, estoient meuz pour le Duché de Milan: & que du vivant de seu monseigneur le Dauphin François, premier fils du Roy, iceluy seigneur avoit proposé audit Empereur, que dudit Duché (comme propre heritage de la maison d'Orleans) il investist monseigneur Henry Duc d'Orleans, qui depuis sur monseigneur le Dauphin, & puis Roy, chose à quoy ledict Empereur n'avoit voulu enrendre: mais bien avoit saiet offre de saire le mariage de monseigneur

Charles, Duc d'Angoulesme tiers fils du Roy, qui depuis a esté Duc d'Orleans, avecques sa fille ou niepce, & que par le moyen dudict mariage, l'investiroit dudict Duché de Mi lan. Laquelle offre le Roy n'avoit admise, pour eviter de mettre en division mondit-seigneur d'Orleans & monseigneur d'Angoulesme, de preferer le puisné à l'aisné. Mais quand l'occasion s'offrit de traicter la paix avecques l'Em-Articles de pereur, pour l'effect de laquelle monsseur l'Amiral d'Anne-paix avec bault, par le commandemet du Roy fut trouvet ledict Em-l'Empereur. pereur en l'abbaye de S. Iean des Vignes pres Soitlons, ce party fut remis en avant pour ledict Charles fils puissé du Roy alors Duc d'Orleans. Et en fin fur conclu que ledict Duc d'Orleans devoit dedans deux ans espouser la fille de l'Empereur, ou sa niepce fille du Roy des Romains, moyen nant lequel mariage, à la conformation d'iceluy, l'Empereur investiroit iceluy Duc d'Orleans du Duché de Milan, ou bien du Comté de Flandres & païs bas, à l'option dudit Empereur. Aussi le Roy en ce faisant remettroit à l'Emreur le droit par luy pretedu audict Duché, & au Royaume de Naples, au cas qu'il baillast les païs bas audist seigneur d'Orleans: & pareillement devoir le Duc de Savoye estre remis en la possession de ses païs, alors que ledict Duc d'Orleans seroit jouissant du Duché de Milan, ou du Comté de Flandres. Ét attendant ledict terme de deux ans, se devoit rendre tant d'une part que d'autre, ce qui avoit esté respe-Aivement usurpé tant deça que delà les monts, depuis la trefve faicte à Nice: & seroient toutes choses remises en l'estat qu'elles estoient lors d'icelle trefve. Quant à l'Empereur, il rendit au Roy du costé de deçà les monts, sain Et Disser, Ligny, & Commercy: de la part du Roy sut rendu audict Empereur, Yvoy, Montmedy, & Landrecy: & fut la ville de Stenay (les fortifications d'icelles rasées) remise entre les mains du Duc de Lorraine. Du costé d'Italie l'Enpereur rendit seulement la ville de Montdevis, & le Roy luy rendit Albe, Queras, Antignan, sainct Damian, Palezol Crefentin, Verrue, Montcal, Barges, Pont-d'Esture, Lans, Vigon, & S. Salvadour, fainct Germain, & la plus part du pais des Langues, & du Marquisat de Seve, & aussi la Valpergue.

L E s traittez de paix ainsi accordez, l'Empereur mada au Comte de Bures, & au Comte du Reux, qui estoient devant

Montreul avecques son armée en la compagnie du Duc de Northfolk, & d'une partie de l'armée d'Anglererre, que ils cussent à leur retirer, & licentier sadicte armée. Ce fait, partant de Soissons pour prendre son chemin à Valentienne, fen alla à Nisi le Chasteau, de là à Crespy en Laonois, puis à la Fére sur Oize: auquel lieu le vint trouver le Duc d'Orleans, pout l'accompagner jusques hors des limites de ce Royaume, & avecques luy monfieur Jean Cardinal de Lor raine, le Cardinal de Meudon, le Comte de Laval, le seigneur de la Hunaudaie, & autres: lesquels l'accompagnerent jusques à Bruxelles, comme hostagers, jusques à ce que la reddition des places que le Roy tenoit dela les mots fust faicte. Puis l'Empéreur & le Roy depescherent en Piemont devers le Marquis du Guast, & le seigneur d'Anguien leurs lieurenans generaulx dela les monts, pour faire publier la paix, & pour chacun en son endroict faire restituer les places qu'ils tenoient l'un de l'autre: m is le Marquis n'eut grande peine à rendre, car il ne tenoit de conqueste sur nous depuis la trefve de Nice, que le Montdevis.

OR revenons au Roy d'Angleterre, devets lequel le Roy

(alors que les deputez de sa majesté, & ceux de l'Empereur furent depeschez pour se trouver au lieu de la Chaussée, pour le traicté de paix, dont est faicte meution) avoit depesché le Cardinal du Bellay. Iceluy du Bellay l'eust peu conduire à ceste raison de paix, veu que l'Empereur y vouloit entrer, mais ledice Roy d'Angleterre estant bien ad-Prise de Bon verty de l'estonnement auquel estoit entré le seigneur de Vervin chef dedans Boulongne, usa de dissimulation, remettant les choses en longueur, se tenant certain que de bref il auroit telle issue de son entreprinse de Boulongne qu'il desiroit, & ce pendant il envoya ledict seigneur Cardinal & sa compagnie au chasteau de Hardelor, pour estre logé plus commodement! Le seigneur de Vervein qui (come j'ay dit) estoit homme peu experimenté, apres avoir enduré grande & furieuse batterie, soultint quelque forme d'assault, mais (à ce que j'ay entendu par luy mesmes) la vertu du capitaine Philippe Corse sur cause de le faire soustenir si longuement : mais en sin ledict capitaine Philippe estant à la breche, fut frappé par la teste d'un esclat d'artillerie venant du camp, dont il mourur. Ledict seigneur de

Vervin l'ayant perdu, & n'ayant plus que toute jeunesses

logne par composition. aupres de luy, & de soy-mesmes estonné commença à parlementer, auquel parlement succeda tel effect, qu'iceluy seigneur de Vervin feit sortir le seigneur de sainct Blimot, vicil soldat, portéseigne du seigneur du Biez, & le seigneur de Freumeselles commissaire des guerres, pour entendre la volonté du Roy d'Angleterre, laquelle fut que les gens de guerre, & citadins s'en iroient leurs bagues sauves, remettas la place entre ses mains, avecques toute l'artillerie munitios & vivres dont de tout y avoit abondance. Les citadins n'y vouloient consentir, mesmes le Majeur feit offre audict seigneur de Vervein, que fil vouloit sen aller luy avecques les citadins, & les gens de bonne volonté garderoit la ville, mais jamais ne fut ouy. Le lendemain que la composition fut accordée, & devant qu'hostages fussent baillez, survint si extreme tourmente, tant de vent que de pluye, que dedans le camp de l'ennemy ne demeura une seule tente debout, & pour les terres qui sont grasses, nul ne pouvoit marcher ny avant, ny arriere. Toutesfois jamais l'opinion du seigneur de Vervein ne changea, & ne peut estre persuadé qu'il ne remist la place entre les mains du Roy d'Angleterre, disant qu'il ne luy vouloit faillir de sa parole, mais il faillit bien de sa foy à son naturel & souverain Prince, dont du depuis il eut la teste tranchée a Paris. Il est certain que fil eust tenu deux jours, la ville estoit sauvée : car (come j'ay dit)pour la pluyen'y avoit ordre de marcher à l'afsault, & ce pendant monseigneur le Dauphin qui marchoit en diligence pour le secoutir, fust approché, qui eust faict changer le desseing du Roy d'Angleterre.

Du RANT le siege, le seigneur de Sainst André, jeune homme de grande volonté, des plus proches de la personne de môseigneur le Dauphin, entreprint d'entrer dedans Boulongne, ayant choisi des gens de bien & d'experience, pour mener quand & luy, esperant faire grand service à son Prince, & luy sauver sa ville, que l'on cognoissoit en ha zat de perdition. Et par-ce que par terre n'y avoit moyen d'y entrer, pour les trenchées qu'y avoient faict les Anglois, & forte garde d'icelles, delibera d'y entrer par mer, mais le vent & la tourmente luy surent si contraires, que deux ou trois sois ayant doné à l'embouchement du havre, autant de sois il sur rejetté en la mer: parquoy apres avoir

renté toutes fortunes, sur contraiuct de retournet dont il

estoit party.

Le Roy ayant faict la paix avecques l'Empereur, feit promprement marcher son armée, pour surprendre le cap des Anglois, qui estoit devant Montreul, & trouver le Roy d'Angleterre devant Boulongne, abandonné de l'armée Imperiale, & luy donner la baraille, sinon, qu'il levast son camp, & se retiralt: puis trouvant Boulongne fort ruinée (comme on disoir) avant que les Anglois eussent loisir de la remparer, y auroit moyen de la reprendre. Mais le Duc de Northfolk, qui estoit devant Montreul, ayant entendu que nostre atmée approchoit de Hedin, craignant qu'elle ne se jettast entre Boulongne & luy, pour empescher la retraitte, leva son camp, & pria le Comte de Bures de l'accópagner jusques au lieu de scureté, ce qu'il feit. Le Roy d'An gleterre (estant le Duc de Northfok joinst avecques luy) congnoissant que ses forces separées d'avecques celles de l'Empereur, n'estoient sussissantes pout soustenir l'armée du Roy, se rerira à Calais, faisant embarquer à Boulongne une partie de sa grosse artillerie, pour mener en Angleterre: & laissa pour la garde de sa conqueste le Duc de Sombreslet, nommé Milord Semer, frere de la feuë derniere Royne son espouse, dont estoit sorty Edouart qui depuis fut Roy.

MONSEIGNEUR le Dauphin adverty que le siege de devant Montreul estoit levé, & que le Roy d'Anglererre f'estoic retiré à Calais, mais pour la haste qu'il avoit de deloger, avoit laissé la plus part de son artillerie, vivres, & autres munitions dedans la basse Boulongne, partit d'Auchy le Chasteau, & print le chemin par le hault païs de Boulenois, passant à un village nommé Escuelles, laissant la Fosse Boulenoise à gauche pour venir à Marquise, mi-chemin de Boulongne & de Calais. Duquel lieu de Marquise, apres y avoir refreschy son armée deux ou trois heures, partit pour arriver à la basse Boulongne devant le jour (ainsi qu'il feit)afin de surprendre ladite artillerie, vivres, & munitions Defaite de qui y estoient (or n'estoit ladicte basse Boulongne sermée que de quelques petites tranchées). Et estant pres furent ordonées deux trouppes, dont la premiere estoit conduitte par le seigneur de Fouquessolles, pour faire l'execution: & avécques l'autre, & plus grosse trouppe, devoit marcher

sos gens penant Surpren-(re Bologne.

le seigneur de Tais pour soustenir ledict de Fouquessolles: puis devoient marcher six mille Grisons pour se jetter en un vallon, & secourir où besoing seroit. Mais il me semble qu'ils devoient jetter une teste de dix ou douze enseignes, entre la basse Boulongne & la haute, pour empescher les faillies de ceux de la haulte Boulongne: je ne sçay fil fut or donné, toutes fois il ne fut pas executé. Aussi estoit il raisonnable, qu'il demeurast quatre ou cinq enseignes en bataille sur la place de la basse Boulongne, pendant que se séroit l'execution, où chacun se pourroit recueillir. Le seigneur de Fouquessolles suivant ce qui luy estoit ordonné, donna dedans la place, & le suivit le seigneur de Tais: tout ce qui se trouva d'ennemis fut mis au fil de l'espée, l'artillerie du Roy d'Angleterre & les munitions gaingnées: de sorte que noz gens pensoyent avoit la victoire, mais autrement en advint, car cinq ou six enseignes sortans de la haute Boulongne, trouverent nos soldats en desordre, comme gens qui l'amusent au butin, & les mirent à vau de roupte. Le seigneur de Fouquesolles cuidant se retirer à la place, pour faire teste, y fut tué: le seigneur de Tais se retirant out quelque coup de fleche, & n'y eur jamais ordre de rassembler les soldats, & quelques remonstrances que leur peussent faire les capitaines, ne voulurent tourner visage au peu de nombre qui estoit sorty: & mesmes nos Italiens s'en allerent en confusion, jusques au lieu où estoient les six mille Grisons pour les soustenir: & si je pense qu'il y avoit autant de bons soldats qu'il en sust pour l'heure en Europe, qui me faict croire que sur toutes cheses on doit, en faisant quelque entreprinse, prevoir les inconveniens qui peuvent advenir, & y pourveoir en temps & lieu: d'autant qu'il est tard, & quelquesfois impossible d'y remedier apres que le desordre est advenu. Monseigneur le Dauphin àtoutes forces vouloit marcher luymesmes, & hazarder sa personne pour y donner ordre, mais il ne fur conseillé de ce faire, attendu que le jour estoit venu, & que la ville à coups de canon qui battoient de poincte en blanc, de hault au bas, empeschoit qu'on ne se pouvoit rallier ensemble : aussi la pluye estoit si extreme, que la plus part de noz archousiers estoient sans seu, & le reste pour l'indisposition du temps, n'avoiét moyen de faider de leurs armes. Ce pendant quelque cavalerie des nostres, avoit donné entre Boulongne &

la tour d'Ordre, mais elle fut contrainte de se retirer, se

voyant abandonnée des gens de pied.

C E desastre advenu, monseigneur le Dauphin voyant les pluyes si continuelles, & la faute de vivres qui estoit en son cap(par-ce que il estoit venu en telle diligéce, que mesmes à cause des mauvais chemins les vivres ne l'avoient peu suivre rellement que la plus part de son armée sut trois jours sans manger pain, & à qui en avoit le soldat donnoit son harnois pour un pain, & ne pouvoir lo avoir vi vres de plus pres qu'Abbeville, d'autant que tout le Boulenois jusques à Montreul estoit ruiné & brussé, & semblablement depuis Montreul jusques à Abbeville, qui sont dixsept lieues d'intervalle,& ne le trouvoient herbes ny autre fourrage pour les chevaux) se retira par l'advis des capitaines vers Montreul: auquel lieu apres avoir eu nouvelles du Roy son pere, licentia les Suisses & Grizons, laissant à Montreul pour faire teste à ceux de Boulongne, monsieur le Mareschal du Biez, avecques les bandes tant Françoises qu'Italiennes venues de Piemont, & puis se retira devers le Roy, qu'il trouva à S. Germain en Laye. Aussi le seigneur d'Anguien, apres avoir ordonné le seigneur de Termes, pour suivant le traitté de paix, restituer les places par luy conquises sur l'Empereur, se retira devers le Roy qu'il vint trouver à Mante, peu de jours avant que mondict seigneur le Dauphin y arrivast.

Durant cest hyver ne se feit de grandes entreprinses, sinon que le Mareschal du Biez ayant mis ensemble toutes les forces qui estoient demeurées en Picardie, alla camper au Porter(qui est un petit port,où seulement se retirent les pescheurs) un quart de lieue deça Boulongne, estant la riviere du Pont-de-brique entre la ville & luy, esperant au dessus dudict lieu titant vers Boulongne & le long de la coste de la mer faire un fort pour renir en subjection le havre de Boulongne. Mais le Milord Sorel fils du Duc de Northfolk, pour rompre ladice entreprinse, assembla les forces que le Roy d'Angleterre avoit par deça la mer, & vint surprédre ledict Mareschal devant qu'il eust en moyen de se fortisser, de sorte qu'il sut contrainct de se retirer vers Montreul: & sans l'ordre qui fut mis par le capitaine Villefranche, maistre de camp des vieilles bandes Françoises, lequel demeura sur la queue, il y avoit grande apparence, qu'il y fust a dvenu une roupte. Si est-ce qu'il y mourut de gens de bien, tant d'une part que d'autre, & pour le mauvais chemin qui estoit à cause des pluyes continuelles, sur la retraitte demeurerent deux pieces d'artillerie de campagne, le reste sut retiré, & se campa ledict Mareschal une lieue par delà Montreul, tirant vers Boulongne, pour avoir la commodité des vivres qui luy venoyent dudit lieu de Montreul.

En ce temps mourut le Roy Iacques d'Escosse, à cause dequoy le Royaume demeura fort despourveu: & pour y Mort du Roy remedier, le Roy depescha avecques bon nombre de gens d'Escosse Est de guerre & d'argent le Comte de Leno de la maison de ce qui s'en en-Stuart, neveu du seu Mareschal d'Aubigny, qui estoit capi-suyvit.

taine des cent hommes d'armes Escossois des ordonnances du Roy, pour aller donner secours à la Royne d'Escosse veufve dudict deffunct Roy, & fille du Duc deGuise, lequel Roy ne laissa de luy & ladicte Royne qu'une fille seule heritiere dudict Royaume. Ledict Comte de Leno arrivé en Escosse, comme jeune & mal conseillé, depensa les deniers du Roy fort mal à propos, & sçachant le mal contétement que lon avoit de luy, praticqua de se retirer au service du Roy d'Angleterre, qui le recueillit, esperant en tirer du service, & Juy donna en mariage une sienne niepce fille de sa sœur, mere du seu Roy d'Escosse: laquelle apres la mort du Roy Iacques le Quart, pere d'iceluy feu Roy, espousa un gentilhomme d'Augleterre, dont estoit issue ladicte fille. Le Roy adverry de ladicte revolte, en toute diligence depeschale seigneur de la Brosse gentilhomme de Bourbonnois, homme sage & bien advisé, pour consoller & conseiller la Royne d'Escosse, Phis peu 'de temps apres depescha le seigneur de Lorges, chevalier de son ordre, avecques une aimée, pour donner aide & secours au pais d'Escosse.

LE Royapres avoir depesché pour le secours d'Escosse, se retita à Remorentin, auquel lieu seit sejour jusques environ le commencement du moys de May, mille cinq cens quarante cinq, mais ce temps pendant ayant consideré que laissant longuement les Anglois dedans Boulongne, ils pourroyent de jour en autre se renforcer, & prendre pied en son Royaume, qui seroit une mauvaise semence, à ceste occasion delibera pour y remedier, chercher tous

1545.

moyens de les en desloger. Parquoy ordonna de dresses, Armée de une grosse armée par mer, dont auroit la conduicte l'Amimer du Roy. ral d'Annebault, & la faire si gaillarde, qu'elle fust pour combattre l'armée d'Angleterre, s'il la trouvoit sur la mer, & où l'occasion se presenteroit, prendre pied en Angleterre.Et pour cest effect manda en Provence le capitaine Paulin depuis Baron de la garde, pour amener vingt-cinq galleres de la mer de Levant en la mer de Ponant, passant le destroit de Gibeltar, chose que lon n'avoit encores veuë, finon l'an mille cinq cens & douze, que le capitaine Pregét en passa quatre. Aussi ordonna de vaisseaux ronds, huict ou dix carraques Genevoises pour renforcer son armée, lesquelles vindrent si tard qu'elles ne servirent de rien, mesnies entrans dedans la bouche de Sene, par faulte de bons pilots, l'en perdit la plus grande part. Pareillement ordonna de dresser une grosse & puissante armée par terre, pour, ce-pendant que son armée de mer feroit son execution, se venir camper devant Boulongne, la riviere entre deux, & là faire un fort: auquel il peust laisser quatre ou cinq mille hommes en seureté, & tenir ceux de Boulongne en telle sujection, qu'ils n'eussent moyen de passer deçà l'eau en ses païs, & semblablement le faisant sur la poincte vis à vis de la tour d'Ordre, empescher à coups de canon que navires ne peussent entrer dedans le havre, pour secourir ceux de la ville, esperant que dedans la mi-Aoust que son armée de met seroit de retour, ledict fort seroit en deffence, ainsi que lon luy promettoit. Et ce faisant estoit deliberé, ayat reuny tous ses gens de guerre, tant de terre que de mer, marcher luv-mesmes en personnage, laissant dedas ledit fort trois ou quatre mille homes, & aller affieger Guines, qu'il esperoit forcer, & là se fortifier pour tenir Calais & la terre d'Oye en sujection, & par ce moyen affamer Boulongne:mais autremet en advint, ainsi que vous otrez par cy apres. Et pour renforcer son armée tant de mer que deterre, il envoya en Allemagne, le Comte Rin grave, le Colonnel Recroc, & le Colonel Ludovic, qui desja avoient chacu deux mille Lasqueners à son service, pout faire nouvelle levée, & remplir leurs regimens jusques au nombre de quatre ou cinq mille chacii. & en Gualcongne & Languedoc envoya faire autre nouvel amas jusques au nombre de dix mille homes, pour remplir ses bnades Françoises, & pour la terre ordona chef dc

DE MESS. MARTIN DU BELLAY.

de l'armée monsieur le Mareschal du Biez.

AYANT faict telles ordonnances, le Roy partit de Romorentin, pour prendre son chemin en Normandie, par ce qu'il vouloit faire l'embarquement de son armée, en la ville Françoise du Havre de Grace, qui est à l'embouchement de la riviere de Seine, & prenant le chemin par Argentan environ la Sainct Iean, se trouva à Toucques: estant audict lieu se descouvrit son armée du Levant, dequoy n'estant ad verty, il estima que c'estoit celle d'Angleterre qui voufist faire descente en la basse Normandie, pour divertir son entreprinse: mais soudain vint un brigantin qui l'asseura que c'estoit son armée de Levant. Aussi peu de jours apres se prè senta devant le chef de Caux trente cinq navires Anglesches, qui tirerent à coup perdu en terre: mais ayans cognoissance de noz galleres qui approchoient, seirent leur retraitte à Potemuth.

Au Dit lieu de Toucque, le seigneur de Langey vine trouver le Roy, qui l'avoit depesché aux frontieres de Chapagne, pour recueillir les Lansquenets, lequel luy apporta nouvelles de leur descente à Mezieres, & qu'il les avoit acheminez par estappes, suyvant son commandemét, le chemin droict à Montreul. Ayant le Roy cest advertissement de la venue desdicts Lansquenets, qui estoit la principale force qu'il attendoit, manda au Mareschal du Biez que incontinant qu'ils seroient arrivez à Montreul, il eust a marcher à Boulongne, & commencer le fort dont j'ay parlé cy dessus, & qu'il eust à luy faire entendre le remps que ledict fort pourroit estre en dessence : & luy seit envoyer six ou sept mille pionniers, & bon nombre de charroy pour conduire fascines; gazons, & autres choses necessaires pour cest effect. Le Mareschal du Biez par le gentilliomme qui alla devers luy, manda au Roy que dedans la mi-Aoust le fort seroit en dessence, ce qui n'advint toutessois, comme cy apres je vous reciteray. Sur l'affeurance d'iceluy Mareschal, le Roy dressa son estat, & meit son but sur icelle, & quant & quant le sixiesme jour de Iuiller, feit faire voille à son armée de mer, laquelle estoit ailemblée au Havre de Grace, & luy pour la voir partir, estoit sur le chef de Caux, dont il pouvoit rout descouvrir. Mais urant les ancres du Embraze-

Carraquon, qui estoit le plus beau navire de la mer de Po-ment du Car nant, & le meilleur à la voille, portant huict cens tonneaux raquon.

de charge, dedans lequel devoit estre la personne de l'Amiral, pour le combat: le feu se meit au fougon, tellement qu'o ne le sceut jamais sauver, qu'il ne fust consommé en cendres: & y avoit cet grolles pieces d'artillerie de Bronze, mesmes y estoit l'arget du Roy, lequel fut sauvé. Plusieurs voulans eviter la furie du feu, se precipiterent en la mer, les galleres en sauverent beaucoup: mais depuis que le feu vint au bas dudict navire, elles furent contraintes de prendre le large, car le feu dona en l'artillerie, de sorte que la batterie qui le faisoit de si grad nombre de pieces, mettoit en fonds tout ce qui se trouvoit devant, derriere, & aux costez. Le nombre des navires ordonnez pour l'armée montoit à cent cinquante gros vaisseaux ronds, sans compter soixante flovins, & vingt-cinq galleres, lesquels tous ensemble se leverent ledit sixiesme jour de Iuillet, tant du Havre de Grace, que de la Fosse d'Eure, Honsseu, Harsseu, & Dieppe, & prindrent la volte pour tirer vers l'isle d'Huicht, & le Havre de Portemuth en Angleterre, auquel lieu de Portemuth estoient les forces de mer du Roy d'Angleterre, lesquelles nostre armée cherchoit à combattre.

L E dixhuictiesme jour dudit moys de Iuillet mille cinq cens quarante cinq, estant arrivé mosseur l'Amiral pres l'isle d'Huicht, mada le Baron de la Garde avec quatre galleres, tant pour recognoistre l'isse jusques à la pointe de S. Heleine, que pour considerer la contenance des ennemis. Ceste pointe, est par où lon entre dedás le canal qui fait la separation de l'isle d'Huicht & Angletetre, regardant vis à vis de Portemuth. L'armée des ennemis estoit de soixante navires eleuz & tresbien ordonnez en la guerre, quatorze desquels à la faveur du vent de terre sortirent de Portemuth d'une grande proptitude, & en si bel ordre, que lon eust dit qu'ils attendoient de pied coy nostre armée pour la cobatre. Mais monfieur l'Amiral allant contre eux avec le reste des galleres, sortit aussi le reste de leur armée hors'du Havre au devant de luy:où apres avoir long temps combatu à coups de cano, les ennemis comencerent à se couler à main senestre au couvert de la terre, en lieu où ils estoient dessendus par quelques forteresses qui estoient sur la falaize, & de l'autre costé de bas & de rochers couverts d'eau, lesquels sont assis au travers du chemin, laissans seulemet une entrée estroite & oblique, pour passer peu de navires de frot. Ceste retraitDE MESS. MARTIN DU BELLAY. 40

& la nuict qui aprochoit, meiret fin au cobat de ce jours ns que tant de coups de canon & d'autre attillerie qui fuent tirez eustions receu perte notable. Quand les galleres rrent de retour pres de la pointe S. Heleine, vindrent nouelles amonsieur l'Amiral que la Maistresse (qui estoit le leilleur& principal navire de nostre armée, & sur lequel il voit deliberé de cobatre) couloit en fons, & qu'il n'y avoit ure esperáce, que de sauver les homes; & l'argent du Roy; quel estoit dedas pour le payemet de l'armée. La cause de dômage fut (à ce que lon presumoit) que sortant du Hare de Honfleu pour se jetter à la rade, sedit navire toucha n terre, & de ce heurt là quille & gaborts festonnerent, de prte que les joints des planches souvrirent tant, que les es ouppes qui estoient mal pressées dedas lesdits joints vinrent à l'abrever, tellement que le jour d'apres ce navire cant agité d'un vent fraiz, feit tant d'eau, que lon ne pouoit plus fournir à l'evacuation.

ESTANT monfieur l'Amiral venu pour donner remectant aux hommes, que audict navire, trouva que le seineur de la Mailleraye Vice Amiral de France ; l'avoit ja ict descharger, & renvoyé au havre pour le radouber. Ce ict, ledict Amiral ayant deputé un autre navire pour luy; sposa de l'ordre des batailles pour le lendemain. L'ordre it, que le navire qu'il avoit eleu pour representer celuy u'on avoit renvoyé au Havre, dedans lequel devoit estre personne, seroit au front accompagné de trente navires u'il avoit eleuz: le seigneur de Boutieres costoyant ce baillon fur la corne droitte, accompagné d'autres trente six avires: le Baron de Curton feroit la corne senestre, armé e pareil nombre de navires: & consideré l'avatage du lieu u se tenoient les ennemis, fut ordonné que dés le matin. s galleres les iroiet trouver à l'ancre, pour les escarmouiet à coups de canon le plus furieusement qu'ils pourpient, & en combattant se retireroient vers noz batailles, our y attirer (l'il estoit possible) noz eunemis, pour les aoir au large au combat, & les tirer hors du destroit. Ceste rdonnance fut treshardiment executée, mais le temps feit ar son changement telle commutation de danger, qu'ou eust sceu juger en si peu d'espace de temps, auquel fortue se mostreroit plus favorable à eux ou à nous:car au mari la faveur de la mer qui estoit calme sans vent ne fureur de

courante, noz galleres se pouvoient regir & manier à leu plaisst & au dommage des ennemis, lesquels n'ayans pou voir de se mou voir par faulte de vent, demeuroyent appertement exposez à l'injure de nostre artillerie, qui avoit plugrande prinse sur leurs navires, que les navires sur elles, d'au tant qu'ils sont plus eminés & plus corporus, & que par l'u s'age des rames, noz galleres pouvoient souyr & decliner le danger, & gaingner l'avantage.

FORTUNE entretint nostre armée en ceste sorte plu d'une heure: durant lequel temps, entre autres dommage qu'en receurent les ennemis, la Marirose l'un de leurs prin cipaux navires, à coups de Canon fut mis au fonds, & d cinq ou six cens hommes qui estoient dedans, ne s'en sauv. que trente cinq. Le Grand-Henry qui portoit leur Amiral fur tellement affligé, que l'il n'eust esté soustenu & secour des prochaines navires, il faisoit une mesme sin: autres plu memorables pertes eussent ils faict, si le temps ne se sul tourné en leur faveur, qui non seulement les exempta de c peril, mais fut propice à nous courir sus, en se levant seule ment un vent de terre, lequel avecques la courante les ap portoit à pleine voille sur noz galleres. Et sut ceste muta tion si soudaine, que noz gens à peine eurent loisir ne l commodité de girer les proues: car au temps de la bonass que vous avez ouy, & à la chaleur du combat, les gallere estoient si fort approchées, venans si soudain les navites su elles de telle imperuosité, que sans aucun remede leur pas soient par deslus le corps, & les mettoient en fons, si par un grande asseurance des chefs, addresse & experience des ma riniers, & de la chiorme, on n'eust donné force, & celerit extreme à tournet les galleres. Et par ces moyens ayan noz gens giré les prouës, avecques l'agilité des rames & fa veur des voilles, s'essoignerent en peu d'heure à la-porté d'un canon, & commencerent à essargir la vogue, & alen tir leurs cours, pour attirer les ennemis, ainsi que leur e stoit ordonné, hors des bans & difficultez des lieux cy del fus expolez:

I L y a une espece de navires particulieres, dont usoien noz ennemis, en sorme plus longue que ronde, & plus e stroitte beaucoup que les galleres, pour mieux se regir s commander aux courantes qui sont ordinaires en cest mer: à quoy les hommes sont si duits, qu'avecques ces vais

ceaux, ils contendent de vitesse avecques les galleres, & les nommét ramberges. Il s'en trouva que sques unes à ceste retraitte, qui d'une incroyable velocité suivoient noz galleres en pouppe, & les molestoient de leur artillerie tresinstamment: dequoy elles ne se pouvoient dessendre n'ayaus artillerie en pouppe: parquoy eust fallu qu'elles eussent retoutné sur eux, & ce faisant, se fussent mises en evidente perdition: car girant pour les combattre, les ennemis avoyent temps de les aborder à pleine voille, & par ainsi les tresbucher. Toutesfois le Prieur de Capouë frere du seigneur Pierre Strosse ne pouvant plus comporter ceste indignité, se confiant en l'agilité de sa gallere, commença à tourner fur un lequel ayant de vácé les autres, tenoit presque une de nos galleres par pouppe: mais ce navire pour estre pl' court, tourna plus tost, & redressa son chemin devers son corps de bațaille: & depuis ne luy, ny les autres, se meirent à suivre. Ce pendant monsieur l'Amiral estoit dedans son navire, ayant fait mettre les autres en armes selon l'ordonnance cy dessus exprimée, & ja estoit pour donner le signe de cobat, fil n'eust veu les ennemis eux retirer de leur chasse, & reprédre le chemin de leur fort: à quoy il cogneut seuremet qu'ils attendoient qu'à la confiance de noz forces, nous vinfions temerairement à les trouver à nostre desavantage, & que leur intention estoit de suivre noz galleres entant qu'ils le pourroient faire sans riens hazarder, esperans nous attirer sur les bans & battures. En ce conflict nous feismes perte de quelques forçats, & de quelques soldats privez: d'hommes de nom, il ne sen perdit pas un.

AYANT monsieur l'Amiral comprins l'intention des ennemis, se resolut de tenter par autres moyens de les attirer: car ayant nouvelles que le Roy d'Angleterre estoit arrivé à Portemuth, eut opinion que faisant descente en terre, gastant & bruslant son païs à sa veuë, & presque entre ses mains tuant ses hommes, que l'indignation qu'il prendroit de telle injure, la compassion qu'il auroit du sang & mort de ses subjects, & le gast & brussemet de son pais l'es-

mouveroient tant, qu'il feroit partir ses navires pour aller Descente de au secours, principalement n'en estant essoigné de deux monsseur l'Atraits de canon: ou s'il n'y vouloit entendre, le desplaisir de miral en Anses sujects se voyans n'estre en riens relevez de la presence gleterre.

du Prince, pourroit engendrer quelque sedition & muti-

nement au païs. La descente se feit en trois divers lieux tout en un temps, pour tenir la force des ennemis separée : en un costé sut mandé le seigneur Pierre Strosse pour descendre au dessis d'un petit sort, où les ennemis avoient quelque artillerie, dont ils battoient noz galleres par slanc : là dedans s'estoit retiré un nombre de gens de pied du païs, lesquels ayans veu la hardiésse des nostres, abandonnerent le sort, & se meirent en suitte dedaus un bois taillis vers les parties mediterranes : noz gens à la poursuite en tuerent quelques uns, & brusserent les maisons circonvoissines.

En autre endroict descendit le seigneur de Tais General des gens de pied & avecques luy le Baron de la Garde General de noz galleres. Eux n'ayans trouvé resistence à leur descente, tirerent avant, pour recognoistre & considerer le païs, mais ils n'allerent gueres loin qu'ils ne trouvallent aucuns escadrons de gens de pied, qui par voyes secrettes & couvertes par les bois, s'estoyent assemblez és lieux plus opportuns pour le combat à leur auantage. A la confiance dequoy ils feirent teste à noz gens, & en blesserent quelquos uns : & entre autres le seigneur de Moneins y eut la main droitte persée d'un coup de fleche: mais le reste de noz gens marchans en baraille, leur feirent abandonner leur lieu, & se retireret à vau de roupte, par les mesmes chemins qu'ils estoiet venuz, par lesquels on ne les pouvoit suivre qu'en desordre, & à la file. En autre endroich descendirét les capitaines Marsy & Pierrebon capitaines de galleres, lesquels furent blessez en un combat contre une trouppe d'Anglois qui s'estoient assemblez. Les autres gens de guerre estoient ce pendant és navires attendans le commandement de monsieur l'Amiral pour sortir: aucuns desquels voyans le feu de tous costez par pais, & la lissere de la mer abandonnée à nostre liberté; descendirent secrettement & sans congé en lieu essoigné de leur Coronnal, pour n'estre par luy empeschez, lesquels descendus sans coduitte & sans chef pour leur commander, l'espandirent plus franchement par le païs & sans consideration: ayans à la veuë des ennemis gaingné le hault d'une montagne qui traverse l'isle d'Huicht en largeur, furent assaillis par gens de cheval & de pied si vivement que quelques uns furent tuez, & aucres prins, & le reste poursuivis en desordre jusques au bas

de la montagne pres de la marine, où à la faveur de nostre armée, & d'une haye & fossé qu'ils trouverent, se rassemblerent & firent teste à l'adveu de leurs compagnons qui estoyent dedans les navires: dont plusieurs de ce esmus, mon terent en barque en grande haste, & allerent à leur secours: qui leur donna tel cueur quils regagnerent la montagne, mettans les ennemis en chasse, qui se retirerent loin en terre jusques à un ruisseau qu'ils passerent par dessus un pont qu'ils conperent pour crainte d'estre suyvis des nostres, & là se tindrent cois attendans du renfort. Cela venu à la cognoissance de monsieur l'Amiral, craignant que ses gens estans sans chef vagabonds, ne receussent quelque honte, commanda au seigneur de Tais d'y aller en personne pour

les faire retirer, ce qu'il feit.

L's jour ensuivant, ledit seigneur Amiral ayant veu que par nul moyen se pouvoyent retirer les ennemis au combat, delibera les aller assaillir au lieu où ils estoyent: & sur ceste deliberation assembla en public tous les pilots, capitaines & mariniers, pour mieux entendre la nature & gualité du lieu, & le remede que lon pourroit prendre contre la difficulté des bans cy dessus mentionnez: leur remonstrant combien nous estions superieurs tant de nombre de navires, que de valeur d'hommes, & quel proffit porteroit ce que devoit au Roy & au Royaume une telle victoire, laquelle il tenoit faire l'armée cetteine qui pourroit aller jusques à eux. Les hommes tant de mer. capitaines que soldats se trouverent prompts de vouloir aller au combat, mais l'incommodité du lieu leur apportoit tant de hazards, que les capitaines de marine & pilois, asseuroyent n'estre possible d'y aller sans evidente perte. Ét les raisons qui les mouvoyent estoyét telles, qu'il falloit entrer par un canal par lequel ne pourroyent arriver que quatre navires de front, ce que aisement les ennemis pouvoyent deffendre, presentant pareil nombre de navires en teste: avecques ce on n'y pouvoit aller qu'en faveur de la courante & du vent, & quand les quatre premiers navires seroyent empeschez, ladite courante porteroit sur eux les autres qui les suyvoient & les fraccasseroyent: & outre cela, qu'ils avoient à combattre pres de leur terre, de laquelle à coups de canon ils seroyent favorisez à nostre prejudice:ce que encores n'estant receu en consideration, il devoir estre certein, que si les navires s'abordoyent & accrochoyenr,

capitaines de

Nn iiij

la force de la courante les jetteroit en terre les uns sur les autres. En cest endroit sut parlé de combattre à l'ancre, à quoy respondirent les pilots, que les cables se pourroient coupper, & la où ils ne se couperoient, que le danger n'en seroit moindre, car la courante est de telle nature, qu'elle fait tousjours girer la prouë des navites devers soy, & en ce suisant se monstreroit la poupe de noz navires à noz ennemis, en lieu de leur presenter la prouë ou le costé. A ces raisons en adjousterent une autres qu'ayans jetté l'ancre, les navires ne s'arresteroyent pas tout court, car ils vont de telle sorce que les contraignant, ils tresbucheroyent ou romperoient l'ancre ou cable, & partant il fault filer & couler les cables peu à peu, pour par ceste mesme sorte arrester les navires & venans à ce faire, ils pourtoient aller jusques à tou-

cher la terre, & souvrir & perdre.

C E s raisons se trouverent si apparentes, que lon n'y pou voit contredire: mais monsieur l'Amiral & autres capitaines craignans que les pilots (combien qu'ils fussent tous conformes à leur dire) ne feissent par couardise les choses plus difficiles qu'elles n'estoyent, ne se voulut satisfaire, que il n'eust envoyé sonder le fons du canal, mesmes sa largeur, & confiderer l'avantage que le dedans du goulphe portoit aux ennemis: 32 pour ce faire donna commission à trois pilots accompagnez d'autant de capitaines, pour la nuict sondet tout à loilir, & vaquer à celt affaire. Le matin à leur retout ils feirent rapport tout conforme à ce que vous avez ouy, & dirent d'avantage, que l'entrée du canal n'estoit droitte, mais sinueuse & tirant vers les ennemis, de sorte qu'un navire estranger y pourroit à peine entrer sans pilote, & y allast il sans souspeçon ne doute du combat. Le rapport faict en la presence des capitaines, son meit en deliberation ce qui seroit plus expediant pour le service du Roy, ou se lever de là pour prendre chemin vers Picardie, & favoriser noz gens, & empescher le secours des Anglois d'aller à Boulongne, ou d'entendre à la fortification de l'isle d'Huicht, qui seroit au grand dommage du Royaume d'Angleterre. Entre autres raisons qui induirent aucuns seigneurs assistans à vouloir fortisser l'isse, furent celles cy : que l'ayans en nostre puissance, aisement nous viendrions à estre seigneurs de Portemuth, qui est un des plus beaux ports d'Angletetre, & par ce moyen tiendrons les ennemis en incroyable des

pence, ayans à entretenir continuellement armée tant par mer que par terte, pour faire teste à noz gens: & outre, nou serions sur le passage d'Espagne & Flandres, que nous tiendrions à nostre plaisir: & qu'avecques le temps l'isse se pourroit cultiver, & rapporter vivres pour la nourriture de la

garnison que le Roy y tiendroit.

C & s utilitez semblerent grandes & fortes à considerer: mais au contraire, debattoyent autres difficultez non de moindre consideration: la premiere que au lieu trouvé plus commode à fortisser, pour estre de forme demy circulaire, faudroit à l'opinion du seigneur de Tais, & de S. Remy, & autres à ce cognoissans, edifier trois forteresses tout en un temps: deux, sur les deux pointes du demy cercle, pour la deffence de la rade, & protection de noz navires & une autre sur la rotondité pour loger noz gens: ce qui monteroit à extreme despense, & ne se pourroit achever en moins de temps que de trois mois, encores qu'on eust six mille pionniers: que le lieu estoit tel pour estre au cueur des ennemis, que lon n'y pourroit laisser moins de six mille soldats, chose impossible pour l'heure, laissant les vaisseaux armez. Et outre plus que l'armée ne se pourroit essoigner, que les forts ne fussent en deffence : & de demeurer il leur estoit impossible, n'ayans port contre la fureur & tourmente des vents; ny vivres abondamment, & l'approchant l'arrriere faison qui est pluvieuse & venteuse, les navites n'y pourroyent estre seurement, ny les soldats qui seroyent laissez en terre, ne pourroyent resister à l'injure du temps, n'ayans habitation pour se tenir à couvert, ny tentes, ny cou vertures. Lesquelles incommoditez deduites, divertirent les autres de leur opinion, & fut conclu à differer ceste entreprinse jusques à la response de la volonté du Roy. Quant à mon opinion ne deplaise à celle des seigneurs de Tais, & de Saince Remy, il me semble que veuë l'affection & lo moyen qu'avoit le Roy de se mettre en repos contre son ennemy le Roy d'Angleterre, il se presenta une occasion pour ce faire, laquelle malaisement de long temps soffrira: mais Dieu conduit les choses en la forme qu'il luy plailt.

C E pendant les galleres se refreschirent d'eau, pour le soir survenu faire voille vers Douytes, costoyant ladite isle

d'Huicht, pour de là traverser à Boulongne. L'endroit qui se trouva plus commode à prédre l'eau, estoit en un lieu au dessous de la montagne, qui faict la lisiere, de l'isse à l'encon tre du Havre de Grace: là où estant venu le chevalier d'Aux Provensal, capitaine des galleres faittes en Normadie, pour n'estre empesché en son aiguade, de peur que ses gens en ceste occupation ne fussent assaillis au despourveu, alla à terre pour asseoir son guet, ne l'asseurant du tout en son argousin, l'ayant assis en compagnie d'une trouppe de gens qui l'avoyent suivy au sortir de sa gallere, pour mieux encores descouvrir, monta au hault de la montagne, où il trouva une ambuscade d'Anglois, qui luy vindrent courir sus si vivement, que ses gens n'ayans loisir de se tecognoistre se meirent en fuitte & l'abandonnerent. En cest instant ledit chevalier sut frappé d'une stesche au genoil, qui le seit tresbuscher; puis se relevant sut frappé sur la teste d'un coup de youge, (qui sont armes que portent lesdits Anglois) si rudement qu'on luy feit voler-le morion hors de la teste, & tresbuscher une autre fois, & alors un autre coup luy fut redoublé, lequel luy feit tomber la cervelle à terre, qui fut grande perte pour le service du Roy, car il estoit tresvaillant & experimenté gentilhomme.

chevallier de Aux.

PENDANT que quelques uns des leurs famuserent à Desfaitte du le desarmer, les autres poursuivirent noz gens, qui ne se recogneurent ny arresterent jusques à ce qu'ils fussent arrivez pres de la marine. Quoy voyant monfieur l'Amiral, envoya le seigneur de Tais, pour les ralier, & faire tenir fort en quelques maisons prochaines, pour ne mertre en desordre ceux qui estoyent à prendre l'eau. A son arrivée un nombre de bons & asseurez soldats qu'il avoit menez quand & luy, & autres qui faisoient escorte aux aquerots, mis en escadron, marcherent droit aux ennemis & les repouserent à la montagne, au moyen dequoy ne receut autre perte. Le Prieur de Capouë fut en autre endroit assailly, mais il se trouva si bien acompagné, & avoit si bien pourveu à ses affaires, qu'apres en avoir mis plus de trente au fil de l'espée, meit les autres à vau de route. Sur le soir monsieur l'Amiral se retira, & le lendemain feit pattir ses navires, demeurant à l'arriere garde avec les galleres pour soustenir les ennemis, où ils seroyent quelque saillie. Sur le partement de noz navires le vent sut si à propos, qu'ils

arriverent à Valseau loing d'Huicht quatorze lieuës, avant que les gallères les peussent attaindre. Ce lieu pour estre plain & descouvert, sembla si beau à noz gens, qu'il print volonté à un bon nombre d'y descendre : ce qu'ils feirent en l'absence de leur coronal, sans ordre, ny conduitté: & sessan peu estoignez de la marine vers un village qu'ils veirent escarté, ils y donnerent, pensans y faire butin: mais y furent attendus des ennemis aupres d'un ruisseau assez profond, à cause du reflus de la mer, lesquels voyans parrie de noz gens avoir passé par dessus quelques planches, sortirent soudainement d'un petit fort, où ils s'estoyét embuschez, & apres le pont rompu, pour clore le passage aux autres chargeret sur eux qui estoiet de leur costé si vigoureusement qu'ils les contraignirent de sauver leur vie à la fuitte: mais au repasser le ruisseau, une partie furent emportez de la courante & noyez, quelques uns qui sceuret na ger forcerent l'impetuosité de l'eau, & se sauverent à la faveur de leurs compagnons : lesquels estans de l'autre costé

de l'eau, les soustindrent à coups d'archouze.

En ces entrefaictes, arriva monsseur l'Amiral, lequel à coups d'artillerie repoussales ennemis, & leur feit quitter le fort, & par ce moyé retira ses gens. Sur le soir il feit voile vers Blanchef; puis costoyat la Rie jusques aupres de Douvres, dressa son chemin vers Boulongne, où il refreschit de vivres l'armée de mer, & meit en terre au Portet pres Boulo gne, pour renforcer nostre aimée de terre quatre mille homes, & trois mille pioniers, laissar son armée de mer pourveue. Par là vous pouvez cognoistre qu'il pouvoit laisser en l'isse d'Huicht lesdits quatre mille hommes, & quatre mille pionniers, qui estoit suffisamment pour garder la dite iste, attendant nouveau refreschissement & leur pouvoit laisser vivres (à ce que j'entendy des munitionnaires) pour un mois ou cinq semaines. Ce pendant les vents d'aval se meirent à souffler partant de devant Boulongne, de sorte q nostre armée de mer pour se mettre en lieu de seurete, fut contrainte de relascher pour chercher le convert vers Angleterre! où estans venuz en un lieu appellé les Perrais, & là detenus par la force du vent & d'une grofse mer, sembla au Roy d'Angleterre, s'estre presentée à luy l'occasion de deffaire nostre armée. Parquoy ne voulant perdre ceste occasion, en toute diligence feit mettre

(

en met son armée, qui montoit à cent bons navires, pour nous venir trouver à la faveur de ce temps, qui les apportoit par la poupe, & à plaine voille sur nous. Entre autres raisons qui luy donnoient esperance de victoire, estoit que la violence des vents & la commotion de la mer, nous ofteroient l'usage & le service de noz galleres, & que son armée se presentant devant la nostre, la contraindroit sans combattre ou de donner en terre, & se perdre, ou de passer le destroit de Calais, chose qui ne se pourroit faire sans des-

ordre & grand dauger.

L'un & l'autre party luv sembloit ailé, car si nous attendions a nous lever jusques à ce que les eussions en teste, & si alors nous venions à desancrer, la courante & les vents qui les apportoient sur nous, par force nous jetteroient en terre: au contraire si nous artendions, ils nous trouveroient escarrez les uus des autres, & ne nous estoit possible pour la crain cte du mauvais temps, de nous tenir serrez: & eux nous abor dans en si grande avantage, nous forceroient & nous jetteroient à travers. Outre-plus, & si pour obvier à ces inconveniens, voulions prevenir à ladicte arrivée, & nous lever de bonne heure, la mer & le vent nous forceroient d'aller en Flandres, où nous aurions à passer le destroict, qui nous seroit au retour emoesché & dessendu: avec ce il seroit possible que le temps contraire nous retiendroit là si longuement, que nous y poutrions avoir faulte de vivres, & ce-pen dant les enuemis qui pour nous attendre au passage, viendroient à Boulongne, pourroient destourber les forts que le Roy avoit deliberé d'y faire. A quoy monsieur l'Amiral vouloit par tous les moyens du monde remedier : ces choses requeroient aussi prompt & soudain remede que les dan gers que vous avez ouys estoient grands, car un Flament qui la nuict precedente l'estoit enfuy d'avec eux, asseuroit que le jour mesines ou le lendemain marin ils se pourroient trouver sur nostre armée.

Monsteur l'Amiral ayant toutes ces considerations par l'advis des capitaines conclud, qu'au changement du flux, si aussi le vent venoit à changer ou calmer, qu'on se leveroit pour se jetter en haulte mer, dressant tousjours le chemin vers l'ennemy, asin de le pouvoir combattre au large, & gaingner le vent: & là où le temps le forceroit de demourer, il ordona que les galleres iroient soubs une pointe

approchant d'eux qui les couvroit du vent, & là où ils eftoient se tiendroient les vaisseaux les pouppes vers la terre, & les grands navires se mettroient en bataille un peu au dessoubs tât serrez que le temps le permettoit, asin que l'armée des ennemis venant à executer son entreprinse, & voulant aborder noz navires, eust à passer par devant les galleres qui leur demoureroient pas ce moyen au dessus du vent. Et là où par craincte de cest inconvenient les ennemis voudroient arriver de bonne heure pour combattre les galleres, ils ne le pourroient faire, estans en si peu d'eau, mesmes que leurs petits navires n'en pourroient approcher sans toucher en terre: avec ce pour le peu d'intervalle qui seroit entre les galleres & les navires, il pourroit advenir que non seulement les ennemis passeroient oultre les galleres, mais la courante estoit teile, qu'elle les pour-

roit jetter de là noz navires.

La chose ainsi resolue, on attendit le changement du flux, à l'ancre, pour veoir ce que le temps nous apporteroit mais nous trouvasmes q le teps persevera en sa fureur tout ce jour, dont fusmes forcez d'attendre la marée le lendemain, qui nous fut tant favorable & bonasse avec changement de vent, que nous pensames partir & dresser le chemin là part où ayions nouvelles de trouver les ennemis. La bonasse augméta tellemét peu à peu, que sur le midy nous ne souhaittions riens plus que de rencontrer ceux qui bravoient de nous venir trouver. Et sur ce poinct descouvrans quelques voilles, soudain noz galleres feirent diligence de les aller recognoistre: les ayas approchez, se trouva que ils estoient Flamens, & par eux s'entendit que l'armée de l'ennemy n'estoit pas loing de là. Monsieur l'Amiral l'ayat entendu, alla au navire rond qu'il avoit choisi pour combatre l'Amiral d'Angleterre, & manda les galleres donner plus avant pour en sçavoir plus certaines nouvelles: lesquelles au poinct du jour vindrent à la veue des ennemis. Monfieur l'Amiral les suyvit avecques l'aimée en toute diligence, mais le temps estoit si calme qu'il ne rouvoit avacer chemin, qu'autant qu'il estoit porté par les courantes. Les ennemis ayás la veue de noz galleres, pour ne demourer entre icelles & nostre armée par ce remps calme, faifoient grande diligence de gaingner le dessus du vent : ce que noz galleres à toutes forces vouloient avoir : en quoy les armées voguerent presque tout le jour costoyant l'une l'autre, de si pres que aisément lon pouvoit copter les na-

vires & juger de leur grandeur.

En ceste navigation les ennemis portoient tousjours les proues devers la mer, faisans contenance de vouloir combatre, sans toutes sois qu'ils perdissent la veue de leur terre: mais en fin ayas veu nostre armée au dessus du vent, & suyvre en bonne ordonnance sans plus dissimuser, meirent les voilles, & dresserent leur chemin en pouppe vers l'Isle d'Huicht. Dont sestant advisé le Baron de la garde, pour les retaider & donner temps à nostre armée d'approcher, print opinion de donner en queue sur quelques navires, qui pour estre pelants, estoient demourez assez loing des autres, & par ce moyen le reste de l'armée alentiroit sa retraitte: mais suc le champ le vent se refreschit, sans toutesfois commotion ne tourmente de la mer : qui fut cause qu'ils se retiresent sans desordre : si est-ce qu'on eut loisir d'estre plus de deux heures au combat avecques eux, & de si pres, qu'à peine pouvoit on descharger nostre artillerie. Il n'y a faulte qu'ils n'espargnoient les nostres, mais noz galleres pour estre plus basses, estoient moins exposées à la fureur de leur artillerie. L'escarmouche fut bien chaulde, car le matin il fut veu en mer plusieurs corps morts, & force pieces de bois, & ne fut pas tiré moins de trois cens coups d'artillerie tant d'un costé que d'autre. En combatat la courante & le vent portoit les ennemis tout droitvers leur port, & la nuict vint qui meit fin au combat. Le matin quand on les alla recognoistre, on les trouva en lieu de seureré: parquoy monsseur l'Amiral print son chemin vers le Havre de Grace, pour refreschir son armée, & descendre grand nombre de malades, qui estoient sur noz navires : les gros vaisseaux vindrent descendre au Havre de Grace. Monsieur l'Amiral estant adverty que le Roy estoit à Arques, alla sur une gallere descendre à Dieppe deux lieues pres dudict lieu d'Arques, qui fut le lendemain de la mi-Aoust.

Vous avez entendu cy devant, comme le Mareschal du Biez avoit asseuré le Roy, que son fort commencé devant Boulongne seroit en desseuce à la mi-Aoust : parquoy (estant ce jour venu) le Roy esperant executer l'entreprinse de Guines, dont est parlé cy dessus, depescha le seigneur de Langey sur chevaux de poste, pour aller en son camp

Retraiéle **de** monsieur l'Anural.

412

dévant Boulongne, & luy faire rapport de l'estat auquel il trouveroit ledict fort. Lequel y estant arrivé, le trouva aus- Du fort desi peu de dessence que huict jours apres qu'il sut commen- vant Boucé: car premierement il n'estoit assis sur la poincte qui e- longne. stoit ordonée, vis à vis de la tour d'Ordre, pour empescher l'entrée du Havre, mais il estoit planté en un lieu appellé Oultreau vis à vis de la Basse Boulogne, où il n'empeschoit en façon du mode l'entrée dudict Havre. Les raisons qu'en donnoit le Mareschal du Bicz, pourquoy il n'y avoir esté planté, estoient qu'on luy avoit faict entendre, qu'il ne fy trouveroit eau, & que pour les vents, les soldats n'y pourroient faire demeure: aussi le Marcschal du Biez se confioit en un Italien nommé le capitaine Antoine Mellon, penfant qu'il fust bon fortificateur, & homme de guerre. Ledict Mellon ne sçachant ses mesures, avoit coposé son fort de cinq bouleverts en quintangle: & à ce que ledict fort fust plustost en dessence, avoit fait les fossez tant des bouleverts que des courtines de quarante pieds de large, & de profondeur dixhuict pieds, esperat sur le bord du fossé par dedans y faire seulemet un rempart en forme de parapect, pour se couvrir; d'autant qu'il n'y avoit montagne qui luy commandast. Mais estans lesdicts fossez parachevez, & les terres jettées dedans, pour servir à faire ledict parapect, estimant qu'il n'y faudroit plus que les fascines & gasons, se trouva qu'il avoit prins ses mesures si courtes, estimant le bas sur le hault, n'ayant esgard au taluz, qu'il estoit besoin de luy donner, que les bouleverts se trouverent si petits, qu'il n'y avoit lieu où lon eust sceu loger une piece d'artillerie: & mesmes le dedans du fort se trouva si serré, qu'il n'y eust eu espace pour loger cinq ou six cens hommes. Parquoy il falut remplir lesdicts fossez, & par ce qu'en les remplissant de terre remuée, la faloit lier de fascines & de gros chesnes debout, de sorte que pour ce faire on fur contrainct d'y mettre la plus part de tous les chesnes de la forest de Hardelot voisine de lieue & demie de là, pour les planter debour à soustenir ledict rempart, tout le charroy tant de l'artillerie qu'autre, qui avoit accoustumé d'amener les fascines & gasons, sut employé, & tout ce qu'en six sepmaines ou deux mois avoit esté faict, demeura inutil: de forte que ce fut autant d'argent & de téps perdu.

Le seigneur de Langey retournat devers le Roy qu'il trouva à Senerpont, seit ce rapport: mais le lendemain atriva le seigneur de Sainct Germain Guasco devers le Roy, envoyé de la part du Marcschal du Biez, lequel asseura le Roy que dedans huict jours le fort seroit en dessence. Le Roy adjoustant foy au dire dudit seigneur du Biez, qui estoit son lieutenant general & Mareschal de France, esperat que le rapport seroit veritable, l'achemina pour marcher en avant, & fen alla à Forest Monstier abbaye pres de Rue: duquel lieu depescha ledict Langey de rechef pour aller audict fort, & y faire sejour de huict jours, & considerer de jour à autre, combien se haulsoient ses boulevers & courtines, afin que par ce moyen on peust faire jugement dedans quel temps on se pourroitasseurer, que le Roy se peust aider de son aimée pour luy servir ailleurs : laquelle aimée estoit de douze mille Lansqueners, douze mille hommes de pied François, six mille Italiens à pied, & iiij. mille legionaires, environ mille ou douze cens hommes d'armes, & sept ou

huict cens chevaulx legers.

ARRIVÉ ledice Langey au camp, exposa audice Marefchal du Biez, en la presence de tous les capitaines, tels que le seigneur de la Roche du Maine, le seigneur de la Guiche, le seigneur d'Estrée, le seigneur de Villebo, le seigneur de Helly, le seigneur de Brissac general de la cavalerie legere, le Comte Rein Grave, & plusieurs autres capitaines, la charge qu'il avoit du Roy: mais ledict Mareschal declara en ladicte compagnie qu'il avoit advettissemet que l'ennemy s'assembloit à Calais, pour venir secourir Boulongue par tetre, laquelle (à ce qu'il disoit) il tenoit pour assamée: & qu'à ceste occasion il estoit deliberé de passer la riviere, & abandoner le fort, laissant seulemet trois ou quatre mille hommes dedans, & alla loger sur le Mot-Lambert, pour estre en teste à l'ennemy, & luy donner la bataille s'il venoit pour secourir ladicte ville. Plusieurs des capitaines ne trouverent qu'il fust vray semblable, que l'Anglois vousist hazarder une bataille par terre, attendu qu'il n'essoit si fort que nous, pour venir renvitailler sa ville, laquelle tous les jours à nostre veue & sans danger il refreschissoir, par mer, & qu'en un navire seul on peut porter plus de vivres, ou'en mille chariots. A ceste occasion ne pouvoient trouverbon qu'on abandonnast ledict foit pour passer l'en, attendu

attendu mesmemét que passant de là, on retardoit de beaucoup la fortification, qui n'estoit l'intétion du Roy, car par tant le camp, on ostoit la commodité de quatre ou cinq mille soldats tant François, Lansquenets, qu'Italiens, qui tous les jours travailloient au répait, & de v. cens pionniers de l'artillerie, qui falloit qu'ils accompagnassent, & de cinq cens chevaux de ladicte artillerie, lesquels ordinairement amenoient fascines & gasons. Toutes lesquelles remostrances n'eurent lieu, car le lendemain matin, sans autre resolution de conseil, dés le poinct du jour il envoya le seigneur de Villebon faire rabiller le passage du Pontdebrique, pour passer l'artillerie & l'armée, & alla loger au Mont-Lamber, ainsi qu'il avoit deliberé, sans en rien faire entendre au seigneur d'Estré qui estoit Mareschal du camp avecques ledict Villebon, d'autant qu'il sçavoit que ledict d'Estré n'estoit de ceste opinion. Pour dire verité, j'estime que ledict du Biez le faisoit par braverie, & moyniesmes luy remonstray à part, que ce n'estoit l'intention du Roy, mais je n'y prouffitay riens: & depuis le Roy me dir, qu'il pensoit que ledict Mareschal n'eust voulu que Boulongne eust esté reprinse, craingnant perdre son authorité de cominander aux Princes, & à une si grosse armée.

L E s nouvelles entendues à la court que le Mareschal du Biez alloit donce la bataille, toute la jeunesse qui estoit pres du Roy, esperant estre à ceste journée, deslogea pour s'y trouver, aucuns sans congé du Roy, autres avecques congé. Entre autres partirent monsieur d'Anguien, monsieur d'Aumalle, monsieur le Duc de Nevers, monsieur le Comte de Laval, monsieur de la Trimouille, & tout le reste de la jeunesse, lesquels vindrent trouver le camp au Mont-Lambert, & se logea monsieur d'Aumalle à l'avantgarde, laquel le monsieur de Brissac conduisoit. Ledict lieu de Mont-Labert est si pres de Boulongne, que coup à coup nostre artillerie donnoit dédans la ville, & celle de la ville dedans nostre camp, & tous les jours se faisoient de belles escarmouches, où en demouroit & des leurs & des nostres.

CE pendant le Roy estoit en ladicte abbaye de Forest Montier, qui tire d'Abbeville à Montreul, à unze lieues de Boulongne. Auquel lieu de Forest Montier, après y avoir sejourné quelques jours, monsseur d'Orleans second fils

du Roy, jeune Prince de l'aage de vingt trois ans, fut saist d'une fievre continue que les medecins estimoient pestilencielle, à laquelle ils ne sceuret remedier, qu'il ne rendist l'ame à Dieu le liuictiesme jour de Septembre, mille cinq ces quarante einq. Qui ne fut (à ce que vous pouvez confiderer)peu d'ennuy au Roy son pere, d'avoir perdu deux de ses enfans sçavoir est l'aisné, & le dernier en la fleur de leur aage adolescente. Mais à l'imitation de David print la fortune comme chole venant de Dieu: & pour passer sa douleur, & aussi qu'on estimoit que mondit seigneur d'Orleans estoit moit de peste ce qui ne sut trouvé veritable, vray que le pais estoit fort infecté de mauvais air, pour la necessité que la guerre & le feu y avoient apporté) deslogea prom. prement dudict lieu de Forest Monstier, & alla coucher en un village nommé l'Hospital, à l'autre bout de la Forest de Cressy: où estant arrivé, & voyant la diversité des rapports qu'on luy faisoit de jour en autre de la fortification de son fort, à cause dequoy il ne pouvoit conclure du moyen qu'il auroit de se servir de son armée, depescha pour mieux s'en resouldre, monsieur l'Amiral d'Annebault, & en sa compagnie le Prince de Melphe Mareschal de France, & le seigneur de Maugeron Chevalier de son ordre, & gouverneur de Dauphiné, pour aller devant Boulongne, afin de recognoistre le fort, & luy rapporter auvray en quel estat il se trouveroit, & avecques eux le seigneur de Langey, qui par plusieurs fois y avoit esté, pour leur faire entédre sur le lieu ce qu'il en avoit cogneu.

P E u de jours au para vat, les garnisons d'Ardres & celles de Calais & de Guines, estoient en courses continuelles les unes contre les autres: & entre autres s'estoit saict une entre prinse par le seigneur de Dampierre lieutenant du Roy dedans Ardres, ayant appellé du camp pour son renfort le seigneur de Tavannes lieutenant de la compagnie de monseigneur d'Orleans, a vecques icelle compagnie, en laquelle apres quelque perte des nostres & des ennemis, ledict Dam-

pierre fut tué.

Mons i e un l'Amiral ayant prins congé du Roy, pour aller au lieu predit, alia coucher à Motreul, partant duquel lieu & arrivé au Neuf Chastel trois lieues deça Boulongne tomba malade d'yne sievre chaulde si vehemente, qu'il fut contrainct de demeurer audict Neuf-Chastel : parquoy le Prince de Melphe, le seigneur de Maugeron, & de Langey paracheverent le chemin, pour faire rapport au Roy de ce dont ils avoient charge. Le Prince de Melphe arrivé audict lieu, ayant bien visité le fort, & consideré le temps qu'il estoit commencé, & le temps qu'il faloit pour l'achever, jugea qu'on seroit bien avant en l'hyver, devant qu'il peust estre en estat d'estre deffendu sans avoir l'espaule d'une armée. Et apres toutes ces choses bien considerées, retourna trouver ledict seigneur l'Amiral encores malade au Chasteau de Courteville, trois lieues par delà Montreul, sur le chemin de Boulongne: d'où ils s'achemineret pour retourner devers le Roy, luy faire rapport de ce qu'ils avoiét trou vé:lequel voyant son esperance perduc, & la saison trop tat dive pour celle année se mettre en campagne, se retira en l'abbaye de Sainct Fuscien, deux lieues au desius d'Amiés, à cause que la peste estoit dedans la ville.

CEPENDANT que ledict seigneur Amiral & le Printe de Melphe se retirerent devers le Roy, à raison de la prorimité du Mont-Lambert où estoit assis nostre camp, orlinairement s'y faisoient de belles & grandes escarmouches. Et entre autres un jour monsseur François de Loraine Duc d'Aumalle jeune Prince de grande volonté, fils aisné du Duc de Guise, estoit allé pour veoir l'escarmou- Le coup de the, mais voyant noz gens la soustenir assez lentement, & lance que re-Atre sur le poinct d'estre renversez, pour les remeure de-ceut monsieur pout, voyant vne trouppe d'Anglois qui les venoient char- d'Anmalle. ger par le Banc, & se pensant asseuré que plusieurs qui etoient pres de sa personne, ne l'abandonneroient, chargea esdicts Anglois si vigoureusement, qu'il les arresta sur cul: nais n'estant suivy comme il esperoit, receut un coup de ance dedans la veue, qui luy donna entre le nez & l'œil, & ntra dedans la teste environ demy pied : car il fault entenlre que le fer de la lance estoit à trois quarres , & n'estoit gros,& avoit en viró une paulme de long, lequel entra tout ledans la teste avecques la douille, & bien deux doigs du pois:la lance rompir, & luy demoura le tronçon dedans la este, toutesfois pour ledict coup il ne perdit ny les arons, ny l'entendement, dont bien luy print: car s'il sust

ombé ; jamais homme ne l'eust sauvé des mains des gens

de pied Anglois, qui en prenoient peu à mercy. Estant retourné au camp, tous les Chirurgiens douroient fort, que la
force dont il convenoit user pour retirer ledict troçon hors
de la teste, ne méist ledict Prince en hazard, ne pouvant sup
porter la secousse, & par ce moyen qu'il rendist l'esprit entre leurs mains: mais il porta la douleur aussi patiemment,
que qui ne luy eust tiré qu'un poil de la teste: ce nonobstant, estant porté en une littiere jusques à Piquigny, il sut
deux ou trois jours qu'on ne luy esperoit vie: à l'occasion
dequoy, il disposa de tous ses affaires, en pourvoyant tous
ses serviteurs. Quant à moy, je pense asseurement que Dieu
luy sauva la vie, non pas les medicaments des hommes, &
qu'il le preserva, afin que par cy apres le Roy en tirast plus
grand service.

I L se feit plusieurs autres faicts d'armes, qui seroiét malaisez de mettre icy par escrir, & entre autres un, auquel Fráçois de Touteville seigneur de Menainville frere du seigneur de Villebo fur tué à coups de lance & de picque. Autre jour lean de la Vieuville seigneur du Fretoy jeune hom me de Picardie, promettant beaucoup de soy, tomba au pareil danger que ledict de Touteville: & fault entendre, que l'avantage estoit grand pour l'Anglois, d'autant que du costé où se dressoient les escarmouches (qui estoit devers le chasteau tirant à la tour d'Ordre, & dudict chasteau devalant à la tour Sainct François) le Roy d'Angleterre l'année precedente y avoit assis son camp pour assieger la ville, à cause dequoy y avoit de grandes tranchées, & plusieurs fos sez où estoient logez ses Lansquenets, & noz gens les cuidans suyvre quand ils les avoient repoussez, tomboient dedans lesdictes tranchées.

Es mesmes jours, considerant le Roy qu'à l'occasion de l'hyver qui approchoit, son entreprinse de Guines estoit faillie, & qu'il estoit adverty que l'Anglois avoit envoyé en Allemagne faire levée de dix mille Lansquenets, & quatre mille chevaux haults Allemans, pour (passans par le pais de l'Empereur) se venir joindre avecques son armée en la terre d'Oye, & avec ce résort lever le siege de devant Boulongne: delibera de pour veoir audict passage, à ce que soubs umbre d'iceluy ils ne scissent descète au païs de Tierache, & és environs d'Aubenton, Vervein, & Guise. Et asin qu'il peust mettre ordre à toute sa frontiere, & que ce-pen-

dant qu'tl voudroit assaillir autruy, ou n'entrast en ses païs, il l'achemina pour tirer à la Fére sur Oize, duquel lieu il pouvoit ordonner des affaires selon qu'ils s'offriroient: mais ce ne fut, que premierement il n'eust mandé au Mareschal du Biez qu'il eust à assaillir la terre d'Oye, & la ruiner, & tout brusser, à ce que ladicte armée que le Roy d'Angleterre faisoit venir d'Allemagne, ne trouvast dequoy se refreschir, & mesmes pour lever à l'ennemy la commodité d'icelle terre, d'autant que la ville de Calais, celle de Guinès, & le Chasteau de Hames, que le Roy d'Angleterre a en terre ferme, n'ont refreschissement que de cedit lieu; & sil faict descente deça, n'a autre endroit où se puisse loger son armée, attendant l'un l'autre : car une grande armée de mer ne peult passer tout en un passage, & il fault lieu pour refreschir ceux qui descendent les premiers attendans le reste. L'assiette de la terre d'Oye, est marescageuse, & fertile en herbages, laquelle peult avoir quatre lieues de long, & Description trois de large, ayant d'un costé la mer, & est à l'un des bouts Effac de la devers la mer la ville de Calais, & à l'autre bout la ville de terre d'Oye. Gravelines, qui est des païs de Flandres. Devers la terre ferme & le long du bort du marais, est située la ville de Guines, & le Chasteau de Hames: & au bout tirant en Artois, est la ville d'Ardres qui est au Roy: & plus avant estoit le Chasteau de Tournehan assis au pais de Flandres, plusieurs fois ruiné par nostre armée.

L E Mareschal du Biez, qui estoit encores campé à Mot-Lamberr, ayant receu le commadement du Roy, se meit au chemin, pour selon le vouloir dudict seigneur, entrer en la terre d'Oye. Le seigneur de Brissac avoit la charge de conduire l'avantgarde avecques sa compagnie de gens d'armes, & les chevaux legers dont il estoit general, la compagnie de monsieur le Connestable, conduicte par le seigneur de la Guiche, & cinquante hommes d'armes sous la charge du seigneur de Heilly, la compagnie du seigneur de Boisy. celle du seigneur d'Ecars, celle du seigneur de la Roche-du-Maine, & autres, & le seigneur de Tais general des gens de pied François, & grande jeunesse qui estoit venue de la cour en esperance de combattre, (comme j'ay dit cy devant) entre autres monsieur François de Bourbon seigneur d'Anguien, le Duc d'Aumalle, le Duc de Nevers, le Comte de La val, qui fut ce voyage blessé en un bras d'une archouzade.

& plusieurs autres que je ne nommeray, pour eviter prolixité. Or pour la seureté de la terre d'Oye, que j'ay desja dit estre marescageuse, les Anglois ont fait du costé de la terre ferme, de grands follez qui sont ordinairemet pleins d'eau, avecques rempares: & par intervalles ont faict des bastios, qu'ils appellent blocuz ou forts, pour flancquer lesdicts réparts, dedans lesdicts forts ils ont garnison ordinaire, parquoy estoit mal aisé d'entrer dedans le païs: car estant l'alarme ausdicts forts, tout le pais vient en armes à la deffence d'iceux remparts, & d'avatage en temps de guerre ils ont autre garnison ordinaire en un gros bourg nommé Marc,

qui est au milieu du païs.

Estant partie nostre armée, feit telle diligence que l'avantgarde arriva au principal de leurs forts, lequel fut asfailly sibrusquement par noz vieilles bandes Françoises, qu'en peu de temps il fut forcé, & ce qui se trouva dedans mis au fil de l'espée. On avoit fait provision de pots pour passer l'artillerie & gendarmerie sur les canaulx qui sont en ladicte terre d'Oye, toutesfois ils demourerent à Ardres, je ne sçay si ce fut la faulte ou negligence du chef: mais le frere du seigneur de Mailly de Picardie qui avoit la charge de l'artillerie, feit tel devoir, que faisant abatre le bort du fossé, il passa ladicte artillerie, chose qu'on pensoir impossible: aussi la gendarmerie voulant monstrer l'affection que elle avoit de faire service au Roy, passa outre: les uns menans leurs chevaux par la bride, se mettoient en l'eau jusques à la ceinture avecques leurs harnois; autres passerent à cheval, dont quelques uns tomberent dedans, & meirent de l'eau dedans leurs bottes par le coler: bref, tout passa. Estans passez, le seigneur de Brissac marcha pour tirer le chemin de Marc, mais n'ayant encores fait demie lieue, ses coureurs (mais n'estoient advertis de ce qui leur estoit advenu) les-

deux mille Anglais.

rencontrerent en viron deux mille Anglois, qui venoient Desfaicte de au secours de ceux du fort que noz gens avoient force quels furent chargez'si vivement de la gendarmerie qui cstoit devant, que lesdicts Anglois surent desaits, & la plus part tuez sur le champ; les autres le sauverent à la faveur des fossez,où la gendarmerie ne les pouvoit suivre. Si fut ceste charge si sanglante, que quatre vingt ou cent chevaulx des nostres y demourerent ou morts ou blessez, & plusieurs hommes d'armes, specialement de la compagnie de

monsieur de Boisy, conduicte par le seigneur de S. Sire son Lieutenant.

Noz gens ayans force le fort, & defaict les Anglois qui venoient pour leur empescher le passage, nostre camp se logea:mais la pluye survint si vehemente la nuict, que les foslez qui sont en ladite terre d'Oye, pour esgouter les terres, devindrent grosses rivieres, de lorte qu'il eust falu autant de ponts comme il y avoit de trenchées:parquoy fut resolu de se retirer, par ce que continuant la pluye on n'eust eu le moyen de ramener l'arrillerie sans grand hazard : si est-ce qu'avant partir on brussa grande partie des villages jusques

aupres de Marc.

PENDANT que nostre armée sur en la terre d'Oye, les ennemis qui estoient forts dedans la haulte & basse Bolon- Entreprinse gne, & en la tour d'Ordre (qui est assise sur la pointe où la d'Angleis riviere qui passe au Pont-de-brique se descharge en la mer: veine. laquelle tour Iule Cesur seit edifier quand il passa en Anglererre, pour tenir une lanterne au hault d'icelle, pour radresser ses navires, si de fortune luy advenoit tourmente comme à son premier passage : tout au tour de laquelle les Auglois avoient faict un fort de terre bien flanqué, tant pour la conservation de ladicte tour qui estoit à la salvation des navires qui entroient dedans le canal de la riviere, que pour tenir plus grand rombre de gens en seureré) sortirent une nuich avecques toutes les forces desdits lieux, pour surprendre le fort que nous avions faict deça l'eau vis à vis de la basse Boulogue. D'autant qu'il y avoit encores la plus part de la fortification où lon pouvoit monter sans eschelle, & pouvoient estre sortis pour ladite entreprise, jusques au nombre de sept ou huict mille hommes tous bien deliberez de faire leur devoir. Or n'y avoit il entre la basse Boulogne & le fort, que la greve, de sorte qu'o tiroit de l'un en l'autre de poincte en blanc d'une coulevrine, & quand la mer est rerirée ou n'y est pas en l'eau jusques au gros de la jambe: ils arriveret environ une heure devant le jour : mais Thibault Rouhault seigneur de Riou qui estoit Lieutenat du Roy dedàs ledict fort, & le capitaine Ville-Franche son Lieutenant audit fort, sentans leur secours loing, faisoiet la veille jour & nuict avecques la plus part de leurs soldats, & le jour se reposoient, dont bien leur print : car de premiere arrivée, les ennemis donnerent sur le hault du rempar:

mais ainsi que surieusement ils assaillirent, aussi avecques grande asseurance ils furent recueillis (comme par gens qui estoient bien advisez de ce qu'ils avoient à faire) & tout ce qui donna sur le haur, sur rué, & le reste renversé & mis à vau de roupte, & oncques puis n'oserent entreprendre de les vouloir forcer.

Levéc de Lanfquenets pour le Roy d'Angleterre inutile,

L E Roy estant adverty que son armé estoit retirée de la terre d'Oye, manda au Mareschal du Biez qu'il eust à se caper au Portet, qui est à un trait de canon du fort, afin de tousjours donner espaulle à ceux qui fissoient la fortificatió d'iceluy fort: & puis il print le chemin de Cotbie, Ham, & la Fére. Et estant arrivé audict lieu de la Fére, adverty que desja les Lansquenets qui venoient pour le secours du Roy d'Angleterre, estoient arrivez à Fleurines, qui est un gros village au païs du Liege, à dix lieuës de Mesieres, depescha le seigneur d'Anguien, François de Bourbon pour aller à Guise avecques trois cens hommes d'armes, & quelque nombre de gens de pied, pour empescher lesdits Lansquenets d'entrer par cest endroict, dedans ses païs. Pareillement le Roy depescha le seigneur de Longueval son Lieutenant en Champagne, pour aller lever la legion du pais, & pourvoir tous les passages par où il cognoistroit que l'ennemy pourroit entrer: & dedans Mesieres (qui estoit la ville de, plus grande importance si l'ennemy l'eust surprinse) envoya le seigneur de Langey avecques mille hommes de, pied, & les arrierebans de Bourgongne, & une partie de ceux de Champagne Ce faict, il meit ordre d'estre seurement adverty des entreprises de l'ennemy : car l'Empereur, (craignant que ceste grosse armée d'Allemans tant de pied que de cheval, entrant en son pais, & le trouvant despourveu de gens de guerre, n'y feist quelque dommage) leur refusa le passage par ses pais. Qui faisoit douter au Roy, que se voyans descsperez de patter par amitié par le païs de l'Empereur, ils ne vousissent entreprendre de passer par son, Royaume. En fin lesdicts Allemans apres avoir sejourné trois semaines audict lieu de Fleurines sans pouvoir prendre resolution, le jour de la paye survint, & n'estans les deniers prests, quelque remonstrance que peussent faire les Commissaires & Tresoriers du Roy d'Angleterre, que de bref l'argent feroit venu, ils n'y voulurent adjouster foy, mais tournerent leurs enseignes pour eux retirer en Allemagne, & amenerent quand & eux lesdicts Tresoriers & Commissaires, qui avoient charge du Roy d'Angleterre, de les conduire pour la seureté de leur payement. Par ce moyen ledict Auglois seit une despense excessive, qui revint en sumée, & espuisa bien ses tresors, qui desja estoient fort entamez.

EN VIRON la feste de Toussaincts, mille cinq cens quarante cinq, apres la retraitte desdicts Allemans, le Roy ayant esgard que par le trespas de monseigneur le Duc d'Orleans son fils, les alliances concluttes avecques l'Empereur estoient nulles & de nul effect, depescha monsieur l'Amiral d'Annebault, & monsieur Olivier Chancelier de France, pour faire nouveaux traittez, & confirmer nouvelles alliances & amitiez entre luy & l'Empereur. Lesquels apres avoir prins congé du Roy lors estant à Folambray pres Coussi, le jour de Toussaincts prindrent le chemin de Cambiay, de Valentiennes, & de Courtray, & vindrent trouver l'Empereur à Burges, auquel lieu apres avoir plusieursfois communiqué avecques sa majesté, furent remis à avoir response à Anvers. L'occasion pour laquelle l'Empereur estoit venu à Bruges, & alloit à Anvers, estoit : qu'il avoit intention de dresser une armée, pour aller en Allemagne subjuguer les Protestans, & autres Princes & communautez d'Allemagne, qui ne luy estoient si obeissans comme il desiroit: & pour dresser ladicte armée, luy falloit avoir grandes finances, pour lesquelles recouvrer il alloit audit lieu d'Anvers, afin d'en avoir tant par ottroy, que par prest. Aussi ne vouloit il si promptement faire response aux ambassadeurs du Roy, que premierement il n'eust entendu la volonté de ceux dudict Anvers, à ce que selon qu'il feroit ses affaires, il fust ou plus rigoureux en response, ou plus gratieux. Môsieur l'Amiral & monsieur le Chancelier apres avoir esté audist Anvers, environ sept ou huist jours à la suitre dudit Empereur, ayans cognoissance des dissimulations dont il usoir, prindtent congé de luy, sans autre resolution, sinon que là où le Roy ne luy commenceroit la guerre, il n'estoit pas deliberé de la luy faire.

Estans lesdicts ambassadeurs de retour, qui fut environ la S. André, trouverent le Roy à Villiers Coste-Reets: lequel ayant ouy la response de l'Empereur, cogneur bien qu'il luy estoit besoing de se preparer, & qu'il ne restoit Ordre donné aux frotieres de France,

à l'Empereur que l'occasion de commencer la guerre à son avantage. A ceste cause (par-ce qu'il avoir faict monseigueur d'Anguien gouverneur de Languedoc) depescha le Prince de Melphe, qui nouvellement avoit esté faict Mareschal de France, pour aller en Piemont y estre son gouverneur & Lieutenant general. Aufsi considerant que l'Empereur (fil venoit à chef de reduire en son obeillance la Germanie) luy ameneroit sur les bras toutes les forces tant des Catholiques que des Protestans, depescha devers monsieur de Vendosme son Lieutenant general en Picardie, Tresoriers & argent pour fortisser les places debiles : & aux autres gouvernemens feit le semblable, mesmes en Bresle pour fortifier Bourg, Erayant experimenté par la precedeute guerre, que la principale descente d'Allemagne pour entrer en ce Royaume, estoit par la Champagne, toutesfois il n'avoit frontiere en son Royaume si mal garnie de places fortes, pour faire teste à une grosse armée, delibera d'y pourvoir, & pour cest effect il depescha le seigneur de Langey, Martin da Bellay son Lieutenant audict païs de Champagne, & luy donna charge de visiter la frontiere, depuis Verveins jusques à Coiffy, & luy faire rapport des lieux plus necessaires de foctifier, pour empescher l'entrée de l'ennemy en ses païs. Le seigneur de Langey partie cinq ou six jours devant Noel, & avecques luy Hieronyme Marin Boulonois, homme bien entendu au faict des fortifications. Et apres avoir faict ladicte visitation, & bien recogneu la frontiere, iceluy de Langey feit rapport au Roy qu'il estoit besoing de fortifier une place entre la Capelle & Messeres, d'autant qu'il y a grand pais ouvert, comme de dixhuict lieues, & qu'il luy sembloit qu'Aubenton estoit bien à propos, faisant une citadelle au haut devers les bois, pour commander à la ville. Mais le Roy pour quelque occasion à ce le mouvant, ne voulut que la fortification se feist audict lieu, mais ordonna qu'elle se feroit au deffus d'un village nommé Maubert Fontaine, à sept lieues de Verveins, & cinq de Messeres à la saillie des bois. Puis il ordonna de fortifier Messeres & Mouzon: mais ledict lieu de Mouzon se trouva mal aisé a fortifier, à l'occasion de la montagne de devers Yvoy qui luy commande, & que du costé de deça la riviere de Meuze à l'opposite de ladite motagne devers France, on voioit par dessus la ville, le pied &

le derriere de ceux qui viennent à la deffence du rampatt. Si est-ce qu'il y sut ordonné ce qu'on veit le plus necessaire, sçavoir est, une traverse de muraille de bout en bout de la ville par dédans, pour couvrir ceux qui seroient à la dessence, & dehors un grand & prosond sosté. Et par-ce que la paix qui sut conclutte à S. Iean des Vignes pres Soissons, la ville de Stenay avoit esté rendue au Duc de Lorraine, le Roy ordonna faire une place sur la riviere de Meuze deça l'eau dedans ses païs, laquelle sut edifice entre ledit Stenay, & Dun le Chasteau, & sut nommée Ville-Franche sur Meuze, pres un village nommé Samorel, & vis à vis d'un autre village delà l'eau nommé Mozas.

EN VIRON le moys de Juing subsequent, l'Empereur partant d'Yvoy pour son voyage d'Allemagne, voulut revisiter sa Duché de Luxembourg, & pour cest effect prenant son chemin par devant Iamets, passa par devant ladi-Ce place de Ville-Franche, estant la riviere de Meuze entre deux. Auquel lieu estant arrivé, il feit complaincte à l'Ambatladeur du Roy lequel estoit pres d'iceluy Empereur, que ladice Ville-Franche estoit edifiée sur le sief de l'Empire: mais par le seigneur de Langey luy furent euvoyez des registres de deux cens ans, qui faisoient apparoir comme de tout temps les habitans dudict païs avoient esté subjects à la jurisdiction & grenier à sel de saincte Menehoult : dont il se contenta, & partant dudict lieu, alla à Danvillier, & ordonna reedifier & fortifier la ville au parayant ruinée par le Duc d'Orleans, & puis il passa outre à Luxembourg pour achiever fon voyage d'Allemagne. Er par-ce que ce voyage ne touche point de la matiere que j'ay entreprise descrire, je le laisse aux serviteurs de l'Empereur, lesquels en ont escrit bien amplement, & mesmes Dom Loys d'Avila.

Á us s t le Roy feit besongner au chasteau de S. Menc-hoult: à S. Disser seit saire trois gros bouleverts, à Chaumot en Bassigny pareillement commença à fortisser, & à Coissy seit commençer une citadelle, lequel lieu de Coissy est à la portée d'une coulevrine de la Frache-Cote, sept lieues plus outre que Chaumont, & à six lieues par delà Langres: & à Ligny seit commencer un chasteau sur le hault de la motagne tirant a Comercy: mais la mort le surprint devant qu'a-

voir parachevé lesdictes fortifications.

longue.

Durant cest hyver, la guerre se faisoit ordinairement entre les Anglois & les François qui estoient dedans le fort d'Oultreau, vis à vis de la Basse Boulongne, & y eut audit Teste au cap fort à l'occasion des neiges, & pluyes, & mauvais temps, teldie Roy au le vehemence de peste, qu'en une nuich seule furent mis en pais de Bou-terre plus de six vingts soldats (chose que je vey y estant allé de par le Roy)& continua de sorte qu'en fin on ne leur faisoit autre sepulture, sinon quand tout estoit mort en une maison on l'abattoit sur eux. Aussi les maisons estoyent des trouz en terre couverts de quelques appentis de paille ou de chaume, qui pouvoyent bien estre cause en partie de ceste mortalité, veu l'humidité de l'hyver. Ie y sus quelque fois logé en la chambre du capitaine Ville-Frache, laquelle je pensoy la plus saine du fort, mais la nuice en la chambre ou jestoy couché mourut son frere & deux de ses fils lesquels le jour ne monstroient apparence d'estre malades & dura tellemet ladite mortalité, que de vingt enseignes ne demeureret pas plus de huict ou neuf cens hommes: mais nonobstant jamais les soldats ne voulurent abandonner leur garde tant qu'il fut possible, & y endureret beaucoup de maux.

L E seigneur d'Essé & le seigneur de Riou, estans un peu refreschis & renforcez d'hommes, & la peste aucunement rapaisée, seirent de belles entreprinses & insignes defaittes sur les eunemis: & entre autres enviro le mois d'Avril mille cinq cens quarante cinq, fut deliberé de faire mettre des vivres dedans ledit fort d'Oultreau, où la necessité commençoit à les contraindre. Pour faire ladite execution, fut ordonné le seigneur de Senerpont Lieutenant du Mareschal du Biez, avecques soixante hommes d'armes, lequel partit d'aupres de Montreul le jour de Pasques au soir, & arriva le lundy matin audit fort d'Oultreau, avec les vivres & autres refreschissemens qu'il conduisoit. Mais passant pres du Pont-de-brique au dessous du mont S. Estien-Dessaitte de ne, rencontra trois cens chevaux Anglois venus pour luy quelques An- empescher ledit en vitaillement. L'escarmouche se dressa d'un costé & d'autre, de sorte qu'il y eut deux homes d'armes, & trois archers de ladite compagnie du seigneur de Senerpont qui furent prins sans y avoir aucun moye de les recourre. L'alarme estant venue à Boulongue, les Anglois renforcerent leurs gens jusques au nombre de sept cens

ylois.

chevaux, & quatre cens arcbouziers à pied, lesquels palsas la fiviere, se vindrent embusquer en un village appelle Danes, entre Estapes & ledit fort, ce pendant que ledit de Senerpont meit les vivres dedans ledit fort, esperans sur sa retraitte le defaire. Mais arrivant ledit de Senespont sur les gens de cheval, n'estans encores joints les archouziers avecques eux, delibera de tenter la fortune, & les combatre avant qu'ils fussent assemblez. Leur cavalerie essoit en trois trouppes, dont les deux se joingnirent ensemble, & la tierce se jetta sur les aisles, pour charger noz gens par les flans: auquel lieu se trouva avecques ledit seigneur de Senerpont, le seigneur de Tais ayant seulement six ou sept gentilshommes avec luy, & le Comte Rein-Grave avec pareil nombre : lequel Comte Rein Grave dés la premiere charge fur porté par terre & blessé, & le Mateschal du Biez menoit la bataille avec le reste de l'armée. Mais arrivans lesdits hommes d'armes à la charge, la seirent si surieuse, que les Anglois n'eurent moyen de les soustenir : où furent tuez des leurs & des nostres sur la place enviro deux cens chevaux, & le Mareschal de Calais chef de l'entreprise y mourut, & pareillement de cent à fix vingts Anglois, & fut prins le nombre de soixante & quinze prisonniers, tous ayans la casaque de veloux pourfillé d'or & d'argent.

VN autre temps le Mareschal du Biez adverty que les vivres commençoient à diminuer au forr, delibera d'y mener envitaillement. Parquoy partant de son camp au dessus de Montreul, print le chemin du mont S. Estienne, auquel lieu il trouva le Millor Sorel accompagné de six mille Anglois pour empescher ledit envitaillement. En la copagnie dudit Mareschal avoit cinquante hommes d'armes & le Comte Rein Grave avec son regiment de quatre mille Lansquenets, & deux cens archouziers conduits par le capitaine Brueil Breton, & le capitaine Escarbouillat. Ledit Mareschal se trouvant en ce hazard, delibera par l'advis des capitaines de passer outre, & les combattre encores qu'il fust moindre de nombre de deux mille hommes : car se retirant il eust perdu son charroy & vivres. Ayant conclu le combat, marcha droict aux ennemis: le combat fut long & furieux, mais en fin les Anglois furent renversez, & se retirerent en un petit fort, lequel ils ne securent garder

Audit combat moururent de sept à huict cens Anglois. Le Millord Sorel fils du Duc de Northfolk leur General se sau va avec le reste à la fuitte, & demeurerent des leurs de

sept à huict vingts prisonniers.

L B Roy d'Angleterre considerant la diminution de ses finances, le grand nombre d'hommes qu'il avoit perdus, & les infinis fraiz qu'il auroit encores à supporter, eu elgard à l'obstination en laquelle estoit le Roy pour reconquerir sa ville de Boulongne, & ayant cognoissance que l'Empereur (quelque ligue qu'ils eussent ensemble) ne taschoit qu'à son profit particulier, delibera de mettre sin à la guerre, & aux querelles d'entre le Roy & luy : ce qu'il feit entendre au Roy, & que faisant trouver à Ardres ses deputez à ceste sin, il feroir trouver les siens à Guines. Le Roy encotes qu'il eust desja bien restraint la ville de Boulongne, consentit toutesfois ceste assemblée, par ce qu'il cognoissoit la mauvaise volonté que luy portoit l'Empereur, par le peu d'asseu rance de paix qu'avoyent rapporté ses ambassadeurs à leur retour devers ledit Empereur, & qu'il ne vou loit avoir tout en une fois sur ses bras deux tels ennemis que l'Empereur, & le Roy d'Angleterre. A ceste occasion depescha mosseur l'Amiral d'Annebault, & monsieur Raimond premier Pre-Traitté de sidant de Rouen, pour aller à Ardres: & se trouva à Guines paix avec les l'Amiral d'Angleterre nommé Millord Dudelé, qui depuis a esté Duc de Nortombelland. Lesquels estans assemblez en un lieu ordonné entre Guines & Ardres: finablement apres avoir conclu plusieurs choses, accorderent une paix avecques telles conditions, que le Roy dedans huict ans de-

> voit payer huict cens mille cscus au Roy d'Angleterre, tant pour les arrerages de la pention, & pour les fraiz de la guerre qui estoit provenue à cause du refus de payement d'icelle pention, que pour plusieurs autres despenses faittes par ledit Roy d'Angleterre, tant aux fortifications de Boulongne que du Boulonnois. Aussi le Roy d'Angleterre devoit, moyennat ladite somme, remettre entre les mains du Roy, Boulongne, & tout le Boulenois, avecques les places tant ancienes que par luy nouvellement edifiées, comme le Mont-Lambert, la tour d'Ordre, Ambletueil, Blacquenay, & autres en leur entier, & toute l'artillerie, vivres, & munitions qui estoyent dedans lesdites places. Ces choses estans accordées & signées respectivement par le Roy d'Angleterre

Anglois.

alla l'Amiral d'Annebault devers iceluy Roy d'Angleterre, pour luy veoir jurer ladite paix : & le Millord Dudelé de la part du Roy d'Angletetre, vint devers le Roy luy veoir faire le semblable, ce qui fut faict tant d'une part que d'au-

tre par lesdites majestez. A u mois de Fevrier mille cinq cens quarante six , estant Mert de mole Roy à la Roche Guion, les neges estoient fort grandes, sieur d'Anse dressa une partie entre les jeunes gens estans pres de la guien Franpersonne de monseigneur le Dauphin : les uns gardoyent con de Bourune maison & les autres l'assailloyent à pelottes de nege, bon.

mais durant ledit combat le seigneur d'Anguien François de Bourbon sortant de fortune hors d'icelle maison, quelque mal advisé jetta un coffre plain de linge par la fenestre, lequel tomba sur la teste dudit seigneur d'Anguien, & le blessa, de sorte que peu de jours apres en mourur, au grand tegret du Roy & de toute la cour, pour la jeunesse florissante de luy, & le peu d'occasion de l'evenement de sa mort lequel avoit esté autant bien fortuné en tous les lieux où le Roy l'avoit employé, aymé, & estimé de gens de guerre (mesmes des estrangers) que jeune homme de son aage, qui

ayt esté de nostre temps.

APRES la paix accordée avec le Roy d'Angleterre, le Roy sentant l'Empereur en Allemagne, & n'estant asseuré quelle fin prendroit la guerre encomencée par ledit Empeteur cotre les protestans, voulut luy mesmes visiter sa fronriere tat de Chapagne q de Bourgongne, pour veoir quelle diligence on avoit faict aux fortifications qu'il avoit ordonées,& l'achemina par la Bourgongne pour faire ladite visitation, commençant à Bourg en Bresse, de là à Challons sur la Saone, puis à Seurre perite ville sur ladite riviere, laquelle de nouveau il avoit commencée à fortifier. Puis passant à Beaune & Dijon, print son chemin par la Champagne, & y estant arrivé, visita sa ville de Langres, & envoya l'Amital d'Annebault pour visiter Coissy & Montigny le Roy, lequel vint trouver le Roy à Chaumont en Bassigny, & partant de Chaumont, le Roy visita Ligny en Barrois, sainct Disier, & autres places, & vint faire sa feste de Toussaincts à Ienville apres avoir visité madame la Duchesse de Lorraine à Barleduc. Puis passa à Vitry le François, qui est une place qu'il avoit commencée sur la riviere de Marne à une lieuë de Viery en Partois, parce

Voyage de Roy au long de la frontiequ'il ne trouvoit qu'on peust fortisser ledit lieu de Vitry en partois pour l'incommodité de l'assiette commandée de trois ou quatre montagnes. De Vitry le François alla à Saincte Menel oult, à Ville Franche sur Meuse, à Mouson, à Sedan, à Messeres, à Maubert-Fonteine, passant à Mont-Cornet en Ardenne, & se rerira à Nostre Dame de Liesse, & à Folembray, où il solemnisa la feste de sainct André.

Le Roy est adverty du tresspace du Roy Henry d'Angleterre huitte sine de se nom.

LE Roy partant de Folembray vint à Compiegne, & y ayant sejourné trois sepmaines ou un mois, se retira à S. Germain en Laye, auquel lieu il receut les nouvelles du trespas du Roy Henry d'Angleterre huicliesme de ce nom, lequel lailla un fils de l'aage de huiet ans, nomé Edouart duquel trespas se Roy pocta grand ennuy, tant pour l'esperance qu'il avoit de saire ensemble une alliance plus ferme que ceile qu'ils avoyent commencée, que par ce qu'ils estoyent presque d'un aage, & de mesme complexion, & eut doubte qu'il fust pour bien tost aller apres: mesmes ceux qui estoyent pres de sa personne trouverent que depuis ce temps il devint plus pensif qu'au paravant. Si est-ce que considerant que l'evenement de la guerre est incertain & que advenant q l'Empereur vint à son entente contre les Allemans, il pourroit tourner ses forces sur luy, dont la Chapagne en pourroit souffrir, depescha le seigneur de Lagey pour faire parachever les fortificatios de ladite frontiere & pour cest effect ordona neufvingts mille livres: & pour pourveoir lesdites places de vivres, depescha le seigneur de Placy son maistre des requestes, & le seigneur de Bora, mais devant que la chose fust executée sa mort intervint, car peu de jours apres, luy vint une fieuve lente, pour laquelle passeril sen alla à la Muette, maison nouvellement par luy edifice, à deux lieuës de S. Germain au bout de la forest. Mais y ayant faich sejour de sept ou huich jours, il s'ennuya, & en partit sans repasser par S. Germain en Laye, & alla coucher à Villepreux, où la nuict il eut quelque acces de fievre : le lendemain alla coucher à Dampierre pres Chevreuse, duquel il print son chemin pour aller faire son quaresme prenat à Limours, & de jour en jour ceux qui estoient autour de luy, le trouverent fort changé de complexios & de façons de faire. Ayant sejourné deux ou trois jours à Limours s'en alla à Rochefort, où il sejourna allae

Maladie & mort du Roy.

de jour en autre à la chasse, mais tous les soirs à son retour avoit quelque acces de fievre, parquoy voulut prendre son chemin pour se retirer à S. Germain en Laye, & pour avoir son passe-temps de la chasse par les chemins, partant de Rochefort vint coucher à Rambouillet, esperant n'y estre qu'une nuiet, mais le plaisir qu'il eut approchant dudict Rambouillet, tant en la chasse qu'en la volerie, luy feit changer d'opinion, & delibera d'y faire sejour cinq ou six jours, mais en sin la fievre qui de log temps l'avoit sais, se renforça tellement par intervalles, qu'elle se convertit en continue, avecques la douleur d'une apostume, qu'il avoit euë peu de temps au precedant qu'il allast au devant de l'Empereur quand il passa par France. Alors ayant bonne cognoissance de sa fin, disposa des affaires de sa conscience. & de sa maison, & apres avoir faict plusieurs belles remonstrances à monseigneur le Dauphin son fils à present regnant, & luy avoir recommandé son peuple & serviteurs, rendit l'ame à Dieu audit chasteau de Rambouillet, le dernier jour de Mars mille cinq cens quarante six, avant Pasques.

CE PRINCE fut fort regietté tant de ses subjects que Conditios & des estrangers, pour avoir flory en toutes vertus. Il estoit aage du Roy. magnanime & genereux ; amateur de bonnes lettres, lequel par son moyen a illuminé les tenebres d'ignorance, lesquelles avoyent regné par cy devant, & ayma toutes gens d'esprit, & fonda à Paris des colleges pour les lettres Latines, Grecques, & Hebraïques, & feit venir de toutes les parties du monde gens instruicts en toutes sciences & arts liberaulx, pour edifier la jeunesse en bonnes meurs & sciences: & combien qu'il n'eust esté nourry aux estudes en son jeune aage, n'estoit science de laquelle il ne peust rendre raison, d'autant qu'il avoit souvent communiqué avecques gens excellens en toute erudition, & que Dieu l'avoit doué de divine memoire, de sorte que toutes gens doctes qui l'ont hanté, ont confessé avoir plus aprins de luy que luy d'eux. Il moutut en son aage de cinquante & trois ans, apres avoir eu beaucoup de bonnes & mauvailes fortunes, mais plus de mal-heureuses que de prosperes: toutesfois jamais adversité qui luy peust advenir,

M. D. XLVI.

X. LIVRE DES MEMOIRES

ne luy abaissa le cœur, ayant tous jours son recours & serme siance en Dieu, & continua en bonne memoire & sain entendement jusques à la fin de ses jours.

Fin du dixiefme & dernier livre des Memoires de Meßires Martin El Guillaume du Bellay.



TABLE DES CHOSES PLVS

DIGNES DE MEMOIRE CONTENUES
encest œuvre en laquelle les armées que les autheurs ont prins
plaisir à descrire, sont marquées soubz le tultre d'Armées: les
prinses de villes, soubs le mot de Prinses: les batailles où nous avons gaingné: soubs le mot de Victoire: celles où nous avons
perdu, soubs le mot de Roupte: ce qui s'est faict sur
la mer, soubs Navale: les autres moindres rencontres, soubs Desfaicte ou Charge: les
Morts, Mariages, Passages, Naisfanses, Entre-veues soubs leur
terme: le reste s'est mis à
discretion.

DVENEMENT du Roy François à la coufueil.10.b.

Aix en Provence abandonné par les Francois, pour estre iugé non fortifiable, estat pres l'armée de l'Empereur, bien que monsseur de Montejan s'offrit le garder. fueil. 278. a

Aleonor Royne de France cherche les moyens de faire entrevoir le Roy François, & l'Empereur. 128, a

Alliance ancienne des estats de l'Empire, avecques les Roys de France, ramenteue par les Princes d'Allemaigne sollicitans le Roy François à se liguer avecques eux contre l'Empereur & le Roy Ferdinand son frere.

Alliance entre les Roys de France & d'Angleterre.

19.b

Alliance nouvelle entre les Roys de France & d'Angleterre.

Alliance plus estroitte faicte entre les Roys de France, & d'Angleterre.

Altercation entre le Roy & l'Empereur sur le saict du Concile universel.

Angleterre, & du changement de ses Roys, discours notable.

sieur de Brion.

nis.

Annebault faict Amiral de France par la mort de mon-

Annebault Lieutenant du Roy en Piemont rompt les desseings de monsieur de Langey & assiege pour neant Co-

Anthoine de Bourbon Duc de Vendosme Lieutenant pour le Roy en Picardie, & ce qu'il executa sur l'énemy au

païs d'Artois lors du camp de Perpignan.

395.b

390.b

Anguien Lieutenant du Roy en Piemont.	27.b
Appareil de guerre par l'Empereur pour venir en	219.b
Armée premiere du Roy François pour recouvre	
Duché de Milan, & les noms des Princes & Capitaine	e oui
en estoient.	12.a
Armée Françoise en Navarre soubs la conduicte d	
sieur de Bonnivet.	33.b
Armée de l'Empereur pour deposseder le Roy Fra	
du Duché de Milan.	42.6
Armée du Roy François pour deffendre l'estat d	e Mi
lan.	42.b
Armée envoyée en Italie par le Roy François soi	
charge de monsieur le Duc de Longueville, & tost	
contremandée.	57.b
Armée du Roy François en Provence contre Cl	
de Bourbon avecques laquelle le Roy passa tost apre	es et
Italie pour recouvrir son Duché de Milan.	80.1
Armée Françoise en Italie soubs la charge du Cor	
Sain& Paul.	116.1
Armée pour la premiere conqueste du Piemont	
noms des Capitaines d'icelle.	190.
Armée du Comte Guy de Rangon en Italie pour	e ser-
vice du Roy François lors que l'Empereur estoit en	Pro
vence.	325.1
Armée soubs la charge de monsieur d'Orleans,	pou
conquerir le Duché du Luxembourg, & les nom des	Capi
taines d'icelle.	387.
Armée pour assieges Perpignan soubs la charge de	mon
sieur le Dauphin Henry.	387.1
Armée de Marolles, & les noms des seigneurs qu	ii ye
	407.
	1

Arbitrage que voulut entreprendre le Roy d'Angleterre, des differens d'entre le Roy François & l'Empereur.

24.2

Archouzes qu'on tiroit sur fourchettes inventées en Italie, & en quel temps.

Arrivée de monsieur le Grand-maistre de Montmorency Lieutenant general du Roy au cap d'Avignon & la proposition qu'il feit au conseil de ce qui estoit à faire pour la dessence de Provence contre l'Empereur.

Arrivée du Roy d'Escosse en France, pour le secours du Roy François, au temps de la guerre de Provence, & côme

il demanda en mariage l'une des filles du Roy.

328.b

Arles descritte & ce qui y advint l'Empereur estant en Provence. 302.a

Arlon en Luxembourg abandonné par les François, neantmoins confervé au Roy par la fidelité des habitans.

418.b

Assiette du camp d'Avignon auquel commandoit monsieur le Grand-maistre de Montmorency quad l'Empereur vint en Provence. 286,a

Assemblée de gens de guerre Italiens à la Mirandole pour le service du Roy lors que l'Empereur estoit en Provence.

Àssassinement des seigneurs Rincon & Fregoze & ample discours comme il advint.

Assault à Sandizier par les Imperiaux soustenu vaillam ment par les François.

445.a

Assault de nuict donné par les Anglois au fort d'Oultreau pres Boulongne soustenu vaillamment par les nostres estant chef dedans le fort Thibault Rouhault seigneur de Riou. 468.b

Augure & presage affecté par l'Empereur entrant en Pro vence & les propos qu'il tint à ses soldats. 263.a

Avitaillement de Teroüenne par monsieur d'Annebault.

Avitaillement de Teroijenne par monsieur de Vendosme. 403.b

Avitaillement de Luxembourg par le Prince de Melphe. 418.b

Pp iij

Avennes & ce que feirent autour les sieurs Martin du Bellay, de Longueval, & le Capitaine la Lande. 406.

В

Paillet second Presidant de la cour de Parlement de Paris, respondit sagement pour les Parissens à mosseur de Brion envoyé par devers eux de la part du Roy François, pour les rasseurer contre la venue des Anglois & Bourguignons.

74.2

Balanson ambassadeur de l'Empereur au Roy François pour le sommer, luy aider à faire la guerre contre le Ture,

& la response qu'il eut.

Bataille presentée par Lautrec au Prince d'Aurenge en

l'Apouille. 110,a Bataille presentée au Marquis du Guast par le Dauphin Henry. 358.a

Blesseure du Roy François en la teste, advenue en un combat de nege, la feste des Roys.

Blessure de monsseur d'Aumalle sils aisné du Duc de Guise devant Luxembourg.

Blesseure de monsieur d'Aumalle fils aisné de monsieur de Guise d'un coup de lance en la teste, qu'il receut en une escarmouche contre les Anglois.

464.a

Boutieres Lieurenant du Roy en Piemont, & ce qu'il y feit.

Brigue du Roy François pour estre Empereur. 19.b

C

Amisade donnée à Rebec par les Espagnols sur les compagnies de Bayar & Lorges.

Capitulation du Marquis Michel de Salusses avecques le Prince d'Aurenge, pour sauver le reste de l'armée Françoise qui avoit assiegé Naples. 118.a

Capitulation des François assiegez en Fossan avecques Antoine de Leve. 251.b

Cartel de desty du Roy François à l'Empereur. 104.b

Carignan perdu, & recouvert en peu de temps par les François estant le seigneur de Langey Lieutenant du Roy en Piemont.

Causes de la perte que feit le Roy François au Duché de

Causes des premieres guerres du Roy François & du

Duc de Savoye. 181.a. Cesar de Naples surprent quasi la ville de Turin sur les François par escalade. 351.b.

Cesar de Naples surprent quasi la ville de Turin par des chartées de foin.

Charge faicte mal à propos par les François sur l'escorte d'Anglois, qui conduisoyent vivres au camp du Roy Henry d'Angleterre devant Terouënne.

Citadelle edifiée à Cambray par le commandement de l'Empereur & soubs quel pretexte. 424.0.

Clement Pape voulut accorder l'Empereur & le Roy Fra cois lors que le Roy assiegeoit Pavie. 83,a.

Golonnois envahissent Rome incontinant apres la paix qu'ils eurent faicte avec le Pape.

Combat en forme de dueil des sieurs de Montmorency

& Lorges contre deux Bourguignons. 32.b.
Conspiration des Potentats d'Italie contre le Roy Fran-

cois, pour luy empescher le recouvrement de Milan. 63.b.

Confederation entre le Roy François & le Roy d'Angleterre.

Conditions iniques de la delivrace du Roy François proposees par l'Empereur. 94.b.

Concile universel mis en termes entre les Princes Chreftiens pour pourveoir aux heresies naissantes, & les raisons du Pape pour l'empescher. 141.a.

Condemnation de Hans Ludovic capitaine Alleman pour les mutineries qu'il avoit suscitées des Lansquenets en Piemont & pour avoir mis la main à l'espée contre mon sieur de Humieres Lieutenant du Roy.

Combat en camp clos à Moulins de Sarzay & Veniers, 362.a.

Coustumes louables du Roy Henry d'Angleterre. 219,20 Courses dressées contre les Bourguignons par l'auteur e-stant chef de la garnison d'Emery en Artois, & le butin qui

Pp.iiij

TABLE.	
y fut fai&. Creation de quatre Cardinaux, de Lixieux, a gue, de Chastillon, & Givry, á Marseille lors	des nopces
du Roy Henry & de la Royne Catherine.	158.b.
4	` .
, D	
Décimes accordées par les Prelats de Fran François.	ce, au Roy 136.a.
Deffaicte d'Anglois par les François.	2.b.
Deffaicte à Ville Franche de Prospere Colon	ne, & de la
cavallerie que le Pape envojoir corre le Roy Fra	ancois 12.b

Deffaicte d'Anglois par les François.

Deffaicte à Ville Franche de Prospere Colonne, & de la cavallerie que le Pape envoioit cotre le Roy François, 12, b.

Deffaicte du Comte Risourket par François de Silly Baillis de de Caen.

Deffaicte des trouppes de Pallevois prise & punision

Deffaicte des trouppes de Pallevoisin, prise & punition d'iceluy à Milan.

Deffuicte de Bourguignons par le seigneur de Telligny en laquelle il sut blessé à mort.

49.a.
Deffuicte d'Espagnols par mosseur de Montmoréev so b.

Deffuicte d'Espagnols par mossieur de Montmoréey. 50.b.

Deffuicte de Bourguignons par les Comtes de sainct Pol
& de Guise.

59.a.

Deffaicte de quatre cens Anglois par monsieur de Guise. 60.a.

Deffaicte d'Anglois par le Comte de S.Pol. -61.2. Deffaicte de Lansqueners par monsieur de Guise. 72.2.

Deffaicte des seigneurs de Montejan & de Boutieres, en Milannois. 78.a.

Deffaicte d'Espagnols pres Savone par le Marquis Michel de Salusses & le seigneur de la Milleraye. 85.a.

Deffaicte de Bourguignos & d'Espagnols par le seigneur de Pontdormy en Picardie. 86.a.

Deffaicte d'une populasse d'Allemagne par les freres du Duc de Lorraine.

Deffucte du Marquis de Marignan lors Chastellan de Mus par Antoine de Leve.

Deffaicte & prinse des seigneurs de Montejan & de Boisy à Brignolles en Provence. 282.b.

Deffaicte d'Imperiaux pres Savillan en Piemont par Antoine Cusan capitaine Italien, lors que l'Empereur estoit en Provence.

292.b.

Deffaiste à Cazal des seigneurs de Burie & de Tais par le

TABLE. Marquis du Guast. Deffaicte de chevaux legers du Vidasme d'Amiens par les Bourguignons. 331.a. Deffaicte de Bourguignons par Martin du Bellay autheur de l'histoire estant capitaine de chevaux legers en Picardie. Deffaicte de monseigneur d'Annebault apres avoir secouru Terouënne. 346.a. Deffaicte de vingt mille Allemans à Bude par les Turcs. 371.a. Deffaicte de Bourguignons par le sieur de Brislac capitaine general des chevaux legers, pres Guise. Deffaicte d'Imperiaux par monsieur de Brissac. Deffaicte du seigneur Pierre Strosse par le Marquis du Guast peu apres la bataille de Serizolles. Deffaicte de chevaux legers François par les Imperiaux pres de Vitry en Champagne. 444.b. Deffaicte de quelque cavallerie Angloise par le Mareschal du Biez. Deffaicte de deux mille Anglois par monsieur de Brissac. 465.b. Deffaicte de grand nombre d'Anglois par le Mareschal du Biez, voulans empescher l'envitaillement du fort d'Oultieau. Deguast faict par les François en Provence, pour oster les moyens de vivre à l'armée de l'Empereur. Delivrance du Roy François. 97.a. Delivrance des enfans de France, & le moyen qui fut tenu pour la seureté du passage d'iceux & de la rançon du Roy François. 123.b. Demandes & sommations que feit le Roy François au 183.6. Duc de Savoye. Departemens que feit le Roy François des gouvernemens de son Royaume du temps de la premiere guerre co-27.b. tre l'Empereur. Departement que feit le Roy François des estats de son Royaume estant de retour de la prison d'Espagne. 97.2.

Departement que feit le Roy François des estats de son Royaume estant de retour de la prison d'Espagne. 97.a. Desdict notable de l'Empereur. 213.a. Descente d'Anglois en Picardie. 58.b. Description de la terre d'Oye & du deguast qui en sut faict par les François. 465.b.

TABLE.
Desseing du Marquis du Guast pour le secours de Carignan assiegé par les François. Desseing d'envahir la France par l'Empereur & le Roy d'Angleterre apres la bataille de Serizolles. Descente d'Anglois pour assieger Boulongne, & la diversité d'opinions qui fut au conseil du Roy d'Angleterre sur l'endroiet qu'il devoit choisir pour faire sa descente. 448.a. Detrousse & recousse de noz vivres venans au camp de Roy François à S. Pol en Artois. Detrousse de vivres venants au camp de l'Empereur à S. Disser par monsieur d'Aumale, sils aisné de monsieur de Guise estant à Stenay. Detrousse de vivres allans au camp des Anglois devant Montreul. En laquelle sut desfaict grand nombre d'ennemis par monsieur de Vendosme. Diette tenue en Allemagne par l'Empereur & ce qui y su conclu en faveur du Duc de Savoye & pour le faict de la religion des Protestans. Dissimulation des Ambassadeurs de France vers le Roy leur maistre pour l'affection qu'ils portoyent à la paix. 209.a.
Diverses opinions au conseil de l'Empereur sur son entreprise de Proyeuce.
E
ь .
Ffect des harangues que feit le seigneur de Langey pour la cause du Duc de wittemberg. 178.a. Election du Pape Adrian. 47.a. Emprisonnement des Ambassadeurs du Roy François e- stans par devers l'Empereur. 103.a. Emery Chasteau en Artois descrit, & comme l'autheur commença à le faire fortisser. 498.b. Emery Chasteau demoly par le commandement du Roy François pour estre l'envitaillement difficile. 410.b.
Embrazament du grand Carragon du Por François Se

Embrazement du grand Carracon du Roy François & la perte des choses y estans.

Entreveuë du Pape Leon, & du Roy François à Boulon-

Entreveuë à Ardres des Rois de France & Angleterre,

TABLE. 20. b. Entreveuë seconde des Rois de France & Angleterre, & les articles de leur consideration. 133.a. Entreveuë du Pape Clemet & du Roy à Marseille.157.b. Entreveuë du Pape, Empereur, & Roy à Nice. 362.b. Entreveuë du Roy, & Empereur à Aigue mortes. 363.a. Entrée de l'Empereur à Rome. 194.b. Entreprise que seit l'Empereur sur la ville de Marseille lay estant en Provence. 299.2. Entreprise de monsieur d'Aumale fils aisné de monsieur de Guise avec la jeunesse de la suytte de monsieur le Dauphin fur les Bourguinons. 403.b. Escrits envoyez par le seigneur de Langey aux Estats de l'Empire sur le faict de la restitution du Duché de Witemberg. 162.2. Eschange que le Duc de Savoye voulut faire, de ses terres avec celles de l'Empereur. 183.2. Escalade donnée pour neat à la ville de Genes par l'armée de Guy de Rangon, lors que l'Empereur estoit en Provence. 326.a. Escalade heureusement donnée à Queras par les seigneurs d'Aussun & de Cental. 392. b. Escarmouche dressée devant Avennes par mősieur d'Aumale fils aisné de monsieur de Guise. Escarmouche hazardeuse pres Ladrecy dressée par messieurs d'Aumale & de Nevers. 411.b. Escarmouche devant Challons contre les Imperiaux, en

laquelle moururent le seigneur de Bordes & le jeune Genly. 449.a. Estats du Comté de Bourgongne se pacifiet avec le Roy

François par le moyen de messe ligues de Suisse. 329. a. Evesque du Liege frere de Robert de la Marchk, laisse le party du Roy François & pour quelle occasion. 25. b.

Evasion du Pape Clement hors des mains des Imperiaux.

F

Amine grande en Piemont & comme il y fut pour veu par le feigneur de Langey. 366.a. Faulses intelligences pour surprendre la ville de Guise

par les Bourguignons. 61.a. Faulse praticque des Bourgnignons cuydans surprendre Hedin. 87.a. Faulse praticque pour prendre le chasteau de Nice decouverte par monsieur d'Anguien. 408.2, Abriel Marquis de Salusses investy du Marquisat par Ile Roy François, & marié à la fille du seigneur d'Annebault. 350.b. Galeres de la mer de Levant, viennent en la mer de Normandie pour guerroyer les Anglois estant le siege deyant Boulongne. Gantois chastiez par l'Empereur. 365.2. Genefve mise en liberté & hors de la subjection du Duc de Savoye par l'ayde secrette du Roy François. Grisons abandonnent le Roy François peu de jours au paravant la bataille de Pavie. 89.b. Guillaume Comte de Fustemberg, & le Comte Fœlix ayans envahy la Bourgongne avec une armée de Lansquenets sont repoulsez par monsieur de Guyse. H Arangue du seigneur de Langey en l'assemblée des cstats d'Allemagne pour la cause du Duc de Wittemberg. 164.2. Harangue seconde d'iceluy sieur de Langey pour la mesme caule. Harangue publicque de l'Empereur au Pape, pleine de protestations & complainctes cotre le Roy François.199.a. Harangue seconde de l'Empereur devant le Pape explicative de la premiere. 206.b. Harengue du Cardinal de Lorraine au Pape. 213.2. Harangue de l'Empereur à ses soldats prenant le chemin

Harangue Latine pour le Roy François present, saicte devant le Pape Clement à Marseille, par Jean du Bellay Evesque de Paris, au ressuz du Chancelier Poyet qui ne la

de Provence.

peut faire.

260.b.

158.a.

Henry nouvellement Dauphin impetre congé du Roy pour aller au camp d'Avignon, l'Empereur estant en Provence.

Humieres Lieutenant pour le Roy François en Dauphiné, pourvoit sagement à la dessence d'iceluy païs, venant

l'Empereur en Provence.

Humieres Lieutenant du Roy en Piemont avec armée de Lansquenets assiege pour neant Ast, puis il prent Albe & fortisse Queras.

233.a.

331.a.

I

Tean de Medicis au service du Roy François, 89.a. Iean Roy de Hongrie envoye ambassadeurs par devers le Roy François, & ce qu'ils traicterent. 131.a.

Iean d'Orleans Archevesque de Toulouze oncle du Duc de Longueville, creé Cardinal.

Iean Loys Marquis de Salusses est estargy des prisons de Paris où il estoit pour craincte de rebellion & restitué en l'estat de Salusses par le Roy François, toutessois par sa simplicité il se laissa surprendre à son frere Francisque qu'i le feit depuis mourir en prison.

Iean Cardinal du Bellay gouverneur de Paris pourvoit diligemment la ville de toutes munitions ce pendant que les Bourguignons assiegeoient Peronne.

317. a.

Ingratitude du Marquis François de Salusses avec discours sur la trahison qu'il feit.

Instructions données à monsseur de Langey pour aller en Allemagne par devers la ligue des Princes. 130.a.

Intelligences que l'Empereur pensoit avoir en France, lors de son entreprise de Provence. 262.a.

Intelligences en Italie practiquées par monsieur de Langey, desquelles le Roy François ne se voulut ayder.

J88.b.

- Jugement Solennel en l'affemblée du Roy & de plusieurs

Princes François & estrangers contre celuy qui empoisonna le Dauphin François.

328.a.

Iugement de la Cour de parlement contre l'Empereur 331. b.

TABLE. Angey Guillaume du Bellay ambassadeur en Angleterre, pour le Roy François & le devoir qu'il y seit! 122. b.
122. b.
122. b.
Langey pour la seconde fois Ambassadeur en Angleter-
re,& ce qu'il y feit.
Langey envoyé ambassadeur en Allemagne & pour-
quoy. 232.a.
Langey ambassadeur en Allemagne, purge le Roy Fran-
çois de plusieurs calumnies semées contre luy par l'Empe-
reur faisant son entreprinse de Provence. 233.a.b.
Langey Lieutenant pour le Roy en piemont despendit
le sien au service du Roy, & en demeura l'autheur redeva-
ble de cent mille francs.
Langey Lieutenant pour le Roy en Piemont, & ce qu'il
ex ecuta sur les ennemis durant sa charge. 292.b. Langey Martin du Bellay. & Sansac mettent vivres dans

Langey Martin du Bellay, & Sansac mettent vivres dans Landrecy assiegé par l'Empereur. 422.b.

Langey Martin du Bellay, porte arget à monsieur d'Anguien pour la solde de son armée, & ce qu'il feit pour y artiver.

429.b.

Landrecy descrit & comme il sut abandoné par les Bourguignons, & sortissé par les François. 406.b. Lautrec rend raison au Roy François de la perte du Du-

Lautrec rend raison au Roy François de la perte du Duché de Milan.

55.b.

Lautrec au voyage de Naples. 107. a. Lecture faicte au Roy par l'ambassadeur de l'Empereur de la protestation que ledict seigneur Empereur avoit saicte à Rome contre luy. 215. à.

Legionnaires instituez par le Roy François en chacune province de son Royaume. 180. a.

Legats envoyez par le Pape, au Roy & à l'Empereur, pour les empescher d'entrer en guerre. 226.b.

Lettres au Roy François de monsseur de Bourbon, deliberant prendre le party de l'Empereur: 65.a.

Lettres de l'Empereur au Roy d'Angleterre communiquées par ledict feigneur Roy, à l'ambassadeur de France.

Lettres du seigneur de Langey aux Electeurs de l'Empire.

Lettres iustificatives de la mort des Ambassadeurs du Roy aux Estats d'Allemagne, par le Marquis du Guast. Lettres de monsieur de Langey aux Estats d'Allemagne, responsives aux lettres du Marquis du Guast.

Levée de gés de cheval & de pied pour resister à l'Empéreur venant en Provence.

232.2.

Levée de gens de pied en Guienne soubs le Roy de Navarre pour garnir la frotiere d'Espagne pendant que l'Empereur s'acheminoit en Provence. 232.b.

Levée de grand nombre de Suisses sans le congé de leurs magistrats saicte à deux fois pour envoyer au camp d'Avignon.

Levée d'Allemans pour le Roy d'Angleterre, demeurée inutile par faulte de solde. 466.2.

Liberalité du Roy d'Angleterre envers le Roy François.

122.b.

Loys d'Ast & de sa constance.

Lormarin chasteau en Provence auquel furent surpris quelques Imperiaux l'Empereur estant audict païs.

310. b.

Lude capitaine François dessendit vaillamment Fontarabie contre les Espagnols. 88.a.

Lumes Chasteau pres Mesieres, le seigneur duquel se revolta contre le Roy François, & ce qui en advint. 180.b.

Luxembourg & les droicts que les Roys de Frace y ont, & à quels tiltres. 386.b.

Luxembourg descrit & les antiquitez du lieu. 415.a.

M

Aladie du Roy François à Madril. 96. a. Mariage de Charles Duc de Vendosme avec la sœur du Duc d'Alençon. 1. b.

Mariage de Claude de Lorraine Comte de Guise, avec Anthoinette de Bourbon sœur du Duc de Vendosme. 3.a.

Mariage du Duc François d'Angoulesme, & de Claude fille du Roy Loÿs.

Mariage du Roy Loys douziesme avec la sœur du Roy d'Angleterre.

Mariage du seigneur Laurens de Medicis avec madame Magdaleine de Boulongne dont est yssue la Royne Katherine mere du Roy.

Mariage de madame Renée fille du Roy Loys douzie
me avec le Duc de Ferrare.
. Mariage du Roy François avec la Royne Aleonor sœu
de l'Empereur. 125.b
Mariage de Henry Duc d'Orleans second fils du Ro
François avec Katherine de Medicis, à present Royne me
redu Roy.
Mariage du Roy d'Angleterre avec Anne de Boullan
147. a.
Mariage du Roy d'Escosse avec madame Magdalein
fille du Roy François.
Mariage celebré mais non consommé du Duc de Cleve
avec la fille du Roy Henry de Navarre.
Merveilles Escuyer du Roy François executé à mort pa
le commandement du Duc de Milan, la cause pourquoy, &
comme le Roy François sen resentit.
Monemorency Grand-maistre de France fut estably pa
le Roy François son lieutenant general par tout son Roy
aume, & mesmes en Provence lors que l'Empereur l'assail
lit. 267.b
Montmorecy faict Connestable de France & pour quel
merites.
Montejan faich Mareschal de France. 363.a
Mort de la Royne Anne.
Mort de Barthelmy d'Alviane.
Mort du Roy Ferdinand d'Arragon. 19.a
Mort de l'Empereur Maximilian. 19.b
Mort de monfieur de Boily Grad-maistre de Frace. 19.b
Mort du Pape Leon. 46. b
Mort de Marc Antoine Colonne qui estoit au service di
Roy François, 50.a.
Mort de l'Escuyet Bouccar vaillant homme. 51.2
Mort du Mareschal de Chastillon. 58.a.
Mort du capitaine Bayard, & les parolles magnanimes
qu'il dict en mourant à monsseur de Bourbon. 79.2
Mort de la Royne Claude.
Mort estrange du seigneur de Pontdormy fort regret-
té. 88,a
Mort de Iean de Medicis qui estoit au service du Roy.
100.a.
Mortalité par le cap du Roy au païs de Boulogne. 468.b.
Morta-

,
Mortalité au camp de monsieur de Lautrec. 116,2 Mortalité & famine au camp de l'Empereur en Proven-
213.2
Mort du Marquis Michel de Salusses & autres seigneurs
rançois à Naples. 118.a
Mort de Maximilian Sforce qui estoit prisonnier en
rance.
Mort de Francisque Duc de Milan. 182. b
Mort du Dauphin François & le regret qu'en eut le Roy
on pere. 289.a
Mort du Comte de Dammartin à Peronne. 321.b
Mort du Mareschal de la Marck.
Mort de monseigneur de Vendosme.
Mort du Marquis François de Sallusses devant Carma-
nolles. 350.a
Mort du Mareschal de Montejan gouverneur en Pie-
ont auquel succeda monsieur d'Annebault en son gou-
ernement. 363.a
Mort de moseigneur de Langey frere aisné de l'autheur
e ceste histoire.
Mort du Roy Jacques d'Escosse qui avoit espousé la fille
e monsieur de Guyle & ce qui s'en ensuyvit. 454.a
Mort du Chevalier d'Aulx Provensal en une descente
u'il feit en Angleterre.
Mort de monsieur le Duc d'Orleans fils du Toy Fran-
Dis. 463,b
Mort de monsieur d'Anguien François de Bourbon.
70.a
Mort du Roy Henry d'Angleterre dont le Roy Fran-
ois eut grand dueil.
Most du Roy François premier & de la maladie dont il
ourut, 470.b
Motits du Roy François pour rompre la paix faicte à
amoray.
Mutinerie des François contre les Lansquenets en l'ar-
ice de la première conquelte du Piemont.
Mutinerie des Champenois contre les Italiens en la vil-
a Arles l'Empereur citant en l'rovence.
Mutinerie des Guascons das la ville d'Arles l'Empereur
tant en Provence. 306.b

Naissance de Henry fils du Roy François.

Roy François.

les Genevois pres Savonne.

François second.

thieu en Bretaigne.

vaincus.

Aissance de monseigneur le Dauphin Fraçois fils du

Naissance du fils du Dauphin Henry qui fut le Roy

Navale bataille contre les Anglois devant sain& Ma-

Navale bataille du Marquis Michel de Salusses contre

Navale bataille devant Naples où les Espagnols furent

19.4

19.6

85.2

Navale expedition de l'Amiral d'Annebault contre le Anglois & long discours de ce qui y fut faict. Anglois & long discours de ce qui y fut faict. Navarre Royaume recouvert & soudain perdupar le François soubs la charge de monsieur d'Asperaut frere de seigneur de Lautrec. Neuffossé en Artois descript, & comme le seigneur de Pontdormy le força. Noms d'aucuns gentilshommes François qui abandonnerent leurs biens pour suyvre le party de monsieur de Bourbon. Noms de plusieurs seigneurs occis & prisonniers à route de Pavie. Noms des seigneurs François qui moururent au sies de Naples avec monsieur de Lautrec. Noms des capitaines & seigneurs Fraçois qui demeur rent pour dessendre le Piemont contre l'Empereur venaren Provence. Noms des gentilshommes François qui partirent de cour pour se trouver à la bataille de Serizolles. Nourriture de la jeunesse de Charles d'Austriche qui se	la de la
Nourriture de la jeunesse de Charles d'Austriche qui si depuis Empereur.	nr'
0	
Bleques solennelles du Dauphin François saictes Rome par deliberation du Pape en consistoire con l'advis de la faction Imperiale. Occasion premiere des cruautez d'entre les François	b

Eourguignons.	33.2
Occasion de la bataille de Pavie.	. 90.b
Occasion des secondes guerres du Roy Franç	ois & de
l'Empereur.	. 183
Occasion du voyage de mosseigneur le Maresch	ral d'An
nebault à Venize.	364.a
Opinions diverses des homes sur le passage de	l'Empe-
teur par France.	367.a
Oraison du Roy à Dieu luy estant annocée la	mort du
Dauphin François son fils.	290.a
Ouverture de guerre entre l'Empereur & le Ro	
çois qui fut la premiere apres le traicté de Cambray	7
223.2	
, -),	
P	
•	
D'Aïsans de Provence dressent plusieurs escarmou	ches &
empeschemens au camp de l'Empereur.	298.a
Païsans de Provéce detrousserent les biscuits qui	
d'Italie au camd de l'Empereur.	311.a
Pallevoisin estant au service du Roy François est	
ivec sa compagnie par le Duc Sforce.	90.2
Parolles du Cardinal de Lorraine à l'Empereur.	212.3
Parolles du Roy en son conseil.	220.3
Parolles du Cardinal de Lorraine à l'Empereur	
minant en provence.	226.b
parolles de l'Empereur en son conseil sur l'entrep	
provence.	268.b
parolles du Roy François à monfeigneur le Gran	
tre de Montmorency.	268.b
parolles du Roy à monsieur le Dauphin Henry a	
nort du Dauphin François.	290.3
rassage du Roy d'Angleterre Henry huictiesme en	
e,pour y faire la guerre.	2.2
passage de l'Empereur par Angleterre.	21.2
passage second du Roy François en Italie pour rece	
: Duché de Milan.	81.a
passage du Poy François en piontent pour ses	263.2
passage du Roy François en riemont pour secon	
aïs contre le Marquis du Guast.	360.1
Qqij	

Passage de l'Empereur par la France. 363.b.
Pas de Suze forcé par môsieur le Grad-maistre de Môt-
morency sur Cesar de Naples qui le gardoit avec dix mille
hommes de pied pour empescher le passage de l'armée du
Roy en Piemont.
Paul de Cere capitaine Italien fait heureusement plu-
fieuts entreprises sur les Imperiaux en Provence.
Perre du reste du Duché de Milan, apres la dessaicte de
monsieur de Bonnivet. 79.a
Perte du Duché de Luxembourg tost apres la conqueste
qu'en avoit faicte monsseur d'Orleans. 390.a
Perte de quatre galleres du Roy François. 408.2
Plainctes des Roys de France & d'Angleterre, sur les e-
xactions de cour de Rome.
Pontdormy capitaine Picard, se porte vaillamment à la
dessence de Picardie, avec le sieur de la Trimouille.
73.2 D
Pourparlé du mariage de Henry fils second du Roy
François,& de Catherine de Medicis niepce du Pape.
138.2
Pourparlé de paix entre l'Empereur & le Roy apres la
prise de Sandisier. 448. b
Practiques de l'Empereur pour faire contribuer les Po-
tentats d'Italie à son entreprise de Provence. 295.b
Practiques & entreprises du Marquis du Guast contre
Turin descouvertes par la diligence du seigneur Martin du
Bellay, qui en estoit gouverneur.
Preparatifs du Roy Loys douziesme pour recouvrer son
Duché de Milan. 1.a
Preparatifs du Roy François pour le recouvrement du
Duché de Milan. 10.b
Preparatifs du Roy pour secourir les efforts de la pre- miere guerre que luy seit l'Empereur. 26.b
Preparatifs du Roy François pour secourir monsseur de
Lautrec en Milanois. 47.b
Preparatifs de guerre par l'Empereur, descouverts par
le Roy. Preparatife du Ploy François pour eller en Piemour.
Preparatifs du Roy François pour aller en Piemont, ou
fes affaires se portoient mal. Preparatife pour la bassille de Serizolles
Preparatifs pour la bataille de Serizolles. Prife & demolition de Terouenne par les Anglois
Prise & demolition de Terouenne par les Anglois.

- 6.a.	•
Prise de Tournay par les Anglois.	7.a.
Prise de Milan par le Roy François.	15.b.
Prise de Fleuranges par le Comte de Nansau.	26.a.
Prise d'Ardres par les Bourguignons.	28.b.
Prise de Mouzon par les Bourguignons.	30.a.
Prise de Fontarabie par les François.	34.b.
Prise de Hedin par les François.	37.a.
Prise de Tournay sur les François par l'Empereur.	38.a.
Prise de Milan par prospere Colonne sur les Franç	ois.
45.a.	· ***
Prise de Come par le Marquis de Pescaire sur les	
ols.	45.b.
Prise de Cremone sur les François, & comme e	lle fut
oudain reprise par monsieur de Laurrec.	46.a.
Prise d'Alexandrie & Pavie par Prospere Colon	
as François.	46.b.
Prise de Novare par monsseur de Montmorency.	51.b.
Prise de Vigeve par les François.	52.a.
Prise de Laude par les Espagnols.	55.a.
Prise de Genes par les Imperiaux, & le sac d'icelle.	57.ä.
Prise de Cremonne par les Imperiaux.	ς8.a.
Prise de Bapaulme par le Comte de sainct Paul &	mon-
	59.a.b.
Prise de Laude par le capitaine Bayar.	71.a.
Prise de Montdidier par les Anglois.	74.b.
Prise de Verceil par les Espagnols.	77.b.
Prise seconde de la ville de Milan par le Roy Fra	incois.
81.b.	3
Prise de Cremone par le capitaine de la Ligue de	selfats
l'Italie contre l'Empereur.	99.2.
Prise de Rome, & la mort de monsieur de Bourb	
101.b.	.011.
Prise de Genes pour le Roy François.	107.b.
Prise d'Alexandrie par monsieur de Laurrec, au	projetie
du Duc Sforce de Milan.	108.2.
Prise de Pavie par Lautrec pour le Duc Sforce.	
Prise de la ville de Melphe & du Duc d'icelle par	108.b.
fieur de Lautrec.	
	112. 2.
Prise de Pavie d'assault per monsieur de Lorges. Qqʻiij	117.a.

TABLE.
Prise de Savonne par les Genevois. 120.2
Prise de Turin par les seigneurs d'Annebault & de Mon-
tejan.
Prise de Hedin par le Roy François y estant en person-
ne. 333.b
Prise de la ville de Sainct Paul en Artois par le Roy Fra-
çois.
Prise de Liliers en Artois par les François.
Prise de sainct Venant lieu fort en Artois, par monsieur
le Grand-maistre de Montmorency.
Prise de la ville de sain & Paul sur les François, & le grad
meurtre qui en fur faict par les Bourguignons. 342.a
Prise par composition de Montreul en Picardie par les
Bourguignons. 344.2
Prise de Quiers en Piemont par Tolozan capitaine Ita-
lien estant au service du Roy François. 349.a
Prise de Carmagnoles par le Marquis du Guast, & cho-
se notable de ce qu'il seit en végeance de la mort du Mar-
quis de Salusses qui fur tué devant.
Prise de Quier:, Queras, & Albe, par le Marquis du
Guast. 354 b.355.a
Prise du chasteau de Villane en Piemont par mosseur le
Grand-maistre de Montmorency. 358.2
Prise de Danvilliers en Luxembourg par mosseur d'Or-
leans. 388,b
Prise d'Yvoy en Luxembourg par monsieur d'Orleans.
389.b
Prise d'Arlon en Luxembourg par monsseur d'Orleans.
390.2
Prise de la ville de Luxembourg par monsieur d'Orle-
ans. 390.a
Prise de Villeneusue d'Ast, poiring & Cambian par le
Marquis du Guast.
Prises de Barges en Piemot par le seigneur de Vassé par
le moyen de l'intelligence que le seigneur de Langey y a-
voit.
Prise des chasteaux de Saince Bony, Catillon, & Saince
Raphael pres Turin par Martin du Bellay autheur de ceste
histoire estant gouverneur de Turin.
Prise de Liliers en Artois par monsieur de Vendosme.
404.b
1 .

Prise de Bapaulme par monsieur de Vendosme, sans pouvoir prendre le chasteau pour le commandement que luy feit le Roy se retirer au camp. 407.a. Prise de Maubeuge par monsieur le Dauphin Henry, 409.a,

Prise de Treulon & Glayon chasteaux en Arrois par le sieur de Bonneval.

Prise d'Arlon pour la seconde fois par monsieur d'Orleans.

Prise seconde de Luxembourg par monsieur d'Orleans.

415.2.

Prise de Nice par l'armée de Barberousse & monsieur d'Anguien. 425.2.

Prise de Montdevis par le Marquis du Guast sur les Francis.
425.b.

Prise & fortification de Carignan par le Marquis du Guast. 426.a.

Prise de Saince Germain ville en Piemont par le sieur de Boutieres. 427.b.

Prise de Palezol Cressentin & Desane villes en Piemont par monsieur d'Anguien. 428,2.

Prise par composition de Carignan par monsieur d'Anguien.

Prise de Luxembourg par l'Empereur s'acheminant à Sandisser.

Prise de Ligny en Artois par l'Empereur, s'acheminant à Sandisser. 442.a,

Prise de la ville d'Albe par le seign Pierre Strosse. 443 b.
Prise de Vitry en Champagne par l'Empereur. 445.a.
Prise de Sandisser par l'Empereur. 447.a.

Prise du Comte Guillaume de Fustemberg par les François, lors que l'Empereur estoit en Champagne. 449.b.

Prise de Boulongne par coposition par les Anglois. 453.a. Prise de la basse Boulongne par les François, dont ils surent incontinant chassez par les Anglois. 453.a.

Propos notables que tint le Roy Fraçois à l'ambassadeur de l'Empereur en public au Palais à Paris.

Propos tenus par les ambassadeurs du Roy François en la presence du Pape & de l'Empereur sur le traitté de paix.

Propos des ambassadeurs de France & de l'Empereur,

Qq iiij

TABLE.	
sur ce qu'il avoit en sa harangue publicque saicte à Ro	
provoque le Roy François au combat: 40	5.b.
Propos du Cardinal de Lorraine avecques Antoin	•
	o.b.
Proposition du Roy en son conseil sur l'aggression	que
luy faisoit l'Empereur venant en Provence. 22	8.a,
Pronostications fauces semées par les Imperiaux,	lors
que l'Empereur entreprenoit le voyage de Provence,	les-
quelles luy promettoient accroissement & heureux su	ccez
	9.b.
Providence du Roy François pour la conservation	du
païs de Provéce, lors que l'Empereur s'y acheminoit. 20	53.b.
Provisions pour deffendre le Piemont contre l'inva	fion
de l'Empereur venant en Provence, & la Picardie con	re le
	ı.b,
1	
2	
Verelle entre Caguin de Gonzague, & Guy de I gon amplement descrite.	tan- 17.b.
R.	
K	
Aisons qui descouvroyent au Roy la dissimula des Imperiaux, sur ce qu'on luy promettoit la rution du Duché de Milan. Raisons de ceux qui disoient qu'on devoit aller au vant de l'Empereur, & le combatre entrant en Prove	8.b.
278.b.	32.a,
tution du Duché de Milan. 18 Raifons de ceux qui disoient qu'on devoit aller au	8.b,

Regente mere du Roy François pendant la prison d'ice-

Reprise de plusieurs forts en Piemont par l'armée du

Replique du Roy sur la responce de l'Empereur. 185. a.b. Restitution de la ville de Tournay au Roy François par

93.a, 33.b.

69.b.

360.2.

de perdre le Duché de Milan.

les Anglois.

luy gouverne le Royaume de France.

Reprise de Mouzon par les François. Reprise de Fontarabie par les Espagnols.

Roy soubs la couduitte du Dauphin Henry.

Restitution du Duché de Milan à François Sforce par
l'Empereur. 126.a.
Response du Pape aux protestations de l'Empereur con-
tre le Roy François. 204.a.
Response par escrit du Roy à la protestation que feit co-
rre luy l'Empereur à Rome. 215.a.
Resolution du Roy touchant ce qu'il avoit à faire cotre
l'Empereur venant en Provence. 230.a.
Retour du Roy François en France apres le recouvre-
ment de Milan. 16.a.
Retraitte du Marquis Michel de Salusses de devant
Milan. 100.a.
Retraitte de monsieur l'Amiral de Brion de devant Ver-
ceil. 211.a.
Retraitte de l'Empereur hors de Provence.
Retraitte du Cote de Nansau de devant Peronne. 322.a.
Retraitte du Roy François devant l'armée de l'Empe-
reur pres Landrecy. 423:a.b.
Retraitte de l'Empereur devant Landrecy. 424.b.
Revolte du Duc de Bourbon & les occasions. 64.a.
Revolte d'André d'Orie, & les occasions d'icelle. 114.a.
Revolte de Genes contre le Roy François suscitée par
André d'Orie. 119.a.
Revolte du Roy d'Angleterre de l'obeissance du Pape,
& les occasions de ce. 179.a.
Revolte du Marquis François de Salusses, & les occa-
fions. 222.a.
Robert de la Marchk fut l'une des çauses de la premiere
guerre d'entre le Roy François & l'Empereur, 22.b,
Roupte de Novare, 4.a.
Roupte des Esperons. 5.b.
Roupte des François à la Bicoque.
Roupte de monsieur l'Amiral Bonnivet au Duché de
Milan. 78.b.
Roupte de Pavie, & la prinse du Roy François. 91.b.
Roupte de monsieur le Comte de S. Pol en Lombardie,
121.a.
Roupture de la trefve à cause de la mort de Rincon &
Fregoze, & les raisons qui devoient mouvoir ou desmou-
voir le Roy de la faire. 384.a.
Roussillon Comté sur les marches d'Espagne, à quel til-
aminor porino int sea minimiente de pilague, a duci mi

gre il doit appartenif au Roy de France. 386.b. Roche-du-Maine Chevalier François, capitaine de gens, d'armes parle sagement & hardiment à l'Empereur assiegeant Fossan. 252.b. Rochelois & les habitans des isles voisines, obtiennent du Roy François pardon de la rebellion qu'ils avoient comise contre luy, & comme l'affaire se passa. Roquesparvere & chasteau Dauphin lieux forts, pourneant assaillis par les Imperiaux. Ruine fortuitte de la grosse tour du chasteau de Mila qui fur au Roy presage de la perte prochaine du Duché. 40.a. C Aillie furieuse des Fraçois assiegez en Fossan, en laquel-Dle Antoine de Leve fut quasi pris. Saillie de la garnison de Marseille sur les Imperiaux. 301.b. Saillie des Espagnols assiegez en Perpignan sur l'artillerie Françoile, & le devoir que feit monsseur de Brissac pour la defendre. 392.2. Saillie des François assiegez en Landrecy, en laquelle ils gaingnerent une piece d'artillerie sur les Bourguignons. 419.2, Sardagne assaillie, le Viceroy d'icelle mis en roupte, & la ville de Sassery prise par l'armée de mer Françoise, à laquelle commandoyent André d'Orie & Rance de Cere. 114.a. Savoye & les causes qui meurent le Roy François de l'envahir. 183.a. Savoye conquise par le Comte de S. Pol. 188.b. Secours du Roy Loys douziesme au Roy Iean de Navar re pour recouvrir son Royaume. Secours envoyé en Dannemarc par le Roy François. Secours tardif du Duc de Longueville aux François e-

ples.

Secours d'argent & de vivres amené par André d'Orie à l'Empereur estant en Provence.

313.4.

Secours envoyé par le Roy François au siege de Na-

79.0.

stans en Italie.

Secours de Ladrecy, avecques ample discours de	s Stra-	
tagemes qui y furent faicts.	421.2.	
Secours & refraichissement de Luxembourg, assi	egé par	
le Comre Guillaume de Fustemberg.	426.b.	
Separation de l'armée du Roy François estant	devant	
Pavie pour envoyer au Royaume de Naples.	83.a.	
Sforce assiegé par les Imperiaux dedans le chast		
Milan, de sorte qu'il est contrainct le mettre és m	ains de	
monfieur de Bourbon.	98.a.	
Siege de Terouene par les Anglois & Bourguign	ios.2.b.	
Siege de Dijon par les Suisses.	6.a.	
Siege de Bresse par le sieur de Lautrec.	18.2.	
Siege de Mesieres par les Bourguignons.	30. a.	
Siege de Parme par l'armée de la ligue, comme		
bien deffendue par les François.	43.3.	
Siege de Dourlens par les Bourguignons qui fut		
tinant levé.	48.a.	
Siege premier de Pavie par monsseur de Lautrec.		
Siege de Fontarabie par les Espagnols, levé par	le Ma-	
reschal de la Pallice.	58.4.	
Siege de Hedin par les Anglois & Bourguigno		
n'eut aucun effect.	60.a.	
Siege de Terquenne par les Flamens qui fut le		
apres.	61. b.	
Siege de Bayonne par les Espagnols, vaillamme	_	
stenu par monsieur de Lautrec.	70.a.	
Siege de Milan par monsieur de Bonnivet.	75.a.	
Siege de Marseille par monsieur de Bourbon.	80.4.	
Siege de Pavie par les François.	82.4.	
Siege de Naples par Lautrec.	112.4.	
Siege de Pavie par le Comte de S.Pol,	117.a.	
Siege de Florence par l'Empereur & le Pape.	126.2.	
Siege de Verceil par l'Amiral Brion, & discour		
qu'il devoit faire.	210.2.	
Siege devant Fossan par Antoine de Leve.	245.24	
Siege de Peronne par le Comte de Nansau,& con		
Mareschal de la Marchk & le sieur de Sercu se meire		
dans avec bon nombre de gens de guerre. 294.b. & 318.a.		
Siege de Hedin par le Roy François y estant en person-		
ne, & comme Hedin fut pris par composition.		
melon continue executivate bus bar combourtour	333.a.	

Surprise faicte par les Bourguignons des chevaux legers François qui estoyent sous la charge de monsieur de Villebon.

gnons pour trois mois par le moyen de la Royne de Hongrie.

346.b.

Suspention d'armes en Piemont pour trois mois entre monsieur d'Anguien & le Marquis du Guast. 444.a.

T

T Eligny capitaine François loué de ce qu'il se porta sagement au gouvernement du Duche de Milan & plus courtoisement que le seigneur de l'Escut son successeur.

Testamet de Philippes Archeduc d'Autriche, par lequel il institua le Roy Loys douziesme tuteur de son fils Charles qui sut depuis Empereur. 2.4.

Tais colonnel de l'infanterie Françoise à la bataille de Serizolles,& ce qu'il y feir.

Tais avec linfanterie Françoise apres la bataille de Serizolles prent la pluspart des villes de Montferrat. 438.b.

Tourmente sur le mont Cenis descrite amplement, en laquelle sut en grand danger le seigneur d'Annebault, y mourut le seigneur Carouges & plusieurs de la suitte d'iccluy sieur d'Annebault.

398.a.

Traitté à Cabray faict entre le Roy Loys, & l'Empereur Maximilian, & le Pape contre les Venitiens, & ce qui en advint.

Traitté à Noyon contre le Roy François & Charles Piin ce d'Espagne. 18.b.

Traitté de Madril pour la delivrance du Roy François.

Traitté à Cambray pour la delivrance de messieurs les enfans de France.

Traitté de paix entre l'Empereur & le Roy de France apres la prise de S. Disser, & les articles d'iceluy. 451.a.

Traitté de paix avec les Anglois pour le recouvremet de Boulongne.

469.b.

Trefve entre le Roy & l'Empereur pour 3, mois. 360, b. Trefve pour dix ansentre l'Empereur & le Roy François faicte à Nice.

Trimouille gouverneur pour le Roy en Picardie la defend sagement contre l'armée Angloise & Bourguignonne.

73.2.

Y

Vallence fortissé par le Roy François y estant en personne lors que l'Empereur estoit en Provéce. 288.a. Vassé capitaine Fraçois Lieutenat de la copagnie du seigneur de Montejean vainquit en dueil un Espagnol uomé Sanse de Leve pres Brignolles en Provence. 284.b.

Velly Ambassadeur pour le Roy François vers l'Empereur est entretenu par le sieur de Granvelle, & par l'Empereur d'esperance que le Duché de Milan seroit restitué au Roy, ou à l'un de ses enfans, frauduleusement toutesfois, & afin que l'Empereur eust ce pendant moyen de preparer ses forces pour venir en Provence.

Verone rendue par les Espagnols aux Venitiens. 18.2. Victoire du Roy François à Marignan contre les Suisses.

14. a.

Victoire de Serizolles amplement descrit.

Vistarin delivre Laude sa patrie de l'oppression des Imperiaux.

98.b.

Visitation que seit le Roy François au païs de Provence, apres que l'Empereur le sut retiré.

Visitation faicte des frotieres de ce Royaume par le Roy & l'ordre qu'il donna pour fortifier. 470.a.

wittemberg Duché d'Allemagne occupé par le Roy Ferdinad sur les Ducs legitimes, & les praticques & armées du Roy François pour les faire restituer.

Witemberg Duché d'Allemagne levé par force hors des mains du Roy Ferdinand à l'aide des Princes d'Allemagne.

178.a.b.

Vnion du Duché de Eretagne à la couronne de France faicte du consentement des estats du païs.

Vrbin osté par le Pape Leon à Francisque Marie, à l'aide du Roy François. 18.a.

Findela Table.

